


# Burum-Mindik Bible



The New Testament and portions of the Old Testament in the  
Somba-Siawari language of Papua New Guinea, also called the  
Burum Mindik language.

**Burum-Mindik Bible**  
**The New Testament and portions of the Old Testament in the Somba-Siawari language of Papua**  
**New Guinea, also called the Burum Mindik language.**  
**Sampela hap Buk Baibel long tokples Burum Mindik long Niugini**

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

---

PDF generated using Haiola and XeLaTeX on 18 Apr 2025 from source files dated 31 Aug 2023  
c0871260-68cc-5a50-953f-52200e105d1e

## Contents

FRT . . . . .	1
Jenesis . . . . .	3
Rut . . . . .	94
Jona . . . . .	101
Matyu . . . . .	105
Mak . . . . .	175
Luk . . . . .	216
Jon . . . . .	287
Aposol . . . . .	340
Rom . . . . .	409
1 Korint . . . . .	442
2 Korint . . . . .	472
Galesia . . . . .	494
Efesus . . . . .	506
Filipai . . . . .	518
Kolosi . . . . .	527
1 Tesalonaika . . . . .	535
2 Tesalonaika . . . . .	542
1 Timoti . . . . .	546
2 Timoti . . . . .	556
Taitus . . . . .	563
Filemon . . . . .	568
Hibru . . . . .	570
Jeims . . . . .	595
1 Pitö . . . . .	604
2 Pitö . . . . .	614
1 Jon . . . . .	620
2 Jon . . . . .	628
3 Jon . . . . .	630
Juda . . . . .	632
Indelindel . . . . .	635

# Urumelengö Buṅa Kimbi Jöhöjöhö Dölökṅi

**The New Testament and portions of the Old Testament in the Burum Mindik (Somba-Siawari) language of Papua New Guinea**

**Sampela hap Buk Baibel long tokples Burum Mindik long Niugini**

*Urumelengö Buṅa Kimbi*

*Jöhöjöhö Dölökṅi*

The New Testament and portions of the Old Testament in the Burum Mindik  
(Somba-Siawari) language of Papua New Guinea  
[bmu]

Translation by Wycliffe Bible Translators

© 1992, 2002, The Bible Society of Papua New Guinea

Print publisher: 1992, 2002 The Bible Society of Papua New Guinea

Web version  
2013, Wycliffe Bible Translators, Inc.  
[www.Wycliffe.org](http://www.Wycliffe.org)

<http://pngscriptures.org>

[www.ScriptureEarth.org](http://www.ScriptureEarth.org)

This translation is made available to you under the terms of the Creative Commons license (Attribution-Noncommercial-No Derivative Works).  
<http://creativecommons.org/licenses/by-nc-nd/3.0>

**Your are free to share** – to copy, distribute and transmit the text under the following conditions:

- **Attribution.** You must attribute the work to Wycliffe Inc. (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

**Notice** – For any reuse or distribution, you must make clear to others the license terms of this work.

## **Tok Orait**

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri**. Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating**. Na tu, **yu no ken senisim Tok**.

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela**. Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela**.

**Jöhöhöhö Dölökñi**

## Jenesis (Letotletot) Anutunöŋ jiiga yuai pakpak letotket. Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuainiri pakpak aka ambazip miwikŋaim enŋiiga siŋgisöndoknöŋ et etkuiga lömböt sihimbölöŋambuk mi gölme dop neŋgö çaknine öngöyök. Mewö et neŋguiga Anutunöŋ oyaenŋoyaen aka malbingö köna denöwöŋi mi arenŋöba miwikŋaiyök. Letotletot (Jenesis) buk kianŋö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yeŋgö malmalŋine mutuk mianŋöreŋ denöwö asuhuyök. Adam aka Iw, Kein aka Abel yeŋgö kösohotŋini. Noagö nalöŋe göulu ketaŋan asuhiba gölme turuyök. Babilon mianŋöreŋ miri köröpŋi kötökŋi meget.

2) Boŋ 12-50 Israel yeŋgö bömöŋ jalöurupŋini yeŋgö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yaŋgö andöŋe nahönŋi Aisak, isiŋi Jeikob qetŋi alaŋi Israel aka yaŋgö nahönurupŋi 12 miengö kösohotŋini könaŋi könaŋi. Azi 12 mi Israel könagesögö kambu 12 miengö bem bömöŋŋina aket. Bem bömöŋ Josefkö kösohotŋi mi tandökŋi kun. Denöwö asuhuiga Josefnöŋ mutuk Ijpt aniga yaŋgö andöŋe iwiŋi Jeikob aka darumunurupŋi pakpak yeŋön mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yeŋgö malmalŋinanŋö kösohotŋi gwötpuk jizapmö, Anutunöŋ denöwö ak enŋiyöhi, mianön kösohot miengö likepŋi bohönŋi akza. Malmalgö kösohot pakpak miengö ahakmeme azi bohönŋi mi Anutu. Könakönahiŋe suep, gölme aka mietkö yuainiri pakpak miwikŋaim enŋiiga siŋgisöndoknöŋ et etkuiga pöndaŋ Iwiŋini ölni mala bölöŋamŋini kewöta keuŋini jim teköba likepŋini melen enŋi çakŋine öngöi malget. Tosatŋan Anutugö keu bapŋe angeri, i ölopŋanök köyan köla enŋuanŋiri malmalŋinan mianŋö dop uteköba asuhuyök. Noagö nalöŋe saiwaŋi 8 yeŋön qahöpmö, ambazip tosati pakpak yeŋön kömuget. Könaŋep jöhöjöhö keuŋi mi Abraham aka gwölönarökurupŋi könaŋep asuhuger, yeŋgöra enŋiyök. Jöhöjöhö keu miengö dop Anutunöŋ könagesöurupŋan oyaenŋoyaen akingöra galöm köl enŋiiga mala kota mal öngöme. Ambazipnöŋ mönöwök denöwö Anutu möt narim waŋgigeri, kösohot tömbuŋi miengön mönö nalö kewöŋe mewöyök mötnaripninan guliba köhöimapköra bauköm neŋgimakze.

**Buk kianŋö bahöŋi bohönŋi 10 mi kewö:**

- 1) Suep, gölme aka yuai pakpak miwikŋaiyök. 1.1-2.25
- 2) Siŋgisöndokö lömböt sihimbölöŋambuk könahiyök. 3.1-24
- 3) Adamgö nalöŋeyök könahiba Noagöreŋ kaŋgorök. 4.1-5.32
- 4) Noagö nalöŋe o göulu ketaŋan asuhuyök. 6.1-10.32
- 5) Babilon miri köröpŋi kötökŋi meget. 11.1-9
- 6) Semgö nalöŋeyök könahiba Abramgöreŋ kaŋgorök. 11.10-32
- 7) Bömöŋ jalö karöbut Abraham, Aisak aka Jeikob 12.1-35.29
- 8) Isogö gwölönarökurupŋi mi kewö: 36.1-43
- 9) Josef aka yaŋgö darumunurupŋi 37.1-45.28
- 10) Israel könagesö yeŋön Ijpt malget. 46.1-50.26

*Anutunöŋ jim kutuiga yuai pakpak letotket.*

<sup>1</sup> Könakönahiŋe Anutunöŋ Suep aka gölme miwikŋaim etkiyök.

<sup>2</sup> Miwikñaim etkiiga gölme mi gwamönñi aka kizik-kazukñambuk ahöyök. Ahöiga o diginñambuk mi söñaupnöh turuiga tarök. Mewö tariga Anutugö Uña Töröñan o mienjö qakñine anda kaba malök.

<sup>3</sup> \*Mewö maliga Anutunöh kewö jim kutuyök: “Asakñan mönö asuhum tingitma.” Mewö jim kutuiga miri mönö asariyök.

<sup>4</sup> Asarii ehi mianjön mönö ölöwahiga asakñi pandamanöhök menden etkiyök.

<sup>5</sup> Asakñangö qetñi wehön asakñi aka pandamangö qetñi sunjem mewö etkoholök. Mewö etkoholiga wehön mutukñi teköiga miri söñaubu gianjiyök.

<sup>6</sup> Gianjiiga Anutunöh kewö jim kutuyök: “Mönö o sutñine suepkö jabö köhöikñi asuhuba o mendeniga euke aka emuke ahömahot.”

<sup>7</sup> Mewö jim kutuba suepkö jabö köhöikñi miwikñai mianjön o mendeniga tingita jabö qakñe euke aka jabö bapñe emuke ahöyohot. Mewö asuhuiga

<sup>8</sup> suepkö jabö köhöikñi eukeangö qetñi suep qerök. Mewö qeriga wehön yahötñi teköiga miri kunbuk söñaubu gianjiyök.

<sup>9</sup> Gianjiiga Anutunöh kewö jim kutuyök: “O suep bapñe ahözei, mi mönö qezakögetka kambu mohot aiga gölme örönñi asuhuma.” Mewö jim kutuiga mönö mewö asuhuyök.

<sup>10</sup> Mewö asuhuiga örönñangö qetñi gölme qeta o kambu tokogeri, mianjö qetñi köwet etkoholök. Etkohola etkehiga mianjön mönö ölöwahök.

<sup>11</sup> Ölöwahiga kewö jim kutuyök: “Gölme qakñe mönö yuai görökñi (töngönñi) pakpak kewö asuhuba wahötme: Gwözözak yuai kötninambuk mi mönö asuhuba wahöta kötnini kuñguba söhömakñe. Ip kösö tandökñini könañi könañi mönö gölmenöh asuhuba öñjini kötninambuk kuñguba söhömakñe.” Mewö jim kutuiga mönö kewö asuhuyök:

<sup>12</sup> Gölme qakñe yuai görökñi (töngönñi) pakpak asuhuba wahötmet. Gwözözak yuai kötninambuk tandökñini könañi könañi mi asuhuget. Ip kösö tandökñini könañi könañi mi gölmenöh asuhuba öñjini kötninambuk kuñgum söhöget. Mewö asuhuiga Anutunöh engehiga mianjön mönö ölöwahök.

<sup>13</sup> Wehön karöbutñi teköiga miri kunbuk söñaubu gianjiyök.

<sup>14</sup> Gianjiiga Anutunöh kewö jim kutuyök: “Suepkö jabö köhöikñe mönö asakñi asakñi asuhuba wehön aka sunjem mi menden etkiba kindu (yara) yambu, kömunjan kie nalö aka wehön nalö, gwani nalö aka silim mohot mohotkö aiwesökñina ahöme.

<sup>15</sup> Mienjön mönö suepkö jabö köhöikñi mianjören asakñi asakñi aka gölme mem asarime.” Mewö jim kutuiga mönö kewö asuhuget:

<sup>16</sup> Anutunöh asakñi ketani yahöt miwikñaim etkiyök: Asakñangö galömñi wehön jeni kiniga mianjö eretñi köinj mi sunjemgö galömña kindu ahöm öñgömahot. Senjelau mi mewöñanök miwikñaim enjiyök.

<sup>17</sup> Anutunöh mi suepkö jabö köhöikñe mianjören gölme mem asarimegöra al enjiyök.

<sup>18</sup> Mi gölme mem asariba wehön aka sunjem galömñina kindu asakñi aka pandamanñi menden etkimegöra al enjiyök. Mewö asuhuiga Anutunöh engehiga mianjön mönö ölöwahök.

<sup>19</sup> Wehön 4:ñi teköiga miri kunbuk söñaubu gianjiyök.

<sup>20</sup> Gianjiiga Anutunöh kewö jim kutuyök: “O köwet mienjö uruñine mönö yuai isikusukñinambuk asuhuba dop köla o qeba ölölanjöba lan anda kaba malme. Mewöñanök neiñi neiñi gölme qakñe könakemba bölbölgöba kutuba anda kaba malme.”

<sup>21</sup> Mewö jiba köwetkö sömbupñi ketani ketani aka yuai isikusukñinambuk tandökñini könañi könañi o qeba ölölanjöba qeqelanlan anda kamakzei, mi miwikñaim enjiyök. Mewöyök nei tandökñini könañi könañi ginginñinambuk mi miwikñaim enjiyök. Miwikñaim enjiba engehiga mianjön mönö ölöwahök.

<sup>22</sup> Ölöwahiga kötuetköm enjiba keu kewö jiyök: “Inini mönö köt moröñinambuk jul sehiba o köwet dop köla malme aiga nei inini mönö mewöñanök gölme qakñe ahum sehime.”

\* 1:3; 2 Kor 4.6; 2 Pitö 3.5

<sup>23</sup> Keu mewö jiiga wehön 5:ni teköiga miri kunbuk söñauba gianjiyök.

<sup>24</sup> Gianjiiga Anutunöŋ kewö jim kutuyök: “Gölme qakŋe mönö yuai pakpak malmalŋinambuk tandökŋini könaŋi könaŋi asuhume. Mirigö sömbupŋi, yuai bapŋinan köla ölölöŋgömakzei aka arökŋaŋgö sömbupŋi tandökŋini könaŋi könaŋi, mi mönö asuhume.” Mewö jim kutuiga mönö kewö asuhuget:

<sup>25</sup> Anutunöŋ arökŋaŋgö sömbupŋi tandökŋini könaŋi könaŋi mi miwikŋaim enġiyök. Mirigö sömbupŋi tandökŋini könaŋi könaŋi mi miwikŋaim enġiyök aka yuai pakpak bapŋini gölmenöŋ köla ölölöŋgömakzei, tandökŋini könaŋi könaŋi mi miwikŋaim enġiyök. Miwikŋaim enġiba enġehiga mianöŋ mönö ölöwahök. Mewö.

### *Anutunöŋ azi aka ambi miwikŋaim etkiyök.*

<sup>26</sup> \*Miangö andöŋe Anutunöŋ kewö jiyök: “Ayop, nini mönö azi nanine tandökö dop meinga kaisoŋgolomni ewö aka yuai pakpak galöm köl enġiba malma. Yuai pakpak mi köwetkö söraŋi, suepkö neiŋi aka mirigö sömbupŋi, gölme körek aka yuai pakpak bapŋini gölmenöŋ köla ölölöŋgömakzei, mönö miengö galömnina aka malma.”

<sup>27</sup> \*Mewö jiba nanŋi kaisoŋgolomŋaŋgö dop azi miwikŋaiyök. Anutugö kaisoŋgolomni ewö malmapköra i miwikŋaim waŋgiyök. Azi aka ambi malmahotköra i miwikŋaim etkiyök.

<sup>28</sup> Miwikŋaim etkiba i kötuetköba kewö jim kutum etkiyök: “Injiri mönö ahum sehiba gwölönarökpuŋ malohotka gölme dop köla malme. Mewö mala gölme toni akŋe. Mewö aka köwetkö söraŋi, könakembagö neiŋi aka sömbup mokoleŋ laigisip gölmenöŋ anda kamakzei, mönö mi pakpak galöm köl enġiba malme.”

<sup>29</sup> Mewö jiba keu kewö jiyök: “Mötket, nöŋön yöha könaŋi könaŋi gölme pakpak dop köla asuha waöhöta kötŋini kuŋgum söhömakzei aka ip kösö pakpak öl kötŋinambuk kuŋgum söhömakzei, mi numbu neneŋini akŋapköra al enġizal.

<sup>30</sup> Arökŋaŋgö sömbupŋi pakpak, könakembagö neiŋi pakpak aka yuai pakpak gölmenöŋ anda kamakzei aka tosatŋi pakpak söŋgöro ösumŋini örömakzei, yeŋgöra gwözözak görökŋi (töŋgöŋŋi) könaŋi könaŋi mi neneŋamŋini akŋapköra al enġizal. “Keu mewö jiiga mönö mewö asuhuyök.

<sup>31</sup> Asuhuiga Anutunöŋ yuai pakpak miwikŋaiyöhi, mi ehiga mönö ölöp kötökŋi aiga urusösöŋgai mörök. Wehön 6:ni teköiga miri kunbuk söñauba gianjiyök. Mewö.

## 2

### *Anutunöŋ kendon tarök.*

<sup>1</sup> Gianjiiga suepkö jakeni jakeni, gölme aka mietkö yuaiŋiri aködammunŋirambuk pakpak mi lök miwikŋaim enġim teköyök.

<sup>2</sup> \*Anutunöŋ nupŋi mi mei teköiga wehön 7 miangöreŋ kendon tarök. Nupŋi pakpak meyöhaŋgöra wehön 7 miangöreŋ luhut meyök.

<sup>3</sup> Miwimiwikŋai nupŋi pakpak meyöhaŋgöra aka wehön miangöreŋ luhut meyök. Miangöra wehön 7:ni mi kendon jiba kötuetköba jim kömbuhiyök. Mewö.

### *Oyaenköyaen miri qetŋi Eden*

<sup>4</sup> Anutunöŋ suep gölme miwikŋaim etkiiga asuhuyohoraŋgö kösohotŋi mi mewö. Kembu Anutunöŋ suep aka gölme miwikŋaim etkiyöhi, nalö miangöreŋ

<sup>5-6</sup> Kembu Anutugö jitsihitköra gölme qakŋe kie qahö yöhöiga nup kölkömötköra azi kun kude malökmö, gölme uruŋeyök bedunöŋ miyök kota gölme qakŋi dop köla mem samuruyök. Miangöra arökŋaŋgö ip kösö kun me sombengö gwözözak yuai kun mi gölmenöŋ qahö asuhum tinġita ahöyök.

\* **1:26:** 1 Kor 11.7; Mat 19.4; Mak 10.6      \* **1:27:** Jen 5.1-2      \* **2:2:** Hib 4.4, 10; Eks 20.11



<sup>7</sup> \*Nalö mianğören Kembu Anutunöñ gölme sömsöm memba mianğön azi mem yaköba malmalgö numbu ösumñi söñğöröñe ui geiga öröba guliba malmalgö uñañambuk ahök. Mewö.

<sup>8</sup> Mewö aiga Kembu Anutunöñ wehön kotkotñe göröken miri qetñi Eden mianğören oyaenköyaen nup kömöta azi miwikñaiyöhi, i mianğören al wañgiyök.

<sup>9</sup> Al wañgiba jiiga gölmenöhök ip tandökñini könani könani asuha wahötket. Ip mi eksihimñinambuk aiga ölni neneñi mi nahömñinambuk. Oyaenköyaen nup bibiñe malmal köhöikñañgö ipñi aka mötkutukutugö ipñi mi mohotñe jim kutuiga asuhuyohot. Mötkutukutugö ipñañgö könani kewö: Ölni nembra mianğön ölöpnñi aka bölöñi mietkö könani mi möt kutubahotpuk.

<sup>10</sup> Ip mewö wahötketka o töwatñi kun mi Edenök könahiba oyaenköyaen miri mem kelita mianğörenök eta jula o böröñi töwatñi 4 aka anget.

<sup>11</sup> O töwatñi mutukñañgö qetñi Pison, mi Hawila gölme körek liliköba ahöba anja. Gölme mianğören goul ahöza. \*

<sup>12</sup> Gölme mianğö goulñi mi ölöpnñi kötökñi akza. Sileqösösök umköhöwakñambuk qetñi bedelion aka köt ölnambuk qetñi oniks mi mewöyök mianğören ahözahot.

<sup>13</sup> O böröñi töwatñi jañgö 2 mianğö qetñi Gihon. Mi (Mesopotemiagö) gölme qetñi Kus mi körek liliköba ahöba anja.

<sup>14</sup> O böröñi töwatñi karöbutñi qetñi Taigris. Mi Asiria gölme wösöñe wehön kotkotñe göröken geba anja. O böröñi töwatñi jañgö 4 mianğö qetñi mi Yufreitis.

<sup>15</sup> Mewö aiga Kembu Anutunöñ azi wañgita oyaenköyaen miri Eden köl kömöta ek galöm akñapköra jiba al wañgiyök.

<sup>16</sup> Al wañgiba kewö jiba jim kutum wañgiyök: “Oyaenköyaen nup uruñe ip pakpak kin anjei, miengö ölni mi ölop amqeba mem nembra malman.

<sup>17</sup> Mimö, mötkutukutugö ipkö ölni mi mönö kude neman. Mi nembra ölöpnñañgö könani aka bölöñañgö könani möt kutuman ewö, gi mönö wehön mianğörenök kömum köhöiman. Mianğöra mi mönö kude neman.”

<sup>18</sup> Mewö jiba Kembu Anutunöñ jiyök: “Azinöñ nanñök maliga ölop qahö akza. Mianğöra nöñön mönö nanñi tandökñañgö dop alabaukñi miwikñaiman.”

<sup>19</sup> Mewö jiba arökñañgö sömbupñi pakpak aka könakembagö neiñi pakpak mi gölmenöñ miwikñaim enğiba azigö kösutñe enğuañgita azinöñ qetñini denöwö qetmawi, mi eka mötmapköra yañğören al enğiyök. Al enğiiga azinöñ yuai malmalñinambuk pakpak miengö qetñini mohok mohok qeriga Anutunöñ mewö mia ahömapköra jim köhöiyök.

<sup>20</sup> Mewö aiga azinöñ mirigö sömbupñi pakpak, könakembagö neiñi pakpak aka arökñañgö sömbupñi pakpak mi qetñini enğim teköyök. Enğim teköyökmö, nanñi tandökñañgö dop alabaukñi malmapköra kun qahö miwikñaiyök.

<sup>21</sup> Qahö miwikñaiiga Kembu Anutunöñ mi eka azi mem lömböriiga gaun lömbötñi ahöyök. Ahöiga maröm sihitñi kun öröba dumduñi busuñan mem gwözöñök.

<sup>22</sup> Gwözöñda azinöhök maröm sihitñi meyöhi, mianğön ambi meyök. I memba azigören wañgita kayök.

<sup>23</sup> Wañgita kaiga azinöñ i eka kewö jiyök:

“Yei! Ki nani tandöha. Yañgö sihit busuñi mi nani sihit busunöhök asuhuza.

Anutunöñ i azigö sile kitipñeyök mei letota azi tandök ewö maljawañgöra qetñi mönö ambi (azigö alañi) qetme.”†

<sup>24</sup> Mewö jiiga Anutunöñ kewö jim kutum etkiyök: “Mewö aiga azinöñ mönö iwinamñi etkömosöta anömñañgören qekötahöba silemohot aka malmahot.”

\* **2:7:** 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31      \* **2:11:** Hawila mi Babilonia gölmeğö jabö kösutñe ahöza.      † **2:23:** Inklis keu eknöñ: man aka woman keu yahöt mi öröröñ tandök akzahot.

<sup>25</sup> Azi mianjōn anōmṅambuk opo sōrōṅjiri qahō aukṅe malohotmō, tōndup nanṅiranṅō gamuṅjiri qahō mōta malohot. Mewō.

### 3

#### *Adam aka Iw Anutugō keuṅi qetala et etkuyōk.*

<sup>1</sup> \*Kembu Anutunōṅ gölmegō sömbup malmalṅinambuk pakpak miwikṅaim enṅiyōhi, miengō sutṅine mokoleṅnōṅ isimkakalek mötmōtnōṅ sömbup pakpak mi enṅoṅgita öṅgöyōk. Mewō öṅgōba ambigōra kewō jiyōk: “Oyaenṅkoyaen mire ip pakpak kin anjei, miengō öṅṅini kun kude nemahotkōra Anutunōṅ öṅṅa jim kutum etkiyōk me qahō?”

<sup>2</sup> Mewō jiiga ambinōṅ melenṅa mokoleṅgōra kewō jiyōk: “Oyaenṅkoyaen mire ip tosatṅi kin anjei, miengō öṅṅini mi ölöṅ nembitkōra jiyōk.

<sup>3</sup> Mimō, miri bibiṅe ip kun kinjawi, miangō öṅṅi mi nemba kömumbitpukōra mönō kewō jiyōk: ‘Mi mönō kude nemahot. Mia kude misirimahot.’ Mewō jim kutum netkii maljit.”

<sup>4</sup> Mewō melenṅa jiiga mokoleṅnōṅ ambigōra kewō jiyōk: “Mi saumbaṅ! Injiri kude kömumahot.

<sup>5</sup> Mimō, ip miangō öṅṅi mi neyohotka wehōn miangōreṅōk mönō jeṅṅiran tohoiga Anutu ewō aka ölöṅṅangō könaṅi aka bölōṅṅangō könaṅi möt tekōmahot. Anutunōṅ keu mi mōta mewō asuhubapukōra keuṅi mewō jiyōk.”

<sup>6</sup> Mewō jiiga ambinōṅ ip mi uba ehiiga öṅṅi ölöṅṅi nenenṅangō dop ahök. “Mi eksi-himṅambuk kiniga mötkutukutu ketanṅi awamṅanök niṅgima,” mewō mötmōriba öṅṅi kun meköba neyōk. Nemba apṅi yambuk malōhi, i tok waṅgiiga neyōk.

<sup>7</sup> Neiga jeṅṅiran mönō miangōreṅōk tohoiga silenṅjiri aukṅe malohori, mi anṅek kutuyohot. Mewō anṅek kutuba kinda fig ipkö sinṅi mumburatiba opo sōrōṅjiri uba lata malohot.

<sup>8</sup> Malohotka wehōn jeṅṅi geiga miri löwōriiga Kembu Anutunōṅ oyaenṅkoyaen mire tiba kaiga köna ötoṅi mörohot. Mi mōta awanōm yetkōn Kembu Anutugō jemesoholṅeyōk mömōlakōba oyaenṅkoyaen mirigō ip uruṅine anda asambōrohot.

<sup>9</sup> Asambōrohotmō, Kembu Anutunōṅ azigō qeta kewō jiyōk, “Gi mönō denike maljane?”

<sup>10</sup> Mewō qeta jiiga kewō melenṅnök: “Gi oyaenṅkoyaen miri uruṅe tiba kanōṅga köna ötoṅi mōta silenṅi aukṅe maljalangōra keṅgōtni mötzal. Miangōra mömōlakōba asambōta maljal.”

<sup>11</sup> Mewō melenṅniga kewō jiyōk: “Gi sile aukṅe maljani, mi mönō daṅōn jii mötzan? Nōṅōn ip kungō kötni nembanbukō soṅgo al gihiali, göṅōn miangōreṅōk kun nezan me?”

<sup>12</sup> Mewō jiiga azinōṅ kewō jiyōk: “Ambi nömbuk malmapkōra niṅṅinōṅi, yanōṅ mönō ip miangō kötni niṅgiiga nezal.”

<sup>13</sup> Mewō jiiga Kembu Anutunōṅ ambi kewō qesim waṅgiyōk: “Göṅōn wuanōṅgōra mewō akzane?” Qesim waṅgiiga kewō melenṅnök: “Mokoleṅnōṅ mönō tilipköm niṅgiiga nezal.”

#### *Anutunōṅ likeṅṅi melenṅa lömböt enṅimapkö jiyōk.*

<sup>14</sup> Mewō melenṅniga Kembu Anutunōṅ mokoleṅgōra kewō jim waṅgiyōk: “Mewō akzanangōra aka gi mönō mirigō sömbupṅi pakpak aka arökṅangō sömbupṅi pakpak yeṅgō sutṅiṅe kewō jim qesuahōm gihibiga malman: Göṅōn mönō gölmenōṅ malmanangō dop bapkan köla anda kaba sömsöm uruṅe mala nesak yuai nemakṅan.

<sup>15</sup> \*Mewō nemba ambibuk sutṅire kerök al etkibiga mi mōta malman. Kerök mi göhō gwölōnarökurupki aka yaṅgō gwölōnarökurupṅi yeṅgō sutṅine toroqeba ahōm öṅgōi kewō asuhuma: Yeṅgōreṅōk azi kunōṅ mönō göhō nöropki tölölahōiga göṅōn yaṅgō köna gwakōtni yöhösulmakṅan.”

\* 3:1: Ind 12.9; 20.2; 2 Kor 11.3; 1 Tim 2.14 \* 3:15: Ind 12.17; Hib 6.8

<sup>16</sup> Toroqeba ambi kewö jim wanğiyök: “Göñön gölömgabuk aka malnönğa sihimbölöñi ketanji al gihibiga masö ahum gihiga möta morö mem enğimakñan. Mi töndup sihingan mönö apkahöra ahöm gihiga yanön galömgi aka malma.”

<sup>17</sup> Toroqeba azi kewö jim wanğiyök: “Nöñön ip kungö ölnji nembanbuköra ‘Mia kude neman,’ jiba sonjo al gihialmö, göñön mi töndup anömgahö keunji wuatangöba nezan. Mianğöra nöñön gölme mi göhöra aka saiköbiga ahöma. Mewö ahöiga göñön gölmenöñ malmanangö dop mönö sileqeçe aka nup gwötpuk memba sihimbölö möta nenegi miwikñaiba malman.

<sup>18</sup> Nup memba malnönğa göhö nene nupnöñ nungakal, koururuk (köwörörök) yuai mi asuhuiga arökñangö yöha yuai mi memba malman.

<sup>19</sup> Mewö mala mesoholge nöngöp ariba nup memba tup yakagi mewö memba mala gölmenöñ mem gihiali, gölme mianğoreñ mönö kunbuk lilingöba geman. Silegi gwakömnöñ mem gihibiga mala öngöbagun mönö kunbuk gwaköm akñan. “Mewö jim wanğiyök.

<sup>20</sup> Azinöñ anömñi yuai pakpak malmalñinambuk maljei, miengö namñini aiga azinöñ qetñi Iw (Ewa) qerök. \*

<sup>21</sup> Kembu Anutunöñ sömbup silenjan opo söro memba Adam anömñet lat etkiiga malohot.

*Anutunöñ Adam aka Iw Eden mianğoreñök közöl etkiyök.*

<sup>22</sup> \*Mewö malohotka Kembu Anutunöñ kewö jiyök: “Yei! Ambazip mi neñgöreñök kungö dop aka ölöññi bölöñi mietkö könañiri lök mendenj etkibitkö mötzahot. Mewö aiga malmal köhöikñangö ip kötnji kude nemahotköra sonjo alalmö, yetkön nalö kewöñe toroqeba böröñiri böranda mi mewöyök mem memba mewö mianjön qahö kömumba teteköñi qahö köhöikñanök mal öngöbahotpuk.”

<sup>23</sup> Mewö jiba mianğöra oyaenköyaen nup Eden mianğoreñök közöl etkiba gölmenöhök mem etkiyöhi, mönö gölme mianğoreñök kölkömöt nup memahotköra melaim etkiiga yaigep geba anohot.

<sup>24</sup> Ambazip mewö közöl etkiba oyaenköyaen miri Edengö likepñe wehön kotkotñe göröken zerubim garata tosatñi al enğiiga malmal köhöikñangö ip mianğö könañi utuba galöm kölget. Yengö böröñine bimgö souñi ketanji aliga mianjön köñöp bölam ewö gilikbilikñambuk jeba andöñe wösöñe liliköba biliksikö dop aiga kinda galöm köla malget. Mewö.

## 4

*Keinöñ Abel qei kömuyök.*

<sup>1</sup> Azi Adamnöñ anömñambuk mala amiyohotka Iwnöñ (Ewa) gölöm ala Kein (Kain) meyök. Memba Kein qetköra kewö jiyök: “Anutunöñ bauköm niñgiiga nahöni mezal.”

<sup>2</sup> Iwnöñ könañep Adamgö nahöññi Abel, Keingö munñi meyök. Abelnöñ mala qariba lama galömñina aiga Keinöñ kölkömöt azia aka malök.

<sup>3</sup> Mewö malohotka nalö kunöñ Keinöñ nupkö nene tosatñi memba kaba Kembangöra jöwöwöl ohom wanğiyök.

<sup>4</sup> \*Abelnöñ mewöyök lama kambuñangö mutuk asuasuhunji tosatñi meköba enğuba kitipñi kelökñinambuk memba kaba Kembangö jöwöwöl ohoyök. Ohoiga Kembunöñ Abel nanñi aka jöwöwölñi etkeka möri ölöwahök.

<sup>5</sup> Ölöwahökmö, Kembunöñ Kein aka yangö jöwöwölñi mi ek tököyök. Mewö aiga Keingö irimñi seholiiga kömbuhiba jemesoholñan bosoliyök.

<sup>6</sup> Bosoliiga Kembunöñ Keingöra kewö jii mörök: “Iringi mönö wuanöñgöra seholiiga jemesoholgan bosoliza?”

\* **3:20:** Iw keu mianğö könañi mi ‘Malmal maljei, miengö namñini.’ \* **3:22:** Ind 22.14 \* **4:4:** Hib 11.4

<sup>7</sup> Gi yuai ölopñi aknõnga möt anğon köl gihibiga ölop jemesoholgi öhal (hak) akñan me qahö? Yuai ölopñi qahö aknõnga singisöndokö Tonjan mönõ urugahö nanğunje kinda göhöra ak gihiba mönõmakza. Mewö mönõmakzapmõ, göñon mönõ miangö soñgo ala galöm memba luhut alman.”

<sup>8</sup> Kembunõñ Keingöra mewö jii mörökmõ, Keinõñ tøndup munñi Abelgöra kewö jiyök: “Mönõ nanirök nupnõñ anbit. “Mewö jiiga nupnõñ anda mala Keinõñ luhuba munñi Abel qelanjiba memba qeba qei kömuyök.\*

<sup>9</sup> Kömuiga Kembunõñ Kein kewö qesim wañgiyök: “Munñi Abel mi denike malja?” Qesim wañgiiga kewö melenñök: “Ni qahö mötzal. Ni munangö jegalõma qahö akzal.”

<sup>10</sup> Mewö melenñiga Kembunõñ jiyök: “Gi wani yuaia akzan? Mötnõñ, mungahö sepñan mönõ gölmenöhök qeriga mötzal.\*

<sup>11</sup> Gölme kianğö numbuñan añañiba mungahö sep börögeyök mezawi, nõñon mönõ kianğoreñök közöl gihibi anman. Joramörahö mi mönõ göhö qake albi öngöza.

<sup>12</sup> Közöl gihibiga kölkömöt nup menõnga gölmenõñ möriamñangö öññi anğon köl gihiiga gölme dop mömõlakõba kekelolo aka ölöñ köla lañ anda kaba malman.”

<sup>13</sup> Mewö jiiga Keinõñ Kembugöra kewö jiyök, “Keunangö likepñi melenñõnga qakne öngözawi, mianñon mönõ ösumni onğiri lömbõriiga bisimangö osimam.

<sup>14</sup> Mötnõñ, gi merak ni nupqeçe gölmenöhök nuatangõnõnga jemesoholgeyök mömõlakõba gölme dop kekelolo aka ölöñ köla lañ anda kaba malmam. Mianğöra kunñan ni neka ölop nuñgui kömumbilenbuk.”

<sup>15</sup> Mewö jiyökmõ, Kembunõñ kewö jii mörök: “Mewö qahö. Kunñan Kein qei kömuma ewö, miangö likepñi mönõ yanğö qakñe öngöiga ambemñi 7 akña. “Mewö jiba kunñan Kein miwikñaiba i qei kömumbapukõra silenje aiwesök kulem kun alök.

<sup>16</sup> Mi aliga Kembugö jemesoholñi mosõta anda anda gölme qetñi Lanlan lilikqilik (Nod) miangõreñ anğota malök. Gölme mi Edenök wehõn kotkotñe görõken ahõza. Mewö.

### *Keingö gwölõnarõkurupñi*

<sup>17</sup> Keinõñ anõmñambuk mala amiyohotka gölöm ala Henok meyök. Keinõñ taon kun memba nahõnñangö qetñi Henok qet wañgiyök.

<sup>18</sup> Henokõ nahõnñi qetñi Irad. Iradkõ nahõnñi Mehujael. Mehujaelgö nahõnñi Metusael. Metusaelgö nahõnñi Lamek. Mewö asuhuget.

<sup>19</sup> Lameknõñ ambi yahöt etkõmeyök: Kun qetñi Ada, kun qetñi Zila.

<sup>20</sup> Adanõñ gölöm ala Jabal meyök. Yanñon ambazip opo seri koumñine ahõba mala bau bulmakau galöm köl enğiba maljei, yeñgö bömõnñini ahök.

<sup>21</sup> Jabalgö munñangö qetñi mi Jubal. Yanñon ambazip gita kulele qeba awölop uba maljei, yeñgö bömõnñini ahök.

<sup>22</sup> Zilanõñ mewöyök nahõnñi qetñi Tubal-Kein meyök. Yanñon qariba börögö tulsñi aka bimqeçegö yuainñi kõnañi kõnañi mi bras aka ainõñ ohoi kolkolgõi qekõtahõba mezapma. Tubal-Keingö nenñi qetñi Nama.

<sup>23</sup> Lameknõñ nalõ kunõñ anõmyahõtñi mi kewö jii mörohot, “Ada aka Zila anõmyahõtñi, inñiri mönõ kezap ala keuni ki mötmahot: Kunñan nuñgum kuziriga uzinañgö kitipñangõra mönõ azi kun qebi kömuma. Kunñan nuñgum miziriga gurusep (gulibambam) löpõtñangö kitipñangõra mönõ azi gwabõ kun qebi kömuma.

<sup>24</sup>\*Kunñan Kein qeiga likepñi yanğö qakñe öngöiga ambemñi 7 akñapmõ, kunñan Lamek ni nuñguiga miangö likepñi mönõ yanğö qakñe öngöiga ambemñi 77 akña. “Mewö.

### *Set aka Enos*

\* 4:8: Mat 23.35; Luk 11.51; 1 Jon 3.12 \* 4:10: Hib 12.24 \* 4:24: Mat 18.22



<sup>25</sup> Azi mutukñi Adam yañon kunbuk anömñambuk mala amiyohotka nahönñiri kun memba kewö jiyök: “Keinön Abel qei kömuyöhañgöra Anutunön Abelgö salupñe nahöni kun ningiza. “Miangöra qetñi Set (Ningiza) qerök.

<sup>26</sup> Setkö nahönñi mewöyök asuhuiga qetñi Enos qerök. Mewö.

Nalö miangören ambazip yeñon könahiba Kembugö qetñi köuluköba malget. Mewö.

## 5

### *Adamgö gwölönarökurup yengö qet arenjini*

#### *1 Hist 1.1-4*

<sup>1</sup> \*Adamgö isimorö aka amböisikurupñi yengö qet arenjini papianjini ki. Anutunön azi miwikñaiyöhi, yañon mi nanñi kaisongolomñangö dop meyök.

<sup>2</sup> Mewö memba azi ambi malmahotköra miwikñaim etkiba nalö miangören qetñiri ambazip \* qeta kötuatköm etkiyök.\*

<sup>3</sup> Adamnön mala yambuñi 130 aiga nahönñi kun asuhuyök. Mi Adam nanñi kaisongolomñi aka tandökñangö dop maliga qetñi Set qerök.

<sup>4</sup> Set asuhuiga nalö miangörenök Adamnön toroqeba yambu 800 mala mala maliga nalö sutñe miangören nahönböratñi tosotñi asuha öngöget.

<sup>5</sup> Adamnön mewö mala öngöba yambuñi mindiriba 930 meköba kömuyök.

<sup>6</sup> Kömuiga nahönñi Set yañon yambuñi 105 aiga nahönñi Enos asuhuyök.

<sup>7</sup> Enos asuhuiga nalö miangörenök Setnön toroqeba yambu 807 mala mala maliga nalö sutñe miangören nahönböratñi tosotñi asuha öngöget.

<sup>8</sup> Öngögetka Setnön mala mala öngöba yambuñi mindiriba 912 meköba kömuyök.

<sup>9</sup> Kömuiga nahönñi Enos yañon yambuñi 90 aiga nahönñi Kenan asuhuyök.

<sup>10</sup> Kenanön asuhuiga nalö miangörenök Enosnön toroqeba yambu 815 mala mala mal öngöiga nalö sutñe miangören nahönböratñi tosotñi asuha öngöget.

<sup>11</sup> Öngögetka Enosnön mala mala öngöba yambuñi mindiriba 905 meköba kömuyök.

<sup>12</sup> Kömuiga nahönñi Kenan yañon yambuñi 70 aiga nahönñi Mahalalel asuhuyök.

<sup>13</sup> Mahalalel asuhuiga nalö miangörenök Kenanön toroqeba yambu 840 mala mala mal öngöiga nalö sutñe miangören nahönböratñi tosotñi asuha öngöget.

<sup>14</sup> Öngögetka Kenanön mala mala öngöba yambuñi mindiriba 910 meköba kömuyök.

<sup>15</sup> Kömuiga nahönñi Mahalalel yañon yambuñi 65 aiga nahönñi Jared asuhuyök.

<sup>16</sup> Jared asuhuiga nalö miangörenök Mahalalelnön toroqeba yambu 830 mala mala mal öngöiga nalö sutñe miangören nahönböratñi tosotñi asuha öngöget.

<sup>17</sup> Öngögetka Mahalalelnön mala mal öngöba yambuñi mindiriba 895 meköba kömuyök.

<sup>18</sup> Kömuiga nahönñi Jared yañon yambuñi 162 aiga nahönñi Enok asuhuyök.

<sup>19</sup> Enok asuhuiga nalö miangörenök Jarednön toroqeba yambu 800 mala mala mal öngöiga nalö sutñe miangören nahönböratñi tosotñi asuha öngöget.

<sup>20</sup> Öngögetka Jarednön mala mala mal öngöba yambuñi mindiriba 962 meköba kömuyök.

<sup>21</sup> Kömuiga nahönñi Enok yañon yambuñi 65 aiga nahönñi Metusela asuhuyök.

<sup>22</sup> Metusela asuhuiga nalö miangörenök Enoknön yambu 300:gö dop urunñi Anutubuk jöhöba anda kaba maliga nalö sutñe miangören nahönböratñi tosotñi asuha öngöget.

<sup>23</sup> Öngögetka Enoknön mala mal öngöba yambuñi mindiriba 365 meköyök.

<sup>24</sup> Meköba urunñi Anutubuk jöhöba anda kaba maliga Anutunön öne wañgiriga ataton (jiataton) kölok.\*

<sup>25</sup> Ataton köliga nahönñi Metusela yañon yambuñi 187 aiga nahönñi Lamek asuhuyök.

<sup>26</sup> Asuhuiga nalö miangörenök Metuselanön toroqeba yambu 782 mala mal öngöiga nalö sutñe miangören nahönböratñi tosotñi asuha öngöget.

\* 5:1: Jen 1.27-28 \* 5:2: Ambazip mi Hibu keunön adam. \* 5:2: Mat 19.4; Mak 10.6 \* 5:24: Hib 11.5; Jud 14

<sup>27</sup> Öngögetka Metuselanöŋ mala mala mal öngöba yambuŋi mindiriba 969 meköba kömuyök.

<sup>28</sup> Kömuiga nahönŋi Lameknöŋ yambuŋi 182 aiga nahönŋi kun asuhuyök.

<sup>29</sup> Asuhuiga qetŋi Noa (kölalep) qeta kewö jiyök: “Anutunöŋ gölme saitköiga nini börönanan nup köl kömöta sileqeçe aka sihimbölä möta malinga morö kianön mönö ölop urukölalep neŋgimakŋa.”

<sup>30</sup> Noa asuhuiga nalö mianğöreŋök Lameknöŋ toroqebe yambuŋi 595 aiga nalö sutŋe mianğöreŋ nahönböratŋi tosatŋi asuhaba öngöget.

<sup>31</sup> Öngögetka Lameknöŋ mala mala mal öngöba yambuŋi mindiriba 777 meköba kömuyök.

<sup>32</sup> Lameknöŋ kömuiga nahönŋi Noa yaŋön yambuŋi 500 aiga nahönurupŋi karöbut qetŋini Sem, Ham aka Jafet asuhuget. Mewö.

## 6

### *Gölme ambazipnöŋ böliba aŋğöjörakŋinambuk aket.*

<sup>1</sup> \*Ambazip gölme qakŋe malgetka qötöŋinan könahiba qariiga böraturupŋini mi mewöyök asuhuget.

<sup>2</sup> Asuhugetka nalö mianğöreŋ Anutugö nahönurupŋi yeŋön ambazip yeŋgö böraturupŋini eŋgetka eksihimŋinambuk aketka eŋgek sorigeranğö dop mi pakpak eŋğömegetka anömurupŋini aket.

<sup>3</sup> Mewö aketka nalö mianğöreŋ Kembunöŋ keu kewö jiyök: “Gölme ambazipnöŋ silebuk nalö teteköŋi qahö mal öngömemö, yeŋön mönö kömume. Areni mi mewö al eŋgizal. Nalö kewöŋeyök könahiba malmalŋini mönö yambu 120 jaŋgö mi qahö oŋgita mal öngöme.”

<sup>4</sup> Anutugö nahönurupŋi yeŋön gölme ambazip yeŋgö böraturupŋini eŋğömegetka morö mem eŋgigetka nalö mianğöreŋ aka könaŋgep mewöyök azi weliwelipŋinambuk mönö asuhaba qariba gölmenöŋ malget. Möpŋanğö möpŋeyök bemurup qetbuŋaŋinambuk malgeri, yeŋön mönö mia aket.\*

<sup>5</sup> Gölme ambazip yeŋgö bölöŋamŋini mi keta bölökŋi aiga uruŋinaŋgö mötmöt areŋini pakpak mi nalö dop qösösök (qörörök) bölöŋanök pakpak aka malgeri, mi Kembunöŋ ehök.

<sup>6</sup> Mi eka ambazip miwikŋaim eŋgiiga gölmenöŋ malgeri, mianğöra Anutunöŋ möt bölim aŋguiga wösöbiriknöŋ uruŋi kokolak qeiga sihimbölä möta malök.

<sup>7</sup> Mewö möta mala keu kewö jiyök: “Ambazip miwikŋaim eŋgiali, nöŋön mönö mi gölmenöhök qeteköm eŋgimam. Ambazip, mirigö sömbupŋi, yuai bapŋinan köla ölölöŋgömakzei aka könakembagö neiŋi mi miwikŋaim eŋgialanğöra möt bölim aŋguba mi mönö qeköm eŋgimam.”

<sup>8</sup> Mewö jiyökmö, azi Noa yaŋön Kembugö jeŋe ak-kömükömu miwikŋaiyök.\*

<sup>9-10</sup> Noagö gwölönarökurupŋi mi eŋgö kösohotŋini mi kewö: Nahönurupŋi karöbut qetŋini Sem, Ham aka Jafet mi asuhuget. Noanöŋ ambazip sutŋine azi solanŋi köpösihitkö keuŋi qahö mala uruŋi Anutubuk jöhöba anda kaba malök.\*

<sup>11</sup> Noanöŋ mewö malökmö, ambazip tosatŋi pakpak yeŋön Anutugö jeŋe goŋgiba bölim tekögetka ambazip ayuhum eŋgi eŋgi mi gölme körek dop köla ahöyök.

<sup>12</sup> Ambazip pakpak gölmenöŋ anda kaba malmalŋini mem bölim tekögetka miri gölme pakpak yeŋgö ahakmemeŋini mi goŋgiba aŋğöjörakŋinambuk aiga Anutunöŋ gölme uba tandökŋini mi mewö ehök.

### *Waŋge memegö areŋi*

\* 6:1: Job 1.6; 2.1 \* 6:4: Jan 13.33 \* 6:8: Mat 24.37; Luk 17.26, 1 Pitö 3.2 \* 6:9-10: 2 Pitö 2.5

<sup>13</sup> Mewö eka Anutunöŋ Noagöra keu kewö jii mörök: “Ambazip yengöra aka ayuhum engienŋi mi gölme körek dop köla ahöza. Miangöra nöŋön ambazip pakpak mem kömum teköm engimangöra mönö keuni jöhöyal. Mötnöŋ, nöŋön mönö onöŋ gölme melenŋi geiga yuai pakpak isikusukŋinambuk mi kömum teköme.

<sup>14</sup> Miangöra göŋön mönö suman ip köla mianön nangahöra waŋge kun meman. Miangö uruŋi kutunöŋga uruŋi morömorö asuhume. Waŋgegö uruŋi aka silenŋi mi qandöŋnöŋ me gisak marasinöŋ kösiba ohom teköman.

<sup>15</sup> Waŋge mi kewö meman: köröpŋamŋi 133 mita (450 fit), andipŋi 22 mita (75 fit) aka köŋepŋi 13 mita (45 fit) mewö meman.

<sup>16</sup> Boŋi muhungöba sel aka bo sutŋire liliköba jeŋgenanŋ tiŋi 44 sentimita (18 ins) mi mosöta kötohoman. Waŋgegö uruŋi mösöŋnöŋga uruŋi qakŋi, kembanŋi aka dutŋi karöbut asuhume. Waŋge nanŋuŋi mi namŋe alman.

<sup>17</sup> Mötman! Nöŋön mönö jibiga göulu ketanŋan kota gölme jömukŋi köl turuiga ambazip aka yuai malmalgö ösumŋinambuk pakpak suep bapŋe maljei, mienön mönö o nempa nemulahöba kömume. Mewö kömumba gölmegö yuai pakpak mi mönö qahöwak teköme.

<sup>18</sup> Mewö asuhumapmö, nöŋön göbuk jöhöjöhö arenŋ kewö akzal: Gi mönö waŋgenöŋ öŋgöman. Gi, anömgŋi aka nahöniranurupki enöŋ mönö mohotŋe waŋgenöŋ öŋgöme.

<sup>19</sup> Öŋgöba mala yuai malmalŋinambuk pakpak mi qahöwak teköbepuköra yengöreŋök yahöt yahöt aziŋi aka ambiŋi mi dopŋine enŋuanŋitnöŋga göbuk mohotŋe waŋgenöŋ öŋgöme.

<sup>20</sup> Nei tandökŋini könanŋi könanŋi, mirigö sömbupŋi tandökŋini könanŋi könanŋi aka gölmegö mokoleŋ, lolohom yuai tandökŋini könanŋi könanŋi körek yengöreŋök yahöt yahöt mi mönö kömumbepuköra enŋuanŋitnöŋga göhöreŋ kaŋgotketka öŋgöme.

<sup>21</sup> Mewöyök nanŋini aka nei, sömbup yuai pakpak yeŋön nemeaŋgö dop mönö numbu nene könanŋi könanŋi miwikŋaiba otonŋ qezaköba waŋgenöŋ alnöŋga kahaimök ahöma.”

<sup>22</sup> \*Anutunöŋ Noa mewö akŋapkö jim kutum waŋgiiga miangö dowök mönö tem köla mi pakpak ahök. Mewö mia aka mem teköyök.

## 7

### *Ambazip aka sömbup pakpak mi waŋgenöŋ öŋgöget.*

<sup>1</sup> Noanöŋ waŋge mem teköiga Kembunöŋ keu kewö jii mörök: “Gi ambazip kambu kiengö sutŋine solanŋi aka maljan. Nöŋön göhö könanŋamgi mewö miwikŋaizal. Miangöra gi aka saiwaurupki pakpak inŋini mönö waŋgenöŋ öŋgöme.

<sup>2</sup> Sömbup nenenŋi, dönqizizinnŋini qahö mi pakpak yengöreŋök sewen sewen, aziŋi 7 aka ambiŋi 7 dopdop engömenöŋga göhöreŋ kaŋgotme. Mewöyök sömbup dönqizizinnŋinambuk pakpak yengöreŋök yahöt yahöt aziŋi aka ambiŋi mewö engömenöŋga göhöreŋ kaŋgotme.

<sup>3</sup> Toroqeba nei könanŋi könanŋi pakpak yengöreŋök mewöyök sewen sewen, aziŋi 7 aka ambiŋi 7 mi enŋuanŋitnöŋga göbuk waŋgenöŋ öŋgöme. Mewö aknöŋga sömbup aka nei tandökŋini könanŋi könanŋi pakpak mi kude qahöwakŋemö, toroqeba gölmenöŋ ahumsehip aka malme.

<sup>4</sup> Öŋgögetka wehön 7 teköiga jim kutubiga kie römbum ketanŋan mönö gölmenöŋ eta yöhöiga sunŋem silim 40:gö dop toroqeba yöhöm teköma. Mewö yöhöiga yuai isikusukŋinambuk pakpak miwikŋaim enŋiali, mi mönö mohotŋe jim teköbiga gölmenöhök qahöwakŋe.”

<sup>5</sup> Kembunöŋ Noa mewö akŋapkö jim kutum waŋgiiga miangö dowök mönö tem köla mi pakpak ak teköyök.

<sup>6</sup> Mewö mia aka meiga yambuŋi 600 aiga göulu ketanŋan gölme qakŋe kaŋgorök.

\* 6:22: Hib 11.7

<sup>7</sup> \*Kaŋgotmapkö aiga Noa anömŋet aka nahöniranurupŋiri yeŋön mohotŋe gölunön kömumbepuköra ölöŋ köla waŋgenön öŋgöget.

<sup>8</sup> Mewöyök sömbup nenenŋi, döŋqizizinnŋini qahö aka sömbup döŋqizizinnŋinambuk aka nei aka yuai pakpak bapŋinan köla ölölöŋgömakzei,

<sup>9</sup> mi yahöt yahöt pakpak aziŋi aka ambiŋi mi dopdopŋine waŋgenön öŋgöba Noagören kaget. Anutunön Noa jim kutum waŋgiyöhi, mi mönö miangö dop asuhuyök. Mewö.

*Gölunön ambazip turum eŋgi kömuget.*

<sup>10</sup> Mewö asuhuiga wehön 7:göra jiyöhi, mi teköiga göulu ketaŋan gölme qakŋe kaŋgorök.

<sup>11</sup> \*Noanön yambuŋi 600 aiga yambu miangö köiŋi 2 miangö wehönŋi jaŋgö 17 silim miangören o jeŋi pakpak, o diginnŋinambuk miengö namŋini pakpak mi emuyök qariba qariba kotket. Mewöyök euyaŋgören könakembagö oŋi oŋi miengö numbuŋini mi aŋaŋiget.

<sup>12</sup> Kie römbum ketaŋi mi gölmenön eta yöhöba yöhöba suŋgem silim 40:gö dop ahöyök.

<sup>13</sup> Kienön könahimapköra aiga wehön miangören Noa aka nahönurupŋi Sem, Ham aka Jafet, Noagö anömŋet aka iranurupŋiri karöbut yeŋön mohotŋe waŋgenön öŋgöm teköget.

<sup>14</sup> Toroqeba arökŋaŋgö sömbupŋi aka mirigö sömbupŋi pakpak, yuai pakpak bapŋinan köla ölölöŋgömakzei, nei pakpak aka yuai ginnŋinambuk pakpak mi ambazip yembuk mohotŋe waŋgenön öŋgöm teköget.

<sup>15</sup> Anutunön yuai pakpak malmalgö ösumŋinambuk miwikŋaim eŋgiyöhi, miengörenök yahöt yahöt (2-2) mi Noagören kaŋgota waŋgenön öŋgöm teköget.

<sup>16</sup> Anutunön Noa jim kutum waŋgiyöhaŋgö dop yuai isikusukŋinambuk pakpak waŋgenön öŋgöm tekögeri, mi aziŋi aka ambiŋi ahot. Körekŋan öŋgöm tekögetka Kibunön nanŋak Noagö andöŋe waŋgegö nanŋuŋi kölöc.

<sup>17</sup> Nanŋuŋi köliga miangörenök göulu ketaŋan könahiba suŋgem asak 40:gö dop toroqeba gölmenön kaŋgoriga o yeŋön qariba qariba gölme köl turuba öŋgöba waŋge gölmenöhök koaŋgetka wahöta öŋgöyök.

<sup>18</sup> Öŋgöiga o yeŋön gölme qakŋe qariba qariba öŋgögetka waŋgenön o qakŋe nanŋök öne laŋ anda kaba ahöyök.

<sup>19</sup> Mewö aiga onön gölme qakŋe kunbuk qariba öŋgöyök. Mewö kundunŋi köröpŋi köröpŋi suepkö bapŋe kin anjei, mi pakpak mönö musulungöm eŋgiyök.

<sup>20</sup> Musulungöm eŋgiba öŋgöba öŋgöba kundunŋi bohonnŋi bohonnŋi mi köl turuba 8 mita (25 fit) miangö dop eŋgoŋgita ahöyök.

<sup>21</sup> Mewö ahöiga yuai isikusukŋinambuk pakpak gölme qakŋe anda kaba malgeri, mienön o nemba nemulahöba kömum teköget. Yuai pakpak mi nei me mirigö sömbupŋi me arökŋaŋgö sömbupŋi me mokoleŋ, gisip aka yuai pakpak kambuŋini köla gölmenön qeqelaŋlaŋ anda kamakzei aka ambazip pakpak mi mohotŋe qahöwak teköget.

<sup>22</sup> Yuai pakpak gölme örönŋe mala malmalgö ösumŋi söŋgööröŋine öröba malgeri, mi körekŋanök kömum teköget.

<sup>23</sup> Yuai malmalŋinambuk pakpak gölmenön malgeri, mi Anutunön eŋgum teköyök. Yuai pakpak mi ambazip, sömbup me yuai bapŋinan köla ölölöŋgömakzei me könakembagö neiŋi neiŋi mi mönö Anutunön eŋgum teköyök. Noa aka saiwaurupŋi waŋge uruŋe malgeri, miyök mönö eŋgehoriba aŋgön köla gou köl eŋgiyök.

<sup>24</sup> O göulu mianön gölme köl turuba qahö öröba geyökmö, wehön 150:gö dop ahöyök.

## 8

*Gölunön öröba eriga gölmenön öröniyök.*

\* 7:7: Mat 24.38-39; Luk 17.27 \* 7:11: 2 Pitö 3.6



<sup>1</sup> Wehön 150 mi teköiga miangören Anutunöñ Noagö aka arökñangö mirigö sömbupñi aka yuai pakpak yambuk wañgenöñ malgeri, mi mötmörim enğiba luhut ketanji röja aliga gölme qakñe qeiga onöñ könahiba öröba erök.

<sup>2</sup> Anutunöñ emune o diginñinambuk yeñgö jeñini aka euyangören könakembagö onji onji mienğö numbuñini mi qaliba sonjo aliga kienöñ tiñgita tömböriba suepnöhök kunbuk qahö erök.

<sup>3</sup> Qahö eriga o ketanjan könahiba gölme qakñe ahöahöneyök lilingöba öröba eta geyök. Wehön 150:gö dop o mienñon öröba eta geba ahöget.

<sup>4</sup> Mewö ahögetka wañgenöñ köiñ 7 miangö silimñi 17 miangören kundunji qetñi Ararat miangö bohonñi kunöñ mekötahöba köhöiba tarök.

<sup>5</sup> Miangören tariga o mianñon toroqeba öröba eta eta anök. Anda köiñ 10 miangö silimñi mutukñi miangören kundunji mienğö bohonñini mi aukñe asuhum tiñgitket.

<sup>6</sup> Tiñgitketka wehön 40 teköiga Noanöñ wañgegö jeñgenanji mutuk memenji mi metalök.

<sup>7</sup> Metala koekoe nei kun melaiiga könakemba lan bölbölgöba anda kaba qahö lilingöba maliga gölmegö onji mianñon jöpköyök.

<sup>8</sup> Miangö andöñe Noanöñ kembö kun melaiiga anök. Gölme qakñe onöñ öröba geyök me qahö, miangö könanji mötmamgöra mi melaiiga anök.

<sup>9</sup> Kembönöñ anda kaba onöñ toroqeba gölme körekñanök turuba ahöyöhanğöra luhut memenangö tatatñi qahö miwikñaiiba wañgegören lilingöiga Noanöñ böröñi böranda wañge uruñe wañgiriga öñgöyök.

<sup>10</sup> Öñgöiga wehön 7:gö dop toroqeba mamböt mala miangören kembö mi kunbuk wañgenöhök melaiiga anök.

<sup>11</sup> Anda mare miangören lilingöba oil ipkö sinñi gwölögwölö kun mi meteköba numbuñan yöhösañda Noagören kayök. Mewö kaiga Noanöñ mi eka kewö möt asariyök: Onöñ mönö öröba eriga gölmenöñ asuhum teköza.

<sup>12</sup> Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö miangören mi yangören kunduk qahö lilingöba kayök.

<sup>13</sup> Noagö malmal yambuñi 601 miangö köiñ mutukñangö silimñi mutukñi miangören onöñ gölme qakñe jöpköba öröniba ahöyök. Mewö aiga Noanöñ wañgegö bonji mei aniga kewö uba ehök: Gölme qakñan mönö öröniba ahöyök.

<sup>14</sup> Mi ehi kunduk öröniba köiñ yahötñangö silimñi 27 miangören örönim teköba ahöyök.

<sup>15</sup> Anutunöñ Noagöra keu kewö jiba jii mörök:

<sup>16</sup> “Gi, anömgi aka nahöniranurupki inñini mönö wañge mosöta etket.

<sup>17</sup> Eta sömbup yuai malmalñinambuk pakpak göbuk wañgenöñ maljei, mi neiñi neiñi, mirigö sömbupñi aka mokolen yuai pakpak bapñini gölmenöñ köla ölölöñgömakzei, mi mönö körek enğuañgita etket. Mewö aknöñga ölop gölmenöñ ahum sehiba gwölönarökpuak aka denđa gölme dop köla malme.”

<sup>18</sup> Mewö jii möta Noa anömñet aka nahöniranurupñi yeñon mohotñe wañge mosöta etket.

<sup>19</sup> Etketka arökñangö sömbupñi pakpak, mokolen yuai pakpak, nei pakpak aka yuai pakpak gölmenöñ anda kamakzei, mienñon mönö mewöñanök isikñinanğö dop wañge mosöta awatangöba et teköget. Mewö.

### *Noanöñ Anutugöra jöwöwöl ohoba saiwap jiyök.*

<sup>20</sup> Et tekögetka Noanöñ Kembugöra jöwöwöl alta kun memba mirigö sömbupñi dönqizizinnini qahö mi pakpak aka nei dönqizizinnini qahö mi pakpak yeñgörenök tosatñi enğömemba alta qakñe ala mianñon Anutugöra jöwöwöl ohoyök.

<sup>21</sup> Ohoiga Kembunöñ wöron umköhöwakñi nahömñambuk mi möri dop köliga uruñan keu kewö jiyök: “Ambazip yeñgö uruñinanğö mötmöt areñinan mönö moröñineyök könahiba bölöñi akzemö, töndup gölme mi nalö kunöñ ambazipköra aka kunduk kude

gesuahömam. Yuai pakpak malmalñinambuk maljei, nöñön mi lök qahöwak teköm enġialmö, miangö dop nalö kunöñ kunbuk qahö jim teköba ak enġimam.

<sup>22</sup> Gölmenöñ ahöm öñgömawañgö dop mönö gölmenöñ köl kömötketka ölni asuhui megetka mianön mönö kude qahöwak teköma. Miri amöriiga sanġenni mörakñe aka könöpñambuk aiga könöwiba mörakñe. Kömunjañ kie nalö aka wehön nalö, sunġem aka asakñi mi nalöñi nalöñi lilikqilik aka awatañ ahöba anmahot. Mi pakpak teteköñi qahö ahöm öñgöiga malme. Mewöñan mönö mewö toroqeba ahöma. “Mewö”.

## 9

### *Anutunöñ Noabuk jöhöjöhö areñ alök.*

<sup>1</sup>\*Mewö jiba Anutunöñ Noa aka nahönurupñi kewö jiba kötuetköm enġiyök: “Inġini mönö ahum sehiba gwölönarökpkuk mala gölme dop köla malme.

<sup>2</sup> Mewö aketka gölmegö sömbupñi pakpak, könakembagö neiñi pakpak, yuai pakpak bapñinan gölme köla ölöñgömakzei aka köwetkö sörañi pakpak mi mönö enġö böröñine al enġibi enön mi galöm köl enġiba malgetka yeñön enġöra keñgöt mötmöt aketka jönömñini unduiga malme.

<sup>3</sup> Yuai pakpak isikusukñinambuk anda kaba maljei, mi enġö neneya aka ahöma. Mutuk yöha yuai görökñi (töngönñi) nenenina al enġiala merak yuai pakpak ki mewöyök al enġizal.

<sup>4</sup> Mohok-kun mi mönö kude neme. Mi sömbup sepñambuk. Sep mi malmalgö söpsöpñi akzawañgöra aka soñgo ki al enġizal.\*

<sup>5</sup> Nanñini sepñini mi kunñan kun kude mokoma. Kunñan mi mokomawi, miangö likepñan mönö nanñi qakñe öñgöma. Sömbup kunñan me ambazip kunñan ambazip kun qeiga malmalñanġö söpsöpñi mokomawi, miangö likepñan mönö nanñi qakñe öñgöiga kömuma.

<sup>6</sup> Anutunöñ ambazip nanñi kaisoñgolomñi tandök meyöhanġöra aka kun danön ambazip kun qei kömumawi, kunñan mönö i mewöñanġök qei kömuma.\*

<sup>7</sup> Inġini mönö ahum sehiba gwölönarökpkuk aka malme. Mewö gölme qakñe ahum sehigetka qötöñinan qarim öñgöma.”\*

<sup>8</sup> Anutunöñ toroqeba Noa aka nahönurupñi yambuk malgeri, yeñgöra keu kewö jiyök:

<sup>9</sup> “Nöñön merak inġini aka enġö gwölönarökurupñini könanġep asuhumei, embuk jöhöjöhö areñ akzal.

<sup>10</sup> Mewöñanök yuai malmalñinambuk pakpak, mi mirigö me arökñanġö nei sömbupñi pakpak göbuk mala wañgenöhök etkeri, mönö gölmegö öröyuai malmalñinambuk pakpak yembuk jöhöjöhö areñ kewö akzal:

<sup>11</sup> Nöñön jöhöjöhö areñi mi embuk kewö al köhöizal: Nöñön o gölunöñ öröyuai isikusukñinambuk pakpak mi kunbuk kude enġubi qahöwakñe. O göulu mi gölme ayuhumapköra kunbuk qahö albi kama.”

<sup>12</sup> Anutunöñ toroqeba keu kewö jiyök: “Nöñön mönö jöhöjöhö areñ ki mi nani aka inġini aka öröyuai malmalñinambuk pakpak embuk maljei, neñgö sutnine albiga teteköñi qahö köhöiba ahöm öñgöma. Jöhöjöhö areñ miangö aiwesökñi mi kewö:

<sup>13</sup> Nöñön nani marilonloñni mi kousunöñ albiga ahöma. Nöñön nani aka gölmenöñ maljei, neñgö sutnine jöhöjöhö areñ akzali, marilonloñ mianön mönö miangö aiwesökñi aka ahöma.

<sup>14</sup> Nöñön nalö kunöñ kousuñi kousuñi gölme qakñe öröm enġibi eta tokogetka marilonloñan kousunöñ asuhumawi,

<sup>15</sup> nalö miangöreñ nöñön jöhöjöhö areñi mi mötmörimam. Mi nani aka inġini aka öröyuai malmalñinambuk pakpak tandökñini könanġi könanġi neñgö sutnine ahali, mönö

\* 9:1: Jen 1.28 \* 9:4: Jen 17.10-14; Lew 19.26; Dut 12.16, 23; 15.23 \* 9:6: Jen 1.26; Eks 20.13 \* 9:7: Jen 1.28

mia mötmörimam. Mianğöra o mienön kunbuk mewö kude qariba yuai isikusukñinambuk pakpak ayuhumegöra göulu ketanji qahö akña.

<sup>16</sup> Nalö kunöñ marilonloñan kousunöñ asuhumawi, nöñön mi eka mianğöreñök jöhöjöhö areñni mi mötmörimam. Mi teteköñi qahö nani aka öröyuai malmalñinambuk pakpak tandökñini könañi könañi gölme qakñe maljei, neñgö sutnine al köhöibi ahöza.”

<sup>17</sup> Anutunöñ Noagöra mewö jiba toroqeba kewö jiyök: “Nöñön jöhöjöhö areñ ki mi nani aka gölmeğö öröyuai malmalñinambuk pakpak neñgö sutnine al köhöizal. Jöhöjöhö areñ mianğö aiwesökñi mi mewö.”

### *Noagö nahönurupñi*

<sup>18</sup> Noagö nahönurupñi wañgenöhök etkeri, yeñgö qetñini mi Sem, Ham aka Jafet. \* Ham mi Keinangö iwiña.

<sup>19</sup> Yeñön Noagö nahönurupñi karöbut aket. Ambazip pakpak denqennda gölme dop köla maljini, nini yeñgöreñök asuhuin.

<sup>20</sup> Noanöñ kölkömöt azia aka wain kösö nup mutukñi kömörök.

<sup>21</sup> Mi kömörökmö, nalö kunöñ wain o tosatñi memba neiga uruñi enjololon aiga nanñi opo seri kounm uruñe oponi qeköba sile aukñe ahöyök.

<sup>22</sup> Keinangö iwiñi Ham yañön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem wañgiyök.

<sup>23</sup> Sem aka Jafet yetkөн mi mörohotmö, maluku kun memba awötñire ala andöandö öñgöba iwiñiran sile aukñe ahöyöhi, mi esuhuyohot. Jeniri kungen uyohorañgöra aka iwiñiran aukñe ahöyöhi, mi qahö ehot.

<sup>24</sup> Noanöñ enjololon aiga imbiñi törörök möta wahöta nahönñi moröñan silik ak wañgiyöhi, mi mörök.

<sup>25</sup> Mi möta uruñi öngöiga Hamgöra kewö jiyök:

“Keinan mi jim suehöm wañgizal. Yañön mönö darumunyahötñi yetkö welenqequeurupñiri yeñgö welenqequeñini omani aka malma.”

<sup>26</sup> Toroqeba kewö jiyök:

“Anutu, Sengö Kembuñi, ia mönö möpöseizal.

Keinanöñ mönö Sengö welenqequeñi omani aka malma.

<sup>27</sup> Anutunöñ mönö Jafetkö gölmeñi mem qariiga Sengö opo seri kounñine malme.

Keinan yeñön mönö Sem yeñgö welenqequeurupñini omani aka malme.”

<sup>28</sup> Göulu ketanjan teköiga Noanöñ toroqeba (yara) yambu 350:gö dop mal öñgöyök.

<sup>29</sup> Malmalñangö yambuñi mi mindiriba 950 mianğö dop mala kota kömuyök. Mewö.

## 10

### *Noagö nahönurup yeñgö gwölönarökurup areñini*

#### *1 Hist 1.5-23*

<sup>1</sup> Noagö nahönurupñi Sem, Ham aka Jafet yeñgö gwölönarökurupñini göulu teköiga asuhugeri, yeñgö qet areñini kewö:

#### *Jafetkö gwölönarökurupñi*

<sup>2</sup> Jafetkö nahönurupñi yeñgö qetñini mi Gomer, Magog, Madai, Jawan, Tubal, Mesek aka Tiras.

<sup>3</sup> Gomergö nahönurupñi yeñgö qetñini mi Askenas, Rifat aka Togarma.

<sup>4</sup> Jawangö nahönurupñi yeñgö qetñini mi Elisa, Tarsis aka Saiprus könagesö aka Dodan könagesö.

<sup>5</sup> Yeñgö isimoröurupñini mi jula denqennda Sutñire Köwetkö jitñe aka mianğö gölme jöhanñi jöhanñi mianğöreñ nanñini gölmeñine anda malje. Yeñön isikñini dop, kambuñini dop aka keuñini dop nanñini gölmeñine anda malje. Jafetkö könagesöñi mewö.

\* 9:18: Jafet sehiza

*Hamgö gwölönarökurupñi*

<sup>6</sup> Hamgö nahönurup yengö qetñini mi Kus, \* Ijpt, Libia aka Keinan.

<sup>7</sup> Kulgö nahönurupñi yengö qetñini mi Seba, Hawila, Sabta, Rama aka Sabteka. Ramagö nahönyahötni yetkö qetñiri mi Seba aka Dedan.

<sup>8</sup> Kulgö nahönñi kun qetñi Nimrod asuhuyök. Yanön qariba wahöta bimqeqegö suahö azi köhöikñi kötökñi aka gölmenöñ malök.

<sup>9</sup> Yanön Kembugö jemesoholñe böröjan azi köhöikñi malöhanğöra aka keu saini kewö jimakze: “Kunöñ Nimrod ewö Kembugö jemesoholñe böröjan azi köhöikñi akza.”

<sup>10</sup> Nimrod kö bemtohoñi mi gölme kewöñe miangörej könahiget: Babel, Erek, Akad aka Kalne. Taon 4 mi Babilonia (Sinar) gölmenöñ ahöze.

<sup>11</sup> Nimrodnöñ Babilonia gölme mosöta Asiria anda miri ketanji ketanji qetñini Niniwe, Rehobotir aka Kala mi mem wahörök.

<sup>12</sup> Mewöyök Resen mi Niniwe aka siti ketanji qetñi Kala yetkö sutñire mem wahörök.

<sup>13</sup> Ijptkö gwölönarökurupñi yengöñ Libia könagesö, Anam könagesö, Lehab könagesö aka Naftu könagesö akze.

<sup>14</sup> Mewöyök Patrus, Kaslu aka Krit. Krit mi Filistia könagesö yengö bömönñini ahök.

<sup>15</sup> Keinangö nahönñi mutukñi mi Saidon. Yanğö andöñe Keinanöñ könagesö kewöñi yengö bömönñini ahök: Hit könagesö,

<sup>16</sup> Jebus könagesö, Amor könagesö, Girgas könagesö,

<sup>17</sup> Hiwi könagesö, Arka könagesö, Sini könagesö,

<sup>18</sup> Arwad könagesö, Zemar könagesö aka Hamat könagesö. Keinanöñ körek pakpak yengö iwi bömönñini aiga yengöñ könangep jula denqenget.

<sup>19</sup> Mewö denqengetka Keinan könagesö yengörej gölme göranji mi miri qetñi Saidon miangörejök könahiba anda Gerar mire anda Gaza miangörej teköza. Mewöyök Sodom göröken anda Gomora anda Adma aka Zeboim anda Lasa miangörej teköza.

<sup>20</sup> Hamgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

*Sengö gwölönarökurupñi*

<sup>21</sup> Jafetkö datñi Sem yanğö nahönurupñi mewöñanök asuhuget. Semnöñ mewö Ebergö nahönurup pakpak yengö bömönñini ahök.

<sup>22</sup> Sengö nahönurupñi yengö qetñini mi Elam, Asur, Arfaksad, Lidia (Lud) aka Aram.

<sup>23</sup> Aramgö nahönurupñi yengö qetñini mi Uz, Hul, Geter aka Mas. Mewö malget.

<sup>24</sup> Arfaksadkö nahönñi Sela asuhuiga yanğö nahönñi Eber asuhuyök.

<sup>25</sup> Ebergö nahönyahötni yahöt asuhuyohot. Kunöñ asuhaba mala koröhi, nalö miangörej gölme ambazipnöñ jula denqenget. Miangöra yanğö qetñi Peleg (Denqen) qetket. Munñangö qetñi mi Joktan.

<sup>26</sup> Joktangö nahönurupñi kewö asuhuget: Almodad, Selef, Hazarmawet, Jera,

<sup>27</sup> Hadoram, Uzal, Dikla,

<sup>28</sup> Obal, Abimael, Seba,

<sup>29</sup> Ofir, Hawila aka Jobab. Azi pakpak mi Joktangö nahönurupña.

<sup>30</sup> Yengö tatat malmal gölmeñini mi miri qetñi Mesa miangörejök könahiba miri qetñi Sefar miangörej göröken anda wehön kotkotñangö gölme kundunambuk miangörej teköza.

<sup>31</sup> Sengö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

<sup>32</sup> Noagö isimoröurupñi mi isikurup areñini, könagesöñini aka gölmeñini dop mewö aket. Yanön jul sehiba denqenda könagesö kambuñi kambuñi aketka göulu ketanjan teköiga anda gölme dop köla malget. Mewö.

\* **10:6:** Kus mi Sudan kantrigö qetñi.



# 11

## *Anutunöŋ ambazip yeŋgö keuŋini mendenöŋök.*

<sup>1</sup> Mutuk mianğoreŋ gölmeŋi gölmeŋi pakpak yeŋön keu mohot jigetka mianğön mindirim enġii malget.

<sup>2</sup> Mewö mala mosöta wehön kotkotŋe göröken anda Babilon uruŋe gölme köröŋi ketanji kun miwikŋaiba mianğoreŋ miriŋini memba tatket.

<sup>3</sup> Mianğoreŋ tata nanŋinök kewö eraum-mötket: “Mönö kaget. Nini mönö birik mem mözözömgöba könöpnöŋ ohoinga köhöikŋi akŋe. “Mewö jiba miri selŋi memingöra köt jamönŋiŋ qahöpmö, birik ala sutŋine gölme sapösapö qandöŋ ewö algetka mianğön birik mi mekötahöm enġiyök.

<sup>4</sup> Nup mewö memba kunbuk kewö jiget: “Mönö kaget. Nini mönö naninaŋğöra siti kun memba mianğoreŋ miri köröŋi kötökŋi (taua) meinga boŋan suep oseima. Mewö oseiga qahö denqenġa gölme pakpak dop köla laŋ anda malbinbuköra mönö nanini qetbuŋaninambuk akın.”

<sup>5</sup> Mewö jiba nup megetmö, Kembunöŋ ambazip siti aka miri köröŋi megeri, mi ekŋamğöra erök.

<sup>6</sup> Eta mi eka kewö jiyök: “Yeŋön simbisembel qahöpmö, urumohot könagesö aka keuŋini mohot jiba kinda yuai ki könahiba meze ewö, könanġep i me wai memingö areŋini albeak, mi mönö mianğöra qahö osiba qaköme.

<sup>7</sup> Ayop, nini mönö gölmenöŋ geba keuŋini mem sohoinga kambu kun yeŋön kambu tosatŋi yeŋgö keuŋini qahö möt asariba malme.”

<sup>8</sup> Kembunöŋ mewö jiba ambazip mianğoreŋ mendenqenden enġiiga gölme körek dop köla anda kaba siti memegö nupŋi jöhöba mosötket.

<sup>9</sup> Kembunöŋ ambazip pakpak yeŋgö keuŋini mem sohayöhi, mianğöra miri mianğö qetŋi Babel (eŋololonġ siksauk) ahök. Mianğoreŋök Kembunöŋ i mendenqenden enġiiga denġa gölme pakpak dop köla anget. Mewö.

## *Qet areŋ Semğöreŋök könahiba Abramğoreŋ anja.*

### *1 Hist 1.24-27*

<sup>10</sup> Semğö gwölönarökurup yeŋgö qet areŋini ki. Göulu andöŋe yambu yahöt teköiga Semnöŋ yambuŋi 100 aiga nalö mianğoreŋ nahönŋi Arfaksad asuhuyök.

<sup>11</sup> Arfaksadnöŋ asuhuiga mianğö andöŋe Semnöŋ toroqeba yambu 500 maliga nalö sutŋe mianğoreŋ nahönböraturupŋi tosatŋi asuhuget.

<sup>12</sup> Arfaksadnöŋ yambuŋi 35 aiga nahönŋi Sela asuhuyök.

<sup>13</sup> Selanöŋ asuhuiga mianğö andöŋe Arfaksadnöŋ toroqeba yambu 403 maliga nalö sutŋe mianğoreŋ nahönböraturupŋi tosatŋi asuhuget.

<sup>14</sup> Selanöŋ yambuŋi 30 aiga nahönŋi Eber asuhuyök.

<sup>15</sup> Ebernöŋ asuhuiga mianğö andöŋe Selanöŋ toroqeba yambu 403 maliga nalö sutŋe mianğoreŋ nahönböraturupŋi tosatŋi asuhuget.

<sup>16</sup> Ebernöŋ yambuŋi 34 aiga nahönŋi Peleg asuhuyök.

<sup>17</sup> Pelegnöŋ asuhuiga mianğö andöŋe Ebernöŋ toroqeba yambu 430 maliga nalö sutŋe mianğoreŋ nahönböraturupŋi tosatŋi asuhuget.

<sup>18</sup> Pelegnöŋ yambuŋi 30 aiga nahönŋi Reu asuhuyök.

<sup>19</sup> Reunöŋ asuhuiga mianğö andöŋe Pelegnöŋ toroqeba yambu 209 maliga nalö sutŋe mianğoreŋ nahönböraturupŋi tosatŋi asuhuget.

<sup>20</sup> Reunöŋ yambuŋi 32 aiga nahönŋi Serug asuhuyök.

<sup>21</sup> Serugnöŋ asuhuiga mianğö andöŋe Reunöŋ toroqeba yambu 207 maliga nalö sutŋe mianğoreŋ nahönböraturupŋi tosatŋi asuhuget.

<sup>22</sup> Serugnöŋ yambuŋi 30 aiga nahönŋi Nahor asuhuyök.

<sup>23</sup> Nahornöŋ asuhuiga miangö andöŋe Serugnöŋ toroqeba yambu 200 maliga nalö sutŋe miangöŋeŋ nahönböraturupŋi tosatŋi asuhuget.

<sup>24</sup> Nahornöŋ yambuŋi 29 aiga nahönŋi Tera asuhuyök.

<sup>25</sup> Teranöŋ asuhuiga miangö andöŋe Nahornöŋ toroqeba yambu 119 maliga nalö sutŋe miangöŋeŋ nahönböraturupŋi tosatŋi asuhuget.

<sup>26</sup> Teranöŋ yambuŋi 70 aiga nahönŋi Abram, Nahor aka Haran asuhuget.

*Teragö gwölönarökurupŋi.*

<sup>27</sup> Teragö gwölönarökurup yeŋgö qet areŋini ki. Teragö nahönurupŋi Abram, Nahor aka Haran asuhuget. Harangö nahönŋi Lot asuhuyök.

<sup>28</sup> Haranöŋ Kaldia yeŋgö gölmenöŋ mala nanŋi ahuahü miriŋi qetŋi Ur miangöŋeŋ kömuiga Harangö iwiŋi Teranöŋ toroqeba malök.

<sup>29</sup> Abram aka Nahor yetköŋ öröröŋ ambi meyohot. Abramgö anömŋi qetŋi Sarai aiga Nahorgö anömŋi qetŋi Milka. Milkanöŋ Harangö börtŋa ahök. Haranöŋ Milka aka Iska yetkö iwiŋiri ahök.

<sup>30</sup> Sarainöŋ ambi köpina moröŋi qahöpmö, öne malök.

<sup>31</sup> Teranöŋ nahönŋi Abram, isiŋi Lot Harangö nahönŋi aka iranŋi Sarai, nahönŋi Abramgö anömŋi mi enġuanġiriga mohotŋe Kaldia gölmegö miri qetŋi Ur mosöta Keinan gölmenöŋ anbingöra anget. Mewö angetmö, Haran miri gölmenöŋ kaba kindä miangöŋeŋ miriŋini memba tatket.

<sup>32</sup> Tatketka Teranöŋ yambuŋi 205 aiga Haran miri miangöŋeŋ tata kömuyök. Mewö.

## 12

*Anutunöŋ Abram oholök.*

<sup>1</sup> \*Kembunöŋ Abramgöra kewö jiyök: “Gi gölmeġi, könagesöġi aka iwigahö miri yuainŋi mosöta gölme kondel gihimami, mönö miangöŋeŋ anman.

<sup>2</sup> Nöŋön ahümsehip gihibiga gwölönarökurupkan könagesö ketanŋi akŋe. Nöŋön kötuetköba nanġöm gihibiga qetbuŋagan qariba ketanŋi akŋa. Mewö aiga Anutunöŋ göhöra aka könagesö tosatŋi kötuetköm enġiba malma.

<sup>3</sup> Denike yeŋön gi kötuetköm gihimei, nöŋön mönö i kötuetköm enġiba malmam. Denike yeŋön gi jim suehöm gihimei, nöŋön mönö i mewöyök jim suehöm enġiba malmam.

Göhöra aka nöŋgö kötumötuetnan mönö gölmegö könagesö kambuŋi pakpak yeŋgö qakŋine öŋgöiga oyaenġkoyaenġ akŋe.”\*

<sup>4</sup> Mewö jüiga Abramnöŋ Kembunöŋ jiyöhanġö dop Haran miri mosöta aniga Lotnöŋ yambuk anohot. Abramnöŋ yambuŋi 75 aiga miangöŋeŋ Haran miri mosöta anök.

<sup>5</sup> Anmam jiba anömŋi Sarai, behötŋi Lot, sukinapŋi pakpak qezakögetka sehiyöhi aka welenqeŋe ambazip Haran mirinöŋ mala enġömegeri, mi memba enġuanġita mosöta Keinan gölmenöŋ anbingöra anda mala miangöŋeŋ anġotket.

<sup>6</sup> Abramnöŋ gölme miangöŋeŋ anda mala mala miri qetŋi Sekem miangöŋeŋ kanġota in ip ketanŋi qetŋi More miangö kösutŋe koumŋi qeba tarök. Nalö miangöŋeŋ Keinan ambazip yeŋön lök gölme miangöŋeŋ malget.

<sup>7</sup> Mewö malgetka Kembunöŋ Abramgöŋeŋ asuhaba kewö jiyök: “Gölme ki mi mönö göhö gwölönarökurupki yeŋgö buŋaya qem enġimam. “Mewö jüiga Abramnöŋ Kambu yanġöŋeŋ asuhuyöhi, yanġöra jöwöwöl ohohogö altanŋi kun miangöŋeŋ meyök.”\*

<sup>8</sup> Miangöŋeŋök mosöta toroqeba Betel mirigö wehöŋ kotkotŋe göröken gölme kundunambuk miangöŋeŋ anda opö seri koumŋi möröreŋgöba kuŋgui kinök. Mewö kiniga Betel miri miangön wehöŋ gegeŋe göröken tariga Ai taonöŋ wehöŋ kotkotŋe göröken

\* 12:1: Apo 7.2-3; Hib 11.8 \* 12:3: Gal 3.8 \* 12:7: Apo 7.5; Gal 3.16

tarök. Mewö tarohotka sutñire kinda Kembugö jöwöwöl altañi kun miangören memba Kembugö qetñi qeta köuluköm wañgiyök.

<sup>9</sup> Miangö andöñe gölme mi mosöta toroqeba Saut göröken anda distrik qetñi Negew miangören tata malget. Mewö.

*Abramnöñ Ijpt kantrinöñ anda malök.*

<sup>10</sup> Nalö miangören Keinan gölmenöñ bödi (buörö) asuhuiga mianön köhöiba lömbötñi aiga Abramnöñ Ijpt kantrinöñ kusukñanök malbingöra anget.

<sup>11</sup> Könanöñ anda Ijpt dopdowigetka Abramnöñ miangören anömñi Saraigöra keu kewö jiyök: “Mötnöñ, göñön ambi eksihimgabuk akzani, mi mötzal.

<sup>12</sup> Mewögöra Ijpt azi yeñön gi geka kewö jime: ‘Ki yañgö anömña.’ Mewö jiba ni nuñguget kömumam-mö, gi gehorigetka malman.

<sup>13</sup> \*Miangöra göñön mönö kewö jiman: ‘Ni yañgö nenña.’ Mewö jinöñga göhöra aka ölöpnanök ak niñgiba nöñgö malmalni gou kölgetka malmam.”

<sup>14</sup> Abramnöñ Ijpt kaiga Ijptkö ambazipñi yeñön Sarai eketka ambi eksihimñambuk qetpuk ahök.

<sup>15</sup> Miangörenök Farao kiñ kembugö pom jembonurupñi yeñön i ekerangöra Farao kiñgören anda Saraigö silenji möpöseigetka mörök. Mi möta jiiga Sarai wañgita kiñ kembugö jakömbuak miri uruñe öñgöget.

<sup>16</sup> Öñgögetka Farao kiñnöñ Saraigöra aka Abram ölöpnanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, donki aziñi aka ambiñi, welenqege azi aka ambi aka kamel jesöñgöñi mi Abram wañgiiga buña qem añguyök.

<sup>17</sup> Mi buña qem añguyökmö, Kembunöñ Abramgö anömñi Sarainöñ Farao kiñgö mire malöhanğöra aka jiiga kawöl bölöñi kötökñan Farao kiñ aka ambazip yañgö jakömbuak mire malgeri, yeñgö qakñine öñgöyök.

<sup>18</sup> Mi öñgöiga Farao kiñnöñ Abram köl öröi kaiga kewö qesim wañgiyök: “Göñön mönö wani kimbua ak niñginöñ? Wuanöñgöra ‘Mi anömna,’ mewö qahö jinöñga möral?

<sup>19</sup> Wuanöñgöra ‘I mi nena,’ jinöñ? Mewö jinöñga nöñön i anömna akñapköra wañgiral? Anömgi ki. Mönö i wañgita anohot.”

<sup>20</sup> Mewö jiba aziurupñi jim kutum eñgiiga Abram wañgita könanöñ anda al eñgigetka anömñi aka öröyuainji pakpak ahöm wañgiyöhi, mi memba eñguañgita anget. Mewö.

## 13

*Lot aka Abram yetkön denñohot.*

<sup>1</sup> Abramnöñ Ijpt gölme mosöta anömñi aka bau inap yuainji pakpak memba eñguañgita Lotpuk mohotñe lilingöba anda Keinan gölmegö Saut likepñi qetñi Negew miangören kañgotket.

<sup>2</sup> Abramgören lama bulmakau aka goul silwö mi lömbötputuk ahöm wañgiiga azi kindiñbirik malök.

<sup>3</sup> Mewö mala Negew distrik uruñe tata mosöta kusukñanök rowoñqegeñine ahöba wahöta anda mala Betel mire kañgotket. Opo seri koumñi mutuk Betel aka Ai miri mietkö sutñire kuñgui kinöhi, mönö miangören kañgotket.

<sup>4</sup> Mutuk jöwöwöl alta meyöhi, mönö miangören kañgota Kembugö qetñi qeta köuluköyök.

<sup>5</sup> Lotnöñ Abrambuk tata mosöta malöhi, yañön mewöñanök lama bulmakau kambuñi kambuñi aka opo seri koumñi koumñi mi gwötputuk memba malök.

\* 12:13: Jen 20.2; 26.7

<sup>6</sup> Mewö mala sömbup sukinap yuainjiri gwötpuk ketani ahöm etkiiga gölmenöŋ qahö dop kölök. Mi öröröŋ gumohom enŋienŋigö dop qahö ahöiga mohotŋe tata malmalgö lömböriba osiyohot.

<sup>7</sup> Osiba Abram aka Lot yetköreŋ sömbup galömurupŋiri yeŋgö sutŋine gölmegö aŋgururuk asuhuyök. Nalö miangöreŋ Keinan könagesö aka Periz könagesö yeŋön gölme miangö tonŋi aketka yembuk mohotŋe malget.

<sup>8</sup> Mewö mala Abramnöŋ Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupniri yeŋgö sutŋine aŋgururuk kude ahöma.

<sup>9</sup> Miangöra ölop denbit. Gölme pakpak mönö göhö jemesoholge aukŋe ahöm anjawi, mi ölop ekzan. Mewö aiga göŋön qaninire göröken anmam jiman ewö, nöŋön ölop ölnire göröken anmam. Me göŋön ölnire göröken anmam jiman ewö, nöŋön ölop qaninire göröken anmam.”

<sup>10</sup> \*Mewö jiiga Lotnöŋ uba wahöta Jordangö gölme köröŋi ketani pakpak ehiga Anu-tunöŋ mi ölop mem kelöriŋa Kembangöreŋ oyaenŋoyaen arö kelökŋambuk ewö ahök. Mi Ijpt yeŋgö gölme ewö ahöba Zoar miri göröken anök. Mutuk Kembunöŋ Sodom aka Gomora qahö ayuhum etkiiga nalö miangöreŋ gölme mi mewö ahöyök.

<sup>11</sup> Mewö ahöiga Lotnöŋ mi ek kewöta Jordangö gölme köröŋi ketani pakpak mi möwölöhöba wehön kotkotŋe göröken anök. Mewö aka dennohot.

<sup>12</sup> Denŋa Abramnöŋ Keinan gölmenöŋ anda malökmö, Lotnöŋ gölme köröŋi ketanangö taonŋi taonŋi yeŋgö sutŋine anda kaba malök. Mewö mala opo seri koumŋi meköba memba kuŋguba anda kinda teteköŋe Sodom kösutŋe aŋgota malök.

<sup>13</sup> Miangöreŋ malökmö, Sodom könagesö yeŋön könagesö tandök bölöŋi aka Kambu qetala ŋiŋisöndok keta bölöŋi aka memba malget.

### *Abramnöŋ Hebron gölmenöŋ anda tata malök.*

<sup>14</sup> Lotnöŋ Abram umbula aniga nalö miangöreŋ Kembunöŋ Abramgöra keu kewö jiyök: “Mönö jegi ötok ala mesoholge uba wahöta elenŋa andöge uba mewöyök wehön kotkotŋe aka wehön gegenŋe göröken unöŋ.

<sup>15</sup> \*Gölme pakpak ki ekzani, mi mönö gi aka göhö gwölönarökurupki enŋö buŋaya qebi nalö teteköŋi qahö buŋaŋina ahöm öŋgöma.

<sup>16</sup> Nöŋön gwölönarökurupki ahumsehip gwötpuk enŋibiga qötöŋinan qariba gölmegö sakösakŋi (sakösiŋi) ewö akŋa. Kun danöŋ sakösiŋ kötni miengö jaŋgöŋini oyoŋbawak, yaŋön ölop gwölönarökurupki yeŋgö jaŋgöŋini mema.

<sup>17</sup> Nöŋön gölme ki mönö göhö buŋaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman.”

<sup>18</sup> Mewö jiiga Abramnöŋ wahöta opo seri koumŋi qeköba memba kuŋguba anda Hebron gölmenöŋ kaba Mamre mire in ip ketani kin angeri, miengö kösutŋine tarök. Miangöreŋ tata Kembangöra jöwöwöl alta kun meyök. Mewö.

## 14

### *Abramnöŋ Lot mi kerök yeŋgö böroŋineyök meköyök.*

<sup>1</sup> Nalö miangöreŋ Babilongö (Sinargö) kiŋi qetŋi Amrafel, Elasargö kiŋi qetŋi Ariok, Elamgö kiŋi qetŋi Kedorlaomer aka Goimgö kiŋi qetŋi Tidal malget.

<sup>2</sup> Yeŋön kiŋ kewö miembuk könahiba bim auget: Sodom taongö kiŋi qetŋi Bera, Gomora taongö kiŋi qetŋi Birsa, Adma taongö kiŋi qetŋi Sinab, Seboim taongö kiŋi qetŋi Semeber aka Bela (qetŋi alaŋi Zoar) taon miangö kiŋi.

<sup>3</sup> Kiŋ pakpak kienöŋ örue (ruerue) qetŋi Sidim miangöreŋ tokoba kukösumŋini mindiriba jöhöjöhö aket. Sidim örueŋöŋ nalö kewöŋe Sihi Köwet Köhömuŋi mi ahöza.

\* 13:10: Jen 2.10 \* 13:15: Apo 7.5



<sup>4</sup> Yeñön yambu 12:gö dop Kedorlaomergö jimkutukutu bapne mala kota yambu 13 miangören yangö keu bapne anbingö qetala karim aka yarö gilget.

<sup>5</sup> Mewö aketka yambu 14 miangören Kedorlaomer aka kiñ tosatni yambuk jöhöjöhö aka malgeri, mienön kaba könagesö kewöni yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangören enguba luhut alget.

<sup>6</sup> Hor könagesö mi Seir gölme kundunambuk miangören enguba enguatangöba anda anda El Paran miri miangören angota luhut al engiget. El Paran mi gölme qararankölkölñangö görane ahöza.

<sup>7</sup> Luhut al engiba miangörenök lilingöba En Mispat (qetni alañi Kades) miangören kaba Amalek könagesö luhut al engiba gölmenini pakpak angön kölget. Amor könagesö Hazezon Tamar gölmenön malgeri, mi mewöñanök enguba luhut al engiget.

<sup>8</sup> Mewö asuhuiga Sodomgö kiñi, Gomoragö kiñi, Admagö kiñi, Zeboimgö kiñi aka Bela (qetni alañi Zoar) miangö kiñi yeñön wahöta اساسaitiba Sidim örueñön angota kiñ kewö miembuk bim qebingö jaböni ala aröñda kinget:

<sup>9</sup> Elangö kiñi Kedorlaomer, Goimgö kiñi Tidal, Babilongö (Sinargö) kiñi Amrafel aka Elasargö kiñi Ariok. Kiñ 4 mienön kiñ 5 yembuk aröñget.

<sup>10</sup> Mewö aröñgetmö, Sidim gölme örue miangören löm dodoho sapösapöñambuk miangön kokolak qeba tarök. Mewö tariga Sodom aka Gomora taon mietkö kiñiran yarö aziurupñiri yembuk unjurata angaitketka azi tosatñan löm miangören tötohoba geba enguyök. Mewö enguiga alaurupñini tosatni pakpak yeñön ölöñ köla unjurata gölme kundunambuk miangören öñgöget.

<sup>11</sup> Öñgögetka kiñ 4 mienön Sodom aka Gomora anda sukinapñini aka numbu nenenini pakpak mi kiom köla memba tököba anget.

<sup>12</sup> Abramgö behötñi Lot yanön Sodom malöhanögöra aka i mewöñanök sukinapñambuk wangita anget.

<sup>13</sup> Mewö angetka azi kunñan ölöñ köla misiñgöba kaba miangö buzup keñi mi Hibru (kian) azi Abramgöra jii mörök. Nalö miangören Abramñön Amor azi qetni Mamre yangören in ip ketani ketani miengö kösutñine malök. Mamrenön munyahötñi qetñiri Eskol aka Aner yetpuk mohotne Abrambuk jöhöjöhö aka malget.

<sup>14</sup> Abramñön behötñi Lot wangita angeri, miangö keñi möta aziurupñi 318 nanñi mire asuhaba mötmöt möta bimqeçe köl guliba malgeri, mi engohol tokoba kerök kambu enguatangöba Not göröken anda mala Dan mire angotket.

<sup>15</sup> Abramñön aziurupñi menden engiiga yeñön sunjem miangören közöla kerök kambu qeraköm engimemba luhut al engiget. Luhut al engiba enguatangöba anda mala Damaskugö Not likepne miri qetni Hoba miangören angotket.

<sup>16</sup> Miangören angota sukinap pakpak kiom qeba memba angeri, mi miwikñaiget. Behötñi Lot aka yangö öröyuaini mi memba wangita lilingöba kayök. Sodom aka Gomora yeñö ambimoröurupñini aka ambazip tosatni mi tok lökñanök enguanjita kaget.

### *Melkizedekñön Abram kötuetköm wangiyök.*

<sup>17</sup> Abramñön mewö Kedorlaomer aka kiñ tosatni yambuk jöhöjöhö aka malgeri, mi enguba luhut al engiba lilingöba kaiga Sodomgö kiñi yanön Sawe örue (qetni alañi Kingö örue) miangören miwikñaiba ekñamgöra anök.

<sup>18</sup>\*Nalö miangören Melkizedek Salemgö kiñi miangön bered aka wain o memba kayök. Yanön Anutu öñgöñgöñangö jike nup galömñi ahök.

<sup>19</sup> Mewö aka Abram kötuetköm wangiba keu kewö jiyök: “Anutu öñgöñgöñan suep gölme miwikñaim etkiyöhi, yanön mönö Abram gi kötuetköm gihii malman.

\* 14:18: Hib 7.1-10

<sup>20</sup> Anutu öngöngöñan kerökurupki göhö böröge al engiyöhi, mönö i möpöseizin. “Mewö jiiga Abramnöñ öröyuaini pakpak mendeniga kambu ten asuhuiga mienğöreñök mohot mohot (10%) memba naluha wañgiyök.

<sup>21</sup> Mi wañgiiga Sodomgö kiñan Abramgöra kewö jiyök: “Ambazipurupni mia niñgimanmö, sukinap mia mönö nangi buñaya akña.”

<sup>22</sup> Mewö jiyökmö, Abramnöñ Sodomgö kiñanğöra kewö jiyök: “Keuni köhöimapköra nöñön böröni Kembu Anutu öngöngöñi Suep gölme miwikñaim etkiyöhi, yañğöreñ göröken memba wahöta jöjopañ keu kewö jizal:

<sup>23</sup> Nöñön göhöreñ yuai kun mi qahö kötökñi memam. Möt kösögahö kitipñi me köna esugahö kösöñi mi mewöñanök qahö memam. Mewö akiga göñön könañgep kewö jibanbuk: ‘Nöñön Abram yuai wañgibiga yañön azi pomñi qetbuñañambuk aka malja.’ Göñön mönö mewö jimamgö osiba malman.

<sup>24</sup> Nöñön yuai kun qahö toroqeba memam-mö, aziurupnan wani yuaia negeri, mi lök neñgigetka dop köl teköza. Mewöyök azi alaurupni Aner, Eskol aka Mamre nömbuk kageri, yeñön mönö töwa jijiñinañgö dop meme. “Mewö.

## 15

### *Anutunöñ Abrambuk jöhöjöhö areñ ahök.*

<sup>1</sup> Mewö asuhuiga Abramgö jeñi meleniga imut ehiga Kembunöñ keu kewö jii kaiga mörök, “Abram, gi keñgötiki kude mötman. Nöñön göhö sumanga akzal. Göhö töwagi mönö keta bölökñi aka ahöma.”

<sup>2</sup> Keu mewö kayökmö, Abramnöñ kewö jiyök, “O Kembu ketañamni, ni nahönböratni qahö malbiga töwa niñginöñga mianñön mönö denöwö bauköm niñgibawak? Nöñön kömumbiga Damaskus azi Eliezer yañön nöñgö sukinapnañgö toñi akña.”

<sup>3</sup> Mewö jiba toroqeba kewö jiyök, “Göñön gwölönarökni kun qahö niñginöñanğöra nup azini bohonñan nöñgö mire maljawi, yañön mönö nöñgö öröyuaini pakpak buña qem añguma.”

<sup>4</sup> Mewö jiiga Kembugöreñ keu jit kun mi yañğöreñ kewö kaiga mörök, “Azi mianñön sukinapkahö toñi qahö akñapmö, nangi silegeyök morö nahön kun asuhumawi, yañön mönö göhö öröyuaigi pakpak buña qem añguma.”

<sup>5</sup> \*Keu mewö kaiga Anutunöñ Abram wañgita gumnöñ geba keu kewö jii mörök, “Möno suepnöñ unöñ öngöiga senğelau oyoñ engimanañgö dop akña ewö, mi mönö ölop oyoñ enğiman. “Mewö jiba kewö toroqeba jiyök, “Göhö gwölönarökurupki yeñgö qötöñinan mönö mianğö dop akña.”

<sup>6</sup> Mewö jiiga Abramnöñ Kembu möt narim wañgiiga mötnaripñi ehi dop köliga keuñi jim teköiga solaniyök.\*

<sup>7</sup> Kembunöñ toroqeba keu kewö jii mörök, “Nöñön Kembu akzal. Gi Kaldia gölmeğö miri qetñi Ur mianğöreñ malnöñga goañgita ki kait. Gölme ki gihibi buña qem añgumangöra aka gi goañgita ki kait.”

<sup>8</sup> Mewö jiyökmö, Abramnöñ kewö jiyök, “O Kembu ketañamni, gölme kianñön nöñgö buñaya akñawi, mi mönö wani aiwesöha eka möt kutumam?”

<sup>9</sup> Mewö jiiga Kembunöñ yañğöra kewö jiyök, “Gi mönö anda bulmakau ambi seramñi yambuñi karöbut, meme (noniñ) ambiñi yambuñi karöbut aka lama aziñi yambuñi karöbut aka kembö kun aka kembö supsup dölökunñi kun mi memba nöñgöreñ kaman.”

<sup>10</sup> Mewö jiiga Abramnöñ anda mi pakpak körek memba kaba sömbup mi bibiñine qesiñ enğiba likepñi likepñi mi areñgöiga köna likep likep aröñnöñ ahöget. \* Mewö ahökmö, nei mi qahö qesiñök.

\* **15:5:** Rom 4.18; Hib 11.12    \* **15:6:** Rom 4.3; Gal 3.6; Jei 2.23    \* **15:10:** Nalö mianğöreñ jöhöjöhö areñ aka mi silik mewöñi mianñön mem köhöizema. Azinöñ sömbup likepñi yahöt mietkö sutñire kinda mindirim etkiba jöhöjöhö mi tönguba galöm köljamna.

<sup>11</sup> Qahö qesin̄da qamöt̄n̄ini likep likep arengöm en̄giiga nei kal̄ni yeñön kaba qamöt yeñgö qak̄n̄ine eta köl̄getmö, Abram̄n̄öñ mi közöl en̄giiga anget.

<sup>12</sup> Wehön jeñi teköba gemangö aiga nalö miangören Abram̄n̄öñ jeñi eta meiga gaun lömböt̄ñi ahöyök. Mewö ahöiga pandaman göjiwinangö kanjam̄ñi mian̄ön kaba turum wangiyök.\*

<sup>13</sup> Turum wanḡiiga Kembun̄öñ kewö jii mörök, “Keu ki mönö öln̄a mötman: Göhö gwölönarökurupkan mönö nan̄ñini gölmeñini mosöta kantri kunöñ anda kiana mala mal öngöme. Mewö mala yeñgö welenqegeurup̄ñini oman̄i aketka i yambu 400:gö dop tulumgöm en̄giba malme.\*

<sup>14</sup> Mewö malmemö, nöñön kantri welenqegeurup̄ñini oman̄i aka malmei, yeñgö keun̄ini mewöyök jim teköba likep̄ñi melen̄biga qak̄n̄ine öngöma. Mewö mi öngöiga pösat en̄gigetka kantri mi mosöta sukinap̄ñini gwötpuk memba lilingöba kame.\*

<sup>15-16</sup> Nöñön Amor könagesö mi gölme kiangören zilañ qahö en̄guatangömam. Mutuk siñgisöndok̄ñi siñgisöndok̄ñi aka bölimqölim tekögetka likep̄ñi törörök melen̄ en̄gimamangö nalöñan ak̄ñawi, nalö miangören mönö i en̄guatangömam. Mian̄göra göhö isiurupki yeñgö isiurup̄ñinan asuhaba malmei, † nalö miangören göhö gwölönarökurupkan mönö lilingöba ki kame. (15) Yeñön mewö kamemö, nangak mutuk yambugahö nalöñi ölmö kömuiga luainöñ iwiasaurupki yeñgören anöñga löm köl̄ gihime.”

<sup>17</sup> Kembun̄öñ mewö jiiga wehön jeñan teköba geiga pandaman meiga yuai kewö asuhuiga ehök: Kimbut kungö uruñe könöp bölam̄ñan kököbilikbilik̄ñambuk jeba asariiga köwak köndum̄ñambuk pukpuköyök. Yuai mian̄ön asuhaba sömbup qamöt qesin̄qesin̄i miengö sut̄ñine kinda anda kayök.

<sup>18</sup> Kembun̄öñ mewö sömbup likep̄ñi likep̄ñi miengö sut̄ñire anda kaba söman̄ mian̄gören Abrambuk jöjöhö areñ aka (kaisöpsöp̄ñan mi mem köhöiba) keu kewö jii mörök, “Nöñön gölme ki mi göhö gwölönarökurupki yeñgö buñaya qem engimam. Mian̄gö jaböñi mi Ijptk̄o o töwat̄ñi (Nail) mian̄görenök könahiba kaba ki on̄gita anda o töwat̄ñi ketan̄i qet̄ñi Yufreitis mian̄gören teköma.\*

<sup>19</sup> Nalö kewöñe mi könagesö kewö yeñgö gölmeñina ahöza: Kin könagesö, Kenas könagesö, Kadmon könagesö,

<sup>20</sup> Hit könagesö, Periz könagesö aka Refaim könagesö,

<sup>21</sup> Amor könagesö, Keinan könagesö, Girgas könagesö aka Jebus könagesö. Yeñgören gölme pakpak mi mönö körek̄ñanök memba dop köla anme. “Mewö.

## 16

### *Hagar aka Ismael*

<sup>1</sup> Abram̄gö anöm̄ñi Sarainöñ köpin mala morö qahö meyökmö, Saraigö welen ambi qet̄ñi Hagar malök. Mi Ijpt̄ ambia.

<sup>2</sup> Yan̄ön malöhangöra Sarainöñ Abram̄göra kewö jiyök: “Kembun̄öñ songö jöhöm niñgiiga morö qahö mealangöra gi mönö welen ambini menöñga gölöm ala morö kun meiga nöñgö buñaya asuhubawak. “Mewö jiiga Abram̄n̄öñ Saraigören keugöra urumohot ahök.

<sup>3</sup> Abram̄n̄öñ Keinan gölmenöñ yambu 10 mal teköiga nalö mian̄gören Sarai Abram̄gö anöm̄ñan Ijptk̄o welen ambini Hagar memba ap̄ñangö anöm̄ñi ak̄ñapköra wangiyök.

<sup>4</sup> Mewö wanḡiiga memba maliga gölöm alök. Gölmö ala mi möta galöm ambini Sarai könahiba jijiwilit ak wangiyök.

\* **15:12:** Job 4.13, 14 \* **15:13:** Eks 1.1-14; Apo 7.6 \* **15:14:** Eks 12.40-41; Apo 7.7 † **15:15-16:** Yambu 430 nalö mi kewö oyonget: Liwainöñ malmal yambuñi 137 mian̄görenök yambu 80 mi Ijpt̄ malök. Yangö andöñe azi kewöñan yambuñini kewö Ijpt̄ malget: Kehat 133, Amram 137, Moses 80. (Mian̄gö andöñe Mosesnöñ Ijpt̄ mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7 \* **15:18:** Apo 7.5

<sup>5</sup> Mewö ak waŋgiiga Sarainöŋ Abramgöra kewö jiyök: “Urunan böliiga sihimbölö mörakzali, miangö keuŋan mönö göhö qake öngöba ahöma. Nöŋön welen ambini göhö böröge albiga gölöm ala mi möta miangöreŋök könahiba jijiwilit ak niŋgiba malja. Miangöra Kembunöŋ mönö ni aka gi netkö sutnire keu kewöta jim teköma.”

<sup>6</sup> Mewö jiiga Abramnöŋ kewö jiyök: “Welen ambigi miangön nange böröge maljawangöra wania mötnöŋga dop köljawi, mönö miangö dop i ak waŋgiman. “Mewö jiiga Sarainöŋ Hagar laŋ örömureim ak waŋgiiga mosöta tököba ölöŋ köla anök.

<sup>7</sup> Aniga Kembugöreŋ garata kunöŋ gölme qararaŋkölkölŋe o jeŋi kungö kösutŋe miwikŋaim waŋgiyök. O jeŋi mi Sur mire anangö köna jitŋe miangöreŋ ahöza.

<sup>8</sup> Miangöreŋ miwikŋaim waŋgiba kewö jiyök: “Hagar, Saraigö welen ambiŋi, gi mönö denikeyök kazana denike anman?” Mewö jiiga kewö melenök: “Ni galöm ambini Saraigöreŋök asamöta ölöŋ köla kazal.”

<sup>9</sup> Mewö jiiga Kembugöreŋ garatanöŋ Hagar kewö jim kutum waŋgiyök: “Gi mönö kunbuk Saraigöreŋ anda welenni qeba yangö keu bapŋe malman.”

<sup>10</sup> Keu mi toroqeba kewö jii mörök: “Hagar, nöŋön mönö göhö gwölönarökurupki ahum sehimi engibiga qötöŋini oyoŋoyöŋgö dop qahö aiga malme.”

<sup>11</sup> Kembugöreŋ garatanöŋ kunbuk toroqeba Hagargöra kewö jiyök: “Gi moröbuk akzana nahöŋgi meman. Dölki tapötkokorok möta sahötnöŋga mi mönö Kembugö kezapŋe geiga mötza. Miangöra morögö qetŋi Ismael qetman. (Ismael Anutunöŋ kezapŋan mötza.)

<sup>12</sup> Yaŋön azi doŋki bau kömböt ewö aka (nanŋi imbi-imbi qakŋe laŋ anda kaba) malma. Yaŋön böröŋan ambazip pakpak qetal engiiga ambazip pakpak yeŋön i qetal waŋgiba malme. Yaŋön munurupŋi pakpak yembuk kerök-kerök aka nanŋök kekelölo malma.”

<sup>13</sup> Mewö jiiga Hagarnöŋ kewö jiyök: “Nöŋön mönö dölki kunöŋ ni nehakzawi, i ekzal. “Miangöra Kembu yangöra keu jiyöhi, yangö qetŋi kewö qet waŋgiyök: “Gi Kembu ni nehakzananöŋ akzan. “Qetŋi mewö qerök.

<sup>14</sup> Könaŋi miangöra aka o löm miangö qetŋi mi Ber Lahai Roi (Malmalŋambuk mala nehakzawangö o lömŋi) qetketka ahöza. O löm mi toroqeba miri yahöt qetŋiri Kades aka Bered mietkö sutnire ahöza.

<sup>15</sup> \*Hagarnöŋ Abramgö morö nahönŋi meyök. Abramnöŋ nanŋi moröŋi Hagar meyöhi, yangö qetŋi Ismael qerök.

<sup>16</sup> Abramnöŋ yambuŋi 86 aiga Hagarnöŋ Ismael morö mi Abramgöra meyök. Mewö.

## 17

### *Jöhöjöhö areŋgö aiwesökŋi mi sile yandiyandi.*

<sup>1</sup> Abramnöŋ yambuŋi 99 aiga Kembunöŋ asuhum waŋgiba keu kewö jiyök: “Nöŋön Anutu kukösum pakpakö Tonji akzal. Miangöra gi mönö nöŋgö keuni tem köla pöndaŋ ahakmeme diŋdiŋi wuatangöba malman.

<sup>2</sup> Nöŋön jöhöjöhö areŋ mi gi aka ni netkö sutnire ahali, mi mem köhöiba ahumsehip gihibi gwölönarökurupki yeŋgö jaŋgöŋinan mönö keta bölöŋŋi akŋa.”

<sup>3</sup> Mewö jiiga Abramnöŋ simin köla bamgöiga Anutunöŋ yangöra keu kewö jiyök:

<sup>4</sup> “Mötman, nöŋön jöhöjöhö areŋni göbuk kewö akzal: Göŋön könagesö gwötpuk yeŋgö iwi bömöŋŋina akŋan. Keu mewö jim jöhöbi ahöma.

<sup>5</sup> \*Göhö qetki Abram mi qahö toroqeba qetketka ahömapmö, göŋön könagesö gwötpuk yeŋgö iwi bömöŋŋina akŋangöra kuŋgum gihizali, miangöra qetki mönö Abraham qetketka ahöma. \*

\* 16:15: Gal 4.22 \* 17:5: Rom 4.17 \* 17:5: Abram mi iwi öngöŋgöŋi. Abraham mi könagesö gwötpuk yeŋgö iwi bömöŋŋini.



6 Nöñön ahumsehip gihibiga gwölönarökurupki mi önöñi qahö asuhume. Yeñön jula denja könagesö kambuñi kambuñi gwötpuk akñe. Göhö gwölönarökurupki yeñgöreñök tosatñan kiñ kembuñi kembuñi akñe.

7 Nöñön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nöñön göhö Anutugi aka gwölönarökurupki göhö andöge asuhum öngömei, mönö yeñgö Anutuñina aka malmam.\*

8 Gi Keinan gölmenöñ kiana maljani, nöñön gölme mi jömukñanök gi aka göhö gwölönarökurupki engö buñaya qem engibiga buñañini teteköñi qahö ahöm öngöba ahöma. Mewö ahöiga nöñön mönö yeñgö Anutuñina aka malmam.\*\*

9 Anutunöñ Abrahamgöra mewö jiba toroqeba keu kewö jiyök: “Mewö malmam-mö, göñön mönö nöñgö jöhöjöhö areñnañgö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñön mönö mewöñanök mi tem köla wuatangöba mala mal öngöme.

10 Gi aka göhö gwölönarökurupki embuk jöhöjöhö areñni aka mi wuatangömegöra jizali, miangö aiwesökñi mi kewö: Engö sutnine azi pakpak yeñgö silenine mönö nöñgö aiwesökni yandime.\*

11 Nöñgö aiwesökni mönö silenine yandime. Mianñön jöhöjöhö areñ ni aka engö sutnine albi ahözawi, miangö aiwesökña ahöm öngöma.

12 Nalö kewöñeyök könahiba azi pakpak engö sutnine toroqeba asuhum öngömei, yeñgö silenine mönö sömañini 8 aiga miangöreñ nöñgö aiwesökni yandiba malme. Nannine miri uruñe nannini aka welenqeçeurupñini yeñgöreñ morönahönurupñini asuhumei, mi mönö öröröñ ak engiba malme. Welenqeçe tosatñi mi kian yeñgöreñök moneñnöñ bohonñini megetka yeñgö morö nahönñini asuhume. Yeñön nannini gwölönarökurupñini qahö akzemö, mi töndup nöñgö aiwesökni mi mönö yeñgö silenine mewöñanök yandiba malme.

13 Welenqeçe tosatñan nannine miri uruñe asuhugetka welenqeçe tosatñi mi moneñnöñ bohonñini megetka yeñgö morö nahönñini asuhume. Nöñgö aiwesökni mi mönö yeñgö silenine mewöñanök yandiba malme. Nöñgö jöhöjöhö areñnañgö aiwesökñi silenine yandime, mi mönö jöhöjöhö areñ teteköñi qahö ahöm öngömapköra jim köhöizal.

14 Azi kun dañön nöñgö aiwesökni silenine qahö yandigetka öne malmawi, yañön mönö nöñgö jöhöjöhö areñni ongita qetalakza. Miangöra azi mewöñi mi mönö nanñi ambazip kambu engö sutñineyök yakörim wañgigetka yaigep eta malma.”

15 Anutunöñ toroqeba Abrahamgöra kewö jiyök: “Gi anömgahö qetñi Sarai mi kude toroqeba qeta malmanmö, yañgö qetñi mönö Sara (jembon ambi) qeta malman. †

16 Nöñön Sara kötuetköm wañgibiga yañön göhöra morö nahön kun mema. Nöñön kötuetköm wañgibiga yañön ambazip kambuñi kambuñi gwötpuk yeñgö nam bömönñina akña. Yañgö gwölönarökurupñi yeñgöreñök tosatñan könagesö kambu yeñgöreñ azi kembuñi kembuñi akñe.”

17 Kembunöñ mewö jiiga Abrahamnöñ mi möta simin köla bamgöba uruñan kewö mötmöriba miangöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöñ yambuñi 90 aiga mönö denöwö morö membawak?”

18 Abrahamnöñ mewö mötmöriba welipköba Anutu kewö qesim wañgiyök: “Göñön ölop Ismael kuñgum wañginöñga qetki bisiiga nöñgö gwölönarökurupni mi yañgöreñök asuhume.”

19 Mewö qesiiga Anutunöñ kewö melenñök, “Anömgä Saranöñ mönö göhö morö nahöngi mema. Mi meiga qetñi Aisak (gön kölja) qetman. Nöñön Aisakpuk aka yañgö gwölönarökurupñi yembuk jöhöjöhö areñni mi al köhöibiga teteköñi qahö ahöm öngöma.

\* 17:7: Luk 1.55 \* 17:8: Apo 7.5 \* 17:10: Apo 7.8; Rom 4.11 † 17:15: Qetñi kewögöra uteköyök: Yañön ambazip kambuñi kambuñi gwötpuk aka kiñ kembu tosatñi yeñgö nam bömönñina akña.

<sup>20</sup> Ismael kötuetköm waŋgimangö qesim niŋgizani, mi mewöyök ölop möt gihiba kötuetköm waŋgimam. Yaŋön azi kembu 12 miengö iwi bömöŋŋini akŋa. Nöŋön ahumsehip waŋgibiga gwölönarökurupŋi yeŋgö jaŋgöŋinan mönö keta bölökŋi akŋa. Yeŋön sehiba könagesö kambu ketanŋi akŋe.

<sup>21</sup> Mewö akŋemö, Saranöŋ nahöŋgi Aisak mi yambu euneangö nalö kewöŋe memawi, nöŋön mönö nani jöhöjöhö areŋni mi yambuk al köhöimam.”

<sup>22</sup> Anutunöŋ Abrahambuk keu jiyohori, mi teköiga i mosöta wahöta öŋgöyök.

<sup>23</sup> Wehön miangöreŋök Abrahamnöŋ Anutugöreŋ keu tem köla nanŋi nahönŋi Ismaelgö silene Anutugö aiwesökŋi yandiyök. Mewöyöhök welenqequeurupŋi nanŋi miri uruŋe asuhugetka tosatŋi moneŋnöŋ bohönŋini meiga malgeri, azi pakpak mi yaŋgö miri uruŋe tatkeri, i mönö körek mewöŋanök ak eŋgiyök.

<sup>24</sup> Abrahamnöŋ yambuŋi 99 aiga silene aiwesök mi yandiget.

<sup>25</sup> Nahönŋi Ismael mi yambuŋi 13 aiga silene mi yandiget.

<sup>26</sup> Abraham aka nahönŋi Ismael yetkö silenire aiwesök mi sömaŋ mohot miangöreŋök yandiget.

<sup>27</sup> Azi pakpak Abrahamgö miri uruŋe tatkeri, tosatŋan nanŋi miri uruŋe asuhugetka tosatŋi mi kian yeŋgöreŋök bohönŋini meiga malgeri, körek yeŋgö silenine aiwesök mi mewöŋanök yandiget. Mewö.

## 18

### *Saranöŋ azi morö memawaŋgö keuŋi Anutunöŋ jiyök.*

<sup>1</sup> Abrahamnöŋ Mamre mire in ip ketanŋi ketanŋi miengö sutŋine maliga Kembunöŋ asuhum waŋgiyök. Silim miangöreŋ wehön jitŋi sihitŋi köhöikŋi qeiga Abrahamnöŋ opo seri koumŋaŋgö numbuŋe tarök.

<sup>2</sup> \*Tata uba wahöta ehiga azi karöbutŋan wösöŋe kinget. Kingetka eŋgeka opo seri koum numbuŋeyök wölaŋ wahöta jömjölöŋini jiba eŋguaŋgitmamgöra kiŋkiŋgöba anök. Anda waikŋini memba simin köla gölmenöŋ bamgöba geyök.

<sup>3</sup> Geba kewö jiyök: “O Kembu-urupni, nöŋön eŋgö welenqeŋeŋini aka eŋgö jeŋine kalem möriam miwikŋaiba maljal ewö, iŋini mönö ni kude nonŋita anme.

<sup>4</sup> Ni eŋgö welenqeŋeŋini aka ölop o moröŋi kun memba kaba eŋgibiga könaŋini sanŋonŋa ip kiangö aumŋe tata luhut meme.

<sup>5</sup> Nöŋön ölop nene moröŋi kun memba kaba eŋgibiga neme. Mianöŋ mem köhöim eŋgiiga ölop köna kunbuk toroqeba anme. Nöŋön kewöröpni malbiga iŋini ni göda qem niŋgiba kazeangöra ölop welen qem eŋgimam. “Mewö jiiga melenŋa kewö jiget: “Saiwap, jizanaŋgö dop mewö ölop akin.”

<sup>6</sup> Mewö jigetka Abrahamnöŋ ösumŋan kiŋkiŋgöba seri koum uruŋe anda öŋgöba Saragöra kewö jiyök: “Mönö ösumok plaua ölop kötökŋi amae (dis) karöbutkö dop memba melenŋa yeŋgöra bered ohoman.”

<sup>7</sup> Mewö jiba ösumŋan bulmakau kambunöŋ anda bulmakau döŋŋi busuŋi löwötŋi möwölöhöba welenqeŋeŋi kun waŋgiiga könaŋiba ösumok qeba möhamgöba ohoyök.

<sup>8</sup> Mi möhamgöba ohom teköiga mi, kelök kosökŋi aka juju o tosatŋi memba anda azi tatkerangö bapŋine alök. Bapŋine aliga memba tatketka nanŋi nalö miangöreŋ kösutŋine ip könaŋe galömŋina kinök.

<sup>9</sup> Kiniga kewö qesim waŋgiget: “Anömgi Sara mi denike?” Qesim waŋgigetka jiyök: “I opo seri koum uruŋe endu tatza.”

<sup>10</sup> Mewö jiiga azi yeŋgöreŋök kunŋan kewö jiyök: “Yambu mohotkö dop teköiga nöŋön ölna lilingöba ki kabiga anömgi Saranöŋ mönö morö nahönŋambuk aka malma. “Mewö

\* 18:2: Hib 13.2

jiyökmö, Saranöŋ opo seri koungö numbuŋe apŋaŋgö andöŋe kinda keu mi kezapŋe geiga mörök.\*

<sup>11</sup> Abraham aka Sara yetköŋ lök ambazip namŋi ahotka yambuŋiran gwötpuk ketanŋi aiga malohot. Saranöŋ köiŋgö aŋgeka malöhi, miangö nalöŋan lök oŋgit teköyök.

<sup>12</sup> Miangöra Saranöŋ mi möta uruŋan kewö mötmöriba gön kölök: “Nöŋön lök ambi namŋi sohosoholiŋi akiga apni azi kembunan mewöŋanök azi namŋi aiga yambuk ahöahögö sihimnan kunbuk asuhubawak me qahöpto?”\*

<sup>13</sup> Mewö mötmöriiga Kembunöŋ Abraham qesim waŋgiba kewö jiyök: “Saranöŋ wanigöra gön köla kewö mötmöriza: ‘Nöŋön ambi namŋi kötökŋi aka öŋa morö mem-bileŋak me?’

<sup>14</sup> Kembunöŋ mönö yuai kungöra qahö kötökŋi qakömakza. Miangöra jizali, ‘Yambu mohotkö dop teköiga nöŋön öŋa liliŋgöba ki kabiga Saranöŋ mönö morö nahönŋambuk aka malma.’ ”\*

<sup>15</sup> Saranöŋ keŋgötŋi möta mi köyatiba kewö jiyök: “Ni gön qahö köljäl. “Mewö jiyökmö, Kembunöŋ kewö jiyök: “Qahö, gi gön öŋa köljän. “Mewö.

### *Abrahamnöŋ Sodom taongöra köuluköyök.*

<sup>16</sup> Mewö jiiga azi karöbut yeŋön wahöta etkömosöta Sodom taonöŋ göröken elenŋa anbingö aket. Abrahamnöŋ mewöŋanök i eŋgubulmamgöra yembuk mohotŋe anget.

<sup>17</sup> Kembunöŋ nanŋaŋgöra kewö jiyök: “Ni yuai akŋamgö mötzali, mi alani Abrahamgöra ölöp qahö asambötmam.

<sup>18</sup> Kewögöra mi asambötmamgö osizal: Abrahamnöŋ nöŋgö alani qainŋi kun aka ahumsehip aiga könagesö ketanŋi kukösumŋinambuk aka malme. Nöŋgö kötumötuetnan mönö yaŋgöra aka gölmegö könagesö kambuŋi pakpak yeŋgö qakŋine öŋgöiga oy-aeŋkoyaeŋ akŋe.

<sup>19</sup> Nöŋön i kewögöra möwölöhöm waŋgial: Yaŋön nahönböraturupŋi aka gwölönarökurupŋi yaŋgö andöŋe asuhuba mal öŋgömei, yeŋgöra Kembugöreŋ köna kondela ahakmeme diŋdiŋi dop kölakzawi, mi wuatangömegöra jim kutum eŋgiba malma. Mewö maliga tem köla wuatangöba malme ewö, Kambu nöŋön Abrahamgöra yuai asuhumapkö jim jöhöyali, mianöŋ mönö öŋambuk pakpak ahakŋa.”

<sup>20</sup> Kembunöŋ nanŋök mewö jiba toroqeba Abrahamgöra kewö jiyök: “Sodom aka Gomora yeŋön siŋgisöndok lömbötŋi lömbötŋi aka malgetka kahasililiŋ öŋgöŋgöŋi ketanŋi asuhuiga gwötpukŋan miangöra qeta sahörakze. Miangöra yeŋgö siŋgisöndokŋinangö keuŋan mönö qariba qariba keta bölökŋi akza.

<sup>21</sup> Miangöra nöŋön mönö yeŋgöreŋ geba könaŋamŋini ekŋam. Kahasililiŋ akerangöra aka gwötpukŋan nöŋgö jene qeta sahöta malgeri, mi pakpak öŋa aket me qahö, mi nöŋön kewöta mötmamgö mötzal.”

<sup>22</sup> Mewö jiiga azi yahötŋan elenŋa Sodom göröken anohotmö, Abrahamnöŋ toroqeba Kembugö jemesoholŋe kinök.

<sup>23</sup> Kinda Kembugö kösutŋe anda kewö qesim waŋgiyök: “Gi ambazip solanŋi aka ambazip aŋgöjörakŋinambuk mi mohotŋe ayuhum eŋgimamgöra jizan me?”

<sup>24</sup> Taon miangöreŋ ambazip solanŋi 50 malje ewö, göŋön i öŋa ayuhum eŋgimamgö jizan me? Taon mi yeŋgöra aka eŋgehoribanak me qahö?

<sup>25</sup> Göŋön mewö akŋangö osibanak. Mi yapmakek! (qahöpmahöp!) Göŋön ambazip solanŋi mi ambazip aŋgöjörakŋinambuk yembuk mohotŋe mindiriba eŋgunöŋga qahö dop kölbapuk. Mewö öröröŋ kömumbepuk. Göŋön gölme ambazip pakpak yeŋgö keuŋini jim tekömakzani, miangöra mönö nanŋi könagi diŋdiŋi wuatangönöŋga dop kölma.”

\* 18:10: Rom 9.9 \* 18:12: 1 Pitö 3.6 \* 18:14: Luk 1.37

<sup>26</sup> Abrahamnön mewö jiiga Kembunön melennda kewö jiyök: “Nönön Sodom taonön ambazip solanji 50 miwikñaim enjimam ewö, yengöra aka taon pakpak mi ölop engehoremam.”

<sup>27</sup> Mewö jiiga Abrahamnön kunbuk kewö jiyök: “Kembu, ni nesak sömsöm omanji ewö akzalmö, töndup keu köhöikñi Kembunangöra kuñguba jizal. Mi kude dop köljamö, mi töndup ölop ni möt niñgiman.

<sup>28</sup> Taon miangören ambazip solanji 50 qahöpmö, 45 miyök malbeak ewö, göñön ambazip 5 yengöra aka taon pakpak mi töndup ayuhum enjiman me qahö?” Mewö jiiga Kembunön kewö jiyök: “Nönön ambazip solanji 45 miangören miwikñaim enjimam ewö, taon mi mönö qahö ayuhumam.”

<sup>29</sup> Abrahamnön dumñe kunbuk keu kewö jiyök: “Ambazip solanji 40 miyök miangören miwikñaim enjiman ewö, mönö denöwö akanak?” Mewö jiiga kewö melennök: “Ambazip 40 yengöra aka taon mi qahö ayuhumam.”

<sup>30</sup> Mewö jiiga jiyök: “O Kembu, urugi öngöbapukmö, ni kunbuk keu jimangö mötzal. Ambazip solanji 30 miyök miangören miwikñaim enjiman ewö, mönö denöwö akanak?” Mewö jiiga kewö melennök: “Ambazip solanji 30 miangören miwikñaim enjimam ewö, nönön mönö taon mi qahö ayuhumam.”

<sup>31</sup> Abrahamnön toroqeba kewö jiyök: “Kembu, ni keu köhöikñi Kembunangöra kuñguba jizal. Mi kude dop köljamö, mi töndup ölop möt niñgiman. Ambazip solanji 20 miyök miangören miwikñaim enjiman ewö, mönö denöwö akanak?” Mewö jiiga kewö melennök, “Ambazip 20 yengöra aka taon mi qahö ayuhumam.”

<sup>32</sup> Mewö jiiga Abrahamnön kunbuk kewö qesiyök: “O Kembu urugi öngöbapukmö, ni kunbuk sömanji mohot-töp ki keu jimangö mötzal. Ambazip solanji 10 miyök miangören miwikñaim enjiman ewö, mönö denöwö akanak?” Mewö jiiga kewö melennök, “Ambazip 10 yengöra aka taon mi qahö ayuhumam.”

<sup>33</sup> Mewö eraum-mörohot teköiga Kembunön Abraham mosöta aniga yanön kunbuk lilingöba miriñe kayök. Mewö.

## 19

### *Sodom aka Gomora yengö angöjörak malmalñini*

<sup>1</sup> Suep garata yahöt mi Abraham mosöta anda mare aiga Sodom angorohot. Angorohotka Lot azi miangön taon miangö kiripo nangune tarök. Tata etkeka wahöta jömjölöñiri jiba enguanğitmamgöra anda gölmenön simin köla bamgöba geyök.

<sup>2</sup> Geba kewö jiyök: “O kembuyahötñi, inñiri ölop welenqeçenñiri nönğö mire kaba könañiri sanğonda mohotñe sunğem ahöbin. Ahöba wahöta ölop söñanök köna toroqeba anmahot. “Mewö jiyökmö, yetkön kewö jiyohot: “Qahö, niri ölop qenjarök sombem kunön anda ahöbit.”

<sup>3</sup> Mewö jiyohotmö, Lotnön kapan köhöikñi köla jiba etkuangita nanñi miriñe anda öngöget. Öngöba welenqeçeurupñi jim kutum enjiiga bered yistñi qahö ohoget. Mewöyök numbu nene nahömñambuk möhamgöba ohoba etkigetka neyohot.

<sup>4</sup> Mi nemba gaun ahöbitkö ahotka miangörenök Sodom ambazipnön kaba miri mi liliköget. Sodom taongö bahöñi pakpak miangörenök ambazip namñi aka sepgwölö mi totnön totnön lömbötñambuk öröba kanğotket.

<sup>5</sup> Kanğota Lotköra kewö qetket: “Azi yahöt mare göhören kazahori, mi denike? Azi nini yetpuk sero akingöra mötzin. Miangöra mönö i etkuangita nenğoren etme.”\*

<sup>6</sup> Mewö qetketka Lotnön nanğuş metala yengören geba andöñe nanğuş kölök.

<sup>7</sup> Nanğuş köla kewö jiyök: “Alaurupni, mewö qahö. Silik bölöñi mi kude akñe.

\* 19:5: Kemb 19.22-24



<sup>8</sup> Mötket. Nöngö bōratni yahöt seram mala nalö kunöŋ azibuk qahö ahöyohot. I ölop enğōra etkuangita etpiga wanat yuaia akingö mötzei, mi ölop sihimŋini meköme. Mewömö, nöngö miri boŋan azi yahöt etkualönda sel jöhöm etkizawi, ia mönō yuai bölöŋi kun qahöpmahöp ak etkime.”

<sup>9</sup> Mewö jiyökmö, yeŋön kewö melenđa terinđa qetket: “Mönö kesalnöŋ. Göŋön ki kaba kiana mala nangahōra ninia jiba mötnöŋ öngōiga ninia pōndaŋ jim kutum neŋgimamgö mötzan? Yetköŋ qahö kamahot ewö, mönō nangak neŋgōreŋ kanōŋga mönō kahasililin keta bölökŋi nangi ak gihibin. “Mewö jiba Lot utalgetka kököndöt aniga öngōba miri nanğuŋi qesiŋbingö aka kinget.

<sup>10</sup> Mewö aka kingetmö, azi yahöt mietköŋ böröŋiri bōraŋda Lot öröm gilohotka miri uruŋe öngōiga nanğu kölohot.

<sup>11</sup> Nanğu köla kinda azi ketanŋi moröŋi miri nanğuŋe yaigep kingeri, mi jiyohotka keu jitŋiran enğualöŋniga jeŋini gömöliiga jipjap kota nanğu miwikŋaibingö mezaŋqezan aka jaruba osiget. Mewö.\*

*Lotnöŋ Sodom gölme mosörök.*

<sup>12</sup> Azi yahöt yetköŋ Lotköra kewö jiyohot: “Gi nahönurupki, qinğiböraturupki aka tinilosomurupki tosatiŋi pakpak taon kianğōreŋ maljei, i mönō enğuanğitnōŋga taon ki mosöta anme.

<sup>13</sup> Nini taon ki ayuhuba köndenmōndenbin. Könagesö kienğö kahasililinğōra gwötpukŋan Kembugö jeŋe önöŋi qahö qeta sahōta malget. Mianğōra yanön melaim netkiiga gölme ki ayuhuba köndenmōndenbitköra ki kazit.”

<sup>14</sup> Mewö jiyohotka möta Lotnöŋ anda qinği buŋa yahöt bōratyahötŋi etkömembitkö jiiga malohori, yetköra kewö jiyök: “Inŋiri mönō ösumok wahōrohotka miri ki mosöta anbin. Kembunöŋ taon ki ayuhuba köndenmōndenmamgö akza. “Mewö jiiga yetköŋ keu mi mörohotka göngōnahit tandök ahök.

<sup>15</sup> Miri waŋgaran suruiga Sup garata yahöt yetköŋ Lot öröm kuŋgum waŋgiba kewö jiyohot: “Anutunöŋ Sodom yeŋö siŋgisōndokŋinanğö likepŋi melenđa taonŋini köndenmōndenma. Göŋön yembuk mohotŋe ayuhubanbukōra mönō zilaŋ wahōta anōmgi aka bōratyahötki göbuk tatzahori, mi enğuanğita taon ki mosötket.”

<sup>16</sup> \*Mewö jiyohotka Lotnöŋ toroqeba eksekpeksek aiga azi yahöt yetköŋ Lotkö böröŋi melanjiba memba anömŋi aka bōratyahötŋi yeŋö böröŋini mewöŋanök melanjiba memba enğuanğita taon silene anget. Kembunöŋ mewö ak kömum enğiyök.

<sup>17</sup> Taon silene angetka azi yahöt yetköreŋök kunöŋ keu kewö jiyök: “Malmalŋini anğön kölmegōra mönō ösumok misiŋgōba angaitme. Andöŋine kude lilingōba uba anda gölme körōŋe endu anğota mianğōreŋ mewöyök dörök kude alme. Ayuhubepukōra mönō kundūŋe eu öngōba misiŋgōba angaitme.”

<sup>18</sup> Mewö jiyökmö, Lotnöŋ kewö jii mörohot: “O Kembuni, göŋön mewö akingōra kude jiman.

<sup>19</sup> Göŋön malmalnaŋgö bohonŋi jöhōba ak-kömukömu ketanŋi kondelnōŋga göhö jege ölŋa kalem möriam miwikŋaiba welenqegegi akzalmö, mötnöŋ, nöŋön kundūŋe eu misiŋgōba angaitmamgö osimam. Köndenmōnden kianön nöngö qakne öngōiga kömumbilenbukōra kenğötŋi mötzal.

<sup>20</sup> Mötnöŋ, taon moröni kun endu ahöi ekzani, mianön köröpŋi qahöpmö, ölop anbi-naŋgö dop akza. Mianğōra ölop jinōŋga mianğōreŋ misiŋgōba angaita ölöwaka malbin. Miri morörökŋi mi eknōŋga dowe ahōiga mianğōreŋ ölop anda malmalninaŋgö bohonŋi jöhōbin.”

<sup>21</sup> Mewö jii mörohotka kunöŋ kewö melennök: “Mi ölop! Keu jizani, mianğōra mewöyök ölop imbi köl gihimam. Taon morōŋanğōra jizani, mi qahö ayuhumam.

\* 19:11: 2 Kin 6.18 \* 19:16: 2 Pitö 2.7

22 Mi qahö ayuhumam-mö, injini mönö ösumok miangören misingöba angaitme. Miangören qahö angotketka nalö sutni kewöne nöñon yuai kun akñamgö osimam. Injini mutuk miangören angotketka miangö andöne ölop jim kutubiga köndenmönden asuhuma. “Lotnöñ taongöra ‘morodökñi’ jiyöhangöra aka taon miangö qetñi mi Zoar (morodökñi) qetketka ahöza.

*Kembunöñ Sodom aka Gomora köndenmöndenök.*

23 Wehönöñ lök koriga Lotnöñ Zoar taonöñ kanğorök.

24\* Kanğoriga Kembunöñ jiiga suepnöhök Kembangö mireyök salfa köt könöpñambuknöñ mi kie ewö Sodom aka Gomora yengö qakñine eta turum engiyök.

25 Turum engiba miangön taon yahöt mi aka gölme köröñi pakpak kösutñire ahözawi, ambazip körek miangören malgeri aka ip kösö yuai görökñi (töngöññi) gölme miangören ahögeri, mi ayuhum engim teköyök.

26 Lotkö anömñan apñi wuatangöba anda kunbuk eleñda andöne uba miangörenök letota sihi köt aka tandö ewö kinök.\*

27 Abrahamnöñ söñanök wahöta mutuk Kembangö jemesoholñe kinda keu eraum-mörohori, miangören anök.

28 Miangören anda kinda Sodom, Gomora aka gölme köröñi ketañi pakpak miangören göröken ui aniga gölme miangören köwak injañi ketañan tokoba koriga ehök. Mi könöp ketañi ohogetka köwak ketañi wahörakzawi, miangö dop ahök.

29 Anutunöñ gölme köröñi miangö taonñi taonñi ayuhuba köndenmöndennda nalö miangören Abraham mötmörim wangiyök. Behötñi Lotnöñ taon miangören maliga mienön melenñi gebingö aketka Anutunöñ nalö miangörenök jim kutuiga Lot köndenmönden miangö uruñeyök wangita kaget. Mewö.

*Moab aka Amon köñagesö yengö köñañini*

30 Lotnöñ Zoar taonöñ malmamgö keñgötñi mörök. Miangöra böratyahötñi etkuangita Zoar mosöta gölme kundunambuk miangören anda tatket. Böratyahötñi yahöt yetpuk banjet uruñe ahöm wahöt aka malget.

31 Miangören mala böratñi ketañan nalö kunöñ munñangöra kewö jiyök: “Naniri iwiniran lök azi namñi akza. Ambazipnöñ gölme dop miangören amimba nahönbörat miwikñaim engimakzemö, gölme kiangören azi kun netkömemapköra qahö malja.

32 Miangöra ölop kaba iwiniri wain o wangizi nemba uruñi enjololöñ aiga yambuk ahöba gölöm ala gwölönarök miwikñaziga köñagesöñinan toroqeba malme.”

33 Mewö jiba sunğem miangörenök iwiniri wain o wangiyohotka neyök. Nemba uruñi enjololöñ aiga datñan anda yambuk ahöyök. Wani nalönöñ qöhöröñe kayök aka wani nalönöñ wahöröhi, mi iwinan qahö mörök.

34 Ahöba wahöta böratñi ketañan munñangöra kewö jiyök: “Nöñon uran sunğem iwinambuk ahöyal. Ölop merak sunğem mewöyök wain o kunbuk wangizi nemba uruñi enjololöñ aiga göñon mönö anda yambuk ahömahot. Mewö ahöba iwinirangörenök gölöm ala gwölönarök miwikñaziga köñagesöñinan toroqeba malme.”

35 Mewö jiba sunğem miangören mewöyök iwiniri wain o wangiyohotka neyök. Nemba uruñi enjololöñ aiga munñan anda yambuk ahöyök. Wani nalönöñ qöhöröñe kayök aka wani nalönöñ wahöröhi, mi iwinan qahö mörök.

36 Mewö ahotka miangöra mohotñamñire iwinirangörenök gölöm alohot.

37 Böratñi ketañan morö azia memba qetñi Moab (iwinangörenök) qerök. Moab yangö gwölönarökurupñan ahumsehip aka kotketka nalö kewöñe mewöyök qetñini Moab köñagesö qerakzin.

\* 19:24: Mat 10.15; 11.23-24; Luk 10.12; 17.29; 2 Pitö 2.6; Jud 7 \* 19:26: Luk 17.32

<sup>38</sup> Bōratņi morōņan mewōņanōk morō azia memba qetņi Ben Ami (kōnagesōnaņgō nahōņņi) qerōk. Azi mianğō gwōlōnarōkurupņan ahumsehip aka kotketka nalō kewōņe mewōyōk qetņini Amon kōnagesō qerakzin. Mewō.

## 20

### *Abraham aka Abimelek.*

<sup>1</sup> Abrahamnōņ Mamre miri mosōta toroqeba Saut görōken distrik qetņi Negew mianğōreņ anda miri qetņiri Kades aka Sur mietkō sutņire malōk. Mianğō andōņe toroqeba taon qetņi Gerar mianğōreņ anda kusukņanōk malōk.

<sup>2</sup> \*Mianğōreņ mala ambazip mienğōra kewō jii mōtket: “Sara mi nena. “Mewō jiiga Gerargō kiņi Abimelek yaņōn keu ali aniga Sara waņgita jakōmbuak miriņe kaget.

<sup>3</sup> Mewō aketmō, Anutunōņ sunğem kunōņ Abimelekreņ kaba gaunōņ kewō jiyōk: “Ambi buņa qem aņguzani, mi azi kungō anōmņa. Mianğōra gi mōnō yaņğōra aka kōmupkō buņaya akņan.”

<sup>4</sup> Mewō jiyōkmō, kiņ Abimeleknōņ Sara qahō meyōhaņğōra aka kewō jiyōk: “Kembu, ni siņgisōndokō keuni qahō. Mianğōra gōņōn ni aka kōnagesōurupni nini ōne tōhōn ayuhum neņgibanbuk.

<sup>5</sup> Abrahamnōņ mōnō nanņak nōņğōra kewō jiyōk: ‘Ambi mi nena.’ Ambinōņ mewōyōk kewō jiyōk: ‘Abraham mi nena.’ Mianğōra urune geņmoņ qahō ahōiga ambi mi jibi kaiga bōrōnan yuai tōlokņi kun qahō ahal.”

<sup>6</sup> Mewō jiiga Anutunōņ gaunōņ likepņi kewō jii mōrōk: “Keu jizani, mi ōlņa. Gōhō uruge geņmoņ kun qahō ahōiga gōhōreņ kayōhi, mi mōtzal. Mianğōra gōņōn ambi mi misiriba nōņgō jene siņgisōndok akanbukōra sel jōhōm gihiba malal.

<sup>7</sup> Mewōğōra ambi mi mōnō kunbuk melenđa apņaņğōreņ waņgiman. Azi mi kezapqetok azia aka ōlōp gōhōra kōulukōiga qahō kōmuman. I kunbuk qahō waņgiman ewō, keu ki mōnō ōlņa mōtman: Gi aka tinitosolomurupki iņini mōnō kōrek kōmume.”

<sup>8</sup> Keu mi jii kiņnōņ mōta sōņanōk wahōta pom jembonurupņi pakpak eņgohol tokom eņgiba Kembunōņ keu pakpak jiyōhi, mi jii mōta tōwōratiba keņğōtņini gwōtpuk mōtket.

<sup>9</sup> Mewō mōtketka kiņ Abimeleknōņ Abrahamğōra keu ali ōņğōiga kewō jiba qesim waņgiyōk: “Gi mōnō wani kimbia ak neņginōņ? Nōņōn wani bōlōņi kun ak gihibiga gōņōn kondotnōņga siņgisōndokō keu lōmbōtņan mōnō ni aka kōnagesōni nōņgō sel tohoņ uruņe maljei, neņgō qaknine ōņğōmangō akza? Gōņōn yuai qahō ahakņaņgō dop mia sōņgo walōņda ak niņginōņ.

<sup>10</sup> Gōņōn mōnō kōnaņi wuanōņğōra silik mi aknōņe?” Kiņ Abimeleknōņ Abraham mewō qesim waņgiiga

<sup>11</sup> kewō melenņōk: “Nōņōn keu mi kewō mōtmōriba jial: ‘Gōlme kianğō kōnagesō eņōn Anutugō jitņi oņgitpinbukōra keņğōtņini qahō mōtpeak. Mianğōra ni anōmnaņğōra aka nuņguget kōmumbilenbuk.’

<sup>12</sup> Yaņōn ōlņa neni, iwinanğō bōratņi akza. Namnaņğō bōratņi qahō akzawaņğōra i anōmna meal.

<sup>13</sup> Anutunōņ Iwinanğō miriņi mosōta kungen anmangō jiyōhi, nōņōn nalō mianğōreņ Saragōra kewō jial: ‘Niri denike denike anbiri, mianğōreņ nōņğōra nena jiman. Mewō aka mianğōn ni urukalem kondel niņgiba malman.’ ”

<sup>14</sup> Mewō jii mōta Abimeleknōņ Abrahamğō anōmņi Sara melenđa waņgiyōk. Mewōņanōk lama bulmakau aka welenqege azi aka ambi mi mohotņe i waņgiyōk.

<sup>15</sup> Waņgiba keu kewō jiyōk: “Mōtnōņ. Nōņğōreņ gōlme ki wōsōge ahōzawi, mianğōreņ mōnō nangi sihimğahō dop malman.”

<sup>16</sup> Mewō jiba Saragōra kewō jiyōk: “Mōtnōņ. Nōņōn monen silwō kōt 1000:gō dop nengi waņgibiga mianğōn tōwagi akza. Tōwa mianğōn kōnaņamgi kondeliga ambazip kōrek gōbuk

\* 20:2: Jen 12.13; 26.7

maljei, yeñon mi eka kewö jiba möt yaköme, ‘Singisöndokö keuñi mi Saragöreñ qahö ahöza.’” Mewö jiyök.

17-18 Abrahamgö anömñi Saragöra aka Kembunöñ ambi pakpak kiñ Abimelekö miri uruñe malgeri, yeñgö morö memegö könañi jöhöyök. Miangöra Abrahamnöñ Anutu köuluköiga Abimelek mem ölöwahök. Mewöyök anömñi aka welenqeçe ambiurupñi mem ölöwak enjiiga kunbuk moröñinambuk aket. Mewö.

## 21

### *Aisak asuhuyök.*

<sup>1</sup> Kembunöñ Sara kalem möriam wañgimamgö keuñi jim jöhöi ahöyöhi, miangö dop i ek galöm ak wañgii malök. Keu jiyöhi, miangö dop i kewö ak wañgiyök:

<sup>2</sup> Saranöñ gölöm aliga Abrahamnöñ azi namñi aiga töndup yañgö morö nahönñi meyök. Anutunöñ morö nahön asuhumapkö keuñi qeljine jim jöhöyöhañgö dop mi mönö nalö miangöreñök asuhuyök.\*

<sup>3</sup> Saranöñ Abrahamgö morö nahönñi meiga qetñi Aisak (gön kölja) qerök.

<sup>4</sup> Qeriga Aisaknöñ wehönñi 8 aiga nalö miangöreñ Anutugö aiwesökñi silenje yandiyök. Anutunöñ keu jim kutui ahöyöhañgö dop mi yandiyök.\*

<sup>5</sup> Abrahamnöñ yambuñi 100 aiga nahönñi Aisak asuhuyök.

<sup>6</sup> Asuhuiga Saranöñ keu kewö jiyök: “Anutunöñ gönkölköl miwikñaim niñgiyök. Miangöra denike yeñon nöñgö kösohotni mötmei, yeñon mönö nömbuk gön kölme.”

<sup>7</sup> Mewö jiba toroqeba kewö jiyök: “Saranöñ morö galömkölkölña akñawi, dañon keu mi qeljine möta Abrahamgöra jibawak? Mewö qahöpmö, nalö kewöñe yañon azi namñi aiga nöñon töndup yañgö nahönñi meal. “Mewö.

<sup>8</sup> Aisaknöñ qariba juzu mosöriga wehön miangöreñök Abrahamnöñ nene lömbuan ketañi alök.

### *Saranöñ Hagar aka Ismael közöl etkiyök.*

<sup>9</sup> Ijpt ambi Hagarnöñ Abrahamgö morö nahönñi Ismael meyöhi, yañon nalö kunöñ munñi Aisak ilita mepaiköba gönawöt ak wañgiiga Saranöñ mi ehök.

<sup>10</sup> Mewö eka Abrahamgöra kewö jiyök: “Welen ambigö nahönñan mönö nöñgö nahöni Aisakpuk göhöreñ öröyuai mi qahö menden da buña qem añgumahot. Welen ambi mi aka nahönñi mi mönö közölnöñga anmahot.”\*

<sup>11</sup> Saranöñ keu mi jiyöhi, mianön Abrahamgö uruñi qeiga Ismael mi nahönñi ahöhañgöra aka urueret möriga uruñi mötökömbuk ahök.

<sup>12</sup> Mewö ahiga Anutunöñ yañgöra keu kewö jiyök: “Nahöngi aka welen ambigi Hagar yetköra mönö urugoro ketañi kude mötman. Aisakö gwölönarökurupñi yeñonök mönö göhö qetbuñagi bisiba malme. Miangöra Saranöñ keu göhöra jizawi, mi pakpak mönö möta tem kölman.\*

<sup>13</sup> Welen ambigahö nahönñan göhö gwölönaröki akzawañgöra nöñon i mewöñanök ahumsehip wañgibiga gwölönarökurupñan könagesö ketañi akñe.”

<sup>14</sup> Mewö jii möta Abrahamnöñ ahöba söñan kötökñe wahöta nene tosatñi memba o uu (ou huhu) lama silenjan memenji mianön o uba kaba Hagargö qamböñe ala mindiñgöba nahönñambuk melaim etkiiga mosöta anohot. Anda Berseba gölme qararanjökölñe añaota liliköba malohot.

<sup>15</sup> Malohotka lama silenje o memba anöhi, mianön qahöwahiga nahönñi mi böñban ip köhösoñi kungö bapñe ali ahöyök.

\* 21:2: Hib 11.11 \* 21:4: Jen 17.12; Apo 7.8 \* 21:10: Gal 4.29-30 \* 21:12: Rom 9.7; Hib 11.18



16 Ali ahöiga kinda kewö mötmöriyök: “Nahönan jeni qakne kömumawi, mi ekngamgö osiba jemörön akzal. “Mewö mötmöriba pokom mulget anakzawangö dop tikep anda tata silata sahöt gigilahöyök.

17 Morö sahöröhi, mi Anutunöñ möriga garatañan suepnöhök Hagargö qeta kewö jiyök: “Hagar, gi wani lömbötkö uruñe maljan? Kençötki kude mötnöñ. Morönöñ endu ahöba sahötzawi, Anutunöñ sahötñi mi lök mötza.

18 Mönö wahöta morö nahöngi gölmenöhök kököbihinöñ wahöriga böröñe memba mökökölüm wangiman. Nöñön i könangep ahumsehip wangibiga gwölönarökurupñan sehiba könagesö ketañi qetbuñañinambuk akñe.”

19 Suep garatanöñ mewö jiiga Anutunöñ jeni metohoiga uba o lömñi kun ehök. Mi eka lama silenji memba anda mianñön o uba kaba nahöññi wanggiiga neyök.

20 Anutunöñ Ismaelbuk kiniga qariba gölme qararañkölkölñe mala erim nembu azia ahök.

21 Gölme qararañkölkölñi qetñi Paran mianñöreñ maliga namñan Ijpt kantrinöhök ambi kun memba anömña wangiyök. Mewö.

### *Abraham aka Abimelek yetkön urujöhöjöhö ahot.*

22 \*Nalö mianñöreñ Abimelek aka yangö yarö kambuñangö suahö galömñi qetñi Fikol yetkön Abrahamgöra kewö jiyohot: “Göñön öröyua pampak aka memakzani, Anutunöñ mönö mianñöreñ göbuk kinakza.

23 Mianñöra göñön mönö merak kianñöreñ Anutugö jene jöjöpañ keu kewö jiba jim köhöiman: ‘Nöñön gi, moröurupki aka gwölönarökurupki embuk isimkakalek kun kude aka malmam.’ Mewö jim köhöiba nöñön ak kömum gihiba malali, mianñö dop göñön mönö mewöñanök gölme ki aka ni ak kömum netkiba malman. Gi gölme kianñöreñ kiana aka maljan.”

24 Mewö jiyohotka Abrahamnöñ kewö jiyök: “Nöñön jöjöpañ keu mi ölop jiba jim köhöiman.”

25 Mewö jiyökmö, Abimelekö welenqeçeurupñan o löm kun nanñinañgöra añgön kölgeri, Abrahamnöñ mianñöra Abimelek jim wangiyök.

26 Jim wangiyökmö, Abimeleknöñ kewö melenña jiyök: “Dañön silik mi ahöhi, mi nöñön qahö mötzal. Nangak mianñö keuñi kun mutuk qahö jinöñ möta mala merak-kun keu mi mötzal.”

27 Mewö melenña jiiga Abrahamnöñ anda lama aka bulmakau memba kaba Abimelek wanggiiga nalö mianñöreñök sutñire jöhöjöhö aka alohot.

28 Mi ala Abrahamnöñ lama kambuñineyöhök lama ambiñi moröñi 7 meköm ençiba al ençii nanñinök kinget.

29 Mewö kingetka Abimeleknöñ Abraham kewö qesim wangiyök: “Lama ambiñi moröñi 7 kewöta endu al ençinöñga nanñinök kinjei, mi könañi wuanöñgöra?”

30 Qesim wanggiiga kewö melenñök: “Nöñön o lömñi ki esiali, keu mi jibiga mi möt narizan ewö, lama moröñi 7 ki mönö nöñgö böröneyök buña qem añgunöñga nöñgö keunangö dangunñi akña.”

31 Mewö melenña azi yahöt mi gölme mianñöreñ kinda jöjöpañ keuñiri jiba jim jöhöm añguyohot. Mianñöra miri mianñö qetñi Berseba qerakze. \*

32 Berseba mire jöhöjöhö mewö ahot teköiga Abimelek aka yangö yarö kambuñangö suahö galömñi Fikol yetkön wahöta lilingöba Filistin yengö gölmenöñ anohot.

33 Anohotka Abrahamnöñ berem ip kun Berseba miri mianñöreñ kömöta Kembu Anutu bem konkon yangö qetñi qeta köuluköyök.

34 Köuluköba kinda Filistin yengö gölmenöñ nalö köröpñi kiana aka malök. Mewö.

\* 21:22: Jen 26.26 \* 21:31: Berseba keu mianñö könañi yahöt: sewengö o lömñi aka jöjöpañ keugö o lömñi.

## 22

### *Anutunöŋ Abraham esapköm waŋgiyök.*

<sup>1</sup> Yuai mi asuhuiga nalö tosatŋi teköiga Anutunöŋ Abraham esapköm waŋgiyök. Qetŋi “Abraham!” qeriga yaŋön “Ni ki kinjal,” jiba melenök.\*

<sup>2</sup> Mewö melenŋiga kewö jiyök: “Aisak nahöŋgi nanŋi mohotsirik urugan jöpaköm waŋgimakzani, i mönö waŋgita Moria gölmenöŋ anda kundunŋi kun kondel gihimami, miangöreŋ öŋgöba i nöŋgö jöwöwöla ohoman.”\*

<sup>3</sup> Mewö jiiga Abrahamnöŋ ahöba söŋan kötökŋe wahöta doŋki qakŋe dum tatatŋi möhamgöba welenqeŋeŋi yahöt aka nahönŋi Aisak enġuaŋgirök. Jöwöwölgö könöpŋi dopŋe köl teköba börangöba ala enġuaŋgita Anutunöŋ gölme jiyöhi, miangöreŋ anök.

<sup>4</sup> Anda mala wehön karöbutŋi miangöreŋ jeŋan uba wahöta gölme mi ehiga köröwen ahöyök.

<sup>5</sup> Mi eka welenqeŋe yahötŋi yetköra kewö jiyök: “Inŋiri doŋkibuk ki tarohotka ni aka morö nahön netköŋ endu anda Anutu waikŋi memba möpöseiba kunbuk lilingöba etköreŋ kabit.”

<sup>6</sup> Abrahamnöŋ mewö jiba jöwöwöl ohohogö könöp böranŋi memba nahönŋi Aisakö qamböŋe ali öŋgöiga nanŋak könöp jit aka sou meyök. Mewö meiga mohotŋamŋire anohot.

<sup>7</sup> Mewö anda Aisaknöŋ aŋ ala iwiŋi Abrahamgöra kewö jiyök: “Iwini!” Mewö jiiga kewö melenök: “Nahöni, wania?” Mewö melenŋiga kewö qesiyök: “Könöp jitŋi aka könöp mia ki memba kazitmö, jöwöwöl ohohogö lamanŋi mi denike?”

<sup>8</sup> Mewö qesiiga iwiŋan kewö melenök: “Nahöni, Anutu nanŋak mönö jöwöwöl ohohogö lamanŋi kun miwikŋaiba netkima. “Mewö melenŋiga toroqeba mohotŋamŋire anohot.

<sup>9</sup> Anda Anutunöŋ gölme jiyöhaŋgöreŋ aŋgota kinda jöwöwöl ohohogö altanŋi kun memba könöp miangö qakŋe ala areŋgöyök. Areŋgöba nahönŋi Aisak jöhöba altanöŋ könöp qakŋe al waŋgiyök.\*

<sup>10</sup> Al waŋgiba nahönŋi umamgöra böroŋi böraŋda sou memba atöŋnök.

<sup>11</sup> Atöŋniga miangöreŋök Kembugöreŋ garatanöŋ Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba melenök.

<sup>12</sup> Mewö melenŋiga kewö jiyök: “Börögan mönö morögö qakŋe kude alman. Yangö qakŋe yuai kun kude akŋan. Göŋön nahöŋgi mohotsirik mi nöŋgöra qahö aŋgön köljanagöra könaŋamgi merak kewö möt yaközal: Gi Anutugö keu jitŋi oŋgitpanbuköra keŋgötki mörakzan.”

<sup>13</sup> Mewö jiiga miangöreŋök uba wahöta ehiga lama aziŋi kun ilitŋan böŋbaŋ ip köhösonöŋ gili geiga kinök. Mi eka anda memba kaba nahönŋaŋgö salupŋe lama miangön jöwöwöl ohöyök.

<sup>14</sup> Miangöra Abrahamnöŋ gölme miangö qetŋi mi ‘Kembunöŋ miwikŋaiba netkima,’ jiba qerök. Nalö kewöŋe mewöŋanök keu kewö jimakze: “Kembunöŋ mi kundunŋe miwikŋaiba netkima.”

<sup>15</sup> Kembugö garatanan Abrahamgöra Suepnöhök kunbuk kewö qeriga yahöt ahök:

<sup>16</sup> “Kembu nöŋön kewö jizal: Nanak nani qetŋi qeta jöjöpaŋ keu kewö jiba jim köhöizal: Göŋön silik ki aka nahöŋgi mohotsirik mia nöŋgöra qahö aŋgön kölŋani,

<sup>17</sup> miangöra nöŋön ölna gi kötuatköba ahumsehip gihibiga gwölönarökurupki yeŋön önöŋi qahö sehime. Sehigetka qötöŋinan mönö suep könakembagö seŋgelaunŋi ewö akŋa aka köwet jitŋe sakösiŋ ahöm anjei, miangö dop akŋa. Göhö gwölönarökurupki yeŋön mönö köhöiba kerökurupŋini enġuba luhut ala siti gölmenŋini enġuaŋgita aŋgön köla malme.\* \*

\* 22:1: Hib 11.17-19 \* 22:2: 2 Kor 3.1 \* 22:9: Jei 2.21 \* 22:17: Hib 6.13-14 \* 22:17: Hib 11.12

18 Göñön nõngö keuni tem kölani, miangöra göhö gwölönarökurupki yengörenök kungöra aka nõngö kötümötuetnan mönö gölmeğö könagesö kambunji pakpak yengö qakñine öngöiga oyaenköyaen akñe.”\*

19 Kembangö garatanan mewö jiiga Abrahamnön morönambuk lilingöba welenqeyahötñi yetkören anda aitonğöba mohotñe Berseba mire anget. Abrahamnön Berseba miri miangören opo seri koumñi mörörenğöba malök. Mewö.

### *Nahorgö gwölönarökurupñi*

20 Nalö tosatñi teköiga buzup keu kun kewö jigetka Abrahamğoren kayök: “Milkanön mewöñanök nama akza. Yanön mungi Nahorgö nahönurupñi tosatñi engömeyök.”

21 Morönji mutukñanğö qetñi mi Uz, yanğö munñi Buz aiga yanğö könane Kemuel, Aramğö iwiñi.

22 Kemuelğö könane Kesed, Hazo, Pildas, Jidlaf aka Betuel.

23 Betuelnön Rebekagö iwiña ahök. Milkanön Abrahamğö munñi Nahorgö nahönurupñi 8 mi engömeyök.

24 Nahorgö anömñi bohonñi qahö memeni qetñi Reuma yanön mewöñanök nahönurupñi tosatñi engömeyök. Yengö qetñini mi Teba, Gaham, Tahas aka Maka. Mewö.

## 23

### *Saranön kömuyök.*

1 Saranön mala mal öngöiga yambuñi 127 ahök. Saranön miangö dop malök.

2 Mala Keinan gölmenön miri qetñi Kariat Arba, qetñi alañi Hebron qerakzei, miangören kömuyök. Kömuiga Abrahamnön miangörenök anömñanğöra jinğen köla sahötmanğöra anök.

3 Anda sahöt teköba wahöta anömñanğö qamötñi mosöta anda kinda Hit ambazip yengöra keu kewö jiyök:

4 \**“Ni engö sutñine kiana kaba qandak (kusuk) maljal. Miangöra inñi mönö gölmeninangö bahöni kun kiangören ninğigetka bohonñi membiga qaksirini aiga alaurupni yengö qamötñini miangören ala löm köl engimakñam.”*

5 Keu mewö jiiga Hit yenön melenğda kewö jiget:

6 *“O azi kembu, gi ölop nenğoren keu ki mötnön. Gi nenğö sutñine Anutugö azi jembonñi maljanangöra aka qaksirigi sihimgan denike ek soroköba memangö mötzani, miangören mönö ölop qamötki löm kölman. Göñön qamötki esim kölman jinönga nenğorenök kunñan mi qahö anğön köl gihima.”*

7 Mewö jigetka Abrahamnön wahöta gölme tourupñi Hit ambazip yengö wösönjine geba sipköm engiyök.

8 Sipköm engiba kinda yengöra keu kewö jiyök: *“Nönön qamötñi esim kölmanğö ölop jime ewö, mönö nõngören keu ki möta Zohargö nahönñi Efron yanğoren anda keu jitni ki toroqeba jiba kuñgum wanğime.*

9 Kuñgum wanğigetka möta banet qetñi Makpela yanğö bunaya aka nupñanğö imbine göröken ahözawi, mönö mia jim teköiga söngörönji memam. Mönö qesigetka bohonñi jömuk jim teköiga söngörönji membiga nõngö qaksirini engö sutñine ahöma.”

10 Mewö jiiga Efronön alapurupñi Hit könagesö pakpak taonñinangö kiripo nanğune kaba sombemnön tokogeri, yengö sutñine tariga keu kezap ala mötketka Efronön Abrahamğöra kewö melen wanğiyök:

11 *“O azi kembuni, mewö qahöpmö, mönö nõngöra kezap alnön. Nönön gölme körönji mi aka banet miangören kinjawi, mi kalema gihizal. Nani könagesöurupni yengö jenjine kinda mi gihibiga ekze. Qamötki mi ölop miangören esim löm kölman.”*

\* 22:18: Apo 3.25 \* 23:4: Hib 11.9, 13; Apo 7.16

12 Mewö jiiga Abrahamnön gölme tourupni yeŋgö wösöŋine kunbuk geba sipköm enġiyök.

13 Sipköm enġiba kinda yeŋgö jeŋine Efrongöra kewö jiiga mötket: “Nöŋgöreŋ keu ki mönö kezap ala mötnöŋ. Göŋön ölop mewö akanakmö, nöŋön mönö gölme köröŋi miangö bohonŋi mi gihimam. Mi ölop jiba töwa menöŋga nöŋön qamötni miangöreŋ esim löm kölmam.”

14 Mewö jiiga mötketka Efronöŋ Abrahamgöra kewö melen waŋgiyök:

15 “O azi kembuni, nöŋgöreŋ keu ki mönö kezap ala mötnöŋ. Gölme miangö bohonŋi mi 400 silwö kötni (50 kilogram). Ala-ala akzirangöra aka mianön mönö netkö sutnire yuai omanŋi akza. Miangöra qamötke ölop esim löm kölman.”

16 Mewö melen waŋgiiga möta Abrahamnön gölme bohonŋangö jaŋgöŋi Efronöŋ Hit könagesö yeŋgö jeŋine jiiga mötkeri, miangö urumohot ahök. Jaŋgöŋi silwö kötni 400 mi kölköl-örörö ambazipnön nalö miangöreŋ bohonŋangö dopni jiget ahöyöhi, miangö dop moneŋ mi kewöta waŋgiyök.

17 Mewö waŋgiiga Efrongöreŋ gölme köröŋi Mamre kösutŋe Makpela miangöreŋ ahöyöhi, baŋet miangöreŋ kinöhi aka ip pakpak gölme miangö jabö uruŋe kingeri, miangö keuŋi teköyök.

18 Keuŋi teköiga Abrahamgö buŋaya ahök. Hit könagesö pakpak taonŋinangö kiripo naŋuŋe kaba sombennöŋ tokogeri, yeŋön töwaŋi mi eketka buŋaŋi ahök.

19 Miangö andöŋe Abrahamnön anömŋi Saragö qamötŋi mi Keinan gölmegö baŋetŋe esim löm kölök. Baŋet mi Mamre qetŋi alaŋi Hebron miangö kösutŋe gölme köröŋi qetŋi Makpela miangöreŋ ahöza.

20 Mewö asuhuiga gölme köröŋi aka baŋet miangöreŋ kinjawi, mi Hit könagesö yeŋön Abrahamgö buŋaya qem waŋgigetka qaksiriŋi ahök. Mewö.

## 24

### *Aisakö anömŋi Rebeka mi waŋgita kaget.*

1 Abrahamnön azi namŋi ahiga Anutunöŋ yuai pakpak aka meyöhi, miangöreŋ i kötuatköm waŋgii mala korök.

2 Mewö ahiga nalö kunöŋ miriŋangö welenqeŋe jembonŋi bohonŋi, miriŋi uruŋe öröyuai ahöm waŋgiyöhi, miangö galömŋi yaŋgöra keu kewö jiyök, “Gi mönö keugi jim köhöimangöra börögi nöŋgö tambuni bapŋe alman.

3 Mewö ala Kembu, Suep aka gölme mietkö Anutuŋirangö qetŋe jöjöpäŋ keu kewö jiman: Nöŋön Keinan könagesö yeŋgö sutŋine ki maljalmö, göŋön mönö nahönaŋgö anömŋi mi yeŋgö nen böratŋina kun kude memba waŋgiman.

4 Mewö qahöpmö, gi mönö nane kantrinöŋ anda tinitosolomurupni yeŋgöreŋök nahöni Aisakö anömŋa waŋgita kaman.”

5 Mewö jiiga welenqeŋe jembonöŋ kewö qesim waŋgiyök: “Anda jibiga ambi mianön nömbuk gölme kiangöreŋ kamangö tököma ewö, nöŋön mönö denöwö akŋam? Nahöŋgi waŋgita kantri kanöŋangöreŋ kunbuk liliŋgöba anbit me qahö?”

6 Mewö qesim waŋgiiga Abrahamnön kewö melenök: “Qahöpmahöp! Gi nöŋgö nahöni waŋgita miangöreŋ kunbuk kude anmahot.

7 Suepkö Kembuŋi Anutunöŋ ni iwinangö miri aka ahuahu kantrineyök keu kewö jii mötpiga jöjöpäŋ keunöŋ jöhöba noaŋgiri kayal: ‘Nöŋön gölme ki mönö göhö gwölönarökurupki yeŋgö buŋaya qem enġimam.’ Miangöra yaŋön mönö Suep garataŋi melaiiga mutuk aniga göŋön ölop nahönaŋgö anömŋi mi miangöreŋök waŋgita kaman.

8 Anda jinöŋga ambi mianön göbuk kamangö tököma ewö, jöjöpäŋ keugi kianön mönö qahö toroqeba jöhöm gihima. Nöŋgö nahöni mi mönö qahö kötökŋi waŋgita miangöreŋ liliŋgöba anmahot.”



<sup>9</sup> Mewö jiiga welenqege jembonnan keu mi jim jöhöm wanğiba jöjopañ keunöñ jim köhöimangöra böröñi ketañamñi Abrahamgö tambuñi bapñe alök.

<sup>10</sup> Mewö jim köhöiba kinda ketañamnanğoreñ kamel 10 aka yanğö köweneyök yuai aködamunñinambuk könañi könañi mohotñe meyök. Mi memba mosöta Not Mesopotemia (Aram Naharaim) \* kantrinöñ anda Nahornöñ taon malöhanğoreñ anğorök.

<sup>11</sup> Anğota taon yaigepñe o lömñi kinöhanğö kösutñe kamelurupñi al enğiiga siminñini mösököba geba luhut meget. Wehön jeni gemamgö aiga taongö ambiñi yeñön o ubingö o lömñe kaka nalöñini mi ahök.

<sup>12</sup> Mianğoreñ kinda kewö köuluköyök: “O Kembu, ketañamni Abrahamgö Anutuñi, gi mönö merak töhötmöriam niñgiba ketañamni Abrahamgöra keu jim jöhönöñi, mianğö ölni asuhuma.

<sup>13</sup> Mötnöñ, ni o löm kösutñe kianğoreñ kinbiga taongö ambi seramurupñini yeñön o ubingö kame.

<sup>14</sup> Kagetka kewö asuhumapköra köuluközal: Nöñön ambi seram kungöra kewö jimam: ‘Gi ölop köurañengi möñgoninöñga (mondokönöñga) o nembilenak.’ Mewö jibiga yanön kewö melenđa jima: ‘Ölop nenöñga kamelurupki mewöyök o gumohom enğimam.’ Mewö jimawi, ambi seram ia göñön welenqege azigi Aisakö buñaya qenöñi, yanön mönö mia akña. Mewö asuhuiga göñön ketañamnanğöra keu jim jöhönöñi, mianön ölnambuk akza, mewö mötmam.”

<sup>15</sup> Köuluk mi qahö köuluköm teköiga mianğoreñök ambi kun qetñi Rebeka yanön köurañen qamböñe anğuba mianğoreñ kanğorök. Yanön Abrahamgö munñi Nahor aka anömñi Milka, yetkö nahönñiri qetñi Betuel yanğö börtatña ahök.

<sup>16</sup> Ambi mianğö kaisongolomñi mi eksihimñambuk kötökñi aiga ambi seram jömukñi azinöñ qahö memenja malök. Yanön eta o lömnöñ geba o uba korök.

<sup>17</sup> Koriga mianğoreñök welenqege jembonöñ ösumñan yanğö kösutñe anda kewö jiyök: “Gi ölop köurañengeyök o kun niñginöñga nembilenak.”

<sup>18</sup> Mewö jiiga kewö melenñök: “O kembuni, ölop neman. “Mewö jiba ösumok köurañenñi böröñan memba eta möñgoniiga (mondoköiga) o neyök.

<sup>19</sup> Mi neiga kewö jiyök: “Nöñön kamelurupki yeñgöra mewöyök o uba enğibi memba anda bikñini enğuiğa mosötme.”

<sup>20</sup> Mewö jiba ösumok köurañenñi mokoi o körek joutnöñ geiga kunbuk diñdiñgöba o lömnöñ o umangöra geba kamelurupñi pakpak yeñgöra o dopñine uyök.

<sup>21</sup> Mewö ahiga welenqege jembonöñ göröñ kinda i törörök eka kewö möta mötmöriyök: “Ölna, Kembunöñ köna köröpñi ki kayalanğö möriamñi mi mönö kewö kondori asuhuza me denöwö?”

<sup>22</sup> Mewö mötmöriba kiniga kamel yeñön o nem tekögetka welenqege jembonöñ pinjim (möpöñ) goulnöñ memenji kun lömbötñi 5 gram mi memba ambi seramgö söñgöñe ala böröjenjen goulnöñ memenji yahöt lömbötñiri 110 gram mi böröñe mei öngöyök.

<sup>23</sup> Mei öngöiga kewö qesim wanğiyök: “Gi dagö börtatña? Iwigahö miri uruñe neñön sunğem ahöbinakö tiñi kun ahöza me qahö, mi ölop jinöñ mötpilenak.”

<sup>24</sup> Mewö qesim wanğiiga kewö melen wanğiyök: “Ni Betuelgö börtatña. Abu asani qetñiri Milka aka Nahor.”

<sup>25</sup> Mewö jiba toroqeba kewö jiyök: “Nenğoreñ luplup aip aka kamel yeñgö gwözözak nenenji mi gwötpuk ahöza aka sunğem gaun ahömegö tiñi mi mewöyök ölop kinja.”

<sup>26</sup> Mewö jiiga welenqege jembonöñ gölmenöñ geba bamgöba Kembangö waikñi memba möpöseiyök.

<sup>27</sup> Möpöseiba kewö jiyök: “O Anutu, ketañamni Abrahamgö Kembuñi, nöñön gi möpöseim gihizal. Göñön ketañamnanğöra kalem möriamgö keugi jim jöhönöñi, mi törörök

\* **24:10:** Aram qet mi nalö kewöñe Siria qerakze. Naharaim o töwatñi yahöt (Yufreitis aka Tigris) mietkö sutñire.

wuatangönönga qahö sörauyök. Miangö dop Kembu göñön noangitnönga köna köröpñi ki kaba mala ketañamnanngö tinitosolomurupñi yengö mire kangotzal.”

<sup>28</sup> Mewö asuhuiga ambi seramnöñ ösumñan kiñkiñgöba anda miangö kösohotñi mi namñangö saiwaurupñi miriñe malgeri, yengöra jiiga mötket.

<sup>29</sup> Rebekagö nenni qetñi Laban malök. Yañön mi möta Abrahamgö welenqeçe jembonñi ekñamgöra ösumñan yaigep o lömñe kiñkiñgöba anök.

<sup>30</sup> Nennangö böröñe goul böröñenjen aka söngöröñe goul pinjim tari ehiga nenni Rebekeñe welenqeçe jembonöñ keu jiiga möröhi, miangö kösohotñi jii möta yangöreñ anök. Anda o lömñe angota azi mi ehiga miangöreñ kamelurupñi yengö qöhöröñine kinök.

<sup>31</sup> Kiniga kewö jiyök: “Kembunöñ kötuatköm gihii maljani, gi mönö kanönga mirinöñ anbit. Yaigep kiangöreñ kude kinman. Nöñön nanñini ahömeangö miriñi aka kamelurupki yengö dumñini tok möwölöhözal.”

<sup>32</sup> Mewö jiiga welenqeçe jembonöñ mire kaiga kamel qakñine sukinap taröhi, mi Labanöñ musula mei eri jiiga kamel yengöra luplup aip aka gwözözak nene memba kaba engiget. Welenqeçe jembon aka yangö aziurupñan könañini sangoñmeangö onji mi tok mohotñe uba kaba engiget.

<sup>33</sup> Miangö andöñe nene welenqeçe jembongö wösöñe kölgetmö, yañön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöñ kewö jiyök: “Mi ölop jinöñ mötpin.”

<sup>34</sup> Mewö jiiga kewö jiyök: “Nöñön Abrahamgö welenqeçe azia akzal.

<sup>35</sup> Kembunöñ ketañamni önöñi qahö kötuatköm wanjiiga azi öngöñgöñi sukinapuk aka malja. Kembunöñ lama aka bulmakau, silwö aka goul, welenqeçe azi aka ambi aka kamel, donki mi gwötpuk wanjiiga malja.

<sup>36</sup> Ketañamnanngö anömñi Sara yañön ambi namñi kötökñi aka nalö miangöreñ ketañamnanngöra nahönñi kun meyök. Iwinan sukinapñi pakpak mi nahönñangöra bunja qem wanjiiga malja.

<sup>37</sup> “Ketañamnan nöñön jöjöpañ keu kewö jimamgö jim kutum ningiyök: ‘Nöñön Keinan yengö gölmenöñ ki maljalmö, göñön mönö nahönangö anömñi mi Keinan yengö nen böratñina kun kude memba wanjiman.

<sup>38</sup> Mewö qahöpmö, gi mönö iwinangö mire nani tinitosolomurupni yengöreñ anda nahönangö anömñi mi miangöreñök wanjita kaman.’

<sup>39</sup> “Mewö jiiga ketañamni mi kewö qesim wanjial, ‘Nöñön anda jibiga ambi mianjön nömbuk qahö kama ewö, nöñön mönö denöwö akñam?’

<sup>40</sup> Mewö qesim wanjibiga kewö melenök: ‘Nöñön Kembangö jeñe anda kaba aka memba malali, yañön mönö Suep garatañi melaiiga göbuk aniga köna anmani, mianjön töhötmöriamñambuk akña. Mewö nani iwinangö mire anda tinitosolomurupni yengöreñök nahönangö anömñi mi memba kaman.

<sup>41</sup> Nöñgö tinitosolomurupni yengöreñ anda jöjöpañ keu nöngöra jinöñi, mianjön mönö miangö andöñe qahö toroqeba jöhöm gihima. Ambi kun qahö gihime ewö, göñön töndup jöjöpañ keu miangö kösönöhök lolohoman.’

<sup>42</sup> “Mewö jiiga merak o lömñe kangota kinda kewö köuluközal: ‘O Anutu, ketañamni Abrahamgö Kembuñi, ni köna köröpñi kazali, mi mönö jitsihitkahö dop mötnönga töhötmöriamñambuk akña.

<sup>43</sup> Eknöñ, nöñön o löm kiangö kösutñe kinjal. Kewö kinbiga ambi seram kunñan o umamgö kaiga nöñön yangöra kewö jimam: “Gi ölop köurañengeyök o moröñi kun ninginönga nembilenjak?”

<sup>44</sup> Mewö jibiga yañön kewö melenja jima: “Ölop nenöñga kamelurupki yengö o mewöñanök uba engimam. “Mewö melenja jima ewö, nöñön miangöra kewö mötmam: Kembu göñön i ketañamnanngö nahönñangö anömñi akñapköra möwölöhözan.’

<sup>45</sup> Uruneyök köuluk mi qahö köuluköm teköbiga miangörenök Rebeka yañön köurañen qamböñe aᅅguba miangören kaᅅgotza. Kaᅅgota o lömñe geba o uiga nõñõn yaᅅgõra kewõ jizal: ‘Ölöp o kun niᅅginõᅅga nembilenjak.’

<sup>46</sup> “Mewõ jibiga yañön zilaᅅ köurañenni qambõñeyök mei eriga kewõ jiza: ‘Ölöp nenõᅅga kamelurupki yeᅅgõ o mewõñanök eᅅgibiga neme.’ Mewõ jii nembiga kamelurupni mi mewõyök o gumohom eᅅgiza.

<sup>47</sup> Gumohom eᅅgiiga kewõ qesim waᅅgizal, ‘Gi dagõ bõratña?’ Qesim waᅅgibiga kewõ melenja: ‘Ni Betuelgõ bõratña. Abu asani qetñiri Milka aka Nahor.’ Mewõ melenjiga nõñõn pinjim sõᅅgõrõñe mõndõba bõrõjenjen bõrõñe membi õᅅgõza.

<sup>48</sup> Nalõ miangörenök gölmenõᅅ geba bamgõba Kembugõ waikñi memba mõpõseizal. Anutu ketaᅅamni Abrahamgõ Kembuñan mõnõ kõna diᅅdiᅅi noaᅅgiri ketaᅅamnaᅅgõ munᅅaᅅgõ mire kaba isiᅅi nahõnᅅaᅅgõ anõmña akᅅapköra miwikñaizal. Miangõra Kembu mõpõseim waᅅgizal.

<sup>49</sup> “Mewõ kaba ki kinjal. Miangõra iᅅini ketaᅅamni ek soriba sepkitip akzeᅅgõ keuᅅi põndaᅅ wuatᅅgõba ak kõmum waᅅgize ewõ, mi mõnõ kondela jigetka mõtmam. Mewõ qahõ akñe ewõ, keu mi tok jigetka mõtmam. Mi mõta kungen eleᅅda anmamgõ mõtmõrimam.”

<sup>50</sup> Mewõ jim tekõiga Laban aka Betuel yetkõn kewõ melenja jiyohot, “Keu ki Kembugõrenök kaza. Miangõra netkõn keu mewõ me mewõ jibirᅅgõ dop qahõ.

<sup>51</sup> Mõtnõᅅ, Rebekanõᅅ ki kinja. Kembunõᅅ jimqindiᅅ akzawaᅅgõ dop ölöp i waᅅgita anda ketaᅅamgaᅅ nahõnñi waᅅginõᅅga anõmñi akña.”

<sup>52</sup> Mewõ jiyohotka keuᅅiri mõta Abrahamgõ welenqeᅅe jembonñan eta Kembugõ jene gölmenõᅅ geba bamgõyök.

<sup>53</sup> Bamgõm tekõiga wahõta gösõñeyök goul aka silwõ akõdamunñi eksihimñinambuk aka opo maluku kulemñinambuk ujeta Rebeka waᅅgiyök. Mewõñanök kalem yuai tosatñi sõᅅgõrõᅅini ketaᅅi mi nam nenñi etkiyök.

<sup>54</sup> Etkiba i aka aziurupñi yambuk kageri, yeᅅñõn nene kuluᅅ nemba tata mala sunᅅem aiga ahõget. Ahõba sõᅅnan wahõtketka kewõ jiyök: “Ölöp melaim niᅅgigetka ketaᅅamnaᅅgõren anmam.”

<sup>55</sup> Mewõ jiyõkmõ, nam nenñi yetkõn kewõ melenjohot, “Ölöp nenbõratniri mosõtnõᅅga toroᅅeba nalõ tosatñi silim ten mewõ nembuk malma. Miangõ andõñe ölöp i waᅅgita anme.”

<sup>56</sup> Mewõ melenjohotmõ, welenqeᅅe jembonõᅅ kewõ melenja jii mõtket, “Welen kõnani kazali, mi Kembunõᅅ kõtuetkõiga tõhõtmõriamñambuk akza. Miangõra nalõni mõnõ kude qekõrime. Mõnõ melaim niᅅgigetka ölöp kõnani liliᅅgõba anda ketaᅅamnaᅅgõren aᅅgotmam.”

<sup>57</sup> Mewõ jii mõta kewõ jiyohot, “Ölöp ambi seram mi qetzi kaiga nanᅅaᅅgõra qesim waᅅgibin.”

<sup>58</sup> Mewõ jiba Rebeka qerohot kaiga kewõ qesim waᅅgiyohot, “Gi azi kiambuk anmamgõ mõtzan me qahõ?” Qesim waᅅgiyohotka “Ölöp anmam,” jiyök.

<sup>59</sup> Mewõ jiiga kinda nenbõratñiri mi welen ambiñambuk melaim etkigetka Abrahamgõ welenqeᅅe jembon aka yaᅅgõ aziurupñi yeᅅñõn i etkuᅅaᅅgita anbingõ aket.

<sup>60</sup> Anbingõ aketka miangõren iwinam nenmunurupñan Rebeka kõtuetkõm waᅅgiba kewõ jiget,

“O nen bõratnini, Kembunõᅅ ölöp ahumsehip gihiiga göñõn gwõlõnarõkurupki milyõnñi milyõnñi yeᅅgõ bõmõn jalõñina akñan.

Yeᅅñõn mõnõ kõhõiba kerõkurupñini eᅅguba luhut ala siti gölmenjini eᅅᅅaᅅgita aᅅgõn kõla malme.”

<sup>61</sup> Mewö jiget teköiga Rebekanöj welenqeçeambiurupni yembuk wahöta kamel qakñine öngöba tata welenqeçe jembonni wuatangöba anget. Jembon yanön Rebeka wangiriga mosöta köna lilingöba anget.

<sup>62</sup> Anda kaba mala mala Keinan gölmenöj kangotket. Aisaknöj gölme miangö Saut likepne distrik qetni Negew miangörej mala nalö miangörejök o löm qetni Ber Lahai Roi † mi mosöta gölme qararanölkölne kaba malök.

<sup>63</sup> Kaba mala miri sönaumangö aiga miangörej kounni mosöta gölme köröni ketani miangörej anda liliköba keu mötmöriba uba wahöta ehiga tosatnan kamel qakñine tata yangö kösutne kabinö kaget.

<sup>64</sup> Mewö kagetka Rebekanöj uba wahöta Aisak eka kamel qakne taröhi, miangörejök ösumok luhuba gölmenöj erök.

<sup>65</sup> Eta welenqeçe jembongöra qesiba kewö jiyök, “Azi gölme köröne endu kinda mesohol köl neñgiba kazawi, mi danön?” Mewö jiiga kewö meleşnök, “Yanön mönö ketanannangö nahönni akza. “Mewö meleşniga möta nörop kawöseni (kawasen) öröba jemesoholni esuhuyök.

<sup>66</sup> Esuhuiga aitonögetka welenqeçe jembonöj yuai pakpak aka memba malöhi, miangö kösohotni mi Aisaköra jii mörök.

<sup>67</sup> Möri teköiga Aisaknöj Rebeka wangiriga namni Saragö opo seri kounne öngöba maliga könanjep mei anömni aiga urunan jöpaköm wangiba malök. Aisakö namnan kömuiga wösöbirik urune malöhanöra aka urukölalepni mewö miwikñaiyök. Mewö.

## 25

### *Abrahamgö isiamböurup tosatni*

#### *1 Hist 1.32-33*

<sup>1</sup> Aisaknöj ambi meiga iwinji Abrahamnöj anömni kun qetni Ketura meyök.

<sup>2</sup> Meiga Keturanöj Abrahamgö moröurupni kewö engömeyök: Zimran, Joksan, Medan, Midian, Isbak aka Sua.

<sup>3</sup> Joksanöj nahönyahötñi qetñiri Seba aka Dedan yetkö iwinjira ahök. Dedan yanön Asur könagesö, Letus könagesö aka Leum könagesö yengö bömönñini ahök.

<sup>4</sup> Midiangö nahönurupni mi Efa, Efer, Hanok, Abida aka Elda. Mi pakpak Keturagö isiurupni aka malget. Mewö.

<sup>5</sup> Abrahamnöj sukinapni pakpak mi nahönni Aisak buña qem wangiyök.

<sup>6</sup> Mi wangiyökmö, anömurupni bohönñini qahö memenji yengö nahönurupñini yengöra kalem yuai toto qeba mendenä engiyök. Menden engiba jebuk mala melaim engiiga datñini Aisak mosöta gölme wehön kotkotne göröken miangörej anget. Mewö.

### *Abrahamnöj kömuiga löm kölget.*

<sup>7</sup> Abrahamnöj mala koriga yambuñi mindiriba 175 aiga kömuyök.

<sup>8</sup> Malmal yambuñangö qötöñan öngöñgöñi aka dop köliga öliba azi namni aka söngörö ösum kondikni öröba nöj qeba kömuiga Anutunöj wangiri tinitosolomurupnan kömugeri, yengörej anda toroqeyök.

<sup>9</sup> Kömuiga nahönyahötñi Aisak aka Ismael yetkөн iwinjirangö qamötñi memba anda Makpela banetnöj löm kölohot. Banet mi Hit azi Efron Zohargö nahönni yangö gölme köröne Mamre miri gölmenöhök wehön kotkotne göröken ahöza.

<sup>10\*</sup> Abrahamnöj gölme köröni mi Hit könagesö yengörejök bohönni meyöhi, miangörej i aka anömni Sara mi löm köl etkiget.

<sup>11</sup> Abrahamnöj kömuiga Anutunöj nahönni Aisak kötuetköm wangiba malök. Yanön Negew gölmenöj o löm qetni Ber Lahai Roi (Malmalñambuk mala nehakzawangö o lömni) miangö kösutne tata malök. Mewö.

† 24:62: Malmalñambuk mala nehakzawangö o lömni \* 25:10: Jen 23.3-16



*Ismaelgö könagesöurupņi**1 Hist 1.28-31*

<sup>12</sup> Ijpt ambi Hagar yaņön Saragö welen ambia maliga Abrahamnön meiga gölöm ala nahönņi Ismael meyök. Ismaelgö nahönurupņi yeņgö qet areņini kewö:

<sup>13</sup> Ismaelgö nahönurupņi yeņgö qetņini aka asuhugerangö areņini mi kewö: Nahönņi mutukņi qetņi Nebaiot. Yaņgö könaje Kedar, Adbel, Mibsam,

<sup>14</sup> toroqeba Misma, Duma aka Masa,

<sup>15</sup> Hadad, Tema, Jetur, Nafis aka Kedema.

<sup>16</sup> Ismaelgö nahönurupņan mewö asuhaba kambuņinaņgö dop pomņini 12 aka mala kotket. Pomņini qetkeri, mianğö dop opo koum tamböņini aka jike miriņini mewöyök qeta memba mala kotket.

<sup>17</sup> Ismaelnön mala koriga yambuņi mindiriba 137 aiga kömuyök. Mewö azi namņi aka söņgöro ösum kondikņi öröba nön qeba kömuiga Anutunön waņgiri tinitosolomurupņan kömugeri, yeņgöreņ anda toroqeyök.

<sup>18</sup> Ismaelgö gwölönarökurupņi yeņön köröpken köröpken denđa anda mala gölme qetņiri Hawila aka Sur mietkö sutņire gölme memba malget. Gölmeņini mi Ijpt kantrigö jaböneyök könahiba wehön kotkotņe Asiria göröken angeri, köna mianğö kösutņe mianğöreņ ahöza. Ismaelgö gwölönarökurupņi yeņön Abrahamgö gwölönarökurupņi tosatņi pakpak mi kerök-kerök ak eņgiba malget. Mewö.

*Iso aka Jeikob yetkön asuhuyohot.*

<sup>19</sup> Abrahamgö nahönņi Aisak yaņgö gwölönarökurupņi yeņgö qet areņini mi kewö: Abrahamgö nahönņi Aisak.

<sup>20</sup> Aisaknön yambuņi 40 aiga Mesopotemia (Padan Aram) kantrigö Aram azi qetņi Betuel yaņgö böratņi Rebeka anömņa meyök. Rebekagö nenņi mi Aram azi qetņi Laban.

<sup>21</sup> Aisaknön anömņan köpin maliga yaņgöra aka Kembu köuluköm waņgiyök. Köuluköm waņgiiga köulukņi möriga Rebekanön gölöm alök.

<sup>22</sup> Gölöm aliga moröyahöt yetkön namņiraņgö körö uruņe utal aņguyohot. Mi möta kewö jiyök: “Yuai kewöņi mi mönö wuanöņgöra asuhum niņgiza?” Mewö jiba anda mianğöra Kembugö qesim waņgiyök.

<sup>23</sup> \*Qesim waņgiiga kewö jii mörök:

“Göhö körö uruge kambu yahöt mietkö bömönņiri ahözahot.

Yetköreņök könagesö yahöt asuhaba denđa malme.

Ambazip kambu kunön kambu alaņi eņgoņgita ösum köhöikņi akņe.

Datņan munņi welen qem waņgiba malma.”

<sup>24</sup> Morö meme nalöņan kam kuņguiga köröņi uruņe morö nahön siwisiwi yahöt ahöyohot.

<sup>25</sup> Mutuk köröneyök asuhuyöhi, yaņgö silenjan pisikpisik aiga sile jupņan silenji körek dop köla ahöyök. Mianğöra qetņi Iso (jupņambuk) qetket.

<sup>26</sup> Mianğö könaje munņan Isogö köna gwakötņe böroņan memba asuhuyök. Mianğöra yaņgö qetņi Jeikob qetket. (Jeikob keu mianğö könaji yahöt: gwaköt aka tilipköza.) Aisaknön yambuņi 60 aiga nalö mianğöreņ Rebekanön moröyahötņi yahöt mi etkömeyök. Mewö.

*Isonön börösamot memapkö qet keuņi mi qeapköyök.*

<sup>27</sup> Morö nahön yahöt mietkön asuhaba qariba ketani ahotka Isonön böröjan nupkö könaji törörök möt yaköba pöndaņ jölömnön malmamğö mörökmö, munņan azi böņjönji aka kapaņ köla mire malök.

\* 25:23: Rom 9.12



<sup>28</sup> Aisaknöh arökñangö sömbupñi nemangö möta malök. Mianğöra uruñan Iso gwötpuk jöpaköm wañgiba malökmö, Rebekanöh urukönömñan Jeikob gwötpuk jöpaköm wañgiba malök.

<sup>29</sup> Nalö kunöh Jeikobnöh kozin memba nanñangöra nene kuluñ ohoi tariga datñan jölömnöhök kaba silenñ lömbörii wösöñi gwötpuk alök.

<sup>30</sup> Mewö aiga Jeikobköra kewö jii mörök: “Sileni lömbörii wösöni gwötpuk aljawangöra mönö zilañ kozin kuluñi pisikpisik mi niñginöñga nembi. “Mianğöra qetñi Edom (pisikpisik) qetket.

<sup>31</sup> Mewö jii möta Jeikobnöh jiyök: “Datni, gi mutuk asuhunöñga mianğö qetbuñagi mi mönö mutuk tököm niñginöñga nene kuluñ mi ölop gihibi neman.”\*

<sup>32</sup> Mewö jiiga keu kewö melen wañgiyök: “Muni mötnöh, ni mönö kömumangö akzal. Mianğöra mutuk asuhuyalangö qetbuñanan mönö denöwö bauköm niñgibawak?”

<sup>33</sup> \*Mewö melen wañgiiga kewö jiyök: “Mianğö keuñi mi mönö mutuk jöjöpañ keunöh jim köhöinöñga mötpi. “Mewö jiiga mi jöjöpañ keunöh jim köhöim wañgiba mutuk asuhuyöhañgö qetbuñani mi Jeikob tököm wañgiiga nenenöh bohonñi meyök.

<sup>34</sup> Bohonñi memba bered aka kozin kuluñi Iso wañgiiga memba wahöta kinda mosöta anök. Isonöh mutuk asuhuyöhañgö qetbuñani mi mianğö dop möriга eretñi ahök. Mewö.

## 26

### *Aisaknöh Gerar taonöh malök.*

<sup>1</sup> Mutuk Abrahamgö nalöñe bödi asuhuyök. Mewöyök Aisakö nalöñe mi kunbuk asuhuba gölme dop köla ahöyök. Mi asuhuiga Aisaknöh mosöta Filistin yeñgö kiñ kembu qetñi Abimelek yeñgö miriñi qetñi Gerar mianğoreñ anök.

<sup>2</sup> Anda maliga Kembunöh asuhum wañgiba kewö jiyök: “Gi Ijipt gölmenöh kude anman. Gölme ki buñagi akñapkö jim kutuyali, mönö kiangöreñ tata malman.

<sup>3</sup> Nöhön iwigi Abrahamgöra jöhöjöhö keu wañgiba mi jöjöpañ keunöh jim köhöiyali, mi mönö galöm kölbiga öñambuk akña. Nöhön gölme pakpak ki mi gi aka göhö gwölönarökurupki yeñgö buñaya qem enjimam. Mianğöra ölop gölme kiangöreñ tata kian malnöñga nöhön göbuk mala kötuetköm gihibiga malmam.\*

<sup>4</sup> Nöhön gwölönarökurupki ahumsehip enjibiga qötöñinan suepnöh könakembagö senjelau tat anjei, mönö miengö dop akña. Mewö aketka gölme pakpak ki mi yeñgö buñaya qem enjimam. Göhö gwölönarökurupki yeñgöreñök kungöra aka nöñgö kötumötuetnan mönö gölmegö könagesö kambuñi pakpak yeñgö qakñine öñgöiga oyaenköyaen akñe.

<sup>5</sup> Nöhön kewögöra mewö akñam: Abrahamnöh nöñgö keuni tem köla malök. Jöjöpañ keuni, jimkutukutu keuni aka köna keuni wañgiali, yeñön mi pakpak wuatangöba malök.”

<sup>6</sup> Anutunöh mewö jiiga Aisaknöh toroqeba Gerar taonöh tata malök.

<sup>7</sup> Maliga gölme mianğö aziñi yeñön anömñangö qesim wañgigetka kewö jiyök, “I mi nena. “Mewö jiba uruñan kewö mötmöriyök: “Rebekagö kaisongolomñan eksihimñambuk akzawangöra azi mienön mönö yeñgöra aka ni nuñguget kömumbilenbuk. “Mewö mötmöriba “I anömna,” mewö jimamgö keñgötñi möta malök.\*

<sup>8</sup> Aisaknöh mianğoreñ nalö köröpñi mala kota nalö kunöh anömñambuk susuhuba anğum anğuyohotka Filistin yeñgö kiñini Abimelek yeñön jeñgenañöhök yaigep ui geiga i etkehök.

\* **25:31:** Mutuk asuhuyöhi, yeñön munurupñi yeñgö sutñine bohonñini aiga göda qeba qetbuñan wañgiba kalemñi kalemñi wañgiba malget. Iwinamñinan kömuyohotka buñanjiri mendenğeri, nalö mianğoreñ mutuk asuhuyöhañgö börösamotñi mi sömañi yahöt toroqeba wañgiget. \* **25:33:** Hib 12.16 \* **26:3:** Jen 22.16-18 \* **26:7:** Jen 12.13; 20.2

<sup>9</sup> Etkeka Aisak oholi kaiga kewö jii mörök: “Mötnön, yañön mönö göhö anömgi akza. Mönö wuanöngöra ‘I mi nena,’ jinön?” Mewö möta kewö melenj wañgiyök: “Ni yañgöra aka nuñguget kömumbilenj buköra mötmöriba mewö jial.”

<sup>10</sup> Melenj wañgiiga kinj Abimeleknön kewö jiyök: “Göñön mönö wani kimbua ak neñginöñe? Nöñgö aziurupni yeñgöreñök kunjan mönö amqeba göhö anömga buk ahöbawak. Mewö asuhuiga göñön kondotnönnga siñgisöndokö keu lömbötñan mönö neñgö qaknine öñgöbawak.”

<sup>11</sup> Mewö jiba könagesö kambuñi pakpak yeñgöra jimkutukutu kewö al eñgiyök: “Kunjan kun azi ki me yañgö anömñi mem bölim etkimawi, i mönö kömupkö buñaya jim teköinga kömuma. “Mewö.

<sup>12</sup> Aisaknön gölme miangöreñ nene nup köl kömöriga Kembunön kötuatköm wañgiiga yambu miangöreñ kötni kömöri, mi 100:kö dop sehiba asuhuyök.

<sup>13</sup> Mewö asuhuiga töhötmöriam ketani ketani miwikñaiba maliga sukinapñan toroqeba qariba öñgöiga kindinbirik azi qetbuñambuk ahök.

<sup>14</sup> Yañgöreñ lama, meme (nonin) aka bulmakau kambuñi kambuñi mi asuhuba sehiget. Mewöñanök welenqequeurupni gwötpuk eñgömeiga malget. Miangöra Filistin yeñön mi eka könahiba körögisigisi aka andöqeke keu jiget.

<sup>15</sup> Andöqeke keu jiba iwiñi Abrahamgö welenqequeurupñan o löm yañgö nalöñe esigeri, mi pakpak gölmenön qem turum teköget.

<sup>16</sup> Mewö asuhuiga kinj Abimeleknön Aisaköra kewö jiyök: “Gi kukösumgabuk aka gwötpuk neñgongizanañgöra mönö kölolohoba neñgömosöta kungen anman.”

<sup>17</sup> Mewö jii möta gölme mi mosöta Gerar öruenön (ruerenön) anda geba opo seri koumñi möröreñgöba kuñguba miangöreñ tata malget.

<sup>18</sup> Tata mala o löm iwiñi Abrahamgö nalöñe esigetmö, Abraham kömuiga Filistin yeñön qem turugeri, mi Aisaknön jiiga kunbuk esim luluñda möhamgöget. Möhamgögetka iwiñan o löm qetñini qeröhi, Aisaknön mi mewö kunbuk qerök.

<sup>19</sup> Mewö qeriga welenqequeurupñan öruenön o löm esiba mala o löm kun onj sarakñi soksököyöhi, mi miwikñaiget.

<sup>20</sup> Mi miwikñaigetmö, Gerar yeñgö lama bulmakau galömñinan Aisakö lama bulmakau galömurupni yembuk könahiba anjururuk aka keu kewö jiget, “O mi neñgöreña!” Nanñambuk anjururuk keu mewö jigeranñgöra aka Aisaknön o löm miangö qetñi Esek (Anjururuk) qerök.

<sup>21</sup> Miangö andöñe o löm kun kunbuk esigetka miangöra mewöyök anjururuk aket. Mewö akeranñgöra aka o löm miangö qetñi Sitna (Kerök-kerök) qerök.

<sup>22</sup> Mewö qeta gölme mi mosöta anda o löm kun kunbuk jii esiget. O löm miangöra anjururuk keu qahö asuhuiga miangöra qetñi Rehobot (Tiñi ölöpnj) qeta keu kewö jiyök: “Merak Kembunön tiñi ölöpnj neñgiiga ölöpnj gölme kiangöreñ mala ahumsehip akin.”

<sup>23</sup> Mewö jiba miangöreñ mala mosöta Berseba mire anök.

<sup>24</sup> Berseba aniga suñgem miangöreñ Kembunön asuhum wañgiba kewö jiyök: “Nöñön iwiñi Abrahamgö Anutuñi akzal. Nöñön göbuk mala kötuatköm gihiba malmam. Miangöra keñgötki kude mötman. Nöñön nup azini Abrahamgöra aka göhö gwölönarökurupki ahumsehip eñgibiga qötöñinan öñgöñgöñi akña.”

<sup>25</sup> Mewö jiiga Aisaknön jöwöwöl alta kun miangöreñ memba Kembugö qetñi qeta köuluköyök. Köuluköba opo koumñi möröreñgöba kuñguba tata malget. Mala jiiga welen aziurupñan o löm kun miangöreñ esiget. Mewö.

*Aisak aka Abimelek yetkön sutñire jöhöjöhö ahot.*

26 \* Aisaknöh Berseba maliga nalö kunöh kiñ Abimelek yañön Gerar taon mosöta yangörej kayök. Gorojiji alañi Ahuzat aka yarö kambuñangö suahö galömnji Fikol yetkön yambuk mohotñe kaget.

27 Kagetka Aisaknöh kewö qesim enñiyök: “Inini kerök möt niñgiba gölmeñineyök közöl niñgigetka töndup mönö wuanöñgöra nöñgöreñ ki kaze?”

28 Qesim enñiiga kewö melenget: “Kembunöh göbuk kinjawi, nini mi aukñe ek kutuba mötzin. Mianğöra kewö mötmörizin: ‘Neñön göbuk jöhöjöhö akingö sihimnini mötzin. Ölop gi aka neñgö sutnine jöhöjöhö aka mi jöjöpañ keunöh jim köhöininga kewö ahöma:

29 Nini kahasililiñ kun qahö ak gihimnö, nalö dop ölopñi ak gihiba gömosöringa luainöh mirigi mosöta anda kaba malnöñ. Mianğö dop göñön mewöñanök nini yuai bölöñi kun kude ak neñgiba malman.’ Nalö kewöñe Kembunöh kötuatköm gihiiga maljan.”

30 Mewö jigetka Aisaknöh közölömbuan mözözömgöba ohoba aliga nene kuluñ nempa tatket.

31 Tata ahöba söñan ömandiñe wahöta jöhöjöhöhöñi jöhöm anguba mi jöjöpañ keunöh jim köhöiget. Jim köhöigetka Aisaknöh i melaim enñiiga luai qakñe mosöta anget.

32 Angetka wehön mianğöreñök Aisakö welen azi yeñön kaba o löm kun esigeri, mianğö kösohotñi i jigetka kewö mörök:

33 “Nini o miwikñaizin. “Mewö jigetka möta o löm mianğö qetñi Siba qerök. \* Mianğöra taon mianğö qetñi mi nalö kewöñe mewöyök toroqeba Berseba qerakzin. Mewö.

### *Isonöh kian ambi yahöt etkömeyök.*

34 Isonöh yambuñi 40 aiga Hit ambi yahöt anömyahötña etkömeyök. Qetñiri Judit, iwiñi qetñi Beri aka Basemat, iwiñi qetñi Elon.

35 Ambi mietkön Aisak aka Rebeka urukömbuk aka wösöbirik keta bölökñi miwikñaaim etkiba malohot. Mewö.

## 27

### *Aisaknöh Jeikob kötuatköm wañgiyök.*

1 Aisaknöh mala kota azi namñi aiga jeñi ömun köliga yuai kunbuk ek kutumangö osiyök. Mewö osiba nahöññi mutukñi Iso köl öröm wañgii kaiga kewö jii mörök: “Nahöni mötnöh. “Mi möta kewö melen wañgiyök: “Iwini, ni ki kinjal.”

2 Melen wañgiiga kewö jii mörök: “Mötnöh, ni azi namñi aka wani nalönöh kömumami, mi qahö mötzal.

3 Mianğöra göñön ölop timbi liñgipki aka kesarek gösögi memba jölömnöh anda sömbupkö böröjañ memba qeba nöñgöreñ kaman.

4 Kaba nene nahömñambuk sihimnañgö dop ohoba mözözömgöba memba kaba niñginöñga nemam. Mi memba kinda kötumötuet gihimam. Mi mutuk gihibi teköiga nöñön mianğö andöñe ölop kömumam.”

5 Aisaknöh nahöññi Isogöra keuñi mewö jiiga Rebekanöh mi kezap ala mörök. Möriga Isonöh mosöta sömbup böröjañ memba qeba iwiñi wañgimangöra jölömnöh anök.

6 Aniga Rebekanöh nahöññi Jeikobköra keu kewö jii mörök: “Nahöni mötnöh, Iwigan datki Isogöra keu kewö jiiga mötzal:

7 ‘Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kembangö jemesoholñe kötumötuet gihimam. Mi mutuk gihibi teköiga mianğö andöñe ölop kömumam.’

8 Mianğöra nahöni, kezap ölopñanök ala mötnöh. Keu döлки jim kutum gihimami, gi mönö mianğö dop akñan.

\* 26:26: Jen 21.22 \* 26:33: Siba keu mianğö köñañi yahöt: jöjöpañ keu aka sewen. Jen 21:31

9 Mönö meme kambunöŋ anda mianğöreŋök meme (noniŋ) döŋŋi kelökŋambuk yahöt memba kaba niŋginöŋga nöŋön mianğön iwigahö sihimŋaŋgö dop numbu nene nahömŋambuk ohoba mözözömgöŋmam.

10 Ohoba mözözömgöbiga memba anda iwiki waŋginöŋga memba kötümötuet gihibawak. Mianğö andöŋe ölop kömuma.”

11 Mewö jii möta namŋi Rebekagöra kewö jiyök: “Namni mötnöŋ, datni Isonöŋ sile jupŋambuk akzapmö, nöŋgö silenana solanŋi akza.

12 Iwinan ni nömisiriba mötpawak ewö, ni yangö jemesoholŋe tilipgilip azi tandök asuhubiga möt niŋgibapuk. Mewö möt niŋgiiga kötümötuet qahöpmö, jimqesuak öröbi nani qakne öŋgöbapuk.”

13 Mewö jiiga namŋan kewö jii mörök: “Nahöni, jimqesuak gihibawahi, mianğön mönö ölop nöŋgö qakne öŋgöma. Göŋön mönö töndup keu jizali, mi möt tem köla anda yuai mi memba kanöŋ.”

14 Mewö jiiga anda meme (noniŋ) yahöt memba kaba namŋi waŋgiyök. Waŋgiiga nene nahömŋambuk iwiŋan sihimŋi möröhi, mianğö dop ohoba mözözömgöyök.

15 Ohoba nahönŋi mutukŋi Isogö opo malukuŋi ölop kötökŋi opo köweŋe galöm kölöhi, mi memba nahönŋi könaŋgeŋi Jeikob waŋgiiga löŋgörök.

16 Löŋgöriŋa meme (noniŋ) silenŋi mi memba böröŋi köpeiba jölŋi solanŋi esuhuyök.

17 Esuhuba nene nahömŋambuk aka bered ohoyöhi, mi memba Jeikobkö böröŋe alök.

18 Aliga memba iwiŋaŋgöreŋ anda “Iwini!” jiyök. Jiiga kewö melenök: “O nahöni, gi daŋön?”

19 Mewö melenŋiga iwiŋaŋgöra kewö jii mörök: “Ni nahöŋgi mutukŋi Iso. Jim kutum niŋginöŋi, ni mönö mianğö dop ak teközal. Ölop wahöta tata sömbupni memba kazali, mi memba kötuetköm niŋgiman.”

20 Mewö jii möta nahönŋi kewö qesim waŋgiyök: “Nahöni, mi mönö denöwö könöpuk miwikŋaizan?” Qesim waŋgiiga kewö melenök: “Anutu, göhö Kembangan mönö bauköm niŋgiiga mi zilaŋ miwikŋaizal.”

21 Mewö melenŋiga Jeikobköra kewö jiyök: “Nahöni, gi ölŋa nahöni Iso akzan me qahö, mi mötmamgöra mönö ölop kösutne ki kanöŋga gömisirimam.”

22 Mewö jiiga iwiŋi Aisakö kösutŋe aniga misirim möta kewö jiyök: “Imbi jölŋan Jeikobkö imbia akzapmö, böröŋan Isogö böröŋi ewö.”

23 Böröŋi jupŋambuk datŋi Isogö börö tandök ewö ahöhaŋgöra Aisaknöŋ i qahö möt kutum waŋgiba kötuetköm waŋgimamgöra ahök.

24 Töndup kunbuk kewö qesim waŋgiyök: “Gi ölŋa nahöni Isoya me qahö?” Qesim waŋgiiga kewö melenök: “Ni mönö Isoya.”

25 Mewö melenŋiga kewö jiyök: “Nahöni, ölop sömbupki tosatŋi niŋginöŋga memba kötümötuetni gihimam. “Mewö jiiga mi waŋgi neyök. Neiga wain o tosatŋi mohotŋe mokoba waŋgi neyök.

26 Memba kinda nahönŋaŋgöra kewö jii mörök: “Gi ölop kösutne kaba numbuni yöhötım neman.”

27 Mewö jii möta kösutŋe anda numbuŋi yöhötım neyök. Neiga opo malukuŋaŋgö wörönŋi möta kötuetköm waŋgiba kewö jiyök: “Aha nahöni, Kembunöŋ urukisigö jölöŋŋi kötuetköi ahözawi, nöŋgö nahönaŋgö sile qösösökŋi ölopŋan mönö mi ewö aiga mötzal.\*

28 Anutunöŋ mönö suepkö umjijilŋi aka gölmegö töhötmöriamŋi tököm gihiiga yaka yöhagi, sehöŋ padigi aka wain o yuaigi mi önöŋi qahö asuhum sehime.

29 Kantriŋi kantriŋi yeŋön mönö welen qem gihiba malme. Könagesö kambuŋi kambuŋi yeŋön mönö simin köl gihiba malme. Göŋön mönö nani nahönurupni mi kembu ak eŋgiba malman. Namgahö nahönurupŋan mönö simin köl gihiba malme.

\* 27:27: Hib 11.20



Kunjan qesuahöm gihimawi, qesuaknöḡ mönö yangö qakḡe öngöma. Kunjan kötuatköm gihimawi, kötumötuatköḡ mönö yangö qakḡe öngöma. “Mewö.”\*

*Isonöḡ iwiḡan kötuatköm waḡgimapköra ulerök.*

<sup>30</sup> Aisaknöḡ Jeikob kötuatköm waḡgim teköiga iwiḡanḡö miri uruḡi mosöta yaigep aniga wölaḡ miangöreḡök datḡi Isonöḡ böröḡaḡ mali teköiga mire kayök.

<sup>31</sup> Kaba yaḡön mewöyök nene nahömḡambuk ohoba mözözöḡḡöba memba kaba iwiḡi waḡgiba kewö jiyök: “Iwini, ölop wahöta tata sömbupni tosatḡi namba kötumötuatköḡ niḡgiman.”

<sup>32</sup> Mewö jiiga iwiḡi Aisaknöḡ kewö qesim waḡgiyök: “Gi danön?” Qesim waḡgiiga kewö melenḡa jiyök: “Ni nahöḡi mutukḡi Iso.”

<sup>33</sup> Mewö jiyöḡaḡöra Aisaknöḡ töwöratiba sile jönömḡi gwötpuk unduiga kewö jiyök: “Gi qahö kanöḡa miangöreḡ böröḡaḡ azi kunöḡ sömbup memba kaba niḡgiyöhi, mi mönö danön? Yaḡön mi niḡgiiga namba kötumötuatköḡ lök waḡgim teközal. Mi waḡgim teközalaḡöra miangön mönö ölna yangö qakḡe ahöm öngöma.”

<sup>34</sup> Isonöḡ iwiḡanḡö keu jiti mi möta urukömbuk aka amburereḡ memba silata sahöta iwiḡanḡöra kewö ulerök: “Iwini, nia mönö mewöyök kötuatköḡ niḡginöḡ.”

<sup>35</sup> Mewö ulerökmö, iwiḡan melenḡa jiyök: “Mungan mönö tilipqilip qakḡe kaba göhö kötumötuatköḡ taköba memba anja.”

<sup>36</sup> Mewö jiiga Isonöḡ kewö jiyök: “Munan mönö indimḡi yahöt tilipköm niḡgiiga maljal: Yaḡön mutuk asuhuyalaḡö qetbuḡaḡi mi mutuk noaḡit teköyök aka merak nöḡḡö kötumötuatköḡ mi mewöyök taköba noaḡita meza. Miangöra qetḡi Jeikob (tilipqilip azi) qerakzini, mi mönö dopḡe akza. Kötumötuatköḡ kun mönö nöḡḡöra ahöm gihiza me qahö?”\*

<sup>37</sup> Mewö jiiga iwiḡan Isogöra kewö melenḡök: “Mötnöḡ, nöḡön mungi göhö azi kembugi malmapköra kuḡgum waḡgizal. Tinitosolomurupḡi pakpak yeḡön i welen qem waḡgiba malmegöra jim kutum enḡizal. Yaka yöha, sehoḡ padi aka wain o yuai mi lök jim teközalawa Anutunöḡ mi waḡgiba malma. O nahöni, wanat kötumötuatköḡ kun toroqeba ahöm niḡgizawa mia gihibileḡak? Mi mönö osizal.”

<sup>38</sup> Mewö melenḡniga iwiḡanḡöra kewö jiyök: “O iwini, kötumötuatköḡ mohok-kun miyök mönö ahöm gihiza me denöwö? O iwini, mönö nia kun kötuatköḡ niḡginöḡ. “Mewö jiba könahiba silata sahörök.”\*

<sup>39</sup> Sahöriga iwiḡan kewö melenḡa jiyök: “Mötnöḡ, göḡön mönö gölme töhötmöriamḡambuk mosöta köröwen anda malman. Miangöreḡ suepkö umjijilḡi mi könakembayök qahö erakḡa.

<sup>40</sup> Gi bingö sou ketanḡi miangön ambazip laḡ enḡuba malmalgi aḡön köla mungahö welenqeqeḡi eretḡi aka malman.

Mewö malmanmö, kekelolo aka qetal waḡgiba nalö miangöreḡ karim aka yangö galöm kölkölḡi qeköba yaköriba nangi kinkin malman.”\*\*

<sup>41</sup> Iwiḡan Jeikob kötumötuatköḡ waḡgiyöhi, Isonöḡ miangöra aka könahiba munḡi uruönön möt waḡgiba malök. Nanḡi uruḡan mewö möta alaḡi kuḡgöra kewö jiyök: “Iwiniraḡö kömupḡaḡö nalöḡan törizä. Yaḡön kömuiga sahöt jingḡeḡ nalöḡe miangöreḡ ölop muni Jeikob qebi kömuma.”

<sup>42</sup> Isogö mötmötḡe mewö ahuiga kunöḡ miangö buzupḡi möta Rebekagöreḡ anda jii möta nahönḡi könaḡepḡi Jeikobköra keu ali anda waḡgita kaiga kewö jiyök: “Mötnöḡ, datki Isonöḡ mönö likeḡḡi melenḡi qake öngöiga guhui kömumangö mötmöriza.

<sup>43</sup> Mewögöra nahöni, nöḡön keu jimami, mi mönö tem kölman. Mönö dölkö wahöta ölöḡ köla Haran mire neni Labangöreḡ anman.

<sup>44</sup> Anda yambuk nalö tosatḡi toroqeba malnöḡa datkahö urupikḡan amörima.

\* 27:29: Jen 12.3 \* 27:36: Jen 25.29-34 \* 27:38: Hib 12.17 \* 27:40: Hib 11.20 \* 27:40: Jen 36.8; 2 Kiḡ 8.20



<sup>45</sup> Uruönönji amöriba eriga yuai ak wanjinöñi, mi ölum qeigun nöñön miangö andöñe göhöra keu albi kaiga goangita kame. Yanön guhui kömunöñga kunñan i qei kömumbapuk. Mönö wanigöra nalö mohok miangörejök öröröñ qahöwahotka etkömosötpilenbuk. “Mewö.

*Aisaknöñ Jeikob melaiiga Labangöreñ anök.*

<sup>46</sup> Rebekanöñ apñi Aisaköreñ anda kewö jiyök: “Nöñön iranyahötni Hit ambi yetköra aka toroqeba malmangö ölan nöhöi sihimbölö mörakzal. Jeikobnöñ mewöyök Hit yengö böraturupñini yengöreñök kun iranyahötniri ewö anömña membapuk. Gölme kiangöreñ asuhuger, yengö silikñinan mönö mewöyök ahöza. Mewöñi kun memba kabapuk ewö, nöñön mönö malmalni wuanöñgöra toroqeba malbilenak? Sihimbölöñan mönö toroqeba önöñi qahö akapuk. “Rebekanöñ mewö jiyök.

## 28

<sup>1</sup> Mewö jiiga Aisaknöñ Jeikob köl öroi kaiga kötuetköba kewö jim kutum wanjiyök: “Nahöni, gi Keinan yengö nenböratñini yengöreñök kun anömgi kude meman.

<sup>2</sup> Mewö qahöpmö, mönö wahöta Mesopotemia (Padan Aram) gölmenöñ anda namgahö iwiñi Betuel yanjö mire angota ehongi Labangö böraturupñi yengöreñök kun anömga meman.

<sup>3</sup> Anömgi menöñga Anutu, kukösum pakkö Tonjan mönö gi kötuetköba ahum sehip gihiiga gwölönarökurupki yengö qötöñinan sehiiga könagesö kambu gwötpuk miengö iwi bömönñina akñan.

<sup>4\*</sup> Anutunöñ mönö gi aka gwölönarökurupki iñini Abrahamgö kötumötuetñi mi toroqeba engima. Mewöyök gölme asagi Abraham wanjiiga göñön miangöreñ kian aka maljani, mi buña qem angume.”

<sup>5</sup> Mewö jiba Jeikob melaiiga mosöta Mesopotemia (Padan Aram) gölmenöñ Labangöreñ anmangöra anök. Laban mi Aram azi Betuelgö nahönña aka Jeikob aka Iso yetkö namñiri Rebeka yanjö nenña malök. Mewö.

*Isonöñ kakasun ambi kun meyök.*

<sup>6</sup> Aisaknöñ Jeikob kötuetköba anömñi memangöra Mesopotemia gölmenöñ melaiyöhi, mi Isonöñ mörök. Kötuetköm wanjiba kewö jim kutum wanjiyök: “Gi Keinan yengö nenböratñini yengöreñök kun anömgi kude meman.”

<sup>7</sup> Mewö jim kutuiga iwinamñi yetkö keu jit tem köla mosöta Mesopotemia (Padan Aram) gölmenöñ anöhi, Isonöñ mi mewöyök mörök.

<sup>8</sup> Mi möta iwiñi Aisaknöñ Keinan ambi tököba möt bölim anguba malöhi, Isonöñ mi eka möt kutuyök.

<sup>9</sup> Mi möt kutuba iwiñangö jeje dop kölmapköra asañi Abrahamgö nahönñi Ismaelnöñ kömuiga yanjö mire anda böratñi Malahat, Nebaiotkö nenñi mi meiga anömurupñi karöbut aket. Mewö.

*Jeikobnöñ Suepkö döpnö gaunöñ ehök.*

<sup>10</sup> Jeikobnöñ mewö Berseba miri mosöta Haran mire anmangö anök.

<sup>11</sup> Anda mala gölme kunöñ angota wehön jeñi geyöhangöra aka miangöreñ köt tatkeri, miengöreñök kun memba nörop qömböñi qeba sunjem gaun ahöyök.

<sup>12</sup> Gaun ahöba miangöreñ imut kun kewö ehök: Döp kungö kitipñi gölmenöñ algetka qak kitipñi mi Suepnöñ öngöba kunjuba kiniga Anutugö garataurupñi yanjön miangöreñ tiba öngöm et aket.\*

<sup>13</sup> Mewö aketka Kembunöñ yanjö kösutñe kinda keu kewö jii mörök: “Nöñön Kembu, asagi Abrahamgö Anutuñi aka iwiñi Aisakö Anutuñi akzal. Gölme ki ahözani, nöñön mi gi aka göhö gwölönarökurupki engö buñaya qem engimam.\*

\* 28:4: Jen 17.4-8 \* 28:12: Jon 1.51 \* 28:13: Jen 13.14-15

14 Göhö gwölönarökurupki yeñön ahumsehip aketka jañgöñinan gölmegö sömsöm ewö akña. Mewö aiga jula denja gölme wehön kotkotñe aka gegenje, Saut likep aka Not likep, eu aka emu miangöreñ göröken dop köla anda malme. Göhöra aka göhö gwölönarökurupki yeñgöreñök kungöra aka nöngö kötümötuetnan mönö gölmegö könagesö kambuñi pakpak yeñgö qakñine öngöiga oayenköyaen akña.\*

15 Mötnöñ, nöñön göbuk mala denike denike anda kaba malmani, miangö dop mönö sel jöhöm gihiba mal öngöba goañgitpiga gölme kiangöreñ kunbuk lilingöba kaman. Nöñön gi qahö gömosöta keu jim jöhöm gihiali, miangö dop akiga öñi asuhum teköma.”

16 Mewö jiiga Jeikobnöñ gaun uruñeyök imbiñi möta wahöta kewö jiyök: “Kembunöñ mönö öñja gölme kiangöreñ maljapmö, nöñön mi mutuk qahö mötzal.”

17 Mewö jiiga jönömñi unduiga keu kewö jiyök: “Gölme ki mönö kömbukñi aka kengetmötñambuk akza. Kianön mönö öñja Anutugöreñ tatat dundumñi aka Suepkö nanñuñi akza.”

18 Mewö jiba miri gianjiiga söñanök wahöta köt qömböñi qeba ahöyöhi, mi memba wahöta jabö mötök ewö kuñguba qakñe kelök o mokoba miriyök.

19 Miriba gölme miangö qetñi Betel (Anutugö miriñi) qerök. Mutuk taon miangö qetñi mi Luz qeta malget.

20 Jeikobnöñ gölme miangö qetñi dölökñi Betel qeta keu kewö jim jöhöba jöjopañ keunöñ jim köhöiyök: “O Anutu, göñön nömbuk mala köna ki anda malmami, miangöreñ nek galöm ak niñgiba numbu nenenamni aka silenangö esuñi miwikñaim niñginöñga

21 ölop lui qakñe iwinangö mire kunbuk lilingöba kamam ewö, nöñön mönö göhö jitsihitki tem köla malbiga göñön nöngö Kembu Anutuni aka malman.

22 Köt ki memba wahöta jabö ewö mötök kuñguzali, miangön mönö göhö tatat dundumgi ahöiga yuai pakpak tököm niñgiba malmani, nöñön mi öñja mendenbiga kambu 10 aketka miengöreñök mohok mohok memba kalema gihiba malmam. “Mewö.

## 29

### *Jeikobnöñ Labangö mire angorök.*

1 Jeikobnöñ mewö jiba mosöta könañi toroqeba anda wehön kotkotñangö könagesö yeñgö gölmenöñ angorök.

2 Miangöreñ angota gölme köröñe o löm kun ehök. Miri tonji yeñön lama kambuñini enñuanñita miangöreñ o enñiba malget. Nalö miangöreñ o löm miangö kösutñe lama kambu karöbut ahögetka o löm numbuñangö kötni ketani mi qahö metalget.

3 Lama galöm yeñön mutuk lama kambuñini pakpak miangöreñ tokom enñiba köt mi o löm numbuñeyök gwililöngöba lamaaurupñini o enñiget negetka köt mi kunbuk dundumñe köla malget.

4 Jeikobnöñ lama galöm mi kewö qesim enñiyök: “Azi alaurupni, inñini denikegöra?” Qesim enñiiga “Nini Harangöra,” mewö melenñ wañgiget.

5 Melenñ wañgigetka kewö qesim enñiyök: “Inñini Nahorgö isiñi Laban möt wañgize me qahö?” Qesim enñiiga “Ölop möt wañgizin,” jiget.

6 Jigetka kewö qesim enñiba jiyök: “I ölop malja me qahö?” Mewö jiiga kewö jiget: “I ölop malja. Eknöñ, yanñgö böratñi Reizölnöñ mönö endu lama enñuanñita kaza.”

7 Mewö jigetka Jeikobnöñ jiyök: “Eket, wehön ketani ahöiga lama mi sunñgemgöra tokom enñibingö nalöñan qahö töriza. Miangöra ölop lamanñini o enñiget negetka kunbuk enñuanñita malmalñine anda al enñigetka nenenamñini neme.”

8 Mewö jiiga kewö melenñget: “Mewö ölop qahö akin. Mutuk lama kambu pakpak tokom enñiba köt mi o löm numbuñeyök gwililöngöbagun mönö lamaaurupñini o enñiinga neme.”

\* 28:14: Jen 12.3; 22.18

9 Jeikobnön yembuk keu mewö eraum-möta kingetka mianğöreñök Reizölnön iwiñangöreñ lama kambuñi enğuanğita kayök. Reizöl yanön lama galöm nup memba malök.

10 Kaiga Jeikobnön ehonñangö börtatñi Reizöl aka ehonñangö lama kambuñi enğeka o löm numbuñe anda köt mi metala ehonñi Labangö lamaurupñi o enğiyök.

11 Enğim teköba Reizöl numbu yöhötüm nempa könahiba köhöikñi qeta sahörök.

12 Sahöta Reizölgöra jiyök: “Ni göhö iwigahö tinitosolomñi akzal. Ni Rebekagö nahönña. “Mewö jiiga Reizölnön möta ösumñan kiñkingöba iwiñangöreñ anda buzup mi jii mörök.

13 Labanön nenñangö nahönñi Jeikobkö buzupñi möta i ösumok miwikñaimangöra anök. Anda miwikñaiba eka anğöm wangiba numbuñi yöhötüm nempa wangita miriñe öngöyohot. Öngöba yuai pakpak asuhuyöhi, Jeikobnön mianğö kösohotñi jii mörök.

14 Mi möta kewö jiyök: “Ölöp, göñön nani sepkitipni akzan. “Mewö jiiga köiñ mohotkö dop yambuk tata malök. Mewö.

### *Jeikobnön Lea aka Reizöl anömyahötña etkömeyök.*

15 Mewö maliga Labanön Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop kölma. Mianğöra töwagi dawik memangö mötzani, mi ölöp jinönga mötman.”

16 Labangö börtayahötñi yahöt malohot. Ketañangö qetñi Lea. Munñangö qetñi Reizöl.

17 Leagö jeñan eksihimñambuk ahökmö, Reizölgö silenangö kaisongolomñi aka jemeso-holñi mi körek eksihimñambuk kötökñi ahök.

18 Jeikobkö urusihimñi mi Reizölgöreñ ahöyöhangöra aka keu kewö jiyök: “Nöñön börtatki könañepñi Reizöl memangöra ölöp yambu 7 welen qem gihiba malman.”

19 Mewö jiiga kewö jiyök: “I azi murutñi kun wangibiga qahö dop kölmapukmö, gi gihibiga dop kölma. Mianğöra ölöp nömbuk ki malman.”

20 Mewö jiiga Reizöl memangöra yambu 7 welen qem wangiba malök. Urusihimñan Reizölgöra ahöhangöra aka yambu mienğö möriga wehön awamñi tandök ahök. Mewö.

21 Yambu 7 teköiga Jeikobnön ehonñi Laban kewö jii mörök: “Nöngö nup meme nalönan lök teközawangöra ölöp anömni Reizöl niñginönga yambuk ahöba malman.”

22 Labanön keu mi möta miri tonj pakpak öröm tokom enğiba lömbuan aliga nem söngaip aket.

23 Mi aket teköiga miri söñauiga Labanön börtatñi Lea wangita anda Jeikob wangiiiga miri uruñe öngöba mohotñe ahöyohot.

24 Labanön welen ambiñi qetñi Zilpa mi börtatñi Leagö welenqeqeña malmapköra wangiyök.

25 Mohotñe ahöyohotka miri gianjiiga Jeikobnön anömñi eka möri Reizöl qahöpmö, i Lea aiga yöwöñangöreñ anda kewö jim wangiyök: “Gi mönö wani kimbiala ak niñgizane? Ni Reizöl memangöra welen qem gihiba malalmö, gi mönö wuanöngöra tilipköm niñgizan?”

26 Mi möta melenđa kewö jiyök: “Gölme kianğöreñ datñi öne maliga munñan azi memapkö ahakmemenji mi neñgöreñ qahö ahöza.

27 Mianğöra ölöp maren sösongai mi Leabuk sonda mohotkö dop mal söngainön teköiga munñi mewöyök gihimam. I memangöra mönö mewöyök yambu 7 toroqeba welen qem niñgiba malman.”

28 Mewö jiiga urumohot aka Leabuk maren sösongai nalö mi sonda mohotkö dop mali teköiga Labanön börtatñi Reizöl mewöyök anömñi akñapköra wangiyök.

29 Labanön welen ambiñi qetñi Bilha mi börtatñi Reizölgö welenqeqeña malmapköra wangiyök.

<sup>30</sup> Jeikobnön Reizöl i mewöyök anömña meyök. Urusihimñan Reizölgöra ahöyöhañgöra aka Reizöl mi Lea oñgita jöpaköm wañgiba malök. Mianğöra yambu 7 toroqeba Laban welenñi qem wañgiba malök. Mewö.

*Jeikobkö moröurupñi asuhuget.*

<sup>31</sup> Jeikobkö uruñan Leagö gwötpuk qahö ahöiga boromdökñi tököiga Kembunön ehi qahö dop köliga Lea gölöm almapköra bauköm wañgiyökmö, munñi Reizölnön köpinña malök.

<sup>32</sup> Leanön köröbuk aka mala morö azia memba keu kewö jiyök, “Kembunön tapötkokorokni ehiga apnan ölop könahiba jöpaköm niñgiba malma. “Mewö jiba qetñi mianğö dop Ruben qerök. (Ruben Tapötkokorokni ehök.)

<sup>33</sup> Könañgep kunbuk körö ala morö azi kun memba keu kewö jiyök: “Apnan boromdökñi jöpaköm niñgiiga Kembunön mi möta morö ki mewöyök niñgiza. “Mewö jiba qetñi mianğö dop Simeon qerök. (Simeon Kezapñan mörök.)

<sup>34</sup> Mianğö andöñe kunbuk körö ala morö azi kun memba keu kewö jiyök: “Ni nahönurupñi karöbut apnañgöra mealanğöra yañön mönö könahiba uruñi nömbuk jöhöma. “Mewö jiba qetñi mianğö dop Liwai qerök. (Liwai Uruñi jöhöma.)

<sup>35</sup> Mianğö andöñe dumñe kunbuk körö ala morö azi kun memba keu kewö jiyök: “Nöñön nalö kewöñe Kembu möpöseizal. “Mianğöra qetñi mianğö dop Juda (möpöseip) qerök. Mianğö andöñe morö kunbuk qahö meyök. Mewö.

## 30

<sup>1</sup> Reizölnön köpinñi mala Jeikobköra nahönbörat kun qahö memba nanñi könañi mewö eka datñi Lea andö qeba uruñan mututqutut möta Jeikobköra keu kewö jiyök: “Gi mönö morö qiwikñainön. Mi qahö qiwikñainönnga nöñön mönö malmangö osiba kömumam.”

<sup>2</sup> Mewö jiiga Jeikobnön irimñi seholiiga uruönön möt wañgiba kewö jiyök: “Ni mönö morö denöwö qiwikñabilenak? Anutunön gi morö memangö jöhöm gihiba malökmö, nöñön Anutuya qahö.”

<sup>3</sup> Mewö jiiga Reizölnön kewö jiyök: “Nöngö welen ambini Bilha mi ki. Ölop yambuk ahönönnga nöngöra morö mema. Yañön nam köliga nöñön mewöyök yañgöreñök nahönbörat miwikñaim eñgiba namñini aka malmam.”

<sup>4</sup> Mewö jiba welen ambini Bilha wañgiiga anömña memba yambuk ahöyök.

<sup>5</sup> Ahöiga Bilhanön gölöm ala Jeikobkö nahönñi meyök.

<sup>6</sup> Nahönñi meiga Reizölnön kewö jiyök: “Anutunön kewöt niñgii dop kölbige köuluk keuni möta morö azia niñgiza. “Mianğöra qetñi Dan qerök. (Dan Kewöt niñgii dop köljäl.)

<sup>7</sup> Reizölgö welen ambini Bilha yañön kunbuk gölöm ala Jeikobkö nahönñi kun meiga yahöt ahök.

<sup>8</sup> Mewö meiga Reizölnön kewö jiyök: “Datnambuk gwötpuk aum-möriba luhut aljal. “Mewö jiba mianğö dop morö qetñi Naftali (Aum-mörial) qerök.

<sup>9</sup> Leanön kunbuk gölöm qahö ala mi eka mianğöra nanñi welen ambini qetñi Zilpa memba Jeikob wañgii anömña ahök.

<sup>10</sup> Anömña aka Jeikobkö morö azia meyök.

<sup>11</sup> Meiga Leanön “Simbawon!” jiba qetñi Gad (simbawon) qerök.

<sup>12</sup> Zilpa, Leagö welen ambini mianğön Jeikobkö nahönñi kun kunbuk meiga yahöt ahök.

<sup>13</sup> Mewö aiga Leanön keu kewö jiyök: “Nöñön uruölöwak ketanñi mötzal. Ambi yeñön mönö nöngöra oyaenköyaen qeta malme. “Mewö jiba mianğö dop morö qetñi Aser qerök. (Aser Oyaenköyaen qetme.)

<sup>14</sup> Witnön öliiga yandiyandi nalöñe sömañi kunön Rubenön yaigep anda gölme köröñe asagwalim amöt \* miwikñaiyök. Amöt mi miwikñaiya memba kaba namñi Lea wañgiyök.

\* **30:14:** Ambi yeñön asagwalim amöt namba amqeba gölöm albingö akeri, mewö möt nariget.



Wanjiiga Reizölnöŋ datŋaŋgöra kewö jiyök: “Göhö nahöŋgan amöt memba kazawi, miangö tosatŋi mönö niŋginöŋga nemi.”

<sup>15</sup> Mewö jiiga Leanöŋ kewö jiyök: “Göŋön apni noaŋgitnöŋga dop kölmapkö mötmörialmö, gi mönö nahönaŋgöreŋ asagwalim amöt ki mewöŋanök noaŋgitmamgö mötzan. Mi qahö dop kölja. “Mewö jiiga Reizölnöŋ kewö jiyök: “Ölöp! Nahöŋgahöreŋ amöt mi niŋgiman ewö, mönö ölöp Jeikobpuk suŋgem ki ahömahot.”

<sup>16</sup> Mewö jiiga Jeikobnöŋ mare miangöreŋ nup mosöta kaiga Leanöŋ anda miwikŋaim waŋgiba kewö jiyök: “Nöŋön nahönaŋgöreŋ asagwalim amöt miangön lök göhö söŋgörügi mezal. Miangöra mönö nömbuk ahöbit. “Mewö jiiga Jeikobnöŋ suŋgemŋi miangöreŋ yambuk ahöyohot.

<sup>17</sup> Yambuk ahöyohotka Anutunöŋ Leagöreŋ keu köulukŋi möriga gölöm ala Jeikobkö nahönŋi 5:ŋi meyök.

<sup>18</sup> Mi memba keu kewö jiyök: “Nöŋön welen ambini mi apni waŋgialaŋgöra Anutunöŋ miangö töwaŋi ki niŋgiza. “Mewö jiba miangö dop qetŋi Isakar (töwa) qerök.

<sup>19</sup> Miangö andöŋe Leanöŋ kunbuk gölöm ala Jeikobkö nahönŋi 6:ŋi meyök.

<sup>20</sup> Mi memba keu kewö jiyök: “Anutunöŋ kalem qetpuk niŋgiza. Apni Jeikobkö nahönurupŋi 6 mealangöra yaŋön mönö pöndaŋ nömbuk mala qetbuŋa niŋgiba malma. “Mewö jiba miangö dop morö qetŋi Zebulun qerök. (Zebulun qetbuŋa)

<sup>21</sup> Nalö tosatŋi teköiga Leanöŋ morö börat memba qetŋi Daina qerök.

<sup>22</sup> Anutunöŋ dumŋe Reizöl mewöyök mötmörim waŋgiba keu köulukŋi möta gölöm almamgö bauköm waŋgiyök.

<sup>23</sup> Bauköm waŋjiiga gölöm ala morö nahön kun memba keu kewö jiyök: “Anutunöŋ gamuni meköza.”

<sup>24</sup> Mewö jiba toroqeba kewö jiyök: “Kembunöŋ mönö nahöni kun toroqeba niŋgima. “Mewö jiba miangö dop morö qetŋi Josef (Toroqeba niŋgima.) qerök. Mewö.

### *Jeikobkö lama kambuŋan sehiyök.*

<sup>25</sup> Reizölnöŋ nahönŋi Josef meiga miangö andöŋe Jeikobnöŋ Labangöra kewö jiyök: “Ni nani miri gölmene anmamgö mötzal. Miangöra ölöp melaim niŋginöŋga lilingöba anmam.

<sup>26</sup> Anöm moröurupni kiengöra aka göhö welengi qeba malali, mönö i niŋginöŋga mohotŋe köna anbin. Nöŋön nup gwötpuk ketanŋi memba malali, mi nangak ölöp mötzan.”

<sup>27</sup> Mewö jiiga Labanöŋ kewö jiyök: “Gi möt ölöwak niŋgizan ewö, mönö ölöp ki malman. Kembunöŋ göhöra aka ni kötuatköm niŋgiba malöhi, nöŋön unju qebiga keu mewö asuhui mötzal.”

<sup>28</sup> Mewö jiba toroqeba kewö jiyök: “Mönö nupkahö töwaŋaŋgö jaŋgöŋi jinöŋga söŋgörüŋi mi ölöp gihimam.”

<sup>29</sup> Mewö jiiga Jeikobnöŋ kewö jiyök: “Nöŋön göhö welengi denöwö qeba mala göhö mirigö sömbup kambuŋi kambuŋi galöm köl eŋgibiga qarigeri, mi nangak ölöp mötzan.

<sup>30</sup> Mutuk ni ki qahö kabiga miangöreŋ sömbup yuaigi gwötpuk qahö ahöm gihiyökmö, miangön mönö ni kabiga nalö miangöreŋ sehiba jesöŋgö akze. Ni denike denike anda kayali, miangöreŋ Kembunöŋ kötuatköm gihiga malnöŋ. Mewö malnöŋmö, ni mönö wani nalönöŋ ölöp nani könagesöurupni naŋgöm eŋgimamgöra aka nup yuai könahiba membilenjak?”

<sup>31</sup> Mewö jiiga Labanöŋ kewö qesiyök: “Ni mönö wania gihibilenjak?” Mewö qesiiga Jeikobnöŋ melenŋa kewö jiyök: “Yuai kun kude niŋgimanmö, yuai mohot ki nöŋgöra akŋan ewö, ni ölöp toroqeba göhöreŋ lama kambuŋi kambuŋi mi köyan köla jegalöm ak eŋgiba malmam.

<sup>32</sup> Ni ölöp göhöreŋ lama aka meme kambuŋi pakpak mi merak eŋgek kewötmam. Mi kewöta lama moröŋi baröm pakpak aka meme (noniŋ) döŋŋi tiktokŋinambuk aka



kulemņini diriweņ, soņo me korombonņi mi pakpak mendenđa nanņini tokom engiman. Mienņon ölop nup memba malalaņgö töwani akņe.

<sup>33</sup> Kōnaņgep nupnaņgö töwani, lama aka meme mi enņek kewötmamgöra kabanak, nalö mianğoreņ uruni diņđiņaņgö kōnaņi mi amgeba kewö miwikņaiman: Meme (noniņ) tiktokņini qahö aka diriweņ, soņo me korombonņi qahö mi pakpak aka lama baröm qahö pakpak nöņgö kambunöņ kinmei, mi nöņon yoņgorö meal, mewö möt kutuman.”

<sup>34</sup> Mewö jiiga Labanöņ kewö melenņök: “Ni ölop urumohot akzal. Keu jizan ewö kōna mi ahöma.”

<sup>35</sup> Mewö melenđa silim mianğoreņök Labanöņ meme (noniņ) aziņi kulemņini jinjalalaņ aka diriweņ soņo me korombonņi aka meme ambiņi pakpak kulemņini tiktokņinambuk aka diriweņ soņo me korombonņi me sile jupņine yuai tuatņi taröhi, mi pakpak aka lama moröņi baröm pakpak mi kewöta meköm enņiba nanņi nahönurupņi yeņgö böröņine al enņiyök.

<sup>36</sup> Labanöņ mi al enņiba yembuk Jeikobköreņ lama aka meme kambu mi enņuaņgita silim karöbut anangö dop anda mianğoreņ malget. Köröwen mewö malgetka Jeikobnöņ toroqeba Labangöreņ lama aka meme kambuņi kambuņi mi galöm köl enņiba malök.

<sup>37</sup> Mewö mala sau, kömin aka kuņgam ip mienğö böröņini gwölögwölö kutuba memba sileņini jölanjolan (joranjoran) köndölatiiga sutņe sutņe tuariiga jinjalalaņ ahök. †

<sup>38</sup> Mewö aiga ip böröņini köndököndölatiņi mi memba sömbup yeņgö o joutņini pakpak mianğoreņ aliga o nemingöra kagetka wösöņineyök ahöyök. Mewö ahöiga lama aka meme kambu yeņon aziņan enņualöņmegö sihim kōnöpņi möta o nemingöra kaba miwikņaiaba eket.

<sup>39</sup> Mewö eka meme aziņi yeņon ip böröņi mienğö kösutņine ambiņi enņualöņget. Mewö enņualöņgetka gölöm ala malgeraņgöra moröurupņini jinjalalaņ, tiktokņinambuk aka diriweņ, soņo me korombonņi mi enņömemba malget.

<sup>40</sup> Mewö malgetka Jeikobnöņ lama aka meme (noniņ) moröņi mewöņi mi kewöta menden enņiba nanņök nanņök kambu köl enņiyökmö, sömbup ketanı mi areņgöm enņiiga jeņini Labangöreņ sömbup baröm aka kimbiņini tiktokņinambuk yeņgoreņ göröken uba kinget. Mewö aka nanņaņgöra lama aka meme (noniņ) kambuņi kambuņi meköba miwikņaim enņiyök. Mi miwikņaiaba jöhöm enņiiga Labangö lama kambunöņ qahö anda toroqem enņiget.

<sup>41</sup> Sömbup ambiņi köhöikņi yeņon aziņan enņualöņmegö sihim kōnöpņi mötketka Jeikobnöņ nalö dop mianğoreņ ip böröņi mi o joutnöņ alök. Mianğöra sömbup aziņi yeņon kaba mi wösöņine miwikņaiaba eka kösutņe mianğoreņ ambiņi mi enņualöņda malget.

<sup>42</sup> Mewö malgetmö, sömbup ambiņan ösumņini eretņi aket ewö, yaņon ip böröņi mi yeņgö wösöņine qahö ala malök. Mewö aka maliga sömbup ösumņini eretņi mienņon Labangöreņ kambunöņ toroqegetka ösumņini köhöikņi yeņon Jeikobkö kambunöņ anda toroqeget.

<sup>43</sup> Jeikobnöņ mewö aka kindiņbirik azi qetbuņaambuk aka töhötmöriam miwikņaiyök. Lama aka meme kambu gwötpuk buņa qem aņguba welenqeçe ambazip enņuaņgiriga kamel aka donņi kambuņi kambuņi asuhum sehigetka toņini ahök. Mewö.

## 31

### *Jeikobnöņ Laban mosöta ölöņ köla anök.*

<sup>1</sup> Labangö nahönurupņan keu kewö jigetka Jeikobkö kezapņe geiga mörök: “Iwininan yuai buņa qeba malöhi, Jeikobnöņ mi pakpak kalöpköba könjörata aņgön kölök. Iwininaņgö sukinapņi galöm köla mianğoreņök inapņi pakpak mi nanņaņgöra miwikņaiaba kindiņbirik akza.”

† **30:37:** Ip böröņi mi selgöra qahö alök. Mewöyök tiripqözöläqözöl me jinaņ akņamgöra qahö. Anutunöņ yauen aka sunja jinaņ akingöra qahö jiyökmö, Jeikobkö uruņa diņgiiga tem köla malöhaņgöra töhötmöriamgö kōnaņi mewö kusum waņgiyök.

<sup>2</sup>Keu mi mörök aka yöwönaᅅgö jemesoholᅅi eka kewö möt asariyök: “Labanöᅅ mutuk ala ölöᅅᅅi ak niᅅgiba mala korökmö, mewö qahö toroqeba aka malja.”

<sup>3</sup>Mewö möt asariiga Kembunöᅅ Jeikob kewö jii mörök: “Göᅅön mönö lilingöba iwiasaurupki yeᅅgö gölmenöᅅ anda tinitosolomurupki yembuk malman. Anda malnöᅅga nöᅅön göbuk kinda malmam.”

<sup>4</sup>Jeikobnöᅅ keu mi möta Reizöl aka Lea yetköra keu ali aniga gölme köröᅅe lama kambuᅅi kambuᅅi galöm köl enᅅiyöhi, miangöreᅅ kayohot.

<sup>5</sup>Kayohotka kewö jii mörohot: “Nöᅅön iwiniraᅅgö jemesoholᅅi eka kewö möt asarizal: Yaᅅön mutuk ala ölöᅅᅅi ak niᅅgiba mala korökmö, mewö kunbuk qahö aka malja. Iwiniraᅅgö Anutuᅅan mönö töndup nömbuk kinda mala korök.

<sup>6</sup>Ni ösumni pakpak qezaköba miangö dop iwiniri welen qem waᅅgiba mala korali, iniri mi ölöᅅ mötzahot.

<sup>7</sup>“Mewö malalmö, yaᅅön isimkakalek qakᅅe ak niᅅgiba mala nupnaᅅgö töwaᅅi mi sömaᅅi 10:gö dop utekutek ala malök. Mewö ak niᅅgiba malökmö, Kembunöᅅ angön köl waᅅiiga geᅅmororoᅅ kun qahö ak niᅅgiiga malal.

<sup>8</sup>Nalö kunöᅅ kewö jiyök, ‘Lama aka meme (noniᅅ) tiktokᅅinambuk asuhumei, mi mönö göhö nup töwagi akᅅe.’ Mewö jiiga sömbup kambu jömukᅅi yeᅅön moröᅅini tiktokᅅinambuk enᅅömeget. Nalö kunöᅅ kewö jiyök, ‘Lama aka meme (noniᅅ) jinjalalaᅅ asuhumei, mi mönö göhö nup töwagi akᅅe.’ Mewö jiiga sömbup kambu jömukᅅi yeᅅön moröᅅini jinjalalaᅅ enᅅömeget.

<sup>9</sup>Anutunöᅅ mewö aiga asuhuiga iwiniraᅅgö kambuᅅeyök sömbup köᅅjörata enᅅuaᅅgita niᅅgiiga sehiyök.

<sup>10</sup>“Sömbup aziᅅan ambiᅅi enᅅualöᅅda malgeri, nalö kun miangöreᅅ gaun kunöᅅ jeni uba wahöta ekiga meme (noniᅅ) aziᅅan ambiᅅi enᅅualöᅅda kingeri, yeᅅgö silenᅅi mi jinjalalaᅅ, tiktokᅅinambuk aka diriweᅅ, soᅅo me koromböᅅgi pakpak aket.

<sup>11</sup>Nöᅅön gaun ekiga miangöreᅅ Anutugö garata kunᅅan nöᅅgöra ‘Jeikob!’ qerök. Mewö qeriga ‘Ki kinjal,’ jiba melenᅅal.

<sup>12</sup>Melenᅅiga kewö toroqeba jiyök: ‘Labanöᅅ yuai pakpak ak gihimakzawi, nöᅅön mi eka mötzal. Miangöra ölöᅅ jegi uba wahöta eknöᅅ: Meme (noniᅅ) aziᅅi pakpak ambiᅅi enᅅualöᅅda kinjei, yeᅅgö silenᅅinan jinjalalaᅅ, tiktokᅅinambuk aka diriweᅅ, soᅅo me koromböᅅgi akza.

<sup>13</sup>\*Nöᅅön Betel miangöreᅅ asuhum gihibiga köᅅ dangunu kun kuᅅguba miriba nöᅅgöra keu jöhöba jöjöpaᅅ keunöᅅ jim köhöinöᅅ. Nöᅅön Anutu mi aka göhöra keu kewö jizal: Gi mönö dölkᅅi wahöta kantri ki mosöta nangi ahuahu gölmege kunbuk lilingöba anman.’ ”

<sup>14</sup>Jeikobnöᅅ keuᅅi mewö jiiga Reizöl aka Lea yetköᅅ kewö melenᅅ waᅅgiba jiyohot: “Iwiniraᅅgö mire börösamotkö bahöᅅi kun mi neᅅgöreᅅ qahö toroqeba tatza.

<sup>15</sup>Yaᅅön azi netkiiga söᅅgöroniran kaiga mi nanᅅaᅅgörok memba gil teköyök. Miangöra niri mönö kian tandök ak netkiiga mala korit.

<sup>16</sup>Miangöra Anutunöᅅ iwiniraᅅgö kambuᅅeyök sukinap öroyuai köᅅjörata waᅅgiri sehiyöhi, mi pakpak mönö öᅅᅅa nanine aka nahönböratuᅅpniᅅi neᅅgö buᅅaya akza. Miangöra Anutunöᅅ jim kutum gihiyöhi, göᅅön mönö mi pakpak tem köla wuatangöman.”

<sup>17</sup>Mewö jiyohotka wahöta mem mözözöm aka anöm-moröuᅅruᅅᅅi kököbihim enᅅiiga kamel qakᅅine öᅅgöget.

<sup>18</sup>Mirigö sömbup kambuᅅi pakpak közöl enᅅiiga mutuk anget. Sukinap yuaiᅅi (merömbuᅅi) pakpak Mesopotemia (Padan Aram) gölmenöᅅ mala miwikᅅaim sehiyöhi, mi körebörek kölolohoba iwiᅅi Aisaköreᅅ anbingöra Keinan gölmenöᅅ göröken anget.

<sup>19</sup>Nalö miangöreᅅ Labanöᅅ lama juᅅᅅiᅅi mitimamgö aniga Reizölnöᅅ iwiniraᅅgöreᅅ miri domlopionᅅ morörökᅅi yoᅅgoroᅅ meyök.

\* 31:13: Jen 28.18-22

<sup>20</sup> Yoŋgorö meiga Jeikobnön toroqeba yöwöni Aram azi Laban i kewö tilipköm wangiyök: Anbingö keuŋi mi qahö jii mörökmö, mönö ölöŋ mosöta anget.

<sup>21</sup> Mewö ölöŋ angetka kamel yeŋön öröyuaini pakpak mem bisiget. Anda Yufreitis o kutuba Gilead gölme kundunambuk miangöreŋ göröken anget. Mewö.

*Labanön Jeikob wuatangöba anök.*

<sup>22</sup> Angetmö, silim karöbut aiga miangöreŋ keu kewö jigetka Labanön mörök, “Jeikobnön mönö tököba ölöŋ köla anök.”

<sup>23</sup> Mi möta wahöta tinitosolom aziurupŋi engömembra wehön 7:gö dop enguatangöba anda mala Gilead gölme kundunambuk miangöreŋ miwikŋaiba engömeget.

<sup>24</sup> Engömembra sungem miangöreŋök Anutunön Aram azi Labangöra gaunön asuhuba keu kewö jii mörök: “Göŋön Jeikobköra kötümötuet me qesuak keu kun jibanbuköra mönö möt kutuba galöm mem anġuman.”

<sup>25</sup> Engömegetka Jeikobnön opo seri kounŋi Gilead gölme kundunambuknön möröreŋgöba kuŋguiga Laban aka aziurupŋi yeŋön mewöyök opo seri kounŋini miangöreŋ kuŋguba ahöget.

<sup>26</sup> Ahöba wahöta qinŋi Jeikobköreŋ anda kewö jii mörök: “Gi mönö wani kimbiam ak niŋginöŋe? Gi tilipköm niŋgizan. Kerök yeŋön yarö gila ambi yoŋgorö örömakzei, mönö miangö tandök nöŋgö börtayahötni ölöŋ etkuangita kanöŋ.

<sup>27</sup> Gi wuanöŋgöra isimkakalek ak niŋgiba ösumok ölöŋ köla nömosöta kanöŋ? Gi mönö wuanöŋgöra keu kun qahö jinön mötpi laŋ kanöŋ? Mi mötpileŋak ewö, nöŋön ölöŋ liŋet gwawet albi kömam köla gita kulele qegetka söŋŋgai qakŋe gumbulbi könanön kabeak.

<sup>28</sup> “Mi mötpileŋak ewö, mönö ölöŋ isiurupni aka börtayahötni numbuŋini yöhötim nembra yaizökzökŋini jibileŋak. Gi mönö uruqahö kimbiam aknöŋ.

<sup>29</sup> Nöŋön kukösumnambuk kaba ölöŋ ayuhum gihibileŋakmö, sungem ahöbiga iwigahö Anutunön keu kewö jii mötzal: ‘Göŋön Jeikobköra kötümötuet me qesuak keu kun jibanbuköra mönö möt kutuba galöm mem anġuman.’

<sup>30</sup> Miangöra muat, nangi iwigahö miri gölmeŋe lilingömangö urusihimŋi ketanŋi möta malagun lök mosöta könanön kaba maljan. Miangöra ölöŋ anmanmö, nöŋgö domlopionurupni mi mönö wuanöŋgöra yoŋgorö membra kanöŋ?”

<sup>31</sup> Labanön mewö jiiga Jeikobnön kewö melen wangiyök: “Göŋön börtayahötkei yarö ösum qakŋe noanġitpanbukö mötmöröba keŋgötni möta ölöŋ köla kain.

<sup>32</sup> Kainmö, kunŋan domlopionurupki meiga miwikŋaimani, i ölöŋ qenöŋga kömuma. Öröyuai pakpak membra maljali, mi ölöŋ tinitosolomurupniri yeŋgö jeŋine ek kewöta kinda göhöreŋ yuaigi kun miwikŋaiba eka mi ölöŋ meman. “Jeikobnön mewö jiyökmö, anömnŋi Reizölnön domlopion mi yoŋgorö meyöhi, apŋan mi qahö möröhanögöra mi tönpin jiyök.

<sup>33</sup> Mewö jiiga qinŋi Jeikobkö opo seri kounŋe öŋgöba qezanġa jaruba Leagö opo seri kounŋe öŋgöba toroqeba welen ambiyahöt mietkö opo seri kounŋire öŋgöba qezanġa jaruba yuai kun qahö miwikŋaiyök. Leagö kounŋi mosöta miangö andöŋe Reizölgö kounnön öŋgöyök.

<sup>34</sup> Öŋgöyökmö, Reizölnön domlopionurup mi membra gösönön löŋgöta kamel qakŋe tatatkö dum uruŋe ala qakŋe öŋgöba qelanjim engiba tarök. Mewö tariga iwiŋan opo kounŋanġo uruŋi körek qezanökmö, mi qahö miwikŋaiyök.

<sup>35</sup> Reizölnön iwiŋi kewö jii mörök: “Ketanamni, ni köiŋnön nehiga tatzalanögöra aka göhö jemesoholge ölöŋ qahö wahötmam. Miangöra uruönön kude möt niŋgiman. “Mewö jiiga miriŋanġo domlopionurupni miŋgöra jaruyökmö, mi qahö miwikŋaiyök.

<sup>36</sup> Qahö miwikŋaiiga kinda Jeikobnön irimŋi sehöliiga tembula Laban kewö jim wangiba qesim wangiyök: “Nöŋön wani könyaya ak ŋiŋial? Mönö wani silik bölöŋi ak ghialanögöra kahasilinön börtajan suhum niŋgizan?”

<sup>37</sup> Nöngö sukinapni pakpak qezan teköbagun mönö wanat yuaia kun miwikñainönga nangi mirigahö buñaya akawak? Mi ölop memba yuhu kaba tinitosolomurupñiri yeñgö jeñine alnöñ eketka sutnire keu lömböt ahöiga mi kewöta jim teköba mindingöm netkime.

<sup>38</sup> “Nöñön göbuk lök yambu 20 mala koral. Nalö miangö uruñe nupki membiga göhöreñ lama aka meme (noniñ) yeñön morö membingö pömsöm qahö qegetmö, ölopñanök ahumsehip aka malget. Mewöyök lama aziñi kun göhö sömbup kambunöhök qahö qem neal.

<sup>39</sup> Nalö tosatñe sömbup kalñan lama qeba yöhöqöhötüyöhi, mi qahö memba kaba gihiba malalmö, miangö kitipñi mi nani kambunöhök memba salupñe ala malal. Lamagi sungemñe me asakñe yongorö memba malbeahi, mi töndup miangö salupñi almamgö jimkutukutu alnönga mi wuatangöba malal.

<sup>40</sup> “Silimnöñ miri könöññan nohotiriiga sungemnöñ amötñan nuñguiga sanğenñi möta malal. Nalö gwötpuk gaun guli mem niñguiga malal.

<sup>41</sup> Yambu 20:gö dop mewö göhö mire mala kotpi teköza. Yambu 14 mi böratyahötki etkömemamgöra welen qem gihiba malal. Miangö andöñe yambu 6 mi lama bulmakau miwikñaimamgöra göhöreñ nup memba malal. Mewö malalmö, göñön nup memegö töwani mi sömañi 10:gö dop utekutek ala malnöñ.

<sup>42</sup> “Asani Abrahamgö Anutuñi iwini Aisaknöñ waikñi memba möpöseimakzawi, yañön andöne awörök qahö aka kötöngöm niñgibawak ewö, göñön mönö börobörak melaim niñginönga köna anbileñak. Mewö ak niñgibanakmö, Anutunöñ nöngöreñ sihimbölo kahasililiñ möriga nup böronan sileqeçe aka memba malali, mi eka merak sungem nöngö keuni kewöta jim teköiga mötzan. “Mewö.

### *Jeikob aka Laban yetkөн jöhöjöhö ahot.*

<sup>43</sup> Jeikobnöñ mewö jiiga Labanöñ kewö melen wañgiyök: “Ambi yahöt ki mönö nöngö böratyahötña. Yetkö nahönböraturupñiri mi nöngöreña. Lama bulmakau kambuñi kambuñi ki mi nöngöreña. Yuai pakpak ki ekzani, mi körek nöngö buñayök akza. Mewömö, muat nöñön merak böratyahötñi ki aka nahönböraturupñiri engömeyohori, yeñön anmegö keuñini jigetka mi qeapkömamgö lömbörizal.

<sup>44</sup> Miangöra ölop kaba gou köl anguba sutnire jöhöjöhö akit. Mi qendenbitpuköra mötmörim netkiba dangunu ewö sutnire ahöma.”

<sup>45</sup> Mewö jiiga Jeikobnöñ köt kun memba kuñguiga timbetuat ewö dangunu jaböñiri aka kinök.

<sup>46</sup> Mianön kiniga Jeikobnöñ tinitosolomurupñi yeñgöra köt memba tokomegöra jiyök. Mewö jiiga köt memba qaknöñ qaknöñ ala tokoget öngöiga miangö kösutñe nene lömbuan ohoba neget.

<sup>47</sup> Labanöñ köt kambu miangö qetñi Jegar Sahaduta qeri Jeikobnöñ qetñi Galed qerök.

\*

<sup>48</sup> Mewö qerohotka yöwöñan qingñi Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnöñ miangö qetñi Galed qerök.

<sup>49</sup> Labanöñ keu toroqeba kewö jiyök: “Kembunöñ mönö denđa malbiri, nalö miangöreñ sutnire jeñan netkek tiba galöm mem netkiba malma. “Miangö dop gölme miangö qetñi kun Mizpa qerök. (Mizpa Galöm meme miri köröñi.)

<sup>50</sup> Labanöñ keu mi toroqeba kewö jiyök: “Göñön böratyahötñi öröm ureim ak etkiman me toroqeba kakasun ambi tosatñi engömeman ewö, mönö keu ki möta malman: Gölme azi kunñan kösutnire qahö mala netkehiga Anutunöñ mönö töndup ölop netkeka sutnire jöhöjöhö ahözawañgö keuñi mi nañgöba jiba malma.”

<sup>51</sup> Mewö jiba kunbuk toroqeba kewö jiyök: “Qingini mötnöñ, köt kambu ki aka mötök ki kuñguzali, mietkөн mönö netkö sutnire dangunu ewö tat öngömahot.

\* **31:47:** Dangunu köt kambu mi Hibru keunöñ Galed aka Arameik keunöñ Jegar Sahaduta.



<sup>52</sup> Köt kambu ki mönö dangununira aka tat öngöma aka mötök ki mi mewöyök dangununira aka tat öngöma. Mietkön jöhöjöhönirangöra kewö mötmörim netkiba tat öngömahot: Nöñön mem bölim gihimangö möta köt kambu ki qahö ongita göhöreñ kamam. Göñön mewöñanök mem bölim niñgimangöra möta köt kambu aka mötök ki qahö etkonngita nöngöreñ kaman.

<sup>53</sup> Abraham, Nahor aka yetkö iwiñiri yengö bemñini Anutu yañön mönö keu sutnire asuhuiga mi kewöta jim teköm netkima. “Labanöñ mewö jiiga Jeikobnöñ keu mi jöhöba Anutugö qetñe jöjöpañ keunöñ jim köhöiyök. Iwiñi Aisaknöñ Anutu miangö waikñi memba möpöseiba malök.

<sup>54</sup> Jeikobnöñ mewö aka gölme kundunje sömbup qeba mianñön jöwöwöl ohoba tinitosolomurupñi öröm enjiiga lömbuanñön kaget. Kaba nene memba sunjem liñet unduba kundunje miangöreñ ahöget.

<sup>55</sup> Ahögetka miri asariiga Labanöñ söñanök wahöta isiurupñi aka böratyahötñi numbuñini yöhötim memba kötuatköm enjiba yaizökzökñini jiyök. Mi jiba enjömosöta lilingöba miriñe anök. Mewö.

## 32

### *Jeikobnöñ Isobuk aitongöbitkö jörömqöröm ahök.*

<sup>1</sup> Yöwöñan aniga Jeikobnöñ mewöyök könanöñ aniga Anutugö garataurupñi tosatñan miwikñaim wañgiget.

<sup>2</sup> Miwikñaim wañgigetka engeka kewö jiyök: “I Anutugöreñ yarö kambuya akze. “Miangö dop gölme miangö qetñi Mahanaim (yarö kambu yahöt) qerök.

<sup>3</sup> Jeikobnöñ könanöñ anda mala kolek aziurupñi tosatñi mutuk melaim enjii Edom kantrigö gölme qetñi Seir miangöreñ datñi Iso ekingöra anget.

<sup>4</sup> Melaim enjiba kewö jim kutum enjiyök: “Injini mönö anda dat kembuni Iso kewö jigetka mötma: ‘Ketanamni mötnöñ, ni welen azigi Jeikob. Ni ehoniri Labanbuk mala kota mal teköba nalö kewöñe i mosöta kazal.

<sup>5</sup> Miangöreñ mala bulmakau, donki, lama, meme (noniñ) kambuñi kambuñi aka welenqeçe ambazip miwikñaiaba enjömemba könanöñ kazal. O azi kembuni, nöñön göhö jege ak-kömukömu miwikñaimangöra möta keu buzupni ki mutuk albi göhöreñ kaza.’ ”

<sup>6</sup> Mewö jim kutum enjiiga anda lilingöba kaba kewö jigetka mörök: “Nini datki Isogöreñ anin. Yañön mönö aziurupñi 400 enjömemba könanöñ kaba göbuk aitongöbingö jöjöröba malje.”

<sup>7</sup> Mewö jigetka möta awöwöliba köñjiliñ ketanji mörök. Mewö möta kinda könagesöurupñi yambuk kageri, mi aka lama meme kambuñi kambuñi, bulmakau kambuñi kambuñi aka kamelurupñi mi menden enjiiga kambu yahöt aket.

<sup>8</sup> Kewö mötmöriba mewö ahök: “Isonöñ kaba yarö gila kambu kun enjum ayuhuma ewö, kambu kun yeñön mönö ölop ölöñ köla anbeak.”

<sup>9</sup> Mewö mötmöriba kewö jiba köuluköyök: “O Anutu, asani Abrahamgö aka iwini Aisakö bemñiri, göñön ölop möt niñgiman. Kambu, gi nangok keu kewö jinöñ möral: ‘Gi mönö wahöta nangi gölmenöñ lilingöba nangi tinitosolomurupki yengöreñ anman. Endu anöñga nöñön töhötmöriam gihibiga malman.’ Mewö jinöñ möral.

<sup>10</sup> Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqeçenji aka malalmö, göñön töndup keugi pöndañ wuatañgöba ak-kömukömugi pakpak kondel niñgiba malnöñ. Ni eretñi aka urukalemgi mi buña qem anjumamañgö dop qahö aka malal.

<sup>11</sup> “Datni Isonöñ könanöñ kaba nani, nam aka moröurupñini nini nenjuba ayuhum nenjibapuköra nöñön kenjötni mötjal. Miangöra göñön mönö bauköm nenjiba yanjö böroñeyök meköm nenjiman.



12 \*Gi nangok keu kewö jinönga möral: ‘Nöñön töhötmöriam gihiba gwölönarökurupki ahumsehip engigiba qötöñinan qariba köwetkö sakösiñi ahözawañgö dop akña. Mi gwötpuk ketañi ahömawañgöra aka oyoñoyonñgö dop qahö. Keu mi ölna.’ ”

13 Mewö köuluköba sunñemñi mi gölme mianñgöreñ ahöyök. Ahöbagun sömbup kambuñi kambuñi mianñgöreñök datñi Iso kalem wañgimamñgöra sömbup kewö kewöt menden engiba nanñinök al engiyök:

14 Meme (noniñ) ambiñi 200, aziñi 20, lama ambiñi 200, aziñi 20,

15 kamel 30 moröurupñini juzunöñ, bulmakau ambiñi 40, aziñi 10, donñki ambiñi 20, aziñi 10.

16 Kambu mewö mewö kewöt menden da kambu nanñök nanñök mi welenqegeurupñi yengö böröñine al engiba kewö jii mötket: “Inñini ölop mutuk anda sömbup kambuñi kambuñi kienñgö sutñine tiriñ kutuba enguañgita awatañ anme.”

17 Mewö jiba kambu mutukñi anmeañgö galömnñi kewö jim kutum wañgiyök: “Könanöñ angetka datni Isonöñ miwikñaim engiba kewö qesim gihima: ‘Gi dagö welenqege azia akzan? Gi denike anmam jiba kazan? Sömbup wösöge anjei, mi dagöreña?’ ”

18 Mewö qesim gihiiga kewö jiman: ‘Mi welen azigi Jeikobköreña. Mi ketanñamñi Iso kalem wañgimamñgöra al engii kaze. Nanñak mönö andöñine könanöñ kaza.’ ”

19 Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yengö galömnñini andöñine kageri, i mewöyök jim kutum engiiga kewö mötket: “Inñini datni Iso miwikñaim, mönö keu tandökñi miyök jigetka mötma.”

20 Mewö jim kutum engiba kewö mötmöriyök: “Nöñön esapköba uruñi memba eta ala kalem wañgimamñgöra sömbup kambuñi kambuñi melaim engibi mutuk anme. Datnan mi engeka uruñi böñjöh köliga amöribawak. Uruñi amöriiga ölop nanak yangö jemesoholñe ösöñ angotpi sinñisöndokni mosöta ala ak niñgibawak. “Mewö mötmöriiba toroqeba kewö jiget mötmapkö jiyök: “Göhö welen azigi Jeikobnöñ mönö andöñine ösöñ kaza.”

21 Mewö jiba kalemñi al engii mutuk könanöñ angetmö, nanñak sunñem mi opo koumnöñ tatmam jiba mianñgöreñ tarök. Mewö.

### *Jeikobnöñ Suep garatabuk aum-möriyohot.*

22 Sunñem mianñgöreñ Jeikobnöñ wahöta anömyahötñi, welen ambiyahötñi aka morönahönurupñi 11 mi enñuañgiriga anda Jabok o sakñi qöleqöleleñi kutubingö aket.

23 Enñuañgiri o kutuba anda sukinap yuainñi pakpak buñañi ahöyöhi, mi mewöyök memba an teköget.

24 An tekögetmö, Jeikobnöñ nanñök o likepñe mianñgöreñ kunbuk tarök. Nanñök tariga azi kunñan kaiga yambuk sunñem aum-möriiba malohotka miri gianñiyök.\*

25 Azi mianñön luhut al wañgimamñgö osiba eka mianñgöra Jeikob mi ikinñe qeyök. Qeiga mohotñe aum-möriiba malohotka mianñgöreñ Jeikobkö ikin sihitñan sulök.

26 Sihitñan suliga azi mianñön kewö jiyök: “Miri gianñimamñgö akzawañgöra mönö ölop nömosötnönga anmam. “Mewö jiyökmö, Jeikobnöñ kewö melen wañgiyök: “Ni qahö kötuatköm niñgiman ewö, nöñön mönö gi qahö gömosötpi anman.”

27 Mewö melen wañgiiga “Gi qetki niñi?” jiba qesim wañgiiga “Jeikob,” jiyök.

28 Mewö jiiga keu kewö jiyök: “Gi Anutu aka ambazip yembuk aum-möriiba mala luhut al enñinöñ. Mianñgöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)”

29 Mewö jiiga kewö jiyök: “Gi ölop qetki qetnönga mötmam. “Mewö jiyökmö, garatanöñ mianñön kewö melen wañgiyök: “Gi denöwögöra nöñgö qetnañgöra qesizan?” Mewö melen wañgiba mianñgöreñ kinda kötuatköm wañgiyök.\*

\* 32:12: Jen 22.17 \* 32:24: Hos 12.3-4 \* 32:28: Jen 35.10 \* 32:29: Kemb 13.17-18

<sup>30</sup> Kötuetköm wanğiiga Jeikobnön kewö jiyök: “Ni Anutubuk mesohol köl anğuba jeñi törörök ekzalmö, tøndup nehorriiga jebuk maljal. “Mewö jiba mianğöra gölme mianğö qetñi Penuel qerök. (Penuel Anutugö jemesoholñi)

<sup>31</sup> Wehön jeñan lök koriga Jeikobnön Penuel gölme mi mosöta oñgita kaba ikinnji sulöhanğöra aka timkorik anök.

<sup>32</sup> Azi mianğön Jeikobkö ikin sihit toroqeqeñanğö ginimuramñe (bidororo) qeyöhanğöra aka Israel könagesö yeñön nalö kewöñe mewöyök sömbup nempa mianğöreñ ikin sihit toroqeqeñanğö ginimuramñi mi tököba qahö nemakze. Mewö.

## 33

### *Jeikobnön Isobuk aitonğöyohot.*

<sup>1</sup> Jeikobnön jeñi uba wahöta Isonön aziurupñi 400 yembuk mohotñe könanön kageri, mi enğehök. Mianğöra nahönböraturupñi menden enğiba Lea, Reizöl aka welen ambiyahötñi yeñgö böröñine al enğiyök.

<sup>2</sup> Mewö al enğiba kewö arengöm enğiyök: Welen ambiyahötñi yetkön nahönböraturupñiri enğuanğita mutuk anget. Yeñgö andöñine Leanön nahönböraturupñi yembuk angetka Reizöl aka nahönñi Josef yetkön qöndökñi anohot.

<sup>3</sup> Saiwanji mewö arengöm enğiba nanñak yeñgö wösöñine mutuk anda simin köla gölmenön bamğöba wahöriga indimñi 7 aiga anda datñanğö jemesoholñe anğorök.

<sup>4</sup> Anğorökmö, Isonön munñi ekñamğöra ösumñan kiñkiñgöba kaba suhumğöm wanğiba böröñan imbiñe gili geiga numbuñi yöhötüm neiga urusahöt auyohot.

<sup>5</sup> Isonön jeñi uba wahöta Jeikobkö anöm-moröurupñi enğeka munñi qesim wanğiyök: “Ki denike yeñön göbuk kaze?” Qesim wanğiiga kewö melenñök: “Anutunön kalem möriamñi qakñe nahönbörat ki welen azigi ni niñgiyök.”

<sup>6</sup> Mewö melenñiga welen ambiyahötñi yetkön nahönböraturupñiri yembuk dowe kañgota simin köla gölmenön bamğöget.

<sup>7</sup> Mianğö andöñe Lea aka nahönböraturupñi yeñön mewöñanök dowe kañgota simin köla gölmenön bamğöget. Teteköñe Josef aka Reizöl yetkön dowe kañgota simin köla gölmenön bamğöyohot.

<sup>8</sup> Mewö aketka Isonön kewö qesim wanğiyök: “Azi aka sömbup kambu pakpak könanön miwikñaim enğizali, mi könañi denöwögöra melaim enğinönğa kaze?” Mewö qesim wanğiiga kewö jiyök: “O azi kembuni, nöñön mi göhö jege ak-kömükömu miwikñaimamğöra aka melaim enğial.”

<sup>9</sup> Mewö jiyökmö, Isonön keu kewö jiyök: “O muni, mi nöñgöreñ gwötpuk lök dopne ahöze. Mianğöra mi ölop toroqeba nangi buñaya aka ahöma.”

<sup>10</sup> Mewö jiiğa Jeikobnön kewö jiyök: “Mewö qahö. Göñön neksihim aka ala ölopñi ak niñginönğa göhö jemesoholgi ekiga Anutugö jemesoholñi ewö akza. Mianğöra nöñön göhö jege ak-kömükömu miwikñaisal ewö, mönö kalemni ki ölop buña qem anğuman.

<sup>11</sup> Anutunön kalem möriam kondel niñgiiga mala kotpiga yuai pakpak osimakzali, mi pakpak ölop ahöm niñgiza. Mewögöra uruölöwak kalemni memba kageri, mi ölop meman. “Mewö jiba kapan köla malöhanğöra Isonön uruölöwak kalemni mi buña qem anğuyök.

<sup>12</sup> Buña qem anğuba kewö jiyök: “Mönö ölop mosöta köna anbin. Nöñön köiputñini akiga enñön ölop nömbuk kagetka anbin.”

<sup>13</sup> Mewö jiyökmö, Jeikobnön kewö jiyök: “Azi kembuni, mötnön. Nahönböraturupni yeñön ösumñini eretñi akze aka lama namñi aka bulmakau namñi moröñini juzu enğimakzei, nöñön mi köyan köl enğimakzal. Mewö aiga i köna anmegöra wehön mohotkö dop könöpuk enğuatangöbinak ewö, yeñön mönö ösumñini eriga kambu körek pakpak kömumbeak.

<sup>14</sup> Mewögöra azi kembuni, gi ölop mutuk anönga welen azigi nöñön ösöñösöñ andöge guatanğöba kamam. Sömbup enğuatangöbi wösöne mutuk anmei aka nahönböraturopni ösumñinanğö dop ösöñösöñ kaba mala mala bian Seir mire ketanjamni göhöreñ kanğotpin.”

<sup>15</sup> Mewö jiiga Isonöñ kewö jiyök: “Mewö aiga nöñön ölop aziurupni tosatñi enğömosötpiga göbuk ösöñ kame. “Mewö jiiga Jeikobnöñ kewö qesiyök: “Gi mönö wuanöñgöra mewö akanak? O azi kembuni, ni göhö jege ak-kömükömu miwikñaibiga lök dop köl ningim teköza.”

<sup>16</sup> Mewö jiiga Isonöñ wehön miangöreñök lilingöba anda Seir miriñe anğorök.

<sup>17</sup> Jeikobnöñ Sukot mire anda miangöreñ nanñi miriñi esiba sömbupurupñi yeñğöra kounñi kounñi qeyök. Mewögöra miri gölme miangö qetñi Sukot (Koumkoum) qerakze. Mewö.

<sup>18</sup> Jeikobnöñ mewö Mesopotemia (Padan Aram) gölme mosörök. Mosöta kaba Keinan gölmegö taon qetñi Sekem miangöreñ ölopñanök ölülp kanğorök. Kanğota opo seri kounñi taon kösutñe gölme köröñe möröreñgöba kuñguba tatket.

<sup>19</sup> \*Opo seri kounñi gölme köröñe kuñguyöhi, yañön gölme kitipñi mi Sekemgö iwiñi Hamor yañgö nahönurupñi yeñğöreñök silwö kötñi 100 mianñön bohonñi meyök.

<sup>20</sup> Bohonñi memba miangöreñ jöwöwöl alta kun memba qetñi “El, Israelgö bem Anutñi,” mewö qerök. (El bem)

## 34

### *Sekem yeñön Daina mem bölim wañgiget.*

<sup>1</sup> Leanöñ Jeikobkö böratñi Daina meyöhi, yañön nalö kunöñ Keinan ambi seram enğekñamğöra anök.

<sup>2</sup> Aniga gölme miangö azi kembunñi Hamor yañön Hiwi könagesögö azia malök. Yañgö nahönñi Sekem yañön Daina eka miangöreñök eksihim möta öröba mem bölim wañgiyök.

<sup>3</sup> Sekemnöñ wölbötñi Jeikobkö böratñi Dainagöra pöröraköiga jöhöba urukalemñan jöpaköm wañgiba kelök keuñan jiba tutuhum wañgiba malök.

<sup>4</sup> Tutuhum wañgiba mala iwiñi Hamor kewö jii mörök: “Iwini, gi ölop ambi seram ki nöñgö anömna akñapköra keu nup meman.”

<sup>5</sup> Nalö miangöreñ Jeikobkö nahönurupñi yeñön gölme köröñe anda mirigö sömbupurupñini galöm köl enğiba malgetka Sekemnöñ Daina mem böliiga iwiñi Jeikobnöñ böratñangö keu buzupñi mi mewö mörök. Mi mörökmö, mi mösamböta nahönurupñan mire kanğotmegöra keu bök mamböta tarök.

<sup>6</sup> Mamböta tariga Sekemgö iwiñi Hamor yañön keu nup memamğöra Jeikobköreñ kayök.

<sup>7</sup> Kaba tariga Jeikobkö nahönurupñan gölme köröñeyök kanğotket. Kanğota miangöreñök yuai asuhuyöhanğö kösohotñi mi kewö mötket: Sekemnöñ Jeikobkö böratñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

<sup>8</sup> Urupik aketmö, Hamornöñ kewö jii mötket: “Nahöni Sekemgö uruwölbötñangö sihimñi mi enğö nenböratñinanğöreñ mösölatiba tatza. Mianğöra ölop jim tekögetka Dainanöñ yañgö anömñi akawak.

<sup>9</sup> Ölop nembuk nenböraturupñini utekutek aka anğuin anda kaiga malbin. Mewö ölop qenaqena aka malbin.

<sup>10</sup> Mewö aka ölop nenğö sutnine tata malme. Nini gölmenini ki mi qahö anğön kölbinmö, iñini ölop miangöreñ lanğ anda kaba sihimñinanğö dop gölme kitipñi kitipñi buña qem anğuba miriñini memba nembuk anğumnep-qanğumnep aka malbin.”

\* 33:19: Jos 24.32; Jon 4.5

11 Mewö jiiga Sekemnön Dainagö iwinenurupñi yeŋgöra kewö jiyök: “Nönön enğö jeñine ak-kömükömu miwikñaimangö möta qesim enğizal. Miangöra i me waigö qesim niŋgimei, nönön mi ölop enğimam.

12 Ambi bohonñi aka kalem memba kaba enğimami, miangö qötöñi mi ölop sihimñinangö dop memba öngöme. I me waigö qesim niŋgimei, nönön mi ölop enğimam. Keuni kötñi ki: Enjön mönö jim teköba nemböratñini niŋgigetka nönğö anömna akña.”

13 Sekemnön nenñini Daina mem böliyöhangöra aka Jeikobkö nahönurupñi yejön isimkakalek qakñe Sekem aka iwiñi Hamor meleş etkiba

14 keu kewö jigetka mötket: “Azi kungö silenje Anutugö aiwesökñi qahö yandigeri, nini nemböratñini azi mewöñi ölop qahö waŋgibin. Mewö ahinga gamumamusumnön qaknine öngöbapuk. Miangöra nini i waŋgibingö osizin.

15 Inñi silik mohok-kun kewö aketka nejön urumohot akin: Mutuk Anutugö aiwesökñi mi aziurupñini pakpak enğö silenje yandiget teköiga nini maljin ewö akñe ewö, mönö nemböratñini ölop enğibin.

16 Mewö aketka ölop embuk nemböaturupñini utekutek aka anğuin anda kaiga malbin. Mewö ölop enğö sutñine tata könagesö kambu mohok aka malbin.

17 Mewö malbinmö, Anutugö aiwesökñi silenje yandibingö urumohot qahö akñe ewö, nini mönö nemböratñini waŋgita kungen anbin.”

18 Keu mewö jigetka Hamor aka nahönñi Sekem yetkön keu mewöñi miangöra mörohotka dop kölok.

19 Mewö mörohotka azi gwabö Sekemnön iwiñangö saiwaurupñi yeğö sutñine tosatñi enğonğita qetbuña ketañi memba malök. Yangö urusihimñan Jeikobkö böratñangöra gwötpuk ahöyöhangöra aka keu jigeri, mi wuatangömangö eksekpeksek qahö aka nalö qahö qem körii öngöyök.

20 Mewö aiga Hamor aka nahönñi Sekem yetkön Sekem taongö azi alaurupñi yembuk keu jibingöra taongö nanğu kösutñe totoko sombemñine anda kewö jiyohot:

21 “Azi kienön nembuk ala ölopñi ak anğumakze. Miangöra nini ölop jim teköinga yejön neğö gölmenöñ tata lañ anda kaba miriñini memba nembuk anğumnep-qanğumnep aka malbin. Yejön gölme kitipñi memegöra tiñi gwötpuk ahöza. Nini ölop yembuk nemböaturupñini utekutek aka anğuin anda kaiga malbin.

22 Nini silik mohok-kun kewö ahinga azi mienön nembuk malbingö urumohot akñe: Anutugö aiwesökñi mi azi miengö silenje yandiget ahözawi, miangö dop mi mutuk körek neğö silenine mewöyök yandiin teköiga nini ölop yembuk könagesö kambu mohot aka malbin.

23 “Mewö ahinga yeğöreñ mirigö sömbup kambuñini aka sukinap yuaiñini pakpak mi mönö nanini buñaya akñe. Miangöra keu jigeri, mi ölop möta imbi kölinga yejön neğö sutñine tatat dundumñini miwikñaiba malme.”

24 Mewö jiyohotka taongö kiripo nanğunje kaba tokogeri, yejön körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yeğö silenje yandim teköget.

25 Yandim tekögetka wehön 3:ñi aiga miangöreñ uziñinangö sihimbölöñi mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetkön bingö souñiri ketañi memba taon miangöreñ sangabaña anda tihitñini qahö möta tatketka wölañ bim qeba azi pakpak qaurapañ enğuyohotka kömum teköget.

26 Hamor aka nahönñi Sekem mi mewöñanök bingö sou ketan an etkuyohotka kömuyohot. Kömuyohotka Sekemgö mireyök nenñiri Daina mi öröba eta waŋgita anohot.

27 Mewö ahotka Jeikobkö nahönurupñan Sekemnön nenñini mem bölim waŋgiyöhangöra aka taonöñ kiñkiñgöba anda azi qamötñini enğeka taongö sukinap yuaiñi kiom qeba yonğorö meget.



<sup>28</sup> Lama, meme, bulmakau aka donki kambuñi kambuñi aka öröyuainini pakpak taon uruñe aka gölme köröñe ahögeri, mi pakpak kalöpköba mem teköget.

<sup>29</sup> Sukinap yuainini pakpak otonda ambimoröurupñini körek enjuangita miriñine yuainini tosotñi ahöyöhi, mi mönö kölolohoba kiom qeba yongorö memba tököba anget.

<sup>30</sup> Mewö aketka Jeikobnön Simeon aka Liwai kewö jii mörohot: “Injiri mewö ahotka kahasililij ketanangö keuñan mönö nöngö qakne öngöiga malmam. Gölme kiangö tonji Keinan könagesö aka Periz könagesö yeñon mönö kazik möt niñgiba malme. Nöngö könagesöni nini awamdökñi maljin. Miangöra yeñon yarö aziurupñini tokom enngiba qetala bim yarö gil niñgime ewö, yeñon mönö ölop qaurapan nunguba ni aka könagesöni ayuhum nenngime.”

<sup>31</sup> Jeikobnön mewö jii mörohotmö, yetkön keu kewö jiyohot: “Kunön nenngö nenini köna ketanji ambi tandök ak wanngiyöhi, nini mönö miangö likepñi melen ennginga dop kölja. “Mewö.

## 35

### *Jeikobnön Betel ani Anutunön kötuetköm wanngiyök.*

<sup>1</sup> Anutunön Jeikob keu kewö jii mörök: “Gi mönö wahöta Betel mire anda tatat dundungi miwikñaiba miangören Anutugöra jöwöwöl alta kun meman. Datki Isogöra ölon köla anöñga Anutunön nalö miangören asuhum gihiyöhi, mönö yangöra alta mi meman.”\*

<sup>2</sup> Mewö jii möta Jeikobnön saiwanji aka ambazip pakpak yambuk malgeri, i kewö jim kutum enngiyök: “Lopion bem yuai tömbuñi sutñine ahözei, mi mönö qeköba gilget geiga köl könjorat mem annguba silenini sanngonda opo malukuñini uteköme.

<sup>3</sup> Ni könjilij uruñe mala Anutu köuluköbiga melen niñngiyök aka denike denike anda kaba malali, yanñon miangören nömbuk mala korök. Miangöra injini mönö kagetka Betel mire anbin. Nöñon miangören Anutugöra jöwöwöl alta kun memam.”

<sup>4</sup> Mewö jim kutum enngiiga böröñine lopion yuai tömbuñi pakpak ahögeri aka kezapñine jenjen möndögeri, mi qeköba kölolohoba Jeikob wanngiget. Wanngigetka anda in ip kun Sekem mire kinöhi, miangö könañe gölmenön esim löm kölök.

<sup>5</sup> Mewö aka wahöta angetka taonñi taonñi liliköba tatkeri, Anutunön könagesöñini miengö uruñini kunguiga waekanjam möta elemñini eri Jeikob aka nahönurupñi mi qahö ennguatangöget.

<sup>6</sup> Mewö anda mala Jeikobnön könagesöñi pakpak yambuk malgeri, mi enjuangita Luz mire anngotket. Luz qetñi alanji Betel mi Keinan gölmenön ahöza.

<sup>7</sup> Miangören anngota Jeikobnön jöwöwöl alta kun meyök. Datnangöra ölon köla anöhi, nalö miangören Anutunön gölme miangören asuhum wanngiyök. Miangöra Jeikobnön miri gölme miangö qetñi El-Betel qerök. (El-Betel Betelgö Bemñi.)

<sup>8</sup> Betel miangören malgetka Rebekagö welen ambiñi Debora yanñon kömuyök. Kömuiga Betel miri bapñe qerema ip kungö könañe löm kölget. Jingen qeta sahötkerangöra aka qerema ip miangö qetñi Jingen sahötkö qeremañi mewö qetket.

<sup>9</sup> Jeikobnön Mesopotemia (Padan Aram) gölmenöhök lilingöba kaiga Anutunön kunbuk asuhum wanngiba kötuetköm wanngiyök.

<sup>10</sup> Kötuetköm wanngiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öngöba qetki mi Israel ahöma. “Kembunön mewö jiba qetñi Israel qerök. (Israel Anutubuk aum-möriyohot.)”\*

<sup>11</sup> Qetñi mewö qeta toroqeba Jeikob kewö jii mörök: “Nöñon Anutu kukösum pakpakö Tonji akzal. Gi ölop ahumsehip aknöñga gwölönarökurupki yeñgö qötöñinan mönö qarim öngöma. Göhöreñök könagesö gwötpuk aka könagesö kambuñi kambuñi asuhume. Gi kinji kinji yeñgö bömön jalöñina akñan.

\* 35:1: Jen 28.11-17 \* 35:10: Jen 32.28



12 Nöjön gölme Abraham aka Aisak buja qem etkiali, mi mönö göhö bujaya qemam aka göhö andöge gwölönarökurupki yejgö bujaya mewöyök aknapkörä mi qemam.”\*

13 Anutunöj keu mewö jii möriga Jeikob mosöta miri miangörejök öngöyök.

14 Anutunöj keuji jii möröhi, Jeikobnöj gölme miangörej mötök köt kun memba wahöta kunguba mi wain o nalukjan miriba miangö qakne oil ipkö kelökni mokoi geyök.

15 Anutunöj yambuk keu jiyöhi, Jeikobnöj miri gölme miangö qetji Betel (Anutugö miri) qerök. Mewö.\*

### *Reizölnöj kömuyök.*

16 Miangö andöje Jeikobnöj saiwaurupji enjuangita Betel miri mosöta anda mala Efrata miri dopdowigetka Reizölgö morö meme nalöjan kam kunguiga masö keta bölökni qeyök.

17 Masö qönsihimjambuk ketanjan qeyöhi, nalö miangörej anjö meme ambinöj keu kewö jii mörök: “O Reizöl, kejtötki kude mötnöj. Gi mönö nalö kewöje mewöyök morö azia kun kunbuk meman.”

18 Mewö jiiga morö memba kömumangö aka timotji mem kungui ahöba qetji miangöra Benoni qerök. (Benoni sihimbölönangö nahöni) Mewö qerökmö, iwiñan qetji Benjamin qerök. (Benjamin Simbawon nahöni)

19 Reizölnöj mewö kömuiga Efrata köna töwokje Betlehem miangörej löm kölget.

20 Löm kölgetka Jeikobnöj mötök köt kun memba Reizölgö qaksirinöj kunguyök. Reizölgörej mötök köt mi nalö kewöje mewöyök toroqeba kinja.

21 Mewö asuhuiga Israelnöj miri mi mosöta toroqeba anda mala Eder miri \* köröpnangö likepne angota opo seri koumji miangörej mörörengöba kunguyök. Mewö.

22 \*Jeikobkö saiwaurupji yejön gölme miangörej tata mala nahönji mutukni Ruben yanön iwiñangö anömji bohönji qahö memenji Bilha yangörej anda mohotje ahöyohotka iwiñi Israelnöj miangö buzupji mörök.

### *Jeikobkö nahönurupji*

#### *1 Hist 2.1-2*

23 Jeikobkö nahönurupji 12 mi kewö: Leagö nahönurupji Ruben mi Jeikobkö nahönji mutukni. Yangö andöje Simeon, Liwai, Juda, Isakar aka Sebulun.

24 Reizölgö nahönyahötji qetjiri Josef aka Benjamin.

25 Bilha Reizölgö welen ambigö nahönyahötji mi Dan aka Naftali.

26 Zilpa Leagö welen ambigö nahönyahötji mi Gad aka Aser. Jeikobkö nahönurupji mewö mi Mesopotemia (Padan Aram) gölmenöj asuhuget. Mewö.

### *Aisaknöj kömuyök.*

27 \*Jeikobnöj anda mala Kiriath Arba (qetji alanji Hebron) miangö kösutje Mamre mire iwiñi Aisakörej angörök. Asanji Abraham aka iwiñi Aisak yetkön mutuk gölme miangörej kian aka malohot.

28 Iwiñi Aisakö malmal nalöni mi yambu 180 aiga kömuyök.

29 Azi namji aiga yambuñan öliiga nöj qeba kömumba amböskonurupji yejgörej toroqeyök. Nahönyahötji Iso (Esau) aka Jeikob yetkön qamötji mi löm kölohot. Mewö.

## 36

### *Isogö gwölönarökurupji*

#### *1 Hist 1.34-36*

1 Iso qetji alanji Edom yangö gwölönarökurupji yejgö qet arenini kewö:

\* 35:12: Jen 17.4-8 \* 35:15: Jen 28.18-19 \* 35:21: der lama kambugö jegalöm meme miri köröpji \* 35:22: Jen 49.4 \* 35:27: Jen 13.18

<sup>2</sup> Isonöŋ Keinan ambi karöbut enġimeyöhi, mienġö qetŋini kewö: Ada mi Hit azi Elon yaŋġö böratŋa, Oholibama mi Hiwi azi Zibeonġö nahönŋi Ana yaŋġö böratŋa.\*

<sup>3</sup> Basemat mi Ismaelġö böratŋi Nebaiotkö nenni.\*

<sup>4</sup> Adanöŋ Isogö nahönŋi Elifaz meiga Basematnöŋ yaŋġö nahönŋi Reuel meyök.

<sup>5</sup> Oholibamanöŋ Jeus, Jalam aka Kora enġömeyök. Isogö nahönurupŋi mewö mi Keinan gölmenöŋ asuhuget.

<sup>6-7</sup> Jeikob aka Iso yetkören mirigö sömbup kambuŋi kambuŋi gwötpuk ahögeranġöra gölme kiana malohori, mianöŋ qahö dop kölok. Sukinapŋiran keta bölokŋi aiga mo-hotŋe tata malbingö osiget. (6) Miangöra Isonöŋ anömurupŋi, nahönböratuŋi aka könagesöuruŋi pakpak yaŋġö mire malgeri, mi enġuanġirök. Mi enġuanġita lama bulmakau kambuŋi kambuŋi, donki kameluruŋi aka sukinap yuaini pakpak Keinan gölmenöŋ mala miwikŋaiyöhi, mi memba munŋi Jeikob mosöta gölme kunöŋ anök.

<sup>8</sup> Iso qetŋi alaŋi Edom yaŋöŋ mewö aka Seir gölme kunduŋambuk miangören anda malget.

<sup>9</sup> Isonöŋ Seir gölme kunduŋambuk miangören mala Edom könagesö yengö bömöŋ jalöŋini ahöhi, yaŋġö gwölönarökuruŋi yengö qet arenini kewö:

<sup>10</sup> Isogö nahönurupŋi yengö qetŋini kewö: Anömŋi Ada yaŋġö nahönŋi qetŋi Elifaz. Anömŋi Basemat yaŋġö nahönŋi qetŋi Reuel.

<sup>11</sup> Elifazkö nahönurupŋi 5 mi Teman, Omar, Zefo, Gatam aka Kenaz.

<sup>12</sup> Isogö nahönŋi Elifaz yaŋġö anömŋi bohonŋi qahö memenŋi qetŋi Timna yaŋöŋ Elifazkö nahönŋi Amalek meyök. Isogö anömŋi Ada yaŋġö isi aziuruŋi mi mewö.

<sup>13</sup> Reuelġö nahönurupŋi 4 mi Nahat, Zera, Sama aka Miza. Isogö anömŋi Basematkö isi aziuruŋi mi mewö.

<sup>14</sup> Isogö anömŋi Oholibama yaŋöŋ Isogö nahönurupŋi karöbut enġömeiga qetŋini Jeus, Jalam aka Kora qetket. Oholibama mi Zibeonġö nahönŋi Ana yaŋġö böratŋi ahök.

<sup>15</sup> Isogö gwölönarökuruŋi kambuŋi kambuŋi yengö azi kembuŋini mi kewö: Isogö nahönŋi mutukŋi Elifaz yaŋġö nahönurupŋi mi azi kembu qetŋini Teman, Omar, Zefo, Kenaz,

<sup>16</sup> Kora, Gatam aka Amalek. Elifazkö gwölönarökuruŋi azi kembu Edom gölmenöŋ asuhugeri, mi mewö. Mi Isogö anömŋi Ada yaŋġö isiuruŋi aket.

<sup>17</sup> Isogö nahönŋi Reuel yaŋġö nahönurupŋi mi azi kembu qetŋini kewö: Nahat, Zera, Sama aka Miza. Reuelġö gwölönarökuruŋi azi kembu Edom gölmenöŋ asuhugeri, mi mewö. Mi Isogö anömŋi Basemat yaŋġö isiuruŋi aket.

<sup>18</sup> Isogö anömŋi Oholibama yaŋġö nahönurupŋi mi azi kembu qetŋini kewö: Jeus, Jalam aka Kora. Azi kembu mi Isogö anömŋi Oholibama, Anagö böratŋi yaŋġö nahönurupŋi aket.

<sup>19</sup> Iso (Esau) qetŋi alaŋi Edom yaŋġö nahönurupŋi mewö aka yengö könagesöuruŋi mienġö azi kembuŋini mi mewö.

### *Seir könagesögö qet areni*

#### *1 Hist 1.38-42*

<sup>20</sup> Hor könagesögö azi Seir yaŋġö nahönurupŋi mutuk Edom gölmenöŋ malgeri, yengö qetŋini kewö: Lotan, Sobal, Zibeon, Ana,

<sup>21</sup> Dison, Ezer aka Disan. Seirġö nahönurupŋi mi mutuk Edom gölmenöŋ Hor könagesö yengö azi kembuŋina malgetka Isonöŋ könanġep kayök.

<sup>22</sup> Lotangö nahönyahötŋi yahöt mi qetŋiri Hori aka Heman. Lotangö nenni qetŋi Timna.

<sup>23</sup> Sobalgö nahönurupŋi qetŋini kewö: Alwan, Manahat, Ebal, Sefo aka Onam.

\* 36:2: Jen 26.34 \* 36:3: Jen 28.9

<sup>24</sup> Zibeon yaŋgö nahönyahötŋi yahöt qetŋiri Aia aka Ana. Anagö kösohotŋi kewö: Yaŋön iwiŋi Zibeongö doŋkiŋi gölme qararaŋkölkölŋe galöm köl eŋgii nene jaruba negetka miangöreŋ o jeŋi jeŋi könöpŋinambuk miwikŋaiyök.

<sup>25</sup> Anagö nahönböratyahötŋi yahöt mi nahönŋi Dison aka böratŋi Oholibama.

<sup>26</sup> Disongö nahönurupŋi qetŋini kewö: Hemdan, Esban, Itran aka Keran.

<sup>27</sup> Ezergö nahönurupŋi qetŋini kewö: Bilhan, Zawan aka Akan.

<sup>28</sup> Disangö nahönyahötŋi yahöt qetŋiri Uz aka Aran.

<sup>29</sup> Hor könagesöŋi könagesöŋi yeŋgö azi kembu-urupŋini yeŋgö qetŋini mi Lotan, Sobal, Zibeon, Ana,

<sup>30</sup> Dison, Ezer aka Disan. Hor könagesöŋi könagesöŋi yeŋgö azi kembu-urupŋini mi areŋinaŋgö dop Seir gölmenöŋ mewö malget. Mewö.

### *Edom yeŋgöreŋ kiŋ kembu areŋi*

#### *1 Hist 1.43-54*

<sup>31</sup> Israel könagesö yeŋgöreŋ kiŋ kembu kun qahö galöm köl eŋgiiga qeljine nalö miangöreŋ kiŋ kembu kewöŋan lök Edom gölme miangöreŋ galöm köl eŋgiba malget:

<sup>32</sup> Beorgö nahönŋi Bela yaŋön Edom yeŋgö kiŋ kembuŋini ahök. Yaŋgö sitiŋaŋgö qetŋi Dinhaba.

<sup>33</sup> Belanöŋ kömuiga Bozra mirigö azi qetŋi Jobab, Zeragö nahönŋi yaŋön Belagö salupŋe kiŋ aka malök.

<sup>34</sup> Jobabnöŋ kömuiga Teman gölmegö azi qetŋi Husam yaŋön salupŋe kiŋ aka malök.

<sup>35</sup> Husamnöŋ kömuiga Hadad, Bedadkö nahönŋi yaŋön salupŋe kiŋ aka malök. Hadadnöŋ Moab gölmenöŋ anda Midian azi yembuk yarö gila eŋguba luhut alök. Yaŋgö sitiŋaŋgö qetŋi mi Awit.

<sup>36</sup> Hadadnöŋ kömuiga Masreka mirigö azi qetŋi Samla yaŋön salupŋe kiŋ aka malök.

<sup>37</sup> Samlanöŋ kömuiga Saul yaŋön salupŋe kiŋ aka malök. Yaŋgö miriŋi Rehobot mi Yufreitis o töwatŋaŋgö kösutŋe ahöyök.

<sup>38</sup> Saulnöŋ kömuiga Balhanan, Akborgö nahönŋi yaŋön Saulgö salupŋe kiŋ aka malök.

<sup>39</sup> Akborgö nahönŋi Balhanan kömuiga Hadarnöŋ salupŋe kiŋ aka malök. Yaŋgö sitiŋaŋgö qetŋi mi Pau. Anömŋaŋgö qetŋi Mehetabel. I Matredgö böratŋi aka Mezahabgö isiŋi malök.

<sup>40</sup> Isogö gwölönarökurupŋi yeŋgö azi kembu qet areŋi mi isikŋinaŋgö dop aka miri gölmeŋinaŋgö dop kewö ahök: Timna, Alwa, Jetet,

<sup>41</sup> Oholibama, Ela, Pinon,

<sup>42</sup> Kenaz, Teman, Mibzar,

<sup>43</sup> Magdiel aka Iram. Azi mi Edom könagesögö azi kembu-urupŋina malgetka qetŋinaŋgö dop miri gölmeŋinaŋgö qetŋini qetket. Edom qetŋi alaŋi Iso yaŋön mutuk gölme memba tata mala Edom könagesögö bömön jalöŋi ahök. Mewö.

## 37

### *Josef aka darumunurupŋi*

<sup>1</sup> Aisaknöŋ Keinan gölmenöŋ kian aka maliga nahönŋi Jeikobnöŋ miangöreŋ toroqeba malök.

<sup>2</sup> Jeikobkö gwölönarökurupŋi miengö kösohotŋini kewö: Josefnöŋ azi gwabö yambuŋi 17 aiga darumunurupŋi, iwiŋaŋgö anömyahötŋi bohönŋiri qahö memenŋi Bilha aka Zilpa yetkö nahönurupŋi yembuk lama aka meme (noniŋ) kambuŋi kambuŋi galöm köl eŋgiba malget. Mewö mala darumunurupŋan silik akeri, miangö kösohotŋi bölöŋi bölöŋi mi iwiŋaŋgö jii möta malök.

<sup>3</sup> Jeikobnöŋ azi namŋi aiga nahönŋi Josefnöŋ asuhuyöhi, miangöra iwiŋan i nahönurupŋi tosatŋi pakpak eŋgongita uruŋan jöpaköm waŋgiba malök. Nalö kunöŋ maluku köröpŋi ekjeritŋambuk böroŋi köröpŋi mi memba Josef waŋgiyök.

<sup>4</sup> Iwiñan i darumunurupñi pakpak engonñgita uruñan jöpaköm wañgiba malöhi, yañgö darumunurupñan mi eka könahiba kazik ak wañgiba yambuk ala-alagö keuñi kun qahö eraum-möta malget.

<sup>5</sup> Sunjem kunöñ Josefnöñ gaun kun eka miangö kösohotñi mi darumunurupñi jiiga mötket. Mi mötketka uruñinan öngöiga kazik gwötpuk ak wañgiba malget.

<sup>6</sup> Kösohotñi mi kewö jiiga mötket: “Mötket, ni gaun kun ekzali, mi kewö:

<sup>7</sup> Nini nupnöñ mala wit padi böranini jöhöbingö tandök akzin. Mewö ahinga nöñgöreñ wit padi börani mianñon wahöta köñgep kiniga engöreñ böran mienñon mönö nöñgöreñ böran liliköba sökoba kinje.”

<sup>8</sup> Mewö jiiga möta darumunurupñan Josefköra kewö jiget: “Gi neñgöreñ kin kembuya akanak me? Gi ölna galöm köl neñgimamgöra mötzan me?” Josefnöñ gaunñi eka miangö kösohotñi jiyöhi, miangöra yeñgö uruñinan kunbuk toroqeba öngöiga kazik keta bölökñi möt wañgiba malget.

<sup>9</sup> Miangö andöñe gaun kun kunbuk eka miangö kösohotñi darumunurupñi kewö jiiga mötket: “Nöñon gaun kun ekiga miangöreñ wehön, köiñ aka señgelau 11 mienñon nöñgöra sipköget.”

<sup>10</sup> Kösohotñi mi iwiñi aka darumunurupñi jii mötketka iwiñan tembula kewö jim wañgiyök: “Gi gaun tandökñi mewöñi mi denöwögöra ekzane? Ni, namgi aka darumunurupki neñon mönö denöwö aka göhöreñ kaba jemesoholge simin köla gölmenöñ bamgöbinak?”

<sup>11</sup> \*Mewö asuhuiga darumunurupñan uruñinan mututqutut (jelös) möt wañgiba malgetmö, iwiñan keu mi uru könömñe ali ahöiga mötmöriba malök. Mewö.

*Josef bohonñi memba wañgita Ijipt gölmenöñ anget.*

<sup>12</sup> Nalö kunöñ Josefkö darumunurupñi yeñon iwiñinangöreñ lama kambu-urupñi galöm köl engibingöra Sekem miri kösutñe anda malget.

<sup>13</sup> Miangöreñ malgetka Israelnöñ Josef kewö jii mörök: “Nahöni, göhö darumunurupkan Sekem kösutñe lama kambunini galöm köl engiba maljei, mi mötzan. Ölop kanöñga melaim gihibi yeñgöreñ anman. “Mewö jiiga möta “Ölop anmam,” jiyök.

<sup>14</sup> Jiiga kewö jii mörök: “Gi mönö anda darumunurupki aka lama kambunini engeka denöwö maljei, miangö keu kösohotñi mi memba lilingöba kaba jinöñga mötmam. “Mewö jii möri Hebron örueneyök (ruereneyök) melaim wañgiiga anda mala Sekem gölmenöñ angorök.

<sup>15</sup> Sekem gölmenöñ angota gölme köröñe köna jaruba lañ anda maliga azi kunñan miwikñaiba eka kewö qesim wañgiyök: “Gi wani yuaia jaruba maljan?”

<sup>16</sup> Qesim wañgiiga kewö melenñök: “Ni darumunurupni yeñgöra jaruzal. Yeñon denikeangöreñ mala lamaurupñini galöm köl engizei, mi ölop jinöñga mötmam.”

<sup>17</sup> Mewö melenñiga kewö jiyök: “Yeñon lök gölme ki mosöta anget. Dotan mire anbingöra jigetka möral. “Mewö jiiga möta darumunurupni yeñgö könañine enguatañgöba mala Dotan miri kösutñe anda miwikñaim engyiyök.

<sup>18</sup> Miwikñaim engiba kösutñine qahö angorökmö, tikep endu kaiga darumunñan i eka tokoba Josef qebingö anñonañ alget.

<sup>19</sup> Anñonañ ala nanñinök kewö eraum-mötket: “Eket, gaun ehek azi mianñon mönö endu kaza.

<sup>20</sup> Ayop, mönö kagetka anda qein kömuiga qamötñi o lömñi kunöñ gilin geiga kewö jibin: ‘Sömbup kalñan mönö i qei kömuyök.’ Gaunñangö ölnan denöwö asuhumawi, mi mönö miangö andöñe ekin.”

<sup>21</sup> Mewö eraum-mötketka Rubenöñ mi möta Josef böröñineyök meköba malmalñi jöhömamgöra möta kewö jiyök: “I mönö kude qeinga kömuma.”

\* 37:11: Apo 7.9



<sup>22</sup> Toroqeba kewö jii mötket: “Sepñi mönö kude mokome. Gölmə qararañkölkölñe o löm ki kinjawi, i ölop mianğoreñ gilgetka gemapmö, böröñinan mönö yañgö sileñe kude misiriba qeme. “Rubenöñ Josef böröñineyök meköba añañön köla wañgita iwiñañgöreñ lilingöba anbitköra möta keu mewö jiyök.

<sup>23</sup> Mewö jii möta kingetka Josefnöñ darumunurupñi yeñgöreñ kañgorök. Kañgoriga malukuñi köröpñi ekjeritñambuk böröñi köröpñi wöta kayöhi, mi lañ öröba munjurata qeköget.

<sup>24</sup> Mi qeköba munñini qeraköba memba anda o lömnöñ gilgetka geyök. O löm mi oñi qahöpmö, gwamönña kinök.

<sup>25</sup> Mewö aka nene nemingö eta tatket. Eta tata jeñini uget aniga Ismael könagesögö kölköl-örörö azi tosatñan Gilead miri mosöta kamelñini totnöñ totnöñ al eñgiba awatañ kagetka eñgeket. Yeñön kamel qakñine gipmi bakötök, sile mirimirigö kelökñi aka marasin ip tokuñi qetñi mör gipit mi algetka bisiba Ijpt kantrinöñ anbingöra kaget.

<sup>26</sup> Mewö eñgeka Judanöñ darumunurupñi kewö jii mötket: “Nini munini qein kömuiga sepñañgö keuñi köyatiba asambötpin ewö, mianñön mönö denöwö bauköm neñgibawak?

<sup>27</sup> Yañön nanini munini aka nanini sepkitipnini akzawañgöra mönö böröñinan sileñe kude misiriba qebinnö, ölop kagetka anda Ismael azi mienñön i söñgöröñi memegöra eñgibin. “Mewö jiiga darumunurupñan mi möta urumohot aka imbi kölget.

<sup>28</sup> \*Mewö aketka Midian gölmegö Ismael könagesögö kölköl-örörö azi mienñön kaba kañgota eñgoñgitpingö aket. Mewö aketka munñini Josef mi o lömnöhök öröget koriga silwö kötni 20:nöñ söñgöröñi memegöra al wañgiget. Al wañgigetka Ismael azi mienñön i bohonñi memba wañgita Ijpt kantrinöñ anget.

<sup>29</sup> Angetka Rubenöñ kungenök lilingöba o lömnöñ kaiga Josefnöñ mianğoreñ kunbuk qahö kiniga eka wösöñi juliga wösöbirikñi kondela malukuñi munjurarök.

<sup>30</sup> Malukuñi munjurata munurupñi yeñgöreñ lilingöba kaba kewö jiyök: “Morö gwabönöñ mönö denike ayapköba sohoza? Yei! Mianğö keuñan nöñgö qakne öñgöiga mönö denöwö akileñak?”

<sup>31</sup> Mewö jiiga meme (noniñ) aziñi kun memba qeget kömuiga Josefköreñ malukuñi memba meme mianğö sepñan kundumgöba membiliget.

<sup>32</sup> Membiliba malukuñi köröpñi ekjeritñambuk böröñi köröpñi mi memba mire anda iwiñi kondela kewö jiget: “Nini ki miwikñaizin. Mi nahöñgi Josefköreña me qahö, mi ölop ek kewötman.”

<sup>33</sup> Mewö jigetka ek kewöta kewö jiyök: “Ki mi nahöñañgöreñ malukuya. Sömbup kalñi kunñan mönö yaijapaleleñ qei kömuiga gwahörök. Öñña, Josef mi yöhöqöhötiiga boromborom ahök.”

<sup>34</sup> Mewö jiba amburereñ aka wösöbirikñi kondela malukuñi munjurata sileñi gölmenöñ membiliba nahönñañgö nalö köröpñi jinñeñ köla sahöta malök.

<sup>35</sup> Mewö maliga nahönböraturupñi pakpak yeñön kaba urukölalep mem wañgibingö aketmö, yañön mi qetala tököba urukondumök möta kewö jiyök: “Qahö! Nöñön mönö jinñeñ köla sahöta mala kömumba uñem mire nahöñañgöreñ gemam. “Mewö jiba Josefköra sahöta malök.

<sup>36</sup> Mewö maliga nalö mianğoreñ Midian gölmegö kölköl-örörö azi yeñön Josef wañgita Ijpt kantrinöñ añañota bohonñi memegöra algetka Farao kinğö jembonñi kun qetñi Potifar, kinğö malmalñañgö sikiriti yeñgö suahö galömñina malöhi, yañön i söñgöröñi meiga welenqeçeñi omaniñ ahök. Mewö.

## 38

### *Juda aka Tamar*

\* 37:28: Apo 7.9



<sup>1</sup> Nalö miangören Judanöñ darumunurupñi engömosöta yagömanñe Adulam mire geba azi kun qetñi Hira yambuk tata malök.

<sup>2</sup> Miangören mala Judanöñ Keinan azi kun qetñi Sua yangö böratñi eka anömña meiga mohotñe ahöyohot.

<sup>3</sup> Mohotñe ahöyohotka anömñan gölöm ala morö nahön memba qetñi Er qerök.

<sup>4</sup> Mewö qeta kunbuk gölöm ala morö nahön kun memba qetñi Onan qerök.

<sup>5</sup> Miangö bapñe dumñe kunbuk morö nahön kun memba yangö qetñi Sela qerök. Morö nahön mi Kezib mire mala miangören meyök.

<sup>6</sup> Mewö malgetka Judanöñ nahönñi mutukñi Er yangöra ambi kun qetñi Tamar wangiiga anömña ahök.

<sup>7</sup> Anömña ahökmö, Judagö nahönñi mutukñi Er yañön Kembangö jeñe bölöñi aka memba malöhi, miangöra Kembunöñ jim teköm wangiiga kömuyök.

<sup>8</sup> Kömuiga Judanöñ nahönñi Onangöra kewö jiyök: “Gi ölop datkahö malöñi memba qambötñi akzangö köna keñi wuatangöba yambuk ahöba datkahöra gwölönarök qiwikñaiman.”

<sup>9</sup> Mewö jiyökmö, Onanöñ gwölönarök mi yangö buñaya qahö akñawi, mewö möta silik kewö aka malök: Datñangöra gwölönarök qiwikñaiwapuköra yangö anöm malöñambuk ahöba malöhi, nalö miangören nalö dop morö qiwiqiwikñaiğö sile onñi mi öne gölmenöñ qokoba malök.

<sup>10</sup> Silik mewö aka malöhi, mi Kembangö jeñe bölöñi ahök. Miangöra Kembunöñ i mewöyök jim teköm wangiiga kömuyök.

<sup>11</sup> Kömuiga Judanöñ iranñi Tamargöra kewö jiyök: “Gi mönö iwigahö mire lilingöba anda malöya mala malnönga nahöni Selanöñ qariba ketanñi akagun gi gömima. “Keñgötñi kewö mötmöriba mewö jiyök: Selagö datyahötñan kömuyohotka yañön miangö dop mala mewöyök kömumbapuk. Mewö mötmöriba Tamargöra jiiga iwiñangö mire lilingöba anda miangören tata malök.

<sup>12</sup> Miangören tata maliga nalö köröpñi teköiga Suagö böratñi, Judagö anömñi yañön kömuyök. Kömuiga jinğen köla sahöta mali teköiga Judanöñ miri gölme qetñi Timna miangören azi tosatñan nanñi lamaaurupñi yeñgö jupñini mitigeri, i enğekñamgöra öngöyök. Adulam mirigö azi alañi Hira yambuk mohotñe miangören öngöyohot.

<sup>13</sup> Öngöyohotka Tamargöra buzup kewö jigetka mörök: “Mötnöñ, göhö azi irangan mönö lamaaurupñi yeñgö jupñini mitimangöra aka Timna miri gölmenöñ anja.”

<sup>14</sup> Mewö jigetka mörök. Judagö nahönñi Selanöñ lök qariba ketanñi aiga töndup i anömñi akñapköra qahö wangiyoök. Miangöra Tamarnöñ malö malmangö malukunñi qeköba nörop kawöseñnöñ nörop jeñi esuhuba turum anguyök. Mewö aka Timna anangö könanöñ anda taon qetñi Enaim miangören angota kiripo nanñu kösutñe tarök.

<sup>15</sup> Tariga Judanöñ kaba eka jemesoholñi esuhuyöhangöra i qahö ek kutuba mi köna ketanñi ambia mewö mötmöriyoök.

<sup>16</sup> Iranña taröhi, mi qahö möt kutuyöhangöra aka köna jitñe yangören anda kewö jiyök: “Ölop kanönga nöñön göbuk ahöbit. “Mewö jiiga möta kewö qesiyök: “Nömbuk ahömanangö töwanñi mönö wani yuaia ningiman?”

<sup>17</sup> Mewö qesiiga kewö jiyök: “Ni nani kambunöhök meme moröñi gwaböñi kun albi göhören kama. “Mewö jiiga kewö qesiyök: “Mi mutuk qahö kaba kañgoriga keugahö ölni akñawangö yuai kun mi ningiman me qahö?”

<sup>18</sup> Mewö qesiiga kewö jiyök: “Nöngö keunangö ölni akñawangö yuai kun mi mönö wani yuaia gihibileñak?” Mewö jiiga kewö melenök: “Köpep supapkan qetki mekötahömakzani, mi, miangö kösö wötñi aka öropki böroğan memba kinjani, mönö mia ningiman. “Mewö melenniga yuai mi wangiiba yambuk ahöiga gölöm alök.

<sup>19</sup> Yambuk ahöba wahöta miriñe anda nörop kawöseñi lulunđa qeköba malö malmangö malukunñi mi kunbuk löngöta malök.

<sup>20</sup> Mewö maliga Judanöŋ nalö kunöŋ Adulam mirigö azi alaŋi Hira melaiba kewö jiyök: “Gi mönö meme (noniŋ) moröŋi gwaböŋi memba anda ambi mi waŋginöŋga nöŋgö keunaŋgö ölni akŋawaŋgö yuaiŋi mi melenŋ gihiiga memba kaman. “Nup mewö memapköra Hira melaiiga anökmö, Hiranöŋ ambi mi qahö miwikŋaiyök.”

<sup>21</sup> Qahö miwikŋaiba Enaim azi tosatŋi kewö qesim eŋgiba jiyök: “Jöwöwöl jikegö köna ketanŋi ambinöŋ Enaim kianŋöreŋ köna göraŋe taröhi, mi denike?” Mewö jiiga kewö melenŋda jiget: “Ambi mewöŋi kun mi kianŋöreŋ qahö malök.”

<sup>22</sup> Mewö jigetka Hiranöŋ öne liliŋgöba Judagöreŋ kaba jiyök: “Nöŋön anda ambi mi qahö ehal. Miri mianŋö tonŋi yeŋön mewöyök keu kewö jigetka möral: ‘Jöwöwöl jikegö köna ketanŋi ambiŋi kun mi kianŋöreŋ qahö malök.’ ”

<sup>23</sup> Mewö jiiga Judanöŋ kewö jiyök: “O alani, muat! Yaŋön yuai mi ölop memba malma. Yuai kun akirak, mönö gön köl netkigetka gamunöŋ turum netkibapuk. Nöŋön meme moröŋi gwaböŋi ki mi ölop albica anökmö, göŋön ambi mi qahö miwikŋainöŋ.”

<sup>24</sup> Mewö jiiga köiŋ karöbutkö dop teköiga tosatŋan Judagöra buzup keu kewö jigetka mörök: “Göhö irangi Tamarnöŋ mönö serowilin aka gölöm ala malja. “Mewö jigetka Judanöŋ mi möta Mosesgö köna keugö dop jimkutukutu kewö alök: “I mönö waŋgita örörahöba könöpnöŋ gilgetka geba jema.”

<sup>25</sup> I waŋgita örörahöba angetka iranŋan Judagöra keu kewö aliga anök: “O irani, yuai kiengö tonŋan mönö nömeiga gölöm ala maljal. Mianŋöra köpöp supap ki, mianŋö kösö wötŋi aka öröp ki mönö ek kewöta tonŋi miwikŋaiman.”

<sup>26</sup> Keu mewö ali aniga möta nanŋi yuaiŋi mi ek kewöta kewö jiyök: “Yaŋön keu mi ölna jiza. Nöŋön i nahöni Selagö anömŋi akŋapköra qahö waŋgial. Mianŋöra yaŋön mönö ni noŋgita ambi diŋdiŋi aka keu mi jiza. “Mewö jiba ambi miambuk kunbuk qahö ahöyök.

<sup>27</sup> Könaŋep morö memangö nalöŋan kam kuŋguiga morö gösöŋaŋgö uruŋe siwisiwi azi moröŋi yahöt tarohot.

<sup>28</sup> Tarohotka morö memangö aiga kunöŋ böröŋi suluiga erök. Eriga anjö meme ambinöŋ mi eka möt kösö pisikŋi pötpöt memba böröŋe jöhöba kewö jiyök: “Yaŋön mutuk asuhuza.”

<sup>29</sup> Mewö jiyökmö, morö mianŋön böröŋi kunbuk öröi öŋgöiga alanan mutuk asuhuyök. Yaŋön asuhuiga anjö meme ambinöŋ kewö jiyök: “O mönö mewö aka könaŋi munjurata asuhuzan. “Mewö jiiga qetŋi Perez qetket. (Perez Könaŋi munjuratza.)

<sup>30</sup> Mianŋö andöŋe alaŋaŋgö böröŋe möt kösö pisikŋi pötpöt ahöyöhi, yaŋön asuhuiga qetŋi Zera qetket. (Zera pisikŋi pötpöt) Mewö.

## 39

### *Josef aka Potifargö anömŋi*

<sup>1</sup> Nalö sutŋe mianŋöreŋ Ismael könaŋesögö kölköl-örörö azi yeŋön Josef waŋgita Ijpt kantrinöŋ aŋgota bohonŋi memegöra alget. Algetka Ijpt azi kun qetŋi Potifar, Farao kiŋgö jembonŋi kun aka malmalŋaŋgö sikiriti yeŋgö suahö galömŋina malöhi, yaŋön i söŋgöröŋi meiga welenŋeŋeŋi omanŋi ahök.

<sup>2</sup> Mewö aka maliga Kembunöŋ Josefpuk kiniga yuai pakpak aka memba malöhi, mianŋöreŋ mönö töhötmöriam miwikŋaiyök. Yaŋön tonŋi Ijpt azi yaŋgö mire malök.\*

<sup>3</sup> Mewö maliga Kembunöŋ Josefpuk kinda kondot waŋgiiga yuai pakpak böröŋan memba malöhi, mianŋön mönö töhötmöriamŋambuk ahök. Mewö aiga tonŋan mi ehök.

<sup>4</sup> Tonŋan mi ehi ölop dop köliga yaŋgö jeŋe eksihim miwikŋaiiga jiiga nanŋi malmalŋaŋgö galömŋi ahök. Potifarnöŋ Josef kuŋgum waŋgiiga miriŋaŋgö yuai pakpak galöm köliga sukinap buŋaŋi pakpak yaŋgö böröŋe aliga köyan köla malök.

<sup>5</sup> Miriŋaŋgö yuaiŋi aka sukinap buŋaŋi mi pakpak Josefnöŋ galöm kölmapköra böröŋe ala malöhi, Kembunöŋ nalö mianŋöreŋök könahiba Ijpt azi mianŋö miri yuaiŋi mi

\* 39:2: Apo 7.9

Josefköra aka kötuetköba malök. Potifargö miriñe aka nupñe öröyuainji pakpak ahöyöhi, mi mönö kötümötuet çakñe ahöyök.

<sup>6</sup> Mewö ahöiga Potifarnöñ öröyuainji ahöm wañgiyöhi, mi pakpak Josefkö böröñe al teköba kinda nanñak i me wai miangö waimanjatñi kun çahö mörök. Yañön nene nemangöra mohot mötkurumkurum aka malök. Josefkö silenji öndölböndöl çariiga kaisongolomñan eksihimñambuk ahöiga malök.

<sup>7</sup> Mewö maliga nalö tosatñi teköiga Potifargö anömñan Josef eka eksihimñi möta kewö jiyök: “Gi mönö kanöñga nömbuk ahöbit.”

<sup>8</sup> Mewö jiyökmö, yañön mi tököba toñañgö anömñi kewö jii mörök: “Çahö! Mötnöñ, toni nanñak miriñe öröyuai ahözawañgö waimanjatñi çahö ahakzapmö, sukinap buñañi pakpak mi mönö nöñön galöm köla malmamgöra nöñgö böröne al teköiga ahöza.

<sup>9</sup> Mewö ahöiga miri kianañgö uruñe i aka ni netkö kukösumniran mönö öröröñ ahöza. Göñön anömñi akzanañgöra gi añañön köl niñgiyökmö, yuai tosatñi kun mi nöñgöra çahö añañön kölök. Mianañgöra nöñön denöwögöra aka ahakmeme bölöñi kötökñi mewöñi mi aka mianañön Anutu çetala siñgisöndok akilenak?”

<sup>10</sup> Mewö jii möta keu mewöñi mi wehön dop Josefköra jiba malökmö, yañön töndup mi çetala mala yañgö ahöahö dumnöñ anda yambuk ahöbitkö imbi çahö kölök. Mewö yambuk mohotñe malbitkö mewöyök tököyök.

<sup>11</sup> Mewö tököba maliga wehön kunöñ mirigö welenqeçeurupñi yeñgöreñök kunñan miri uruñe çahö maliga Josefnöñ nupñi jijiñi memamgöra miri uruñe öñgöyök.

<sup>12</sup> Öñgöiga ambi mianañön Josefkö malukuñe çelanjiba memba kewö jiyök: “Gi mönö kanöñga nömbuk ahöbit. “Mewö jiyökmö, Josefnöñ malukuñi mi yañgö böröñe mosöta ölöñ köla diñdingöba sombemnöñ silenje erök.

<sup>13</sup> Malukuñi yañgö böröñe mosöta ölöñ köla sombemnöñ eröhi, ambi mianañön mi ehök.

<sup>14</sup> Mi eka mirigö welenqeçeurupñi eñgoholi kagetka yeñgöra kewö jiyök: “Mötket, apnan Hibru azi mi wañgita mirinine kayöhi, yañön mönö göngönahit ak neñgiba malja. Yañön nömbuk ahöbitköra nöñgöreñ kotzapmö, nöñön çet gigilahözal.

<sup>15</sup> Çet gigilahöbiga möta malukuñi nöñgö wösöne mosöta ölöñ köla diñdingöba silenje geza.”

<sup>16</sup> Mewö jiba Josefkö malukuñi kösutñe ali ahöi Josefkö toñañ lilingöba kamapkö mamböta tari kayök.

<sup>17</sup> Kaiga kösohotñi mewöyöhök jii möriga kewö jiyök: “Hibru welenqeçe azi mi wañgitnöñga neñgöreñ kayöhi, yañön mönö nömbuk göngönahit akñañgöra nöñgöreñ kotza.

<sup>18</sup> Kotzapmö, nöñön çet gigilahöbiga möta malukuñi nöñgö wösöne mosöta ölöñ köla diñdingöba silenje geza.”

<sup>19</sup> Mewö jiiga Josefkö toñañ anömñan kösohot mewö jii möriga kewö jiyök: “Göhö welenqeçegan mönö mewö ak niñgiza. “Mewö jii möta irimñi seholiiga uruñi könöp jeyök.

<sup>20</sup> Uruñi könöp jeiga jiiga Josef memba Farao kiñgö kösö mirinöñ azi galöm köl eñgiba malgeri, mönö kösö miri mianañgöreñ alget geba ahöba malök.

<sup>21</sup> Josefnöñ kösö miri mianañgöreñ malökmö, Kembunöñ Josefpuk kinda kötuetköba ak kömum wañgiba mali kösö mirigö galöm bohonñan mi eka yañgöra eksihim mörök.\*

<sup>22</sup> Eksihim möröhañgöra azi pakpak kösö mire tatkeri, mi Josefnöñ galöm köl eñgimapköra yañgö böröñe al eñgiyök. Yuai pakpak mianañgöreñ aka memba malgeri, mi Josefnöñ jim kutum eñgiyöhañgö dop aka memba malget.

<sup>23</sup> Kembunöñ Josefpuk kinda kötuetköm wañgiba kondoriga yuai pakpak aka memba malöhi, mi töhötmöriamñambuk asuhuba ahöyök. Mianañgöra kösö mirigö galöm bohonñan

\* 39:21: Apo 7.9

Josefnöŋ yuai pakpak denöwö galöm köla jim kutum engiba malöhi, miangö waimanjatŋi kun qahöpmahöp möta malök. Mewö.

## 40

### *Josefnöŋ azi yahöt yetkö gaunŋiraŋgö könaŋi jiyök.*

<sup>1</sup> Nalö tosatŋi teköiga Ijptkö kiŋ kembuŋaŋgö wain o qambigö galömŋi aka bered ohohogö galömŋi yetköŋ ketaŋamŋiri Ijptkö kiŋi qetala köna ŋiŋiyohot.

<sup>2</sup> Mewö ahotka Farao kiŋnöŋ jembonŋi yahöt, wain o qambigö galömŋi bohonŋi aka bered ohohogö galömŋi bohonŋi yetköra aka irimŋi seholiyök.

<sup>3</sup> Irimŋi seholiiga jiiga etkuangita kiŋgö malmalŋaŋgö sikiriti yeŋgö suahö galömŋinaŋgö kösö mire yaŋgö böröŋe al etkigetka geyohot. Josefnöŋ kösö miri miangöreŋök malök.

<sup>4</sup> Sikiriti yeŋgö suahö galömŋinan Josef jim kutum waŋgiiga i welen qem etkiba malök. Mewö maliga nalö tosatŋi toroqeba kösö mire malget.

<sup>5</sup> Mewö mala malgetka Ijpt kiŋgö wain o qambigö galömŋi aka bered ohohogö galömŋi yetköŋ ŋuŋgem mohot miangöreŋök gaunŋiri inannök inannök ehot. Gaunŋiraŋgö könaŋi mi inannök inannök.

<sup>6</sup> Mi ehotka Josefnöŋ söŋanöhök yetköreŋ öŋgöba etkehi urueret aka bosoliba tarohot.

<sup>7</sup> Mewö tarohotka Farao kiŋgö jembon yahötŋi yetköŋ Josefkö ketaŋamŋaŋgö kösö mire yambuk mohotŋe tarohori, i kewö qesim etkiyök: “Iniri merak denöwögöra jemesoholŋiri wösöbirikjeje uba tatzahot?”

<sup>8</sup> Qesim etkiiga kewö melenŋa jiyohot: “Niri nanŋök nanŋök gauniri ekzitmö, mietkö könaŋiri mi daŋön jii mötpirak?” Mewö jiyohotka Josefnöŋ kewö jiyök: “Anutunöŋ mönö gaungö könaŋini jiji Toŋi akzapmö, ölop töndup gaunŋiri jiyohotka mötmam.”

<sup>9</sup> Mewö jiiga wain o qambigö galöm bohonŋan gaunŋi ehöhi, miangö kösohotŋi mi Josef kewö jii mörök: “Nöŋön gauni uruŋe wain ip kun mi nöŋgö wösöne kiniga ekzal.

<sup>10</sup> Wain ipkö böröŋi karöbut kingetka könahiba söŋŋi jula kota kuŋguzawi, nalö miangöreŋök juranŋi kota tuliga kaŋeŋi kaŋeŋi asuhaba öligetka ölnaŋgö köŋŋi pisihize.

<sup>11</sup> Pisihigetka ni Farao kiŋgö qambinŋi mi börönan memba kinda ölnaŋgö köŋŋi memba mözöhölbiga onŋi Farao kiŋgö qambinöŋ geiga kiŋgö böröŋe aljal.”

<sup>12</sup> Mewö jii möta Josefnöŋ kewö jii mörök: “Gaungahö könaŋi mi kewö: Ip böröŋi karöbut mi wehön karöbutkö söpsöpŋi akza.

<sup>13</sup> Wehön karöbut teköiga Farao kiŋnöŋ göhö nöropki mem wahöta pösat gihiba kunbuk nupke al gihima. Gi mutuk yaŋgö wain o qambigö galömŋa mala qambi Farao kiŋgö böröŋe ala malnöŋi, miangö dop mönö kunbuk aka malman.

<sup>14</sup> Mewö malmanmö, söŋŋgai qakŋe malmani, nalö miangöreŋ mönö ni mötmöriba ak kömum niŋgiba nöŋgö kösohotni Farao kiŋgöra jinöŋga mötma. Mewö aka bauköm niŋginöŋga kösö miri ki mosöta etpilenjak.

<sup>15</sup> Mötnöŋ, ni Hibru könagesögö gölmenöhök ösum-mumu qakŋe yoŋgorö noaŋgiketka kaba kiangöreŋ mewöyök yuai bölöŋi kun kösö miri kiangö dutŋe al niŋgiraŋgö dop mi qahö ahal.”

<sup>16</sup> Josefnöŋ mewö jii möriga bered ohohogö galöm bohonŋan alaŋaŋgö gaunŋaŋgö könaŋi ölopŋi jim asariyöhi, mi eka kewö jii mörök: “Nöŋön mewöyök gauni ekiga miangöreŋ bered könde karöbut nöŋgö nöropne kunduta kazal.

<sup>17</sup> Kaba könde qakŋe eu tatzawi, miangöreŋ bered yuai nahömŋinambuk könaŋi könaŋi Farao kiŋgöra ahözapmö, neiŋi neiŋi yeŋön kaŋgota könde kunduta kazali, miangöreŋök mi nem teköze.”

<sup>18</sup> Mewö jii möta Josefnöŋ kewö melenŋa jiyök: “Gaungahö könaŋi mi kewö: Könde karöbut mi wehön karöbutkö söpsöpŋi akza.



<sup>19</sup> Wehön karöbut teköiga Farao kiñnön jiiga liñgipnön geriba qetohom gihiba nöröpki aka qamötki mem wahöta ipnön möndögetka neiñi neiñi yeñön kañgota busugi nem teköme.”

<sup>20</sup> Mewö melenđa jiiga wehön karöbut teköiga Farao kiñgö ahياهو nalöñan kam kuñguiga jembonurupñi pakpak i nene lömbuan ohoba engiyök. Mi ohoba engiba wain o qambigö galöm bohonñi aka bered ohohogö galöm bohonñi yetkö nöröpñiri mi jembonurupñi yeñgö jeñine memba wahörök.

<sup>21</sup> Wain o qambigö galömñan mutuk nupñi memba malöhi, mi toroqeba memapköra kuñgum wañgiiga dumñe kunbuk qambi mi Farao kiñgö böröñe ala malök.

<sup>22</sup> Mewö malökmö, kiñnön bered ohohogö galöm bohonñangö keuñi jim teköiga Josefnön gaunñirañgö könañi jii mörohorangö dop i liñgipnön eriba qetohoba nöröpñi aka qamötki mi mem wahöta möndöget.

<sup>23</sup> Mianğö andöñe wain o qambigö galöm bohonñan Josef qahö mötmörim wañgiyökmö, i ölum qeiga lañ malök. Mewö.

## 41

### *Kiñnön gaunñi ehiga Josefnön könañiri jim asariyök.*

<sup>1</sup> Yambu yahöt teköiga Farao kiñnön gaun kun kewö ehök: Yanñon Nail o töwatñangö görañe kiniga

<sup>2</sup> bulmakau dömnji 7 ölop sorokñi kelök busuñinambuk mi o töwatñi mianğöreñök kota jejepözañ sutñine kinda tembam keuqañ neget.

<sup>3</sup> Mienğö andöñine bulmakau tosatñi 7 sihitqarambuñinanök kaisoñgolomñini piromñi mi o töwatñi mianğöreñök kota bulmakau mutukñi mienğö kösutñine anda o töwatñangö görañe kinget.

<sup>4</sup> Bulmakau piromñi sihitqarambuñinanök mienñon bulmakau dömnji ölop sorokñi kelök busuñinambuk 7 mi gwahöt engiget. Farao kiñnön gaun mi eka mianğöreñök imbiñi möta wahörök.

<sup>5</sup> Wahöta gaunñangö kunbuk möta gem anda ahöba gaun kun kewö ehök: Wit padi ip mohotkö kemañe ölni kötni ketañi ketañi kañgeñinambuk 7 ölop kötokñi mi loñkam gili eta kinget.

<sup>6</sup> Mienğö andöñine ölni kañgeñinambuk 7 mi kunbuk loñkam gili eta kingetka gölme qararañkölköñangö luhut könöpñan mi engohotiriiga soholiba gilipitñi (ambetakñi) aket.

<sup>7</sup> Ölni morömorö kañgeñinambuk mi ölni kañgeñinambuk kötnini ketañi ketañi kuñgukuñguñi mi gwahöt engiget. Farao kiñnön mianğöreñök imbiñi möta wahöriga ölni qahöpmö, mi gauna ahök.

<sup>8</sup> \*Miri asariiga Farao kiñnön gaunñangö mötkurumkurum möta Ijpt kantrigö tiripqözölqözöl aka mötkutukutu azi pakpak öröm engii yangö jemesoholñe kañgotket. Kañgotketka gaun ehöhañgö kösohotñi mi jii mötketmö, körek yeñön gaunñangö könañiri mi Farao kiñgöra jim asaribingö osiget.

<sup>9</sup> Osigetka wain o qambigö galöm bohonñan kinda Farao kiñ kewö jii mörök: “O kiñ, nönñon köna siñgiali, mianğö keuñan dölni urune kañgoriga mötmörizal.

<sup>10</sup> Nalö kunön Farao kiñnön jembonurupñi neñgöra aka irimñi seholiiga nömembra malmalñangö sikiriti yeñgö suahö galömñangö kösö mire al niñgiyök. Ni aka bered ohohogö galöm bohonñi mi nömbuk nanñi kösö miriñe al netkiiga tarit.

<sup>11</sup> “Mianğöreñ tata mala netkön suñgem mohot mianğöreñök gauniri inanñök inanñök ehit. Gaunirañgö könañi mi inanñök inanñök.

<sup>12</sup> Gauniri ekziga Hibru azi gwabö kunön mianğöreñ netpuk malök. Yanñon sikiriti yeñgö suahö galömñangö welenqeqeñi maliga niri gauniri yangöra jizi mörök. Yanñon gaunirañgö könañiri mi inanñök inanñök jim asarim netkiyök.

\* 41:8: Dan 2.2



<sup>13</sup> Kōnanjiri jii mōriranḡō dop ōlḡi mōnō törörök kewō asuhuyök: Nōḡōn nupni mutuk memba malali, Farao kiḡnōḡ ni nup miangōreḡ kunbuk al niḡḡiyōkmō, alani bered ohohogō galōmḡanḡō keuḡi jim tekōiḡa liḡḡipnōḡ eriba qetohoba nōrōpḡi aka qamōtki mi mem wahōta mōndōget.”

<sup>14</sup> Mewō jiiga Farao kiḡnōḡ mōta Josefnōḡ jemesoholḡe kaḡgotmapkōra jim kutuba tosatḡi melaim enḡiiga anda kōsō mirigō dutḡeyök zilaḡ waḡḡita kaget. Kagetka jiiga nōrōp jupḡi mitigetka opo malukuḡi utekōba Farao kiḡḡō jemesoholḡe kaḡgorök.

<sup>15</sup> Kaḡgoriḡa Farao kiḡnōḡ Josefkōra kewō jiyök: “Nōḡōn gaun kun ekiga kōrekḡan miangō kōnaḡi jibingō osizemō, kunōḡ ḡōhō kōnagi kewō jiiga mōtzal: ‘Kunḡan ḡōhōra gaunḡi jii mōta ḡōḡōn miangō kōnaḡi ōlōp jim asarimakzan.’ ”

<sup>16</sup> Mewō jiiga Josefnōḡ Farao kiḡḡōra kewō melenḡ waḡḡiyök: “O Farao kiḡ, nōḡōn qahōpmō, Anutunōḡ mōnō gaunḡahō kōnaḡi jim asariba keu ōlōpḡi ḡihiiga urugan ōlōwakḡa.”

<sup>17</sup> Mewō melenḡ waḡḡiiga Farao kiḡnōḡ kewō jiyök: “Nōḡōn gauni ekzali, miangō uruḡe nanak Nail o tōwatḡanḡō ḡōraḡe kinjal.

<sup>18</sup> Miangōreḡ kinbiga bulmakau dōmḡi 7 ōlōp sorokḡi busuḡini kelōkḡinambuk mi o tōwatḡi miangōreḡök kota jōjōpōzaḡ sutḡine kinda tembam keuḡaḡ neze.

<sup>19</sup> Mienḡō andōḡine bulmakau tosatḡi 7 sihitqarambuḡinanōk kaisōḡolomḡini piromḡi kōtōkḡi mi o tōwatḡi miangōreḡök kotze. Nōḡōn bulmakau bōlōḡi kōtōkḡi mewōḡi mi nalō kunōḡ Ijpt ḡōlme pakpak kianḡōreḡ qahō enḡeḡal.

<sup>20</sup> Bulmakau sihitqarambuḡinanōk kaisōḡolomḡini piromḡi mienḡōn bulmakau dōmḡi busuḡini kelōkḡinambuk 7 mutuk kotzei, mi gwahōt enḡize.

<sup>21</sup> “Mi gwahōt enḡizemō, mi tōndup kaisōḡolomḡinan gwahōt enḡizeanḡō dop utekutek qahō aiga enḡekzalmō, mutuk kaisōḡolomḡinan piromḡi kōtōkḡi kota kinjei, yeḡōn mewōḡanōk tok kinje. Ni gaun mewō eka imbini mōta wahōtzal.

<sup>22</sup> Wahōta kunbuk ahōba gaun kun kewō ekzal: Wit padi ip mohotkō kembraḡe ōlḡi kōtḡi ketanḡi ketanḡi kaḡḡeḡinambuk 7 ōlōp kōtōkḡi mi loḡkam ḡili eta kinje.

<sup>23</sup> “Mienḡō andōḡine ōlḡi kaḡḡeḡinambuk tosatḡi 7 mi sōtḡi jula kota loḡkam ḡili eta kingetka ḡōlme qararaḡkōlkōlḡanḡō luhut kōnōpḡan mi enḡohotiriiga soholiba morōḡi aka ḡilipitḡi (ambetakḡi) akze.

<sup>24</sup> Ōlḡi morōmorō ḡilipitḡi kaḡḡeḡinambuk mi ōlḡi kaḡḡeḡinambuk ōlōp sorokḡi mi gwahōt enḡize. Nōḡōn gaun yahōt mi eka tiripḡōzōlḡōzōl aziurupni jibi mōtzemō, yeḡōn kōrek mietkō kōnanjiri jim asarim niḡḡibingō osize.”

<sup>25</sup> Farao kiḡnōḡ mewō jiiga Josefnōḡ keu kewō jiyök: “O Farao kiḡ, ḡōhō gaunyahōtki mietkō kōnanjiri mi mohok akza. Anutunōḡ yuai kōnaḡep akḡamḡō mōtzawi, yaḡōn mi Farao kiḡ ḡōhōra indelja.

<sup>26</sup> Bulmakau dōmḡi 7 ōlōp sorokḡi mi yambu 7:ḡō sōpsōpḡi akze. Wit padi ōlḡi kaḡḡeḡinambuk ōlōp kōtōkḡi 7 mi mewōyōhōk yambu 7:ḡō sōpsōpḡi akze. Kōnanjiri mi örörōḡ aka mohok akzahot.

<sup>27</sup> “Bulmakau sihitqarambuḡinanōk kaisōḡolomḡini piromḡi 7 kōnaḡep kotzei, mi yambu 7:ḡō sōpsōpḡi akze. Wit padi ōlḡi kaḡḡeḡinambuk 7 ḡōlme qararaḡkōlkōlḡanḡō luhut kōnōpḡan enḡohotiriiga soholiba ḡilipitḡi (ambetakḡi) akzei, mi bōdi (buörō) mal-malgō yambu 7 miangō sōpsōpḡi akze.

<sup>28</sup> Anutunōḡ yuai kōnaḡep akḡamḡō mōtzawi, yaḡōn mi ḡōhōra indela kondelja. Farao kiḡḡōra keu dōlki mewō jizali, mi mōnō mewōḡōra aka jizal.

<sup>29</sup> O kiḡ, yambu 7:ḡō dop nene mōriam keta bōlōkḡi asuhuba Ijpt ḡōlme pakpak dop kōla ahōma.

<sup>30</sup> “Mi ahōmapmō, yambu 7 mienḡō andōḡine bōdigō yambu 7 asuhuba ayuayuhu ketanḡi kondoriga Ijpt kantrinōḡ bōlīma. Mianḡōn asuhuiga nene mōriam mutuk Ijpt ḡōlmenōḡ ahōyōhi, mi ḡōlme dop yeḡōn ōlum enḡum tekōma.

<sup>31</sup> Bödi mi köhöikni kötökni ahömawanğöra aka gölme dop ambazip yeñon nene möriamgö yambuñi 7 mutuk Ijpt gölmenöñ ahöyöhi, miangö keuñi mi kunbuk qahö möta malme.

<sup>32</sup> Anutunöñ gaun könañi mohot mi indimni yahöt gihii ekzani, mi könañi kewögöra: Anutunöñ keu mi lök jöhöba jim köhöiba alök. Mi jim köhöiba alöhi, miangöra mianñon mönö zilañ asuhuma.

<sup>33</sup> “Miangöra Farao kiñ göñon ölop mötkutukutu azi kun keu törörök kewörakzawi, mi möwölöhöba kuñgunöñga Ijpt kantri ki galöm köla malma.

<sup>34</sup> Mewöñanök kiap bohonni bohonni kuñgum enjinöñga gölme dop köla galömñina malme. Yeñon nene möriamgö yambuñi 7 miengö uruñine nene ölninambuk Ijpt gölmenöñ asuhumei, miangöra jiiga mendengetka bahöñini 5 asuhugetka miengöreñök mohot mohot memba gawmangö köwenöñ tokoba malme.

<sup>35</sup> “Yeñon mönö kinda jimkutukutu algetka yambu ölopni 7 asuhumei, miengö uruñine nene ölnini körek pakpak tokoba kewöta malme. Mewö aka wit padi mi Farao kiñgö köwe miriñi miriñi miangöreñ qezaköba malme. Mi taon dop gawmangö köwe miriñi miriñi miangöreñ qezaköba galöm köla malgetka könañepkö neneña ahöma.

<sup>36</sup> Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könañep bödigö yambu 7 Ijpt gölme dop asuhumawi, nalö miangöreñ mi ölop memba mendennda memba malme. Mewö aketka kantrigö könagesö neñon bödi miangö nalöñe nenegö qahö kömumba gororöñgöbin. “Mewö.

*Farao kiñnöñ Josef Ijptkö azi kembuya kuñguyök.*

<sup>37</sup> Josefnöñ keu mewö jiiga Farao kiñ aka jembonurupni pakpak yeñon areñ miangöra mötket dop köliga sihimni mötket.

<sup>38</sup> Mewö mötketka Farao kiñnöñ jembonurupni kewö jii mötket: “Azi kiangö uruñe bem yengö uñañan kini maljawi, nini i ewö azi kun ölop qahö miwikñaabin.”

<sup>39</sup> Mewö jii mötketka Josefköra kewö jiyök: “Anutunöñ keu areñ pakpak ki indel gihizawi, miangöra gi ewö mötkutukutu azi keu törörök kewötpawak, mi kun qahö malja.

<sup>40</sup> Miangöra göñon mönö jakömbuak mirinañgö galömni bohonni aka malman. Göñon nöñgö könagesöurupni pakpak jim kutum enjinöñga yeñon mönö göhöreñ keu tem köla keugi bapñe malme. Nöñon jakömbuak dum tatatnöñ tarakzali, miyök mötmöriba miangöra aka gi goñgita ketanañgi aka malmam.”\*

<sup>41</sup> Mewö jiba toroqeba kewö jiyök: “Mötnöñ, nöñon gi Ijpt kantri pakpak kiangö azi kembuya malmangöra kuñgum gihizal.”

<sup>42</sup> Mewö jiba börö kesötñañgö jenjeni mianñon supap köpöp ewö qetni mekötahöba malöhi, mi qeköba Josefkö börö kesötñe löñgörök. Opo maluku eksihimñambuk opo tuatñan memenji mi löñgöt wañgiba sorom goulñon memenji kun mi memba Josefkö imbiñe kölök.\*

<sup>43</sup> Mewö aka hos kare qetpuk sorokni nanñi kareñañgö qorembiñi mi yañgöra jim teköiga miangöreñ öñgöiga hosnöñ örögetka anda kaba malök. Mewö anda maliga kiñgö sikiriti yarö azi kunöñ mutuk anda göda qem wañgibingöra kewö qeri qetketka malök: “Kezap! Mönö kesalget!” Mewö ak wañgiba Ijpt kantri pakpakö azi kembuya kuñgum wañgiyök.

<sup>44</sup> Farao kiñnöñ Josefköra kewö jiyök: “Nöñon Farao kiñ akzalmö, Ijpt kantri pakpak kiangöreñ kunñan kun mönö göhö jitki qetala böröñi me könañi mi kude mem wahötma.”

<sup>45</sup> Mewö jiba Josefkö qetni dölokni (Ijpt keunöñ) Zafenat-Panea qerök. Mewö qeta He-liopolis taongö jike nup galöm qetni Potifera yañgö böratñi Asenat mi anömña akñañpköra wañgiyök. Mewö kantrigö azi kembuya aka Ijpt kantri ekñañgöra anda liliköyök.

\* 41:40: Apo 7.10 \* 41:42: Dan 5.29

<sup>46</sup> Josefnöŋ yambuŋi 30 aiga miangöreŋ Farao Ijptkö kiŋi yangö jakömbuak nupŋi könaŋiba meyök. Mi memba Farao kiŋgö sitiŋi mosöta Ijpt uruŋe dop köla liliköba malök.

<sup>47</sup> Nene möriamgö yambuŋi 7 miangö nalöŋe gölmeŋine nene önöŋi qahö asuhum enŋiyök.

<sup>48</sup> Nene möriamgö yambuŋi 7 kam kuŋgugeri, miangö nalöŋe Josefnöŋ jiiga nene könaŋi könaŋi Ijpt gölme asuhugeri, mi tokoba taonŋine dop anda gawmangöra alget. Gölme köröŋi taon dop liliköba tat angeri, miangöreŋ nene ölni asuhugetka mi memba taonŋine dop anda qenjarök köwe miriŋine alget.

<sup>49</sup> Josefnöŋ jiiga wit padiŋi padiŋi mi qenjarök köwe miriŋine önöŋi qahö tokoba alget. Mi sakösiŋ köwet jitŋe ahözawaŋgö dop öŋgöba kinök. Nene möriam sesegilgil asuŋiba toroqeba ahöyöhaŋgöra nene toruŋini mi toroqeba oyon bibihigetka lömböriiga osiba mosötket.

<sup>50</sup> Bödi nalöŋan qahö kam kuŋguiga qeljiŋe miangöreŋ anömŋi Asenatnöŋ Josefkö nahönyahöŋi yahöt etkömeyök. Asenat mi Heliopolis taongö jike nup galöm qetŋi Potifera yangö böratŋa.

<sup>51</sup> Nahönŋi mutukŋi asuŋiba Josefnöŋ keu kewö jiyök: “Anutunöŋ bauköm niŋgiiga kahasililiŋ waimanŋatni pakpak aka iwinangö mirigö yuaiŋi pakpak mi lök ölum nuŋgui maljali, miangöra. “Mewö jiba nahönŋangö qetŋi Manase (Ölum nuŋguza.) qerök.

<sup>52</sup> Nahönŋi könaŋgepŋi asuŋiba Josefnöŋ keu kewö jiyök: “Ni sihimbölönaŋgö gölmeŋe malbiga Anutunöŋ ahumsehip niŋgizawi, miangöra. “Mewö jiba qetŋi Efraim qerök. (Efraim Ahumsehip niŋgiza.)

<sup>53</sup> Nene möriam ketaŋangö yambuŋi 7 Ijpt gölme dop köla kam kuŋgugeri, mi ahöm kota teköget.

<sup>54</sup> Yambu mi tekögetka Josefnöŋ keu jiyöhaŋgö dop bödigö yambuŋi 7 mi könaŋiba kam kuŋguget. Bödi mi gölme tosatŋi pakpak dop köla asuŋiba ahöyökmö, Ijpt gölmenöŋ nene mi miri dop köweŋine ahöyök.\*

<sup>55</sup> Ijpt könagesö körek pakpak yeŋön könaŋiba bödi möta Farao kiŋgö qeta nene enŋimapköra uletket. Uletketka möta Farao kiŋnöŋ körek yeŋgöra kewö jiyök: “Iŋini mönö Josefköreŋ angetka yuai mi me mi akŋegö jim kutum enŋimawi, mi mönö tem köla ahakŋe.”\*

<sup>56</sup> Bödinöŋ kantri jömukŋi dop köla ahöba Ijptkö miriŋi miriŋi pakpak miengöreŋ toroqeba gwötpuk lömböriyök. Mewö asuŋiba Josefnöŋ jiiga qenjarök köwe miriŋi miriŋi miengö naŋuŋini öröba nene mi Ijpt yeŋön söŋgöroni memegöra alget.

<sup>57</sup> Bödi mi gölme pakpak dop köla lömböriba ahöyöhaŋgöra ambazipnöŋ gölme dop miangöreŋök Ijpt kaba Josefköreŋ kaŋgota nene söŋgöroni memba malget. Mewö.

## 42

### *Josefkö daturupŋan Ijpt gölmenöŋ anget.*

<sup>1</sup> Ijpt miangöreŋ nene ahöyöhi, keu mi Keinan gölme miangöreŋ jigetka Jeikobnöŋ möta nahönurupŋi kewö jii mötket: “Iŋini mönö wuanöŋgöra silekmalek aka kuruk je anŋeka malje?

<sup>2</sup> Ijpt miangöreŋ wit padi ahözawi, nöŋön keu mewö möral. Nini qahö kömumba malmal toroqeba malbingöra iŋini mönö wahöta Ijpt geba miangöreŋ nene tosatŋi bohönŋi memba kagetka namba malbin.”\*

<sup>3</sup> Mewö jii möta Josefkö daturupŋi 10 yeŋön miriŋini mosöta nene bohönŋi memb- ingöra Ijpt gölmenöŋ anbingö aket.

<sup>4</sup> Iwiŋini Jeikobnöŋ Josefkö munŋi Benjamingö qakŋe ayuayuhu kun öŋgöbapuköra keŋgötŋi möröhaŋgöra i daturupŋi yembuk qahö melaim waŋgiiga anget.

\* 41:54: Apo 7.11 \* 41:55: Jon 2.5 \* 42:2: Apo 7.12

<sup>5</sup> Keinan gölmenöŋ bödi mi mewöŋanök ahöyöhaŋgöra Israelgö nahönurupŋi yeŋön Keinan azi tosatŋan angeri, yeŋgö sutŋine wit padi bohönŋi membingöra mohotŋe anget.

<sup>6</sup> Angetmö, Josefnöŋ Ijpt kantrigö azi kembunini tata malök. Yaŋön wit padi mi könagesöŋi pakpak yeŋön bohönŋi memegöra aliga yaŋgöreŋ kaŋgota malget. Miangöra daturupŋan kageri, yeŋön kaŋgota miangöreŋök yaŋgö wösöŋe simin köla gölmenöŋ bamgöget.

<sup>7</sup> Mewö bamgögetka Josefnöŋ daturupŋi engeka möt kutum engiyökmö, könaŋamŋi köyatim enŋiba kian azigö tandök ak enŋiba örömoreim keu könöpŋambuk jiba kewö qesim engiyök: “Inini mönö denikepköra kazeye?” Qesim enŋiiga kewö melenget: “Nini Keinan gölmenöhök nene söŋgörüŋi membingöra kazin.”

<sup>8</sup> Mewö melengetka Josefnöŋ daturupŋi möt kutum engiyökmö, yeŋön i qahö möt kutum waŋgiget.

<sup>9</sup> Qahö möt kutum waŋgigetka Josefnöŋ mönöwök gaunŋi yeŋgöra ehöhi, mi mötmötŋe kaŋgoriga mötmöriba jihip je suŋini mitiba kewö jii mötket: “Yei! Inini mönö kegwek azia akze. Nini kantrinini denikeaŋgöreŋ göröken awörök aka yarö gilbingö lömbörizini, inini mi ek kewöta mötpingöra ki kaze.”\*

<sup>10</sup> Mi möta kewö melen waŋgiget: “Azi kembunini, mewö qahö. Welenqeŋeurupki nini mönö nene söŋgörüŋi membingöra kazin.

<sup>11</sup> Nini körekŋanök azi mohotkö nahönurupŋi akzin. Nini azi diŋdiŋi mala munen qahö jimakzin. Göhö welenqeŋeurupki neŋön mönö gölme ek-kewötkö yarö azia qahö aka maljin.”

<sup>12</sup> Melen waŋgigetka “Qahö!” töhöreŋ qeta kewö toroŋeyök: “Nini kantrinini denikeaŋgöreŋ göröken awörök aka yarö gilbingö lömbörizini, inini mi ek kewöta mötpingöra ki kaze.”

<sup>13</sup> Mi möta kewö melen waŋgiget: “Welenqeŋeurupki nini Keinan gölmegö aziŋi mohotkö nahönurupŋa, darumun 12 akzin. Munini qöndökŋan nalö kewöŋe iwininambuk mire tariga kunŋan qahö toroŋeba malja.”

<sup>14</sup> Mewö melen waŋgigetka kewö jim engiyök: “Mewö aiga inini ölna gölme ek-kewötkö yarö azia akzei, mi lök jibi mötze.

<sup>15</sup> Mewö maljeaŋgöra nöŋön kewö esapköm enŋimam: Farao kiŋnöŋ jebuk maljawi, nöŋön keu öl töhöŋŋi miangö dop jöjöpäŋ keu kewö jim köhöizal: Munŋini qöndökŋan ki qahö kama ewö, inini mönö gölme ki qahö mosöta anme.

<sup>16</sup> Inini keu ölni jize me qahö, nöŋön mi esapkömamgöra kewö jizal: Inini mönö sutŋineyök kun melaigetka anda munŋini qöndökŋi waŋgita ki kamahot. Tosatŋi inini mönö ki mamböta kösö mire tata malme. Mewö qahö akŋe ewö, inini mönö ölna gölme ek-kewötkö yarö azia akze. Farao kiŋnöŋ jebuk malja ewö, nöŋön keu öl töhöŋŋi miangö dop jöjöpäŋ keu mi jim köhöizal.”

<sup>17</sup> Mewö jim enŋiba jiiga kösö miriŋe al enŋigetka wehön karöbutkö dop tatket.

<sup>18</sup> Wehön karöbut aiga Josefnöŋ kaba keu kewö jii mötket: “Jeŋinambuk toroŋeba malbingö mötze ewö, inini mönö yuai jimami, mi aketka nöŋön ölop malmalŋini jöhömam. Nöŋön mewöyök inini ewö Anutugö jitŋi oŋgitpilenbuköra keŋgötŋi mörakzal. Miangöra inini mönö kewö akŋe:

<sup>19</sup> Inini azi diŋdiŋi munenŋini qahö malje ewö, darumun enŋöreŋök mönö kunŋan kösö miri kiaŋgöreŋ toroŋeba tariga tosatŋi inini ölop wit padi memba miriŋine lilingöba anme. Miangöreŋ anda miriŋine könagesöurupŋinan bödi aka maljei, mi nene enŋime.

<sup>20</sup> Inini mönö mewö anda munŋini qöndökŋi waŋgita nöŋgöreŋ kame. Kagetka keuŋinaŋgö ölnan mewö asuhuiga eka möt kutuba qahö enŋubi kömume. “Keuŋi mewö jiiga mönö miangö dop aket.

\* 42:9: Jen 37.5-10



21 Yeñön nanñini Hibru keunöñ sutñine keu kewö eraum-mötket: “Nini munini silik ak wañgiini, miangö likepñi bölöñan mönö ölña qaknine öngöza. Yañön malmalñi jöhöba ak kömum wañgibingöra uleta kuñgum neñgiiga kahasililini ketani ehinmö, yañgö keuñi möta mi qahö wuatangöin. Miangöra kahasililini lömbötñambuk kianñon neñgö qaknine öngöza.”

22 Mewö eraum-mötketka Rubenöñ kewö jiyök: “Nöñön kewö jibi mötket: ‘Inini azi gwabö mi silik bölöñi kude ak wañgime.’ Mewö jialmö, inini nöñgö keuni mi möta silekmalek aket. Mötket, nalö kewöñe yañgö sepñangö keugö likepñan mönö qaknine öngöiga kahasililini mötzin.”\*

23 Mewö eraum-mötketka Josefnöñ yembuk Ijpt keunöñ keu jiiga kunöñ mi melenök. Miangöra yeñon keuñini jigetka ölop möt asariyöhi, mi daturupñan qahö möt kutuget.

24 Josefnöñ keuñini möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeñgö jeñine jöhöget. Mewö.

*Josefkö daturupñan Keinan gölmenöñ lilingöget.*

25 Josefnöñ jimkutukutu kewö alök: “Welenqege inini mönö azi miengö toru gösöñine wit padi löngötketka numbuñe kotketka mohot mohot yeñgö moneñ esuñini mi totonine inanñik inanñik toruñine alme aka köna anangö nene semönñi mi tok enjime. “Mewö jim kutum enjiiga miangö dop ak enjiget.

26 Mewö ak enjigetka wit padi toruñini mi donñi qakñine ala mosöta anget.

27 Anda mala gaun ahöbingöra miri kunöñ angota darumun yeñgöreñök kunñan donñini gumohomangöra aka toru kösöñi pösata moneñ esuñi mi toru numbuñe nene qakñe kiniga ehök.

28 Mi eka darumunñi kewö jii mötket: “Eket, nöñgöreñ moneñ mi mönö melenä torune utketka kinja. “Mewö möta wösöñini juliga aurum tililingöba angeka kewö jiget: “Anutunöñ mönö wani yuaia ki ak neñgizawe?”

29 Anda mala Keinan gölmenöñ iwiñini Jeikobköreñ angota yuai asuhum enjiyöhi, miangö kösohotñi mi körek kewö jigetka mörök:

30 “Kantri miangö azi kembuñi yañön örömureim keu könöpuk jiba gölme ek-kewötkö yarö azia akinak, miangö tandök ewö ak neñgiyök.

31 “Mewö ak neñgiyökmö, nini yañgöra kewö jii: ‘Nini azi diñdini munenñini qahö mala gölme ek kewötpingöra aka qahö kazin. Qahöpmahöp!

32 Nini azi mohotkö nahönurupña, darumun 12 aka maljin. Kunñan qahö toroqeba maliga munini qöndökñan nalö kewöñe Keinan gölmenöñ iwininambuk mire tatza.’

33 “Mewö jiinga gölme miangö azi kembuñan neñgöra keu kewö jiyök: ‘Inini azi diñdini me moneñi maljei, mi kewö kewöt enjiba mötmam: Enjöreñöhök darumunñini kun i mönö mosötketka nömbuk ki tariga tosatñi inini ölop wit padi memba lilingöba anme. Anda miriñine könagesöurupñinan bödi aka maljei, mi nene enjime.

34 Inini gölme ek-kewötkö yarö azia qahöpmö, azi diñdini munenñini qahö maljei, mi kewö kewöt enjiba mötmam: Inini mönö anda munñini qöndökñi mi wañgita nöñgöreñ kame. Mewö kagetka darumunñini melen enjibiga ölop gölme kianñöreñ angunnep-qanñunep aka malme.’ ”

35 Mewö jiba toru gösöñineyök nene köweñine mokogetka moneñ esuñini moneñinambuk mi toruñine mohot mohot totonine kini miwikñajaget. Moneñ esuñini miwikñaiaba eka i aka iwiñini mohotñe auruba keñgötkotkot mötket.

36 Mewö mötketka iwiñini Jeikobnöñ kewö jii mötket: “Inini nahönurupni körek pakpak noañgitpingö mötze: Josefnöñ qahö malja. Simeon nembuk qahö malja. Benjamin mi mewöñanök noañgita wañgita anbingö jize. Sihimbölö pakpak miangön mönö nöñgö qakne öngöza.”

\* 42:22: Jen 37.21-22



<sup>37</sup> Mewö jii möta Rubenön iwiñangöra keu kewö jiyök: “Ni Benjamin qahö wañgita lilingöba kaba gihimam ewö, gi ölop nani nahönyahötmi yahöt mi etkunönga kömumahot. Benjamin mi ölop nöngö böröne alnönga i mönö galöm köla anda mala wañgita lilingöba kaba gihimam.”

<sup>38</sup> Mewö jiyökmö, Jeikobnön melenḁa jiyök: “Nahönyahötmi qöndökni yahöt yetköreñök datñan kömuiga munñan mohot malja. Inini könanön anbingö mötzei, miangören ayuayuhu kunñan yangö qakne öngöma ewö, inini mönö kondotketka wösöbirik öngöngöñan nöngö qakne öngöiga kömumba nörop jupni yangonambuknön unem mire gemam. Miangöra nöngö nahönan mönö nömosöta embuk qahö anma. “Mewö.

## 43

### *Josefkö darumunurupñan lilingöba Ijipt anget.*

<sup>1</sup> Keinan gölmenön bödi lömbötñambuk mi toroqeba ahöyök.

<sup>2</sup> Jeikobkö könagesöurupñan wit padi Ijipt kantrinöhök memba kageri, mi körek nem tekögetka qahöwahiga iwiñinan nahönurupni mi kewö jii mötket: “Inini mönö kunbuk lilingöba anda neneñamnini tosatni söngöröñi meme.”

<sup>3</sup> Mewö jii mötketka Judanön kewö jiyök: “Azi miangön mönö kapan köla neñgöra galöm meme keu köhöikni kewö jiyök: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’

<sup>4</sup> Miangöra göñön munini melainönga nembuk kama ewö, neñön ölop gömosöta neneñamnini söngöröñi membingöra anbin.

<sup>5</sup> Azi miangön keu kewö jii mörin: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’ Miangöra göñön Benjamin angön kölman ewö, nini qahö anbin.”

<sup>6</sup> Mewö jiiga Israelnön kewö jiyök: “Inini mönö wanigöra munñini kun maljawi, keu mi azi miangö jiget möröhanğöra ni urulömböt ketani niñgize?”

<sup>7</sup> Mewö jiiga kewö melenḁa jiget: “Azi miangön nini aka könagesöurupnini engöra törörök qeqesi könañi könañi neñgiba kewö jiyök, ‘Iwiñinan jebuk malja me qahö? Darumunñini kun malja me qahö?’ Mewö jiyöhanğöra qeqesini mi neñön ölnanök jiba melenñin. Yangön könañep munini wañgita kamegöra jibawak, mi mönö qeljine nalö miangören denöwö mötpinak?”

<sup>8</sup> Mewö jigetka Judanön iwiñi Israelgöra kewö jiyök: “Miangöra azi gwabö mi nöngö böröne ala melainönga mohotje anbin. Mewö aknönga amqeba zilañ gömosöta könanön aninga nini, gi aka anöm-moröurupnini neñön qahö kömum gororongöbin.

<sup>9</sup> Benjamingö malmalñangö sohopni miangö keuñan mönö nöngö böröne ahöiga lilingöba kaba gihimangö jim köhöizal. Nöñön i qahö wañgita lilingöba ki kaba göhö jemesoholge qahö almam ewö, miangö keu lömbötñan mönö nöngö qakne öngöiga göhö jege bisiba malbiga gölmenön malmalnan teköma.

<sup>10</sup> Nalö köröpni eksekpeksek aka qahö mambötpinak ewö, neñön lök endu anda lilingöba ki kainga ambemni yahöt akawak.”

<sup>11</sup> Mewö jiiga iwiñini Israelnön kewö jii mötket: “Mewö akza ewö, inini mönö kewö akne: Gölme kiangö töhötmöriamni ölop kötökni tosatni kewöni mi memba toru gösöñine löngöta anda azi mi kalema wañgime: Sile mirimirigö kelökni tosatni, moron onni tosatni, gipmi bakötök, marasin ip tokuñi qetni mör gipit, kömin, kuñgam aka saugö alañi almond miengö ölni.

<sup>12</sup> Silwö moneñ walni toru gösöñinangö numbuñine algetka memba kageri, mi aka miangö dop qakne toroqeba ala mindirigetka jañgöñan qariba 2:kö dop aiga mi memba lilingöba anda wañgime. Tosatñan köpösihira aka mi gösöñine alget me denöwö?

<sup>13</sup> Munñini mewöyök wañgita zilañ wahöta azi miangören kunbuk lilingöba anget.

<sup>14</sup> Anutu kukösum pakpakö Tonjan mönö azi miangö jeñe ak-kömukömuñi enñgiiga yañön darumunñini kun aka Benjamin mi embuk mire lilingöba kamegöra imbi kölma. Nöñgö moröurupnan tönbirin akñe ewö, nöñön mönö öne töhöñ malmam.”

<sup>15</sup> Mewö jiiga kalem yuai mi memba silwö moneñ memba kageri, miangö dop qakñe toroqeba ala mindirigetka jañgöñan qariba 2:kö dop ahök. Mi memba Benjamin mohotñe wañgita wahöta ösumñinan Ijpt anda Josefkö jeñe angotket.

<sup>16</sup> Angotketka Josefnöñ Benjamin mi yengö sutñine eka miangöreñök miriñangö galömñi kewö jim kutum wañgiyök: “Gi mönö azi ki enñgungita nani mire anda al enñinöñga tatme. Tatketka anda sömbup kun qeba ohoba silimgö neneñi mözözmöngönöñga yeñön ölop nömbuk mohotñe nene nembin.”

<sup>17</sup> Josefkö miriñangö galömñan jim kutum wañgiyöhanğö dop azi mi enñgungiriga Josefkö mire anget.

<sup>18</sup> Enñgungiriga Josefkö mire anda jönömñini unduiga keñgötñini möta kewö mötmöriba sutñine jiget: “Mutuk kainga moneññini melenđa toru gösönine algetka memba anini, miangöra yeñön mönö neñgungita kaba ki al neñgigetka tatzin. Yeñön mönö qer-aköba neñgum ureiba luhut al neñgiba neñgömegetka welenqeçeurupñi omanñi ahinga donkiurupñini kalöpköba anğön köl enñgibepuk.”

<sup>19</sup> Mewö jiba kinda Josefkö mirigö galömñi yañgöreñ öngöba angetka miri nañguñe kiniga yañgöra keu kewö jiget:

<sup>20</sup> “O ketañamnini, nini nalö mutukña nene bohonñi memingöra ki kain.

<sup>21</sup> Kaba nene bohonñi memba kunbuk lilingöba anda könanöñ miri kunöñ anda ahöbingöra tata toru gösöninañgö kösöñi pösata moneññini totonine mi körekñanök gösönini nanñök nanñök numbuñine nene qakñe ahöiga ehin. Miangöra moneñ mia merak kunbuk melenđa memba kazin.

<sup>22</sup> Silwö moneñ mi dañön toru gösönine melenđa kunbuk alöhi, mi neñön qahö mötzin. Neñön mi aka silwö moneñ tosatñi mi qakñe juhuköba nene söñgöröñi kunbuk memingöra gösönine ala memba kazin.”

<sup>23</sup> Mewö jigetka miri galömñan kewö jiyök: “Waimañjat kude mötme. Nanñini aka iwiñinañgö Anutuñan mönö kungö uruñi kuñguiga silwö moneñ mi toru gösönine aliga miwikñaiget. Nöñön enğöreñ silwö moneñ mi lök meal. Miangöra keñgötñini kude möta urubönjöh tatme. “Mewö jiba Simeon wañgita yeñgöreñ kayohot.

<sup>24</sup> Kayohotka mohotñe enñgungita Josefkö mire öngögetka könañini sañgoñmegöra o enñgiyök aka donkiñini gwözözak neneñini mianñön gumohom enñgiyök.

<sup>25</sup> Yeñön silimgö neneñi Josefkö mire mohotñe nemeañgö keuñi mötket. Miangöra Josefnöñ silimnöñ miriñe kañgotmapköra mamböta kalem yuaiñini mi aukñe areñgöba tatket.

<sup>26</sup> Tatketka Josefnöñ mire kaiga kalem yuaiñini memba kaba miriñe öñgögeri, mi wañgiba wösöñe simin köla gölmenöñ bamgöget.

<sup>27</sup> Bamgöba wahötketka jölöñini jiba denöwö maljei, qesim enñgiba kewö jiyök: “Iwiñini azi namñangö jigeri, yañön denöwö malja? Toroqeba jebuk malja me qahö?”

<sup>28</sup> Mewö jiiga kewö melenğet: “Göhö welenqeçegi, neñgö iwininan mönö ölop malja. Mönö toroqeba jebuk malja. “Mewö melenđa göda qem wañgiba simin köla gölmenöñ bamgöget.

<sup>29</sup> Mewö aketka jeñan ui anda kaiga munñi Benjamin, nanñi namñangö nahönñi mi eka kewö qesim enñgiyök: “Munñini qöndökñañgö jigetka mörali, yañön mönö ki akza me denöwö?” Qesim enñgiba toroqeba kewö jiyök: “Nahöni, Anutunöñ mönö ak kömum gihiiga malman.”

<sup>30</sup> Mewö jiba munñi eka wösöñi pöröraköiga jeñi asöliiga sahötmamgö möta miangöreñök wölan lilingöba enğömosöta ösumñan miri uruñi ölöñi kunöñ öngöba nanñök mala sahörök.

<sup>31</sup> Sahöt teköba je imbilñi sançonja miri uruñi ölöñi mi mosöta kaba törörök mökösonja kinda nanñi galöm köl anguba numbu nene kölmegöra jiyök.

<sup>32</sup> Ijpt yeñon Hibru ambazip yembuk mohotñe nene nemingö mötketka im-bilonlonjambuk akzawangöra mi osimakze. Miangöra Josefkö neneñi mi inanñök köl wangigetka tari darumunurupñi yeñgö mi inanñök köl engiget tatketka Ijpt ambazip yambuk nene nemingö kaba tatkeri, yeñgö neneñini mi inanñök kölgetka tatket.

<sup>33</sup> Josefnöñ jiiga darumunurupñi mi ahugerangö dop arengöm engigetka mutukñan qaikñe tariga bezupñinan qöndökñe tariga Josefnöñ mesohol köl engiba tarök. Mewö tata nanñini angek kutuba welipköba tatket.

<sup>34</sup> Mewö tatketka Josefnöñ jiiga nanñi teibolnöhök nene tosatñi mendenja memba kaba köl engigetka munñi Benjamingöra ambemñi 5:gö dop toroqeba kölgetka neyök. Mewö nempa Josefpuk közölömbuan ala awamñanök o köhöikñi nempa sösongai qakñe tatket. Mewö.

## 44

### *Josefnöñ darumunurupñi qambigö esapköm engiyök.*

<sup>1</sup> Miangö andöñe Josefnöñ mirinangö galömñi jim kutum wangiba kewö jiyök: “Gi mönö azi miengö toru gösöñine wit padi mi sirimeangö dop löngötnönga numbuñine kotme. Mewöñanök mohot mohot yeñgö moneñ esunñi mi nanñök nanñök toto qeba toru gösöñinangö numbuñine alman.

<sup>2</sup> Munñini qöndökñi yangö toru gösöñangö numbuñe miangöreñ nane qambi silwönöñ memeni mi wit padigö moneñi memba kayöhi, miambuk alman. “Mewö jim kutum wangiga miangö dop ahök.

<sup>3</sup> Miri asariiga söñanök azi mi melaim engigetka donkiñini enguanñita könanöñ anget.

<sup>4</sup> Anda siti mosöta köröwen qahö angetka Josefnöñ mirinangö galömñi kewö jim kutum wangiyök: “Gi mönö zilañ wahöta azi mi enguatangöba anda miwikñaim engiba engeka kewö qesim engiman: ‘Azi kembunöñ ölöñi ak enñiiga inñi mönö wuanöngöra miangö kitipñi bölöñi melen wangiba kaze?’ ”

<sup>5</sup> Nöngö ketañamnan qambiñeyök kulun nemakzawi aka qambiñi mianñon unji aka keu asa-asambötñangö könani miwikñaimakzawi, inñi qambi mi mönö wuanöngöra yongorö memba kaze? Inñi mönö silik mi bölöñi kötökña akze.’ ”

<sup>6</sup> Josefnöñ mirinangö galömñi mewö jim kutum wangiga anda miwikñaim engiba keunji mi jiyöhangö dop jii mötket.

<sup>7</sup> Jii mötketka kewö melen wangiget: “Ketañamninan keu tandökñi mewöñi mi mönö wuanöngöra jiza? Göhö welenqeçeurupki neñon silik bölöñi mewöñi mi qahöpmahöp akzin. Mi yapmakek!

<sup>8</sup> Mötnöñ, nini toru gösöñinangö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöngöra silwö me goul mi ketañamgahö mireyök yongorö membinak?

<sup>9</sup> Welenqeçeurupki neñgöreñök kungö toru gösöñe silwö qambi mi miwikñaiman ewö, yanñon mönö kömupkö buñaya aiga tosatñi neñon ketañamnini, göhö welenqeçe omanji aka malbin.”

<sup>10</sup> Mewö melen wangigetka kewö jiyök: “Mewö mianñon ölöp. Jizeangö dop mi ölöp akin. Kungö toru gösönöhök silwö qambi mi miwikñaimami, yanñon mönö nöngö welenqeçeni omanji akñapmö, tosatñi engö sileñine keu qahö ahöiga ölöp nanñinök mirinñine anme.”

<sup>11</sup> Mewö jii möta körekñan gösöñini nanñök nanñök ösumok qeköba memba eta gölmenöñ ala numbuñinangö kösöñi pösatket.

<sup>12</sup> Pösatketka Josefkö mirinangö galömñam datñini mutukñangö toru gösöñeyök könahiba qezanja jaruba anda anda munñini qöndökñi Benjamingö toru gösöñe teteköñe eka qambi mi miangöreñ miwikñaiyök.

13 Mi miwikñaiiga yeñon uruñini kot gwözöñniga wösöbirikñini kondela malukuñini munjukunjuritket. Mewö aka sukinapñini donki qakñine ala kunbuk lilingöba sitinöñ anget.

14 Juda aka darumunurupñi yeñon lilingöba Josefkö mire angetka yañon tok mirinöyök tarök. Tariga wösöñe angota simin köla gölmenöñ bamgöget.

15 Bamgögetka Josefnöñ kewö jiyök: “Inini mönö wani siliha mi akzeye? Azi ni ewöñan mönö ölop unju memba yuai yongorö megetka mi miwikñaimakzali, inini mi qahö mötze me?”

16 Mewö jiiga Judanöñ kewö meleşnök: “O ketañamni, nini mönö wani keuya göhöra jibinak? Nini keugö jaruzin. Neñon yuai bölöñi qahö ahini, mi kondel gihibinañgö dop qahö. Anutunöñ mönö welenqeçeurupki, neñgö pinjtkö keuñi indeli aukñe ahöza. Miangöra kungö toru gösöñeyök qambi mi miwikñaiizawi aka tosatñi neñon mewöyök mönö azi kembunañgö welenqeçeurupñi omanñi aka malbin.”

17 Mewö meleşnökmö, Josefnöñ kewö jiyök: “Nöñon yuai mewöñi mi qahö ak ençimam. Mi saumbanñ! Azi dagö toru gösöñe qambi mi miwikñaiizawi, yañonök mönö nöñgö welenqeçeni aka malmapmö, tosatñi inini ölop luai qakñe lilingöba iwiñinañgöreñ mire anme.”

### *Judanöñ Benjamingöra Josefulet wañgiyök.*

18 Mewö jiiga Judanöñ Josefkö wösöñe anda keu kewö jiyök: “O azi kembuni, ölop imbi kölnöñga welenqeçegi nöñon keu tosatñi azi kembuni göhöra jibileñak. Göñon Farao kin nanñambuk öröröñ akzanmö, töndup welenqeçegi nömbuk kazik kude ak niñgiman.

19 Azi kembuni göñon welenqeçeurupki nini mutuk kainga kewö qesim neñginöñ: ‘Eñgö iwiñini aka darumunñini kun maljahot me qahö?’

20 “Mewö qesim neñginöñga neñon azi kembuni göhöra kewö meleşnin: ‘Neñgö iwinini azi namñi aka munini azi gwaböya kun mire tatzahot. Munini mianöñ iwininan lök azi namñi aiga nalö miangöreñ asuhuyök. Namñan azi morö yahöt etkimeiga datñan kömuiga nanñök töhöñ malja. Yañon mönö iwiñangö wölböt (jojopañ) nahöññi akza.’

21 Mewö meleşninga göñon welenqeçeurupki neñgöra keu kewö jinöñ, ‘Inini mönö munñini mi wañgita nöñgöreñ ki kagetka i ölop nani jenan uba ekñam.’

22 “Mewö jinöñga neñon azi kembunini göhöra kewö meleşnin: ‘Azi gwabö mi iwiñi mosötmangö osima. Iwiñi mosötpawak ewö, iwiñan mönö kömumbawak.’

23 Mewö meleşninmö, göñon welenqeçeurupki neñgöra keu kewö jim kutunöñ: ‘Munñini qöndökñan embuk ki qahö kama ewö, inini mönö nöñgö jemesoholne kunbuk kude asuhume.’

24 “Mewö jim kutunöñga mirinine lilingöba anda nöñgö iwini, göhö welenqeçegi yañgöra azi kembuni göhö keugi mi jiinga mörök.

25 Mi jiinga möta iwininan könañgep kewö jiyök: ‘Inini mönö kunbuk anda neñgöra nene tosatñi söñgörüñi memba kame.’

26 “Mewö jiyökmö, nini kewö jiiñ, ‘Neñon naninök anbingö osibin. Munini qöndökñan nembuk mohotñe anmapkö jiman ewö, mönö ölop anbin. Munini bezupñi qahö wañgita anbin ewö, neñon mönö azi miangö jemesoholñe asuhubingö osibin.’

27 “Mewö jiinga nöñgö iwini göhö welenqeçegi yañon kewö jiyök: ‘Anömmi Reizölnöñ nahönyahötni yahöt etkimeyök. Mi nanñini ölop mötze.

28 Datñan nömosöta anda sohoiga kewö jial, “Sömbup kalñan mönö yöhöqöhöi kömumbawak me denöwö?” Nalö miangöreñök könahiba i qahö ehal.

29 Merak munñi ki mewöyök noañgita angetka könanöñ ayuayuhu kunñan yañgö qakñe öñgöma ewö, inini mönö kondotketka wösöbirik öñgöñgöñan nöñgö qakne öñgöiga köñjiliñ möta kömumba nörop jupni yañgonambuknöñ uñem mire gemam.’ ”

30 Judanöñ toroqeba keu kewö jiyök: “O azi kembuni, nöñon munini azi gwabö mi qahö wañgita anda iwini, göhö welenqeçegi yañgö mire angotpileñak ewö, iwininan



mönö ayuhubapuk. Yanön mönö urunji pakpak nahönji bezupji yangören jöhöiga malmalniri mohot maljahot.

<sup>31</sup> Miangöra azi gwabö mi qahö wangita aninga iwininan mi eka mönö kömup mi-wiknaibapuk. Göhö welenqequeurupki nenngören mewö asuhuiga nini mönö kondoringa wösöbirik öngöngönan iwinini göhö welenqequegi yangö qakne öngöiga kömumba nörop jupji yanjonjambuknöj unem mire gema.

<sup>32</sup> Göhö welenqequegi nöjön azi gwabönöj qahö ayuhumapkö keunji mi iwinangöra jim jöhöba kewö jial: 'I qahö wangita göhörenj lilingöba kamam ewö, miangö keu lömbötjan mönö göhö jege nöngö qakne öngöba ahöiga gölmenöj malmalni mewö mal öngöm tekömam.'

<sup>33</sup> Miangöra göjön ölop jim tekönönga nöjön azi gwabö yangö salupne azi kembuni göhö welenqequegi omanji aka ki malbiga yanön daturupji yembuk lilingöba mirinjine anme.

<sup>34</sup> "Azi gwabö mianön nömbuk qahö kama ewö, nöjön mönö denöwö aka iwinangören anbilanjak? Wösöbirik öngöngönan iwinangö qakne öngöbawak, nöjön mönö mi eknamgö tököm köhöizal. Miangöra i mönö kude jöhöman."

## 45

### *Josefnöj nanji könanji indelök.*

<sup>1</sup> Judanöj mewö jiiga ambazip liliköm engiba kinda engekere, Josefnöj körek yengö jenine toroqeba könanji köyatiba nanji galöm köl anjumangö lömböriba osiyök. Miangöra Josefnöj kewö silata qerök: "Enön mönö köreknanök nömosöta denget. "Mewö jiiga dengetka Ijpt azi kunjan kösutjine qahö kiniga Josefnöj nanji könanji mi darumunurupji yengöra kewö indelök:\*

<sup>2</sup> Yanön amburerej aka ötömbepuk qei sahöriga Ijpt ambazip gumnöj malgeri, yenön mi möta Farao kingö jakömbuak mire anda buzup keunji mi jigetka mötket.

<sup>3</sup> Josefnöj sahöta kinda darumunurupji mi kewö jii mötket: "Ni Josef! Iwinan tok jebuk malja me qahö?" Mewö jii mötketmö, darumunjan urunjan kot gwözöjniga aurum tililingöba jeje öne kinda keu kun qahö mötmöriba melenj wangibingö osiget.

<sup>4</sup> Osiba kingetka Josefnöj yengöra kewö jiyök: "Enön mönö nöngö kösutne ki kaget. "Mewö jii kagetka kewö jiyök: "Ni Josef, darumunjini bohoni memegöra algetka Ijpt kayali, mönö mia.

<sup>5</sup> "Mönö urukönjilinj kude mötme. Anutunöj enön kömumbepüköra ni mutuk melaim ningiiga qeljine ki kabiga injini kaze. Ni bohoni memegöra al ningigetka ki kayali, miangöra mönö nanjinangöra irimsesewöl kude möt anjume.

<sup>6</sup> Bödi kianön lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö miangö urune gölme qem kömöt qahö aka nene ölnj qahö miwiknaiba tokoba malbin.

<sup>7</sup> "Anutunöj mönö köna wewelipkönjambuk wuatangöba engö malmalnjanängö bohönji jöhöiga toroqeba jebuk mala gwölönarök miwiknaim engiba gölme qakne malmegöra mötza. Miangöra aka ni mutuk melaim ningiiga qeljine ki kabiga injini kaze.

<sup>8</sup> Miangöra enön qahö melaim ningiget tandök akzapmö, Anutunöj mönö ölnja melaim ningiiga ki kayal. Yanön kunjum ningiiga Farao kingö jembonji mutukni aka jakömbuak mirine wanat nup memakzei, körek yengö ketanjannina akzal. Mewö akiga Anutunöj Ijpt kantri jömuknanök mi nöngö böröne aliga azi kembunina akzal.

<sup>9</sup> "Injini mönö dölki wahöta ösumjanan iwinangören lilingöba anda keu kewö jigetka mötma: 'Göhö nahöngi Josef yanön keu kewö jiza: Anutunöj ni kunjum ningiba Ijpt kantri jömuknanök nöngö böröne aliga azi kembunina akzal. Miangöra göjön mönö nalö kude qem körimanmö, zilanj nöngören kaman.

\* 45:1: Apo 7.13



10 Ki kaba ölop tatat dumdunggi Gosen gölmenöŋ möhamgöba nane kösutne malman. Gi aka isimoröurupki, göhöreŋ lama bulmakau kambuŋi kambuŋi aka öroyuai pakpak buŋagi ahözawi, mi mönö memba kölolohoba kame.

11 “Bödi kianŋön mönö kunbuk toroqeba yambu 5:gö dop ahöm öngöma. Nalö miangö uruŋe gi, mirigahö saiwaurupki me tinitosolomurupki tosatŋi yeŋgöreŋök kunŋan bödi mala nenegö mözöqözöröm aka kömum gororonŋöbapuk. Miangöra mönö Gosen gölmenöŋ kaba mala wani yuaigöra osimei, nöŋön mi engiba malman.’ Iwininaŋgöra keu mi mönö mewö jigetka mötma.\*

12 “Ni nanak ölna ki kinda engöra keu jizali, mi ölop nannini jeŋinan nek kutuze aka muni Benjaminöŋ mewöyök ni nek kutuza.

13 Miangöra inini mönö iwinanŋöreŋ anda Ijpt kantrinöŋ qetbuŋa ketanŋi pakpak niŋigetka maljali aka yuai pakpak ekeri, miangö kösohotŋi mi iwini jigetka mötma. Mi möriga mönö ösumok waŋgita eta ki kame.”

14 Mewö jiba böröŋi munŋi Benjamingö imbiŋe gili geiga sahöriga Benjaminöŋ mewöŋanök anŋöm waŋgiba sahörök.

15 Toroqeba böröŋi daturupŋi körek yeŋgö imbiŋine gili geiga sahöta numbuŋini yöhötim neyök. Miangö andöŋe darumunurupŋan yambuk keu eraum-mötket.

16 Josefkö darumunurupŋan kageri, miangö buzupŋan Farao kiŋgö jakömbuak mire aniga Farao kiŋ aka jembonurupŋi pakpak yeŋön mi möta uruölöwak mötket.

17 Mewö möta Farao kiŋnöŋ Josefköra kewö jiyök: “Darumunurupki mönö jinöŋga kewö akŋe: ‘Sukinapŋini mönö doŋki qakŋine ala kunbuk lilingöba miriŋine Keinan gölme anme.

18 Anda iwiŋini aka saiwaurupŋini enguaŋgita lilingöba nöŋgöreŋ kame. Ki kagetka nöŋön gölme ölop kötökŋi Ijpt kantri uruŋeyök möwölöhöba engibiga ölop miangö kelökŋi miwikŋaiba nem söŋgaip aka malme.’

19 “Mewöyök kewö jim kutum enginöŋga akŋe: ‘Ijpt kianŋöreŋök mönö hosgö karenŋi tosatŋi memba anda anöm-moröurupŋini miangöreŋ al engiba iwiŋini waŋgita mohotŋe ki kame.

20 Miriŋinaŋgö yuaiŋi tosatŋi Keinan gölmenöŋ mosötmei, miangö waimanjatŋi kude akŋe. Nöŋön miangö salupŋe Ijpt kantri jömuk kianŋö yuaiŋi ölop kötökŋi mi engibiga buŋaŋini akŋa.’ ”

21 Farao kiŋnöŋ mewö jiiga Israelgö nahönurupŋan miangö dop aket. Josefnöŋ Farao kiŋgö jimkutukutu keuŋi wuatangöba hosgö karenŋi tosatŋi engiyök. Mewöyök köna anangö nene semön tosatŋi engiyök.

22 Mi engibagun daturupŋi mohot mohot yeŋgö opo malukuŋini dölökŋi totonine engiyökmö, munŋi Benjamingöra opo maluku dölökŋi börö kun waŋgiba monen silwö köt 300 waŋgiyök.

23 Iwiŋanŋöra Ijpt kantrigö yuai ölop sorokŋi jesöŋgö memba doŋki ten miengö qakŋine aliga anget. Mewöŋanök doŋki ambiŋi ten miengö qakŋine wit padi, bered aka nene tosatŋi iwiŋanŋö köna semöna aliga bisiba anget.

24 Angetka Josefnöŋ darumunurupŋi melaim engii anbingö aketka keu kewö jii mötket: “Inini könanöŋ anda anŋururuk kude akŋe.”

25 Mewö jiiga Ijpt mosöta anda Keinan gölmenöŋ iwiŋini Jeikobköreŋ anŋotket.

26 Anŋota iwiŋinaŋgöra keu kösohot kewö jiget: “Josefnöŋ mönö toroqeba jebuk malja. Ijpt kantri jömukŋanök mi yanŋö böröŋe ahöiga azi kembuŋina aka malja. “Mewö jigetka keu mi qahö möt nariyöhanŋöra uruŋi toroqeba amöriiga tarök.

27 Mewö tarökmö, Josefnöŋ keu pakpak jiyöhi, mi jiget mörök aka hosgö karenŋi tosatŋi i waŋgita Ijpt anmapköra ali kayöhi, iwiŋini Jeikobnöŋ mi eka kinda uru silenŋan köleŋni könöpkönöp ahök.

\* 45:11: Apo 7.14

<sup>28</sup> Kōnōpkōnōp aka kewō jiyōk: “O mi alakña! Mi mōt kōhōizal. Nahōni Josefnōn mōnō toroqeba jebuk malja. Nōnōn mōnō anda i ekagun kōnaņep ölöp kōmumam. “Mewō.

## 46

### *Jeikobnōn kōnagesōurupņi yembuk Ijpt anget.*

<sup>1</sup> Israelnōn sukinap yuaini pakpak kōlōlohoba memba wahōta kōna anōk. Anda Berseba mire aņgota kinda miangōreņ iwiņi Aisakō Anutuņangōra umjōwōwōl ohoyōk.

<sup>2</sup> Mi ohoba suņgem ahōiga jeņi melenņiga imut eka miangōreņ Anutunōn Israelgōra keu jiba qetņi “Jeikob, Jeikob!” qeriga “Ni ki,” jiba melenņōk.

<sup>3</sup> Melenņiga kewō jiyōk: “Ni Anutu, gōhō iwigahō bemņi. Gi Ijpt gemangō keņgōtki kude mōtman. Nōnōn miangōreņ kōtuetkōm gihibiga kōnagesō kambu ketañi akņe.

<sup>4</sup> Nōnōn mōnō gōbuk Ijpt gemam aka mewōyōk gwōlōnarōkurupki miangōreņōk eņguangitpiga kunbuk lilingōba kame. Gōnōn kōmunōņga Josef nanņi bōrōņan mōnō gōhō je jupki kusui etma.”

<sup>5</sup> Miangō andōņe Jeikobnōn Berseba miri mosōtpin jiiga Israelgō nahōnurupņan iwiņini aka anōm-morōurupņini mi kōzōzohom eņgigetka hosgō karenōn ōņgōget. Farao kiņnōn hosgō kare mianōn eņgōmemba kamegōra jiba ali memba anget.

<sup>6</sup> Sukinapņini aka miri sōmbupņini pakpak Keinan gōlmenōn mala buņa qeba memba malgeri, mi tok mohotņe memba anget. Jeikob aka gwōlōnarōkurupņi pakpak mienōn mewō Ijpt anget.\*

<sup>7</sup> Gwōlōnarōkurupņi pakpak, isimorōurupņi azi aka ambi mi kōrek eņguangita Ijpt anget.

<sup>8</sup> Israel qetņi alaņi Jeikob aka yangō gwōlōnarōkurupņi Ijpt angeri, yeņgō qetņini kewō: Jeikobkō nahōnņi mutukņi Ruben.

<sup>9</sup> Rubengō nahōnurupņi qetņini Hanok, Palu, Hezron aka Karmi.

<sup>10</sup> Simeongō nahōnurupņi qetņini Jemuel, Jamin, Ohad, Jakin, Zohar aka Saul. Saulgō namņi mi Keinan ambi kun.

<sup>11</sup> Liwaigō nahōnurupņi qetņini Gerson, Kohat aka Merari.

<sup>12</sup> Judagō nahōnurupņi qetņini Er, Onan, Sela, Perez aka Zera. (Er aka Onan yetkōn lōk Keinan gōlmenōn kōmuyohot.) Perezkō nahōnyahōtņi mi Hezron aka Hamul.

<sup>13</sup> Isakargō nahōnurupņi qetņini Tola, Puwa, Jasub aka Simron.

<sup>14</sup> Zebulungō nahōnurupņi qetņini Sered, Elon aka Jalel.

<sup>15</sup> Jeikobkō nahōnurupņi anōmņi Leanōn Mesopotemia (Padan Aram) gōlmenōn eņgōmeyōhi, yeņgō qetņini mewō. Bōratņiri Daina mi mewōyōk meyōk. Jeikob aka Lea yetkō isimorōurupņiri mi mewō oyoņda mindirigetka 33 ahōk.

<sup>16</sup> Gadkō nahōnurupņi qetņini Zefon, Hagi, Suni, Ezbon, Eri, Arodi aka Areli.

<sup>17</sup> Asergō nahōnurupņi qetņini Imna, Iswa, Iswi aka Beria. Nenņinaņgō qetņi Sera. Beriagō nahōnyahōtņi qetņiri Heber aka Malkiel.

<sup>18</sup> Labanōn ambi qetņi Zilpa bōratņi Leagō welen ambia malmapkōra waņgiyōhi, yaņōn Jeikobkō nahōnurupņi mewō eņgōmeyōk. Jeikob aka Zilpa yetkō isimorōurupņiri mi mewō oyoņda mindirigetka 16 ahōk.

<sup>19</sup> Jeikobkō anōmņi Reizōlgō nahōnyahōtņi mi Josef aka Benjamin.

<sup>20</sup> Josefkō nahōnyahōtņi Ijpt kantrinōn asuhuyohori, mi qetņiri Manase aka Efraim. Namņiri qetņi Asenat mi Heliopolis (On) taongō jike nup galōm qetņi Potifera yangō bōratņi.\*

<sup>21</sup> Benjamingō nahōnurupņi qetņini Bela, Beker, Asbel, Gera, Naman, Ehi, Ros, Mupim, Hupim aka Ard.

\* 46:6: Apo 7.15 \* 46:20: Jen 41.50-52

<sup>22</sup> Jeikobkö nahönyahötñi Reizölnöñ etkömeyöhi, yetkö qetñiri mewö. Jeikob aka Reizöl yetkö isimoröurupñiri mewö oyoñda mindirigetka körekmakörek 14 ahök.

<sup>23</sup> Dangö nahönñi qetñi Husim.

<sup>24</sup> Naftaligö nahönurupñi qetñini Jaziel, Guni, Jezer aka Silem.

<sup>25</sup> Labanöñ ambi qetñi Bilha böratñi Reizölgö welen ambia malmapköra wañgiyöhi, yañön Jeikobkö nahönurupñi mewö engömeyök. Jeikob aka Bilha yetkö isimoröurupñiri mi mewö oyoñda mindirigetka körekmakörek 7 ahök.

<sup>26</sup> Jeikobkö isimoröurupñi diñdiñi töhön yambuk Ijpt angeri, miengö jañgöñini oyoñda mindirigetka köreknanök könagesö 66 aket. Nahönurupñi yeñgö anömñini mi jañgö miangöreñ qahö toroqet.

<sup>27</sup> Josefkö nahönyahötñi Ijpt kantrinöñ asuhuyohori, mi yahöt. Jeikobkö könagesöurupñi Ijpt angeri, miengö jañgöñini mi mewö oyoñda mindirigetka 70 ahök. Mewö.\*

*Jeikob könagesöurupñi yembuk Ijpt angotket.*

<sup>28</sup> Könanöñ anda mala Jeikobnöñ Juda mutuk melaiba kewö jiyök: “Gi mönö Josefköreñ anda Gosen gölmenöñ anangö könañangöra qesim wañgiman. “Mewö jii möta anda kaiga Gosen prowinsnöñ angotket.

<sup>29</sup> Josefnöñ angotkerangö buzupñi möta jiiga hos karenöñ jöhöba mözözmögögetka qakñe öngöba iwiñi Israelbuk aitonögöbitkö Gosen gölmenöñ anök. Anda eka yañgö jeñe angota böroni imbiñe gili geiga anjum wañgiba nalö köröpñi titipepeni memba urusahöt qeyök.

<sup>30</sup> Israelnöñ Josef kewö jii mörök: “Göñön toroqeba jebuk maljani, mi nanak gekzala nalö kewöñe ölop jöjöröba kömumam.”

<sup>31</sup> Mewö jiiga Josefnöñ darumunurupñi aka iwiñangö könagesöñi kewö jii mötket: “Nöñön mönö Farao kiñgöreñ öngöba keu kewö jibi mötma: ‘Darumunurupni aka iwiñangö könagesöñi Keinan gölmenöñ malgeri, yeñön lök nöngöreñ kaze.

<sup>32</sup> Darumunurupni mienön lama bulmakau galömñini aka mi galöm köl enggiba mal-jeañgöra kabingö aka lama kambuñini, bulmakau kambuñini aka sukinap öröyuaiñini pakpak mi enjuangita kaze.’

<sup>33</sup> Miangöra Farao kiññöñ engoholi jemesoholñe angotketka kewö qesim engima: ‘Inini wani nuwa memakze?’

<sup>34</sup> “Mewö qesim engiiga inini kewö melen wañgime: ‘Welenqegeurupki neñön mönö abu asaurupnini mutuk memba malgerangö dop moröröpnineyök lama bulmakau galöm kölköl nupñi memba mala maljin.’ Mewö melen wañgigetka yañön ölop Gosen prowinsnöñ tatat dumduñini möhamgömegöra oñ jiiga malme. Ijpt ambazip yeñön lama bulmakau galöm kölköl ambazip pakpak yeñgöra mötketka imbilonloninambuk ahakze. “Josefnöñ keuñi mewö jii mötket.

## 47

*Josefnöñ kiñgö jeñe korök.*

<sup>1</sup> Josefnöñ anda Farao kiñgöra kewö jiyök: “Nöngö iwi darumunurupni yeñön lama bulmakau kambuñini aka sukinap öröyuaiñini pakpak memba Keinan gölme mosöta kaba mala dölkö Gosen gölmenöñ kangota malje.”

<sup>2</sup> Yañön darumunurupñi yeñgöreñök azi 5 enjuangita Farao kiñgö jeñe öngöba kingetka engehök.

<sup>3</sup> Engeka kewö qesim engiyök: “Inini wani nuwa memakze?” Mewö qesim engiiga kewö melen wañgiget: “Welenqegeurupki neñön iwiurupninan mutuk malgerangö dop lama bulmakau galöm kölköl nupñi memba mala maljin.”

\* 46:27: Apo 7.14

<sup>4</sup> Mewö jiba toroqeba kewö jiget: “Keinan gölmenöŋ bödi lömbötŋambuk ahözawaŋgöra welenqegeurupki neŋön lama bulmakau kambunini yeŋgöra nene qahö miwikŋainin. Miangöra neŋön gölme kiangöreŋ kusak malbingöra kain. Mewö aiga welenqegeurupki ölop oŋ jiba jim teköm neŋginöŋga nini Gosen prowins miangöreŋ tatat dumdumnini möhamgöbin.”

<sup>5</sup> Mewö jigetka Farao kiŋnöŋ Josef kewö jii mörök: “Iwi darumunurupkan göhöreŋ kaget.

<sup>6</sup> Ijpt kantri ki aukŋe göhö jege ahözawaŋgöra ölop iwi darumunurupki gölme bahöŋi kelökŋi ölopŋi miangöreŋ al enŋinöŋga malme. Ölop Gosen prowinsnöŋ malme. Sutŋine nup qetpuk meme azi tosatŋi maljei, mi möt enŋiman ewö, ölop nöŋgö mirigö sömbup kambuni mi yeŋgö böröŋine al enŋinöŋga galöm köl enŋiba malme.”

<sup>7</sup> Mewö jii möta Josefnöŋ iwiŋi Jeikob Farao kiŋgö jeŋe waŋgita kaiga ehi Farao kiŋ mi kötuatköm waŋgiyök.

<sup>8</sup> Kötuatköm waŋgiiga kewö qesim waŋgiyök: “Göhö yambugi dawik akza?”

<sup>9</sup> Qesim waŋgiiga kewö melenök: “Nöŋön yambu 130:gö dop gölmenöŋ liliköba mala kota maljal. Nöŋgö malmalnaŋgö yambuŋi pakpak mi awamdökŋi aka osikosinambuk aket. Iwiurupnan yambu sehisehiŋi gölmenöŋ liliköba malgeri, nöŋgö yambu qötönan yeŋgöreŋambuk dop mohot qahö akza.”

<sup>10</sup> Mewö jiba Farao kiŋ mi kunbuk kötuatköm waŋgiba jemesoholŋeyök eta anök.

<sup>11</sup> Josefnöŋ iwi darumunŋi mi Farao kiŋnöŋ jim kutuyöhaŋgö dop Ijpt kantrinöŋ al enŋiba Ijptkö gölme bahöŋi kelökŋi ölopŋi kun mi Rameses prowins (Gosen) miangöreŋ enŋiyök.

<sup>12</sup> Josefnöŋ mewöyök iwi darumunurupŋi aka iwiŋaŋgö könagesöurupŋi pakpak mi nenenini anöm-moröurupŋini malgeri, qötö miangö dop dopŋine enŋiba malök.

### *Bödi nalöŋi lömbötŋambuk.*

<sup>13</sup> Bödi ketanŋi mi lömbötŋambuk ahöiga nenenöŋ gölme dop qahöwahiga Ijpt aka Keinan kantri mietkö könagesöŋiran mönö nenegö kömum soholip aka malget.

<sup>14</sup> Mewö mala Josefköreŋ kaba wit padi söŋgöröŋi megetka yaŋön monen pakpak Ijpt aka Keinan kantri uruŋe ahöyöhi, mi tokoba memba Farao kiŋgö jakömbuak mirigö köweŋe alök.

<sup>15</sup> Ijpt könagesö aka Keinan könagesö yeŋgöreŋ monen qahöwak teköiga Ijpt körek yeŋön Josefköreŋ kaba kewö jiget: “Monenŋinan qahöwak teközawaŋgöra göŋön mönö nene neŋgiman. Nene qahö neŋgiman ewö, neŋön mönö göhö jemesoholge kömumbin.”

<sup>16</sup> Mewö jigetka Josefnöŋ kewö jiyök: “Monenŋinan qahöwakzawaŋgöra enŋöreŋ lama aka bulmakau ahözei, mönö mi memba kaba niŋgigetka nöŋön nene enŋiman.”

<sup>17</sup> Mewö jiiga anda lama bulmakaunŋi enŋuaŋgita kaba Josef waŋgiget. Yeŋön hosŋini, lamaanŋini, memenŋini, bulmakaunŋi aka donkiŋini mi enŋuaŋgita kaba nenegö söŋgöröŋa Josef waŋgiba nene memba malget. Lama bulmakaunŋi pakpak mi Josef waŋgigetka yaŋön nene enŋiba mewö mianön yambu mohotkö uruŋe malmalŋini naŋgöiga qahö kömuget.

<sup>18</sup> Qahö kömugetka yambu mianön teköyök. Teköiga yambu dölökŋe dumŋe kunbuk yaŋgöreŋ kaba kewö jiget: “Azi kembunini, monenŋini qahöwakzawaŋgöra könaŋamnini ölni mi göhö jege ölop qahö köyatibin. Neŋgöreŋ lama bulmakaunŋi mi mewöyök gihiinga göhö buŋaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neŋgiza. Miangöra mönö wania kun gihibinak?”

<sup>19</sup> Nini mönö könaŋi wuanöŋgöra göhö jege töndup kömumbinak? Nanini kömuinga gölmeninan mönö wuanöŋgöra öne ahöba apopam köla bölibawak? Miangöra mönö nanini aka gölmenini bohonini memba mianön numbu nene neŋginöŋga nini ölop Farao kiŋgö



welenqeçe omani aHINGA gölmeninan mewöyök yangö buñaya akña. Neñon toroqeba jebuk mala kömumbinbuköra mönö nene kötni neñgiman. Neñginöñga gölme nup wañgiinga öne qahö ahöba gönjañ akña.”

<sup>20</sup> Bödi köhöikni kötökni mianön Ijpt könagesö yembuk ahöyöhangöra yeñon körek mohot mohot nup gölmeñini köröñi mi bohonñinañgöra algetka Josefnöñ Ijpt gölme pakpak mi söñgöröñi meiga Farao kiñgö buñaya ak teköyök.

<sup>21</sup> Josefnöñ Ijpt könagesö miri dop kantrigö jabö teteköñi uruñe malgeri, mi pakpak eñgömeiga gawmangö welenqeçe omani aka malget.

<sup>22</sup> Farao kiñnöñ jike nup galöm yeñgö fotnait töwanini eñgiiga memba mianön malmalñini nañgöba malget. Mewö aiga neneñinañgöra qahö lömböriiga gölmeñini Josefnöñ söñgöröñi memapköra qahö alget. Miangöra jike nup galöm yeñgöreñ gölme mienön mohot kiñ Faraogö buñaji qahö aket.

<sup>23</sup> Josefnöñ könagesö yeñgöra kewö jiyök: “Mötket, nöñon nanñini aka gölmeñini söñgöröñini mem teköbiga Farao kiñgö buñaya akze. Miangöra nöñon nene kötni eñgibiga mi ölop memba gölmenöñ kömötme.

<sup>24</sup> Kömötketka ölni asuhuiga mi mönö kewötketka kambu 5 asuhugetka miengöreñök mohot mohot mi Farao kiñgöra ala wañgiba malmemö, kambu 4 mi kunbuk gölmenöñ kömötmeañgöra aka neneñinañgöra ahöma. Mi nanñini, anöm-moröurupñini aka tosatñi miriñine maljei, mönö eñgö neneñina ahöma.”

<sup>25</sup> Mewö jiiga kewö jiget: “Göñon neñgö malmalnini bödinöhök meköñöñ. Miangöra azi kembuninañgö jeñe ak-kömükömu miwikñaibin ewö, neñon ölop Farao kiñgö welenqeçe omani aka malbin.”

<sup>26</sup> Josefnöñ Ijpt yeñgö gölmegöra jimkutukutu ali ahöba kota ki ohozali, nalö kewöñe mewöyök toroqeba ahöza. Jimkutukutu mi kewö: Nene nupkö ölni mi mönö mendeñgetka kambu 5 aiga miengöreñök mohot mohot mi Farao kiñgö buñaya akñapköra ala malme. Jike nup galöm yeñgöreñ gölme mienön mohot Farao kiñgö buñaji qahö aket.

### *Jeikobnöñ qamötñañgöra Josef qesiiga oñ jiyök.*

<sup>27</sup> Israel yeñon Ijpt gölmegö prowins qetñi Gosen miangöreñ tatat dundumñini memba gölme añgön köla malget. Miangöreñ mala ahumsehip aketka qötöñinan gwötpuk qariyök.

<sup>28</sup> Jeikobnöñ malmalñi yambu 17 mi Ijpt gölmenöñ malök. Malmalñi jömukñañgö yambuñi mi mindiriba 147 ahök.

<sup>29</sup> \*Israelgö kömup nalöñan dopdowiiga nahöñni Josef jii kaiga kewö jii mörök: “Nöñon göhö jege ak-kömükömu miwikñaizal ewö, göñon mönö döлки urukalem kondela keu kewö pöndañ wuatangöba mem yakömangö jiba börögi nöñgö tambuni bapñe ala kewö jim jöhöman: Nöñon kömumbiga qamötñi mi mönö Ijpt gölme kiangöreñ kude löm kölman.

<sup>30</sup> Nöñon kömumba iwi asani yembuk luhut memba ahömami, nalö miangöreñ nöñgö qamötñi mi mönö Ijpt kantrinöhök memba anda iwi asani löm köl eñgigeri, yeñgö qaksiriñine nesim kölman. “Mewö jiiga kewö jiyök: “Jizanañgö dop mi ölop akñam.”

<sup>31</sup> Mewö jiiga iwiñan kewö jiyök: “Keu mi mönö jöjöpañ keunöñ jim köhöim niñgiman. “Mewö jiiga Josefnöñ mi jöjöpañ keunöñ jim köhöiiga Jeikobnöñ mi möta bilipköba nöropñi memba geba öröpñañgö kitipñe ala nariba Anutugö waikñi memba möpöseiyök. Mewö.

## 48

### *Jeikobnöñ Manase aka Efraim kötuatköm etkiyök.*

<sup>1</sup> Nalö tosatñi teköiga Jeikobnöñ kawöl miwikñaiga keu mi Josefköra jigetka mörök. Mi möta nahönyahötni yahöt Manase aka Efraim mi etkuangita iwiñangöreñ anök.

\* 47:29: Jen 49.29-32; 50.6



<sup>2</sup> Aniga tosatjan Jeikobkora kewö jigetka mörök, “Nahöngi Josefnöj mönö gi geknangöra kaza. “Israelnöj keu mi möta ösumji ahöyöhi, mi qezaköba ahöahö dumneyök wahöta tarök.

<sup>3</sup> Wahöta tata Josefkora kewö jiyök: “Anutu kukösum pakpakö Tonji yanön Keinan gölmege Luz miri miangörej nongörej asuhuba kötuetköm ningiba

<sup>4</sup> kewö jiyök: ‘Nöhön ahumsehip ghibiga gwölönarökurupki yengö qötöjnan mönö qariba qariba öngöiga göjön köna gesö kambunji kambunji gwötpuk yengö bömön jalöjina akjan. Gwölönarökurupki köna gesö asuhum öngömei, nöjön gölme ki mi i buja qem engibiga yengö bujanina teteköji qahö ahöm öngöma.’\*

<sup>5</sup> Anutunöj mewö jiyök. Mutuk nöjön Ijpt gölmenöj göhörej qahö kayalangörej anömgan nahönyahötke yahöt Ijpt kiangörej etkömeyöhi, yetkö mönö nongö bujaya akjahot. Manase aka Efraim yetkö mönö Ruben aka Simeon ewö nongö bujaya akjahot.

<sup>6</sup> Mewö ahotka köna gep gölme mesinda yetköra distrik yahöt etkime. Efraim aka Manase yetkö bapjire nahönbörorupki tosatji asuhuger, mienön mönö nange bujaya akje. Yөнön gölme bahöjini buja qem angumei, mi mönö Efraim aka Manase yetkö distrik yahötjiri mietkö uruje ahögetka bohön tonjiri ahotka datyahötjiri yetkö nembö bapjire malme.

<sup>7</sup> Nöhön Mesopotemia (Padan Aram) mosöta lilingöba Keinan gölmenöj kaba Efrata taon dopdowibiga anömnö Reizölnöj kömuiga wösöbirik ketani ahum ningiyök. Kömuiga qamötji mi Efrat anangö köna töwokje löm kölal. Efrat mirigö qetji alani mi Betlehem.”\*

<sup>8</sup> Israelnöj mewö jiba Josefkö nahönyahötji etkeka kewö qesim wangiyök: “Azi moröji yahöt ki danön danön?”

<sup>9</sup> Qesim wangiga Josefnöj iwinangöra kewö jiyök: “Nongö nahönyahötke Anutunöj Ijpt kiangörej ningiyöhi, i mönö mia. “Mewö jiiga Israelnöj jiyök: “Nöhön kötuetköm etkimamangöra i ölop etkuangitnonga nongö kösutne kamahot.”

<sup>10</sup> Mewö jiiga Josefnöj nahönyahötji etkuangita kösutje kagetka böronji giliga imbinjire geiga numbuji yöhötüm neyök. Israelnöj azi namji aiga jeni ömuji köliga yuai kun ek kutumangö tönpin aka osiyök.

<sup>11</sup> Numbuji yöhötüm nemba Josefkora kewö jiyök: “Nöhön mutuk göhö jemesoholgi kunbuk geknangöra qahö al mamböta malalmö, Anutunöj köna mesariga dölkö nangi aka nahönyahötke mewöyök engekzal.”

<sup>12</sup> Mewö jiiga Josefnöj nahönyahötji iwinangö tambuneyök etkömemba simin köla bangöba geyök.

<sup>13</sup> Bangöba geba wahöta nahönyahötji böronjire memba etkuangiriga nanji iwinangö wösöje kayohot. Efraim mi böronji öljän memba Israelgö böronji qanije ala Manase mi böronji qanjan memba Israelgö böronji ölje alök.

<sup>14</sup> Mewö al etkiyökmö, Efraim munji aiga asajan töndup böronji öljän böraja yängö nöropje alök. Manasenöj Josefkö nahönji mutukje ahökmö, asajan töndup böronji qanjan yängö nöropje alök. Mewö aka böronji maripom ewö al kutuba nöropjire alök.

<sup>15</sup> Mewö ala tata Josef kötuetköm wangiba kewö jiyök: “Asani Abraham aka iwini Aisak yetkö Anutugö jeje anda kaba aka memba malohot.

Nöhön asuhuba mala korali,  
Anutunöj mönö nalö miangörej pöndañ köyan köl ningiba mala korök.

<sup>16</sup> Suep garatanöj ni bölonji pakpak miangörejök meköba angön köl ningiba malöhi, yanön mönö azi gwabö yahöt ki kötuetköm etkiba malma.

Ambazipnöj yetkö qetjiri qetketka mianön mönö ni aka iwi asani Aisak aka Abraham nenjö qetbunanini bisiba malmahot.

Yetkö köna gesöjiran mönö gölme qakje önöji qahö sehiba malme.”

\* 48:4: Jen 28.13-14 \* 48:7: Jen 35.16-19

<sup>17</sup> Mewö jiyökmö, Josefnöj iwiñan böröñi ölnan Efraimgö nöröpñe ali mi ehi dop qahö kölīga mianğöra möt böliba iwiñanğö böröñi ölna memba Efraimgö nöröpñeyök meköba Manaseğö nöröpñe almamğö ahök.

<sup>18</sup> Mewö aka iwiñanğöra kewö jiyök: “Iwini, mewö kude aknöh. Morö kianön nahöni mutukñi akza. Mianğöra börögi ölnan mönö yanğö nöröpñe alnöh.”

<sup>19</sup> Mewö jiyökmö, iwiñan mi akñamğö qetala Josef kewö jii mörök: “Nahöni, mi ölop mötzal. Nöhön mi mötzal. Manasenöh mewöyök qetbuñanambuk aiga yanğö gwölönarökurupñan mewöyök ahumsehip aka könagesö ketani akñemö, Efraimgö qetbuñan mönö Manaseğöreñ qetbuña onğita ahöma. Yanğö gwölönarökurupñan mönö ahumsehip ketani aka könagesö kambuñi kambuñi gwötpuk aka malme.”

<sup>20</sup> Mewö jii möriga silim mianğöreñök kötuetköm etkiba kewö jiyök: “Israel yeñön mönö etkö qetñiri qeta könagesöñini kötuetköm enğiba kewö jime: Anutunöh mönö oyaenğoyaen ak enğiiga enñön Efraim aka Manase ewö akñe. “Mewö jiba Manase mi Efraimgö nembö bapñe alök.\*

<sup>21</sup> Israelnöh kötuetköm enğii teköiga Josefköra keu kewö jiyök: “Mötnöh, nöhön kömumamğö akzalmö, Anutunöh embuk mal onğöma. Yanñön mönö enğuanğiriga iwi asaaurupñini yeñğö gölmenöh lilingöba anme.

<sup>22</sup> Mianğöreñ anda sutñine gölme mesinğetka nöhön göhö gölmeği toroqeba Sekem gölme kelökñambuk mi gihizal. Nöhön kukundu gölme mi Amor könagesö yembuk bim qeba nani timbi aka bingö sou ketani mianñön yeñğöreñök meal. Josef gi darumunurupki yeñğö bohonñini akzananğöra mi darumunurupki yeñğöra qahöpmö, göhö buñaya jim teköbi ahöma. “Mewö.

## 49

### *Jeikobnöh nahönurupñi kötuetköm enğiyök.*

<sup>1</sup> Mianğö andöñe Jeikobnöh nahönurupñi enğoholi kagetka keu kewö jiyök: “Inini mönö öröm tokogetka nöhön malmalñine könanğep denöwö asuhumawi, mianğö kezapqetok keuñi indela jibi mötme.

<sup>2</sup> Jeikobkö nahönurupñi, inini mönö kaba tokoba iwiñini Israelğöreñ keu kezap ala mötket.

<sup>3</sup> O Ruben, göñön nani nahöni mutukñi akzan.

Göñön nönğö ösum-mumuni aka ambi membiga ösumnanğö ölni mutukñi asuhunöh. Qetbuñagahö aködamunñi aka kukösumñi mianñön mönö munurupki yeñğöreñ enğonğitza.

<sup>4</sup> Luhutnöh köwet siri kunduriga kalöpmalöp anda kamakzawi, göhö urugan mönö mianğö dop wahöri kalöpköba lan anda kamakzan.

Göñön iwigi nönğö ahöahö dumne onğöba qömböñne qeba anömnambuk ahönönğa dum mianñön mönö anğöjörakñambuk aka tölohoyök.

Mianğöra göhö qetbuñagahö aködamunñan mönö munurupki qahö toroqeba enğonğita ahöma.

<sup>5</sup> Simeon aka Liwai yetköñ darumuna akzahot.

Yetkö timbi lingip nupñiran mönö kegwek kahasililin kondorakza.

<sup>6</sup> Yetköñ irimsesewöl qakñe azi enğuyohot kömugetka öne töhön sihimñanğöra bulmakau aziñi mienğö köna börö yuaiñini lan enğum yandiyohotka porin aket.

Mianğöra yetköñ keu goro jöhömakzahori, nöhön miambuk urumohot qahö ahakzal.

Totoko almahori, nöhön mianğöreñ yetpuk qahö toroqeba tatmam.

<sup>7</sup> Urukazikñiran könöpñambuk akzawanğöra i jim qesuahöm etkizal.

Urusinğokñiran kanjamñambuk akzawanğöra i jim jörahöm etkizal.

Nöhön könagesöñiri könder enğibiga yeñön Jeikobkö gölme dop köla anme.

Nöhön menden enğibiga yeñön Israel sutñine lan lalöpköba malme.

\* 48:20: Hib 11.21

8 O Juda, göhö darumunurupkan gi möpöseim gihiba malme.  
Göhö börögan mönö kerökurupki yeŋgö imbi jölŋine tatma.  
Iwigahö nahönurupŋi yeŋön mönö göhöra geba simin köla malme.

9\* O Juda, göŋön laion gwaböŋi ewö maljan.  
O nahöni, gi böröjan suhuba sömbup qem nemala miangöreŋök lilingöba kasan.  
Yaŋön laion ewö silenŋi al kötöteiba laion ambiŋi ewö eta köla ahömakza.  
Körekŋan i suahö aka utuba möndöbingö keŋgötŋini mörakze.

10 Kukösumgö aiwesökŋi mi kunŋan Juda yeŋgö böröŋineyök qahö enġuanġitma.  
Azi kembugö öröpŋan könaŋi sutŋire kiniga kunŋan mi qahö qeköma.  
Nanŋi aka gwölönarökurupŋan jakömbuak dumŋe tata mal öŋgögetka könaŋep kunöŋ  
asuhuiga könagesö kambuŋi kambuŋi yeŋön yaŋgö jitŋi tem köla malme.

11 Yaŋön donŋiŋi wain ip kambaŋe jöhöi kinma.  
Donŋiŋi moröŋi mi wain kösö sutŋire gwaröhöiga ahöma.  
Yaŋön oponŋi mi wain onŋan saŋgoŋma.  
Malukuŋi mi wain kötŋangö sepŋe kusahöla közöhölma.

12 Wain o neiga jeŋan wain onŋi ewö pisihiba injaŋ kölma.  
Juzu onŋi neiga jitŋan juzu onŋi ewö tuarima.

13 Zebulun könagesö yeŋön köwet jitŋe malme.  
Yeŋgö gölmenöŋ waŋgenŋi waŋgenŋi surumakŋe.  
Gölmeŋinaŋgö jaböŋi mianöŋ mönö Saidon taonöŋ göröken anda ahöma.

14 Isakar mi donŋi sihitŋi kotkotŋi miangö dop akza.  
Donŋi qakŋe dum tatatkö gösöŋi yahöt mietkö sutŋire al kötöteiba lokoliba sölonŋa  
ahömakza.

15 Lokoliba sölonŋa luhut memba ahöiga dum miriŋi mi ölop dop köliga gölmeŋan  
sihim kötökŋi akŋa.  
Mi eka andöŋi yuai lömbötŋi anġumamgöra sipköba geiga tosatŋan welenqeŋe nup  
memapköra kuŋguba jöhöm waŋgime.

16 Tosatŋan Dangö könagesöurupŋi mulumgöm enġigetka Dan yaŋön mönö awörök  
aka keu diŋdiŋangöra bim qeba malma.  
Dan kambu yeŋön Israalgö kambu tosatŋi i ewö aka malme.

17 Dan yaŋön qatö mokoleŋ ewö könanöŋ ahöba hosgö gwakötŋe yöhöiga töwöratiba  
giliga qakŋe tatmawaŋön mönö tala andöandö gölmenöŋ gema.

18 O Kambu, göŋön ni kösö gwarönöhök meköba anġön köl niŋimangöra uba  
mambörakzal.

19 Kegwek kahasililiŋ kambu yeŋön Gad könagesö enġum ohoba malmemö,  
Gad yeŋön mönö melenŋa könaŋine enġuataŋgöba nanŋini enġum ohoba malme.

20 Asergö gölmenöŋ nene möriam gwötŋuk asuhumakŋa.  
Kiŋ yeŋön nene nahömŋinambuk nemakzei,  
yaŋön mönö nene mewöŋi mi gölmeŋe kömöt sehiba mianöŋ tosatŋi bauköm enġiba  
malma.

21 Teunöŋ sihimŋangö dop ösumŋan laŋ lalöpkömakzawi,  
Naftalinöŋ mönö miangö dop aka moröurupŋi enġeksihimŋinambuk enġömemba malma.

22 Wain ip o jeŋangö kösutŋe kömötketka kötŋi gwötŋuk kuŋguba böröŋi giliga anda sel  
qösököba yaigep anakzawi,  
Josefnöŋ mönö miangö dop akza.

23 Yaŋgö kerökurupŋan timbi jaugemŋini memba urukönöp qakŋe Josefkö kambu mi  
enġuataŋgöba enġeriba enġum ohoba malme.

24 Mewö malmemö, Jeikobkö bemŋi Anutu kukösumŋambuk yaŋgö böröŋan mönö  
mem köhöim waŋgiiga

\* 49:9: Jaŋ 24.9; Ind 5.5

yañön timbi töhötni qahö mosöta börö sihitni kakni qahö qeiga malma.  
Anutu yañön mönö urugö lama galömni aka Israelgö anğönkölköl Toñi akza.

<sup>25</sup> Iwigahö Anutuñan mönö bauköm gihibi malma.

Bem kukösum pakpakö Toñan mönö kewö kötuetköm gihiiga malman:

Kiegö kötümötuetñan mönö könakembayök göhöreñ eriga gölme dutni emuyangö onan göhöreñ koriga nahönbörat aka sömbup gwötpuk miwikñaim engiba malman.

<sup>26</sup> Kunduñi kundunji miengö kötümötuetñinan nalöni nalöni ambazip dop köl engii mala kotket.

Kunduñangö sörokñe yambu dop nene nupñini memba malgetka nene möriam asuhui mala kotketmö,

göhö iwigahö kötümötuetñan mönö mi pakpak ongitza.

Kötümötuet miengön mönö Josefkö nörop qakñe öngöme.

Darumun sutñine pom jembon tök-kutukutuñi akzawangö malmalñe mi pakpak mönö ahöm öngöme.

<sup>27</sup> Benjamin mi kiam kalñi ewö akza.

Söñan dop böröjan suhuba sömbup enguba nem gwahöt engimakza.

Silimnön yuai kiom qemakzawi, mi sunğem dop mendenmakza. “Mewö.

<sup>28</sup> Israelgö kambu pakpak jañgöñini 12 mi mewö. Iwiñinan kötuetköm engiba keu mewö mewö jiiga mötket. Kötümötuetñini murutñi murutñi mi nannök nannök menden da körek kötuetköm engiyök. Mewö.

### *Jeikobnön kömuyök.*

<sup>29</sup> Kötuetköm engiba kindi keu kewö jim kutum engiyök: “Anutunön mönö noñgiri nöñön isik alaurupnan kömugeri, yembuk toroqemangö akzal. Nöngö qamötñi mi mönö iwiurupni yeñgö qöhöröñine bañet Hit azi Efrongö gölme köröñe ahözawi, miangören löm köl niñgime.

<sup>30</sup> Bañet mi Keinan gölmenön Makpela gölme köröñe Mamre kösutñe ahöza. Abrahamnön gölme köröñi bañetñambuk mi isikninangö qaksirinji ahömapköra Hit azi qetñi Efron yañgörenök söñgöñi meyök.\*

<sup>31</sup> Abraham aka anömni Sara mi bañet miangören löm köl etkiget. Mewöyök Aisak aka anömni Rebeka mi miangören löm köl etkiget. Nöñön toroqeba Lea miangören löm köl wangial.\*

<sup>32</sup> Abrahamnön gölme köröñi bañetñambuk mi mutuk Hit yeñgörenök bohonni meiga ahöza.”

<sup>33</sup> Jeikobnön nahönurupni keu mewö jim kutum engim teköba könayahötñi öroi ahöahö dumnön öngöiga nöñ qeba kömuiga Anutunön wangiri isik alaurupni yeñgören toroqeyök. Mewö.\*

## 50

### *Jeikob löm kölget.*

<sup>1</sup> Jeikobnön kömuiga Josefnön luhuba iwiñi kepölaköm wangiba lipköba anda imbiñi gili geiga numbuñi yöhötüm neyök.

<sup>2</sup> Miangö andöñe Josefnön doktaurupni jimkutukutuñangö bapñe malgeri, mi iwiñangö qamötñi sile mem köhököhöi kelöknön mirimegöra jim kutum engiyök. Jim kutum engiiga yeñön Israelgö qamötñi mewö ak wangiget.

<sup>3</sup> Nup mi memba malgetka wehön 40 jömuk teköyök. Qamötñini kelöknön mirizema, miangö nupñi mi nalö köröñi mewö memba maljema. Ijipt könagesö yeñön Jeikobköra wehön 70:gö dop jinğen köla sahöta malget.

\* 49:30: Jen 23.3-20 \* 49:31: Jen 25.9-10 \* 49:33: Apo 7.15



<sup>4</sup> Sahöta jinjen köla wösöbirik malgerangö nalöni mianjön teköiga Josefnöy Farao kingö jakömbuak mire nup memba malgeri, yeŋgöra keu kewö jiyök: “Nöŋön enjö jeŋine ak-kömukömu miwikŋaial ewö, inini mönö nöŋgö jitne memba Farao kingöra keu kewö jigetka mötma:

<sup>5</sup> \*Iwinan jebuk mala keu kewö jöhöba jöjöpän keunöŋ jim köhöimamgöra jim kutum niŋgiyök: ‘Nöŋön kömumamgö akzal. Ni nanangöra köt kötenj Keinan gölmenöŋ esibi kinjawi, nöŋgö qamötŋi mi mönö mianjörenj anda löm kölman.’ Mianjöra ölop merak jinöŋga nöŋön mianjörenj anda iwinangö qamötŋi löm kölagun kunbuk lilingöba kamam.”

<sup>6</sup> Mewö jii jigetka Farao kinjöŋ mi möta kewö jiyök, “Gi iwigahöra keu jöhöba jöjöpän keunöŋ jim köhöinöŋi, mianjö dop ölop anda iwigahö qamötŋi löm kölman.”

<sup>7</sup> Mewö jiiga Josefnöy iwinangö qamötŋi löm kölmamgöra öŋgöyök. Farao kingö jembonurupŋi qetbuŋaninambuk pakpak, jakömbuak mirinangö aka Ijpt kantrigö jitne memeurupŋi qetbuŋaninambuk mi körek yambuk mohotŋe anget.

<sup>8</sup> Josefkö mirigö saiwaurupŋi körek pakpak, yangö darumunurupŋi aka iwinangö könagesöurupŋi yeŋön mewöyök mohotŋe anget. Anöm-moröurupŋini, lama, meme aka bulmakau kambuŋi kambuŋi miyök mönö enjömosötketka Gosen gölmenöŋ tatket.

<sup>9</sup> Hosgö karenj karenj aka azi hos qakŋine tatkeri, mi mewöyök anget. Mewö mindiriba kambu keta bölökŋi anget.

<sup>10</sup> Anda mala Jordan o kutuba likepŋe toroqeba anda Atad mire wit padigö ölnj aka kamböŋi mendenja kewötkeri, miri gölme mianjörenj angota köhöikŋanök jinjen köla silata sahöt böliba malget. Josefnöy iwinangöra wehön 7:gö dop jinjen köla sahöta malök.

<sup>11</sup> Atad mire jinjen köla sahötketka gölme tonj Keinan könagesö yeŋön mi eka möta kewö jiget, “Ijpt yeŋön jinjen sahötkö arenj öŋgöŋgöŋi alje. “Mewö jigetka miri gölme mianjö qetŋi mi könahiba Abel Mizraim \* qetket. Mi Jordan ogö wehön kotkotŋe ahöza.

<sup>12</sup> Jeikobnöŋ nahönurupŋi jim kutum enjyöhi, yeŋön mianjö dop mewö ak wangiget.

<sup>13</sup> \*Yeŋön qamötŋi anguba Keinan gölmenöŋ anda Mamre kösutŋe Makpela gölme köröŋe baŋet ahözawi, mianjörenj anda löm kölget. Abrahamnöŋ mutuhök gölme köröŋi baŋetŋambuk mi qaksirinjini ahömapköra Hit azi Efron yangörenök söŋgöŋöŋi meyök.

<sup>14</sup> Josefnöy iwinangö qamötŋi löm köli teköiga nannj, darumunurupŋi aka tosatŋi pakpak yambuk iwinangö qamötŋi löm kölbingö angeri, mienjön kunbuk Ijpt gölmenöŋ lilingöba kaget. Mewö.

### *Josefnöy likepŋi qahö melenjamgö kunbuk jiyök.*

<sup>15</sup> Josefkö darumunurupŋan iwinan kömuiga mi eka tata kewö mötmöriba jiget: “Josefköra silik bölöŋi pakpak ak wangini, yanjön mianjöra urukondum möt neŋgiba nalö kewöŋe könahiba likepŋi melenj neŋgibapuk.”

<sup>16</sup> Mewö jiba Josefköra keu jit kewö algetka anök, “Iwigan kömumamgö aka neŋgöra keu kewö jim kutuyök:

<sup>17</sup> ‘Inini mönö Josefköra keu kewö jigetka mötma: Darumunurupkan silik bölöŋi aka ayuhum gihibingö akeri, göŋön mönö yeŋgö siŋgisöndokŋini aka kahasililinjini mi mosötman. Mianjöra göŋön ölop iwigahö Anutunangö welenqeŋeurupŋi neŋgö siŋgisöndoknini mosötman. “Yeŋön keu jit mi algetka Josefköŋe kaiga möta mönö qeta sahörök.

<sup>18</sup> Mianjö andöŋe Josefkö darumunurupŋan nannjak kaba gölmenöŋ tala wösöŋe sipköba eta kewö jiget: “Mötnöŋ, nini göhö welenqeŋeurupki omanj akzin.”

<sup>19</sup> Mewö jigetmö, Josefnöy melenja kewö jiyök: “Mönö keŋgötŋini kude mötme. Nöŋön Anutugö salupŋe qahö kinjal.

\* 50:5: Jen 47.29-31 \* 50:11: Abel Jinjen sahötkö arenj. Mizraim Ijpt. Hibru keu mewö. \* 50:13: Apo 7.16



<sup>20</sup> Ölja, enön silik bölöñan ayuhum niñgibingöra kapañ köla aketmö, Anutunöñ mi möñaiiga salupñe yuai ölöñi asuhumapköra kapañ köla ahök. Mewö aka kondota kuñgum niñgiiga könagesö gwötpuk engö malmalñini jöhöbiga miangö ölñan nalö kewöñe aukñe asuhuiga ek kutuzin.

<sup>21</sup> Miangöra mönö kenğötñini kude mötket. Nöñön mönö nanñini aka anöm-moröurupñini engö malmalñini körek nanğöm engiba malmam. “Mewö jiba bölöñamñinañgö likepñi qahö melenmamgö kunbuk jim köhöiba guñböjñöñ ak engiyök. Mewö.

*Josefnöñ kömuyök.*

<sup>22</sup> Josefnöñ iwiñañgö könagesöurupñi yembuk toroqeba Ijpt gölmenöñ malget. Josefnöñ mal öñgöiga yambuñi 110 aiga kömuyök.

<sup>23</sup> Josefnöñ isi amböurupñi Efraimğöreñök asuhugetka mi engehök. Mewöyök Man-asegö nahönñi Makir yañgö nahönböraturupñi asuhugetka Josefkö tambuñe al engigetka dohongöm engiyök.

<sup>24</sup> Miangö andöñe Josefnöñ darumunurupñi yeñgöra keu kewö jii mötket, “Nöñön kömumamgö akzalmö, Anutunöñ mönö köyan köñ engiiga malme. Yañön inini gölme kiangöreñök enğuañgita gölme Abraham, Aisak aka Jeikob yeñgö buñañina akñapköra jim teköba jöjopañ keunöñ jim köhöiyöhi, mönö miangöreñ anda malme.”

<sup>25</sup> \*Mewö jii mötketka Israelgö nahönurupñan keu jim jöhöba jöjopañ keunöñ kewö jim köhöimegöra jim kutum engiyök: “Anutunöñ köyan köñ engii malgetka nöñön kömumbiga nöñgö sihitni mi mönö gölme kiangöreñök añguba Keinan gölmenöñ anme.”

<sup>26</sup> Mewö jiba yambuñi 110 aiga kömuyök. Kömuiga Ijpt miangöreñ qamötñi mi sile mem köhököhöigö kelökñan miriba qamöt bokisñöñ algetka ahöyök. Mewö.

---

\* 50:25: Eks 13.19; Jos 24.32; Hib 11.22

## RUT

### Rutkö sundutji, Jöjöhö Walakñangö Buk jañgö 8

#### Zöm-asa-asari

Aiwi kembu yengö nalöñe Israel yengö malmalñini mihi öngöwa hetañanguk. Uruñini melengetka oyaenköyaen malgetnön, miangö andöñe silekmalek malgetka heta heta sohoiga lömböt uruñe simbisembel malget. Mala miangö andöñe uruñini melenget. Mewö mewö hala malget. Rutnön nalö miangören luaikö könani kundelök. Moab anbi yangön Israel aiwia meyök. Aiwi miangön komuiga Rutnön iranñi Israel anbi yanguk pöndañ örörön jöhöwa Israelkö Anutuñi törörök qekötahöwa malök. Mewö mala kantrinñi Moab mosota Israel uruñe kamba teteköñe apñi mutukñangö tinitosolomurupñi yengö sutñineyök aiwi dölökñi kun miwikñaiwa meyök. Yetkö gulinarökñiri kunön kiñ Deiwidkö amböñi halök. Deiwid yangön Israel yengö kiñini qetbuñani öngöñgöñi malök. Deiwidkö gulinarökñi kun mihi Jisös. Rutnön yambu 1110-1100 bifo Kraist malök.

Aiwi kembu buk miangö sundutji mienön malmalkö könani miewö kundelget: Anbazipnön Anutu andö qegetka nalö miangören kahasililin köndenmönden ketanjan qakñine öngöget. Rutkö sundutñan köna miewö kundelja: Kian anbi yangön uruñi Israelkö Anutukören melenja mötnarip könagesönön toroqeiga kötümötuettön qakñe öngöiga oyaenköyaen halök.

**Buk muyangö bahöñi bohonñi 3 miñgi miewö:**

- 1) Naominön Rutkuk Betlehem lilingöyöwöt. 1.1-22
- 2) Rutnön Boazkuk aitonöyöwöt. 2.1-3.18
- 3) Boaznön Rut mihi anömña meyök. 4.1-22

*Elimelek hala saiwaurupñi yengön Moab anget.*

<sup>1</sup> Walahok Israel uruñe kiñ kun qahö maliga aiwi kembu yangön könagesö galim köl engiwa malget. Nalö miangören bödi hikñaiwa balön patpat söp köla ahöyök. Bödi nalö miangören Juda aiwi kunön anömñi hala nahönweitñi engangita taonñini Betlehem mosota kantri qetñi Moab miangören anda dum tatatñini möhamgöwa kiana malget.

<sup>2</sup> Aiwi qetñi Elimelek, anömñi qetñi Naomi hala nahönweitñiri qetñiri Malon hala Kilion. Balönñini qetñi Efrata. Yengön taonñini Betlehem mosota Moab balönñön anda miangören malget. \*

<sup>3</sup> Miangören malgetka Naomikö apñi Elimeleknön komuyök. Komuiga Naominön anbi malöya hala nahönweitñe malget. <sup>4</sup> Nahönweitñi yetköñ mala qariwa Moabkö anbi weit qetñiri Orpa hala Rut †

<sup>4</sup> miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balönñön yambu 10:gö söp mala kutket.

<sup>5</sup> Mala kuta nahönweitñi weit Malon ‡ hala Kilion yetköñ mewöyök komuyöwöt. Komuyöwötka namönñiri Naomi yangön apmeröñi qahö nanñök malök. Mewö.

*Naomi hala Rut yetköñ Betlehem lilingöyöwöt.*

<sup>6</sup> Naominön nanñök Moab kantrinön mala nalö kunön buzup keu miewö zöget mörök: 'Kembunön könagesöñi bauköm engiwa Israel miangören numbu nene ölip miwikñaim engimamja.' Mewö möta Moab mosota Israel balöñe lilingöwa anmamgöra mem mözözöm hali iranweitñi yetkuk wahötket.

\* **1:2:** Efrata mihi balön Betlehem liliköwa ahözawi, miangö qetñi. Rut 4:11; Jen 35:19; 1 Sml 16:18; Mai 5:2 † **1:3:** Rut keu miangö könani mihi 'ala-ala'. Jisöskö ambösakonurupñi yengö sutñine anbi ‡ **1:5:** Malon keu miangö könani mihi 'osumeret aiwi'

<sup>7</sup> Wahöta köhöm balöŋ malöhi, mihi mosota Juda balöŋnöŋ lilingöwa anmamgöra haliga iranweitŋi yetkuk mohotŋe könanöŋ anget.

<sup>8</sup> Könanöŋ andaga Naominöŋ iranweitŋi miewö etkezöyök: “Anbiweit, etkön mönö lilingöwa namönweitŋiri yetkö köhömnöŋ anda malmawöt. Etkön nöŋgö apmeröni komugeri hala ni nengöra ölipŋanök ala hal nengiwa malöwötka Kembunöŋ mönö miangö söp likepŋi melenŋa ölipŋanök hal komum etkiiga malme.

<sup>9</sup> Kembunöŋ ölip köna meiga injiri aiwi kunduk etkömimba malmal tatatŋiri yetkö köhömnöŋ miwikŋaiwa urusösöŋgai qakŋe malmawöt.” Mewö zömba numbuŋiri etköhötüm neyöknöŋ, yetkön amburereŋ hala silata sahöröwöt.

<sup>10</sup> Sahöta miewö zöyöwöt: “Qahöwi! Niri mönö gowuk lilingöwa göhö könagesö kiripki yengöreŋ anbin.”

<sup>11</sup> Mewö zöyöwötka melenŋa miewö etkezöyök: “O iranweitni, mönö nöpaköra noŋguk kambitkö halzawöt? Nöŋgön kunduk merö nahönweit membiga qariyöwötka etkömembawörak me? Mewö römöŋgöwawörak ewö, miangön qahö söpköza. Qahöpmahöp! Mönö dölmuhu lilingöwa anmawöt.

<sup>12</sup> Ni anbi namönŋi halzalaŋgöra aiwi kunŋan qahö nömima. O iranweitni, etkön mönö lilingöwa köhömnire anöwöt. Ni kunduk aiwi memangö römöŋgöwa erap sunŋem aiwi kunguk ahöwa köriŋguk hala nahönweitni etkömembilenŋak ewö, tondup mihi lömböriza.

<sup>13</sup> Merö mietkön qariyöwötka apweitŋira etkimangö mamböta malmawörak me qahöpto? Yetköra hala aiwi memekö könaŋiri jöhöm anŋuwa nalö köripŋi sutŋi mihi mönö in malmawötkuk. Miŋgi qahö söpköza. O iranweitni, mewö qahö. Kembunöŋ birinŋi böraŋda qeköm niŋgiiga apnan komuiga miangöra malmalninan lömböriiga nöŋgön etköra wösöjŋiŋiŋni mötzal.”

<sup>14</sup> Mewö zöiga dumŋe kunduk silata sahöröwöt. Sahöröwöt teköiga Orpanöŋ iranŋaŋgö yaizözökŋi zömba numbuŋi yöhötüm nempa elenŋa köhömnje anök. Orpanöŋ anöknöŋ, Rutnöŋ kapaŋ köla sele köpaŋe mösölatiyök.

<sup>15</sup> Mewö mösölatiiga Naominöŋ miewö ezöyök: “Mötnöŋ, kasungan anja. Yaŋgön nanŋi bemŋi hala nanŋi anbazip kiripŋi yengöreŋ anja. Gi mönö mewöŋanök elenŋa köhömge anöŋ.”

<sup>16</sup> \*Mewö zöyöknöŋ, Rutnöŋ tondup miewö melenŋök: “Ni gi gomosotmamgö de kapaŋ köla zöman. Ölip zönöŋga gowuk anbit. Gi denike denike anmani, nöŋgön mönö mewöyök gowuk miangöreŋ anmam. Gi denike denike malmani, nöŋgön mönö mewöyök miangöreŋ malmam. Göhö anbazip kiripki miŋgi mönö nöŋgö anbazip kiripna halgetka göhöreŋ Anutu mihi mönö nöŋgöreŋ Anutuya hali malmam.

<sup>17</sup> Gi denikeaŋgöreŋ komumani, nöŋgön mönö mewöyök miangöreŋ mohok komumbi löm köl niŋgimeköra mötzal. Keu mihi miewö zöm köhöimam: Komup mohotnöŋ mönö mendenetkima. Iwai mörötŋi kunöŋ mendenetkima ewö, Kembunöŋ ölip miangö likepŋi melenŋiga nöŋgö qakne öŋgöma.”

<sup>18</sup> Mewö zömba yaŋguk anmamgö köhöikŋanök kapaŋ köliga ekta möt qitiwa miangö keuŋi kunduk qahö zöyöknöŋ,

<sup>19</sup> mohotŋamŋire anda mala Betlehem taonöŋ kauröwöt. Kauröwötka taongö anbazip patpat yengön i etkeкта sösöŋgai ketanŋi möta tokoget. Anbi yengön qeta Naomikö yaizözökŋi miewö zöget: “Hei! I halakŋa Naomiya me denöwö? Oe oe oe!”

<sup>20</sup> Mewö zögetka Naominöŋ miewö zöyök: “Nöŋgö qetni Naomi miŋgi in de qetme. Ni urusösöŋgai anbia qahö. Anutu kukosum Touŋan mönö kondot niŋgiiga urukombuk möta malzal. Miangöra nöŋgö qetni Mara qetketka söpköma. §

\* **1:16:** Rut 2.11-12; 2 Kin 2.2-6    § **1:20:** Qet weit mihi Hibru keu könaŋiraŋguk. Naomi urusösöŋgai. Mara urukombuk.

<sup>21</sup> Nöngörej iwai kombunji ahöiga mutuk taon muhu mosota analnön, erap Kembunön nanjiriga biribörak lilingöwa omanje kazal. Kembu kukosum Toujan keuni kewöta mem kirehöm ninggiiga könjilin qakne malzal. Miangöra qetni Naomi mihi in de qetme.” Mewö.

<sup>22</sup> Naomi hala iranji Rut, Moab anbi mianön Moab mosota Betlehem taonön kayöwöri, nalö miangörej anbazipnön könahiwa padikö alanji bali mingi nupnine koholget.

## 2

### *Rutnön Boazkö nupnön bali qendanök.*

<sup>1</sup> Naomikö apni Elimelekö isik uruje tinitosolomni aiwi qetbunjanjuk kun qetni Boaz malök.

<sup>2</sup> \*Nalö kunön Moab anbi Rut yangön iranji Naomikö miewö ezöyök: “Ölip zöm tekönönga nöngön nup kunön anda anbazip bali ipni kohola iriremönni mosoramjei, mihi qendaña tokomam. Ni ölip aiwi kungö jeje eksihim miwikñaiwiga ‘On!’ zöiga ölip yangö andöje anda mihi tokomam.” Mewö zöiga Naominön zöyök: “O bōratni, ölip anman.”

<sup>3</sup> Mewö zöiga mosota nup kun dahörej nuwa, mihi qahö mötaga tondup lan anda kinda bali koholgetka yengö andöjine anda ipni mohok mohok qeqelanlan heta ahögeri, mihi qendaña qendaña anök. Nup körije anöhi, mihi Boaz, iranji Elimelekö isiknöhök kun yangörej nuwa ahöyök.

<sup>4</sup> Yangön dölmuhu Betlehemök kauta nup anbazipni engeikta yaizözökñini miewö zöyök: “Bōnjōñ! Kembunön enguk malma.” Mewö zöiga melenña miewö qetket: “Kembunön mönō kötuetkōm gihima.”

<sup>5</sup> Mewö qetketka Boaznön nup galimni miewö qesiyök: “Anbi mihi dahön?”

<sup>6</sup> Mewö qesiiga miewö melenök: “Anbi mihi köriwengöra. I Naomiguk Moab kantrinöhök kayöwöt.

<sup>7</sup> Yangön söñan hömandiñe kamba qesim ninggiiga ölip zömbiga nup anbazip yengö könanjine engohorata bali ipni qendaña tokoza. Nup pōndañ memba malzawa döldimuhu koumnön endu anda luhut memba tatza.”

<sup>8</sup> Mewö melenñiga Boaznön Rutköra miewö zöyök: “Bōratni mötnön, nöngön keu goroya kun gihimam: Gi nup muhu de mosota tosatni yengö nupnine qahö anda bali memba tokoman. Mönō nöngö welenqeje anbiurupni yenguk mohotje muyangörej qendaña malman.

<sup>9</sup> Ni nup aiwiurupnan gömisiriweküköra sonjo halzal. Nup denike denike anda padi koholmei, gi mönō miangö jegalim hala yengö andöjine anda anbi yenguk malman. Ougangö mötman ewö, welenqeje yengön ou köwōranjenön huzei, ölip miangörej anda ou neman.”

<sup>10</sup> Mewö zöiga Rutnön mihi möta balöñnön gewa bamgöwa Boazköra miewö zöyök: “Ni denöwököra kian mala tondup göhö jeje halkomukomu miwikñaiwiga mewö köyan köl ningizan?”

<sup>11</sup> Mewö zöiga miewö melenök: “Nöngön göhö ambamemegangö sundutni mihi körek zögetka mötzal. Göhön apkan komuiga irangi ölip galim köla mala kutnön. Göhön namönmamgi hala hikñaihikñai kantrigi mihi mosota anbazip walak qahö möt nenginöni, nengö sutnine kamba malzan.

<sup>12</sup> Göhön saiwaurupki ölipni hal enginönga Anutu Israel nengö Kembuninan mönō miangö töwanji gihima. Kuruknön ginginjan meröurupni kölközizip hal engimamjawi, miangö söp göhön Anutukö aumne malmamgöra muhu kanön.”

<sup>13</sup> Mewö zöiga Rutnön miewö melenök: “Ketanjamni, ni göhö nup meme anbiurupki yengö söp qahöpnön, göhön tondup ölipni hal ningizan. Göhön keu nungunönga seleni pösatza.” Mewö melenök.

\* 2:2: Lew 19.9-10; Dut 24.19



<sup>14</sup> Numbu nene nalöñan kaiga Boaznöñ Rutköra muewö zöyök: “Ölip muhu kamba bered munju memba kasaknöñ kundumgöwa neman.” Mewö haliga nup anbazip yenguk tariga Boaznöñ bali ohomqitiqitiñi mihi wañgiyök. Mihi wañgiiga neiga tomenji juliga nene tosatñi mosota tarök.

<sup>15</sup> Tata wahöta anda toroqemba bali ipñi qendañniga Boaznöñ nup aiwiurupñi muewö zöm qitim engiyök: “Yañgön bali ipñi mihi böran miengö sutñine miangöreñ mewöyök qendañda tokoma ewö, iñini mönö keu töhöreñ de zöm wañgime.

<sup>16</sup> Mewö qahöpnöñ, bali ipñi tosatñi mihi böranñineyök mewöyök höröwa halget heriga kamba nanñangöra mem tokoma. Iñini i de zöm wañgime.”

<sup>17</sup> Mewö zöm qitim engiiga Rutnöñ bali ipñi qendañda tokoi öngöiga hölñi hala kamböñi mendeñ etkimamgö sapak kerinanguknöñ humba qöröreñgöwa gösiiga hölñi gösö karömbötkö söp (36 lita) haliga köhöm siñsiñgöwa kayök.

<sup>18</sup> Mewö haliga bali hölñi mihi memba taonöñ lilingöwa kamba dawik qendañda malöhi, mihi iranñi kundel wañgiyök. Miangö andöñe nene söpñe memba tosatñi mosoröhi, mihi mewöyök ujeta wañgiyök.

<sup>19</sup> Mihi wañgiiga muewö qesim wañgiyök: “Gi erap denike anda bali qendañda memba malzan? Dahö nup uruñe nup memba malzan? Aiwi galim köl gihizawi, Anutunöñ mönö i kötuatköm wañgima.” Mewö zöiga dahö nupnöñ nup memba malöhi, yañgö sundutñi Naomiköra zömba muewö zöyök: “Ni erap aiwi kunguk nup memba malzali, yañgö qetñi mihi Boaz.”

<sup>20</sup> \*Mewö zöiga Naomikö elemñi heriga muewö zöi mörök: “Kembunöñ mönö Boaz kötuatköm wañgima. Kembunöñ hal komum nengimamgö keu jöhöyöhi, miangö söp mönö pöndañ apmeröurupnan komugeri hala nini erap muhu malzini, nengöra halko-mukomuñi qahö jöhöwa malza.” Toroqemba keu muewö zöyök: “Aiwi mihi nanini tinitosolomnina hala isikninangö sohopñi meme aiwia. Miangöra yañgön mönö ölip galim köl nengima.”

<sup>21</sup> Mewö zöi möta Moab anbi Rutnöñ muewö zöyök: “Keu kun toroqeba muewö zöi mötzal: ‘Gi mönö nöñgö nup meme anbazip yenguk nömtik malnöñga nöñgöreñ bali patpat mihi kohol teköme.’ ”

<sup>22</sup> Mewö zöiga Naominöñ muewö zöyök: “O böratni, mihi ölip. Gi tosatñi yengö nup köriñine anöñga silik kirekñi hal gihiwekuk. Miangöra gi ölip Boazkö nup meme anbi yenguk anda nup memba malman.”

<sup>23</sup> Mewö zöiga Rutnöñ Boazkö nup meme anbi yengö kösutñine nömtik mala hölñi qendañda tokowa maliga bali hala wit mietkö koholkohol nalöñiran teköyök. Teköiga toroqemba iranñi Naomiguk malöwöt. Mewö.

### 3

#### *Rut hala Boaz yetkön bali nupnöñ aitöñgöyöwöt.*

<sup>1</sup> Nalö tosatñi teköiga Naominöñ iranñi Rutkö muewö zöyök: “O böratni, ni ölip aiwi kun batököwa miwikñaiwiga galim köl gihiiga yenguk söstöñgai qakñe köhömgö nangöhök tatman.

<sup>2</sup> Gi nup meme anbi yenguk mösölatiwa malnöñi, yengö galimñini Boaznöñ mönö nanini tinitosolomnina halza. Mötnöñ, yañgön erap sungem baliqeqe sombemnöñ gewa bali hölñi hala kamböñi mendeñ etkimamgöra sapak kerinanguknöñ humba qöröreñgöwa kewötma.

<sup>3</sup> Miangöra gi mönö dölmuhu ou ariwa selegi kelök umköhöwakñanguknöñ miriwa opo sirigi löngöta baliqeqe sombemnöñ geman. Emu gemanöñ, mutuk tikep malnöñga numbu nenenji hala ougisipñi nem dariga miangö andöñe ölip yañgö jeñe hikñainöñga geikma.

\* 2:20: Lew 25.25

<sup>4</sup> Gawöngö möta heta denike höl köla ahömawi, mönö miŋgi ekta mianğöreŋ anman. Kölközizip gihimapköra qesimani, mianğö kaisöpsöpŋi mönö miewö halman: Gi yaŋğö qöhöröŋe anda könaŋe göröken esu kitipŋi menöŋ wahöriga gewa ahöman. Mewö ahönöŋga miwikŋaim gihiwa denöwö halmani, mihi gezöiga mötman.”

<sup>5</sup> Iranŋan mewö zöiga Rutnöŋ miewö melenök: “Keu patpat zözani, nöŋgön mihi ölip hal datmam.”

<sup>6</sup> Mewö melenđa baliqeŋe sombemnöŋ gewa iranŋan zöm qitim waŋgiyöhaŋğö söwök miewö hal teköyök:

<sup>7</sup> Boaznöŋ suŋgem numbu neneŋi hala ougisipŋi nem dari kip seleni mem kolihiga wahöta bali kirip kungö göraŋe gewa gawön ahöyök. Mianğöreŋ ahöiga Rutnöŋ ölöŋ zaŋ qemba anda könaŋe göröken esu kitipŋi mei wahöriga mianğöreŋ gewa ahöyök.

<sup>8</sup> Ahöiga suŋgem hömbiwiŋe iwai kungöra outupŋe tiiga imbiŋi möta elenđa anbi kun könaŋe ahöyöhi, mihi miwikŋaiwa ekta hauruyök.

<sup>9</sup> Hauruwa qesim waŋgiyök: “Gi dahön?” Qesim waŋgiiga miewö melenök: “O ketaŋamni, ni Rut, göhö welenqeŋe anbia. Göhön nangi isikaŋğö sohopŋi meme aiwia halzan. Mianğöra Juda engö ambamemeŋini wuatanağöwa ni ölip galim köl niŋgiwa esugan turum niŋgiman.”

<sup>10</sup> Mewö melenniga miewö zöyök: “O böratni, Kembunöŋ mönö kötuetköm gihima. Gi ölip aiwi wanapŋi me pomŋi sukinapŋinaŋguk yengö andöŋine anbanaknöŋ, mewö qahö halzan. Gi walahok isikurupni ölip naŋğöm enğiwa malnöŋa erap mihi onğita silik ölip sorokŋi halzan.

<sup>11</sup> O böratni, gi mönö torok de hala bönjöŋ malman. Gi anbi ölip sorokŋi halzani, miŋgi taongö anbazip körekŋan ölip mötze. Mianğöra gi ikö me waikö qesim niŋgimani, nöŋgön mihi ölip hal teköm gihimam.

<sup>12</sup> \*Ni göhö tinitosolomgi hala galim köl gihimamaŋğö söp halzal. Keu miŋgi hölŋapnöŋ, aiwi kunöŋ nöŋgö isiknaŋğö sohopŋi meme aiwi bohonŋi halza. Nöŋgön yaŋğö qerembeŋi miyök malzal.

<sup>13</sup> Mewököra ölip suŋgem muhu miewö ahöman. Sohop meme aiwi bohonŋan uran bohongi memamaŋğö zömbawak ewö, mihi ölipnöŋ, bohongi memamaŋğö qahö mötma ewö, nöŋgön ölip bohongi memam. Keu mihi jöhöwa Kembukö qetŋe jöjöpŋ keunöŋ zöm köhöizal. Mianğöra ölip bönjöŋ ahönöŋga söŋan halma.”

<sup>14</sup> Boaznöŋ mewö zömba anbi kunöŋ baliqeŋe sombemnöŋ yaŋğöreŋ heröhi, kunŋan mihi mötpakuköra mörök. Mianğöra Rutnöŋ Boazkö könaŋe heta ahöyöknöŋ, waŋgeraŋ suluiga nalö mianğöreŋok kunŋan i qahö ek qitiiga ölöŋ anmapköra wahörök.

<sup>15</sup> Wahöriga Boaznöŋ miewö zöyök: “Mönö malukugi selegeyök meköwa merereŋğöwa memba kinöŋ.” Mewö zöiga meköwa memba kiniga bali kötŋi 25 kilogramğö söp kewöta mokoi geyök. Geiga memba köbibihwa Rutkö hawötŋe haliga haŋguwa liliŋğöwa taonöŋ anök.

<sup>16</sup> Rutnöŋ mewö taonöŋ anda iranŋaŋğöreŋ aŋgoriga miewö qesiyök: “O böratni, denöwö mala kazan?” Mewö qesiiga Boaznöŋ yaŋğö iwai patpat halöhi, mianğö sundutŋi zöi mörök.

<sup>17</sup> Möriŋa miewö toroqemba zöyök: “ ‘Gi irangaŋğöreŋ biribörak de anman, ’ zömba bali muŋgu niŋgiza.”

<sup>18</sup> Mewö zöiga Naominöŋ miewö zöyök: “O böratni, aiwi mianön erap in luhut qahö memapnöŋ, keugi galim köla maliga mihi mindiŋğöget teköiga mianğö andöŋe ölip tata luhut mema. Mianğöra gi mönö ösöŋ mamböta tata keugi denöwö zögetka hikŋaimawi, mihi mötman.” Mewö.

\* **3:12:** Rut 2.20

## 4

*Boaznöŋ Rut anömn̄a meyök.*

<sup>1</sup> Boaznöŋ taongö kiripo nanŋuŋe anda qenjarök sombemnöŋ heta tarök. Tariga isikŋaŋgö sohop meme aiwiköra keu zöyöhi, yaŋgön kamba oŋgitmamgö haliga yaŋgöra miewö qerök: “O alani, gi ölip muhu kamba heta tatman.” Mewö qeriga kamba miangöreŋ heta tarök.

<sup>2</sup> Tariga Boaznöŋ taonöhok jötŋe meme aiwi 10 engömiiga kagetka tatmeköra zöiga mohotŋe heta tatket.

<sup>3</sup> Tatketka Boaznöŋ isikŋaŋgö sohop meme aiwiköra miewö zöyök: “Nalö miewöŋe Naominöŋ Moab kantri mosota lilingöwa kayöhi, yaŋgön datnini Elimelekoreŋ balöŋ kitipŋi mihi bohonŋi memeköra halza.

<sup>4</sup> Miangöra nöŋgön miewö römöŋgözal: Göhöŋ keu mihi mötmangöra göhöra zözal. Göhöŋ isikniraŋgö sohop meme aiwia halnöŋga nöŋgön göhö qerembenŋi halzal. Sohop meme aiwi mörötŋi kun qahö malja. Miangöra göhöŋ mihi bohonŋi memangöra kuŋgum gihizal. Göhöŋ miŋgi bohonŋi memangö sihimŋi mötman ewö, mihi ölip bohonŋi memanöŋ, mihi tököman ewö, ölip mihi mewöyök zönöŋga mötman. Mihi ölip aiwi muhu tatzei, yeŋgö jeŋine zöman. Mihi könagesö kiripnaŋgö jötŋe meme muŋgu yeŋgö jeŋine zöman.” Boaznöŋ mewö zöiga aiwi alanan miewö zöyök: “Nöŋgön mihi ölip bohonŋi memam.”

<sup>5</sup> Mewö zöiga Boaznöŋ zöyök: “Göhön Naomikoreŋ balöŋ körinŋi miŋgi söŋgöronŋi mani, nalö miangöreŋ mönö Moab anbi Rut, aiwi komuyöhaŋgö malöŋi miŋgi mohok bohonŋi memam. Mewö hala aiwi komuyöhaŋgö qetŋan mönö birisamot balöŋ miangöreŋ ahömapköra mihi galim köla malman.”

<sup>6</sup> Mewö zöiga sohop meme aiwi bohonŋan miewö melenök: “Mewö haliga nöŋgön mihi bohonŋi memangö osizal. Rutnöŋ nani nahönböratni yenguk mohotŋe birisamotni mendengetka mohot mohot yeŋgön balöŋ kitipŋi merömerö miyök buŋa qem anŋuwekuk. Nöŋgön mewö halmangö osizal. Miangöra göhöŋ ölip mihi söŋgöronŋi menöŋga nangi buŋaya halma.” Mewö melenök.

<sup>7</sup> \*Walahok Israel uruŋe kuŋŋan balöŋ iwai bohonŋi meiga buŋaŋi haliga miangö keuŋan köhöimapköra yeŋgön silik miewö hala malget: Keu zöm teköwa jöjöhö halget teköiga yetköreŋök kunöŋ köna esuŋi qeköwa alaŋi waŋgizapma. Israel yeŋgön iwai bohonŋi memekö keuŋan teköyöhi, mihi silik mewö miangön kundelzema.

<sup>8</sup> Miangöra aiwi mianöŋ Boazköra miewö zöyök: “Göhön mihi ölip söŋgöronŋi menöŋga buŋagi halma.” Mewö zömba köna esuŋi qeköwa Boaz waŋgiyök.

<sup>9</sup> Mihi waŋgiiga Boaznöŋ jötŋe meme aiwi hala könagesö patpat yeŋgöra miewö engezöyök: “Nöŋgön Elimelek, Kilion hala Malon yeŋgöreŋ iwai patpat miŋgi Naomikoreŋök söŋgöronŋi mezal. Inini mihi erap jeqawa suluwa ölip naŋgöwa zömeaŋgö söp halze.

<sup>10</sup> \*Nöŋgön Moab anbi Rut, Malongöreŋ malöya i mewöŋanök bohonŋi membi nöŋgö anömn̄a halma. Mewö hala aiwi komuyöhaŋgö qetŋan birisamot balöŋ miangöreŋ ahömapköra mihi galim köla malman. Qetŋan mewö qahö ayapkömapnöŋ, gulinarökurupŋan Elimelekö qetŋi ölum enguwaküköra mihi ölip taon ofiskö buknoŋ ahöm öŋgöma. Inini mihi erap jeqawa suluwa ölip naŋgöwa zömeaŋgö söp halze.”

<sup>11</sup> \*Boaznöŋ mewö zöiga jötŋe meme aiwi hala könagesö taongö kiripo nanŋuŋe sombemnöŋ tatkeri, yeŋgön körek miewö zöget: “Nini mihi jeqawa suluwa naŋgöwin. Kembunöŋ ölip anömgö göhö köhömgö kamawi, i kötuetköm waŋgiiga yaŋgön Reizöl hala Lea yetkö söp halma. Yetköŋ Jeiköbkö nahönböratuŋi kombunŋi engömeyöwötka Israel

könagesönninan hiknayıök. Göhön ölip Efrata balönnön jötne meme aiwi pomni hala Betlehem taonön qetbuñaganjuk malman.

<sup>12</sup>\*Kembunön anbi malö ramikni miangörenök gulinarök gihimawi, göhörenön könagesö yengön mönö Juda hala Tamar yetkö nahönñiri Perez yangö saiwakö söp hala malme.” Mewö.

*Boazkö gulinarökurupni yengö qet areñ*

<sup>13</sup> Mewö hala Boaznön Rut wañgita köhömnje anda anömña meiga Kembunön kötuetköm wañgiiga köri hala nahönña meyök.

<sup>14</sup> Nahönña meiga anbi yengön Naomiköra miewö zöget: “Nini Kembu möpöseizin. Yangön erap isikanö sohop meme aiwia gihizawa yangön ölip galim köl gihiwa malma. Merö mianön mönö Israel uruñe qetbuñaganjuk halma.

<sup>15</sup> Göhö irangan jöpaköm gihimamja. Göhö nahönurupki 7 malweak ewö, yangön mönö i patpat engongita bauköm gihiwa malök. Yangön erap isiga gihiiga yangön mönö malmalgi kölönaiwa uruöliwam qem gihiwa malma. Könañgep anbi namönñi halnönnga yangön ölip galim köl gihiiga malman.”

<sup>16</sup> Mewö zögetka Naominön merö mihi memba dohongöwa galim köl wañgiwa malök.

<sup>17</sup> Anbi kösutne malgeri, yengön miewö zöget: “Naomikörenök isi nahönña hikñaiza.” Mewö zömba qetñi Obed qetket. Obedkö nahönñi Jesi, isinji kinj Deiwid.

<sup>18</sup> Qet areñ muhu mei Perezkörenök könahiwa kinda Deiwidkörenön öngöza: Perezkö nahönñi Hezron,

<sup>19</sup> Hezrongö nahönñi Ram. Ramgö nahönñi Aminadab.

<sup>20</sup> Aminadabkö nahönñi Nason. Nasongö nahönñi Salmon.

<sup>21</sup> Salmongö nahönñi Boaz. Boazkö nahönñi Obed.

<sup>22</sup> Obedkö nahönñi Jesi. Jesikö nahönñi kinj Deiwid. Mewö.

---

\* 4:12: Jen 38.27-30

## Jona Jonagörenj kezapqetok keu Jim-asa-asahi

Buk kianön kezapqetok keu murutñi akzap. Mi Jonagörap denöwe asuhuyöhi, miangöt kösohotñi akzap. Anutunöñ keu kewö jim kutum wanjiyök: Gi mönö Asiria kantrigöt siti bohonñi qetñi Niniwe miangörenj anda urukunjukunju nup meman. Asiria yeñön kahasililiñini ketaunji ahöiga Israel yeñön kerök miengörap kömumbepukörap kenjötñini möta malget. Anutunöñ Jona mewö jim kutum wanjiyökmö, yanön mi esapköba qetala Anutugöt koleknöñ miangörenj anmamgöt tököyök. Mi kewögörap tököyök: Anutunöñ siti mi ayuhumamgöt galöm meme keu jiyökmö, yanön miangöt dop ölna akñapkö qahöp möt köhöiyök.

Jonanöñ tököba qetaliga lömböt öngöngöñi qakñe öngögetka miangöt andöñe nanñi imbi-imbiñi memba et ala tem köla anök. Anda urukunjukunju nup meiga Niniwe sehisehiñi yeñön uruñini ölnap melenget. Miangörap Anutugöt uruñan amöriiga qahöp ayuhum engiyök. Miangörap Jonagöt uruñan böliba kömbuhiba nanñak kömumamgöt mörök. Kiñ kunöñ yambu 782-753 bifo Kraist galömñina maliga Jonanöñ nalö miangörenj nupñi meyök. Miriñi Gat Hefer mi Nazaret kösutñe, 5 kilomita anangö dop. Niniwe mi köröwen, 500-600 kilomita anangö dop.

Könañgep Israel yeñön nanñinak kezapqetok ambazip yeñgörenj keu möta kude tem kölgetka Anutunöñ jiiga Asiria yeñön kaba enguba enguangötketka mewö nanñini kinkinñini mi mosötket. Buk kianön Anutugöt könañi yahöt kewö kondeljab: Körek neñön Anutugöt jitsihitñi törörök tem kölbinañgöt dop akzin. Mewö qahöp akzin ewö, lömbötnöñ mönö ölnap qakñine öngömap. Könañi bohonñi kun mi ak-kömukömu aka urujöpak. Yanön nanñi kerök kambuñi Asiria yeñgöt singisöndokñini mewöyök mosöta ayuayuhunöhök meköm engimapköt kapañ kölakzap. Likepñi bölöñi qakñine öngöbapuköt möt köhöiba urunini melenbingöt kunjum neñgimakzap.

**Buk kiangöt bahöñi bohonñi 4 mi kewö:**

- 1) Anutunöñ Jona oholiga yanjiiseñ ahök. 1.1-17
- 2) Jonanöñ uruñi melenja söranöhök lolohoyök. 2.1-10
- 3) Jonanöñ Niniwe könañesö uruñini kunjuyök. 3.1-10
- 4) Uruñini melengetka Anutunöñ ak kömum engiyök. 4.1-11

*Jonanöñ Kembu qetala mömölaköyök.*

<sup>1</sup> \*Israel miangörenj Kembugörenj keu mi Amitaigöt nahönñi Jona yanjiyök kewö asuhuyök:

<sup>2</sup> “Asiria kantrigöt siti ketaunji Niniwe mi wehön kotkotñe ahöza. Yeñön bau jegömöl aka bölöñamñini memba malakze. Miangöt keu mi nöngöt jemesoholne öngöiga mötzal. Miangörap göñön möp wahöta eu anda nöngöt buña keuni jiba miangön uruñini kunjuman.”

<sup>3</sup> Mewö jiyökmö, Jonanöñ möp Kembugöt jemesoholñeyök ölöñ köla wehön gegene göröken anmamgörap wahörök. Wahöta miri qetñi Jopa (Jaffa) miangörenj geba wange kun miwikñaiba “Ölöp yembuk Tarsis mire Spein kantrinöñ anmam,” jiba köna söngöröñi memba wanjenöñ öngöyök. Mewö öngöba Kembugöt jemesoholñeyök mömölaköba anök.

<sup>4</sup> Mewö anökmö, Kembunöñ möp luhut köhöikñi melaii köwetnöñ anda qeiga siridim-bom ketaunji asuhuiga wanjenöñ miangörap jömgömamgöt ahök.

---

\* 1:1: 2 Kinj 1 4.25



<sup>5</sup> Mewö aiga wanje börö azi yeñön kenğötñini möta nanñini bemurupñinañgöt dop nanñök nanñök köuluköm enğiget. Mewö aka wanjenöñ amğömapköröp miangöt inap yuaini mi körek gilgetka köwetnöñ gem teköyökmö, Jonanöñ wanje dutñañgöt uruñe geba miangöreñ öl köla gaun lömbötñi ahöyök.

<sup>6</sup> Miangöreñ ahöiga wanje galömñan yangöreñ kaba kewö jiyök: “Gi möp wuanöñgörap ki gaun ahözane? Möp wahöta nangi bemgi qeta köulukönöñga yañön mötmörim neñgiiga kude ayuhubinak.” Mewö jiyök.

<sup>7</sup> Mewö jiiga sutñine kewö jiget: “Ayop möp kaget! Nini möp unju qeba azi dagöt siñgisöndoköröp ayuayuhu ki neñgöt qaknine öngözawi, miangöt könañi mewö miwikñaibin.” Mewö jiba unju qegetka Jonanöñ asuhuyök.

<sup>8</sup> Asuhuiga jiget kaiga kewö qesim wanğiget: “Ayuayuhu ki mi dagöt siñgisöndoköröp aka neñgöt qaknine öngözawi, gi möp miangöt könañi jinöñga mörin. Gi wanat nuwa memakzan? Gi waniñeyök kazan? Göhöreñ kantri mi waniñe aiga göhöreñ könagesöurupki mi waniñe malje?”

<sup>9</sup> Mewö qesim wanğigetka kewö melenñök: “Ni Israelgöt Hibru azia akzal. Ni Kembu, Suepkö Anutuñi waikñi memba möpöseimakzal. Yañön köwet aka gölme örönñi miwikñaim etkiyök.

<sup>10</sup> Yañön börö osikosibuk niñgiiga nöñön mi tököba Kembugöt jemesoholñeyök ölöñ köla kazal.”

Mewö melenñiga azi yeñön mi möt yaköba gwötpuk awöwöliba kewö jiba jim wanğiget: “Yei! Gi möp wuanöñgörap mewö akzane?”

<sup>11</sup> Köwet mi toroqeba bölim köhöiba ahöyök. Miangörap yeñön kewö qesim wanğiget: “Nini möp denöwewö ak gihiinga köwetnöñ giñ qebawak?”

<sup>12</sup> Mewö qesim wanğigetka yeñgörap kewö melenñök: “Siridimbom ketauñi kianön möp nöñgörap aka enğöt qakñine öngöba qezawi, nöñön mi ölop mötzal. Miangörap inini möp nömmimba köwetnöñ gilgetka gemam. Gilget gebiga köwetnöñ ölop giñ qemap. Mewö jizal.”

<sup>13</sup> Mewö jiiga börö azi yeñön töndup wanje kunbuk gölme oronñe anğotmapköröp lökuatnöñ nanğöbingöt qeba qegetmö, köwetnöñ bölim teköyöhañgörap aka mi osiget.

<sup>14</sup> Osiba Israelgöt Kembuñi yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianön kömumapköröp aiga miangörap nini kude ayuhum neñgiman. Sepñañgöt keuñi mi neñgöt qaknine kude alnöñga öngömap. Keu mi ölhap.”

<sup>15</sup> Mewö köuluköba anda Jona memba gilgetka köwetnöñ geyök. Geiga köwetkö kukñan ösumok bököiga giñ qeyök.

<sup>16</sup> Giñ qeiga azi yeñön Kembugörap euam awöwöliba naluk ketauñi ala Kembu jöwöwöl ohom wanğiba keuñini kewö jöhöget: “Nini möp Kembugöt keuñi tem köla kude qetalbin.”

<sup>17</sup> \*Jonanöñ köwetnöñ geiga Kembunöñ söra ketauñi kun melaiiga anda Jona gwahörök. Gwahoriga söra miangöt uruñe sunğem silim karöbut ahöba malök. Mewö.

## 2

### *Jonanöñ gajugaju kömgokñe ahöba köuluköyök.*

<sup>1</sup> Jonanöñ söra uruñe ahöba Kembu Anutuñi köuluköm wanğiba kewö jiyök:

<sup>2</sup> “Nöñön wahöjalin uruñe Kembu köuluköm gihibiga göñön ölop keuni mötzan.

Ni unjem senjom kömgokñe ahöba uleralga göñön ölop uletni mötzan.

<sup>3</sup> Göñön köwet röndum ketauñe tötal niñginöñga gezal.

Göñön köwet söñsöñaunañgöt dutñe tuapkönöñ eralga göulu ketauñan esuhum niñgizap. Göhöreñ qölqöl-söutsöt pakpak mi musulungöm niñgizap.

\* 1:17: Mat 1 2.40

Göhöreŋ siri pakpak mi qeba turuba nem ulahöm niŋgizap.

<sup>4</sup>Mia möta kewö mötmörizal: Göñön ni göhöt jemesoholgeyök közöl niŋginöŋga maljal. Mi töndup nöñön möp kunbuk göhöreŋ jöwöwöl jike kömbukŋe göröken jenan ubi anma. Mi kunbuk kude ekileŋahak kun.

<sup>5</sup>O aka omanjaret mi nöñgöt qakne öñgöba turum niŋgim teközap.

Röndumnöhök möp liliköm niŋgim teközap.

Köwetköt kumburereŋi mianjön möp nöñöp jupni köpeiba esuhuzap.

<sup>6</sup>Ni kundunangöt röndaŋ könaŋangöt dop yuhuyanğöreŋ eral. Röndaŋgöt botŋi mianjön möp nöñgöt qakne jöhöm qözöŋda jöhöm qözöŋ köhöizap.

Yuhu maljalmö, o Kembu Anutuni, göñön möp neka röndaŋ dutŋeyök kunbuk öröm niŋginöŋga malmalnöŋ kotmam.

<sup>7</sup>Nöñgöt malmalnan qahöwakŋangöt aiga nöñön nalö mianğöreŋ Kembu, gi mötmörim gi-hibiga köuluknan öñgöba göhöt Suet jike kömbukŋe euyanğöreŋ öñgöba göhöreŋ aŋgotmap.

<sup>8</sup>Ambazip kopa-bemlopion omani göda qem engimakzei, yeñön mewö aka kalem möriam Tonji gi andö guhumakze.

<sup>9</sup>Andö mewö guhumakzemö, nöñön möp möpömöpösei löŋet omsa köla naluk ala jöwöwöl ohom gihimangöt mötzal.

Nöñön yuaigöt keuŋi jim jöhözali, mianğöt dop möp ak sorokömakŋam.

O Kembu, gi mohotnöŋ nöñgöt malmalnaŋgöt bohoni jöhömangöt köhöizan. Keu mi öñap.”

<sup>10</sup>Mewö köuluköm teköiga Kembunöŋ möp söra mi jim kutum waŋgiiga kaba kota Jona loŋniga gölme oronŋe erök. Mewö.

### 3

#### *Jonanöŋ Anutugöt nup mi Niniwe uruŋe meyök.*

<sup>1</sup>Gölme oronŋe eriga Kembugöreŋ keu ki mi kunbuk Jonagöreŋ asuhuyök:

<sup>2</sup>“Göñön möp wahöta siti ketauŋi Niniwe mianğöreŋ anda buŋa keu gihimami, mi jiba uruŋini kuŋguman.”

<sup>3</sup>Keu mewö asuhuiga Jonanöŋ wahöta Kembugöt keu jit tem köla Niniwe anök. Niniwegöt dopŋi mi kewö: Gi göraŋeyök könahiba anda malnöŋga wehön karöbut teköiga likepŋe endu aŋgotman.

<sup>4</sup>\*Jonanöŋ könahiba siti uruŋe anda maliga wehön mohot teköiga buŋa keu qeta kewö jiyök:

“Wehön 40 kun ahözap. Mi teköiga Niniwe siti kianjön möp meleni gemap.”

<sup>5</sup>Keu mewö qeta jiiga Niniwe könagesö yeñön Anutugöreŋ keu möt nariba uruŋini meleni nene siŋgi malbingöt nalö ala jim köhöiget. Mi jim köhöiba ambazip ketauŋi moröŋi yeñön lökŋanök imbi meleni got samot meget sileŋine öñgöiga kau ariget.

<sup>6</sup>Mewö aketka mianğöt buzup keuŋi mi Niniwegöt kiŋ (praim minista) yanğöreŋ aŋgorök. Aŋgoriga möta jakömbuak dum tatatŋeyök eta malukuŋi köteköba samot memba at-turuba kau utuba ariba tarök.

<sup>7</sup>Tata jim kutukutu kewö aliga Niniwe siti dop köl teköba anök: “Inini möp kiŋ aka jembonurupŋi yeñgöreŋ jim kutukutu ki mötme: Kunŋan kun möp nene kuluj kude nemap. Ambazip me bau kuruk-lama bulmakau-inini nene kuluj kun nemegöt kude möt engime.

<sup>8</sup>Nene siŋgi mewö mala samot mem teköba Anutu köhöikŋanök sahöt köuluköm waŋgiba nanjök nanjök könaŋamŋini bölöŋi aka ambazip ayuayuhu böröŋini töwötpuk meget ahözawi, mi möp andö qem teköba mosötme.

<sup>9</sup>Mewö ahinga Anutugöt uruŋan kunbuk eriga wösöŋi möt neŋgiba kukŋangöt könöpŋi qeraköba siŋgisöndoknini mosötpawak. Mi mosöriiga kude ayuhubinak. Mewö jizin.”

\* 3:4: Mat 1 2.41; Luk 1 1.32

<sup>10</sup> Mi môt asahiba kõnañamñini bölöñi andö qeba uruñini melengetka Anutunöñ ahak-memenñini mi eka wösöñi môt enğiba mötmötñi lilingöiga sinğisöndokñinanğöt likepñi melen enğimapkö ahöhi, mi mosörök. Uruñan mewö eriga kude mem bölim enğiyök. Mewö.

## 4

### *Jonanöñ tembula irimñi seholidyök.*

<sup>1</sup> Mewö asuhuyökmö, Jonanöñ miangörap urubölö ketauñi möta irimñi seholidyök.

<sup>2</sup> \*Irimñi seholidyoga Kembu ulet wañgiba kewö jiyök: “Aek Kembu, gi ak-kömukömugöt bemñi mala ölop nenğehorimakzan. Göhöreñ kuki mi öñsöñ aiga kalem möriamgi mi önöñi qahöp ahöza. Mewö urugi zolañ amöröiga wösögi möta kõnagesö kun mem bölöm enğimangöt kude mörakzan. Mia nane gölmenöñ mala lök môt yaköba jiali, mia ölum guhuza me qahöp? Kõnañi mewögörap aka nalö miangöreñ Tarsis anmam jiba ösumok mömölaköba anda malal.

<sup>3</sup> \*Merak malmalgöt tököba kömupköt möralga ölöwakzap. Miangörap Kembu, göñön möp malmalni döлки noañgötnöñ. Keu mi ölnap.”

<sup>4</sup> Mewö ulerökmö, Kembunöñ kewö melen wañgiyök: “Jona, gi ak-kömukömugörap irimsesewöl mötzani, mi dop köljap me qahöp?”

<sup>5</sup> Mewö jiiga Jonanöñ siti mosöta eta wehön kotkotñe göröken anda kõna töwokñe endu koum qeba miangöt aumñe tarök. Tata sitigörap mewö me mewö asuhumawi, mi ekñamgörap uba tarök.

<sup>6</sup> Mewö tarökmö, Kembu Anutunöñ Jona uruölöwak ak wañgimangörap jiiga ölunölun kun asuhuba köriba kota Jonagöt nöropñi aum köl wañgiyök. Aum köl wañgiiga ölunölungörap uruölöwak ketauñi möta tarök.

<sup>7</sup> Tata sunğem kun ahöiga miri gianjiiga miangöreñ Anutunöñ taröñ kun melaiiga kaba ölunölun mi yöhöronğöiga sinñi soholidyök.

<sup>8</sup> Wehönöñ koriga Anutunöñ jiiga luhut kõnöpnambuk kötokñi mi miri jeñi kotkotñeyök qeiga wehön jeñan nöropñe qei qei uruñi öngöba duhuiga kömumangöt môt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi ölna.”

<sup>9</sup> Mewö jiyökmö, Anutunöñ Jonagörap kewö jiyök: “Gi ölunölungörap irimgi seholidzawi, mi dop köljap me qahöp?” Mewö jiiga kewö melen wañgiyök: “Irimni seholidzawi, mi möp dop köljawa. Nöngöt irimsesewölmi mi ketauñi aiga urunan kude amörimap. Miangörap ölop kömumam. Keu mi ölnap.”

<sup>10</sup> Jonanöñ mewö jiiga Kembunöñ kewö jiyök: “Gi ölunölungöt böronñi kun kude memba mi kude galöm kölnönga köriyök. Mi sunğem mohotkö uruñe asuhuyök aka sunğem mohotkö uruñe soholidyoga kömuyök. Töndup göñön nangak yuai omanñi mewöñi miangörap sahöta waimanjat mötzan.

<sup>11</sup> Mewö aiga nöñön möp denöwögörap siti ketauñi kiangöt kõnagesöñi yengörap waimanjat kude mötpileñak? Miangöt uruñe morö namande 1 20.000 (handöt twenti tausen) jañgö mi onğöta maljei, mi ölopñangöt aka bölöñangöt kõnañiri kude môt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim enğibileñbukörap nöñön möp sihimnan Niniwe enğehorizal.” Mewö.

## Matyu

### Ölöwak Buña Matyunöŋ ohoyök.

### Jim-asa-asari

Matyu qet miangö könaŋi mi Kembugöreŋ kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melenđa gwarek 12 yengö sutŋine malök.

Ölöwak Buña ki Jisösgö könaŋi nanŋe Juda könaŋesö yengöra jim asarim enġimangöra aka ohoyök. Keu köŋi bohönŋi kewö, “Jisös Kraistnöŋ Amötqeŋe Tonini aka Kiŋnini akza.” Juda ambazip yengöra keu mi qahö dop köli uruŋinan bölii qaköget. Miangöra Matyunöŋ Jisös nupŋaŋgö könaŋi mi aukŋe jim asariba törörök kusum enġiyök. Jöhöjöhö Walŋe amötqeŋegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba ölnambuk ahök. Amötqeŋe Tonŋi mi Hibru keunöŋ Mesaia aka Grik keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buña ambazip kusum enġiba uruŋini mianön kuŋguba kawölŋini mem ölöwaka malök. Mewö memba aniga aŋgöletot asuhugetka mala maripom ipnöŋ öngöba kömuiga löm kölgetka kunbuk wahörök. Mewö mianön Anutu bemtohoŋaŋgö könaŋi kondel nenġiyök. Mewö aiga nini letota Anutugö nahönböraturupŋi akingö könaŋi asuhuyök. Jisösgö lesön bohönŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

#### **Buk kiangö bahöŋi bohönŋi 7 mi kewö:**

Jisösgö ambösakonurupŋi aka ahuahunŋi 1.1-2.23

Jon O-melun azinöŋ urugö nup meyök 3.1-12

Jisös o melun meiga Satanöŋ esapköyök 3.13-4.11

Jisösnöŋ Galili uruŋe qenjarök nup meyök 4.12-18.35

Jisösnöŋ Galili mosöta Jerusalem anök 19.1-20.34

Sonda qöndökŋi Jerusalem mala kömuyök 21.1-27.66

Kömupnöhök wahöta mala Suepnöŋ öngöyök 28.1-20

*Jisös Kraistkö ambösakon yengö qet areŋ*

*Luk 3.23-38*

<sup>1</sup> Jisös Kraistkö ambösakon yengö qet areŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

<sup>2</sup> Abrahamgö nahönŋi Aisak. Aisakö nahönŋi Jeikob. Jeikobkö nahönurupŋi Juda aka yaŋgö darumunurupŋi.

<sup>3</sup> Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram.

<sup>4</sup> Ramgö nahönŋi Aminadab. Aminadabkö nahönŋi Nason. Nasongö nahönŋi Salmon.

<sup>5</sup> Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut. Obedkö nahönŋi Jesi.

<sup>6</sup> Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök. Juda kiŋ pakpak mi Deiwidkö gwölönarökurupŋi aka malget.

<sup>7</sup> Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa.

<sup>8</sup> Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia.

<sup>9</sup> Usiagö nahönŋi Jotam. Jotamgö nahönŋi Ahaz. Ahazgö nahönŋi Hezekia.

<sup>10</sup> Hezekiagö nahönŋi Manase. Manasegö nahönŋi Amon. Amongö nahönŋi Josia.

<sup>11</sup> \*Josiagö nahönurupŋi Jekonia aka yaŋgö darumunurupŋi. Nalö miangöreŋ Babilon

\* 1:11: 2 Kiŋ 24.14-15; 2 Hist 36.10; Jer 27.20

yeñön Israel könagesö enġuañgittetka Babilon anda kösö mire malmal ewö tandök welenqegeñina malget.

<sup>12</sup> Babilon kösö mire malmal ewö tandök mala mianġöreñ Jekoniagö nahönñi Sealtiel asuhuyök. Sealtielgö nahönñi Jerubabel.

<sup>13</sup> Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor.

<sup>14</sup> Azorgö nahönñi Jadok. Jadokö nahönñi Akim. Akimgö nahönñi Eliud.

<sup>15</sup> Eliudkö nahönñi Eleazar. Eleazargö nahönñi Matan. Matangö nahönñi Jeikob.

<sup>16</sup> Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqege Tonj qerakzin.

<sup>17</sup> Nalö Abrahamgöreñök könahiba mala kotketka Deiwid asuhuyöhi, isik miengö jañgö areñi mi 14. Kunbuk kiñ Deiwidköreñök könahiba mala kotketka Israel könagesö enġuañgittetka Babilon anda kösö mire malmal ewö tandök malgeri, isik miengö jañgö areñi mi mewöyök 14. Babilon kösö mire malmal ewö tandök malgeri, nalö mianġöreñök könahiba mala kotketka Kraist asuhuyöhi, isik miengö jañgö areñi mi mewöyök 14.

*Jisös Kraist mi kewö asuhuyök:*

*Luk 2.1-7*

<sup>18</sup> \*Jisös Kraist asuhuyöhañgö kösohotñi kewö: Yañgö namñi Maria mi Josefbuk buñabuña mala mindimindiri qahö aka malohotka nalö mianġöreñ Uña Töröñan mem letot wañgiiga köröbuk mali könañi mewö miwikñaiget.

<sup>19</sup> Mewö miwikñaigetka azi buñañi Josef yañön malmal diñdiñi malöhañgöra Mariagö könañi aukñe asuhui gamuñambuk akapuköra tököyök. Mewö tököba uruñan i ölöñ mosötmangö mötmöt areñi alök.

<sup>20</sup> Mewö mötmöriba ahöiga Kembugö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Mianġöra gi mönö i örönöñ mirige kaba anömgi akñapkö keñgötki kude mötman.

<sup>21</sup> \*Marianöñ mönö morö nahön mema. Azi mianġön könagesöñi siñgisöndokñineyök amöt qem enġiiga solanime. Mianġöra göñön qetñi Jisös qetman.” Mewö jiyök.

<sup>22</sup> Kembunöñ kezapqetok azi kun sölölohöiga keu kun jiyöhi, mianġön öñambuk akñapköra yuai pakpak mi asuhuyök. Kezapqetok keu mi kewö,

<sup>23</sup> \*“Ambi seram jömukñi kunöñ gölöñambuk aka morö azia meiga qetñi Imanuel qetme.” Qet mianġö könañi kewö, “Anutunöñ nembuk malja.”

<sup>24</sup> Josefnöñ imbiñi möta wahöta Kembugö garatanöñ jim kutum wañgiyöhi, mönö mianġö dop aka Maria anömñi akñapköra wañgita miriñe anök.

<sup>25</sup> \*Anda malohotmö, nalö sutñe mianġöreñ mohotñe qahö ahöyohot anda nahönñi meiga Josefnöñ qetñi Jisös qerök. Morö meiga mianġö andöñe awanöm malohot. Mewö.

## 2

*Mötkutukutu azi wehön kotkotñeyök kaget.*

<sup>1</sup> Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö mianġöreñ señgelaugö mötmöt azi wehön kotkotñeyök Jerusalem sitinöñ kaget.

<sup>2</sup> Kaba kewö qesiget, “Juda enġöreñ kiñ kembu akñawi, morö mi asuhuba denike ahöza? Nini wehön kotkotñe mala yañgöreñ undi asuhui eka könañi mewö möta waikñi memba möpöseibingöra kazin.”

<sup>3</sup> Mewö qesigetka kiñ kembu Herod aka Jerusalem könagesö yambuk malgeri, yeñön körek pakpak keu mi möta aurugot.



<sup>4</sup> Aurugetka kin Herodnön keu ala könagesögö jike nup galöm bohonji aka Köna keugö böhi pakpak köl öröm enjii kaget. Kaba tokogetka kewö qesim enjiiyök, “Amötqeqe Tonji Kraistnön mönö denike asuhumapköra jigetka ahöza?”

<sup>5</sup> Qesim enjiiga kewö melen wanjiget, “Yanön mönö Judia prowinsgö taon qetnji Betlehem miangören asuhuma. Miangö keunji mi kezapqetok azi Maikanön kewö ohoi ahöza,

<sup>6</sup> \*‘O Betlehem könagesö Juda gölmenön maljei, engö sutjineyök kembu ketani asuhuba nani Israel könagesö mindingöba köyan köl nenjima. Miangöra injini Juda gölmegö jitnememe yengö sutjine malgetka qetbuñaninan eretnji qahöpmahöp akza.’ ”

<sup>7</sup> Mewö melen wanjigetka mötkutukutu azi mi ölöng enghoholi kagetka kewö qesim enjiiyök, “Undinji mönö wani nalönön asuhui könahiba eket?” Miangö könaji törörök mötmangö möta mewö qesim enjiiyök.

<sup>8</sup> Miangö keunji möta melaiba kewö jim kutum enjiiyök, “Injini mönö Betlehem anda morö mi törörök qesiba miwikñaiba miangörenök buzup keu algetka nongören kama. Nönön mi möta mewöñanök anda i waiknji memba möpöseim wanjimam.”

<sup>9</sup> Kinönön mewö muneñ jiba jim kutum enjiiga möta könanön anget. Anda undi wehön kotkotñe mala ekeri, miangön nöropñine mutukmutuk ani mötötei-get Betlehem anda miri morö nahön ahöyöhi, mönö miangören kinök.

<sup>10</sup> Undi mi kini eka sösongai keta bölökñi aket.

<sup>11</sup> Sösongai aka miri uruñe öngöba morö aka namñi Maria etkeket. I etkeka simin köla sipköba waiknji memba möpöseim wanjiget. Möpöseim wanjiba bayangösönjini qeanda miangörenök goul, jiniñ paura aka sanda qetnji mör mi uzeta kalem wanjiget.

<sup>12</sup> Sunjem kun ahöget-ka Anutunön gaun kondela kin Herodkören kunbuk anbepukö qetal enjiiyök. Miangöra köna kungenök nanjini miri gölmenjine lilingöba anget. Mewö.

### *Herodköra asamböta Josef anöm-moröni Ijpt anget.*

<sup>13</sup> Mötkutukutu azi mienön angetka Josefnön gaun ehiga Kembangören garata kunjan asuhum wanjiba kewö jii mörök, “Herodnön morö qei kömumapkö jarum wanjima. Miangöra mönö wahöta morö aka namñi etkuangita ölöng köla Ijpt kantrinön anme. Miangören anda malgetka bian nanak kamegö nalö jimami, miangören mönö lilingöba kame.”

<sup>14</sup> Mewö jii möta wahöta sunjem miangörenök morö nahön aka namñi etkuangita Ijpt anget.

<sup>15</sup> \*Ijpt anda malgetka kin Herodnön kömuiga nalö miangörenök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nönön nahöni oholbiga Ijpt gölme mosöta kayök.” Kezapqetok keu miangön mönö mewö asuhuiga ölnambuk ahök. Mewö.

### *Morö azi Betlehem gölmenön enjuget kömuget.*

<sup>16</sup> Mötkutukutu azi mienön Juda gölme ölöng mosöta angetka Herodnön miangö könaji eka “Tilipköm ningiget,” jiba irimñi gwötpuk seholiiga jimkutukutu kewö alök, “Yarö azi, injini Betlehem aka gölme pakpak mi liliköba ahözawi, mönö miangören anda azi morö (yara) yambuñini yahöt aka miangö bapñe akzei, mi körek enjuget kömume.” Mötkutukutu azi undi asuhuyöhangö nalögöra törörök qesim enjiiga jiget möröhi, miangö dop morö azi yambuñinangöra jimkutukutu mi alök.

<sup>17</sup> Kezapqetok azi Jeremaianön keu kun jii ahözawi, miangön mönö mewö asuhuiga ölnambuk ahök. Keu mi kewö,

<sup>18</sup> \*“Silat mi Betlehem kösutñeyök miri qetnji Rama miangörenök mötketka sahöt gigi-lahöze. Reizöl ambigö gwölönarökurup yenön moröurupñini qahöwaketka ururen

meze. Mianğöra sahötketka urukölalep mem enğibingö aketka urukondumök mörakze.” Mewö.

*Ijpt mosöta Josef anöm-moröji Nazaret lilingöget.*

<sup>19</sup> Josefnöñ Ijpt maliga kiñ Herodnöñ kömuiga mianğöreñök Kembangöreñ garata kunñan gaunöñ asuhum wañgiba

<sup>20</sup> kewö jiyök, “Morö qeget kömumapkö mönögeri, yeñön lök kömuget. Mianğöra mönö wahöta morö aka namñi etkuangita lilingöba Israel gölmenöñ anme.”

<sup>21</sup> Mewö jüiga Josefnöñ wahöta morö aka namñi etkuangita lilingöba Israel gölmenöñ anget.

<sup>22</sup> Könanöñ anda keu kewö mörök, “Herodkö nahönñi Arkelausnöñ iwiñangö salupñe Judia prowins galöm köla malja.” Mewö möta mianğöreñ anmamgö keñgötñi mörök. Möta mali Anutunöñ gaunöñ Galili prowinsnöñ anmegö jim kutum wañgiiga wahöta mianğöreñ anget.

<sup>23</sup> \*Galili prowinsnöñ angota taon qetñi Nazaret mianğöreñ malget. Mewö malgetka kezapqetok azi yeñön Amötqeqe Toñangöra keu jigeri, mianñön öljambuk ahök. Keu mi kewö, “Yañgö qetñi mi Nazaret azi qeta malme.” Mewö.

### 3

*Jon O-melun azinöñ Jisösgö köna mesarök.*

*Mak 1.1-8; Luk 3.1-18; Jon 1.19-28*

<sup>1</sup> Yambu tosatñi teköiga Jon O-melun azinöñ kaba Judia prowinsgö gölme qararañkölkölñe liliköba ambazip uruñini Buña keunöñ kuñguba kewö jiba malök,

<sup>2</sup> \* “Suep Toñan bemtohoñi almawañgö nalöñan lök kam kuñguza. Mianğöra mönö uruñini melenđa mianğöreñ angotket.”

<sup>3</sup> \* Jongöra kezapqetok azi Aisaianöñ keu kun kewö jiba ohoyök, “Kolek garata kunöñ gölme qararañkölkölñe qeta maliga anda jölñi kewö mötme, ‘Kembunöñ kamawo! Mianğöra mönö jöjöröba könañi mesatket. Mönö uruñini mindiñgöba könañi köl diñgiba qölöleiget.’ ”

<sup>4</sup> \* Jongöreñ maluku mi kamel jupñan memenji aiga kemañe örigit sömbup silenñan memenji mi jöhöba malök. Neneñamñi mi gawöt jinam aka arökñangö moronñ onji. Mi pakpak kezapqetok azi Elaija (Elia) yañgö dowä.

<sup>5</sup> Jonöñ nupñi meiga ambazip kambulelembe yeñön Jerusalem siti aka Judia prowinsgö miri tosatñi pakpak miengöreñök yañgöreñ öröba kaget. Mewöñanök Jordan o likeplikep miri pakpak tat angeri, miengöreñök kaget.

<sup>6</sup> Kaba kañgota siñgisöndokñini jim miwikñajigetka Jonöñ i Jordan o töwatñe o melun mem enğiyök.

<sup>7</sup> \* Mem enğiyökmö, Farisi (Köna keugö kapañkölköl) aka Sadyusi (Jike nupkö kapañkölköl) ambazip gwötpukñan o melun mem enğimapköra kagetka engeka yeñgöra kewö jiyök, “O qatö moröñi, inini uruñini qahö melengetka Anutugö irimñan seholiiga likepñi melen enğimamgö akza. Mi ölöñ kölbingsö goro keuñi mi mönö dañön jii möta sömbuñini möta ki kaze?”

<sup>8</sup> Mianğöra mönö öljänök uruñini melenme. Bölöñamñineyök lilingögetka öljñi asuhui mi mönö ahakmemenñinan aukñe kondela malme.

<sup>9</sup> \* “Uruñine möndömöndö keu kewö jibingö kude mötmörime, ‘Neñön mönö Abrahamgö gwölönarökña malinga Anutunöñ qahö ayuhum neñgima.’ Mewö jiba töptöpñine qe-makzemö, öljñi mi qahö ahakze. Nöñön mianğöra kewö jibi mötket, Anutunöñ köt ki ölöp

\* **2:23:** Mak 1.24; Luk 2.39; Jon 1.45    \* **3:2:** Mat 4.17; Mak 1.15    \* **3:3:** Ais 40.3    \* **3:4:** 2 Kiñ 1.8    \* **3:7:** Mat 12.34; 23.33    \* **3:9:** Jon 8.33

jim kutum enjiiga letota Abrahamgö gwölönarökurupni aka Anutu möpöseimaknemö, injini denöwö?

<sup>10</sup>\*“Urunini qahö melenme ewö, Anutunöñ mönö injini ip ewö tenğöri etpingö akze. Ip pakpak kötni ölopni qahö kuñgumakzei, mi mönö köli etket könöpnöñ gili geme. Ip mewöni kölmamgö kesinji lök jitni sañe ala ip könañe ali jöjöröba ahöza. Anutunöñ mönö bölöñamñinañgö likepni melen enjima.

<sup>11</sup>“Nöñön injini urunini melenmeañgöra o töhönöñ melun mem enjizalmö, nöñgö andöne azi kukösumni köhöikni kun kama. Yañgö kukösumni öñgöñgöñan mönö nöñgöreñ onjgitma. Yañön azi öñgöñgöñi akñawañgöra nöñön yañgö köna esuni bauköba gösönöñ löngöta tenğömamgö qötötañgömam. Yañön mönö Uña Töröñi urunine ali könöp bölamñan köli köñjorat enjiiga mewö mianjön melun mem enjima.

<sup>12</sup>“Yañön ölni aka kamböñi menden etkimamgö sapakni memba kañgota uba qöröreñgöba kewötma. Kewöta wit kötni tokoba köweñe almapmö, kamböñi aka gwau-gulapni mi mönö usuniga könöpnöñ geba teteköñi qahö jema.” Mewö.

*Jonöñ Jisös o melun mem wañgiyök.*

*Mak 1.9-11; Luk 3.21-22*

<sup>13</sup>Nalö mianğöreñ Jisösnöñ Galili prowins mosöta Jordan o töwatne Jongöreñ kaba o melun mem wañgimapköra qesiyök.

<sup>14</sup>Qesiyökmö, Jonöñ qetal wañgiba kewö jiyök, “Göñön ölop ni o melun mem niñgibanakmö, göñön siñgisöndok qahö aka mönö denöwögöra nöñgöreñ kazan?”

<sup>15</sup>Mewö jiiga Jisösnöñ kewö melenök, “Nalö kewöñe mi ölop akñan. Mewö akziga mianjön Anutunöñ ahakmeme diñdini wuatangöbingö keu jiyöhi, mianğö ölni asuhuiga dop köлма.” Mewö jiiga Jonöñ möri dop köliga urumohot ahök.

<sup>16</sup>Urumohot aka o melun mem wañgii teköiga mianğöreñök onöhök koriga kewö asuhuyök: Suepnöñ añañiiga Jisösnöñ uba ehiga Anutugö Uña Töröñan melen da kembö nei ewö aka Jisösgö qakne eta meyök.

<sup>17</sup>\*Eta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wañgizal.” Mewö.

## 4

*Satanöñ Jisös esapköba malök.*

*Mak 1.12-13; Luk 4.1-13*

<sup>1</sup>\*Mianğö andöñe Uña Töröñan Jisös kuñgum wañgiiga gölme qararañkölkölne Bölöñangö Toñan esapköm wañgimapköra aka anök.

<sup>2</sup>Mianğöreñ anda sunjem asak 40 Anutugöra nene siñgi mala nenegö kömuyök.

<sup>3</sup>Nenegö kömuiga öme bohonñini qetni esapesap Toñi yañön asuha kewö jiyök, “Gi Anutu Nahönña akzan ewö, mi mönö kondela köt ki jim kutunöñga letota beret aketka neman.”

<sup>4</sup>\*Mewö jiyökmö, Jisösnöñ keu kewö melenök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö neñgimakzapmö, Anutugö jitleyök keu kamakzawi, mi pakpak tem kölinga mianjön mönö gumohom neñgiiga köhöiba maljin.’”

<sup>5</sup>Mewö jiiga Bölöñangö Toñan Jisös wañgita Jerusalem siti töröñe anda jöwöwöl jikegö boñe euyangöreñ öñgöba ali kinök.

<sup>6</sup>\*Mewö kiniga kewö jii mörök, “Gi Anutugö Nahönña akzan ewö, mönö kianğöreñök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupni jim kutum enjiiga ölop kököbihigetka geba kötnöñ könage qahö guhum qizit akña.’”

\* **3:10:** Mat 7.19    \* **3:17:** Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35    \* **4:1:** Hib 2.18; 4.15

\* **4:4:** Dut 8.3    \* **4:6:** Sum 91.11-12

Miangöra geba kude ayuhuman.”

7 \*Mewö jiiga kewö melenök, “Qahö! Buña Kimbinöŋ keu kun mewöyök kewö ahöza, ‘Gi mönö Kembugi Anutu kude esapköm waŋgiman.’ ”

8 Mewö jiiga Bölöŋaŋgö Toŋan kunbuk waŋgita kundunji köröp tiŋtiŋi kunöŋ öŋgöba gölme pakpak yeŋgö kantri tohoŋi tohoŋi aka mienjö inap yuainini aködamunŋinambuk pakpak kondel waŋgiyök.

9 Kondel waŋgiba kewö jiyök, “Göŋön simin köl niŋgiba waikni memba möpöseim niŋgiman ewö, nöŋön öröyuai pakpak ki mönö tököm gihibi buña qem aŋguba galöm köl eŋgiman.”

10 \*Mewö jiiga Jisösnöŋ kewö jii mörök, “Qahö! Satan gi mönö kesalnöŋ. Buña Kimbinöŋ keu kun kewö ohoget ahöza, ‘Gi mönö Kembugi Anutu, ia mohot simin köl waŋgiba waikni memba möpöseiman’.”

11 Mewö jiiga Bölöŋaŋgö Toŋan miangöreŋök Jisös mosöta kesalök. Mewö aiga garata yeŋön kaba Jisös bauköm waŋgiget. Mewö.

*Jisösnöŋ könahiba Galili uruŋe urugö nup meyök.*

*Mak 1.14-15; Luk 4.14-15*

12 \*Miangö andöŋe Jon O-melun azi kösö mire \* alget tari Jisösnöŋ mi möta Judia prowins mosöta Galili anök.

13 \*Anda prowins miangöreŋ miriŋi Nazaret mosöta Kaperneam anda malök. Kaperneam siti mi Zebulun aka Naftali gölmenöŋ Galili o aŋgö qöhöröŋe ahöza.

14 Miangöreŋ mala nupŋi meiga Anutunöŋ keu kun kezapqetok azi Aisaia sölölohöiga jiyöhi, miangön ölnambuk ahök. Keu mi kewö,

15 \* “Ambazip Zebulun gölmenöŋ aka Naftali gölmenöŋ Jordan likepŋe malgetka sutŋine köna namŋi köwetnöŋ göröken anda kinjawi aka Juda qahöpmö, kambu tosatŋan Galili prowinsnöŋ maljei,

16 könaŋesö mienjön söŋaupnöŋ mala asakŋi ketanji ekŋe. Kömupnöŋ ambazip aum köl eŋgiiga pandaman gölmenöŋ maljei, yeŋgöra mönö miri waŋgaraan suruma.”

17 \*Jisösnöŋ Kaperneam mala nalö miangöreŋök könahiba Buña keunji jim asariba ambazip uruŋini kuŋguba kewö jiba malök, “Suep Toŋan bemtohoŋi almawaŋgö nalöŋan mönö kam kuŋguza. Miangöra mönö siŋgisöndok malmalŋini mosöta uruŋini melenget.” Mewö.

*Jisösnöŋ gwarekurupŋi mutukŋi eŋgoholök.*

*Mak 1.16-20; Luk 5.1-11*

18 Mewö jiba liliköba mala Galili o aŋgögö göraŋe mötöteiba anda darumun yahöt Saimon qetŋi alaŋi Pitö aka munŋi Andru etkehök. Yetköŋ söra örörö azia mala mösakŋiri o aŋgönöŋ söra öröbitköra gila malohot.

19 Jisösnöŋ etkeka kewö jiyök, “Aziyahöt, iŋiri mönö ni nuatanjöba kayohotka kusum etkibi ambazip söra ewö öröm eŋgimakhahot.”

20 Mewö jiiga miangöreŋök mösakŋiri mosöta könahiba Jisös wuatanjöba anohot.

21 Jisösnöŋ yetpuk borom kun toroqeba anda kunbuk darumun yahöt Zebedigö nahönyahötŋi Jeims aka Jon etkehök. Yetköŋ iwiŋiri Zebedibuk waŋgenöŋ tata mösakŋini möhamgöba jöhöba malgetka eŋgeka etkoholök.

22 Mewö eŋgeka etkoholiga miangöreŋök wahöta waŋge aka iwiŋiri mosöta könahiba Jisös wuatanjöba andöŋe anohot. Mewö.

\* 4:7: Dut 6.16 \* 4:10: Dut 6.13 \* 4:12: Mat 14.3; Mak 6.17; Luk 3.19-20 \* 4:12: Kiŋ Herodnöŋ ambi kun ölöŋ meiga Jon O-melun azinöŋ i miangöra jim waŋgiiga irimŋi sehölili jiiga opotöröp yeŋön Jon jöhöba kösö mire alget tarök. \* 4:13: Jon 2.12 \* 4:15: Ais 9.1-2 \* 4:17: Mat 3.2

*Jisösnöñ ambazip kusum engiba mem ölöwak engiyök.*

*Luk 6.17-19*

<sup>23</sup>\*Jisösnöñ anda Galili prowins uruñe lökñanök liliköba köuluk miriñine öñgöba bemtohoñgö Ölöwak Buñani jim asariba uruñini kuñguba kusum engiba malök. Mewö aka sutñine ambazip kawöl aka jepajerepe könañi könañi engöhöi malgeri, mi mem ölöwak engiba malök.

<sup>24</sup>Mewö memba maliga Jisösgö qetbuñanan sehiba Siria kantri dop köl teköba anök. Mewö ani mi möta kawöl ambazip pakpak enguanñita yangören kaget. Tosatñan uzi kawöl aka jepajerepe könañi könañi engöhöi malget. Tosatñan ömewörömenöñ uruñine geiga töñöt me kölköljinjinbuk malget. Tosatñan tala eta enñuiga bözok mitiba semben auba malget. Tosatñan sileninañgö likepñi kömukömuñi malget. Mewö mewöñi mienjön Jisösgören kagetka mem ölöwak engiyök.

<sup>25</sup>Mewö ak enñuiga ekeranñgöra ambazip könagesö ketañi yeñön Jisösgö andöñe wu-atanñgöba kaget. Kambu ketañi ketañi mi Galili prowins aka Ten Taon distriknöhök kaget. Kambu tosatñan Jerusalem siti aka Judia prowinsgö miri tosatñeyök kaget. Kambu tosatñan Jordan o likepñeyök kaget. Mewö.

## 5

*Jisösnöñ kundunje kindi kusum engiyök.*

<sup>1</sup>Jisösnöñ ambazip kambu ketañi enñeka kundunje öñgöba tariga gwarekurupñan kanñgota liliköm wañgiget.

<sup>2</sup>Liliköm wañgigetka könahiba ambazip kambuñi kambuñi kusum engiba kewö jiyök.

*Denike yeñön simbawoñ akze?*

<sup>3</sup>“Denike yeñön Anutugö jeñe etqeñi tandök mötzei, yeñön Suepkö bemtohoñi buña qem anñumeanñgöra mönö simbawoñ akze.

<sup>4</sup>\*Denike yeñön jinñeñ köla sahötzei, Anutunöñ i urukölalep enñimapköra mönö simbawoñ akze.

<sup>5</sup>\*Denike yeñön guñböñjönjön malakzei, Anutunöñ gölme ki mi yeñgöra enñii buñanina akñapköra yeñön mönö simbawoñ akze.

<sup>6</sup>\*Denike yeñön Anutugö jeñe solanibingöra kapañ köla mi nene aka ogö ewö kömumba qemjen qeba maljei, Anutunöñ mönö sihimñini mi gumohom enñgima. Mianñgöra yeñön mönö simbawoñ akze.

<sup>7</sup>Denike yeñön tosatñi ak kömum enñimakzei, Anutunöñ i ak kömum enñimapköra yeñön mönö simbawoñ akze.

<sup>8</sup>\*Denike yeñgö uruñinan sarakñi akzawi, yeñön ölop Anutu ekñe. Mianñgöra yeñön mönö simbawoñ akze.

<sup>9</sup>Denike yeñön luai qemakzei, yeñgö qetñini mi Anutugö nahönböraturupñi qetme. Mianñgöra yeñön mönö simbawoñ akze.

<sup>10</sup>\*Anutunöñ keuñini jim teköi solanizeanñgöra sesewerowero ak enñimakzei, yeñön Suepkö bemtohoñi buña qem anñume. Mianñgöra yeñön mönö simbawoñ akze.

<sup>11</sup>\*Ambazipnöñ inñini nöñgöra aka uruqeñe keu töhöreñ jim engiba sesewerowero aka keu bölöñi könañi könañi silenine ala munenmunen jimakzei, enñön mönö simbawoñ akze.

<sup>12</sup>\*Mötket, Anutunöñ töwanini öñgöñgöñi Suep mire ali ahözawanñgöra mönö gönköirañ ala sösoñgai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak enñigetka enñön yeñgö andöñine asuhaba yembuk öröröñ malje.” Mewö.

\* 4:23: Mat 9.35; Mak 1.39 \* 5:4: Ais 61.2 \* 5:5: Sum 37.11 \* 5:6: Ais 55.1-2 \* 5:8: Sum 24.3-4 \* 5:10: 1 Pitö 3.14 \* 5:11: 1 Pitö 4.14 \* 5:12: 2 Hist 36.16; Apo 7.52



*Inini gölmegö sihi aka kiwa ewö akze.*

*Mak 9.50; Luk 14.34-35*

<sup>13</sup> Jisösnöñ jiyök, “Inini gölme ambazip yengö howe tandök akzemö, howe nahömñan piahima ewö, mi mönö denöwö möhamgöinga kunbuk nahömñambuk akawak? Miangö könañi kun qahö. Toroqeba yuai kungöra qahö dop kölmappmö, mi nesak ewö gilget geiga ambazipnöñ mi könañinan tiahöme.

<sup>14</sup> \* “Inini gölmeñi gölmeñi yengö kiwa tandök ewö aka malje. Siti kun kundunje öngöba meget tatzawi, mianön tölapñe tatmamgö osimakza.

<sup>15</sup> \* Kunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri urunje maljei, mönö körek yengö jeñini kunjuiga asakñi ehakñe.

<sup>16</sup> \* “Mewöñanök mönö engö asakñini kondelgetka ambazip sutñine asariiga ehakñe. Amba-zipnöñ ahakmemeñini ölopñi eka miangöra Iwiñini Suep mire maljawi, mönö i möpöseiba malme.” Mewö.

*Jisösnöñ Köna keugö könañi kusum engiyök.*

<sup>17</sup> “Nöñön Mosesgöreñ Köna Keu aka kezapqetok ambazip yengö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñön qeapkömamgöra qahöpmö, keu mi tem köl teköbi miengö ölninan pöndañ asuhumapköra aka kaba maljal.

<sup>18</sup> \* Nöñön keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuhugetka Suep gölme yetkөн göröñ qemahot.

<sup>19</sup> “Miangöra kunñan Köna keugö jimkutukutu morörökñi miengöreñök keu kun koyonhiba ambazip mewö kusum engimakzawi, yañön Suepkö bemtohone angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum engimakzawi, yañön Suepkö bemtohoñ urunje angoriga qetñi ketanamnini qetme.

<sup>20</sup> “Nöñön miangö dop kewö jibi mötket: Engö ahakmemeñini solanñi mianön mönö Köna keugö böhi aka Farisi (Köna keugö kapankölköl) yengö silikñini tandök ewö öröröñ akapuk. Silikñinan yengö silikñini gwötpuk qahö ongitma ewö, enön mönö Suepkö bemtohoñ urunje qahö angotme.” Mewö.

*Yom kazik aka enguget kömukömugö könañi.*

<sup>21</sup> \* Jisösnöñ toroqeba jiyök, “Enön möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakene algetka keuñi jim teköme.’

<sup>22</sup> “Mewö jiget mötketmö, nöñön keu mi kewö jim tuaribi mötme: Kunñan alañambuk angururuk aka irimñan sehooli yom kazik akzawi, i mönö mewöyök distrikö keu jakene al wangiget keuñi jim tekömeangö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yengö jeñine al wangiget keuñi jim tekömeangö dop akza. Kunñan alañi lösö keunöñ jim böliba ‘Gi anğöjörakabuk akzan,’ jizawi, yañön mönö könöp sianöñ gemawangö dop akawak.

<sup>23</sup> “Miangöra göñön kalem naluki memba kaba altanöñ almamgö aknöñga miangöreñ keu kewöñan mötmötke kangotpawak: Alagahö urunje keu ahöi yañön kazik ak gihimamgö mötza. Keu mewöñi mötmöriman ewö,

<sup>24</sup> kalemgi mi mönö alta wösöñe ala mutuk alagahöreñ anda yambuk keuñiri jim solaniba urumohot aka miangö andöñe kunbuk kaba kalem naluki Anutugöra alman.

\* 5:14: Jon 8.12; 9.5 \* 5:15: Mak 4.21; Luk 8.16; 11.33 \* 5:16: 1 Pitö 2.12 \* 5:18: Luk 16.17 \* 5:21: Eks 20.13; Dut 5.17

25 “Kerökan silege ala keu jakenje öröm gihimangö aiga komitigörej anda köna namje miangörej mönö kapan köla imbi mohot aka keunjiri jim solanimahot. Mewö qahö akjahot ewö, kerökan ölop örörahöm ghiuga (jas, majistreit) jimtekötekö tonangö jene angotnonga möta jii opotöröpkö böröje genonga kösö mire al ghibapuk.

26 Nöñon keu ölni kewö jibi mötnöñ, Gi miangörej töwagi pakpak almanangö dop qaköba tatman. Toiyagi kondikni mewöyök al teköbagun mönö töwagi memba etman.” Mewö.

### *Sero yongorögö könañi*

27 \* “Keu kun kewö jiget mötzema, ‘Sero yongorö kude akñan.’

28 Mewö jiget mötketmö, nöñon keu mi kewö jim tuaribi mötme: Kunñan serogö sihim kömbönañi qakne ambi uba ekzawi, yanön lök uruñan yambuk sero yongorö akza.

29 \* “Jegi ölnan siñgisöndok akñangö kölgrom ak gihima ewö, mi mönö qözöla gilynön anma. Sile kitipki kunñan ayuhui mewö Suepnöñ öngönonga dop kölmappmö, silegi jömukni malnonga gil gihigetka könöp sianöñ geba ayuhubanbuk.

30 \* “Börögi ölnan siñgisöndok akñangö kölgrom ak gihima ewö, mi mönö yandiba gilynön anma. Sile kitipki kunñan ayuhui Suepnöñ öngönonga dop kölmappmö, silegi jömukni mala könöp sianöñ geba ayuhubanbuk.” Mewö.

### *Awanöm angömosötmosötkö könañi*

31 \* “Keu kun kewö jiget ahöza, ‘Kunñan anömni mosötmawi, yanön mönö angömosötmosöt papia ohoba anömni wanñgima.’

32 \* “Mewö jiget ahözappmö, nöñon kewö jibi mötme: Kunñan anömni qesabulum aiga mosötpawakmö, könañi kungöra anömni mosöt-mawi, mewö miangön mönö anömnan qesabulum akñapkö kondota siñgisöndokö keunambuk akña. Mewö aiga azi kunbuk meiga azi dölökni miangön mönö mewöyök qesabulum akña.” Mewö.

### *Keujini jöjöpañ keunöñ kude jim köhöime.*

33 \* “Keu kun mi mewöyök möpneyök kewö jiget mötzema, ‘Keujini jöjöpañ keunöñ jim köhöigeri, mi mönö kude ongitme. Kembangöra yuai akingö keujini jöjöpañ keunöñ jim jöhögeri, mi mönö wuatangögetka ölnambuk akña.’

34 \* “Mewö jiget mötketmö, nöñon keu mi kewö jim tuaribi mötme: Keujini mönö jöjöpañ keunöñ qahöpmahöp jim köhöime. Suep mi Anutugö jakömbuak dumni akzawangöra aka keu kewö kude jime, ‘Keu ölni qahö jimam ewö, Suep Tonjan ölop likepni meleñni qakne öngöma.’

35 \* “Gölme mi Anutugö könañangö döpnä akzawangöra aka keu kewö kude jime, ‘Keu ölni qahö jimam ewö, gölmenöñ ölop tiñgita turum niñgima.’ Jerusalem mi Kiñ Tök-kutukutuñangö sitiñi akzawangöra aka keu kewöni mi mewöyök kude jime, ‘Keu ölni qahö jimam ewö, Kiñ Ketani yanön ölop qemasolokepñangö likepni meleñni qakne öngöma.’

36 Gi nörop jupki inñani menöñ tuatni akñapkö osiman aka nörop jupki tuatni menöñ inñani akñapkö osiman. Miangöra keu kewö kude jiman, ‘Keu ölni qahö jimam ewö, Anutunöñ ölop nöropni qeiga jupñangö mundañan uteköma.’

37 Jöjöpañ keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñi miangörej keu yuai toroqemei, mi mönö Bölöñangö Tonjan sölölohöm engii asuhuma.” Mewö.

### *Jinöñ jibi aknöñ aki mi kude akñe.*

#### *Luk 6.29-30*

\* 5:27: Eks 20.14; Dut 5.18 \* 5:29: Mat 18.9; Mak 9.47 \* 5:30: Mat 18.8; Mak 9.43 \* 5:31: Dut 24.1-4; Mat 19.7; Mak 10.4 \* 5:32: Mat 19.9; Mak 10.11-12; Luk 16.18; 1 Kor 7.10-11 \* 5:33: Lew 19.12; Jan 30.2; Dut 23.21 \* 5:34: Jei 5.12; Ais 66.1; Mat 23.22 \* 5:35: Ais 66.1; Sum 48.2

38 \**“Keu kun kewö jiget mötzema, ‘Kunñan jegi qösökömawi, gi mönö kitipñi melenđa yanğö jeñi qösököman. Kunñan jítke kumburatimawi, gi mönö kitipñi melenđa yanğö jítñi kumburatiman.’*

39 *“Mewö jiget mötketmö, nöñön keu mi kewö jim tuaribi mötme: Kunñan bölöñi ak enğimawi, i mönö kude qetala tuarenjoñ ak wañgime. Mewö qahöpmö, nuñgulungi öññi qekötahöma ewö, mönö nuñgulungi likepñi mewöyök qekötahömapköra melenñman.*

40 Kunñan ‘Sileötañgi memam,’ jiba keunöñ al gihimamgö mötza ewö, mönö mosöta malukugi qakñi mewöyök wañginöñga buña qem añguma.

41 *“Mewöyök kunñan gösöñi kilomita (mail) mohotkö dop siriba anmangö kuñgum gihima ewö, mönö ölop tem köla kilomita (mail) yahötkö dop siriba yambuk anman.*

42 Kunñan göhöreñ yuai kungöra qesim gihimawi, mi mönö wañgiman. Kunñan ‘Yuai niñginöñga kitipñi bian melenñmam,’ jiba qesim gihimawi, i mönö andö kude qeman.” Mewö.

*Kazikurupki mönö urugan jöpaköm enğiman.*

*Luk 6.27-28, 32-36*

43 \**“Keu kun kewö jiget mötzema, ‘Ambazip kösutñine mala alaurupñini akzei, mi jöpaköm enğimakñemö, kazikurupñini mönö melenđa kazik ak enğiba malme.’*

44 *“Mewö jiget mötketmö, nöñön keu mi kewö jim tuaribi mötme: Inñi mönö kazikurupñini jöpaköm enğiba kinda sesewerowero ak enğimakzei, yengöra mönö köuluköba malme.*

45 Mewö ahakñe ewö, mewö mianön Iwiñinan Suep mire maljawi, mönö yanğö könañi kondela nahönböratuñi aka malme. Yanğö könañi kewö: Yanön wehöññi qahö añgön köliga kota ambazip ölopñi aka bölöñi mewöyök mem asarim enğiba kie aliga ambazip diñdiñi aka goñgoñi yanğö nupñini mewöyök mem kelörakza.

46 *“Enön mönö niñginöñ gihibigö tandökñi onğita Anutugö könañi kondela ahakñe. Takis tilipqilipñinambuk megetka sisitñini memakzei, yeñön alaurupñinan jöpaköm enğigetka i melenđa jöpaköm enğimakze. Mi urumelenğö silikñi qahö. Inñi yanğö silik miyök wuatangöba ahakñe ewö, Anutugöreñ tosa kun qahö ahuiga yanön mönö silikñinanğö likepñi qahö enğiiga töwa kun qahö buña qem añgume. Mianğöra mönö ambazip körek pakpak jöpaköm enğiba malme.*

47 *“Urumelenğö kopa ambazipnöñ mewöyök sutñine jölöñini jim añguba maljemö, mi urumelenğö aiwesökñi qahö. Inñi yanğö dop alaurupñini enğö sutñineyök jölöñini jim añgumakñe ewö, mewö mönö kopa ambazip ewö akze. Kopa ambazip yanğö silikñini mönö onğita qetpuk sorokñi aka malme?*

48 \**“Enğö Suep Iwiñinan aködamun sorokñi akzawi, enön mönö mianğö dop aködamun sorokñinambuk aka malme.” Mewö.*

## 6

*Mözöqözöröñ ambazip mi kalem enğimakñe.*

1 \**Jisösnöñ kewö kusum enğiyök, “Mönö kewögöra galöm mem añguba malme: Ahakmemeñini solanñi diñdiñi mi ambazipnöñ eka enğöra mötket öngömapköra aka kude ahakñe. Mewö ahakñe ewö, enğö Iwiñini Suepnöñ maljawanön mönö silikñinanğö likepñi qahö enğiiga töwa qahö buña qem añgume.*

2 *“Mianğöra ‘Mözöqözöröñ ambazip kalem enğimam,’ jiba mi qenjarökñöñ kömam tömunbuk uba kolek almegöra kude akñan. Urumelenğö silesile ambazip yeñön ambazipnöñ miwidimğöm (mem biwim) enğimegöra möta köuluk mire aka köna namñe anda ambazip enğeka mewö ahakze. Nöñön keu öl töhöññi kun kewö jibi mötme, Yeñön mönö silikñinanğö töwanñi pakpak lök buña qem añgugetka Suep Tonjan mi qahö toroqema.*

\* 5:38: Eks 21.24; Lew 24.20; Dut 19.21 \* 5:43: Lew 19.18 \* 5:48: Lew 19.2; Dut 18.13 \* 6:1: Mat 23.5

<sup>3</sup> “Göñön mewö kude akñanmö, ‘Mözöqözörön ambazip kalem enjiman,’ jiba börögi ölñan denöwö akzawi, börögi qaniñan mi kude mötma. \*

<sup>4</sup> Kalemgi mianjön tölapñe ahöiga Iwigan ahakmeme tölapñi ehakzawi, yañön mönö töwa gihima.” Mewö.

*Köuluk nupkö könanji kewö:*

*Luk 11.2-4*

<sup>5</sup> \* “Miangöra Anutugö köulukömei, mi mönö urumelengö silesile ambazip yengö dop kude akñe. Yeñön ambazipnönj engekñegöra möta sihimñinan köuluk mire aka köna soñanönj kinda köulukömakze. Nöñön keu öl töhönñi kun kewö jibi mötme, Yeñön mönö silikñinanğö töwañi pakpak lök buña qem anjugetka Suet Toñan mi qahö toroqema.

<sup>6</sup> “Göñön mewö kude akñanmö, ‘Anutugö köulukömam,’ jiba mönö nangi miri urunji moröñe öngöba nanju köla Iwigi tölapñe maljawi, i köuluköm wanjiman. Mewö aknönğa Iwigan ahakmeme tölapñi ehakzawi, yañön mönö töwa gihima.

<sup>7</sup> “Köulukömei, miangörej mönö urumelengö kopa ambazip yengö tandök ewö † keu oyondewetdewet mi kude jiba malme. Yeñön keu jit sehisehñi jigetka Anutunönj miangöra aka kezap ala möt enjimapkö mötmörimakze.

<sup>8</sup> Mönö kewögöra yengö dop kude aka malme: Injini wani yuaigöra osiba mözöqözörön akzei, Iwiñinan mi qahö köulukögetka qeljiñe lök mötza.

<sup>9</sup> Mönö kewö köulukömakñe:

“Nengö Iwinini, gi Suepnönj maljan. Göhö qetki mönö töröñi ahöma.

<sup>10</sup> Mönö galöm köl neñginönğa bemtohoñgahö ölñi asuhuma.

Göhö jitsihitki Suepnönj tem kölakzei, mewöñanök mönö gölmenönj asuhuma.

<sup>11</sup> Merakö nenenji mönö dopnine neñjiman.

<sup>12</sup> Tosatñi yengörej tosa neñgörej ahözawi, nini mi mosöt enjizin ewö, gi mönö miangö dop neñgö tosanini sanjoñman.

<sup>13</sup> Esapesapnönj et neñgubapuköra mönö anğön köl neñgiba Bölöñi Toñanğö böröñeyök ‡ meköm neñjiman. (Gi nangak bemtohoñ Toñi, kukösum Toñi aka asakmararan Toñi mi nalöñi nalöñi mala kota malnönj aka teteköñi qahö mal öngöman. Mi ölña.)

<sup>14</sup> \* Injini ambazip yengö siñgisöndokñini mosötme ewö, enğö Suet Iwiñinan mönö mewöyök enğö siñgisöndokñini mosötma.

<sup>15</sup> Mosötmapmö, ambazip yengö siñgisöndokñini qahö mosötme ewö, enğö Iwiñinan mönö mewöyök enğö siñgisöndokñini qahö mosötma.” Mewö.

*Nenegö siñgi malmal mi kewö ahakñe:*

<sup>16</sup> “Nenegö siñgi malmei, miangörej mönö urumelengö silesile ambazip ewö kukbosole kude aka malme. Yeñön Anutugöra nene siñgi malakzei, ambazipnönj mi ekñegöra aka zolonj örögetka jemesoholñinan mölmölimakza. Nöñön keu öl töhönñi kun kewö jibi mötme, Yeñön mönö silikñinanğö töwañi pakpak lök buña qem anjugetka Suet Toñan mi qahö toroqema.

<sup>17</sup> “Göñön mewö kude akñanmö, Anutugöra nenegö siñgi mala miangörej mönö sinim jupuknönj me saipenönj jemesoholgi sanjoñda nörop jupki qeba malman.

<sup>18</sup> Mewö aka nenegö siñgi malnönğa ambazipnönj qahöpmö, Iwigi tölapñe maljawanjön mi ekña. Mewö aknönğa Iwigan ahakmeme tölapñi ehakzawi, yañön mönö töwa gihima.” Mewö.

\* **6:3:** Börögi qaniñan mi kude mötma, keu miangö könanji kewö: Mi mönö tölapñe aknönğa wölböt alagan mewöyök mi kude mötma. Anutunönj sölölohöm gihiiga nup ölöpñi anqeba memakzani, mi mönö nangak ölum guhumakza.

\* **6:5:** Luk 18.10-14 † **6:7:** Kian kantri yeñön Anutu qahö möt wanjiba bemñini murutñi murutñi köuluköba keu omani oyondewetdewet mi lanj jiba malje. ‡ **6:13:** “Bölöñi Toñanğö böröñeyök meköm neñjiman,” tosatñan keu mi

kewö melenje: bölöñeyök meköm neñjiman. \* **6:14:** Mak 11.25-26



*Söngöröñi ketañi yuai mi mönö Suepnöñ tokome.*

*Luk 12.33-34*

<sup>19</sup> \*“Moneñ inap yuai mi mönö gölmenöñ ahöm enjimapköra kude tokome. Mewö tokogetka mianğöreñ jijilukut kezaplonlonñöñ mi yöhötigetka kahawet töromnöñ (ros, ufeñ) mem böliiga kegwek-kahasililiñ yeñön miri qesiñda öngöba yonğorö memakze.

<sup>20</sup> “Gölmenöñ qahöpmö, Anutugö jitsihitñi tem kölgetka qetbuñarñinan qarimapköra mönö kapañ kölme. Mewö aketka guli dötnamñini qainñi kun mi Suep mire ahöiga gurem jijilukutnöñ mi qahö yöhötigetka kahawet töromnöñ (ros, ufeñ) mi qahö mem bölime. Kegwek-kahasililiñ yeñön eu qahö öngöba miri qesiñda qahö yonğorö meme.

<sup>21</sup> Yuaigöra aködamunñi memba mötnöñ öngözawi, mianğön miri kungen ahöiga göñön mönö urugi mewöyök mianğöreñ qekötahöba malman.” Mewö.

*Silegö asakñi mi kewö:*

*Luk 11.34-36*

<sup>22</sup> “Göhö jegi mi uru silegahö kiwañi akza. Mianğöra kawöl kunöñ jegi qahö mem böliza ewö, mianğön mönö unöñ asarim teköi Anutugö asakñan ölop uruge mem asariiga malmalgi pakpak asakñe malman.

<sup>23</sup> “Asakñe malmanmö, sihim kömbönañi bölöñan me yuai kunñan jegi mem böliba asakñi közambötza ewö, mianğön silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnöñ urugahö asakñi közamböri söñauza ewö, nangi pandamanöñ mönö Yei! keta bölökñi wewelipñambuk akza.” Mewö.

*Anutu me moneñ möt nariman?*

*Luk 16.13; 12.22-31*

<sup>24</sup> “Kunñan kembu yahöt welen qem etkimamgö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Mianğöra enñön Anutu aka moneñ inap mi mindiriba welen qem etkibingö osime.” Mewö.

*Anutu möt nariba waimanjat kude akñe.*

<sup>25</sup> “Mewö aiga nöñön kewö jibi mötket: Inini gölmenöñ malmeanğö waimanjatñi mi kewö jiba kude akñe, ‘Mönö wani yuainöñ gumohom anğubinak aka wanatnöñ sileninağö löngötpinak?’ Jeñinambuk maljei, mianğön bohonñi aiga nenenöñ mönö mianğö nemböñe akza. Sileninambuk maljei, mianğön bohonñi aiga opo sörönöñ mönö mianğö nemböñe ahöza. Mönö mi mötmörime.

<sup>26</sup> “Könakemba neiñi neiñi mönö engekñe. Mienñön nene kötni qahö qesiñ gilakze. Padi ölni qahö yandiba köwe miriñine qahö tokomakze. Mi qahöpmahöp aiga enğö Suep Iwiñinan mönö töndup i gumohom enjimakza. Inini nei yeñgö dop qahöpmö, enğö söngöröñinan mönö nei söngöröñini enğonğita öngöñgöñi akza me qahö? Mönö mi mötmöriget anök.

<sup>27</sup> “Enğöreñök kunñan waimanjat aka mewö mianğön gölmenöñ malmawañgö nalöñi mi sömañi mohotkö dop mem toroqema me qahö? Mi qahöpmahöp! §

<sup>28</sup> Opo söröñinağöra mönö denöwögöra waimanjat akze? Mi qahö dop kölja. Sombe-mgö jariñ jurañi qarimakzei, mönö mi uba engekñe. Mienñön opo söröñinağöra möt qahö lonğalakze aka nup tosatiñ qahö memakze.

<sup>29</sup> \*“Mi töndup nöñön kewö jibi mötme, Kiñ Solomonöñ goul silwöñi qeraköba asonbilikñambuk malökmö, yañgö malukuñi mi kiteñ soranjiñ me jura kungö dop ekshimñambuk qahö ahöyök.

\* **6:19:** Jei 5.2-3 § **6:27:** Tosatñan jabö 27 mi kewö melenja jize: Enğöreñök kunñan waimanjat aka mewö mianğön silenji wan fitgö dop toroqeba mem körimamgö osima. \* **6:29:** 1 Kiñ 10.4-7; 2 Hist 9.3-6



<sup>30</sup> Sombemgö jariñ juranji töhön merak kösutnine ahöi uran kölgetka eri qezaköba gila ohoget jemapmō, mi töndup Anutunōñ mi ölöpñanök meñölōmakza. Mianğōra yañōn iñini mewöyök ölöp esuhum engima. Iñini jariñ juranğō dop qahō. Anutunōñ köyan köl engimangö möta mianğōra sihimñi öngöngöñi mörakza. O ambazip, mötnaripñinan mönō wuanōngōra öne töhön morörökñi akza?

<sup>31</sup> “Mewö aiga iñini mönō malmalñinangö waimanjat aka mötkurumkurum kude ahakñe. Mi aka lömböriba kewö jibepuk, ‘Nini mönō wani nene aka wani oya nembinak?’ aka ‘Wani yuainōñ silenini esuhubinak?’

<sup>32</sup> “Mi kewögōra: Urumelenğō kopa yeñōn yuai pakpak mi buña qem angubingö kapan köla urukönöp ahakze. Iñini yuai pakpakōra mözörōngöba osimakzei, engö Suep Iwiñinan mönō mi möt tekōza.

<sup>33</sup> Mianğō urukönöp kude akñemō, mutuk mönō Anutugö bemtohoññōñ angota yañğō jeñe solanibingö kapan kölme. Uruñini mianğōreñ alget ahöiga yañōn mönō galöm köl engiba yuai mewöñi pakpak mi mewöñanök engima.

<sup>34</sup> “Mewö aiga iñini mönō uran malmeanğō waimanjatñi kude ahakñe. Urangö waimanjatñi mi urangōra. Silim mohot mohotkö waimanjatñini mönō nanñök nanñök bisiinga dopñine akña.” Mewö.

## 7

*Jimtekötekö toñi ewö kude akñe.*

*Luk 6.37-38, 41-42*

<sup>1</sup> Jisösnōñ toroqeba kewö jiyök, “Anutunōñ keuñini kewöta jim teköi etpepukōra mönō tosatñi yeñğō keuñini kude kewöta jim teköme.

<sup>2</sup> \*Mianğō könañi kewö: Iñini tosatñi yeñğō keuñini kewöta jim tekömei, Anutunōñ mönō dop mohot mianñōnök nanñini keuñini kewöta jim teköma. Iñini tosatñi yeñğōra jimkutukutu ala memba öngöba eta kewöt engimakzei, Anutunōñ mönō mianğō dop nanñini ak engii öngöba erakñe.

<sup>3</sup> “Gi alagahö jeñe gödöwöröt morörökñi ekzanmō, nangi jege ip sahötñi ketanji ahözawi, mia mönō wuanōngōra kude ek kutuzan?

<sup>4</sup> Me denöwögōra aka amqeba alagahōra kewö jizan, ‘Alani mötnōñ, ni ölöp jegeyök gödöwöröt itaköbi etma?’ Mewö amqeba jizanmō, ip sahötñi ketanji mi nange jege ahöza.

<sup>5</sup> “O gi urumelenğō silesile azia, gi mönō mutuk nange jegeyök ip sahötñi (tametñi) ketanji memba gilman. Mi mem gilagun törörök ek kutuba alagahö jeñeyök gödöwöröt morörökñi mi ölöp itakönöñga etma.

<sup>6</sup> Yuaigōra mötketka tök-kutukutuñi qainñi kun akzawi, mi mönō kiam kude engime. Guli damandan qeqeñi mi mönō bau wösöñine kude gilget anma. Mewö akñe ewö, yeñōn mönō mi könañinan tiahöm engiba dumñe melenđa nanñini engöhöba yöhöqöhötüm engibepuk.” Mewö.

*Mönö qesiba jaruba Anutugö nanğunje qeba malme.*

*Luk 11.9-13*

<sup>7</sup> “Mönō Anutu köuluköme. Köulukögetka kewöta engima. Urugö yuaigö Anutugöreñ böröjan memba jarume. Mi jarugetka kondeliga miwikñaime. Kinda nanğunōñ qeme. Qegetka nanğunji öröm engima.

<sup>8</sup> Kunñan Anutu köulukömakzawi, yañōn mönō likepñi buña qem anguma. Yuaigö jarumakzawañōn mönō mi miwikñaima. Nanğunōñ qemakzawañğōra mönō nanğunji öröm wangima.

<sup>9</sup> “Mötket, ambazip engöreñök dañōn kewö akawak: Nahönñan bisketkōra qesiiga köt wangima?

<sup>10</sup> Me nahönñan söragōra qesiiga qatö wangima?

\* 7:2: Mak 4.24

11 “Mewö aiga inini ambazip bölöñji aka töndup kalem ölopñji ölopñji nahönböraturupñini engibingö dop akze ewö, engö Iwiñini Suep mire maljawañön mönö kalemñi denöwö angön kölbawak? Yangö uruñangö ahakmemenji mi neñgoñgita tandökñi kun akza. Mianğöra inini yuai ölopñangöra köuluköba qesim wangime ewö, yañön mönö sihimñan mi engima.

12\*“Mianğöra ambazipnön yuai pakpak nanninañgö ak engimegö mörakzei, mianğö dop mönö nannini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keuñini mianñön mönö ölninambuk aketka mindimindiri könañan aukñe asuhuma.” Mewö.

*Mönö kiripo nanğu giwikñi kutuba anme.*

*Luk 13.24*

13 “Könöp sianön gebingö könañi mi amqeqeñi aka numbuñangö nanğuñi mi ketañi. Ambazip sehisehiñan nanğu mi kutuba köna mi mötöteiba anme. Mianğöra inini mönö kiripo nanğu giwikñi kutuba mianğö uruñe anme.

14 “Malmal köhöikñe angotpingö könañi mi pökpökñi (pipitñi) osukosubuk aiga numbuñangö nanğuñi mi giwikñi. Ambazip awamdökñan nanğu mi miwikñaime.” Mewö.

*Ipkö könañi mi ölni eka möt kutume.*

*Luk 6.43-44*

15 “Kezapqetok ambazip takapulakanji yeñön lamagö sile ewö esuñini löngöta engören kamakzemö, uruñinan ubibi kiam kalñi ewö akze. Mianğöra inini mönö yeñgöra aka tihitñini möta galöm mem anguba malme.

16 Nupñinañgö ölni eketka könañini kondeli ölop möt kutume. Nejoñ kötni mi jömnön asuhumakza me qahö? Warun kötni mi koururuknön (köwörörök) asuhui tokomakzin me qahö? Qahö.

17 “Mianğö dop ip ölopñi pakpak mienñön ölni ölopñi kuñgumakzemö, ip bölöñan mönö kötni bölöñi kuñgumakza.

18 Ip ölopñan ölni bölöñi kuñgumangö osiza aiga ip bölöñan kötni ölopñi kuñgumangö osiza.

19\*“Ip pakpak ölni ölopñi qahö kuñgumakzei, mi mönö galömñan kutuba memba köñöpnön giliga geme.

20\*“Mianğö dop ambazip mienğö nupñinañgö ölni eketka könañini kondeli ölop möt kutume.” Mewö.

*Gwarek ölnangö könañi*

*Luk 13.25-27*

21 “Nöngö Suep Iwiñangö jitsihitñi tem kölakzawañön mönö yangö bemtohoñnön angotma. Gwötpuk yeñön nöngöra ‘Kembuni, Kembuni!’ qeta jimakzemö, körek yeñön Suepkö bemtohoñnön qahö angotme.

22 “Jimtekötekögö nalö ketañi mianğören gwötpuk yeñön kaba nöngöra kewö jime, ‘O Kembu Kembu, neñön mönö göhö qetke yuai asuhumapkö kezapqetok keu qeljiñe jiba malin. Neñön mönö göhö qetkahö ösumnön ömewöröme enğuatangöba malin. Göhö qetkan mönö nam köl neñgiiga angöletot ösum-mumuñinambuk gwötpuk memba malin. Mi ölum guhuza me?’

23\*“Mewö jigetka nalö mianğören könañini aukñe kewö jibi mötme, ‘Nöñön inini nalö kunön qahö möt engial. Iwilele ahak ambazip, inini mönö nömosöta kesalget.’ ” Mewö.

*Miri memegö mötkutukutu ölopñi aka piromñi*

*Luk 6.47-49*

\* 7:12: Luk 6.31 \* 7:19: Mat 3.10; Luk 3.9 \* 7:20: Mat 12.33 \* 7:23: Sum 6.8

24 “Mewö aiga denike yeñön keu jitni jizali, mi möta mianğö dop tem köla memakzei, nöñön körek yeñğö kōnañamñini kondela mötkutukutu azigö dop ala kewö jimam, Yañön miriñi jamönjiñ köt qakñe meyök.

25 Mewö meiga kie uru nalöñe kie römbum yöhöba eriga göulu luhuiga luhut ketani qeiga o göulu köhöikñi gila miri selñe kuñguyökmö, miri mi jamönjiñ köt qakñe mei kinöhañğöra aka qahö kusuyök.

26 “Denike yeñön keu jitni jizali, mi möta mianğö dop qahö tem köla memakzei, nöñön körek yeñğö kōnañamñini kondela azi mötkutukutuñi piromñañğö dop ala kewö jimam, Yañön miriñi sak kōsahet qakñe meyök.

27 Mewö meiga kie uru nalöñe kie römbum yöhöba eriga o luhuiga luhut ketani qeiga o göulu köhöikñi gila miri selñe kuñgui kusuiğa goromororöñğöba erök.” Mewö.

*Ambazipnöh Jisösgö kukösumñañğöra welipköget.*

28 \*Jisösnöh keu mi jim teköiga ambazip kambuñi kambuñi yeñön mötketka kusum enğiyöhi, tandök mianğöra auruba welipköget.

29 Yañön yeñğö Kōna keugö böhiurupñinañğö tandök qahö kusum enğiyökmö, kukösum Tonji akzawañğö dop ambazip kusum enğiiga möta tandök mianğöra welipkögetka nemböñini teköyök. Mewö.

## 8

*Jisösnöh uzikuku azi kun mem solaniyök.*

*Mak 1.40-45; Luk 5.12-16*

1 Jisösnöh kundunji mi mosöta eri könagesö kambuleleme ketanan andöñe wu-atañğöget.

2 Mewö kagetka mianğöreñ uzikuku azi kunöh kaba simin köla Jisösgö wösöñe geba kewö jiyök, “O Kambu, göñön sihimangan mem ölöwak niñgimangö mötzan ewö, mönö ni ölop mem solanim niñgiman.”

3 Mewö jiiga böröñi böranda silenji misiriba jiyök, “Nöñön mi akñañğö mötzal. Gi mönö solaniman.” Mewö jiiga uzikukunji mi mianğöreñök solanii ölöwahök.

4 \*Solaniiga kewö jim kutum wañgiyök, “Mötnöh, kianğö buzup keunji mi kun kude jinöh mötme. Qahöpmö, mönö jike nup galömgöreñ anda silegi kondel wañgiman aka Mosesgöreñ jimkutukutuñi wuatañğöba solani-zanañğö saiwap nalukñi ala jöwöwöl ohoman. Mi ohonöh ehiga ambazipnöh kōnañamgi möt kutume.” Mewö.

*Jisösnöh suahö galöm kungö nup azinji mem ölöwahök.*

*Luk 7.1-10*

5 Jisösnöh Kaperneam taonöh kañgoriga Rom suahö galöm kunñan yañğöreñ kaba köuluköba kewö jiyök,

6 “O Kambu, nöñğö nup azinañğö silenji likepñan kömukömuñi aiga sihimbölö kan-jañambuk möta mire ahöza.”

7 Mewö jiiga kewö jii mörök, “Nöñön mönö anda i mem ölöwakñañ.”

8 Mi möta kewö melenđa jiyök, “O Kambu, ni mewöröpñan malbiga nöñğö miri boñan goalöñmapkö gamuni mötzal. Mianğöra keu jitkanök jinöñga welen azinan ölöwakña.

9 “Mi kewögöra: Ni nanak mewöyök galömnangö kukösum bapñe al niñgigetka maljal. Nöñğö bapñe yarö azi malgetka mi jim kutum enğimakzal. Yeñğöreñök kungöra ‘Anman,’ jim kutubi yañön anma. Kungöra ‘Kanöh,’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

10 Jisösnöh keu mi möta welipköba ambazip wuatañğöba kageri, yeñğöreñ lilingöba kewö jiyök, “Nöñön keu öñi kun kewö jibi mötme: Israel könagesö sutñine mewöyök mötnarip ketani mewöñi mi kungö uruñe qahö miwikñaial.

\* 7:28: Mak 1.22; Luk 4.32 \* 8:4: Lew 14.1-32

11 \**“Nöñön keu kewö jibi mötme: Ambazip kambulelemenönj mönö wehön kotkotneyök aka wehön gegeneyök kaba Suepkö bemtohoñ uruñe kañgota Abraham, Aisak aka Jeikob yembuk nene sösöngai aka malme.*

12 \**Yeñön mewö malmemö, bemtohongö nahönböraturup mi mönö engömosöta aköm engigetka pandamanönj yaigep geme. Mianğöreñ malmei, yeñön mönö sahöt gigilahöba irimñini yöhözömgögetka qetñi qeri malme.”*

13 Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen azinjan mönö aua mianğöreñök ölöwahök. Mewö.

*Jisösnöñ kawöl ambazip gwötpuk meiga ölöwaket.*

*Mak 1.29-34; Luk 4.38-41*

14 Jisösnöñ Pitögö mire anda Pitögö suhunñan silekönöp kawöl yöhöi ahöiga ehök.

15 I eka böröñe misiriiga silekönöpñan mosöri wahöta könahiba Jisös nene ohoba gumohom wañgiyök.

16 Mewö malgetka miri söñauiga mianğöreñ ambazipnönj alaurupñini ömeñinambuk mi gwötpuk enğuañgita yañğöreñ kaget. Kagetka ömewöröme mi keuñan jiba közöl enğiiga kota anget aka kawöl ambazip pakpak mi mem ölöwak enğiyök.

17 \**Mewö mianjön Anutunönj keuñi kezapqetok azi Aisaiagö uruñe ali jii ahözawi, mianjön ölnambuk ahök. Keu mi kewö, “Yañön mönö neñgö uzi kawölnini meiga qakñe öngöiga bisiyök.”* Mewö.

*Jisös wuatangöbingö möndömöndö keuñi*

*Luk 9.57-62*

18 Jisösnöñ ambazip kambu ketañi liliköm wañgiget enğeka nalö mianğöreñ gwarekurupñi yembuk o añgö kutuba likep añgotpingö jim kutuyök.

19 Köna keugö böhi kunñan Jisösgöreñ kaba kewö jii mörök, “Böhi, gi denike denike anmani, nöñön mönö mianğöreñ gi guatangöba kamam.”

20 Mi möta Jisösnöñ kewö jii mörök, “Arökñañgö kiam yeñön köteñine ahögetka könakemba nei yeñön öngot jajöñini memba malakzemö, Suep gölmegö azi ölnan mönö denike anda nööröpñi wani qömböñnönj nariba luhut membawak?”

21 Mewö jii gwarek yeñğöreñök kunönj kewö jii mörök, “Mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.”

22 Mewö jiyökmö, Jisösnöñ melenđa jiyök, “Mosötnönj, köhömuñi yeñön qamötñini köhömuñi mi ölop löm kölmemö, göñön mönö kaba ni nuatangöman.” Mewö.

*Jisösnöñ jiiga raidimbom göröñ qeyök.*

*Mak 4.35-41; Luk 8.22-25*

23 Jisösnöñ anda wañge uruñe öngöiga gwarekurupñan wuatangöba yambuk mohotñe anget.

24 Angetka raidimbom ketañan ömtöröp (töröpñanök) o añgönönj asuhuba gilök. Giliga sirinönj wañge uruñe geiga numbuñe qemangö ahökmö, Jisösnöñ gaun ahöyök.

25 Gaun ahöiga gwarekurupñan anda möndöba jiget, “Hei Kambu, mönö bauköm neñginönj. Nini añgönönj ayuhubingö akzin.”

26 Mewö jigetka melenđa kewö jim enğiyök, “O inñini mötnaripñini morörökñi, mönö wuanöñgöra keñgöt mötmöt azia akze?” Mewö jiba wahöta luhut aka siri jim qetal etkiiga sirinönj nön qeba ahöyök.

27 Mewö aiga awöwöliba qesiba jiget, “Yei! Azi kia mönö denöwöñan malja. Yañön mönö luhut aka köwet jim kutum etkiiga jitñi tem köl wañgizahot.” Mewö.

\* 8:11: Luk 13.29 \* 8:12: Mat 22.13; 25.30; Luk 13.28 \* 8:17: Ais 53.4

*Ömenöj bau urujine gegetka azinöj ölöwahot.*

*Mak 5.1-20; Luk 8.26-39*

<sup>28</sup> Mewö asuhuiga o angö kutuba likepne Gadara yengö gölmenöj angorök. Miangöreñ angota azi ömenjirambuk yahöt yetköñ qaksirinöhök kaba Jisös miwikñaiyohot. Yetköñ irimsesewöl azi urukönöpñirambuk ahotka kunñan köna miangöreñ anmamgö osiyök.

<sup>29</sup> Yetköñ Jisös miwikñaiya silata kewö qet gigilahöyohot, “Aek! Gi Anutugö Nahönñi akzan. Gi mönö denöwö ak neñgimamgöra kazan? Sihimbölö mötmöt nalöñan qahö kam kuñguiga qeljiñe mi köñöpñambuk ak neñgimamgö ki kazan me?”

<sup>30</sup> Miangöreñök köröwen qahöpmö, kösutñine miangöreñ bau kambu ketañi kun gwözözak uruñe kulunđa malget.

<sup>31</sup> Miangöra ömenöj kewö jiba Jisös ulet wañgiget, “Gönön nini közöl neñgiman ewö, mönö melaim neñginöñga ölop bau kambu miengö urujine gebin.”

<sup>32</sup> Ulet wañgigetka Jisösnöj “Mönö anda geget,” jiba jim kutuyök. Mewö jim kutuiga miangöreñök azi urujireyök kota anda bau urujine geget. Gegetka bau kambu körek yeñön mönö luhuba nembönembönöj anda jororonğöba o anğönöj geba nemulahöba kömuget.

<sup>33</sup> Kömugetka bau galöm yeñön ölöñ unjurata taonöj anda keu buzupñini pakpak jiget. Azi ömenjirambuk yetköreñ yuai asuhuyöhi, miangö buzupñi mewöyök jiget mötket.

<sup>34</sup> Jiget möta taon ambazip pakpak yeñön mosöta Jisös miwikñaiya ekingö kaget. Kaba eka Jisösnöj yengö mindimindiri sel gölme mosöta anmapkö ulet wañgiget. Mewö.

## 9

*Jisösnöj azi sile likepñi kömukömuñi möhamgöyök.*

*Mak 2.1-12; Luk 5.17-26*

<sup>1</sup> Jisösnöj wañge uruñe öñgöba kunbuk o angö kutuba likepne angota nanñe taonöj kayök.

<sup>2</sup> Nalö miangöreñ azi tosatñan alañini sile likepñi kömukömuñi tumbulahöpnöj ahöyöhi, mi kululunöj ala anğuba kaget. Mewö kaba Anutu möt narim wañgigeri, Jisösnöj yengö tandökñini mi ehi dop köliga kawöl azigöra kewö jiyök, “Nahöni, nöñön siñgisöndoki mosötzal. Mönö köhöiba ewebibigabuk saitiñgit malman.”

<sup>3</sup> Mewö jiiga Köna keugö böhi tosatñan kinda urujinan kewö mötmöriget, “Azi kianjön mönö Anutu ilita mepaqepaik akza.”

<sup>4</sup> Mewö mötmörigetmö, Jisösnöj mötmötñini mi möt kutuba kewö jiyök, “Inini mönö wuanöñgöra keu bölöñi urujinan mötmörize?”

<sup>5</sup> Nöñön ‘Siñgisöndoki mosötzal,’ jizali, keu mianjön mönö awamñanök jijija. Kunñan mewö jiiga tosatñan keu miangö ölni qahö ekñe. Miangöra mi keu awamñangö dop. Nöñön keu kun kewö jimamgö mötzal, ‘Mönö wahöta anöñ.’ Keu mi mönö lömbötñambuk jijija akza. Mewö jibiga ölni ahuma me qahöwi, mianjön mönö aukñe asuhui ekñe.

<sup>6</sup> “Mötket, gölmenöj siñgisöndok mosötmosötkö kukösumñi mi Suep gölmegö azi ölnangöreñ ahözawi, inini miangö könañangöra janjuñ malbepuk. Miangöra keu lömbötñi mi azi kianğöra jibi ölni eket.” Mewö jiba azi sile likepñi kömukömuñangö jeñe eka jiyök, “Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanñi akawak?”

<sup>7</sup> Mewö jiiga miangöreñök wahöta miriñe anök.

<sup>8</sup> Mewö asuhuiga ambazip kambu yeñön mi eka welipköba Anutu möpöseim wañgiget. Gölme azigöra kukösum mewöñi wañgiyöhanğöra Anutu möpöseiget. Mewö.

*Jisösnöj Matyu (Liwai) oholök.*

*Mak 2.13-17; Luk 5.27-32*



<sup>9</sup> Jisösnöñ mianğöreñök anda takis ofis oñgitmamgö aiga mianğöreñ azi qetnji Matyu tariga eka jii mörök, “Gi mönö nöñgö andöne kanöñ.” Mewö jii möta wahöta takis nup mosöta Jisösgö andöñe anök.

<sup>10</sup> \*Anda Matyugö mire anda nene nempa tatkeri, nalö mianğöreñ takis meme azi tilipqilipñinambuk aka siñgisöndok azi gwötpukñan kaba Jisös aka yanğö gwarekurupñi yembuk tata nene mohotñe neget.

<sup>11</sup> Mewö negetka Farisi (Köna keugö kapañkölköl) yeñön mi eka Jisösgö gwarekurupñi kewö jim engiget, “Aek! Engö böhiñinan mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

<sup>12</sup> Mewö jim engigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimazapmö, kawöl ambazipnöñ mönö doktagöreñ anakze.

<sup>13</sup> \*Nöñön siñgisöndok ambazip engoholmamgöra kaba maljalmö, ambazip nanñinanğö mötketka solanñi akzei, i qahö. Mianğöra keu kianğö könañi mönö anda kusum anğuba mötme, ‘Nöñön jöwöwöl ohobingö qahöpmö, ak kömum anğubingö sihimñi mötzal.’ Mewö.

*Nene siñgi malmalgö keunji*

*Mak 2.18-22; Luk 5.33-39*

<sup>14</sup> Nalö mianğöreñ Jon O-melun azigö gwarekurupñi yeñön Jisösgöreñ kaba kewö qesiget, “Neñön aka Farisi (Köna keugö kapañkölköl) yeñön Anutugöra nene siñgi gwötpuk malahakzin. Nangi gwarekurupkan mönö wuanöñgöra nene siñgi qahö malje?”

<sup>15</sup> Mewö qesigetka kewö melenök, “Ölña, nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi bunaya aka yeñgö sutñine köisirik tatzal. Tatpiga yeñön mianğöra aijölöñ söñgaiba tata siñgi malbingö osimakze. Osimakzemö, Anutunöñ noañgiri kömumbiga yeñön mönö nalö mianğöreñ ölop siñgi malakñe.

<sup>16</sup> (“Inini malmal walñi aka sösoñgai Buña dölokñi mi mindirim etkibingö osime. Mianğö keu pasetñi mi kewö jibi mötket:.) Löñgölöñgöt walñi jurariga kunöñ opo dölokñi qahö sañgoñsañgoñi mitiba mianñön opo su jöhanñi qahö ala umğöreñgömakza. Opo su jöhanñi dölokñi mewöñan mönö waziba löñgölöñgöt walñi öröiga kunbuk tinğiriga kinimñan qariba böliqölibapuk.

<sup>17</sup> “Mewöñanök kunöñ wain o dölokñi mi jobö me toru walñi lama sileñan memenji mianğöreñ qahö kusuiga gemakza. Mewö akawak ewö, wain o dölokñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Mianğöra wain o dölokñi mi toru dölokñeyök mokoin geiga dop kölma. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, mianñön mönö jula kisipisirik eriga nempa kawöl neñgöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölokñi mi mindirim etkibingö osime.) Mewö.”

*Jairusnöñ böratñanğöra Jisös köuluköyök.*

*Mak 5.21-43; Luk 8.40-56*

<sup>18</sup> Jisösnöñ keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöñgö böratnan mönö dölkö kömuzapmö, mönö kaba böroğan sileñe misirinöñga guliba toroqeba malma.”

<sup>19</sup> Köuluköm wañgiiga wahöta gwarekurupñi yembuk i wuatañgöba anget.

*Kawöl ambi kunöñ Jisösgö malukuñi misiriyök.*

\* 9:10: Luk 15.1-2 \* 9:13: Mat 12.7; Hos 6.6

<sup>20</sup> Angetka mianğoreñ sutñine ambi kun malök. Yañön (yara) yambu 12 mianğö dop köiññöñ ehiga nalö dop kawöl yöhöiga malök. Ambi mianğön Jisösgö andöñe kaba malukuñanğö kitip suni misiriyök.

<sup>21</sup> Mi misiriba nanñanğöra kewö jiyök, “Nöñön i oseimamgö möt lömböriba malukuñeyök borom kun misiribileñak ewö, mönö ölop ölöwakñam.”

<sup>22</sup> Mewö jiba misiriiga Jisösnöñ mianğoreñök liliñğöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitiñgit malman.” Mewö jii möta aua mianğoreñök ölöwahök.

*Jisösnöñ Jairusgö böratñi mem guliyök.*

<sup>23</sup> Toroqeba angetka Jisösnöñ keu galömñanğö mire öngöba ambazip jinğen köla awölop ugeri aka ambazip kambu göju gilgeri, mi engeka kewö jim kutum enğiyök,

<sup>24</sup> “Mönö yaigep anget. Ambi moröñan qahö kömuzapmö, gaunök ahöza.” Mewö jim kutum enğiiga mötketka gönahit ewö aiga gön köl wañgiget.

<sup>25</sup> Gön köl wañgigetmö, ambazip kambu ketani mi jiiga yaigep angetka ambi moröñanğö ahöahö miri uruñe öngöba böröñe meiga wahörök.

<sup>26</sup> Wahöriga mianğö buzup keuñan sehiba mindimindiri sel mi körek dop köla anök. Mewö.

*Jisösnöñ jegömöl azi yahöt mem ölöwak etkiyök.*

<sup>27</sup> Jisösnöñ miri gölme mi mosöta anmamgö ani jegömöl azi yahötñan wuatangöba andöñe kaba kewö qerohot, “Deiwickö gwölönarökñi, gi mönö ak kömum netkiman.”

<sup>28</sup> Mewö qerohotka miri kungö uruñe öngöiga jegömöl azi yetkön Jisösgöreñ kayohotka kewö qesim etkiyök, “Jeñiri mem tohomamgö kukösumñi nöngöreñ ahözawi, mi möt narizahot me qahö?” Qesim etkiiga kewö melen wañgiyohot, “Kembuniri, mi ölop möt narizit.”

<sup>29</sup> Mewö melen wañgiyohotka je dapötñire misiriba jiyök, “Mötnaripñiranğö dop mönö asuhuma.”

<sup>30</sup> Mewö jiiga jeñiran tohoyök. Mewö asuhuiga galöm meme keu köhöikñi al etkiba kewö jiyök, “Mörohot, kianğö buzupñi mi kun kude jiyohot mötme.”

<sup>31</sup> Mewö jiyökmö, yetkön mosöta anda mianğö buzupñi jim sehiyohotka mindimindiri sel mi körek dop kölok. Mewö.

*Jisösnöñ mötök azi kungö keuñi möhamğöyök.*

<sup>32</sup> Jeñiri tohoi anohotka töñöt azi keu jijiñi qahö mi wañgita Jisösgöreñ kaget.

<sup>33</sup> Kagetka Jisösnöñ ömeñi közöli mötök azinöñ keu jiiga ambazip kambu yeñön mi eka welipköba jiget, “Tandök kewöñi mi Israel uruñe mönöwök nalö kungen qahö ehin. Qahö. Dölki je murutña ekzin.”

<sup>34</sup> \*Mewö jigetmö, Farisi (Köna keugö kapañkölköl) yeñön jiget, “Yañön mönö öme yeñgö kemuñinanğö ösumñöñ ömewöröme enğuatangömakza.” Mewö.

*Jisösnöñ könağesö yeñgö wösöñi mörök.*

<sup>35</sup> \*Jisösnöñ anda miri aka taon dop liliköba ambazip köuluk miriñine kusum enğiba bemtohonğö Ölöwak Buña jim asariba mianğön uruñini kuñguba uzi kawöl aka jepajerepe könañi könañi mem ölöwak enğiba malök.

<sup>36</sup> \*Mewö mala ambazip kambuñi kambuñi engehiga lama galömñini qahö tandök simbisembel aka iliñgösöñ qeñgalaña malgetka yeñgöra wösöñi mörök.

<sup>37</sup> \*Mewö engeka gwarekurupñi kewö jii mötket, “Anutugö nupnöñ nene ölni gwötpuk öliba ahözapmö, mi tokobingö nup meme ambazipnöñ mönö awamdökñi malje.

\* **9:34:** Mat 10.25; 12.24; Mak 3.22; Luk 11.15    \* **9:35:** Mat 4.23; Mak 1.39; Luk 4.44    \* **9:36:** Jan 27.17; 1 Kin 22.17; 2 Hist 18.16; Eze 34.5; Mak 6.34    \* **9:37:** Luk 10.2

<sup>38</sup> Mianğöra nene öliölinanğö Kambuñan nup meme ambazip melaim engimapköra mönö köülüköba malme. Köülüköm wanğigetka nup ambazip asuhaba ölni mi mem tokome.” Mewö.

## 10

*Aposol 12 yengö qetjni  
Mak 3.13-19; Luk 6.12-16*

<sup>1</sup> Jisösnöñ gwarekurupni 12 engoholi yangören kagetka ömewöröme közöl engimegö kukösumni al engiyök. Mewöyök uzi kawöl qemjem-mamjen könañi könañi mem ölöwaknegö kukösumni al engiyök.

<sup>2</sup> Melaimelai azi aposol 12 miengö qetjni kewö: mutukni yanön Saimon, qetni kun Pitö qetket aka yangö munni Andru. Mianğö andöñe Jeims aka munni Jon, iwinjiri qetni Zebedi.

<sup>3</sup> Filip aka Bartolomyu, Tomas aka Matyu takis meme azi, Jeims Alfiusgö nahönni aka Lebeus qetni kun Tadius,

<sup>4</sup> Saimon Zelot-politik azia \* aka Judas Iskariot. Kariot azi mianön könañgen Jisös mamalolo mem wanğiyök.

*Jisösnöñ gwarekurupni 12 melaim engiyök.  
Mak 6.7-13; Luk 9.1-6*

<sup>5</sup> Jisösnöñ azi 12 mi melaim engiba kewö jim kutum engiba jiyök, “Inini kian kantrigö ambazip yengören kude anme. Mewöyök Samaria prowins yengö taonni kunöñ kude anme.

<sup>6</sup> Mianğören kude anmemö, Israel könagesögö lama sohogeri, mönö yengören anme. Mi nup mutukni.

<sup>7</sup> \*Denike denike anmei, mianğören mönö Buña keu kewö jiba jim asarime, ‘Suepkö bemtohoñan mönö dowe kazawa mianğö uruñe angotme.’

<sup>8</sup> “Ambazip kawölninambuk mönö mem ölöwak engiba kömukömuñi mi mem gulim engiba malme. Uzikuku ambazip mönö mem solanim engigetka öme wöröme közöl engiba malme. Anutunöñ yuai kalema engiyöhi, mi mönö toroqeba kalema engiba malme.

<sup>9</sup> “Köna anmeanğöra soujeñi goul me silwö me ain kopönöñ memeni mi mönö ir-imunğañine kude jöhöme.

<sup>10</sup> \*Ambazipnöñ nup meme ambazip malmalnini nanğömeanğö dop akze. Mianğöra köna anmeanğö yuaini ki mi kude memba anme: gösö qahö, maluku semönni qahöpmö, mohot meme, köna esu qahö, öröp qahö.

<sup>11</sup> “Anda taon me miri denike denike angotmei, mianğören mönö danön azi ipni qetbuñanambuk akzawi, mianğöra qesigetka miri engimei, mönö mianğörenök mala nup memba taon mi mosöta köna anme.

<sup>12</sup> Miri kunöñ öngöba luainöñ yembuk ahömapkö jime.

<sup>13</sup> Mi jigetka luainini anğön kölmeanğö dop akze ewö, luaininan mönö yengö qakñine öngömöpmö, mi anğön kölmeanğö dop qahö akze ewö, luaininan mönö lilingöba nanñine kama.

<sup>14</sup> \* “Anda mala miri kunöñ angotketka qahö köl öröm engiba keunini qahö mötketka nesampurekñini mönö kewö jiba kondel engime, ‘Nini engö gölmenöñ kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jiba ölop miri me taon mi mosöta toroqeba anme.

<sup>15</sup> \*Nönön keu ölni kun kewö jibi mötme: Anutunöñ nalö ketane qemasolokepñinanğö likepni meleni taon mianğö qakñe öngömawi, dop mianön mönö Sodom aka Gomora

\* **10:4:** Nesönöl pati Zelot yanön Rom gawman tuarenjon aka nanñine kinkin mbingöra tuaköpek memba malget.

\* **10:7:** Luk 10.4-12 \* **10:10:** 1 Kor 9.14; 1 Tim 5.18 \* **10:14:** Apo 13.51 \* **10:15:** Mat 11.24; Jen 19.24-28

gölme yeŋgö dop oŋgita toroqem eŋgima.” (Sodom Gomora yeŋön bölöŋi kanjamŋambuk memba uruŋini qahö melengetka Anutunöŋ könöpnöŋ köndeŋ eŋgiyök.) Mewö.

*Anda nup megetka sesewerowero asuhuma.*

*Mak 13.9-13; Luk 21.12-17*

16 \**“Mötket, lama yeŋön arökŋaŋgö kiam kalŋi yeŋgö sutŋine gegetka luhuba eŋgöhöbepuk, nöŋön iŋini miangö tandök ewö melaim eŋgibi anme. Miangöra mönö mokoleŋ † ewö mötkutukutu qakŋe galöm mem aŋguba mala kembö ewö ambazip böŋjöŋi köpösihitkö keuŋini qahö malme.*

17 \**Ambazipnöŋ iŋini öröba keu jakeŋine al eŋgiba köuluk miriŋine keu nupŋini memba ihilek wahiŋambuknöŋ tauköm eŋgime. Miangöra ambazip mewöŋi yeŋgöra mönö galöm mem aŋguba malme.*

18 *“Tosatŋan nöŋgöra aka eŋguaŋgiketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. Mewö kinda nöŋgö könaŋamni naŋgöba jigetka azi ipŋi mi aka kian kantri könaŋesö yeŋön mi mötme.*

19 *Mi mötmemö, keu jakeŋe al eŋgigetka kinmei, nalö miangöreŋ wani keuya denöwö jibinak, miangö waimanjatŋi kude mötme. Keu jimei, mi Uŋa Töröŋan aua miangöreŋök eŋgima.*

20 *Nanŋine uruŋineyök keu kude jimemö, Iwiŋinaŋgö Uŋa Töröŋan mönö uruŋini sölölohöiga keu jime.*

21 \**“Urumelenŋö kopa kunöŋ darumunŋan uruŋi melenö-haŋgöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal eŋgiba jigetka eŋguget kömume.*

22 \**Nöŋgö qetnaŋgöra aka kantriŋi kantriŋi yeŋön körek kazik al eŋgigetka malmemö, kunŋan kapaŋ köla nalö tekömawaŋgö dop köhöiba böŋ qeba kinmawi, yaŋön mönö oyaenköyaen buŋa qem aŋguma.*

23 *“Taon kunöŋ sesewerowero ak eŋgime, mi mönö kök ala taon kunŋan anme. Nöŋön keu ölni kun kewö jibi mötme: Iŋini Israel taonŋi taonŋi qahö liliköm tekögetka Suep gölmegö azi ölnan mönö liliŋgöba kama.*

24 \**Gwarek kunŋan böhiŋi oŋgita mötmötŋambuk qahö akza aka welenqeŋe kunŋan ketaŋamŋi oŋgita nupkö mötmöt qahö memba malja.*

25 \**“Gwareknöŋ böhiŋi ewö mötmötŋambuk aiga dop kölma aka welenqeŋenöŋ ketaŋamŋi ewö nupkö mötmöt memba maliga dop kölma. Miri uruŋi kungö saiwa galömŋi jim böliba qetŋi Katakömulat ‡ qetket ewö, yaŋgö saiwaurupŋi yeŋgö qetŋini mönö amqeba awamŋanök mewö qerakŋe.” Mewö.*

*Dagöra keŋgötŋini mötketka dop kölma?*

*Luk 12.2-7*

26 \**“Ambazipnöŋ yuai önun meget ahözawi, mi pakpak mönö lulungetka aukŋe ahuma. Mewöŋanök keu asambötket ahözawi, mi pakpak mönö indelgetka möt kutume. Miangöra ambazip yeŋgöra keŋgötŋini kude möta malme.*

\* **10:16:** Luk 10.3 † **10:16:** Mokoleŋ aka raskol yeŋön aukŋe bim qegetka zilaŋ miwikŋaiba jöhöm eŋgibeak. Miangö dop lömböribapuköra gwarek neŋön maslim, komyunist aka tosatŋi yeŋgö sutŋine qetnini misinari mi aukŋe qahö jimakzin. Mötkutukutu mi ölöpnöŋ. \* **10:17:** Mak 13.9-11; Luk 12.11-12; 21.12-15 \* **10:21:** Mak 13.12; Luk 21.16

\* **10:22:** Mat 24.9, 13; Mak 13.13; Luk 21.17 \* **10:24:** Luk 6.40; Jon 13.16; 15.20 \* **10:25:** Mat 9.34; 12.24; Mak 3.22; Luk 11.15 ‡ **10:25:** Juda yeŋgöreŋ Katakömulat qetŋi Belzebul. Mi ömewöröme yeŋgö ketaŋamŋini. Matyu 9.34 miangöreŋ Jisösgöra qet bölöŋi mi qetket. Miangö dop Jisösgö alaurupŋi neŋgöra qet bölöŋi könaŋi könaŋi qerakŋe.

\* **10:26:** Mak 4.22; Luk 8.17

<sup>27</sup> Nöñön keu söñaupnön ölöñ jimami, mi mönö asakñe jime. Keu sañep algetka kezapñine gei mötmei, mi mönö sombemnön aukñe jime. Mianğöra mönö keunjanğö galöm memba malme.”

*Dagöra keñğötnini möringa dop kölma.*

<sup>28</sup> “Tosatñan silenini qem kömumbekmö, uñañini qem kömumbingö osime, yeñğöra keñğötnini kude möta malme. Mi qahöpmö, yuai mutukñi ki: Kunñan kukösum memba uña aka sile mohot ayuhum etkiiga könöp sianön gemahori, yanğöra mönö keñğötnini möta malme.

<sup>29</sup> Tosatñan bekösöm (jöröm, ulisit) yahöt moneñ kötñi mohot-töpnön söñğöröñi memegöra alakzemö, etkerigetka Iwiñinan oñ qahö jiiga yetköreñök mohotnön gölmenön qahö etma.

<sup>30</sup> “Anutunön köyan köl enğiba nörop jupñini pakpak mewöyök oyon teköba janğöñini mötza.

<sup>31</sup> Ambazip enğö söñğöröñini mi bekösöm ulisit gwötpuk enğonğita öñğöñğöñi akza. Mianğöra keñğötnini mönö kude möta malme.” Mewö.

*Kraist jim miwikñaima me qañ kölme?*

*Luk 12.8-9*

<sup>32</sup> “Mewö aiga kunñan ni ambazip jeñine jim miwikñaim niñgimawi, nöñön mönö mewöñanök i Iwini Suep mire maljawanğö jeñe jim miwikñaimam.

<sup>33</sup> \*Mewömö, kunñan ni ambazip jeñine qañ köl niñgimawi, nöñön mönö mewöñanök Iwini Suep mire maljawanğö jeñe qañ kölmam.” Mewö.

*Jisösgöra luai qahöpmö, kazik asuhuma.*

*Luk 12.51-53; Luk 14.26-27*

<sup>34</sup> Jisösnön toroqeba kewö jiyök, “Kewö kude mötmörime: Jisösnön luai qemamğöra aka gölmenön erök. Nöñön luai qemamğöra qahöpmö, nöñğöra aka jula dengetka bimgö sou ketanñan aume.

<sup>35</sup> \*“Mi kewögöra jizal: Nöñğö Buña keunan ambazip uruñini kuñgui melenğeranğöra kewö asuhuma, ‘Iwi morö yetkön jula kerök-kerök ahotka nam morö yetkön total anğuyohotka iranñan iranñi qetala julmahot.

<sup>36</sup> Ambazip nanñini saiwaurupñinan mönö kerökurupñini akñe.’

<sup>37</sup> “Kunñan ni göragöra al niñgiba iwiñi me namñi jegep ala jöpakömawi, yanñön mönö nöñğöreñ qahö dop kölma. Kunñan ni göragöra al niñgiba nahönñi me böratñi jegepñe ala jöpakömawi, yanñön mönö nöñğöreñ qahö dop kölma.

<sup>38</sup> \*Sisitñini megetka kunñan ni nuatanğöba sihimbölö möta maripomnön kömumamğö qahö jörömawi, yanñön mönö nöñğöreñ qahö dop kölma.

<sup>39</sup> \*“Kunñan nanñi malmal siyonşayonñi qahö mi miwikñaimawi, yanğö malmalñan mönö sohoma. Kunñan nöñğöra aka malmalñi köleñniga sohomawi, yanñön mönö oy-aenğoyaen malmal miwikñaima.” Mewö.

*Anutunön nupñinanğö töwanñi enğima.*

*Mak 9.41*

<sup>40</sup> \*Jisösnön jiyök, “Kunñan inñini miriñe köl öröba köyan köl enğimawi, yanñön mönö ni köl öröm niñgima. Kunñan ni köl öröm niñgimawi, yanñön melaim niñgiyöhi, mönö i miriñe köl öröm wanğima.

<sup>41</sup> Kunñan kezapqetok ambazip kun kezapqetok nupñanğöra aka miriñe köl öröba köyan kölmawi, yanñön mönö kezapqetok ambazipkö töwanñi buña qem anğuma. Kunñan

\* **10:33:** 2 Tim 2.12 \* **10:35:** Mai 7.6 \* **10:38:** Mat 16.24; Mak 8.34; Luk 9.23 \* **10:39:** Mat 16.25; Mak 8.35; Luk 9.24; 17.33; Jon 12.25 \* **10:40:** Mak 9.37; Luk 9.48; 10.16; Jon 13.20



ambazip solanji kun solanji akzawaŋgöra aka miriŋe köl öröba köyan kölmawi, yaŋön mönö ambazip solanjanŋö töwaŋi buŋa qem aŋguma.

42 “Kunŋan morö kienŋörenŋök kungöra nöŋgö gwarekni akzawaŋgöra aka o amötŋi qambiŋambuk nemapköra waŋgimawi, Anutunöŋ mönö mianŋö töwaŋi melenŋa waŋgima. Nöŋön keu ölni kun kewö jibi mötme: Nanŋöm enŋime, mienŋön mönö töwa meme.” Mewö.

## 11

*Jongö gwarekyahötŋi Jisösgörenŋ kayohot.*

*Luk 7.18-35*

<sup>1</sup> Jisösnöŋ gwarekurupŋi 12 keu mewö kusum enŋii teköiga miri mi mosöta toroqeba Galili prowinsgö taon tosatŋe anda Buŋa keu kusum enŋiba mianŋön uruŋini kuŋguba malök.

<sup>2</sup> Nalö mianŋörenŋ Jon O-melun azinöŋ kösö mire tata Kraistnöŋ nup mewö meyöhi, mi möta gwarekyahötŋi melaim etkii Jisösgörenŋ anohot.

<sup>3</sup> Kewö qesim waŋgimahotköra melaim etkii anda jiyohot, “Mem ölöwak azi kamapköra mambörakzini, göŋön mia akzan me azi kun bianŋ kamapköra mambötŋin?”

<sup>4</sup> Mewö qesim waŋgiyohotka kewö melenŋök, “Yuai eka mötzahori, mianŋö kösohotŋi mönö anda Jon kewö jiyohot mötma:

<sup>5</sup> \*Jegömöl yeŋön jeŋini uba eketka lokon yeŋön köna anda kagetka uzikuku yeŋön solanigetka kezapduhup yeŋön keu mötketka kömuget yeŋön guliba wahötketka etqeŋeŋi yeŋgöra Ölöwak Buŋa jim asaribiga mörakze.

<sup>6</sup> Mewö asuhui eketka kungö uruŋan qahö bölü andö nuŋgumawi, yaŋön mönö simba-wonŋ akza.”

<sup>7</sup> Mewö jüiga Jongö gwarek yetkön anohotka Jisösnöŋ könahiba Jongö könaŋi ambazip kambu yeŋgöra kewö jim asariyök, “Inŋini gölme qararaŋkölkölŋe mianŋörenŋ wania ekingöra anget? Luhutnöŋ jehot uwutapköba metali anjanŋbanjanŋ ahakzawi, inŋini azi mewöŋi ekingöra anget me?

<sup>8</sup> Me wanat yuaia ekingöra anget? Azi malukuŋi aködamunŋambuk löŋgöta malöhi, mi ekingöra me? Mötket, ambazip malukuŋini eksihimŋinambuk löŋgöarakzei, mienŋön mönö kinŋ yeŋgö jakömbuak miriŋine malje. Mi gölme qararaŋkölkölŋe qahö.

<sup>9</sup> “Me wanat yuaia ekingöra anget? Kezapqetok azi kun ekingöra me? Ölna, nöŋön kewö jibi mötket: Azi ekeri, yaŋön mönö kezapqetok ambazip pakpak enŋonŋita tandökŋi kun akza.

<sup>10</sup> \*Yaŋgö könaŋi mi mönöwök kewö ohoget ahöza, ‘Mötnöŋ, nöŋön kolekni garata kun melaibiga qeljiŋe anda ambazip uruŋini mindiŋgöba göhö könaŋi mesariga göŋön mönö yaŋgö andöŋe gölmenöŋ emu geman.’

<sup>11</sup> “Keu mewö ahözapmö, nöŋön keu ölni kun kewö jibi mötket: Ambinöhök morö pakpak asuhugeri, yeŋgö sutŋine Jonöŋ mönö körek enŋonŋita qetbuŋanambuk kinja. Kinjapmö, Suepkö bemtohoŋ uruŋe aŋgota Anutugö qetbuŋanŋi miwikŋaimakzei, yeŋgö sutŋine eretŋi kondikŋi yaŋön mönö Jon onŋitza.

<sup>12</sup> \*“Jon O-melun azinöŋ Buŋa keu jüiga nalö mianŋörenŋök könahiba Suepkö bemtohoŋi könöŋnambuk tuarenjoŋ aka yarö gilakzemö, töndup ösumŋan anda qarimakza. Könöŋnambuk yarö gilakzeanŋön mönö bemtohoŋ mi nanŋinanŋgöra öröba buŋa qem aŋgumakze.

<sup>13</sup> Bemtohoŋgö könaŋi mi Mosesgörenŋ Köna keunöŋ aka kezapqetok ambazip körek yeŋgö Buzup Kimbiŋine ohogetka oyoŋda mala koringa Jonöŋ asuhuba ölni aukŋe indelök.

\* 11:5: Ais 35.5-6; 61.1 \* 11:10: Mal 3.1 \* 11:12: Luk 16.16

14 \*Keu ki möt angön kölbingö mötze ewö, Elaija (Elia) asuhumawangö dop ahöhi, Jonön mönö mia akza.

15 Kunñan urukezapñambuk maljawi, yañön mönö keu mi kezap ala möt kutuma.

16 “Ambazip merak gölmenöñ maljei, mi mönö wanatpuk dop al engibileñak? Yeñön namande ewö akze. Mienön maket sombemnöñ tata keu gön gila lañ qeta kewö jimakze,

17 ‘Nini awölop uinga injini liñet gwawet qahö unduget. Nini jinñeñ kölinga injini qahö toroqeba sahötket.’

18 “Miangö könañi kewö: Jon O-melun azinöñ kaba nene siñgi mala wain o qahö neiga yañgöra jimakze, ‘Öme kunöñ uruñe geiga malja.’

19 “Suep gölmegö azi ölnan kaba nene nem söñgaip aiga yañgöra kewö jimakze, ‘Mötket, yañön bau numbu tandök közöjeriba wain o gwötpuk namba takis tilipqilipñinambuk aka bölöñi meme yeñgö alañina malja!’ Anutugö mötkutukutu köl gulimakzei, yeñgö ahakmemenjanñgö ölnan mönö mötkutukutu-ñinan dop köljawu, mi kondelakza.” Mewö.

*Jisösnöñ taon 3 yeñgöra Yei wösöbirik! jiyök.*

*Luk 10.12-15*

20 Miangö andöñe Jisösnöñ könahiba taon tosatñi tembul engiyök. Taon tosatñi miengöreñ angöletotñi kukösumñinambuk sehisehiñi meiga asuhugetmö, töndup uruñini qahö melenget. Miangöra i tembula kewö jim engiyök,

21 \* “O Korazin toñi, nöñön engöra Yei! jiba sahötzal aka Betsaida toñi, engöra mewöyök Yei! jiba sahötzal. Nöñön yeñgöreñ anbiga keuni jibi sösonihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenöñ Taiö aka Saidon sitinöñ asuhubeak ewö, yeñön mönö nalö köröpñi uruñini melenbingö kaisöpsöpñi kondela dodohonöñ angömiriba kau ariba sahötpeak.

22 “Sahötpeakmö, nöñön kewö jibi mötme: Anutunöñ könañgep Korazin aka Betsaida yeñgö keuñini jim teköba likepñi melenñi sihimbölö mötmei, nalö ketañi miangöreñ mi mönö Taiö aka Saidon yeñgö sihimbölö dopñi onñgita mötme.

23 \* “Aka Kaperneam toñi, Anutunöñ injini ölop mem wahöt engii Suep mire öngöbeak me qahöpto? Qahöpmahöp! Injini mönö kömupkö senjom mire kölölöhoba geme. Nöñön yeñgöreñ anbiga keuni jibi sösonii angöletotni kukösumñinambuk asuhugetmö, uruñini töndup qahö melenget. Angöletot mi Sodom taonöñ asuhubeak ewö, taon miangön mönö nalö kewöñe mewöyök toroqeba kinbawak.

24 \* “Kinbawakmö, nöñön kewö jibi mötme: Anutunöñ könañgep Kaperneam engö keuñini jim teköba likepñi melenñi sihimbölö mötmei, nalö ketañi miangöreñ mi mönö Sodom gölme yeñgö sihimbölö dopñi onñgita mötme.” Mewö.

*Lömbötñinambuk eñön mönö nöngöreñ kaba luhut meget.*

*Luk 10.21-22*

25 Nalö miangöreñ Jisösnöñ keu kewö jiyök, “O Iwini, gönön Buña keugi mötkutukutu ambazip mötmöt ketañi megeri, yeñgöreñ asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yeñgöreñ indelnöñga möt asarize. Miangöra nöñön Suep gölmegö Kembuñi gi möpöseim gihizal.

26 O Iwini, gi nangak mewö asuhumapköra mötnöñ dop köli ölöwahök.

27 \* “Iwinan mönö yuai pakpak jim kutuiga nöngö buñaya ahök. Iwinan Nahönñangö könañi nanñök möt yaköiga kunöñ mi qahö mötza. Mewöyök Nahönñan Iwinangö könañi möt yaköiga kunñan mi qahö mötza. Mewöyök kunñan Iwinangö könañi qahö möt yaköiga Nahönñanök mi mötza aka ambazip möwölöhöm engiba yeñgöra mi indelmawi, yeñön mönö Iwi möt wangime.

\* 11:14: Mal 4.5; Mat 17.10-13; Mak 9.11-13 \* 11:21: Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

\* 11:23: Ais 14.13-15; Jen 19.24-28 \* 11:24: Mat 10.15; Luk 10.12 \* 11:27: Jon 3.35; 1.18; 10.15

28 “Nup memba urulömbötñinambuk maljei, inñini mönö körek nöngören kagetka uruawam enjibi luhut meme.

29 \*Nöngö temni mönö awötñine ala angugetka Buñani kusum enjibi mi möt soroköba malme. Nöñön uruni memba et ala gunböñjönjön azia akzalanğöra ölop uruawam enjibi luhut miwikñame.

30 Nöngö temni meget anguinga dopñine akza aiga lömböt enjibi bisimei, mianñön mönö awamñi akza.” Mewö.

## 12

*Jisösnöñ Sabat kendongö Kembuñi akza.*

*Mak 2.23-28; Luk 6.1-5*

1 \*Mianğö andöñe Sabat kendon kunöñ Jisösnöñ wit padi nup köröñi ketanñi kutuba anök. Aniga gwarekrupñan wösöñini enjuiga wit ölni mohot mohot könahiba böröñinan misiba neget.

2 Negetmö, Farisi (Köna keugö kapañkölköl) tosatñan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme soñgoñi oñgitze?”

3 \*Mewö jigetka kewö melenñök, “Kinñ Deiwidnöñ yarö aziurupñi yembuk liliköba wösöñini enjuiga yuai akeri, mi lök oyonget me qahö?”

4 \*Yañön mönö Anutugö opo seri jikenöñ öñgöba beret kömbukñi Anutugö jemesoholñe altanöñ alget tariga ösumñan walöñniga çekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yañön aka yañgö sunğurumurupñan mi nembepuköra soñgo ahöyökmö, mi töndup neget.

5 \*Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö soñgoñi oñgita töndup keunñinambuk qahö ahakze. Keu mi Köna keunöñ oyonget me qahö?”

6 “Mi oyonget, mewö mötzalmö, nöñön kewö jibi mötme: Ki kinjawi, yañön mönö jöwöwöl jike oñgita öngöñgöñi akza.

7 \*Buña Kimbigö keu kun kewö ahöza, ‘Nöñön jöwöwöl ohomegöra qahöpmö, sutñine ak kömum anğumegöra mötzal.’ Inñini keu mianğö könanñi mötpeak ewö, ambazip pinjitkö keunini qahö neñgö keunini mönö lañ qahö jim teköbeak.

8 “Mi kewögöra jizal: Suep gölmeğö azi ölnan mönö Sabat kendongö Kembuñi akza.” Mewö.

*Jisösnöñ azi böröñi sösröngöñi mem ölöwahök.*

*Mak 3.1-6; Luk 6.6-11*

9 Jisösnöñ miri mi mosöta köuluk miriñine öñgöyök.

10 Mianğören azi böröñi sosoholñi kun tarök. Ambazipnöñ Jisös keu jakeñe al wañgibingöra kewö qesim wañgiget, “Azi Sabat kendonöñ möhamgöba Köna keu oñgitpin me qahö?”

11 \*Qesim wañgigetka kewö melenñök, “Enğörenök dañön kewö akza: Azi kungö lamanñi mohok-kunñan Sabat kendonöñ lömnöñ gema ewö, yañön mi qahö memba öröiga kotma?”

12 Azigö bohonñan mönö lamagö bohonñi gwötpuk oñgitzawi, mönö mi mötmörime. Mianğöra Sabat kendonöñ nup ölopñi memba mewö Köna keu qahö oñgitpin.”

13 Mewö melennda azi mianğö jiyök, “Gi mönö börögi qötöteinöñ.” Mewö jiiga qötöteiiga mutuk ahöhi, mianğö dop ölöwaka böröñi alañğö dop ahök.

14 Mewö asuhuiga Farisi (Köna keugö kapañkölköl) yeñön yaigep anda totoko ala Jisös denöwö aka qein kömumapkö keu jim jaruget. Mewö.

\* 11:29; Jer 6.16 \* 12:1; Dut 23.25 \* 12:3; 1 Sml 21.1-6 \* 12:4; Lew 24.9 \* 12:5; Jan 28.9-10 \* 12:7; Mat 9.13; Hos 6.6 \* 12:11; Luk 14.5

*Anutugö nup meme azi tök-kutukutuñi kewö:*

15 Jisösnöñ keuñini mi ek kutuba miangöreñök miri mi mosöta kungen anök. Aniga gwötpukñan yangö andöñe wuatangöba angetka yeñgö sutñine kawöl ambazip pakpak mem ölöwak engiyök.

16 Mi mem ölöwak engiba könañi aukñe jibepuköra köhöikñanök qetal engiyök.

17 Mewö aiga Anutunöñ kezapqetok azi Aisaia sölölohöiga keu kun jiyöhi, mianjön mönö mewö öñjambuk ahök. Keu mi kewö jii ahöza,

18 \**“Eket, ki mönö nöñgö nup azini aiga i möwölöhöm wangial. Nöñön wölböt alani yangöra mötpi ölöwahiga urunan yangöra söñgaimakzal. Nöñön Uñani Töröñi yangö uruñi dop kölmapköra melaibi geiga yanjön keu diñdinañök jim tekömakzalanjögö Buñani indela jim sehiiga kantriñi kantriñi yeñgöreñ anma.*

19 Yanjön anjururuk qahö aka keu töhöreñ qahö qerakña. Ambazip kunñan yangö qet kourukñi mi rowoñqeqe könanöñ qahö mötma.

20 Jehot qölökögeri, yanjön mi qahö qesinma. \* Lambegö wikñan jem kutuba sanjöp aiga bölamñan jem bökbök ahakzawi, yanjön mönö mi qahö qömbököma. Mewö nupñi memba ambazipnöñ keu diñdini wuatangömegöra bim qeba maliga keu mianjön luhut aliga köirañ alme.

21 Kantriñi kantriñi yeñjön mönö yanjön bauköm engimapköra mamböta jörömqörömqöñini yangö qetñe ala malme.” Mewö.

*Jisösnöñ öme yeñgö ösumñini ongita qei etza.*

*Mak 3.20-30; Luk 11.14-23*

22 Ömenöñ azi kun töñjöt aka numbuñi jöhöiga jeñan gömölii mötök malöhi, mi wangita Jisösgöreñ kaget. Jisösnöñ i mem ölöwahiga ömenan kota mosöri nesilamñan lolohoiga kunbuk keu jiba uba ehök.

23 Uba ehiga ambazip kambu pakpak yeñjön mi eka auruba Jisösgöra jiget, “Azi kianjön mönö Deiwidkö gwölönarökñi akza me?”

24 \*Mewö jigetmö, Farisi (Köna keugö kapañkölköl) yeñjön mi möta kewö jiget, “Azi kianjön kungö ösumnöñ qahöpmö, öme yeñgö Kembuñini Katakömulat yangö ösumnöñ ömewöröme enguatanjögömakza.”

25 Mewö jigetmö, Jisösnöñ urumötmöñini möt teköba kewö jii mötket, “Kantri denike yeñgö galömurupñinan sutñine anjururuk aka julmei, yeñjön mönö ayuhum anjugetka kantriñinan böliba sahopñanök aka qeqelanñan ahöma. Mewöyök siti me miri kungö könañesö yeñjön sutñine anjururuk aka julmei, yeñjön mönö galömkölköl nupñini memba kinbingö osime.

26 “Mötket, Satanöñ mönö alañi Satan kun wuatangöbawak ewö, yeñjön mönö sutñine anjururuk aka julbeak. Mewö aiga gawman nupñini mbingö osigetka ömetohonñan mönö denöwö kinbawak?

27 “Mötket, nöñön Katakömulatkö ösumnöñ ömewöröme közöl engibileñak ewö, engö alaurupñinan mönö dagö ösumnöñ mi közöl engibeak? Miangöra yeñjön mönö keuñini öñji me qahö, mi kewöta jim teköme. †

28 Mi jim tekömemö, Anutugö ösumñan nöñgö böro kesötñi sölölohöi öme enguatanjögömakzal ewö, Anutugö bem-tohonñan mönö engöreñ kam kuñguza.

29 Kunñan azi köhöikñangö köna böroñi mutuk qahö jöhöma ewö, yanjön mönö denöwö miriñe öñgöba qezanña sukinapñi membawak? Mutuk i jöhöi tarigun mönö ölöp

\* **12:18:** Ais 42.1-4 \* **12:20:** Jehot aka lambegö wikñi mi ambazipköra jiza. Ambazipnöñ kun qeba janjauranga ak wangigetka mötnariñan pömsöm qemapkö akzawi, Jisösnöñ i mem ölöwakña. \* **12:24:** Mat 9.34; 10.25 † **12:27:** Nanñini silegalömurupñinan Anutugö qetñi öme mi Katakömulatkö kukösumnöñ közöl engigetka nöñön mi Anutugö ösumnöñ közöl engimakzal. Öroñ qahö kinjinañgöra danjön keu munerñi wuatangömakza? Yeñjön me nöñön?”



miriñeyök öröyuaini pakpak wañgita memba anma. (Miañgö dop nöñön mewöyök Satan jöhöba andöñe ömenji enğuatañgömakzal.)

30 \**“Kunñan nömbuk qahö maljawi, yañön mönö qetal niñgimakza. Kunñan ambazip nöñgö qetne tokomegöra qahö öröm enğimakzawi, yañön mönö menden enğimakza.*

31 *Miañgöra nöñön keu kun kewö jibi mötme: Ambazip siñgisöndok aka mepaqepaik pakpak ahakzei, mi Anutunöñ ölöp mosörakzapmö, kunñan Uña Töröñi ilita mepaikömawi, miañgö siñgisöndokñi Anutunöñ mönö nalö kunöñ qahö mosötma. Saumbañ!*

32 \**“Kunñan Suep gölmegö azi öñji qetala keu jima ewö, Anutunöñ mi ölöp mosötmapmö, kunñan Uña Töröñi qetala keu yuai jimawi, yañgö siñgisöndokñi mi Anutunöñ gölmenöñ malmawañgö dop me kömup andöñe miañgöreñ qahö mosötma.”*

*Ipkö könañi mi öñji eka kewöta möt kutume.*

*Luk 6.43-45*

33 \**“Ipkö könañi mi öñji eka kewöta mötzin. Miañgöra mönö ip galöm kölgetka ölöwaka öñji ölöpñi kuñgumakña me ip mem böligetka öñji bölöñi kuñgumakña.*

34 \**Azi uruñan yuai kokolak qei ahözawi, mia mönö numbuñan aukñe jimakza. Miañgöra qatögö moröñi iñini, nanñinak bölöñi aka mönö denöwö keu ölöpñi jibeak?*

35 *Azi ölöpñangö uru köweñe ölöpñangö möriamñi ahözawi, yañön mönö ölöpñi mi aukñeyök jimakza. Azi bölöñangö uru köweñe bölöñangö möriamñi ahözawi, yañön mönö bölöñi mi aukñe jimakza.*

36 *“Mewö jimakzapmö, nöñön keu öñji kun kewö jibi mötme: Ambazipnöñ sonjo walönda keu jit omañi omañi jimei, yeñön mönö keu pakpak miañgö könañi mi jimtekötekögö nalö ketañe Anutugöra jim asarigetka kewötma.*

37 *Miañgö könañi kewö: Anutunöñ mönö keu jitki kewöta miañgö dopkeugi jim teköi solaniman me keugabuk aka lömböt miwikñaiman.” Mewö.*

*Böhi tosatñan añgöletököra kapañ köla uletket.*

*Mak 8.11-12; Luk 11.29-32*

38 \**Nalö miañgöreñ Farisi (Köna keugö kapañkölköl) aka Köna keugö böhi tosatñan Jisösgöra kewö jiget, “Böhi, gi ölöp añgöletot kun menöñga mi ekingö mötzin.”*

39 \**Mewö jigetka kewö melen enğiyök, “Ambazip merak gölmenöñ maljei, mi kambu bölöñi aka serowilin ahakze. Yeñön Anutugö aiwesökñañgöra kapañ kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enğima.*

40 \**Jonanöñ suñgem silimñi karöbut köwet sömbupkö (gajugaju) gölömnje malöhi, miañgö dop Suep gölmegö azi öñjan mewöyök suñgem asak karöbutkö dop gölme uruñe ahöma.*

41 \**“Jonanöñ Niniwe ambazip sutñine anda Anutugö keunöñ uruñini kuñgui möta miañgöreñök uruñini melengetmö, mötket, nöñön sutñine asuhaba kinda Jonagö ahakmemenji onğita ahakzal. Mewö ahakzalmö, iñini töndup nesampurek ak niñgimakze. Miañgöra Niniwe ambazipnöñ jimtekötekögö nalö ketañe ambazip kambu ki kinjei, embuk öröröñ kömupnöñök wahöta enğö qöhöröñine mohotñe kinme. Mohotñe kinda Niniwe yeñön keu kewö enğö silenine alme, ‘Iñini Suep gölmegö azi öñji nesampurek ak wañgigetka Anutunöñ likepñi melen enğii sihimbölö öñgöñgöñi mötme.’ Niniwe yeñön mewö jigetka ahakmemenjanan nanñini könañamñini indelgetka gamuñini mötme.*

42 \**“Könañamñinañgö kaisöpsöpñi kun kewö: Anutunöñ mönöwök mötkutukutu öñgöñgöñi ketañi mi kiñ Solomon wañgiiga Saut görökenök kantri kungö qin ambinöñ*

\* 12:30: Mak 9.40 \* 12:32: Luk 12.10 \* 12:33: Mat 7.20; Luk 6.44 \* 12:34: Mat 3.7; 23.33; 15.18; Luk 3.7; 6.45 \* 12:38: Mat 16.1; Mak 8.11; Luk 11.16 \* 12:39: Mat 16.4; Mak 8.12 \* 12:40: Jon 1.17 \* 12:41: Jon 3.5 \* 12:42: 1 Kiñ 10.1-10; 2 Hist 9.1-12



Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtñi kaba mala Solomongö mötmötñi mörök.

“Mi mörökmö, mötket, nalö kewöñe nöñön sutñine asuhuba kinda Anutugören mötkutukutu öngöngöñi memba kazali, mi Solomongö mötkutukutuñi oñgitzä. Oñgitzapmö, iñini töndup nesampurek ak niñgiba tönpin kingetka qahö dop kölja. Miangöra Anutunöñ könañgep ambazip körek pakpak öröm engii keuñini jim tekömapköra jeñe añgotmei, nalö miangören Saut kantrigö qin ambi mianñön mönö mewöyök añgotma. Yaññön ambazip kambu ki kinjei, embuk öröröñ kömupnöhhök wahöta engö qöhöröñine mohotñe kinma. Mohotñe kindä keu kewö engö silenñine alme, ‘Iñini Jisös nesampurek ak wañgigetka Anutunöñ likepñi melenñ engii sihimbölä öngöngöñi mötme.’ Yaññön mewö jiiga silikñi kewöta nanñinañgöra gamuñini mötme.” Mewö.

*Öme yeññön azi uruñe liliñgöbingö kapañ kölje.*

*Luk 11.24-26*

<sup>43</sup> “Ömenöñ azi uruñeyök kota gölme qararañkölkölñe anda lañ liliköba mala luhut memamgö miri jaruba kun qahö miwikñajima.

<sup>44</sup> Mi qahö miwikñajiba osiba kewö jima, ‘Mirini mosöta kazali, miangören mönö kunbuk liliñgömam.’ Mewö jiba liliñgöba miriñi usuñda meñölöi ahöyöhi, mi gwamöññi ahöi miwikñajima.

<sup>45</sup> “Mewö miwikñajiba anda öme tosatñi 7 enñuanñitma. Öme 7 mi nanñi oñgita bölöñi kötökñi akze. Yaññön mi enñuanñiriga kaba miri mi öngöba miangö uruñe malme. Mewö aiga azi miangö könañi mutuk kilenñilenñ ahökmö, könañgep böliqölim teköma. Ambazip kambu bölöñi ki merak gölmenöñ maljei, engören mewöyök mewö asuhuma.” Mewö.

*Jisösgö nam-munurupñi*

*Mak 3.31-35; Luk 8.19-21*

<sup>46</sup> Jisösnöñ toroqeba ambazip kambu yeñgöra keu jiba maliga nam-munñan kaba yaigep kindä yambuk keu jibingö mötket.

<sup>47</sup> Mötketka kunñan kewö jii mörök, “Mötnöñ, göhö nam-mungan mönö yaigep kindä göbuk keu jibingö mötze.”

<sup>48</sup> Keu mi jii mörökmö, yañgöra melenñda kewö jiyök, “Nöñgö namni daññön? Nöñgö munurupni mi daññön?”

<sup>49</sup> Mewö jiba böronñi gwarekurupñi yeñgören göröken börañda jiyök, “Eket, nöñgö namni aka munurupni ölni mönö ki.”

<sup>50</sup> Denike yeññön nöñgö Suep Iwinangö jitsihitñi tem kölakzei, körek mienñön mönö nöñgö namni aka nenmunurupni akze.” Mewö.

## 13

*Qesiñqesiñ azigö dopkeu.*

*Mak 4.1-9; Luk 8.4-8*

<sup>1</sup> Nalö miangörenök Jisösnöñ miri mi mosöta o añgö jitle geba tarök.

<sup>2</sup> \*Tariga ambazip kambulelmenöñ yañgören anda tokogetka wañgenöñ öngöba tarök. Tariga ambazip kambu pakpak yeññön añgö gorañe saknöñ tokoget.

<sup>3</sup> Mewö tokogetka dopkeu gwötpuk jii mötketka kewö jiyök, “Mötket! Azi kunñan nene kötni qesiñ gilmangöra nupnöñ anök.

<sup>4</sup> Anda qesiñ giliga kötni tosatñan köna jitle geba kölget. Geba kölgetka (warawen) neiñi neiñi kañgota mi nem teköget.

<sup>5</sup> “Kötni tosatñan köt jamönjiñnöñ geba kölget. Geba köla miangören gölme gwötpuk qahö miwikñajiget. Gölme dutñi qahö ahöyohañgöra korapñi zilañ kotket.

\* 13:2: Luk 5.1-3

<sup>6</sup> Kotketmö, wehönöj kota enguba jem kutum enjiiga jalönjini qahöpköra soholiba gororöngöget.

<sup>7</sup> “Kötñi tosatñan siriuret wahiñinambuknöj geba kölget. Geba kölgetka mienön kota gem turuba böbölöhöt mem engiget.

<sup>8</sup> Mewö pömsöm qeyökmö, kötñi tosatñan gölme ölopñe geba kölget. Geba köla tosatñi mienjö kötñini 100 asuhuget. Tosatñan kötñini 60, tosatñan 30 mianjö dop ahum sehiget.

<sup>9</sup> Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

*Jisösnöj wanigöra dopkeu jiyök.*

*Mak 4.10-12; Luk 8.9-10*

<sup>10</sup> Mewö jiiga gwarekurupñan kaba Jisös kewö qesim wanğiget, “Gi mönö wuanöñgöra ambazip yeñgö ‘Keu jimam,’ jiba dopkeunöj ala jimakzan?”

<sup>11</sup> Qesim wanğigetka kewö melenđa jiyök, “Mi kewögöra: Suepkö bemtohoñe añgota malbingö keu tölapñi mi engöra aukñe jibi möt kutuzemö, yeñgöra mi mewö qahö.

<sup>12</sup> \* “Mianjö könañi kewö: Kunñan mötkutukutuñambuk maljawi, Anutunöj mönö mi toroqem wanğiiga köl guliba möriamñambuk malmapmö, kunñan mötkutukutuñi qahö maljawi, Anutunöj mönö mötmötñi moröñi ahözawi, mi mewöyök qeköba wanğitma.

<sup>13</sup> “Ambazip yeñgö keu jimam jiba kewögöra dopkeunöj ala jimakzal: Yeñön nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime.

<sup>14</sup> \* Kezapqetok azi Aisaianöj qeljine keu kun jiba ohoyöhi, mianön ambazip mewöñi yeñgöreñ öljambuk ahakza. Keu mi kewö, ‘Keu möt bibihibagun könañi töndup kude möt asarime. Yuai ek bibihibagun könañi töndup kude ek kutume.

<sup>15</sup> Ambazip kambu kienjö uruñinan mönö köhöikñi gwözöñda ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könañi möt asariba uruñini melengetka nöñön i ölop mem ölöwak engibileñak.’

<sup>16</sup> \* “Keu mewö ahözapmö, engö jeñinan yuai ek kutuzawanğöra mönö simbawoñ akze. Kezapñinan keu möt kutuzawanğöra mönö simbawoñ akze.

<sup>17</sup> Nöñön keu öl töhöññi kun kewö jibi mötket: Kezapqetok ambazip aka Anutugöreñ ambazip solanñi gwötpukñan inñini yuai ki ekzei, mi ekingö awöweñgöba malgetmö, qahö eket. Inñini keu ki mötzei, yeñön mi mötpingö awöweñgöba malgetmö, qahö mötket.” Mewö.

*Jisösnöj dopkeugö könañi jiyök.*

*Mak 4.13-20; Luk 8.11-15*

<sup>18</sup> “Qesiñ gilgil azigö dopkeu jizali, mianjö könañi mi kezap ala mötme.

<sup>19</sup> Nene kötñi qesiñ giliga köna jite geba kölöhi, mi kewö: Kunñan bemtohoñgö Buña keuñi möta könañi qahö möt asariiga Bölöñangö Tonñan kaba uruñe kötñi kömötkeri, mi qeköma.

<sup>20</sup> Nene kötñi qesiñniga köt jamönjiñnöj geba kölöhi, mi ambazip söpsöpñi kun. Yeñön Buña keu möta mi mianğöreñök sösongai qakñe möt añgön kölakze.

<sup>21</sup> “Mewö ahakzemö, uruñine jalöñi qahö ahöm engimapmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhuiga nalö mianğöreñök mönö tala enguma.

<sup>22</sup> Nene kötñi qesiñniga siriuret wahiñinambuknöj geba kölgeri, mi kewö: Yeñön Buña keu mötketka uruñine gezapmö, gölmenöj malmalgö waimanjatñi aka moneñ inap memegö urukönöpñi ahuba lömbörim engimakza. Qetbuñanñambuk akingöra

\* 13:12: Mat 25.29; Mak 4.25; Luk 8.18; 19.26 \* 13:14: Ais 6.9-10 \* 13:16: Luk 10.23-24

köpösöngögetka sihim kömbönañi bölöñi tosatñan mewöyök uruñine dungöba Buña keu böbölohot mem wañgize. Mewö aiga ölni qahö gilipitñi (ambetakñi) akñe.

<sup>23</sup> “Nene kötni gölme ölpñe qesiniga geba kölgeri, mi ambazip kewöñi: Yeñön Buña keu kezap ala möta möt asariba pöndañ kinda ölni miwikñaimakze. Tosatñan keu jit mohotnöhök kötni 30 miwikñaimakze. Tosatñan ölni 60, tosatñan keu köt mohot mohot miengö ölni 100 mem sehiba miwikñaimakze.” Mewö.

### *Dorowetkö söpsöp keu*

<sup>24</sup> Jisösnöñ söpsöp keu kun kewö jii mötket, “Suepkö bemtohoñgö könañi mi azi kewöñgö dop ala jimam. Yañön nupñe anda nene kötni ölpñi qesin gilök.

<sup>25</sup> Qesin gilökmö, sunjem ahögetka miangöreñ kerök aziñan kaba wit padi sutñine miangöreñ dorowetkö kötni qesin gila mosöta anök.

<sup>26</sup> Wit padi kötnan jula wahöta öngöba ölni asuhuyöhi, nalö miangöreñ dorowetnöñ mewöyök aukñe asuhuyök.

<sup>27</sup> “Miañön aukñe asuhuiga welenqeueurupñan mi eka nup tonangöreñ kaba kewö jigetka mörök, ‘Ketanamnini, nupke nene köt ölpñi qesin gilnöñ me qahö? Dorowetkö kötni mi mönö denikeyök miangöreñ geba asuhuza?’

<sup>28</sup> “Mewö jigetka möta kewö jii mötket, ‘Kerök azinöñ mi qesin gilök.’ Mewö jii möta welenqe qe yeñön kewö jiget, ‘Nini ölp anda dorowet mi qözöla tokobingö mötzan me qahö?’

<sup>29</sup> Mewö jigetmö, kewö jii mötket, ‘Qahö! Inini dorowet qözöla tokoba miangöreñ padi tosatñi mi mewöyök qözölbepuk.

<sup>30</sup> “Mönö mosötketka mohotñe qariba wahörohotkun ölni meme nalöñan kam kuñguiga nalö miangöreñ nöñön padi misimisi ambazip yeñgöra kewö jibi mötme: Mönö mutuk dorowet memba tokoba ohomegöra börangöba kösönöñ jöhöme. Mi jöhöbagun mönö wit padi ölni mi tokoba memba kaba nöngö köwe mire alme.’ ” Mewö.

### *Nejoñ kötnangö dopkeu*

#### *Mak 4.30-32; Luk 13.18-19*

<sup>31</sup> Jisösnöñ dopkeu kun kewö toroqeba jii mötket, “Suepkö bemtohoñi mi kewö: Azi kunñan nejoñ (nemuya) kötni memba nanñe nup gölmeñe anda alök.

<sup>32</sup> Kötni mi morö közözömñi. Mi nene köt pakpak miengö eretñini akzapmö, jula wahöta yöha pakpak engongita qariba ip akña. Mewö aka kiniga könakemba neiñi neiñi kangota aipñini ip miangö böröñe alakze.” Mewö.

### *Yistkö dopkeu*

#### *Luk 13.20-21*

<sup>33</sup> Jisösnöñ dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qarigarigö dop kewö akza: Ambi kunöñ ‘Beret ohomam,’ jiba yist memba flaua amae (dis) karöbut miangöreñ mindiriba melenqelen aka anda anda tari körekñanök qariyök.” Mewö.

### *Jisösnöñ denöwögöra söpsöpkeuñi keuñi jiyök?*

#### *Mak 4.33-34*

<sup>34</sup> Jisösnöñ keu pakpak mi könagesö yeñgöra söpsöp keunöñ jiyök. Söpsöpkeu qahö mewö keu kun qahö jii mötket.

<sup>35</sup> \*Mewö aiga Anutunöñ kezapqetok azi kun sölölohöiga keu kun jiyöhi, miañön ölnambuk ahök. Yañön keu mi kewö jii ahöza, “Nöngö numbunan mönö amqeiga söpsöp keuñi keuñi jimam. Anutunöñ gölme miwikñaiiga asuhuyöhi, nalö miangöreñök keu tölapñe ahöi mala korini, nöñön mönö keu mi aukñe jim indelmam.” Mewö.

### *Dorowetkö söpsöpkeugö könañi*

\* 13:35: Sum 78.2

<sup>36</sup> Jisösnöj söpsöp keu mi jim teköba ambazip kambu ketanji engömosöta miri uruñe öngöyök. Öngöiga gwarekurupñan yangören kaba kewö qesiba jiget, “Dorowet nene nupnönj asuhuyöhi, gi mönö söpsöp keu mianjö könanji jim asarim nenjiman.”

<sup>37</sup> Mewö jigetka kewö melenja jiyök, “Suep gölmegö azi ölnan mönö nene kötnji ölpñji ölpñji qesin gilakza.

<sup>38</sup> Nene nup mi gölmegö kantri pakpak. Nene kötnji ölpñji mi bemtohonjö nahönbörat engöra jizal aka dorowet mi azi bölonjanjö nahönbörat yengöra jizal.

<sup>39</sup> Keröknönj mi qesin gilöhi, mi Bölonjanjö Tonjanjöra jizal. Padi misimisi nalönji mi gölmegö nalönan tekömawanjö nalö ketanji mi. Padi misimisi ambazip mi Suep garata yengöra jizal.

<sup>40</sup> “Dorowet tokoba könöpnönj ohoget jemawi, mianjö dop mönö gölmegö nalönan tekömawanjö nalö ketanje asuhuma.

<sup>41</sup> Suep gölmegö azi ölnan mönö garataurupñi melaim engiiga kaba keu areñ bölonji pakpak Kraistkö bemtohonj uruñe sinjisöndok akingö kondorakzawi, mi qeapköba mindinjöme aka bölonji meme ambazip pakpak mi qözöla qezaköm engime. \*

<sup>42</sup> “Mewö mindinqindin aka ambazip mi gil engigetka owen imarurubuk jeba ahözawi, mianjöreñ geme. Mianjöreñ gemeañön mönö sahöt gigilahöba irimñini yöhözömgögetka qetñi qeri malme.

<sup>43</sup> Nalö mianjöreñ ambazip solanji mienjön mönö wehön tandök aka Iwinjanjö bemtohonj uruñe asariba mal öngöme. Kunñan urukezapñambuk maljawi, yanön mönö keu mi kezap ala möt kutuma.” Mewö.

#### *Guli dötnam mesamesambötjanjö söpsöpkeu*

<sup>44</sup> “Suepkö bemtohonji mi guli damandanj söngörönji öngöngönji mianjö dop kewö akza: Mi nupnönj mesambötket ahöiga azi kunñan mi miwikñaiba angön köla kunbuk gölmenönj mesambörök. Mesamböta mianjöra söngaiba anda sukinapñi pakpak bohönji memegöra ali monen kaiga mianjön nup gölme mi bohönji meyök.” Mewö.

#### *Sorom kötnjanjö dopkeu*

<sup>45</sup> “Suepkö bemtohonji mi stua azigö dop ala söpsöp keu kun kewö jimam: Yanön sorom kötnji ekjeritñambuk jaruba malök.

<sup>46</sup> Jaruba mala sorom kötnji mohot söngörönji ketanji miwikñaiba anda sukinapñi pakpak bohönji memegöra ali monen kaiga mianjön sorom kötnji mi bohönji meyök.” Mewö.

#### *Mösak örörögö söpsöpkeu*

<sup>47</sup> “Suepkö bemtohonji mi mösakö dop ala söpsöpkeu kun kewö jimam: Mi o angönönj gilget geiga söra tandökñini könanji könanji gegetka engömem tokoyök.

<sup>48</sup> Tokoi kokolak qeiga ambazipnönj mi örögetka körökñe koriga eta tata söra ölpñji kewöta sakapnönj tokogetmö, bölonji mi gilgetka anök.

<sup>49</sup> Keu mianjö dop mönö gölmegö nalönan tekömawanjö nalö ketanje asuhuma. Suep garata yenön kaba ambazip bölonji mi solanji mienjöreñök kewöt engime.

<sup>50</sup> Kewöt engiba ambazip bölonji mi gil engigetka owen imarurubuk jeba ahözawi, mianjöreñ geme. Mianjöreñ gemeañön mönö sahöt gigilahöba irimñini yöhözömgögetka qetñi qeri malme.” Mewö.

#### *Keu kötnji walñi aka dölokñi*

<sup>51</sup> Jisösnöj söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenja “Oñ!” jiget.

\* **13:41:** Keu areñ (ideology) bölonji yauen mötmöt, komyunist, maslim aka mötmöt areñ tosatanji mi ambazip jöhöm engiget qakögetka malmalñinan böliba sohomakzawi, garata yenön mönö mi pakpak qeapköba mindinjöme.

<sup>52</sup> “On!” jigetka kewö jii mötket, “Miri tonjan mirinangö köweneyök inap yuai walji aka dölökñi uzeta alakza. Miangö dop Köna keugö böhi pakpak Suep bemtohongö gwarekurupñi akeri, yeñon mönö mewöyök uruñinangö köweneyök keu aködamunñinambuk dölökñi aka keu ölop sorokñi walji uzeta jimakze.” Mewö.

*Nazaret yeñon Jisös andö qeget.*

*Mak 6.1-6; Luk 4.16-30*

<sup>53</sup> Jisösnöñ dopkeu mi jim teköba miri gölme mi mosöta anök.

<sup>54</sup> Anda malqarip taonñe angota köuluk mirinane öngöba Buña keu kusum engiyök. Kusum engiiga auruba welipköba kewö jiget, “Yei! Kezapjupjup! Yanñon mötkutukutu ki aka angöletot kukösumñinambuk mi mönö denikeyök meza?”

<sup>55</sup> Azi ki mönö miri kiangö mitimqege azigö nahönña. Namñangö qetñi Maria aka munurupñi Jeims, Josef, Saimon aka Juda. Mi ölop mötzin.

<sup>56</sup> Nenurupñan mönö körek sutnine ki malje. Miangöra yuai pakpak ki mönö denikeyök memba kaba akza?”

<sup>57</sup> \*Nazaret yeñon mewö jigetka uruñinan böliiga miangören qaköget. Qakögetmö, Jisösnöñ kewö jii mötket, “Kezapqetok azi mi nanñi taonñe aka nanñi mire jijiwilit ak wangimakzemö, miri tosatñe mewö qahö.”

<sup>58</sup> Mewö jiiga mötnariñinan qahö asuhuiga yangisenñinangöra aka angöletot kukösumñinambuk mi miangören gwötpuk qahö meyök. Mewö.

## 14

*Jongö jölñi kutugetka kömuyök.*

*Mak 6.14-29; Luk 9.7-9*

<sup>1</sup> Nalö miangören gölme bahönangö (Galili prowinsgö) kiñ Herod yanñon Jisösgö qetbuñani mörök.

<sup>2</sup> Mi möta welen-qequeurupñi yeñgöra kewö jiyök, “Mi mönö Jon O-melun azia. Yanñon mönö kömupnöhök wahöta nupñi meiga angöletot kukösumñinambuk asuhumakze.” Waimanjat möta mewö jiyök.

<sup>3</sup> \*Mi kewögöra jiyök: Herodnöñ munñi Filipkö anömñi Herodias ölon meiga Jon O-melun azinöñ kiñ jim wanggiiga opotöröp melaime engiiga anda Jon memba jöhöba kösö mire al wangiget.

<sup>4</sup> \*Jonöñ Herodköra keu kewö jiyök, “Gi qambötiki memba mala Köna keu ongitzan.”

<sup>5</sup> Mewö jiiga Herodnöñ Jon qeget kömumapkö mörökmö, könagesö yeñon Jongöra mötketka kezapqetok azia malöhi, miangöra könagesö yeñgöra kengetñi mörök.

<sup>6</sup> Kengetñi mörökmö, Herodkö ahuhahu nalöñan kaiga ketaurupñan tokoba tatketka Herodiasgö boratñan yeñgö jeñine danis aliga Herodnöñ miangö eksihimñi gwötpuk mörök.

<sup>7</sup> Miangöra ambi seram mianñon wani yuaigöra qesibawak, kiñnöñ mi tököm wangimangö keu jöhöba keu mi jöjöpañ keunöñ jim köhöiyök.

<sup>8</sup> Mewö jim köhöiiga namñan ambi seram mi kuñgum wanggiiga kewö jiyök, “Mönö qesinöñga Jon O-melun azigö jölñi yandigetka nöropñi memba ki kaba köndenöñ niñgima.”

<sup>9</sup> Mewö jiiga kiñgö uruñan kömbuhiiga wösöbirik mörökmö, jöjöpañ keunñan jöhöi ketaurupñan mi mötketka yeñgö jemesoholñine etpapuköra möta nöropñi wangimegöra jim kutuyök.

<sup>10</sup> Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nöropñi memba kaman.”

\* 13:57: Jon 4.44 \* 14:3: Luk 3.19-20 \* 14:4: Lew 18.16; 20.21



11 Mewö jiiga Jongö nöröpni köndenöñ ala memba kaba ambi seram mi wanjiiga memba anda namñi wanjiyök.

12 Jongö gwarekurupñan miangö buzupni möta anda qamötñi memba qaksirigö köt kötenöñ ala löm kölget. Löm köla anda keu mi Jisös jiget mörök. Mewö.

*Jisösnöñ azi 5000 nene gumohom enjiyök.*

*Mak 6.30-44; Luk 9.10-17; Jon 6.1-14*

13 Jisösnöñ Jongö kösohotñi möta miri mi mosöta wanjenöñ öngöba gölme kötikñi kunöñ nanñinök malbingöra anget. Ambazip kambu yeñon miangö buzupni möta taon aka mirinini mosöta Jisösgö andöñe wuatañgöba gölme köna anget.

14 Angetka Jisösnöñ wanjenöhök eta ambazip kambulembe engeka yeñgöra wösöñi mörök. Wösöñi möta sutñine kawöl engehöi malgeri, mi mem ölöwak enjiyök.

15 Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiangöreñ malinga wehön jeñan teköba gemangö akza. Miangöra gi ölop ambazip kambu ki melaim enjinöñga mirinini miangöreñ anda numbu neneñini söngöröñi memba neme.”

16 Mewö jigetmö, Jisösnöñ kewö jii mötket, “Yeñon ölop kiangöreñ tatme. Enñon mönö nanñinak i nene gumohom enjime.”

17 Mewö jii möta jiget, “Nini beret 5 aka söra yahöt miyök memba maljin.”

18 Mewö jigetka jiyök, “Mönö mi memba kaba niñgime.”

19 Mewö jiba ambazip kambu mi kegwan lulplupnöñ eta tatmegöra jim kutum enjiiga tatket. Tatketka beret 5 aka söra yahöt mi memba Suenöñ ui öngöiga kötuetköba beret mindipköba gwarekurupni enjiiga ambazip kirip dop mendenja enjiget.

20 Mendenja enjigetka ambazip körekmakörek neme nem timbireñ aket. Nem timbireñ aka nene kitipni kitipni mosötkeri, mi gwarek yeñon qezakögetka sakap 12 miangöreñ geba kokolak qeyök.

21 Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

*Jisösnöñ o anğö qakñe tiba tiba anök.*

*Mak 6.45-52; Jon 6.15-21*

22 Neget teköiga Jisösnöñ miangöreñök gwarekurupni jim kutum enjiba kewö jiyök, “Inini mönö wanjenöñ öngöba qeljiñe o anğö kutuba likepñe anme. Nöñon ölop nalö sutñe ambazip kambu ki melaim enjibagun kamam.”

23 Ambazip melaiba enjibula kundunje öngöba nanñök mala köuluköyök. Köuluköba mali mare aiga kundunje nanñik kötikñi tarök.

24 Tariga wanjeninan lök o anğö bibiñe köröwen aniga luhutnöñ angerañgöreñök gila kaiga sirinöñ wanjenöñ giliga kekwilik anda kayök.

25 Mewö ahiga miri awörañgöiga (3-6 kilok) miangöreñ Jisösnöñ o anğö qakñe tiba tiba gwarekurupni yeñgöreñ kayök.

26 Kaba o anğö qakñe tiba tiba kaiga gwarekurupñan mi eka kenğötporin aka “Köwet Songorinöñ kaza,” jiba sömbunini möta qeta silatket.

27 Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitingit malme. Nanak kazal. Kenğötñini kude mötme.”

28 Mewö jii möta Pitönöñ melenja kewö jii mörök, “Göñon Kembuya akzan ewö, mönö ölop jinöñga nöñon o qakñe tiba tiba göhöreñ kamam.”

29 Jisösnöñ mi möta “Ölop kanöñ,” jiyök. Mewö jiiga Pitönöñ wanje mosöta o anğö qakñe tiba tiba könahiba Jisösgöreñ anök.

30 Könahiba anökmö, luhutnöñ gwötpuk gili mi eka kenğötporin aka könahiba o urunje geba kewö qerök, “Kembu, bauköm niñginöñ.”

<sup>31</sup> Qeriga Jisösnöñ mianğöreñök böröñi borañda Pitögö böröñe memba kewö jiyök, “Mötnaripki morörökñi. Mönö wuanöñğöra uruyahöt akzan?”

<sup>32</sup> Mewö jiba bauköm wañgii wañgenöñ öngöyohotka luhutnöñ nöñ qeba göröñ alök.

<sup>33</sup> Göröñ aliga azi wañgenöñ tatkeri, yeñön waikñi memba möpöseim wañgiba kewö jiget, “Alakña, gi Anutugö nahönña.” Mewö.

*Jisösnöñ Genesaret mala mem ölöwak nup meyök.*

*Mak 6.53-56*

<sup>34</sup> O aňgö kutuba likepñe Genesaret mire aňgota wañge mosöta saknöñ geget.

<sup>35</sup> Saknöñ gegetka miri mianğö ambazipnöñ Jisös möt kutum wañgiget. Möt kutum wañgiba keu algetka miri pakpak kösutñe tatkeri, mianğöreñ aniga buzupñi möta kawöl ambazip körek enğuañgita Jisösgöreñ kaget.

<sup>36</sup> Kagetka kinda Jisös malukuñangö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

## 15

*Ambösakon yeñön keu kusum sohoget.*

*Mak 7.1-13*

<sup>1</sup> Mianğö andöñe Farisi (Köna keugö kapankölköl) aka Köna keugö böhi tosatñan Jerusalem sitiyoek Jisösgöreñ kaba kewö qesim wañgiget,

<sup>2</sup> “Göhö gwarekurupkan wuanöñğöra köna walöñda ambösakoninangö silikñini qeze? Yeñön mönö böröñini sanğonñda dom-amöt qahö qeba töndup könahiba nene neze?”

<sup>3</sup> Mewö qesim wañgigetka kewö jii mötket, “Nanñinak mönö wuanöñğöra ambösakoninangö silikñini wuatangöbingöra köna walöñda Anutugöreñ jöjöpañ keu qeze?”

<sup>4</sup> \*Mianğö keuñi kun kewö: Anutunöñ kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’

<sup>5</sup> “Mewö jim kutuyökmö, iñini keu mi onğita kewö jimakze, ‘Kunñan iwiñangöra me namñangöra kewö jima: Wösöni mötzal. Nöngö nanğönanğö yuaini buña qem aňgubanak, mi lök Anutugö saiwap naluköra kewöta albi ahöza. Kunñan mewö jiba iwiñi me namñi göda qem wañgimawañgö dop qahö akza.’

<sup>6</sup> “Mewö jiba silikñini walñangöra aka Anutugö jöjöpañ keuñi utalgetka omañi aka pömsöm qemakza. Mi qahö dop kölja.

<sup>7</sup> O urumelenğö silesile ambazip, kezapqetok azi Aisaianöñ mönö enğö könañamñini törörök qeljiñe indela kewö jii ahöza,

<sup>8</sup> \*Ambazip kambu kianñon mönö numbu jitñinan ölöpñanök göda qem niñgimakzemö, uruñinan nönöñgan ak niñgiba kungen algetka köröwen ahöza.

<sup>9</sup> Mewö ahöiga nöngö waikni öne töhön memba möpöseim niñgimakze. Köna keu kusum enğibin, jiba salupñe ambazip yeñgö jimkutukutuñini mi numbu o alakze.’” Mewö melen enğiyök.

*Azi uru mi denöwö tölohoba lantiza?*

*Mak 7.14-23*

<sup>10</sup> Jisösnöñ ambazip kambu kunbuk enğoholi kagetka kewö jii mötket, “Iñini mönö keu ki kezap ala möt asarime.

<sup>11</sup> Yuai azigö numbuñeyök uruñe gemakzawi, mianñon qahö tölohom wañgimakzapmö, nanñi numbuñeyök keu erakzawi, mianñon mönö tölohom wañgimakza.”

<sup>12</sup> Mewö jii mötketka gwarekurupñan kaba kewö qesiget, “Farisi (Köna keugö kapankölköl) yeñön keu mi mötket enğui uruñinan bölizawi, mi mötzan me qahö?”

<sup>13</sup> Qesigetka kewö melenñök, “Nöñön warök pakpak nöngö Suep Iwinan qahö kömöröhi, mi mönö jalöñinambuk qözölmam.

\* 15:4: Eks 20.12; 21.17; Dut 5.16; Lew 20.9 \* 15:8: Ais 29.13

14 \*Muat, i mönö enğömosötme. Yeñön ‘Jegömöl ambazip enğuanğitpin,’ jimakzemö, nanñini jeñinan mönö gömöliza. Jegömöl kunñan jegömöl alañi kun böröñe memba wañgitma ewö, yetkön mönö mohotñe lömnöñ geba etkuma.”

15 Mewö melenñiga Pitönöñ jiyök, “Dopkeu miangö könañi mönö jim asarinöñ mörin.”

16 Mewö jiiga Jisösnöñ jiyök, “O alaurupni, inñini mewöyök toroqebe mötmötñini ölopñi qahö akze me?

17 Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?

18 \**“Mi erakzapmö, keu uru könömñeyök kota numbuñeyök erakzawi, mianñon mönö tölohöm wañgimakza.*

19 Ambazip uru könömñineyök yuai kewöñi asuhuba korakza: Keu bölöñi mötmörriba suña jinañ memba ambazip enğuet kömumegö mörakze. Qesabulum aka serowilin akingö mörakze. Yoñgorö membingö mörakze. Jitnöñ alal keu munenñi jibingö mörakze. Andöqeçe keu yöhösañ jiba Anutu mepaiköbingö mörakze.

20 Yuai mewöñan mönö ambazip tölohöm enğimakzapmö, böröñini qahö sañgonñda nene nemakzei, mianñon azi kun qahö tölohömakza.” Mewö.

*Kenan ambi kunñan kapañ köla köuluköyök.*

*Mak 7.24-30*

21 Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök.

22 Aniga Kenan ambi, gölme miangö tonñi kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinñin ak wañgiiga sihimbölö ketanñi mörakza.”

23 Qeta jiyökmö, Jisösnöñ keu kun qahö melenñök. Mewö aiga gwarekurupñan kaba kewö kuñgum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.”

24 Mewö jigetka melenñök, “Iwinan Israel könagesögö lama sohosohonñi miyöhök amöt qem enğimangöra aka melaim niñgiiga kazal.”

25 Mewö melenñiga ambi mianñon kösutñe kaba simin köl wañgiba jiyök, “Kembu, mönö bauköm niñginöñ!”

26 Mewö jiyökmö, Jisösnöñ kewö melen wañgiyök, “Qahö, morö yengö miriñineyök beret memba kiam enğiinga qahö dop kölbapuk. Juda nini kianurup enğö qetñini kiam qerakzin. Nöñon mutuk Juda ambazip bauköm enğibiga kantri tosatñi enñon mönö kiamgö dop mamböta malme.”

27 Melen wañgiyökmö, ambinöñ jiyök, “Kembu, mi ölop mötzalmö, kiam moröñi yeñön mönö mewöyök toninañgö tebolnöhök nene boromñi eriga nemakze.”

28 Mewö jiiga Jisösnöñ kewö jii mörök, “O ambi, göhö mötnaripki mi ketanñi. Mianğöra ulet niñgizanañgö ölni mönö asuhuma.” Mewö jii möta böratñan aua mianğöreñök ölöwahök. Mewö.

*Jisösnöñ kawöl ambazip sehisehiñi meiga ölöwaket.*

29 Jisösnöñ gölme mi mosöta kaba Galili o añgögö jitñe kañgota kunduñe öngöba eta tarök.

30 Tariga ambazip kambulelembenöñ yañğoreñ kaba ambazip kewöñi enğuanğitket: Simalokon aka jegömöl ambazip, tosatñi köna böröñini heramheramğöñi, tosatñi keuñini mötökñi aka kawöl tosatñi gwötpuk enğöhöi malgeri, mi enğuanğita Jisösgö köna kösutñe al enğigetka mem ölöwak enğiyök.

31 Mem ölöwak enğiiga ambazip keuñini mötökñi yeñön keu jigetka köna böröñini heramheramğöñi yeñön ölöwaka diñgigetka simalokon yeñön köna tiba anda kagetka

\* 15:14: Luk 6.39 \* 15:18: Mat 12.34

jeñini döndöngöñi yeñön je uba eketka ambazip kambu yeñön mi eka welipköba Israel neñgö Anutunini möpöseiget. Mewö.

*Jisösnöñ azi 4000 nene gumohom engiyök.*

*Mak 8.1-10*

<sup>32</sup> Jisösnöñ gwarekurupñi engoholi yañgöreñ kagetka kewö jii mötket, “Nöñön ambazip kambu kiengöra wösöni mötzal. Yeñön nöngöreñ kaba wehön karöbut lök mala kotketka neneñini qahöwahiga ekzal. Könanöñ anda mala kemañe jeñini gili tirinbirin akepuköra i öne melaim engimangö töközal. Miangöra i nene gumohom engimangö mötzal.”

<sup>33</sup> Mewö jii gwarekurupñan melenđa kewö jiget mörök, “Gölme qararañkölkölñe kiangöreñ neñön mönö denikeyöhök numbu nene gwötpuk miwikñaiba ambazip kambulelemebe ki gumohom engibinak?”

<sup>34</sup> Mi möta Jisösnöñ kewö qesim engiyök, “Engöreñ beret dawik ahöza?” Qesim engiiga “Beret 7 aka söra moröñi tosatñi ahöza,” jiget.

<sup>35</sup> Jigetka Jisösnöñ ambazip kambu mi gölmenöñ geba tatmegöra jim kutum engiiga geba tatket.

<sup>36</sup> Geba tatketka beret 7 aka söra mi memba Anutugö saiwap jiba mindipköba gwarekurupñi engiiga yeñön mi ambazip kambu dop toto qem engiget.

<sup>37</sup> Toto qem engigetka nema nem timbireñ-göget. Nem timbirengöba nene kitipñi mosötket geyöhi, mi sakap 7 miangöreñ qezakögetka numbuñe qeyök.

<sup>38</sup> Azi nene negeri, yeñgö jañgöñini mi 4000. Ambi nahönbörat yeñgö jañgöñini mi qahö meget.

<sup>39</sup> Jisösnöñ ambazip kambu melaim engiiga angetka nanñi wañgenöñ öñgöba Magadan gölmenöñ anök. Mewö.

## 16

*Böhi tosatñan añgöletot ekingöra kapanj kölget.*

*Mak 8.11-13; Luk 12.54-56*

<sup>1</sup> \*Farisi (Köna keugö kapanjkölköl) aka Sadyusi (Jike nupkö kapanjkölköl) tosatñan Jisösgöreñ kaba keugö bötaknöñ örömap-köra esapköm wañgiba kewö qesiget, “Mönö jinöñga Suepnöhök añgöletot kun asuhuiga ekin.”

<sup>2</sup> Mewö jigetka kewö melennök, “Wehön gemangö ahiga miangöreñ kewö jimakze, ‘Suepnöñ pisihizawañgöra uran wehön ölöññi akña.’

<sup>3</sup> “Mewöyök söñanök kewö jimakze, ‘Suepnöñ pisihiga kousunöñ töwizawañgöra mönö kie luhut gilma.’ Mewö mewö jiba suepkö tandökñi eka kie wehögö könanñi ölöñ kewörakzemö, nalö maljini, miangö aiwesökñi kewötpingö qahö mötze. Mi qahö dop kölja.

<sup>4</sup> \*Ambazip kambu bölöññi gölmenöñ mala qesabulum ahakzei, yeñön Anutugö aiwesökñi asuhumapköra kapanj kölakzemö, Anutunöñ kezapqetok azi Jonagö aiwesökñi lök engiiga aiwesök tosatñi qahö toroqeba kondel engima.” Mewö jiba engömosöta kungen anök. Mewö.

*Farisi aka Sadyusi yeñön wösökömbuk ewö akze.*

*Mak 8.14-21*

<sup>5</sup> Jisösnöñ gwarekurupñi yembuk o añgö kutuba likepñe añgota semön membingö ölum enguyöhi, mi eket.

<sup>6</sup> \*Mi eketka Jisösnöñ kewö jii mötket, “Injini Farisi aka Sadyusi pati yahöt yeñgö wösökömbukñini aka gipñi kakñi mietköra mönö galömñini meme. Mi ölöññanök qahö kewöta andö qegetka mietköñ mönö yist ewö qariba mem bölim engimahot.”

\* 16:1: Mat 12.38; Luk 11.16    \* 16:4: Mat 12.39; Luk 11.29    \* 16:6: Luk 12.1



7 Jiiga keu pasetni mi qahö möt asariba sutñine kewö eraum mötket, “Nini beret qahö memba kazin. Mianğöra jiza me denöwö?”

8 Mi eraum mötket kezapne geiga kewö jii mötket, “O inini mötnaripñini morörökñi, wuanöngöra ‘Beret qahö mezin,’ jiba nanñini eraum mötze?”

9 \*Nöngö könañamni mi wuanöngöra qahö möt kutuze? Nöñön beret 5 mi 5000 yeğöra mindipköbiga mianğö kitipni qezakögetka könde dawiknön geba numbune qeyök? Mi ölum enğuza me qahö?”

10 \* “Mewöyök beret 7 mi 4000 yeğöra mindipköbiga mianğö kitipni qezakögetka sakap dawiknön geba kokolak qeyök? Mi ölum enğuza me qahö?”

11 Ni beretköra keu qahö jizali, mi denöwö aka qahö möt kutuze? Nöñön beretköra qahöpmö, Farisi aka Sadyusi pati yeğö wösökömbukñini aka gipni kakni kewöta andö qemegöra jizal.”

12 Mewö jiiga mianğöreñök keuñangö könañi kewö möt asariget, “Aha! Plaua mem qariqari yistkö galöm mem angubingöra qahö jiyökmö, Farisi pati aka Sadyusi pati yeğöreñ keu lolonqaloñi andö qebingöra jiyök.” Mewö.

*Pitönöñ Jisösgö könañi jim miwikñaiyök.*

*Mak 8.27-30; Luk 9.18-21*

13 Jisösnön Sisaria Filipai taongö kösutne anda mianğöreñ gwarekurupni kewö qesim enğiyök, “Ambazipnön Suep gölmegö azi ölni nöngöra denöwö jimakze? Ni ninia akzal?”

14 \*Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi Jeremaia me kezapqetok azi walñi yeğöreñök kun akzan.’ ”

15 Mewö jigetka kewö qesim enğiyök, “Aka nanñinak nöngöra denöwö jize? Ni ninia akzal?”

16 \*Qesim enğiiga Saimon Pitönöñ melenđa jii mörök, “Gi Amötqege Tonji Kraist aka malmal Tonji Anutugö Nahönñi akzan.”

17 Mewö jiiga Jisösnön melenđa kewö jii mörök, “O Saimon Jonagö nahönñi, gölme azi sep busuñambuk kunñan qahöpmö, nöngö Iwini Suep mire maljawı, yañön mönö keu mi göhöreñ indelök. Mianğöra göñön mönö simbawoñ akzan.

18 Nöñön kewö jibi mötman: Gi Pitö (nanine keunön jamönjin) aknönğa nöñön jamönjin mianğö qakne urumelen könagesönañgö tandöñi albi nañgöm enğinönğa uruñini möhamgöba köhöiba kinme. Göñön i galöm köl enğinönğa kömup Tonjan i senjom mirigö kiripo nañuñe öröm enğimamgö osima. Ömewöröme tosatni yeğö kukösumñinan mewöyök i köndenđa luhut al enğibingö osime.

19 \* “Nöñön Suep bemtohoñangö ki moröñi yahöt gihimam. Gi gölmenön siñgisöndok jöhönönğa mianjön mönö Suep mire mewöyök jöhöjöhöñi ahöma. Gi gölmenön siñgisöndok mosöta pösatnönğa mianjön mönö Suep mire mewöyök pösatpösatni ahöma.”

20 Mewö jiba Amötqege Tonji Kraist ahöhi, mi aukne jiget kunñan mötpeuköra gwarekurupni yeğöra soñgo köhöikñi al enğiyök. Mewö.

*Jisösnön kömumamgö keuñi jiyök.*

*Mak 8.31-9.1; Luk 9.22-27*

21 Nalö mianğöreñök Jisösnön könahiba gwarekurupni yeğöra keu kewö indelök, “Nöñön Jerusalem anda sihimbölo gwötpuk mötman. Kantrigö jitñememe, jike nup galöm aka Köna keugö böhi yeñön nuñgugetka kömumam. Kömumbiga wehön karöbut aiga kömupnöhök wahötmam.”

\* 16:9: Mat 14.17-21 \* 16:10: Mat 15.34-38 \* 16:14: Mat 14.1-2; Mak 6.14-15; Luk 9.7-8 \* 16:16: Jon 6.68-69

\* 16:19: Mat 18.18; Jon 20.23



<sup>22</sup> Jisösnöñ mewö jüiga Pitönöñ öröm wanğiba göranje anda könahiba qetala kewö jim wanğiyök, “O Kembu, mi nalö kunöñ asuhum gihibapuköra Anutunöñ mönö sel jöhöm gihima.”

<sup>23</sup> Qetal wanğiiga lilingöba Pitö kewö jim wanğiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Gi nöngö köna utumangö mötnöñga urunan böliza. Mianğöra Satan, gi mönö dölki nöngö jemesoholneyök kesalnöñ!” Mewö.

### *Kraist wuatangöbingö söngöröñi*

<sup>24</sup> \*Nalö mianğöreñ Jisösnöñ gwarekurupñi keu kewö jii mötket, “Kunñan nöngö andöne kamangö mötzawi, yanön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatangöba kama.

<sup>25</sup> \*Kunñan malmalñi nanñangöra angön köla nanñi imbi-imbi maljawi, yanön mönö malmalñi ölni jöhöi sohoma. Sohomapmö, kunñan gölmegö malmalñi nöngöra aka köleñda tököm niñgimawi, yanön mönö malmal ölnangö könañi miwikñaiba köhöiba malma.

<sup>26</sup> “Kunñan gölmeñi gölmeñi miengö öröyuaini pakpak köl öröiga buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga unñan ayuhuiga qahö dop kölma. Sukinapñi mianön mönö urusösöñgai qahö ak wanğima. Qahöpmahöp. Körek neñön mönö bohonini jöhöm angubingö osibin.

<sup>27</sup> \*“Suep gölmegö azi ölnan könañep Suep garata töröñi yembuk ki etketka Iwinangö asakmararañi eka aurume. Nalö mianğöreñ mohot mohot neñgö ahakmemenini kewöta likepñi mianğö dop neñgima.

<sup>28</sup> Nöñön keu ölni kun kewö jibi mötme: Kiangöreñ kinjei, engö sutñineyök tosatñan Suep gölmegö azi ölnan kin aka asuhumawi, mi ek kutume. Jebuk mala kömupkö sihimbölöñi qahö mötketka asuhum tinğiriga mi ekñe.” Mewö.

## 17

### *Jisösgö sileñe letotqetot ahök.*

#### *Mak 9.2-13; Luk 9.28-36*

<sup>1</sup> \*Wehön 6 teköiga Jisösnöñ Pitö, Jeims aka Jeimsgö munñi Jon enğuanğita nanñinök kundunñi köröpñi kunöñ öngöba kötikñe malget.

<sup>2</sup> Malgetka jemesoholñine kiniga Jisösgö sile tandökñan letota murutñi ahök. Jemesoholñan wehön jeñi ewö kölköl-bilikbilikñambuk asariiga malukuñan tuat lalamñi aka asakñambuk ahök.

<sup>3</sup> Mewö aiga eketka Moses aka Elaija yetkön asuhum enğiba Jisösbuk keukeu jiget.

<sup>4</sup> Jigetka Pitönöñ könahiba keu jiba Jisösgöra kewö jiyök, “Kembu, neñön kiangöreñ uruölöwak mötzin. Mianğöra sihingan mötzan ewö, nöñön ölop koun karöbut qemam. Göhö kun, Mosesgö kun aka Elaijagö kun.”

<sup>5</sup> \*Mewö jiba kiniga unununuñ tuat lalamñi asakmararañambuk kunöñ eta aumñan esuhum enğiiga mianğö uruñeyök qet kun kewö eriga mötket, “Azi ki mi nani wölböt nahöna. Nöngö urusihimni ketañan mönö yanğöreñ ahöza. Mönö yanğö keuñi möta malme.”

<sup>6</sup> Gwarek yeñön keu mi möta jönömñini undui sipköba gölmenöñ eta keñgötñini gwötpuk mötket.

<sup>7</sup> Mewö mötketka Jisösnöñ yeñgöreñ kaba sileñini oseiba kewö jii mötket, “Mönö wahötket. Keñgötñini kude mötme!”

<sup>8</sup> Keu mi möta uba wahöta tosatñi qahö enğeketmö, Jisösnöñ nanñök kiniga eket. Mewö.

\* **16:24:** Mat 10.38; Luk 14.27      \* **16:25:** Mat 10.39; Luk 17.33; Jon 12.25      \* **16:27:** Mat 25.31; Sum 62.12; Rom 2.6

\* **17:1:** 2 Pitö 1.17-18      \* **17:5:** Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22

*Jon O-melun-azi mi Elaijagö salupñi akza.*

<sup>9</sup> Kunduñeyök etketka Jisösnöñ sörökñi mianğoreñ kewö jim kutum enğiyök, “İñini yuai ekzei, mianğö buzupñi mi ambazip kun kude jiget mötme. Suep gölmegö azi ölñan kömupnöhök wahöriga mianğö andöñe mi ölop jim asariba malme.”

<sup>10</sup> \*Mewö jim kutum enğiiga gwarekurupñi karöbut yeñön Jisös kewö qesim wañgiget, “Köna keugö böhi yeñön keu kewö mi wuanöñgöra jimakze, ‘Kezapqetok azi Elaijanöñ mönö mutuk Suepnöhök eriga Amötqeçe Toñan mianğö andöñe asuhuma?’ ”

<sup>11</sup> Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhamğöma. Keu mi ölñapmö,

<sup>12</sup> \*nöñön kewö jibi mötme: Elaijanöñ lök eta asuhuyökmö, i eka könañi qahö möt kutugetmö, ambazipnöñ i nanñini sihimñini wuatangöba lañ ak wañgiget. Mewöñanök Suep gölmegö azi ölñi mewöyök lañ ak wañgigetka Juda yeñgö böröñine geba sihimbölo mötma.”

<sup>13</sup> Elaijagöra mewö jiba ölña Jon O-melun azigöra keu jii mötkeri, gwarek yeñön mi mewö möt asariget. Mewö.

*Jisösnöñ öme wuatangöi morönöñ ölöwahök.*

*Mak 9.14-29; Luk 9.37-43*

<sup>14</sup> Jisös aka gwarek karöbut yeñön kunduñeyök eta ambazip kambu yeñgöreñ kagetka azi kunöñ Jisösgö kösutñe kaba simin köl wañgiba kewö jii mörök,

<sup>15</sup> “Kembu, göñön mönö nahöni ak kömum wañgiman. Kawölnöñ yöhöiga tala eta qeiga bözok mitiba semben auba sihimbölo gwötpuk mörakza. Nalö gwötpuk tala könöpnöñ me onöñ gemakza.

<sup>16</sup> Nöñön i wañgita gwarekurupki yeñgöreñ kazalmö, yeñön i mem ölöwak wañgibingö osize.”

<sup>17</sup> Mewö jiiga melen wañgiba jiyök, “Yei, gölmegö yangiseñ aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölo mötmam? I mönö wañgita nöñgöreñ ki kaget.”

<sup>18</sup> Wañgita kagetka Jisösnöñ öme mi jim wañgii mosöta ani morönöñ nalö mianğöreñök ölöwahök.

<sup>19</sup> Ölöwahiga gwarekurupñan mi eka nanñinök Jisösgöreñ kaba tata kewö qesim wañgiget, “Neñön mönö wuanöñgöra mi naninök wuatangöbingö osizin?”

<sup>20</sup> \*Qesim wañgigetka kewö jii mötket, “Mötnaripñinan morörökñi akzawañgöra mi wuatangöbingö osize. Nöñön keu ölñi kun kewö jibi mötme: Mötnaripñinañgö ölñi mi nejoñ kötnağö dop ahöbawak ewö, eñön ölop kundunñi kianağö Toñangöra kewö jim kutubeak, ‘Gi mönö kundunñi mi meköba wahöta anda likepñe endu alman.’ Mewö jiba möt narigetka mianğö dop aiga endu anma. Anutu möt narigetka inahöm enğiiga yuai kungöra qahö qaköbeak.”

<sup>21</sup> (Öme tandökñi mewöñi mi mönö köuluköba nene siñgi mala wuatangöbin. Yuai murutñi kun ahinga qahö kota anma. Mewö.)

*Jisösnöñ kömumamğö Buñañi jiiga yahöt ahök.*

*Mak 9.30-32; Luk 9.43b-45*

<sup>22</sup> Jisösnöñ gwarekurupñi yembuk mohotñe Galili prowins uruñe liliköba könanöñ angetka Jisösnöñ keu kötni kewö jii mötket, “Anutunöñ Suep gölmegö azi ölñi mi gölme ambazip yeñgö böröñine al wañgii gema.

<sup>23</sup> Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupñan mi möta uruñinan lömböriiga wösöbirik mötket. Mewö.

*Jisösnöñ jöwöwöl jikeğö takisñi alök.*

\* 17:10: Mal 4.5 \* 17:12: Mat 11.14 \* 17:20: Mat 21.21; Mak 11.23; 1 Kor 13.2

<sup>24</sup> \*Jisösnöŋ gwarekurupŋi yembuk Kaperneam taonöŋ kaŋgotketka jöwöwöl jikegö takis meme azi yeŋön Pitögöreŋ kaba kewö qesim waŋgiŋet, “Eŋgö böhiŋinan jöwöwöl jikegö takisŋi alma me qahö?”

<sup>25</sup> Qesim waŋgiŋetka “Oŋ!” jiyök. Miangö andöŋe Pitönöŋ miri uruŋe öŋgöiga Jisösnöŋ keu mutukŋi kewö qesim waŋgiyök, “Saimon, gi denöwö mötmörizan? Denike yeŋön kölköl-örörögö töwaŋi aka takis tosatŋi mi gölmegö kiŋ azi kembu yeŋgöra alakze? Kantri toŋi neŋön me kian yeŋön mi algetka tokomakze?”

<sup>26</sup> Mewö qesim waŋgiiga melenŋa “Kian yeŋön,” jiyök. Mewö jiiga Jisösnöŋ kewö jii mörök, “Mewö aiga kantri toŋi neŋön mi albinangö dop qahö akzin.

<sup>27</sup> Mewö akzinmö, takis qahö alinga azi miengö uruŋinan bölibapuköra mönö anda kösö kawiki o aŋgönöŋ gilman. Gila söra mutukŋi öröba memani, mönö miangö numbuŋi mesaköba moneŋ kötŋi miangöreŋ miwikŋaiman. Moneŋ kötŋi mi azi yahöt netkö takisniraŋgö dop. Mönö mi memba eŋgiba mianjön nöŋgö aka nangi takisniri alman.” Mewö.

## 18

*Gwarek sutŋine daŋön mutukŋi akza?*

*Mak 9.33-37; Luk 9.46-48*

<sup>1</sup> \*Nalö miangöreŋ gwarek yeŋön Jisösgöreŋ kaba kewö jiget, “Suepkö bemtohoŋ uruŋe daŋön öŋgöŋgöŋi akza?”

<sup>2</sup> Mewö jigetka namande moröŋi kun qeri kaiga sutŋine ali kinök.

<sup>3</sup> \*Kiniga kewö jiyök, “Nöŋön keu ölni kun kewö jibi mötme: Uruŋini qahö melenŋa nahönbörat ewö qahö akŋe ewö, iŋini mönö nalö kunöŋ Suepkö bemtohoŋnöŋ qahö aŋgotme.

<sup>4</sup> Miangöra kunŋan nanŋi memba et ala morö kiangö dop akŋawi, yaŋön mönö Suepkö bemtohoŋ uruŋe öŋgöŋgöŋi akza.

<sup>5</sup> Kunŋan namande kewöŋi kun nöŋgö qetne köl öröba köyan kölmawi, yaŋön mönö ni köl öröm niŋgima.” Mewö.

*Siŋgisöndökö kölgorom mönö qetal eŋgime.*

*Mak 9.42-48; Luk 17.1-2*

<sup>6</sup> Jisösnöŋ toroqeba kewö jiyök, “Morö kewöŋi möt narim niŋgizei, kunŋan yeŋgöreŋök kun kölgorom ak waŋgiiga siŋgisöndök akŋawi, azi mianjön mönö lömböt öŋgöŋgöŋi miwikŋaima. Anutunöŋ lömböt miangö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulungöi gebawak, mianjön mönö awamŋi ahum waŋgii tandök akawak.

<sup>7</sup> “Siŋgisöndökö supatitikŋan mönö awamŋanök asuhumakza. Miangöra gölme ambazip eŋgöra Yei wösöbirik! mötzal. Kunŋan supatitik aŋgön kölmamgö osimakzapmö, kun daŋön tosatŋi kölgorom ak eŋgiiga siŋgisöndök akŋei, yaŋgöra mönö Yei! jiba sahötzal. Sihimbölö öŋgöŋgöŋan mönö yaŋgö qakŋe öŋgöma.

<sup>8</sup> \* “Börögan me könagan siŋgisöndök akŋangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikŋi miwikŋaiba oyaenköyaen akŋanmö, köna börö yahötpuk malnöŋga könaŋgep könöp sianöŋ gil gihigetka gebanbuk. Sia könöpŋi mi teteköŋi qahö jema.

<sup>9</sup> \* “Mewöŋanök jegan siŋgisöndök akŋangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikŋe aŋgota oyaenköyaen akŋanmö, je yahötpuk malnöŋga könöp siagö könöpnöŋ gil gihigetka gebanbuk.” Mewö.

\* 17:24: Eks 30.13; 38.26 \* 18:1: Luk 22.24 \* 18:3: Mak 10.15; Luk 18.17 \* 18:8: Mat 5.30 \* 18:9: Mat 5.29

*Lamanöj sohöyöhi, miangö dopkeu**Luk 15.3-7*

<sup>10</sup> “Ambazip moröj kienjörenök kun memba et al wangibe-puköra mönö galömjini meme. Nöjön keu kewö jizal: Yengö kölközizip garataurupjnan mönö Suep miri miangörej nöngö Suep Iwinangö kösutje mala jemesoholji sundan ehakze. Miangöra jijiwilit kude ak engime.

<sup>11</sup> (Suep gölmegö azi öljän mönö ambazip sohosohöj mem letot engii oyaenköyaen akjegöra erök.)

<sup>12</sup> “Keu kiangöra denöwö mötmörize? Azi kungö lamaurupji 100 malgetka miengörenök kunjan sohoba janjuj aniga tojan denöwö akja? Yanön mönö 99 mi kunduje engömosöta anda mohot janjuj anöhi, miangö jaruba anma.

<sup>13</sup> Jaruba anda mala miwikjaima ewö, nöjön keu öljä kun kewö jibi mötme: Yanön 99 janjuj qahö angeri, miengöra nalö miangörej gwötpuk qahö söngaimapmö, mohot miangöra önöj qahö söngaiba malma.

<sup>14</sup> Miangö dop engö Iwinjini Suep mire maljawanön mönö ambazip moröj kienjörenök kunjan sohoba könöp sianöj gebapuköra mörakza.” Mewö.

*Alagan sinjisöndok ak gihiga kewö akjan:*

<sup>15</sup> \* “Urumelen alagan sinjisöndok ak gihima ewö, gi mönö yangörej anda mesohol köl wangiba köna sinjiyöhi, mi kondel wangiman. Mewö aknönga keugi möta bapje anma ewö, göjön mönö alami luhut al wanginönga kunbuk urumohot aka malmahot.

<sup>16</sup> \* Mewö aknönga keugi möta miangö bapje qahö anma ewö, göjön mönö toroqeba ala mohot me yahöt etkuangita yangörej anme. Mewö Buja Kimbigö keu kiangö dop akjan, ‘Keu pakpak mi ambazip yahöt karöbutjan nangöba jigetka köhöima.’

<sup>17</sup> “Mewö aketka keujini möta miangö bapje qahö anma ewö, göjön mönö urumelen könagesögö jitememe yengöra jinönga yambuk eraum mötme. Eraum mötmemö, yengö keu bapje mewöyök qahö anma ewö, mi mönö aukje jigetka jabö ahui urumelenkö kopa ewö ak wangiba malman. Takis tilipqilip-ijnambuk megetka sisitjini memakzei, miangö tandök ewö i mönö mosötnönga yaigep malma.”

*Sinjisöndokö jöhöjöhöjü aka pösatpösatji*

<sup>18</sup> \* “Nöjön keu öl töhönjä kun kewö jibi mötme: Enön sinjisöndok gölmenöj jöhömei, mi pakpak mönö Suep mire mewöyök jöhöjöhöjü ahöma aka sinjisöndok gölmenöj mosöta pösatmei, mi pakpak mönö Anutunöj mosöri Suep mire mewöyök pösatpösatji ahöma.

<sup>19</sup> “Toroqeba keu kewö jibi mötme: Gölmenöj engörenök yahötjan keu mi me mi miangöra urumohok aka köuluköbitkö keu jöhömahori, mi nöngö Iwini Suep mire maljawanön mönö etkiiga buja qem angumahot.

<sup>20</sup> Mi kewögöra: Ambazip yahöt me karöbutjan nöngö qetne igen me waigen tokomei, nöjön mönö miangörej yengö sutjine malmam.” Mewö.

*Welenqege ak-kömökümüj qahöpkö söpsöp keu*

<sup>21</sup> \* Nalö miangörej Pitönöj Jisösgörej kaba keu kewö jii mörök, “Kembu, alanan sinjisöndok ak ningimazawi, nöjön mi indimji dawikö dop mosötpiga dop kölma? Indimji 7 mi gwötpuk. Miangö dop mosötpiga dop kölma me qahö?”

<sup>22</sup> Jisösnöj mi möta kewö melen wangiyök, “Indimji 7 qahöpmö, 70 taims 7 \* mi mosötnönga dop kölma. Nöjön göhöra mewö jizal.

<sup>23</sup> Miangö könanji mi kewö jim tuarimam. Suepkö bemtohöj mi kin azi kembugö dop albi kewö akza: Kinöj welenqegeurupji engohola monenini galöm kölgeri, miangö aren papianji kondelget mindingömapköra kapan kölök.

\* 18:15: Luk 17.3 \* 18:16: Dut 19.15 \* 18:18: Mat 16.19; Jon 20.23 \* 18:21: Luk 17.3-4 \* 18:22: 70 taims 7 = 490. Miangö dop alagahö sinjisöndokji mi mönö qösösök mosötman.



24 “Mewö könahiba monenangö kösohotni kewöta mindingögetka miangören azi kun wangita kagetka yangö jeje kinök. Tosani 10 milyön kina mi yangören ahöyök.

25 Mi ahöyökmö, tosanj mi mekömamgöra moneni qahö dop köli osiyöhangöra aka ketañamñan kinda kewö jim kutuyök, ‘Sukinapni ahözawi, mi pakpak mönö söngöröni memegöra alme. I aka anöm-moröni i mewöyök mönö söngöröjini memegöra algetka monen kaiga mianön tosanj mi meköme.

26 “Mewö jim kutuiga welenqeçen wösöje eta simin köla sipköba kewö ulet wangiyök, ‘Gi mönö urukönöp kude aka mökösoñda mamböt niñginönga göhörenj tosagi pakpak mi ölop meköm gihimam.’

27 Mewö ulet wanggiiga ketañamñan welenqeçenangöra wösö mötmöt aka tosanj mi kutuba mosöta pösari erök.

28 Erökmö, yaigep anda miangören welenqeçe alañi kun miwikñaiba ehök. Yangö tosanj mi silim 100:kö töwanj (Kina500,-) miangö dop yangören ahöyök. I eka memba jöñj köhöikñanök mözöhöla kewö jiyök, ‘Nöngörenj tosa göhörenj ahözawi, mi mönö meköm niñgiman me?’

29 “Mewö jiiga welenqeçe alañan wösöje eta simin köla sipköba kewö ulet wangiyök, ‘Gi mönö urukönöp kude aka mökösoñda mamböt niñginönga göhörenj tosagi mi ölop meköm gihimam.’

30 “Mewö jiyökmö, yanön mi tököba anda jii memba jöhöba kösö mire alget tari tosanj mekögetka etma.

31 Yuai mi asuhuiga welenqeçe alaurupñan tandök mi eka uruñinan kömbuhiiga wösöbirik möta anda miangö kösohotni mi körek ketañamñinangöra jigetka mörök.

32 “Mi möta ketañamñinan welenqeçe mutukni mi qeri jeje kanoriga kewö jii mörök, ‘Gi nup meme azi bölöñ! Gi tosagi kutuba mosötmangö qesim niñginönga nöñön mi pakpak mosöt gihizal.

33 Nöñön gehoriba ak kömum gihibiga göñön mewöyök miangö dop welenqeçealagi ak kömum wanginönga dop kölbawak.’

34 “Ketañamñan mewö jiiga irimni seholiiga welenqeçe miangö keunji jim teköba kösö mirigö galöm yengö böröñine al wanggiiga sihimbölö gwötpuk möta tatma. Miangörenj tata tosanj kiñgörenj ahöyöhi, mi pakpak meköm teköiga etma.

35 Söpsöp keu kiangö öñj kewö: Injini mohot mohot alañinangö siñgisöndokni uruñinan qahö mosötme ewö, nöngö Suep Iwinan mönö mewöyök keu miangö dop ak enjima.” Mewö.

## 19

### *Awanöm angömosötmosötkö keunji*

#### *Mak 10.1-12*

1 Jisösnöñ keu mi jim teköbagun Galili prowins mosöta Jordan o kutuba likepne anda mötöteiba eta kunbuk o mi kutuba Judia prowinsnöñ kayök.

2 Kaiga ambazip kambulelembenöñ wuatangöba kagetka miangörenj mem ölöwak enjyök.

3 Mem ölöwak enjiiga Farisi (Köna keugö kapañkölköl) tosatñan yangörenj kaba keugö bötaknöñ örömapkö esapköm wangiba kewö qesim wangiget, “Azinöñ könañi i me waigöra anömni mosötmawi, mi Köna keu ongitma me qahö?”

4\* Qesim wangigetka melenjda kewö jiyök, “Miwimiwikñai Tonjan lök könakönahinneyök i ‘azi aka ambi malmegöra miwikñaim enjyök.’ Buña keu mi oyonget me qahö?”

5\* Miwikñaiba kewö jiyök, ‘Miangöra azinöñ mönö iwinamni etkömosöta anömñangörenj anda qekötahöiga yetkön sile mohot aka malmahot.’ Keu mi oyonget me qahö?”

\* 19:4: Jen 1.27; 5.2      \* 19:5: Jen 2.24



<sup>6</sup> Mewö aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude menden etkima.”

<sup>7</sup> \*Mewö jii möta kewö jiget, “Azinöñ angömosötmosöt papia ohoba anömñi ölop mosötma. Mosesnöñ mönö wuanöngöra keu mewö jim kutum nenñi ahöza?”

<sup>8</sup> Mewö jigetka kewö jim engiyök, “Mosesnöñ mönö uruköhöikñinañgöra aka anömñi mosötmapkö keu mewö jim kutuyökmö, könakönahineyök mewö qahö ahöyök.

<sup>9</sup> \*Nöñon kewö jibi mötme: Anömñan qesabulum qahö ahiga töndup wuatangöba ambi kun memawi, yanön mönö sero yongorö akña. Kunñan ambi mosötmosötñi memawi, yanön mönö sero yongorö akña.”

<sup>10</sup> Jisösnöñ mewö jiiga gwarek yeñon jiget, “Awanöm sutñire angömosötptikö songo mewö ahöza ewö, mönö awanöm qahö ahinga dop kölma.”

<sup>11</sup> Mewö jigetmö, Jisösnöñ kewö meleşnök, “Miangö keuñi kusum engizali, ambazip körekñan mi nanñinañgöra angön köla miangö dop ölop qahö akñemö, Anutunöñ keu mi ambazip tosatñi yeñgöra engiyöhi, yeñonök mönö miangö dop akñe.

<sup>12</sup> Miangö könani kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ sileñini yandiba \* kondot engigetka awanöm akingö dop qahö akze. Tosatñan Suep bemtohoñgöra aka awanöm qahö akingö keuñi jim jöhöba keuñini mi wuatangömakze. Kunñan keu mia me mia möt angön köla wuatangömamgö dop akzawi, yanön mönö miangö dop akña.” Mewö.

*Jisösnöñ nahönbörat kötuetköm engiyök.*

*Mak 10.13-16; Luk 18.15-17*

<sup>13</sup> Nalö miangöreñ tosatñan nahönbörat morömorö enguanñgita Jisösnöñ böroni nöropñine ala kölulukömapköra yanğöreñ kagetmö, gwarek yeñon ambazip mi jim qetal ak engiget.

<sup>14</sup> Mewö aketka Jisösnöñ kewö jiyök, “Nahönbörat moröñi mi ölop engömosötketka nöngöreñ kame. Suepkö Tonjan ambazip mewö mia bemtohoñi buña qem engima. Miangöra i kude jöhöm engime.”

<sup>15</sup> Mewö jiba böroni nöropñine ala engömosöta kungen anök. Mewö.

*Jisösnöñ azi pomñi kungö qambañ keu jiyök.*

*Mak 10.17-31; Luk 18.18-30*

<sup>16</sup> Nalö kungen azi kunöñ Jisösgöreñ kaba kewö qesim wanğiyök, “Böhi, nöñon ahakmeme ölopñi denöwö aka malmal köhöikñangö buña qem angubileñak?”

<sup>17</sup> Qesim wanğiiga kewö jii mörök, “Ahakmeme ölopñi denöwö, wuanöngöra mewö qesim niñgizan? Mohot-kunñan mönö ölopñi akza. Malmal köhöikñe angotmamgö mötman ewö, mönö jöjopañ keu tem köla malman.”

<sup>18</sup> \*Mi möta kewö jii mörök, “Wani jöjopañ keugöra jizan?” Jisösnöñ mi möta jiyök, “Mönö ki, ‘Ambazip kun kude qenöñ kömuma, Sero yongorö kude akñan, Yongorö kude meman, Jitnöñ alal keu kude jiman,

<sup>19</sup> \*Iwinangi mönö göda qem etkimakñan, aka ‘Nangi jöpaköm angumakzani, miangö dop mönö ambazip pakpak jöpaköm engimakñan.’”

<sup>20</sup> Mewö jiiga azi gwabönöñ kewö jiyök, “Mi pakpak mönö tem köla mala kotzal. Wanigöra kunbuk osizal?”

<sup>21</sup> Mewö jiiga Jisösnöñ jiyök, “Gi aködamungabuk malmamgö mötman ewö, mönö anda sukinapki söngöröñi memegöra alnöñ monen kaiga ambazip wanapñi engiman. Mewö aknönga sukinapki ketanji (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

\* **19:7:** Dut 24.1-4; Mat 5.31    \* **19:9:** Mat 5.32; 1 Kor 7.10-11    \* **19:12:** Azi kötñi kölkölgöra jiza.    \* **19:18:** Eks 20.13-16; Dut 5.17-20    \* **19:19:** Eks 20.12; Dut 5.16; Lew 19.18

<sup>22</sup> Mewö jiyökmö, gwabönöñ keu mi möta sukinapñi gwötpuk ahöyöhanğöra aka wösöbirik möta jeñi asöliiga öne mosöta anök. Mewö.

<sup>23</sup> Mosöta aniga Jisösnöñ gwarekurupñi kewö jii mötket, “Nöñön keu ölni kun kewö jibi mötme: Yei! Ambazip pomñi yeñön mönö Suepkö bemtohoñöñ anğotpingö lömböriba kupuk-kapak akñe.

<sup>24</sup> Mi kewö jim tuarimam: Sömbup ketañi kamel mi kondi kinimñe ölop qahö anğotma. Mianğö dop ambazip pomñi yeñön Anutugö bemtohoñ uruñe anğotpingö lömböriba qaköme.”

<sup>25</sup> Mewö jii möta gwarek yeñön aurum tililingöba kewö jiget, “Opopon! Ambazip dañön mönö Suepkö buñaya akawak?”

<sup>26</sup> Mewö jigetka Jisösnöñ uba enğeka kewö jiyök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yanñön yuai kun aka memangö qahö osiba qakömakza.” Mewö.

### *Jisösgö nup memegö töwanji*

<sup>27</sup> Pitönöñ keu mi möta melenđa kewö jiyök, “Mötnöñ, neñön mönö yuai pakpak mosöta gi guatangöba kain. Mianğö likepñi mönö wani yuaia membin?”

<sup>28</sup> \*Mewö jiiga Jisösnöñ kewö jii mötket, “Nöñön keu ölni kun kewö jibi mötme: Yuai pakpak kölönaiiga Suep gölmegö azi ölnan jakömbuak dumñe tari asakmararañan asarimawi, nalö qainñi kun mianğöreñ ni nuatangöba kageri, enñön mönö mewöyök jakömbuak dum 12 mianğöreñ tata Israel kambu 12 yeñgö keuñini kewöta jim teköme.

<sup>29</sup> “Kunñan nöngö qetnağöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi enğömosöriга Anutunöñ mönö mianğö likepñi onğita melen wañgiiga sehima. Mewö sehiiga malmal köhöikñi teteköñi qahö buña qem anğuma.

<sup>30</sup> \*Mewö asuhumapmö, mutukñi enğöreñök gwötpukñan dagibezupñi aketka dagibezupñi yeñgöreñök gwötpukñan mutukñi akñe.” Mewö.

## 20

### *Wain nup meme ambazip yeñgö dopkeu*

<sup>1</sup> Jisösnöñ jiyök, “Suepkö bemtohoñi mi kewö: Gölmö toni kunöñ söñanök wahöta yaigep anda azi tosatñi enğeka wain nupñe monen nup memegöra qesim enğiyök.

<sup>2</sup> Qesim enğiiga ‘Ölop,’ jigetka silim mohotkö töwanjini (Kina 5) enğimapkö urumohot aketka melaim enğiiga wain nupñe anget.

<sup>3</sup> “Angetka 9 kilok mianğö dop aiga kunbuk toroqeba anda azi tosatñi maket sombemñe önewat kingetka enğehök.

<sup>4</sup> Enğeka kewö jii mötket, ‘Injini mönö mewöyök nöngö wain nupne anda nup megetka töwanjini dopñeyök enğimam.’

<sup>5</sup> “Mewö jiiga wain nupñe anget. Angetka 12 kilok aiga kunbuk anök aka mare 3 kilok mianğö dop dumñe kunbuk yaigep anda mewöñanök ahök.

<sup>6</sup> Mewö aka mare 5 kilok mianğö dop yaigep aniga azi tosatñi dumñe kunbuk öne lan kingetka enğehök. Enğeka kewö qesim enğiyök, ‘Injini mönö wuanöngöra silim köröp ki öne malje?’

<sup>7</sup> “Mewö qesim enğiiga kewö melenget, ‘Kunñan monen nup membingöra qahö qesim nenğiza. Mianğöra öne ki kinjin.’ Melengetka kewö jii mötket, ‘Injini mönö mewöyök nöngö wain nupne anda nup meget.’

\* 19:28: Mat 25.31; Luk 22.30 \* 19:30: Mat 20.16; Luk 13.30

8 \*Nup megetka mare aiga wain nup toñan nup galömñi öröba kewö jii mörök, ‘Gi mönö nup meme azi enghohola töwañini enghiman. Mare qöndökñi kazei, yeñgöreñök könahiba enghiba anda söñanök kazei, yeñgöreñ teköman.’

9 “Mewö jiiga mare 5 kilok nupnöñ kageri, yeñön kañgotketka silim mohotkö töwañi (Kina 5) mi mohot mohot enghiga meget.

10 Mutuk nupnöñ kageri, yeñön kañgota töwañini onghita memegöra mötmörigetmö, i mohot mohot mewöyök silim mohotkö töwañi (Kina 5) enghiga meget.

11 Töwa mohot miyök memba könahiba gölme toñangöra uruñinan ihururuk möta jimongot ak wañgiba kewö jiget,

12 ‘Nini wehögöra nöñgöp ariba nupkö lömbötñi bisizinmö, azi mi dölök-kun nup memegöra qesim enghizan. Yeñön aua mohot-kungö dop nup mezemö, göñön töndup yeñgöra mötmörinöñga nembuk öröröñ akze. Mi qahö dop kölja.’

13 “Mewö jigetmö, yeñgöreñök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Miangö dop töwa miyöhök ghibiga dop kölja. Mönö mi mötmöriman.

14 Urugi miangöra bölibapukmö, mönö nangi töwagi memba anman. Azi dölök-kun nup memegöra qesim enghizali, yeñgöra mewöyök töwa ghizali, mönö miyök enghimamgö mötzal.

15 “Nani moneñnöñ nani sihimnañgö dop akiga dop kölja me qahö? Nöñön ekbonep qahö akiga urugan auiga jegi bosoleiza me?”

16 \*Jisösnöñ keu mi jim teköba kewö jiyök, “Miangö dop qöndökñi yeñön mutukñi aketka mutukñi yeñön qöndökñi akñe.” Mewö.

*Jisösnöñ kömumamgö keuñi jiiga karöbut ahök.*

*Mak 10.32-34; Luk 18.31-34*

17 Jisösnöñ Jerusalem sitinöñ öngöbingöra gölme köna angetka gwarekurupñi 12 mi öröm enghiba görañe anda kewö jii mötket,

18 “Mötket, nini Jerusalem öngöbin. Miangöreñ kunñan Suep gölmegö azi ölni mamalolo mem wañgiiga jike nup galöm aka Köna keugö böhi yeñgö böröñine gema. Yeñön kömumapkö keuñi jim teköba

19 kian gawman yeñgö böröñine al wañgime. Al wañgigetka mepaiköba ihilek wahnambuknöñ tauköm wañgime. Tauköm wañgiba maripomnöñ qegetka kömuma. Kömumba wehön karöbut aiga kömupnöñök wahötma.” Mewö.

*Jeims Jon namñiran yuaigöra ulerök.*

*Mak 10.35-45*

20 Nalö miangöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra uletmamgö jiyök.

21 Mewö jiiga qesim wañgiyök, “Gi wani yuai akñamgö mötzan?” Qesim wañgiiga kewö jiyök, “Göñön ölop jim kutunöñga nöñgö nahönyahötñi kietkön mönö göhö bemtohoñnöñ eu öngöba kunöñ börögi ölnje aka kunñan börögi qaniñe tata yuai pakpak galöm kölbeak.”

22 Mewö jiyökmö, Jisösnöñ melenđa kewö jiyök, “Inini miangö könañi qahö möt yaköba uletze. Nöñön qambi kakñambuk nemami, injiri mi ölop nemba sihimbölo mötmahot me qahö?” Mi möta “Ölop nemit,” jiyohot.

23 Jiyohotka kewö jii mörohot, “Mi ölnja! Nöñön qambi kakñambuk nemami, injiri mi mewöñanök nemahotmö, nöñgö böröni ölnje me qaniñe danñön tatmahori, nöñön keu mi jim kutumamamgö dop qahö. Nöñgö Iwinan dum yahöt mi denike yetköra mözözmögyöhi, mi mönö yetköra etkiiga nömbuk tata galöm kölmahot.” Mewö.

*Galöm ölnan mönö welenqeqeya akza.*

\* 20:8: Lew 19.13; Dut 24.15 \* 20:16: Mat 19.30; Mak 10.31; Luk 13.30

24 Darumun yahöt yetkön mewö ulerohotka alaurupņi 10 yeņön mi möta urubölö aket.

25 \*Mewö aketmö, Jisösnöņ engoholi kagetka kewö jii mötket, “Gölmegö kantriņi kantriņi mienģö jembonņinan mönö azi kembu tandök ak engimakze. Yeņģö ketanņinan mönö keu jim kutuba mindiņģöm engiba kukösumņini kondelakze. Inini könaņini mi ölop mötze.

26 \*Engö sutņine silik mewö ahöbapukmö, kunņan engö sutņine ketanņani akņamģö mötzawi, yaņön mönö welen qem engiba malma.

27 “Mewöyök kunņan engö sutņine mutukņi malmamģö mötzawi, yaņön mönö engö nembö bapņine mala welenqeqeņini omani akņa.

28 Suep gölmegö azi ölnan mönö mewöyök silik mewöņi kondela nanņi welen qem waņgimeģöra aka qahö kayök. Qahöpmö, mönö welen qem engiba ambazip sehiseņi yeņģö sohopņini memamģöra aka eta malmalņi köleņda mosötma.” Mewö.

*Jisösnöņ jegömol azi yahöt mem ölöwak etkiyök.*

*Mak 10.46-52; Luk 18.35-43*

29 Jisösnöņ gwarekurupņi yembuk Jeriko siti mosötpingö aketka ambazip kambulelebenöņ enģuataņģöba andöņine kaget.

30 Mewö kagetka jegömol azi yahöt köna jitņe tarohot. Tarohotka “Jisösnöņ neņģonģitmamģö akza,” jiget möta kewö qerohot, “Kembu Deiwidkö gwölönarökņi, mönö ak kömum netkinöņ!”

31 Mewö qerohotka ambazip kambu yeņön keu bök tatmahotköra qetal etkigetmö, yetkön mönö kapaņ köla kewö qerohot, “Kembu Deiwidkö gwölönarökņi, mönö ak kömum netkinöņ!”

32 Mewö qerohotka Jisösnöņ dörök ala yaņģöreņ kamahotköra qeri kayohotka kewö qesim etkiyök, “Alayahötņi, nöņön wani yuai ak etkimamģöra mötzahot?”

33 Mewö qesim etkiiga kewö jiyohot, “Kembu, niri jeniri kunbuk ubitköra mötzit.”

34 Mewö jiyohotka Jisösnöņ yetköra wösöņi möta jeņiri misirii miangöreņök tohoiga uba Jisös wuataņģöba andöņe anohot. Mewö.

## 21

*Jisöģöra köiraņ kölgetka Jerusalem öņģöyök.*

*Mak 11.1-11; Luk 19.28-40; Jon 12.12-19*

1 Jisösnöņ gwarekurupņi yembuk Jerusalem siti dopdowiba Oil ip kunduņe Betfage mirinöņ kaget. Kaba gwarekyahötņi yahöt melaim etkimamģöra aka

2 kewö jii mörohot, “Miri wösöņire tatzawi, mönö miangöreņ anmahot. Anda miangöreņ aņģota doņki ambiņi kösönöņ jöhöget kinjawi aka doņki moröņi mi miangöreņök miwikņaim etkimahot. Mi mönö pösat etkiba memba nöņģöreņ kamahot.

3 “Pösarohotka kunņan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka doņki mi zilaņ al etkiiga ki kamahot.

4 Anutunöņ keu kun kezapqetok azi kungö uruņe ali jiyöhi, mianģön ölnambuk akņapköra mewö asuhuyök. Keu mi kewö,

5 \* “O Jerusalem ambazip Zaion kunduņi liliköba maljei, yeņģöra mönö kewö jigetka mötme, ‘Mötket, engö kiņ kembuņinan mönö engöreņ asuhuma. Yaņön guņböņjönjön aka doņki qakņe tata kama. Doņki lömböt bisimakzawaņģö moröņi miangö qakņe tata kama.’ ”

6 Jisösnöņ gwarekyahötņi melaim etkiiga anda keu jiyöhaņģö dop ahot.

7 Yetkön doņki ambiņi moröņambuk etkömembra kayohot. Kayohotka malukuņini qeköba doņki qakņire algetka Jisösnöņ moröņaņģö qakņe öņģöba tarök.

\* 20:25: Luk 22.25-26 \* 20:26: Mat 23.11; Mak 9.35; Luk 22.26 \* 21:5: Zek 9.9



<sup>8</sup> Mewö tata aniga ambazip kambulellemenan göda qeba malukuñini qeköba köna namñe tumbulgetka tosatñan ip uruñe anda böröñi qezunğata köna namñe tumbulget.

<sup>9</sup>\*Tumbulgetka ambazip kambu jeñe köl öröba angeri aka andöñe wuatangöba kageri, yeñön kewö jiba qetket, “Hosana! Anutu möpöseizin. Deiwidkö gwölönarökñi owe owe! Kembugö qetñe kamawi, Anutunöñ mönö i kötuetköma. Hosana! Qetbuñagi möpöseininga euyangöreñ öngöza! Owe owe!”

<sup>10</sup> Mewö qetketka Jerusalem sitinöñ öngöba sitigö ambazip körekñan auruba göjupmajup aka kewö qesiget, “Azi ki mönö niñia?”

<sup>11</sup> Qesigetka ambazip kambuleleme yeñön kewö melenget, “Yañön mönö kezapqetok azi Jisös, Galili prowinsgö Nazaret mirigöra.” Mewö.

*Jisösnöñ jöwöwöl jike jim kömbuhiyök.*

*Mak 11.15-19; Luk 19.45-48; Jon 2.13-22*

<sup>12</sup> Jisösnöñ jöwöwöl jikegö tohon uruñe anök. Mianğöreñ ambazip engehiga inap bohonñi memegöra algetka söngöröñi megeri, yañön mi pakpak közöl enğiiga etket. Moneñ utekutek ambazip yeñgö jakeñini metali anget. Mewöyök kembö bohonñini memegöra algeri, miengö dum tatatñini mi tok tötaliga anget.

<sup>13</sup>\*Mewö aka kewö jii mötket, “Aisaianöñ keu kun kewö ohoi ahöza, ‘Nöngö jikenan mönö köulukö miriñina akñapkö qetme.’ Keu mi ahözapmö, iñini mi utekögetka kegwek-kahasililiñ yeñgö bañet ewö akza.”

<sup>14</sup> Mewö aiga jegömöl aka simalokon ambazip jöwöwöl jikenöñ yangöreñ kagetka mem ölöwak enğiyök.

<sup>15</sup> Mewö asuhuyökmö, jike nup galöm aka Köna keugö böhi yeñön anğöletot meyöhi, mi eket aka nahönbörat jöwöwöl jikenöñ qeta “Hosana! Deiwidkö gwölönarökñi owe owe!” jigeri, mi engeka urubölö aket.

<sup>16</sup>\*Urubölö aka kewö jim wañgiget, “Morö mi keu qetzei, mi mötzan me qahö?” Jim wañgigetka kewö melen enğiyök, “Ölöp mötzal. Iñini nalö kungen Buña keu ki oyonget me qahö, ‘Göñön mönö nahönbörat aka morösepep juzu nemakzei, mi kusum enğinöñga nangi törörök möpöseim gihimakze.’ ”

<sup>17</sup> Mewö jiba enğömosöta siti mosöta mare aiga Betani anda ahöyök. Mewö.

*Jisösnöñ fig ip kun qesuahöiga ululunğöyök.*

*Mak 11.12-14, 20-24*

<sup>18</sup> Ahöba söñanök wahöta kunbuk sitinöñ anda nenegö kömuyök.

<sup>19</sup> Nenegö kömumba köna jitñe fig ip \* kun eka mianğö könañe anök. Anökmö, öñji qahö miwikñaiiga sinñanök kiniga ehök. Mewö eka ip mi kewö jim wañgiyök, “Göñön mönö nalö kunöñ ölgü kunbuk kude kuñguman.” Mewö jim wañgiiga fig ip mianğön mönö mianğöreñök ululunğöyök.

<sup>20</sup> Ululunğöiga gwarekurupñan mi eka auruba kewö jiget, “Fig ipnöñ mönö denöwö ösumok ululunğöza?”

<sup>21</sup>\*Jigetka Jisösnöñ kewö melenök, “Nöñön keu öñji kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, iñini miyök qahö akeakmö, ki mewöyök ölöp akeak: Kunduñi kianğö toñangöra kewö jim kutubeak, ‘Mönö kunduñi ki qeköba wahöta anda köwetnöñ alman.’ Mewö jim kutuba Anutu möt nariiga mönö mianğö dop ahuma.

<sup>22</sup> Wani yuaigöra qesiba köulukömei, mi pakpak buña qem anğubingö möt narigetka mönö buñajini akña.” Mewö.

\* **21:9:** Sum 118.25, 26    \* **21:13:** Ais 56.7; Jer 7.11    \* **21:16:** Sum 8.2    \* **21:19:** Fig mi sambu ipkö alañi kun. Mi nupñine kömötketka köñji nahömñinambuk asuhugetka gwötpuk nemakze.    \* **21:21:** Mat 17.20; 1 Kor 13.2



*Jitnememe yeñön Jisösgö kukösumñangö qesiget.*

*Mak 11.27-33; Luk 20.1-8*

<sup>23</sup> Jisösnöñ jöwöwöl jikegö tohoñ uruñe anda ambazip kusum engiiga jike nup galöm aka kantrigö jitnememe tosatñi yeñön yangöreñ kangotket. Kangota kewö qesim wangiget, “Gi kiangöreñ yuai akzani, mi mönö dañön jim kutum gihiiga ahakzan? Miangö kukösumñi mi dañön gihiyök?”

<sup>24</sup> Qesim wangigetka kewö melenj engiyök, “Nöñön mewöyök keu kun qesim engimam. Mi melenj ningime ewö, nöñön mewöyök dañön kukösum ningiiga yuai ki ahakzali, mi jibi mötme.

<sup>25</sup> Jonöñ ambazip o-melun mem engiba malöhi, yañön miangö kukösumñi mi denikeyök meyök? Suep Toñan wangiyök me gölme toñan wangiget?” Mewö qesim engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima, ‘Inini mönö wuanöngöra Jon qahö möt narim wangiget?’ Mi qahö dop kölja.

<sup>26</sup> “Me ‘Gölme ambazipnöhök asuhuyök,’ jibin ewö, neñön mönö ambazip kambu yeñgöra keñgötnini möta osibin. Könagesö pakpak yeñön mönö Jongöra ‘Kezapqetok azia akza,’ jiba malje.”

<sup>27</sup> Keu mewö kewöta Jisösgöra kewö melenget, “Mi qahö mötzin.” Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalangö kukösumñi dañön ningiyök, mi qahö jibi mötme.” Mewö.

*Kungö nahönyahöt yetkö söpsöpkeu*

<sup>28</sup> Jisösnöñ söpsöpkeu kun kewö jiyök, “Inini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñiran nahönñi kungöreñ anda kewö jiyök, ‘Nahöni, gi ölop merak nöngö wain kösö nupne anda nup meman.’

<sup>29</sup> “Mewö jiiga kewö melennök, ‘Ni töközal.’ Mewö jiyökmö, könañgep keuñi miangö möt böliba elenja anda nup meyök.

<sup>30</sup> Miangö andöñe iwiñiran nahönñi kungöreñ anda nahönñi mutukñangö jiyöhi, keu miyök jii mörök. Mi möta keu kewö jiba melennök, ‘On! Ketañamni, ölop anmam.’ Mewö jiyökmö, töndup qahö anök.”

<sup>31</sup> Jisösnöñ mewö jiba qesim engiyök, “Yahöt yetköreñök dañön mönö iwiñirangö jitñi tem kölok?” Mewö qesim engiiga kewö melenget, “Nahönñi mutukñi yañön.” Mewö melengetka kewö jii mörök, “Nöñön keu öl töhöññi kun kewö jibi mötme: Takis meme ambazip tilipqilipñinambuk aka köna ketañi ambi yeñön mönö inini engoñgita mutuk Anutugö bemtohoñ uruñe öngöme.

<sup>32</sup> \* “Keu miangö könañi kewö: Jon O-melun azinöñ engöreñ kaba Anutugö jene solanibingö könañi kondeliga inini yangö keuñi mi qahö möt narigetmö, takis meme ambazip tilipqilipñinambuk aka köna ketañi ambi yeñön mönö i möt narim wangiget. Yeñön i möt narim wangigeri, inini mi eka töndup könañgep mewöyök nanñini qahö möt bölim anguba elenja i qahö möt narim wangiget.” Mewö.

*Wain kösö nup galöm bölöñi miengö dopkeu*

*Mak 12.1-12; Luk 20.9-19*

<sup>33</sup> \* Jisösnöñ jiyök, “Dopkeu kun kewö mötme: Gölme toñi kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketañi kötnöñ meyök. Miangöreñ waingö ölni ala könanöñ tözöhölget oñan lalanöñ geyök. Wain jout ketañi mi kötnöñ memba wain yongorö membepuköra galöm meme jake köröññi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, ‘Möno nup memba öñangö bahöñi nanñini memba bahöñi toñi ni ningime.’ Mewö jiba nup mi böröñine ala engömosöta kantri kunöñ anda malök.

\* 21:32: Luk 3.12; 7.29-30 \* 21:33: Ais 5.1-2

<sup>34</sup>“Mala mali ölni öliyöhanğö nalöni (yambu 5) töriiga mianğöreñ welenqeçeurupñi kun melaim enğiiga galöm yeñğöreñ anda wain nup ölnanğö bahöni wanğimeğöra jiget.

<sup>35</sup>Jigetmö, galöm yeñön i engömemba jöhöba tosatñi kömbinöñ sepgwörörök enguba tosatñi enğuget kömugetka tosatñi kötnöñ gila enğuget kömuget.

<sup>36</sup>Mianğö andöñe welenazi tosatñi toroqeba melaim enğiiga gwötpuk aketmö, i mewöñanök öröm ureim mem engiget.

<sup>37</sup>“Mewö aketka wain nup toñan keu jaruba jiyök, ‘Nani nahöni mönö göda qem wanğime me denöwö?’ Mewö jiba qöndökñi mi nahönña melaiiga yeñğöreñ anök.

<sup>38</sup>Anökmö, wain nup galöm yeñön nahönñi eka sutñine kewö eraum möta jiget, ‘Yañön mönö börösamotñanğö toni akña. Ayop, mönö memba qein kömuiga wain kösö nupñan mönö nanine buñanina akña.’

<sup>39</sup>“Mewö jiba memba jöhöba gilgetka nup yaigepñe geiga qeget kömuyök.

<sup>40</sup>Wain nup toñan mi möta kaba nup galöm mi mönö denöwö ak engima?”

<sup>41</sup>Jisösnöñ mewö qesiiga kewö jiget mörök, “Galöm bölöñi mi mönö köndenða yayapaleñ mem engima aka nup galöm döläkñi miwikñaim engiba wain kösö nupñi yeñğö böröñine alma. Yeñön ölni ölimawanğö nalöñe bahöni törörök wanğimakñe.”

<sup>42</sup>\*Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, mianön mönö tandö kömböñani aiga miwikñaiget. Mianön tinğiriga mirinöñ gororonğöba eta kölma. Kembunöñ tandö mi kuñguiga jeninan ehinga qetbuñabuk aiga welipkömakzin?’

<sup>43</sup>“Mianğöra kewö jibi mötme, Anutunöñ mönö bemtohoñi enğuanğita ambazip kambu kun enğiiga yeñön mianğö ölni öläp kuñgumakñe.

<sup>44</sup>Kunñan tandö bohönñi mianğöreñ tötönğata eta qemawi, mi mönö silenji kutumutumapmö, ain tandö mianön jöla tala kungö qakñe eta kölmawi, mi mönö körek qözömözö-zamğöma.”

<sup>45</sup>Jisösnöñ mewö jiiga jike nup galöm aka Farisi (Köna keugö kapañkölköl) yeñön dopkeuñi mi möta köñani möt asariba kewö jiget, “Mi mönö neñğöra jiza.”

<sup>46</sup>Mianğöra i memba jöhöbingö mötketmö, ambazip kambu yeñğöra keñğötñini möta osiget. Ambazip kambu yeñön Jisöğöra mötketka kezapqetok azia ahök. Mewö.

## 22

### *Maren lömbuanğö söpsöp keu*

#### *Luk 14.15-24*

<sup>1</sup>Jisösnöñ kunbuk könahiba söpsöp keunöñ keu kewö jiyök,

<sup>2</sup>“Suepkö bemtohoñi mi kianğö dop akza: Kiñ azi kembunöñ nahönñanğöra maren lömbuanğ areñğöba mözözömgöyök.

<sup>3</sup>Mözözömgöba welenqeçeurupñi melaim engiba kewö jiyök, ‘Nöñön ambazip tosatñi maren lömbuanğnöñ kamegö mötzal. Inini mönö yeñğöreñ kolek anda kamegö jiget mötme.’ Mewö jii anda jigetmö, ambazip mienön mi möta kabingö tököba tanqañ aket.

<sup>4</sup>“Mianğö andöñe welenqeçeurup tosatñi kunbuk melaim engiba kewö jiyök, ‘Ambazip kamegöra jiali, mönö yeñğöreñ anda kewö jime: Mötket, nöñön lömbuanğö nenenamni lök mözözömgöbiga tatza. Nöñgö bulmakau aziñi aka bulmakau tosatñi gumohom enğiinga kelökñinambuk akeri, mi enguba ohom qeraköinga yuai pakpak lök jöjöröba ahöza. Inini mönö maren lömbuanğnöñ kaget.’

<sup>5</sup>“Mewö jii angetka ambazip mienön keu mianğö kezap qahö algetmö, nöñöñgan aka lañ anget. Tosatñan nene nupñine angetka tosatñan kölköl-örörö nupñine anget.

<sup>6</sup>Tosatñan kiñgö welen-qeçeurupñi qelanjiba engömemba öröm ureim ak engiba enğuget kömuget.

\* **21:42:** Sum 118.22-23

<sup>7</sup> Kömugetka kingö irimñi seholiiga yarö kambuñi melaim engiiga anda kinda enguget kömukömu azi mi könden enjiba taon mirinini mi ohogetka jeyök.

<sup>8</sup> “Miangö andöñe kiññöñ welenqequeurupñi yengöra kewö jiyök, ‘Maren lömbuan mözözmögöinga jöjöröba tatzapmö, ambazip kamegöra jiali, yeñön mönö sösöngainöñ kakagö dop ölöññi qahö akze.

<sup>9</sup> Miangöra inini mönö köna soñanöñ aka miri sombemñi sombemñi miangören anda ambazip mi me mi miwikñaim enjime, i mönö maren lömbuanñöñ kamegöra jiba kapan köla kuñgum enjime.’

<sup>10</sup> “Mewö jiiga welenqequeurupñan mosöta könañi könañi miangören anda ambazip mi me mi miwikñaim enjigeri, mi körek pakpak öröm tokom engiget. Ambazip ölöññi aka bölöñi mewöyök mi mewö kagetka maren lömbuan mirinöñ kokolak qeiga tebol liliköba tatket.

<sup>11</sup> Tebol liliköba tatketmö, kiññöñ i engekñamgöra kaba miangören azi kun maren lömbuan gö maluku tuatñi qahö köli geiga ehök.

<sup>12</sup> Azi mi eka kewö jii mörök, ‘Alani, gi maren lömbuan gö malukuñi qahö löngöta töndup denöwögöra miri kiangö uruñe kazan?’ Mewö jiiga azi miangön keuñi bököiga ölöñ tarök.

<sup>13</sup> \* “Mewö tariga kiññöñ welenqequeurupñi kewö jim kutum enjiyök, ‘Mönö azi mi memba köna böröñi jöhöba yaigep gilgetka pandamanöñ gema.’ Miangören malmeanön mönö sahöt gigilahöba irimñini yöhözömgögetka qetñi qeri malme.

<sup>14</sup> Keu miangö dop Anutunöñ ambazip sehisehinan kamegöra jiyökmö, awamdökñi yeñön keu mi möt anğön köla kaba Anutunöñ kambu möwölöhöm enjiyöhi, mönö yengö sutñine kanğotme.” Mewö.

*Takis alalgö Jisös esapköm wangiget.*

*Mak 12.13-17; Luk 20.20-26*

<sup>15</sup> Miangö andöñe Farisi (Köna keugö kapankököl) yeñön anda eraum möta Jisös qesiba keugö bötakñöñ öröi gwaröhöm wangibingö areñi alget.

<sup>16</sup> Mewö areñ ala gwarekurupñi aka premiö Herodkö pati-alaurupñi tosatñi melaim enjigetka Jisösgören kaba kewö qesiba jiget, “Böhi, göñön azi ölni akzani, nini mi mötzin. Göñön ambazip tosatñi qahö engek soriba tosatñi qahö qepureim enjimakzanmö, dop mohotñöñ kewöt neñgimakzan. Miangöra kuñgum gihigetka qahö goñgiba ketani qahö esuhum enjimakzanmö, Anutugören köna mi keu ölnangö dop kusum neñgimakzan. Göñön Anutugören keu diñdini miangön öngöngöñi eretñi mohot pakpak jim qindin ak neñgimakzan.

<sup>17</sup> Miangöra keu kiangöra denöwö mötmörizan, mi jinöñ mötpin. Nini sisa-kingöra takis ala miangön Mosesgö Köna keu siñgibin me qahö?”

<sup>18</sup> Mewö qesigetka areñini munenji möt kutuba kewö jii mötket, “O urumelengö silesile azi, inini mönö wuanöngöra keugö bötakñöñ al niñgibingö esapköm niñgize?”

<sup>19</sup> Ölöp takis alalgö monenji kun kondel niñgigetka eki.” Mewö jiiga silwö monen (Kina 5) kun memba kaget.

<sup>20</sup> Kagetka kewö qesim enjiyök, “Dagören imut aka qet mi ki ohoget ahöza?”

<sup>21</sup> “O mi sisa-kingören,” mewö melenja jiget. Jigetka kewö jii mötket, “Mewö aiga yuai sisa-kingö imutñambuk buñani akzawi, mi mönö yangöra al wangime. Yuai kun Anutugö buñaya akzawi, mi mönö Anutugö buña qeme.”

<sup>22</sup> Mewö jii möta yangöra gwötpuk welipköba mosöta yaigep anget. Mewö.

*Kömuñöhök wahötwahötkö Jisös esapköm wangiget.*

*Mak 12.18-27; Luk 20.27-40*

<sup>23</sup> \* Sadyusi (Jike nupkö kapankököl) yeñön ‘Kömugeri, yeñön kude wahötme,’ jiba malget. Nalö miangören yengörenök tosatñan Jisösgören kaba kewö qesim wangiba jiget,

\* 22:13: Mat 8.12; 25.30; Luk 13.28 \* 22:23: Apo 23.8

24\*“Böhi, Mosesnön kewö jim kutum nenjiyök ahöza, ‘Azi kun ambi meiga nahönbörat qahö ahui kömuiga munjan ölop malöni memba mala gwölönarök qiwiknajim wanjiiga datjanjö qet bisiba malma.’

25 Mötnön, nalö kunön darumun 7 malget. Datjini mutukjan ambi memba mala gwölönarökni qahö öne mala kömuyök. Kömuiga munjan malöni mi meyök.

26 “Memba mala kömuiga munji kunjan malöni mi meyök. Meiga mianjö andöne munji kunön ambi miyök meyök. Mewöna mewö darumun 7 pakpak yenön ambi mohok miyök memba gwölönarök qahö mala kömum teköget.

27 Kömum tekögetka qöndökni malöjini mi mewöyök kömuyök.

28 Göjön ‘Kömugeri, yenön guliba wahötmé,’ jizänmö, nini mi qahö möt narizin. Mötnön, azi 7 pakpak mi örörön wahötmé ewö, ambi mohok mi anömjina meget malöhanjöra aka mönö dagö anömja akawak?”

29 Mewö qesigetka Jisösnön melenja kewö jii mötket, “Injini keu jim sohoze. Urumelenjö Buja Kimbini aka Anutugö kukösumni qahö möt kutuzeanjöra mönö janjun ahakze.

30 Ölna, kömupnöhök wahöta nalö mianjören awanöm qahö akjemö, garata yenön Suep mire maljeanjö tandök aka malme.

31 “Mötket! Kömugeri, yenön guliba wahötmegö keunji Anutunön enjöra jiyöhi, injini mi lök oyöget me qahö? Keu mi kewö,

32\*“Nöjön Anutu Abrahamjö Kembu, Aisakö Kembu aka Jeikobkö Kembu mala kota maljal.’ Anutunön kömukömuji yenjö Kembujini qahöpmö, malmal köhöikni maljei, mönö yenjö Kembujina malja.”

33 Jisösnön mewö ambazip kambu kusum enji möta welipköget. Mewö.

*Jöjöpan keu bohönji yahöt mi denöwö?*

*Mak 12.28-34; Luk 10.25-28*

34 Sadyusi (Jike nupkö kapankölköl) yenön Jisös qesim wanjiigetka melenja jim soroköiga keu bökeri, mi Farisi (Köna keugö kapankölköl) yenön möta kaba tokoget.

35\*Yenjörenök böhi kun Köna keu törörök möt kutuyöhi, yanön kaba Jisös bötak ala kewö qesim wanjiyök,

36 “Böhi, Mosesjö Köna keu urune wani jöjöpan keu mi bohönji ketani akza?”

37\*Qesim wanjiiga melenök, “Bohönji ketani mi kewö, ‘Gi urugi jömukni, unagi jömukni aka mötmötki jömukni mianön mönö Kembu Anutugi jöpaköba malman.’

38 Mianön jöjöpan keu bohönji aka mutukni akza.

39\*Jöjöpan keu mianjö alani kewö, ‘Nangi jöpaköm anjumakzani, mewönanök mönö ambazip pakpak jöpaköm enjiba malman.’

40 Jöjöpan keu yahöt mi mönö Mosesjö Köna keu aka kezapqetok ambazip yenjö Buzup Kimbi pakpak mienjö bohönjina akza.” Mewö.

*Kraist mi kinj Deiwidkö Kembu aka gwölönarökni.*

*Mak 12.35-37; Luk 20.41-44*

41 Farisi (Köna keugö kapankölköl) yenön kaba tokogetka Jisösnön kewö qesim enjiyök,

42 “Injini Kraistköra denöwö mötze? Yanön mönö dagö nahönja akza?” Mewö jiiga melenja jiget, “Möno kinj Deiwidkö gwölönarökja akza.”

43 Jigetka jiyök, “Mewö akzapmö, denöwö aka Unja Töröjan Deiwid sölölohöm wanjiiga yanjöra ‘Nani Kembuni,’ qeta kewö jiyök,

44\*“Anutunön kinda nöngö Kembuni kewö jii mörök, Göjön mönö kaba nöngö böroni ölna tatnönja nöjön nalö sutje kerökurupki tim tötala luhut al enjiba göhö köna tambö



gwaröñe al engimam. Nalö mi kam kunjumawanjö dop mönö asak-mararanöñ ki tatman.’

<sup>45</sup> Deiwidnön nanñak mewö jiba qetñi ‘Nöñgö Kembuni’ jiza. Kembuni jiba mönö denöwö aka yanjö gwölönarökñi mohot akawak?”

<sup>46</sup> Mewö jiiga miangö kitipñi kunön kun melenmamgö osiba keu bök kinget. Sömañi miangörenök körek yeñön Jisös kunbuk keu kungö qesim wanjibingö kölköldömdöm aka mosötket. Mewö.

## 23

*Urumelenjö silesile malmalgö galöm meme keu  
Mak 12.38-39; Luk 11.43, 46; 20.45-46*

<sup>1</sup> Nalö miangören Jisösnön ambazip kambulelembe aka gwarekurupñi yeñgöra kewö jii mötket,

<sup>2</sup> “Köna keugö böhi aka Farisi (Köna keugö kapankölköl) yeñön Mosesgö jakömbuaknön tata Köna keugö könañi kukösum qakñe kusum engimakze.

<sup>3</sup> Miangöra keu pakpak jim kutum engimakzei, mi mönö tem kölmemö, ahakmemeñini mi kude wuatangöme. Yeñön keu jitñinan jim asarimakzemö, nanñinak mi qahö wuatangömakze. Miangöra mönö i ewö kude ahakñe.

<sup>4</sup> “Yeñön keuñi keuñi jim kutuba miangö könjön lömbötñi ambazip awötñine alagun algetka mi tem kölbingö lömböriiga jaranbaran ahakzemö, nanñinak i kesötñini morönji kunön bauköm engibingö wösömötmötñini kun qahö ahöza.

<sup>5</sup> \* “Yeñön ahakmemeñini pakpak ambazipnön engekñegöra aka memakze. Baiböl keu köt (memori wös) irimunga bokisñini mem qariba aukñe kondela Buja mötmötñinañgöra aiweliköm angumakze. Malukuninañgö suñe aködamungö biretñi ketanji ketanji memba möndömakze. \*

<sup>6</sup> Yeñön közölömbuanñön dum tatat mutukñe jegep tatpingö mörakze aka köuluk mire qaikñe eu tatpingö sihimñi mörakze.

<sup>7</sup> Maketnön me könanön ambazip engeketa jölöñini jimegö möta ‘O ketanjamñini,’ qetñini mewö qetmegöra sihimñini mörakze.

<sup>8</sup> “Yeñön mewö ahakzemö, mohok-kun yanön engö Böhinini aiga inini körekñan yanjö urumelen alaurupñi akze. Miangöra engö qetñini böhinini qetmegöra kude mötme.

<sup>9</sup> Mohok-kun yanön Iwinini akza. Yanön Suep mire maljawanjö gölme azi kungöra nengö iwinini qet mewö kude qetme.

<sup>10</sup> Kraist mohok-kun nöñön engö ketanjamñini akzal. Miangöra engö qetñini ketanjamñini qetmegöra kude mötme.

<sup>11</sup> \* “Mewö qahöpmö, engö sutñine bohonñi akzawanön mönö welen qem engiba malma.

<sup>12</sup> \* Mewö malmappmö, kunñan nanñi uruñi memba öngömawi, Anutunön mönö i memba et al wanjima. Kunñan nanñi uruñi memba etmawi, Anutunön mönö i memba öngöba al wanjima.”

*Jisösnön Farisi yeñgöra wöziköba Yei! jiyök.  
Mak 12.40; Luk 11.39-42, 44, 52; 20.47*

<sup>13</sup> “O Köna keugö böhi aka miangö kapankölköl ambazip! Inini urumelenjö silesile ambazip aketka lömböt qakñine öngözawanjö mönö wöziköba Yei! jizal. Ambazip Suepkö bemtohon uruñe angotpepukö nanñunji köla jöhömakze. Nanñinak miangö uruñe

\* **23:5:** Mat 6.1; Jan 15.38; Dut 6.8      \* **23:5:** Baiböl memori wös irimunganji mi (Dut 6.8) koropen me jenjen ewö jöhömalget. Malukuninañgö suñe aködamungö biretñi mötnön memba möndömalgeri, mi Anutugö ambazip öl töhönñi akeranjö aiwesökñi ahök.      \* **23:11:** Mat 20.26-27; Mak 9.35; 10.43-44; Luk 22.26      \* **23:12:** Luk 14.11; 18.14



qahö angotze aka tosatjan miangö uruñe angotpingö akzei, inini i jöhöba angnön köl enjimakze.

14 O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngözawañgöra mönö wöziköba Yei! jizal. Inini malö yengören miri yuai bidanña gagabe köla enguañgirakze aka qetbuñanini asuhumapköra aka köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öngöñgöñi meleni engö qakñine öngöma.

15 “O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngöza-wañgöra mönö wöziköba Yei! jizal. Inini kunöñ Juda ambazip kun akñapköra kapañ köla köwetñi köwetñi kutuba gölmenñi gölmenñi lilikömakze. Mewö aketka kunñan Juda neñgö ahakmemenöñ qekötahömawi, i mönö kusum sohom wañgigetka könöp siagö buñaya kun akña. Nanñini ewö qahöpmö, indimñi yahöt nanñini engonñita böliqölima.

16 “Jeñinan gömöliiga ambazip böröñine memba enguañ-girakzei, lömböt engö qakñine öngözawañgöra mönö wöziköba Yei! jizal. Inini keu kewö jimakze, ‘Kunñan jöwöwöl jikegö qetñe keuñi jöjöpñ keunöñ jim köhöima ewö, mianön qahö köhöimappmö, kunñan jöwöwöl jikegö yuai goulñöñ memenñi miangö qetñe jöjöpñ keuñi jima ewö, jöjöpñ keu mianön mönö jöhöm wañgima.’

17 “O jegömöl ambazip mötkutukutuñini piromñi! Yuai goulñöñ memenñi aka jöwöwöl jike yahöt mietkörenök wani yuainöñ öngöñgöñi akza? Goulñöñ nanñak kömbukñi qahö akzappmö, jöwöwöl jikenöñ algetka mianön mönö mi mem kömbuhiza.

18 “Keu kun kewö jimakze, ‘Kunñan altagö qetñi qeta keuñi jöjöpñ keunöñ jim köhöima ewö, mianön qahö köhöimappmö, kunñan naluk kötin altanöñ ahözawi, miangö qetñi qeta jöjöpñ keuñi jima ewö, jöjöpñ keu mianön mönö jöhöm wañgima.’

19 “O jegömöl ambazip! Naluk kötin aka alta mietkörenök wani yuainöñ öngöñgöñi akza? Nalukñöñ nanñak eretñi akzappmö, altanöñ algetka mianön mönö naluk mem kömbuhiza.

20 Miangöra kunñan altagö qetñe keuñi jöjöpñ keunöñ jim köhöimawi, yañön alta aka yuai pakpak altanöñ ahözawi, mönö miangö qetñe keuñi jim köhöima.

21 “Kunñan jöwöwöl jikegö qetñe keuñi jöjöpñ keunöñ jim köhöimawi, yañön mönö jike miangö aka miangören mal köhöizawañgö qetñe keuñi jim köhöima.

22 \*Mewöyök kunñan Suepkö qetñe keuñi jöjöpñ keunöñ jim köhöimawi, yañön Anutugö jakömbuak dum aka miangören tatzawañgö qetñe keuñi jim köhöima.

23 \* “O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngözawañgöra mönö wöziköba Yei! jizal. Inini nene pakpak mendenña bahöñi 10 miangörenök mohot Anutugö buñaya qemakze. Gipñi, raki aka kiap kösö köt mi mewöyök mendenña tenöhök mohot mi Anutugö buña qemakze. Naluk mi törörök alakzemö, Köna keugö köñi bohonñi ki mönö onñgita mosörakze: Gi ambazip sutñine ahakmeme diñdiñi wuatangöba ak kömum anguba keu pöndanñ wuatangöba malman. Keu bohonñi mi mönö kapañ köla wuatangöba malme aka keu morömorö mi mewöyök kude onñgita mosötme.

24 Jeñinan gömöliiga ambazip böröñine memba enguañgirakzei, inini söp obuk nem-bepuköra onñi saiyanöñ kewörakzemö, sömbup ketanñi kamel mi lañ gwahörakze.

25 O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngözawañgöra mönö wöziköba Yei! jizal. Inini amöt qem angubingöra qambi aka al nenegö silenñi sanjonñ yakömakzemö, dogo jimamonñi qahö galöm köla yuai lañ göröngöba membagan megetka nepaqepalok mianön uruñini kokolak qei malje.

\* 23:22: Ais 66.1; Mat 5.34 \* 23:23: Lew 27.30

26 “O jegömöl azi Köna keugöra kapan kolakzani, gi mönö mutuk qambigö uruñi sanjononga silenjan mewöyök sarakñi akña.

27 \*O Köna keugö böhi aka miangö kapankölköl ambazip! Inini urumelengö silesile ambazip aketka lömböt qakñine öngöza-waŋgöra mönö wölköba Yei! jizal. Inini qaksirigö maripomñi sanjongetka tuatñi akeak, mönö miangö dop akze. Silenjanan eksihimñinambuk tandök akzemö, qaksirigö uruñe qamöt sihit aka yuai imbilonlonambuk mianön kokolak qei ahöza.

28 “Miangö dop enön mewöyök ambazip jeñine ölña diñdini tandök asuhumakzemö, urumelengö silesile tandök aka qewolonon mönö uruñini kokolak qei malje.”

### *Bölöñi memenangö likepñi*

#### *Luk 11.47-51*

29 “O Köna keugö böhi aka miangö kapankölköl ambazip! Inini urumelengö silesile ambazip aketka lömböt qakñine öngöza-waŋgöra mönö wölköba Yei! jizal. Inini kezapqetok ambazip yeñgö qaksirinön simen kum memakze aka ambazip solanñi yeñgö köt köteñini meñölömakze.

30 Mewö aka kewö jimakze, ‘Neñön amböskonini yeñgö nalönön malbinak ewö, mönö yembuk qahö toroqeinga kezapqetok ambazip yeñgö sepñinan mönö neñgö qaknine qahö öngöbawak.’

31 “Mewö jiba mianön nanñinak kezapqetok ambazip engugeri, yeñgö isiurupñina akzei, mönö keu mi nanğöba jiba dangunu ewö kinje.

32 Miangöra amböskonñinan sinjisöndok könahiba akeri, miangö dop inini mönö toroqeba körek ak teköme.

33 \* “O soramen, inini mönö qatö moröñi ewö akze. Anutunön keuñini jim teköi könöp sianön gebepuköra mönö denöwö unjuratpeak? Mi mönö osime.

34 Miangöra mötket, nöñön kezapqetok aka mötkutukutu ambazip aka Köna keugö böhi melaim engibi engören kame. Kagetka yeñgörenök tosatñi i enguget kömume aka tosatñi maripom qakñe al engime. Tosatñi köuluk miriñine örörahöm engiba keuñini jim teköba ihileknön taüköm engiba közöl engigetka taonñi taonñi miangören anakñe.

35 \* “Azi solanñi Abegö sepñan eriga miangörenök könahiba enguba kota mala Zekaraia jöwöwöl jike kömbukñi aka jöwöwöl alta mietkö sutñire qeget sepñi eri miangören teköyök. Ambazip solanñi yeñgö sepñini gölmenön mokomalgeri, sep pakpak miangö kitipñan mönö engö qakñine öngöma.

36 Nöñön keu ölñi kun kewö jibi mötme: Sepñinangö kitipñi pakpak mi mönö ambazip merak maljei, engö qakñine öngöi Anutunön likepñi melen engii mötme.”

### *Jisösnön Jerusalem könagesö jöpaköm engiyök.*

#### *Luk 13.34-35*

37 Jisösnön jiyök, “O Jerusalem Jerusalem, inini kezapqetok ambazip enguget kömugetka Anutunön ambazip melaim engii engören kamakzei, mi kötnön kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön mönö miangö dop nalöñi nalöñi göhö könagesöurupki kötala tokom engimangö möta malalmö, inini mi tököba mala kotket.

38 \*Mötket, Anutunön mönö jike miriñini andö qeiga sahopñanök ahöma.

39 \* “Mewö ahömapmö, nöñön kewö jibi mötket, inini ni kunbuk qahö nekñe. Könañgep nalö kun kam kuñgui miangören neka kewö jime, ‘Kembugö qetñe kam neñgizawi, Anutunön mönö i kötuatköm wañgima.’ Mewö.”

\* 23:27: Apo 23.3 \* 23:33: Mat 3.7; 12.34; Luk 3.7 \* 23:35: Jen 4.8; 2 Hist 24.20-21 \* 23:38: Jer 22.5 \* 23:39: Sum 118.26

## 24

*Jöwöwöl jikenöŋ köndermöndeŋ asuhuma.*

*Mak 13.1-2; Luk 21.5-6*

<sup>1</sup> Jisösnöŋ jöwöwöl jike mosöta eriga gwarekurupŋan yaŋgöreŋ kaba jöwöwöl jikegö tohoŋ uruŋe miri tatkeri, mi Jisös kondel waŋgiget.

<sup>2</sup> Kondel waŋgigetka melenŋa kewö jii mötket, “Miri pakpak mi ölop engekzemö, nöŋön keu ölna kewö jibi mötket: Mi mönö köndengetka mirigö köt kun mi köt kungö qakŋe qahö ahömapmö, qeqelanŋan aka sahopŋanök ahöma.” Mewö.

*Kahasililiŋ aka sesewerowero asuhuma.*

*Mak 13.3-13; Luk 21.7-19*

<sup>3</sup> Jisösnöŋ Oil ip kunduŋe anda tariga gwarekurupŋan nanŋinöhök yaŋgöreŋ kaba kewö qesim waŋgiget, “Böhi, keu jizani, miangö ölni mönö wanat nalönöŋ asuhum tiŋgitma aka göŋön kanöŋga gölmegö nalöŋan tekömamgö akŋawi, miangö aiwesökŋan mönö denöwö asuhum? Mia ölop jinöŋ mörin!”

<sup>4</sup> Mewö qesim waŋgigetka melenŋa kewö jiyök: “Kunŋan isimkakalek aiga janjuŋ anbeŋpuköra mönö galömnini memba malme.

<sup>5</sup> ‘Ambazip gwötpukŋan asuhuba nöŋgö qetne kewö jime, ‘Nöŋön Amötqeqe Tonji Kraist akzal’. Mewö jiba ambazip gwötpuk tilipköm enŋime.

<sup>6</sup> Injini yarö miengö buzupŋini aka ötoŋini asuhugetka mörakŋe. Mi möta jönömnini undubapuköra mönö galömnini meme. Yuai mewöŋi mi mutuhök asuhumapkö jijiŋa. Mi asuhumapmö, gölmegö nalöŋan mönö miangöreŋök zilaŋ qahö teköma.

<sup>7</sup> “Kantri kunŋan kantri kun enŋubingöra wahötme. Ambazip kambu kunŋan kambu kun yembuk aröŋ aŋgubingöra wahötme. Gölmeŋi gölmeŋi miangöreŋ bödiŋi bödiŋi (buöröŋi buöröŋi) asuhume aka kenöŋ ketanji ketanji mi qözöla memba gölme melenŋi gemakŋa.

<sup>8</sup> Yuai pakpak mi ambi köröbuknöŋ masi könahiba enŋumakzawaŋgö dop. Gölmegö nalöŋan mönö miangö dop könahiba tekömamgö akŋa.

<sup>9</sup> \* “Mewö akŋapmö, nalö miangöreŋ tosatŋan injini uruŋini melenŋeraŋgöra aka gawman yeŋgö böröŋine al enŋigetka sihimbölo ak enŋiba enŋuget kömume. Kantri pakpak yeŋön nöŋgöra aka kazik ak enŋimakŋe.

<sup>10</sup> Nalö miangöreŋ gwötpukŋan mötnariŋini mosöta aŋgönaŋ memba kazik ak aŋgume.

<sup>11</sup> Kezapqetok ambazip takapulakanji gwötpukŋan asuhuba ambazip gwötpuk kilikaluk ak enŋigetka janjuŋ anakŋe.

<sup>12</sup> “Iwilele Tonjan sehiba ambazip galöm köl enŋimawaŋgöra aka urumelen ambazip sehisehiŋi yeŋgö uruŋinan amöriiga urukalemŋinan söroräuma.

<sup>13</sup> \*Kunŋan kapan köla köhöiba böŋ qeba kindä maliga gölmegö nalöŋan tekömawi, yaŋön mönö oyaenŋoyaen buŋa qem aŋguma.

<sup>14</sup> Anutugö bemtohoŋaŋgö Ölöwak Buŋa ki mönö mutuk gölmegö kantriŋi kantriŋi pakpak miangöreŋ jim sehigetka könagesö dop naŋgönaŋgö keuŋi mötketkun gölmegö nalöŋan miangö andöŋe teköma.” Mewö

*Jerusalem sitigö köndermöndeŋ uru-önönŋambuk*

*Mak 13.14-23; Luk 21.20-24*

<sup>15</sup> \* “Kezapqetok azi Danielnöŋ köndermöndeŋ uru-önön-ŋambukö keuŋi jii ahöza. Keu miangö dop tosatŋan kaba köndermöndeŋ aka yuai aŋgöjörakŋambuk mi jöwöwöl jike töröŋe alget kiniga ekŋei, - keu ki oyoŋmawaŋön mönö ölop kezap ala möt kutuma-

<sup>16</sup> nalö miangöreŋ Judia prowinsnöŋ malmei, enöŋ mönö misiŋgöba öröba kunduŋe anme.

\* 24:9: Mat 10.22 \* 24:13: Mat 10.22 \* 24:15: Dan 9.27; 11.31; 12.11

17 \*Miri kösutje sombemnöŋ malmawaŋön mönö eta gösö yuaini memamgöra miri uruŋe kude öŋgöma.

18 Nupnöŋ anda malmawaŋön mönö mewöyök malukuŋi memamgöra lilingöba mirinöŋ kude anma.

19 “Yei! Ambi gölömbuk aka morö juzunöŋ yeŋön nalö miangöreŋ denöwö ösumŋinan anbeak?

20 Miangöra yuai mi kie uru me Sabat kendongö nalöŋe kude asuhumapköra köuluköme.

21 \*“Mi kewögöra: Nalö miangöreŋ kahasililiŋ keta bölökŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö miangöreŋök könahiba nalö kiangöreŋ mala kota nalö sutje kun kude asuhuyök. Mönöwök qahö asuhuyök aka könaŋep nalö kunöŋ kunbuk qahö ahuma. Miangöra mönö köuluköba malme.

22 Kembunöŋ wahöjalinŋ nalö mi qahö mem töribawak ewö, ambazip körekŋan mönö ayuhum teköbeakmö, ambazip nanŋaŋgöra möwölöhöm enŋiyöhi, yeŋgöra aka wehön miengö qötöŋini mem törima.

23 “Nalö miangöreŋ kewö jime, ‘Mötket! Kraistnöŋ ki malja,’ me ‘Eket! Amötqeŋe Tonjan endu kinja.’ Kunŋan mewö jima ewö, mi mönö kude möt narime.

24 Mi kewögöra: Amötqeŋe toni muneni aka kezapqetok ambazip takapulakaŋi asuhuba anŋöletot aka aiwesök ketaŋi ketaŋi megetka letotme. Mewö letotketka Anutunöŋ ambazip nanŋaŋgöra möwölöhöm enŋiyöhi, i mewöyök enjololöŋ mem enŋimegö esapköba kapaŋ kölgetka janjuŋ akepek. Enön ölöŋanök galöŋŋini memba malgetka mi osibeak.

25 Mötket! Nöŋön yuai pakpak mi qahö asuhuiga qeljiŋe lök jibi mötze.”

*Suep gölmegö azi ölnan mönö asuhum tinŋitma.*

*Mak 13.24-27; Luk 21.25-28*

26 \*“Miangöra ‘Amötqeŋe Tonjan mönö gölme apopamkölkölŋe malja,’ mewö jiget mötme ewö, miangöreŋ mönö kude anme. Me ‘Mötket! Kraistnöŋ mönö miri miangö uruŋe asuhuba tatzawi,’ mewö jiget möta mi kude möt narime.

27 Mi kewögöra: Suep gölmegö azi ölnan kunbuk kamawi, nalö mi mönö wölbilikö dop kewö akŋa: Mi wehön kotkotŋeyök zilaŋ biliksik ala likepŋe wehön gegene dop köla asariba ani ekzini, yaŋön mönö miangö dop asuhuma.

28 \*“Sömbup gisakŋan kungen ahöiga, manu köraraknöŋ miangöreŋ öröba tokomakzei, miangö dop asuhuma.” Mewö

*Suep gölmegö azi ölnan asuhuma.*

*Mak 13.24-27; Luk 21.25-28*

29 \*“Wahöjalinŋ nalö mianön teköiga miangöreŋök wehön jeŋan injaŋ köliga köiŋnöŋ ömuŋ kölma. Senŋelau yeŋön suepnöhök teköba etme aka suepnöŋ uturuköiga miangö öröyuaini mi tatatŋini mosöta enjololöŋ aketka sohoma.

30 \*Nalö miangöreŋ Suep gölme azi ölnangö aiwesökŋan suepnöŋ asuhuiga ekŋe. Nalö miangöreŋ gölmegö könagesö pakpak yeŋön jinŋeŋ köla sahötme. Sahöta Suep gölmegö azi ölni yaŋön suepkö kousu qakŋe kaŋgori ekŋe. Kukösumŋi ketaŋan saköl-diŋdiŋambuk aukŋe asuhuiga asakmararaŋi ekŋe.

31 Kaŋgori eketka tömunŋi qainŋi kun ugetka ötöŋi köhöikŋi mötketka Suep garataurupŋi melaim enŋiiga yeŋön ambazip Anutunöŋ nanŋaŋgöra möwölöhöm enŋiyöhi, i gölme göraŋi likeplikep euke emuke miangöreŋök kölolohoba enŋuanŋitme.” Mewö

\* 24:17: Luk 17.31 \* 24:21: Dan 12.1; Ind 7.14 \* 24:26: Luk 17.23-24 \* 24:28: Luk 17.37 \* 24:29: Ais 13.10; 34.4; Eze 32.7; Joel 2.10, 31; 3.15; Ind 6.12-13 \* 24:30: Dan 7.13; Zek 12.10-14; Ind 1.7



*Geröp ipkö dopkeu**Mak 13.28-31; Luk 21.29-33*

<sup>32</sup> “Inini geröp ip eka tandökni mötmöriba dopkeu ki mötme. Börönan lök onambuk aiga sinjini yongoigetka mi eka möta kewö jimakze, ‘Wehön nalönan mönö dopdowiza.’

<sup>33</sup> Enön mewönanök aiwesök miangö dop asuhuiga eka möt asariba könanji kewö jime, ‘Jisösnöy mönö nanjunöy dopdowiza.’

<sup>34</sup> “Nöjön keu ölnji kun kewö jibi mötket: Ambazip ki merak gölmenöy maljei, yenön qahö kömugetka yuai pakpak jizali, mi mönö yenjö malmal nalöjine asuhuma.

<sup>35</sup> Suep gölmenöy ayapkömahotmö, nöngö Buña keunan mönö nalö kunöy qahö ayapköma.” Mewö.

*Jisös kamawangö nalöni mi kunjan qahö mötza.**Mak 13.32-37; Luk 17.26-30, 34-36*

<sup>36</sup> “Suep gölmegö azi ölnjan kamapmö, dawinöy kam kunjumawi, miangö wehönnji me aua nalöni mi kunjan kun kude mötza. Suep garatanöy mi qahö mötze. Anutugö Nahönnjan mewöyök mi qahö mötza. Iwinöy nanjök mi mötza.

<sup>37</sup> \*Mönöwök Noagö nalöne ambazipnöy malmaljni qemasolokep qakne mala ayuhugeri, miangö dop mönö Suep gölmegö azi ölnjan kunbuk kamawangö nalöne asuhuma.

<sup>38</sup> “O göulu ketanjan qahö kaiga qeljine miangörey ambazip nene lömbuan ala o köhöikni namba ambi kenam bohonjangö alget anda kaiga anjömeget. Ahakmeme mewö aka memba qemasolokep malgetka Noanöy wange urune öngöyöhi, silim miangörey teköyök.

<sup>39</sup> \*Teköiga wanat yuai asuhumawi, mi qahö mötketka o göulu ketanjan kaba jinonni qahö ayuhum enjiyök. Könanjep Suep gölmegö azi ölnjan kunbuk kamawi, nalö miangörey ambazipnöy mewönanök qemasolokep aka mala ayuhume.

<sup>40</sup> Nalö miangörey azi yahöt nupnöy malohotka yetköreyök kun wangita kun mosötme.

<sup>41</sup> Mewönanök ambi yahöt tawen urasiba (bunahöba) tatmahori, yetköreyök kun wangita kun mosötme.

<sup>42</sup> “Kembunöy kamawangö nalöni me auanji qahö mötzeangöra mönö uruguliguli aka malme.

<sup>43</sup> \*Gwölö malbingö keu ki mönö möt kutume: Sunjem aiga kegwek-kahasililiñ azinöy wani nalönöy me auanöy kamawi, miri tonjan mi mötpawak ewö, yanön mönö gwölö mala mirinji ölöpnänök galöm meiga qesinda öngömangö osima.

<sup>44</sup> Inini ‘Suep gölmegö azi ölnjan nalö kianjörey qahö kangotma,’ jiba mötmörigetka yanön mönö nalö miangöreyök kangotma.” Mewö.

*Nup azinöy silekmalek mala ayuhuyök.**Luk 12.41-48*

<sup>45</sup> “Mewö aiga nup meme ambazip sutjine danön tin kutuba tosatni engongitza? Tosatjan söörauba nup mosötketka kunjan mötkutukutu ölöpnangö qakne kapan köla pöndan memakzawi, yanön mönö simbawon akza. Miri tonjan ahakmemenji kewöta eka kungen anda mirinjangö öroyuainji mi böröne ali galöm akña. Galöm aka welenqegeurupni jiyöhangö dop köyan köla nalö dinjine gumohom engimakña.

<sup>46</sup> Mewö köyan köy enjiba maliga tonjan lilingöba kaba mewö eka mönö simbawon jima.

<sup>47</sup> “Nöjön keu ölnji kun kewö jibi mötket: Tonjan simbawon jiba sukinapni pakpakö galömni kunjum wangima.

<sup>48</sup> Kunjum wangimapmö, nup meme okonni yanön urunan mötmöriba kewö jima ewö, ‘Kembunangö kaka nalönan mönö köröpni ahöza.’

<sup>49</sup> Mewö jiba könahiba nup meme ambazipurupni engum ureiba közölömbuan ala söngaiba o köhöikni namba urunji sohoiga enjololonj silekmalek aka malma.

50 “Mewö mala nalö kunöŋ kembuŋi kaŋgotmapköra qahö mambötmawi, mönö miangöreŋ kaŋgotma. Nalögöra ikmaok inululun mali mönö aua miangöreŋ kaŋgota  
 51 qeba yayiapaleleŋ mem waŋgiba jim kutuiga urumelenö silesile ambazip ewö könöp sianöŋ geba sihimbölö mötma. Mewö möta sahöt gigilahöba irimŋini yöhözömgögetka qetŋi qeri malme.” Mewö.

## 25

### *Ambi seram tengö söpsöp keu*

1 \*Jisösnöŋ jiyök, “Kunbuk kamami, nalö miangöreŋ Suepkö bemptohonan kewö akŋa: Maren lömbuan nalöŋe ambi seram jömukŋi tenŋan ‘Azi buŋabuk aitoŋgöbin,’ jiba kiwaŋini memba könanöŋ anget.

2 Yeŋgöreŋök 5 mi mötkutukutuŋinambuk aketmö, tosatŋi 5 yeŋgö mötkutukutuŋini mi piromŋi.

3 Mötkutukutuŋini piromŋi yeŋön kiwaŋini megetmö, könöp (kuwiŋ) kelökŋi \* qahö memba anget.

4 Mötkutukutuŋinambuk yeŋön kiwaŋini aka kuwiŋ kelök kirinŋini mewöyök memba anget.

5 Angetka azi buŋanöŋ zilaŋ qahö kaiga mambötketka nalö köriyöhaŋgöra körek yeŋgö jeŋini böŋböŋ meiga nöropŋini eri sipköba gaun ahöget.

6 “Gaun ahögetmö, suŋgem bibiŋe kunöŋ tömun qeri qet kewö mötket, ‘Mötket, azi buŋa kazawo! Mönö yaŋgöreŋ anda aitoŋgöme.’

7 Qet mi möta ambi seram ten mi körekŋan wahöta kiwaŋini memba möhamgöba ohotiriget.

8 Ohotirigetka mötkutu-kutuŋini piromŋi yeŋön mötmöt ambi yeŋgöreŋ kaba kewö jiget, ‘Neŋgö kiwaninan böközawaŋgöra eŋön mönö kuwiŋ kelökŋi tosatŋi neŋgime.’

9 “Mewö jigetka mötkutukutuŋinambuk yeŋön melenöda kewö jiget, ‘Qahö. Mi inini aka nini dopnine qahö. Miangöra mönö stuanöŋ anda nanŋini kuwiŋ kelökŋini söŋgöroŋi meme.’

10 “Mewö jigetmö, kuwiŋ kelökŋi bohonŋi membingöra anda könanöŋ malgetka azi buŋanöŋ mönö miangöreŋök kaŋgorök. Ambi seram jöjöröba kingeri, yeŋön anda yambuk aitoŋgöba maren lömbuan miri uruŋe öŋgögetka naŋguŋi kölget.

11 \*Ambi seram stuanöŋ angeri, yeŋön mewöyök könaŋep kaŋgota naŋgu qeba kewö qetket, ‘Kembu Kembu, mönö naŋgu metal neŋginöŋ!’

12 “Mewö qetketmö, kewö melenöda jiyök, ‘Qahö. Ni inini qahö möt eŋgizal. Keu ölna mi jizal.’ ”

13 Jisösnöŋ söpsöp keu mewö jiba gwarekurupŋi yeŋgöra keu kewö jii mötket, “Inini ni kamamaŋö nalöŋi me auanŋi kude mötzeanöŋ mönö uruguliguli aka malme.” Mewö.

### *Moneŋ esu galöm kölgeraŋgö söpsöpkeu.*

#### *Luk 19.11-27*

14 \* “Mönö dopkeu kianaŋgö dop asuhuma: Azi kun miriŋi mosöta köröwen kantri kunŋan anmamgö möta welenqeŋeurupŋi eŋgoholi kagetka moneŋ sukinapŋi galöm kölmeŋgöra jim kutum eŋgiba böroŋine alök.

15 Nup memenini kewöta ölni dawik asuhumawaŋgö dop möta nup meme azi kungöra moneŋ esu 5 (Kina 5000,-) waŋgiba kun moneŋ esu yahöt (Kina 2000,-) waŋgiba kun mohok-kun (Kina 1000,-) waŋgiyök. Mewö galöm kölmeŋgöra mendeŋ eŋgiba eŋgömosöta anök.

\* 25:1: Luk 12.35 \* 25:3: Könöp (kuwiŋ, qiwiŋ) kelökŋi mi Oil ipkö kötni mözözamgögetka kelökŋi mi asuhuyök. Miri söŋauiga ip suŋe opo köpeiba kelök miangöreŋ kundumgöba kiwa ohotiriba könanöŋ angetka 15 minitkö dop jeyök.

\* 25:11: Luk 13.25 \* 25:14: Luk 19.11-27

16 “Azi Kina 5000,- meyöhañon miangöreñök anda kölköl-örörö nup meiga monen sehiiga esu 5 kunbuk meyök.

17 Mewöñanök Kina 2000,- meyöhañon anda kölköl örörö nup meiga monen sehiiga esu yahöt kunbuk meyök.

18 “Mewö meyohotmö, azi monen esu mohok-kun (Kina 1000,-) meyöhañon mönö mosöta anda gölme esiba azi kembuñangö moneni löm köla asambörök.

19 Nalö köröpñi teköiga welenqeçe yengö azi kembuñinan lilingöba kaba ‘Nup megerangö kösohotñini möta kewötмам,’ jiba köl öröm engiiga kaget.

20 “Mewö kagetka azi Kina 5000,- meyöhañon jeñe kañgota esu 5 kunbuk toroqeba memba kaba kewö jiyök, ‘Ketañamni mötnöñ, göñön monen esu 5 niñginöñi, nöñön miangö kölköl öröröñi membi sehiiga esu 5 kunbuk asuhuiga memba kazal.’

21 “Mewö jiiga azi kembuñan kewö melen wañgiyök, ‘Mi ölop. Gi nup meme azi ölopñi memburik-qemburiki qahö. Gi yuai awamñi memba mi kapañkapañ aka galöm köla malnöñga sehiyök. Miangöra nöñön yuai gwötpuk göhö böröge albi miangö galömña malman. Ölop kaba azi kembangü nöñgö miri uruñe kañgota mohotñe sösoñgai aka malbin.’

22 Azi Kina 2000,- meyöhañon mewöñanök kañgota kewö jiyök, ‘Ketañamni mötnöñ, göñön monen esu yahöt niñginöñi, nöñön miangö kölköl-öröröñi membi sehiiga esu yahöt kunbuk asuhuiga memba kazal.’

23 “Mewö jiiga azi kembuñan kewö melen wañgiyök, ‘Mi ölop. Gi nup meme azi ölopñi memburik-qemburiki qahö. Gi yuai awamdökñi memba mi kapañkapañ aka galöm köla malnöñga sehiyök. Miangöra nöñön yuai gwötpuk göhö böröge albi miangö galömña malman. Ölop kaba azi kembangü nöñgö miri uruñe kañgota mohotñe sösoñgai aka malbin.’

24 “Miangö andöñe azi monen esu mohok-kun (Kina 1000,-) meyöhañon kañgota kewö jiyök, ‘Ketañamni mötnöñ, nöñön könañamgi kewö möt yaköyal: Azi kembunan mönö azi köhöikñi könöpñambuk akza. Nangak nene kötni qahö qesin gilnöñga miangöreñ mönö töndup ölni sounöñ yandiba memangö mörakzan. Padi kötni qahö esinöñ geiga miangöreñ mönö töndup ölni qezakömangö mörakzan.

25 “Mewö möt yaköba keñgötni möta anda göhö monen esugi mi gölmenöñ asambötpiga ahöyök. Eknöñ, monen esu niñginöñi, miyöhök mönö törörök ki.’

26 Mewö jiba mi wañgiyökmö, azi kembuñan melen da kewö jim wañgiyök, ‘Gi injarere aka welenqeçe bölöñi akzan! Gi könañamni möt yakönöñ: Nanak nene kötni qahö qesin gilbiga miangöreñ mönö töndup ölni sounöñ yandiba memangö mörakzal. Nanak padi kötni qahö esibi geiga miangöreñ töndup ölni qezakömangö mörakzal. Nöñgö tandökni mewö möt yaköbagun mönö wuanöñgöra ak sohoba malnöñ?’

27 “Gi nöñgö monenñi benknöñ alnöñga dop kölbawak. Benknöñ alnöñga qariiga lilingöba kayali, nalö kiangöreñ mi ölop suñambuk membilenjak.’

28 Toroqeba tosatñi yengöra jiyök, ‘Inini mönö qölzöm injarere azi miangö monen esunji mi wañgita kun esu 10 miwikñaiyöhi, mönö i wañgime.’

29 \* “Dopkeu kiangö könañi kewö: Denike yengöreñ yuai ahözawi, körek yengöra mönö toroqeba engiget sehiiga kelenmalelen ahöm enjima. Mewö sehimapmö, kungöreñ yuai kun qahö ahözawi, yengöreñ yuai mi mönö mewöyök wañgitketka öne töhöntöhön malma.

30 \* “Ayop, welenqeçe azi omani nupñangö ölni qahö i mönö yaigepñe gilgetka söñaupnöñ gema. Miangöreñ geba sahöt gigilahöba göboñini yöhözömgögetka qetñi qeri malme.” Mewö.

*Jimtekötekögö nalö ketañe kewö asuhuma:*

\* 25:29: Mat 13.12; Mak 4.25; Luk 8.18 \* 25:30: Mat 8.12; 22.13; Luk 13.28

31 \**“Suep gölmegö azi ölnan kinda Suep garata pakpak enġuanġita mohotje kamei, nalö mianġoreġ Suepkö asakmararanan asuhuiga yanġon Kin Kembuġö jakömbuak dumnöġ tatma.*

32 *Tata jiiga gölmegö ambazip kambu pakpak qezaköm enġigetka yanġö jeġe asuhume. Asuhugetka lama galömnan lamaurupni meme (noniġ) yenġoreġök menden enġizawi, mianġö dop i mendependen ak enġima.*

33 *Mi ak enġiba jiiga lama mi böröni ölna aka meme (noniġ) mi qaniġe al enġime.*

34 *“Mewö al enġigetka Kin Kembunöġ böröni ölna kinmei, yenġöra kewö jima, ‘Nöġö Iwinan kötuetsköm enġii malgeri, iġini mönö kaget. Iwi Anutuninan gölme pakpak miwikġaim enġiyöhi, nalö mianġoreġök lök enġöra bemtohoġ mözözömgöba mei jöjöröba ahöba kotzawi, iġini mönö kaba mi buġa qem anġuba malme.*

35 *‘Mi kewögöra jizal: Nöġön yakananġö kömumba malbiga iġini nene niġiba malget. Nöġön ogöra qemjen qeba malbiga iġini o niġiba malget. Nöġön kian aka malbiga iġini köl öröm niġigetka miriġine öġgöba malal.*

36 *Nöġön sile esunanġöra osiba malbiga iġini opo kereġ niġiba malget. Nöġön kawöl nöhöi ahöbiga iġini galöm köl niġiba malget. Nöġön kösö mire malbiga iġini ni nekingöra mianġoreġ kaba malget.’*

37 *“Mewö jiiga ambazip solanġi yenġon kewö melen wanġiba jime, ‘Kembu, gi mönö wani nalönöġ yakagahö kömunöġ geke gumohom giġiba malin? Mönö wani nalönöġ ogöra qemjen qeba malnöġga geke o giġiba malin?*

38 *Mönö wani nalönöġ kiana kanöġga geke köl öröm giġinga mirinine öġönöġga malin? Mönö wani nalönöġ sile esugahöra osiba malnöġga geke opo kereġ giġiba malin?*

39 *‘Mönö wani nalönöġ kawöl göhöi ahönöġga geke me kösö mire malnöġga möta gi gekingöra göhören kaba malin?’*

40 *Mewö jigetka Kin Kembunöġ melenġa kewö jii mötme, ‘Nöġön keu ölni kun kewö jibi mötme: Iġini nani urumelen alaurupni etqeqeġi kienġoreġök kungöra yuai kun akeri, mi pakpak mönö ni ak niġiba malget.’*

41 *“Mewö jiba mianġö andöġe böröni qaniġe kinmei, yenġoreġ melenġa kewö jima, ‘Iwinan qesuahöm enġii malgeri, iġini mönö nömosöta kesalget. Könöp sia teteköġi qahö jem öġgömawi, mönö mianġoreġ anda geme. Anutunöġ mi Bölönanġö Tonġi aka yanġö garataurupni yenġöra mözözömgöba meköġga jöjöröba ahöza.*

42 *Mi kewögöra jizal: Nöġön yakananġö kömumba malbiga iġini nene qahö niġiba malget. Nöġön ogöra qemjen qeba malbiga iġini o qahö niġiba malget.*

43 *‘Nöġön kian aka kabiga iġini qahö köl öröm niġigetka miriġine qahö öġgöba malal. Nöġön sile esunanġöra osiba malbiga iġini opo kereġ qahö niġiba malget. Nöġön kawöl nöhöi ahöyal aka kösö mire malalmö, iġini ni nekingöra mianġoreġ qahö kaba malget.’*

44 *“Mewö jiiga yenġon mewöyök melen wanġiba kewö jime, ‘Kembu, gi mönö wani nalönöġ yakagahö kömunöġ me ogöra qemjen qeba malnöġ me kiana malnöġ me sile esugahöra osiba malnöġ me kawöl göhöi ahönöġ me kösö mire malnöġga nini gi qahö welen qem giġiba malin?’*

45 *“Mewö jigetka melenġa kewö jii mötme, ‘Nöġön keu ölni kewö jibi mötme: Iġini urumelen alaurup etqeqeġi kienġoreġök kungöra yuai kun qahö akeri, mi pakpak mönö ni qahö ak niġiba malget akza.’*

46 \**“Mewö jii mötketka likepġi melen enġii qakġine öġgöġga aköm enġii anda siġimbölö nalö teteköġi qahö möta mal öġgöme. Mewö mal öġgömemö, solanġi yenġon oyaenġoyaen malmal mi nalö teteköġi qahö mal öġgöba malme.” Mewö.*

\* 25:31: Mat 16.27; 19.28 \* 25:46: Dan 12.2



## 26

*Jisös qein kômumapkö anğönañ alget.*

*Mak 14.1-2; Luk 22.1-2; Jon 11.45-53*

<sup>1</sup> Jisösnöñ keu pampak mi jim teköba gwarekurupñi kewö jii mötket,

<sup>2</sup> \**“Silim yahöt teköigun Pasowa kendonñi kam kuñguma. \* Inini mi ölop mötze. Kam kuñguiga Suep gölmegö azi ölni mi kian gawman yeñgö böröñine algetka maripomnön qegetka kômuma.”*

<sup>3</sup> Nalö mianğoreñ jike nup galöm aka kantrigö jitñememe yeñön tokoba jike nup galöm bohonñi qetñi Kaiafas yañgö jakömbuak miriñe tatket.

<sup>4</sup> Mianğoreñ tata denöwö möndöñninga Jisös ölöñ memba qeget kômumbawak, mianğö könañi jaruba kewötket.

<sup>5</sup> Jaruba kewöta kewö jiget, “Ambazip irimñini seheliiga karimñi karimñi asuhubepuköra mi sösöñgai kendon nalöñe akingö osibin.” Mewö.

*Ambi kunöñ Jisös o umköhöwakñambukñöñ miriyök.*

*Mak 14.3-9; Jon 12.1-8*

<sup>6</sup> Jisösnöñ Betani mirinöñ mala Saimon kun uzikukuñi mem solaniyöhi, yañgö mire öngöba tarök.

<sup>7</sup> \*Mianğoreñ nene nemba tariga ambi kunöñ köt-kirin kun memba yañgoreñ kayök. Kirin mi nöluk tuat-tuat qetñi alabastö mianñön memenja. Mia o umköhöwakñambuk mianñön kokolak qeçenja. Yañön mi bohonñi ketañan memba kaba onñi Jisösgö nöropñe mimbiliba miriyök.

<sup>8</sup> Miriiga gwarekurupñan mi eka urubölö aka kewö jiget, “Mi mönö wuanöñgöra mewö ayuhuzawi?”

<sup>9</sup> O kelökñambuk mi bohonñi memegöra ali monen öngöñgöñan asuhuiga mi ambazip wanapñi enjiiga dop kölbawak.”

<sup>10</sup> Jisösnöñ urumötmötñini mi ek kutuba kewö jii mötket, “Ambi kianğö uruñi mi wuanöñgöra mem böliize? Yañön silik ölopñi ak soroköm niñgiiga dop kölja.

<sup>11</sup> \*Ambazip wanapñi mi nalöñi nalöñi sutñine malmemö, nöñön enğö sutñine nalö dop qahö malmam.

<sup>12</sup> “Nöñön kömumbi löm köl niñgimeañgöra aka kelök mianñön sileni nömiriza.

<sup>13</sup> Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, mianğoreñ ambi kianñön yuai ak niñgizawi, mianğö buñañi mohok jiget sehiiga yañgöra mötmöriba malme.” Mewö.

*Judasñöñ Jisös mamalolo mem wañgimamgö urumohot ahök.*

*Mak 14.10-11; Luk 22.3-6*

<sup>14</sup> Nalö mianğoreñ gwarekurupñi 12 yeñgöreñök kun qetñi Judas Iskariot yañön jike nup galöm yeñgöreñ anda

<sup>15</sup> \*kewö qesim enjiyök, “Nöñön Jisös mamalolo mem wañgiba böröñine albiga enñön töwa wania niñgibeak?” Qesim enjiiga silwö monen kötni 30 oyoñda böröñe alget.

<sup>16</sup> Aua mianğöreñök könahiba Jisös nalö kungen mamalolo mem wañgimamgö köna möt jaruba köiñbiñgöba malök. Mewö.

*Jisösnöñ gwarek yembuk Pasowa lama neget.*

*Mak 14.12-21; Luk 22.7-13, 21-23; Jon 13.21-30*

\* 26:2: Eks 12.1-27 \* 26:2: Pasowa mi nanine keunöñ Ak-kömukömu kendon. Keu mianğö könañi: nengehoriaba nenğonğirök. Eksodus 12.15 \* 26:7: Luk 7.37-38 \* 26:11: Dut 15.11 \* 26:15: Zek 11.12

17 Beret yistñi qahö miangö kendon silim mutukñe (Seqononöñ) gwarek yetkôn Jisösgöreñ kaba kewö qesim wañgiyohot, “Böhi! Nini miri denikeañgöreñ anda pasowa lama mözözömgöm gihiziga neman? Sihing denöwö ahöza?”

18 Qesim wañgiyohotka kewö melenök, “Injiri Jerusalem sitinöñ öngöba azi kun mötzali, i miwikñaiba kewö jiyohotka mötma, ‘Böhinöñ jiza: Nöngö nalönan mönö † dopdowiza. Nöñön göhö mire kaba gwarekurupni yembuk Pasowa lama membin.’ ”

19 Gwarek yetkôn Jisösnöñ jim kutum etkiyöhi, miangö dop aka Pasowa lama mözözömgöyohot.

20 Mare aiga miri söñauiga Jisösnöñ gwarekurupni 12 yembuk miri miangöreñ kañgota öngöba dum kösutñe tata nene menden da neget.

21 Nene negerañgöreñ Jisösnöñ kewö jii mötket, “Nöñön keu ölni kun kewö jibi mötket: Engöreñök kunñan mönö mamalolo mem niñgima.”

22 Mewö jii möta miangöreñök uruñinan wösöbirik ketanji aiga könahiba nanñök nanñök qesim wañgiba jiget, “Kembu, mönö nöngöra jibanbuk?”

23 \*Qesim wañgigetka kewö melenök, “Nömbuk beret kuluñnöñ kundumgözawi, mönö yañön.

24 Suep gölmegö azi ölnan mönö yañöra keu ohoget ahözawangö dop ölna gölme mosöta anmapmö, kunñan i mamalolo mem wañgimawi, yañöra mönö Yei! jiba sahötzal. Miangö likepni kanjamñambuknöñ mönö yañgö qakñe öngöma. Azi mi nam körö uruñeyök qahö asuhubawak, miañön mönö amqem wañgibawak.” Mewö.

25 Mewö jiiga Judas mamalolo mem wañgimawañön kewö melen da jiyök, “Böhi, mi mönö nöngöra jibanbuk?” Jisösnöñ kewö jii mörök, “Jizani, mönö mewö!” Mewö.

*Kembubuk semön qöndökñi neget.*

*Mak 14.22-26; Luk 22.14-20; 1 Kor 11.23-25*

26 Nene memba tata Jisösnöñ beret memba kötuatköba mindipköba engiba kewö jiyök, “Ki nani busuni. Ki memba neget.”

27 Mewö jiba wain qambi memba saiwap jiba engiba kewö jiyök, “Injini körek qambi kiangöreñök neget.

28 \*Ki nani sepmi. Mi Anutunöñ ambazip yembuk jöhöjöhö areñ aiga köhöimapköra sepmi mokoget geiga ambazip gwötpuk yenjö siñgisöndokñini mosötma.

29 Nöñön keu kun kewö jibi mötket: Nöñön wain kösögö ölni ki kiangöreñ kunbuk toroqeba qahö nemam. Könañgep Iwinangö bemtohoñ uruñe eu taringa közölömbuanj almawi, wehön miangöreñ mönö wain o qainñi kun mia nemam.”

30 Mewö jiiga sösongai liñet köla mosöta anda Oil ip kundunje öngöget.

*Pitönöñ Jisös qañ kölmapkö jii mörök.*

*Mak 14.27-31; Luk 22.31-34; Jon 13.36-38*

31 \*Öngöba Jisösnöñ kewö jii mötket, “Kezapqetok azi kunöñ keu kun kewö ohoi ahöza, ‘Nöñön galömñini qebiga lama kambuñan denme.’

Miangö dop enön körek sun gem kiangöreñ uruñini nöngöra aka böliiga nömosöta buratime.

32 \*Buratigetka nun gememö, nöñön mönö kömupnöñök wahöta mutuk Galili prowinsnöñ anda miangöreñ asuhum engimam.”

33 Mewö jiiga Pitönöñ melen da kewö jii mörök, “Yenön körek uruñini göhöra aka böliiga gömosöta buratime ewö, nöñön mönö töndup nalö kunöñ qahö gömosötman.”

34 Jiiga Jisösnöñ jii mörök, “Nöñön keu ölni kun kewö jibi mötnöñ: Kuruknöñ qahö qeriga göñön merak sun gem qañ köl niñginöñga indimñi karöbut akña.”

† 26:18: Anutunöñ Jisös kömumawangö nalöñi alöhi, miangöra jiza.

\* 26:23: Sum 41.9

\* 26:28: Eks 24.8; Jer

31.31-34 \* 26:31: Zek 13.7 \* 26:32: Mat 28.16

<sup>35</sup> Mewö jiyökmö, Pitönöñ kewö jii mörök, “Böhi! Mewö qahöpmö, ni nunjugetka göbuk mohotñe kömumbirak, mi töndup nöñön gi qahö qañ köñ gihimam.” Gwarek tosatñi pakpak mewöyök keu miyöhök jiget. Mewö.

*Jisösnöñ Gezemane arönöñ köuluköyök.*

*Mak 14.32-42; Luk 22.39-46*

<sup>36</sup> Mewö eraum möta anda yembuk arö kun qetñi Gezemane miangöreñ angotket. Angota Jisösnöñ gwarekurupñi kewö jii mötket, “Nöñön endu anda köuluköbiga inñini ölop nalö sutñe ki nanñinök tatme.”

<sup>37</sup> Mewö jiba Pitö aka Zebedigö nahönyahötñi yahöt etkuangita angetka Jisösnöñ könahiba wösöbirik möriga köñjiliñan köna böröñi qeköyök.

<sup>38</sup> Nalö miangöreñ kewö jii mötket, “Nöñgö urunan mönö kondum köla kotzawangöra aka wösöbirik mötpiga kömukömuñi ak niñgiza. Inñini ölop kiangöreñ tata nömbuk guli malbin.”

<sup>39</sup> Mewö jiba nanñök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölögö qambiñi kianñön mönö nöñgö qakne öñgöbapuköra noañgitman. Noañgitman me qahö, mi mönö nangi jít keugahö dop asuhuma. Mi nöñgö sihimgö dop qahö.”

<sup>40</sup> Mewö jiba lilingöiga gwarekurupñi karöbut yeñön gaun ahöget engeka Pitögö kewö jii mörök, “Inñini aua mohot-töp nömbuk guli malbingö kude köhöize me?”

<sup>41</sup> Uruninan guli malbingö sihimñi mörakzinmö, sileninan lölöwöröñi akza. Miangöra esapesapnöñ et engubapuköra mönö köuluköba guliguli malme.”

<sup>42</sup> Mewö jii möriga kunbuk engömosöta anda indimñi yahöt aiga kewö köuluköba jiyök, “Iwini, sihimbölögö qambi kianñön qahö noñgitma ewö, mi ölop nemam-mö, mi mönö nangi jítkahö dop asuhuma.”

<sup>43</sup> Köuluköba lilingöiga jeñini böñböñ meyöhangöra kunbuk gaunök ahöget engehök.

<sup>44</sup> Kunbuk engömosöta likep anda keu miyöhök kunbuk jiba köuluköiga indimñi karöbut ahök.

<sup>45</sup> Gwarek yeñgöreñ lilingöba kaba kewö jii mötket, “Inñini toroqeba luhut memba gaunök ahöbingö mötze me? Mötket! Kunöñ Suep gölmegö azi öñi mamalolo mem wanggiiga bölöñi meme yeñgö böröñine öñgöma. Miangö aua nalöñan lök kam kuñguza.

<sup>46</sup> Mönö wahötketka anin! Mamalolo mem niñgimawi, yañön mönö dowe ki kaza.” Mewö.

*Jisös qeraköba memba jöhöget.*

*Mak 14.43-50; Luk 22.47-53; Jon 18.3-12*

<sup>47</sup> Jisösnöñ mewö jiba kiniga miangöreñ gwarekurupñi 12 yeñgöreñök kun qetñi Judas yañön kambu ketañi kun jítñe mem enñgiiga kañgotket. Jike nup galöm aka kantrigö jítñememe yeñön i melaim enñgigetka bimgö sou ketañi aka liñgipñini memba kaget.

<sup>48</sup> Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötüm nemami, yañön mönö mia akza. Mönö i memba jöhöme.”

<sup>49</sup> Mewö jiba kaba miangöreñök Jisösgöreñ angota “Böhi, böñjöñ!” jiba numbuñi yöhötüm neyök.

<sup>50</sup> Yöhötüm neiga Jisösnöñ kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisösgöreñ kañgota qelanjiba memba jöhöget.

<sup>51</sup> Jöhögetka Jisösbuk malgeri, yeñgöreñök kunñan böröñan bimgö sou ketañi öröba jike nup galöm bohonñangö welenqeçenji qeba kezapñi köteköi erök.

<sup>52</sup> Jisösnöñ mi eka kewö jii mörök, “Mönö mosötnöñ! Bimgö sou ketañi körök memei, i mönö körek bimgö sou ketañan enñgui kömume. Miangöra mönö sougi kupinñe qenöñ geyök!

<sup>53</sup> Nöñön Iwini köuluköbiga ölop bauköm niñgimawi, mi mötzan me qahö? Köuluköm wanğibileñahi, yañön mönö miangöreñök garata yarö kambu † 12 onğita melaim enğii kaba bauköm niñgibeak.

<sup>54</sup> Bauköm niñgibeak ewö, Buña Kimbigö keuñan mönö denöwö ölnambuk akawak? Buña Kimbi keugö dop yuai kianön mönö asuhumapkö dop jijiña akza.”

<sup>55</sup> \*Nalö miangöreñök Jisösnöñ yarö kambu yeñgöra kewö jii mötket, “Ni kegwek-kahasililiñ azia qahöpmö, töndup nöngöra mewö möta bimgö sou ketanji aka lingip memba nömembra jöhöbingöra kañgotze. Nöñön wehön dop jöwöwöl jikenöñ embuk tata kindu Buña keu kusum enğiba malbiga qahö nömiget.

<sup>56</sup> Mewömö, yuai pakpak ki mönö kezapqetok ambazipnöñ keu ohogeri, mienön ölnambuk akñapköra asuhuza.” Jisös jöhögetka gwarek yeñön körek Jisös mosöta burat-iba unjurata anget. Mewö.

*Jikegö jitñememe yeñön Jisösgö keu nup meget.*

*Mak 14.53-65; Luk 22.54-55, 63-71; Jon 18.13-14, 19-24*

<sup>57</sup> Yarö azi Jisös memba jöhögeri, yeñön i wanğita jike nup galöm bohonñi qetñi Kaiafas yañgö mire anget. Angetka Köna keugö böhi aka kantrigö jitñememe yeñön miangöreñ kaba tokoget.

<sup>58</sup> Angetka Pitönöñ sikepsikep enğuatangöba miangöreñ anğota jakömbuak mirigö kiripo uruñe öngöyök. Öngöba teteköñe denöwö asuhumawi, mi ekñangöra welenqeçe azi yeñgö sutñine tarök.

<sup>59</sup> Mewö tarökmö, jike nup galöm aka jike kaunsöl kambu yeñön Jisösgö silenöñ alal keu denöwö möndöba nañgöinga qeget kömumapkö jim jaruget.

<sup>60</sup> Jaruba kindu gwötpukñan wahöta kindu keu muneñi Jisösgö sileñe ala nañgöba jigetmö, töndup könañi kun qahö miwikñaiget. Qahö miwikñaigetmö, teteköñe azi yahöt kañgota

<sup>61</sup> \*kewö jiyöhot, “Azi kianön kewö jiiga mörit, ‘Ni ölop Anutugö jöwöwöl jikenji köndenbiga gölmenöñ eriga wehön karöbutkö uruñe mi kunbuk mem wahöta kuñgumam.’”

<sup>62</sup> Mewö jiyohotka jike nup galöm bohonñan wahöta Jisös qesim wanğiba kewö jiyök, “Yeñön göhö silege keu ala nañgözei, miangö likepñi kun jiman me qahö?”

<sup>63</sup> Qesim wanğiiga Jisösnöñ yuai bölöñi kun qahö ahökmö, töndup keuñi böc kinök. Keuñi böc kiniga jike nup galöm bohonñan kewö jii mörök, “Nöñön Anutu malmal Toñangö qetñe kewö qesiba kuñgum gihizal: Gi Anutugö Nahönñi Kraist akzan me qahö, mi törörök jiba jöjopañ keunöñ jim köhöinöñga mötpin.”

<sup>64</sup> \*Mewö jiiga kewö jiyök, “Jizani, mönö mia. Miamö, nöñön körek enğöra kewö jibi mötket: Nalö kewöñeyök könahiba Suep gölmegö azi ölnan mönö Kukösum Toñangö böröñi ölna tata suepkö kousu qakñe eri ekñe.”

<sup>65</sup> \*Keu mi jiiga jike nup galöm bohonñan malukuñi munjurata kewö jiyök, “Yei, iwinangö jitñi! Mönö Anutu mepaiköza. Tosatñan keuñi nañgömegöra kunbuk qahö qesim enğibin. Anutu mepaiközawi, mi döлки nanñinak möt teköze.

<sup>66</sup> Miangöra denöwö mötmörize?” Mewö qesim enğiiga kewö jim teköget, “Yañön mönö kömupkö buñaya akña.”

<sup>67</sup> \*Mewö jim teköba jeñe söutkölap söutköm miriba böröñinan misiba mesoholñe qekötahöget. Tosatñan nuñgulumñe qekötahöba

<sup>68</sup> kewö jiget, “Gi kezapqetok azi Kraist akzanangöra danön guhuzawi, mönö yañgö qetñi qetnöñ mörin.” Mewö.

† 26:53: Rom yeñgöreñ liñön me yarö kambu kun mi yarö azi 6000 miangö dop aka maljema. Miangöra yarö kambu 12 miengö jañgöñini mi Suep garata 72.000 miangö dop. \* 26:55: Luk 19.47; 21.37 \* 26:61: Jon 2.19 \* 26:64: Dan 7.13 \* 26:65: Lew 24.16 \* 26:67: Ais 50.6



*Pitönöŋ Jisös qaŋ köläk.*

*Mak 14.66-72; Luk 22.56-62; Jon 18.15-18, 25-27*

<sup>69</sup> Mewö asuhuiga Pitönöŋ yaigep kiripo uruŋe sombemnöŋ tarök. Tari welenqeŋe ambi kunŋan yaŋgöreŋ kaba kewö jiyök, “Gi mewöyök Galili azi Jisösbuk mohotŋe malnöŋ.”

<sup>70</sup> Mewö jiyökmö, körek yeŋgö jeŋine qaŋ kölä kewö jiyök, “Keu jizani, mi köndatzal.”

<sup>71</sup> Mewö jiba kiripo naŋguŋe geiga welenqeŋe ambi kunŋan i eka azi kösutŋe kingeri, mi kewö jii mötket, “Azi kianön mönö mewöyök Nazaret azi Jisösbuk malök.”

<sup>72</sup> Mewö jiiga kunbuk qaŋ kölä jöjöpaŋ keunöŋ jim köhöiba kewö jiyök, “Nönön azi mi qahö möt waŋgizal.”

<sup>73</sup> Nalö borom kun teköiga azi kösutŋe kingeri, yeŋön Pitögöreŋ kota kewö jiget mörök, “Alakŋa! Göŋön mewöyök yeŋgöreŋök kun akzan! Galili keu jöl jizani, mianön mönö mewöyök mi kondeliga mötzin.”

<sup>74</sup> Mi möta könahiba nanŋi qesuahöm aŋguba jöjöpaŋ keunöŋ jim köhöiba jiyök, “Ni azi mi qahö möt waŋgizal! Munen jibileŋak ewö, Anutunöŋ mönö likepŋi melenŋ niŋgima.” Mewö jiiga miangöreŋök kuruk qerök.

<sup>75</sup> Kuruk qeri möta Jisösnöŋ keu kewö jii möröhi, mi mötmöriyök, “Göŋön mutuk indimŋi karöbut qaŋ kölä niŋginöŋga kuruknöŋ qetma.” Keu mi mötmöriiba wösöŋi julmamgö aiga yaigep geba sahöt böliyök. Mewö.

## 27

*Jisös waŋgita Pailötkö böröŋe alget.*

*Mak 15.1; Luk 23.1-2; Jon 18.28-32*

<sup>1</sup> Miri gianjiiga amandiŋe jike nup galöm pakpak aka kantrigö jitŋe meme (70) yeŋön tokoba Jisös qeget kömumapkö keuŋi eraum mötket.

<sup>2</sup> Eraum mötket teköiga Jisös jöhöba waŋgita Rom premiö Pailötkö böröŋe alget. Mewö.

*Judasnöŋ imbi auyök.*

*Apo 1.18-19*

<sup>3</sup> \*Jisös qeget kömumawaŋgö keuŋi jim tekögetka Judas mamalolo waŋgiyöhanön mi möta möt bölim aŋguba silwö moneŋ köt 30 waŋgigeri, mi memba jike nup galöm aka kantrigö jitŋememe yeŋgöreŋ anda melenŋda enŋgiba kewö jiyök,

<sup>4</sup> “Nönön siŋgisöndok aka azi köpösihitŋi qahö mi mamalolo mem waŋgibiga qeget kömuma.” Mewö jiyökmö, yeŋön jiget, “Mi neŋgöreŋ yuaia qahö! Mi mönö nangi manjara!”

<sup>5</sup> Mewö jiget möta silwö moneŋ köt mi memba gil tipköiga jöwöwöl jike uruŋe anök. Aniga nanŋi mosöta anda imbi auyök.

<sup>6</sup> Jike nup galöm bohonŋi yeŋön moneŋ köt mi memba kewö jiget, “Moneŋ ki mönö azi sepŋaŋgö bohonŋa. Miangöra mi jöwöwöl jikegö moneŋ köwenöŋ albingö dopŋi qahö. Mewö aka Mosesgö Köna keu oŋgitpinbuk.”

<sup>7</sup> Mewö jiba eraum möta moneŋ mianön gwakömnöŋ kimbut meme azi kungöreŋ gölme köröŋi kun bohonŋi megetka kian ambazip yeŋgö qaksiriŋina ahök.

<sup>8</sup> Miangöra aka gölme köröŋi miangö qetŋi mi nalö kewöŋe mewöyök toroqeba ‘Gölme köröŋi sepŋambuk,’ qerakze.

<sup>9</sup> \*Kezapqetok azi Jeremaianöŋ keu qeljiŋe jiyöhi, mianön mönö ölnambuk ahök. Keu mi kewö, “Yeŋön Israel könagesögö jitŋememeniŋi aka azi mi söŋgöŋi memegöra kewöta algetka silwö moneŋ köt 30 ahöhi, mi meget. Mi azigö bohonŋa.

\* 27:3: Apo 1.18-19 \* 27:9: Zek 11.12-13

10 Yenön mi memba mianön gwakömnön kimbut meme azi kungören gölme köröni kun bohonni meget. Mi mönö Kembunön jim kutum niŋgiyöhaŋgö dop mewö meget.” Mewö.

*Pailötnön Jisös qesim waŋgiyök.*

*Mak 15.2-5; Luk 23.3-5; Jon 18.33-38*

11 Nalö miangören Jisösnön Pailötkö jeŋe kiniga kewö qesim waŋgiyök, “Ölŋa, gi Juda yeŋgö kiŋa akzan me qahö?” Qesim waŋgiiga Jisösnön melenŋa jii mörök, “Mönö nangak jizani, mewö.”

12 Jike nup galöm aka kantrigö jitŋememe (70) yeŋön keu gwötpuk Jisösgö silene ala jigetmö, töndup keu kitipni kun qahö melenök.

13 Keu bök kiniga Pailötnön Jisös kunbuk qesim waŋgiba jiyök, “Mötnön! Yeŋön keu gwötpuk göhö silege ala naŋgöba jizei, mi mötzan me qahö?”

14 Mewö jiyökmö, Jisösnön bölöni kun qahö ahökmö, töndup keu miengö likepni kun qahö melenök. Keu bök kiniga premiönön gwötpuk welipköyök. Mewö.

*Pailötnön Jisös kömumapkö jim teköyök.*

*Mak 15.6-15; Luk 23.13-25; Jon 18.39-19.16*

15 Rom premiönön yambu (yara) dop pasowa sösongai nalöŋe kösö mireyök azi mohok sihimŋinaŋgö dop qetŋi qeta qesigeri, mi pösat eŋgizapma.

16 Nalö miangören azi kun qetŋi Barabas qetkeri, yaŋön kösö mire tarök. I bölöŋamŋaŋgöra miwidimŋogetka malök.

17 Mewö aiga tokogetka kewö qesim eŋgiyök, “Barabas me Jisös, qetŋi Kraist qerakzei, yetköreŋök niŋia pösat eŋgibi etmapköra mötze?”

18 Galöm yeŋön Jisösgöra körögisigisi mötkeŋgöra aka i premiögö böröŋe al waŋgiget. Mi möta sihimŋinaŋgö mewö qesim eŋgiyök.

19 Mi mörökmö, jimtekötekögö jakömbuak dum tatatŋe tariga anömŋan buzup keu kun kewö ali kayök, “Ni merak sunŋem gaun kun eka miangören azi miangöra aka sihimbölö gwötpuk mötza. Miangöra azi solanŋi mi mönö lömböt kude waŋgiman.”

20 Keu mewö kayökmö, jike nup galöm aka kantrigö jitŋememe yeŋön ambazip kambu uruesiesi mem eŋgiba kewö jiget, “Mönö Barabas pösata Jisös maripomnön qemegöra jiman. Mewö qesim waŋgime.”

21 Mewö jigetka premiönön melenŋa qesim eŋgiyök, “Azi yahöt mietköreŋök mönö niŋia pösat eŋgibi etmapköra mötze?” Mewö qesim eŋgiiga “Barabas!” jiget.

22 Mewö jigetka Pailötnön kewö qesim eŋgiyök, “Mewö jizeaŋgöra Jisös, qetŋi Kraist qerakzei, nöŋön i mönö denöwö ak waŋgibileŋak?” Mewö qesim eŋgiiga yeŋön körek qetket, “Mönö maripomnön qeget jiman!”

23 Mewö qetketka premiönön jiyök, “Mi wuanöŋgöra? Yaŋön mönö wani bölöŋa ahök?” Mewö jiyökmö, yeŋön mi möta kapan köla toroqeba qet gigilahöba kewö qetket, “Mönö maripomnön qeget jiman!”

24\* Mewö qetketka kezap-ölök aketka göjupmajupnön kunbuk qariiga Pailötnön mi eka möta bim karim asuhubapuköra o memba böröŋi ambazip kambu jeŋine saŋonŋa kewö jiyök, “Azi kiangö sepŋi mokoget gemawi, mianön mönö nöŋgö qakne qahöpmö, mönö nanŋini qakŋine öŋgöma.”

25 Mewö jiiga ambazip kambu körek pakpak yeŋön kewö melenŋet, “Sepŋaŋgö likepŋan mönö nini aka nahönböratnini neŋgö qaknine öŋgöma!”

26 Mewö melenŋetka Pailötnön Barabas pösat eŋgii erökmö, Jisösyia jiiga ihilek wahinambuknön qeyöyaköba qeget. Mewö qegetka maripomnön qemegöra Rom yarö azi yeŋgö böröŋine alök. Mewö.

\* 27:24: Dut 21.6-9

*Jisös kukulömbuan ak wanğiget.*

*Mak 15.16-20; Jon 19.2-3*

<sup>27</sup> Böröjine aliga Rom premiögö yarö azi yeñon Jisös wanğita premiögö jakömbuak mirigö kiripo uruñe anğotket. Anğota yarö kambu lökñanök öröm enğigetka kaba tokoba Jisös liliköm wanğiget.

<sup>28</sup> Liliköm wanğiba nanñi sile esuñi köteköba maluku pisikñi gugakgugak kun löngöt wanğiget.

<sup>29</sup> Löngöt wanğiba sötman kösö limbiñda ila ewö nöropñe kölget geyök. Geiga jehot kun böröñi ölñe ala simin köl wanğiba göngönahit ak wanğiba kewö jiget, “Owe owe, Juda yeñgöreñ kiñ, owe!”

<sup>30</sup> Titipepe mewö aka söutkölap qeba jehot öröpñi wanğita mianñon nöropñe qeget.

<sup>31</sup> Mepaqepaik mewö ak wanğim teköba maluku pisikñi gugakgugak mi qeköba nanñe sile esu kunbuk löngöt wanğiba maripomnön qebingöra wanğita anget. Mewö.

*Jisös maripomnön qeget.*

*Mak 15.21-32; Luk 23.26-43; Jon 19.17-27*

<sup>32</sup> Anda köna nanñe azi kun qetñi Saimon miwikñaiget. Yanñon Afrika siti qetñi Sairini mianğö azaña. Miwikñaiba kuñgum wanğigetka Jisösgö maripomñi memba anğuyök.

<sup>33</sup> Jisös mewö wanğita gölme kun qetñi Golgota mi nanine keunön Nöröpsihit, mianğöreñ anda anğotket.

<sup>34</sup> \*Anğota wain o aka marasin qetñi mör mi mindiriba lolonqalon memba nemapköra wanğigetmö, Jisösnön mi esapköba memba möta tököyök.

<sup>35</sup> \*Tököiga kinda maripomnön qeget. Qeget kiniga kiawen meget qötöñi ahuiga mianğö dop Jisösgö sile esuñi sutñine mendenđa meget.

<sup>36</sup> Mi memba tata Jisös jegalöm ak wanğiget.

<sup>37</sup> Nöropñe eu qegeranğö könañi kewö ohoba qeget, ‘Juda yeñgö kiñ kembuñina ki.’

<sup>38</sup> Kegwek-kahasiliñ azi yahöt mi yambuk maripomnön etkuget. Kun böröñi ölñe, kun qaniñe likeplikep mewö etkuget.

<sup>39</sup> \*Ambazip onğita anda kaba kukulömbuan aka jelikit aka nörop köla kewö jiget,

<sup>40</sup> \*“Yei! Gi mönö jöwöwöl jike ölöp köndenñonğa gölmenön eriga wehön karöbutkö uruñe kunbuk mem wahöt kuñgumamgö jinön. O, gi azi qetpuk! Gi Anutugö Nahönña akzan ewö, mönö ölöp nangi bauköm anğuba maripomnöñök etman.”

<sup>41</sup> Jike nup galöm, Köna keugö böhi aka kantrigö jitñememe yeñon mewöyök mepaqepaik ak wanğiba kewö jiget,

<sup>42</sup> “Tosatña bauköm enğiba malökmö, nanñi bauköm anğumamgö osiza. Yanñon Israelgö kiñ akza ewö, mönö döłki maripomnöñök eri eka mi möt naribinak.

<sup>43</sup> \*Yanñon Anutu möt narim wanğiba ewebibiñambuk mala nanñanğöra ‘Anutugö Nahönñi akzal’ jüiga mörin. Ayop, Anutunön i nalö kewöñe meköm wanğimamgö mötza me qahöwi, mi ölöp ekin.” Mewö jiget.

<sup>44</sup> Kegwek-kahasiliñ azi yambuk maripomnön etkugeri, yetköñ mewöñanök uruqeçe keu töhöreñ jim wanğiyohot. Mewö.

*Jisösnön kömuyök.*

*Mak 15.33-41; Luk 23.44-49; Jon 19.28-30*

<sup>45</sup> Silim bibiñi 12 kilok aiga mianğöreñök söñaupnön eta gölme pakpak dop köla ahöiga anda aua karöbutkö dop ahök.

<sup>46</sup> \*Jisösnön 3 kilok mianğöreñ nanñe keunön kewö qet ketanji qerök, “Eloi, eloi, lama sabaktani?” Mi nanine keunön: Anutuni, Anutuni, mönö wuanönğöra andö nuñguzan?

\* 27:34: Sum 69.21 \* 27:35: Sum 22.18 \* 27:39: Sum 22.7; 109.25 \* 27:40: Mat 26.61; Jon 2.19 \* 27:43: Sum 22.8 \* 27:46: Sum 22.1

<sup>47</sup> Mewö qeriga azi kösutje kingeri, yengörenök tosatjan mi möta jiget, “Mönö Elai-jagöra qetza.”

<sup>48</sup> \*Miangörenök yengörenök kunjan ösumjan anda mömündö kun kahali tandök mi memba wain o asölhambuknöj kundumgöba ip göröm kitipne jöhöba suruba Jisös numbunje eu ali neyök.

<sup>49</sup> Neyökmö, tosatjan jiget, “Mönö mosötkeka nanjök kinök. Elaijanöj kaba meköi etma me qahöpto, mönö mi ekin.”

<sup>50</sup> Mewö aketka Jisösnöj kunbuk qet ketanj qeta söngörö ösum kondikni öröba kömuyök.

<sup>51</sup> \*Kömuiga miangörenök jöwöwöl jikegö urunje opo \* kinöhi, miangön euyök bibine jurata eta yahöt ahök. Mewö eriga gölmenöj kenöj ketanjan meiga köt ketanj ketanj mesijnök.

<sup>52</sup> Qaksirigö köt kötenj miengö numbuñinan nanjök ananjigetka ambazipni sarakni kömugeri, yengörenök gwötpukjan guliba wahötket.

<sup>53</sup> Wahöta qaksirigö köt kötenjini mosöta Jisösnöj kömupnöhök wahöröhi, miangö andöje Jerusalem siti töröj miangören kaba ambazip gwötpuk asuhum engigetka engeget.

<sup>54</sup> Suahö galöm aka yarö azi yambuk Jisösgö jegalöm memba malgeri, yeñön kenöj meiga yuai tosatni pakpak asuhuyöhi, mi eka auruba jönömñini gwötpuk unduiga kenjötporiñ aka kewö jiget, “Yañön mönö ölna Anutugö Nahönña akza.”

<sup>55</sup> \*Ambi gwötpukjan sikep kinda yuai mi mewöyök eket. Yeñön Jisös wuatangöba Galilijök kaba welen qem wangiba malget.

<sup>56</sup> Yeñgö sutjine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

*Jisösgö qamötñi löm kölget.*

*Mak 15.42-47; Luk 23.50-56; Jon 19.38-42*

<sup>57</sup> Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök.

<sup>58</sup> Yañön Pailötgören anda Jisösgö qamötñi memangö qesiyök. Qesiiga suahö azinöj mi Josef wangimegö jim kutum engiyök.

<sup>59</sup> Jim kutum engiiga Josefnöj anda Jisösgö qamötñi memba eta opo tuatjan esuhuyök.

<sup>60</sup> Esuhuba memba qaksirinöj anda nanñi kötenj döläkni kötnöj urorohogetka kinöhi, qamötñi mi miangören alök. Mewö ala köt ketanj kun metaliga kötenj numbuñi közipköiga mosöta anök.

<sup>61</sup> Magdalagö Maria aka Maria alanj kun yetkön miangören köt kötenj mesohol köla tarohot.

*Yarö azi qaksiri galöm meget.*

<sup>62</sup> Sabat kendon tatatköra yuai mözözömgöba ahöba wahöta miangören jike nup galöm aka Farisi (Köna keugö kapañkölköl) yeñön Pailötkören anda tokoba kewö jiget,

<sup>63</sup> \* “Ketanamnini, enjololongö urukungukunju azi miangön jebuk malöhi, nalö miangören kewö jii mörin, ‘Nönön wehön karöbut teköiga kunbuk guliba wahötmam.’ Neñön keu mi mötmörizin.

<sup>64</sup> Miangöra göñön ölop yarö aziurupki jinöj möta qaksirinöj anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupjan mönö anda qamötñi ölöñ memba asamböta ambazip kewö jiget mötpeak, ‘Jisösnöj mönö kömupnöhök wahörök.’ Mewö jigetka tilipqilip enjololöñ keu kondikni kianön mönö enjololöñ keu mutukni ongiriga böliqölibapuk.”

\* **27:48:** Sum 69.21    \* **27:51:** Eks 26.31-33    \* **27:51:** Opo mi jöwöwöl jikegö olenj kömbukni aka olenj töröj kötökni mietkö sutjire kinök.    \* **27:55:** Luk 8.2-3    \* **27:63:** Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33



<sup>65</sup> Mewö jigetka kewö jii mötket, “Yarö azi ki mönö ölop enġuanġita anda al enġigetka qaksiri köten numbuġi mi törörök galöm köl soroköme.”

<sup>66</sup> Mewö jii möta qaksirinöġ anda köt kötenġö numbuġe köt ketaġi algetka közipköba kinöhi, mi supapġi ala yarö azi al enġigetka jegalöm köhöikġi meġet.

## 28

*Jisösnöġ kömupnöhök wahörök.*

*Mak 16.1-10; Luk 24.1-12; Jon 20.1-10*

<sup>1</sup> Sabat kendon tatket teköiga Sonda söġanök wahöta miri ġianġiga Magdalagö Maria aka alaġi Maria kun yetköġ qaksirigö köt kötenġ ekitkö anohot.

<sup>2</sup> Anohotka mianġöreġök kenöġ ketaġi kewögöra meyök: Kembugö garata kunöġ Suepnöhök eta qaksirinöġ kaba numbuġe köt ketaġi qetali ani qakġe tarök.

<sup>3</sup> Garatagö kaisoġgolomġi mi wöl ewö aiga malukuġi mi kousu ewö tuat lalamġi ahök.

<sup>4</sup> Mewö asuhuiga yarö azi qaksiri galöm meġeri, yeġön yangöra awöwöliba jönömġini undui kömum töriget.

<sup>5</sup> Mewö aketka garatanöġ ambi yahöt yetköra keu kewö jiyök, “Jisös maripomnöġ qegeri, iġiri yangöra jaruzahot, mi mötzal. Mianġöra mönö keġġötġiri kude mötmahot.

<sup>6</sup> Nannak jiyöġanġö dop mönö kömupnöhök wahötza. Mianġöra ki qahö ahöza. Mönö kaba dum ahöyöhi, salupġi mi ekġahot.

<sup>7</sup> “Mi eka ösumok gwarekurupġi yeġöreġ anda buzup keu ki jiyohot mötme, Jisösnöġ kömupnöhök wahötza. Mötket, yaġön mönö qelġiġe mutuk Galili prowinsnöġ anma. Iġini ölop mianġöreġ anda i ekġe. Mötket, nöġön mi lök jibi mötze.”

<sup>8</sup> Mewö ġiiga zilaġök qaksiri mosöta keġġötġiri möta töndup önöġi qahö söġgaiba buzup mi memba gwarekurupġi jiyohot mötmegöra ösumġiran anohot.

<sup>9</sup> Ösumġiran anohotka Jisösnöġ i könanöġ asuhum etkiba “Söġanġiri!” jiyök. Mewö ġiiga kösutġe anda sipköba könaġe meraköba waikġi memba möpöseim waġġiyohot.

<sup>10</sup> Möpöseim waġġiyohotka kewö jii mörohot, “Keġġötġiri kude mötmahot. Mönö anda munurupnan Galili anmegö keu jiyohotka mianġöreġ anda ni nekġe.” Mewö.

*Qaksiri galöm meme yeġön kösohotġini jiget.*

<sup>11</sup> Ambiyahöt yetköġ köna anohotka qaksirigö köt kötenġ galöm meme yarö azi tosatġan sitinöġ kaba jike nup galöm enġeka yuai pakpak asuhuyöhi, mianġö kösohotġi jiget mötket.

<sup>12</sup> Yeġön mi möta Juda yeġö ġitġememeurupġini öröm enġigetka mohotġe totoko ala Jisös wahötwahötkö keu asambötġingö keu areġ miwikġaiba moneġ keta bölöġi mi yarö azi enġiget.

<sup>13</sup> Mi enġiba kewö jim kutum enġiget, “Iġini mönö keu kewö jime: Nini sunġem gaun ahöingä gwarekurupġan ölöġ kaba qamötġi yoġgorö memba anġet.

<sup>14</sup> Keu mewö jigetka keu mianġön premiögö kezapġe ġei mötma ewö, lömböt enġö qakġiġe öġgöbapuköra neġön mönö uruġi mölöwöriba memba eta alingä waimanġat qahö malme.”

<sup>15</sup> Mewö jim kutum enġigetka mianġö dop aka moneġ memba anda nup keuġini wuatāġöġet. Mewö aketka Juda yeġön keu mi sutġiġe jim sehigetka möta malġetka anda nalö kewöġe mewöyök mi toroqeba jiget mörakzin. Mewö.

*Misin nup membingö jimkutukutuġi*

*Mak 16.14-18; Luk 24.36-49; Jon 20.19-23; Apo 1.6-8*

<sup>16\*</sup> Gwarekurup 11 yeġön Jerusalem mosöta Galili prowinsnöġ anda Jisösnöġ kundunġe anmegöra jiyöhi, mianġöreġ öġgöġet.

\* **28:16:** Mat 26.32; Mak 14.28

<sup>17</sup> Mianğöreŋ öŋğöba Jisös eka waikŋi memba möpöseim waŋgigetmö, tosatŋan yaŋğöra uruyahöt aket.

<sup>18</sup> Möpöseim waŋgigetka yeŋğöreŋ kaba kewö jiiga mötket, “Suepkö aka gölmegö kukösum pakpak mi Anutunöŋ niŋgiiga nöŋğöreŋ ahöza.

<sup>19</sup> \* “Mianğöra iŋini mönö gölme dop anda ambazip kambu pakpak kewö eŋğömegetka nöŋğö gwarekurupni akŋe: I mönö İwi, Nahön aka Uŋa Töröŋi neŋğö qetnine o melun mem eŋgime

<sup>20</sup> aka nöŋön keu wuatəŋğömegöra jim kutum eŋgiali, mi pakpak tem kölmegöra mönö kusum eŋgiba malme. Mötket, nöŋön mönö nalöŋi nalöŋi embuk mala anda malbiga gölmegö nalöŋan teköma.” Mewö.

---

\* 28:19: Apo 1.8

## Mak Ölöwak **Buᅇa Maknöᅇ ohoyök.** **Jim-asa-asari**

Mak namᅇi qetᅇi Maria, iwiᅇi qetᅇi qahö mötzin. Jerusalem siti tonᅇi malget. (Aposol 12.12) Nanᅇi kösohotᅇi kun qetᅇi qahö qeta boᅇ 14.51-52 miangöreᅇ ohoi ahöza. Pitönöᅇ bauköm waᅇgiiga uruᅇi melenᅇniga Buᅇa kusum waᅇgiyök. Waᅇgiiga numbutᅇi Barnabas aka Pol yetpuk liliköba misin nup memba anda Pol mosöta deᅇnohot. Deᅇnohotka toroqeba nup memba mala Buᅇa kösohot mohok mohok qezaköba mindiriba kian kantri yeᅇgöra Grik keunöᅇ ohoyök. Jisösgö keuᅇi mi Arameik. Mi “Eli eli lama lama sabaktani,” miangö dop.

Jisösnöᅇ urugö nupᅇi denöwö memba Anutugö Nahönᅇi aka ambazip bauköm enᅇgiba malöhi, Maknöᅇ keu mi jim asariba ohoyök. Jisösgö nupᅇi bohönᅇi karöbut: Buᅇa kusum enᅇgiyök, ömewöröme közöl enᅇgiyök aka siᅇgisöndok mosöta kawölᅇi kawölᅇi mem ölöwahök.

### **Buk kiangö bahöᅇi bohönᅇi 6 mi kewö:**

Keu mutukᅇi: Jon aka Jisös 1.1-13  
Qenjarök nup Galili uruᅇe meyök 1.14-9.50  
Galili mosöta Jerusalem anök 10.1-52  
Jerusalem Sonda mohot mala kömuyök 11.1-15.47  
Jisösnöᅇ kömupnöhök wahörök 16.1-8  
Wahöta asuhuba Suepnöᅇ öᅇgöyök 16.9-20

<sup>1</sup> Amötqeqe Tonᅇi Jisös Kraist mi Anutugö Nahönᅇi akza. Nöᅇön yaᅇgö Ölöwak Buᅇaᅇi könahiba ohozal.

*Jonöᅇ Jisösgö köna mesarök.  
Mat 3.1-12; Luk 3.1-18; Jon 1.19-28*

<sup>2</sup> \*Anutunöᅇ Suep uruᅇe Nahönᅇaᅇgöra keu kun jiiga kezapqetok azi Aisaianöᅇ mi ohoiga yaᅇgö Buzup Kimbinöᅇ kewö ahöza, “Mötnöᅇ. Nöᅇön kolek garatani kun melaibiga qeljiᅇe anda ambazip uruᅇini mindiᅇgöba göhö könagi mesariga göᅇön yaᅇgö andöᅇe gölmenöᅇ geman.”

<sup>3</sup> \* “Kolek garata kunöᅇ gölme qararaᅇkölkölᅇe qeta maliga anda qetᅇi kewö mötme, ‘Kembunöᅇ kamawo! Miangöra mönö jöjöröba könaᅇi mesatket. Mönö uruᅇini mindiᅇgöba könaᅇi qölöleiget’.”

<sup>4</sup> Keu miangö dop azi kun qetᅇi Jon asuhuyök. Qetᅇi alaᅇi O-melun azi. Asuhuba gölme qararaᅇkölkölᅇe mala kinda Buᅇa keuᅇi kewö jiba malök, “Iᅇini mönö uruᅇini melenᅇgetka nöᅇön o melun mem enᅇgimam. Mewö aketka Anutunöᅇ siᅇgisöndokᅇini saᅇgoᅇda mosötma.”

<sup>5</sup> Mewö jiba maliga Judia prowinsgö miriᅇi pakpak aka Jerusalem siti yeᅇön kambuᅇi kambuᅇi köla öröba Jongöreᅇ kaget. Kaba kaᅇgota siᅇgisöndokᅇini jim miwikᅇaigetka Jonöᅇ i Jordan o töwatᅇe o-melun mem enᅇgiyök.

<sup>6</sup> \*Jongöreᅇ silepöke mi kamel juᅇᅇan memeni aiga kemaᅇe örigit sömbup sileᅇan memeni mi jöhöba malök. Nenenamᅇi mi gawöt jinam aka arökᅇaᅇgö moroᅇ onᅇi, mia namba malök. Mi pakpak kezapqetok azi Elaija (Elia) yaᅇgö dowä.

<sup>7</sup> Jonöᅇ keu kewö jim asariba malök, “Nöᅇgö andöne azi kukösumᅇi köhöikᅇi kun kama. Yaᅇgö kukösumᅇi öᅇgöᅇᅇöᅇan mönö nöᅇgöreᅇ onᅇitma. Yaᅇön azi öᅇgöᅇᅇöᅇi akᅇawaᅇgöra nöᅇön yaᅇgö köna esuaᅇaᅇgö kösöᅇi bauköba pösatmamgö qötötaᅇgömam.

\* 1:2: Mal 3.1    \* 1:3: Ais 40.3    \* 1:6: 2 Kiᅇ 1.8

<sup>8</sup> Nöñön o töhönöñ melun mem enğizalmö, yañön mönö Uña Töröñan melun mem enğima.” Mewö.

*Jonöñ Jisös o melun mem wañgiyök.*

*Mat 3.13-17; Luk 3.21-22; 4.1-13*

<sup>9</sup> Nalö miangören Jisösnöñ Galili prowinsgö miri Nazaret miangörenök Jongören kaiga Jordan o töwatñe o-melun mem wañgiyök.

<sup>10</sup> Mem wañgiiga onöhök koriga miangörenök Suepnöñ añañiiga Jisösnöñ uba ehiga Uña Töröñi melenđa kembö nei ewö aka Jisösgö qakñe eta meöyk.

<sup>11</sup> \*Mi ehiga Suep mireyök keu kun kewö asuhuyök, “Göñön mönö nani wölböt nahöni akñöñga köröni ölöwahiga geknahöm ak gihizal.” Mewö.

*Satanöñ Jisös esapköba malök.*

*Mat 4.1-11; Luk 4.1-13*

<sup>12</sup> O melun mem wañgiiga miangörenök Uña Töröñan Jisös kuñgum wañgiiga gölme qararañkölkölñe anök.

<sup>13</sup> Anda wehön 40 miangö dop miangören maliga öme bohonñini Satan yañön esapköm wañgiba malök. Sömbup kalñi miengö sutñine maliga Suep garata yeñön bauköm wañgiba malget. Mewö.

*Jisösnöñ gwarekurupñi mutukñi enğoholök.*

*Mat 4.12-22; Luk 4.14-15; 5.1-11*

<sup>14</sup> Könañgep Jon kösö mire alget tariga Jisösnöñ nalö miangören Galili prowinsnöñ lilingöba anök. Anda Anutugö Ölöwak Buñañi jim asariba malök.

<sup>15</sup> \*Jim asariba kewö jiyök, “Anutunöñ bemoñoni almawañgö nalöñan mönö dopdowiza. Anutunöñ nalö aliga mala malgetka döлки akza miangöra mönö uruñini melenđa Ölöwak Buña möt nariget.”

<sup>16</sup> Jisösnöñ mewö jiba liliköba mala Galili o añgögö görañe mötöteiba anda söra örörö azi yahöt ekehök. Qetñiri Saimon, munñi qetñi Andru. Yekñön mösakiñiri o añgönöñ söra öröbitköra gila malohot.

<sup>17</sup> Jisösnöñ etkeka kewö jiyök, “Aziyahöt, iñiri mönö ni nuatangöba kayöhotka kusum etkibi ambazip söra ewö öröm enğimakñahot.”

<sup>18</sup> Mewö jiiga miangörenök mösakiñiri mosöta könahiba Jisös wuatangöba anöhot.

<sup>19</sup> Jisösnöñ yetpuk borom kun toroqeba anda Zebedigö nahönñi Jeims aka munñi Jon ekehök. Yetkön mewöñanök wañgenöñ tata mösakiñiri möhamgöba jöhöba malohot.

<sup>20</sup> Malohot ekeka miangörenök etkoholök. Etkoholiga iwiñiri Zebedi aka moneñ nup aziurupñi wañgenöñ enğomosöta könahiba Jisös wuatangöba andöñe anohot. Mewö.

*Jisösnöñ öme kun wuatangöyök.*

*Luk 4.31-37*

<sup>21</sup> Mewö mohotñe anda Kaperneam sitinöñ añgotketka Sabat kendon aiga Jisösnöñ miangörenök köuluk miriñine öñgöba Buña kusum enğiyök.

<sup>22</sup> \*Köna keugö böhi ewö qahöpmö, kukösum ahöm wañgiyöhanğö dop kusum enğiba ahakmemenangö dop akñegöra jiyök. Miangöra könağesö yeñön mi eka auruba welipköget.

<sup>23</sup> Köuluk miriñine miangören nalö miangörenök azi kun ömeñambuk tariga öme miañön qetñi kewö qerök,

<sup>24</sup> “O Jisös, Nazaret asia! Gi wania ak neñgimangö akzane? Mönö ayuhum neñgimangöra kazan me? Ni könañangi möt kutuzal. Gi Anutugören azi Tök-kutukutuñi mi akzan.”

\* 1:11: Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 \* 1:15: Mat 3.2 \* 1:22: Mat 7.28-29



25 Mewö qeriga Jisösnöñ tembula kewö jim wanjiyök, “Gi mönö keugi bököiga azi ki mosöta kesalnöñ.”

26 Mewö jim wanjiiga ömenöñ azi mi utuköba urepköm wanjiiba qet bölöbölö qeta kota mosöta anök.

27 Aniga körekñan nemböñini teköiga welipköba qesim anjuba kewö jiget, “Yei! Ki mönö wani yuaia? Ki mötmöt dölökñi kukösumñambuk. Yanön ömewöröme mewöyök jim kutum enjiiga jitñi tem kölje.”

28 Mewö asuhuiga Jisösgö qetbuñanñan könöpuk sehiba miri kösutñe tat angeri, miangöreñ anda anda Galili prowins pakpak dop kölök. Mewö.

*Jisösnöñ kawöl ambazip gwötpuk meiga ölöwaket.*

*Mat 8.14-17; Luk 4.38-41*

29 Jisösnöñ Kaperneam yengöreñ köuluk miri mosöta miangöreñök Jeims Jon yetpuk Saimon aka Andru yetkö mire öngöget.

30 Miangöreñ öngögetka Saimongö suhunñan silekönöp kawöl yöhöi ahöyök. Ahöiga buzupñi mi ösumok Jisös jiget mörök.

31 Jiget möta yanjöreñ anda böröñe memba kököbiiga wahörök. Wahöriaga silekönöpñan mosöriaga nene ohoba gumohom enjiyök.

32 Gumohom enjiiga mare aiga wehön jeñi geiga miangöreñ Kaperneam toni yeñön kinda ambazipñi ambazipñi kawöl ömeninambuk mi körek enjuañgita Jisösgöreñ kaget.

33 Kaperneam taonöhök kambulembenöñ kaba Saimongö miri nanjune tokoget.

34 Tokogetka kinda ambazip kawöl könañi könañi enjöhöyöhi, mi gwötpuk mem ölöwak enjiyök. Mewöyök ömewöröme yeñön Jisösgö könañi mötkerañgöra Jisösnöñ numbuñini muhungöba gwötpuk enjuañgöyök. Mewö.

*Amöt böröñi Galili körek dop kölök.*

*Luk 4.42-44*

35 Jisösnöñ gaun ahöiga miri wanjaranñ suruiga wahöta miri yaigepñe geba görañe anda nanjök tin kutuba miangöreñ köuluköyök.

36 Köuluköiga Saimon aka alaurupñi yambuk malgeri, yeñön zilañ könañe anget.

37 Anda miwikñaiba kewö jiget mörök, “Ambazip körekñan mönö göhöra jaruze.”

38 Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñön Buña keu miri dop jim sehimangöra eta maljal. Miangöra mönö miri liliköba anbin.”

39 \*Mewö jiba anda Galili prowins körek liliköba köuluk mirinñe Buña keu jiba ömenji ömenji mi enjuañgöba malök. Mewö.

*Jisösnöñ uzikuku azi kun mem solaniyök.*

*Mat 8.1-4; Luk 5.12-16*

40 Jisösnöñ taon kunöñ maliga uzikuku azi kunñan kaba simin köla Jisösgö wösöñe geba kewö köuluköm wanjiyök, “Göñön sihimgan mem ölöwak ninjimangö mötzan ewö, mönö ni ölop mem solanim ninjiman.”

41 Mewö jiiga yanjöra wösöñi möta böröñi böranda silenji misiriba jiyök, “Nöñön mi akñangö mötzal. Gi mönö solaniman.”

42 Mewö jiiga uzikukuñi mi miangöreñök solanii ölöwahök.

43 Solaniiga galöm meme keu köhöikñi wanjiiba miangöreñök “Ölop anman,” jiyök.

44 \*Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgöreñ anda silegi kondel wanjiman aka Mosesgöreñ jimkutukutu wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipnöñ könañamgi möt kutume.”

45 Jisösnöñ mewö jiyökmö, yanön anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangöreñ aukñe kunbuk anmamgö

\* 1:39: Mat 4.23; 9.35 \* 1:44: Lew 14.1-32

osiyök. Osiba taon andöñine miri gwamönñi miangörenök malök. Miangören maliga miri dop miangörenök ambazipñi ambazipñi mi yangören kaget. Mewö.

## 2

*Jisösnöñ azi sile likepñi kömukömuñi möhamgöyök.*

*Mat 9.1-8; Luk 5.17-26*

<sup>1</sup> Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök. Kaiga “Mire malja,” jiget mötket.

<sup>2</sup> Ambazip gwötpukñan mi möta tokoba yangö miri nanju söndakñe gwözöñda sombemñe kokolak qeget. Kokolak qegetka Jisösnöñ kinda Buña keu jiiga mötket.

<sup>3</sup> Mötketka miangören azi kun sile likepñi kömukömuñi, mi wangita yangören kaget. Azi 4:ñan i kululunöñ ala anguba kaget.

<sup>4</sup> Kagetka gwözöñda kingerangöra aka Jisösgö kösutñe anda albingö osiget. Osiba miri qakñe öngöba Jisösgö bohonñeyök bo esim lulunget. Lulungetka kinimñi ahuiga miangören kawöl azi mi kululunambuk kösönöñ jöhöba algetka geiyök.

<sup>5</sup> Mewö geiga Anutu möt narim wangigeri, Jisösnöñ yengö tandökñini mi ehi dop köliga kawöl azigöra kewö jiyök, “Nahöni! Nöñön singisöndoki mosötzal.”

<sup>6</sup> Mewö jiiga Köna keugö böhi tosatñan sutñine tata uruñinan kewö mötmöriget,

<sup>7</sup> “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan singisöndokñini mosörakzapmö, azi kunñan mi qahö.”

<sup>8</sup> Uruñinan mewö mötmörigetka Jisösnöñ miangörenök uruñan mi möt kutuba kewö jii mötket, “Inini mönö wuanöngöra keu mewöñi uruñinan mötmörize?”

<sup>9</sup> Nöñön ‘Singisöndoki mosötzal,’ kawöl azigö mewö jizali, keu mianön mönö awamñanök jijiña. Kunñan mewö jiiga tosatñan keu miangö ölni qahö ekñe. Miangöra mi keu awamñangö dop. Nöñön keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianön mönö aukñe asuhui ekñe.

<sup>10</sup> Mötket, gölmenöñ singisöndok mosötmosötkö kukösumñi mi Suep gölmegö azi ölnangören ahözawi, inini miangö könanangöra janjuñ malbepuk. Miangöra keu lömbötñi mi azi kiangöra jibi ölni eket,” Mewö jiba azi sile likepñi kömukömuñangö jene eka jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanji akawak?”

<sup>11</sup> Mewö jiba azi sile likepñi kömukömuñi kewö jii mörök, “Nöñön göhöra jizal: Gi mönö wahöta tumbulahöpki memba mirige anöñ.”

<sup>12</sup> Jiiga mönö wahöta miangörenök tumbulahöpñi memba ambazip pakpak yengö jenine yaigepñe anök. Mewö aniga körekñan welipköba Anutu möpöseiba kewö jiget, “Yei! Tandök kewöñi mi mönöwök nalö kungen qahö ehin. Qahö. Dölki je murutña ekzin.” Mewö.

*Jisösnöñ Matyu (Liwai) oholök.*

*Mat 9.9-13; Luk 5.27-32*

<sup>13</sup> Jisösnöñ kunbuk Kaperneam mosöta angönöñ geba sak qöhöröñe anda malök. Maliga ambazip kambulembenöñ yangören kagetka Buña keu kusum engiyök.

<sup>14</sup> Anda takis ofis ongitmamgö aiga miangören azi qetñi Liwai Alfiusgö nahönñi tariga eka jii mörök, “Gi mönö nöngö andöne kanöñ.” Mewö jiiga möta wahöta takis nup mosöta Jisösgö andöñe anök.

<sup>15</sup> Anda Liwaigö mire anda nene memba tatkeri, nalö miangören takis meme azi tilipqilipñinambuk aka singisöndok azi gwötpukñan kaba Jisös aka yangö gwarekurupñi yembuk tata nene mohokñe neget. Gwötpukñan mönö Jisös wuatangöba malget.

<sup>16</sup> Jisösnöñ takis meme tilipqilipñinambuk aka singisöndok ambazip tosatñi yembuk tata nene negeri, mi Farisi (Köna keugö kapankölköl) aka yengören böhi tosatñan eka

Jisösgö gwarekurupni kewö jim engiget, “Aek! Yanön mönö wuanöngöra takis meme tilipqilipnambuk aka sinjisöndok ambazip yembuk tata nene neza? Mi qahö dop kölja.”

<sup>17</sup> Mewö jim engigetka Jisösnöñ likepni kewö jii mötket, “Sile unditundit ambazipnöñ doktagöra qahö ak engimakzadmö, kawöl ambazipnöñ doktagöreñ anakze. Nöñön sinjisöndok ambazip engoholmamgöra kaba maljalmö, ambazip nanñinanjö mötketka solanñi akzei, i qahö.” Mewö.

*Nene sinji malmalgö keunji*

*Mat 9.14-17; Luk 5.33-39*

<sup>18</sup> Nalö miangöreñ Jongöreñ gwarekurupni aka Farisi (Köna keugö kapankölköl) yeñön nene sinji malgetka tosatñan Jisösgöreñ kaba kewö qesiget, “Jon O-melun azigö gwarekurupni neñön Anutugöra nene sinji malahakzin. Farisi (Köna keugö kapankölköl) yeñgö gwarekurupñinan mewöñanök aka malje. Nangi gwarekurupkan mönö wuanöngöra Anutugöra sinji qahö malje?”

<sup>19</sup> Mewö qesigetka kewö meleñnök, “Ölña! Nini wani nalönöñ nene sinji malakzin? Ambi meme nalöñe azigö andöurupñan könöpni algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi bunaya aka yeñgö sutñine köisirik tatzal. Tatpiga yeñön miangöra aijölöñ söñgaba tata sinji malbingö osimakze.

<sup>20</sup> Osimakzemö, Anutunöñ noañgiri kömumbiga yeñön mönö nalö miangöreñ ölop sinji malakñe.

<sup>21</sup> (Inini malmal walñi aka sösongai Buña dölökñi mi mindirim etkibingö osime. Miangö keu pasetñi mi kewö jibi mötket:) Löngölöngöt walñi jurariga kunñan opo dölökñi qahö sanjonñan mitiba miangön opo su johanni qahö uhum memba umgörengömakza. Mewö akawak ewö, opo su johanni dölökñan mönö waziba löngölöngöt walñi öröiga kunbuk tinñiriga kinimñan qariba böliqölibapuk.

<sup>22</sup> Mewöñanök kunñan wain o dölökñi mi jobö me toru walñi lama silenñan memenji miangöreñ qahö kusuiga gemakza. Mewö akawak ewö, wain o dölökñan mönö qariba toru qesinñiga jula mokoiga gölmenöñ eta sohoiga toruñan böliqölibepuk. Miangöra wain o dölökñi mi toru dölökñeyök mokoin geiga dop kölma. (Mewöñanök o ölopñi mi gina gisagisahöñe qahö umakzin. Mewö ubinak ewö, miangön mönö jula kisipisirik eriga namba kawöl neñgöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölökñi mi mindirim etkibingö osime.) Mewö.”

*Jisösnöñ Sabat kendongö Kembunji akza.*

*Mat 12.1-8; Luk 6.1-5*

<sup>23</sup> \*Miangö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekurupñan wösöñini enñuiga wit ölnji mohot mohot könahiba böröñinan misiba neget.

<sup>24</sup> Mewö negerañgöra Farisi (Köna keugö kapankölköl) tosatñan Jisös kewö jiget mörök, “Mötnöñ, yeñön mönö wuanöngöra Sabat kendongö nup meme songonji ongitze?”

<sup>25</sup> \*Mewö jigetka kewö meleñnök, “Kinñ Deiwidnöñ yarö aziurupñi yembuk liliköba wösöñini enñuiga nenegöra osiba yuia akeri, mi lök nalö kunöñ oyonget me qahö?”

<sup>26</sup> \*Yanön mönö Anutugö opo seri jikenöñ öñgöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö memba neyök. Beret kömbukñi mosötmosötñi mi jike nup galöm yeñönök nezema. Tosatñan mi nembepuköra songo ahöiga töndup neyök. Namba aziurupñi tok enñuiga mohotñe neget. Nalö miangöreñ azi qetñi Abiatar yanön jike nup galöm bohonnañgö nup memba malök.”

<sup>27</sup> Mewö jiba kewö jii mötket, “Anutunöñ Sabat kendon mi ambazip ölöwakñegöra ali ahöza. Mia ambazipnöñ lañ jim kutumegöra aka qahö.

<sup>28</sup> Mewö aiga Suep gölmegö azi ölnjan mönö Sabat kendongö Kembunji mewöyök akza.”

### 3

*Jisösnöñ azi böröñi sööröngöñi mem ölöwahök.*

*Mat 12.9-14; Luk 6.6-11*

<sup>1</sup> Jisösnöñ kunbuk köuluk mire öngöiga miangören azi böröñi sosoholiñi kun tarök.

<sup>2</sup> Miangören azi böröñi sosoholiñi kun tarök. Ambazipnöñ Jisös keu jakene al wangibingöra “Azi mi Sabat kendonöñ möhamgöma me qahö?” jiba Jisös je galöm memba tatket.

<sup>3</sup> Megetka Jisösnöñ azi böröñi sosoholiñi mi kewö jii mörök, “Mönö wahöta jenine kinöñ.”

<sup>4</sup> Mewö jiba kewö jii mötket, “Köna keu wuatängöba Sabat kendonöñ yuai ölopñi me bölöñi akin? Ölop kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

<sup>5</sup> Keuñini göröñ tatketka lilingöm purik engehi uruñinan köhöikñi gwözöñnöhangöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiba kunbuk ölöwahök.

<sup>6</sup> Ölöwahiga Farisi (Köna keugö kapankölköl) yeñön yaigep anda miangörenök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

*Jisösnöñ kawöl ambazip mem ölöwak engiyök.*

<sup>7</sup> Mewö megetka Jisösnöñ gwarekurupñi enguangita o angö jitje anget. Angetka Not prowins qetñi Galili miangörenök ambazip kambulelembe yeñön könañe wuatängöba anget. Judia prowins miangörenök mewöyök yangören kaget.

<sup>8</sup> Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegene görökenök taon qetñiri Taiö aka Saidon liliköba maljei, yeñön mohok kambulelebenöñ öröba kaget. Jisösnöñ angöletot ketañi ketañi memba malöhi, miangö buzupñi möta mindiqindiriba kangotket.

<sup>9</sup> \*Mewö kangota utal wangibepuköra Jisösnöñ gwarekurupñi kewö jii mötket, “Ölököm ningibepuköra inini mönö wange kun miwikñaiba nöngöra dowe alget tarök.”

<sup>10</sup> Mewö jii möta ambazip sehisehiñi mem ölöwak engiba malök. Miangöra qemjemmamjen aka sile lölömböröñinambuk pakpak yeñön silene misiribingöra liliköba gwötpuk aum metala utal wangiget.

<sup>11</sup> Ömeñi ömeñi yeñön Jisös eka jemesoholñe gölmenöñ geba kewö qetket, “Gi Anutugö Nahönñi akzan!”

<sup>12</sup> Mewö qetketka Jisösnöñ qetal engiba könöñamñan aukñe asuhubapuköra songo köhöikñi al engiyök. Mewö.

*Jisösnöñ gwarekurupñi möwölöhöm engiyök.*

*Mat 10.1-4; Luk 6.12-16*

<sup>13</sup> Könañgep Jisösnöñ kundunje öngöba miangören nanñi sihimñangö dop azi engoholiga yangören kaget.

<sup>14</sup> Kagetka azi 12 mi yambuk malmegöra al engiba Buña keuñi jim sehimegöra melaim engiyök.

<sup>15</sup> Melaim engiba ömewöröme közöl engimegö kukösumñi engiyök.

<sup>16</sup> Mewö aka azi 12 ki kewö al engiyök: Pitö, Jisösnöñ qet mi Saimon wangiyök.

<sup>17</sup> Jeims aka munñi Jon, iwiñiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandañgö Nahönyahötñi.

\* 3:9: Mak 4.1; Luk 5.1-3



18 Andru, Filip, Bartolomyu, Matyu, Tomas, Jeims Alfiusgö nahönji, Tadius, Saimon Zelot-politik azia\*

19 aka Judas Iskariot. Kariot azi mianjôn könangen Jisös mamalolo mem wanjiyök. Mewö.

*Jisösnöj öme yejgö kukösumjini onjita qei etza.*

*Mat 12.22-32; Luk 11.14-23; 12.10*

20 Jisösnöj mi al enjiba kunduneyök eta nanji miriye kayök. Mire kaiga ambazip kambu ketani kunbuk kanjota tokogetka mönö mianjōra tosolomni yembuk nene nembangö osiget.

21 Osigetka sepkitipurupnan mi möta “Urunji lök sohoza!” jiget. Jiba geba wanjiptingōra anget.

22 \*Angetka Köna keugö böhi Jerusalemök kageri, yejōn jiget, “Satangö Katakömulatnōj mönō uruñe geiga malja. Yanjōn öme yejgö kembunjanjgö ösumnōj ömewöröme enjuatanjgömakza.”

23 Mewö jigeranjōra Jisösnōj enjoholi kagetka dopkeunōj kewö jii mötket, “Satanōj mönō denōwö alanj Satan kun wuatanjgöbawak?”

24 Kantri kungö galömurupninan sutjine anjururuk aka julme ewö yejōn mönō galömkölköl nupjini memba kinbingö osime.

25 Mewöyök miri kungö könagesö yejōn sutjine anjururuk aka julme ewö, mönō galömkölköl nupjini memba kinbingö osime.

26 Mewöyök Satangö könagesö yejōn sutjine anjururuk aka tuarenjōn ak anjubeak ewö, galömkölköljinanjgö ösumnan eriga bemtohojinan mönō qahōwakjanjgö akza.

27 Kunjan azi köhöikjanjgö köna börōni mutuk qahö jöhōma ewö, yanjōn mönō miriye öngöba qezanja sukinapni memangö osima. Mutuk i jöhōi tarigun mönō ölöp miriñeyök öroyuaiñi pakpak wanjita memba anma. (Mianjō dop nōjōn mewöyök Satan jöhōba andōñe ömenji enjuatanjgömakzal.) Mewö.

*Sinjisöndok mosötmosötñi qahö*

28 Nōjōn keu öñi kun kewö jibi mötme, “Ambazip ketani morōni sinjisöndok ahakzei, mi Anutunōj mosörakza. Lömbötñambuk me awanji mepaqepaik akeak mönō mi Anutunōj sanjōn enjima.

29 \*Sanjōn enjimapmō, Kunjan Uña Törōni ilita mepaikömawi, mianjō sinjisöndokni Anutunōj mönō nalö kunōj qahö mosötma. Sauban! Sinjisöndok mianjōn mönō qakñe öngöiga nalö tetekōni qahö Anutugö jeñe keñambuk malma.” Mewö jiyök.

30 “Ömenōj uruñe geyöhawa malja,” Jigeranjōra aka mewö kusum enjiyök. Mewö.

*Jisösgö nam-munurupni.*

*Mat 12.46-50; Luk 8.19-21*

31 Mewö eraum mötketka nam-munjan kaba yaigep kinda yejgōrenj etmapkö keu alget yanjōrenj anök.

32 Aniga ambazip kambu yejōn liliköm wanjiba tata kewö jiget mörök, “Mötnōj! Göhö nam-mungan mönō yaigep kinda göhöra qesize.”

33 Jigetka melenja kewö jii mötket, “Nōngö namni mi danjōn aka munurupni danjōn?”

34 Jisösnōj mewö jiba ambazip liliköm wanjiba tatkeri, i uba enjeka kewö jiyök, “Eket nōngö namni aka munurupni mönō ki.

35 Anutugōrenj jitsihitñi tem kölahakzei, mienjōn mönō nōngö namni aka nen-munurupni akze.” Mewö.

\* **3:18:** Nasönöl pati zelot yejōn Rom gawman tuarenjōn aka nanjine kinkin membangōra tuaköpek memba malget.

\* **3:22:** Mat 9.34; 10.25 \* **3:29:** Luk 12.10



## 4

*Qesin gilgil azigö dopkeu*  
*Mat 13.1-9; Luk 8.4-8*

<sup>1</sup>\*Jisösnöñ kunbuk o anğö jitñe geba könahiba kusum enğiyök. Kusum enğiiga ambazip kambulembenöñ yanğoreñ anda tokogetka wañgenöñ öngöba o anğö qakñe anda tarök. Tariga ambazip pakpak yeñön anğö görañe sakñöñ tokoget.

<sup>2</sup>Mewö tokogetka dopkeu gwötpuk jiba kusum enğiyök. Kusum enğiba kewö jiyök.

<sup>3</sup>“Mötket! Azi kunñan nene kötni qesin gilmanğöra nupñöñ anök.

<sup>4</sup>Anda qesin giliga kötni tosatñan köna jitñe geba kölget. Geba kölgetka (warawen) neñni neñni kañgota mi nem teköget.

<sup>5</sup>Kötni tosatñan köt jamönjiññöñ geba kölget. Geba köla mianğoreñ gölme gwötpuk qahö miwikñaiget. Gölme dutñi qahö ahöyöhanğöra korapñi zilañ kotket.

<sup>6</sup>Kotketmö, wehönöñ kota enguba jem kutum enğiiga jalöñini qahöpköra soholiba gororonğöget.

<sup>7</sup>Kötni tosatñan siriuret wahiñinambukñöñ mianğoreñ geba kölget. Geba kölgetka mienön kota qem turugetka böbölöhöt mem enğiget. Mewö aka ölni qahö kuñguget.

<sup>8</sup>Kötni tosatñan gölme ölopñe geba kölget. Geba köla korapñini jula wahöta ipñinanğö ölni ölopñi asuhuget. Tosatñan kötnini 30, Tosatñan kötnini 60, tosatñan 100 mianğö dop ahum sehiget.”

<sup>9</sup>Mewö jiba jim teköyök, “Kunñan urukezapñambuk malja ewö, yanön mönö dopkeu ki kezap ala möt kutuma.” Mewö.

*Jisösnöñ wanigöra dopkeu jiyök.*  
*Mat 13.10-17; Luk 8.9-10*

<sup>10</sup>Kambu ketañi yeñön denđa angetka Jisösnöñ nanñök tarök. Nanñök tariga gwarekurupñi 12 aka tosatñi liliköm wañgigeri, mi mohotñe dopkeu kiengö könañinanğöra qesim wañgiget.

<sup>11</sup>Qesim wañgigetka kewö melenđa jiyök, “Anutugö bemtohone anğota malbingö keu tölapñi mi enğöra aukñe jibi möt kutuzemö, yaigep maljei, yeñğöra mi pakpak mönö dopkeunöhök asuhumakza.

<sup>12</sup>\*Mewö asuhiğa

‘Nanñini jeñinan yuai ekagun könañi töndup qahö möt kutume.

Nanñini Kezapñinan keu törörök mötagun könañi töndup qahö möt asarime.

Mi möt asaribeak ewö, mönö ölop uruñini melengetka Anutunöñ siñgisöndokñini mosötpawak.’ ”

*Jisösnöñ dopkeugö könañi jiyök.*  
*Mat 13.18-23; Luk 8.11-15*

<sup>13</sup>Jisösnöñ toroqeba kewö jii mötket, “Dopkeu mianğö könañi kewö. Mi kude möt asarize ewö, dopkeu tosatñi pakpak jimami, mi mönö denöwö möt asaribeak?”

<sup>14</sup>Dop Keu mianğö könañi kewö: Qesin gilgil azinöñ Buña keu qesinđa gilja.

<sup>15</sup>Nene kötni köna jitñe geba kölgeri, mi kewö: Buña keu qesin gilgetka ambazip uruñine gezapmö, mi mötketka Satanöñ mianğoreñök kaba keu uruñine qesinget geyöhi, mi qeköba enğuanğirakza.

<sup>16</sup>Nene Kötni qesin niga köt jamönjiññöñ geba kölgeri, mi mewöyök ambazip söpsöpñi kun. Yeñön Buña keu möta mianğoreñök sösoñgai qakñe möt anğön kölakze.

<sup>17</sup>Mewö ahazemö, uruñine jalöni qahö ahöm enğimapmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhiğa nalö mianğoreñök mönö tala enğuma.

\* 4:1: Luk 5.1-3 \* 4:12: Ais 6.9-10

<sup>18</sup> Nene kötji qesiñniga siriuret wahiñinambuknöñ geba kölgeri, mi kewö: Yenön Buña keu mötketka uruñine geza.

<sup>19</sup> Gezapmö, gölmenöñ malmalgö waimanjatñi aka monen inap memegö urukönöpñi ahuba lömbörim engimakzal. Qetbuñañinambuk akingö köpösöñgögetka sihim kömböñañi bölöñi tosatñan mewöyök uruñine dumgöba Buña keu böbölohot mem wañgize. Mewö aiga ölni qahö gilipitñi (ambetakñi) akñe.

<sup>20</sup> Nene kötji gölme ölpñe qesiñniga geba kölgeri, mi ambazip kewöñi: Yenön Buña keu kezap ala möta möt angön köla pöndañ kinda ölni miwikñaimakze. Tosatñan keu jit mohoknöñök kötji 30 miwikñaimakze. Tosatñan ölni 60, tosatñan keu köt mohot mohot mienjö ölni 100 mem sehiba miwikñaimakze.” Mewö.

*Lampe mi asakñi neñgimapköra ahöza.*

*Luk 8.16-18*

<sup>21</sup> \*Jisösnöñ keu kun kewö jiyök, “Kunñan lambe me kiwa memba ohotiriba kimbut me dum bapñe alma me qahö? Mi waniñe alma? Mi mönö miangö dum tatatnöñ aukñe alma.

<sup>22</sup> \*Mewöñanök yuai kun asambötket ahözawi, mi mönö aukñe asuhum tiñgitmapköra ahöza. Yuai kun köl turuget ahözawi, mi mönö lulunget kötulmapköra aka ahöza.

<sup>23</sup> Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

*Denöwö diwelopmen ahuza?*

<sup>24</sup> \*Jisösnöñ keu kewö jii mötket, “Keu mötzei, mi mönö möt angön köla urukönimñine ala köl guliba malme! (Mewö malgetka uruñini diñgiiga mötmötñinan qariiga möt kömume.) Inini tosatñi yenjö keuñini kewöta jim tekömei, Anutunöñ mönö jimkutukutuñini mohot miangö dop nanñini keuñini kewöta jim teköma. Dop mi mönö oñgita likepñi melen engima.

<sup>25</sup> \*Miangö köñañi kewö: Kunñan mötkutukutuñambuk maljawi, Anutunöñ mönö mi toroqem wañgiiga malmapmö, kunñan mötkutukutuñi qahö maljawi, Anutunöñ mönö mötmötñi moröñi ahözawi, mi mewöyök qeköba wañgitma. Mewö.

*Buña keu kötji mi korapñambuk.*

<sup>26</sup> Jisösnöñ dopkeu kun kewö jiyök, “Anutugöreñ bemtohoñi mi kiangö dop: Azi kunñan nuwe anda nene kötji qesiñda gilma.

<sup>27</sup> Qesiñda gila anda suñgem silim ahöba wahöta ahöba wahöriga nene kötnangö korapñi jula korakze. Denöwö jula korakzei, mi nanñak qahö möt kutuza.

<sup>28</sup> Gölmenöñ nanñök nam köli ölni asuhumakza: Mutuk ipñi, köñañep ölni aka miangö andöñe ölnangö kötji mi körek asuhaba qarim teköme.

<sup>29</sup> \*Ölni qarim teköba öliiga ölni memegö nalöñi aiga welenqequeurupñi melaim engiiga souñini kapeñkapeñgöñi jitñinambuk memba ölni mendingöra nupñe anme.” Mewö.

*Nejoñ kötnangö dopkeu*

*Mat 13.31-32, 34; Luk 13.18-19*

<sup>30</sup> Jisösnöñ dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak?

<sup>31</sup> Mi nejoñ kötnangö dop kewö akza: Kötji mi morö közözömñi. Mi gölmegö nene köt pakpak mienjö eretñini akza. Mewö aiga nup gölmenöñ esize.

<sup>32</sup> Esizemö, jula wahöta yöha pakpak engoñgita qariba böroñi ketañi gili anje. Mewö gili angetka könakembagö neiñi neiñi mienjön aipñini miangö aumñe alakze.” Mewö.

*Jisösnöñ dopkeu gwötpuk jiyök.*

\* 4:21: Mat 5.15; Luk 11.33    \* 4:22: Mat 10.26; Luk 12.2    \* 4:24: Mat 7.2; Luk 6.38    \* 4:25: Mat 13.12; 25.29; Luk 19.26    \* 4:29: Joel 3.13

<sup>33</sup> Jisösnöñ dopkeu mewöñi mewöñi mi gwötpuk jiba mala Buña keu jiiga mötket. Möt kutugeranğö dop mi jiiga möta malget.

<sup>34</sup> Nalö dopkeunji pakpak mi dopkeunöñ jiba malök. Keunji kun öne kude jiyökmö, gwarekurupñi yembuk nanñinök malgetka keu pakpak miengö könañini mi jim asarim engiba malök. Mewö.

*Jisösnöñ jiiga raidimbom göröñ qeyök.*

*Mat 8.23-27; Luk 8.22-25*

<sup>35</sup> Wehön miangöreñ mare aiga Jisösnöñ gwarekurupñi kewö jii mötket, “Mönö mosöta angö kutuba likepñe angotpin.”

<sup>36</sup> Mewö jiiga ambazip kambu engömosöta Jisös wanğigetka wanğenöñ tari anget. Wanğe tosatñi mi mewöyök yembuk awatan anget.

<sup>37</sup> Angetka raidimbom ketan an ömtöröp (töröpñanök) giliga sirinöñ wanğe uruñe gegetka wanğe numbuñe qemangö ahök.

<sup>38</sup> Mewö aiga Jisösnöñ wanğe teteköñe tata qömböñnöñ nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini angönöñ ayuhubingöra akzin. Miangö waimanjatñi kun mötzan me qahö?”

<sup>39</sup> Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöñ!” Mewö jiiga luhutnöñ döngöiga sirinöñ nöñ qeba ahöyök.

<sup>40</sup> Mewö aka kewö jim engiyök, “Inini mönö wuanöngöra kenğöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

<sup>41</sup> Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanön mönö luhut aka köwet jim kutum etkiiga jitñi tem köljahot?” Mewö.

## 5

*Ömenöñ bau uruñine gegetka azinöñ ölöwahot.*

*Mat 8.28-34; Luk 8.26-39*

<sup>1</sup> Mewö asuhuiga angö kutuba likepñe Gerasin yeñgö gölmenöñ angotket.

<sup>2</sup> Angota körökñe öngögetka Jisösnöñ wanğe mosöriğa miangöreñök azi ömeñambuk kun mi qaksirinöhök kaba kinda Jisös miwikñaiyök.

<sup>3</sup> Azi mi qaksirinöñ mala qamöt köteñi esiba urorohoget ahögeranğöreñ ahöm malök. Azi körekñön könaöröñi tapep (muñgamuñga) kösönöñ jöhöbingö osiba malget.

<sup>4</sup> Indimñi gwötpuk könañi tapep kösönöñ jöhöba börötakñi qeba malgetmö, börö takñi kusula köna kösöñi titikutuba maliga körekñan i galöm köl osiget.

<sup>5</sup> Osiba sunğem asak dop sundan qaksirigö köt köteñnöñ me kundunje lanlan ahöba malök. Mewö mala silata qeta silenji kötnöñ qem kutumutuba malök.

<sup>6</sup> Jisösnöñ tikep kaiga eka ösumñan kaba gölmenöñ kösutñe geba simin kölök.

<sup>7-8</sup> Simin köliga Jisösnöñ ömeñi mi kewö jim wanğimangöra ahök, “Öme bölöñi! Gi mönö azi ki mosöta anöñ!” Mewö jimangöra aiga qet bölöbölö ketanji qeta jiyök, “Aek! Gi Jisös, Anutu öngöngöñangö Nahönñi akzan. Gi denöwö ak niñgimangöra kazan? Nöñön Anutugö jemesoholñe ulet gihizal: Gi keu jöhöba jöjöpañ keunöñ jim köhöiba mönö sihimbölö könöñambuk kude ak niñginöñ.”

<sup>9</sup> Mewö jiiga kewö qesiyök, “Gi qetki niñi?” Qesiiga jiget, “Nini gwötpuk maljinangöra qetnini Lijön jizin.” Mi nanine keunöñ Kerök kambu ketanji.

<sup>10</sup> Mewö jiba kapan köla kewö ulet wanğiget, “Gi neñguatanğöbanak, mewö mönö gölme kianğöreñök kude melaim neñgiman.”

<sup>11</sup> Kösutñine kundunji marömñe miangöreñ bau kambu ketanji kun gwözözak uruñe kulunđa malget.

<sup>12</sup> Miangöra ömenöñ kewö jiba Jisös ulet wanğiget, “Göñön melaim neñginöñga nini ölop bau miengö uruñine gebin.”

13 Jigetka “Mönö anda geget,” jiba jim kutum enjiiga azi uruñeyök kota anda bau uruñine geget. Gegetka mianğöreñök bau kambu 2000 mianğö dop mi mönö luhuba nembönembönöñ anda jorororñöba o anğönöñ geba nemulahöba kömuget.

14 Kömugetka bau galöm yeñön ölöñ unjurata taon aka miri morömorö mianğöreñ anda keu buzupñi jiget. Jiget mötketka ambazip sesegilgil yeñön yuai asuhuyöhi, mi ekingöra kaget.

15 Kaba Jisösgöreñ kañgota eketka azi öme kambuñambuknöñ malöhañön mönö opo sileötanji törörök jöhöba tata uruñi amöriiga imbi mötmötñi pakpak asuhuiga eka awöwöliget.

16 Kingetka bau mi denöwö geba kömugeri aka azi ömeñambuk yañğöreñ yuai asuhuyöhi, mi ekeranñön kösohot yahöt mi jiget mötket.

17 Möta kinda Jisösnöñ mindimindiri sel gölmeñini mosöta anmapkö ulet wañgiget.

18 Ulet wañgigetka mosöta wañgenöñ öngömamğöra ahiga azi ömeñambuk malöhañön kaba Jisösbuk mohotñe anda malmamğöra qesiyök.”

19 Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki engeka Kembunöñ anğöletot ketanji aka ak-kömum gihiyöhi, mianğö kösohotñi jinöñga mötme.”

20 Mewö jiiga mosöta anda Jisösnöñ anğöletot ketanji ketanji ak wañgiyöhi, mianğö keuñi könahiba Ten-taon distrik uruñe jim sehiiga körekñan welipköget. Mewö.

*Jairusnöñ böratñanğöra Jisös köuluköyök.*

*Mat 9.18-26; Luk 8.40-56*

21 Jisösnöñ wañgenöñ öngöba lilingöba anğö kutuba likepñe kaiga ambazip kambu gwötpukñan yañğöreñ kaba tokogetka anğö jitñe kinget.

22 Kingetka köuluk mirigö keu galöm kun qetñi Jairus yañön kaba Jisös eka wösöñe geba simin köl wañgiyök.

23 Simin köl wañgiba kapan köl köuluköba kewö jiyök, “Böratni moröñan mönö kömumamğö akza. Mönö kaba börögi qakñe alnöñga ölöwaka toroqeba malma.”

24 Mewö jiba Jisös wañgiriga mohotñe anohotka ambazip kambulelembe yeñön andöñire anda ölöqölököba liliköm etkiba anget. Mewö.

*Kawöl ambi kunöñ Jisösgö malukuñi misiriyök.*

25 Angetka mianğöreñ sutñine ambi kun malök. Yañön (yara) yambu 12:gö dop köiñnöñ ehiga nalö dop kawöl yöhöiga malök.

26 Mewö mala sihimbölö gwötpuk möriiga sile galöm gwötpukñan yañğö nup megetka baukbaubau kun kude miwikñaiba malök. Yañön sile galöm ambazip yeñğö töwañanğöra moneñ inapñi körek gila malökmö, kawölñi mianñön mönö mem bölim wañgiiga malök.

27-28 Mewö mala Jisösgö buzupñi möta kewö jiyök, “Nöñön i oseimamğö möt lömböriba malukuñeyök borom kun misiribilenjak ewö, mönö ölöp ölöwakñam.” Mewö jiba ambazip kambu sutñine Jisösgö andöñe anda malukuñe misiriyök.

29 Misiriiga sepñi mianğöreñök jöpköiga qemjem-mamjenñan qahöwahiga silenñan ölöwahiga mörök.

30 Ölöwahiga Jisösnöñ mianğöreök ösumñi kun kutuba anöhi mi möta ambazip kambu sutñine lilingöba jiyök, “Dañön malukuni misiriza?”

31 Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba goseize. Mi eka denöwö ‘Dañön nömisiriza?’ jizan?”

32 Mewö jigetmö, Jisösnöñ kunbuk “Dañön mi akza?” jiba mi miwikñaimamğöra lilingöba uba engehök.

33 Engehiga ambi silenñe anğöletot asuhuyöhi, yañön mi möta mianğöra kenğötñi möta jönömñi unduiga kaba Jisösgö wösöñe geba simin köl könañi pakpak jiiga mörök.



<sup>34</sup> Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjengan mönö qahöwahiga ölop urubönjöñnön anman.” Mewö.

*Jisösnöñ Jairusgö böratñi mem guliyök.*

<sup>35</sup> Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Mianğöra böhigö qakñe lömböt toroqeba kude alman.”

<sup>36</sup> Jiiga Jisösnöñ keu mianğö nönöñgan aka köuluk mirigö keu galömñi kewö jii mörök, “Kengötki kude mötnön! Mönö ni möt narim niñginön.”

<sup>37</sup> Mewö jiba ambazip tosatñi engömosöta Pitö, Jeims aka Jeimsgö munñi Jon miyök enğuanğiri i wuatangöba anget.

<sup>38</sup> Anda köuluk mirigö keu galömñangö mire anğotketka ambazip kambu göju megetka engehök. Gwötpukñan jinğen köla köhöikñanök sahöta amburereñ meget.

<sup>39</sup> Engeka mire öngöba kewö jii mötket, “Inini mönö wuanöngöra göju memba sahötze? Morö mianön qahö kömuzapmö, gaunök ahöza.”

<sup>40</sup> Mewö jii mötket gönahit ewö aiga gön köl wañgigetmö, yañön i körek enğuatangöba morögö iwinamñi aka tosatñi yambuk malgeri, miyök enğuanğiriga morönön ahöyöhanğoreñ öngöget.

<sup>41</sup> Öngögetka börat mi böröñe memba yañgöra jiyök, “Talita kum.” Mi nanine keunön Ambi moröñi, ni göhöra jizal: Mönö wahötnön!

<sup>42</sup> Mewö jiiga ambi (yara) yambuñi 12 mianön mönö mianğoreñök wahöta kinda anda kayök. Mewö aiga eka kesötñini yöhözömgöba welipköget.

<sup>43</sup> Welipkögetka mianğö buzupñi kun jiget mötpepukö jiba sonğo köhöikñi al enğiyök. Al enğiba ambi moröñi numbu nene wañgiget nemapkö jiyök. Mewö.

## 6

*Nazaret yeñön Jisös andö qeget.*

*Mat 13.53-58; Luk 4.16-30*

<sup>1</sup> Mi asuhuiga Jisösnöñ Jairusgö miri gölme mosöriğa gwarekurupñan wuatangöba yambuk anda Jisösgö malqarip taonön anğotket.

<sup>2</sup> Sabat kendonön kaiga köuluk mire öngöba Buña keu könahiba kusum enğiyök. Kusum enğiiga möta ambazip gwötpukñan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuñi mi mönö dañön kusum wañgiiga jiza? Aka anğöletot kukösumñinambuk mewöñi mi mönö dañön inahöi böröñan meiga asuhuze?”

<sup>3</sup> Azi ki mönö miri kianğö mitimqeçe azia. Mariagö nahönñi aka Jeims, Josef, Juda aka Saimon yeğö datñina. Nenurupñan mönö sutnine ki malje.” Nazaret yeñön mewö jigetka uruñinan böliiga mianğoreñ qaköget.

<sup>4</sup> \*Qakögetka Jisösnöñ kewö jii mötket, “Kezapqetok azigö sepkitip aka tinitosolomurupñan mönö nanñi taonön jijiwilit ak wañgimakzemö, miri tosatñi mianğoreñ mewö qahö.

<sup>5</sup> Mewö akerangöra Jisösnöñ kawöl ambazip mohot mohot böröñi qakñine ala mem ölöwak enğiyökmö, anğöletot kukösumñinambuk tosatñi memamgö osiyök.

<sup>6</sup> Mewö ahiga mötnaripñinan qahö asuhuiga yañgisenianğöra aka auruyök. Auruba Nazaret mosöta kösutñe miriñi miriñi liliköba Buña keu kusum enğiba malök. Mewö.

*Jisösnöñ gwarekurupñi 12 melaim enğiyök.*

*Mat 10.5-15; Luk 9.1-6*

<sup>7</sup> Jisösnöñ gwarekurupñi 12 mi enğoholi kagetka könahiba yahöt yahöt pakpak melaim enğiyök. Melaim enğiba ömewöröme közöl enğimegö kukösumñi enğiyök.

\* 6:4: Jon 4.44



8 \*Mi engiba kewö jim kutum engiyök, “Köna anmeangöra öröpñini memba anme. Yuai tosatñi kun kude meme. Köna nalem qahö, gösö qahö me soujenji mi irimunganjine kude jöhöme.

9 Köna esu ölop könanjine jöhöba maluku semönñi qahöpmö, mohot meme.”

10 Mewö jiba kewö jii mötket, “Anda miri denike denike angotmei, mönö miangörenök mala nup memba taon mi mosöta köna anme.

11 \*Anda mala miri kunön angotketka qahö köl öröm engiba keunji qahö mötketka nesampurekñini mönö kewö jiba kondel engime, ‘Nini engö gölmenön kainga sölbuham köna tambönine mekötahözawi, mi mönö tim tönjöraringa nannine lilingöba gema.’ Mewö jigetka könanamñini solanji möt kutugetka ölop miri me taon mi mosöta toroqeba anme.”

12 Mewö jiiga mosöta anda ambazip urunji melenmegö Buña keunji jim sehiba malget.

13 \*Mala öme gwötpuk enguatangöba kawöl ambazip gwötpuk kelöknön engömiriba mem ölöwak engiget. Mewö.

*Kinj Herodnön kenjötni mörök.*

*Mat 14.1-12; Luk 9.7-9*

14 \*Jisösgö qetbuñan sehiba kinj Herodkö kezapñe gei mörök. Ambazipnön kewö jiget, “Jon o melun azinön mönö kömupnöhök wahöta nupñi meiga angöletot kukösumñinambuk asuhumakze.”

15 Mewö jigetmö, tosatñan kewö jiget, “Mi mönö Elaija (Elia)” Tosatñan toroqeba jiget, “Mi kezapqetok azi walñi yengörenök kun.”

16 Mewö jigetmö, kinj Herodnön mi möta kewö jiyök, “Jon o melun azi nöñon jibi jölñi kutugeri, yanön mönö kömupnöhök wahöta malja.” Waimanjat möta Mewö jiyök.

*Jongö jölñi kutugetka kömuyök.*

17 \*Mi kewögöra jiyök: Herodnön munñi Filipkö anömñi Herodias ölon meiga Jon o melun azinön kinj jim wanjiiga opotöröp melaim enjiiga anda Jon memba jöhöba kösö mire al wanjiiget.

18 Jonön Herodköra keu kewö jiyök: Gi qamböt ki memba mala Köna keu ongitzan.”

19 Mewö jiiga Herodiasnön Jon kazik ak wanjiiga qeget kömumapkö mörökmö, miangö könanji kun qahö miwikñaiyök.

20 Qahö miwikñaiba Jonön azi solanji aka sarakñi törönji ahöhi, mi möta sel jöhöba kölközizip ak wanjiiga Jongöra kenjötni möta malök. Mewö mala Jongö jitñeyök keu möröhi, mi urunji kunjugetka keu gwötpüköra uruyahöt ahök. Mi töndup töndup Jongö keunji mötmangö sihim mörök.

21 Mewö aiga Herodiasnön Jon qemangö könanji qahö miwikñaiba maliga miangö nalönji ölopñi kewö kam kunjuyök: Kingö ahuahua nalönjan kaiga közölömbuan ala jembon aka suahö galömurupñi aka Galili prowinsgö jitñememe bohonñi mi köl öröm, enjiiga kaba tatket.

22 Kaba tatketka Herodiasgö böratñan miri miangö urunje kangota danis aliga Herod aka yambuk tebol liliköba tatkeri, yenön miangö eksihimñi gwötpuk mötket. Mewö mötketka kinñön ambi serangöra kewö jiyök, “Böratni! Wani yuaigöra sihimgi mötzani, mi ölop qesinönga tököm gihimam.”

23 Mewö jiba keu mi jöjöpan keunön jim köhöiba kewö jii mörök, “Wani yuaigöra qesim niñimani, mi mönö ölop gihimam. Yuai mi me mi me prowins galöm kölakzali, mi tok ölop endenja likepñi kun gihibiga galömñi akrñan.”

24 Mewö jii möta yaigep anda namñi kewö qesim wanjiyök, “Namni, ni mönö Kinñön wani yuaiya niñimapköra qesimam?”

\* 6:8: Luk 10.4-11 \* 6:11: Apo 13.51 \* 6:13: Kemb 5.14 \* 6:14: Mat 16.14; Mak 8.28; Luk 9.19 \* 6:17: Luk 3.19-20

Mewö qesim wanjiiga kewö melenök, “Mönö jinönga Jon O-melun azigö jölñi yandigetka nöropñi memba kaba ningiman.”

<sup>25</sup> Mewö meleniga miangörenök miri uruñe kinjingöba kingören öngöba kewö qesiba jiyök, “Kewöni! Nöñön sihimnan kewö mötzal: Göñön mönö jimkutunönga Jon O-melun azigö jölñi yandiba nöropñi memba kaba köndenöñ algetka mia döldöpki ningiman.”

<sup>26</sup> Mewö jiiga kingö uruñan kömbuhiiga wösöbirik mörökmö, jöjöpaj keuñan jöhöi ketaurupñan mi mötketka yeñgö jemesoholñine etpapuköra qeqesinji andö qemangö möt lömböriba tököyök.

<sup>27</sup> Tököba miangörenök opotöröpñi kun melaiba jiyök, “Gi mönö anda Jongö jölñi yandiba nöropñi memba kaman.”

<sup>28</sup> Mewö jiba melaiiga kösö miri gwaröñe anda jölñi yandiba nöropñi memba kaba köndenöñ ala ambi seram mi wanjiiga namñi wanjiyök.

<sup>29</sup> Jongö gwarekurupñan miangö buzupñi möta anda qamötñi memba qaksirigö köt köteñnöñ ala löm kölget. Mewö asuhuyöhangöra kin Herodnöñ könañgep Jisösgöra jiyök, “Jonöñ mönö kömupñöhök guliba wahöta malja.” Mewö.

*Jisösnöñ azi 5000 nene gumohom enjiyök.*

*Mat 14.13-21; Luk 9.10-17; Jon 6.1-14*

<sup>30</sup> Melai melai azi Aposol yeñön Jisösgören kaba tokoba yuai memba ambazip kusum enjigeri, miangö kösohotñi pakpak jiget mörök.

<sup>31</sup> Jiget möriga ambazip totñöñ totñöñ qösösök kaba anda aketka silenini köngañjiiga nene nembangö nalö qahö ahöyök. Miangöra Jisösnöñ gwarekurupñi kewö jii mötket, “Inini mönö kaba gölme kötikñe naninök malbingöra anda borom kun luhut meme.”

<sup>32</sup> Mewö jiiga enjömosöta wanjenöñ öngöba gölme kötikñi kungen nanñinök malbingöra anget.

<sup>33</sup> Angetka ambazipñöñ mi eka gwötpukñan miangö buzupñi möta taon aka miri dop miengörenök gölme köna kinjingöba mutuk anda miangören angotket.

<sup>34</sup> \*Angotketka Jisösnöñ wanjenöhök eta ambazip kambu ketañi engehiga lama galömñini qahö tandök ilingösöñ lan malgetka yeñgöra wösöñi mörök. Wösöñi möta könahiba Buña keu könañi könañi kusum enjiyök. Mewö.

*Jisösnöñ azi 5000 nene gumohom enjiyök.*

<sup>35</sup> Mewö aka maliga miri jeñan teköba gemangö ahiga gwarekurupñan Jisösgören kaba kewö jiget, “Böhi! Nini gölme kötikñi kiangören malinga miri lök söñaumangö akza.

<sup>36</sup> Miangöra gi ölop ambazip ki melaim enjinönga miri aka koum dowe dowe tat anjei, miangören anda numbu nenenini söngöröñi memba neget.

<sup>37</sup> Mewö jigetmö, kewö melenja jii mötket, “Enöñ mönö nanñinak i nene gumohom enjime.” Mewö jiiga jiget, “Neñön mönö denöwö akinto? Nup meme nalö 200:kö töwanji (Kina 1000,-) ahöza. Moneñ mia memba anda nene beret söngöröñi memba gumohom enjibingöra jizan me?”

<sup>38</sup> Mewö qesim wanjigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeañda jiget, “Beret 5 aka söra yahöt mia memba maljin.”

<sup>39</sup> Mewö jigetka Jisösnöñ ambazip kambu kewö jim kutum enjiyök, “Ambazip pakpak, inini mönö denja nene nembangö kambu morömorö tokoba luplup görökñe geba tatket.”

<sup>40</sup> Mewö jim kutum enjiiga kambuñi kambuñi dowe dowe denja tatket. Kirip tosatñi 100 aka tosatñi 50 mewö mewö tokoba tat anget.

<sup>41</sup> Tat angetka beret 5 aka söra yahöt mi memba Suepnöñ ui öngöiga kötuetköba beret mindipköba gwarekurupñi enjiiga ambazip kirip dop mendenja sutñine alget. Söra yahöt mi mewöyöhök kambu pakpak yeñgöra mendenök.

<sup>42</sup> Mendenjiga ambazip körekmakörek nembra nem timbireñ aket.

\* 6:34: Jan 27.17; 1 Kin 22.17; 2 Hist 18.16; Eze 34.5; Mat 9.36

<sup>43</sup> Nem timbireŋ aka nene kitipŋi kitipŋi mosötkeri, mi gwarek yeŋön qezakögetka sakap 12 mianğöreŋ geba kokolak qeyök. Mewöyök söra kitipŋi mi mem kiripköget. Mewö.

<sup>44</sup> Azi beret negeri, yeŋgö jaŋğöŋini mi 5000.

*Jisösnöŋ o aŋğö qakŋe tiba tiba anök.*

*Mat 14.22-33; Jon 6.15-21*

<sup>45</sup> Neget teköiga Jisösnöŋ mianğöreŋök gwarekurupŋi jim kutum eŋgiba kewö jiyök, “Inini mönö waŋgenöŋ öŋğöba qeljiŋe o aŋğö kutuba likepŋe Betsaida mire anme. Nöŋön ölop nalö sutŋe ambazip kambu ki melaim eŋgibagun kamam.”

<sup>46</sup> Mewö jiba yaizökzök jim eŋgiba eŋgubula kundunje öŋğöba köuluköyök.

<sup>47</sup> Köuluköba mali mare ahiga nanŋik kötikŋi kundunje maliga waŋgenjanan aŋğö bibiŋe anök.

<sup>48</sup> Ani lökuatnöŋ qeba qem bibihiba naŋğöget aniga luhutnöŋ angeraŋğöreŋök gila kai lömböriiga bömbömgöget. Miri awöraŋğöiga (3-6 kilok) mianğöreŋ Jisösnöŋ mewö eŋgeka o aŋğö qakŋe tiba tiba gwarekurupŋi yeŋğöreŋ Kaba eŋgoŋgitmamgö ahök.

<sup>49</sup> O aŋğö qakŋe tiba tiba kaiga eka “Köwet Soŋgoriŋnöŋ kaza!” jiba könahiba qeta silatket.

<sup>50</sup> Qeta silata körek i eka keŋğötporiŋ aketmö, Jisösnöŋ mianğöreŋök keukeu jiba kewö jii mötket,

“Alaurupni! Mönö ewebibiŋinambuk saitŋgit malme. Nanak kazal. Keŋğötŋini kude mötme.”

<sup>51</sup> Mewö jiba yeŋğöreŋ waŋgenöŋ öŋğöiga luhutnöŋ nöŋ qeba göröŋ alök. Göröŋ aliga jönömŋini undui önöŋi qahö aurugget.

<sup>52</sup> Mutuk beret mem sehiba gumohom eŋgiyöhi, mianğö könaŋi qahö möt asarigetmö, uruŋinan gwözöŋniga tok auruba tatket. Mewö.

*Jisösnöŋ Genesaret mala mem ölölowak nup meyök.*

*Mat 14.34-36*

<sup>53</sup> O aŋğö kutuba likepŋe Genesaret mire aŋgota waŋge mosöta saknöŋ geget.

<sup>54</sup> Waŋge mosöta Saknöŋ gegetka ambazipnöŋ Jisös mianğöreŋök möt kutum waŋgiget.

<sup>55</sup> Möt kutum waŋgiba keu algetka kiŋkiŋğöba mindimindiri sel gölmeŋine miri dop liliköget. Lilikögetka möta könahiba kawöl ambazip kululunöŋ aŋgum eŋgiba Jisösnöŋ miri denike malöhaŋğö dop eŋguaŋgita kaget.

<sup>56</sup> Miri dop, taon, miri me koum kungö uruŋe anöhaŋğö dop kawöl ambazip eŋguaŋgita sombemŋine al eŋgiget. Al eŋgiba silene me Jisös malukuŋaŋğö suŋe misiribingö ulet waŋgiba malget. Misirigeri, körek yeŋön mönö ölöwak teköget. Mewö.

## 7

*Ambösakon yeŋön keu kusum sohoget.*

*Mat 15.1-9*

<sup>1</sup> Köna keugö kapaŋkölköl aka mianğö böhi tosatŋi Jerusalem sitinöhök kageri, yeŋön Jisösgöreŋ kaba tokoget.

<sup>2</sup> Nalö mianğöreŋ Jisösgö gwarekurup tosatŋan böröŋini kude saŋgoŋda dom amöt qahö qeba nene negetka eŋgeka uruŋini böliyök.

<sup>3</sup> Farisi (Köna keugö kapaŋkölköl) aka Juda ambazip tosatŋi pakpak yeŋön ambösakon yeŋö silikŋini wuatanağöba malget. Mianğöra böröŋini mutuk saŋgoŋ soroköbagun nene nemalget.

<sup>4</sup> Mewöyök nupnöhök me maketnöhök kamei, mutuk o utuba arim töŋjöratagun nene misirimalget. Mewöyök kiwi qambi, közökimbut aka jout pakpak mi saŋgoŋda amöt qemalget. Silik mewöŋi mewöŋi mi gwötpuk wuatanağöba malget.

<sup>5</sup> Mianğöra Köna keugö kapankölköl aka mianğö böhi yeñon Jisös kewö qesim wangiget, “Göhö gwarekurupkan wuanöngöra ambösakoninanğö silikñini qahö wu-atanğöba böröñini domamöt qahö qeba töndup nene neze.”

<sup>6</sup>\* Mewö qesim wangigetka kewö jii mötket, “O urumelenğö silesile ambazip, kezapqetok azi Aisaianöñ mönö enğö könañamñini törörök indela Buzup Kimbi kun kewö ohoi ahöza,

‘Ambazip kambu kianñon mönö numbu jitñinan ölöpñanök göda qem niñgimakzemö, uruñinan nönöñgan ak niñgiba kungen algetka köröwen ahöza.

<sup>7</sup> Mewö ahöiga nöngö waikni öne töhön memba möpöseim niñgimakze.

Köna keu kusum enğibin, jiba salupñe ambazip yeñğö jimkutukutuñini mi numbu oalakze.’

<sup>8</sup> Aisaianöñ mewö ohoyök. Injini mönö mianğö dop Anutugöreñ jöjöpañ keu andö qeba ambösakonñinanğö silikñi wuatangömakze. Mi qahö dop kölja.”

<sup>9</sup> Mewö jiba kewö jiyök, “Nanñini silikñini walñi wuatangöbingöra mönö ölöpñanök Anutugöreñ jöjöpañ keu qeapkömakze.

<sup>10</sup>\* Mianğö keuñi kun kewö: Mosesnöñ kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’

<sup>11</sup> Mewö jim kutuyökmö, injini keu mi onğita kewö jimakze, ‘Kunñan iwinamñi yetköra kewö jima. Wösöni mötzal. Nöngö nanğönanğö yuaini buña qem angubahorak, mi lök Anutugö danğe tahaya albi ahöza. Mi saiwap naluköra kewöta albi ahöza.

<sup>12</sup> Kunñan mewö jiiga dop kölma.’ Mewö jiba jöhöm wangigetka iwinamñi yetköra baukbauk kun qahö toroqeba etkimakña. Mi qahö dop kölja.

<sup>13</sup> Yei! Mewö aka nanñini ahakmemenñinanğö silikñini jim kutuba mianñon Anutugöreñ jöjöpañ keu utala omani aka pömsöm qemakza. Injini yuai mewöñi gwötpuk ahakze.” Mewö melen enğiyök. Mewö.

### *Azi uru mi denöwö tölohoba lantiza?*

#### *Mat 15.10-20*

<sup>14</sup> Jisösnöñ ambazip kambu kunbuk enğoholi kagetka kewö jii mötket, “Injini mönö körek keu ki kezap ala möt asarime.

<sup>15</sup> Azi yaigepñeyök yuai uruñe gemakzawi, mianñon mönö tölohom wangimamgö osimakzadmö, nanñi urukönömñeyök keu kota erakzawi, mianñon mönö tölohom wangimakza.

<sup>16</sup> Kunñan kezapñambuk malja ewö, yañon mönö keu ki kezap ala möt kutuma.” Mewö.

<sup>17</sup> Jisösnöñ mewö jiba ambazip kambu enğömosöta anda miri kunöñ öngöyök. Öngöba tariga gwarekurupñan dopkeu mianğö könañanğöra qesiget.

<sup>18</sup> Qesigetka kewö jii mötket, “O alaurupni, injini mewöyök mötmötñini ölöpñi qahö akze me? Nene yuai azi yaigepñeyök uruñe gemakzawi, mi tölohom wangimamgö osimakza. Mi möt kutuze me qahö?”

<sup>19</sup> Mi urukönömñe qahö gemakzadmö, kömgokñe geba yaigep erakza.” Jisösnöñ keu mewö jiba mianñon “Numbu nene pakpak mem sarahim teköyök.”

<sup>20</sup> Jisösnöñ toroqeba kewö jiyök, “Azi urukönömñeyök keu kota erakzawi, mianñon mönö tölohom wangimakza.

<sup>21</sup> Ambazip uru könömñineyök yuai kewöñi asuha korakza: Keu bölöñi mötmöriba serowilin akingö mörakze. Yongorö memba suña jinañ memba ambazip enğuget kömumegö mörakze.

<sup>22</sup> Qesabulum akingö mörakze. Membagu membingö nepaqepalok köpösöngömakze. Bidañda gatmisimisi, jiliwitiñ aka isimkakalek akingö mörakze. Lösö jiba urupik akingö

\* 7:6: Ais 29.13 \* 7:10: Eks 20.12; 21.17; Lew 20.9; Dut 5.16



mörakze. Kezapjupjup aka körögisigisi akingö mörakze. Söngöröqök mala andöqege keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze.

<sup>23</sup> Yuai bölöñi pakpak mianjön mönö ambazip uru könömñineyök kota ambazip tölohom enjimakza.” Mewö.

*Kenan ambi kunjan kapan köla köuluköyök.*

*Mat 15.21-28*

<sup>24</sup> Jisösnöñ wahöta Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. Anda miri kunöñ öngöba buzupñi kunjan mötpapuköra numbuñini muhungöyökmö, töndup tölapñe malmamgö osiyök.

<sup>25</sup> Osiiga miangöreñök ambi kun böratñi moröñan ömerñambuk maliga Jisösgö buzupñi möta yañgöreñ kaba könañe geba simin kölök.

<sup>26</sup> Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yañön böratñangö uruñeyök öme közölmakpöra ulet wañgiyök.

<sup>27</sup> Ulet wañgiiga kewö jii mörök, “Juda nini mutuk nanine nahönböraturupñini gumohom engiinga bikñi enigma. Miangöra morö yeñgö miriñineyök beret memba kiam engiinga qahö dop kölbapuk. Juda nini kianurup enjö qetñini kiam qerakzin. Nöñön mutuk Juda ambazip bauköm enjigiba kantri tosatñi enjön mönö kiamgö dop mamböta malme.”

<sup>28</sup> Mewö jii möta kewö melenñök, “Kembu, mi ölop mötzalmö, kiam moröñi yeñön mönö mewöyök morö yeñgöreñ nene boromñi tebol bapñe eriga nemakze.”

<sup>29</sup> Mewö melenñiga Jisösnöñ kewö jii mörök, “Keu mewö jizanañgöra ölop möt gihizal. Öme mianjön mönö döлки böratki mosöta anja. Miangöra ölop anman.”

<sup>30</sup> Mewö jii möta miriñe ani ömenöñ böratñi mosöriga dumñe ahöiga ehök. Mewö.

*Jisösnöñ azi kun möhamgöyök.*

<sup>31</sup> Jisösnöñ kunbuk Taiö siti gölme mosöta Saidon sitinöñ anda ongita mösököba Tentaon gölmegö bibiñi ongita Galiligö o angö kösutñe kayök.

<sup>32</sup> Kaiga kezapduhup azi kun keuñi qahöwaktapköra ahöhi, mi wañgita Jisösgöreñ kaget. Kaba böroñi nöroñe almapköra qesim wañgiget.

<sup>33</sup> Qesim wañgigetka azi mi wañgita ambazip kambu mosöta kungen anohot. Anda Jisösnöñ böro suapñi kezapñe ala kinda kunbuk nanñi böro suapñe söutköba nesilamñe misiriyök.

<sup>34</sup> Misiriba suepnöñ ui öngöiga osongombuk köuluköba nanñe keunöñ “Efata,” nanine keunöñ Tohonöñ! mewö jiyök.

<sup>35</sup> Mewö jiiga kezapyahötñan tohoyohotka nesilamñan lolohoiga keuñi ölopñanök jiyök.

<sup>36</sup> Jiiga Jisösnöñ miangö buzupñi ambazip jiget mötpepuköra qetal enjyök. Qetal enjiba kapan köliga yeñön mi kapan köla jim sehiba malget.

<sup>37</sup> Jim sehiba malgetka ambazipnöñ kamböñda welipköba kewö jiget, “Yuai pakpak ölopñanök ahakza. Kezapduhup kezapñini metohoiga mötketka ambazip mötökñi yeñgö nesilamñini pösariga keu jimakze.” Mewö.

## 8

*Jisösnöñ ambazip 4000 nene gumohom enjyök.*

*Mat 15.32-39*

<sup>1</sup> Nalö miangöreñ ambazip kambu ketanjan dumñe kunbuk tokoget. Neneñini qahö malgerañgöra Jisösnöñ gwarekurupñi engehöli yañgöreñ kagetka kewö jii mötket,

<sup>2</sup> “Nöñön ambazip kambu kiengöra wösöni mötzal. Yeñön nöngöreñ kaba wehön karöbut lök mala kotketka neneñini qahöwahiga ekzal.



<sup>3</sup> Yengörenök tosatñan köröwenök kaba malgetka nöñön 'Ölöp miriñine anme,' jibi nene qahö negetka öne melaim engibiga könanöñ anda mala kambañe jeñini gili tirinbirin akepek."

<sup>4</sup> Mewö jiiga gwarekurupñan melenña kewö jiget mörök. "Gölme qararañkölkölñe kiangören kunñan mönö denikeyöhök numbu nene mewöñi mi mönö miwikñaiba kambu ki gumohom engibawak?"

<sup>5</sup> Mewö möta kewö qesim engiyök, "Engören beret dawik ahöza?" Qesim enjiiga "Beret 7 ahöza," jiget.

<sup>6</sup> Jigetka Jisösnöñ ambazip kambu mi gölmenöñ geba tatmegöra jim kutum enjiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi engiba ambazip kambu dop sutñine almegöra jiyök. Mewö jiiga miangö dop alget.

<sup>7</sup> Yengören söra morömorö tosatñi mewöyök ahöyök. Mi tok memba kötueta köba ambazip kambu dop sutñine toto qem engimegöra jim kutuyök.

<sup>8</sup> Jim kutuiga engiget nemba nem timbirengöget. Nem timbirengöba nene kitipñi mosötket geyöhi, mi sakap 7 miangören qezakögetka numbuñe qeyök.

<sup>9</sup> Azi nene negeri, yengö jañgöñi mi 4000. Negetka melaim enjiiga miriñine anget. Mewö.

*Böhi tosatñan angöletot ekingöra kapañ kölget.*

*Mat 16.1-4*

<sup>10</sup> Angetka miangörenök gwarekurupñi yembuk wañgenöñ öngöba distrik qetñi Dalmanuta miangören anget.

<sup>11</sup> \*Farisi (Köna keugö kapañkölköl) tosatñan miangören kaba Jisösbuk könahiba jitanakölik aket. Keu bötaknöñ örömapköra esapköm wañgiba kewö kapañ köla qesiget, "Mönö jinöñga Suepnöhök angöletot kun asuhuiga ekin."

<sup>12</sup> \*Mewö jigetka uruñan lömböriiga osongombok qeiga jiyök, "O ambazip nalö kewöñe gölmenöñ maljei, inini mönö wuanöngöra Anutugö aiwesök asuhumapköra kapañ kölakze? Nöñön keu ölni kun kewö jibi mötme: Anutunöñ aiwesök mewöñi mi qahö memba kondel engima. Ombañ saumbañ!"

<sup>13</sup> Mewö jiba engömosöta kunbuk gwarekurupñi yembuk wañgenöñ öngöba angö kutuba likepñe angotket. Mewö.

*Farisi aka Herod yehön wösökömbuk ewö akze.*

*Mat 16.5-12*

<sup>14</sup> Miangören angota semön membingö ölum enjiiga beret mohot-töp mia wañgenöñ memba tatket.

<sup>15</sup> \*Tatketka Jisösnöñ kewö jim kutum engiyök, "Inini Köna keugö kapañkölköl (Farisi) yengö wösökömbukñini aka Herodkö gipmi kakñi mietköra mönö galömñini meme. Mi ölpñañök qahö kewöta andö qegetka mietköñ mönö yist ewö qariba mem bölim engimahot."

<sup>16</sup> Jiiga keu pasetñi mi qahö möt asariba sutñine kewö eraum mötket. "Beretnini qahöpköra jiza me denöwö?"

<sup>17</sup> Mi eraum mötket kezapñe geiga kewö jii mötket, "Wuanöngöra beretnini qahö jiba eraum mötze? Nöngö könañamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me?"

<sup>18</sup> \*Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enguza me qahö?"

<sup>19</sup> Nöñön beret 5 mi 5000 yengöra mindipköbiga miangö kitipñi qezakögetka könde dawiknöñ geba numbuñine qeyök?" Qesim enjiiga "Könde 12," jiget.

\* 8:11: Mat 12.38; Luk 11.16    \* 8:12: Mat 12.39; Luk 11.29    \* 8:15: Luk 12.1    \* 8:18: Jer 5.21; Eze 12.2; Mak 4.12

<sup>20</sup> Jigetka toroqeyök, “Nöhön beret 7 mi 4000 yeŋgöra mindipköbiga miangö kitipni qezakögetka sakap dawiknöh geba kokolak qeyök?” Qesim enjiiga sakap 7 jiget.”

<sup>21</sup> Jigetka jii mötket, “Miangöra könaŋamni mi mönö tok qahö möt asarize me?” Mewö

*Jegömöl azi kun jeŋi metohoyök.*

<sup>22</sup> Jisösnöh gwarekurupni yembuk Betsaida taonöh kaget. Miangören kaba jegömöl azi kun waŋgita Jisösgören kaŋgota böröŋan misirimapkö köuluköm waŋgiget.

<sup>23</sup> Köuluköm waŋgigetka jegömöl azi mi böröŋe memba waŋgita miri yaigepŋe anohot. Anda söutnezit jeŋe ala böröŋi nöropŋe ala qesim waŋgiyök, “Yuai kun ekzan me qahö?”

<sup>24</sup> Qesim waŋgiiga jeŋi ui öngöiga jiyök, “Ambazip engekzalmö, mi ip tandöktandök aketka imutimutŋanök engekiga anda kaba kinje.”

<sup>25</sup> Mewö jiiga kunbuk böröŋan jeyahötŋi misiriiga tohoyohotka törörök uiga asarim sölölöngöiga yuai pakpak ölöpŋanök ek teköyök.

<sup>26</sup> Ek teköiga melaim waŋgiba kewö jii mörök, “Gi miri kungen kude anmanmö, diŋdiŋanök nangi mirige anman.” Mewö.

*Pitönöh Jisösgö könaŋi jim miwikŋaiyök.*

*Mat 16.13-20; Luk 9.18-21*

<sup>27</sup> Jisösnöh Betsaida mosöta gwarekurupni yembuk Sisarea Filipai taongö kösutŋe anget. Könanöh anda gwarekurupni kewö qesim enjiyök, “Ambazipnöh nöngöra denöwö jimakze? Ni ninia akzal?”

<sup>28</sup> \*Jiiga melenäda kewö jiget, “Tosatŋan ‘Gi Jon O-melun azia akzan,’ jimakzemö, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi kezapqetok azi walŋi yeŋgörenök kun akzan.’

<sup>29</sup> \*Mewö jigetka kewö qesim enjiyök, “Aka nanŋinak nöngöra denöwö jize? Ni ninia akzal?” Qesim enjiiga Pitönöh kewö melenök,

“Gi Anutugören Amötqeqe Tonji Kraist akzan.”

<sup>30</sup> Mewö jiiga könaŋi aukŋe jiget kunŋan mötpapuköra soŋgo köhöikŋi al enjiyök.

*Jisösnöh kömumangö keuŋi jiyök.*

*Mat 16.21-28; Luk 9.22-27*

<sup>31</sup> Jisösnöh gwarekurupni könahiba kewö kusum enjiyök, “Suep gölmegö azi ölnan mönö sihimbölö gwötpuk mötma. Kantrigö jitŋememe, jike nup galöm aka Köna keugö böhi yeŋön mönö andö qeba qegetka kömuma. Kömui wehön karöbut teköiga kömupnöhök wahötma.”

<sup>32</sup> Jisösnöh keu mi qahö köyatiba aukŋe jiiga Pitönöh miangörenök öröm waŋgiba göräŋe anda könahiba qetal waŋgiyök.

<sup>33</sup> Qetal waŋgiiga lilingöba gwarekurupni uba engeka Pitö qetala kewö jim waŋgiyök, “Gi keu mötmörizani, mi Anutugören keuya qahöpmö, gölme ambazip aka Satangö sihima. Miangöra Satan, gi mönö dölkö nöngö jemesoholneyök kesalnöh.” Mewö.

*Kraist wuatangöbingö söngöröŋi.*

<sup>34</sup> \*Jisösnöh ambazip kambu aka gwarekurupni engehöli kagetka keu kewö jii mötket, “Kunŋan nöngö andöne kamangö mötzawi, yaŋön mönö nanŋi urusilenangö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöh kömumawangö dop mökösoŋda ni nuatangöba kama.

<sup>35</sup> \*Kunŋan malmalŋi nanŋangöra anŋön köla nanŋi imbi-imbi maljawu, yaŋön mönö malmalŋi ölni jöhöi sohoma. Sohomapmö, kunöh gölmegö malmalŋi mi ni aka nöngö Ölöwak Buŋanaŋgöra aka kölenäda tököm niŋgimawi, yaŋön mönö malmal ölnangö könaŋi miwikŋaiba köhöiba malma.

\* 8:28: Mak 6.14-15; Luk 9.7-8 \* 8:29: Jon 6.68-69 \* 8:34: Mat 10.38; Luk 14.27 \* 8:35: Mat 10.39; Luk 17.33; Jon 12.25

<sup>36</sup> Kunjan gölmeni gölmeni mienjö öröyuaini pakpak köl öröi buñani an teköiga uruñangö malmalni mem sohoba silebile mala kömuiga Anutunöñ keuñi jim teköiga unañan ayuhuiga qahö dop kölma. Sukinapñi mianñon mönö urusösöngai qahö ak wangima. Qahöpmahöp!

<sup>37</sup> Körek neñon mönö bohonini jöhöbingö osibin.

<sup>38</sup> Ambazip kambuñi kambuñi nalö kewöñe gölmenöñ qesabulum aka singisöndok tosatñi aka malakze. Kunjan yenjö sutñine nöñgö qetni aka Buña keuni memba et aljawi, mi Suep gölmegö azi ölñan mewöyök ehöröñ kölma. Yanñon könangep Suep garata töröñi yembuk ki etketka Iwiñangö asakmarararñi eka aurugetka yanñon azi me ambi mewöñi mönö ehöröñ köl wangima.” Mewö.

## 9

<sup>1</sup> Mewö jiba kewö jii mötket, “Nöñon keu ölñi kun kewö jibi mötme: Kiangöreñ kinjei, engö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tinjiriga ekñe.” Mewö.

*Jisösgö sileñe letotqetot ahök.*

*Mat 17.1-13; Luk 9.28-36*

<sup>2</sup> \*Wehön 6 teköiga Jisösnöñ Pitö, Jeims aka Jon enñuanñgita ambazip engömosöta nanñinök kundunñi köröpñi kunöñ öngöba kötikñe malget. Mianñgöreñ malgetka jemeso-holñine kiniga Jisösgö sile tandökñan letota murutñi ahök.

<sup>3</sup> Malukuñan tuat lalamñi asakmarararñambuk ahök. Gölmeneñ opo tuatñi saipeneñ (omo bliz) sanñonmakzei, mönö mi onñgita tuariyök.

<sup>4</sup> Mewö aiga Elaija aka Moses yetkön asuhum enñgiba Jisösbuk keukeu jiget.

<sup>5</sup> Jigetka Pitönöñ könahiba keu jiba Jisösgöra kewö jiyök, “Ketanamnini! Neñon kiangöreñ uruölöwak mötzin. Mianñgöra neñon ölöp koum karöbut qebin: Göhö kun, Mosesgö kun aka Elaijagö kun.”

<sup>6</sup> Gwarek yenñon jönömñini gwötpuk unduiga Pitönöñ “Denöwö jimam,” jiba keu jaruyök.

<sup>7</sup> \*Keu jaruba kiniga ununñunñ tuat lalamñi asakmarararñambuk kunöñ eta aumñan esuhum enñgiiga mianñgö uruñeyök qet kun kewö eriga mötket, “Azi ki nani wölböt nahöna akza. Mönö yanñgö keuñi möta malme.”

<sup>8</sup> Keu mi möta könöpuk lilingöm purik um jaruba tosatñi kunbuk qahö etkeketka Jisösnöñ nanñök yembuk kinök. Mewö.

*Jon O-melun azi mi Elaijagö salupñi akza.*

<sup>9</sup> Kundunñeyök etketka Jisösnöñ sörokñi mianñgöreñ kewö jim kutum enñgiyök, “Inñini yuai ekzei, mianñgö buzupñi mi mönö ambazip kun kude jiget mötme. Suep gölmegö azi ölñan kömupnöñhök wahöriñgä mianñgö andöñe mi ölöp jim asariba malme.”

<sup>10</sup> Mewö jim kutum enñgiiga gwarekurupñi karöbut yenñon keu mi uruñine angön köla “kömupnöñhök wahötwahötkö” könani mi nanñini qesim anguba eraum mötket.

<sup>11</sup> \*Eraum möta Jisös kewö qesim wangiget, “Köna keugö böhi yenñon mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

<sup>12</sup> Qesim wangigetka melenñda kewö jiyök, “Elaijanöñ mutuk eta asuhuba malmal pakpak möhangöma. Keu mi ölña akzapmö, keu kun ki mönö wuanöñgöra ohoget ahöza: Suep gölmegö azi ölñan mönö sihimbölö gwötpuk möriñgä jijiwilit ak wangime.”

<sup>13</sup> Keu yahöt mi ahözahotmö, nöñon kewö jibi mötme: Elaijanöñ lök eta asuhuyökmö, yanñgöra Buña keu ohoget ahözawañgö dop ambazipnöñ i nanñini sihimñini wuatangöba lanñ ak wangiget.” Mewö.

\* 9:2: 2 Pitö 1.17-18 \* 9:7: Mat 3.17; Mak 1.11; Luk 3.22 \* 9:11: Mal 4.5; Mat 11.14

*Jisösnöñ öme wuatangöi morönöñ ölöwahök.*

*Mat 17.14-21; Luk 9.37-43*

<sup>14</sup> Jisös aka gwarek karöbut yeñön kunduneyök eta gwarekurupni tosatni yeñgören kaba yuai kewö eket: Köna keugö böhi tosatnan kinda yembuk jitnakölik aka goranora keu jigetka ambazip jesöngöñan liliköba engeka kinget.

<sup>15</sup> Mewö kinda ambazip kambu pakpak yeñön Jisös eka miangörenök auruba kinjingöba kösutne anda jölöñi jiget.

<sup>16</sup> Jölöñi jigetka kewö qesim engiyök, “Inini wanatköra yembuk jitnakölik aka goranora keu jize?”

<sup>17</sup> Qesim engiiga kambuneyök azi kunöñ melenäda kewö jii mörök, “Böhi! Nöngö nahöni ömenöñ numbuñi muhungöba töñöt mem wanğiiga wanğita göhöreñ kazal.

<sup>18</sup> Mi miangören me miangören memba mendawöla öröm giliga eta qeba numbuñeyök qölgöl söutsöt eriga irimni yöhözömgöba silenän sölöpkömakza. Mewö ahiga kaba göhö gwarekurupki ulet enğiba öme mi wuatangömegö jizalmö, yeñön osize.”

<sup>19</sup> Mewö jiiga melen wanğiba jiyök, “Gölmegö yanğiseñ ambazip yei! Mönö nalö dawik embuk mala qatön enğubiga Anutu qahö möt narigetka sihimbölo mötmam. I mönö wanğita nöngören kaget.

<sup>20</sup> Mewö jiiga wanğita yanğören kaget. Kagetka ömenöñ Jisös eka miangörenök morö utuköba urepköm wanğiiga wölöhariba tala gölmenöñ qeba pöranpöran mitiba semben auba ahöiga numbuñeyök qölgöl söutsöt kota erök.

<sup>21</sup> Jisösnöñ mi eka iwiñi kewö qesim wanğiyök, “Nalö dawikö dop yuai ki lök asuhum wanğiiga kotza?” Qesim wanğiiga jiyök, “Mi lök morörökneyök asuhum wanğiyök.

<sup>22</sup> Mi mem bölim wanğimangöra nalö tosatne könöpnöñ, nalö tosatne onöñ metal wanğiiga nalö gwötpuk geba qebayök kinahakza. Mewömö, miangö kukösumni kun göhöreñ ahöza ewö, mönö ak kömumba bauköm netkiman.”

<sup>23</sup> Mewö jiiga jiyök, “‘Kukösumni göhöreñ ahöza ewö,’ jizan. Anutugö kukösumnan mönö yuai kungöra qahö qakömakza. Anutu möt narizawanöñ mönö yuai pakpak ölop ahakña.”

<sup>24</sup> Mewö jiiga iwiñan miangörenök qeta jiyök, “Anutu möt narizalmö, mötnaripnan lölöwöröñi akza. Mötnaripni mönö mem köhöiman.”

<sup>25</sup> Jiiga ambazip jesöngöñan ösumñinan kaba kingetka eka miangöra öme mi kewö jim wanğiyök, “Gi töñöt aka kezapduhupkö ömenji, nöñön jim kutum gihizal: Gi mönö azi ki mosöta kota anda kunbuk kude lilingöba kaman.”

<sup>26</sup> Jim wanğiiga qeta silata morö mi utuköba könöpköm urepköm wanğii wölöhariiga utala kota anök. Kota aniga qeba qamöt tandök aka ahöiga gwötpukñan mi eka “Wösöñi alja!” jiget.

<sup>27</sup> Mewö jigetmö, Jisösnöñ böröñe memba köbibiiga wahöta kinök.

<sup>28</sup> Mewö kiniga Jisösnöñ miri uruñe öngöiga gwarekurupñan nanñinök tata kewö qesim wanğiget, “Neñön mönö wuanöngöra mi naninök wuatangöbingö osizin?”

<sup>29</sup> Qesim wanğigetka kewö jii mötket, “Öme tandökñi mewöñi mi mönö köuluköba nene sinji mala wuatangöbin. Yuai murutni kun ahinga qahö kota anma.” Mewö.

*Jisösnöñ kömumangö Buñani jiiga yahöt ahök.*

*Mat 17.22-23; Luk 9.43b-45*

<sup>30</sup> Jisösnöñ gwarekurupni yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök.

<sup>31</sup> Mia tököba gwarekurupni kusum enğimangöra ölöñ anget. Könanöñ anda keu köñi kewö jii mötket, “Anutunöñ Suep gölmegö azi ölni mi gölme ambazip yeñgö böröñine al wanğii gema. Geiga i qegetka kömuma. I qeget kömui wehön karöbut teköiga miangören mönö kömupnöhök wahötma.”



<sup>32</sup> Keu kötñi mewö jii mötketmö, mi qahö möt kutuget aka könanji denöwö, mi qesibingö kölköldömdöm aket. Mewö.

*Gwarek sutñine danön mutukñi akza?*

*Mat 18.1-5; Luk 9.46-48*

<sup>33</sup> Mewö anda Kaperneam taonöñ kanğotket. Mianğöreñ kanğota nanñi miri uruñe öngöba gwarekurupñi kewö qesim enğiyök, “Inini Könanön kaba wani keuya eraum mötze?”

<sup>34</sup> \*Yeñön könanön kaba ‘Danön öngöñgöñi akza’ mia nanñinök eraum möta kaget. Mianğöra qesim enğiiga keu bök tatket.

<sup>35</sup> \*Keu bök tatketka Jisösnön geba tata gwarekurupñi 12 enğoholi kagetka kewö jii mötket, “Kunñan mutukñi malmamgö mötza ewö, yañön mönö körek enğö nembö bapñine eta qöndökñi aka tosatñi pakpak welen qem enğimakña.”

<sup>36</sup> Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket,

<sup>37</sup> \* “Kunñan namande kewöñi kun nöngö qetne miriñe köl öröba köyan kölmawi, yañön mönö ni köl öröm niñgima. Kunñan mewö ak niñgizawi, yañön niyök qahöpmö, danön melaim niñgiyöhi, mönö i mewöyök köl öröm wañgima.” Mewö.

*Jisösnön gwarekurupñi mindiñgöm enğiyök.*

*Luk 9.49-50*

<sup>38</sup> Jonön Jisös kewö jii mörök, “Böhi! Nini azi kun neñgö andönine qahö kayöhi, yañön göhö qetnön ömewöröme közöl enğiiga ehin. Yañön nembuk qahö liliköba maljawañğöra nini i qetal wañgiin.”

<sup>39</sup> Mewö jiiga Jisösnön jiyök, “I kude qetal wañgime. Kunñan nöngö qetni qeta anğöletot mezawi, yañön mönö mianğö andöñe nöngö andöqeçe keu awamñanök jimamgö osima.

<sup>40</sup> \*Kunñan qahö qetal neñgimakzawi, yañön mönö neñgö areñnön malja. (Mianğöra nöngö alaurupni tosatñi mi kude qetala anğösirip meme.)

<sup>41</sup> \*I mönö nanğöm enğigetka Anutunön töwanini enğima. Kunñan Kraistkö qetñe yañgö buñañi akzeañğöra aka o qambi nemegö enğimawi, Anutunön mönö mianğö töwanji melenđa wañgima. Nöñön keu ölñi kun kewö jibi mötme: Nanğöm enğime, mienön mönö töwa meme.” Mewö.

*Siñgisöndökö kölgrom mönö qetal enğime.*

*Mat 18.6-9; Luk 17.1-2*

<sup>42</sup> Jisösnön keu kewö jiyök, “Morö kewöñi möt narim niñgizei, kunñan yengöreñök kun kölgrom ak wañgiiga siñgisöndök akñawi, azi mianön mönö lömböt öngöñgöñi miwikñaima. Anutunön lömböt mianğö likepñi denöwö wañgiiga dopñe akawak? Kemuñ jamönñiñ jölñe jöhöba köwet röndumnön gilget mulumgöi gebawak, mianön mönö awamñi ahum wañgii tandök akawak.

<sup>43</sup> \*Mianğöra börögan siñgisöndök akñangö kölgrom ak gihima ewö, mönö yandim gilman. Yandim gilagun börötak mala malmal köhöikñi miwikñaiba oyaenköyaen akñanmö, börö yahötpuk mala könanğep könöp sianön gebanbuk. Sia könöpñi mi nalö kunön qahö bököma.

<sup>44</sup> Mianğöreñ ‘Döhöñini enğöhöm pilikuta mala qahö kömume aiga könöpñinan nalö kunön kude bököma.’

<sup>45</sup> Mewöyök könanan siñgisöndök akñangö kölgrom ak gihima ewö, mönö yandim gilman. Yandim gilagun könatohot mala malmal köhöikñi miwikñaiba oyaenköyaen akñanmö, köna yahötpuk malnönğa könöp sianön gil gihigetka gebanbuk.

\* 9:34: Luk 22.24 \* 9:35: Mat 20.26-27; 23.11; Mak 10.43-44; Luk 22.26 \* 9:37: Mat 10.40; Luk 10.16; Jon 13.20

\* 9:40: Mat 12.30; Luk 11.23 \* 9:41: Mat 10.42 \* 9:43: Mat 5.30

<sup>46</sup> Mianğörej ‘Döhönjini enğöhöm pilikuta mala qahö kömume aiga könöpñinan nalö kunöñ kude bököma.’

<sup>47</sup> \*Mewöñanök jegan singisöndok akñangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoññöñ añgota oyaenköyaen akñanmö, je yahötpuk malnönga könöp sianöñ gil gihigetka gebanbuk.

<sup>48</sup> \*Mianğörej ‘Döhönjini enğöhöm pilikuta mala qahö kömume aiga könöpñinan nalö kunöñ kude bököma.’

<sup>49</sup> Könöp sia mianğörej ambazip körek mi howe sihi kölköl ewö könöpñöñ enğohogetka sihimbölöñji mötme.

<sup>50</sup> \*Howe mi ölöñji akzapmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Injini mewöñanök urumohot malmalgö nahömñi mosötpepuk. Mianğöra Suep howeñini mosötpepuköra mönö galömñini memba sutñine luai qem añguba malme.” Mewö.

## 10

*Awanöm añgömosötmosötkö keuñi*

*Mat 19.1-12; Luk 16.18*

<sup>1</sup> Jisösnöñ wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. Kaiga ambazip kambulelembenöñ kunbuk yanğörej tokogetka akmalöhi, mianğö dop kunbuk kusum enğiyök.

<sup>2</sup> Kusum enğiiga Farisi (Köna keugö kapañkölköl) tosatñan yanğörej kaba keugö bötakñöñ örömapkö esapköm wañgiba kewö qesim wañgiget, “Azinöñ anömñi mosötmawi, mewö mianöñ Köna keu onğitma me qahö?”

<sup>3</sup> Qesim wañgigetka melenđa kewö jii mötket, “Mosesnöñ mianğö keuñi denöwö jim kutum enğiiga ahöza?”

<sup>4</sup> \*Mewö jii möta kewö jiget, “Azinöñ añgömosötmosöt papia ohoba anömñi ölöp mosötma. Mosesnöñ mewö jim kutui ahöza.”

<sup>5</sup> Mewö jigetka kewö jim enğiyök, “Yañön mönö uruköhöikñinanğöra aka jimkutukutu mewö ohom enğiyök.

<sup>6</sup> \*Ohom enğiyökmö, Anutunöñ könakönahine yuai pakpak miwikñaiyöhi, nalö mianğörejök ‘Azi aka ambi malmegöra miwikñaim enğiyök.’

<sup>7</sup> \*Mianğöra azinöñ mönö iwinamñi etkömosöta anömñanğörej anda qekötahöiga

<sup>8</sup> yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot.

<sup>9</sup> Anutunöñ azi aka ambi mindirim etkiyöhi, ambazip kunñan mönö i kude menden etkima.”

<sup>10</sup> Jisösnöñ mewö jiba miri uruñe öngöiga gwarekurupñan keu mianğöra kunbuk qesim wañgiget.

<sup>11</sup> \*Qesim wañgigetka kewö jii mötket, “Azi kunöñ anömñi wuatangöba ambi kun memawi, yañön mönö qesabulum sero yonğorö akña.

<sup>12</sup> Mewöyök ambi kunöñ añji wuatangöba azi kun memawi, yañön mönö qesabulum sero yonğorö akña.” Mewö.

*Jisösnöñ nahönbörat kötuatköm enğiyök.*

*Mat 19.13-15; Luk 18.15-17*

<sup>13</sup> Ambazip tosatñan nahönbörat morömorö enğuanğita Jisösnöñ enğömisirimapköra yanğörej kagetmö, gwarek yeñön ambazip mi jim qetal enğiget.

\* **9:47:** Mat 5.29 \* **9:48:** Ais 66.24 \* **9:50:** Mat 5.13; Luk 14.34-35 \* **10:4:** Dut 24.1-4; Mat 5.31 \* **10:6:** Jen 1.27; 5.2 \* **10:7:** Jen 2.24 \* **10:11:** Mat 5.32; 1 Kor 7.10-11

14 Mewö aketmö, Jisösnöñ mi eka uruñi böliiga kewö jii mötket, “Nahönbörat moröñi mönö engömosötketka nöñgöreñ kame. Anutunöñ ambazip mewö mia bemtohoñi buña qem engima. Mianğöra i kude jöhöm engime.

15 \*Nöñön keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem anğumawi, yañön mönö mianğö uruñe anğotmamgö osima.

16 Mewö jiba tambuñe ala dohongöm engiba böröñi nöropñine ala kötuetköm engiyök. Mewö.

*Jisösnöñ azi pomñi kungö qambañ keu jiyök.*

*Mat 19.16-30; Luk 18.18-30*

17 Jisösnöñ könahiba köna anmamgö ahiga azi kunöñ ösumñan yañgöreñ kayök. Kaba wösöñe geba simin köla kewö qesim wañgiyök, “Böhi ölöpnji, nöñön mönö denöwö aka malmal köhöikñanğö buña qem anğubilenak?”

18 Qesim wañgiiga kewö jii mörök, “Nöñgöra ‘Böhi ölöpnji,’ mi wuanöñgöra jizan? Anutu mohotñan ölöpnji akza. Azi kunñan i ewö ölöpnji qahö akza.

19 \*Gi jöjöpañ keu ki möt teközan, ‘Ambazip kun kude qenöñ kömuma. Sero yoñgorö kude akñan. Yoñgorö kude meman. Jitnöñ alal keu kude jiman. Kalöpköba yoñgorö kude meman. Iwinamgi mönö göda qem etkimakñan.’ ”

20 Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

21 Mewö jiiga Jisösnöñ uba eka urukönömñan jöpaköm wañgiba kewö jii mörök, “Mohot kungöra kewö osizan: Gi mönö anda sukinapki pakpak söngöröñi memegöra alnöñ moneñ kaiga ambazip wanapñi engiman. Mewö aknöñga sukinapki ketañi (guli mas-apugi milyön kinagi ewö) ketañi mi Suep mire ahöm gihima. Mewö aka ni nuatangöba kaman.”

22 Jisösnöñ mewö jiyökmö, sukinapñi gwötpuk ahöyöhañgöra aka keu mi möta uruñi bosoleiiga wösöbirik aka jeni asöliiga öne mosöta anök.

23 Mosöta aniga Jisösnöñ ui anda kaiga gwarekurupñi kewö jii mötket, “Yei! Ambazip moneñ inapñinambuk yeñön mönö Anutugö bemtohoñnöñ anğotpingö lömböriba kupuk-kapak akñe.”

24 Mewö jiiga gwarek yeñön mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñön moneñ inapñini möt narimakzei, yeñön mönö Anutugö bemtohoñ uruñe anğotpingö lömböriba kupuk-kapak akñe.

25 Mi kewö jim tuarimam: Sömbup ketañi kamel mi kondi kinimñe ölop qahö anğotma. Mianğö dop ambazip pomñi yeñön Anutugö bemtohoñ uruñe anğotpingö lömböriba qaköme.”

26 Mewö jii möta aurum tililingöba nanñinañgöra kewö jiget, “Opopoñ! Ambazip dañön mönö Suepkö buñaya akawak?”

27 Mewö jigetka Jisösnöñ uba engeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza.” Mewö.

*Jisösgö nup memegö töwanji*

28 Pitönöñ keu mi möta melenđa Jisös kewö jii mörök, “Mötnöñ, neñön mönö yuai pakpak mosöta gi guatangöba kain.”

29 Mi möta Jisösnöñ kewö jiyök, “Nöñön keu ölni kun kewö jibi mötme: Kunñan nöñgö aka Ölöwak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosöriга Anutunöñ mönö mianğö likepñi onğita melen wañgiiga sehima.

\* 10:15: Mat 18.3 \* 10:19: Eks 20.12-16; Dut 5.16-20

<sup>30</sup> Kunjan yuai mi mosöröhi, Anutunöŋ mönö salupŋe mi 100:kö dop toroqeba waŋgiiga nanŋi buŋaya akŋa. Gölmegö malmalnöŋ sesewerowero uruŋe malmapmö, jike miri, darumun, nenbehöt, iwinam, nahönbörat aka nup kisi mi mönö salupŋe ahum waŋgima aka nalö könaŋgepŋe malmal köhöikŋi teteköŋi qahö buŋa qem aŋguma.

<sup>31</sup> \*Mewö asuhumapmö, mutukŋi engörenök gwötpukŋan dagibezupŋi aketka dagibezupŋi yeŋgörenök gwötpukŋan mutukŋi akŋe.” Mewö.

*Kömumamgö keuŋi jiiga karöbut ahök.*

*Mat 20.17-19; Luk 18.31-34*

<sup>32</sup> Jisösnöŋ gwarekurupŋi yembuk Jerusalem sitinöŋ öngöbingöra gölme köna anget. Jisösnöŋ mutuk aniga gwarekurupŋan andöŋe anda welipköget aiga ambazip andöŋine kageri yeŋön mönö keŋgötŋini mötket. Mewö aketka Jisösnöŋ gwarekurupŋi 12 mi kunbuk öröm engiba könahiba kusum engiyök. Yaŋgören yuai asuhumawi, keu mi jim asariba kewö jiyök,

<sup>33</sup> “Mötket, nini Jerusalem öngöbin. Miangören kunjan Suep gölmegö azi ölni mamalolo mem waŋgiiga jike nup galöm aka Köna keugö böhi yeŋö böröŋine gema. Yeŋön kömumapkö keuŋi jim teköba kian gawman yeŋö böröŋine al waŋgime.

<sup>34</sup> Al waŋgigetka mepaiköba söutkölap qeba ihilek wahinambuknöŋ tauköm waŋgime. Tauköm waŋgiba qegetka kömuma. Kömumba wehön karöbut teköiga kömupnöhök wahötma.” Mewö.

*Jeims Jon yetköŋ yuaigöra ulerohot.*

*Mat 20.20-28*

<sup>35</sup> Jisösnöŋ mewö jiiga Jebedigö nahönyahötŋi Jeims aka Jon yetköŋ yaŋgören anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

<sup>36</sup> Jiyohotka qesim etkiyök, “Injiri wani yuai ak etkimangöra mötzahot?”

<sup>37</sup> Qesim etkiiga kewö jiyohot, “Göŋön ölop jim kutunöŋga niri göhö asakmararaŋnöŋ eu öngöba kunöŋ börögi ölnje aka kunjan börögi qaniŋe tata yuai pakpak galöm kölbina.”

<sup>38</sup> \*Mewö jiyohotmö, Jisösnöŋ kewö jii mörohot, “Injiri miangö könaŋi qahö möt yaköba uletzahot. Nöŋön qambi asölnambuk nemami, injiri mi ölop namba sihimbölo mötmahot me qahö? Jöm nöŋgwambuknöŋ melun mem niŋgimei, injiri mi memahot me qahö?”

<sup>39</sup> Jii möta jiyohot, “Mi ölop membit.”

Jiyohotka kewö jii mörohot, “Mi ölnja! Nöŋön qambi asölnambuk nemami, injiri mi mewöŋanök nemahot aiga jöm nöŋgwambuknöŋ melun mem niŋgimei, mianön mönö injiri mewöyök melun mem etkime.

<sup>40</sup> Mem etkimemö, nöŋgö böröni ölnje me qaniŋe daŋön tatmahori, nöŋön keu mi jim kutumamangö dop qahö. Anutunöŋ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

*Galöm ölnjan mönö welenqeqeya akza.*

<sup>41</sup> Jeims Jon yetköŋ mewö ulerohotka alaurupŋi 12 yeŋön mi möta könahiba urubölo aket.

<sup>42</sup> \*Mewö aketmö, Jisösnöŋ engoholi kagetka kewö jii mötket, “Gölmegö kantriŋi kantriŋi miengö jembonŋinan galöm köl engibingö jizei, yeŋön mönö azi kembu tandök ak engimakze. Yeŋö ketaŋamŋinan mönö keu jim kutuba mindiŋgöm engiba kukösumŋini kondelakze. Injini könaŋini mi ölop mötze.

<sup>43</sup> \*Engö sutŋine silik mewö ahöbapukmö, kunjan engö sutŋine ketaŋamŋini akŋamgö mötzawi, yaŋön mönö welen qem engiba malma.

<sup>44</sup> Mewöyök kunjan engö sutŋine mutukŋi malmamgö mötzawi, yaŋön mönö körek engö nembö bapŋine mala welenqeqeŋini omanŋi akŋa.

\* **10:31:** Mat 20.16; Luk 13.30    \* **10:38:** Luk 12.50    \* **10:42:** Luk 22.25, 26    \* **10:43:** Mat 23.11; Mak 9.35; Luk 22.26



<sup>45</sup> Suep gölmegö azi ölnan mönö mewöyök silik mewöñi kondela nanñi welen qem wanğimegöra aka qahö kayök. Qahöpmö, welen qem engiba ambazip sehisehiñi yeñgö sohopñini memangöra aka eta malmalñi kölenđa mosötma.

*Bartimeus jeñi gömöliiga mem ölöwahök.*

*Mat 20.29-34; Luk 18.35-43*

<sup>46</sup> Jisösnöñ gwarekurupñi yembuk Jeriko sitinöñ kaget. Kaba siti mi mosötpingö aketka ambazip kambulelembenöñ enğuatangöba andöñine kaget. Mewö kagetka jegömöl azi qetñi Bartimeus, Timeusgö nahöññi yañön moneñ aka nene wanğimegö ulet engiba köna jitñe tarök.

<sup>47</sup> Tariga “Nazaret-azi Jisösnöñ kaza!” jiget möta könahiba kewö qerök, “Jisös Deiwidkö gwölönarökñi, mönö ak-kömum niñgiman!”

<sup>48</sup> Mewö qeriga gwötpukñan bök tatmapköra qetal wanğigetmö, yañön mönö kapan köla qerök. “Deiwidkö gwölönarökñi, mönö ak-kömum niñginöñ!”

<sup>49</sup> Qeriga Jisösnöñ dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

<sup>50</sup> Mi möta malukuñi qeköba gila pöran wahöta kinda Jisösgöreñ anök.

<sup>51</sup> Aniga kewö qesim wanğiyök, “Alani, nöñön wani yuai ak gihimangöra mötzan?” Mewö qesim wanğiiga jegömöl azinöñ jiyök, “Ketanamni, ni jeni kunbuk umangöra mötzal.”

<sup>52</sup> Mewö jiiga Jisösnöñ kewö jii mörök, “Mötnaripkan mönö mem ölöwak gihiza. Mönö ölöp anman.” Mewö jii möta jeñan miangöreñök tohoiga uba andöñine Jisös wuatangöba anök. Mewö.

## 11

*Jisösgöra köirañ kölgetka Jerusalem öngöyök.*

*Mat 21.1-11; Luk 19.28-40; Jon 12.12-19*

<sup>1</sup> Jisösnöñ gwarekurupñi yembuk Jerusalem siti dopdowiba Betfage aka Betani miri yahöt kösutñire kaba Oil ip kundunje öngöba gwarekyahötñi yahöt melaim etkimangöra aka

<sup>2</sup> kewö jii mörohot, “Miri wösöñire tatzawi, mönö miangöreñ anohot. Anda miangöreñ anğota donki moröñi kösönöñ jöhöget kinjawi, mi miangreñök miwikñaimahot. Donki mi dölökña, azi kunñan qakñe qahö tatatña. Mi mönö pösata memba ki kamahot.

<sup>3</sup> Pösarohotka kunñan ‘Wuanöngöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilañ melenñiga kunbuk ki kama.’

<sup>4</sup> Mewö jiba melaim etkiiga anda donki moröñi miri towokñe miri kungö nanğunje kösönöñ jöhöget kiniga miwikñaiaba pösarohot.

<sup>5</sup> Pösarohotka azi tosatñi miangöreñ kingeri yeñön kewö qesim etkiget, “Hei, wania akitköra donki moröñi pösatzahot?”

<sup>6</sup> Mewö qesim etkigetka Jisösnöñ jiyöhangö dop jiyohot möta “Ölöp memba anmahot,” jiget.

<sup>7</sup> Jigetka memba Jisösgöreñ kayohotka malukuñini qeköba donki moröñangö qakñe algetka öngöba tarök.

<sup>8</sup> Mewö tata aniga ambazip jesöngöñan göda qeba malukuñini qeköba köna namñe tumbulgetka tosatñan gölme köröñe anda ip sinñi mitiba tumbulget.

<sup>9</sup> \*Tumbulgetka ambazip jeñe köl öröba angeri aka andöñe wuatangöba kageri, yeñön kewö jiba qetket, “Hosana, owe owe! Anutu möpöseizin. Kembangö qetñe kamawi, Anutunöñ mönö i kötuetköm wanğima.

\* 11:9: Sum 118.25-26

<sup>10</sup> Kin Deiwidnön kantri tohon kunğuba galöm köl enğiyöhi, nalö mewöñan mönö kunbuk kam neñgiza. O Anutu mönö kantri tohonjini kötuetköman. Hosana! Qetbuñagi möpöseininga euyangören öngöza. Owe Owe!”

<sup>11</sup> Mewö qetketka Jerusalem sitinön öngöba jöwöwöl jikegö tohon uruñe anök. Miangören liliköba yuai pakpak ehi mare ahiga eta gwarekurupñi 12 yembuk jike mosöta Betani mire anda ahöget. Mewö.

*Jisösnön fig ip kun qesuahöiga ululungöyök.*

*Mat 21.18-19*

<sup>12</sup> Ahöba söñanök wahöta gwarekurupñi yembuk Betani miri mosöta angetka Jisösnön nenegö kömuyök.

<sup>13</sup> Nenegö kömumba ui aniga fig ip kun\* sinñambuk kini ehök. Eka “Sinñangö uruñe ölni tari miwikñaiba nembilenak,” jiba fig ipkö könañe anök. Anökmö, ölnangö nalöñan qahö törüyöhañgöra sinñanök kini ehök.

<sup>14</sup> Mewö eka ip mi kewö jim wañgiyök, “Kunñan ölgü kunbuk kude nema.”

Mewö jim wañgiiga keu mi gwarekurupñan mötket. Mewö.

*Jisösnön jöwöwöl jike jim kömbuhiyök.*

*Mat 21.12-17; Luk 19.45-48; Jon 2.13-22*

<sup>15</sup> Anda mala Jerusalem sitinön öngögetka Jisösnön jöwöwöl jikegö tohon uruñe anök. Miangören ambazip engehiga inap bohonñi memegöra algetka söngörönji megeri, mi könahiba közöl enğiiga etket. Moneñ utekutek ambazip yeñgö jakenjini metali anget. Mewöyök kembö bohonñini memegöra algeri, miengö dum tatatñini mi tok tötaliga anget.

<sup>16</sup> Sombem kömbukñi kutuba yuai siriba angotkanğotkö könañi jöhöyök.

<sup>17</sup> \*Mewö aka kusum enğiba kewö jii mötket, “Aisaianön keu kun kewö ohoi ahöza, ‘Nöngö jikenan mönö gölmeñi gölmeñi pakpak yeñgö köulukö miriñina akñapkö qetme.’ Keu mi ahözapmö, inini mi utekögetka kegwek-kahasiliñ yeñgö banjet ewö akza.”

<sup>18</sup> Mewö jii möta ambazip kambu pakpak yeñön miangöra nemböñini teköiga welipköget. Miangöra jike nup galöm aka Köna keugö böhi yeñön mi möta Jisösgöra keñgöñini möta eraum möta kewö jiget, “Mönö denöwö jiinga qegetka kömumbawak?”

<sup>19</sup> Mare ahiga Jisösnön gwarekurupñi yembuk siti mosöta yaigep anda ahöget. Mewö.

*Fig ipnön ululungöiga eket.*

*Mat 21.20-22*

<sup>20</sup> Ahöba söñanök wahöta könanön anda fig ip mi onğitpingö aketka jalönambuk ulungöba kini eket.

<sup>21</sup> Kiniga Pitönön Jisösgören keu mötmöriba kewö jii mörök, “Ketanamni eknön, fig ip qesuahönönji, mi mönö ululungöba kinja.”

<sup>22</sup> Jii möta Jisösnön kewö meleşnök, “Anutugö mötnarip mönö töp memba malme.”

<sup>23</sup> \*Nöñön keu ölni kun kewö jibi mötme, “Kunñan keuñangö ölni ahumapkö uruyahöt qahö aka kundunji kiangö toñangöra kewö jim kutubawak, ‘Mönö kundunji ki qeköba wahöta anda köwetnön alman.’ Mewö jim kutuba Anutu möt nariiga ölni mönö miangö dop ahuma.

<sup>24</sup> Miangöra nöñön kewö jibi mötme: Wani yuaigöra qesiba köulukömei, mi pakpak lök buña qem anğuzin, mewö möt narigetka mönö buñanini akña.

<sup>25</sup> \*Inini kindä Anutu köulukögetka kunñan alañangö pinjitköra urubölö akña ewö, pinjit mi mönö mosötme. Mewö akña ewö, enğö Iwiñini Sup mire maljawañön mönö mewöñanök enğören siñgisöndok mosötma.

\* **11:13:** Fig mi sambu ipkö alañi kun. Mi nupñine kömötketka kötni nahömñinambuk asuhugetka gwötputuk nemakzema.

\* **11:17:** Ais 56.7; Jer 7.11 \* **11:23:** Mat 17.20; 1 Kor 13.2 \* **11:25:** Mat 6.14-15

<sup>26</sup> (Inini tosatni yengörej sinjisöndok qahö mosötme ewö, engö Iwinini Suep mire maljawanön mönö mewöñanök engörej sinjisöndok qahö mosötma.)” Mewö.

*Jitnememe yeñön Jisösgö kukösumñangö qesiget.*

*Mat 21.23-27; Luk 20.1-8*

<sup>27</sup> Jisösnöñ gwarekurupñi yembuk kunbuk Jerusalem sitinöñ öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitnememe tosatni yeñön yangörej kangotket.

<sup>28</sup> Kangota kewö qesim wañgiget, “Gi kiangörej yuai akzani, mi mönö danön jim kutum gihiiga ahakzan? Mi memangö kukösumñi mi danön gihiyök?”

<sup>29</sup> Qesim wañgigetka kewö melenj engiyök, “Nöñön mewöyök keu kun qesim engimam. Mi melenj niñgigetka nöñön mewöyök danön kukösum niñgiiga yuai ki ahakzali, mi jibi mötme.

<sup>30</sup> Jonöñ ambazip o-melun mem engiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

<sup>31</sup> Mewö melenj engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima: Inini mönö wuanöngöra Jon qahö möt narim wañgiget? Mi qahö dop kölja.

<sup>32</sup> Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yengöra kenğötñini möta mi jibingö osiget.

<sup>33</sup> Miangöra “Mi qahö mötzin,” melenget. Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumñi danön niñgiyök, mi qahö jibi mötme.” Mewö.

## 12

*Wain kösö nup galöm bölöñi mienğö dopkeu*

*Mat 21.33-46; Luk 20.9-19*

<sup>1</sup> \*Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketanji kötnöñ meyök. Miangörej waingö ölni ala könanöñ tözöhölget oñan lalanöñ geyök. Wain jout ketanji mi memba wain yongorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatni miwikñaim engiba kewö jiyök, “Mönö nup memba ölnangö bahöñi nanñini memba bahöñi tonji ni niñgime.” Mewö jiba nup mi böröñine ala engömosöta kantri kunöñ anda malök.

<sup>2</sup> Mala mali ölni öliyöhangö nalöñi (yambu 5) töriiga miangörej welenqeqeñi kun melaim wañgiiga galöm yengörej anda wain nup ölnangö bahöñi wañgimeğöra jiyök.

<sup>3</sup> Jiyökmö, galöm yeñön i memba jöhöba kömbinöñ qeba wuatangögetka böröñi börak lilingöyök.

<sup>4</sup> Miangö andöñe welen azi kun melaii yengörej aniga nöropñi qesiñda gamu qem wañgiget.

<sup>5</sup> Miangö andöñe welen azi kun kunbuk melaiiga ani qeget kömuyök. Mewöñanök azi tosatni gwötpuk melaim engiiga tosatni kömbinöñ sepgwörörök enguba tosatni enguget kömuget.

<sup>6</sup> Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wañgime me denöwö?’ Mewö jiba qöndökñi mi nahönña melaiiga yengörej anök.

<sup>7</sup> Anökmö, kaiga eka sutñine kewö jiget, ‘Yañön mönö börösamotñangö tonji akña. Ayop, mönö memba qein kömuiga wain kösö nup kiangön mönö nanine buñanina akña.’

<sup>8</sup> Mewö jiba memba jöhöba qeget kömuiga qamötñi nup yaigepñe gilget geyök.

\* 12:1: Ais 5.1-2

<sup>9</sup>Wain nup toŋan mi möta mönö denöwö akŋa? Yaŋön mönö nanŋak kaba nup galöm mi köndenŋ enŋima aka nup galöm döläkŋi miwikŋaim enŋiba wain kösö nupŋi yeŋgö böröŋine alma.

<sup>10</sup>\*Buŋa Kimbigö keu ki lök oyonŋet me qahö?

‘Miri meme yeŋön köt tandö kun andö qeba öne mosötket taröhi, mianŋön mönö tandö kömbönaŋi ahiga miwikŋaiget. Mianŋön tiŋgiriga mirinöŋ mönö gororonŋöba eta kölma.

<sup>11</sup>Kembunöŋ tandö mi kuŋguiga jeninan ehinga qetbuŋabuk ahiga welipkömakzin.’ ”

<sup>12</sup>Jisösnöŋ mewö jüiga galöm yeŋön keu mianŋö könaŋi möt asariba kewö jiget. “Dopkeu mi mönö neŋgöra jiza.” Mianŋöra i memba jöhöbingö mötketmö, ambazip kambu yeŋgöra keŋgötŋini möta osiba mosöta anget. Mewö.

*Takis alalgö Jisös esapköm waŋgiget.*

*Mat 22.15-22; Luk 20.20-26*

<sup>13</sup>Juda jitŋememe yeŋön Farisi aka premiö Herodkö pati alaurup tosatŋi melaim enŋiba kewö jiget, “Inŋini mönö Jisösgöreŋ anda qesiba keugö bötaknöŋ öröi gwaröhöm waŋgime.” Mewö jigetka Jisösgöreŋ kaget.

<sup>14</sup>Jisösgöreŋ kaba kewö jigetka mörök, “Böhi, göŋön azi ölni akzani, nini mi mötzin. Göŋön ambazip tosatŋi qahö engek soriba tosatŋi qahö qepureim enŋimakzanmö, dop mohotnöŋ kewöt neŋgimakzan. Mianŋöra kuŋgum gihigetka qahö goŋgiba ketanŋi qahö esuhum enŋimakzanmö, Anutugöreŋ köna mi keu ölnaŋö dop kusum neŋgimakzan. Göŋön Anutugöreŋ keu diŋdiŋi mianŋön öngöŋgöŋi eretŋi mohot pakpak jim qindiŋ ak neŋgimakzan. Mianŋöra nini sisa-kiŋgöra takis ala mianŋön Mosesgö Köna keu siŋgibin me qahö? Mi alinga dop kölja me qahö?”

<sup>15</sup>Mewö jiget möta areŋini munenŋi mi möt kutuba kewö jii mötket, “Inŋini wuanöŋgöra keugö bötaknöŋ al niŋgibingö esapköm niŋgize? Ölöp silwö monenŋ (Kina 5) kun memba kaget eki.”

<sup>16</sup>Mewö jüiga mi memba kagetka kewö qesim enŋiyök. “Dagöreŋ imut aka qet mi ki ohoget ahöza?” “Mi sisa kiŋgöreŋ!” Mewö melenŋa jiget.

<sup>17</sup>Jigetka kewö jii mötket, “Mewö ahiga yuai sisa-kiŋgö imutŋambuk buŋaŋi ahözawi, mi mönö yaŋgöra al waŋgime. Yuai kun Anutugö buŋaya ahözawi, mi mönö Anutugö buŋa qeme.” Mewö jii möta yaŋgöra gwötpuk welipköget. Mewö.

*Kömupnöhök wahötwahötkö esapköm waŋgiget.*

*Mat 22.23-33; Luk 20.27-40*

<sup>18</sup>\*Sadyusi (Jike nupkö kapaŋkölköl) yeŋön “Kömugeri yeŋön kude wahötme,” jiba malget. Yeŋgöreŋök tosatŋan Jisösgöreŋ kaba kewö qesim waŋgiget,

<sup>19</sup>\*“Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömumba malöŋi öne mosöriŋa munŋan ölöp malöŋi memba gwölönarök qiwikŋaim waŋgiiga datŋaŋgö qet bisiba malma.’

<sup>20</sup>Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök.

<sup>21</sup>Kömuiga munŋan malöŋi mi memba mala mewöyök gwölönarökŋi qahö öne kömuyök. Kömuiga munŋi kun yaŋgö bapŋe mianŋön ambi miyöhök memba mala öne kömuyök.

<sup>22</sup>Mewöŋa mewö darumun 7 pakpak yeŋön ambi mohot miyöhök memba gwölönarök qahö mala kömum teköget. Körek kömugetka qöndökŋi malöŋini mi mewöyöhök kömuyök.

<sup>23</sup>Göŋön Kömugeri yeŋön guliba wahötme, jizanmö, nini mi qahö möt narizin. Mötnöŋ! Azi 7 pakpak mi öröröŋ wahötpeak ewö, ambi möhot mi anöŋŋina meget malöhaŋgöra aka mönö dagö anöŋŋa akawak?”

\* 12:10: Sum 118.22-23 \* 12:18: Apo 23.8 \* 12:19: Dut 25.5



<sup>24</sup> Mewö qesigetka Jisösnöŋ melenŋda kewö jii mötket, “Injini keu jim sohoze. Urumelenŋö Buŋa Kimbiŋi aka Anutugö kukösumŋi qahö möt kutuzeaŋgöra mönö janjuŋ ahakze.

<sup>25</sup> Ölna, kömupnöhök wahöta nalö mianŋöreŋ awanöm qahö akŋemö, garata yeŋön Suep mire maljeaŋgö tandök aka malme.

<sup>26</sup> \*Mötket! Kömugeri, yeŋön guliba wahötmegö keuŋi mi Mosesgö Buknöŋ kewö ahöza: Sötman köhösnöŋ köŋöp bölam ahuba qahö jem kutuyöhi, injini kösohot mi oyoŋget me? Anutunöŋ mianŋöreŋ Moses kewö jii mörök, ‘Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’

<sup>27</sup> Isik bömön karöbut yeŋön Anutubuk mala mal köhöiba öŋgöme. Anutunöŋ köhömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina akza. O Sadyusi (Jike nupkö kapaŋkölköl pati) injini mönö keu gwötpuk möt sohomakze.” Mewö melenök.

*Jöjöpaŋ keu bohonŋi yahöt mi denöwö?*

*Mat 22.34-40; Luk 10.25-28*

<sup>28</sup> \*Jisösnöŋ Sadyusi (Jike nupkö kapaŋkölköl) yembuk eraum möta jim soroköba melenŋ enŋiyöhi, mi Köna keugö böhi azi kunöŋ mörök. Mewö möta jeŋe kaŋgota kewö qesim waŋgiyök, “Jöjöpaŋ keu pakpak miengöreŋök bohonŋi ketanŋi mi denöwö?”

<sup>29</sup> \*Qesim waŋgiiga melenök, “Bohonŋi ketanŋi mi kewö, ‘Israel könagesö mötket! Anutu mi Kembunini. Yaŋön Kembu mohot ahiga bem alaŋi kun qahö.

<sup>30</sup> Mianŋöra urugi jömukŋi, uŋagi jömukŋi, mötmötki jömukŋi aka kuki jömukŋi, mianön mönö Kembu Anutugi jöpaköba malman.”

<sup>31</sup> \*Jöjöpaŋ keu mianŋö alaŋi kewö, ‘Nangi jöpaköm aŋgumakzani, mewöŋanök mönö ambazip pakpak jöpaköm enŋiba malman.’

Jöjöpaŋ keu kunŋan mönö keu yahöt mi qahö etkoŋgitza.”

<sup>32</sup> \*Köna keugö böhigöra mewö melenŋiga jiyök, “Böhi! Gi törörök keu ölnaŋgö dop jizan. Anutunöŋ mohot akza. Bem alaŋi kun qahö.

<sup>33</sup> \*Gi urugi jömukŋi, mötkutukutugi jömukŋi aka kuki jömukŋi, mianön Anutu jöpaköba malman. Aka nangi jöpaköm aŋgumakzani, mewöŋanök mönö ambazip pakpak jöpaköm enŋiba malman. Jöjöpaŋ keu yahöt mi bohonŋi ketanŋi akzahot. Mi tem kölmani, mianön mönö jöwöwöl pakpak aka naluk kötin tosatŋi enŋoŋgitza.”

<sup>34</sup> Mewö jiiga Jisösnöŋ urumötmötŋi möri dop köliga kewö jii mörök, “Gi Anutugö bemtohoŋnöŋ aŋgotmangö dopdowizan.” Mewö eraum möröhotka körek yeŋön Jisös toroqeba qesim waŋgingö kölköldömdöm aka mosötket. Mewö.

*Kraist mi kiŋ Deiwidkö kembuŋi aka gwölönarökŋi.*

*Mat 22.41-46; Luk 20.41-44*

<sup>35</sup> Jisösnöŋ jöwöwöl jikenöŋ kinda Buŋa keu kusum enŋiba kewö qesim enŋiyök, “Kraistnöŋ kiŋ Deiwidkö gwölönarökŋi akzawi, Köna keugö böhi yeŋön keu mi denöwögöra jimakze?

<sup>36</sup> \*Deiwidnöŋ nanŋak Uŋa Töröŋan sölölohöm waŋgiiga kewö jiyök, ‘Anutunöŋ kinda nöŋgö Kembuni kewö jii mörök: Göŋön mönö kaba nöŋgö böröni ölna tatnöŋga nöŋön nalö sutŋe kerökurupki tim tötöla luhut alaŋgiba göhö köna tambö gwaröŋe al enŋimam. Nalö mi kam kuŋgumawaŋgö dop mönö asakmararaŋnöŋ ki tatman.’

\* 12:26: Eks 3.6 \* 12:28: Luk 10.25-28 \* 12:29: Dut 6.4-5 \* 12:31: Lew 19.18 \* 12:32: Dut 4.35 \* 12:33: Hos 6.6 \* 12:36: Sum 110.1

<sup>37</sup> Deiwidnön nanjak mewö jiba qetji ‘nöngö Kembuni’ jiza.’ Kembuni jiba mönö denöwö aka yangö gwölönarökni mohot akawak?” Mewö jiiga ambazip kambu ketanji yeñön Jisösgö keuñangö sihimni möta kezap alget. Mewö.

*Urumelenjö silesile malmalgö galöm meme keu.*

*Mat 23.1-36; Luk 20.45-47*

<sup>38</sup> Jisösnön kusum engiba toroqeba kewö jiyök, “Inini mönö Köna keugö böhi yeñgöra galöm memba malme. Yeñön maluku köröpni löngöta anda kaba kondel angubingö mörakze aka maketnön me könanön ambazip engigetka jölönini jimegö mörakze.

<sup>39</sup> Köuluk mire qaikne eu tatpingö sihimni mörakze, aka közölömbuanön dum tatat mutukne jegep tatpingö mörakze.

<sup>40</sup> Yeñön malö yeñgöreñ miri yuai bidañda gagabe köla enguangirakze, aka qetbuñanini asuhumapköra köuluk köröpni köuluköba töptöpni qemakze. Miangöra Anutunön keujini jim teköba likepni öngöngöni meleşni qakñine öngöma.” Mewö.

*Ambi malö kunön naluk kötin öljö alök.*

*Luk 21.1-4*

<sup>41</sup> Jisösnön jöwöwöl jikenön naluk dundum andöñe tariga ambazipnön moneñ miangöreñ alget geiga uba engehök. Ambazip pomni sukinapñinambuk gwötpuk yeñön kangota kina moneñ lömbötñambuk alget geyök.

<sup>42</sup> Alget geiga malö wanapni kunön kangota souje kötni yahöt, mi toiya tosatni miangö dop ali geyök.

<sup>43</sup> Jisösnön mi eka gwarekurupni köl öröm engiba kewö jii mötket, “Nöñön keu öljö kun kewö jibi mötme: Malö wanapni kianön naluk aljawi, mi mönö tosatni pakpak yeñön yuai dundumnön alget gezawi, miangö dopni ongita alja.

<sup>44</sup> Körek yeñön moneñ gwötpuk ahöm engiiga kitipñanöhök aljemö, ambi kianön mönö köruebörue maljawangö dop yuaini pakpak al teköba öne töhön malma.” Mewö.

## 13

*Jöwöwöl jikenön köndemöndön asuhuma.*

*Mat 24.1-2; Luk 21.5-6*

<sup>1</sup> Jisösnön jöwöwöl jike mosöta eriga gwarekurupni yeñgöreñök kunñan kewö jii mörök, “Böhi eknön! Jikegö tohon uruñe miriñi miriñi mi mönö wewelipñambuk. Mi kötnön memba meñölögetka ölöpbölöpni kinja.”

<sup>2</sup> Jisösnön mi möta keu kewö meleşnök, “Jikegö tohon uruñe miri ketanji ki engekzanmö, mi mönö köndengetka mirigö köt kun mi köt kungö qakne qahö ahömapmö, qeqelanlan aka sahopñanök ahöma.”

*Kahasililiñ aka sesewerowero asuhuma.*

*Mat 24.3-14; Luk 21.7-19*

<sup>3</sup> Mewö jiiga Oil ip kundunje öngöba likepne endu jöwöwöl jikenön kinöhi, mi eka tatket. Miangöreñ tata Pitö, Jeims, Jon aka Andru yeñön Jisös nanjök öröba kewö qesim wangiget,

<sup>4</sup> “Böhi! Keu jizani, miangö öljö mönö wanat nalönön asuhum tinjitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölöp jinön mörin.”

<sup>5</sup> Mewö qesim wangigetka könahiba kewö jii mötket, “Kunñan isimkakalek aiga janjun anbepeköra mönö galömni memba malme.

<sup>6</sup> “Ambazip gwötpukñan asuhuba nöngö qetne kewö jime, ‘Nöñön Kraist akzal.’ Mewö jiba ambazip gwötpuk tilipköm engime.

<sup>7</sup> Inini yarö miengö buzupnini aka ötöñini asuhugetka mörakne. Mi möta jönömñini kude undumakña. Yuai mewöñi mi mutuhök asuhumapkö jijña. Mi asuhumapmö, gölmegö nalöñan mönö miangörenök zilañ qahö teköma.

<sup>8</sup> Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. Gölmeñi gölmeñi miangören kenöñ ketañi ketañi qözöla memba gölme meleşni gemakña. Mewöyök bödiñi bödiñi (buöröñi buöröñi) asuha öngöba ahöma. Yuai mewöñi mi ambi köröbuknöñ masi könahiba engumakzawañgö dop. Gölmegö nalöñan mönö miangö dop könahiba tekömamgö akña.

<sup>9</sup>\* Mewö akñapmö, inini ölop galömñini mem anguba malme. Ambazipnöñ inini öröba keu jakeñe al engiba köuluk mireñini keu nupnini memba kömbinöñ engume. Tosatñan nöngöra aka enguangetketka kantriñi kantriñi yeñgö kiñ kembu aka premiö yeñgö jemesoholñine kinme. Mewö kinda nöngö könajamni nañgöba jigetka mötme.

<sup>10</sup> Ölowak Buña ki mönö mutuk gölmegö kantriñi kantriñi pakpak yeñgöra jim sehim tekögetkun gölmegö nalöñan miangö andöñe teköma.

<sup>11</sup> Öröba enguangetka keu jakeñe al engigetka kinmei, nalö miangören keu denöwö jibinak, miangö waimanjatñi qeljiñe kude mötme. Uña Töröñan aua miangörenök keu engimawi, mönö mia jime. Nanñine uruñinañgöra keu qahö jimemö, Uña Töröñan mönö uruñini sölölohöiga keu jime.

<sup>12</sup> Urumeleñgö kopa kunöñ darumunñan uruñi meleşnöhanğöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamurupnini qetal engiba jigetka enguget kömume.

<sup>13</sup>\* Kantri pakpak yeñön nöngö qetnañgöra aka kazik ak engigetka malmemö, kunñan kapañ köla köhöiba böñ qeba kinda maliga gölmegö nalöñan tekömawi, yañön mönö oyaenköyaen buña qem anguma. Mewö.

*Jerusalem sitigö köndenmönder uru-önönñambuk*

*Mat 24.15-28; Luk 21.20-24*

<sup>14</sup>\* “Könañgep tosatan kaba köndenmönder aka yuai angöjörakñambuk jikenöñ qahö alalgö dop mi altanöñ ala kiniga ekñei, - keu ki oyoñmawañön mönö ölop kezap ala möt kutuma - nalö miangören Judia prowinsnöñ malmei, eñön mönö misiñgöba öröba kundunje anme.

<sup>15</sup>\* Miri kösutñe sombemnöñ malmawañön mönö eta yuaiñi memamgöra miri uruñe kude öngöma.

<sup>16</sup> Nupnöñ anda malmawañön mönö mewöyök malukuñi memamgöra liliñgöba mirinöñ kude anma.

<sup>17</sup> Yei! Ambi gölömbuk aka morö juzunöñ yeñön nalö miangören denöwö ösumñinan anbeak.

<sup>18</sup> Miangöra yuai mi kie luhut nalöñe kude asuhumapköra köuluköme.

<sup>19</sup>\* Nalö miangören kahasililiñ keta bölokñi asuhuma. Kahasililiñ dopñi mewöñi mi mönöwök nalö kungen kude asuha ahöyök. Anutunöñ yuai pakpak miwikñaiyöhi, nalö miangörenök könahiba nalö kiangören mala kota nalö sutñe kun qahö asuhuyök. Mönöwök qahö asuhuyök aka könañgep nalö kunöñ qahö ahuma. Miangöra mönö köuluköba malme.

<sup>20</sup> Kembunöñ wahöjaliñ nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötöñini mi mem törima.

<sup>21</sup> Nalö miangören kewö jime, ‘Mötket! Kraistnöñ ki malja.’ aka ‘Eket! Amötqeçe Tonjan endu kinja.’ Kunñan mewö jima ewö, mi mönö kude möt narime.

\* **13:9:** Mat 10.17-20; Luk 12.11-12    \* **13:13:** Mat 10.22    \* **13:14:** Dan 9.27; 11.31; 12.11    \* **13:15:** Luk 17.31

\* **13:19:** Dan 12.1; Ind 7.14

<sup>22</sup> Mi kewögöra: Amötqeqe tonji munenji aka kezapqetok ambazip takapulakanji asuhuba anğöletot aka aiwesök jemurutnji megetka letotme. Mewö letotketka Anutunöñ ambazip nanñanğöra möwölöhöm enğiyöhi, i mewöyök enjololoñ mem enğimegö esapköba kapan kölgetka janjuñ akepuk. Enön ölöññanök galömñini memba malgetka mi osibeak.

<sup>23</sup> Nöñon yuai pakpak mi kude asuhuiga qeljiñe lökñanök jibi mötze. Mi mutuk jizalanğöra mi mönö uruñine ala galömñini mem anğuba malme. Mewö.

*Suep gölmegö azi öñan mönö asuhum tinğitma.*

*Mat 24.29-31; Luk 21.25-28*

<sup>24</sup> \*Wahöjalıñ mi teköiga nalö mianğöreñök wehön jeñan injañ köluga köiñnönñ ömun kölma.

<sup>25</sup> \*Senğelau yeñon suepnöhök teköba etme aka suepnönñ uturuköiga mianğö öröyuainji mi tatatñini mosöta enjololoñ aketka sohoma.

<sup>26</sup> \*Nalö mianğoreñ Suep gölmegö azi öñi yañon kousu qakñe kanğori ekñe. Kukösumñi ketanñan saköl-diñdiñambuk aukñe asuhuiga asakmararañi ekñe.

<sup>27</sup> Kanğota Suep garataurupñi melaim enğiiga yeñon ambazip Anutunöñ nanñanğöra möwölöhöm enğiyöhi, i gölme gorañi likeplikep, euke emuke mianğöreñök kölolohoba enğuanğitme. Mewö.

*Geröp ipkö dopkeu*

*Mat 24.32-35; Luk 21.29-33*

<sup>28</sup> Inñini geröp ip eka tandökñi mötmöriba dopkeu ki mötme. Böröñan lök oñambuk aiga sinñan yonğoigetka mi eka möta kewö jimakze, 'Wehön nalöñan mönö dopdowiza.'

<sup>29</sup> Enön mewöñanök aiwesök mianğö dop asuhuiga eka möt asariba könañi kewö jime, 'Jisösnönñ mönö nanğunönñ dopdowiza.'

<sup>30</sup> Nöñon keu öñi kun kewö jibi mötket: Ambazip ki merak gölmenönñ maljei, yeñon qahö kömugetka yuai pakpak jizali, mi mönö yeñö malmal nalöñine asuhuma

<sup>31</sup> Suep gölmenönñ görönñ qemahotmö, nöñgö Buña keunan mönö qahö ayapköma.' Mewö.

*Jisös kamawanğö nalöñi mi kunñan qahö mötza.*

*Mat 24.36-44*

<sup>32</sup> \*Suep gölmegö azi öñan dawinönñ kamawi, mianğö wehönñi me aua nalöñi mi kunñan kun qahö mötza. Suepnönñ garata yeñon mi qahö mötze. Anutugö Nahönñan mewöñanök mi qahö mötza. Iwinönñ nanñök mi mötza.

<sup>33</sup> Nalö dawinönñ asuhumawi, mi qahö mötzeanğöra enön mönö alöm memba uruguliguli malme.

<sup>34</sup> \*Mi dopkeu kianğö dop ahöza: Azi kunönñ mirinji mosöta kantri kungen anök. Anmamğöra aka galömurupñi yuai pakpakñanğöra jim kutum enğiba nanğu kinji böröñine ala kukñi enğiyök. Kukñi enğiba welenqeqeurupñi mohok mohok nup keu enğiyök. Enğiba mala nanğu galömñi mewöyök uruguliguli malmapköra jim kutum wanğiyök.

<sup>35</sup> Miri tonñan dawinönñ lilingöba kamawi, mi qahö mötze. Mare me sunğem ömbibiñe kama me? Wanğarañ suruiga kama me? Wehön gianjiiga kama me? Mianğö dop inñini mi qahö mötzeanğöra mönö uruguliguli malme.

<sup>36</sup> Könöpuk wölañ kaiga enön gaun ahögetka mewö miwikñaim enğibapuk.

<sup>37</sup> Inñini mönö uruguliguli malme. Keu mi gwarekurupñi enğöra jizali, mi mewöyök alaurupni körek pakpak enğögöra jizal: Inñini mönö urugwölögwölö malme." Mewö.

\* **13:24:** Ais 13.10; Eze 32.7; Joel 2.10, 31; 3.15; Ind 6.12      \* **13:25:** Ais 34.4; Joel 2.10; Ind 6.13      \* **13:26:** Dan 7.13;  
Ind 1.7      \* **13:32:** Mat 24.36      \* **13:34:** Luk 12.36-38



## 14

*Jisös qein kömumapkö anğönañ alget.  
Mat 26.1-5; Luk 22.1-2; Jon 11.45-53*

<sup>1</sup> \*Pasowa kendon \* aka beret yistñi qahö miangö kendonñi töriyohot. Wehön yahöt teköiga miangörej könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, miangö könañi jaruba kewötket.

<sup>2</sup> Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösongai kendon nalöñe akingö osibin.” Mewö jiget.

*Ambi kunñan Jisös o umköhöwakñambuknöñ miriyök.  
Mat 26.6-13; Jon 12.1-8*

<sup>3</sup> \*Jisösnöñ Betani mirinöñ mala Saimon kun uzikukunji mem solaniyöhi, yañgö mire öngöba tarök. Miangörej nene nemba tariga ambi kunñan köt kirin kun memba yañgörej kayök. Kirin mi nöluk tuat-tuat qetñi alabastö miangön memenja. Mia o umköhöwakñambuk ölni qetñi nad miangön kokolak qeba tarök. Yañön mi bohonñi ketanjan memba kaba nöluk jölñi kutuba onji Jisösgö nöropñe mimbiliba miriyök.

<sup>4</sup> Miriiga azi tatkeri, yeñgörejök tosatñan urubölö aka nanñinök kewö eraum mötket, “Nad o mi mönö wuanöñgöra mewö ayuhuzawi?”

<sup>5</sup> Nad o kelökñambuk mi bohonñi memegöra albawak ewö, ölop silim 300:kö töwanji (Kina 1500,-) ongita yöhötibawak. Mi ambazip wanapñi enjiiga dop kölbawak.” Mewö jiba ambi mi jim wañgiget.

<sup>6</sup> Jim wañgigetka Jisösnöñ kewö jii mötket, “Ambi ki kude jim wañgime. Wuanöñgöra urunji mem bölize? Yañön silik ölopñi ak soroköm niñgiiga dop kölja.

<sup>7</sup> \*Ambazip wanapñi mi nalöñi nalöñi sutñine malgetka ölopñi ak engibingö möta mi ölop nalö dop akñemö, nöñön engö sutñine nalö dop qahö malmam.

<sup>8</sup> Yañön mi nanñi akakmemenjañgö dop ak niñgiza. Nöñön kömumbi löm köl niñgimeañgöra ölop qeljine sileni kelökñöñ nömiriza.

<sup>9</sup> Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangörej ambi kianñon yuai ak niñgizawi, miangö buñaji mohok jiget sehiiga yañgöra mötmöriba malme.” Mewö.

*Judasnöñ Jisös mamalolo mem wañgimamgö urumohok ahök.  
Mat 26.14-16; Luk 22.3-6*

<sup>10</sup> Gwarekurupñi 12 yeñgörejök kun qetñi Judas Iskariot yañön Jisös mamalolo mem wañgimamgöra aka jike nup galöm yeñgörej anök.

<sup>11</sup> Yeñgörej anda keunji jiiga mi möta urunjanan ölöwahiga söngöröñi monen wañgibingöra keu jöhöget. Keu jöhögetka Jisös nalö kungen mamalolo mem wañgimamgö köna möt jaruba köinbingöba malök. Mewö.

*Jisösnöñ gwarekyembuk Pasowa lama neget.  
Mat 26.17-25; Luk 22.7-14, 21-23; Jon 13.21-30*

<sup>12</sup> Beret yistñi qahö miangö kendon silim mutukñe (Seqononöñ) pasowa lama kun qeba ohozema. Miangöra Jisösgö gwarekurupñan jiget, “Böhi, nini miri denikeañgörej anda pasowa lama mözözömgöm gihiba nembin? Sihimgi denöwö ahöza?”

<sup>13</sup> Mewö jigetka gwarekyahötñi yahöt kewö jiba melaim etkiyök, “Injiri Jerusalem sitinöñ öngöyohotka azi kun o kumbut kunduta kaiga miwikñaimahot. Miwikñaiba i ölop wuatangöba anmahot.

\* **14:1:** Eks 12.1-27 \* **14:1:** Kantri qetñi Ijipt miangörej Kembugö garatanöñ engehoriiba enğonjirök, kendon miangö qetñi Nei keunöñ Pasowa. Eksodus 12.15 \* **14:3:** Luk 7.37-38 \* **14:7:** Dut 15.11

14 Anohotka mire öngöiga miangö tonji kewö jiyohot mötma, 'Böhinöñ kewö jiza: Ölop miri urunji kun niñginöñga miangörej öngöba gwarekurupni yembuk pasowa lama nembin.'

15 Mewö jiyohotka tonjan möta miri qakñe eu öngöba urunji ketanji kun kondel etkima. Miangörej dum tatat yuai mözözömgöget ahöza. Mi kondel etkiiga miangörej lama qeba ohomahot."

16 Mewö jiiga gwarekyahötñan mosöta sitinöñ öngöba Jisösnöñ keu jiyöhi, miangö dop miwikñaiba kinda lama qeba ohom mözözömgöyohot.

17 Miri söñauiga Jisösnöñ gwarekurupñi 12 yembuk miri miangörej kanjotket.

18 \*Kanjota öngöba dumnöñ tata nene negetka Jisösnöñ kewö jii mötket, "Nöñön keu ölnji kun kewö jibi mötket: Engörejök kun nömbuk nene nemba tatzawanön mönö mamalolo mem niñgima."

19 Mewö jiiga uruñinan wösöbirik aiga könahiba nanñök nanñök qesim wanğiba jiget, "Nöñgöra jibanbuk?"

20 Qesim wanğigetka kewö jii mötket, "12 engörejök kun nömbuk beret kulunön kundunğözawi, yañön.

21 Suep gölmegö azi ölnjan mönö yanğöra keu ohoget ahözawanğö dop gölme mosöta anma. Anmapmö, mamalolo mem wanğimawi, yanğöra Yei wösöbirik! jizal. Anutunön mönö likepñi öngöñgöñi meleş wanğima. Azi mi nam köröuruñeyök qahö ahubawak, miangön mönö amqem wanğibawak." Mewö.

*Kembubuk semön qöndökñi neget.*

*Mat 26.26-30; Luk 22.14-20; 1 Kor 11.23-25*

22 Nene nemba tata Jisösnöñ beret memba kötuatköba mindipköba engiba kewö jiyök, "Ki nani busuni. Ki memba neget."

23 Mewö jiba wain qambi memba saiwap jiba engiiga körekñan qambi kianğörejök neget.

24 \*Negetka kewö jii mötket, "Ki nani sepnji. Ki Anutunön ambazip yembuk jöhöjöhö areñ aiga köhöimapköra sepnji mokoget geiga ambazip gwötpuk amöt qem engima.

25 Nöñön keu ölnji kun kewö jibi mötket: Nöñön wain kösögö ölnji kianğörej kunbuk toroqeba qahö nemam. Könangep Anutugö bemtohon uruñe eu taringa közölömbuan almawi, wehön miangörej mönö wain o qainñi kun mia nemam."

26 Mewö jiiga sösongai linjet köla mosöta anda Oil ip kundunje öngöget. Mewö.

*Pitönöñ Jisös qañ kölmapkö jii mörök.*

*Mat 26.31-35; Luk 22.31-34; Jon 13.36-38*

27 \*Öngöba Jisösnöñ kewö jii mötket, "Kezapqetok azi kunön keu kun kewö ohoi ahöza, 'Nöñön galömñini qebiga lama kambunan denme.' Miangö dop enön körek uruñini böliiga nömosöta buratime.

28 \*Buratigetka nuñgumemö, nöñön mönö kömupnöhök wahöta mutuk Galili prowinsnön anda miangörej asuhum engimam."

29 Mewö jiiga Pitönöñ kewö jii mörök, "Yeñön körek uruñini böliiga gömosöta buratime ewö, nöñön mönö töndup mewö qahö akñam."

30 Jiiga Jisösnöñ jii mörök, "Nöñön keu ölnji kun kewö jibi mötnöñ: Kuruknön indimñi yahöt qahö qeriga göñön merak sunğem qañ köl niñginöñga indimñi karöbut akña."

31 Mewö jiyökmö, Pitönöñ kapan köla köhöiköhöi ahök, "Böhi! Mewö qahöpmö, ni nuñgugetka göbuk mohotñe kömumbirak, mi töndup nöñön gi qahö qañ köl gihimam." Gwarek tosatñi pakpak mewöyök keu miyöhök jiget. Mewö.

*Jisösnöj Gezemane arönöj köuluköyök.*

*Mat 26.36-46; Luk 22.39-46*

<sup>32</sup> Mewö eraum möta anda arö kun qetnji Gezemane mianğöreñ anğotket. Anğota gwarekurupnji kewö jii mötket, “Nöñön endu anda köuluköbiga injini ölop nalö sutnje ki tatme.”

<sup>33</sup> Mewö jiba Pitö, Jeims aka Jon enğuanğita anget. Angetka Jisösnöj könahiba könjiliñ kanjamñambuk möriga köna böröñi qeköyök.

<sup>34</sup> Mewö aka kewö jii mötket, “Nöñgö urunan mönö kondum köla kotzawañgöra aka wösöbirik mötpiga kömukömuñi ak niñgiza. Injini ölop kianğöreñ tata nömbuk guli malbin.”

<sup>35</sup> Mewö jiba nanñök boromkun toroqeba anda simin köla sipköba sihimbölö nalöñi mi Iwiñangö jitñangö dop onğitmapköra köuluköyök.

<sup>36</sup> Köuluköba jiyök, “Aba Iwini, gi yuai kun qahö mölölömbizan. Mianğöra sihimbölögö gambiñi ki mönö noanğitman. Noanğitpanak, mi nöñgö sihimngö dop qahöpmö, mönö nangi j itkahö dop asuhuma.”

<sup>37</sup> Mewö jiba lilingöiga gwarekurupnji karöbut yeñön gaun ahöget enğeka Pitögö kewö jii mörök, “Saimon, gi gaun ahözan me? Gi aua mohot-töp guli malmangö kude köhöizan me?”

<sup>38</sup> Uruninan guli malbingö sihimñi mörakzinmö, sileninan lölöwöröñi akza. Mianğöra esapesapnöñ et enğubapuköra mönö köuluköba guliguli malme.”

<sup>39</sup> Mewö jii möriga kunbuk enğömosöta anda keu miyöhök kunbuk jiba köuluköyök.

<sup>40</sup> Köuluköba lilingöiga jeñini böröñi meyöhanğöra kunbuk gaunök ahöget enğehök. Gaunöhök wahöta keu melenbingö janjuñ aket.

<sup>41</sup> Jisösnöj ani indimñi karöbut aiga lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wañgiiga bölöñi meme yeñgö böröñine öngöma. Mianğö aua nalöñan lök kam kuñguza. Enğö gaun ahöahö nalöñinan mönö teköza.

<sup>42</sup> Mönö wahötketka anin. Mötket! Mamalolo mem niñgimawi, yañön mönö dowe ki kaza.” Mewö.

*Jisös qeraköba memba jöhöget.*

*Mat 26.47-56; Luk 22.47-53; Jon 18.3-12*

<sup>43</sup> Jisösnöj mewö jiba kiniga mianğöreñök gwarekurupnji 12 yeñgöreñök kun qetnji Judas yañön kambu kun jitje mem enğiiga kanğotket. Jike nup galöm, Köna keugö böhi aka kantrigö jitñememe yeñön i melaim enğigetka bimgö sou ketanji aka lingipñini memba kaget.

<sup>44</sup> Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

<sup>45</sup> Mewö jiba kaba mianğöreñök Jisösgöreñ anğota “O Böhini!” jiba numbuñi yöhötüm neyök.

<sup>46</sup> Yöhötüm neiga eka Jisös qelanjiba memba jöhöget.

<sup>47</sup> Jöhögetka kösutje kingeri, yeñgöreñök kunñan bimgö sou ketanji öröba jike nup galöm bohonñangö welenqegeñi qeba kezapñi köteköi erök.

<sup>48</sup> Jisös jöhögetka keu kewö jii mötket, “Ni kegwek-kahasililiñ azia qahöpmö, töndup nöngöra mewö möta bimgö sou ketanji aka lingip memba nömemba jöhöbingöra kanğotze.

<sup>49</sup> \*Nöñön wehön dop jöwöwöl jikenöñ embuk kinda Buña keu kusum enğiba malbiga qahö nömigetmö, yuai ki mönö Buña Kimbigö keuñan ölnambuk akñapköra asuhuza.

<sup>50</sup> Jisös jöhögetka gwarek yeñön körek Jisös mosöta buratiba unjurata anget. Mewö.

*Sepguli kunöj unjurata anök.*

\* 14:49: Luk 19.47; 21.37

<sup>51</sup> Azi gwabö kunöŋ bindoŋi tuatŋanök köpeiba Jisösgö andöŋe wuatangöba anök. Oponi tosatŋi qahö löŋgöta aniga i esapköba meget.

<sup>52</sup> Membeddingö osiba bindoŋi qekögetka aukŋamŋe unjurata anök. Mewö.

*Jikegö jitŋememe yeŋön Jisösgö keu nup meget.*

*Mat 26.57-68; Luk 22.54-55, 63-71; Jon 18.13-14, 19-24*

<sup>53</sup> Jisös jöhöba waŋgita jike nup galöm bohonŋangö mire anget. Angetka jike nup galöm pakpak, kantrigö jitŋememe aka Köna keugö böhi yeŋön miangöreŋ anda tokoget.

<sup>54</sup> Angetka Pitönöŋ sikepsikep enguatangöba jike nup galöm bohonŋangö mire angota jakömbuak mirigö kiripo uruŋe öŋgöyök. Öŋgöba welenqeŋe azi yeŋgö sutŋine tata könöp kösutŋe jömörök.

<sup>55</sup> Mewö tarökmö, jike nup galöm aka jike kaunsöl kambu yeŋön Jisösgö silenöŋ alal keu denöwö naŋgöinga qeget kömumapkö jim jarugetmö, könöŋi kun qahö miwikŋaiget.

<sup>56</sup> Jaruba kinda gwötpukŋan keu munenŋi silenŋe ala naŋgöba jigetmö, keuŋinan könöŋi mohok qahö ahök.

<sup>57</sup> Mewö aiga tosatŋan wahöta kinda keu munenŋi silenŋe ala naŋgöba kewö jiget,

<sup>58</sup> \**“Yaŋön kewö jiiga mörin, ‘Nöŋön jöwöwöl jike börönöŋ memenŋi ki köndenbiga gölmenöŋ eriga wehön karöbutkö uruŋe jike qainŋi kun börönöŋ memenŋi qahö mi mem wahöta kuŋgumam.’ ”*

<sup>59</sup> Mewö jigetmö, töndup keuŋinan könöŋi mohok qahö ahök.

<sup>60</sup> Mewö aiga jike nup galöm bohonŋan wahöta mesohol köl enŋiba kinda Jisös qesim waŋgiba kewö jiyök, “Yeŋön göhö silege keu ala naŋgözei, miangö likepŋi kun jiman me qahö?”

<sup>61</sup> Qesim waŋgiiga yuai bölöŋi kun qahö ahökmö, töndup likepŋi kun qahö melenŋa keuŋi böc kinök. Keuŋi böc kiniga jike nup galöm bohonŋan kunbuk kewö qesim waŋgiyök, “Anutu möpöseim waŋgimakzini, gi yangö Nahönŋi Kraist akzan me qahö?”

<sup>62</sup> \**Qesim waŋgiiga “On!” jiba kewö jii mötket, “Suep gölmegö azi ölnan mönö kukösum Tonangö böröŋi ölnŋe tata suepkö kousu qakŋe eri ekŋe.”*

<sup>63</sup> Keu mi jiiga jike nup galöm bohonŋan malukuŋi munjurata kewö jiyök, “Yei, iwinangö jitŋi! Tosatŋan keuŋi naŋgömegöra kunbuk qahö qesim enŋibin.

<sup>64</sup> \**Anutu mepaiközawi, mi mönö nanŋinak möt teköze. Miangöra denöwö mötmörize?”* Mewö qesim enŋiiga yeŋön körek Jisös kömupkö buŋaya akŋapköra jim teköget.

<sup>65</sup> Mewö jim teköba tosatŋan könahiba söutkölap miriba jemesoholŋi esuhuba börönŋinan misiba qeba kewö jiget mörök, “Daŋön guhuzawi, mi ölop jinöŋ mörin.” Jikegö kiripo galöm (sikiriti) yeŋön mewöyök Jisös memba nuŋgulumŋe qekötahöget. Mewö.

*Pitönöŋ Jisös qaŋ kölöc.*

*Mat 26.69-75; Luk 22.56-62; Jon 18.15-18, 25-27*

<sup>66</sup> Nalö miangöreŋ Pitönöŋ kiripo uruŋe sombemnöŋ malök. Emu maliga jike nup galöm bohonŋangö welenqeŋe ambiŋi kuŋŋan miangöreŋ kaŋgorök.

<sup>67</sup> Kaŋgota Pitönöŋ könöp kösutŋe jömöri ehiba kewö jiyök, “Gi mewöyök Nazaret azi Jisös miambuk malnöŋ.”

<sup>68</sup> Mewö jiyökmö, Pitönöŋ qaŋ köla kewö jiyök, “Keu jizani, mi qahö möta köndatzal.” Mewö jiba kiripo naŋguŋe geiga kinda kuruk qerök.

<sup>69</sup> Naŋgunöŋ geiga welenqeŋe ambi kuŋŋan i miangöreŋ kunbuk eka azi kösutŋe kingeri, i könahiba kewö jii mötket, “Azi kianön mönö yeŋgöreŋök kun akza.”

<sup>70</sup> Mewö jii mötketmö, yaŋön kunbuk qaŋ kölöc. Qaŋ köliga nalö borom kun teköiga azi kösutŋe kingeri, yeŋön kunbuk Pitögöra kewö jiget, “Göŋön Galili azia kun akzanangöra mönö alakŋa, yeŋgöreŋöhök kun akzan.”



<sup>71</sup> Mi möta könahiba nannji qesuahöm anguba jöjopañ keunöñ jim köhöiba jiyök, “Azi keunji jizei, mi qahö möt wañgizal. Muneñ jibilenjak ewö, Anutunöñ mönö likepñi melen ningima.”

<sup>72</sup> Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewnö jii möröhi, Pitönöñ mi mötmöriyök, “Göñön indimñi karöbut qañ köl ninginöñga kuruknöñ qeri indimñi yahöt akña.” Keu mi mötmöriba wösöñi julmamgö aiga sahöt böliyök. Mewö.

## 15

*Jisösnöñ premiö Pailötkö jeñe kinök.*

*Mat 27.1-2, 11-14; Luk 23.1-5; Jon 18.28-38*

<sup>1</sup> Miri gianjiiga amandinje jike nup galöm, kantrigö jitnememe (70), aka Köna keugö böhi aka jike kaunsöl pakpak yeñön kot öngöngöñi miangö totoko ala Jisösgö keu jim teköget. Jim tekögetka Jisös jöhöba wañgita premiö Pailötkö böröñe alget.

<sup>2</sup> Rom premiö yañön Jisös kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöñ melenja jii mörök, “Mönö nangak jizani, mewö.”

<sup>3</sup> Jike nup galöm yeñön keu gwötpuk Jisösgö sileñe ala jiget.

<sup>4</sup> Jigetka Pailötnöñ Jisös kunbuk qesim wañgiba jiyök, “Mötnöñ! Yeñön keu gwötpuk göhö silege ala jizei, göñön miangö likepñi kun jiman me qahö?”

<sup>5</sup> Mewö jiyökmö, Jisösnöñ bölöñi kun qahö ahökmö, töndup keu kitipñi kunbuk qahö melenök. Keu böc kiniga premiönöñ welipköyök. Mewö.

*Pailötnöñ Jisös kömumapkö jim teköyök.*

*Mat 27.15-26; Luk 23.13-25; Jon 18.39-19.16*

<sup>6</sup> Yambu (yara) dop pasowa sösongai nalöñe premiönöñ kösö mireyök azi kun qetñi qeta qesigeri, mi pösat engizapma.

<sup>7</sup> Nalö miangöreñ azi kun qetñi Barabas qetkeri, yañön kösö mire tarök. Yañön kegwek-kahasililih azi tosatñi yembuk karim gila azi kun qeget kömuyöhi, miangöra kösö mire al engiget.

<sup>8</sup> Mewö aiga könagesö yeñön premiögö miri sombemñe eu öngöba kinda könahiba akñalöhangö dop akñapakö qesim wañgiget.

<sup>9</sup> Qesim wañgigetka melenja kewö jii mötket, “Nöñön Juda engöreñ kiñ pösatpi etmapkö mötze me?”

<sup>10</sup> Jike nup galöm yeñön Jisösgöra körögisigisi mötkerañgöra aka i premiögö böröñe al wañgiget. Mi möta sihimñinañgö mewö qesim engiyök.

<sup>11</sup> Qesim engiiga jike nup galöm yeñön ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wañgime.”

<sup>12</sup> Mewö jigetka kunbuk melenja qesim engiyök, “Mewö jizeañgöra Juda engöreñ kiñ qetñi mewö qerakzei, nöñön mönö i denöwö ak wañgibilenjak?”

<sup>13</sup> Mewö qesim engiiga kunbuk qetket, “Mönö maripomnöñ qeget jiman!”

<sup>14</sup> Mewö qetketka Pailötnöñ kewö jii mötket, “Mi wuanöngöra? Yañön mönö wani bölöña ahök?” Mewö jiyökmö, yeñön mi möta kapañ köla toroqeba qet gigilahöba kewö qetket, “Mönö maripomnöñ qeget jiman!”

<sup>15</sup> Mewö qetketka Pailötnöñ ambazip kambu sihimñinañgö dop akñamgö möta Barabas pösat engii erökmö, Jisösyia jiiga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

*Jisös kukulömbuan ak wañgiget.*

*Mat 27.27-31; Jon 19.2-3*

<sup>16</sup> Yarö azi yeñön Jisös wañgita premiögö jakömbuak mirigö kiripo urune angotket. Angota yarö kambu lökñanök öröm engigetka miangöreñ kaget.

17 Kaba maluku pisikni gugakgugak mi Jisösgö sileje löngöt wanğiba sötman kösö limbinđa ila ewö nöröpne kölget geyök.

18 Mewö geiga könahiba waikni memba jölöni jiget, “Owe owe, Juda yeğöreñ kiñ, owe!”

19 Titipepe mewö aka jigetka jehotnöñ nöröpne qeba söutkölap qeba simin köl wanğiba sipköba möpöqöpösei muneni mem wanğiget.

20 Mepaqepaik mewö ak wanğim teköba maluku pisikni gugakgugak mi qeköba nanñe sile esu löngöt wanğiba maripomnöñ qebingöra wanğita anget. Mewö.

*Jisös maripomnöñ qeget.*

*Mat 27.32-44; Luk 23.26-43; Jon 19.17-27*

21 \*Anda köna namñe azi kun qetñi Saimon miwikñaiget. Yanñon Afrika siti qetñi Sairini miangö aziña aka Aleksander aka Rufus yetkö iwinjira. Yanñon nupnöñök kanğoriga kuñgum wanğigetka Jisösgö maripomni memba anğuyök.

22 Jisös mewö wanğita gölme kun qetñi Golgota mi nanine keunöñ nöröp sihit, miangöreñ anda anğotket.

23 Anğota wain o aka marasin qetñi mör mi mindiriba lolonqalon memba wanğigetmö, Jisösnöñ mi tököyök.

24 \*Tököiga kinda maripomnöñ qeget. Qeget kiniga kiawen meget qötöñi ahuiga Jisösgö sile esuñi mohok mohok sutñine miangö dop mendenđa meget.

25 Söñan 9 kilok miangöreñ maripomnöñ qeget.

26 Maripomnöñ qeba nöröpne eu qegeranğö könañi kewö ohoba qeget, “Juda yeğö kiñ kembuñina ki.”

27 Kegwek-kahasililin azi yahöt mewöyök yambuk maripomnöñ etkuget. Kun böröñi ölñe kun qaniñe likeplikep mewö etkuget.

28 \*(Anutugöreñ Buña Kimbinöñ keu kewö ohoget ahöza, “I kewöta kegwek-kahasililin azi ewö mötmöriba yeğö sutñine alget.” Keu miangön mewö ölñambuk ahök.)

29 \*Ambazip onğita anda kaba kukulömbuan aka jelikit aka nöröp köla kewö jiget, “Yei! Gi mönö jöwöwöl jike ölöp köndenöñga gölmenöñ eriga wehön karöbutkö uruñe kunbuk mem wahöt kuñgumangö jinöñ. O, gi azi qetpuk!”

30 Mönö nangi bauköm anğuba maripomnöñök etman.”

31 Jike nup galöm aka Köna keugö böhi yeñon mewöyök sutñine mepaqepaik ak wanğiba jiget, “Tosatña bauköm enğiba malökmö, nanñi bauköm anğumangö osiza.

32 Yanñon Amötqeqe Toñi Kraist aka Israelgö kiñ akza ewö, mönö dölki maripomnöñök eri eka mi möt naribinak.” Mewö jiget.

Azi yambuk maripomnöñ etkugeri, yetkön mewöyök uruqeqe keu töhöreñ jim wanğiyohot. Mewö.

*Jisösnöñ kömuyök.*

*Mat 27.45-56; Luk 23.44-49; Jon 19.28-30*

33 Silim bibinji 12 kilok aiga miangöreñ söñaupnöñ eta gölme pakpak dop köla ahöiga anda aua karöbutkö dop ahök.

34 \*Jisösnöñ 3 kilok miangöreñ nanñe keunöñ kewö qet ketanji qerök, “Eloi, eloi, lama sabaktani?” Mi nanine keunöñ: Anutuni, Anutuni mönö wuanöñgöra andö nuñguzan?

35 Mewö qeriga azi kösutñe kingeri, yeğöreñök tosatñan mi möta jiget, “Mötket! Mönö Elaijagöra qetza.”

36 \*Yeğöreñök kunöñ ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbu susuñe eu ali

\* 15:21: Rom 16.13 \* 15:24: Sum 22.18 \* 15:28: Ais 53.12 \* 15:29: Sum 22.7; 109.25; Mak 14.58; Jon 2.19

\* 15:34: Sum 22.1 \* 15:36: Sum 69.21

neiga jiyök, “Mönö mosötketka nanjök kinök. Elaijanöñ kaba meköi etma me qahöpto, mönö mi ekin.”

<sup>37</sup> Mewö aketka Jisösnöñ qet ketanji qeta wösöñi nöñ qeiga kömuyök.

<sup>38</sup> \*Kömuiga miangöreñök jöwöwöl jikegö uruñe opo kinöhi, mianjön mönö euyök bibiñe jurata eta yahöt ahök.

<sup>39</sup> Suahö galömnöñ maripom mesohol köla kinda Jisösnöñ wösöñi nöñ qeiga kömuyöhi, mi eka kewö jiyök, “Azi kianjön mönö ölna Anutugö nahönña akza.”

<sup>40</sup> \*Ambi tosatñan mewöyök sikep kinda yuai mi eket. Yengö sutñine Magdalagö Maria aka Maria Jeims dubatñi aka Joses yetkö namñiri aka Salome yeñön mohotñe kinget.

<sup>41</sup> Yeñön Jisösnöñ Galili prowinsnöñ maliga miangöreñ i wuatangöba welen qem wangiba malget. Mewöyök ambi tosatñi gwötpuk Jisösbuk Jerusalem sitinöñ öngöba kageri, yeñön mewöñanök kösutñe kinget. Mewö.

*Jisösgö qamötñi löm kölget.*

*Mat 27.57-61; Luk 23.50-56; Jon 19.38-42*

<sup>42</sup> Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök.

<sup>43</sup> Nengogie miangöreñ Arimatia tonji, azi qetbuñañambuk qetñi Josef yañön kayök. Yañön mewöyök Anutu bemtohoñangö ölni asuhumapköra mamböta malök. Yañön Juda yengö jike kaunsöl kambugö jitñememe kun aka Sabat kendonöñ könahimangö ahöranöra aka keñgötñi yaköriba Pailötköreñ anda Jisösgö qamötñi memangö qesiyök.

<sup>44</sup> Qesiiga “Ölna kömuza me qahöpto?” jiba mötmöriba suahö galömnji jii kaiga “Jisösnöñ nalö köröpñi me töröpñi kömuza,” jiba qesim wangiyök.

<sup>45</sup> Qesim wangiiiga buzup keuñi möta Jisösgö qamötñi Josef jim teköm wangiyök.

<sup>46</sup> Jim teköm wangiiiga opo tuatñi söngöröñi memba anda qamötñi maripomnöñök qeköba memba eta oponöñ esuhuyök. Esuha memba qaksirinöñ anda kötnöñ köteñ urorohogetka dum ahöyöhi, miangöreñ alök. Ala köt kötanji kun metaliga köteñ numbuñi közipköyök.

<sup>47</sup> Denike alöhi, mi Magdalagö Maria aka Maria Josesgö namñi yetkön kinda ehot. Mewö.

## 16

*Jisösnöñ kömupnöñök wahörök.*

*Mat 28.1-8; Luk 24.1-12; Jon 20.1-10*

<sup>1</sup> Sabat kendon tatket teköiga miangöreñ Magdalagö Maria, Maria Jeimsgö namñi aka Salome yeñön “Jisösgö qamötñi anda miribin.” jiba jiniñ jimoron umköhöwankambuk söngöröñi meget.

<sup>2</sup> Memba ahöba Sonda söñanök wahöta miri gianji wehön jilinjölañ kori qaksirinöñ anget.

<sup>3</sup> Anda eraum möta jiget, “Qaksirigö numbuñe köt ketanji tatzawi, mi mönö danjön qetalma?”

<sup>4</sup> Mewö jiba ugetka ani kewö eket: Köt keta bölökñi mi lök qetalget anda ahöyök.

<sup>5</sup> Qaksirigö köt köteñ numbuñi mewö anañiba kiniga uruñe öngöget. Öngögetka ölnine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

<sup>6</sup> Awöwöligetmö, kewö jii mötket, “Mönö keñgötñini kude mötme. Inini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangöreñ suluget ahöyök.

<sup>7</sup> \*Miangöra mönö anda Pitö aka gwarekurupni pakpak buzup kewö jiget mötme, ‘Yañön mönö qeljine mutuk Galili prowinsnön anma. Injini mewöyök miangören anda keuñi jiyöhangö dop i ekne.’”

<sup>8</sup> Mewö jiiga auruba jönömni unduiga köt kötenök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

*Jisösnön Magdalagö Mariagören asuhuyök.*

*Mat 28.9-10; Jon 20.11-18*

<sup>9</sup> Jisösnön Magdalagö Maria yangö uruñeyök öme 7 enguatanögöiga malök. Jisösnön kömupnöhök wahöta Sonda söñan amandinön mutuk Maria mi asuhum wañgiyök.

<sup>10</sup> Asuhum wañgiiga alaurupñan Jisösbuk mala kota nalö miangören jinñen köla sahötkeri, Marianön mönö yengören anda buzupni jii mötket.

<sup>11</sup> Mötketmö, Jisösnön guliba mali Marianön ehöhi, mi qahö möt nariget. Mewö.

*Jisösnön alayahötñi yetkören asuhuyök.*

*Luk 24.13-35*

<sup>12</sup> Miangö andöñe alayahötñan Jerusalem siti mosöta miri kunön anbitköra könanön anohotka Jisösnön kaisongolomñan melenñiga asuhum etkiyök.

<sup>13</sup> Yetköñ mewöyök anda buzupni mi alaurupni jiyohot mötketmö, yañön mi mewöyök qahö möt nariget. Mewö.

*Jisösnön gwarekurupni asuhum enñiyök.*

*Mat 28.16-20; Luk 24.36-49; Jon 20.19-23; Apo 1.6-8*

<sup>14</sup> Könañgep gwarekurupni 11 mienön tokoba nene nempa tatketka yengöra mewöyök asuhuyök. Asuhuba uruköhöikñinañgöra tembula kömupnöhök wahöriga ekerañön buzupni jiget möta mi qahö möt narigeri, miangöra i jim enñiyök.

<sup>15</sup> \*Jisösnön kewö jii mötket, “Injini mönö kantri dop anda gölmenñi gölmenñi liliköba ambazip mal anjeañgö dop Ölöwak Buñani jim asarigetka mötme.

<sup>16</sup> Kunñan Anutu möt nariiga o melun mem wañgigetka uruñi melenmawi, yañön mönö letota Suepkö buñaya akña. Kunñan qahö möt nariba yañgisenñ malmawi, Anutunön mönö yangö keuñi jim teköiga köñöp siagö buñaya akña.

<sup>17</sup> Möt narim niñgiba malmei, mi aiwesök mem enñigibiga könañamñini kewö asuhuma: Yañön nöñgö qetne ömewöröme enguatanögöme. Kantri tosati yengö keuñini jime.

<sup>18</sup> Mokolenñ böröñinan memba wahötme. Möröm warabe o yuai negetka miañön mönö qahö mem bölim enñima. Böröñini kawöl ambazip qakñine algetka ölöwakñe.” Mewö.

*Jisösnön Suep mire öñgöyök.*

*Luk 24.50-53; Apo 1.9-11*

<sup>19</sup> \*Kembu Jisösnön keuñi mewö jii mötketka Anutunön wañgiriga Suepnön öñgöba Anutugö böröñi ölñe tata malja.

<sup>20</sup> Eu maljapmö, gwarekurupñan mosöta miri gölme dop anda Buña keuñi jim sehiba malget. Mewö malgetka Kembunön yembuk nup memba inahöm enñiiga anñöletot asuhugetka keuñinan köhöiyök. Mewö.



## Luk Ölöwak Buᅇa Luknön ohoyök. Jim-asa-asari

Urumelen yeᅇön miti dölökᅇi qahö memba kazei, dokta Luknön mi azi öᅇgöᅇgöᅇi Tiofilusgöra kondelmamgöra aka Ölöwak Buᅇa ki ohoyök. Luk yaᅇön Jisösgö gwarekᅇi 12 yeᅇgöreᅇök kun qahöpmö, Grik azia aka kawöl ambazip mem ölöwak nupnön malök. Luknön Jisösgö könaᅇi yahöt kewö kondel neᅇgiza: 1) Anutunön Amötqeqe Tonᅇ melaimamgö keu jöhöiga Israel yeᅇgöra asuhuyök, 2) Yaᅇön mönö kantriᅇi kantriᅇi mem ölöwak neᅇgimamgöra kayök. Kembangö Uᅇaᅇan Jisös oholiga “ambazip etqeqeᅇi yeᅇgöra Ölöwak Buᅇa” jim asariyök. Ambazip yuai könaᅇi könaᅇi miangöra osigeri, Jisösnön yeᅇgöra waimanjat möta bauköm eᅇgiba malök. Luknön kösohot mewöᅇi sehiseᅇiᅇi areᅇgöba ohom teköyök. Luknön sösongaigö kösohotᅇi gwötpuk ohoyök. Jisösnön mutuk gölmenön erök aka teteköᅇe miangöreᅇi gölme mosöta Suepnön öᅇgöyök. Miangöra sösongai sehiseᅇiᅇi mi boᅇ 1-2 aka boᅇ 24 miangöreᅇi ahöza. Jisösnön Suepnön öᅇgöiga Buᅇa nup mem sehigetka mötnariᅇ kambunön qariba qariba anök. Luknön miangö kösohotᅇi mi buk qetᅇi “Aposol nup meme” miangöreᅇi ahöi ahöza.

Luknön Ölöwak Buᅇa ohoyöhi, miangö keu bohonᅇi mi kewö dop köla ali ahöza: Köuluk nup megetka öᅇᅇi asuhuyök, Uᅇa Töröᅇan ambazip sölölohöm eᅇᅇi malget, Ambi yeᅇön Jisösbuk nup gwötpuk naᅇgöba meget, Anutunön siᅇgisöndokᅇini mosöta malök.

### **Buk kiangö bahöᅇi bohonᅇi 8 mi kewö:**

Buk kiangö könaᅇi Luknön ohoyök boᅇ 1.1-4

Jon O-melun azi aka Jisös asuᅇuba qariyohot 1.5-2.52

Jon O-melun azinön Anutugö nup meyök 3.11-20

Jisös o melun mem waᅇᅇiiga esapesap miwikᅇaiyök 3.21-4.13

Jisösnön qeᅇjarök nupᅇi Galili prowinsnön meyök 4.14-9.50

Galili mosöta köna anda Jerusalem aᅇgorök 9.51-19.27

Jerusalem aᅇgota sonda qöndökᅇi malök 19.28-23.56

Wahöta asuᅇum eᅇgiba Suepnön öᅇgöyök 24.1-53

Matyu Mak Jon yeᅇön kösohot tosatᅇi qahö ohogeri, mi Luknön nanᅇök ohoi bahöᅇi 2 aka 6 miangöreᅇi ahöza. Kösohot tosatᅇi mi kewö: Garata yeᅇön liᅇet köᅇget, Lama galöm yeᅇön Jisös asuᅇuiga kaba eket, Jisösnön moröröpᅇe jöwöwöl jikenön öᅇgöyök, Samaria azinön guruseᅇ azi ak kömum waᅇᅇiyök aka nanᅇi imbi-imbi azinön siᅇgisöndokᅇiᅇi geba soᅇoyöhi, miangö dopkeu.

### *Luknön kimbi Tiofilusgö ohoyök.*

<sup>1</sup> Kezapqetok ambazipnön Amötqeqe Tonᅇ ahumapkö keu jigetka miangö öᅇᅇi sutnine asuhuyöhi, ambazip gwötpukᅇan miangö kösohotᅇi könaᅇiba ohoget.

<sup>2</sup> Yuai öᅇᅇi mi sutnine asuᅇuiga tosatᅇan mi könaᅇonahieyök könaᅇiba kota nanᅇiᅇe jeᅇinan eka möt yakögeri, yeᅇön miangö dop miangö buzupᅇi toroqeba jim sehigetka kezapnine geba nanine buᅇaya ahök. Ambazip mewöᅇi yeᅇön Buᅇa mi könaᅇiba papi-anöᅇ ohoba areᅇgöget ahöza.

<sup>3</sup> Nöᅇön mewöyök yuai pakpak asuᅇuba koröhi, mi törörök qesim eᅇᅇi könaᅇeyök könaᅇiba jigetka möt kutuzal. O Tiofilus nöᅇön göhöra mötpi öᅇgöᅇgöᅇi akzan. Nöᅇön göbuk keu eraum mötpitkö mötpi ölöwahiga Jisösgö kösohotᅇi mi köreᅇᅇanök areᅇgöba ohozal.

<sup>4</sup> Buᅇa keu öᅇᅇi kusum gihigetka mötzani, göᅇön miangö könaᅇi oyoᅇda köreᅇᅇanök möt kömuman. Mewö.

*Jon asuhumapkö keuji Geibrielnöj jiyök.*

<sup>5</sup>\*Judia prowinsgö kin qetji Herod yangö nalöje azi kun qetji Zekaraia malök. Yanön jike nup galöm mala Abaiagö nup arenönöj kinök. Anömni qetji Elisabet yanön mewöyök jike nup galöm Arongö gwölönarökni kun ahök.

<sup>6</sup>Yekjön Anutugö jene malmal diñdiñi mala Kembugö jöjöpən keu aka jimkutukutunji pakpak törörök wuatängöba köpösihitkö keujiri qahö malohot.

<sup>7</sup>Malohotmö, Elisabetnöj köpingöra gwölönarökni qahö mala ambazip namñi ahot.

<sup>8</sup>Nalö kunöj Abaiagö nup areñ nalöjan kaiga Zekaraianöj jike nup galöm nup memapköra Anutugö jemesoholje kañgorök.

<sup>9</sup>Kañgoriga jike nup galöm yeñön aiakanini wuatängöba sutñine nup mendenä Zekaraia mekögetka Kembugö altanöj öngöba jiniñ wörönñambuk ohoyök.

<sup>10</sup>Jiniñ wanafu ohoho nalöjan kam kuñguiga yanön yuai wörönñambuk mi ohoiga ambazip kambu pakpak yeñön jöwöwöl jike yaigepñe mamböta Anutu köuluköba malget.

<sup>11</sup>Jiniñ ohoiga wörönñan pukpuköba miri urunji dop köliga miangöreñ Kembugö garata kunöj altanöj eu asuhum wañgiba böröñi öljne göröken kinök.

<sup>12</sup>Kiniga Zekaraianöj eka auruba keñgötñi mörök.

<sup>13</sup>Keñgötñi mörökmö, garatanöj kewö jii mörök, “Zekaraia, gi keñgötki kude mötnöj. Anutunöj köulukö lök mötza. Miangöra anömgan gölöm ala morö nahöna mema. Mi meiga göñön qetji Jon qetman.

<sup>14</sup>Nahönñi asuhuiga urugan yangöra ölöwahiga söñgainönga ambazip gwötpukñan sösongai akñe.

<sup>15</sup>\*I nam körö uruñe tariga Uña Töröñan miangöreñök könahiba urunji kokolak qeiga qariba wain me o köhöikñi mi qahö nemba Kembugö qöhöröje azi öngöngöñi aka malma.

<sup>16</sup>Mewö mala Israel ambazip gwötpuk urumelenj enjiiga Kembunini Anutugöreñ lilingöme.

<sup>17</sup>\*Anutugö Uñañan kezapqetok azi Elaija inahöiga kukösum qakñe nup meyöhi, yanön mönö miangö dop mutuk qeljiñe aniga Kembunöj andöje kama. Yanön anda könagesö uru kuñgum enjiiga Kembunöj kamapköra jöjöröba kinme. Iwi aka nahönbörat jula deñgetka uru kuñgum enjiiga kunbuk mindirim angume aka qegetal ambazip mi diñdiñi yeñö mötmöt arenönöj angotme.”

<sup>18</sup>Suep garatanöj mewö jiiga Zekaraianöj jiyök, “Anömni netkön ambazip namñi akzirängöra keugan mönö dewöwö öljambuk akawak?”

<sup>19</sup>\*Mewö jiiga melenök, “Ni Geibriel. Nöñön Anutugö mesoholje kinbi melaim niñgii buzup ölöñji ki memba kaba jibi mötzan.

<sup>20</sup>Nöñgöreñ keu jit öljambuk asuhumawi, göñön mi jibi qahö möt narizanañgöra keugan mönö qahöwahiga mötök malman. Mewö malnönga buzup keu kiangö öljni asuhumapkö nalöjan kam kuñguiga miangöreñ nesilaman lolohoi keu kunbuk jiman.”

<sup>21</sup>Nalö sutñe miangöreñ ambazipnöj mamböt mala Zekaraianöj jöwöwöl jikenöj nalö köröp tiñtiñi kinöhañgöra mötkurumkurum aket.

<sup>22</sup>Mewö aka tatketka yaigep eta keu jimangö osiiga möt asariba kewö jiget, “Yanön jöwöwöl jikenöj kinda jeñi meleni Suepnöhök imut kun ekza.” Mewö jigetka böröñanök kaisöpsöp al enjiba mötök aka malök.

<sup>23</sup>Mewö mala jike nup meme nalöjan teköiga lilingöba miriñe anök.

<sup>24</sup>Wehön tosatñi teköiga Elisabetnöj gölöm ala köiñ 5 miangö dop mire asamböta kewö jiba tata malök,

<sup>25</sup>“Moröni qahöpköra ambazipnöj memba eta al niñgigetka Kembunöj mesohol köi niñgiba miangö lömbötñi memba gila ak kömum niñgiza.” Mewö.

*Jisös asuhumapkö keuñi Geibrielnöñ jiyök.*

<sup>26</sup> Elisabetnöñ gölöm alöhanğö köñji 6 aiga Anutunöñ garatanı qetñi Geibriel melaiiga Galili prowinsgö miriñi kun qetñi Nazaret miangörej erök.

<sup>27</sup> \*Eta ambi seram jömukñi qetñi Maria yanğoreñ anök. Yanön azi qetñi Josef yanğö ambi buñaya malök. Josefnöñ kiñ Deiwidkö gwölönarökñi kun ahök.

<sup>28</sup> Garatanöñ Mariagöreñ anda kewö jiyök, “O Maria, silingi ölopñi. Kembunöñ kalem möriam gihiba göbuk kinma.”

<sup>29</sup> Mewö jiyökmö, Marianöñ jölöñ miangöra gwötpuk auruba könañi jaruba mötkurumkurum ahök.

<sup>30</sup> Mötkurumkurum aiga kewö jii mörök, “Maria, Anutunöñ kalem möriam ghiiga yanğö jene dop köljan. Miangöra keñğotki kude mötnöñ.

<sup>31</sup> \*Mötnöñ, göñön gölöm ala morö nahöna meman. Memba qetñi Jisös qetman.

<sup>32</sup> \*Jisös yanön qariba azi qetbuñañambuk aiga qetñi ‘Öngöñgöñi ketañğö Nahönñi,’ qetketka malma. Mewö mali Kembu Anutunöñ amböñi kiñ Deiwidkö jakömbuak dum wanğiiga salupñe ambazip galöm köl engiba malma.

<sup>33</sup> Jeiköbkö könagesö yeñğö kiña aka teteköñi qahö galöm köl engiba malma. Bemtohoñi miñön mönö nalö kunöñ kude qahöwakña.”

<sup>34</sup> Garatanöñ mewö jiiga Marianöñ jii mörök, “Yei! Ni azigö könañi qahö mötzal. Miangöra keu jizani, miangö ölni mönö denöwö asuhuma?”

<sup>35</sup> Mewö jii möta meleşnök, “Uña Töröñan mönö aum köl ghiiga Anutu öngöñgöñi ketañğö ösumñan dop köla turum gihima. Miangöra morö memani, yanön töröñi aiga ambazipnöñ qetñi ‘Anutugö Nahönñi,’ jiba qerakñe.

<sup>36</sup> Mötnöñ. Tinigi Elisabet yanön mewöyök ‘Köpin mala morö memangö osiza,’ jigetmö, tondup ambi namñi aka nalö kewöñe morö nahöngö gölömñambuk aiga köñji 6 akza.

<sup>37</sup> \*Anutunöñ yuai kun akñamgö jiba mi qahö qaköba osimakza.”

<sup>38</sup> Mewö jiiga Marianöñ jiyök, “Mötnöñ, nöñön Kembugö welenqeçe ambia akzal. Miangöra keu jizani, miangö dop ölop ahum niñgima.” Mewö jiiga Suep garatanöñ mosöta anök. Mewö.

*Marianöñ Elisabetkörej kujuk anda ehök.*

<sup>39</sup> Marianöñ mi möri nalö köröpñi qahö aiga wahöta zilañ jöjöröba gölme kundune öngöba Judia prowinsgö taon kunöñ anök.

<sup>40</sup> Anda Zekaraiagö mire öngöba anöññi Elisabet eka söñgaiba jölöñi jiyök.

<sup>41</sup> Jölöñi jiiga miangöreñök möri morö nahönöñ körö uruñe luhuba öngöba eri Uña Töröñan Elisabetkö uruñi kokolak qeyök.

<sup>42</sup> Kokolak qeiga qet ketani qeta kewö jiyök, “O alani, Anutunöñ kötümötuetñi öngöñgöñi al ghiiga ambi sutnine malman aka morö memani, i mewöñanök kötuetköm wanğima.

<sup>43</sup> Denöwögöra Kembunangö namñan kaba neiga mewö asuhum niñgiza?

<sup>44</sup> Mötnöñ, gi jölöñni jinöñga keu jölgi kezapne gei morönöñ urune mewöyök sösongai qakñe luhuba öngöba etza.

<sup>45</sup> Kembunöñ buzup keuñi jiiga möta miangö ölni asuhumawi, mi möt narizanağöra göhö mötpi simbawoñ akzan.” Mewö.

*Marianöñ sösongai liñet kölök.*

<sup>46</sup> \*Marianöñ keu mi möta kewö jiyök,

“I-ia! Nöñgö urukönömnan mönö önöñi qahö Kembu möpöseiza.

<sup>47</sup> Nöñgö uñanan Anutu, Amötqeçe Toni yanğöra söñgaiba köirañ kölja.

48 \*Nöñön welenqeçe ambi etqeçeni maljalmö, Anutunöñ töndup mesohol köla ak kömum niñgiza.

Mötnöñ, ambazip kambuñi kambuñi merak könahiba asuhumei, yeñön mönö nöñgöra 'Simbawoñ!' jiba möpöseim niñgiba malme.

49 Kukösum Toñan mönö añgöletot öñgöñgöñi mem niñgii maljal.

Yangö qetñi mi Töröñi.

50 Ambazip merak gölmenöñ maljei aka könañgep ahum sehimei, yeñgö sutñine gwöt isik denike yeñön Anutugö jitñi oñgitpinbukö keñgötñini mötmei, yangö ak-kömukömuñan mönö yembuk pöndañ ahöma.

51 Anutunöñ böröñan añgöletot memba mianöñ kukñi kondel neñgiiga ehin.

Ambazip nanñini miwidimgöba söñgöröqök malgeri, yañön mönö i könderñ enñgiiga sim-bisembel aka malget.

52 \*Kiñ kembuñi kembuñi jakömbuak dumñine tata ambazip galöm köñ enñgiba malgeri, yañön i mianñgöreñök qeköba utal enñgiiga etket. Etketmö, etqeçeni ia mönö mem wahöta al enñgiyök.

53 Ambazip yuaigö jañkötatañ malgeri, mianñgö uruñini mönö yuai ölöpñi ölöpñi mianöñ kokolak qeyökmö, ambazip pomñi mi melaim enñgiiga böröñini börak öne anget.

54-55 \*Yañön ambösakonurupnini meköba enñgömeiga Israel aketka nini toroqeba Anutugö welenqeçeurupñi maljin.

Anutunöñ mönöwök jöjöpañ keuñi kewö jim jöhöm neñgiyök, 'Nöñön Abraham aka yangö gwölönarökurupñi teteköñi qahö mal öñgöba malmei, i ak kömum enñgiba malmam.' Mewö jiba keuñi mi qahö ölum qei mala korök.

Qahöpmö, yañön mönö keu jitñi mi wuatangöba mala merak bauköm neñgimamgöra kaza."

Marianöñ mewö jiyök.

56 Marianöñ köiñ karöbut mianñgö dop Elisabetpuk mala kunbuk miriñe liliñgöyök. Mewö.

### *Jon O-melun azinöñ asuhuyök.*

57 Elisabetkö morö meme nalöñan kam kuñguiga morö nahöna meyök.

58 Morö nahöna meiga miri kösutñe malgeri aka tinitosolomurupñi yeñön Kembunöñ ak-kömukömu öñgöñgöñi kondel wañgiyöhi, mi möt asariba yambuk mohotñe sösoñgai aket.

59 \*Sösoñgai aka wehön 7 teköiga wahöta anda Anutugö aiwesökñi morö silene yandimegöra tokoget. Tokoba iwiñangö qetñi Zekaraia mi wakanñ mem wañgibingöra jiget.

60 Jigetmö, namñan jiyök, "Mi qahöpmahöpmö, qetñi mönö Jon qetpin."

61 Jiiga kewö jiget mörök, "Jon qetzanmö, göhö tinitosolomgi yeñgöreñök kuññangö qetñi mi qahö ahöza."

62 Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

63 Kaisöpsöp algetka tafegöra qesii wañgigetka mianñgöreñ kulem kewö ohoyök, "Qetñi mi Jon." Mewö ohoiga mianñgöra körek aurum tililiñgöget.

64 Aurum tililiñgögetka mianñgöreñök numbuñi amgöiga nesilamñi lolohoiga keu jiba Anutu möpöseiyök.



<sup>65</sup> Möpöseiiga miri alaurupņini pakpak yeņön qemsömbuņini gwötpuk mötket. Mötketka yuai asuhuyöhi, miangö buzupņi eraum mötketka sehiba Judia kundunji gölme pakpak dop kölök.

<sup>66</sup> Buzupņi eraum mötketka körekņan mi möta urukönömņine ala aņģön kölget. Kembunöņ kukösumņi morösesep qakņe mokoï malöhi, miangö könāņi möt asariba kewö jiget, “Morö kianģön qariba mönö wani yuaia kun denöwö akņa?” Mewö.

*Zekaraiānöņ kezapqetok keu jiyök.*

<sup>67</sup> Mewö jigetka Uņa Töröņan iwiņi Zekaraiāģö uruņi kokolak qeiga kezapqetok keu kewö jiyök,

<sup>68</sup> “Nini Israel neņģoreņ Kembu Anutu möpöseibin. I-ia!

Yaņön mönö könagesöurupņi mesohol köl neņģiba sohoppnini memamģöra jöjöröba kama.

<sup>69</sup> Anutunöņ welen azinji kiņ Deiwidkö könagesö neņģö sutnineyök azi kukösumņambuk kuņgui wahöta Amötqeqe Tonina akņa.

<sup>70</sup> Möpņangö möpņeyök kezapqetok ambazipurupņi tök-kutukutuņi i sölöhöm eņģii keu jit kewö jiba malget,

<sup>71</sup> ‘Nöņön mönö kerökurupņini yeņģö ösumņini qebi eriga bohonņini jöhömam. Denike yeņön kazik ak eņģimeï, nöņön mönö körek yeņģö böröņineyök meköba sel jöhöm eņģimam.’

<sup>72</sup> Keu mewö jiba bömönurupņini ak kömum eņģiba yembuk jöhöjöhö areņ qainņi kun jöhöyöhi, mi mötmöriba wuatangöiga amötqeqegö ölnji asuhuma.

<sup>73</sup> Jöhöjöhö keu mi bömönini Abrahamģöra jiba jöjöpāņ keunöņ jim köhöii ahöza.

<sup>74</sup> Jöhöjöhö keu miangö ölnji kewö:

Yaņön nini kerökurupņini yeņģö böröņineyök meköm neņģiiga yeņģöra keņģötnini qahö möta welenņi qem waņģiba malbin.

<sup>75</sup> Yaņön keunini jim teköi solaniba yaņģö jeņe sarakņi aka malmalnini ölüluپ mewö mala kömumbin.

<sup>76</sup> \*O gömokni Jon, göņön qariba mala qeljiņe mala ambazip uruņini mindiņģöba mewö miāģön Kembuģö könāņi mesatnöņga kama.

Miangöra qetki ‘Anutu öņģöņģöņi ketāņangö kezapqetok azia,’ mewö qetketka malman.

<sup>77</sup> Mewö mala amötqeqegö könāņi mi Anutugö könagesöurupņi kusum eņģinöņga mi möt kutuba uruņini melenģetka Anutunöņ siņģisöndokņini saņģonģa mosötma.

<sup>78</sup> Anutuninan uruņāņ jöpaköba ak kömum neņģimakza.

Mewö aka mesohol köl neņģiba undiņi euyāģöreņök ali gilikbilik akza.

Mewöģöra neņön mönö waņģaraņ surui aukņe asaribingö akzin.

<sup>79</sup> \*Nini pandamanöņ jipjap taringa kömupkö kondotkondot Toņāņ aum köl neņģimakzapmö, wehön jiliņbölaņ kota qaknine kuņģuba mem asarim neņģima.

Mem asarim neņģiiga luaigö könāņi aukņe asuhui eka miāģöreņ aņģota tiba kinbin.” Zekaraiānöņ mewö jiyök.

<sup>80</sup> Morö Jon yaņön qariba wahöriģa Uņa Töröņan inahöm waņģiģa Anutugö kolek azi köhöikņi ahök. Mewö aka gölme qararaņkölkölņe mala mali nalöņāņ kam kuņģuģa Israel könagesö yeņģö jeņine aukņe asuhuba qeņjarök nupņi könahiba meyök. Mewö.

## 2

*Jisös Betlehem taonöņ ahuyök.*

*Mat 1.18-25*

<sup>1</sup> Jon O-melun azinöņ ahuģa nalö miāģöreņ sisa kiņ Ogastus yaņön Rom sitinöņ gölmeņi gölmeņi galöm köl eņģiyök. Galöm köl eņģiba takis könahiba memegöra gawmāģö

\* 1:76: Mal 3.1 \* 1:79: Ais 9.2

jimkutukutu aliga gölmenji gölmenji pakpak yeñön tokogetka kuskus (sensus azi) yeñön qetñini papianöñ ohoba arengöget.

<sup>2</sup> Areñ nup mi nalö mutukña meget. Megeri, nalö miangören azi qetñi Qirinius yañön Siria prowinsgö premiö mala galöm köl engiyök.

<sup>3</sup> Ogastusnöñ jimkutukutu aliga ambazip körek pakpak yeñön öröba anda qetñini areñnöñ ohomegöra nanñini ahuahu miri bohonñini dop anget.

<sup>4</sup> Galili prowinsgö taon qetñi Nazaret miangören azi qetñi Josef malök. Yangö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök.

<sup>5</sup> Anmam jiiga nalö miangören ambi buñañi qetñi Marianöñ gölömnambuk malök. Maliga i auangita qetñiri ohomegöra mohotñe anohot.

<sup>6</sup> Anda Betlehem angorohotka Mariagö morö meme nalöñan kam kuñguyök.

<sup>7</sup> Kam kuñguiga qenjarök ahöahö mire angota miangö uruñe tiñi qahö miwikñaiyohot. Miangöra bau bulmakau miriñe öngöba tarohot. Tata miangören nahönñi mutukñi memba oponöñ esuhuba bulmakau joutñe ali geba ahöyök. Mewö.

### *Lama galöm yeñön Suep garata engek.*

<sup>8</sup> Betlehem taon gölme miangören azi tosatñan suñgem dop gölme köröñi miangören anda lama kambuñini galöm köl engiba malget.

<sup>9</sup> Mewö malgetka suñgem miangören Kembugö garata kunñan kösutñine asuhum engiyök. Asuhum enjiiga Kembugö asakmararañan liliköm engiba asariiga qem sömbuñini möta jönömñini unduyök.

<sup>10</sup> Jönömñini unduyökmö, Suep garatanöñ jii mötket, “Mönö kezap alget. Nöñön sösongai Buña ketañi ambazip körek pakpak yeñgöra memba kazal, mi indel engimam. Miangöra jönömñini kude unduma.

<sup>11</sup> Buña mi kewö: Engö Amötqeçe Toñinan dölki ahuza. Yañön kiñ Deiwidkö taonöñ asuhuba Kembu qetñi Kraist akza.

<sup>12</sup> Keu miangö aiwesökñi kewö: Inñini anda morö sepsep oponöñ esuhuba bulmakau joutñe alget ahözawi, mi miwikñaime.”

<sup>13</sup> Garatanöñ mewö jiiga miangörenök garata kambu ketañan Suepnöhök kangota yambuk aitongöba Anutugö möpömpöse liñet köla kewö jiget,

<sup>14</sup> “Anutugö qetbuñañi möpöseininga Suepnöñ euyangören öngöza.

Yañön ambazip nanñangöra meköm engiyöhi, yeñgöra körö ölöwak möta gölmenöñ luai al engiza.” Mewö.

### *Lama galöm yeñön anda Jisös eket.*

<sup>15</sup> Garata yeñön engömosöta Suepnöñ lilingöba öngögetka lama galöm yeñön naninak kewö jiget, “Ayop, Betlehem miangören yuai ahuiga Kembunöñ miangö keunji jii mötzini, nini mönö mia anda ekin.”

<sup>16</sup> Mewö jiba ösumñinan anda Maria Josef aka morösepsep bulmakau joutñe ahöyöhi, miwikñaiba eket.

<sup>17</sup> Eka kinda garatanöñ morögöra keu jii möta kageri, mi indela jim asariget.

<sup>18</sup> Jim asarigetka mötkeri, yeñön körek pakpak auruba welipköget.

<sup>19</sup> Welipkögetmö, Marianöñ keu pakpak mi uru könömñe ala dungöba jöhöba könani mötmöriba malök.

<sup>20</sup> Welipkögetmö, yuai pakpak Suep garatanöñ jiyöhangö dop asuhuyöhi, mi lama galöm yeñön eka möta miangöra Anutugö sösongai liñet köla möpöseiget. Möpöseiba mosöta lilingöba anget. Mewö.

### *Morö qetñi Jisös qetket.*

21 \*Jisös ahui Sonda mohot miangö dop teköiga Anutugö aiwesökñi silene yandibingö nalöñi kaiga qetñi Jisös qetket. Suep garatanöñ qet mi mutuk qeta wanjiigun nalö miangöreñök namñangö gölöm uruñe ahuyök. Mewö.

*Jisös wanjita Anutugö buñaya alget.*

22 \*Mosesgö Köna keunöñ keu kewö ahöza, “Ambinöñ morö nahönñi mutukñi memba silim 40 kounje mali teköiga söro gulunji köl könjörat wanjiba injini mönö jöwöwöl jikenöñ öngöba morö mi Anutugö jeñe algetka yanjö buñaya akña.” Mianjöra nalö mi kam kuñguiga Josef Maria yetkön keu mi tem köla Jisös wanjita Kembangö buñaya akñapköra Jerusalem öngöyohot.

23 \*Kembangö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembangö buñaya akñapköra qem teköba mem sarahime.” Yetkön keu mi wuatangöyohot.

24 Mewöyök Kembangö Köna keunöñ jimkutukutu keu ahözawangö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

25 Nalö miangöreñ azi kun qetñi Simeon Jerusalem malök. Yanjön uruñi jömuk Anutugöreñ qekötahöba urumelengö kölguliguli aiga Uña Töröñan yambuk kiniga Amötqege Tonjan Israel uruñe asuhumapköra mamböta malök.

26 Mamböta maliga Uña Töröñan keu kewö indeli mörök, “Gi Kembangö Amötqege Tonji Kraist ahui mutuk ekagun kömupkö sihimbölöñi mötman.”

27 Iwinamñan Mosesgö Köna keu wuatangöba Jisös wanjita jöwöwöl jikenöñ öngöyohot. Öngöyohotka Uña Töröñan Simeon sölölohöi nalö miangöreñök mewöyök jikenöñ öngöyök.

28 Öngöba morö mi eka memba dohongöba Anutu möpöseiba kewö jiyök,

*Simeongö sösongai liñet*

29 “O Kumbu, merak welen azigan ölop anda uruluainöñ mala kömuma.

30 Göhö keugahö dop Amötqege Tonji melainöñ asuhuiga i nani jenan eka simbawon mötzal.

Mianjöra ölop anda kömumam.

31 Göñon amötqegegö könañi mözözömgöba kantri pakpak yengöra indel enjinöñga mi eka möt kutume.

32 \*Göñon Amötqege Tonjangö asakñi indelnöñga kian kantri yengö uruñini kuñguiga asarime aka qetbuñagan nangi könagesögi Israel neñgö sutnine mewöyök qarima.”

*Simeongö kezapqetok keu*

33 Simeonöñ morögöra keu mewö jiiga iwinamñan möta köñkuñ aka welipköyohot.

34 Welipköyohotka kötuatköm engiba namñi Maria kewö jii mörök, “Mötnöñ, Anutunöñ morö ki kuñguba ali Israel ambazip sehisehiñan i andö qeba eta engugetka

gwötpukñan uruñini melenja ölöwakñe.

Anutunöñ nanjak i ali aiwesök aiga gwötpukñan i tuaköpek jim wanjime.

35 Tuaköpek jim wanjigetka urumötmötniñi asa-asambötñan mewö aukñe asuhuma. Nangi urugan mewöyök wösöbirik aiga mianjön sou zuluk alalñi ewö urugi kuñguba qesiñma.” Mewö.

*Ana ambigö kezapqetok keu*

36 Jerusalem miangöreñ kezapqetok ambi namñi kun qetñi Ana malök. Yanjö isikñi qetñi Aser, iwinji qetñi Fanuel. Ambi mianjön seramñe azi memba mali yambu (yara) 7 mohotñe malohot.

\* 2:21: Lew 12.3; Luk 1.31 \* 2:22: Lew 12.6-8 \* 2:23: Eks 13.2, 12 \* 2:32: Ais 42.6; 49.6; 52.10

<sup>37</sup> Malohotka apni kömui malö aka mala kori nalö mianğörej yambuñi 84 ahök. Yanön nalö dop jöwöwöl jikenöñ öngöba mi silim kun qahö mosörökmö, sunğem asak Anutugöra nene siñgi mala köuluköba waikñi memba möpöseiba malök.

<sup>38</sup> Yanön nalö mianğörejök kañgota morö mi eka Anutu möpöseiyök. Anutunöñ Jerusalem ambazip sohopñini memapköra mamböta malgeri, körek yengöra morö mianğö könañi jim asarii mötket. Mewö.

*Jisösbuk Nazaret lilingöget.*

<sup>39</sup> \*Josef Maria yetkөн Kembunöñ areñi jim kutuiga Köna keunöñ ahözawi, mi körek ahot teköiga Galili prowinsnöñ lilingöba taonñiri Nazaret mianğörej anohot.

<sup>40</sup> Morönöñ qariba wahöta köhöiba mötkutukutuñi ahuba kokolak qeiga Anutugö kalem möriamñan qakñe öngöi kinök.

*Jisös yarañi 12 aiga jöwöwöl jikenöñ öngöget.*

<sup>41</sup> \*Jisös iwinamñan yambu (yara) dop ak-kömükömu\* kendon nalöñe Jerusalem siti öngöba anjahotma.

<sup>42</sup> Mewö mala Jisös yambu (yara)ñi 12 aiga silikñini ahakzeangö dop nalöñi kam kuñguiga mewöyök öngöba anget.

<sup>43</sup> Anda mala kendon nalö mianğön teköiga lilingöba mirinñire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot.

<sup>44</sup> “Yanön ambazip kambu yembuk anja,” jiba silim mohotkö dop köna anda sepkitip aka alaurupñiri yengö uruñine qeta jaruyohot.

<sup>45</sup> Qeta jaruyohotmö, qahö miwikñaiba kunbuk lilingöba Jerusalem anda jaruyohot.

<sup>46</sup> Jaruba malohotka silim karöbut teköiga jöwöwöl jikenöñ öngöba mianğörej miwikñaiyohot. Miwikñaiyohotka azi ketañi yengö sutñine tarök. Tari kusum wañgigeri, mi möta qesim engiba tarök.

<sup>47</sup> Tata Buña keugö könañi törörök möt asariba diñdiñanök melenñiga körek pakpak yenön mi möta welipköget.

<sup>48</sup> Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimanjat möta qeta jaruba malit.”

<sup>49</sup> Mewö juiga kewö melen etkiyök, “Inñiri mönö wuanöngöra ni göraim niñgizahot? Ni Iwinangö mire tatpi dop kölja, mi mötzahot me qahö?”

<sup>50</sup> Mewö melen etkiyökmö, yetkөн keu jiyöhi, mianğö könañi mi qahö möt asariyohot.

<sup>51</sup> Qahö möt asariyohotmö, töndup wahöta yetpuk lilingöba Nazaret taonöñ anda iwinamñi tem köl etkiba malök. Jisösnöñ keu jiyöhi, namñan mi pakpak möta urukönömñe ala jöhöba añğön kölök.

<sup>52</sup> \*Jisösnöñ mala qarui yambu (yara)ñi öngöiga mötkutukutuñi asariba sehiiga Anutunöñ kalem möriamñi wañgii köhöiba ambazip aka Anutu yengö jeñine dop köl engiyök. Mewö.

### 3

*Jon O-melun azinöñ Buña keu jiyök.*

*Mat 3.1-12; Mak 1.1-8; Jon 1.19-28*

<sup>1</sup> Zekaraiagö nahönñi Jon yanön nupñi könahiyök. Nalö mianğörej sisa kiñ qetñi Taiberius yanön Rom sitinöñ mala gölmeñi gölmeñi mindiriba yambu (yara) 15 azi kembu aka toroqeba galöm köl engii malget. Galöm köl engimamgöra gölmeñi gölmeñi Israel liliköba ahözei, mi mesinğetka bahöñi 4 aiga mienğö kiñini 4 mi kewö kuñguget:

\* **2:39:** Mat 2.23    \* **2:41:** Eks 12.1-27; Dut 16.1-8    \* **2:41:** Anutunöñ Ijpt mianğörej Israel ambazip enğehoriba enğonñiröhi, ak-kömükömu kendon mianğö qetñi kun Pasowa.    \* **2:52:** 1 Sml 2.26; Qam 3.4



Pontius Pailöt, Herod, Filip aka Lisantias. Pontius Pailöt mi Judia prowinsgö premiönina malök. Kiñ Herodnöh Galili prowins galöm köl engiyök aka datñi Filipnöh Ituria aka Trakonitis prowins yahöt miengö kembunina malök aka Lisantias yanön Abilene gölme memba malök.

<sup>2</sup> Jike nup galöm bohonñini yahöt malohot, qetñiri Anas aka Kaiafas. Nalö miangören Zekaraiagö nahönñi Jon yanön gölme qararañkölkölñe maliga Anutugören Buña keu asuhuiga mörök.

<sup>3</sup> Anutugö Buña möta anda Jordan o töwatñangö kösutñe miri dop liliköba malök. Liliköba mala Buña keunöh uruñini kuñguba kewö jiba malök, “Inini mönöh uruñini melengetka nöñöh o melun mem enjimam. Mewö aketka Anutunöh sinjisöndokñini sanğonñda mosötma.”

<sup>4</sup> \*Miangö keuñi mi kezapqetok azi Aisaianöh ohoi yanğö Buzup Kimbinöh kewö ahöza, “Kolek garata kunñan gölme qararañkölkölñe qeta maliga anda qetñi kewö mötme, ‘Kembunöh kamawo! Miangöra mönöh jöjöröba könañi mesatket. Mönöh uruñini mindiñgöba könañi qölöleiget.

<sup>5</sup> Köna örue pakpak mönöh qem tigetka diñdiñi akña.

Kunduñi wanjañi pakpak mi mönöh qeköba köl qölöleigetka köröhñi akña.

Köna mösöqösökñambuk mi mönöh möhamgögetka diñgime.

Luhutnöh köna misiiga simbiñsambañ tatzawi, mi mönöh kutuba mesatketka solanima.

<sup>6</sup> Anutunöh oyaenñkoyaenñ Tonji melaii kaiga gölmeñi gölmeñi pakpak yeñöh mi eka ek kutume.”

<sup>7</sup> \*Jonöh miangö dop uruñini kuñguiga ambazip kambuñi kambuñi yeñöh o melun mem enjimapköra yanğören kagetka engeka yeñgöra kewö jiyök, “O qatöh moröhñi, inini uruñini qahöh melengetka Anutugöh irimñan seholiiga likepñi melen enjimamgö akza. Mi öloh kölbingö goro keuñi mi mönöh dañöh jii möta sömbuñini möta ki kaze?

<sup>8</sup> \* “Miangöra mönöh ölnanök uruñini melenme. Bölöñamñineyök lilingögetka ölni asuhui mi mönöh ahakmemenñinan aukñe kondela malme. Uruñine möndömöndöh keu kewö kude mötmörime, ‘Neñöh mönöh Abrahamgöh gwölönarökña malinga Anutunöh qahöh ayuhum neñgima.’ Mewö töptöpñine qemakzemö, ölni mi qahöh ahakze. Nöhöh miangöra kewö jibi mötket: Anutunöh köt ki ölop jim kutum engiiga letota Abrahamgöh gwölönarökurupñi aka Anutu möpöseimakñemö, inini denöwöh?

<sup>9</sup> \* “Uruñini qahöh melenme ewöh, Anutunöh mönöh inini ip ewöh tenğöri etpingöh akze. Ip pakpak ölni ölopñi qahöh kuñgumakzei, mi mönöh köli etket könöpñöh gili geme. Ip mewöhñi kölmamgöh kesñi lök jitñi sañe ala ip könañe ali jöjöröba ahöza. Anutunöh mönöh bölöñamñinañgöh likepñi melen enjima.”

<sup>10</sup> Mewöh jiiiga ambazip kambuñi kambuñi yeñöh kewöh qesiba jiget, “Mewögöra nini mönöh denöwöh ahinga dop kölma?”

<sup>11</sup> Qesiba jigetka kewöh melenñök, “Kunñan maluku yahöt memba maljawi, yanön mönöh mietkörenñök kun mi malukuñi qahöh i wanğima aka denike yeñöh nenenñambuk maljei, yeñöh mönöh mewöhñi nenenñini qahöh yeñgöra menden enjime.”

<sup>12</sup> \*Takis meme azi tosatan mewöhñi o melun mem enjimapköh kaba qesim wanğiget, “Böhñi, neñöh mönöh denöwöh ahinga dop kölma?”

<sup>13</sup> Qesim wanğigetka jii mötket, “Gawmanöh takisgöh jim kutum engi ahözawi, dop mi mönöh qahöh onğita meme.”

<sup>14</sup> Yaröh azi tosatan mewöhñi qesim wanğiget, “Niniato? Neñöh denöwöh ahinga dop kölma?” Qesim wanğigetka kewöh jii mötket, “Kungören monenğöra kuñguba upetkupet

\* 3:4: Ais 40.3-5 \* 3:7: Mat 12.34; 23.33 \* 3:8: Jon 8.33 \* 3:9: Mat 7.19 \* 3:12: Luk 7.29

aka kiom kude kölmemö, nanñini töwanjini memakzei, miambuk mönö urumohok aka ösöñ malme.”

<sup>15</sup> Ambazip pakpak yeñön “Jonöñ Amötqeçe Toñi Kraist akapuk,” jiba uruñinan mewö mötmöriget. Mianğö könañi mötpingö kezapñini köröpñi aket.

<sup>16</sup> Mewö aketka Jonöñ körek yeğöra kewö jiyök, “Nöñön o töhönöñ melun mem engizalmö, azi kukösumñi köhöikñi kun kama. Yanğö kukösumñi öngöngöñan mönö nöngöreñ ongitma. Yanñön azi öngöngöñi akñawanğöra nöñön yanğö köna esuñanğö kösöñi bauköba pösatmamğö qötötañğömam. Yanñön mönö Uña Töröñi uruñine ali könöp bölamñan köl könjörat enğiiga mewö mianñön melun mem enğima.

<sup>17</sup> Yanñön ölni aka kamböñi mendeñ etkimamğö sapakñi memba kañgota uba qöröreñğöba kewötma. Kewöta wit kötñi tokoba köweñe almapmö, kamböñi aka gwau-gulapñi mi mönö usuñniga könöpnöñ geba teteköñi qahö jema.”

<sup>18</sup> Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeğöra jim asariba malök.

<sup>19</sup> \*Malökmö, gölme bahöñanğö kiñ Herod yanñön datñanğö anömñi qetñi Herodias mi ölöñ meyök aka bölöñi könañi könañi aka malöhi, mianğö sapñi Jonöñ qeba munjarariga jim wañgiyök.

<sup>20</sup> Jim wañgiba bölöñamñi kun toroqeba aka Jongöreñ nupñi tözöpköba suahö galömñi jii Jon memba kösö mire alget. Mewö.

*Jonöñ Jisös o melun mem wañgiyök.*

*Mat 3.13-17; Mak 1.9-11*

<sup>21</sup> Jonöñ ambazip pakpak o melun mem enğiba Jisös mewöyök o melun mem wañgiyök. Mem wañgii köuluköiga mianğöreñök Suepnöñ añañiyök.

<sup>22</sup> \*Añañiiga Uña Töröñan melenđa kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñön mönö nani wölböt nahöna aknöñga köröni ölöwahiga geknahöm ak gihizal.” Mewö.

*Jisösgö isikurupñi yeğö qet areñini*

*Mat 1.1-17*

<sup>23</sup> Jonöñ Jisös o melun mem wañgiiga yambu (yara)ñi 30 mianğö dop aiga amötqeçe nupñi könahiba memba malök. Memba maliga Josefgö nahönña akzawi, ambazipnöñ mewö mötmöriget. Jisös iwiñi Josef, asañi qetñi Heli.

<sup>24</sup> Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef,

<sup>25</sup> sukumñi Matatias. Matatias iwiñi Amos, asañi Nahum, amböñi Esli, sukumñi Nagai.

<sup>26</sup> Nagai iwiñi Mat, asañi Matatias, amböñi Semen, sukumñi Josek. Josek iwiñi Joda,

<sup>27</sup> asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri,

<sup>28</sup> amböñi Melki, sukumñi Adi. Adi iwiñi Kosam, asañi Elmadam, amböñi Er,

<sup>29</sup> sukumñi Josua. Josua iwiñi Eliezer, asañi Jorim, amböñi Matat, sukumñi Liwai.

<sup>30</sup> Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim,

<sup>31</sup> asañi Melea, amböñi Menna, sukumñi Matata. Matata iwiñi Neitan, asañi Deiwid,

<sup>32</sup> amböñi Jesi, sukumñi Obed. Obed iwiñi Boaz, asañi Salmon, amböñi Nason,

<sup>33</sup> sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda,

<sup>34</sup> asañi Jeikob, amböñi Aisak, sukumñi Abraham. Abraham iwiñi Tera, asañi Nahor,

<sup>35</sup> amböñi Serug, sukumñi Reu. Reu iwiñi Peleg, asañi Eber, amböñi Sela,

<sup>36</sup> sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek.

\* 3:19: Mat 14.3-4; Mak 6.17-18 \* 3:22: Jen 22.2; Sum 2.7; Ais 42.1; Mat 3.17; Mak 1.11; Luk 9.35

<sup>37</sup> Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunöŋ mei ahuyök. Mewö.

<sup>38</sup> (-)

## 4

*Satanöŋ Jisös esapköba malök.*

*Mat 4.1-11; Mak 1.12-13*

<sup>1</sup> Jonöŋ Jisös o melun mem waŋgiiga Uŋa Töröŋan uruŋi kokolak qei Jordan onöhök lilingöiga waŋgita gölme qararaŋkölkölŋe anök.

<sup>2</sup> Anda miangöreŋ mali Bölöŋi Toŋan esapköm waŋgi wehön 40 teköyök. Nalö 40 miangöreŋ nene kun qahö namba mali teköiga neneŋaŋgö kömuyök.

<sup>3</sup> Yakaŋaŋgö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunöŋga letota beret aketka neman.”

<sup>4</sup> \*Jii möta meleŋnök, “Qahö, Buŋa Kimbinöŋ keu kewö ohoget ahöza, ‘Nenenöhök ambazip malmal qahö neŋgimakza.’ ”

<sup>5</sup> Meleŋniga waŋgita kundunŋi köröŋi kunöŋ öngöba gölmegö kantriŋi kantriŋi pakpak mi zilaŋ kondel waŋgiyök.

<sup>6</sup> Kondel waŋgiba jii mörök, “Nönön kantri pakpak mi galöm köl eŋgimangö kukösumŋi aka inap yuainangö aködamunŋi mi nönögö böröne alalŋa ahöza. Miangöra mi nani sihimnaŋgö dop niŋia waŋgimam jiba ölop waŋgimam. Miangöra yuai pakpak ki mönö göhö böröge almam.

<sup>7</sup> Miangöra gi waikni memba möpöseim niŋgiman ewö, mi pakpak mönö göhö buŋaya ak teköma.”

<sup>8</sup> \*Mewö jii möta kewö meleŋnök, “Qahö, Buŋa Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen qem waŋgiba malman.’ ”

<sup>9</sup> Meleŋniga Jisös waŋgita Jerusalem sitinöŋ anda jöwöwöl jikegö boŋe euyangöreŋ öngöba kewö jii mörök, “Gi Anutugö nahönŋa akzan ewö, mönö kiangöreŋök luhuba emu geman.

<sup>10</sup> \*Buŋa Kimbinöŋ keu kun kewö ohoget ahöza, ‘Anutunöŋ garataurupŋi jim kutum eŋgiiga ölopŋanök galöm köla sel jöhöm gihime,’

<sup>11</sup> \*aka keu kun kewö, ‘Yeŋön böröŋine ala nönögölim gihigetka geba kötnöŋ könage qahö guhum qizit akŋa.’ ” Miangöra geba kude ayuhuman.

<sup>12</sup> \*Mewö jiyökmö, Jisösnöŋ kewö meleŋ waŋgiyök, “Qahö! Anutunöŋ jiza, ‘Gi mönö Kembugi Anutu kude esapköm waŋgiman.’ ”

<sup>13</sup> Bölöŋi Toŋan esapesap pakpak mi Jisös ak waŋgi teköiga mosöta anök. Mewö.

*Jisösnöŋ könahiba amötqeqe nup meyök*

*Mat 4.12-17; Mak 1.14-15*

<sup>14</sup> Jisösnöŋ gölme qararaŋkölkölŋi mosöri Uŋa Töröŋaŋgö ösumŋan yambuk kiniga Galili prowinsnöŋ lilingöyök. Lilingöiga keu buzupŋan sehiba miri gölme liliköba tat angeri, mi pakpak dop köla anök.

<sup>15</sup> Dop köli miriŋi miriŋi liliköba köuluk miriŋine öngöba Buŋa keu kusum eŋgiyök. Kusum eŋgiiga mötkeri, körek yeŋön mönö söŋgaiba möpöseim waŋgiget. Mewö.

*Nazaret yeŋön Jisös andö qeget.*

*Mat 13.53-58; Mak 6.1-6*

<sup>16</sup> Jisösnöŋ lilingöba malqarip taonŋi Nazaret miangöreŋ anök. Sonda kendonöŋ kaiga ahakzawaŋgö dop köuluk mire öngöba Buŋa Kimbi oyöŋ eŋgimangö wahörök.

17 Wahöri kezapqetok azi Aisaiagö Buzup Kimbi wanjigetka kötula keu kembangan kewö ohoget ahözawi, mi miwikñaiyök:

18\*“Kembugö Uña Töröñan nöngö urune geba nup memegö kelök supapñi köl ningiba ambazip etqeqeñi yeñgöra Ölöwak Buña jim asarimakzal. Yanñon melaim ningiiga keu kewö jim sehimakzal:

Bölöñan gwaröhöm enñii maljei, Anutunöñ mönö i pösata meköm enñiiga malme.

Anutunöñ jegömöl ambazip jeñini mem tohoiga kunbuk uba ekñe.

Taikpaik memba eta alget maljei, Anutunöñ mönö i meköm enñiiga siyonñsayoñi qahö malme.

19 Kembunöñ amötqeqegö yambu ölöpñi ali kam kuñgumawi, nöñon miangö kolekña kaba mi jim asarimakzal.”

20 Keu mewö oyoñda köpöp supap mi köpeiba galömñi wanjiba eta tarök. Tariga köuluk mire tatkeri, yeñon körek je qisilmisilñi qahö dörotköba ehiget.

21 Ehigetka könahiba kewö jii mötket, “Buzup Kimbigö keu ki oyoñbi kezapñine gei mötzei, miangö öñan mönö merak asuhuza.”

22 Mewö jii mötketka kalem möriam keuñi keuñi numbuñeyök eriga körekñan mi möta welipköba jim soroköm wanjiba keu miangö jiji-kilik-kilikñi mi kewö jiget, “Azi ki Josefgö nahönña me?”

23 Jigetka kewö jii mötket, “Inñini nalöñi nalöñi keu köñi ki jimakze, ‘Mem ölöwak azi gi mönö nangi mem ölöwak anñuman.’ Inñini keu köñi mi döli nöngöra jibingö mötze, mi mötzal. Mi jiba kewö jibeak, ‘Gi Kaperneam taonöñ anda anñoletot öñgöñgöñi menöñga buzupñi mörini, miangö dop mönö nangi miri kiangöreñ mewöyök meman.’ ”

24\*“Mewö jiba jiyök, “Nöñon keu öñi kun kewö jibi mötme: Kezapqetok ambazip kunöñ mönö nanñi malqarip taonöñ qahö dop kölja.

25\*“Nöñon keu ölböñi kun kewö jibi mötme: Elaijagö (Elia) nalöñe Anutunöñ Suep nanñi köli yambu (yara) karöbut aka köiñ 6 miangö uruñe kie qahö yöhöiga bödi ketañi ahuiga gölme pakpak dop kölök. Nalö miangöreñ ambi malö gwötpuk Israel uruñe malget.

26\*“Gwötpuk malgetmö, Anutunöñ Elaija yeñgöreñök kungöreñ anmapkö qahö melaiyökmö, kian gölme Saidongö miri qetñi Sarefat miangöreñ ambi malö mohot-töp yangöreñ melaiiga anök.

27\*“Kezapqetok azi Elisagö nalöñe uzikukunöñ Israel azi gwötpuk turum enñiiga malgetmö, yeñgöreñök kunñan kun qahö solaniyök. Qahöpmö, kian gölme Siriagö azi qetñi Naman yanñon mohot-kun mönö Elisagö keuñi möt nariba solaniba ölöwahök.”

28 Jisösnöñ mewö jiiga köuluk mire tatkeri, yeñon körek keu mi möta irimñini seholiiga urupik aket.

29 Urupik aka wahöta Jisös közöla taon yaigepñe wuatangöba taon mi kundunangö sem kösutñe meget kinöhi, miangöreñ aköget gemapköra anget.

30 Angetmö, sutñine qendenña enñomosöta anök. Mewö.

*Kaperneam taonöñ öme kun közölök.*

*Mak 1.21-28*

31 Jisösnöñ Galili prowins uruñe Kaperneam sitinöñ eta anñgota Sabat kendonöñ ambazip kambu kusum enñiyök.

32\*“Kusum enñiiga keuñan kukösumñambuk aiga jiyök. Miangöra könagesö yeñon mi eka auruba welipköget.

33 Köuluk miri miangöreñ azi kun ömeñambuk tarök. Tariga ömeñan teringöba silata qetñi kewö qerök,

\* 4:18: Ais 61.1-2 \* 4:24: Jon 4.44 \* 4:25: 1 Kinj 17.1 \* 4:26: 1 Kinj 17.8-16 \* 4:27: 2 Kinj 5.1-14 \* 4:32: Mat 7.28-29



<sup>34</sup> “Aek! Jisös, Nazaret azia! Gi wania ak neŋgimangö akzane? Mönö ayuhum neŋgimangöra kazan me? Ni könaŋangi möt kutuzal. Gi Anutugöreŋ azi Tök-kutukutuŋi akzan.”

<sup>35</sup> Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.” Mewö jim waŋgiiga ömenöŋ azi mi memba gili tala sutŋine gölmenöŋ geiga miziqizikŋi qahöpmahöp aka kota mosöta anök.

<sup>36</sup> Aniga körekŋan nemböŋini teköiga welipköba sutŋine eraum möta kewö jiget, “Yei! Keu ki mönö wani keuya? Yaŋön kuk aka ösum-mumu qakŋe ömewöröme jim kutum enŋiiga tem köla kota anje.”

<sup>37</sup> Mewö asuhuiga Jisösgö qetbuŋaŋan sehiba miri pakpak kösutŋe tat angeri, miangöreŋ anda gölme mi dop kölök. Mewö.

*Jisösnöŋ kawöl ambazip gwötpuk meiga ölöwaket.*

*Mat 8.14-17; Mak 1.29-34*

<sup>38</sup> Jisösnöŋ wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunŋan sile könöp öngöŋgöŋi yöhöi ahöyök. Ahöiga yaŋgöra aka Jisös köuluköm waŋgiget.

<sup>39</sup> Köuluköm waŋgigetka anda sipköba geba sile könöp jim kutum waŋgiiga mosöriiga miangöreŋök wahöta nene ohoba gumohom enŋiyök.

<sup>40</sup> Wehön jeŋi teköba geiga miangöreŋ ambazip denike yeŋön alaurupŋini kawöl könaŋi könaŋi miaŋön enŋöhöi ahögeri, mi körek enŋuaŋgita Jisösgöreŋ kaget. Kagetka böröŋi körek yeŋgö qakŋine inannik inannik aliga ölöwak teköget.

<sup>41</sup> Ömewöröme yeŋön mewöyök ambazip gwötpuk yeŋgö uruŋineyök kota silata kewö qetket, “Gi Anutugö nahönŋi akzan.”

Jisösnöŋ Amötqeqe Toŋi Kraist akzawi, yeŋön mi mötkeŋgöra Jisösnöŋ jim enŋiba numbuŋini muhungöba enŋuatangöyök. Mewö.

*Amötqeqe nupŋi Galili dop kölök.*

*Mak 1.35-39*

<sup>42</sup> Jisösnöŋ gaun ahöiga miri waŋgaraŋ suruiga wahöta nanŋik tirin (tin) kutuba geba göraŋe kunöŋ anök. Anökmö, ambazip yeŋön göraim waŋgiba anda miwikŋaiba kude enŋömosöta anmapköra esapköba aŋgön köl waŋgiget.

<sup>43</sup> Aŋgön köl waŋgigetmö, kewö jii mötket, “Nöŋön Anutu bemtohonŋangö Ölöwak Buŋaŋi mi taon tosatŋi yeŋgöra mewöyök jim asarim enŋibi dop kölma. Anutunöŋ mönö miangöra melaim niŋgiyök.”

<sup>44</sup> Mewö jiba anda Galili prowins liliköba köuluk mirinŋine Buŋa keunöŋ uru kuŋgum enŋiba malök. Mewö.

## 5

*Jisösnöŋ gwarekurupŋi mutukŋi enŋgoholök.*

*Mat 4.18-22; Mak 1.16-20*

<sup>1\*</sup> Nalö kunöŋ Jisösnöŋ Genesaret o aŋgö jitŋe kiniga ambazipnöŋ kambu köla Anutugö Buŋa keu mötpingö ölöqölököba liliköm waŋgiget.

<sup>2</sup> Liliköm waŋgigetka kinda waŋge yahöt köwet göraŋe tarohotka etkehök. Söra örörö yeŋön waŋge mi mosöta geba mösakŋini kusahöla saŋgonŋet.

<sup>3</sup> Waŋge kun mi Saimongöreŋa. Jisösnöŋ miangöreŋ öngöba toŋi kewö qesim waŋgiyök, “Göŋön mönö naŋgönöŋga borom kun noaŋgita onöŋ göröken anma.” Qesim waŋgiiga naŋgöiga anda waŋgenöŋ tata ambazip kambu kusum enŋiyök.

<sup>4</sup> Kusum enŋim teköba Saimongöra jiyök, “Göŋön mönö waŋge ki naŋgönöŋga o aŋgö bibiŋe aniga alaurupki yembuk mösakŋini söragöra gilgetka gema.”

\* 5:1: Mat 13.1-2; Mak 3.9-10; 4.1

<sup>5</sup>\* Jiiga Saimonöŋ melenök, “Ketanamni, nini sun gem köröp mösak gil bibihiba ölni kun qahö mezin. Qahöpmö, göŋön jim kutuzanaŋgöra mönö töndup anda gilin gema.”

<sup>6</sup>\* Mewö meleni jiyöhaŋgö dop aketka söranöŋ awamni qahö mösakŋine gegetka buratibingö aket.

<sup>7</sup> Mewö aketka alaurupŋini waŋge kunöŋ malgeri, yeŋgöra kaba bauköm enjimegö börökaek kölgetka kaget. Kagetka waŋge yahöt mi söranöŋ kokolak qegetka nemulahöm taköyohot.

<sup>8-9</sup> Söra öŋgöŋgöŋi mewö memba eka miangöra körekŋan welipköget. Welipköba Saimon Pitönöŋ mi eka Jisösgö wösöŋe geba simin köla jiyök, “O Kambu, ni siŋgisöndok azia akzalaŋgöra mönö nömosöta anöŋ.”

<sup>10</sup> Saimongö alayahötŋi Jeims aka Jon Zebedigö nahönyahötŋi yetkän mewöyök nemböŋiri teköiga welipköyohot. Saimonöŋ keuŋi jiyökmö, Jisösnöŋ kewö melenök, “Mönö keŋgötki kude mötman. Gi kiangö andöŋe ambazip mi söra ewö öröba enjömembra malman.”

<sup>11</sup> Mewö jiiga waŋgeŋini öröba kota saknöŋ ala öröyuaŋini pakpak mosöta Jisösgö andöŋe wuatanaŋgöba anget. Mewö.

*Jisösnöŋ uzikuku azi kun mem solaniyök.*

*Mat 8.1-4; Mak 1.40-45*

<sup>12</sup> Jisösnöŋ taon kunöŋ maliga miangören azi kun silen uzikukunöŋ mem bölim teköiga tarök. Tata Jisös eka kösutŋe simin köla geba kewö köuluköm waŋgiyök, “O Kambu, göŋön sihimgan mem ölöwak niŋgimangö mötzan ewö, mönö ni ölop mem solanim niŋgiman.”

<sup>13</sup> Mewö jiiga böröŋi böranda silen misiriba jiyök, “Nöŋön mi akŋamgö mötzal. Gi mönö solaniman.” Mewö jiiga uzikukuŋi mi miangörenök solaniyök.

<sup>14</sup>\* Solaniiga kewö jim kutum waŋgiyök, “Mötnöŋ kiangö buzup keuŋi mi kun kude jinöŋ mötme. Qahöpmö, gi mönö jike nup galömgören anda silegi kondel waŋgiba Mosesgören jimkutukutuŋi wuatanaŋgöba solanizanaŋgö saiwap nalukŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.”

<sup>15</sup> Mewö jiyökmö, mi töndup Jisösgö qetbuŋaŋi sehiba miri dop asariba anök. Anöhaŋgö dop ambazip kambuŋi kambuŋi yeŋön keuŋi mötpingö aka kawölŋini mem ölöwakŋapkö yangören kaba tokoget.

<sup>16</sup> Kagemö, Jisösnöŋ enjomosöta gölme qararaŋkölkölŋe anda mala köuluköyök. Mewö.

*Jisösnöŋ azi sile likepŋi kömukömuŋi möhamgöyök.*

*Mat 9.1-8; Mak 2.1-12*

<sup>17</sup> Jisösnöŋ wehön kunöŋ Buŋa keu kusum enjiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kambuŋgö kukösumŋan Jisös nam köl waŋgiiga ambazip kawölŋini mei ölöwaket.

<sup>18</sup> Nalö miangören azi tosatŋan alaŋini sile likepŋi kömukömuŋi mi kululunöŋ ala aŋguba kaget. Kaba kutuba Jisösgö kösutŋe miri uruŋe öŋgöba albingö esapköget.

<sup>19</sup> Esapkögetmö, ambazip kambunöŋ ölököba kingeraŋgöra paŋpaŋgöba miri uruŋe öŋgöbingö köna kun qahö miwikŋaiba memba miri qakŋe öŋgöget. Öŋgöba bo kötnöŋ memeni mi esim lulungetka kinimŋi ahui kawöl azi kululunambuk kösönöŋ jöhöba miangören algetka ambazip sutŋine Jisösgö wösöŋe geyök.

<sup>20</sup> Mewö geiga Anutu möt narim waŋgigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

<sup>21</sup> Mewö jiiga Köna keugö böhi aka Farisi yeŋön mi möta könahiba kewö jiba mötmöriget, “Azi ki niŋia? Yaŋön mönö Anutu ilita mepaqepaik akza. Anutu mohotŋan siŋgisöndokni mosörakzapmö, azi kunŋan mi qahö.”

\* 5:5: Jon 21.3 \* 5:6: Jon 21.6 \* 5:14: Lew 14.1-32

<sup>22</sup> Mewö mötmörigetmö, Jisösnöñ uruñini ek kutuba kewö jii mötket, “Tosatñi injini uruñinan wuanöngöra keu jizali, miangöra gwötpuk mötmörize? Mi qahö dop kölja.

<sup>23</sup> ‘Nöñön siñgisöndoki mosötzal, jizali, keu mianñön mönö awamñanök jijiña. Kunñan mewö jiiga tosatñan keu miangö ölni qahö ekñe. Mianñora mi keu awamñangö dop. Nöñön keu kun kewö jimamangö mötzal, ‘Mönö wahöta anöñ.’ Keu mi mönö lömbötñambuk jijiña akza. Mewö jibiga ölni asuhuma me qahöwi, mianñön mönö aukñe asuhui ekñe.

<sup>24</sup> Mötket, gölmenöñ siñgisöndok mosötmosötkö kukösümüñi mi Suep gölmegö azi ölnangören ahözawi, injini miangö könañangöra janjuñ malbepuk. Mianñora keu lömbötñi mi azi kiangöra jibi ölni eket.” Mewö jiba azi sile likepñi kömukömuñi yangöra jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanñi akawak?”

<sup>25</sup> Mewö jiiga miangörenök jeñine wahöta tumbulahöpñi ahöyöhi, mi memba Anutu möpöseiba mosöta miriñe anök.

<sup>26</sup> Mewö asuhuiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

*Jisösnöñ Matyu (Liwai) oholök.*

*Mat 9.9-13; Mak 2.13-17*

<sup>27</sup> Mianñö andöñe Jisösnöñ Kaperneam mosöta anda takis ofis ongitmamgö aiga miangören takis meme azi qetñi Liwai tariga eka jii mörök, “Gi mönö nöngö andöne kanöñ.”

<sup>28</sup> Mewö jii möta nupñi pakpak mosöta wahöta Jisösgö andöñe anök.

<sup>29</sup> Anda Jisös miriñe köl öröba yangöra közölömbuan ketanñi mözözömgöyök. Mözözömgöba takis meme tilipqilipñinambuk aka alaurupñi tosatñi öröm enjiiga kambu ketanñi köla yembuk tata nene neget.

<sup>30</sup> \*Mewö negetka Farisi (Köna keugö kapañkölköl) aka yeñgören böhi yeñön mi eka jimongot aka Jisösgö gwarekurupñi kewö jim enjiget, “Aek! Injini mönö wuanöngöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

<sup>31</sup> Mewö jim enjigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ mönö doktagören anakze.

<sup>32</sup> Nöñön siñgisöndok ambazip uruñini melenmegö engholmamgöra kaba maljalmö, ambazip nanñinanö mötketka solanñi akzei, i qahö.”

*Nene siñgi malmalgö keuñi*

*Mat 9.14-17; Mak 2.18-22*

<sup>33</sup> Ambazip tosatñan Jisösgören kaba qesiget, “Jon O-melun azigö gwarekurupñi neñön nalö gwötpuk Anutugöra nene siñgi mala köuluk totoko köröpñi alakzin. Farisi (Köna keugö kapañkölköl) yeñgö gwarekurupñinan mewöñanök aka maljemö, nangi gwarekurupkan mönö pöndañ nene aka o nemakze.”

<sup>34</sup> Mewö qesigetka kewö melenök, “Ölna! Nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sep kitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga siñgi malbingö jigetka yeñön aijölöñ söngaiba tata siñgi malbingö osimakze.

<sup>35</sup> Osimakzemö, Anutunöñ noañgiri kömumbiga yeñön mönö nalö miangören ölop siñgi malakñe.

<sup>36</sup> “Injini malmal walñi aka sösongai Buña dölökñi mi mindirim etkibingö osime. Mianñö dopkeu pasetñi kun mi kewö jibi mötket: Löngölöngöt walñi jurariga kunöñ

\* 5:30: Luk 15.1-2

lönğölönğöt dölökñi mitiba opo su jöhanñi mianjón qahö ala uhum göreñgömakza. Mewö akawak ewö, opo su jöhanñi dölökñan mönö walñambuk öröröñ qahö aka mi öröba munjarariga böliqölibapuk.

<sup>37</sup> “Mewöñanök kunöñ wain o dölökñi mi jobö me toru walñi lama silenjan memenji miangöreñ qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk.

<sup>38</sup> “Miangöra wain o dölökñi mi toru dölökneyök mokoin geiga dop kölma. (Mewöñanök kunöñ o ölopñi mi gina gisagisahöñe qahö umakzin. Mewö ubinak ewö, mianjón mönö jula kisipisirik eriga nemba kawöl neñgöhöbapuk. Mewö akapüköra o ölopñi mi gina ölopñe umakzin. Injini mewöyök malmal walñi aka Ölöwak Buña dölökñi mi mindirim etkibingö osime.)

<sup>39</sup> Kunñan wain o walñi möpöseiba nemba malakzawi, yanjón wain o dölökñi nemangö sihimñi qahö möta ölan alakza.” Mewö.

## 6

### *Jisösnöñ Sabat kendongö Kembuñi akza.*

*Mat 12.1-8; Mak 2.23-28*

<sup>1</sup> \*Miangö andöñe Sabat kendon kunöñ Jisösnöñ wit padi nup köröñi ketanji kutuba anök. Ani gwarekurupñan wösöñini enjuiga wit ölnji mohot mohot böröñinan misiba sömanja neget.

<sup>2</sup> Mewö negerangöra Farisi (Köna keugö kapañkölköl) tosatñan mi eka kewö jiget, “Injini mönö wuanöngöra Sabat kendongö nup meme soñgoñi ongitze?”

<sup>3</sup> \*Mewö jigetmö, Jisösnöñ kewö melenök, “Kiñ Deiwidnöñ yarö aziurupñi yembuk liliköba wösöñini enjuiga yuai akeri, mi lök oyonget me qahö?”

<sup>4</sup> \*Yanjón mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yanjón aka yangö sunğurumurupñan mi nembepüköra soñgo ahöyök mi töndup neget.”

<sup>5</sup> Mewö jiba kewö jii mötket, “Suep gölmegö azi ölnjan mönö Sabat kendongö Kembuñi akza.” Mewö.

### *Jisösnöñ azi böröñi sösröngöñi mem ölöwahök.*

*Mat 12.9-14; Mak 3.1-6*

<sup>6</sup> Jisösnöñ Sabat kendon kunöñ köuluk mire öngöba Buña kusum enjiyök. Miangöreñ azi kun böröñi ölnji soholiiga tarök.

<sup>7</sup> Köna keugö böhi aka Farisi (Köna keugö kapañkölköl) yeñön Jisös eka keu jakeñe al wangibingö könañi jaruba “Azi mi Sabat kendonöñ möhamgöma me qahö?” jiba je galöm memba tatket.

<sup>8</sup> Tatketmö, Jisösnöñ mötmötñini mi möt kutuba azi böröñi sosoholiñi mi kewö jii mörök, “Mönö wahöta jenine kinöñ.” Mewö jiiga wahöta kinök.

<sup>9</sup> Kini Jisösnöñ jii mötket, “Köna keu wuatangöba Sabat kendonöñ yuai ölopñi me bölöñi akin? Ölop kungö bohonñi jöhöbin me mosöringa ayuhuma. Wanat kun meinga dop kölma? Mi qesim enjibi jiget.”

<sup>10</sup> Mewö jiba körek pakpak lilingöm purik engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiiga kunbuk ölöwahök.

<sup>11</sup> Ölöwahökmö, galöm yeñön irimñini gwötpuk seholiiga “Jisös denöwö ak wangibin?” jiba nanñini eraum mötket. Mewö.



*Gwarekurupni 12 möwölöhöm engiyök.*

*Mat 10.1-4; Mak 3.13-19*

<sup>12</sup> Nalö miangören Jisösnöñ kundunje köulukömamgö öngöba sunjem köröp mi Anutu köuluköm wanjiba mali miri alök.

<sup>13</sup> Miri gianjiiga gwarekurupni engohola yengörenök 12 möwölöhöm engiba melaimelai azi aposol qet mi engiyök.

<sup>14</sup> Qetjni kewö qerök: Saimon, Jisösnöñ qetjni Pitö wanjiyök, yangö munni Andru aka Jeims, Jon, Filip, Bartolomyu,

<sup>15</sup> Matyu, Tomas, Jeims Alfiusgö nahönni aka Saimon qetjni kun Tuaköpek azi qetket.\*

<sup>16</sup> Judas Jeimsgö nahönni aka Judas Iskariot. Kariot azi mianjön könanjen mamalolo azia ahök.

*Jisösnöñ kawöl ambazip mem ölöwak engiyök.*

*Mat 4.23-25*

<sup>17</sup> Jisösnöñ aposolurupni yembuk kunduneyök eta gölme köröñe anda kinget. Kingetka gwarek kambunji ketanji aka ambazip kambuleleme yenön yangöra tokoba mambötket. Yenön “Buñanji jii möringa kawölnini mem ölöwakña,” jiba miangöra Judia prowins pak-pak, Jerusalem siti aka köwet jitneyök Taiö aka Saidon taon miangörenök kaba tokoget.

<sup>18</sup> Ömewörömenöñ kölköljinjin mem engiyöhi, yenön mewöyök kaba ölöwaket.

<sup>19</sup> Kukösumñan yangörenök kutuba yengören öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

*Simbawon aka kezapjupjup ahakö keunji*

*Mat 5.1-12*

<sup>20</sup> Jisösnöñ gwarekurupni uba wahöta engeka kewö jiyök, “Anutugö bemtohon mi wanapni engö buñaya. Miangöra wanapni injini mönö simbawon akze.

<sup>21</sup> Nalö kewöñe nenegö ewö kömumba qemjen qeba maljei, Anutunöñ mönö sihimñini mi gumohom engima. Miangöra injini mönö simbawon akze. Nalö kewöñe sahötzei, enön mönö sösöngai aka gön kölme. Miangöra wösöbirik maljei, injini mönö simbawon akze.

<sup>22</sup>\* “Ambazipnöñ injini Suep gölmege azi ölnangöra aka kazik aka yaköriba sileñe ala uruqeñe keu töhören jim engiba kiam sekbölö ewö qetjni kutumei, injini mönö simbawon akze.

<sup>23</sup>\* Amböskonurupñinan miangö dop kezapqetok ambazip yengöra ak engiba malget. Mötket! Anutunöñ töwanini öngöngöñi Suep mire ali ahöza. Miangöra mewö ak engigetka nalö miangören mönö söñgaiba köirañ kölme.

<sup>24</sup> Injini simbawon maljemö, pomñi sukinapñinambuk injini malmal siyonsayonji qahö maljei, mi teköma. Miangöra nöñön engöra wöziköba ‘Yei!’ jizal.

<sup>25</sup> Nalö kewöñe nem timbireñ maljei, injini mönö wösöñini ali (buörö) bödi malme. Miangöra nöñön engöra wöziköba ‘Yei!’ jizal. Nalö kewöñe sösöngai aka gön köljei, injini mönö amburereñ aka sahötme. Miangöra nöñön engöra wöziköba ‘Yei!’ jizal.

<sup>26</sup> “Amböskonurupñinan kezapqetok ambazip takapulakanji jim möpöseim engiba malget. Ambazip pakpak miangö dop ak engigetka nöñön engöra wöziköba ‘Yei!’ jizal.” Mewö.

*Kerökurupki mönö jöpaköm engiman.*

*Mat 5.38-48; 7.12a*

\* **6:15:** Nasönöl pati zelot yenön Rom gawman tuarenjon aka nanñine kinkin membingö tuaköpek memba malget.

\* **6:22:** 1 Pitö 4.14 \* **6:23:** 2 Hist 36.16; Apo 7.52

27 “Bölöni ak engimemö, injini keuni möta maljei, nöñön engöra kewö jibi mötme: mönö kerökurupñini uruñinan jöpaköm engiba malme. Denike yeñön kazik ak engizei, i mönö ölöpñanök ak engiba malme.

28 “Denike yeñön qesuahöba jinjerereñ ak engizei, i mönö köl tömbiba kötuëtköm engime. Örom ureim ak engizei, yeñgöra mönö Anutugö köuluköme.

29 “Kunñan nuñgulumgi likepñi qekötahöliiga likepñi mewöyök melen wangiman. Kunñan qakñangö malukugi goañgiriga göñön mönö dutñangö oponi mohokñe memamgö möri mi kude añgön kölman.

30 “Yuaigö ulet gihigetka mi mönö körek yeñgöra engiman. Kunñan göhö inap yuaigi meiga mi mönö melen gihimapkö kude kapan köla qesiman.

31 \*Ambazipnöñ yuai nanñinanğö ak engimegö mörakzei, miangö dop mönö nanñini mewöyök i ak engimakñe.

32 “Gölmegö siñgisöndok ambazipnöñ alaurupñinan jöpaköm engigetka kitipñi melenđa jöpaköm engiba möpöseim añgumakze. Injini miangö dop gölmegö tandökñi wuatangömakze ewö, Anutugöreñ tosa qahö ahuiga mönö denöwö injini möpöseim engibawak? Alaurupñini aka kerökurupñini mi mönö mohotñe jöpaköm engigetka töwa enjiiga oyaenköyaen akñe.

33 “Gölmegö siñgisöndok ambazipnöñ alaurupñinan yuai ölöpñi ak engigetka kitipñi melen engiba ala ak añguba möpöseim añgumakze. Injini miangö dop aka gölmegö tandökñi wuatangömakze ewö, Anutugöreñ tosa qahö ahuiga injini qahö möpöseim engima.

34 “Gölmegö siñgisöndok ambazipnöñ moneñ yuai mi siñgisöndok ambazip tosatñi yeñgöra engiba kitipñi miyök melen engimegöra kapan kölakze. Mi gölmegö ahakmemeya. Injini tosatñan tosañini melen engimegö al mambötkeka Anutunöñ mönö denöwö möpöseim engibawak? Tosatñan tosañini qahö melen engigetka Anutunöñ mönö kitipñi mi melenđa töwa engima.

35 “Injini mönö Suep Toñangö ahakmemeya aka memba malme. Gölmegö ambazipnöñ bölöni aka saiwap qahö jimakzemö, Anutunöñ töndup i ölöpñi ak engimakza. Miangöra injini mönö kerökurupñini uruñinan jöpaköba ölöpñanök ak engiba moneñ yuai engiba miangö likepñi kun melenđa engimegöra kude al mambötme. Mewö aka malgetka töwaninan sehiba öngöñgöñi aiga Anutu öngöñgöñangö nahönböraturupñi aka malme.

36 “Suep Iwiñinan körek pakpak ak kömum engimamgö mötzawi, injini mönö miangö dop ambazip pakpak ak kömum engiba malme.” Mewö.

*Jimtekötekö toñi ewö kude akñe.*

*Mat 7.1-5*

37 “Ambazip tosatñi yeñgö keuñini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Injini tosatñi yeñgö siñgisöndokñinanğö likepñi mi qahö melen engime. Mi qahö melen engigetka Anutunöñ mönö nanñini siñgisöndokñinanğö likepñi mi mewöyök qahö melen engima. Injini mönö tosatñi yeñgö siñgisöndokñini mosötme. Mi mosötkeka Anutunöñ nanñini siñgisöndokñini mewöyök sañgoñda mosötma.

38 “Injini ambazip tosatñi yeñgöra yuai ak engigetka Anutunöñ mönö miangö dop kewöta yuai mi melenđa engöra ak engima. Miangöra injini mönö yuai kalema engimakñe. Mewö engigetka Anutunöñ mönö mewöñanök kalema engimakñe. Ölna, Anutunöñ ekbonep qahö möta bauköm engimakñe. Anutunöñ kewöta injini engigeri, miangö dopñi jömuk memba kiwinöñ mokoï numbuñe kori utuköi qörörañ aiga mulumgöi gei toroqeba qakñe mokoï dopñi onğita qeqelanlan eri, mi mönö gösöñine löngöt engima.” Anutugö könañi mewö.

*Ambazipnöñ nanñini könañini eka mötme.*

\* 6:31: Mat 7.12

<sup>39</sup> \*Jisösnöñ dopkeu kun kewö jii mötket, “Jegömöl ambazip kunöñ jegömöl alañi kun ölop böröñe memba wañgitma me qahö? Mewö anbahorak mönö mohotñe lömnöñ geba etkubawak.

<sup>40</sup> \*Gwareknöñ böhiñi qahö oñgitza. Böhiñinan mötmöt pakpak törörök kusum enñii möt kömumei, körek yeñön mönö böhiñini ewö akñe.

<sup>41</sup> “Gi wuanöñgöra alagahö jeñe gödöwöröt morörökñi ekzanmö, nangi jege ip sahötñi ketañi ahözawi, mia denöwö kude ek kutuzan?”

<sup>42</sup> Nangi jege ip sahötñi ketañi ahözawi, mi qahö ek kutuba denöwögöra alagahö kewö jibanak, ‘Alani mötnöñ! Jege euke gödöwöröt geba tatzawi, mi ölop itaköbi etma.’ O urumelenğö silesile azi, gi mönö mutuk nange jegeyök ip sahötñi (tapötñi) ketañi mi memba gilman. Mi mem gilagun törörök ek kutuba alagahö jeñe gödöwöröt geba tatzawi, mi ölop itakönöñga etma.” Mewö.

*Ipkö könañi mi ölni eka kewöta möt kutume.*

*Mat 7.16-20; 12.33-35*

<sup>43</sup> “Ip ölopñi kunñan ölni bölöñi qahö kuñgumakza. Mewöñanök ip bölöñi kunñan ölni ölopñi qahö kuñgumakza.

<sup>44</sup> \*Jau kötni mi jömnöñ asuhuiga membingö osimakzin aka muli ölni mi koururuknöñ asuhuiga qeköbingö osimakzin. Mianğö dop ipkö ölni eka kewöta könañi möt kutume.

<sup>45</sup> \*“Azi uruñan yuai kokolak qei ahözawi, mia mönö numbuñan aukñe jimakza. Mianğöra azi ölopñanğö uru köweñe ölopñanğö möriamñi ahözawi, yañön mönö ölopñi mi aukñeyök jimakza. Azi bölöñanğö uru köweñe bölöñi ahözawi, yañön mönö bölöñi mi aukñe jimakza.” Mewö.

*Miri tandö köhöikñi aka lölöwöröñi*

*Mat 7.24-27*

<sup>46</sup> “Inini nöñgöra ‘Kembu Kembu!’ qet mi mönö wuanöñgöra qerakzemö, nöñön yuai memegö jimakzali, mi qahö tem köla memakze.

<sup>47</sup> “Denike yeñön nöñgöreñ kaba keuni möta tem köla mezei, nöñön yeñgö könañamñini kondela dopkeunöñ jimam.

<sup>48</sup> Yañön mitim qeçe azi kianğö dop akza: Azi mianñön ‘Miri memam,’ jiba löm köröpñi esiba geba tandöñi köt jamönñiñ qakñe kuñgum köhöii kinök. Mewö kiniga kie uru nalöñe o göulu köhöikñi gila miri kemañe kuñguyökmö, ölopñanök mem muhungöi kinök. Mianğöra kusumamğö qem bibihiiga köhöiba kinök.

<sup>49</sup> Qem bibihiyökmö, kunöñ keuni möta qahö tem köla mezawi, yañön mönö mitimqeçe azi kianğö dop akza: Yañön ‘Miri memam,’ jiba tandö qahö esim kömöta gölme qakñe kut bim miyök ala meyök. Mei kiniga kie uru nalöñe o göulu köhöikñi gila miri kemañe kuñguiga miri mi mianğöreñök kusuiga goromororöñgöba erök.” Mewö.

## 7

*Jisösnöñ suahö galöm kungö nup aziñi mem ölöwahök.*

*Mat 8.5-13*

<sup>1</sup> Jisösnöñ ambazip kambu sutñine mala Buña keuñi pakpak mi jii mötketka enğömosöta Kaperneam taonöñ kañgorök.

<sup>2</sup> Mianğöreñ Rom suahö galöm kungö nup aziñan kawöl yöhöi kömumamğö ahök. Galömñan yañgö möri öñgöñgöñi ahök.

<sup>3</sup> Mianğöra Jisösgö buzupñi möta Juda yeñgö jitñememe tosatñi melaim enñiiga Jisösgöreñ anda kewö qesiget, “Mönö kaba welen aziñi mem ölöwakñan.”

<sup>4</sup> Anda Jisösgöreñ añgota kapan köla köuluköba jiget, “Ketañamnini, suahö galöm mianñön mönö bauköm wañgimananğö dop ölop sorokñi akza. Mianğöra mönö kanöñ.”

\* 6:39: Mat 15.14 \* 6:40: Mat 10.24-25; Jon 13.16; 15.20 \* 6:44: Mat 12.33 \* 6:45: Mat 12.34

<sup>5</sup> Mötnöñ, yañön Juda ambazip kambu nenğöra ak wañgiiga ‘Köuluk mirinini membin,’ jiinga kian yañön moneñ ali meget.”

<sup>6</sup> Mewö jiget möta yembuk anök. Anökmö, suahö galömgö miriñi dopdowii yañön alaurupñi melaim enğiba Jisösgöra keu kewö alök, “O Kembu, ni mewörökñi malbiga nöngö miri boñan gualöñmapkö gamuni mötzal. Mianğöra mönö qahö aum kömumba kaman.

<sup>7</sup> Ni nananğö mötpi eretñi akzawañğöra göhöreñ kamamgö dop kude mötzalmö, keu jitkanök jinöñga welen azinan ölöwakña.

<sup>8</sup> Mi kewögöra: Ni nanak mewöyök galömnanğö kukösum bapne al niñgiget maljal. Nöngö bapne yarö azi malgetka mi jim kutum enğimakzal. Yeñğöreñök kungöra ‘Anman’ jim kutubi yañön anma. Kungöra ‘Kanöñ’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

<sup>9</sup> Jisösnöñ keu mi möta suahö galömgöra welipköba ambazip kambu wuatangöba kageri, yeñğöreñ lilingöba kewö jiyök, “Nöñön kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaial.”

<sup>10</sup> Mewö jiiga suahö galömgö kolekaziurupñan lilingöba mire anğota welen azi miwikñaiba eketka ölöwaka tarök. Mewö.

*Jisösnöñ malö kungö nahönñi mem guliñyök.*

<sup>11</sup> Mianğö andöñe Jisösnöñ taon qetñi Nain mianğöreñ aniga gwarekurupñi aka ambazip kambulelemenöñ wuatangöba anget.

<sup>12</sup> Mianğöreñ taon kiripo nanğuni dopdowiiga qamöt kun anğuba kaget. Malö kungö nahönña mohok-kunñan kömuiga taongö ambazip kambu ketañan tokoba löm kölbingö kaget.

<sup>13</sup> Kembunöñ malö mi eka wösöñi möta jii mörök, “Kude sahötman.”

<sup>14</sup> Mewö jiba anda bokis anğuba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.”

<sup>15</sup> Mewö jiiga qamöt mianğön guliba wahöta könahiba keu jiyök. Keu jiiga Jisösnöñ namñambuk anmapkö wañgiyök.

<sup>16</sup> Ambazip pakpak yeñön mi eka qem sömbuñini möta Anutu möpöseiba jiget, “Kezapgetok azi ketañi kunöñ mönö sutñine asuha malja.” Tosatñan jiget, “Anutunöñ könagesöñi mesohol köl nenğii maljin.”

<sup>17</sup> Yañgö keu buzupñi mi sehiba Judia prowins pakpak dop köla gölmeñi gölmeñi likeplikep mianğöreñ an teköyök. Mewö.

*Jongö gwarekyahötñi Jisösgöreñ kayohot.*

*Mat 11.2-19*

<sup>18</sup> Jon O-melun azinöñ kösö mire tariga gwarekurupñan yuai pakpak mi asuhuyöhi, mianğö kösohotñi jiget mörök.

<sup>19</sup> Jiget möta gwarekñi yahöt etkoholi kayohotka Kembugöreñ anda kewö qesim wañgimahotköra melaim etkiyök, “Mem ölöwak azi kamapköra mamböringa göñön mia akzan me azi kun bian kamapköra mambötpin.”

<sup>20</sup> Melaim etkiiga Jisösgöreñ anğota jiyohot, “Jon O-melun azinöñ kewö qesim gihibitköra melaim netkiiga kazit, ‘Mem ölöwak azi kamapköra mamböringa göñön mia akzan me azi kun bian kamapköra mambötpin.’ ”

<sup>21</sup> Jisösnöñ nalö mianğöreñök ambazip gwötpuk uzi kawöl izekwaizek (ijenwaijen) aka ömeñinambuk mi mem ölöwak enğiyök aka jegömöl ambazip gwötpuk jeñini metohoi uba eket.

<sup>22</sup> \*Jongö gwarek yahötñan anğota qesim wañgiyohotka kewö melenök, “Yuai eka mötzahori, mianğö kösohotñi mönö anda Jon kewö jiyohot mötma: Jegömöl yeñön uba eketka lokon yeñön köna anda kagetka uzikuku yeñön solanigetka kezapduhup yeñön

\* 7:22: Ais 35.5-6; 61.1



keu mötketka kömuget yeñon guliba wahötketka etqeçeni yeñgöra Ölöwak Buña jim asaribiga mörakze.

<sup>23</sup> Mewö asuhui eketka kungö uruñan qahö bölii andö nuñgumawi, yañon mönö simbawoñ akza.”

<sup>24</sup> Mewö jiiga Jongö gwarek yetkön anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölñe miangöreñ wania ekingöra anget? Luhutnöñ jehot uwutapköba metali anjañbanjañ ahakzawi, inini azi mewöñi ekingöra anget me?”

<sup>25</sup> “Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñi kulemñi ek sihimñambuk löngöta anda kaba siyoñsayoñi qahö maljei, mienön mönö kiñ yeñgö jakömbuak miriñine malje. Mi gölme qararañkölkölñe qahö.

<sup>26</sup> “Me wanat yuaia ekingöra anget? Kezapqetok azi kun ekingöra me? Ölña, nöñon kewö jibi mötket: Azi ekeri, yañon mönö kezapqetok ambazip tosatñi engoñgita tandökñi kun akza.

<sup>27</sup> \*Yañgö könañi mi mönöwök kewö ohoget ahöza, ‘Mötnöñ, nöñon kolekni garata kun melaibiga qeljiñe anda ambazip uruñini mindiñgöba göhö könañi mesariga göñon mönö yañgö andöñe gölmenöñ emu geman.’

<sup>28</sup> Keu mewö ahözapmö, nöñon kewö jibi mötket: Ambinöhök morö pakpak enğömegetka asuhugeri, yeñgö sutñine Jonöñ mönö körek engoñgita qetbuñañambuk kinja. Kinjapmö, Anutugö bemtohoñ uruñe añgota Anutugö qetbuñañi miwikñaimakzei, yeñgö sutñine eretñi kondikñi yañon mönö Jon oñgitza.”

<sup>29</sup> \*Ambazip könañesö pakpak aka yeñgö sutñine takis meme yeñon mohokñe Jongö Buñañi mötkeri, yeñon jim köleñda “Aha! Anutugö köna diñdiñi jim asariza,” jiba uruñini melengetka Jonöñ o melun mem engiyök.

<sup>30</sup> Mewö engiyökmö, Farisi aka Köna keugö böhi yeñon Anutugö areñi qahö tem köla Buñañi andö qeba silekmalek aketka Jonöñ o melun qahö mem engiyök.

<sup>31</sup> “Ambazip merak gölmenöñ maljei, mi mönö wanatpuk dop al engebilenjak? Yeñgö silikñini mi denöwö?”

<sup>32</sup> Yeñon namande ewö akze. Mienön maket sombemnöñ tata keu gön gila lañ qeta kewö jimakze, ‘Nini awölop uinga inini liñet gwawet qahö unduget. Nini jiñgen kölinga inini qahö toroqeba sahötket.’

<sup>33</sup> Miangö könañi kewö: Jon O-melun azinöñ kaba nene siñgi mala wain o qahö neiga inini yañgöra jimakze, ‘Öme kunöñ uruñe geiga malja.’

<sup>34</sup> “Suep gölmegö azi ölñan kaba nene nem söñgaip aiga enön jimakze, ‘Mötket, yañon bau numbu tandök közöjeriba wain o gwötpuk nemba takis tilipqilipñinambuk aka bölöñi meme yeñgö alañina malja.’

<sup>35</sup> Körek pakpak Anutugö mötkutukutu köl gulimakzei, yeñgö ahakmemeninañgö ölñan mönö mötkutukutuñinan dop köljawi, mi kondelakza.” Mewö.

*Singisöndok ambinöñ Jisösgö könañi kelök miriyök.*

<sup>36</sup> Farisi (Köna keugö kapañkölköl) azi yeñgöreñök kunñan Jisös mi nannji miriñe kaba nene nemapkö köl öröyök. Köl öröi anda miriñe öngöba nene dumñe tarök.

<sup>37</sup> \*Taon miangöreñ singisöndok ambi kun malök. Yañon Jisös Farisi azigö mire öngöba tata nene neyöhi, miangö buzupñi möta kelök umköhökñambuk mokoï köt kirin kun kokolak qeyöhi, mi memba öngöba kayök. Kirin mi nöluk tuat-tuat qetñi alabastö mianön memena.

\* 7:27: Mal 3.1 \* 7:29: Mat 21.32; Luk 3.12 \* 7:37: Mat 26.7; Mak 14.3; Jon 12.3

<sup>38</sup> Öngöba kaba Jisösgö könaje geba tata könahiba sahöri imbiljan tingita geba könaje miriyök. Miriiga nörop jupjan kerej memba kutui öröniiga könaji numbujan yöhötüm nempa kelök umköhöwakjambuknöj miriyök.

<sup>39</sup> Miriyökmö, Farisi azinöj Jisös köl öröyöhi, yanön mi eka urujan kewö mötmöriyök, “Ambi ki singisöndokjambuha. Azi kianön kezapqetok azia malbawak ewö, yanön mönö ambi könaje misirizawangö könaji möt kutubawak.”

<sup>40</sup> Jisösnöj mi möt kutuba kewö melenja jiyök, “Saimon, nöjön keu kun jimangö mötzal.” Jiiga jiyök, “Böhi, ölop jinöj mötpi.”

<sup>41</sup> Jiiga Jisösnöj kewö jii mörök, “Ambazip yahötjan benknöj anda tosa albitkö monej galömjanjö qesiyohot. Kunöj silim 500:kö töwanj (Kina 2500,-), kunöj silim 50:gö töwanj (Kina 250,-) miangö dop tosa albitkö qesiyohot. Qesiyohotka miangö dop etkiyök.

<sup>42</sup> Etkiba könajep tosanjiri misimahot jiiga monejiri qahöwahiga osiyohot. Osiyohotka benk galömjan tosanjiri qeköba kutuba mosöt etkiyök. Mosöt etkiiga yetkörenök danön i urujan gwötpuk jöpaköm wangimakza?”

<sup>43</sup> Mewö qesiiga Saimonöj kewö melenök, “Nöngö mötmötnöj tosa ketanj kutuba mosöt wangiyöhi, yanön.” Mewö melenjiga jiyök, “Gi keu törörök kewöta jizan.”

<sup>44</sup> Mewö jiba ambigörej lilingöba kewö jii mörök, “Ambi ki eknöj. Nöjön mirige kotpiga göjön könani sanjonmamgö o kun qahö ningizanmö, ambi kianön mönö könani imbiljan miriba nörop jupjan kerej memba kutui öröniza.

<sup>45</sup> Göjön numbuni qahö yöhötüm nezanmö, ambi kianön mönö mire kotpiga miangörenök kapan köla könani yöhötüm nempa malja.

<sup>46</sup> Göjön nöropni kelök kude mirizanmö, ambi kianön mönö kelök umköhöwakjambuknöj könane nömiriza.

<sup>47</sup> Miangöra nöjön kewö jibi mötnöj: Anutunöj ambi kianjö singisöndokni gwötpuk mi mosöta sanjonjiga miangöra urujan ni gwötpuk jöpaköm ningiza. Kunöj singisöndok boromdökni ahiga Anutunöj singisöndokni morörökni mosörija yanön urujan borom kun miyök jöpaköm ningimakza.”

<sup>48</sup> Mewö jiba ambi mi kewö jii mörök, “Nöjön göhö singisöndoki sanjonja mosötzal.”

<sup>49</sup> Mewö jiiga azi mohotje nene nempa tatkeri, yanön könahiba nanjinök kewö jiget, “Singisöndok sanjonja mosötzawi, yanön mönö niñi azia akjamgö mötza?”

<sup>50</sup> Mewö jigetmö, Jisösnöj ambigöra jiyök, “Mötnaripkan mönö amöt qem gihiza. Ölop luainöj anman.” Mewö.

## 8

### *Ambi tosatjan Jisös nanjöba anget.*

<sup>1</sup> Miangö andöje Jisösnöj liliköba taonji taonji aka mirinji mirinji miangörej anda Anutugö bemtohongö könaji jim asariba Ölöwak Buja keunöj ambazip urujini kunguba malök. Gwarekurupni 12 yanön yambuk mohotje anget.

<sup>2</sup> \*Mewöyök ambi tosatjan yambuk anget. Ambi mi mutuk kawöl engöhöi ömenöj kölköljinjin mem engii malgetka Jisösnöj mem ölöwak engiyök. Ambi mi kewö: Maria qetji kun Magdalagö ambia qetket. Jisösnöj yangö urujeyök öme 7 közöl engii kota anget.

<sup>3</sup> Ambi kun qetji Joana. Yangö apni qetji Kuza yanön kin Herodkö jakömbuak miri miangörej gawmangö monej galömja malök. Ambi kun qetji Susana, Yanön aka ambi tosatji gwötpuk yanön nanjini monej inapjanan Jisös aka gwarekurupni könanöj galöm köla nanjom engiget. Mewö.

### *Qesinqesinq azigö dopkeu Mat 13.1-9; Mak 4.1-9*

\* 8:2: Mat 27.55-56; Mak 15.40-41; Luk 23.49

<sup>4</sup> Ambazipnön taon dop miangörenök öröba Jisösgören kaba kambulembenönj tokogetka Jisösnönj dopkeu kun kewö jiyök:

<sup>5</sup> “Azi kunön nene kötni qesiñ gilmangö anök. Anda qesiñniga kötni tosatñan köna jitñe geba kölget. Geba kölgetka ambazipnönj tim tökötahögetka könakemba (warawen) neiñi neiñi kañgota mi nem teköget.

<sup>6</sup> Kötni tosatñan köt jamönjiñnönj geba kölget. Geba köla miangörenj gölme onjambuk qahö miwikñaiba korapñi kota soholiba gororonjögöget.

<sup>7</sup> “Kötni tosatñan siri uret wahiñinambuknönj geba kölget. Geba kölgetka mienön örörönj kota engonjita qem turuba böbölöhöt mem engiget.

<sup>8</sup> Kötni tosatñan gölme ölöpnje geba kölget. Geba köla jula wahöta ölnini ölöpnji asuhuba handötkö dop ahum sehiget.”

Keu mi jim teköba qet ketañi kewö qerök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

*Jisösnönj denöwögöra dopkeugö könañi jiyök.*

*Mat 13.10-17; Mak 4.10-12*

<sup>9</sup> Mewö jiiga gwarekurupñan dopkeu kiangö könañangöra Jisös qesim wanjiget.

<sup>10</sup> \*Qesim wanjigetka jiyök, “Anutugö bemtohoñe angota malbingö keu tölapñi mi engöra aukñe jibi möt kutuzemö, tosatñi yengöra mia dop keunönj jibi mörakze. Mewö möta nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime.”

*Jisösnönj dopkeugö könañi jiyök.*

*Mat 13.18-23; Mak 4.13-20*

<sup>11</sup> “Dopkeu miangö könañi kewö: Köt qesiñ giljawi, mi Anutugörenj Buña keu.

<sup>12</sup> Nene kötni köna jitñe geba kölgeri, mi kewö: Ambazip tosatñan Buña keu mötzemö, mi mötketka Bölönji Tonjan kaba uruñini melenja Suepkö buña akepuköra keu kötni mi uruñineyök qeköba enguanjirakza.

<sup>13</sup> Nene kötni qesiñniga köt jamönjiñnönj geba kölgeri, mi ambazip söpsöpñi kun. Yeñön Buña keu möta mi sösongai qakñe möt angön kölakzemö, uruñine geba jalönjini qahö megerangöra nalö töröptökñi miyök möt nariba malgetka esapesapkö nalöñe mönö tala enguma.

<sup>14</sup> “Nene kötni qesiñniga siriuret wahiñinambuknönj geba kölgeri, mi kewö: Yeñön Buña keu mötketka uruñine gezapmö, gölmenönj malmalgö waimanjatñi aka moneñ inap memegö urukönöpñi ahuba lömbörim engimakza. Qetbuñanambuk akingöra köpösönjögögetka sihim kömbönañi bölönji tosatñan mewöyök uruñine dungöba Buña keu böbölöhöt mem wanjize. Mewö aiga ölnini qahö gilipitñi akñe.

<sup>15</sup> Qahöpmö, nene kötni gölme ölöpnje geba kölgeri, mi ambazip kewönji: Yeñön Buña keu kezap ala mötketka uruñini ölöpnji geñmonji qahö miangörenj geiga sohobapukö mökösongda 8kapanj köla galöm kölgetka ölnini ölöpnji ölöpnji miwikñaimakze.” Mewö.

*Yuai asa-asambötñi pakpak mi aukñe ahuma.*

*Mak 4.21-25*

<sup>16</sup> \* “Kunñan lambe me kiwa ohotiriba kimbutnönj kude köl turuma me dum bapñe qahö alma. Mi qahöpmö, mi miangö dum qakñe ali tatma. Tata asariiga tosatñan miri uruñe öngöbingö mötzei, yeñön miangö asakñi eka ölöpnje öngöme.

<sup>17</sup> \* “Mewöñanök urunine yuai kun asambötket tölapñe ahözawi, mi mönö aukñe asuhum tiñgitma. Yuai kun köl turuin ahözawi, mi mönö lulungetka kötula ahöma.

<sup>18</sup> \* “Miangöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawi, Anutunönj mönö mi toroqem wanjii

\* 8:10: Ais 6.9-10 \* 8:16: Mat 5.15; Luk 11.33 \* 8:17: Mat 10.26; Luk 12.2 \* 8:18: Mat 25.29; Luk 19.26

qarimapmö, kunjan mötkutukutuñi qahö maljapmö, ‘Miambuk maljal,’ jizawi, Anu-  
tunöñ mönö mötmötñi moröñi mi mewöyök qeköba wañgitma.” Mewö.

*Jisösgö nam-munurupñi.*

*Mat 12.46-50; Mak 3.31-35*

<sup>19</sup> Jisösnöñ mewö jiba maliga nam munjan i ekingö kagetmö, ambazip kambu ketanjan  
öloköba gwözöñgerañgöra kösutñe anbingö osiget.

<sup>20</sup> Osiba kingetka kunjan kewö jii mörök, “Göhö nam-mungan mönö yaigep kinda gi  
gekingö mötze.”

<sup>21</sup> Jii mörökmö, Jisösnöñ kewö melenja jii mötket, “Ambazip ki Anutugö Buña keu möta  
tem köla köl gulimakzei, mienön mönö nöñgö namni aka munurupni akze.” Mewö.

*Jisösnöñ jüiga raidimbom göröñ qeyök.*

*Mat 8.23-27; Mak 4.35-41*

<sup>22</sup> Wehön kunöñ Jisösnöñ gwarekurupñi kewö jii mötket, “Mönö mosöta o añgö kutuba  
likepñe añgotpin.” Mewö jüiga wañgenöñ mohotñe öñgöba o añgö qakñe anget.

<sup>23</sup> Anda opo seri möröreñgögetka luhutnöñ nañgöiga angetka Jisösnöñ gaun ahöyök.  
Ahöiga luhut raidimbom o añgönöñ gila siri kunduriga wañge uruñe geyök. Geba  
numbuñe qemangö aiga ayuhubingö aket.

<sup>24</sup> Ayuhubingö aka gwarekurupnan anda möndöba jiget, “Kembu Ketanjanini, mönö  
nini añgönöñ ayuhubingö akzin.” Mewö jigetka imbiñi möta luhut aka o añgögö sirinji  
kewö jim qetal etkiiga ösumñiran eriga nöñ qeba ahöyök.

<sup>25</sup> Mewö aiga jii mötket, “Eñgö mötnariñini mi denike?” Mewö jiyökmö, yeñön  
awöwöliba qem sömbuñini möta jiget, “Yei, azi kia mönö denöwöñan malja? Yañön mönö  
luhut aka köwet siri jim kutum etkiiga jitñi tem köl wañgizahot.” Mewö.

*Ömenöñ bau uruñine gegetka azinöñ ölöwahök.*

*Mat 8.28-34; Mak 5.1-20*

<sup>26</sup> Jisösnöñ gwarekurupñi yembuk toroqeba opo seri möröreñgögetka luhutnöñ nañgöi  
anda o añgö kutuba Galili prowins likepñe Gerasa gölmenöñ añgotket.

<sup>27</sup> Miangöreñ añgota saknöñ öñgöi azi ömenambuk kun mi taonöhök kaba Jisös mi-  
wikñaiyök. Azi mi qaksirinöñ mala qamöt kötenji esiba urorohoget ahögerañgöreñ ahöm  
malök. Nalö köröpñi opo maluku qahö löñgöta miri kungö uruñe qahö ahömalök.

<sup>28-29</sup> Ömenöñ nalö köröpñi öröm ureim wañgiiga azi gwötpukñan börö takñi qeba könañi  
tapepnöñ (muñgamuñga) jöhöba galöm köla malgetmö, tapepñi öröi tiñgitqinçiriga ömenöñ  
kuñguiga gölme qararañkölkölñe anda lañ malök. Miangöra Jisösnöñ ömenji mi kewö  
jim kutum wañgimangöra ahök, “Öme bölöñi, gi mönö kota azi ki mosöta anöñ.” Mewö  
jimangö aiga Jisös eka silata gölmenöñ kösutñe geba qet gigilahöba kewö qerök, “Aek  
Jisös, gi Anutu öñgöñgöñgö nahönñi akzan. Gi mönö denöwö ak niñgimangöra ki kazan.  
Nöñön ulet gihizal: Gi sihimbölö könöpñambuk kude ak niñginöñ.”

<sup>30</sup> Mewö jüiga kewö qesiyök, “Gi qetki niñji?” Ömewöröme gwötpuk uruñe geba mal-  
gerañgöra “Qetnini lijön jizin” jiget. Mi nanine keunöñ Kerök kambu ketani.

<sup>31</sup> Mewö jiba Jisös kewö ulet wañgiget, “Gi neñguatañgöba öme löm dutñi qahö  
miangöreñ gebingöra kude jim kutum neñgiman.”

<sup>32</sup> Kösutñine kundunji marömñe miangöreñ bau kambu ketani kun gwözözak uruñe  
kuluñda malget. Miangöra ömenöñ kewö jiba ulet wañgiget, “Gi ölop jinöñga nini bau  
mienjö uruñine gebin.” Ulet wañgigetka “Mönö anda geget.” Jiba jim kutum ençiyök.

<sup>33</sup> Jim kutum ençiiga azi uruñeyök kota anda bau uruñine geget. Gegetka bau kambu  
yeñön mönö luhuba nembönembönöñ anda jororöñgöba o añgönöñ geba nemulahöba  
kömuget.



34 Mi asuhuiga bau galöm yeñon mi eka taon aka miri morömorö miangörenj ölon unjurata anda keu buzupni mi jiget mötket.

35 Jiget möta ambazip sesegilgil yeñon yuai asuhuyöhi, mi ekingöra kaget. Kaba Jisösgörenj kañgota azi uruñeyök ömenöñ kotkeri, yañon könañe tariga miwikñaiget. Opo sileötani törörök jöhöba uruñi amöriiga imbi mötmötñi pakpak asuhuiga eka awöwöliget.

36 Azi ömenambuk malöhañon denöwö ölöwahöhi, mi jeñinan ekerañon jiget mötket.

37 Möta gwötpuk awöwöliba qem sömbuñini mötket. Miangöra Gerasa gölmegö ambazip kambu pakpak yeñon Jisösnöñ engömosötmapköra ulet wañgiget. Ulet wañgigetka lilingöba anmamgö wañgenöñ öngömamgö ahök.

38 Öngömamgö aiga azi uruñeyök ömenöñ kotkeri, yañon kaba Jisösbuk mohotñe anda malmamgöra qesiyök. Mewö qesiyökmö, Jisösnöñ qetala melaim wañgiba kewö jiyök,

39 “Gi mönö lilingöba mirige anda Anutunöñ angöletot ketani ketani ak gihiyöhi, miangö kösohotñi jinöñga mötme.” Mewö jiiga anda Jisösnöñ angöletot ketani ketani ak wañgiyöhi, miangö keuñi mi taon uruñe liliköba miri dop jim sehiyök. Mewö.

*Jairusnöñ böratñañgöra Jisös köuluköyök.*

*Mat 9.18-26; Mak 5.21-43*

40 Ambazip pakpak Jisösgö mambötketka lilingöba kaiga kambu köla söñgaiba öröm wañgiget.

41 Köuluk mirigö keu galöm kun qetñi Jairus yañon kaba Jisösgö wösöñe geba simin köla miriñe kamapköra köuluköm wañgiyök.

42 Moröurupni qahöpmö, böratñi mukmorö mohok yambuñi (yara) 12:gö dop mala kömumamgö ahök. Jisös köl öröm wañgigetka aniga ambazip kambunöñ likeplikep ölököba utal wañgiget. Mewö.

*Kawöl ambi kunöñ Jisösgö malukuñi misiriyök.*

43 Utal wañgiba angetka miangörenj sutñine ambi kun malök. Yañon yambu (yara) 12 miangö dop köiñnöñ ehiga nalö dop kawöl yöhöiga malök. Yañon sile galöm yeñgö töwañini moneñ inapni pakpak gil maliga sile galöm körekñan mem ölöwakingö osiget.

44 Ambi mianöñ Jisösgö andöñe anda malukuñangö kitip suni misiriiga miangörenjök sepni jöpköyök.

45 Jisösnöñ qesiba jiyök, “Dañon nömisiriza?” Mewö jiyökmö, ambazip körekñan mi qañ kölgetka Pitönöñ jiyök, “Ketanamni, ambazip kambunöñ ölököba utal añguba kaba goseize.”

46 Jiiga Jisösnöñ jiyök, “Qahö, kunnjan nömisiriiga ösumni kun ani mötzal.”

47 Mewö jiiga ambinöñ “Könañamni lök asuhuza,” jiba jönömni unduiga kaba Jisösgö wösöñe simin köla kawölñañgö könañi aka misiriba miangörenjök ölöwahöhi, miangö könañi aukñe jiiga ambazip kambu körekñan mötket.

48 Mötketka Jisösnöñ kewö jii mörök, “Böratni, mötnaripkan mönö mem ölöwak gihiza. Ölop urubönjörnöñ anman.” Mewö.

*Jisösnöñ Jirusgö böratñi mem guliyök.*

49 Keu mewö jiba kiniga köuluk mirigö keu galömñañgö mireyök kunnjan welen kaba Jirusgöra jiyök, “Böratkan kömuza! Miangöra böhigö qakñe lömböt toroqeba kude alman.”

50 Jiyökmö, Jisösnöñ keu mi möta köuluk mirigö keu galömni kewö jii mörök, “Kenjötki kude mötman! Mohok-kun aññan. Mönö ni möt narim niñginöñga böratkan ölöwakña.”

51 Mewö jiba yañgö mire anda ambazip tosatñi engömosöta Pitö, Jon, Jeims aka morö böratkö iwinamni iyök enñuanñgiri nanñinök miri uruñe öngöget.

52 Öngögetka ambazip körekñan jingey köla sahöta amburereñ megetmö, Jisösnöñ jiyök, “Yañon qahö kömuzapmö, gaunök ahöza. Miangöra mönö sahöt mosötme.”

53 Mewö jiiga gönahit ewö aiga “Mönö kömuza!” möta gön köl wañgiget.

<sup>54</sup> Gön köl wanğigetmö, bōrat mi bōrōje memba qeta jiyök, “Bōratni, mönō wahōtnōj.”

<sup>55</sup> Mewō jiiga uñañan lilingōiga miangōrenjök wahōta kinök. Kiniga numbu nene wanğiget nemapkō jiyök.

<sup>56</sup> Iwinamñan mi eka welipköyohotmö, Jisōsnōj yuai asuhuyōhi, miangō buzupñi kun jiget mötpepukō soñgo al enğiyök. Mewō.

## 9

*Jisōsnōj gwarekurupñi 12 melaim enğiyök.*

*Mat 10.5-15; Mak 6.7-13*

<sup>1</sup> Jisōsnōj gwarekurupñi 12 mi enğoholi tokogetka ömewörōme pakpak közöl enğimegōra aka uzi kawöl mem ölöwakñegōra kukōsumñi ösum-mumuñambuk al enğiyök.

<sup>2</sup> Kukōsum enğiba kewō jiba melaim enğiyök, “Injini mönō anda Anutugō bemtohoñangō kōnañi ambazip jim asarim enğiba kawöl ambazip mem ölöwak enğiba malme.”

<sup>3</sup> \*Melaim enğiba jii mötket, “Injini kōna anmeangōra yuaini kun qahō memba anme, öröp qahō, gōsō qahō, kōna nalem qahō, soujeri qahō. Maluku semōnñi qahōpmō, mohok meme.

<sup>4</sup> “Anda mire denike denike anğotmei, mönō miangōrenjök mala nup memba taon mi mosōta kōna anme

<sup>5</sup> Anda mala miri kunōj anğotketka qahō köl öröm enğiba keuñini qahō mötketka nesampurekñini mönō kewō jiba kondel enğime, ‘Nini enğō gölmenōj kainga sölbuham kōna tambōnine mekōtahōzawi, mi mönō tim tōnjöraringa nanñine lilingōba gema.’ Mewō jigetka kōnañamñini solanñi möt kutugetka ölöp taon mi mosōta toroqeba anme.”

<sup>6</sup> Mewō jiiga mosōta anda mirinñi mirinñi lilikōba miri dop Ölöwak Buña jim asariba kawöl ambazip mem ölöwak enğiba malget. Mewō.

*Herodnōj Jisōsgōra lalalulu siksauk ahök.*

*Mat 14.1-12; Mak 6.14-29*

<sup>7</sup> \*Yuai pakpak asuhuyōhi, miangō qetbuñañan sehiba gölme bahōñangō (Galili prowinsgō) kiñ Herodkö kezapñe geiga mörök. Ambazip tosatñan kewō jiget, “Jon O-melun azinōj mönō kömupnōhök wahōta malja.” Miangōra kiñnōj keugō jaruba lalalulu siksauk ahök.

<sup>8</sup> Ahökmō, tosatñan jiget, “Elaijanōj kunbuk asuhuba malja.” Tosatñan toroqeba jiget, “Kezapqetok azi walñi yeñgōrenjök kunōj mönō guliba wahōta malja.”

<sup>9</sup> Mewō jigetmö, kiñ Herodnōj kewō jiyök, “Jon O-melun azi mi nōñon jibi jölñi kutugetmö, kungō keuñi mewō jiget mötzali, mi mönō dañon?” Mewō jiba Jisōs ekñangō kapan köla jörömqröm ahök. Mewō.

*Jisōsnōj azi 5000 nene gumohom enğiyök.*

*Mat 14.13-21; Mak 6.30-44; Jon 6.1-14*

<sup>10</sup> Melaimelai azi aposol yeñon Jisōsgōrenj lilingōba yuai aka megeri, miangō kösohotñi pakpak jiget mörök. Jiget möta enğuangita ambazip qenjarökñini mosōta taon qetñi Betsaida miangō kösutñe nanñinök kötikñe malbingō anget.

<sup>11</sup> Angetmö, ambazip kambu yeñon mi möta Jisōs andōje wuatangōba anget. Anda Jisōsgōrenj kagetka köl öröm enğiba Anutu bemtohoñangō kōnañi jim asariba kawöl ambazip mem ölöwak enğiyök.

<sup>12</sup> Mewō aka mali wehōn jeñan tekōba gemangō ahök. Mewō aiga gwarek 12 yeñon kaba Jisōs kewō jiget mörök, “Nini gölme kötikñi kiangōrenj maljinangōra gi ölöp ambazip kambu ki melaim enğinōjga miri koum dowe dowe tat anjei, miangōrenj anda ahōahō miri aka nene miwikñaime.”

\* 9:3: Luk 10.4-11; Apo 13.51 \* 9:7: Mat 16.14; Mak 8.28; Luk 9.19

<sup>13</sup> Mewö jigetmö, kewö jii mötket, “Enön mönön nanninak i nene gumohom engime.” Mewö jiiga melenget, “Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yengöra nene söngöröñi membinak me?”

<sup>14</sup> (Yeñön azi 5000:gö dop malje.)” Mewö melengetka gwarekurupñan kewö jii mötket, “Enön mönön ambazip engöra jiba menden engigetka kambu dop 50:gö dop nene nemb- ingö tokoba eta tatme.”

<sup>15</sup> Jiiga mewö aka menden engigetka ambazip körekñan eta kambuñi kambuñi tat anget.

<sup>16</sup> Tat angetka beret 5 aka söra yahöt mi memba suepnöñ ui öngöiga kötuetköyök. Kötuetköba beret mindipköba gwarekurupñi engiiga ambazip kirip dop menden da sutñine alget.

<sup>17</sup> Sutñine algetka körekmakörek nemba nem timbireñ aket. Nene kitipñi kitipñi mosötkeri, mi gwarek yeñön qezakögetka sakap 12 miangören geba kokolak qeyök. Mewö.

*Pitönöñ Jisösgö könañi jim miwikñaiyök.*

*Mat 16.13-20; Mak 8.27-30*

<sup>18</sup> Nalö kunöñ Jisösnöñ nannök gölme kungen köuluköiga gwarekurupñan yambuk malgetka qesim engiba kewö jiyök, “Ambazipnöñ nöngöra denöwö jimakze? Ni ninia akzal?”

<sup>19</sup> \*Jiiga melen da kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yengörenök kunñan kömupnöñök wahöta maljan.’ ”

<sup>20</sup> \*Mewö jigetka kewö qesim engiyök, “Aka nanninak nöngöra denöwö jize? Ni ninia akzal?” Qesim engiiga Pitönöñ melen da jii mörök, “Gi Anutugören Amötqeqe Tonji Kraist akzan.” Mewö.

*Jisösnöñ kömumangö keuñi jiyök.*

*Mat 16.20-28; Mak 8.30-9.1*

<sup>21</sup> Mewö jiiga könañi aukñe jiget kunñan mötpepuköra songo köhöikñi al engiyök. Mewö.

<sup>22</sup> Jisösnöñ jiyök, “Suep gölmegö azi ölnan mönön sihimbölo gwötpuk mötma. Kantrigö jittmememe, jike nup galöm aka Köna keugö böhi yeñön mönön andö qeba qegetka kömuma. Kömumba wehön karöbut aiga kömupnöñök wahötma.” Mewö.

*Kraist wuatangöbingö söngöröñi*

<sup>23</sup> \*Jisösnöñ ambazip pakpak yengöra keu kewö jii mötket, “Kunñan nöngö andöne nuatangöba kamangö mötzawi, yanön mönön nannñi urusilenangö sihim kömbönañi bölöñi andö qeiga sisitñi megetka sihimbölo mi bisimakñja. Mi maripomnöñ kömumawangö dop mököstönda ni nuatangöba kama.

<sup>24</sup> \*Kunñan malmalñi nannangöra angön köla nannñi imbi-imbi maljawi, yanön mönön malmalñi ölni jöhöi sohoma. Sohomapmö, kunñan gölmegö malmalñi nöngöra aka kölen da tököm ningimawi, yanön mönön malmal ölnangö könañi miwikñaiiba köhöiba malma.

<sup>25</sup> “Kunñan gölmenji gölmenji miengö öroyuainji pakpak köl öroiga buñani an teköiga uruñangö malmalñi mem sohoba silebile mala kömuiga Anutunöñ keuñi jim teköiga könöp sianöñ geba unañan ayuhuiga qahö dop kölma. Sukinapñi mianön mönön urusösöngai qahö ak wangima. Qahöpmahöp!

<sup>26</sup> “Kunñan nöngö qetni aka Buña keuni memba eta aljawi, i Suep gölmegö azi ölnan mewöyök ehöröñ kölma. Yanön könañep Suep garata töröñi yembuk ki etiketka yengö,

\* 9:19: Mat 14.1-2; Mak 6.14-15; Luk 9.7-8 \* 9:20: Jon 6.68-69 \* 9:23: Mat 10.38; Luk 14.27 \* 9:24: Mat 10.39; Luk 17.33; Jon 12.25

nannangö aka Iwiñangö asakmararanjini eka aurume. Nalö miangören azi me ambi mewöñi mönö ehörönj köl wangima.

<sup>27</sup> Nönön keu ölni kun kewö jibi mötme: Kiangören kinjei, engö sutñineyök tosatñan Anutugö bemtohoñan asuhumawi, mi ek kutume. Jebuk mala kömupkö sihimbölöñi qahö mötketka asuhum tinjiriga mi ekñe.” Mewö.

*Jisösgö silenje letotqetot ahök.*

*Mat 17.1-8; Mak 9.2-13*

<sup>28</sup>\*Keu mi jiiga wehön 8:kö dop teköiga Jisösnönj Pitö, Jon aka Jeims enguanjita kundunje öngöba Anutu köuluköyök.

<sup>29</sup> Köuluköiga miangören jemesoholñangö kaisongolomñan letota tandökñi murutñi ahök. Malukunñan tuat lalamñi aka kölköl-bilikbilikñambuk asariyök.

<sup>30</sup> Miangörenök eketka azi yahötñan asuhuba Jisösbuk keu keu jiget. Mi Moses aka Elaija.

<sup>31</sup> Asakmararanj urunje asuhuba Jisösbuk keu kewö eraum mötket, “Anutunönj Jisös sihimbölö möta kömumapkö melaiiga eta zilanj Jerusalem sitinönj aniga areñ mianjön öljambuk ak teköma.”

<sup>32</sup> Mewö eraum mötketmö, Pitönönj alayahötñi yetpuk jeñinan lömböriiga gaun ahöget. Ahögetmö, gaunöhök imbinjini möta jeñini uba Jisösgö asakmararanj aka azi yahöt yambuk kinohori, mi enjeket.

<sup>33</sup> Enjeketka kinda Jisös mosötpitkö ahotka Pitönönj Jisösgöra jiyök, “Ketanamnini, neñön kiangörenj uru ölöwak mötzin. Miangöra neñön ölop kum karöbut qebin: Göhö kun, Mosesgö kun aka Elaijagö kun.” Pitönönj mewö jiyökmö, nannj keunangö könanj mi qahö möt kutuyök.

<sup>34</sup> Mewö jiba kiniga unununñ kunönj eta aumñan esuhum enjiiga kousu urunje mala awöwöliba jönömñini unduyök.

<sup>35</sup>\*Jönömñini undui kingetka kousu uruneyök qet kun kewö eriga mötket, “Azi ki mi nani nahöna. I ambazip amöt qem enjimangöra möwölöhöm wangial. Mönö yangö keunj möta malme.”

<sup>36</sup> Qet mianjön eri möta gwarek yeñön miangörenök uba Jisösnönj nannök kini eket. Kundunje yuai ekeri, miangö buzupñi mi nalö miangören kude jiba keu bök malgetka kunñan kun qahö mörök. Mewö.

*Jisösnönj öme wuatangöi morönönj ölöwahök.*

*Mat 17.14-21; Mak 9.14-29*

<sup>37</sup> Ahöba wahötketka Jisösnönj gwarekurupñi karöbut yembuk kunduneyök eta sörokñe ambazip kambuleleme enjaget.

<sup>38</sup> Enjagetka ambazip kambunöhök azi kunñan qeta kewö jiyök, “Böhi, nönjö nahöni mukmoröya akzawangöra mönö kaba i ekñan. Miangöra köuluköm gihizal.

<sup>39</sup> Mötnönj, öme kunönj i memba mendawöli miangörenök qet gigilahöi utuköm wangii wölöhariiga numbuneyök qöloqsöutsöt erakza. Öme mianjön öröm ureim wangiba nalö gwötpuk qahö mosörakza.

<sup>40</sup> Mewö aiga göhö gwarekurupki öme mi wuatangömegö ulet engizalmö, yeñön mi osize.”

<sup>41</sup> Mewö jiiga Jisösnönj melenj wangiba jiyök, “Yei, gölmegö yangisenj aka misimkaulup ambazip, nönjön mönö nalö dawik embuk mala qatön enjgubiga Anutu qahö möt narigetka sihimbölö mötmam? Nahöngi mönö wangita ki kanönj.”

<sup>42</sup> Morö mi wangita kaiga nalö miangören mewöyök ömenönj morö utuköba urepköm wangiiiga wölöhariyök. Mewö ahökmö, Jisösnönj öme mi jim wangii mosöri morö mem ölöwaka iwiñj wangiyök.

\* 9:28: 2 Pitö 1.17-18 \* 9:35: Ais 42.1; Mat 3.17; 12.18; Mak 1.11; Luk 3.22



<sup>43</sup> Anutugö kukösumnji ketanjan mewö asuhuiga körekñan mi eka nemböñini teköi welipköget. Mewö.

*Jisösnöñ kömumamgö bunjanji jiiga yahöt ahök.*

*Mat 17.22-23; Mak 9.30-32*

Jisösnöñ yuai pakkak mi meyöhi, miangöra ambazip körekñan welipkögetka Jisösnöñ nalö miangöreñ gwarekurupñi keu kötñi kewö jii mötket,

<sup>44</sup> “Keu ki mönö kezap ala mötme: Anutunöñ Suep gölmegö azi ölni mi gölme ambazip yengö böröñine al wanji gema.”

<sup>45</sup> Keu kötñi mi jii mötketmö, mi qahö möt kutuget. Anutunöñ mi köl turui tölapñe ahöiga mi qahö möt asariget aka könani denöwö, mi qesibingö kölköldömdöm aket. Mewö.

*Gwarek sutñine danön mutukñi akza?*

*Mat 18.1-5; Mak 9.33-37*

<sup>46</sup> \*Gwarek nengöreñök ‘Danön öngöngöñi akza?’ jiba keu mi mötmöriget.

<sup>47</sup> Mi mötmörigetmö, Jisösnöñ urumötmötñini möt kutuba namande moröñi kun memba qöhöröñe ali kinök.

<sup>48</sup> \*Kiniga kewö jii mötket, “Körek engöreñök kunñan eretñi kondökñi akzawi, yanön mönö öngöngöñi akza. Miangöra kunñan namande ki nöngö qetne miriñe köl öröba köyan kölmawi, yanön mönö ni köl öröm niñgima. Kunñan ni köl öröm niñgimawi, yanön melaim niñgiyöhi, mönö i mewöyök köl öröm wanji gema.” Mewö.

*Kunöñ keröki qahö, yanön mönö alagi akza.*

*Mak 9.38-40*

<sup>49</sup> Nalö miangöreñ Jonöñ könahiba keu kewö jiyök, “Ketanjamni, azi kunñan göhö qetnöñ öme közöl enjiiga ehin. Yanön nembuk qahö liliköba maljawangöra nini i qetal wanjiin.”

<sup>50</sup> Mewö jiyökmö, Jisösnöñ kewö jii mörök, “I kude qetal wanji gime. Kunñan qahö qetal engimakzawi, yanön mönö engö areñnöñ malja. (Miangöra inini mönö nöngö alaurupni tosatñi mi qetala angösirip mem engibepuk.)” Mewö.

*Samaria miri kun yeñön Jisös andö qeget.*

<sup>51</sup> Jisösnöñ Suepnöñ öngömamgö ahök. Miangö nalöñi törizawangöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök.

<sup>52</sup> Anda kolek qeljiñe aliga mutuk anget. Könanöñ anda mala Samaria prowinsgö miri kunöñ angota “Jisösgöra mözöqözözöm akingöra kazin,” jiget.

<sup>53</sup> Jiba angetka anökmö, “Ni Judia prowinsnöñ Jerusalem jike göröken anmam” jiiga miangöra miri angön köla yaizözkök qahö jiget.

<sup>54</sup> \*Mewö aketka gwarekyahötñi Jeims aka Jon yekñön mi eka jiyohot, “O Kembu, Suepnöhök könöp eta engohoi qahöwakeak, mewö köuluköbingö mötzan me qahö?”

<sup>55</sup> Mewö jiyohotmö, Jisösnöñ lilingöba tembula jim etkiyök.

<sup>56</sup> Miangöreñök toroqeba miri kunöñ anget. Mewö.

*Jisös wuatangöbingö möndö möndö keunji*

*Mat 8.18-22*

<sup>57</sup> Könanöñ angetka azi kunñan kaba Jisösgöra jiyök, “Gi denike denike anmani, nöñön mönö miangöreñ gi guatangöba kamam.”

<sup>58</sup> Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmegö azi ölnan mönö denike anda nööröñi wani qömböñnöñ nariba luhut membawak.”

<sup>59</sup> Jisösnöñ azi kungöra jiyök, “Gi kaba ni nuatangöman.” Jiyökmö, kewö melenök, “Kembu, mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.”

<sup>60</sup> Mewö jiyökmö, Jisösnöñ melenöda jiyök, “Mosötnöñ! Köhömuñi yeñön qamötnjini köhömuñi mi ölöp löm kölmemö, göñön mönö anda Anutu bemtohoñangö könañi jim asarim engiba malman.”

<sup>61</sup> \*Kunbuk azi kunñan kañgota jiyök, “Kembu, nöñön gi guatangömangö sihimni mötzalmö, mötnöñ, gi ölöp jinöñga mutuk mire anda tinitosolomurupni yaizökzökñini jibigun.”

<sup>62</sup> Jiyökmö, Jisösnöñ melenök, “Kunöñ gölme mesinmesingö kinöñ mi hos andöñe jöhöba böröñan kinöñ supñe memba kini aniga dumñe lilingöba andöñe uzawi, yañön mönö Anutugö bemtohoñnöñ añgota nupñi memawañgö dop qahö akza.” Mewö.

## 10

*Jisösnöñ gwarek 72 melaim engii anget.*

*Mat 9.37-38; 10.7-16*

<sup>1</sup> Miangö andöñe Kembunöñ gwarek tosatñi 72\* mi möwölöhöm engiyök. Nanñak “Taonñi taonñi mirinñi mirinñi anmam,” jiba miangöreñ yahöt yahöt meköba mutuk melaim engiyök.

<sup>2</sup> \* “Melaim engimam,” jiba kewö jii mötket, “Anutugö nupnöñ nene ölni gwötpuk öliba ahözapmö, mi tokobingöra nup meme ambazip nini awamdökñi maljin. Miangöra mönö nene öliöliñangö Kembunñi köuluköm wañgigetka nup meme ambazip melaim engiiga ölni mem tokome.

<sup>3</sup> \* “Inini mönö anme. Mötket, lama yeñön arökñangö kiam kalñi yeñgö sutñine gegetka luhuba engöhöbepuk, nöñön inini miangö tandök ewö melaim engibi anme.

<sup>4</sup> \* Inini moneñ irimunñga me gösö kun me köna esu mi kude memba anme. Anda könanöñ ambazip engeka jiji-kilik-kilik yaizökzök kude akñe.

<sup>5</sup> “Anda miri kunöñ öngöba mutuk kewö jime, ‘Anutunöñ miri kiangöreñ luai ali böñjöñ malme.’

<sup>6</sup> Mewö jigetka kunñan luai añgön kölmangö dop akzawi ewö, luainñan mönö yañgö qakñe öngömappmö, kunñan mi qahö añgön kölma ewö, luainñan mönö lilingöba nanñini qakñine öngöma.

<sup>7</sup> \* Miri öngömei, mönö miangöreñök mala nup meme. Ambazipnöñ nup meme ambazip malmalñini nanngömeañgö dop akze. Miangöra yeñön nene aka o engime, mi mönö neme. Miri tosatñe lanñan kude ahöme. Miri suen kude anda kame.

<sup>8</sup> “Taon miangöreñ me miangöreñ añgotketka köl öröba nene engime, mia mönö neme.

<sup>9</sup> Nemba tosatñan miangöreñ kawöl engöhöi ahöme, i mönö mem ölöwak engime. Mewö aka kewö jiget mötme, ‘Anutugö bemtohoñan mönö dowe kaiga miangö uruñe añgotme.’

<sup>10</sup> \* Mewö akñemö, taon kunöñ añgotketka andö engumei, miangöreñ mönö maketnöñ me sombemnöñ anda kewö jiget mötme,

<sup>11</sup> ‘Nini engö taonöñ kainga sölbuham yuai köna tamböñine mekötahözawi, mi mönö tim töñjöraringa nanñine lilingöba gema. Gemappmö, keu ki mönö möt yaköme: Anutugö bemtohoñan mönö kösutñine asuhuza.’

<sup>12</sup> \* Nöñön kewö jibi mötket: Anutunöñ nalö ketañe qemasolokepñinangö likepñi melenñi taon miangö qakñe öngömawi, dop mianñön mönö Sodom yeñgö sihimbölö dopñi oñgita toroqem engima.”†

\* **9:61:** 1 Kin 19.20    \* **10:1:** Tosatñan oyoñda 70 jize. Tosatñan 72 jize.    \* **10:2:** Mat 9.37-38    \* **10:3:** Mat 10.16

\* **10:4:** Mat 10.7-14; Mak 6.8-11; Luk 9.3-5    \* **10:7:** 1 Kor 9.14; 1 Tim 5.18    \* **10:10:** Apo 13.51    \* **10:12:** Jen 19.24-28; Mat 11.24; 10.15    † **10:12:** Sodom yeñön bölöñi kanjamñambuk memba mala uruñini qahö melengetka Anutunöñ köñpöñ köñden engiyök.

*Jisösnöñ taon 3 yeñgöra 'Yei wösöbirik!' jiyök.*

*Mat 11.20-24*

13 \**“O Korazin tonji, nöñön engöra 'Yei!' jiba sahötzal aka Betsaida tonji, engöra mewöyök 'Yei!' jiba sahötzal. Nöñön yeñgöreñ anbiga keuni jibi sösönihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenöñ Taiö aka Saidon sitinöñ asuhubeak ewö, yeñön mönö nalö köröpñi uruñini melenbingö kaisösöpñi kondela dodohonöñ angömiriba kau ariba sahötpeak.*

14 *“Sahötpeakmö, Anutunöñ könañgep Korazin aka Betsaida yeñgö keuñini jim teköba likepñi melenñi sihimbölö mötmei, nalö ketañi miangöreñ mi mönö Taiö aka Saidon yeñgö sihimbölö dopñi ongita mötme.*

15 \**Aka Kaperneam tonji, Anutunöñ inñini ölop mem wahöt engii Suep mire öngöbeak me qahöpto? Qahöpmañ! Inñini mönö kömupkö senjom mire kölölohoba geme.*

16 \**“Kunñan keuñini mötmawi, yañön mönö nöngö keuni mötma. Kunñan andö engumawi, yañön mönö ni andö nuñgumapmö, kunñan ni andö nuñgumawi, yañön melaim niñgiyöhi, mönö i andö qema.” Mewö.*

*Gwarek 72 yeñön lilingöba söñgaiget.*

17 *Gwarek 72<sup>‡</sup> yeñön mala lilingöba kaba söñgaiba kewö jiget, “Kembu, nini göhö qetke öme wöröme jim kutum engiinga yeñön mewöyök keunini bapñe anda tököba anget.”*

18 *Mewö jigetka Jisösnöñ melenñök, “Nöñön Satan kakögetka Suepnöhök luhuba wölbilik ewö aköba gei ehal.*

19 \**Mötket, nöñön kukösum engibiga inñini ölop kitim soramen, skorpion (nendañ kömbukñi pomemba) aka kerökñinañgö ösum-mumuñi jitñambuk pakpak tiget eriga luhut alme. Miangöra yuai kunñan qahö engum mizit ak engima.*

20 *“Miangöra ömewöröme yeñön keuñini bapñe anjemö, töndup engöreñ sösongai bohonñi mi miangöra kude söngaim. Engö qetñini Suep mire ohoget Anutugö buknöñ ahözawi, miangöra mönö önöñi qahö söngaim.” Mewö.*

*Jisösnöñ söñgaiba Anutu möpöseiyök.*

*Mat 11.25-27; 13.16-17*

21 *Nalö miangöreñ Uña Töröñan Jisös inahöm wañgiiga söñgaiba keu kewö jiyök, “O Iwini, göñön Buña keugi mötkutukutu ambazip mötmöt ketañi megeri, yeñgöreñ asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yeñgöreñ indelnöñga möt asarize. Miangöra nöñön Suep gölmegö Kembuñi gi möpöseim gihizal. O Iwini, gi nangak mewö asuhumapköra mötnöñ dop köli ölöwahök.*

22 \**“Iwinan mönö yuai pakpak jim kutuiga nöngö buñaya ahök. Iwinan Nahönñangö könañi nanñök möt yaköiga kunñan mi qahö mötza. Mewöyök kunñan Iwinangö könañi qahö möt yaköiga Nahönñanök mi mötza aka ambazip möwölöhöm engiba yeñgöra mi indelmawi, yeñön mönö Iwi möt wañgime.”*

23 *Jisösnöñ mewö jiba gwarekurupñi yeñgöreñ lilingöba nanñinök ölöñ kewö jii mötket, “Inñini yuai ek kutuzei, denike yeñön mi ek kutuzei, yeñön mönö jeñinañgöra aka simbawon akze.*

24 *Miangö könañi kewö: Nöñön keu kewö jibi mötket, Kezapqetok ambazip aka kiñ azi kembu gwötpukñan inñini yuai ki ekzei, mi ekingö awöweñgöba malgetmö, mi qahö eket. Inñini keu ki mötzei, yeñön mi mötpingö awöweñgöba malgetmö, mi qahö mötket.” Mewö.*

*Jöjöpañ keu bohonñi yahöt mi denöwö?*

*Mat 22.34-40; Mak 12.28-31*

\* **10:13:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4    \* **10:15:** Ais 14.13-15    \* **10:16:** Mat 10.40; Mak 9.37; Luk 9.48; Jon 13.20    ‡ **10:17:** Tosatñan oyoñda 70 jize. Tosatñan 72 jize.    \* **10:19:** Sum 91.13    \* **10:22:** Jon 3.35; 10.15

25 \*Köna keugö böhi kunñan wahöta Jisös bötak ala kewö qesim wañgiba jiyök, “Böhi, nõñon denöwö aka malmal kömbönañi teteköñi qahö buña qem añgubilenjak?”

26 Jiiga Jisösnöñ kewö melenña qesiyök, “Mosesgö Köna keunöñ keu denöwö ohoget ahöza? Miangö könañi denöwö?”

27 \*Qesiiga melenña jiyök, “‘Gi urugi jömukñi, uñagi jömukñi, kuki jömukñi aka mötmötki jömukñi mianñon mönö Kembu Anutugi jöpaköba malman,’ aka ‘Nangi jöpaköm añgumakzani, mewöñanök mönö ambazip pakpak jöpaköm enjgiba malman.’”

28 \*Jiiga Jisösnöñ melenñök, “Törörök melenñan. Mi tem köla malmal kömbönañanğö buñaya akñan.”

29 Mewö melenñökmö, Köna keugö böhinöñ ‘Mi tem köla solanñi akzal,’ mewö mötmörriba könañamñi kondelmamgö möta Jisösgöra jiyök, “Ambazip sutñine mala korali, yenğorenök mönö dagöra jizan? Ninña qahö jöpaköm wañgibilenjak?”

### *Samaria azinöñ gurusep azi ak-kömum wañgiyök.*

30 Mewö jiiga Jisösnöñ melenña jiyök, “Azi kunñan Jerusalem siti mosöta Jeriko mire geba könanöñ kegwek-kahasililiñ yenğö böröñine gei meget. Memba inap yuaini wañgita oponi qeköba gurusep qeba gila angetka kömumamgö aka ahöyök.

31 Ahöba mamböriga jike nup galöm kunñan köna miyök anda eka ek siriba köna likepñeyök anda oñgita anök.

32 Aniga mamböri jike nup azi (Liwait) kunñan mianğoren kañgota eka mewöñanök ek siriba oñgita anök.

33 \*Anökmö, Samaria prowinsgö aziş kunñan köna miyök anda ahöyöhi, mianğoren añgota eka wösöñi möta ehoriyök.

34 “Ehoriba kösutñe geba uziñi kelök aka wain oñan miriba esuhuyök. Uziñi esuhuba memba kököbihiba donñi qakñe ala wañgita qenjarök ahöahö mire anda ala köyan köl wañgiyök.

35 Köyan köl wañgiba ahöba wahöta söñanök silim yahötkö töwañi (Kina 10,-) uzeta qenjarök mirigö toni wañgiba jiyök, ‘Azi ki mönö köyan köl wañgiba malnöñga monen gihizali, mi kude dop köla oñgitma ewö, mi mönö lilingöba kaba mianğoren toroqeba gihiman.’

36 Azi karöbut könañamñini mewö kondelget. Azi kegwek-kahasililiñ yenğö böröñine geyöhi, yanğö alanñi danñon ahök? Yenğorenök dagöra mötnöñ, i uru kalem ak wañgiyök?”

37 Qesim wañgiiga melenñök, “Ak kömum wañgiyöhi, yanñon.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

### *Jisösnöñ Marta Maria yetpuk kusuk tarök.*

38 \*Jisösnöñ gwarekurupñi yembuk könanöñ angetka Kembuñinan miri kunöñ añgorök. Añgoriga ambi kun qetñi Marta yanñon köl öröm wañgii miriñe öngöyök.

39 Martagö munñi qetñi Maria malök. Yanñon Kembu eka könañi kösutñe eta tata Buña keu jiyöhi, mi kezap ala mörök.

40 Mörökmö, Martanöñ lömbuan nupnöñ öröi anda kaba mökösususu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Mianğöra mönö Maria jinöñga kaba bauköm niñgima.”

41 Jiiga Kembunöñ melenña jii mörök, “Marta Marta, gi yuai könañi könañi mianğöra waimañjat möta mötkurumkurum aka könöpñambuk aka kinjan.

42 Mewö kinjanmö, waimañjat mohok kun memba mem köhöininga dop kölma. Nini yuai sehisehiñi mianğöra qahö osizin. Marianöñ kewöta urugö likepñi möhamgöm

\* 10:25: Mat 22.35-40; Mak 12.28-34 \* 10:27: Lew 19.18; Dut 6.5 \* 10:28: Lew 18.5 \* 10:33: 2 Hist 28.15

§ 10:33: Juda yenñon Samaria ambazip jijiwilit ak enjizema. \* 10:38: Jon 11.1



anġumamgö möwölöhöba simbawoġ akza. Malmalgö bahöŋi ölöpnji mi kunġan kun kude waŋgitma.” Mewö.

## 11

*Jisösnöŋ köulukö könaŋi kusum enġiyök.*

*Mat 6.9-13; 7.7-11*

<sup>1</sup> Jisösnöŋ miri kunöŋ köuluköba mali teköiga gwarekurupŋi yeŋgöreŋök kunġan kewö jiyök, “Kembu, Jon O-melun azinöŋ gwarekurupŋi köulukö könaŋi kusum enġiyöhi, gi mönö mewöŋanök nini kusum neŋgiman.”

<sup>2</sup> Jiiga Jisösnöŋ kewö jii mötket, “Inġini köuluköbin jiba kewö jime: Iwi, göhö qetkan mönö töröŋi ahöma. Mönö galöm köl neŋginöŋga bemtohoŋgahö ölnji asuhuma. (Göhö jitsihitki Suepnöŋ tem kölakzei, gölmenöŋ mönö mewöŋanök asuhuma.)

<sup>3</sup> Gi wehön dop nene dopnine neŋgiman.

<sup>4</sup> Tosatŋan bölöŋi ak neŋgigeri, nini körek yeŋgö siŋgisöndokŋini mosötzin ewö, gi mönö neŋgöreŋ siŋgisöndok saŋgoŋ neŋgiman.

Gi esapesapnöŋ eta neŋgubapuköra anġön köl neŋgiba Bölöŋi Toŋaŋgö böröŋeyök meköm neŋgiman.”\*

<sup>5</sup> Jisösnöŋ toroqeba kewö jii mötket, “Enġöreŋök kunġan suŋgem bibiŋe alaŋaŋgö mire anda möndöba kewö jima, ‘Alani, beret karöbut niŋginöŋga likepŋi bian melenj gihibi.

<sup>6</sup> Alani kunġan könanöŋ mala nöŋgöreŋ kaŋgoriga neneŋamni qahöpköra gumohom waŋgimamgö jaruzal.’

<sup>7</sup> Mewö jii alaŋan miri uruŋeyök kewö melenja jima, ‘Gi gaun gwölö ak neŋgizan. Ni naŋgunji lök köl köhöibiga nahönböraturupnan nömbuk tumbulahöpnini tumbula gaun ahözin. Mianġöra wahöta mi gihimamgö osizal.’

<sup>8</sup> Mewö jimapmö, nöŋön jibi mötket: Miri toŋan alaŋi akzawaŋgöra aka qahö wahöta waŋgimapmö, mi töndup kapaŋ köla jiba kinjawaŋgöra mi ölop wahöta qesizawaŋgö dop körek waŋgima.

<sup>9</sup> “Nöŋön mianġö likepŋi kewö jibi mötket: Mönö Anutu köuluköme. Köulukögetka enġima. Anutugöreŋ mönö yuaigö böröjaŋ memba jarume. Mi jarugetka kondeliga miwikŋaime. Kinda naŋgunöŋ qeme. Qegetka naŋgu tal enġima.

<sup>10</sup> Kunġan Anutu köulukömakzawi, yaŋön mönö likepŋi buŋa qem anġuma, yuaigö jarumakzawaŋön mönö mi miwikŋaima. Naŋgunöŋ qemakzawaŋgöra mönö naŋgu öröm waŋgima.

<sup>11</sup> “Iwiurup enġöreŋök daŋön kewö akza: Nahönŋan söragöra qesiiga salupŋe qatö waŋgima.

<sup>12</sup> me kuruk kötnaŋgö qesiiga skorpion (nendaŋ kömbukŋi pomemba) waŋgima?

<sup>13</sup> Mewögöra inġini ambazip bölöŋi akze aka töndup kalem ölöpnji ölöpnji mi nahönböraturupŋini enġibingö mötze ewö, Sup Iwinöŋ mönö kalemŋi denöwö anġön kölbawak? Yaŋgö uruŋaŋgö ahakmemenji mi neŋgoŋgita tandökŋi kun akza. Mianġöra Uŋa Töröŋaŋgöra köuluköba qesim waŋgime ewö, yaŋön mönö sihimŋan i melaiiga uruŋine gema.” Mewö.

*Jisösnöŋ öme yeŋgö ösumŋini oŋgita qei etza.*

*Mat 12.22-32; Mak 3.20-27*

<sup>14</sup> Ömenöŋ azi kun töŋöt aka numbuŋi jöhöiga mötök maliga Jisösnöŋ ömeŋi mi wu-ataŋgöiga kota mosöri nesilamŋan lolohoiga kunbuk keu jiyök. Keu jiiga ambazip kambu yeŋön mi eka welipköget.

\* **11:4:** Tosatŋan keu mi kewö melenja jimakze: bölöŋeyök meköm neŋgiman.

15 \*Welipkögetmö, yeŋgöreŋök tosatŋan kewö jiget, “Yaŋön mönö öme yeŋgö kembuŋini Katakömulat yaŋgö ösumnöŋ ömewöröme eŋguataŋgömakza.”

16 \*Mewö jigetka tosatŋan Jisös keugö bötaknöŋ örömapköra esapköm waŋgiba kewö qesiget, “Gi mönö jim kutunöŋga Suepnöhök aŋgöletot kun asuhuiga ekin.”

17 Qesigetmö, yaŋön uru mötmötŋini möt teköba kewö jii mötket, “Kantri denike yeŋgö galömurupŋinan sutŋine aŋgururuk aka julmei, yeŋön mönö ayuhum aŋgugetka kantriŋinan böliba sahopŋanök ahöma. Mewöyök miri kungö könagesö yeŋön julmei, miriŋinan mönö qeqelanŋan ahöma.

18 “Mötket! Satangö könagesö yeŋön mewöyök sutŋine aŋgururuk aka julbeak ewö, yeŋön mönö gawman nupŋini membingö osigetka ömetohoŋinan mönö denöwö kinbawak? Inini nöŋgöra kewö jize: Yaŋön Katakömulatkö ösumnöŋ ömewöröme eŋguataŋgömakza.

19 Mewö jizemö, mötket, nöŋön Katakömulatkö ösumnöŋ ömewöröme közöl eŋgibileŋak ewö, eŋgö alaurupŋinan mönö dagö ösumnöŋ mi közöl eŋgibeak? Miangöra yeŋön mönö keuŋini ölni me qahö, mi kewöta jim teköme.†

20 Mi jim tekömemö, Anutugö ösumŋan nöŋgö börö kesötne sölölohöi öme eŋguataŋgömakzal ewö, Anutugö bemtohoŋan mönö eŋgöreŋ kam kuŋguza.

21 “Azi köhöikŋan timbi liŋgipŋambuk miri gölmeŋi galöm meiga sukinapŋan mönö kahaimök ahöma.

22 Mewö ahömapmö, azi köhöikŋi kötökŋan luhuba kaba qeba luhut al waŋgiba timbi liŋgipŋi nariyöhi, mi körek waŋgita qezanŋa sukinapŋi memba anda alaurupŋi mendeŋ eŋgima.

23 \**“Kunŋan nömbuk qahö maljawi, yaŋön mönö qetal niŋgimakza. Kunŋan ambazip nöŋgö qetne tokomegöra qahö öröm eŋgimakzawi, yaŋön mönö mendeŋ eŋgimakza.”* Mewö.

*Öme yeŋön azi uruŋe liliŋgöbingö kapan kölje.*

*Mat 12.43-45*

24 “Ömenöŋ azi uruŋeyök kota gölme qararaŋkölkölŋe anda laŋ liliköba mala luhut memangö miri jaruba kun qahö miwikŋaiba ölan yöhöiga kewö jima, ‘Mirini mosöta kazali, miangöreŋ mönö kunbuk liliŋgömam.’

25 Mewö jiba liliŋgöba miriŋi usuŋda meŋölöi ahöyöhi, mi mewöŋanök ahöi mi-wikŋajima.

26 Mewö miwikŋaiba anda öme tosatŋi 7 eŋguaŋgitma. Öme 7 mi nanŋi oŋgita bölöŋi kötökŋi akze. Yaŋön mi eŋguaŋgiriga kaba miri mi öŋgöba miangö uruŋe malme. Mewö aiga azi miangö könaŋi mutuk kilenŋilenŋ ahökmö, könaŋgep bölim qölim teköma.” Mewö.

*Denike yeŋön simbawoŋ akze?*

27 Jisösnöŋ keu mewö jiba mali ambazip kambu sutŋineyök ambi kunŋan qeta Jisös kewö jii mörök, “Gömokni, ambinöŋ gölöm ala gömimba juzu gumohom gihiyöhi, nöŋön yaŋgö mötŋi simbawoŋ akza.”

28 Mewö jiyökmö, Jisösnöŋ kewö melenök, “Mi jizanmö, nöŋön kewö jimam: Ambazip Anutugö keugöra kezap ala möta tem köla köl gulimakzei, yeŋön mönö simbawoŋ akze.” Mewö.

*Böhi tosatŋan aŋgöletököra kapan köla uletket.*

*Mak 8.11-12; Mat 12.38-42*

\* **11:15:** Mat 9.34; 10.25 \* **11:16:** Mat 12.38; 16.1; Mak 8.11 † **11:19:** Nanŋini sile galömurupŋinan Anutugö qetŋi qeta töndup öme mi Katakömulatkö kukösumnöŋ közöl eŋgigetka nöŋön mi Anutugö ösumnöŋ közöl eŋgimakzal. Öroröŋ qahö kinjinaŋgöra daŋön ölni aka daŋön keu munenŋi wuatangömakzawi, mi ambazipnöŋ kewöta jim teköme. \* **11:23:** Mak 9.40

29 \*Ambazip kambunöŋ tokogetka qariiga Jisösnöŋ toroqeba keu kewö jiyök, “Ambazip merak gölmenöŋ maljei, mi kambu bölöŋa. Yeŋön Anutugö aiwesökŋaŋgöra kapan kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al enjima.

30 \*Keu miangö könaŋi kewö: Anutunöŋ mönöwök Jona melaiiga Niniwe yeŋgö sutŋine anda Anutugö aiwesökŋi ahök. Miangö dop Suep gölmegö azi ölnan mewöyök ambazip kambu kiangö sutŋine asuhuba uruŋini melenmegöra kuŋgum enjiba aiwesökŋina akŋa.

31 \*“Könaŋamŋinanagö kaisösöpŋi kun kewö: Anutunöŋ mönöwök mötkutukutu öngöŋgöŋi ketanŋi mi kiŋ Solomon waŋgiiga Saut görökenök kantri kungö qin ambinöŋ Solomongö mötkutukutuŋi mötmamgö sihimŋi mörök. Sihimŋi möta gölme goraŋeyök wahöta köna köröp tiŋtiŋi kaba mala Solomongö mötmöŋi mörök. Mi mörökmö, mötket, nalö kewöŋe nöŋön sutŋine asuhuba kinda Anutugöreŋ mötkutukutu öngöŋgöŋi memba kazali, mi Solomongö mötkutukutuŋi oŋgizta. Oŋgizapmö, iŋini töndup nesampurek ak niŋgiba tönpin kingetka qahö dop kölja.

“Miangöra Anutunöŋ könaŋep ambazip körek pakpak öröm enjii keuŋini jim tekömapköra jeŋe aŋgotmei, nalö miangöreŋ Saut kantrigö qin ambi mianön mönö mewöyök aŋgotma. Yeŋön ambazip kambu ki kinjei, embuk öröröŋ kömupnöhök wahöta enjgö qöhöröŋine mohotŋe kinma. Mohotŋe kinda keu kewö enjgö silenine alma, ‘Iŋini Jisös nesampurek ak waŋgigetka Anutunöŋ likepŋi melen enjii sihimbölö öngöŋgöŋi mötme.’ Yeŋön mewö jiiga silikŋi kewöta nanŋinanagöra gamuŋini mötme.

32 \*“Jonanöŋ Niniwe ambazip sutŋine anda Anutugö keunöŋ uruŋini kuŋgui möta miangöreŋök uruŋini melengetmö, mötket, nöŋön sutŋine asuhuba kinda Jonagö ahakmemeŋi oŋgita ahakzal. Mewö ahakzalmö, iŋini töndup nesampurek ak niŋgimakze.

Miangöra Niniwe ambazipnöŋ jimtekötekögö nalö ketanŋe ambazip kambu ki kinjei, embuk öröröŋ kömupnöhök wahöta enjgö qöhöröŋine mohotŋe kinme. Mohotŋe kinda Niniwe yeŋön keu kewö enjgö silenine alme, ‘Iŋini Suep gölmegö azi ölni nesampurek ak waŋgigetka Anutunöŋ likepŋi melen enjii sihimbölö öngöŋgöŋi mötme.’ Niniwe yeŋön mewö jigetka ahakmemeŋinan nanŋini könaŋamŋini indelgetka gamuŋini mötme.” Mewö.

*Kiwa mi asakŋi neŋgimapköra ahöza.*

*Mat 5.15; 6.22-23; Mak 4.21-23*

33 \*Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miangö dum tatatnöŋ alma. Mewö ali tosatŋan miri uruŋe öngöbingö mötzei, yeŋön miangö asakŋi eka ölop öngöme.

34 Göhö jegi mi uru silegahö kiwanŋi akza. Miangöra kawöl kunöŋ jegi qahö mem böliza ewö, mianön mönö tohoba asarim teköi Anutugö asakŋan ölop uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, mianön silegö malmalgi mewöyök mem söŋauiga pandaman uruŋe jipjap malman.

35 “Mewö aiga mötnöŋ, söŋaupnöŋ urugahö asakŋi közamböri söŋaubapuköra mönö tihitki möta galöm mem aŋguman.

36 Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋ-kilik-kilikŋambuk aka jemesoholgan asariza. Kiwa ketanŋan silege kuŋguba kölköl-bilikbilikŋambuk mem asarim gihizawi, malmalgi mönö miangö dop Anutugö asakŋe al teköba malman.” Mewö.

*Urumelenjgö silesile tandököra ‘Yei!’ jiiga 6 ahök.*

*Mat 23.1-36; Mak 12.38-40; Luk 20.45-47*

\* 11:29: Mat 16.4; Mak 8.12 \* 11:30: Jona 3.4 \* 11:31: 1 Kiŋ 10.1-10; 2 Hist 9.1-12 \* 11:32: Jona 3.5 \* 11:33: Mat 5.15; Mak 4.21; Luk 8.16

<sup>37</sup> Jisösnöŋ keu mi jim teköi Farisi (Köna keugö kapankölköl) azi kunöŋ kewö jiba köl öröm wanŋiyök, “Gi ölop nöŋgö mire öŋgöba tata nene nembin.” Mewö jiiga anda öŋgöba nene nemamgö tarök.

<sup>38</sup> Mutuk böröŋi qahö sanŋonŋa eta tarökmö, Farisi azinöŋ silik mi eka welipköyök.

<sup>39</sup> Welipköiga Kembunöŋ kewö jii mörök, “O Farisi inŋini mönö ölŋa amöt qem anŋubingöra qambi aka al nenegö silenŋi sanŋonŋ yakömakzemö, nanŋini uruŋinan mönö tölohoza. Mi dogo jimamonŋ aka qewölonŋ mianŋön kokolak qei malje.

<sup>40</sup> “O inŋini, uruŋini qahö. Kunöŋ silenŋi pakpak miwikŋaiyöhi, yanŋön mönö uruŋi mewöyök miwikŋaiyök me qahö? Inŋini mönö wuanöŋgöra uru likepŋanŋgöra tanŋanŋ akze? Mi qahö dop kölja.

<sup>41</sup> Mianŋöra yuai kiwi al nenenöŋ tatzawi, mi mönö kalema ambazip wanapŋi enŋime. Mewö aketka Anutunöŋ amöt qem enŋii enŋöreŋ yuai pakpak mönö sarakŋi ahöma.” Mewö.

<sup>42</sup> \* “O Farisi ambazip, lömböt qakŋine öŋgözawanŋgöra mönö wöziköba ‘Yei!’ jizal. Inŋini nene pakpak mendenŋa bahöŋi 10 mianŋöreŋök mohot Anutugö buŋaya qemakze. Gipŋi, supé aka yöha könaŋi könaŋi mi mewöyök menŋenŋa tenöhök mohot mi Anutugö buŋa qemakze. Naluk mi törörök alakzemö, Köna keugö kötŋi bohonŋi ki mönö onŋita mosörakze: Gi Anutu uru könömŋan jöpaköm wanŋiman aka ambazip sutŋine ahakmeme diŋdiŋi wuatangöba malman. Keu bohonŋi mi mönö kapanŋ köla wuatangöba malme aka keu morömorö mi mewöyök kude onŋita mosötme.

<sup>43</sup> “O Farisi, lömböt qakŋine öŋgözawanŋgöra mönö wöziköba ‘Yei!’ jizal. Inŋini köuluk mire dum tatat mutukŋe jegep tatpingö sihimŋi mörakze. Maketnöŋ me könanöŋ ambazip enŋeketka jölöŋini jimegö mörakze.

<sup>44</sup> O inŋini, lömböt qakŋine öŋgözawanŋgöra wöziköba ‘Yei!’ jizal. Inŋini qaksiri qetŋini qahö mianŋö dop akze. Ambazipnöŋ qamöt wörönŋambuk denike ahözawi, mi qahö möta qakŋine lanŋanŋ tiba yuai dönqizinnambuk oseiba tölohomakze.” Mewö.

<sup>45</sup> Jisösnöŋ keu mewö jiiga Köna keugö böhi yenŋöreŋök kunŋan möta melenŋa kewö jiyök, “Böhi, gi keu mewö jiba nini mewöyök gamu qem nenŋizan.”

<sup>46</sup> Mewö jiyökmö, Jisösnöŋ keu kewö jiyök, “O Köna keugö böhi, enŋö qakŋine mewöyök lömböt öŋgözawanŋgöra wöziköba ‘Yei!’ jizal. Inŋini keuŋi keuŋi jim kutuba mianŋö könjöŋ lömbötŋi ambazip qakŋine alagun algetka mi tem kölbingsö lömböriiga jaranŋbaranŋ ahakzemö, nanŋinak i kesötŋinan borom kun bauköm enŋibingsö wösömötmötŋini kun qahö ahöza.

<sup>47</sup> “O inŋini, lömböt qakŋine öŋgözawanŋgöra mönö wöziköba ‘Yei!’ jizal. Inŋini kezapqetok ambazip yenŋö qaksirinöŋ simen koum memba menjölömakzemö, nanŋini ambösakonŋinan mönö i enŋuget kömuget.

<sup>48</sup> Nanŋini ambösakonŋinan kezapqetok ambazip enŋuget kömugetka inŋini yenŋö qaksirinŋine koum memba simen alakze. Mewö aka mianŋön ambösakonŋini yenŋö ahakmemegöra imbi köla keuŋini nanŋöba jiba dangunu ewö kinje.

<sup>49</sup> “Mianŋöra Anutu, mötkutukutu Tonŋi yanŋön kewö jiza, ‘Nönön kezapqetok ambazip aka aposol melaim enŋibi enŋöreŋ kame. Kagetka yenŋöreŋök tosatŋi i enŋuget kömume aka tosatŋi sesewerowero ak enŋime.’

<sup>50</sup> “Anutunöŋ Suet gölme miwikŋaim etkiyöhi, nalö mianŋöreŋök könahiba kezapqetok ambazip enŋugetka sepŋini mokoget eri, mianŋö sep kitipŋi pakpak mi ambazip merak maljei, mönö enŋö qakŋine öŋgöi sihimbölö mötme.

<sup>51</sup> \*Abelgö sepŋan eri mianŋöreŋök könahiba enŋuba kota mala Zekaraia jöwöwöl alta aka jöwöwöl jike kömbukŋi mietkö sutŋire qeget sepŋi eri mianŋöreŋ teköyök. Nönön keu kewö jibi mötme: Sepŋinanŋö kitipŋan mönö ambazip merak maljei, enŋö qakŋine öŋgöiga sihimbölö mötme.

\* 11:42: Lew 27.30 \* 11:51: Jen 4.8; 2 Hist 24.20-21



<sup>52</sup> “O Köna keugö böhi injini, lömböt qakñine öngözawañgöra mönö wölkiköba ‘Yei!’ jizal. Injini Anutugö mötmöt membingö nanju ki moröñi mi ambazip enjuañgita anjgön köl enjimakze. Nanñinak miangö uruñe qahö anjotket aka tosatñan miangö uruñe anjotpingö akzei, injini i jöhöba anjgön köl enjiba malget.”

<sup>53</sup> Jisösnöñ keu mewö jiba mosöta ani Köna keugö böhi aka Farisi yeñön könahiba keu könöpñambuk jim wañgiba keu könañi könañi jimapkö qeçesi gwötpuk al wañgiget.

<sup>54</sup> Al wañgigetka numbuñeyök keu kun qiwitipköiga mianñön köpeiba keugö bötakñöñ örömapköra mönöget. Mewö.

## 12

### *Urumelenjö silesile malmalgö galöm meme keu*

#### *Mat 10.26-27*

<sup>1</sup> \*Jisösnöñ keuñi jiiga nalö sutñe miangöreñ ambazip tausenni tausenni yañgöreñ tokoba ölöqölököba utakutal anjuba kinget. Mewö aka kingetka könahiba gwarekurupñi kewö jii mötket, “Yuai mutukñi ki: Injini mönö Farisi (Köna keugö kapañkölköl) yeñgö urumelenjö silesile ahakmemenjanñgöra galömñini meme. Mi wösö kömbukñi ewö akza. Mi qahö mosötme ewö, mianñön mönö yist ewö qariba mem bölim enjima.

<sup>2</sup> \* “Ambazipñöñ yuai önun meget ahözawi, mi pakpak mönö kötulgetka aukñe ahuma. Mewöñanök keu asambötket ahözawi, mi pakpak mönö indelgetka möt kutume.

<sup>3</sup> Mianñgöra mönö keuñinanjö galöm memba malme. Injini keu söñaupñöñ ölöñ jimei, mi mönö asakñe jigetka mötme. Injini miri uruñe wañgömñi kungen sañepñöñ kezapñine jimei, mi sobemñöñ aukñe jim asarime.” Mewö.

### *Dagöra keñgötñini mörin dop kölma.*

#### *Mat 10.28-31*

<sup>4</sup> “Alaurupni nöñön enjgöra kewö jibi mötme: Tosatñan silenñini qem kömumba miangö andöñe yuai kun toroqeba akingö osimei, yeñgöra mönö keñgötñini kude möta malme.

<sup>5</sup> Mi qahöpmö, dagöra keñgötñini mötketka dop kölmawi, nöñön mi kondel enjimam. Kun danñön kukösum memba enjui kömugetka tötal enjii könöp sianöñ gemei, yañgöra mönö keñgötñini möta malme. Enjgöra keu mi kunbuk jizal: yañgöra mönö keñgötñini möta malme!

<sup>6</sup> “Tosatñan bekösöm (jöröröm, ulisit) 5 mi toiya yahötñan söñgöröñi memegöra alakzemö, Anutunöñ miengöreñök mohok-kungö qahö ölum qeyök.

<sup>7</sup> Anutunöñ köyan köl enjiba nörop jupñini pakpak mewöyök oyon teköba jañgöñini mötza. Ambazip enjgö söñgöröñini mi bekösöm ulisit gwötpuk enjgöñgita öngöñgöñi akza. Mianñgöra keñgötñini mönö kude möta malme.” Mewö.

### *Kraist jim miwikñaim me qañ kölme?*

#### *Mat 10.32-33; 12.32; 10.19-20*

<sup>8</sup> “Nöñön keu kun jibi mötket: Kunñan ni ambazip jeñine jim miwikñaim niñjimawi, Suep gölmegö azi ölnan mönö mewöñanök i Anutugö garataurup yeñgö jeñine jim miwikñaima.

<sup>9</sup> Mewömö, kunñan ni ambazip jeñine qañ köl niñjimawi, nöñön mönö mewöñanök i Anutugö garataurup yeñgö jeñine qañ kölmam.

<sup>10</sup> \* “Kunñan Suep gölmegö azi ölni qetala keu jimawi, Anutunöñ mi ölop mosötmapmö, kunñan Uña Töröñi ilita mepaqepaik akñawi, yañgö siñgisöndokñi mi Anutunöñ qahö mosötma.

<sup>11</sup> \* “Ambazipñöñ injini öröba keu jakeñine al enjigetka köuluk miriñine me kiap premiö aka kantriñi kantriñi miengö kiñ kembu yeñgö jemesoholñine kinmei, nalö miangöreñ keuñinanjö likepñi wani keuya denöwö jibinak miangö waيمانjatñi kude mötme.

\* **12:1:** Mat 16.6; Mak 8.15    \* **12:2:** Mak 4.22; Luk 8.17    \* **12:10:** Mat 12.32; Mak 3.29    \* **12:11:** Mat 10.19-20; Mak 13.11; Luk 21.14-15

12 Mi kewögöra: Inini keu jimei, mi Uña Töröñan aua mianğörenğök kusum enğıiga jime.” Mewö.

*Nepaqepalok azi pomñanğö dopkeu*

13 Ambazip kambu sutñineyök azi kunñan Jisösgö jiyök, “Böhi, iwiniran kömuiga gi mönö datnağö jinöñga iwinirağörenğö börösamotñi mendenğa niñgima.”

14 Mewö jiyökmö, Jisösnöñ kewö melenğ wañgiyök, “O azi, dañön etkö jimtekötekö tonjiri akñamğöra kuñgum niñgiyöha gölmenjiri mendenğbilenğak?”

15 Mewö jiba keu kewö toroqeyök, “Inap ainemalukuñinan awamñanök me kelenmaleleñ ahöbawak, malmalñinağö könañi mi mianğörenğ qahö ahöza. Malmalñini qahö kewöta monenğ sukinapnönğ möndöme ewö, mönö ayuhume. Mianğöra membangun membingö nepaqepalok (gridi) pakpaköra mönö galömñini memba malme.”

16 Mewö jiba dopkeu kun kewö jii mötket, “Azi pomñi kun malök. Yañön gölmeñe nene nupñi meiga töhötmöriam ketañi asuhuyök.

17 Mi asuhuiga uruñan kewö mötmöriba jiyök, ‘Nöñgö köwe mirini mi morörökñi. Mianğöra padi gösöñi gösöñi, koñ kambuñi kambuñi, sehoñ böranñi böranñi mi mönö denikeağörenğ tokobilenğak? Mönö denöwö akñamto?’

18 Mewö jiba jiyök, ‘Mönö kewö akñam: Ni köwe mirini köndenğa salupñe köwe miri ketañi ketañi memam. Mi memba nene töhötmöriamni aka sukinapni pakpak mönö mianğörenğ qezaköbi tatma.

19 Mianğörenğ tariga nanağöra kewö jimam: O gi simbawoñ! Töhötmöriamgi mönö awamñi qahö ahöm gihiza. Mianğöra mönö nene nem söñgaiba yambuñi yambuñi siyoñsayoñi qahö luhut memba ösöñ malman.’

20 Mewö jiyökmö, Anutunöñ kewö jii mörök, ‘O gi, urugi qahö! Nöñön nalögi ala jim teköba uñagi suñgem kianğörenğök goağitpiga kömuman. Kömunöñga öroyuai pakpak buña qem ağuba malnönği, mi mönö dagö buñaya akñapto?’

21 “Kunñan nanñanğöra ainemaluku guli dötnam yuai tokomakzapmö, Anutugö qöhöröñe urugö töhötmöriamñi qahö ahöm wañgizawi, yañğöra mönö lömböt ketañi mewö asuhuma.” Mewö.

*Anutu möt nariba waimanjat kude akñe.*

*Mat 6.25-34*

22 Jisösnöñ gwarekurupñi kewö jii mötket, “Mewö asuhumapmö, nöñön enğöra kewö jibi mötket: Inini gölmenöñ malmeağö waimanjatñi mi kewö jiba kude akñe: Nini mönö wanat yuainöñ gumohom ağubinak aka wanatnönğ sileninağö löngötpinak?”

23 Sileninağbuk maljei, mianğön bohonñi aiga opo kereñnönğ mönö mianğö nembö bapñe ahöza. Jeñinağbuk maljei, mianğön bohonñi aiga nenenöñ mönö mianğö nembö bapñe ahöza.

24 “Mönö koekoe nei enğekñe: Mienöñ nene köñi qahö qesiñ gilakze. Padi ölni qahö yandiba köwe miriñine qahö tokomakze. Yöha sihiñini mi qeköm nemi mirinöñ qahö alakze aka Anutunöñ mi töndup i gumohom enğimakza. Ambazip enğö söñgöronñini mi nei söñgöronñini enğonğita öñgöba ahöza. Mönö mi mötmöriget anök.

25 “Enğörenğök kunñan waimanjat aka mewö mianğön gölmenöñ malmawağö nalöñi mi sömañi mohotkö dop mem toroqema me qahö? Mi qahöpmañöp!”\*

26 “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak?”

27 \*Inini mönö jariñ juranñi aködamunñinağbuk mi enğekñe: Mienöñ opo söronñinağöra möt qahö loñgalakze. Nup yuai tosatñi kun qahö memakze aka mi töndup kewö jibi

\* 12:25: Tosatñan kewö melenğa jize: Enğörenğök kunñan waimanjat aka mewö mianğön silenñi wan fitkö dop toroqeba mem körimağö osima. \* 12:27: 1 Kin 10.4-7; 2 Hist 9.3-6

mötket: Kiñ Solomonöñ goul silwöñi qeraköba malukuñi ason-bilikbilikñambuk löngöta malökmö, yangö malukuñi mi kiteñ soranjingö dop eksihimñambuk qahö ahöyök.

28 “Jariñ juranji töhön mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ juranji mewöñi kun mi tok ölopñanök meñölömakza. Miangöra yanön injini mewöyök ölop esuhum engima. Injini jariñ juranji miangö dop qahö akze. Anutunöñ köyan köl engimamgö mötzawi, sihimñi mianön mönö yuai pakpak engongita öngöza. O ambazip, mötnariñinan mönö wuanöngöra morörökñi akza?”

29 “Mewö aiga injini mewöyök malmalñinangöra mötkurumkurum kude akñe. Mi aka lömböröba kewö jibepuk, ‘Nini mönö wani nene aka wani o nembinak?’ Mewö jiba uruñini miangöreñ kude ala urueret aka urukönöpuk miwikñabepuk.

30 Kantri dop urumelengö kopa yeñön yuai mewöñi pakpak buña qem angubingö kapan köla urukönöp ahakze. Mi ahakzemö, injini nene opo yuaigöra mözöröngöba osizei, Iwiñinan mönö mi möt teköza.

31 Miangö urukönöp kude akñemö, mönö Anutugö bemtohoññöñ angotpingö kapan kölme. Uruñini miangöreñ alget ahöiga yanön mönö galöm köl engiba yuai mewöñi mi mewöñanök toroqem engima.” Mewö.

### *Bujanini Suepnöñ me gölmenöñ tokoinga dop kölja?*

#### *Mat 6.19-21*

32 “O kambuni morörökñi, Iwiñinan bemtohoñ al engimamgö mötzawanğöra mönö kenğötñini kude möta malme.

33 Gölmegö moneñ inapñi mi kapan köla qeraköbepuk. Miangöra yuai ahöm engizawi, mi mönö söngöröñangö ala moneñ öröba bahöñi ambazip wanapñi kalemñinangöra engime. Mewö aketka qetbuñanini guli dötnam ewö mi Suep mire ahöba sehiba kude qahöwakña. Moneñ gösöñini qainñi kun mi Suep miangöreñ qahö bölime. Gurem jijilukut aka yonğorö meme yeñön mönö eu öngöba yuai mem bölibingö osime.

34 “Yuaigöra aködamunñi memba mötnöñ öngözawi, mianön miri kungen ahöiga göñön mönö urugi mewöyök miangöreñ qekötahöba malman.” Mewö.

### *Urugwölö mala nup megetka dop kölma.*

35 \* “Injini mönö Anutugö nupñi membingöra jöjöröba opo söröñini jöhöm yaköba aködamunñinambuk kinda uruñinangö kiwanan ohotirigetka jeiga malme.

36 \* “Mi kiangö dop: Miri tonji kun mi ambazip amemegö lömbuanñöñ kaba söñgaibingöra öröm wanğigetka anök. Miangöreñ ani moröurupñan mire tata lilingömapköra jeñinan yaigep uba ‘Kiñsiñ-pañsan!’ jiba kapan köla mambötze. Mamböta malgetka yanön nalö miangöreñ me miangöreñ kanğota nanğunöñ qebawak, yeñön mönö miangöreñök nanğunöñ örögetka kotma. Injini mönö morö miengö dop aka jöjöröba malme.

37 “Kembunöñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñön mönö simbawon akze. Nöñön ölña kewö jibi mötket: Yanön kanğota tokom engiba nene dumnöñ ali tatketka nene gumohom engimamgö jöjöröm anguba welen qem engima.

38 Yanön ömbibiñe me miri awöranğöiga miangöreñ lilingöi tosatñan urugwölö malgetka miwikñaim engimawi, yeñön mönö simbawon akze.

39 \* “Gwölö malbingö keu ki mönö ölop mötmörime: Sunğem aiga kegwek azinöñ wanat nalönöñ me auanöñ kamawi, miri tonjan mi mötpawak ewö, yanön mönö gwölö mala miriñi ölop galöm meiga qesiñda öngömamgö osima.

40 Injini ‘Suep gölmegö azi ölñan nalö kiangöreñ qahö kanğotma,’ jiba mötmörime, yanön mönö nalö miangöreñök kanğotma. Miangöra injini mewöyök jöjöröba malme.” Mewö.

\* 12:35: Mat 25.1-13    \* 12:36: Mak 13.34-36    \* 12:39: Mat 24.43-44

*Nup azinöŋ silekmalek mala ayuhuyök.**Mat 24.45-51*

<sup>41</sup> Jisösnöŋ keu mewö jii Pitönöŋ qesiyök, “Kembu, gi dopkeu ki mi nenğöra me ambazip tosatŋi pakpak yeŋğöra mohok jizan?”

<sup>42</sup> Mewö qesii Kembunöŋ jiyök, “Nup meme ambazip sutŋine daŋön tiŋ kutuba tosatŋi eŋğonğitza? Tosatŋan sörörauba nup mosötketka kunŋan mötkutukutu ölöŋğanğö qakŋe kapan köla pondaŋ memakzawi, yaŋön mönö simbawoŋ akza. Miri toŋan ahakmemeŋi kewöta eka kungen anda miriŋğanğö öröyuaiŋi mi yaŋğö böröŋe ali galöm akŋa. Galöm aka welenqeçeurupŋi jiyöhanğö dop köyan köla nalö diŋdiŋe gumohom eŋgimakŋa.

<sup>43</sup> Mewö köyan köl eŋgiba maliga toŋan liliŋğöba kaba mewö eka mönö simbawoŋ jima.

<sup>44</sup> “Nöŋön keu öŋi kun kewö jibi mötket: Toŋan simbawoŋ jiba sukinapŋi pakpakö galömmi kuŋgum waŋgima.

<sup>45</sup> Kuŋgum waŋgimamö, nup meme okonŋi yaŋön uruŋan mötmöriba kewö jima ewö, ‘Kembunanğö kaka nalöŋan mönö köröpŋi ahöza.’ Mewö jiba könahiba nup meme ambazipurupŋi eŋgum ureiba közölömbuan ala söŋgaiba o köhöikŋi nemba uruŋi sohoiga eŋololoŋ silekmalek aka malma.

<sup>46</sup> Mewö mala nalö kunöŋ Kembuŋi kaŋgotmapköra qahö mambötmawi, mönö miangöreŋ kaŋgotma. Nalögöra ikmaok iŋululuŋ mali mönö aua miangöreŋ kaŋgota qeba yaijapaleleŋ mem waŋgiba jim kutuiga qeçetal ambazip ewö könöp sianöŋ geba sihimbölä mötma.

<sup>47</sup> “Nup meme kunŋan Kembuŋanğö jitsihitŋi möt yaköyökmö, keu areŋi jiyöhanğö dop qahö jöjöröm aŋguba nupŋi memba malöhi, Kembuŋan miangö likepŋi jiiga jöhöba ihileknöŋ ambemŋi gwötpuk qeaköba qeme.

<sup>48</sup> Mewö qememö, nup meme azi kunŋan Kembuŋanğö jitsihitŋi qahö möt yaköba yuai aka meiga likepŋi ölöp jiget ihileknöŋ qemeaŋğö dop akzawi, Kembunöŋ miangö likepŋi jiiga amqeqeŋi qeme. Anutunöŋ kungöra yuai gwötpuk waŋgiyöhi, yaŋön mönö mi mem sehiiga öŋi gwötpuk ahumapköra al mambötma. Anutunöŋ kungöra yuaigö warökŋi sehisehiŋi al waŋgiyöhi, yaŋön mönö mi mem sehiiga öŋi sehisehiŋi ahui melen waŋgimapköra qesima.” Mewö.

*Jisösnöŋ könöp bölam memba eri deŋnök.**Mat 10.34-36*

<sup>49</sup> “Nöŋön gölmenöŋ könöp ala ubi jemapköra etpiga urusihimni miangö bölamŋan lök jeyöhanğöra ahöza.

<sup>50</sup> \*Ahözapmö, mi ‘Ala umam,’ jibi sihimbölä gwötpuk mi nöŋğö qakne öŋğöba mösölumgöm niŋgimangö akŋa. Anutunöŋ mewö miangön melun murutŋi mem niŋgima. O ni wahöjaliŋ ketanŋi möta malbi mem niŋgii miangöreŋ teköma.

<sup>51</sup> Kewö mötmöribepuk: Jisösnöŋ luai qemangöra aka gölmenöŋ erök. Nöŋön kewö jibi mötket: Nöŋön luai qemangöra qahöpmö, nöŋğöra aka jula deŋgetka köŋ jabö ahuma.

<sup>52</sup> “Mi kewögöra jizal: Nöŋğö Buŋa keunan ambazip uruŋini kuŋgui melenğeraŋğöra nalö kewöneyök könahiba kewö asuhuma: Miri kungö uruŋe ambazip 5 yeŋön sutŋine aŋgururuk aka julme. Likep karöbut yeŋön yahöt yetpuk aŋgururuk aketka likep yahöt yetkön karöbut yembuk jujul aka malme.

<sup>53</sup> \*Iwi morö yetkön jula kerök-kerök ahotka nam morö yetkön tötal aŋguyohotka iranŋan iranŋi qetala julmahot.” Mewö.

*Nalö maljini, mi möt kewötme.**Mat 16.2-3*

<sup>54</sup> Jisösnöŋ toroqeba ambazip kambu yeŋğöra kewö jii mötket, “Wehön gegene miri böuleiba kousu töwiiga iŋini mi eka miangöreŋök ‘Kie kama,’ jimakze. Mewö jigetka kama.



<sup>55</sup> Saut görökenök luhut giliga eka möta kewö jimakze, ‘Miri könöpñambuk akña.’ Jigetka miangö dop akña.

<sup>56</sup> O urumelenjö silesile ambazip, injini suep gölmegö tandökñiri eka kie wehöngö könajiri ölop kewörakzemö, nalö ki maljini, miangö könaji qahö kewöta möt kutugetka qahö dop kölja.” Mewö.

*Angururukñini mindinjögetka solanima.*

*Mat 5.25-26*

<sup>57</sup> “Injini ‘Yuai diñdijni mi denöwö akin,’ jiba miangö könaji mi denöwögöra aka nanñinak qahö kewöta jim tekömakze? Mi qahö dop kölja.

<sup>58</sup> Kerökan silege ala keu jakeñe öröm gihimangö aiga jimtekötekö galömgöreñ anda köna namñe miangöreñ mönö kapan köla imbi mohok aka keuñiri jim solanimahot. Mewö qahö akñahot ewö, kerökan ölop örörahöm ghiiga (jas, majistreit) jimtekötekö tonangö jeñe angotnöñga möta jii opotöröpkö böröñe genöñga kösö mire al ghibapuk.

<sup>59</sup> Nöñön kewö jibi mötnöñ, Gi miangöreñ töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

## 13

*Uruñini melenget me kömumba ayuhuget.*

<sup>1</sup> Nalö miangöreñök tosatñan kangota Jisös kösohot kewö jiget mörök, “Galili ambazip tosatñan Jerusalem jikenöñ jöwöwöl ohogetka premiö Pailötnöñ jiiga suahö galömurupñan miangöreñ öngöba engum kömugetka sepñini eta lama bulmakau sepñinambuk lolonqalon ahök.”

<sup>2</sup> Mewö jigetka melenja kewö jii mötket, “Injini miangöra kewö mötmöribepuk: Galili ambazip mienön Galili ambazip tosatñi pakpak engongita siñgisöndok aka malgerangöra sihimbölö mi mötket.

<sup>3</sup> Mewö qahöpmö, nöñön kewö jibi mötket: Injini uruñini qahö melenme ewö, injini körekñan mönö mewöyök ayuhum teköme.

<sup>4</sup> Me miri qetñi Siloam miangöreñ miri köröpñi kunñan eta köla ambazip 18 turum engii kömugeri, injini yenjöra kewö mötmöribepuk: Yenön Jerusalem könagesö tosatñi pakpak engongita siñgisöndok aka keuñinambuk malget.

<sup>5</sup> Qahöpmö, nöñön kewö jibi mötket: Injini uruñini qahö melenme ewö, injini körekñan mönö mewöyök ayuhum teköme.” Mewö.

*Muli ip gorosonñangö dopkeu*

<sup>6</sup> Jisösnöñ dopkeu kun kewö jiyök, “Azi kunñan muli ip kömöri nupñe kota kini miangö ölni jarumangö anökmö, kun qahö miwikñaiyök.

<sup>7</sup> Qahö miwikñaiba nup galömnangöra jiyök, ‘Mötnöñ, nöñön muli ip kiangö ölni yambu (yara) karöbutkö dop kaba jaruyalmö, kun qahö miwikñaial. Miangöra mi mönö wuanöñgöra toroqeba gölmegö kelökñi önewat öroi sihitñanök akapuk. Miangöra mi mönö köla gilnöñ anma.’

<sup>8</sup> Tonñan mewö jiyökmö, galömnöñ melenja jii mörök, ‘O azi kembuni, mi ölop mosötnöñga yambu (yara) ki kunbuk kinma. Nöñön nalö sutñe kiangöreñ kinonñöñ gölme esiba kundupköba isonbason ala liliköbi kelökñambuk akña.

<sup>9</sup> Nöñön mewö akiga yambu (yara) andöñe miangö ölni ölop ahubawak. Mi qahö ahuma ewö, mi ölop kölman.’ ” Mewö.

*Jisösnöñ Sabat kendonöñ ambi kun mem ölöwahök.*

<sup>10</sup> Jisösnöñ Sabat kendonöñ köuluk miri kunöñ öngöba Buña keu kusum engiyök.

<sup>11</sup> Miangöreñ ambi kun tarök. Ömenöñ yambu (yara) 18 miangö dop mem löwörim wanggiiga könisemñi milipköiga qötöteimangö osiba tata malök.

12 Jisösnöŋ ambi mi eka oholi kaiga kewö jii mörök, “Ambi, eksekpeksek kawölğan mönö gömosöri ölöwakzan.”

13 Mewö jiba böröŋi nööröŋe ali miangöreŋök qötöteiba Anutu möpöseim waŋgiyök.

14 \*Möpöseim waŋgiyökmö, Jisösnöŋ Sabat kendonöŋ ambi mi mem ölöwahöhi, köuluk mirigö galömŋan mi eka miangöra möri bölüi keu könahiba ambazip kambu yeŋgöra jiyök, “Nup memegö nalö 6 ahözawi, miangöreŋ mönö kaba mem ölöwak eŋgimapköra jime. Mi Sabat kendonöŋ qahö.”

15 Mewö jiyökmö, Kembunöŋ melenđa kewö jiyök, “O urumelenğö silesile ambazip! İjini pakpak bulmakau aziŋini me donkiŋini mi Sabat kendonöŋ mireyök pösata eŋgungitketka onöŋ anda nemakze me qahö? Eŋgöreŋök kunöŋ mi qahö aŋğön köl eŋgimakza.

16 Mötket! Ambi kianöŋ Abrahamgö gwölönaröha aiga Satanöŋ jöhöm waŋgii yambu (yara) köröpŋi 18:gö dop maliga nöŋön kösöŋi mi Sabat kendonöŋ pösatpi dop köl eŋgiza me qahö?”

17 Mewö jiiga tuarenjoŋurupŋi pakpak yeŋön gamuŋini mötket aka ambazip kambu pakpak yeŋön aŋğöletot wewelipŋambuk meyoŋi, mi pakpak eka möta söŋgaiget. Mewö.

### *Nejoŋ kötnaŋgö dopkeu*

*Mat 13.31-32, 34; Mak 4.30-32*

18 Jisösnöŋ dopkeu kun kewö jiyök, “Anutugö bemtohoŋaŋgö könaŋi mi denöwö? Mi wanatpuk dop albilenjak?”

19 Mi nejoŋ kötnaŋgö dop kewö akza: Azi kunŋan mi memba nupŋe anda esiiga wahöta qariba ip ahök. Ip aiga könakemba neiŋi neiŋi mienöŋ aipŋini ip miangö böröŋe alget.” Mewö.

### *Yistkö dopkeu*

*Mat 13.33*

20 Jisösnöŋ dumŋe kunbuk dopkeu kun kewö jiyök, “Anutugö bemtohoŋi mi wanat yuaibuk dop albilenjak?”

21 Mi yist me flaua mem qariqarigö dop kewö akza: Ambi kunŋan ‘Beret ohomam,’ jiba yist memba flaua könde karöbut miangöreŋ mindiriba melenqeŋeŋ aka anda anda tari köreŋanök qariyök.” Mewö.

### *Mönö naŋgu giwikŋe jaram tiba aŋgotme.*

*Mat 7.13-14, 21-23*

22 Jisösnöŋ anda taonŋi taonŋi aka miriŋi miriŋi miangöreŋ Buŋa kusum eŋgiba anda mala Jerusalem sitinöŋ göröken anök.

23 Ani kunŋan kewö qesim waŋgiyök, “Kembu, uruŋini melenget Anutunöŋ amöt qem eŋgii letotmei, mi ambazip awamdökŋa me denöwö?” Qesim waŋgii kewö jii mötket,

24 “İjini mönö naŋgu giwikŋe aŋgotpingö jaram tiba aum-mörime. Nöŋön kewö jibi mötket: Ambazip gwötpukŋan Anutugö bemtohoŋ uruŋe aŋgotpingö esapkömemö, mi osime.

25 Könaŋep miri toŋan wahöta naŋgu köligun ijini nalö miangöreŋ könahiba yaigep kinda naŋgunöŋ qeba kewö jime, ‘Kembu, mönö naŋgu öröm neŋginöŋ.’ Mewö jigetka melenđa kewö jii mötme, ‘Ni qahö möt eŋgizal. İjini denikegöra, mi qahö mötzal.’

26 Mewö jiiga ijini miangöreŋök könahiba kewö jime, ‘Neŋön mönö göbuk köisirik tata nene neiŋ. Göŋön mönö liliköba neŋgö sombemnöŋ Buŋa kusum neŋginöŋ.’

27 \*Mewö jimemö, yaŋön keu kewö jima, ‘İjini denikeaŋgöra, ni qahö möt eŋgizal. Miangöra kewö jibi mötket: Bölöŋi meme pakpak, ijini mönö nömosöta kesalget.’

28 \*\*\*“Kesalgetka mianğoreñ Abraham, Aisak, Jeikob aka kezapqetok ambazip pakpak yeñon Anutugö bemtohoñ uruñe kingetka engeknemö, nanñini aköm engigetka yaigep kinme. Könañini mewö miwikñaiba sahot gigilahöba irimñini yöhözömgögetka qetñi qeri malme.

29 Ambazipñi ambazipñi mi wehön kotkotñeyök aka gegeñeyök aka likeplikep Not Saut mianğoreñök kaba Anutugö bemtohoññöñ aņgota dum tatatñini memba nene nem söñgaip aka malme.

30 \*Mewö malmemö, mötket! Qöndökñi yeñğoreñök tosatñan mutukñi akñe aka mutukñi yeñğoreñök tosatñan qöndökñi akñe.” Mewö.

*Kiñ Herodnöñ kiam soñ mianğö dop akza.*

*Mat 23.37-39*

31 Nalö mianğoreñök Farisi (Köna keugö kapañkölköl) tosatñan Jisöğoreñ kaba kewö jiget, “Kiñ Herodnöñ guhui kömumangö mötza. Mianğöra mönö miri ki mosöta anman.”

32 Jigetka kewö melenñ engiyök, “Inini mönö arökñañğö kiam soñ mi kewö jiget mötma, ‘Mötnöñ! Nöñon merak aka uran ömewöröme enğuatañğömam aka kawöl ambazip mem ölöwak engiba malmam. Anmami, uruwale mönö mianğoreñ aņgota nupni mekömam.’

33 “Kezapqetok ambazip sehisehiñi mi Jerusalem sitinöñ enğugetka kömuget. Miri tosatñe qahö toroqeba enğuget kömumakze, mianğö tandöktandök ahöza ekzal. Mianğöra nöñon merak aka uran uruwale köna anda malmam. Jerusalem aņgotpiga nuñguget kömumam ewö, mönö yeñğoreñ aiakañina mi toroqeba akñe.” Mewö.

*Jisösnöñ Jerusalem sitigöra sahörök.*

*Mat 23.37-39*

34 Jisösnöñ jiyök, “O Jerusalem Jerusalem, inini kezapqetok ambazip enğuget kömugetka Anutunöñ ambazip melaim engii engöreñ kamakzei, mi kötnöñ kumbuköm enğimakze. Poi namñan moröurupñi ginginñi bapñe ala köjöjohom enğimakzawi, nöñon mianğö dop nalöñi nalöñi göhö könağösöurupki suhuba tokom enğimangö möta malalmö, inini mi tököba mala kotket.

35 \*Mötket! ‘Anutunöñ mönö jike miriñini andö qeiga sahopñanök ahöma.’ Mewö ahömapmö, nöñon kewö jibi mötket, inini ni kunbuk qahö nekñemö, könañgep nalö kun kam kuñgui mianğoreñ neka kewö jime, ‘Kembugö qetñe kam neñgizawi, Anutunöñ mönö i kötuatköm wañgima.’ Mewö.”

## 14

*Jisösnöñ kawöl azi kun mem ölöwahök.*

1 Jisösnöñ Sabat kendon kunöñ Farisi (Köna keugö kapañkölköl) yeñğö jiteñememe kungö miriñe öñğöba nene neyök. Nemba tari tosatñan galöm memba ektiget.

2 Mianğoreñ yañğö jemesoholñe kawöl azi kun köna böröñi onöñ ölököba qarri tarök.

3 Jisösnöñ i eka könañiba Köna keugö böhi aka Farisi mi qesim engiba kewö jiyök, “Sabat kendonöñ azi mem ölöwak wañgiba mewö mianñon Köna keu onğitpin me qahö?”

4 Mewö jiyökmö, yeñon göröñ qeba tatket. Tatketka böröñan azi mi misiriba mem ölöwaka melaii anök.

5 \*Ani kewö jii mötket, “Engöreñök kungöreñ morö me bulmakau aziñi mi Sabat kendonöñ o lömnöñ gema ewö, mi mönö ösumok örögetka kotma. Dañon mi qahö öröi kotpawak?”

6 Mewö qesim engii mianğö likepñi melenbingö lömböröba numbuñini muhungöba bök tatket. Mewö.

*Jisösnöñ sile mem-öñğö-öñğö mi qetalök.*

\* 13:28: Mat 22.13; 25.30 \* 13:28: Mat 8.11-12 \* 13:30: Mat 19.30; 20.16; Mak 10.31 \* 13:35: Sum 118.26; Jer 22.5 \* 14:5: Mat 12.11

<sup>7</sup> Farisi (Köna keugö kapañkölköl) azinöñ ambazip nenegöra köl öröm enjyöhi, yeñön dum qaikñe eu meköba tatkeri, Jisösnöñ mi eka miangöra dopkeu kun kewö jii mötket,

<sup>8</sup> \*<sup>8</sup>“Kunñan gi amembitkö lömbuañgöreñ köl öröm gihii miangöreñ anda dum jegenneyök qahö memba tatman. Mewö akñan ewö, tosatñi köl öröm enjyöhi, yeñgöreñök kunñan gi gonñgita qetbuñañambuk akapuk.

<sup>9</sup>“Yañön kañgoriga lömbuañ toñan göhöreñ kaba kewö jibawak, ‘Gi dum ki mosötnöñga öngöñgöñi yañön tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk.

<sup>10</sup> Mewö qahöpmö, kunöñ köl öröm gihimawi, gi ölop dum siminñe emu anda tatman. Mewö tatnöñga lömbuañ toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñön ambazip göbuk tata nene nezei, mönö körek yeñgö jeñine qetbuñagabuk akñan.

<sup>11</sup> \*<sup>11</sup>“Mi kewögöra: Nanñini uruñini memba öngömei, Anutunöñ i körek memba et al enjima. Kunñan nanñi uruñi memba etmawí, Anutunöñ mönö i memba öngöba al wangima.”

<sup>12</sup> Farisi (Köna keugö kapañkölköl) azinöñ ambazip köl öröm enjii lömbuañnöñ tatketka Jisösnöñ lömbuañ toñi liliñgöba eka kewö jii mörök, “Gi silimgö me sunñgemgö lömbuañ kun ohoba miangöreñ nangi alaurupki me darumunurupki mi kude köl öröm enjiman. Tinitosolomurupki me miri kasunñañgö ambazip pomñi qetbuñañinambuk mi kude köl öröm enjiman. Mewöñi lömbuañgöra köl öröm enjinöñi, i mewöñanök köl öröm gihiba tosañi mi meköm gihiget teköma. Mewö akñan ewö, Anutunöñ mönö miangö töwanñi qahö gihima.

<sup>13</sup> “Mewö qahöpmö, lömbuañ mözözömgöba ohomani, gi mönö ambazip etqeqeñi mia köl öröm enjiman. Ambazip wanapñi, simalokon aka jegömöl akzei, mönö mia engholnöñga dop kölma.

<sup>14</sup> Mi köl öröm enjinöñga yeñön tosa meköm gihibingö osigetka gi miangöra simbawoñ aka malman. Tosañini mi öne ahöi malnöñga solañi yeñön kömupnöhök wahötketka nalö miangöreñ Anutunöñ nanñak mi göhöra meköm gihima.” Mewö.

*Lömbuañ ali möndömöndö keu jiba tököget.*

*Mat 22.1-10*

<sup>15</sup> Jisösnöñ mewö jiiga nene memba tatket yeñgöreñök kunñan mi möta kewö jii mörök, “Kunöñ Anutugö bemtohoñ uruñe añgota nene memba tatmawí, nöñön yañgöra simbawoñ jizal.”

<sup>16</sup> Mewö jiiga kewö melenök, “Azi kunñan sunñgemgö lömbuañ ketañi mözözömgöba ohoba ambazip gwötpuk öröm enjiget kamegöra jiyök.

<sup>17</sup> Lömbuañ nalöñi kam kuñgui welenqeqeñi kun melaii köl öröm enjimamgö jiyöhi, yeñgöreñ anda jii mötket, ‘Yuai pakpak lök mözözömgöinga ahöza. Miangöra mönö ölop kame.’

<sup>18</sup> Jii mötketmö, mi möta yeñön körekmakörek könahiba yuai tosatñe möndöba tököget. Mutukñan jiyök, ‘Ni arö kun söñgöroñi mealangöra miangöreñ anda ekñamgö mötzal. Miñön jöhöm niñgiza. Miangöra ölop anda jinöñga möta kude möt bölim niñgima.’

<sup>19</sup> Kunñan jiyök, ‘Ni bulmakau azinñi 10 söñgöroñini meali, mi kösönöñ ilikñine jöhöbi kinöñ örögetka anda nup esapköba qeba qindipkömam. Miñön jöhöm niñgizawañgöra ölop jinöñga möta kude möt bölim niñgima.’

<sup>20</sup> Kunñan toroqeba kewö jiyök, ‘Ni ambi urandöpki bohoñni mealangöra kamamgö osizal.’

<sup>21</sup> “Mewö jigetka welenqeqeñöñ liliñgöba azi kembuañgöra buzup mi jii mörök. Möta uruñi könöp jeiga welenqeqeñi kewö jim kutum wañgiyök, ‘Gi mönö wölañ taongö

\* 14:8: Qam 25.6-7 \* 14:11: Mat 23.12; Luk 18.14



köna namñe aka sombemnöñ anda ambazip etqeçenji, wanapñi, köna böröñini titiñgitñi, jegömöl aka simalokon ambazip mi mönö enñuanñitnöñga lömbuanñ miri uruñe ki kame.

<sup>22</sup> Jiyöhañgö dop ak teköba kaba kewö jiyök, ‘Kembuni, jim kutum niñgizanañgö dop akzalmö, dum tiñi tok ahöza.’

<sup>23</sup> “Mewö jiiga azi kembunöñ jiyök, ‘Gi mönö könanöñ aka rowoñqeçenine anda ambazip tat anjei, mi kapañ köla kuñgum enñinöñga lömbuanñ miri uruñe kañgota kokolak qeme.

<sup>24</sup> Nöñön kewö jibi mötket: Ambazip mutuk köl öröm enñimangö jiali, yeñgöreñök kunñan kun nöñgö lömbuanñöñ qahö kañgota nemba nahömñi mötma.’ ” Mewö.

*Jisösgö gwarek malmalgö könañi*

*Mat 10.37-38*

<sup>25</sup> Jisösnöñ ani ambazip kambu ketañi yeñön wuatangöba angetka lilingöba kewö jii mötket,

<sup>26</sup> \* “Kunñan nömbuk kaba malmam jiba ni göragöra al niñgiba iwinamñi, anöm-moröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönö nöñgö gwarekni akñangö osima.

<sup>27</sup> \* Sisitñini megetka kunñan ni nuatangöba sihimbölö möta maripomnöñ kömumangö qahö jöjörömawi, yañön mönö nöñgö gwarekni akñangö osima.

<sup>28</sup> “Enñöreñök kunñan miri köröñi memangö mötza ewö, yañön mönö mutuk eta tata monenji miri mem tekömawañgö dop akza me qahö, mianñgö könañi kewöta ek kutuma.

<sup>29</sup> Mewö qahö aka miri tandöñi kömöta mi mem tekömangö köhököhöñi qahö ahöm wañgiiga mosöri öne kiniga ambazip pakpak mi eka könahiba jiji-ilit jiba mepaik wañgibepuk.

<sup>30</sup> Mewö ak wañgiba kewö jibepuk, ‘Azi mi könahiba miriñi meyökmö, mi mem tekömangö qahö köhöiyök.’ Mianñgö dop Jisös wuatangöman me qahö, mi törörök kewöta möt kutuman.” Mewö

<sup>31</sup> Jisösnöñ keu mi toroqeba kewö jiyök, “Mewöyök kiñ azi kembu kunñan kiñ kunbuk aröñda ‘Bim qemam,’ jiba denöwö akña? Yañön zilañök kerök qahö al wañgimappmö, mutuk jembonurupñi öröm tokom enñii tata qambañ keu kewö eraum mötme, ‘Nanine aziurupñini 10.000 maljin aiga likepñe kerökurupñini mi 20.000 malje. Azi kembuñinan i enñuanñita kaget enñeka ölöp köhöiba enñubin me qahöpto?’

<sup>32</sup> ‘Qahö köhöibin,’ jime ewö, yañön kerök kiñnöñ köröwen tariga mianñgöreñök jitiñememurupñi melaim enñii yañgöreñ anda luai qebingö goro eraum mötme.

<sup>33</sup> Mewöyök enñöreñök kunñan yuai pakpak ahöm wañgizawi, mi jegep almawañön mönö nöñgö gwarekni akñangö osima. Mianñgöra mönö nia jegep al niñgigetka dop kölma.” Mewö.

*Howe nahömñi qahö mi yuaia omanñi kötökñi.*

*Mat 5.13; Mak 9.50*

<sup>34</sup> “Howe mi ölöpñi akzapmö, sihimñi mosötma ewö, mi mönö denöwö möhamgöinga kunbuk sihimñambuk akawak?

<sup>35</sup> Nesak omanñi mi gölme kelökñambuk akñapköra tokoba isonñbasoñ alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenöñ gilinga geba öne töhöntöhön ahöma. (Gi mewöñanök nöñgö gwarekni aka kambañe kutuba nömosötman ewö, mönö yuai omanñi akñan.) Kunñan kezapñambuknöñ malja ewö, yañön mönö keu mi möt kutuma.” Mewö.

## 15

*Lamanöñ sohöyök, mianñgö dopkeu*

*Mat 18.12-14*

\* 14:26: Mat 10.37 \* 14:27: Mat 10.38; 16.24; Mak 8.34; Luk 9.23

<sup>1</sup> \*Takis tilipqilip aka megeri aka singisöndok ambazip tosatni mi jesöngöñan Jisösgö Buñani mötpingö kaget.

<sup>2</sup> Mewö kagetmö, Farisi aka Köna keugö böhi yeñon Jisösgöra uruñinan böliiga irikuruk keu kewö jiget, “Azi mianñon singisöndok ambazip engimemba yembuk tata nene neza.”

<sup>3</sup> Mewö jigerangöra Jisösnöñ dopkeu kun kewö jii mötket,

<sup>4</sup> “Engöreñök kungö lamaaurupñi 100 malgetka mienögöreñök kunñan sohoba janjuñ aniga toñan denöwö akña? Yañon mönö 99 mi gölme qararañkölkölñe engömosöta anda mohot janjuñ anöhi, miangö jaruba anda mala miwikñaiiga teköma.

<sup>5</sup> Miwikñaiiba urusösöngai aka awötñe ala kama.

<sup>6</sup> Mire kaba alaurupñi aka tosatni kösutñe malmei, mi engoholi tokogetka kewö jii mötme, ‘Lamani sohojöhi, mi lök miwikñaiizalañgöra mönö nömbuk sösöngai akin’

<sup>7</sup> Nöñon kewö jibi mötme: Miangö dop singisöndok azi mohotñan uruñi melenmawi, yangöra Suep mire sösöngai ketani asuhuma. Ambazip 99 nanñine jeñine solanñi diñdiñi aka uruñini melenbingö qahö möta maljei, yeñgöra sösöngai mewöñi qahö asuhuma.” Mewö.

*Moneñ kötñi sohojö, miangö dopkeu*

<sup>8</sup> “Mewöyök ambi kunñan silwö moneñ kötñi 10 memba maliga mienögöreñök mohokñan geba sohoiga denöwö akña? Yañon mönö kiwa ohotiriba kapan köla miri usuñda jaruma. Jaruba mala miwikñaiiga teköma.

<sup>9</sup> Mi miwikñaiiba ambi alaurupñi aka ambi tosatni kösutñe maljei, mi engoholi tokogetka kewö jii mötme, ‘Nöngöreñ soujeñi mohotñan sohojöhi, mi miwikñaiizalañgöra mönö nömbuk sösöngai aki.’

<sup>10</sup> Miangö dop nöñon kewö jibi mötme: Singisöndok ambazip kunñan uruñi melenmaga Anutugö garataurupñi yeñon miangöra sösöngai öngöñgöñi akñe.” Mewö.

*Nanñi imbi-imbi azinöñ kumkanjam aka imbiñi melenök.*

<sup>11</sup> Jisösnöñ toroqeba kewö jiyök, “Azi kungö nahönyahötñi yahöt malohot.

<sup>12</sup> Munñan iwinangöra kewö jiyök, ‘Iwini, gi mönö moneñ sukinapki mendenña nöngö bahöñi niñgiman.’ Mewö jiiga öroyuaiñi pakpak dopñire mendenña etkiyök.

<sup>13</sup> Mi etkiiga nahöñni moröñan sömañi yahöt karöbut mala inap yuaiñi pakpak mi kölölohoba memba kantri kungen anök. Miangöreñ anda nanñi imbi-imbi aka köna ketani ambi yembuk kiam bau ewö söñaup malmal mala moneñ inapñi gil teköyök.

<sup>14</sup> “Yuai pakpak gil teköiga bödi (buörö) ketani asuhuba gölme pakpak mi dop kölö. Yañon nalö miangöreñ könahiba öngöpñi aka osiyök.

<sup>15</sup> Osiba kantri miangö toñi kungöreñ anda nupköra qesim wañgiiga melaii yangö bau selñe geba bau galömñina malök.

<sup>16</sup> Miangöreñ mali bau yeñon sokop kötñi neget eka ‘Ölöp mi nembi gölömnö dop kölbawak,’ jiyökmö, mi mewöyök kunñan qahö wañgiyök.

<sup>17</sup> “Mewö mala uruñi ahuiga kewö jiyök, ‘Iwinangö nup ambazip wanat awamñi yeñon nup megetka söngöröñi engii nene nem timbireñ aka maljemö, nöñon kiangöreñ uzukörörap aka bödi mala kömumangö akzal.

<sup>18</sup> Ni mönö wahöta iwinangöreñ lilingöba anda kewö jibi mötma, ‘Iwini, ni singisöndok memba mianñon gi aka Suep Toñi qetal etkiba qetki mem böliäl.

<sup>19</sup> Miangöra göñon kunbuk nöngöra ‘Nahöni,’ jimanangö dop qahö akzal. Gi ölöp jinöñga welenqegega kun akñam.’

<sup>20</sup> “Mewö jiba wahöta iwinangöreñ anök. Anda mala miri dopdowii iwinan tikep endu kinda ehi kaiga wösöñi pöröraköiga ehoriba ösumñan diñdiñgöba anda imbiñe gili geiga numbuñi yöhötim nemba ‘Nahöni, owe owe!’ jiyök.

\* 15:1: Luk 5.29-30

<sup>21</sup> Mewö ahökmö, nahönñan jiyök, 'Iwini, ni singisöndok memba mianñon gi aka Suep Tonji qetal etkiba qetki mem böliäl. Mianñöra göñon kunbuk nöñgöra 'Nahöni,' jimanañgö dop qahö akzal.'

<sup>22</sup> "Mewö jii iwiñan mianñoreñök welenqeçeurupñi kewö jii mötket, 'Inini mönö ösumok maluku aködamunñambuk kun memba kaba löngöt wañgiget. Ila jalö imbiñe köla meñölöm wañgiba köna esu könañe löngöt wañgiget.

<sup>23</sup> Mewöyök selnöñ anda bulmakau dömnji kelökñambuk kun memba kaba qeba ohogetka namba sösongai albin.

<sup>24</sup> Nahöni ki kömum taköyöhañon mönö kunbuk guliba kaza. Yañon lök sohoigun Anutunöñ kunbuk miwikñaiiga asuhum tiñgitza.' Mewö jiiga könahiba sösongai alget.

<sup>25</sup> "Sösongai algetmö, datñan nupnöñ mala lilingöba miri dopdowiba mianñoreñ liñet gwawet köla unduba söngaigeri, mianñö kourukñi mörök.

<sup>26</sup> Mi möta welen morö kun qeri kaiga 'Mi denöwögöra akze?' jiba qesim wañgiyök.

<sup>27</sup> Qesim wañgiiga kewö jiyök, 'Mungan lilingöba kaiga iwiñan i kunbuk meiga unditundit aiga mianñöra jiiga bulmakau dömnji kelökñambuk qeba ohoba söngaize.'

<sup>28</sup> "Mewö jiiga irimñi seholiiga mire öñgömamgö tököyök. Tököyökmö, iwiñan mi möta yaigep eta uruluai keu ösöñ jiba mölöwörim wañgiyök.

<sup>29</sup> Mölöwörim wañgiyökmö, yañon melenña kewö jiyök, 'Iwini, nöñon yambu gwötpuk welengi qeba mala jimkutukutugi nalö kunöñ qahö ongita malalmö, töndup göñon nalö kunöñ meme (noniñ) moröñi kun alaurupni yembuk sösongai albingöra qahö niñginöñ.

<sup>30</sup> Qahö niñginöñmö, nahöñgi kianñon köna ketañi ambi yembuk mala moneñ inapki ayuhuba kañgoriga göñon mönö yañgöra aka jinöñga bulmakau dömnji kelökñambuk qeba ohoze.'

<sup>31</sup> "Jiiga iwiñan kewö jii mörök, 'Nahöni, gi nalö dop nanambuk malakzan. Mianñöra nani buñani pakpak mi mönö göhö buñaya mohok akza.

<sup>32</sup> Mohok akzapmö, mungi kianñon kömum taköyöhañon kunbuk guliba kaza. Yañon lök sohoiga Anutunöñ kunbuk miwikñaiiga asuhum tiñgitza. Mianñöra dölni nene sösongai alinga dop kölja.' " Mewö.

## 16

### *Sukinap galöm tilipqilipñambukö dopkeu*

<sup>1</sup> Jisösnöñ gwarekurupñi keu kun kewö jii mötket, "Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, 'Yañon göhöreñ moneñ inapki köndenña lañ gila malja.'

<sup>2</sup> Mi möta galöm mi jii kaiga jim wañgiyök, 'Ni göhöra buña bölöñi jiget mötzal. Gi nöñgö miri aka sukinapni kunbuk galöm kölmanañgö dop qahö akzan. Mianñöra mi denöwö galöm köla malnöñ, mianñö löpötñi jim asarim niñgiman.'

<sup>3</sup> Mewö jiiga uruñan kewö mötmöriyök, 'Miri tonñan galömkölköl nupni noañgiri denöwö akñamto? Ösumni qahö dop köljawañgöra gölme esimamgö osizal aka ulet azi malmamgö gamuni mötzal.

<sup>4</sup> Yañon galömkölköl nupni noañgitmawi, nöñon nalö mianñoreñ denöwö akiga tosatan miriñine köl öröba köyan köl niñgibeak? Aha! Köna kun mötmörizal.'

<sup>5</sup> "Mewö jiba ambazip tonñan tosa al enñgiyöhi, mi pakpak nannik nannik öröm enñgiiga kaget. Mutukñan kaiga yañgöra kewö jiyök, 'Tonañgöreñ tosa göhöreñ dawik ahöza?'

<sup>6</sup> Mewö qesiiga jiyök, 'Oil dram 100 meal.' Mewö jiiga kewö melenñök, 'Gi tosa papiagi memba ki tata ösumok uteköba 50 ohonöñga ahöma.'

<sup>7</sup> Mewö jiba azi kun qesim wañgiyök, 'Aka gi? Göhöreñ tosa dawik ahöza?' Qesiiga kewö jiyök, 'Wit flaua mi 21.000 kilogram meal.' Mewö jiiga jiyök, 'Gi tosa papiagi memba mianñoreñ 16.800 kilogram mewö ohonöñga ahöma.'

<sup>8</sup> “Mewö aiga miri tonjan möta jim-ölöwak keu kewö jiyök, ‘Galömnan tilipqilip qakne yuai ahöhi, mi mötkutukutu ölopni kondelja.’ ” Kembu Jisösnöñ kösohot mewö jiba toroqeba jiyök, “Söñaupkö ahakmeme wuatangömakzei, yengö mötkutukutuñini mi ambazip tosatni merak maljei, mi tilipqilip ak engimeangö dop ahözapmö, Anutugö asakne maljei, yengö mötkutukutuñini mi miangö bapne akza.

<sup>9</sup> “Miangöra kewö jibi mötket: Tosatnan gölmegö monen inapnöñ ambazip tilipköm engimakzemö, enjön mönö mianön memba alaurup miwikñaim engime. Mi miwikñaim engigetka gölmegö yuainöñ qahöwakñawi, Anutunöñ mönö nalö miangörej köl öröm enjiiga malmal köhöikni mire angota teteköñi qahö malme.

<sup>10</sup> “Kunñan yuai morörökni memba kapan köla törörök galöm köljawi, yanön mönö yuai ketani mewöyök törörök galöm kölma. Kunñan yuai morörökni galöm köla kitik-katuk akzawi, yanön mönö yuai ketani mi mewöyök galöm kölmapkö jiinga kitik-katuk akña.

<sup>11</sup> Gölmegö monen inapni böröñine algetka mi pöndañ qahö galöm kölgetka ölni qahö asuhuyök ewö, kunñan mönö yuai buñani öngöñgöñi ölni mi böröñine qahö alma.

<sup>12</sup> Inini tosatni yengörej yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañön kun engibawak?

<sup>13</sup> \* “Welenqeçe kunñan kembu yahöt welen qem etkimangö osimakza. Kunñan mewö akñangö mötzawi, yanön mönö kun kazik ak wangiba kun uruñan jöpaköma. Kungörej qekötahöba kun jijiwilit ak wangima. Miangöra enjön Anutu aka monen inap mi mindiriba welen qem etkibingö osime.” Mewö.

### *Monengö urukönöp akepekö goro keu*

*Mat 11.12-13; 5.31-32; Mak 10.11-12*

<sup>14</sup> Farisi (Köna keugö kapankölköl) yenön monengö nahöm gwötpuk ahöm enjii malgerangöra Jisösnöñ keu pakpak mi jiyöhi, mi möta je misiba ilit wangiget.

<sup>15</sup> Ilit wangigetka kewö jii mötket, “Farisi enjön mönö ambazip jenine solanñi tandök kondel engibingö könöpuk ahakzemö, Anutunöñ uruñinañgö könañi möt kutum teköza. Ambazip jenine yuai kungöra mötketka öngöñgöñi akzawi, mi Anutunöñ ehi imbilonjonambuk ahakza.

<sup>16</sup> \* “Bemtohonö könañi mi Mosesgörej Köna keunöñ aka kezapqetok ambazip yengö Buzup Kimbiñine ohogetka oyoñda mala koringa Jonöñ asuhuba ölni aukne indelök. Nalö miangörejök könahiba keu mi jim sehiba Anutugö bemtohone angotmegöra ambazip uruñini kuñgumakzin. Ambazip körekñan mönö jaram tiba kapan köla bemtohon miangö uruñe angotpingö ahakze.

<sup>17</sup> \* Suep gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökni ayapköma. Mewö.

<sup>18</sup> \* “Azi kunñan anömni mosöta ambi kun memawi, yanön mönö qesabulum akña. Azi kunñan ambi apñan mosöröhi, mi memawanön mönö mewöyök qesabulum akña.” Mewö.

### *Azi pomni aka Lazarus*

<sup>19</sup> “Azi pomni kun malök. Yanön opo maluku gugakgugak pisikni aködamunñambuk löngöta mala nalö dop nene söngaip aka siyonşayonni qahö malök.

<sup>20</sup> Mewö malökmö, yanö miri nanñi kösutne azi wanapni kun qetni Lazarus ahöba malök. Uzi nömböñnöñ sileni dop köla tarök.

<sup>21</sup> Wösöñi aliga gwarönöñ ahöba azi pomñangö tebolnöhök nene irip boromni eri mia nemangö mörök. Möta ahöiga kiam yenön kanğota uzi nömböñi bözöba malget.

<sup>22</sup> “Mewö mala wanapni yanön kömuyök. Kömui Suep garata yenön wangita öngöba Abrahamgö qöhöröne alget tarök. Azi pomni yanön mewöñanök kömuiga löm kölget.



<sup>23</sup> Löm kölgetka kömupkö senjom mire geiga jem sölöngöi sihimbölö ketanji möta ui öngöiga Lazarus Abrahamgö qöhöröñe köröwen endu tari etkehök.

<sup>24</sup> Etkeka silata qeta jiyök, 'O iwini Abraham, mönö wösögi möt niñgiman. Ni könöp bölamnöñ nohoi kiangöreñ wahöjalin öngöngöñi möta kinjal. Miangöra mönö Lazarus melainöñ anda kesöt suñan onöñ kusahöla kaba nesilamne mirii amörima.'

<sup>25</sup> "Mewö jiyökmö, Abrahamnöñ melenök, 'Nahöni, mönö ki mötmörinöñ anök. Göñön gölmenöñ malmal sösöngainambuk lök malnöñ teköyökmö, Lazarusnöñ gölmenöñ malmalni qemjem-mamjen aka malök. Mewö malökmö, nalö kewöñe urukölalep ak wañgiinga tatzapmö, göñön sihimbölö möta wahöjalin qakñe kinjan.

<sup>26</sup> Mewö maljin aiga toroqeba kewö jizal: Anutunöñ nini aka inini sutnine mendenja jabö al köhöii ahöza. Miangöra tosatñan jabö qösököba neñgöreñök engöreñ kañgotpingö mötpeak, mi mönö osime. Mewöyök likep endu maljei, enñön mewöyök neñgöreñ yuhu kañgotpingö qaköme.'

<sup>27</sup> Mewö jiiga kewö jiyök, 'Iwini, mewö aiga kewö ulet gihizal: Göñön mönö Lazarus melainöñga iwinanöñ mire anma.

<sup>28</sup> Miri miangöreñ darumunurupni 5 maljei, yeñön mewöñanök senjom miri kiangöreñ eta sihimbölö ketanji mötpepuk. Miangöra mönö jinöñga anda kezapqetok keu jii mötme.'

<sup>29</sup> "Mewö ulerökmö, Abrahamnöñ jiyök, 'Qahö! Mosesgö Köna keu aka kezapqetok ambazip yeñgöreñ Buzup Kimbi mi yeñgö buñaya ahöza. Keu mia mönö kezap ala mötme!'

<sup>30</sup> Mewö jiiga kewö jiyök, 'O iwi Abraham, mewö qahöpmö, kömukömuñi neñgöreñök kunñan yeñgöreñ anbakawak, mewö mönö uruñini melenbeak.'

<sup>31</sup> Jiiga Abrahamnöñ kewö jii mörök, 'Yeñön Moses aka kezapqetok ambazip yeñgö keugöra kezap qahö alje ewö, mewöñanök kömukömuñi neñgöreñök kunñan wahöta keu jibawak, yeñön mönö töndup Anutu qahö möt narim wañgibeak.' " Mewö.

## 17

*Singisöndökö kölgörom mönö qetal engime.*

*Mat 18.6-7, 21-22; Mak 9.42*

<sup>1</sup> Jisösnöñ gwarekurupni keu kewö jii mötket, "Bölöñangö supatitikan mönö awamñanök asuhumakza. Kunöñ supatitik angön kölmangö osimakzapmö, kun danñön tosatni kölgörom ak engiiga singisöndök akñei, yangöra mönö wölkiköba 'Yei!' jizal. Sihimbölö öngöngöñan mönö yangö qakñe öngöma.

<sup>2</sup> Yeñön ambazip moröñi yeñgöreñök kun kölgörom ak wañgiiga singisöndök akñawi, azi mianñön mönö lömböt öngöngöñi miwikñaima. Anutunöñ lömböt miangö likepñi denöwö wañgiiga dopñe akawak? Kemuñ jamönñin jölñe jöhöba köwet röndumnöñ gilget mulungöi gebawak, mianñön mönö awamñi ahum wañgii tandök akawak.

<sup>3</sup> \*"Miangöra mönö nannini galömñini mem anguba malme. Alagi kunñan singisöndök akzawi, i mönö jim mindin ak wañgiman. Jim mindin ak wañginöñga möt bölim anguba wösöñi mötma ewö, gi mönö singisöndökñi mosöt wañgiman.

<sup>4</sup> Wehön kungö uruñe singisöndök 7 ak bölim gihiba indimñi 7 göhöreñ lilingöba kewö jima, 'Alani, ni singisöndök akzalañgöra möt bölim anguzal.' Mewö jima ewö, gi mönö singisöndökñi mosöt wañgiman." Mewö.

*Mötnaripkö ölni mi kukösumñambuk.*

*Mat 17.20; 21.21; Mak 11.23*

<sup>5</sup> Aposol yeñön Kembugöra jiget, "Mötnaripnini mönö toroqeba mem köhöiman."

<sup>6</sup> Mewö jigetka Kembunöñ melenök, "Mötnaripñinangö ölni mi neñon kötnangö dop ahöbawak ewö, enñön ölop nömozup ip\* kiangöra kewö jim kutubeak, 'Gi mönö jöla

\* **17:3:** Mat 18.15    \* **17:6:** Jisösnöñ mulberi ip kun kondelök. Ip mi nömozup ewöya, kötni köuruk (köwörörök) kötni ewö neneña.

jalögabuk wahöta luhuba köwetnöh geba nangi kömöta kinman.' Mewö jiba möt narigetka ip mianjön mönö keunji tem kölma." Mewö.

### *Welenqege ölopñi mi denöwö?*

<sup>7</sup> "Engörejök kungö nup azinöh bulmakau memba nupnöh anda kinöh öröi gölme mesinma me lama galömñina malma. Mala mire kangori mianjörej tojan kewö jii mötma me qahöpto, 'Gi mönö mire kota tata nenegi neman.'

<sup>8</sup> Mewö qahö! Yanön mönö kewö jima: 'Gi mönö o ariba möhamgöm anjuba sunjemgö nenenamni ohoba ala ninjinöh nemam. Mianjö andöñe nangi nenenamgi ohom neman.'

<sup>9</sup> Mewö jim kutum wanjiiga nup aziñan jiyöhangö dop nupñi mem teköi dop köliga galömñan mianjöra möpöseim wanjima me qahö? Qahö!

<sup>10</sup> Engö könanini mi mewöñanök ahöza. Galömñinan yuai pakpak jim kutum enjiyöhi, inini mi ak teköba mianjörej kewö jime, 'Nini nup ambazip töhöna maljin. Galömñinan yuaigöra jiyöhi, mönö miyök memba kazinanjöra möpömöpösei jarubingö osizin.'" Mewö.

### *Jisösnöh azi 10 silenji mem solaniyök.*

<sup>11</sup> Jisösnöh Jerusalem sitinöh anmamgöra Galili aka Samaria prowins yahöt mietkö sutñire köna ahöyöhi, mianjörej anök.

<sup>12</sup> Könanöh anda miri kunöh anjoriga azi 10 silenji uzikukunambuk yeñon miwikñaiba eka tikep endu kinget.

<sup>13</sup> Kinda köhöikñanök qeta jiget, "Ketanamnini Jisös, mönö neñgöra ak kömum gihima!"

<sup>14</sup> \*Qeta jigetka enjeka kewö jii mötket, "Inini mönö jike nup galöm yeñgörej anda silenji kondel enjime." Mewö jiiga tem köla könanöh angetka silenjinan mianjörej solaniba ölöwahök.

<sup>15</sup> Ölöwahökmö, 10 yeñgörejök kunñan silenji solanii eka lilingöba kaba Anutu köhöikñanök qeta möpöseiyök.

<sup>16</sup> Möpöseiba Jisösgö könañe geba sipköba simin köla 'Saiwap!' jiyök. Azi mi Samaria azia. Juda yeñon Samaria prowinsgö ambazip yeñgöra mötketka eretñi ahakzapma.

<sup>17</sup> Saiwap! Jiiga Jisösnöh melenja jiyök, "Mi ölop akzanmö, azi pakpak 10 enjö silenjinan lök solanim teköyök me? Azi 9 mienñon mönö denike malje?"

<sup>18</sup> Kian azi göñon nangik lilingöba kaba Anutu möpöseizanmö, azi 9 yeñon mönö anda nönöñgan akze."

<sup>19</sup> Mewö jiba kewö jii mörök, "Mötnaripkan mönö mem ölöwak gihiza. Mianjöra ölop wahöta anman." Mewö.

### *Anutugö bemtohoñi mi denöwö asuhuma?*

#### *Mat 24.23-28, 37-41*

<sup>20</sup> Farisi (Köna keugö kapankölköl) yeñon Jisös kewö qesim wanjiba jiget, "Anutugö bemtohoñi mi mönö wanat nalönöh asuhuma?" Jiget möta melenja kewö jiyök, "Anutugö bemtohoñan mönö jeninan ekinangö dop qahö asuhuma."

<sup>21</sup> Mötket! Anutugö bemtohoñi mi sutñine uruñine asuhuba ahöza. Mianjöra mi kianjörej me enduyanjörej ahözawi, mewö jibingö osimakzin."

<sup>22</sup> Jisösnöh gwarekurupñi kewö jii mötket, "Könañep nalö kun kam kunjumawi, mianjörej Suet gölmegö azi ölnangö nup meme wehöññi miengörejök kun ekingö ak enjimamö, mi kunbuk ekingö osime."

<sup>23</sup> Nalö mianjörej kewö jiget mötme, 'Mötket! Amötqege Tojan mönö endu malja. Mötket! Mönö ki asuza.' Mewö mewö jigetka i ekingöra mianjörej ösumok kude luluhuba anme.

\* 17:14: Lew 14.1-32

<sup>24</sup> Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akña: Mi suep likepneyök zilañ biliksik ala asariba likepne dop köla anjawi, yañön mönö miangö dop asuhuma.

<sup>25</sup> Könañgep mewö asuhumapmö, mutuk ambazip nalö kewöñe gölmenöñ maljei, yeñön azi mi yaköriba andö qem wañgigetka sihimbölö ketañi mötma.

<sup>26</sup> \*<sup>26</sup>“Mönöwök Noagö nalöñe ambazipnöñ malmalñini qemasolokep qakñe mala ayuhugeri, miangö dop mönö Suep gölmegö azi ölnan kunbuk kamawañgö nalöñe mewöyök asuhuma.

<sup>27</sup> \*<sup>27</sup>“Noagö nalöñe nene lömbuanñ ala o köhöikñi nempa ambi kenam bohonñangö alget anda kaiga añgömeget. Ahakmeme mewö aka memba qemasolokep malgetka Noanöñ wañge uruñe öñgöyöhi, silim miangöreñ teköyök. Teköiga o göulu ketañan kaba ambazip jinonñi qahö löm köñ enñii o nemulahöba kömuget.

<sup>28</sup> \*<sup>28</sup>“Lotkö nalöñe mewöyök qemasolokep malgetka mewöñanök asuhuyök. Ambazipnöñ nene lömbuanñ ala o jawat nempa nup köñ kömöta jike miriñini memba qeköm nemi ala yuai bohonñi memegöra algetka yuai tosatñi bohonñi memba malget.

<sup>29</sup> Mewö aka memba malgetmö, Lotnöñ Sodom miri mosöta aniga wehön miangöreñök köñöp aka köñ sömsöm köñöpñambuk mi mönö kie ewö suepnöhök eta ambazip jinonñi qahö enñgohoi kömuget.

<sup>30</sup> Könañgep Suep gölmegö azi ölnan kunbuk asuhumawi, nalö miangöreñ ambazipnöñ mewöñanök qemasolokep aka mala ayuhume.

<sup>31</sup> “Silim miangöreñ sombemnöñ malmawañön mönö inap yuaiñi memamgöra miri uruñe kude öñgöma me nupnöñ anda malmawañön mönö mewöñanök miriñe kude liliñgöba kama.

<sup>32</sup> Lot anömñan melenña andöñe uba kömumba köñ ahöhi, mönö mi mötmörime.

<sup>33</sup> \*<sup>33</sup>“Kunñan malmalñi siyoñsayonñi qahö nanñangöra añgön köla nanñi imbi-imbi malmangö mötzawi, yañgö malmalñan mönö sohomapmö, kunñan malmalñi nöñgöra aka köleñniga sohomawi, yañön mönö malmal ölnañgö könañi miwikñaiba oyaenñkoyaenñ malma.

<sup>34</sup> “Nöñön kewö jibi mötket: Sunñgem miangöreñ azi yahöt dumnöñ mohotñe ahöyohotka yetköreñök kun wañgita kun mosötme.

<sup>35</sup> Mewöyök ambi yahöt mi mohotñe tawenñ urasiba (bunahöba) tatmahori, yetköreñök kun wañgita kun mosötme.”

<sup>36</sup> (Azi yahöt nupnöñ malohotka yetköreñök kun wañgita kun mosötme.)

<sup>37</sup> Jisösnöñ mewö jiiga gwarekurupñan melenña jiget, “O Kembu, mi denikeañgöreñ asuhuma?” Mewö jigetka kewö jii mötket, “Sömbup gisakñan kungen göröken ahömawi, manu köraraknöñ mönö miangöreñ öröba tokomakzei, mönö miangö dop asuhuma.” Mewö.

## 18

### *Malönöñ kapañ köla uleriga azi ketañan bauköyök.*

<sup>1</sup> “Inñini mönö nalö dop Anutu köuluköba qemalokolip qahö aka malme.” Jisösnöñ mewö jiba miangö dopkeuñi kewö jii mötket,

<sup>2</sup> “Taon kunöñ keu jimtekötekö azi kun malök. Yañön ambazip yeñgö keugöra gamuñi qahö möta nanñi imbi-imbi mala Anutugö jitiñ onñgitpilenñbuköra keñgötñi qahö mörök.

<sup>3</sup> Taon miangöreñ malö ambi kun malök. Yañön sundan dop keu jimtekötekö azi miangöreñ anda kewö jiba malök, ‘Kunñan nömbuk añgururuk akzawañgöra göñön ölöp bauköm niñgibanak.’

\* 17:26: Jen 6.5-8 \* 17:27: Jen 7.6-24 \* 17:28: Jen 18.20-19.25 \* 17:33: Mat 10.39; 16.25; Mak 8.25; Luk 9.24; Jon 12.25

<sup>4</sup> “Mewö jiiga nalö köröpñi mi möta andö qeba malökmö, könangep uruñan kewö jiyök, ‘Nöñön ambazip yeñgö keugöra gamuni qahö möta nani imbi-imbila mala Anutugö jitiñi ongitpilenbuköra keñgötñi qahö mötzal.

<sup>5</sup> Mewö maljalmö, malö kianñon mönö keu söksök pöndañ jim niñgiba kamakzawangöra ölan nöhöiga ölop bauköm wangibiga keuñi teköma. Qahö bauköm wangibileñak ewö, yañon mönö qösösök kaiga qeriqerini mötpilenbuk.’ ”

<sup>6</sup> Kembunöñ kösohot mi mem teköba jiyök, “Jimtekötekö azi gonjonan keu jiyöhi, mönö miangöra kezap ala könañi mötmöriget.

<sup>7</sup> Anutunöñ ambazip nanñangöra möwölöhöm enñiyöhi, yeñon sungem asak bauköm enñimapköra köulukögetka Anutunöñ mönö yeñgö keuñini kewöta jim teköi ölöwakñe. Bauköm enñimangö jiba tanqan qahö aka nalö qahö könjörari öngöma. Mi qahöpmañöh!

<sup>8</sup> Nöñön kewö jibi mötket: Anutunöñ mönö nalö kude köriiga keuñini kewöta jim teköi ölöwakñe. Wölan bauköm enñimakzappmö, mi töndup Suep gölmegö azi ölnan lilingöba kaba ambazip kewöt enñimawi, nalö miangöreñ mötnarip ölni miwikñaima me qahöpto?” Mewö.

*Farisi aka takis meme yetkö köulukñiri*

<sup>9</sup> Ambazip tosatñan nanñinangö mötket öngöiga solanñi diñdini akzin jiba tosatñi mötketka eretñi ahök. Jisösnöñ i engeka dopkeu kun kewö jii mötket,

<sup>10</sup> “Azi yahötñan jöwöwöl jikenöñ öngöba köuluköyohot. Kunöñ Farisi aka kunñan takis meme azia.

<sup>11</sup> “Farisi (Köna keugö kapañkölköl) yañon kinda nanñök kewö köuluköyök, ‘O Anutu, ambazip tosatñan uruñini gonñiiga kalöpmalöp aka sero yonñorö ahakze, ni yeñgö dop qahö maljal me takis meme endu kinjawi, ni yañgö dop mewöyök qahö maljal. Miangöra saiwap jim gihizal.

<sup>12</sup> Nöñön sonda dop sömañi yahöt nenegö sinji malakzal. Nöñön monen inapni pakpak mendeñda 10:nöhök mohok Anutugö buñaya qemakzal.’

<sup>13</sup> “Mewö köuluköyökmö, takis meme yañon wangömmi kunöñ kinda Suepnöñ eu umangö gamuñi möta böröñan jeñi esuhuba kewö köuluköyök, ‘O Anutu, sinjisöndok azi ni mönö ak kömum niñgiman.’

<sup>14</sup> \*Nöñön kewö jibi mötme: Yañon mönö Anutugö jeñe solaniba miriñe lilingöyökmö, Farisi (Köna keugö kapañkölköl) yañon mewö qahö. Denike yeñon nanñini uruñini memba öngömei, Anutunöñ mönö i körek memba et al enñimappmö, kunñan nanñi uruñi memba etmawi, Anutunöñ mönö i memba öngöba al wangima.” Mewö.

*Jisösnöñ nahönbörat kötuettöm enñiyök.*

*Mat 19.13-15; Mak 10.13-16*

<sup>15</sup> Ambazip tosatñan nahönbörat morömorö mewöyök enñuanñita Jisösnöñ böröñan enñimisirimappköra yañgöreñ kaget. Kagetmö, gwarek yeñon mi eka jim qetal ak enñiget.

<sup>16</sup> Mewö aketmö, Jisösnöñ nahönbörat mi köl öröm enñii kagetka kewö jiyök, “Nahönbörat moröñi mi ölop enñemosötketka nöñgöreñ kame. Anutunöñ ambazip mewö mia bemtohoñi buña qem enñima. Miangöra i kude jöhöm enñime.

<sup>17</sup> Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem anñumawi, yañon mönö miangö uruñe anñotmamgö osima.” Mewö.

*Jisösnöñ azi pomñi kungö qambañ keu jiyök.*

*Mat 19.16-30; Mak 10.17-31*

<sup>18</sup> Galömkölköl azi kunñan Jisösgöreñ kaba kewö qesim wangiyök, “Böhi ölopñi, nöñon mönö denöwö aka malmal köhöikñangö buña qem anñubileñak?”

<sup>19</sup> Qesim wangiiiga kewö jii mörök, “Gi nöñgöra ‘Böhi ölopñi’, mi wuanöñgöra jizan? Anutu mohotñan ölopñi akza. Azi kunñan i ewö ölopñi qahö akza.

\* 18:14: Mat 23.12; Luk 14.11



<sup>20</sup> \*Gi jöjöpañ keu ki möt teközan, ‘Sero yongorö kude akñan, Ambazip kun kude qenöñ kömuma, Yongorö kude meman, Jitnöñ alal keu kude jiman, Iwinamgi mönö göda qem etkimakñan.’”

<sup>21</sup> Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.”

<sup>22</sup> Jii Jisösnöñ möta kewö jii mörök, “Mohot-kungöra kewö osizan. Gi mönö anda sukinapki pakpak söngöröñi memegöra alnöñ moneñ kaiga menđenda ambazip wanapñi ençiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatançöba kaman.”

<sup>23</sup> Mewö jiyökmö, azi mianön kindinçirik malöhançöra aka keu mi möta wösöbirik aka jeñi asöliiga öne mosöta anök.

<sup>24</sup> Wösöbirik ahöhi Jisösnöñ mi eka kewö jiyök, “Yei! Ambazip moneñ inapñinambuk yeñön mönö Anutugö bemtohoñnöñ ançotpingö lömböriba kupuk-kapak akñe.

<sup>25</sup> Mi kewö jim tuarimam: Sömbup ketañi kamel mi kondi kinimçe ölop qahö ançotma. Miançö dop ambazip pomñi yeñön Anutugö bemtohoñ uruñe ançotpingö lömböriba çaköme.”

<sup>26</sup> Keu mi jii mötkeri, yeñön kewö jiget, “Oponoñ! Ambazip danön mönö Suepkö buñaya akawak?”

<sup>27</sup> Mewö jigetka kewö melençök, “Ambazipnöñ mi esapköba osiba çakömakzemö, Anutunöñ mönö yuai pakpak ölop ahakza. Yanön yuai kun aka memamçö qahö osiba çakömakza.”

### *Jisösgö nup memegö töwanji*

<sup>28</sup> Pitönöñ keu mi möta melençda kewö jiyök, “Mötnöñ, neñön mönö miri gölmenini mosöta gi guatançöba kain.”

<sup>29</sup> Mewö jiiga Jisösnöñ kewö jii mötket, “Nöñön keu ölni kun kewö jibi mötme: Kunñan Anutugö bemtohoñançöra aka yuai kun mosöröhi, - mi miri gölmenji, anöm-moröñi, darumunñi me iwinamñi - mi ençömosöriga

<sup>30</sup> Anutunöñ mönö salupñe toroçeba onçita likepñi melenç wançiiga mi gölmegö malmalnöñ mema aka malmal könançepñe malmal köhöikñi teteköñi qahö buña qem ançuma.”

### *Jisösnöñ kömumamçö keunji jiiga karöbut ahök.*

*Mat 20.17-19; Mak 10.32-34*

<sup>31</sup> Jisösnöñ gwarekurupñi 12 mi öröm ençii kagetka kewö jiyök, “Mötket, nini Jerusalem öngöbin. Kezapçetok ambazipnöñ Suep gölmegö azi ölnançöra keu pakpak ohogeri, mi mönö ölnambuk ak teköma.

<sup>32</sup> Kunöñ i mamalolo mem wançiiga kian gawman yeñgö böröñine gema. Yeñön jijiwilit aka mepaiköba keu töhöreñ jim wançiba söutkölap qeme.

<sup>33</sup> Söutkölap qeba ihilek wahnambuknöñ tauköm wançiba qeget kömuma. Kömumba wehön karöbut aiga kömupnöhök wöhötma.”

<sup>34</sup> Mewö jiyökmö, gwarek yeñön keu mi qahöpmahöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

### *Jisösnöñ jegömöl azi kun mem ölöwahök.*

*Mat 20.29-34; Mak 10.46-52*

<sup>35</sup> Jisösnöñ anda Jeriko mire dopdowiiga jegömöl azi kunñan nene moneñ wançimegöra uleta köna jitñe tarök.

<sup>36</sup> Tariga ambazip kambu könanöñ onçita ançetka kourukñini möta “Wanat yuai asuhuza?” jiba qesim ençiyök.

\* 18:20: Eks 20.12-16; Dut 5.16-20

<sup>37</sup> Qesim enjiiga kewö jiget, “Jisös, Nazaret azinöy mönö könanöy kaba goŋgitmamgö akza.”

<sup>38</sup> Jigetka kewö qerök, “Jisös, Deiwidkö gwölönarökñi! Gi mönö ak-kömum niŋgiman!”

<sup>39</sup> Mewö qeriga ambazip mutuk angeri, yeñön bök tatmapköra qetal waŋgigetmö, yañön kapaŋ köla qet gigilahöyök, “Deiwidkö gwölönarökñi! Gi mönö ak-kömum niŋgiman!”

<sup>40</sup> Qet gigilahöiga Jisösnöy dörök ala kewö jim kutuyök, “I mönö böröŋe memba nöŋgöreŋ kame.” Jiiga memba dowe kaŋgotketka kewö qesim waŋgiyök,

<sup>41</sup> “Alani! Gi mönö wani yuai ak gihimamgöra mötzan?” Qesim waŋgiiga jiyök, “Kembu! Ni jeni kunbuk umamgöra mötza!”

<sup>42</sup> Jiiga Jisösnöy kewö jii mörök, “Mönö jegi unöy. Mötnariŋkan mönö mem ölöwak gihiza.”

<sup>43</sup> Mewö jiiga miangöreŋök jeŋi tohoiga törörök uba Anutu möpöseiba Jisös wuatangöba andöŋe anök. Ambazip pakpak yeñön yuai mi eka Anutu möpöseiget. Mewö.

## 19

### *Zakiusnöy uruŋi melenök.*

<sup>1</sup> Jisösnöy Jeriko taonöy kaŋgota kutuba anmamgö ahök.

<sup>2</sup> Miangöreŋ azi kun qetŋi Zakius malök. Yañön azi pomŋi aka takis meme yeŋgö jitŋememenina malök.

<sup>3</sup> Yañön Jisösgö kaisoŋgolomŋi ekŋamgö ak waŋgiyökmö, azi töröptökŋangöra ambazip kambu sutŋine kinda kökörüba osiyök.

<sup>4</sup> “Jisösnöy ki kaba neŋgoŋgitma,” jiget möta ekŋamgöra ösumök anda ambazip engoŋgita sikamore ip\* qakŋe öŋgöba tarök.

<sup>5</sup> Tari Jisösnöy miangöreŋ aŋgota jeŋan ui öŋgöi eka yaŋgöra kewö jiyök, “Zakius, gi mönö ösumök etnöy. Ni merak göhö mire kabi mohotŋe tatpit.”

<sup>6</sup> Mewö jiiga ösumök eta söŋgaiba köl öröm waŋgiiga miriŋe anohot.

<sup>7</sup> Anohotka ambazip körekŋan mi eka irikuruk aka kewö jiget, “Mönö wuanöŋgöra siŋgisöndok azi mewöŋangö mire öŋgöba tatza?”

<sup>8</sup> Mewö jigetmö, Zakiusnöy ambazip sutŋine aukŋe wahöta kinda Kembugöra kewö jiyök, “Kembu mötnöy, nöŋön ainemalukuni bibiŋe mendeŋda likepŋi ambazip wanapŋi yeŋgöra enŋimam aka denike yeŋgöreŋ öroyuai kun dop oŋgita tilipqilip aka waŋgiral, mi mönö ambemŋi 4:gö dop toroqeba melenöda enŋimam.”

<sup>9</sup> Mewö jiiga Jisösnöy yaŋgö könaŋangöra kewö jiyök, “Anutunöy merak miri kiangö toŋi amöt qem waŋgi letotza. Yañön mewöyök Abrahamgö gwölönarökurupŋi yeŋgö sutŋine malja.

<sup>10</sup> \*Suep gölmegö azi ölnan mönö ambazip sohogeri, mi jaruba amöt qem enŋimamgöra aka erök.” Mewö.

### *Moneŋ esu 10 mendeŋda enŋiyök, miangö dopkeu.*

#### *Mat 25.14-30*

<sup>11</sup> \*Jisösnöy kaba Jerusalem siti dopdowiba keuŋi jii ambazip mi mötkeri, yeñön kewö mötmöriget, “Anutugö bemtohoŋangö ölnan zilaŋ asuhuma.” Mewö mötmörigerangöra Jisösnöy dopkeu kun kewö jiyök,

<sup>12</sup> “Azi qetbuŋaŋambuk kunŋan kewö jiyök, ‘Ni mirini mosöta kantri kunöy köröwen anbiga miangöreŋ ni kiŋ kembu kuŋgum niŋgigetka mala liliŋgöba kamam.’

<sup>13</sup> Mewö gölme köröwen anmamgö jiba nup aziurupŋi 10 enŋoholi kagetka moneŋ esu 10 mendeŋda enŋiba kewö jiyök, ‘Nöŋön anda mala biaŋ liliŋgöba kamam. Enöŋ nalö sutŋe kiangöreŋ moneŋ kianöŋ kölköl-örörö nup memba mem sehime.’

\* 19:4: Sikamore mi köwu ewöya, kötŋi neneŋa. \* 19:10: Mat 18.11 \* 19:11: Mat 25.14-30

14 Mewö jiba anökmö, könagesöurupnan kazik ak wanğiba kewö jiget, 'Nini azi kianjon nanine azi kembu aka galöm köl nenğimapkö töközin.' Mewö jiba welen azi tosatni melaim engiget andöñe anda buzup mi jiget mörök.

15 "Mewö mörökmö, töndup kantri anök, miangören yeñon i azi kembu kuñgum wanğigetka nanñi prowinsnöñ kunbuk lilingöba kayök. Kaba nup aziurupñi moneñ esu enğiyöhi, mi jiiga yanğö jeñe kanğotket. Mohot mohot yeñon kölköl-örörö nup memba moneñ mem sehigetka dawik asuhuyöhi, mi kondelget ekñangöra qesim enğiyök.

16 Nup azi mutuknan jeñe kanğota jiyök, 'Kembu, nöñon moneñ esugi mem sehibiga toroqeba kunbuk esu 10 miwikñaijal.'

17 "Mewö jiiga kewö jii mörök, 'Mi ölop. Gi nup meme azi ölopñi. Gi yuai morörökñi memba mi kapankapan aka galöm köla malnöñga sehiyök. Miangöra nöñon taon gölme 10 mindiriba göhö böröge albi yeñgö galömñina malman.'

18 Mewö jiiga nup azi alañan jeñe kanğota kewö jiyök, 'Kembu, nöñon göhö moneñ esugi mem sehibiga toroqeba kunbuk esu 5 miwikñaijal.'

19 Mewö jiiga yanğöra mewöyök kewö jii mörök, 'Mi ölop. Nöñon taon gölme 5 mindiriba göhö böröge albi yeñgö galömñina malman.'

20 "Kunbuk kunñan kanğota jiyök, 'Kembu eknöñ. Göhö moneñ esugi ki. Mi oponöñ esuhuba lolongöbi ahöyök.

21 Göñon azi könöpñambuk akzananğöra aka göhöra keñgötñi möta malal. Gi nangak inap yuai köwenöñ qahö alnöñi, mia töndup memangö mörakzan. Gi nangak nene köñi qahö kömötnöñga asuhuyöhi, miangö ölni mi töndup yandiba memangö mörakzan.'

22 "Mewö jiiga melenđa kewö jim wanğiyök, 'Gi nup azi bölöñi. Nangak keu jizani, nöñon miangö dop kewöt gihiba likepñi melen gihimam. Ni azi könöpñambuk akzal. Nanak yuai köwenöñ qahö ala mi memangö mörakzal. Nanak nene köñi qahö kömöta miangö ölni mi töndup yandiba memangö mörakzal. Mi ölop möta malnöñ.

23 Gi könani mewö mötagun mönö wuanöñgöra moneñ esuni mi benknöñ qahö alnöñga qariyök. Mi kölköl-örörö nupnöñ albanak ewö, miangön mönö sehiiga nöñon kaba suñambuk membilenak.'

24 "Mewö jiba azi kösutñe kingeri, mi kewö jii mötket, 'Inini mönö yanğö böröñeyök moneñ esunñi mi wanğita esu 10 miwikñaiyöhi, i wanğime.'

25 Jii möta kewö jiget, 'Kembu, yanğören moneñ esu 10 mi lök ahöza!'

26 \*Mewö jigetka melenđa jiyök, 'Nöñon kewö jibi mötket: Ambazip yuai ahöm enğizawi, yeñgöra körek mönö mi toroqem enğigetka sehimapmö, kungören yuai kun qahö ahözawi, morörökñi mia mönö mewöyök wanğitketka öne töhön malma.'

27 Mewö jizalmö, kerökurupnan nöñon kiñ kembu aka galöm köl enğimangö tökögeri, i mönö enğuanğita kagetka enğeka jim kutubi enğuetka kömume.' " Mewö.

*Jisösgöra köirañ kölgetka Jerusalem öngöyök.*

*Mat 21.1-11; Mak 11.1-11; Jon 12.12-19*

28 Jisösnöñ keu mi jim teköba mosöta Jerusalem sitinöñ öngömangöra mutuk anök.

29 Anda Betfage aka Betani miri yahöt kösutñire kaba kundunñi qetñi Oil ip kundunñi qerakzei, miangören öngöba gwarekyahötñi yahöt melaim etkiyök. Melaim etkimangö aka

30 kewö jiyök, "Miri wösöñire tatzawi, mönö miangören anmahot. Anda miangören anğota donki moröñi kösönöñ jöhöget kinjawi, mi miwikñaimahot. Donki mi dölökña, azi kunöñ qakñe qahö tatatña. Mi mönö pösata memba ki kamahot.

31 Pösarohotka kunñan 'Mi wanigöra pösatzahot?' jiba qesim etkiiga kewö jimahot, 'Kembuniran miangöra osiza.'

32 Mewö melaim etkiiga anda jiyöhanğö dop miwikñaiyohot.

\* 19:26: Mat 13.12; Mak 4.25; Luk 8.18

<sup>33</sup> Miwikñaiba donki moröni pösatpitkö ahotka tonjan jiget, “Hei! Donki moröni mi wanigöra pösatzahot?”

<sup>34</sup> Jigetka kewö melenohot, “Kembuniran miangöra osiza.”

<sup>35</sup> Mewö jiba memba Jisösgören kaba malukunini qeköba donki qakne tumbula jigetka Jisösnöj öngöba tarök.

<sup>36</sup> Mewö tata aniga ambazip kambu yejön göda qeba opo malukunini qeköba köna namne tumbulget.

<sup>37</sup> Tumbulgetka anda Jerusalem dopdowiba Oil ip kundunangö sörökne geiga gwarek kambu pakpak yejön könahiba söngaiba angöletot pakpak kukösum qakne mei ekeri, miengöra qet ketani qeta Anutu möpöseim wangiba

<sup>38</sup> \*kewö jiba qetket, “Anutu möpöseizin. Kiñ Kembangö qetne kamawi, Anutunöj mönö i kötuetköma. Luaigi aka qetbuñagi möpöseininga Suepnöj euyangören öngöza. Owe owe!”

<sup>39</sup> Mewö qetketka Farisi (Köna keugö kapañkölköl) tosatjan ambazip kambu sutñine kinda kewö jim wangiget, “Böhi, mönö gwarekurupki jim enginöj.”

<sup>40</sup> Mewö jim wangigetka kewö melenök, “Nöjön kewö jibi mötme: Yejön göröj kinbeak ewö, köt yejön mönö silata qetpeak.” Mewö.

### *Jisösnöj Jerusalem sitigöra sahörök.*

<sup>41</sup> Jisösnöj Jerusalem dopdowiba siti mi eka sahörök.

<sup>42</sup> Sahöta kewö jiyök, “Engören luai denöwö ahubawak! Inini miangö könañi wehön kianören möt kutugetka dop kölbawakmö, nalö kewöne mi jeñini qahö tohozawangöra aka tölapne ahöza.

<sup>43</sup> Miangö könañi kewö: Nalö kun kam kuñgumawi, miangören kerök yejön kañgota kiripo köhöikñan siti ki kuñgum liliköba likeplikep eu emu kinda gwan ala kahasililij ak engime.

<sup>44</sup> Anutunöj mesohol köla engoholiga inini nalö bohonñi mi qahö möt kutuba nesampurek aka Anutu andö qeba lañ mala kotzei, miangöra kerök yejön köndenmönden engigetka mirigö köt kun mi köt kungö qakne qahö kinmapmö, siti kianön mönö qeqelanlañ ahöma. Yejön jike mirinini köndennda moröurupñini siti uruñe maljei, mi engum ureime.” Mewö.

### *Jisösnöj jöwöwöl jike jim kömbuhiyök.*

*Mat 21.12-17; Mak 11.15-19; Jon 2.13-22*

<sup>45</sup> Jisösnöj keu mi jim teköba jöwöwöl jikegö tohon uruñe anda inap bohonñi memegöra algeri, mi könahiba közöl engiiga etket.

<sup>46</sup> \*Közöl engiba kewö jii mötket, “Aisaiänöj keu kun kewö ohoi ahöza, ‘Nöngö jikenan mönö köulukö mirinina akña.’ Keu mi ahözapmö, inini mi utekögetka kegwek-kahasililij yengö banjet ewö akza.”

<sup>47</sup> \*Jisösnöj nalö dop jöwöwöl jikenöj öngöba Buña keu kusum engiba malök. Mewö malökmö, jike nup galöm aka Köna keugö böhi yejön tokoba kantri jike kaunsöl yembuk eraum möta kewö jiget, “Mönö denöwö jüinga qegetka kömumbawak?”

<sup>48</sup> Mewö jigetmö, ambazip kambu pakpak mienön yambuk qekötahöba Buñañi kezap ala mötket. Miangöra “Mönö denöwö akinak?” jiba köna kun qahö miwikñaiget. Mewö.

## 20

### *Jitñememe yejön Jisösgö kukösumñangö qesiget.*

*Mat 21.23-27; Mak 11.27-33*

\* 19:38: Sum 118.26 \* 19:46: Ais 56.7; Jer 7.11 \* 19:47: Luk 21.37



<sup>1</sup> Jisösnöñ jöwöwöl jikenöñ öñgöba ambazip kambu kusum engiba Ölöwak Buña jim asarim engiba malök. Nalö kunöñ mewö aiga jike nup galöm aka Köna keugö böhi yeñön kantrigö jitnememe tosatñi yembuk Jisösgö jeñe kañgotket.

<sup>2</sup> Kañgota kewö qesim wañgiget, “Gi kiangöreñ yuai akzani, mi mönö danön jim kutum gihiga ahakzan? Miangö kukösumñi mi danön gihiyök? Mi jinöñga mötpin.”

<sup>3</sup> Qesim wañgigetka kewö melenñ engiyök, “Nöñön mewöyök qesim engibi mi jiget mötmam.

<sup>4</sup> Jonöñ ambazip o-melun mem engiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget?”

<sup>5</sup> Mewö melenñ engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima, ‘Mewö aiga inñi i mönö wuanöñgöra qahö möt narim wañgiget? Mi qahö dop kölja.’

<sup>6</sup> Könagesö pakpak yeñön Jongöra ‘Kezapqetok azia akza,’ jiba mi köhöikñanök möt nariba malje. Miangöra ‘Gölme ambazipnöhök asuhuyök,’ jibin ewö, yeñön mönö irimñini seholiiga kötnöñ neñgume.”

<sup>7</sup> Keu mewö kewöta kewö melenget, “Kukösumñan denikeyök ahuyöhi, nini mi qahö mötzin.”

<sup>8</sup> Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanö kukösumñi danön niñgiyök, mi qahö jibi mötme.” Mewö.

*Wain kösö nup galöm bölöñi, miengö dopkeu*

*Mat 21.33-46; Mak 12.1-12*

<sup>9</sup>\* Jisösnöñ könahiba ambazip dopkeunöñ kewö jii mötket, “Azi kunñan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba öñangö bahöñi nanñini memba bahöñi toñi wañgimegöra böröñine alök. Böröñine ala engömosöta kantri kunöñ anda nalö köröpñi malök.

<sup>10</sup> “Mala mali öñi öliyöhangö nalöñi (yambu 5) töriiga miangöreñ welenqeqeñi kun melaim wañgiiga galöm yeñgöreñ anda wain nup öñangö bahöñi wañgimegöra jiyök. Jiyökmö, nup galöm yeñön i kömbinöñ qeba wuatañgögetka böröñi börak lilingöyök.

<sup>11</sup> Miangö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatañgögetka böröñi börak lilingöyök.

<sup>12</sup> Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

<sup>13</sup> “Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’

<sup>14</sup> Mewö jiba nahöñi melaiiga anökmö, wain nup galöm yeñön i eka sutñine kewö eraum möta jiget, ‘Yañön mönö börösamotñangö toñi akña. Ayop, i mönö qein kömuiga wain kösö nup kianön mönö nanine buñanina akña.’

<sup>15</sup> Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

<sup>16</sup> Yañön mönö nanñak kaba nup galöm mi köndenñ engima aka nup galöm dölökñi miwikñaim engiba wain kösö nupñi yeñgö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!”

<sup>17</sup>\* Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza,

‘Miri meme yeñön köt tandö kun andö qeba öne mosötket taröhi, mianön mönö tandö kömbönañi aiga miwikñaiget.

Mianön tinjiriga mirinöñ mönö gororonöñgöba eta kölma.’ Keu miangö könañi denöwö?

\* 20:9: Ais 5.1 \* 20:17: Sum 118.22

18 Mianğöra kewö jibi: Kunñan tandö bohonñi mianğöreñ tötöngata eta qemawi, mi mönö silenji kutumutumapmö, ain tandö mianjön jöla tala kungö qakñe eta kölmawi, mi mönö körek qözömözözamgöma.”

19 Jisösnöñ mewö jiiga Köna keugö böhi aka jike nup galöm yeñön keu mianğö könani möt asariba kewö jiget, “Dopkeu mi mönö neñğöra jiza.” Mianğöra i nalö mianğöreñök memba jöhöbingö mötketmö, ambazip kambu yeñğöra keñğötñini möta osiget. Mewö.

*Takis alalgö Jisös esapköm wañgiget.*

*Mat 22.15-22; Mak 12.13-17*

20 Juda jitñememe yeñön Jisösgö jegalöm meget. Mewö memba keuñi kun qiwitipköi keugö bötaknöñ öroi gwaröhöm wañgimeğöra aka azi tosatñi melaim eñgiget yañğöreñ kaget. Opotöröp aka premiö yeñğö böröñine al wañgibingö möta Buña keu ölöpnji jiji tandök aka qesiba keuñangö kezap alget.

21 Areñ mewö ala qesiba kewö jiget, “Böhi, nini göhö könagi mötzin. Göñön keu diñdiñi jiba kusum neñgimakzan. Göñön ambazip tosatñi qahö eñgek soriba tosatñi qahö qepureim eñgimakzanmö, dop mohotnöñ kewöt neñgimakzan. Mewö aka Anutugöreñ köna mi keu ölnangö dop kusum neñgimakzan.

22 Mianğöra nini sisa-kiñğöra takis ala mianjön Mosesgö Köna keu siñgibin me qahö?”

23 Mewö jigetmö, Jisösnöñ isimkakalek areñini möt kutuba kewö jii mötket,

24 “Ölöp silwö monen (Kina 5) kun kondel niñgigetka eki. Dagöreñ imut aka qet mi mianğöreñ ohoget ahöza?” “O, mi sisa-kiñğöreñ,” mewö melenđa jiget.

25 Jigetka kewö jii mötket, “Mewö aiga yuai sisa-kiñğö imutñambuk buñani akzawi, mi mönö yañğöra al wañgime. Yuai kun Anutugö buñaya akzawi, mi mönö Anutugö buña qeme.”

26 Jisösnöñ mewö jiyöhañğöra ambazip kambu yeñğö jeñine keugö bötaknöñ al wañgibingö osiba keuñangöra welipköba keu bök kinget. Mewö.

*Kömupnöhök wahötwahötkö Jisös esapköm wañgiget.*

*Mat 22.23-33; Mak 12.18-27*

27 \*Sadyusi böhi pati yeñön “Kömugeri, yeñön kude wahötme,” jiba malget. Yeñğöreñök tosatñan Jisösgö jeñe kañgota kewö qesim wañgiba

28 \*jiget, “Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölöp malöñi memba mala gwölönarök qiwikñaim wañgiiga datñangö qet bisiba malma.’

29 “Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök.

30 Kömuiga munñan malöñi mi meyök.

31 Mianğö andöñe munñi kunñan ambi miyök meyök. Mewöña mewö darumun 7 pakpak yeñön ambi mohok miyök memba gwölönarök qahö mala kömum teköget.

32 Kömugetka tekögetka qöndökñi malöñini mi mewöyök kömuyök.

33 Göñön ‘Kömugeri yeñön guliba wahötme,’ jizänmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhañğöra aka mönö dagö anömña akawak?”

34 Mewö jigetka Jisösnöñ kewö melennök, “Nalö kewöñe gölme kianğöreñ ambazip awanöm aka malahakze.

35 Mi malahakzemö, ambazip uruñini melengetka Anutunöñ eka möri dop köliga kömupnöhök wahöta miri gölme kun euyañğöreñ añgota malmei, yeñön mianğöreñ qahö amime.

<sup>36</sup> “Miangö könani kewö: Mötnarip ambazip guliba kömupnöhök wahötmei, yeñon Anutugö nahönböroraturupni akze. Yeñon Suep garata tandök ewö aka kunbuk qahö kömumemö, teteköni qahö mal öngöme.

<sup>37</sup> \*Mötket! Kömugeri, yeñon guliba wahötmegö keunji mi Mosesnön mewöyök nangöba jiyök. Ip köhösonön könöp bölam ahuba qahö jem kutuyöhi, yeñon mi eka kösohotni ohoi miangören keu kewö ahöza, ‘Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.’

<sup>38</sup> Isik bömön karöbut yeñon Anutubuk mala mal köhöiba öngöme. Körek köhöiba maljei, yeñon mönö malmalni Anutugöra malje. Miangöra Anutunön köhömunji yeñgö Kembunini qahöpmö, malmal köhöikni maljei, mönö yeñgö Kembunina akza.”

<sup>39</sup> Jisösnön mewö melenjiga Köna keugö böhi tosatjan melenjida kewö jiget, “Böhi, mi törörök jizan.”

<sup>40</sup> Mewö jiba keu kun kunbuk qesim wangibingö kölköldömdöm aka mosötket. Mewö.

*Kraist mi kinj Deiwidkö Kembunji aka gwölönarökni.*

*Mat 22.41-46; Mak 12.35-37*

<sup>41</sup> Jisösnön keu kun kewö jii mötket, “Kraistnön Kinj Deiwidkö gwölönarökni akzawi, tosatjan keu mi denöwögöra jimakze?

<sup>42</sup> \*Deiwidnön nanjak keu kewö jiiga Sumbara (Buña lijet, sam) Kimbinön ahöza, ‘Anutunön kinda nöngö Kembuni kewö jii mörök, Göñon mönö kaba nöngö böröni öljne tatnönga

<sup>43</sup> nöñon nalö sutje kerökurupki tim tötala luhut al engiba göhö köna tambö gwaröne al engimam.

Nalö mi kam kunjumawangö dop mönö asakmararanön ki tatman.’

<sup>44</sup> Deiwidnön mewö jiba qetni ‘Nöngö Kembuni’ jiza. ‘Kembuni’ jiba mönö denöwö aka yangö gwölönarökni mohot akawak?” Mewö.

*Urumelenjögö silesile malmalgö galöm meme keu*

*Mat 23.1-36; Mak 12.38-40; Luk 11.43*

<sup>45</sup> Jisösnön gwarekurupni yeñgöra keu kewö jiiga ambazip kambu pakpak mi mötket,

<sup>46</sup> “Köna keugö böhi yeñgöra mönö galömnini memba malme. Yeñon maluku köröpni löngöta anda kaba kondel angubingö mörakze. Maketnön me könanön ambazip engeketa jölönini jimegö mörakze. Mewöyök köuluk mire qaikne eu tatpingö sihimni mörakze aka közölömbuanön dum tatat mutukne jejep tatpingö mörakze.

<sup>47</sup> Yeñon malö yeñgören miri yuai bidanda gagabe köla enguanjirakze aka qetbuñanini asuhumapköra köuluk köröpni köuluköba töptöpni qemakze. Miangöra Anutunön keunji jim teköba likepni öngöñgöni melenjini qakjine öngöma.” Mewö.

## 21

*Ambi malö kunjan naluk kötin ölni alök.*

*Mak 12.41-44*

<sup>1</sup> Jisösnön kinda ui ani ambazip pomni yeñon naluknini mi naluk dundumje alget geyök.

<sup>2</sup> Alget geiga ambi malö wanapni kunjan kaba souje kötni pisikni yahöt ali geyöhi, mi mewöyök ehök.

<sup>3</sup> Mi eka kewö jiyök, “Nöñon keu ölni kun kewö jibi mötket: Malö wanapni kianön naluk aljawi, mi mönö tosatni pakpak engongita alja.

<sup>4</sup> Miangö könani kewö: Körek yeñon monen ketani ahöm engiiga kitipnanöhök aljemö, ambi kianön köruebörue maljawangö dop yuaini pakpak al teköba öne töhön malma.” Mewö.

*Jöwöwöl jikenöŋ könderŋmönderŋ asuhuma.*

*Mat 24.1-2; Mak 13.1-2*

<sup>5</sup>Jerusalem jöwöwöl jike mi köt eksihimŋambuk aka kalemŋi kalemŋi Anutugöra algeri, mianŋön meŋölögetka aködamunŋambuk ahöyök, gwarek tosatŋan mi eka eraum mötketka Jisösnöŋ keu kewö jii mötket,

<sup>6</sup>“Miri ki engekzei, mi mönö könderŋgetka mirigö köt kun mi köt kungö qakŋe qahö ahömapmö, qeqelanŋan aka sahopŋanök ahöma.”

*Kahasililiŋ aka sesewerowero asuhuma.*

*Mat 24.3-14; Mak 13.3-13*

<sup>7</sup>Mewö jiiga möta qesim wanŋiget, “Böhi, keu jizani, mianŋö ölni mönö wanat nalönöŋ asuhum tinŋitma aka asuhumangö akŋawi, mianŋö aiwesökŋan mönö denöwö asuhuma?”

<sup>8</sup>Qesim wanŋigetka kewö jiyök, “Kunŋan isimkakalek aiga janjuŋ anbeŋpuköra mönö galömŋini memba malme. Ambazip gwötpukŋan asuhuba nöŋgö qetne kewö jime, ‘Nöŋön Kraist akzal,’ aka, ‘Nalönöŋ mönö töriza.’ Mewö jimemö, enŋön mönö yeŋgö andöŋine kude anme.

<sup>9</sup>Yarö aka karimŋi karimŋi asuhugetka ötoŋini mötmemö, jönömŋini kude unduma. Yuai mi mutuhök asuhumapkö jijiŋa. Mi asuhumapmö, gölmegö nalönŋan mönö mianŋöreŋök zilaŋ qahö teköma.”

<sup>10</sup>Mewö jiba toroqeba kewö jii mötket, “Kantri kunöŋ kantri kun enŋubingöra wahötme. Ambazip kambu kunöŋ kambu kun yembuk aröŋ anŋubingöra wahötme.

<sup>11</sup>Gölmeŋi gölmeŋi mianŋöreŋ kenöŋ ketani ketani qözöla memba gölme melenŋi gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Kawöl köhöikŋi köhöikŋi mienŋön asuhugetka sesegilgil kömumakŋe. Suepnöŋ aiwesök ketani jemurutŋi murutŋi engekka keŋgöt kotkot akŋe.” Mewö.

*Ölöwak Buŋagöra kerök asuhuma.*

*Mat 24.9-14; Mak 13.9-13*

<sup>12</sup>“Yuai pakpak mi asuhumemö, mutuk qeljiŋe tosatŋan iŋini uruŋini melenŋeranŋöra aka enŋömembra jöhöba sesewerowero ak enŋime. Tosatŋan öröm enŋiba köuluk miriŋine keu nupŋini memba jim tekögetka kösö miriŋi miriŋi mianŋöreŋ al enŋime. Tosatŋan nöŋgö qetnanŋöra aka enŋuanŋitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme.

<sup>13</sup>Mewö kinda nöŋgö könaŋamni nanŋöba jigetka mötme.

<sup>14</sup>\*Keu jakene al enŋigetka kinmei, nalö mianŋöreŋ keu denöwö jibinak, mianŋö waimanŋatŋi qeljiŋe kude mötme. Keu mi mönö urukönömŋine algetka ahöma.

<sup>15</sup>“Mi kewögöra: Nöŋön embuk kinda mötkutukutu enŋiba numbuŋini mem amqemam. Uruawamŋanök malgetka tuarenŋonurupŋini yeŋgöreŋök kunŋan mötkutukutu mi qetala keuŋini qeapköba memba et al enŋibingö osima.

<sup>16</sup>Nanŋini iwinam, darumun, tinitosolom aka alaurupŋini yeŋön mewöyök anŋönan mem enŋigetka enŋöreŋök tosatŋi enŋugetka kömume.

<sup>17</sup>Kantri pakpak yeŋön nöŋgö qetnanŋöra aka kazik ak enŋigetka malme.

<sup>18</sup>“Mewö malmemö, nöŋön köyan köl enŋibi nööröŋinanŋö jupŋi kunŋan qahö sohoma.

<sup>19</sup>Iŋini kapan köla köhöiba böŋ qeba kinda mianŋön mönö luhut ala oyaenŋoyaen malmal buŋa qem anŋume.” Mewö.

*Jerusalem sitigö könderŋmönderŋ uru-önönŋambuk*

*Mat 24.15-21; Mak 13.14-19*

\* 21:14: Luk 12.11-12



20 “Könaŋgep yarö kambu yeŋön kaŋgota Jerusalem siti liliköba gwan almei, iŋini mi eka miangöreŋ kewö mötmörime, ‘Siti bohonŋi köndenŋmöndenŋmegö nalöŋan mönö kam kuŋguza.’

21 Nalö miangöreŋ Judia prowinsnöŋ malmei, eŋön mönö misingöba öröba kundune anme. Sitinöŋ malmei, eŋön mönö siti mosötme. Siti yaigepne mire malmei, eŋön mönö sitinöŋ kude anme.

22 \**“Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö ölnambuk akrja. Keu miangö dop Anutunöŋ nalö miangöreŋ siŋgisöndokninaŋgö likepŋi melenŋa qakŋine ali öŋgöma.*

23 Anutunöŋ Israel könaŋesö siŋgisöndokŋinaŋgöra irimŋi seholiiga kazikŋi kondel eŋgiiga gölmenöŋ kahasililiŋ keta bölökŋi asuhuma. Ambi gölömbuk aka morö juzunöŋ yeŋön mönö nalö miangöreŋ denöwö ösumŋinan anbeak? Miangöra Yei! jizal.

24 “Köndenŋmöndenŋ miangöreŋ ambazip tosatŋi mi bimgö sou ketaŋan eŋgugetka kömume. Tosatŋi kösö gwaröhöm eŋgiba eŋguaŋgiketka kantri pakpak yeŋgö sutŋine aŋgotme. Aŋgotketka kian kantri yeŋön kaŋgota Jerusalem tiamgöba malme. Mewö malgetka Anutunöŋ nalöŋini tohot qei tatzawi, mianöŋ kam kuŋguiga mosötme.” Mewö.

*Suep gölmegö azi ölnan mönö asuhum tiŋgitma.*

*Mat 24.29-31; Mak 13.24-27*

25 \**“Wehön aka köiŋ jeŋire aka senŋelau miangöreŋ aiwesök murutŋi murutŋi asuhume. Köwetnöŋ siri qegetka ötöŋ ketaŋi ahumakzawaŋgöra gölmegö kantri pakpak yeŋön tötbörömŋini kaiga wahöjaliŋ möta malme.*

26 Mewö malgetka suepnöŋ uturuköiga miangö öröyuaiŋi mi tatatŋini mosöta eŋololonŋ aketka sohoma. Miangöra gölmenŋi gölmenŋi miangöreŋ lömböt bölöŋi kötökŋi asuhumapköra mamböt-torok mala keŋgötŋini möta uruŋini duhuiga jegiligil akrje.

27 \**“Nalö miangöreŋ Suep gölmegö azi ölni yaŋön kousu qakŋe kaŋgori ekŋe. Kukösumŋi ketaŋan saköl-diŋdiŋambuk aukŋe asuhuiga asakmararaŋi ekŋe.*

28 Mewö kaŋgotmapmö, yuai mi könaŋiba asuhumei, eŋön mönö nalö miangöreŋ Suepnöŋ öŋgöbingö nalöŋinan törimawaŋgöra nöropŋini uba wahöta uruŋini qezaköba awösamkakak kinme.” Mewö.

*Geröp ipkö dopkeu*

*Mat 24.32-35; Mak 13.28-31*

29 Jisösnöŋ dopkeu kun kewö jii mötket, “Iŋini geröp aka ip tosatŋi mi eka tandökŋini mötme.

30 Ip mi sinŋan yoŋgoigetka mi eka miangö könaŋi nanŋinak möt asariba kewö jimakze, ‘Wehön nalöŋan lök dopdowiza.’

31 Eŋön mewöŋanök keu jizali, miangö ölnan asuhuiga eka möt asariba könaŋi kewö jime, ‘Anutugö bemtohoŋan mönö dopdowiza.’

32 “Nöŋön keu ölni kun kewö jibi mötket: Ambazip merak gölmenöŋ maljei, yeŋön qahö kömugetka yuai pakpak jizali, mi mönö yeŋgö malmal nalöŋine asuhuma.

33 Suep gölmenöŋ göröŋ qemahotmö, nöŋgö Buŋa keunan mönö qahö ayapköma.” Mewö.

*Urugwölö mosöta köhömuŋi malbinbuk.*

*Mat 24.42-44; Mak 13.33-37*

34-35 “Nalö ketaŋi mianöŋ ambazip körek gölmenöŋ maljei, yeŋgö qakŋine mewö asuhuma. Miangöra mianöŋ wölaŋök kaba simba ewö qeraköm eŋgibapuk. Miangöra gölmenöŋ malmalgö waimanŋatŋan qakŋine öŋgöiga közölömbuanŋ ala o köhöikŋi negetka eŋololonŋ aiga uruŋinan lömböribapuköra mönö galömŋini mem aŋguba malme.

\* 21:22: Hos 9.7 \* 21:25: Ais 13.10; Eze 32.7; Joel 2.31; Ind 6.12-13 \* 21:27: Dan 7.13; Ind 1.7

<sup>36</sup> “Miangöra mönö nalö dop urugwölö mala köuluköba malme. Mewö malgetka ösum enjiiga yuai pakpak mi asuhumawi, miangö uruneyök kök ala mönö Suep gölmegö azi ölnangö jemesoholne awösamkakak kinme.” Mewö.

<sup>37</sup> \*Nalö miangören Jisösnöñ wehön dop jöwöwöl jikenöñ kinda Buña kusum enjiiga miri mare aiga mosöta kundunji qetñi Öl ip kundunji qerakzini, miangören öngöba ahömalök.

<sup>38</sup> Mewö maliga ambazip kambu pakpak yeñön wehön dop söñanök jöwöwöl jikenöñ öngöba Buñanji jii mötpingöra yanğören kamalget. Mewö.

## 22

*Jisös qein kömumapkö anğöñan alget.*

*Mat 26.1-5; Mak 14.1-2; Jon 11.45-53*

<sup>1</sup> \*Mewö malgetmö, beret yistñi qahö miangö sösongainji, qetñi kun Pasowa kendon jimakzin, mi töriyök.\*

<sup>2</sup> Töriiga miangören jike nup galöm aka Köna keugö böhi yeñön ambazip kambu yeñgö keñgötñini mötkerangöra aka nanñinök tokoba “Denöwö ahinga qeget kömumbawak,” jiba köna jaruba mötmöriget.

*Judasnöñ Jisös mamalolo mem wanğimangö urumohok ahök.*

*Mat 26.14-16; Mak 14.10-11*

<sup>3</sup> Nalö miangören Satanöñ Judasgö uruñe geyök. Judas mi Jisösgö gwarekurupñi 12 yeñgörenök kun. Kariot mireyök kayöhangöra qetñi kun Iskariot qetket.

<sup>4</sup> Yanñon jike nup galöm aka jikegö kiripo galöm bohonñi yeñgören anda Jisös mamalolo memba böröñine almamgö keunji jiyök.

<sup>5</sup> Yeñön mi möta “Ayop!” jiba uruninan ölöwahiga söngöröñi moneñ wanğibingö keu jöhöget.

<sup>6</sup> Keu jöhögetka Judasnöñ Jisös ölöñ mamalolo memba böröñine almamgö köna möt jaruba köinbingöba malök. Mewö.

*Jisösnöñ gwarek yembuk Pasowa lama neget.*

*Mat 26.17-25; Mak 14.12-21; Jon 13.21-30*

<sup>7</sup> Beret yistñi qahö miangö kendon silim kunöñ Pasowa lama qeba ohozema. Nalö miangön kam kuñguyök.

<sup>8</sup> Jisösnöñ Pitö aka Jon kewö jiba melaim etkiyök, “Inñiri anda Pasowa lama mözözömgöyohotka nembin.”

<sup>9</sup> Mewö jiiga qesim wanğiyohot, “Mi denikeangören anda mözözömgöbit?”

<sup>10</sup> Qesim wanğiyohotka kewö melenñök, “Mörohöt! Inñiri sitinöñ anğorohotka azi kun o kimbut kunduta kaiga miwikñaimahot. Miwikñaiiba i wuatangöba anda mire öngömawi, miangören öngömahot.

<sup>11</sup> Öngöba miri tonji kewö jiyohot mötma, ‘Böhinöñ göhöra jiza: Ala mirigi denike? Neñön ölöp miangö uruñe kaba gwarekurupni yembuk Pasowa lama nembin?’

<sup>12</sup> Mewö jiyohotka möta miri qakñe eu öngöba uruñi ketanji kun kondel etkima. Miangören dum tatat yuai mözözömgöget ahöza. Mi kondel etkiiga miangören lama qeba ohomahot.”

<sup>13</sup> Mewö jii anda Jisösnöñ keu jiyöhi, miangö dop miwikñaiiba kinda lama qeba ohom mözözömgöyohot. Mewö.

*Kembubuk semön qöndökñi neget.*

*Mat 26.26-30; Mak 14.22-26; Jon 13.21-30; 1 Kor 11.23-25*

<sup>14</sup> Nene nalöñan kaiga Jisösnöñ aposolurupñi yembuk nene nemingö eta tatket.

\* **21:37:** Luk 19.47    \* **22:1:** Eks 12.1-27    \* **22:1:** Pasowa mi nanine keunöñ neñgehoriiba neñgonğirök. Eksodus 12.15

15 Tatketka kewö jii mötket, “Nöjön Pasowa lama ki embuk nemingö gwötpuk ak ningiba malök. Nene ki nembagun mönö sihibölö mötmam. Miangö nalöjan töriza.

16 Mi törizawanöra kewö jibi mötket: Nöjön Pasowa lama kiangören kun toroqeba qahö nemam. Könanjep nene semön kiangö ölnan aukne asuhumawi, mi Anutugören bemtohoj uruñe euyangören nemam.”

17 Mewö jiba wain qambi memba kötuatköba kewö jiyök, “Mönö ki memba nanjinak anguba neme.

18 Nöjön kewö jibi mötket: Ni wain kösögö ölni kiangören kunbuk toroqeba qahö nemam. Kunbuk nemami, mi Anutugören bemtohoj asuhum teköiga miangören nemam.”

19 Mewö jiba beret memba kötuatköba mindipköba engiba kewö jiyök, “Ki nani busuni. Ki engöra aka tököm engizal. Nema ni mötmörim ningiba malme.”

20 \*Mi engii negetka mewöjanök wain qambi memba kewö jiyök, “Qambi ki mi jöhöjöhö areñ dölökñi akza. Nöjön amöt qem engimangöra aka sepnü mokoba kömumam. Sep mianön mönö Anutugören jöhöjöhö areñi mem köhöima.

21 \*Mewö akzapmö, mötket, mamalolo mem ningimawanön mönö mohotne ki nene memba tatzit.

22 Ölna, Anutunöñ jim kutuyöhi, Suep gölmegö azi ölnan mönö miangö dop gölme mosöta anma. Anmapmö, mamalolo mem wanjimawi, yanöra mönö wölziköba ‘Yei!’ jizal. Anutunöñ mönö likepñi öngöngöñi melen wanjima.”

23 Mewö jiiga gwarekurupñan könahiba sutñine eraum qesim anguba jiget, “Nengörenök mönö danön mamalolo mem wanjibawak?” Mewö.

*Gwarek yeñön sutñine goranora aket.*

*Mat 20.25-27; Mak 10.42-44*

24 \*Gwarek nengörenök galöm bohonñi mi danön akza?” mewö jigetka miangöra mewöyök sutñine goranora asuhuyök.

25 \*Mi asuhuiga Jisösnöñ kewö jii mötket, “Gölmegö kantriñi kantriñi miengö kiñinan mönö azi kembu tandök aka galöm köl engimakze. Yeñgö pom jembonñinan mönö keu jim kutuba könagesöñini mindingöm engigetka welennini qeba ‘Azi ölöpnü!’ jiba möpösem engimakze.

26 \*Mewö ahakzemö, eñön miangö dop kude akne. Engö sutñine kunñan ketanjamñini akzawanön mönö eretñangö dop aka malma. Galöm bohonñan mönö welenqege ewö aka malma.

27 \*Kunöñ tata nene neiga kunñan nene köl wanjiba anda kamakzawi, yetkörenök öngöngöñi mi danön? Ölna, ‘Tata nene nezawanön mönö öngöngöñi akza.’ Mewö jiget mörakzinmö, nöjön engö sutñine welenqege ewö aka maljal.

28 “Mewö malbi esapköm ningigetka wahöjalñ wahösömbu uruñe angotpiga inini töndup kapan köla nömbuk qekötahöba mala kotze.

29 Iwinan jim kutum ningiiga nöjön yanögö bemtohoñi kukösum qakne galöm kölakzal. Miangöra nöjön toroqeba jim kutum engibiga inini mewöyök kukösum qakne ambazip kiñ ewö galöm köl engimakne.

30 \*Miangöra inini ölop nöngö bemtohoñne angota nene dumni liliköba tata o aka nene memba malme aka azi kembu tatatnöñ tata Israel ambazip kambu 12 yeñgö keuñini kewöta jim teköm engime.” Mewö.

*Pitönöñ Jisös qañ kölmapkö jii mörök.*

*Mat 26.31-35; Mak 14.27-31; Jon 13.36-38*

\* 22:20: Jer 31.31-34 \* 22:21: Sum 41.9 \* 22:24: Mat 18.1; Mak 9.34; Luk 9.46 \* 22:25: Mat 20.25-27; Mak 10.42-44 \* 22:26: Mat 23.11; Mak 9.35 \* 22:27: Jon 13.12-15 \* 22:30: Mat 19.28

<sup>31</sup> Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi denja erakzawi, Satanöñ mönö mianğö dop enñön löwöriba yanğö böröñe gemegöra uturuköba esapesap al engimamğö kapan köla jöjöröza.

<sup>32</sup> Jöjörözapmö, göhö mötnaripkan sörauba pömsöm qebapuköra nöñön göhöra köuluköba malal. Mianğöra nalö kungen urugi melenja nöñğöreñ kamani, mianğöreñ mönö mötnarip alaurupki nanğöba mem köhöim engiman.”

<sup>33</sup> Mewö jiiga Saimonöñ melenñök, “Kembu, nöñön göbuk kösö mire anbitkö aka mohotñe kömumbitkö jöjöröba maljal.”

<sup>34</sup> Mewö jiyökmö, Jisösnöñ jii mörök, “Pitö, nöñön kewö jibi mötnöñ: Kuruknöñ merak qahö qeriga göñön mutuk ni möt niñgimamğö qañ kölnöñga indimñi karöbut akña.

*Gösö aka bimgö sou ketanji miyök memba anme.*

<sup>35</sup> \*Jisösnöñ gwarekurupñi kewö qesim engiyök, “Nöñön inñini mutuk gösö qahö, monen gösö qahö, köna esu qahö mewö melaim engibi angeri, mianğöreñ yuai kungöra osiget me qahö?” Qesim engiiga “Yuai kungöra qahö osiin,” jiget.

<sup>36</sup> Jigetka kewö toroqeba jiyök, “Mutuk mewö aketmö, nalö kewöñe kungöreñ gösö aka monen gösö tunji ahözawi, mi ölop memba tengöba malma. Bimgö sou ketanji mi kungöreñ qahö ahöza, yanñön mönö malukuñi bohonñi memegöra ala monen miwikñaiba sou mi bohonñi mema.

<sup>37</sup> \*Nöñön mianğöra kewö jibi mötket: Anutugö keu nöñğöra jigeri, mi körek pakpak köhöim teköma. Mianğö nalöñan mönö kam kungumamğö akza. Buña keu kun kewö ohoget ahöza, ‘Yanñön bölöñi meme yengö kambuñine ahöma, jiget.’ Mianğöra jizal: Keu mianğö ölni mi nöñğöreñ asuhum teköma.”

<sup>38</sup> Mewö jiiga gwarekurupñan jiget, “Kembu eknöñ, bimgö sou ketanji yahöt ki ahözahot.” Mewö jigetka “Mi dop kölja,” jiba melenj engiyök. Mewö.

*Jisösnöñ Gezemane arönöñ köuluköyök.*

*Mat 26.36-46; Mak 14.32-42*

<sup>39</sup> Jisösnöñ miri mosöta silikñi wuatangöba Oil ip kundunje öngöiga gwarekurupñan andöñe anget.

<sup>40</sup> Öngöba mianğöreñ angota kewö jii mötket, “Esapesapnöñ et engubapuköra mönö köuluk nup meme.”

<sup>41</sup> Mewö jiba engömosöta köt gilin anakzawi, mianğö dop anda simin köla köuluköyök

<sup>42</sup> Köuluköba kewö jiyök, “Iwini, göñön urusihimgi mötzan ewö, sihimbölögö gambiñi kianñön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.”

<sup>43</sup> Mewö köuluköiga garata kunñan Suepnöhök asuhuba mem köhöim wanğiyök.

<sup>44</sup> Mem köhöim wanğiiga köñjilij öngöngöñi möta mönö kapan köla uruñi qezaköba köuluköyök. Köuluköiga nöñğöpñi mi sep jöjöl ewö tinqita gölmenöñ etket.

<sup>45</sup> Köuluköm teköba wahöta gwarekurupñi yengöreñ anök. Anda miwikñaiba engehi wösöbiriknöñ mem et engii söörauba gaun ahöget.

<sup>46</sup> Ahögetka jiyök, “Mönö wuanöngöra gaunök ahöze? Mönö wahöta esapesapnöñ et engubapuköra köuluköget.” Mewö.

*Jisös qeraköba memba jöhöget.*

*Mat 26.47-56; Mak 14.43-50; Jon 18.3-11*

<sup>47</sup> Jisösnöñ mewö jiba kiniga mianğöreñ azi kambu kanğotket. Gwarekurupñi 12 yengöreñök kun qetñi Judas yanñön jitñemem engiba Jisösgöreñ kanğota numbuñi yöhötüm neyök.

\* 22:35: Mat 10.9-10; Mak 6.8-9; Luk 9.3; 10.4      \* 22:37: Ais 53.12



48 Yöhötim neyökmö, Jisösnöñ kewö jii mörök, “Judas, gi numbuni yöhötim namba mewö mianjôn Suep gölmegö azi ölni mamalolo mem wanğizan me?”

49 Mewö aiga tosatñan Jisös liliköm wanğiba kingeri yeñön yuai asuhumangö ahi mi eka jiget, “Kembu, nini bingö sou ketanjan enğuin me?”

50 Mewö jiba yeñgöreñök kunñan jike nup galöm bohonñangö welenqeçeni qeba kezapñi ölni köteköi erök.

51 Erökmö, Jisösnöñ melenđa “Mönö mosötket!” jiba welenqeçegö kezapñi yandiyöhi, mi misiriiga ölöwahök.

52 Ölöwahiga kinda jike nup galömurup, jikegö kiripo galöm bohonñi aka kantrigö jitñememe yeñön Jisös membingö kanğotkeri, mi kewö jii mötket, “Ni kegwek-kahasililin azia qahöpmö, tøndup nöñgöra mewö möta bingö sou ketanji aka lingip memba kanğotze.

53 \*Nöñön wehön dop jöwöwöl jikenöñ embuk malbiga inini böröñini böranda ni qahö nömiçet. Mi qahöpmö, dölni söñaupkö ösumñan luhut ala aukñe asuhuiga enğö nalöñinan kam kuñguza.” Mewö.

*Pitönöñ Jisös qañ köläk.*

*Mat 26.57-58, 69-75; Mak 14.53-54, 66-72; Jon 18.12-18, 25-27*

54 Mewö aiga yarö azi yeñön Jisös memba jöhöba wanğita jike nup galöm bohonñangö mire anget. Angetka Pitönöñ andöñine sikepsikep enğuatangöba anök.

55 Mianğöreñ anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yeñgö sutñine tarök.

56 Tari welenqeçe ambi kunñan Pitönöñ könöp kösutñe tari ehiba kewö jiyök, “Azi kianjôn mönö mewöyök yambuk malök.”

57 Mewö jiyökmö, Pitönöñ qañ kölä kewö jiyök, “Ambi, ni i qahö möt wanğizal.”

58 Mewö jiba tari kude köriiga azi kunñan eka jiyök, “Gi mewöyök yeñgöreñök kun akzan.” Mewö jiyökmö, Pitönöñ melenñök, “Alani, ni qahö.”

59 Aua mohotkö dop teköiga kunñan keu mi kunbuk kapan kölä jiyök, “Azi kianjôn mewöyök ölna yambuk malök. Yanjôn mönö Galili azia akza.”

60 Mewö jiyökmö, Pitönöñ melenñök, “Azi, keu jizani, mi köndatzal.” Mewö jiba kiniga mianğöreñök kuruk qerök.

61 Qeriga Kembunöñ lilingöba Pitö uba ehiga mianğöreñök keuñi kewö jiyöhi, mi mötmöriyök, ‘Gi merak indimñi karöbut qañ kölä niñginöñga kuruknöñ qetma.’

62 Keu mi mötmöriiba wösöñi julmangö aiga yaigep geba sahöt böliyök. Mewö.

*Jisös jim gönahit ak wanğiget.*

*Mat 26.67-68; Mak 14.63-65*

63 Yarö azi Jisös memba jöhögeri, yeñön mepaqepaik ak wanğiba kinda qeapköget.

64 Qeapköba jemesoholñi esuha qesiba jiget, “Gi kezapqetok azia akzanangöra danjôn guhuzawi, mönö yanğö qetñi qetnöñ!”

65 Mewö jiba gwötpuk terenqerenđa ilita jim qetal wanğiget. Mewö.

*Jikegö jitñememe yeñön Jisösgö keu nup meget.*

*Mat 26.59-66; Mak 14.55-64; Jon 18.19-24*

66 Jim qetal wanğiba malgetka miri gianjiiga kantrigö jitñememe aka jike nup galöm aka Köna keugö böhi yeñön tokoba Jisös wanğita Juda yeñgö jike kaunsöl kambu yeñgö jeñine alget.

67 Mianğöreñ algetka jiget, “Göñön Amötqeçe Tonji Kraist akzan ewö, mi mönö aukñe pañ jinöñga mötpin.” Mewö jigetka melenñök, “Mi jibi mötpeaha kun, mi mönö qahö möt narime.

68 Me qesim enğibileñaha kun, mi mönö qahö melenñingime.

\* 22:53: Luk 19.47; 21.37

<sup>69</sup> Mewö mötzalmö, nalö kewöneyök könahiba Suep gölmegö azi ölni yanön mönö Anutu, kukösum Tonangö böröni ölnje tata malma.”

<sup>70</sup> Mewö jiiga miangöreyök körekñanök kewö jiba qesiget, “Ölna, gi Anutugö nahönña akzan me qahö?” Mewö qesigetka kewö melenj engiyök, “Mi akzalanjö keunji mönö nanñinak jize.”

<sup>71</sup> Melenj engiiga jiget, “Nanñak uñemuñem (guñemguñem) keunji mönö nanñi numbuñan jiiga möt teközin. Miangöra tosatñan keunji nanjömegöra mönö wuanöngöra kunbuk qesim engibinak?” Mewö.

## 23

*Jisösnöñ premiö Pailötkö jeñe kinök.*

*Mat 27.1-2, 11-14; Mak 15.1-5; Jon 18.28-38*

<sup>1</sup> Mewö jiiga kambu körek yeñon wahöta Jisös wangita premiö Pailötköreñ anget.

<sup>2</sup> Yanjörey anda könahiba silenje keu ala undenda kewö jiget, “Azi kiangö könani kewö eka mörin: Yanön ambazip kuñgum engiiga enjololon aka karim asuhumakze. Nini Sisa kingö takis kude almegöra soñgo alakza. Nanñangöra ‘Ni Amötqeqe Tonji Kraist aka kin akzal,’ jimakza.”

<sup>3</sup> Mewö jigetka Pailötnöñ kewö qesim wangiyök, “Ölna, gi Juda yeñö kiña akzan me qahö?” Qesim wangiiiga Jisösnöñ melenja jiyök, “Mönö nangak jizani, mewö.”

<sup>4</sup> Pailötnöñ jike nup galöm aka ambazip kambu yeñgöra kewö jii mötket, “Nönön azi kiangö pinjitñi kun qahö miwikñaizal.”

<sup>5</sup> Mewö jii möta kunbuk kapan köla kuñguba jiget, “Yanön mönö ambazip kambu kuñgum engiba Buñani Galili prowinsnöñ könahiba kusum engiba gölme dop köla kaba Judia prowins kiangöreñ mewöyök mi jim sehimakza.”

<sup>6</sup> Mewö jiget möta qesim engiba jiyök, “I Galili azia me akza qahö?”

<sup>7</sup> Mewö jiiga “Mönö mi!” jiget möta Herodnöñ Galili aka prowins tosatñi mindiriba galöm köñ engiba nalö miangöreyök Jerusalem sitinöñ kaba malöhi, miangöra Pailötnöñ Jisös Herodköreñ wangita anget. Mewö.

*Jisösnöñ kin Herodkö jeñe kinök.*

<sup>8</sup> Herodnöñ Jisösgö kösohotñi möta lök nalö köröpñi ekñamgö sihimñi möta malöhangöra i eka uruñan gwötpuk ölöwahök. Jisösnöñ angöletot kun meiga ekñamgö al mamböta malök.

<sup>9</sup> Miangöra qeqesi gwötpuk Jisös qesim wangiyök. Mi qesim wangiyökmö, Jisösnöñ likepñi kun qahö jii mörök.

<sup>10</sup> Jike nup galöm aka Köna keugö böhi yeñon kinda silenöñ alal keu könöpñambuk jim wangiget.

<sup>11</sup> Herodnöñ yarö aziurupñi yembuk Jisös memba et ala jijiwilit aka mepaqepaik mem wangiget. Mewö aka maluku aködamunñambuk kun löngöt wangiget kini melaiiga kunbuk premiö Pailötkö jeñe anök.

<sup>12</sup> Mutuk Pailöt aka Herod yetköñ kerök-kerök ak anguba malohora nalö miangöreñ ala-ala ahot. Mewö.

*Pailötnöñ Jisös kömumapkö jim teköyök.*

*Mat 27.15-26; Mak 15.6-15; Jon 18.39-19.16*

<sup>13</sup> Jisösnöñ kaiga premiö Pailötnöñ jike nup galöm aka galömkölköl aziurupñi aka ambazip kambu öröm engii tokoget.

<sup>14</sup> Tokogetka kewö jii mötket, “Inini azi ki kewö jiba nöngöreñ wangita kaze, ‘Yanön ambazip kambu kuñgum engiiga enjololon ahakze.’ Mötket! Inini keu silenje aljei, nöñon miangö könani engö jeñine kewöta kewö miwikñaizal: Inini azi kiangö silenje keu aljei pakpak, miangön pinjitñi qahö akza.

<sup>15</sup> Herodnön keu mewöñanök jiba melaiiga kunbuk nengören kaza. Mötket, yañön yuai pinjitñambuk kun qahö ahök. Miangöra kömupkö buñaya akñapkö osima.

<sup>16</sup> Miangöra nöñön jibi yarö azi yeñön ihileknöhök qegetka pösatpi etma.”

<sup>17</sup> (Pailötnön yambu (yara) dop Pasowa sösöngai nalöñe kösö mireyök azi mohok pösat engimaljapma.)

<sup>18</sup> Mewö jüiga yeñön körebörek silata qeta jiget, “Ia mönö yapmakek! Barabas mönö pösat nenginöñ.”

<sup>19</sup> Barabas mianön sitinön karim gila malgeri, yeñgö galömñina aka azi kun qei kömuyöhi, miangöra kösö mire alget tarök.

<sup>20</sup> Pailötnön Jisös pösatmamgö möta keu kunbuk jiyök.

<sup>21</sup> Jiyökmö, yeñön qetala örañbörañ misiba qet gigilahöget, “Maripomnön qeget! Maripomnön qeget!”

<sup>22</sup> Qet gigilahögetka yañön keu indimñi karöbut kewö jiyök, “Yañön mönö wani bölöña ahök? Nöñön yañgören pinjit kun kude miwikñabiga kömupkö buñaya akñawañgö dop qahö akza. Mewö aiga nöñön jibi yarö azi yeñön ihileknöhök qegetka pösatpi etma.”

<sup>23</sup> Mewö jiyökmö, yeñön jakbak memba kapan köla toroqeba qet gigilahöba qetket, ‘Jisös maripomnön qeget kömuma.’ Mewö qeta Pailötkören keu mi qeapköget.

<sup>24</sup> Qeapkögetka Pailötnön keuñini bapñe anda keu kapan köla jigeri, miangö öñi ahumapkö jim teköyök.

<sup>25</sup> Jim teköba Barabas etmapkö kapan kölgerañgöra i pösari erök. I karim qeba malgeri, yeñgö galömñina aka azi kun qei kömuyöhi, miangöra kösö mire alget tarök. Mi pösari erökmö, Jisös sihimñinañgö dop jaunğaurañga ak wañgimegöra böröñine alök. Mewö.

*Jisös maripomnön qeget.*

*Mat 27.32-44; Mak 15.21-32; Jon 19.17-27*

<sup>26</sup> Pailötnön Jisös böröñine aliga wañgita köna namñe anda Afrika siti qetñi Sairini miangö azi kun qetñi Saimon miwikñaget. Yañön nupnöhök kañgoriga jim kutum wañgiba Jisösgö maripomñi wañgita yañgö awötñe algetka añguba wuatañgöba anök.

<sup>27</sup> Mewö aniga ambazip kambu ketañi yeñön lulunđa andöñe wuatañgöba anget. Yeñgö sutñine ambi tosatan mewöyök jinğen köla sahöta anget.

<sup>28</sup> Sahöta angetka Jisösnön lilingöba engeka kewö jiyök, “O Jerusalem ambi, inini mönö nöngöra kude sahötket. Nöngöra qahöpmö, nannini aka nahönböraturupñini miengöra mönö sahötme.

<sup>29</sup> Mötket! Könañgep nalö kun kai miangören kewö jime, ‘Ambi köpin mi simbawon. Gölöm qahö ala morö kude megeri, mi simbawon akze. Nahönbörat juzu enğiba qahö dohongögeri, mi simbawon.’

<sup>30</sup> \*Nalö miangören ambazipnön könahiba kundunji Toni yeñgöra kewö uletme, ‘Inini mönö kundunji mi jigetka teköba qaknine öngöme.’ Aka sem siagö Toni mi kewö ulet enğime, ‘Inini mönö bañetñine asamböt nengime.’

<sup>31</sup> “Nöñön Anutugören ip gwölögwölö akzal aka nöngöra töndup kewö ak niñgize. Inini ip köhömunji siñgisöndokñinambuk könöp sihit qeba kinje. Miangöra Anutunön likepñi melen enğiga könöpnön amqeqeñanök enğohotiriiga sihimbölö öngöngöñi mötme.”

<sup>32</sup> Bölöñi meme yahöt mi mewöyök Jisösbuk mohotñe etkubingöra etkuañgita anget.

<sup>33</sup> Anda gölme qetñi Nöröpsihit qetzei, miangören añgota Jisös maripomnön qeget. Qeba bölöñi meme yahöt mi mohotñe kun öñe kun qaniñe likeplikep mewö etkuget.

<sup>34</sup> \*Mewö aketmö, Jisösnön jiyök, “Iwini, yeñön yuai akzei, miangö könañi qahö möt kutuzeañgöra siñgisöndokñini mönö mosöt enğiman.”

Qeget kiniga Jisösgö sile esuñañgöra kiawen megetka qötöñi ahui miangö dop mendenđa meget.

\* 23:30: Hos 10.8; Ind 6.16 \* 23:34: Sum 22.18

<sup>35</sup> \*Mewö aketka ambazip kambu yeñön kinda mi uba eket. Eketmö, Juda jitnememe yeñön mewöyök mepaqepaik mem wangiba kewö jiget, “Anutunöñ möwölöhöm wangii Amötqege Tonji Kraist akza ewö, tosatñi bauköm engiba malohañön mönö nanñi bauköm anguma.”

<sup>36</sup> \*Yarö azi yeñön mewöyök keu gönahit jiba ilita kösutñe anda wain o asölñambuk kusahöla memba öngöba wangiba

<sup>37</sup> kewö jiget, “Gi Juda yeñgöreñ kinj kembuya akzan ewö, mönö ölop nangi bauköm anguman.”

<sup>38</sup> Nöröpñe eu kulem kun kewö ohoget kinök, “Juda yeñgö kinj kembuñina ki.”

<sup>39</sup> Kegwek-kahasililiñ azi yahöt mohotñe möndögetka kingeri, yetköreñök kunñan uruqege keu töhöreñ Jisös jim wangiba kewö jiyök, “Gi Amötqege Tonji Kraist akzan ewö, mönö nangi bauköba niri mewöyök bauköm netkinöñ.”

<sup>40</sup> Mewö jiyökmö, alañan jim wangiba kewö jiyök, “Gi gödaqegegi qahö. Gi Anutugöra mewöyök keñgötki qahö mötzan me? Yeñön jim teköba sihimbölö öröröñ neñgigetka bisizin.

<sup>41</sup> Niri ölña pinjit ahirañgöra likepñi dopñe melenða ak netkigetka sihimbölö mötzit. Mi mötzitmö, azi kianñön bölöñi kun qahö aiga ia töndup ayuhuze.”

<sup>42</sup> Mewö jiba jiyök, “Jisös, gi bemtohoñgahö uruñe angotmani, miangöreñ mönö ni mötmörim niñgiman.”

<sup>43</sup> Jiiga kewö jiyök, “Nöñön keu ölña jibi mötnöñ: Göñön mönö merak nömbuk oy-aenköyaen mire öngöba malman.” Mewö.

*Jisösnöñ kömuyök.*

*Mat 27.45-56; Mak 15.33-41; Jon 19.28-30*

<sup>44</sup> Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök.

<sup>45</sup> \*Nalö miangöreñ jöwöwöl jike uruñe opo kinöhi, mianñön mönö euyök bibiñe jurata eta yahöt ahök.

<sup>46</sup> \*Jisösnöñ nalö miangöreñ köhöikñanök qeta kewö jiyök, “Iwini, nöñön uñani göhö böröge aljal.” Mewö jiba söngörö ösum kondikñi öröba kömuyök.

<sup>47</sup> Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañön mönö ölña azi solañña akza.”

<sup>48</sup> Ambazip kambu pakpak mi ekingö kaba tokogeri, yeñön yuai mi asuhui eka wösöñini juliga nörop gila mohot mohot miriñine anget.

<sup>49</sup> \*Angetmö, ambazip pakpak Jisös möt wangigeri, yeñön sikep kinda i uba eket. Ambi tosatñan Jisös wuatangöba Galiliyök kageri, yeñön mewöyök kinda mi eket. Mewö.

*Jisösgö qamötñi löm kölget.*

*Mat 27.57-61; Mak 15.42-47; Jon 19.38-42*

<sup>50-51</sup> Juda yeñgöreñ taon qetñi Arimatia miangöreñök azi ölopñi qetbuñañambuk qetñi Josef yañön mewöyök kayök. Yañön Anutu bemtohoñangö ölni asuhumapköra mamböta malök. Yañön Juda yeñgö jike kaunsöl kambugö jitnememe mala Jisösgö keu jim jöhöba akeri, miangö urumohok qahö ahök.

<sup>52</sup> Yañön Pailötköreñ anda Jisösgö qamötñi memamgö qesiyök.

<sup>53</sup> Qesiba öngöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök.

<sup>54</sup> Sabat kendon tatatkö yuaiñi mözözömgögeri, miangö wehön jeñi gemamgö ahök.



<sup>55</sup> Gemangö aiga ambi Jisösbuk Galiliyök kageri, yeñön Josefgö könañe qaksirinöñ anda yañön Jisösgö qamötñi memba köt köteñnöñ alöhi, mi eket.

<sup>56</sup> \*Miangöreñök lilingöba mire anda jinin suamburup umköhökambuk aka kelök qösösökambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

## 24

*Jisösnöñ kömupnöñök wahörök.*

*Mat 28.1-10; Mak 16.1-8; Jon 20.1-10*

<sup>1</sup> Sabat kendon tatket teköiga Sonda söñanök miri gianjiiga ambi yeñön wahöta jinin jimoronöñ umköhökambuk mözözömgögeri, mi memba qaksirinöñ anget.

<sup>2</sup> Anda kunñan qaksirigö numbuñe köt ketanji qetali ani eket.

<sup>3</sup> Mi eka köt köteñ uruñe öngögetmö, Kembu Jisösgö qamötñi qahö miwikñaiget.

<sup>4</sup> Miangöra mötkurumkurum möta kingetka azi yahöt malukuñiri tuatñi kölkölbilikbilikñambuk yetköñ wösöñine kinohotka etkeket.

<sup>5</sup> Mi etkeka awöwöliba gölmenöñ geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze?”

<sup>6</sup> \*Yañön ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime:

<sup>7</sup> Yañön kewö jiyök, ‘Kunöñ Suep gölmegö azi ölnji mamalolo mem wanjiiga bölöñi meme yeñgö böröñine geiga maripomnöñ qeget kömumba wehön karöbut aiga guliba wahötma.’”

<sup>8</sup> Mewö jiyohotka keuñi mi mötmötñine angoriga mötmöriget.

<sup>9</sup> Mewö mötmöriba qaksirinöhök lilingöba kaba yuai pakpak asuhuyöhi, miangö buzup keuñi mi gwarek 11 aka tosatñi pakpak yeñgöra jigget mötket.

<sup>10</sup> Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñön mi kaba aposol yeñgöra jigget mötket.

<sup>11</sup> Buzup keu mi jigget mötketmö, keu jigeri, mi keu omanji tandök ahöhi, mewö mötmöriba mi qahö möt nariget.

<sup>12</sup> Qahö möt narigetmö, Pitönöñ wahöta ösumñan qaksirinöñ anda köt köteñ uruñe ui aniga opo esu miyök miangöreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

*Gwarek yahötñan Emeus könanöñ anohot.*

*Mak 16.12-13*

<sup>13</sup> Wehön miangöreñök Jisösgö gwarekurupñi yeñgöreñök yahötñan Jerusalem siti mosöta miri qetñi Emeus sewen mail miangöreñ anbitkö anohot.

<sup>14</sup> Könanöñ anda yuai asuhuyöhi, mi pakpak nanñirök eraum mörohot.

<sup>15</sup> Mi eraum möta könañi jim lömböriba anohotka Jisösnöñ nanñak kösutñire angota mohotñe anget.

<sup>16</sup> Angetmö, jeñiri közamböri i qahö ek kutuyohot.

<sup>17</sup> Qahö ek kutuyohotka kewö jiyök, “Injiri nanñirök wani keuya könanöñ eraum möta kazahot?” Mewö jiiga dörok mitiba wösöbirik jeje uba eka kinohot.

<sup>18</sup> Eka kinda yetköreñök kun qetñi Kliopas yañön kewö qesim wanjiyök, “Pasowa kendonöñ yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

\* 23:56: Eks 20.10; Dut 5.14 \* 24:6: Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

<sup>19</sup> Qesim wanğiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yanjön kezapqetok azia mala Anutu aka ambazip pakpak yengö jenjine ahakmeme kukösumñambuk aka keu köhöikñi jiba malök.

<sup>20</sup> Mewö maliga nengö jike nup galömnini aka galömkölköl aziurupninan i wanğita premiögö böröñe algetka kömumapkö jim teköi maripomnöñ qeget kömuyök.

<sup>21</sup> Yanjön Israel könagesönini kösönöhök pösata sohopnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiga mala koringa merak sömañi karöbut lök akza.

<sup>22</sup> “Mi qahö dop köliga merak nengörenök ambi tosatñan keunöñ kunguba welipköm nengiget maljin. Yenjön söñan amandñe qaksirinöñ anda,

<sup>23</sup> qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetköñ ‘Jisösnöñ guliba malja,’ ” jiyohotka mötzin.

<sup>24</sup> Keu mi möta azi nembuk maljei, yengörenök tosatñan qaksirinöñ anda ambi yenjön keu jizei, miangö dop ahöiga ekze. Löm gwamönñi ekzemö, nanñi qahö ekze.”

<sup>25</sup> Keu mi möta kewö jii mörohot, “Yei! Injini kezapqetok yenjön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize?”

<sup>26</sup> Amötqege Tonji Kraistnöñ sihimbölä mewöñi mötagun nanñi asakmararañ uruñe öngöma. Miangö dop ohoget ahöza me qahö?”

<sup>27</sup> Mewö jii mörohotka Moses aka kezapqetok ambazip pakpak yenjön keu jigeri, miangörenök könahiba nanñangöra keunji pakpak ohoget ahözawi, miangö könañi jim asarim etkiyök.

<sup>28</sup> Jim asarim etkiba anda miri anbitkö jiba anohori, mi dopdowiba miangören toroqeba anmamgö mörök.

<sup>29</sup> Mewö mörökmö, yetköñ kapan köl wanğiba kewö jiyohot, “Miri mare aiga wehön jeñan lök gemamgö akza. Miangöra ölop netpuk tata ahöman.” Mewö jiyohotka yetpuk mire öngöba tatket.

<sup>30</sup> Tata yetpuk nene nemingö aka beret memba kötuetköba mindipköba etkimamgö aiga yuai kewö asuhuyök:

<sup>31</sup> Miangörenök jenjiran tohoiga ek kutuyohotka at atop (jiataton) köliga kunbuk qahö ehot.

<sup>32</sup> Mewö aiga nanñirök kewö eraum mörohot, “Köna namñe Buña Kimbigö keu jiba könañi jim asarim netkizawi, nalö miangörenök mönö urunire köñöp jezawangö dop mötzi.”

<sup>33</sup> Mewö jiba miangörenök wahöta Jerusalem sitinöñ lilingöba angota gwarekurupñi 11 aka alaurup yembuk tokoba tatkeri, mi miwikñaim enğiyohot.

<sup>34</sup> Miwikñaim enğiyohotka kewö jiget mörohot, “Kembunöñ mönö ölna wahöta Saimongören asuhum wanğiza.”

<sup>35</sup> Mewö jigetka nanñirak könanöñ yuai asuhuyök aka beret mindipköyöhi, nalö miangören uruniri tohoiga möt kutuyohot, miangö kösohotñi mem enğiyohot. Mewö.

*Jisösnöñ gwarek kambuñi asuhum enğiyök.*

*Mat 28.16-20; Mak 16.14-18; Jon 20.19-23; Apo 1.6-8*

<sup>36</sup> Gwarekurupñi yenjön keu mi eraum möta tatketka miangörenök Jisösnöñ nanñak sutñine asuha kinda kewö jiyök, “Alaurupni, luainöñ embuk ahömal!”

<sup>37</sup> Mewö jiiga kenğötporiñ aka jönömñini undui “Öme imura ekzin,” mewö mötmöriget.

<sup>38</sup> Mewö mötmörigetmö, kewö jii mötket, “Injini denöwögöra auruba mötmöt mewöñi uruñine ahuza?”

<sup>39</sup> Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekze. Mönö nömisiriba nek kömume.”

<sup>40</sup> Mewö jiba köna böröñi kondel enğiyök.

<sup>41</sup> Kondel engiyökmö, mi sösöngainjanğöra töndup qahö möt nariba welipköba tatketka kewö qesiba jiyök, “Nenenamñini kun ki tatza me qahö?”

<sup>42</sup> Mewö jiiga söra jejeñi miangö kitipñi kun wañgiget.

<sup>43</sup> Wañgigetka memba neiga eket.

<sup>44</sup> Neiga eketka kewö jii mötket, “Ni embuk mala nalö miangören keu jibi mötkeri, miangö ölni nalö kianğören asuhui ekze. Nöñön kewö jiba malal: Nöngö keu mi Mosesgö Köna keu aka kezapqetok azi yeñgö Buzup Kimbi aka Sumbara (Buña liñet) buknön ohoget ahözawi, mi pakpak mönö ölnambuk ak teköma.”

<sup>45</sup> Mewö jii mötketka miangörenök Buña Kimbigö könañi möt kutumegöra uruñini metohoyök.

<sup>46</sup> Metohoba kewö jii mötket, “Keu kewö ohoget ahöza: Kraistnöñ sihimbölö möta kömumba sömañi karöbut aiga kömupnöhök wahötma.

<sup>47</sup> Miangöra enñön mönö Jerusalem sitinöñ könahiba Buña keu nöngö qetne jim asariba kantri pakpak dop köla anda uru kuñgum enjimakñe. Denike yeñön uruñini melenñei, Anutunöñ mönö yeñgö siñgisöndokñini mosöta sañgoñma.

<sup>48</sup> “Keu mi ölnambuk ahök aka akrñawi, iñini mi asuhui eka nañgöba jiba dangunu ewö kinme.

<sup>49</sup> \*Mötket! Iwinan kalem enjimapkö keu jöhöyöhi, nöñön i melaibiga uruñine gema. Euyangörenök kukösum albi qakñine öngöma. Iñini siti kianğören miangöra mamböta tata malme.” Mewö.

*Jisösnöñ Suep mire öngöyök.*

*Mat 16.19-20; Apo 1.9-11*

<sup>50</sup> \*Jisösnöñ keuñi jim teköba gwarekurupñi enguangita anda Betani miri kösutñe angota miangören böröñi mem wahöta kötuetköm engiyök.

<sup>51</sup> Kötuetköm engiiga miangörenök Anutunöñ wañgiriga enğömosöta Suepnöñ öngöyök.

<sup>52</sup> Öngöiga sösöngai ketañi möta sipköba waikñi memba möpöseim wañgiba Jerusalem liliñgöget.

<sup>53</sup> Liliñgöba sundan dop jöwöwöl jikenöñ mala Anutu möpöseim wañgiba malget. Mewö.

## Jon

### Ölöwak Buña Jonöŋ ohoyök.

### Jim-asa-asari

Jonöŋ nanŋi qetŋi Ölöwak Buña kianğoreŋ aukŋe qahö ohoyökmö, nanŋaŋgöra kewö jiza, “Gwarek Jisösnöŋ uruŋan jöpaköm waŋgiyök.” (19.26) Jonöŋ urujöpak urukalemğö keuŋi kapaŋ köla jimakza. Jonöŋ Ölöwak Buña ki mi ambazipnöŋ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönŋi aka Amötqeŋe Toŋi akza. Inini mönö i möt köhöiba mewö mianjön malmal köhöikŋi miwikŋaime.” Jisösnöŋ mutuk Iwigöreŋ mala keu jitŋa malök. (1.1) Mewö mala gölme azia aka ösum-mumuŋi aka mötmötŋi mi aiwesök aŋğöletot memba mianjön kondelök. Mi kondela bemtohoŋgö könaŋi jim asariiga tosatŋan uruŋini melenğetka tosatŋan töndup yaŋgiseŋ aket.

Jisösnöŋ kewö akza, jiyök: Amötqeŋe Toŋi (4.26), malmalgö nene wötŋi (6.35), miri gölme euyaŋgö buŋaya (8.23), bem koŋkoŋ (8.58), gölme pakpakö asakŋi (9.5), naŋgu (10.7), lama galöm ölöŋi (10.11), Anutugö Nahönŋi (10.36), Kembu aka Böhi (13.13), kömupnöhök wahötwahöt Toŋi aka malmal kömbönaŋi Toŋi (11.25), köna, keu ölni aka malmal köhöikŋi (14.6), wain ip ölni (15.1), kulem namŋi mutukŋi aka teteköŋi A aka Z (Ind 1.8), Mutukŋi aka Qöndökŋi (Ind 1.17) aka mewö mewö.

Jisösnöŋ gwarekurupŋi ölna jöpaköm eŋgiba malöhi, goro keu qöndökŋan (Boŋ 13-17) mi törörök kondelja. Keu mi nahömŋambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niŋgizan me qahö? Mewö akzan ewö, mönö alaurupni köyan köl eŋgiman.”

#### **Buk kianğö bahöŋi bohönŋi 6 mi kewö:**

Keu mutukŋi 1.1-18

Jon O-melun azi aka gwarekurup mutukŋi 1.19-51

Jisösnöŋ qenjarök nup meyök 2.1-12.50

Teteköŋe Jerusalem kaba mala kömuyök 13.1-19.42

Guliba wahöta alaurupŋi asuhum eŋgiyök 20.1-31

Galili kaba gwarekurupŋi asuhum eŋgiyök 21.1-25

#### *Anutugö numbu jitŋi malmalŋambuk.*

<sup>1</sup> Könakönahiŋe möpŋaŋgö möpŋeyök keu jit malök. Yaŋjön malmalgö könaŋi naŋgöba jiba kota malök. Keu jit yaŋjön Anutugö qöhöröŋe mala korök aka nanŋak bem Anutuyöhök ahök.

<sup>2</sup> Keu jit yaŋjön könakönahiŋe Anutugö qöhöröŋe malök.

<sup>3</sup> Yaŋgö qöhöröŋe mala bauköm waŋgiiga yuai pakpak ahuyök. Yuai kun qahö bauköm waŋgibawak, mi mönö qahö ahubawak.

<sup>4</sup> Keu jit yaŋjön malmal bömöŋnaŋök ahök. Yaŋgöreŋ malmal köhöikŋi mianjön ambazip mem asarim eŋgiiga eka mala kotket.

<sup>5</sup> Asakŋan panaman uruŋe asarimakzapmö, söŋaupnöŋ malgeri, yeŋjön asakŋaŋgö könaŋi mi qahö möt asariba mala kotket. Mewö.

<sup>6-7</sup> \*Anutunöŋ ambazip körek pakpak asakŋi möt narimegöra möta kolek azi qetŋi Jon melaiiga asuhuyök. Asuhuba kaba asakŋaŋgö könaŋi indela naŋgöba jiba malök.

<sup>8</sup> Jonöŋ nanŋak asakŋi mi qahö aka malökmö, yaŋjön mönö asakŋaŋgö könaŋi mi naŋgöba jiba malök.

---

\* 1:6-7: Mat 3.1; Mak 1.4; Luk 3.1-2



<sup>9</sup> Asak ölbölñi yañön ambazip gölme dop mem asarim neñgimakzawi, yañön gölmenöñ asuhumangö ahök.

<sup>10</sup> Yañön könakönahiñe gölmeñi gölmeñi mianğö öröyuaini pakpak mi nam köl enğiiga ahuget. Ahugetka nanñak sutñine mala korökmö, gölme ambazipnöñ töndup i qahö möt kutum wañgiba tönpin malget.

<sup>11</sup> Mewö tönpin malgetka nanñi miri gölmeñe kaiga könagesöurupñan zikzik tököba nesampurek aka andö qem wañgiget.

<sup>12</sup> Mewö aketmö, denike yeñön köl öröm wañgiba qetbuñani möta möt narigeri, yañön mönö körek yeñğöra köna mesari kewö asuhuyök: Nanñak nam köla kukösum enğiiga ahuahu dölökñi ahuaba Anutugö nahönböraturupñi aket.

<sup>13</sup> Anutugö jitsihitñan mönö nam köl enğiiga asuhuet. Gölme azinöñ jit sihitñi wuatangöba anömñambuk keu jöhöiga gölöm ala morö meiga asuhuzawi, yeñön köna mewö mianñön Anutugö nahönböraturupñi qahö aket. Mewö.

<sup>14</sup> Keu jit yañön azi silebuk aka sutñine anda kaba malök. Mewö maliga aködamunñi uba eka malin. Iwiñan Nahönñi mohok-kungöra aködamunñi pakpak ala aum köl wañgiiga qainñi kun maljawi, yañön mönö mianğö dop kalem möriamñan uruñi kokolak qeiga aködamunñambuk aka nalö dop keu öl töhönñi jiba malök.

<sup>15</sup> Jonöñ azi mianğö könañi nañğöba kewö qeta jiba malök, “Nöñön kungöra keu jiba malali, yañön mönö mia akza. Kewö jiba malal: Nöñğö andöne azi kun kamawi, nöñön qahö asuhubiga yañön mutuk malök. Mianğöra yañğö qetbuñanan mönö ni noñgita öñğöñğöñi akza.” Jon O-melun azinöñ mewö jiba malök.

<sup>16</sup> Kalem möriamñan azi mianğö uruñi kokolak qeiga aködamunñambuk malöhi, yañön mönö mianğö dop kötuetköm neñgiba malök. Kötumötuetñi mi nalöñi nalöñi mokoiga körek neñğö qakñine öñğöi malin.

<sup>17</sup> Mosesnöñ Köna keunini nam köli asuhuyökmö, Jisös Kraistnöñ keu ölni indel teköba Anutugö kalem möriamñi nam köli aukñe asuhuyök.

<sup>18</sup> Gölme azi kunñan Anutu nalö kunöñ qahö ehök. Nahönñi mohok-kunñan Iwigö wösöñe mala kota malöhi, yañön mönö gölmenöñ eta könañi indel neñgii mörin. Mewö.

*Jon O-melun azinöñ nanñi könañi jim asariyök.*

*Mat 3.1-12; Mak 1.1-8; Luk 3.1-18*

<sup>19</sup> Juda jitñememe yeñön jike nup galöm aka jöwöwöl jikegö welenqeçe tosatñi Jerusalem sitinöhök melaim enğigetka Jongören kaget. Kaba qesim wañgiba jiget, “Gi wani azia akzan? Könañamgi denöwö?” Mewö jigetka könañamñi indela jii mötket.

<sup>20</sup> Könañamñi qahö qañ kölökmö, aukñe kewö jim miwikñaiyök, “Nöñön Amötqeçe Tonji Kraist qahö akzal.”

<sup>21</sup> \*Mewö jiiga kapan köla qesim wañgiget, “Gi mönö azi niñia akzan? Gi Elaija (Elia) akzan me qahö?” Qesim wañgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” melenök.

<sup>22</sup> Melenñiga qesiget, “Gi niñia akzan? Melaim neñgigetka kazini, yeñğöra mönö denöwö melenña jiin mötme? Gi nangi könañi denöwö jim asariman?”

<sup>23</sup> \*Qesigetka kewö jii mötket,

“Kezapqetok azi Aisaianöñ keu kun kewö jii ahöza, ‘Ni garata aka gölme qararanğölkölñe mala kewö qerakzal: Kembunöñ kamawo!  
Mianğöra inñi mönö uruñini mindiñğöba könañi mesata möhamğöget.’ Ni mianğö kolek garatañi akzal.”

<sup>24</sup> Azi melaim enğigetka Jongören kageri, mi Farisi (Köna keugö kapanğölköl) azia aket.

\* **1:21:** Dut 18.15, 18; Mal 4.5      \* **1:23:** Ais 40.3

<sup>25</sup> Yenön kunbuk kewö jiba qesim wanğiget, “Gi Amötqeçe Tonji Kraist qahö akzan aka Elaija (Elia) me kezapqetok azi yengörejök kun qahö akzani, miangöra mönö wuanöngöra ambazip o melun mem engimakzan?”

<sup>26</sup> Qesim wanğigetka kewö melenj engiyök, “Nöñön o töhönöñ engömirimakzalmö, azi kun inini qahö möt kutuzei, yanön lök sutñine kinja.

<sup>27</sup> Azi kun nöngö andöne kamapköra jiba malali, yanön mönö mi. Yanön kaiga ketañamni aka malma. Miangöra nöñön yanğö kösutñe anda wayangösöñi tenğöba köna esunanjö kösöñi pösatmangö qötötañgömam.”

<sup>28</sup> Jonöñ Jordan o likepñe miri qetñi Betani miangöreñ mala ambazip o melun mem engiba malök. Yuai mi mönö miangöreñ asuhuyök. Mewö.

*Jonöñ Jisösgöra “Anutugö lama moröñi,” jiyök.*

<sup>29</sup> Mi asuhuiga miri gianjiiga Jonöñ Jisös tikep kaiga eka jiyök, “Eket, azi mi Anutugöreñ lama moröñi. Yanön mönö gölmeñi gölmeñi nengö sinğisöndoknini köl köñjörari solanibin.

<sup>30</sup> Nöñön kungöra keu jiba malali, yanön mönö mia akza. Kewö jiba malal: Nöngö andöne azi kun kamawi, nöñön qahö asuhubiga yanön lök mutuhök malök. Miangöra yanğö qetbuñanjan mönö ni nongita öngöngöñi akza.

<sup>31</sup> Nöñön i mutuk qahö möt kutuyalmö, Anutunöñ könañamñi Israel ambazip nengöra indeli mötpingöra mötza. Mi möta ni melaim niñgiiga kaba o melun mem engimakzal.”

<sup>32</sup> Jonöñ mewö jiba dangunu ewö kinda nanğöba kewö jiyök, “Uña Töröñan mönö Suepnöhök eta kembö nei ewö yanğö nöropñe eta köla tari ehal.

<sup>33</sup> Nöñön i mutuk qahö möt kutuba malalmö, kunöñ ambazip o melun mem engimangöra melaim niñgiyöhi, yanön kewö jii möral, ‘Uña Töröñan kungö nöropñe eta köla tari ekñani, yanön mönö Uña Töröñi ambazip urunñine ala melun mem engima.’

<sup>34</sup> Nöñön mi ehalanjöra aka könañamñi kewö nanğöba jizal, ‘Yanön Anutugö Nahönñi akza.’” Mewö.

*Jisösnöñ gwarekurupñi mutukñi engoholök.*

<sup>35</sup> Mewö jiiga miri gianjiiga Jonöñ kunbuk o jitñe miangöreñök aniga gwarekurupñi yengöreñök yahötñan yambuk mohotñe kinget.

<sup>36</sup> Kingetka Jisösnöñ miangöreñ engongita anöhi, i törörök uba ehiba jiyök, “Azi mi ehot. Yanön mönö Anutugöreñ lama moröñi ewö akza.”

<sup>37</sup> Mewö jiiga gwarek yahöt yetkөн keu mi möta Jisösgö andöñe anohot.

<sup>38</sup> Anohotka Jisösnöñ lilingöba andöñe kayohori, i etkeka kewö qesim etkiyök, “Iniri niñia jaruba kazahot?” Mi möta jiyohot, “Ketañamniri! Gi miri denike ahöba maljan?” (Juda yenön ‘Ketañamnini’ keu mi böhigöra jiget.)

<sup>39</sup> Mewö jiyohotka melenñök, “Mönö kaba ehot!” Mewö melenñiga wehön möñaiiga 4 kilok miangö dop ahök. Wehön möñaiiga miangöreñ mohotñe anda miri denike ahöba malöhi, mi eket. Mi eka miangöreñ yambuk malohotka miri söñaubu sunğem aiga mosöta kayohot.

<sup>40</sup> Jonöñ keu jiiga gwarek yahötñan möta Jisösgö andöñe anohori, yetkörejök kungö qetñi Andru, datñi qetñi Saimon Pitö.

<sup>41</sup> Andru yanön mutuk datñi Saimon miwikñaiba kewö jii mörök, “Niri Amötqeçe Tonji mönö miwikñaizit.” Amötqeçe Tonji mi Grik keunöñ Kraist.

<sup>42</sup> Mewö jiba datñi wanğita Jisösgöreñ anohot. Anohotka Jisösnöñ Saimon törörök uba ehiba jiyök, “Gi Saimon, Jongö nahönñi akzanmö, nöñön qetki Sifas qetpi ahöma.”\* Mewö.

*Jisösnöñ Filip aka Natanael etkoholök.*

\* **1:42:** Sifas mi Grik keunöñ Pitö, nanine keunöñ köt jamönñin.

<sup>43</sup> Miri gianjiiga Jisösnöñ Galili prowinsnöñ anmamgö möta anda könanöñ azi qetñi Filip miwikñaiba kewö jii mörök, “Gi mönö ni nuatanğöba kaman!”

<sup>44</sup> Filipnöñ Andru aka Pitö yetpuk miriñini mohok. Taonñini qetñi Betsaida.

<sup>45</sup> Filipnöñ azi qetñi Natanael miwikñaiba kewö jii mörök, “Mosesnöñ azi kungöra Köna keunöñ ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetñi Jisös, iwiñi qetñi Josef, miriñi qetñi Nazaret.”

<sup>46</sup> Natanaelnöñ mi möta welipköba jiyök, “O Nazaret! Mi miri qandakña. Yuai ölopñi kun mönö mianğöreñök asuhumawanğö dop qahö.” Mewö jiiga Filipnöñ jii mörök, “Mönö kaba nangak ek kutuman!”

<sup>47</sup> Mewö jii möta Jisösgöreñ kaba asuhuiga eka yanğöra keu kewö jiyök, “Eket! Azi kianñön mönö Israel azi ölni akza. Uruñe munen geñmoñi kun qahö.”

<sup>48</sup> Mewö jiiga Natanaelnöñ qesim wanğiba jiyök, “Gi mönö denöwö aka ni möt kutum niñgizan?” Mewö jiiga Jisösnöñ melenđa jiyök, “Gi fig ip† könañe tatnönğa gek kutuyal. Mutuk gek kutubiga Filipnöñ mianğö bapñe geke goholök.”

<sup>49</sup> Mewö jiiga Natanaelnöñ melenđa jii mörök, “O Ketañamni, gi mönö ölna Anutugö Nahönñi akzan. Gi Israel neñgöreñ azi Kembuya maljan!”

<sup>50</sup> Mewö jiiga Jisösnöñ melenđa jiyök, “Ni mutuk kewö jizal, ‘Gi fig könañe tatnönğa gek kutuyal.’ Mewö jim miwikñaizalanğöra ölop möt narim niñgizan. Anutugöreñ kukösum ki eka mötzani, mi mönö yuai kötonđokñi akza. Ölni ketañi mi mönö bian eka möta malman.”

<sup>51</sup> \*Mewö jiba toroqeba jii mörök, “Nöñön keu öl töhönñi kun kewö jibi mötnöñ: Könañgep nöngö gwarekurupni aketka kutum enğuasöriga imut kewö ekñe: Suep nanğunöñ taliga Anutugö garataurupñan asuhuba Suep gölmegö Azi Ölni yambuk nariba yanğöreñ eta öngöba aketka engekñe.” Mewö.

## 2

### *Jisösnöñ o mem letoriga wain ahök.*

<sup>1</sup> Jisösnöñ Filip aka Natanael etkoholiga silimñi karöbut teköi malgetka kunöñ ambi memegö maren lömbuan ali tokoget. Mi Galili prowinsgö miri qetñi Kana mianğöreñ alget. Jisösgö namñan mianğöreñ mohotñe ani malget.

<sup>2</sup> Jisös aka yanğö gwarekurupñi mi mewöyök öröm enğigetka lömbuanöñ mohotñe malget.

<sup>3</sup> Mianğöreñ malgetka wain onöñ qahöwahiga Jisös namñan nahönñanğöra jiyök, “Yeñgöreñ wain o qahöwakza.”

<sup>4</sup> Mewö jiiga kewö jii mörök, “Namni, mi denöwö akñamğöra jizan? Jim kutum niñgizan me? Nöngö anğöletot meme nalönan mönö qahö kam kuñguiga maljal.”

<sup>5</sup> Mewö jii möta welenqeçe yeñğöra kewö jiyök, “Yañön yuai kungöra jim kutum enğimawi, mi iñini ölop akñe.”

<sup>6</sup> Juda yeñön amöt qem anğubingöra Köna keuñini wuatanğöba böröñini sanğonmaljema. Mianğö dop miri mianğöreñ köurañen ketañi 6 tarök. Köurañen mohot mohot mi o gina 8 me 12 mianñön geba kokolak qenahanğö dopñan tatket.

<sup>7</sup> Jisösnöñ mi eka kewö jii mötket, “Iñini mönö o uba kaba mokogetka köurañen ki kokolak qeget.” Mewö jii möta jiyöhanğö dop aket.

<sup>8</sup> Köurañen mi kokolak qegetka kewö jim kutum enğiyök, “Mönö o qakñi tosatñi uba anda lömbuan galöm wanğime.” Jim kutum enğiiga memba anget.

<sup>9</sup> Uba angetmö, galömnöñ o letota wain ahöhi, mi nempa möta denikeyök memba kageri, mi qahö möt asariba auruyök. Auruyökmö, welenqeqenöñ o ugeri, yeñön mi möta jigetka galömnöñ maren toni oholi kayök.

† 1:48: Fig mi sambu ewöya. Mi nupñine kömötkeka kötni nahömñambuk asuhuiga mi nalö gwötputuk nezema. \* 1:51: Jen 28.12

<sup>10</sup> Kaiga kewö jii mörök, “Maren nalöje körek pakpak yejön wain o ölöpnji mi mutuk memba kaba engimakze aka mi nempa enjololej aketkun wain o nahömñi qahö mi könangep engimakze. Göñon wain o ölöpnji mi mutuk angön köla qahö engiba dölki nalö ongita memba kazan. Mi silik murutñi kun akzan.”

<sup>11</sup> Jisösnöñ angöletot mutukñi ki mi Galili prowinsgö miri qetñi Kana miangörej meyök. Mi memba mewö mianön kukösumñi indeliga asuhuyök. Mi asuhuiga gwarekurupñan möt narim wanjiget.

<sup>12</sup> \*Közölömbuanñon malget teköiga Jisös, yangö nam-munñi aka gwarekurupñi yejön mirinje Kaperneam anget. Miangörej anda sömaj tosatñi toroqeba malget. Mewö.

*Jisösnöñ jöwöwöl jike jim kömbuhiyök.*

*Mat 21.12-13; Mak 11.15-17; Luk 19.45-46*

<sup>13</sup> \*Nalö miangörej Juda neñgörej ak-kömukömu kendon nalöñan dopdowiyök. Anutunöñ mönöwök neñgehori ba neñgongiröhi, \* miangöra söngaingö aketka Jisösnöñ mewöyök mirinje mosöta Jerusalem sitinöñ öngöyök.

<sup>14</sup> Sitinöñ öngöba jöwöwöl jikegö tohoñ uruñe anda yuai kewö miwikñaiyök: Ambazip bulmakau aziñi, lama aka kembö nei mi bohonñi memegöra alget aka tosatñan moneñ utekutek albingöra tatkeri, mi engehök.

<sup>15</sup> Mi engeka kösönöñ tapep (mungamunga) mönjöñda mianön engohotiriba enguyök. Enguba ambazip mi körek közöl engiba lama bulmakaunambuk jöwöwöl jikenöhök enkuatangöyök. Utekutek ambazip yeñgö souje kötnini metaliga mokoba eriga tebolñini metali anget.

<sup>16</sup> Kembö bohonñini memegöra algeri, ambazip mi kewö jim engiyök, “Yuai mi mönö memba kesala yaigep anget. Inini nöngö Iwinangö jöwöwöl jikenñi ki mönö wuanöngöra utekögetka kölköl-örörö miri ewö akza?”

<sup>17</sup> \*Mewö jiiga Buña keu kun gwarek yeñgö mötmötñine kangoriga mötmöriget. Keu mi kewö ohoget ahöza, “Nöngö urunan göhörej jike mi kömbukñi ahömapköra kapan kölbiga mianön urune newañ könöp ewö jeiga waimanjat mianön kawöl miwikñaimakzal.”

<sup>18</sup> Mi közöl engiiga Juda jitnememe yejön tembula wahöta Jisösgörej kangota kewö qesim wanjiget, “Gi mönö wani angöletot kun aknöñga kukösumgi ehinga dop köl neñgiigun kimbi mewöñi akanak?”

<sup>19</sup> \*Mewö qesim wanjigetka kewö melen engiyök, “Inini jöwöwöl jike ki köndengetka gölmenöñ eriga nöñon mi wehön karöbutkö uruñe memba wahöta kunjumam.”

<sup>20</sup> Melen engiiga kewö jiget, “Yambu (yara) 46:gö uruñe jöwöwöl jike ki memba mala mem tekögetka asuha kinja aiga göñon mi wehön karöbutkö uruñe mönö denöwö aka memba wahöta kunjubanak?”

<sup>21</sup> Mewö jigetmö, Jisösnöñ jikegö keu mi nanñi silenangö söpsöpña ala jiyök.

<sup>22</sup> Jisösnöñ könangep kömupnöhök wahoriga söpsöp keu jiyöhi, mi nalö miangörej gwarekurupñi yeñgö mötmötñine kangori ölop möt asariget. Mi mötmöriba Jisösnöñ keu jiyöhi, mi aka Buña keu ohogeri, mi pakpak möt nariget. Mewö.

*Jisösnöñ ambazip könañamnini möt teköza.*

<sup>23</sup> Jisösnöñ Jerusalem sitinöñ ak-kömukömu kendongö nalöje mala angöletot kukösumñambuk meyöhi, mi ambazip gwötpukñan eka qetñi möt nariba yangörej lapingöget.

<sup>24</sup> Lapingögetmö, Jisösnöñ ambazip pakpak yeñgö könañamnini möt kutum teköyök. Mewögöra ambazip pakpak qahö möt narim teköm engiba keunjanangö bapñe qahö anda malök.

\* **2:12:** Mat 4.13 \* **2:13:** Eks 12.1-27 \* **2:13:** Anutunöñ Ijpt miangörej Israel ambazip neñgehori ba neñgongirök, miangö sösongainji mi Nei keunöñ Pasowa. Eksodus, Mekömekö 12.15 \* **2:17:** Sum 69.9 \* **2:19:** Mat 26.61; 27.40; Mak 14.58; 15.29



<sup>25</sup> Ambazip uruñine keu yuai ahöyöhi, Jisösnöñ kunñan ambazip uruñinañgö könañi mi indela kondel wañgimawañgö dop qahö ahök. Mönö nanñak mi ölop möt kutum teköyök. Mewö

### 3

*Jisösnöñ Nikodemus urumelenğö könañi kusum wañgiyök.*

<sup>1</sup> Juda könagesögö jike kaunsöl sutñine jitñememe azi kun qetñi Nikodemus malök. Yañön Farisi (Köna keugö kapañkölköl) kambunöñ kinök.

<sup>2</sup> Yañön sunğem kunöñ Jisösgöreñ kañgota kewö jii mörök, “Ketañamni, gi añğöletot memakzani, mi azi kunñan Anutu yambuk qahö kiniga nanñök memağgö osimakza. Mianğöra gi Anutunöñ nam köl gihiiga böhi akzan, mewö mötzin.”

<sup>3</sup> Mewö jiiga kewö jiba melenğ wañgiyök, “Nöñön keu öl töhöññi kun kewö jibi mötnöñ: Kunñan Anutugöreñök ahuahü dölökñi qahö ahuma ewö, yañön mönö Anutugö bemtohoñe añğota ekañğö osima.”

<sup>4</sup> Melenğ wañgiiga kewö jiyök, “Kunñan lök ahuba ambazip namñi aka malagun ahuahü dölökñi mönö denöwö ahubawak? Yañön mönö nam körö uruñe añğori kunbuk gölöm ala memağgö osima.”

<sup>5</sup> Mewö jiiga kewö melenğök, “Nöñön keu öl töhöññi kun kewö jibi mötnöñ: Kunñan o melun mem wañgiğetka Uña Töröñan uruñe geiga mewöñi mianğön ahuahü dölökñe qahö ahüza ewö, mewöñi mianğön mönö Anutugö bemtohoñ uruñe añğotmamağgö osima.

<sup>6</sup> Gölmegö iwinam eñğöreñök morö ahuzawi, mi gölme moröya. Uña Töröñan inahöba nam kölga morö asuhumakzawi, mi mönö Suepkö moröya.

<sup>7</sup> “Mewögöra inñi ahuahü dölökñi Anutugöreñök qahö ahume, mianğön mönö qahö dop kölja. Keu mi jibiga mianğöra mönö kude auruman.

<sup>8</sup> Luhutnöñ nanñi imbi-imbi lañ giliga ötöñi mörakzanmö, mi denikeyök kaba gilakza aka denike gila anakzawi, gi mianğö könañi qahö möt asarizan. Uña Töröñan ambazip nam köl eñgiiga ahuahü dölökñe ahuger, körek yeñğö könañinan mönö luhut mianğö dop akza.”

<sup>9</sup> Mewö melenğniga Nikodemusnöñ köñkuñ aka kewö jiyök, “Mi ahakö dop qahö.”

<sup>10</sup> Mewö jiiga Jisösnöñ jiyök, “Gi Israel könagesö kusum neñğimakzan aka töndup keu mianğö könañi qahö möt asarizan. Mi kude dop kölja.

<sup>11</sup> Nöñön keu öl töhöññi kun kewö jibi mötnöñ: Neñön wania möt kutuzini, mi jiba indelakzin aka wania jeninan eka mötzini, mi nañğöba jimakzin. Mewö ahakzinmö, eñön töndup Buña keunini mi qahö möt añğön kölakze.

<sup>12</sup> “Gölmegö yuainñi jenöñ eheknñi mianğö keunñi jibiga möta qahö möt narim niñgize ewö, nöñön Suepkö yuainñi qahö eheknñi mianğö könañi jibiga mötmei, mi mönö denöwö möt naribeak?”

<sup>13</sup> Gölmegö azi kunñan Suepnöñ qahö öñğöyökmö, Suep gölmegö Azi ölnan Suep mire mala eta asuhuyöhi, yañön mönö liliñğöba Suepnöñ öñğöma.

<sup>14</sup> \* “Anutunöñ Moses gölme qararañkölkölñe jim kutui kopö ainöñ mokolen imutñi memba tohotnöñ kösököi kinöhi, mianğö dop Suep gölmegö Azi Ölni mi kösökögetka öñğöba kinma.

<sup>15</sup> Ambazip i möt narim wañgizei, yeñön körek pakpak malmal köhöikñi miwikñaiba malmegöra aka eu öñğöma.

<sup>16</sup> “Mianğö könañi kewö: Ambazip i möt narim wañgizei, yeñğöreñök kunñan ayuhubapuköra Anutunöñ gölme dop öñöñi qahö jöpaköm neñgiyök. Neñön körek letota malmal köhöikñañğö buñaya akingöra mönö Nahöññi mohotsirik mi neñgiyök.

\* 3:14: Jan 21.9

<sup>17</sup> Ambazip gölme dop mal anjini, Anutunöŋ Nahönŋi neŋgö keunini jim tekömapköra aka qahöpmö, Nahönŋan amöt neŋguiga kantri dop letota oyaenŋkoyaeŋ akingöra aka melaŋiga gölmenöŋ erök.

<sup>18</sup> “Ambazip kunŋan Nahönŋi möt narizawi, Anutunöŋ yaŋgö keuŋi jim teköiga qahö ayuhumapmö, kunŋan Jisös qahö möt narim waŋgizawi, Anutunöŋ yaŋgö keuŋi lök jim teköiga malja. Anutugö Nahönŋi mohotsirikö qetŋi qahö möt narizawaŋgöra aka könöp siagö buŋaya akŋa.

<sup>19</sup> Anutunöŋ gölme ambazip keunini jim tekömazawi, miangö könaŋi kewö: Asakŋan lök gölmenöŋ eta asuhuyökmö, ambazipnöŋ ahakmeme bölöŋi bölöŋi aka memba malget. Mewö mala Anutugö asakŋi tököba uruŋini söŋaupkö ahakmemenöŋ laŋ jöhöba mala kotket.

<sup>20</sup> “Körek pakpak ahakmeme bölöŋi ahakzei, yeŋön Anutugö asakŋi tököba andö qemakze. Anutunöŋ ahakmemeni bölöŋi bölöŋi mi indela jim enŋiiga gamuŋini mötpeuköra keŋgötŋini mörakze. Mi möta asakŋaŋgö uruŋe qahö aŋgorakze.

<sup>21</sup> Qahö aŋgorakzemö, kunŋan kun keu ölni wuatŋgöba maljawi, yaŋön ölop asakŋaŋgö uruŋe kaŋgotma. Anutunöŋ sölölohöm waŋgiiga ahakmemeni aka memba malöhi, miangöra ahakmemeni miangön aukŋe asuhumapköra mötza.” Mewö.

*Jon O-melun azinöŋ Jisösgö könaŋi jim miwikŋaiyök.*

<sup>22</sup> Jisösnöŋ mewö jim teköba kinda gwarekurupŋi enŋuaŋgita Jerusalem siti mosöta Judia prowinsgö miri andöŋe anget. Miangöreŋ anda gwarekurupŋi yembuk sonda tosatŋi toroqeba yembuk mala ambazip o melun mem enŋiba malök.

<sup>23</sup> Jisösnöŋ mewö malökmö, Jonöŋ mewöyök miri qetŋi Salim miangö kösutŋe malök. Miri qetŋi Ainon miangöreŋ o jök ahöyök aka ambazipnöŋ Jongöreŋ kaŋgota o melun mem enŋimapkö qesigetka amqeba mem enŋiba malök.

<sup>24</sup> \*Nalö miangöreŋ Jon mi kösö mire qahö algetka tarök.

<sup>25</sup> Juda yeŋön amöt qem aŋgubingöra böröŋini saŋgoŋmaljema. Mewögöra Jongö gwarekurupŋi yeŋön Juda azi kunbuk keu miangö goranora aka könahiba jitnakölik jiget.

<sup>26</sup> Mewö jigetka lömböriiga Jongöreŋ kaba kewö jiget mörök, “Ketaŋamnini mötnöŋ, azi Jordan o likepŋe göbuk maliga nangak könaŋamŋi naŋgöba jinöŋi, yaŋön ambazip o melun mem enŋiiga jesöŋgöŋan mönö yaŋgöreŋ anakze.”

<sup>27</sup> Jonöŋ mi möta kewö meleŋnök, “Anutunöŋ azi kungöra yuai kun Suepnöhök qahö al waŋgibawak ewö, yaŋön mönö mi buŋa qem aŋgumangö osiza.

<sup>28</sup> \*Yambuk mala kewö jial, ‘Ni Amötqeqe Tonŋ Kraist qahö akzalmö, Anutunöŋ melaim niŋgiiga mutuk kazala yaŋön andöne kama.’ Nöŋön keu mi jiali, iŋini mi ölop nanŋinak naŋgöba jiba malbehaŋgö dop akze.

<sup>29</sup> Miangö keuŋi dop ala kewö jimam: Azi kunŋan ambi buŋaŋambuk aka ambi memangöra sösongai keu jim sehiba malja. Mewö maliga azi alaŋan kösutŋe kinda sösongai keuŋaŋgö jölŋi möta yaŋgöra önöŋi qahö söŋgaimakza. Miangö dop nöŋön Jisösgö alaŋi aka yaŋgöra söŋgaibiga sösongai miangön dölki uruni kokolak qeiga maljal.

<sup>30</sup> Jisösgö qetbuŋaŋan qarim sehiiga nöŋgöreŋan mönö waziiga dop kölma.” Mewö.

*Jisösnöŋ Suepnöhök eröhaŋgö könaŋi jiyök.*

<sup>31</sup> “Daŋön euyaŋgöreŋök eröhi, yaŋön ambazip körek pakpak enŋoŋgita öŋgöŋgöŋi akza. Kunŋan gölmenöŋ asuha gölmegö buŋaya akza aka gölmenöŋ malmalgö keuŋi jimakza. Suepnöhök eta kayöhaŋön mönö körek pakpak enŋoŋgita öŋgöŋgöŋi akza.

<sup>32</sup> Yaŋön yuai eka möt kutuba malöhi, miangö könaŋi jiba naŋgöba dangunu ewö kinja. Mewö kinjapmö, naŋgönaŋgö keuŋi mi ambazip kunŋan kun qahö möt aŋgön kölja.

<sup>33</sup> “Ambazip kunŋan naŋgönaŋgö keuŋi möt aŋgön köljawe, yaŋön Anutu ölbölŋi akza-waŋgö keuŋi mem köhöiiga pöwöwömŋi akŋa.

<sup>34</sup> Anutunöŋ kolek aziŋi melaiba Uŋaŋi Töröŋi musa qakŋe qahöpmö, kelenmalelen waŋgimakza. Mianğöra kolek aziŋan mönö Anutugö keu töhöŋŋi indela jimakza.

<sup>35</sup> \*Iwinöŋ Nahönŋi uruŋan jöpaköm waŋgimakzawaŋgöra aka yuai pakpak buŋa qem waŋgiba böröŋe ali ahöza.

<sup>36</sup> “Ambazip kunŋan Nahönŋi möt nariba uruŋi melenjawi, yaŋön mönö kunbuk letota malmal köhöikŋaŋgö buŋaya akza. Kunŋan Nahönŋaŋgö keuŋi qahö tem kölakzawi, Anutugö irimsesewöŋan mönö yaŋgö qakŋe öŋgöba pöndaŋ kini malmal köhöikŋaŋgö könaŋi qahö ek kutuba önewat laŋ malja.” Mewö

## 4

### *Jisösnöŋ Samaria ambi kunbuk keu eraum mörohot.*

<sup>1</sup> Jisösnöŋ mewö ambazip kusum enğiiga gwarekurupŋi aketka o melun mem enğiba mewö mianğön Jon O-melun azi luhut ala malöhi, keu mi Farisi (Köna keugö kapaŋkölköl) yeŋgö kezapŋine gei mötket. Yeŋön mi mötkeri, buzup mi jiget sehiba Kembugö kezapŋe gei mörök.

<sup>2</sup> Jisösnöŋ nanŋak ambazip qahö o melun enğiyökmö, yaŋön jiiga gwarekurupŋan mi aket.

<sup>3</sup> Mi möta Judia prowins mosöta lilingöba kunbuk Galili prowinsnöŋ göröken anget.

<sup>4</sup> Köna mewö anda Samaria prowins öŋgita anget.

<sup>5</sup> \*Öŋgita anda Samaria prowinsgö taonŋi kun qetŋi Sikar mianğöreŋ aŋgorök. Sikar taon mi Jeikobnöŋ gölme bahöŋi kun nahönŋi Josef waŋgiyöhi, mianğö kösutŋe ahöza.

<sup>6</sup> Jeikobkö o lömŋi diginŋambuk mi Sikar taonöŋ ahöza. Jisösnöŋ köna kayöhaŋgöra aka silenŋi lömböriiga silim bibiŋe o lömŋi mianğöreŋ aŋgota kösutŋe eta tarök.

<sup>7</sup> O löm kösutŋe tariga Samaria ambi kunöŋ o umamgö kayök. Kaiga Jisösnöŋ eka kewö jii mörök, “Gi ölop o niŋginöŋga nembilenjak.”

<sup>8</sup> Nalö mianğöreŋ gwarekurupŋan nene bohönŋi memingöra i mosöta taonöŋ angetka nanŋirök kinohot.

<sup>9</sup> \*Juda ambazipnöŋ Samaria prowins qepureim enğiba yembuk köisirik qahö maljema aka pake mohot mianğön o qahö uzema. Mewögöra nanŋirök kinohot mianğöreŋ ambinöŋ kewö jii mörök, “Gi Juda azia aiga ni Samaria ambiapmö, denöwögöra ‘O niŋginöŋga nembilenjak,’ jiba qesim niŋgizan?”

<sup>10</sup> Jisösnöŋ qeçesi mi möta kewö melen waŋgiyök, “Gi Anutu kalemŋaŋgö könaŋi möt kutunöŋga dop kölbawak. Daŋön ‘O niŋginöŋga nembilenjak,’ jiba qesim gihizawi, yaŋgö könaŋi möt asaribanak ewö, i mönö qesinöŋga malmalgö onŋi gihibawak.”

<sup>11</sup> Mewö jiiga kewö jii mörök, “O ketaŋamni, o umamgö pakegi kun qahö ahöza aka o löm kianğön mönö diginŋambuk akza. Mianğöra malmalgö ogöra jizani, mi mönö denikeyök miwikŋainöŋga ahubawak?”

<sup>12</sup> Isik bömöniŋi Jeikob yaŋön o lömŋi ki neŋgiyök. Yaŋön mutuk nanŋak aka yaŋgö andöŋe nahönurupŋan ki kaba o uba nempa maljema aka bulmakau kambuŋi kambuŋi o enğigetka nempa maljema. Gi Jeikob öŋgita öŋgöŋgöŋi aka ambazip o mem sehim enğimamgö jizan me?”

<sup>13</sup> Mi möta Jisösnöŋ kewö melenök, “Ambazip köreŋan o ki nembagun mönö kunbuk ogö kömumba memingö mörakŋe.

<sup>14</sup> Mewö malmemö, nöŋön kungöra o waŋgimami, yaŋön mi nembagun nalö kunöŋ ogö kunbuk qahö kömuma. Mewö qahöpmö, o waŋgimami, mi mönö yaŋgö uruŋe letota malmalgö o jeŋi jöpjöpköŋi qahö aiga malma. Mewö mali mönö uzumgöba malmal köhöikŋi teteköŋi qahö waŋgimakŋa.”

\* 3:35: Mat 11.27; Luk 10.22 \* 4:5: Jen 33.19; Jos 24.32 \* 4:9: Esra 4.1-5; Neh 4.1-2

15 Mewö melenjiga ambinöj jiyök, “O ketañamni, gi mönö o mia ninjinönga nemi. Mi nembagun nalöni nalöni kunbuk ogö qahö kömumbilenjak aka o umangöra ki könasöksök qahö tibilenjak.”

16 Mi jiiga kewö jim kutum wangiyök, “Gi mönö anda apki wangita ki kamahot.”

17 Mewö jim kutum wangiga “Ni apni qahö,” jiba melenjök. Melenjiga kewö jii mörök, “Gi ‘Apni qahö,’ keu mi törörök jizan.

18 Gi ölña azi 5 enjömembra malnöj aka merak kun memba maljani, yanön mönö göhö apki qahö akza. Keu jizani, mi öl töhöñña.”

19 Ambinöj mi möta kewö jii mörök, “Ketañamni, gi mönö kezapqetok azi qainji kun akzan. Nöñön tandöki mewö gek kutum gihizal.

20 Nenjö ambösakonurupninan kundunji kondela kianjörej öngöba sipköba köuluköba malgetmö, Juda enön kewö jimakze, ‘Samaria enön mönö Jerusalem sitinöj öngöba jöwöwöl jikenöj sipköba köulukögetka dop kölja.’ ”

21 Mi möta Jisösnöj kewö jim kutuyök, “O ambi, nalö kun kam kuñguma. Injini nalö mianjörej Iwi waikñi memba möpöseibingöra kundunji kianjörej me Jerusalem mianjörej qahö öngöba malme. Gi keu mi ölöp möt narinönga dop kölma.

22 Samaria injini Anutugö könañi törörök qahö möt kutuba töndup yanjö waikñi lan memba möpöseimakze. Amötqeqegö könañi mi Juda nenjö sutnine aukñe asuhuba ahöza. Mianjöra Juda nenön Anutuninanjö könañi möt kutuba waikñi memba möpöseininga dop kölja.

23 “Töndup nalö kun kewö asuhuma: Nalö mianjörej Uña Töröñan ambazip sölölohöba inahöm enjiiga keu ölñi wuatangöba Iwi waikñi memba ölña möpöseiba malme. Iwininan ambazip mewöni jarum enjiba asuhumegöra sihimñi möta malja. Nalö murutñi mianjön mönö lök kam kuñguba döli ahöza.

24 Anutunöj Uñaya akza. Mianjöra Uña mianjö waikñi memba möpöseimakzei, yenön mönö Uña Töröñan sölölohöba inahöm enjiiga keu ölñi wuatangöba möpöseiba malme.”

25 Jisösnöj mewö jim kutuiga ambinöj jii mörök, “Amötqeqe Tonji qetñi Kraist qetzei, yanön kamangö akza, mi mötzal. Yanön kamawi, nalö mianjörej mönö keu pakpak indel nenjiiga mötpin.”

26 Jisösnöj keu mi möta könañi kewö indelök, “Göbuk ki kinda keu eraum mötziri, nöñön mönö mia akzal.” Mewö.

### *Gwarek yenön kaba yetpuk toroqaget.*

27 Könañanji indeliga gwarek yenön mianjörejök lilingöba kaget. Kaba ambibuk eraum mörohot, mi eka welipkögetmö, kunöj kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölön tatket.

28 Ölön tatketka ambinöj o pakenji mosöta taonöj anda ambazip yengöra kewö indela jii mötket,

29 “Mötket! Nöñön azi kun miwikñai biga yuai pakpak aka malali, mianjö könañi indela jii mötzal. Mianjöra yanön mönö Amötqeqe Tonji Kraist akapuk. Mönö nanñinak kaba azi mi ekñe.”

30 Keu mi möta taon mosöta öröba Jisösgörej anget.

31 Gwarek yenön nalö sutñe mianjörej Jisös qesim wangiba kewö jiget, “Ketañamnini, ölöp nene nenöj.”

32 Mewö jigetmö, kewö jiyök, “Nöñön nenenamni qainji kun memba maljali, injini mianjö könañi qahö möt kutuze. Qahö!”

33 Mi möta nanñini qesim anguba kewö jiget, “Kunñan nene kun memba kaba wangiza me denöwö?”

34 Mewö jigetka kewö jii mötket, “Melaim ninjiiga kayali, nöñön yanjö jitiñi tem köla nupñi mem sorokömakzali, mianjön mönö nöñgö nenenamni akza.



<sup>35</sup> Injini keu kewö jibepuk, ‘Köin 4 kunbuk ahöiga ölöm-izi-izi nalöñan törima.’ Mötket, nöñon miangöra kewö jizala kezap alget: Nup bonji ketanji miengö ölninan lök öliiga meme nalöñinan kam kunguza. Injini mönö jeñini uget aniga mi uruñine ek kutume.

<sup>36</sup> Tosatñan mutuk keu kötnji qesinda gila malgetka ölnan nalö kewöñe asuhuiga tosatñan mi lök tokoba töwanjini megetka ambazipñi ambazipñi malmal köhöikñangö buñaya ahakze. Mewö asuhuiga ölnji meme yeñon qesin gilgil ambazip yembuk mindiriba mohotñe söñgaiba simbawonj mötze.

<sup>37</sup> ‘Kunöñ kötnji qesin giliga kunöñ ölnji mezawi,’ keu mewö jimakzei, mi keu ölna. Mi Anutugö nup memegö könañi indelja.

<sup>38</sup> Nöñon injini melaim engibiga nup qainñi kunöñ nanninak yuai kötnji qahö kömötkeri, mönö nup miangöreñ anda ölnji meme. Tosatñan mutuk silenjini qeba nup memba malgetka eñon yeñgö könañine anda nup megerangö ölnji miwikñaiba memakñe. Mewö melaim engizal.” Mewö

*Samaria ambazip gwötpukñan uruñini melenget.*

<sup>39</sup> Samaria ambinöñ keu kewö nanğöba jiyök, “Nöñon azi kun miwikñaibiga yuai pakpak aka malali, yanñon mönö miangö könañi indela jii mötzal.” Mewö jiyöhanğöra Samaria ambazip gwötpukñan Sikar taon miangöreñ uruñini melenđa Jisös möt narim wanğiget.

<sup>40</sup> Möt narim wanğiba yanğöreñ kaba yembuk toroqeba malmapköra kapanj köla qesigetka silim yahötkö dop toroqeba miangöreñ malök.

<sup>41</sup> Mewö mala keu jiba malöhanğöra aka gwötpukñan Jisös möt nariba toroqem wanğigetka kambuñini qariyök.

<sup>42</sup> Toroqem wanğiba ambigöra kewö jiget, “Azi kianñon ölna gölmenji gölmenji neñgöreñ Amötqeçe Tonina akza. Neñon mi göhö keugörök qahö toroqeba möt narizinmö, mi naninak kezap ala möta möt kutuzin.” Mewö.

*Jisösnöñ jembon azi kungö nahönñi mem ölöwahök.*

<sup>43</sup> Jisösnöñ Samaria maliga silim yahöt teköiga engömosöta Galili prowinsnöñ anök.

<sup>44</sup> \*Jisösnöñ nannak nalö kunöñ keu kun kewö nanğöba jiyök, “Kezapqetok ambazip kunñan nanñe miri gölmenöñ maliga yanğöra qahö mötket öngöiga göda qahö qem wanğimakze.”

<sup>45</sup> \*Mewö jiyökmö, töndup nalö miangöreñ nanñe Galili prowinsnöñ kanğoriga miangöreñ mewöyök tosatñan jölöñi jiget. Yeñon ak-kömükömu kendongöra Jerusalem sitinöñ öngöba Jisösnöñ kendon nalöñe angöletot meyöhi, mi pakpak eka mötket. Miangöra nalö miangöreñ ölop köl öröm wanğiget.

<sup>46</sup> \*Galili prowins yeñon köl öröm wanğigetka miri qetñi Kana mutuk o meiga letota wain ahöhi, miangöreñ kunbuk kayök. Taon qetñi Kaperneam miangöreñ kinj kembugö jembonñi kun malök. Yanğö nahönñan kawöl yöhöiga ahöyök.

<sup>47</sup> Ahöba kömumangö ahök. Miangöra Jisösnöñ Judia prowins mosöta Galili uruñe kayöhi, yanñon miangö buzupñi möta Jisösgöreñ anda kewö qesim wanğiyök, “Gi ölop kaba nahöni mem ölöwak wanğiman.”

<sup>48</sup> Qesim wanğiiga kewö jii mörök, “Injini ni öne qahö möt narim niñgimeangö dop akzei, mi qahö dop kölja. Nöñon angöletot aiwesök membi ekagun mönö anqeba ni möt narim niñgiba uruñini melenbeak.”

<sup>49</sup> Mewö jii mörökmö, jembonöñ kewö jiyök, “Ketanamni, nahönan kömumbapaköra mönö ösumok kaman.”

<sup>50</sup> Mewö jiiga melen wanğiyök, “Nahöngan mönö ölöwaka malma. Miangöra mönö ölop lilingöba anman.” Mewö melen wanğiiga yanñon mi möt nariba lilingöba anök.

\* 4:44: Mat 13.57; Mak 6.4; Luk 4.24 \* 4:45: Jon 2.23 \* 4:46: Jon 2.1-11

<sup>51</sup> Anda könanön maliga welenqequeurupñan kaba miwikñaiba kewö jiget mörök, “Nahöngan lök ölöwaka malja.”

<sup>52</sup> Mi möta qesim engiba jiyök, “Wani nalönön könahiba ölöwahök?” Mewö jiiga jiget mörök, “Uran mare wan kilok miangören sile könöpñi mosörök.”

<sup>53</sup> Mi möta mötmötñi kewö ahuba asariyök: Aha! Jisösnön “Nahöngan mönö ölöwaka malma,” jiyöhi, mönö aua miangörenök ölöwahök. Keu mi möt asariba i aka saiwaurupñi pakpak yeñon uruñini melenða Jisös möt narim wañgiget.

<sup>54</sup> Jisösnön Judia mosöta Galili prowins uruñe kaba añañoletot kun ki meiga yahöt ahök. Mewö.

## 5

### *Jisösnön Betesda o añañ jite azi kun mem ölöwahök.*

<sup>1</sup> Könañgep nalö kunön Juda yeñgö kendon ketañi kun töriiga Jisösnön Jerusalem sitinön öngöyök.

<sup>2</sup> Jerusalem sitigö selnön nanqu kun mi lama yeñgöra ahöyök. Miangö kösutñe o añañ kun qetñi Hibru keunön Betesda qetkeri, mi ahöyök. Miangö görañe luhut miri köröpñi ketañi 5 tatket.

<sup>3</sup> Luhut miri 5 miangö uruñe kawöl ambazip kambu ketañi ahözema. Tosatñan jeñini gömölii tatket. Tosatñan simalokon aka tatket. Tosatñan likepñini kömükömuña tatket.\*

<sup>4</sup> Nalö tosatñe Kembangören garata kunön eta o añañönön timjaliiga unduzapma. Onön unduiga nalö miangörenök kunñan mutuk añañönön geiga kawölñi mi me mi miangön ölöwahakzapma. Miangöra mamböta tatket.

<sup>5</sup> Miangören azi kun yambu (yara) 38 miangö dop kawöl yöhöiga ahömalök.

<sup>6</sup> Miangören ahöiga Jisösnön kañgota eka lök nalö köröp tiñtini kawöl yöhöi ahöba malöhi, mi möta kewö qesim wañgiyök, “Gi ölöwakñañgö ak gihiza me qahö?”

<sup>7</sup> Qesim wañgiiga kewö melen wañgiyök, “O Kembu, onön unduba ötön qeiga alani danön noañgita o añañönön anda al niñgibawak? Alani mewöñi kun qahö malja. Nanak anmangö möta esapköba malali, nalö miangörenök tosatñi yeñgörenök kunön ni noñgita anda gemalget.”

<sup>8</sup> Melen wañgiiga Jisösnön jii mörök, “Gi mönö wahöta tumbulahöpki memba anön.”

<sup>9</sup> Mewö jii möta miangörenök ölöwaka tumbulahöpñi memba anök. Anökmö, yuai mi Sabat kendonön asuhuyök.

<sup>10</sup> \*Miangöra Juda yeñon azi ölöwahöhi, yañgöra kewö jiget mörök, “Merak Sabat kendon akza. Miangöra tumbulahöpki memba añañonña qahö dop kölja.”

<sup>11</sup> Mi möta kewö meleni mötket, “Möhangöm niñgizawañon mönö kewö jim teköm niñgiza, ‘Gi mönö tumbulahöpki memba anön.’”

<sup>12</sup> Mi möta kewö qesim wañgiget, “Azi danön göhöra “Tumbulahöpki memba anön,’ jiza?”

<sup>13</sup> Qesim wañgigetmö, Jisösnön mem ölöwahiga ambazip kambu ketañan ölökögetka yeñgö sutñineyök sömuniba anök. Miangöra danön mi ak wañgiyöhi, mi qahö möta tönpin kinök.

<sup>14</sup> Miangö andöñe jöwöwöl jike tohon uruñe öngöiga Jisösnön miangören miwikñaim wañgiba qamaban keu kewö jii mörök, “Mötnön, gi lök ölöwakzan. Miangöra ayuayuhu törosait bölöñi kötokñi kun asuhum ghibapuköra mönö siñgisöndok kunbuk kude aka malman.”

<sup>15</sup> Azi ölöwahöhi, yañon Jisös ek kutuba anda Juda jiteñememe yeñgöra kewö jii mötket, “Azi mem ölöwak niñgiyöhi, yañgö qetñi Jisös.”

\* **5:3:** Mötmöt ambazip tosatñan kewö mötmörimakze: Könakönañe jabö 3:gö kitipñi teteköñi aka jabö 4 mi kewö ohoget ahöyök: Yeñon o añañönön gwözöñda undumapkö mamböta tatzema. \* **5:10:** Neh 13.19; Jer 17.21

16 Mi möta Jisösnöñ Sabat kendonöñ nup mewöñi meyöhi, Juda jitñememe yeñön miangöra aka sesewerowero ak wañgiba malget.

17 Mewö malgetmö, Jisösnöñ kewö melenj engiyök, “Nöñgö Iwinan sundan dop nup memakza aiga nöñön mewöñanök mi memakzal.”

18 Mewö melenj engiba ambazip Sabat kendongö keu tosatñi toroqeba algetka Jisösnöñ mi ahakmemeñan qeapköba yeñgö jeñine siñgisöndok ahök. Siñgisöndok mi toroqeba Anutugöra ‘Iwini’ jiba Anutu tandök ewö maljawañgö dop aka nanñi mem öngöyök. Juda ambazip yeñön yuai yahöt miangöra aka möt kömbuhiba kapan köla Jisös qebingö jim köhöiget. Mewö.

*Malmal gulimapkö kukösumñi mi Jisösgöreñ ahöza.*

19 Mewö aketmö, Jisösnöñ keu kewö jii mötket, “Nöñön keu öl töhöññi kun kewö jibi mötket: Nahönöñ nanñi uruñangö yuai kun qahö memakzapmö, Iwinöñ yuai memakzawi, Nahönñan mönö mewöñanök memakza. Miangöra Iwinöñ yuai meiga ehakzawi, yañön mönö miyök memakza.

20 Iwinöñ Nahönñi urunöñ jöpaköm wañgiba mala nanñak nup memakzawi, mi pakpak kondel wañgimakza. Miangöra añgöletot eka maljei, mi yuai eretñi. Miangö ölni mi könañgep kondel engiiga eka nemböñini teköi welipköba malme.

21 “Kun kewögöra welipköme: Iwinöñ ambazip kömukömuñi engömindiga gulimakze. Nahönñan mönö miangö dop mewöñanök ambazip köhömuñi niñia gulimegö mötzawi, mi engömindiga gulimakze.

22 Mewöñanök Iwinöñ kungö keuñi qahö jim tekömakzapmö, jimtekötekö nupkö kukösumñi pakpak mi kewögöra Nahönñangö böröñe ali ahöza:

23 “Ambazip Iwi göda qem wañgimakzei, miangö dop körekñan Nahönñi göda qem wañgimegöra mötza. Iwinöñ Nahönñi melaim wañgiyök. Miangöra kunñan Nahön qahö göda qem wañgizawi, yañön mönö Iwi mewöyök göda qahö qem wañgiza.

24 “Miangöra nöñön keu öl töhöññi kun kewö jibi mötket: Kunñan nöñgöreñ Buña keu möta mötmöriba ni melaim niñgiyöhi, i möt narim wañgiza ewö, yañön mönö malmal köhöikñangö buñaya akza. Nöñön keuñi jim teköbiga könöp siagö buñaya qahö akña. Kömup köhöikñangö likepñi mosöta jabö kutuba malmal köhöikñangö likepñe añgota mal öngöma.

25 “Nöñön keu öl töhöññi kun kewö jibi mötket: Nalö kun kama aka nöñgöra aka lök kam kuñguza. Nalö miangöreñ siñgisöndok aka uru köhömuñi akzei, yeñön Anutugö Nahönñan keu qeri mötme. Mi möta tem kölmeañön mönö guliba köhöiba malme.

26 Mi kewögöra: Iwinöñ nanñak malmal köhöikñi kondorakzawi, miangö dop malmal gulim köhöimapkö kukösumñi mi Nahönñi wañgii yañön mewöyök ambazip mem gulim engimakza.

27 Yañön Suep gölmegö Azi Ölni maljawañgöra aka Iwinöñ ambazip keuñini jim tekömapkö kukösumñi mewöyök yañgö böröñe ali buñañi ahök.

28 “Nöñön keu kötni jizali, miangöra mönö kude aurume. Nalö kun kam kuñgumawi, miangöreñ körek pakpak qaksirinöñ ahözei, yeñön mewöyök qet qetmawi, mi mötme.

29 \*Qetñi mi möta wahöta aukñe asuhugetka ahakmeme ölöpñi aka malgerañön malmal köhöikñe öngömemö, ahakmeme bölöñi aka malgeri, nöñön yeñgö keuñini jim teköbiga kömup köhöikñangö buñaya akña.

30 Nöñön nani uruñangö yuai kun nanak aka memangö osizal. Ni Iwigö jitñe mörakzali, mönö miangö dop ambazip keuñini jim teköm engimakzal. Nani imbinangö dop lañ qahö memakzalmö, melaim niñgiyöhi, mönö yañgö keuñi wuatangömakzal. Miangöra jimtekötekö keuni jimakzali, mi mönö dopñeyök asuhumakza.” Mewö.

*Tosatñan Jisösgö könañamñi nañgöba jiget.*

\* 5:29: Dan 12.2

<sup>31</sup> “Nöjön nani könañamni nañgöba jibilenak ewö, keuni mianñon ölop qahö köhöibawak.

<sup>32</sup> Alani kunöñ nöngö könañamni nañgöba jimakza. Yañon nöngöra keu jimakzawi, mianñon mönö köhöiba öljambuk akza, mi mötzal.

<sup>33</sup> \*Inini jitñememe melaim engigetka Jongörej kagetka keu öljangö dop nöngö könañamni indela jiba nañgöyök.

<sup>34</sup> “Jiba nañgöyökmö, nöjön gölme azigö nañgönañgö keuñi mi möta qahö mötpi öngöza. Qahö öngözapmö, Jongö nañgönañgö keugöra jimakzali, mi mönö inini nalö kewöñe letotketka Anutunöñ bohonñini jöhömapköra aka jimakzal.

<sup>35</sup> Jonöñ kiwa ketani aka ölopñanök jeba asariyökmö, inini nalö köröpñi qahöpmö, töröptökñanök yangö asakñe lañ söñgaibingö sihimñi mötket.

<sup>36</sup> “Jonöñ könani töröptökñanök jiiga mötketmö, kunöñ mi nañgöba jimakzawi, yangö keuñan mönö Jongörej nañgönañgö keu ongitza. Nani Iwinan nupñi al ningii membiga ölni asuhumakza. Ölni mianñon mönö könañamni kewö nañgöba indelakza: Iwinöñ mönö melaim ningii jitñe memenji akzal.

<sup>37</sup> \*Iwinöñ melaim ningii erali, yañon könañamni nañgöba jiba malök. Inini nalö kunöñ yangö keu kourukñi qahö mötket aka kaisongolomñi qahö eket.

<sup>38</sup> Yañon niñia melaiiga eröhi, inini i qahö möt narim wañgize. Miangöra yangö keuñan mönö engö uruñine qahö kinja.

<sup>39</sup> “Inini malmal köhöikñangö könañi mi Buña Kimbinöñ ahöm engiza, mewö mötmöriba mi oyoñda uru könömñine ala Suepkö buñaya akingö mötze. Mewö mötzemö, kimbiñi kimbiñi pakpak mienñon mönö nöngö könañamni nañgöba indelakze. Mi möt yaköze me qahö?

<sup>40</sup> Nañgönañgö keu gwötpuk ahözapmö, inini malmal köhöikñi buña qem angubingöra nöngörej kabingö tökömakze.

<sup>41</sup> “Gölme ambazipnöñ qetbuña niñgigetka qarimapköra qahö mambötzal. Mi niñgigetka mötpi qahö öngöi maljal.

<sup>42</sup> Mewö maljalmö, engö könañamñini mi kewö ahöza, mi mötzal: Inini uruñini Anutugörej qahöpmahöp jöhöba urukalem qahö ak wañgiba malje.

<sup>43</sup> Nöjön Iwinangö qetñi qeta kabiga inini andö qem niñgimakzemö, kunöñ nanñi qetñi qeta kamawi, inini mönö i ölop möt angön köla köl öröm wañgime.

<sup>44</sup> “O inini nanñini möpöseim anguba qetbuñañini qarimapkö mötket öngöza. Öngözapmö, bem mohotñan Anutu ölni akzawi, yañon qetbuña engimapköra qahö kapan kölje. Mewö aködamunñinambuk akñegöra qahö jaram tiba kinje. Miangöra denöwö ni möt narim niñgibeak? Mi mönö osibeak.

<sup>45</sup> “Nöjön inini ‘Iwigö jemesoholñe keu jakeñe al engimam,’ mewö mötmöribepuk. Inini Mosesgö keugö jörömqöröm al wañgiba Suep mire öngöbingö mamböta maljemö, Anutugö jeñe angotketka Mosesnöñ nanñak Anutugö keu jakeñe ala jim aum engiiga gamuñini mötme.

<sup>46</sup> “Mi kewögöra: Mosesnöñ nöngö könañamni jim asariba Buña Kimbinöñ ohoi ahöza. Miangöra Moses möt narim wañgibeak ewö, mönö nia möt narim niñgibeak.

<sup>47</sup> Mewömö, Mosesgörej kimbia qahö möt nariba tem köljeangöra mönö nöngö keuni mi denöwö möt naribeak? Mi kupuk-kapakñambuk akapuk.” Mewö.

## 6

*Jisösnöñ azi 5000 nene gumohom engiyök.*

*Mat 14.13-21; Mak 6.30-44; Luk 9.10-17*

<sup>1</sup> Miangö andöñe Jisösnöñ Galili o angö, qetñi kun Taiberias o angö qetkeri, mi kutuba likepñe añgorök.

\* 5:33: Jon 1.19-27; 3.27-30 \* 5:37: Mat 3.17; Mak 1.11; Luk 3.22



<sup>2</sup> Kawöl ambazip möhamgöm engii anğöletot asuhui ekeranğöra aka ambazip kambu jesöngönan Jisösgö andöne wuatangöba kaget.

<sup>3</sup> Jisösnöñ gwarekurupñi engömeiga kundunje öngöba tatket.

<sup>4</sup> Nalö mianğoreñ Juda neñğoreñ ak-kömükömu kendonöñ töriyök.\*

<sup>5</sup> Jisösnöñ je ui aniga ambazip kambu jesöngönan yangöreñ kanğotkeri, i engeka Filipköra jiyök, “Nini nene denikeyök bohonñi meinga kambu mewöñan nem timbireñ aketka dop kölbawak?”

<sup>6</sup> Yuai akñamgö ahöhi, mi nanñak mörökmö, keu mi Filip esapköm wanğiba jiyök.

<sup>7</sup> Mewö jiiga kewö melenök, “Nene beret silim 200:kö töwanı (Kina 1000,-) mianñon bohonñi memba mendenninga körek yeñon kitipñanöhök nembeak aka tøndup qahö dop köl enğibawak.”

<sup>8</sup> Mewö jiiga gwarekurupñi yeñğoreñök kun qetñi Andru, Saimon Pitögö munñan kewö jii mörök,

<sup>9</sup> “Azi moröñi kun kianğoreñ malja. Yangöreñ bali† beret 5 aka söra yahöt ahözapmö, ambazip sehisehiñi kewö kagetka yeñğöra mi qahö dop kölma.”

<sup>10</sup> Jisösnöñ jiyök, “Inini mönö ambazip kambu ki jiba menden enğigetka nene nemingö eta tatme.” Gölme mianğoreñ kegwan luplup gwötpuk ahöyök. Mianğöra azi janğöñini 5000:gö dop yeñon gölmenöñ eta tatket.

<sup>11</sup> Eta tatketka Jisösnöñ beret mi memba saiwap jiba ambazip tatkeri, mendenja enğiyök aka söra mi mewöyök mendenja sihimñinan jigeranğö dop enğiyök.

<sup>12</sup> Mendenja enğiiga memba nem timbireñ aketka Jisösnöñ gwarekurupñi kewö jii mötket, “Nene kitipñi ayuhubapüköra mi mönö qezaköget.”

<sup>13</sup> Mewö jiiga möta bali beret 5 mianğoreñök memba kitipñi kitipñi mosötket taröhi, mi qezakögetka sakap 12 mianğoreñ geba kokolak qeyök.

<sup>14</sup> Jisösnöñ anğöletot mewö mei asuhuiga ambazipnöñ eka welipköba jiget, “Kezapqetok azi gölmenöñ asuhumapkö jigeri, yanñon mönö ölña mia akza.”

<sup>15</sup> Mewö jiba Jisösgöra köiran ala kiñ kembunini akñapkö mötmöriget. Mötmöriba kaba liliköm wanğiba walimgöba kiñ kuñgum wanğibingö aket. Mewö möt kutuba engek tököba enğömosöta kunbuk kundunje öngöba nanñök malök. Mewö.

### *Jisösnöñ o anğö qakñe tiba tiba anök.*

*Mat 14.22-33; Mak 6.45-52*

<sup>16</sup> Neget teköiga mare aiga Jisösgö gwarekurupñi yeñon o anğögö jitñe geget.

<sup>17</sup> Geba wanğenöñ öngöba gölme mi mosöta o anğö kutuba likepñe Kaperneam mire göröken anget. Angetka miri söñaum teköiga Jisösnöñ tøndup yeñğoreñ qahö asuhuyök.

<sup>18</sup> Angetka luhut köhöikñanök giliga o anğönöñ könöpuk kunduta öngöba erök.

<sup>19</sup> Öngöba eriga lökuatnöñ qeba nanğöba 5 me 6 kilomita mianğö dop angetka Jisösnöñ o anğö qakñe tiba tiba wanğe kösutñe kaiga eka auruba kenğötporiñ aket.

<sup>20</sup> Mewö mötketka kewö jii mötket, “Nanak kazal. Kenğötñini kude mötme.”

<sup>21</sup> Mewö jii möta Jisösnöñ wanğenöñ öngömapkö jigetka öngöyök. Öngöiga wanğeninan mianğoreñök ösumok enğuanğita gölme gorañe anbingö akeri, mianğoreñ anğotket. Mewö.

### *Ambazip yeñon Jisösgöra um jarum bibihiget.*

<sup>22</sup> Mianğoreñ anğotketka miri gianjiiga ambazip kambu ketanñi yeñon o anğö likepñe toroqeba mala kewö mötmöriget, “Uran wanğe mohotñan tari ehinga Jisösnöñ gwarekurupñi yembuk wanğenöñ qahö öngöba anök. Jisös umbula nanñinök anget. Wanğe murutñi kun qahö ehin. Mianğöra Jisösnöñ kunbuk ki malja.”

\* **6:4:** Anutunöñ mönöwök neñgehöriba neñgonğiröhi, Juda yeñon mianğöra yambu (yara) dop nalö ala söñgaimakze. Nei keunöñ qetñi Pasowa jize. Eksodus 12.15 † **6:9:** Bali mi padi, wit, out aka sehoñ mianğö alañini kun.

<sup>23</sup> Mewö mötmöriba tosatjan kewö jiget, “Wançe mohotnöñ angetmö, ölña, Taiberias taonök wançe tosatji kaget. Wançe mi Kembunöñ beretköra saiwap jiiga nempa tarini, mönö gölme miangö kösutje kagera Jisösnöñ wançe miengörenök kunöñ öñgöba anök me denöwö?”

<sup>24</sup> Ambazip kambu yeñön mewö jiba Jisös aka gwarekurupji miangören qahö miwikñaim engiget. Mewö eka möta mewöñanök wanğenöñ öñgöba Kaperneam taonöñ anda Jisös jaruget. Mewö.

*Jisösnöñ malmal köhöikñangö neneñi akza.*

<sup>25</sup> Ambazipnöñ Jisös jaruba o angö likepñe yuke göröken miwikñaiba eka kewö jiget mörök, “O Ketañamnini, gi mönö wani nalönöñ ki kazan?”

<sup>26</sup> Mewö jigetka kewö melenğ enğiyök, “Nöñön keu öl töhöññi kun kewö jibi mötket: İnini angöletot membi ekerangöra aka ni qahö jarum niñgizemö, nene beret kötuetköbi nempa nem timbirenğ akeri, mönö miangöra ni nuatangöba ki kaze.

<sup>27</sup> Nene ayapkömawi, mi miwikñaibingöra urukönöp kude aka malmemö, urugö neneñan malmal köhöikñi enğimakzawi, mönö mia buña qem angubingöra kapan köla malme. Iwi Anutunöñ muñgem silimbannji Suep gölmegö Azi Ölñi wanğiiga kukösumñan walöñniga ölop urugö nene enğiiga oyaenğkoyaenğ akñe. Mewö aka mal köhöiba kömumba toroqeba tetekñi qahö malme.”

<sup>28</sup> Mewö melenğ enğiiga kewö qesim wanğiget, “Anutugö sihimñangö dop ahakmeme tandökñi mönö denöwö ahinga dop kölbawak?”

<sup>29</sup> Qesim wanğigetka kewö melenök, “Anutunöñ azi melaim wanğiyöhi, inini i möt narim wanğiba malme. Ahakmeme mianön mönö Anutu sihimñangö dop akza.”

<sup>30</sup> Mewö melenğniga kewö qesim wanğiget, “Mewö aiga gi kunbuk wani angöletot kukñambuk kun menöñga eka möt narim gihibinak? Gi mönö wani yuai kun Mosesnöñ ahök, miangö dop aka meman?”

<sup>31</sup> \*Buña Kimbi kun kewö ohoget ahöza, ‘Yañön Suepnöhök nene beret enğiiga neget.’ Keu miangö dop nanine ambösakon yeñön gölme qararanğkölkölñe anda mala nene qetñi mana nempa malget aka gi mönö könañamgi Moses onğita denöwö kondelbanak?’‡

<sup>32</sup> Qesim wanğigetka Jisösnöñ kewö jii mötket, “Inini miangö könañi ölop qahö möt kutuze. Nöñön keu öl töhöññi kun kewö jibi mötket: Mosesnöñ angöletot Tonji qahö ahök. Yañön nene beret mi Suepnöhök qahö enğii negetmö, nani Iwinan mönö Suepnöhök beret ölbölñi enğimakza.

<sup>33</sup> Anutugö nene beret mi mönö Suepnöhök eta asuhaba gölme dop ambazip malmal köhöikñi enğimakza.”

<sup>34</sup> Mewö jii möta kewö jiget mörök, “O Kembu, gi nalö dop nene beret mi neñginöñga nempa malbin.”

<sup>35</sup> Jisösnöñ mi möta jiyök, “Nöñön malmal köhöikñangö neneñi akzal. Kunñan nöngörenğ kazawi, yañön nem timbirenğ aka wösöñi nalö kunöñ qahö alma. Kunñan ni möt narim niñgimakzawi, yañön ogöra qahö kömuma.

<sup>36</sup> Mewö aigun inini ni nek teköba töndup qahö möt narim niñgize. Mi mönö lök jibi mötze.

<sup>37</sup> Aka töndup Iwinöñ ambazip tosatji niñgimakzawi, yeñön mönö körek nöngörenğ kame. Kunñan nöngörenğ kamawi, nöñön mönö i qahö yakörimam.

<sup>38</sup> “Nöñön Suepnöhök eta nani imbinangö dop yuai lanğ aka memba malmangöra qahö asuhuyal. Mewö qahö. Melaim niñgiyöhi, mönö yanğö jtkö dop nup memba malmangöra eral.

\* 6:31: Eks 16.4, 15; Sum 78.24 ‡ 6:31: Gölme qararanğkölkölñe Anutunöñ söñan dop söñangö yuai amötñi, jöhanñi tuatñi aka awamñi juzu paura ewö ali gölmenöñ ahöi eka yaigep sombemnöñ anda qezaköba koumñine kaba beret lölöwöröñi memba nezema. Eks 16.13-36

39 “Melaim niŋgiyöhi, yaŋö jitsihitŋan kewö ahöza: Yaŋön ambazip nöŋgö böröne al eŋgiiga maljei, nöŋön mi pakpak köyan köl eŋgiba malbiga yeŋgöreŋök kunŋan kun qahö sohoba ayuhuma. Qahö ayuhugetka nöŋön i nalö ketaje eŋgömindiba mem gulim eŋgimam.

40 “Iwinanŋö jitsihitŋan kewö ahöza: Tosatŋan Nahönŋi eka möt narim waŋgizei, yeŋön körek nalö kewöŋe letota malmal köhöikŋi buŋa qem aŋguba malme. Mewö mal kömugetka nöŋön i nalö ketaje miaŋgöreŋ eŋgömindiba mem gulim eŋgimam.”

41 Jisösnöŋ mewö jiiga keu kötŋi kun kewö ahök, “Nöŋön malmalgö nene öŋi aka Suepnöhök eta asuhuyal.” Mewö jiyöhaŋgöra aka Juda jitŋememe yeŋön möt böliba uruŋinan ihururuk jiba jim waŋgiget.

42 Jim waŋgiba jiget, “Azi ki Jisös, Josefkö nahönŋa. Yaŋö iwinamŋi mi ölöp möt etkizinmö, mönö denöwögöra ‘Suepnöhök eta asuhuyal,’ jiza?”

43 Mewö jigetka möta kewö melenök, “Uruŋinan mönö kude ihururuk jiba jim niŋgime.

44 Iwi ni melaim niŋgiyöhi, yaŋön ambazip qahö öröm eŋgiza ewö, eŋgöreŋök kunŋan nöŋgöreŋ kamangö osima. Öroi kabawak ewö, nöŋön i mönö nalö ketaje eŋgömindiba mem gulim waŋgimam.

45\* “Kezapqetok yeŋgöreŋ kimbinöŋ keu kewö ohoget ahöza, ‘Anutunöŋ i körek pakpak kusum eŋgi mötme.’ Iwinöŋ ambazip kusum eŋgi keu möta urukönömŋine ala maljei, yeŋön mönö körekŋanök nöŋgöreŋ kame.

46 Ambazip kunŋan Iwi qahö eka malja. Iwigöreŋök eröhi, yaŋön mohot kun mönö i eka malja.

47 Nöŋön keu öl töhöŋŋi kun kewö jibi mötket: Kunŋan ni möt narim niŋgizawi, yaŋön mönö malmal köhöikŋi buŋa qem aŋguba mal öŋgöma.

48 “Nöŋön malmal köhöikŋanŋö nene öŋi akzal.

49 Mötket! Eŋgö ambösakonuruŋinan gölme qararaŋkölkölŋe anda mala nene qetŋi mana namba malgetmö, töndup kömumba gisahöget.

50 Yeŋön kömugetmö, nene beret nalö kewöŋe Suepnöhök eta maljawi, kunŋan mi namba mala qahö kömum köhöima.

51 “Nene beret malmalŋambuk Suepnöhök eröhi, mi nöŋön akzal. Kunŋan nene mi namba malmawi, yaŋön mönö teteköŋi qahö köhöiba malma. Nene waŋgiba malmami, mi nöŋgö busuni. Gölmeŋi gölmeŋi yeŋön köhöiba malmegöra mi al eŋgimam.”

52 Jisösnöŋ mewö melenŋiga Juda jitŋememe yeŋön sutŋine urukönöpŋöŋ jim qesim aŋguba jiget, “Ye! Azi kianön mönö denöwö aka busuŋi neŋgiiga nembinak?”

53 Mi möta jigetka kewö jii mötket, “Nöŋön keu öl töhöŋŋi kun kewö jibi mötket: Inini Suep gölmegö Azi öŋanŋö sepŋi aka busuŋi qahö neme ewö, malmal köhöikŋi miaŋön mönö eŋgö uruŋine qahö ahöma.

54-55 Nöŋgö sepnan o öŋi akza aka nöŋgö busunan nene öŋi akza. Miaŋgöra kunŋan nöŋgö sep busuni nemakzawi, yaŋön mönö letota malmal köhöikŋanŋö buŋaya aka mal öŋgöma. Mewö mal kömuiga nöŋön i nalö ketaje mindiba mem gulim waŋgimam.

56 “Kunŋan nöŋgö sep busuni nemakzawi, yaŋön mönö nömbuk qekötahöba kinakza aka nöŋön yambuk kinakzal.

57 Iwinöŋ Malmal Toŋi aka melaim niŋgiba wötŋi aka nam köl niŋgiiga köhöiba maljal. Mewöŋanök kunŋan ni nem niŋgimakzawi, nöŋön mönö mewöŋanök yaŋgö wötŋi aka nam köl waŋgibiga ölöp köhöiba malma.

58 Nene öŋi Suepnöhök eröhi, mi nöŋön akzal. Eŋgö ambösakonuruŋinan Anutugö nene namba mala kömugetmö, nalö kewöŋe eŋgöreŋök kunŋan beret ki namba malmawi, yaŋön mönö teteköŋi qahö köhöiba malma.”

59 Jisösnöŋ Kaperneam taongö köuluk miriŋe kinda keu mi jim kusum eŋgiyök. Mewö.

\* 6:45: Ais 54.13

*Gwarek gwötpukñan uruñini böliiga Jisös mosötke.*

<sup>60</sup> Jisösgö gwarekurupñi yeñgöreñök gwötpukñan keu mi möta jiget, “Keu jit jizawi, mianñon mönö keu köt ewö lömbötñambuk akza. Mi möringa uruninan lömböriba bölim teköza. Mianñöra mi kunbuk mötpingö ölan neñgöhöiga i mönö mosötpin.”

<sup>61</sup> Gwarek yeñon Jisösgö keugöra möt böliba uruñinan ihururuk jiba jim wanñigetka Jisösnöñ mi uruñan enñuanñgita möta kewö jii mötke, “Keu jizali, mi möt bölizze me qahö?”

<sup>62</sup> Keu mianñöra möt bölizze ewö, könañgep mönö denöwö asuhubawak? Suep gölmegö Azi öññan mutuk miri mala koröhi, euyañgöreñ kunbuk lilingöba öngöi ekñe ewö, nalö mianñöreñ mönö denöwö mötme?

<sup>63</sup> “Uña Töröñi yañon ambazip mem gulim enñimakza. Inñini gölme ambinöhök ahuba busuñinambuk akzemö, ahuahü dölökñe qahö ahuba nanñini ösumñinan öne letota Suepkö buña ahak mi qahöpmañöp. Uña Töröñan malmal köhöikñi enñizawi, nöñon keu kötni mi jim tuaribi möta malget.

<sup>64</sup> Mewö möta malgetmö, enñöreñök tosatñan töndup ni qahö möt narim ningiba malje.” Denike yeñon qahö möt narim wanñigeri aka dañon könañgep mamalolo mem wanñimawi, Jisösnöñ mi könakönahineyök möta korök. Mianñöra mewö jiyök.

<sup>65</sup> Mewö jiba toroqeba jiyök, “Mianñöra nöñon kewö jibi mötme: Nöñgö Iwinan ambazip kun qahö inahöm wanñiza ewö, yañon mönö nöñgöreñ kamamgö osima.”

<sup>66</sup> Keu mianñöra aka gwarek yeñgöreñök gwötpukñan poraiba ziriñziriñ aka mosöta yambuk qahö toroqeba anda kaget.

<sup>67</sup> Mianñöra Jisösnöñ gwarek 12 mianñöra kewö jiyök, “Inñini mönö mewöñanök nömosöta anbingö mötze me qahö?”

<sup>68</sup> \*Mewö jiiga Saimon Pitönöñ meleñnök, “O Kembu, nini mönö dagöreñ anbinak? Malmal köhöikñangö Buña keuñi mi mönö göhööreñ ahöza.

<sup>69</sup> Göñon Anutugöreñ azi sarakñi akzani, nini mi möt nariba möt asariba maljin.”

<sup>70</sup> Mewö meleñniga Jisösnöñ möta jiyök, “Nöñon azi 12 inñini möwölöhöm enñial aka enñgöreñök kunöñ mönö bölöñangö bohonñi akza.”

<sup>71</sup> Judas Saimon Iskariotkö nahönñi yañon gwarek 12 yeñgö sutñine mala könañgep mamalolo mem wanñiyök. Jisösnöñ keu mi yañgöra möta jiyök. Mewö.

## 7

*Jisösnöñ munurupñi yembuk keu eraum mötke.*

<sup>1</sup> Juda jitñememe yeñon Jisös qebingö kapan kölgerañgöra Judia prowins uruñe anda kamamgö tököyök. Mianñöra Judia mosöta Galili prowins uruñe anda liliköba maliga köiñ tosatñi teköyök.

<sup>2</sup> \*Mi teköiga Juda yeñgöreñ kendon kun qetñi koumkoum mianñö nalöñan töriyök.\*

<sup>3</sup> Mianñöra Jisösgö munurupñan kewö jiget mörök, “Gi kianñgöreñ mala anñöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma.

<sup>4</sup> Kunñan nanñak aukñe asuhumamgö mörakzawi, yañon yuai kun tölapñe qahö memakza. Anñöletot mewöñi memakzanangöra mönö ambazip kambuñi kambuñi yeñgö jeñine anda asuhuba könañamgi indelman.”

<sup>5</sup> Munurupñan qahö möt narim wanñiba tönpin malgerañgöra aka mewö lan jiget.

<sup>6</sup> Mewö jigetka kewö jii mötke, “Urugö nup aukñe memamgö nalöñan qahö kam kunñuiga maljalmö, enñö nalöñinan mönö sundan dop anmeañgö dop ahöza.

\* **6:68:** Mat 16.16; Mak 8.29; Luk 9.20 \* **7:2:** Lew 23.34; Dut 16.13 \* **7:2:** Juda yeñgöreñ yambu jeñi qeçe sösongai kendonñi mi yambu (yara) dop kewö alget: Wain nupñine anda ip sinñi memba koumkoum qeba mianñgöreñ ahöba wehön 8 söñgaiba kendon tata malget. Wehön kondikñe sösongai öñgöñgöñi alget. Mönöwök gölme qararankölkölñe yambu (yara) 40 mianñö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15



<sup>7</sup> Gölme ambazipnön kazik ak enjgibingö osimakzemö, nöñön yeñgö ahakmemeñini bölöñi indela nanğöba jibi mötzeanğöra mönö ni kazik ak niñgimakze.

<sup>8</sup> Anmamamgö nalönan mönö qahö kam kunğuza. Mianğöra nöñön sösöñgai kendon kianğöreñ qahö öñgömam. Nöñön mire tatpiga inini ölop endu anda öñgöba söñgaime.”

<sup>9</sup> Keu mewö jii mötketka Galili prowins uruñe toroqebe malök. Mewö.

*Jisösnöñ koumkoum sösöñgainöñ malök.*

<sup>10</sup> Jisösgö munurupñan koumkoum kendongöra angetmö, nanñak mire tata könanğep aukñe qahöpmö, tölapköba anda Jerusalem öñgöyök.

<sup>11</sup> Juda yeñgö jitñememurupñinan sösöñgai nalöñe Jisösgö jeñi jaruba qesiqesi aka kewö jiget, “Azi mi denike?”

<sup>12</sup> Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yanñön mönö ambazip kambu enololon ak enjiiga kahapmahap ahakze.”

<sup>13</sup> Mewö mewö lañ jigetmö, Juda jitñememe yeñgöra keñgötñini möta malgeranğöra kunñan yanğö keuñi aukñe qahö jiyök. Mewö.

*Jisösnöñ nanñi könañi ambazip kusum enjgiyök.*

<sup>14</sup> Kendon sösöñgai bibiñe malgetka Jisösnöñ jöwöwöl jike tohon uruñe öñgöba könahiba ambazip kusum enjgiyök.

<sup>15</sup> Kusum enjiiga Juda yeñön welipköba kewö jiget, “Azi ki mötmöt jake öñgöñgöñe qahö öñgöba töndup Buña Kimbigö könañi denöwö möt soroköza?” Mewö jiba welipköget.

<sup>16</sup> Welipkögetka kewö jii mötket, “Mötmöt Buña jimakzali, nöñön mianğö Tonji qahö akzal. Nanak qahöpmö, melaim niñgiyöhi, nöñön mönö yanğö mötmötñi memba kaba jimakzal.

<sup>17</sup> Ambazip kunñan Anutugö jitsihitñanğö dop aka memamgö mötzawi, yanñön mötmöt jibiga mianğö Tonji danñön akza, mi möt kutuma. Anutunöñ Buñañi nöñgö urune ali asuhuza me nani imbinanğö keu lañ jimakzal?

<sup>18</sup> “Kunñan nanñi imbiñe mötmöriba keu jimakzawi, yanñön nanñak qetbuñañambuk akñamgö mötza. Mewö mötzapmö, melaimelai azi kun tonñan qetbuñañambuk akñapköra kapan köljawi, yanñön mönö jitñememe ölbölñi geñmoñi qahö akza.

<sup>19</sup> Mosesnöñ Köna keu al enji mi ahöza me qahö? Mi ahözapmö, enğöreñök kunñan mi qahö tem köla wuatañgömakza. Inini mönö wuanöñgöra kapan köla ni nunğubingö mötmörize?”

<sup>20</sup> Mewö jii möta ambazip kambu yeñön kewö melenget, “Ömewörömenöñ mönö uruge geba kinja. Danñön kapan köla gi guhumamgö mötmöriza?”

<sup>21</sup> Mewö melengetka jii mötket, “Nöñön anğöletot mohot membiga inini körek pakpak auruba köñkuñ akze.

<sup>22</sup> \*Mosesnöñ silenjiñe Anutugö aiwesök yandibingöra jim kutum enjgiyöhi, o Mosesnöñ mi mutuk qahö jim kutuyökmö, ambösakonurupñinan mi könahiba memba malgetka silik mi neñgöreñ kaiga Sabat kendonöñ mewöyök azi silenjiñi yandimakze.

<sup>23</sup> \*“Nini Mosesgö Köna keu walöñnin siñgisöndok ahubapüköra köhöikñi mötzin. Mi mötzinmö, keu mi qetala Sabat kendonöñ mewöyök azi silenjiñi yandiba töndup nanñini qahö jim anğuba silebile malje. Mewö maljemö, nöñön azi jömukñi Sabat kendonöñ mem ölöwak wanğiali, mianğöra mönö wuanöñgöra mi yom jim niñgize?”

<sup>24</sup> Inini ambazip silenjiñi miyöhök eka mewö mianñön bahösöhamök kewöta keu lañ jim tekömakzei, mi mönö mosötme. Mi mosöta uruñini törörök möt kewöta keu ölnanök jim teköme.” Mewö.

*Jisösnöñ Amötqeqe Tonji akza me qahö?*

\* 7:22: Jen 17.10; Lew 12.3 \* 7:23: Jon 5.9

<sup>25</sup> Jerusalem tonji yeŋgöreŋök tosatŋan kewö jiget, “Azi kapan köla qebingö mötmörizei, yaŋön mönö mia me?”

<sup>26</sup> Eket, yaŋön ambazip jeŋine aukŋe keu jiiga qahö jim waŋgize. Mewögöra azi kianön Amötqeŋe Tonji Kraist akzawi, keu mi ölŋa galömkölköl azi yeŋgö kezapŋine geiga mötze me qahö?

<sup>27</sup> Amötqeŋe Tonji Kraistnöŋ kamapköra jiba kota malgeri, yaŋön ‘Denikeyök asuhumawi, mi kunöŋ kun qahö mötma,’ jizemö, azi kianön denikeyök asuhuyöhi, mi mönö ölöp mötzin.”

<sup>28</sup> Mewö eraum mötketka Jisösnöŋ jöwöwöl jikegö tohoŋ uruŋe kinda imbiŋi memba wahöta kusum eŋgiba keu kewö jiyök, “Inini nöŋgöra kewö jize, ‘Azi mi möt waŋgiba miriŋi denikegö mi ölöp mötzin.’ Nani kukösum qakŋe qahö asuhuba kinjal. Melaim niŋgiyöhi, yaŋön melaimelai Tonji ölŋi aiga i qahö möt kutum waŋgiba malje.

<sup>29</sup> Yaŋön melaim niŋgiiga yaŋgöreŋök eralaŋgöra i ölöp möt waŋgizal.”

<sup>30</sup> Mewö jiiga i memba jöhöbingö mötketmö, nalöŋan qahö kam kuŋguyöhaŋgöra aka kunŋan silene qahö meyök.

<sup>31</sup> Mewö mötketmö, ambazip kambu yeŋgöreŋök gwötpukŋan möt narim waŋgiba kewö jiget, “Kraistnöŋ kamawi, yaŋön mönö azi ki oŋgita aŋgöletot memba malma me denöwö? Mewö tandök akza.” Mewö.

*Jisös memba jöhömögöra nanŋu galöm melaim eŋgigetka kaget.*

<sup>32</sup> Ambazip kambu yeŋön Jisösgöra mewö goranora jiba jitrakölik akeri, mi Farisi (Köna keugö kapankölköl) yeŋön mötket. Mi möta jike nup galöm yembuk kinda nanŋu galöm (sikiriti) tosatŋi melaim eŋgigetka memba jöhöbingö kaget.

<sup>33</sup> Kagetka Jisösnöŋ kewö jiyök, “Nöŋön embuk nalö töröptökŋi toroqeba malmam. Mi malagun eŋgömosöta melaim niŋgiiga erali, mönö yaŋgöreŋ liliŋgöba öŋgömam.

<sup>34</sup> Öŋgöbiga göraim niŋgiba malmemö, ni qahö miwikŋaim niŋgime. Nöŋön miri malmami, inini mianŋöreŋ kabingö osime.”

<sup>35</sup> Mewö jiiga Juda jitrjememe yeŋön sutŋine kewö erauget, “‘Nini miwikŋaim waŋgibingö osibin,’ jiza. Mianŋöra mönö denikeaŋgöreŋ öŋgömamgöra jiza? Juda ambazip tosatŋan deŋda kantri tosatŋe anda Grik yeŋgö sutŋine maljei, mönö yeŋgöreŋ anda Grik ambazip kusum eŋgimamgö möta jiza me?”

<sup>36</sup> Keu kewö jiza, ‘Göraim niŋgiba malmemö, ni qahö miwikŋaim niŋgime,’ aka keu kun kewö jiza, ‘Nöŋön miri malmami, inini mianŋöreŋ kabingö osime.’ Keu yahöt mietkö könaŋiri denöwö?”

*Malmal köhöikŋaŋgö oŋan mönö jeŋi tohoba kaŋgotma.*

<sup>37</sup> \*Mewö eraugetmö, kendon söŋgaigeri, mianŋgö wehön qöndökŋi ketanŋi mianön kam kuŋguiga Jisösnöŋ kinda köhöikŋaŋgö qeta kewö jiyök, “Kunŋan ögöra kömuzawi, yaŋön mönö nöŋgöreŋ kaba nema.

<sup>38</sup> \*Buŋa Kimbigö keu kun kewö ohoget ahöza, ‘Kunŋan ni möt narim niŋgizawi, yaŋgö uruŋeyök malmal köhöikŋaŋgö oŋan mönö tohoba saksaköba kaŋgorakŋa.’ ”

<sup>39</sup> Mewö jiyökmö, keu mi Uŋa Töröŋaŋgöra aka kewö jiyök, “Denike eŋön ni möt narim niŋgizei, inini mönö Uŋa Töröŋi buŋa qem aŋguba malme.” Anutunöŋ Jisös gölmenöŋ malöhaŋgö dop Suepkö asakmararaŋi qahö al waŋgiiga malök. Mianŋöra Uŋa Töröŋi qahö melaiiga eta uruŋine geiga öne malget. Mewö.

*Ambazip sutŋine jujul ahui malget.*

<sup>40</sup> Jisösnöŋ mewö jiiga ambazip kambu yeŋgöreŋök tosatŋan keu mi möta kewö jiget, “Azi kianön mönö ölŋa kezapqetok azi asuhumapkö jigeri, mönö mia akza.”

\* 7:37: Lew 23.36 \* 7:38: Eze 47.1; Zek 14.8

<sup>41</sup> Tosatñan jiget, “Yañön Amötqeqe Tonji Kraist akza.” Mewö jigetmö, tosatñan qetala jiget, “Kraistnön mönö denöwö Galili prowinsnöhök kabawak? Mi qahö dop kölja.

<sup>42</sup> \*Buña Kimbinöñ kewö jiza, ‘Kiñ Deiwidnöñ Judia prowinsgö taon moröñi Betlehem mianğöreñ malöhi, Kraistnöñ mianğöreñök asuhuba Deiwidkö gwölönarökurupñi yengöreñök kunñan akña.’ ”

<sup>43</sup> Mewö mewö lañ jigetka ambazip kambu yeñön Jisösgöra aka jula denget.

<sup>44</sup> Yeñgöreñök tosatñan memba jöhöbingö mötketmö, kunñan silenje qahö meyök. Mewö.

*Juda galöm yeñön Jisös qahö möt narim wañgiget.*

<sup>45</sup> Jöwöwöl jikegö kiripo galöm (sikiriti) yeñön lilingöba jike nup galöm aka Farisi (Köna keugö kapañkölköl) yeñgöreñ kagetka kewö jim engiget, “Inini wuanöñgöra i qahö memba kaze?”

<sup>46</sup> Jim engigetka kewö melenget, “Azi mianñön keu jimakzawi, kunñan nalö kunöñ keu tandökñi mewöñi qahö jiyök.”

<sup>47</sup> Mewö melengetka Farisi (Köna keugö kapañkölköl) yeñön qesiba jim engiget, “Inini tok enjololon ak engii malje me?”

<sup>48</sup> Galömkölköl azi neñgöreñök kunñan mönö i qahö möt narim wañgiyök. Aka Farisi (Köna keugö kapañkölköl) neñgöreñök kunöñ kun uruñi yañgöreñ göröken melenök me qahö?

<sup>49</sup> Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu lañ jimakzei, yeñgöra muat! Anutunöñ mönö i qesuahöm engiiga ayuhume.”

<sup>50</sup> \*Mewö jim engigetka azi qetñi Nikodemus mutuk Jisösgöreñ kaiga qambañ wañgiyöhi, yañön mewöyök yeñgöreñök kun aka sutñine tata kewö jii mötket,

<sup>51</sup> “Azi kunöñ siñgisöndok ahöhi, mi qahö qesiinga jiiga möta töndup kewöringa dop kölja me qahö? Qahö kewöta keuñi öne jim teköbin ewö, mönö naninak Köna keunini qebin me? Mi qahö dop kölma.”

<sup>52</sup> Mewö jii möta kewö melen wañgiget, “Gi mewöyök Jisös ewö melen da Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buña Kimbi oyoñda könañi jaruba möt kutuman.”

<sup>53</sup> Mewö jitnakölik aka jula den da miriñine anget. Mewö.

## 8

*Ambi kunöñ serowilin aiga miwikñaiget.*

<sup>1</sup> Miriñine angetmö, Jisösnöñ anda Oil ip kunduje öngöyök.

<sup>2</sup> Öngöba ahöba miri gianjiiga söñanök kunbuk lilingöba jöwöwöl jikenöñ öngöiga ambazip kambu pakpak kaba liliköm wañgigetka eta tata kusum engiyök.

<sup>3</sup> Kusum engiiga Köna keugö böhi aka Farisi (Köna keugö kapañkölköl) yeñön ambi kun wañgita yañgöreñ kaget. Ambi mianñön sero yoñgorö ahiga mianğöra memba jöhögeri, mi wañgita kambu jeñine alget.

<sup>4</sup> Jeñine ala Jisösgöra jiget, “Böhi, ambi kianñön qesabulum ahiga mönö mianğöreñök miwikñaiba memba kazin.

<sup>5</sup> \*Mosesnöñ Köna keu ala mianğöreñ ambi mewöñi mi kötnöñ gila qeinga kömumapköra jim kutum neñgiyöha ahöza. Mewö ahözapmö, göñön yañgöra denöwö jiman?”

<sup>6</sup> Mewö jiba mianğöreñ möndöba Jisös keugö bötaknöñ öroi qaköiga qebingö könañi ahui keu jakeñe albingöra jiget. Mewö jigetka sipköba eta böröñan kulem kun gölmenöñ ohoyök.

\* **7:42:** 2 Sml 7.12; Mai 5.2    \* **7:50:** Jon 3.1-2    \* **8:5:** Lew 20.10; Dut 22.22-24

<sup>7</sup> Ohoyökmö, toroqeba kapañ köla qesim wanğigetka hök ala wahöta diñdiñi kinda kewö jii mötket, “Engörenök kunñan siñgisöndok kun qahö aka maljawi, yañön mönö ölop köt mutukñi memba gila qema.”

<sup>8</sup> Mewö jii mötketka kunbuk sipköba eta kulem kunbuk gölmenöñ ohoyök.

<sup>9</sup> Jisösnöñ keu jiyöhi, mianñon engömemba jöhöiga nanñini siñgisöndokñini gamuñambuk akeri, mi Anutunöñ kondeliga nanñini uruñinan nanğöba jiiga isikusukñini qahöwahök. Mianñon qahöwahiga keu göröñ kingetka bohonñinan mutuk engömosöta aniga yangö nemböñan andöñe aniga tosatñi mohot mohot yeñön mömölaköba körek an teköget. Qöndökñan aniga Jisösnöñ zoñ kuñguba tari ambinöñ nanñök yambuk kinök.

<sup>10</sup> Jisösnöñ hök ala wahöta diñdiñi kinda ambi eka kewö jii mörök, “Ambi, keu jakeñe al gihibingö jizei, yeñön mönö denike gi sök ni sök anjeje? Yeñörenök kunöñ kinda gi kömumangö keuñi qahö jim teköza me?”

<sup>11</sup> Jii möta melenñök, “O Kembu, kunöñ qahö jim teköm niñgiza!” Mewö melenñiga jii mörök, “Nöñön mewöyök gi qahö jim teköm gihizal. Gi mönö döлки könahiba siñgisöndok kunbuk kude aka malman.” Mewö.

*Gölme dop neñgö asaknini mi Jisös.*

<sup>12</sup> \*Jisösnöñ keu kunbuk suariba kewö jii mötket, “Nöñön ambazip gölmenñi gölmenñi tat anjei, engö asakñini akzal. Kunñan ni nuatangöba kamawi, yañön mönö söñaupnöñ jipjap qahö qeba malmappmö, malmal köhöikñañgö asakñi mianğö uruñe malma.”

<sup>13</sup> \*Mewö jiiga Farisi (Köna keugö kapañkölköl) yeñön kewö jiget mörök, “Nanganök könañamgi nanğöba jim asarimakzani, mianñon mi qahö dop köl köhöiza. Qahö!”

<sup>14</sup> Mewö jiget möta kewö jii mötket, “Nöñön denikeyök eta kayali aka denike anda öngömami, mi möt teközal. Mianğöra nanak könañamni nanğöba jim asarimakzali, keu mi mönö ölop dop köl köhöiza. Mi köhöizapmö, iñini nöñgö köñani mi ölña qahö möt kutuze.

<sup>15</sup> Eñön ambazip silenñini miyöhök eka mewö mianñon bahösapsap kewöt engiba keuñini lañ jim tekömakzemö, nöñön ambazip kungö keuñi qahö jim tekömakzal.

<sup>16</sup> “Ni nanök qahö maljalmö, Iwi melaim niñgiyöhi, yañön mönö nömbuk kini maljit. Mianğöra kungö keuñi jim teköbilenak ewö, mi mönö diñdiñanök kewöta dopñe jim teköbilenak.

<sup>17</sup> \*Yahötñan keu kun urumohot aka nanğöba jiyohotka dop köl köhöimakza. Keu mi engö Köna keuñine mewöyök ohoget ahöza.

<sup>18</sup> “Nöñön nani könañamni nanğöba jimakzal aka Iwi melaim niñgiyöhi, yañön mewöyök nöñgö könañamni nanğöba jimakza. Mianğöra yahöt akziga mianñon ölop dop köla köhöim teköza.”

<sup>19</sup> Jisösnöñ mewö jii möta kewö qesim wanğiget, “Göhö Iwigi mi denike malja?” Qesim wanğigetka melenñök, “Iñini ni aka Iwini netkö könañamniri qahö möta malje. Iñini nöñgö könañamni möt kutubeak ewö, mönö nöñgö Iwini mewöyök möt wanğibeak.”

<sup>20</sup> Jisösnöñ jöwöwöl jikegö naluk dum kösutñe kinda ambazip kusum engiba keu mi jiyök. Mi jiyökmö, nalöñan qahö kam kuñguyöhañgöra aka kunñan i qahö memba jöhöyök. Mewö.

*“Denike öngömami, iñini mianğöreñ öngöbingö osime.”*

<sup>21</sup> Jisösnöñ keu kun kewö toroqeba jii mötket, “Nöñön engömosöta anda malbiga iñini ni göraim niñgiba malme aka siñgisöndok akeri, mianğöreñ qekötahöba kinda kömum köhöime. Mianğöra denike öngömami, iñini mianğöreñ öngöbingö osime.”

<sup>22</sup> Juda jitñememe yeñön mi möta jiget, “Kewö jiza, ‘Denike öngömami, iñini mianğöreñ öngöbingö osime.’ Keu mi denöwö? Imbi aumamğöra jiza me?”



<sup>23</sup> Mewö jigetka jii mötket, “Inini gölme kiangö tonji aka maljemö, nöñön miri gölme euyangö bunjaya akzal. Enñön gölmenöñ ahuba gölme kiangö bunjaya aka maljemö, nöñön mutuhök gölme kiangöreñ qahö ahuyal.

<sup>24</sup> Qahö ahuba malmalgö könañi nalö dop mala korali, nöñön mönö mia akzal. Nöñgöra mewö qahö möt narize ewö, mönö singisöndok akeri, mi qahö mosötpiga miangöreñ qekötahöba kinda kömum köhöime. Könañi miangöra aka kewö jibi mötze, ‘Inini singisöndok akeri, mönö miangöreñ qekötahöba kinda kömum köhöime’. Keu mi ölna.”

<sup>25</sup> Keu mi möta kewö qesim wangiget, “Gi mönö ninja akzan?” Qesim wangigetka melenök, “Könañamni lök indelbiga mötzei, nöñön mönö mia akzal.

<sup>26</sup> Nöñön engöra keu gwötpuk ölop toroqeba jibileñak aka singisöndok gwötpuk akeri, miangö keuñi ölop jim teköbilenjakmö, melaim niñgiyöhi, yanñön mönö nöñgö melaimelai Toni ölni akza. Yanñön keu jiiga yangöreñök möta kota maljali, nöñön mönö keu mi aukne jibiga gölmeñi gölmeñi yeñön mörakne.”

<sup>27</sup> Mewö melenökmö, Iwigöra keu suariba jiyöhi, yeñön mi qahö möt asariget.

<sup>28</sup> Jisösnöñ toroqeba kewö jii mötket, “Nöñön malmalgö könañi nalö dop mala korali, mönö mia akzal. Miangö könañi mi könañep ölop möt asarime. Nöñön yuai kun nani ösumnan me nani imbinangö dop qahö ahakzalmö, Iwinan keu kusum niñgiba malöhi, mönö miangö dop keu jitni ki jimakzal. Keu kötni yahöt miangö könañi mi könañep möt asarime. Inini Sup gölmegö Azi Ölni kösökögetka eu öngöba kömumawi, nalö miangöreñ mi ölop möt asarime.

<sup>29</sup> Melaim niñgiyöhi, yanñön mönö nömbuk kini maljit. Ahakmeme möri dop köl wangimakzawi, nöñön mönö sundan mia ahakzal. Miangöra yanñön qahö nömosoriga nanök qahö maljal.”

<sup>30</sup> Keu mewö jiyöhanğöra aka ambazip gwötpukñan uruñini melenđa Jisös möt narim wangiget. Mewö.

*Abrahamgö gwölönarökurup munenji aka Jisös.*

<sup>31</sup> Jisösnöñ Juda ambazip tosatñan möt narim wangigeri, yeñgöra keu kewö jii mötket, “Nöñgö Buña keunan uruñine geiga miangöreñ qekötahöba kinje ewö, mönö ölna nöñgö gwarekurupni akze.

<sup>32</sup> Mewö mala keu ölnangö könañi möt kutugetka Buña keu ölnan inini bölöñangö kösönöhök pösat enjiiga solanñi (fri) aka malme.”

<sup>33</sup> \*Mewö jii möta melenđa kewö jiget, “Nini Abrahamgö gwölönarökurupñi mala könagesö walñi akzin. Mewögöra azi kunöñ kösö gwarö mem neñgiiga maljinangö jizani, mi qahö. Nini mönö nalö kunöñ etqeçenji mewö qahö aka malin. Aiga gi denöwögöra aka kewö jizan, ‘Kösönöhök pösat enjiiga solanñi aka malme?’ Keu mi qahö dop kölja.”

<sup>34</sup> Mewö jigetka kewö melen enjiyök, “Nöñön keu öl töhöñni kun kewö jibi mötket: Singisöndok akzei, körek yeñön singisöndokö welenqeçe omanji töwa qahö aketka miangö kösöñan köpeim enjimakza.

<sup>35</sup> Köpeim enjimakzapmö, welenqeçenöñ tonangö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

<sup>36</sup> “Nahönñan bölöñangö kösönöhök pösat enjiiga solanime ewö, enñön mönö ölna kösö gwarö qahö solanñi (fri) aka malme.

<sup>37</sup> Inini Abrahamgö gwölönarökurupñi maljei, mötzalmö, bölöñan uruñini gwözönjawangöra nöñgö Buña keunan mösösönihim enjiba kondondongöba erakza. Könañi miangöra mönö kapan köla ni nunğubingö mötze.

<sup>38</sup> Nöñön Iwinangö qöhöröñe mala yuai eka mala korali, miangö keuñi jimakzal. Enñön mewöyök iwininan keu jii mötkeri, miangö dop ahakze.”

\* 8:33: Mat 3.9; Luk 3.8

<sup>39</sup> Jisösnöñ mewö melenj enjiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Inini Abrahamgö gwölönarökurupñi akeak ewö, mönö yanğö ahakmemeni wuatangögetka dop kölbawak.

<sup>40</sup> Mianğö tandökñi kewö akza: Nöñön Anutugö jitneyök keu möta mianğö dop keu ölbölñi mi jibi mörakze. Nalö kewöñe inini kapan köla azi ni nuñgubingö mötzemö, Abrahamnöñ mewö qahö ahök.

<sup>41</sup> Nanñini iwiurupñinanğö ahakmeme miyök wuatangöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak nengiza.” Mewö.

*“Bölöñi Tonangö buñaya akze,” jiyök.*

<sup>42</sup> Jisösnöñ kewö jii mötket, “Anutunöñ nanñak iwi ak engibawak ewö, nöñön yanğöreñök eta asuhuyalañğöra mönö ölop ni uru jöpaköm niñgibeak. Nani ösumnöñ nam köliga qahö asuhuyalmö, Anutunöñ melaime niñgiiga eta maljal.

<sup>43</sup> Keu jimakzali, mi wuanöñğöra möt asaribingö lömbörimakze? Nöñgö keunan uruñini undenjawañğöra mi möt kutubingö olan qeba zikzik tökömakze. Mewögöra mi möt asaribingö osimakze?

<sup>44</sup> “Mönö iwiñini Bölöñi Tonangö buñaya akze. Sihim kömbönañinan mönö iwiñinanğö sihimñi bölöñi wuatangöbingöra ahöza. Yanñön könakönahineyök ambazip enjuget kömukömu azia aka kota malja. Keu ölnan uruñe qahö kinjawañğöra aka keu ölni onğita lolonqalolon kinja. Munen jiji azia aka munen jijigö iwiñi akzawañğöra munen jimakzawi, mi mönö nanñi uruñanğöra jimakza.

<sup>45</sup> “Yanñön munen jimakzapmö, nöñön keu ölni jimakzal aigun inini ni qahö möt narim niñgimakze.

<sup>46</sup> Inini körekñan nöñgö könani kewö kondelbingö osize: Yanñön siñgisöndok aka keuñambuk malja. Könañamni mewö jaruzemö, nöñön keu ölni jimakzali, mi mönö wuanöñğöra qahö möt narim niñgize?

<sup>47</sup> “Kunñan Anutugö buña akzawi, yanñön mönö Anutugöreñ keu kezap ala mörakza. Inini Anutugö buña qahö akzeañğöra aka keu mi qahö möta möt asarimakze.” Mewö.

*Jisösnöñ nanñanğöra denöwö jim miwikñaiyök?*

<sup>48</sup> Jisösnöñ Juda ambazip yeñgö könani indeliga likepñi melenđa kewö jiget mörök, “Gi Samaria prowinsgö lolonqalon azia aknöñga ömewörömenöñ uruge geiga maljan. Mewö jiba dopñe jizin me qahöwi, mi ölop nangak jinöñ mörin.”

<sup>49</sup> Mewö möta kewö melenñök, “Ömenöñ urune qahö geiga maljal. Ni Iwinanök göda qem wañgiba maljal aigun töndup enñon gamu qem niñgimakze.

<sup>50</sup> Mewö ahakzemö, nanak qetbuñanambuk akñamgö jaram qahö timakzal. Mohot kunñan mewö akñamgö bimñi qeba malja. Azi yanñön mohot kewöt niñgiba ‘Dop köljan,’ jiba jim teköm niñgimakza.

<sup>51</sup> Nöñön keu öl töhöññi kun kewö jibi mötket: Kunñan nöñgö Buña keuni tem köla wuatangömakzawi, yanñön mönö nalö kunöñ kömup köhöikñanğö buñaya qahö akña.”

<sup>52</sup> Mewö melenñiga Juda jiteñememe yeñön Jisös kewö jiget mörök, “Abraham aka kezapgetok ambazip yeñön kömuget aigun göñön töndup kewö jinöñga siksauk akza, ‘Kunñan nöñgö Buña keuni tem köla wuatangömakzawi, yanñön nalö kunöñ kömup köhöikñanğö buñaya qahö akña.’ Mewö jizanañğöra gi öme kunöñ uruge geiga maljan. Mi döлки ölop möt asarizin.

<sup>53</sup> Neñgö bömönini Abraham kömuyöhi, göñön mönö i onğita yanğö ketañamñi akzan me? Kezapgetok yeñön mewöyök kömuget. Gi nangahöra mötnöñ öngöiga ‘Ketañi ninja akzal?’ jiba mötzan?”

<sup>54</sup> Mewö jiget möta kewö melenñök, “Nanañğöra mötpi öngöiga Anutugö aködamunñi mi nana buña qem anğubilenjak ewö, qetbuñani mi mönö nesak akawak. Iwinan nanñi

aködamunni niŋgiyöhaŋgöra aka qetbuŋanambuk aka maljal. Eŋön yaŋgöra ‘Nenö bem Anutunini akza,’ jize.

<sup>55</sup> Eŋön könaŋi mi ölop qahö möt kutumakzemö, nöŋön i ölop möt waŋgizal. ‘I qahö möt waŋgizal,’ jibileŋak ewö, mönö inini ewö tilipqilip azi akileŋak. Ni azi mewöŋi qahö akzalmö, i ölop möt waŋgizal aka yaŋgö keuŋi tem kölakzal.

<sup>56</sup> Eŋö bömönni Abrahamnöŋ ni gölmenöŋ eta malmamgöra mamböta nalö mi ekŋamgöra uru sösoŋgai aka malök. Nalö kewöŋe Suepnöŋ mal köhöiiga nöŋön asuhubiga nöŋgö nalöni eka miangöra söŋgaiyök.”

<sup>57</sup> Mewö meleniga Juda jitnememe yeŋön kewö jiget mörök, “Yambugi (yara) 50 qahö oŋgita miangö bapŋe maljan aka ‘Abraham ehal,’ jinöŋga qahö dop kölja.”

<sup>58</sup> Mi möta jii mötket, “Nöŋön keu öl töhöŋi kun kewö jibi mötket: Abrahamnöŋ qahö asuhuiga nöŋön lök nalö miangöreŋ malal.”

<sup>59</sup> Mewö jii möta kötnöŋ gila qebingöra köt umburaŋgöba megetmö, Jisösnöŋ tölapköba jöwöwöl jikegö tohoŋi mosöta ölöŋ köla anök. Mewö.

## 9

### *Jisösnöŋ jegömöl azi kun mem ölöwahök.*

<sup>1</sup> Jisösnöŋ toroqeba köna anda azi kun nam körö uruŋeyök jegömöl asuhuyöhi, mi ehök.

<sup>2</sup> Mi ehiga gwarekurupŋan qesim waŋgiba jiget, “Ketaŋamnini, yaŋön mönö dagö siŋgisöndököra aka jegömöl mewöŋi asuhuyök? Nanŋi siŋgisöndököra me iwinamŋi yetkö siŋgisöndököra?”

<sup>3</sup> Jigetka kewö melenök, “Nanŋak siŋgisöndök kun qahö ahök aiga iwinamŋan siŋgisöndök qahö ahotmö, Anutugö kukösumŋan yaŋgö malmalŋe aukŋe asuhumapköra mewö ahuyök.

<sup>4</sup> Wehöŋöŋ asariba ahözawaŋgöreŋ mönö melaim niŋgiyöhaŋgö nuwa töp memba malbin. Sungem akŋawi, miangöreŋ körek nup mbingö osibin.

<sup>5</sup> \*Nöŋön gölmenöŋ malmamaŋgö dop gölmeŋi gölmeŋi eŋgö asakŋini aka asariba malmam.”

<sup>6</sup> Mewö jiba gölmenöŋ söutköi geiga gwakötak melenäda jegömöl azigö jeŋe timbilyök.

<sup>7</sup> Timbiliba kewö jim kutuyök, “Gi mönö Siloam o aŋgönöŋ anda jegi saŋgoŋman.” (Siloam qet mi nanine keunöŋ Melaimelai azi.) Mewö jim kutuiga anda jeŋi saŋgoŋni tohoiga ui asariiga lilingöba miriŋe kayök.

<sup>8</sup> Mewö kaiga alaurupŋan kösutŋe malgeri aka tosatŋan mutuk nene yuaigöra ulet eŋgiba mali ekeri, yeŋön i eka jiget, “Jegömöl azi nenegö uleta tata malöhi, yaŋön azi mia me?”

<sup>9</sup> Tosatŋan jiget, “Yaŋön mönö mia.” Tosatŋan jiget, “Qahö, kaisoŋgolomŋi i ewö akzapmö, yaŋön qahö.” Mewö mewö jigetka nanŋak jiyök, “Nöŋön mönö ia akzal.”

<sup>10</sup> Mewö jiiga kewö qesiget, “Jegi mönö denöwö aknöŋga tohoza?”

<sup>11</sup> Qesigetka kewö melen eŋgiyök, “Azi qetŋi Jisös qerakzei, yaŋön söutköi gwakötaknöŋ geiga melenäda jeŋe timbiliba jim kutuba kewö jiyök, ‘Gi mönö Siloam o aŋgönöŋ anda jegi saŋgoŋman.’ Mewö jiiga o miangöreŋ anda jeŋi saŋgoŋbi tohoiga ubi asariyök.”

<sup>12</sup> Mewö melen eŋgiiga kewö qesiget, “Azi mi denike malja?” Qesim waŋgigetka “Qahö mötzal,” jiyök. Mewö.

### *Farisi yeŋön jeŋi tohoyöhaŋgöra qequesi alget.*

<sup>13</sup> Azi jegömöl malöhi, yaŋön “Qahö mötzal,” jiiga ambazipnöŋ i waŋgita Farisi (Köna keugö kapaŋkölköl) yeŋgöreŋ anget.

<sup>14</sup> Jisösnöŋ söutŋan gwakötakupuk melenäda jeŋe timbiliba metohoyöhi, mi mönö Sabat kendon nalöŋe meyök.

\* 9:5: Mat 5.14; Jon 8.12

15 Mianğöra Farisi yeñon mewöyök kewö qesim wañgiget, “Jegi mönö denöwö aknõnga tohoza?” Qesim wañgigetka kewö melenj engiyök, “Azi mianñon mönö söutñan gwakõtakupuk melenja jene timbiliiga anda jemesoholni sanğonda jeni ubi asariza.”

16 Mewö melenj engiiga Farisi yeñgöreñök tosatñan jiget, “Azi mianñon Sabat kendon köteközawi, mianğöra mönö Anutugöreñ azia qahö akza.” Tosatñan jiget, “Mewö qahö! Azi gongonji kunñan mönö denöwö aka anğöletot mewöñi memangö köhöibawak?” Mewö mewö jiba nanñini jula denget.

17 Mewö dengetka jegömöl azi mianğöreñ kunbuk lilingöba jiget, “Jegi metohoyöhi, yañğöra mönö denöwö jiman?” Mewö jigetka “Kezapqetok azia akza,” jiyök.

18 Mewö jiiga jeni ölña gömöliyöha tohoiga uyöhi, Juda jitnememe yeñon mi qahö möt nariget. Qahö möt nariba uruyahöt kinda iwinamñi öröm etkigetka kayohot.

19 Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeni uba ekza?”

20 Qesim etkigetka kewö melenjohot, “Azi ki netkö nahönira akza aka jegömöla asuhuyök, mi ölop mötzit.

21 Mewö mötzitmö, denöwö aka dölki jeni uba ekzawi, mi qahö mötzit. Dañon jeni metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutuñambuk akza. Mianğöra mönö nanñanğö qesigetka könani ölop jima.”

22 Juda jitnememe yeñğöra keñgötñiri möta mewö jiyohot. Yeñon sutñine keu kewö jöhöba urumohot aka kinget, “Kunñan Jisös Amötqeqe Tonji Kraist akzawi, mewö jim miwikñaima ewö, i mönö köuluk miri kambunöhök közöl wañgibin.”

23 Keu mianğöra aka kewö jiyohot, “Gömokñi qahö, lök qariza. Mianğöra mönö nanñi qesim wañgime.”

24 Mianğöra azi jegömöl malöhi, mi kunbuk öröget kaiga kewö jiget mörök, “Azi mi siñgisöndok azia akza, mi mötzin. Mianğöra mönö Anutugö qetbuñani möpöseinõnga aködamunñambuk ahi dop kölma.”

25 Mi möta kewö melenjök, “Siñgisöndok azia akza me qahö, nõñon mi qahö mötzal. Mohot kewöyök mötzal: Nõñon jegömöl malalmö, dölkwöñe kunbuk ölop uba ekzal.”

26 Mewö melenjniga kewö qesim wañgiget, “Wani yuaia ak gihiza? Jegi mönö denöwö metohoz?”

27 Qesim wañgigetka kewö melenj engiyök, “Nõñon lök melenj engizalmö, eñon keu jizali, mi qahö mötze. Wuanõñğöra mi kosikñi kunbuk jibi mötpingö kapan kölje? Eñon mönö mewöyök yañğö gwarekurupñi akingö mötze me?”

28 Mewö melenj engiiga mepaqepaik aka uruqeqe keu töhöreñ kewö jim wañgiget, “Gi mönö yañğö gwarekña akzanmö, neñon Mosesgö gwarekurupña maljin.

29 Anutunõñ Mosesya Buña keu wañgii mötzinmö, azi mianñon mönö igen me waigenök asuhuyöhi, mi qahö mötzin.”

30 Mewö jigetka keu kewö jii mötket, “Yañon denikeyök asuhuyöhi, inini mianğöra tok kök qeba tönpin akzeañğöra mi welipközal. Ölña welipközalmö, töndup nõngö jeni metohoiga ölop uba ekzal.

31 Ambazip gongonji yeñon Anutu köulukögetka qahö möt engimakza, mi mötzin. Mi mötzinmö, kunñan Anutu göda qem wañgiba diñgiba keu jitñi tem köla wuatañğömakzawi, yañğö köulukñi mönö kezap ala mörakza.

32 Kun jegömöl asuhuiga kunõñ kaba jeni metohoyöhi, kösohot mewöñi mi mutuhök qahö möta malin. Suep gölmenõñ asuhuyohot, nalö mianğöreñök könahiba kota mala merak mianğöreñ kösohot mewöñi kun qahö mörin.

33 Anutugöreñök qahö kabawak ewö, yañon mönö yuai mewöñi memangö osibawak.”

34 Mewö jii möta kewö jim wañgiget, “Iwinamgan siñgisöndokpak gölöm alohotka siñgisöndok pakpak miambuk ahuba qarinoñañon merak ninia kusum neñgimangö mötzan. Mi qahö dop kölja.” Mewö jim wañgiba közölgetka gumnõñ erök. Mewö.



*Urujenöŋ gömöliiga iliŋgösöŋ jipjap malmal.*

<sup>35</sup> Közölgetka gumnöŋ eröhi, keu mianöŋ Jisösgö kezapŋe gei möta azi mi miwikŋaiba kewö jii mörök, “Gi Anutugö Nahönŋi möt narim waŋgizan me qahö?”

<sup>36</sup> Mi möta kewö qesiba melenök, “O Ketanŋamni, azi mi danöŋ? Mi jinöŋ mötagun i ölop möt narim waŋgimam.”

<sup>37</sup> Melenŋiga kewö jim kutum waŋgiyök, “Gi kewö uba neknöŋ. Göbuk keu jizali, azi mia mönö nöŋön akzal.”

<sup>38</sup> Mi möta jiyök, “O Kambu, ni möt narim gihizal.” Mewö jiba sipköba köuluköm waŋgiyök.

<sup>39</sup> Jisösnöŋ jiyök, “Nöŋön ambazip kewöta keuŋini jim tekömamgöra aka eta gölmenöŋ asuhuyal. Nöŋgöra aka tosatŋan jegömöl akzei, yeŋgö jeŋini tohoiga ölop uba ek kutume. Tosatŋi jeŋini ölopŋi maljei, yeŋön nöŋgöra aka bau jegömöl aka malme.”

<sup>40</sup> Mewö jüiga Farisi tosatŋan kösutŋe miangöreŋ kinda keu mi möta kewö qesiget, “Wae! Nini tok jegömöl azia akzin me? Neŋgöra jizan me?”

<sup>41</sup> Mewö qesigetka kewö jii mötket, “Inŋini ‘Jegömöl akzin,’ jibeak ewö, mönö siŋgisöndok qahö ahöm enŋibawakmö, nalö kewöŋe ‘Ölop ek kutuzin,’ mewö jimakzeanŋöra aka siŋgisöndokŋinan mönö ahöm köhöim enŋima.” Mewö.

## 10

*Lama aka galömŋini ölopŋi.*

<sup>1</sup> Jisösnöŋ galöm meme keu kewö jiyök, “Nöŋön keu öl töhöŋŋi kun kewö jibi mötket: Tosatŋan lama tohoŋ uruŋe öŋgöbingöra naŋgunöhök qahöpmö, sel walöŋda gezei, yeŋön mönö kegwek aka yoŋgorö meme ambazip akze.

<sup>2</sup> Kunŋan naŋgunöŋ gezawi, yaŋön lama miengö galömŋina akza.

<sup>3</sup> Yaŋön kaŋgoriga naŋgu galömŋan eka naŋgu öröm waŋgiiga eta qeriga lama yeŋön keu jölŋi ölop möt kutumakze. Galömŋinan nanŋi lamaurupŋi enŋohola qetŋini qeta enŋuanŋiriga tohoŋini mosöta ölop yaigepŋe anakze.

<sup>4</sup> “Nanŋi lamaurupŋi pakpak enŋuanŋiriga tohoŋini mosöta yaigepŋe angetka yaŋön jitŋememeŋini aka mutuk aniga keu jölŋi möt kutuzeanŋöra andöŋe wuatangöba anakze.

<sup>5</sup> Nanŋini galömŋini ölop wuatangömakzemö, kian kunŋan kaiga i qahöpmahöp wuatangöme. Kian yeŋgö keu jölŋini qahö möt kutuzeanŋöra mönö ziriŋziriŋ aka yaŋgöra kök ala deŋme.”

<sup>6</sup> Jisösnöŋ keu tölapŋi mi jii mötketmö, keuŋanŋö könaŋi qahö möt asariba köŋkuŋ qeget. Mewö.

*Jisösnöŋ lama galöm ölopŋi akza.*

<sup>7</sup> Köŋkuŋ qegetka toroqeba enŋöra kewö jiyök, “Nöŋön keu öl töhöŋŋi kun kewö jibi mötket: Nöŋön lama tohoŋgö naŋguŋi akzal.

<sup>8</sup> Nöŋgö andöne kambu galöm pakpak mutuk kageri, yeŋön kegwek aka yoŋgorö meme ambaziwa aket. Mewö akeranŋöra lama yeŋön i qahö möt kutum enŋiba malget.

<sup>9</sup> “Nöŋön mohot lama tohoŋgö naŋguŋi akzal. Denike enöŋ Anutubuk köhöiba malbingö jiba nömbuk qekötahöba maljei, nöŋön mönö amöt qem enŋibiga letotme. Mewö aka lama tohoŋ uruŋe öŋgöba eta yaigep anda nene gölmeŋi möriamŋambuk miwikŋaimakŋe.

<sup>10</sup> Yoŋgorö meme yeŋön wuanöŋgöra kamakze? Yeŋön yoŋgorö memba neŋguba ayuhum neŋgibingöra kamakze. Yuai murutŋi akingöra qahö. Nöŋön mewö qahö akzal. Nöŋön inŋini malmal köhöikŋi miwikŋaiba oyaenŋoyaenŋ aka malmegöra kaba maljal.

<sup>11</sup> “Nöŋön lama galöm ölopŋi akzal. Lama galöm ölopŋan mönö lamaurupŋi yeŋgöra aka malmalŋi köleŋda enŋima.

12 Kunjan lama toni qahö aka bohon memegörök kaba lañ galöm köl engimakzawi, mi kewö: Kiam kaljan kaiga eka lamaurup engömosöta unjurata aniga kiam kaljan lama engöhöba kiom enguba mendenj engima.

13 Yanön yaigewök kaba bohon memegörök 'Lama galöm köl engimam,' mi jitnöñ jiba lama engöra waimanjat qahö möta nesampurek qakñe mala lañ unjurata anma.

14-15\* "Nöñön lama galöm ölopñi akzal. Iwinan ni möt niñgiiga nöñön Iwini möt wanğiba maljal. Mianğö dop nöñön nani lamaurupni möt engibiga yeñön ni möt niñgimakze. Nöñön malmalni lamaurupni engöra aka köleñda mosötmam.

16 Nöñgöreñ lama kambu tosatñi mi mewöyök ahuba malme. Yeñön lama tohoñ kianğö toni qahö maljemö, töndup nöñgö keu jölni mörakñe. Nöñön i mewöyök enguanğitpiga mianğö dop anda kamakñe. Könañgep kambuñi kambuñi mienñön mindiriba kambu mohot aketka galöm mohotjan galöm köl enğiiga malme.

17 "Iwinöñ kewögöra aka ni urunöñ jöpaköm niñgimakza: Nöñön malmalni mosöta kunbuk guliba mal öngömam. Mi Iwigö jeñe dop kölja.

18 Malmalni kunjan qahö noanğitmapmö, mi nanak köleñda mosötmam. Iwinan jim kutum niñgiiga nanak malmalni köleñda mosötmam aka mianğö andöñe kunbuk guliba mal öngömam. Kukösum mewöñi mi nöñgöreñ ahöza."

19 Jisösnöñ keu mi jiyöhanğöra aka Juda jitñememe yeñgö sutñine goranora kunbuk asuhuyök.

20 Yeñgöreñök gwötpukjan kewö jiget, "Ömewörömenöñ uruñe geyöhawa mala kahapmahap akza. Mönö wuanöngöra keuñi mötpinak? Muat mosötpin."

21 Tosatjan jiget, "Keu mewöñi mi kölköljinjin azigö keu ewö qahö. Ömewörömenöñ mönö jegömöl ambazip yeñgö jeñini denöwö metohobawak?" Mewö erauget.

### *Juda jitñememe yeñön Jisös andö qeget.*

22 Mönöwök jöwöwöl jike köl köñjörata nanğunji öröget. Mi yambu (yara) dop mötmöriba kendongö söñgaibingöra\* Jerusalem tokoget. Nalö mianñön kam kuñguiga kömunjan kie uru nalö amötñi ahök.

23 Jisösnöñ jöwöwöl jikegö tohoñ uruñe kiñ Solomongö sombem söranğambuk qetkeri, mianğöreñ anda liliköyök.

24 Anda liliköiga Juda jitñememe yeñön kaba liliköm wanğiba kewö qesim wanğiget, "Könañamgi köyatinöñga mönö nalö dawik toroqeba mambötpingö mötzan? Gi Amötqeqe Tonj akzan me qahö, mi mönö aukñe jinöñga mötpin."

25 Mewö jim qesim wanğigetka kewö melenj enğiyök, "Nöñön lök jibiga mötketmö, inini nöñgö keuni mi qahö möt narize. Nöñön Iwinanğö qetñe anğöletot ahakzali, mianñön mönö könañamni indela nanğöba kondelakze.

26 Mi nanğöba kondelakzemö, inini nöñgö lama kambu uruñe qahö maljeanğöra aka keuni qahö möt narimakze.

27 "Nöñön mönö lamaurupni möt engibiga yeñön mewöyök nöñgö keu jölni möta ni nuatanğömakze.

28 Nöñön malmal köhöikñi engibiga letota nalö kunöñ qahö kötökñi ayuhume. Kunjan kun i nöñgö böröneyök qahö öröba köndenj engima.

29 Nöñgö Iwinan i nöñgö böröne al enğiyöhi, yanön körek enğonğita öngöñgöñi ketanji akza. Mianğöra körekjan i nöñgö Iwinanğö böröneyök öröba köndenj enğibingö osime.

30 Ni aka Iwi netkön mönö mohot aka maljit."

31 Jisösnöñ mewö jiiga Juda jitñememe yeñön kunbuk gölmenöhök köt umburanğöba memba mianñön gila qebingö aket.

\* 10:14-15: Mat 11.27; Luk 10.22 \* 10:22: Kendon qetñi Hanuka mi Disemba 25 könahiba wehön 8 mianğö dop tata söñgaiget. Miri pakpak kiwa ohotiriget asariiga ip sinji tokoba linjet köla sösongai aket.

<sup>32</sup> Mewö aketmö, kewö jim enġiyök, “Iwinöñ nam köl niñgiiga aņġöletot ketañi gwötpuk aka membiga ekeri, mienġörenġök mönö wania kun mötmöriba ni kötnöñ gila nuñġubingö mötze?”

<sup>33</sup> \*Jim enġiiga Juda yeñön melenġa jiget, “Neñön aņġöletot ketañi aknöñañġöra aka qahö kötnöñ gila guhubingö akzinmö, Anutu mepaqepaik ak waņġizanañġö likepñi ak gihibin. Gi gölme azia aigun silegi öne mem öñġöba Anutu tandök akñamġö jizan.”

<sup>34</sup> \*Mewö jigetka Jisösnöñ melenġ enġiyök, “Buña Kimbinöñ Köna keu kun kewö ohoget ahöza, ‘Anutu nöñön jial: Inini mönö nöñġö bemurupni akze.’

<sup>35</sup> Buña Kimbigö keu mi mönö pömsöm qahö qemapmö, pöwöwöm ahöma. Mianġöra Anutunöñ keuñi ali kaba ambazip buñañina ahöhi, Anutunöñ yeñġö qetñini ‘bemurup’ mewö qet enġiyök.

<sup>36</sup> Ambazip omanñi mewö qet enġiyökmö, Iwinöñ azi mem sarahiba melaiiġa gölmenöñ eröhi, eñön mönö denöwö aka yaņġöra kewö jize, ‘Gi Anutu mepaqepaik ak waņġiba maljan.’ Nöñön ‘Anutugö nahönñi akzal,’ keu mewö jibiga eñön mönö wuanöñġöra mi mötket qahö dop kölja? Inini Anutugörenġ Buña keu mi qeze me?

<sup>37</sup> “Nup memakzali, mi eketka Iwinañġö ahakmemegö dop qahö ahakza ewö, mönö kude möt narim niñgime.

<sup>38</sup> Iwinañġö ahakmemegö dop aka memba maljal ewö, könañamni mewö eka mönö möt narim niñgime. Mi keunañġöra aka qahö möt naribeak ewö, mönö aņġöletotnañġöra aka töndup möt narim niñgime. Iwinöñ nömbuk qekötahöba kinja aka nöñön Iwibuk qekötahöba kinjali, inini mianġö könañi möt sölöñġöba asarimeġöra jizal.”

<sup>39</sup> Jisösnöñ mewö jiġa kunbuk memba jöhöbingö mötketmö, böro bapñineyök unjurata eta anök.

<sup>40</sup> \*Enġömosöta Jordan o töwatñi kutuba kunbuk likepñe anda Jonöñ mutuk o melun mem enġiba malöhi, mianġörenġ aņġota nalö tosatñi toroqeba mianġörenġ malök.

<sup>41</sup> Mianġörenġ maliga ambazip gwötpukñan yaņġörenġ kaņġota eka kewö jiget, “Jonöñ aņġöletot mohot kun qahö meyökmö, keu pakpak azi kianġöra jiyöhi, mi mönö keu ölña jiba malök.”

<sup>42</sup> Kaņġotkeri, yeñġörenġök gwötpukñan uruñini melenġa möt narim waņġiget. Mewö.

## 11

### *Jisösgö alañi Lazarusnöñ kömuyök.*

<sup>1</sup> \*Betani taongö azi kun qetñi Lazarus mianġön kawöl yöhöi ahöyök. Maria aka Marta darumun yetköñ Betani taon mianġörenġök malohot.

<sup>2</sup> \*Maria mianġön Kembu o köhöwakñambuknöñ miriba nöroöp juññan könañi kereñ meyök. Lazarus kawöl yöhöi ahöyöhi, mi yaņġö nenña.

<sup>3</sup> Lazarusnöñ kawöl yöhöi ahöiġa nenyahötñan buzup keu kewö alohotka Jisösgörenġ anök, “Kembu mötnöñ, alagi yaņġö ak gihimakzawi, yañön mönö kawöl yöhöi ahöza.”

<sup>4</sup> Buzup mi anökmö, Jisösnöñ mi möta kewö jiyök, “Kawöl mianġön azi alani kömumapköra aka qahö asuhum waņġii ahöza. Mianġöra qahöpmö, Anutugö Nahönñan i mem ölöwaka mianġöra Suepkö aködamunñambuk aiga ambazipnöñ könañi mi ek kutuba Anutu möpöseigetka qetbuñañan asarim sehima. Kawöl mi mianġöra aka asuhum waņġiyök.”

<sup>5</sup> Jisösnöñ Marta, yaņġö munñi aka nenñiri Lazarus yeñġöra ak waņġiġa malök.

<sup>6</sup> Mewö malökmö, töndup kawölñañġö buzupñi möta miri malöhi, mianġörenġök sömañ yahöt toroqeba malök.

<sup>7</sup> Mi mali nalö mi teköiġa gwarekurupñi yeñġöra kewö jii mötket, “Nini mönö Judia prowinsnöñ liliñġöba anbin!”

8 Mewö jiiga melenget, “Ketanamnini, Juda yeñon uruwale kapan köla kötnöñ gila guhubingö mötket. Mianğöra kunbuk Judia lilingöba anmangö jizani, mi qahö dop kölja.”

9 Mewö melengetka Jisösnöñ keu kewö jiyök, “Wehöngö auañi 12 ahözei, kunñan mianğö asakñe köna anmawi, yeñon mönö yuai kunñan qem mizit qahö ak wañgima. Gölmegö asakñan asarim wañgiiga ölöp eka anma.

10 Ölöp anmapmö, kunñan kiwañi qahö ahöm wañgiiga sunğem jipjap anmawi, yeñon mönö qem mizit miwikñaima.”

11 Keu mi jibagun kewö jii mötket, “Alanini Lazarusnöñ gaunwat ahözapmö, nöñon anda gaunöhök möndöbi wahötma.”

12 Keu mi möta kewö jiget mörök, “Kembu, ölna gaun ahöza ewö, mönö ölöp ahöba ölöwakña.”

13 Jisösnöñ Lazarus kömuyöhañgö keu saini jiyökmö, gwarek yeñon ‘Gauna ahöza,’ jiyöhi, mianğö möt bibihiba keu könañi qahö möt kutuget.

14 Qahö möt kutugeranğöra Jisösnöñ aukñeyök jim miwikñaiba jiyök, “Lazarusnöñ kömuyöha ahöza.

15 Nöñon yambuk qahö malbiga kömuyöhañgöra nöñon anda mem gulibiga wahöri eketka mötnaripñinan asuhum köhöima. Mewö aiga enğöra söñgaiba ‘Simbawon akñe!’ jizal. Mönö wahötketka yangören anin.”

16 Mewö jim miwikñaiga Tomas qetñi kun Siwisiwi qetkeri, yeñon gwarek alaurupñi yeñgöra kewö jii mötket, “Nini ölöp mohotñe mianğören anin. Andagun yambuk kömuin.” Mewö.

### *Malmal Toñan nenyahötñi uruñiri qesawöliyök.*

17 Lazarusnöñ kömumba wehön 4 lök qaksirinöñ ahöi teköiga Jisösnöñ kanğoriga buzupñi mewö jiget mörök.

18 Betani taon mi Jerusalem siti mosöta 3 kilomita anangö dop dowe ahöyök.

19 Mianğöra Juda ambazip gwötpukñan Marta Maria nenniri kömuyöhañgöra ‘Songon etkekin,’ jiba kaba tatket.

20 Tatketka Martanöñ “Jisös kaza,” jiget möta miri mosöta könanöñ anda miwikñaiyökmö, Marianöñ mire tarök.

21 Könanöñ miwikñaiba kewö jii mörök, “Kembu, gi kianğören malbanak ewö, nenan mönö qahö kömumbawak.

22 Qahö kömumbawakmö, göñon nalö kewöñe mewöñanök Anutugö yuai kungöra köuluköman ewö, mi pakpak ölöp miwikñaim gihiiga asuhuma, mewö mötzal.”

23 Keu mi möta Jisösnöñ jii mörök, “Göhö nengan mönö guliba wahötma.”

24 Mi möta Martanöñ jiyök, “Gölmegö nalö teteköñe kömukömuñi yeñon wahötmei, yeñon mönö nalö ketañi mianğören guliba wahötmawi, mi möt yaközal.”

25 Mewö jiiga Jisösnöñ jii mörök, “Kömupnöñöhök wahötwahötkö Toñi mi nöñon akzal. Nanak Malmal köhöikñañgö Toñi akzal. Mianğöra kunñan ni möt narim niñgizawi, yeñon kömumapmö, töndup toroqeba mal köhöiba malma.

26 Kunñan kun gölmenöñ mala möt narim niñgiza ewö, yeñon mönö nalö kunöñ qahö kömum köhöima. Qahö! Keu mi möt narizan me qahö?”

27 Martanöñ keu mi möta jiyök, “O Kembu, mi möt narizal. Göñon Anutugö Nahönñi akzan. Amötqeqe Toñi Kraist gölmenöñ asuhumapkö jigeri, göñon mönö mia akzan. Mewö möt narizal.” Mewö.

### *Jisösnöñ sahöri imbilñan erök.*

28 Martanöñ keu mewö jiba miriñe lilingöba anda munñi Mariagöra keu ölöñ jiiga görañe kaiga jiyök, “Böhinöñ kaba könanöñ kinda göhöra endu anda ekñañgöra jiza.”

29 Mewö jiiga Marianöñ keu mi möta mianğörenök i mosöta Jisösgören anök.



<sup>30</sup> Anökmö, Jisösnöñ miri sombemnöñ qahö kanğoriga endu Martanöñ köna namñe miwikñaiba ehöhi, mianğöreñök kinök.

<sup>31</sup> Juda ambazip yeñön Mariabuk miri uruñe uru qesawölökö tatketka Marianöñ zilañ wahöta gumnöñ eta aniga eka kewö mötmörība jiget, “Yañön mönö qaksirinöñ anda sahötma.” Mewö jiba yañgö andöñe wuatangöba anget.

<sup>32</sup> Marianöñ anda Jisös kinöhanğöreñ anğota eka könañe sipköba eta kewö jii mörök, “O Kembu, göñön ki malbanak ewö, nenan mönö qahö kömumbawak.”

<sup>33</sup> Mewö jiba silata qeta sahöriga Juda ambazip yambuk kaba nañgöba mohotñe sahötkeri, Jisösnöñ mi eka wösöñi pölpölgöiga jeñi asöliiga köna böröñi jönömñambuk unduyök.

<sup>34</sup> Jönömñambuk undui qesim enğiyök, “I denike alget ahöza?” Qesim enğıiga jiget mörök, “Kembu, kewö kaba eknöñ!”

<sup>35</sup> Mewö jigetka Jisösnöñ sahörök.

<sup>36</sup> Sahöriga Juda ambazip yeñön eka jiget, “Yei! Mönö alañangöra önöñi qahö ak wañgii malök.”

<sup>37</sup> Mewö jigetmö, tosatñan keu mi qeba kewö jiget, “Jegömöl ambazip jeñini metohoba malök ewö, mönö ölop Lazarus jiiga qahö kömumbawak me?” Mewö.

*Jisösnöñ Lazarus mem guliiga kömupnöñök wahörök.*

<sup>38</sup> Mewö lañ jigetka Jisösgö wösöñi kunbuk pölpölgöiga jeñi asöliiga qaksirinöñ anök. Qaksirinöñ anda yuai kewö ehök: Köt köteñ urorohoba qamötñi mianğö uruñe ala nañguñi köt ketañan köl közipkögetka tarök.

<sup>39</sup> Mi eka kewö jiyök, “Mönö köt qililingögetka anök.” Mewö jiiga azi kömuyöhanğö nenñi Marta yañön kewö jii mörök, “O Kembuni, sömañ 4 ahözawañgöra lök wörönñambuk akza.”

<sup>40</sup> Jisösnöñ mi möta Martagöra kewö jiyök, “Gi möt narim niñgibanak ewö, Anutugö kukösumñan aködammunñambuk asuhuiga ekanak. Mutuk keu mewö jibiga mötnöñ me qahö?”

<sup>41</sup> Mewö jiiga köt qililingöget aniga Jisösnöñ eu ui öngöiga kewö jiyök, “Iwi, gi köulukni mötzanañgöra aka ‘Pipsaiwap!’ jim gihizal.

<sup>42</sup> Gi nalö dop köulukni mörakzani, mötzalmö, göñön melaim niñginöñga gölmenöñ erali, ambazip kambu liliköm niñgiba ki kinjei, yeñön mi möta möt narimegöra aka keu ki jizal.”

<sup>43</sup> Mewö jiba imbiñi memba wahöta ketañanök qeta kewö jiyök, “Lazarus, gi mönö wahöta kanğotnöñ!”

<sup>44</sup> Mewö qeriga azi kömukömuñi yañön guliba wahöta kayök. Köna böröñi opo kawukñambuknöñ esuhuba jemesoholñi opo jöhanñan köpeiba jöhöget ahöi dundunñambuk kayök. Mewö kaiga Jisösnöñ jiyök, “Mönö dundunñi pösatketka ölop anma.” Mewö.

*Juda galöm yeñön Jisös kömumapkö anğönañ geget.*

*Mat 26.1-5; Mak 14.1-2; Luk 22.1-2*

<sup>45</sup> Juda ambazip Mariagöreñ kanğota Jisösnöñ yuai aiga asuhuiga ekeri, yeñgöreñök gwötpukñan uruñini melenđa Jisös möt narim wañgiget.

<sup>46</sup> Möt narim wañgigetmö, tosatñan Farisi (Köna keugö kapañkölköl) yeñgöreñ anda Jisösnöñ yuai ahöhi, mianğö kösohotñi jiget mötket.

<sup>47</sup> Mi jiget mötketka jike nup galöm aka Farisi yeñön jike kaunsöl jitñememe öröm enğiget tokogetka kewö jiget, “Azi mianjön anğöletot kukösumñambuk sehisehñi memakza-wañgöra i mönö denöwö ak wañgiinga dop kölbawak?”

<sup>48</sup> Wakosorañ aka yuai kun qahö ak wañgiinga toroqeba mewö aka malma ewö, mönö ambazip körek pakkak i möt narim wañgibeak. Mewö aketka Rom gawman yeñgö

irimñini seholiiga kaba nanini jöwöwöl jikenini aka ambazip kambu ki nenguangitketka öne töhöñ malbinbuk.”

<sup>49</sup> Mewö jiget tatketka yengörejök kun qetñi Kaiafas yañön yambu (yara) miangörej jike nup galöm bohonñi aka nup mia memba malök. Yañön wahöta goro keu kewö jii mötket, “Inini uru mötmötñinañgö kinimñi tok qahö tohoza.

<sup>50</sup> Inini keu ki ölop qahö kewötze: Nini ambazip kambu körekñanök ayuhuinga lömböt keta bölökñi akapuk. Miangöra azi mohotñan Juda kambu neñgö aip selnini ala sohohnini memba kömuiga dop kölma.”

<sup>51</sup> Yañön keu mi nanñi imbiñe qahö ahuiga jiyökmö, yambu (yara) miangörej jike nup galöm bohonñi malöhanğöra aka nanñak keuñangö könani qahö möta kezapqetok keu jiyök, “Jisösnöñ ambazip kambu neñgöra aka kömui dop kölma.” Keu mi ölña jiyök.

<sup>52</sup> Juda ambazip kambu neñgörohök qahö kömuyökmö, Anutugörej urumelenj könagesö gölme dop denqenda mal anjini, nini mewöyök mindirim neñgiiga urumelenj kambu mohok aka malbingöra kömuyök. Kömumapkö keuñi mi qeljiñe jiyök.

<sup>53</sup> Wehöñ miangörejök könahiba jitñememe yeñön tokoba mewö eraum möta Jisös kömumapkö keuñi jim köhöiba arenj alget.

<sup>54</sup> Miangöra Jisösnöñ toroqeba Juda yeñgö sutñine aukñe qahö anda kaba malök. Mewö qahöpmö, engömosöta gölme qararanjölkölnangö gorañe anök. Miangörej anda taon qetñi Efraim miangörej anğota gwarekurupñi yembuk nanñinök malget.

<sup>55</sup> Juda neñgörej ak-kömukömu kendonöñ töriyök.\* Miangöra Juda ambazip gwötpukñan miri dop miriñini mosöta köl könjorat ak anğubingöra möta Jerusalem sitinöñ öngöget.

<sup>56</sup> Jisös jaruba mala jöwöwöl jikegö tohoñ uruñe kinda eraum möta kewö qesim anğuet, “Jisösnöñ sösongai kendongöra ki kama me qahöpto? Denöwö mötze?”

<sup>57</sup> Mewö qesim anğuetmö, jike nup galöm aka Farisi yeñön jimkutukutu keu kewö algetka sehiyök, “Kunñan Jisösgö ahöm tatatñi eka mötmawi, yañön mönö neñgörej kaba buzupñi jii möta anda memba jöhöbin.” Mewö.

## 12

### *Marianöñ Jisös o köhöwakñambuknöñ miriyök.*

#### *Mat 26.6-13; Mak 14.3-9*

<sup>1</sup> Anutunöñ mönöwök neñgehoriya neñgongiröhi, miangö ak-kömukömu kendonñan\* töriya sömañi 6 teköiga miangörej kam kuñgumamgö ahök. Jisösnöñ nalö miangörej miri qetñi Betani miangörej anök. Mutuk azi qetñi Lazarus mem gulli kömupnöhök wahöta malöhi, mönö yañgö mire anğorök.

<sup>2</sup> Miangörej anğoriga Jisös göda qem wanğibingöra miri kunöñ nene ohoba mözözömgöget. Martanöñ ohom töndenj köl engiyökmö, azi Jisösbuk mohotñe tata nene negeri, Lazarusnöñ yeñgö sutñine tarök.

<sup>3</sup>\* Mewö tatketka Marianöñ kelök kirin kun lömbötñi 500 gram mi memba Jisösgörej kayök. Kirin mi o umköhöwakñambuk ölñi qetñi nad bohonñi öngöngöñi ketani miangön kokolak qeçenja. Yañön mi memba kaba simin köla Jisös könañe mimbiliba miriba nörop jupñan kereñ meyök. Mewö aiga miri uruñe tatkeri, mi ogö wöronñan pukpuköba dop köla ahöiga mötket.

<sup>4</sup> Mewö asuhuiga Jisösgö gwarek yeñgörejök kun qetñi Judas Iskariot, könañep Jisös mamalolo meyöhi, azi miangön qetala kewö jiyök,

\* **11:55:** Kendon qetñi Nei keunöñ Pasowa jize. Anutunöñ mönöwök Israel ambazip neñgehoriya neñgongiröhi, miangöra yambu dop nalö ala söngaimakzema. Eksodus 12.15 \* **12:1:** Eksodus 12.15 \* **12:3:** Luk 7.37-38

<sup>5</sup> “O köhöwaxambuk mi mönö wuanöngöra bohonji memegöra qahö alök? Iwinangö jiti! Mi albawak ewö, mönö silim 300:kö töwanji (Kina 1500,-) miangö dop yöhötibawak. Mia ambazip wanapji enjiinga dop kölbawak.”

<sup>6</sup> Mewö jiyökmö, keu mi ambazip wanapji yengöra waimanjat möröhangöra aka qahö jiyök. Yengöra aka qahöpmö, yongorö meme azia mala monej gösö kutukutulanjini galöm köli monej alget geiga miangöreñök kitipji nanjangöra memba malök. Mönö miangöra aka mi jiyök.

<sup>7</sup> Mewö jiiga Jisösnöñ jiyök, “Inji ambi ki mönö kude jim wanjime. Nöñön kömumbiga löm köl niñgimeangö nalöñi törizawanjora ölop sileni o umköhöwaxambuknöñ nömira.

<sup>8</sup> \*Ambazip wanapji mi mönö nalö dop sutjine malakzemö, nöñön embuk nalöñi nalöñi qahö malmam.” Mewö.

*Lazarus qebingö keu jöhöba anjonañ alget.*

<sup>9</sup> Jisösnöñ Betani mire malöhi, mi Juda ambazip kambu gwötpukjan möta miangöreñ kaget. Jisösgöröhök qahö kagetmö, Lazarus kömupnöñök mem gulii wahöröhi, i mohot ekingö likeplikep öröba kanjotket.

<sup>10</sup> Mewö kanjotketmö, jike nup galöm yeñön Lazarus mewöyök qein kömumapkö keu jöhöget.

<sup>11</sup> Juda ambazip gwötpukjan Lazarusgöra aka Betani anda urunji melenja Jisös möt nariget. Miangöra keu mewö jöhöget. Mewö.

*Jisös köirañ kölgetka Jerusalem öngöyök.*

*Mat 21.1-11; Mak 11.1-11; Luk 19.28-40*

<sup>12</sup> Mewö aketka ahöba wahöta miangöreñ ambazip kambulembenöñ ak-kömukömu kendongöra Jerusalem sitinöñ kanjota malgeri, yeñön buzup keu kewö mötket, “Jisösnöñ Jerusalem kamangö könanöñ kaza.”

<sup>13</sup> \*Keu mewö möta umji böröñi memba könanöñ miwikñaibingö anda kewö jiba qetket, “Hosana, owe owe! Anutu möpöseizin. Kembugö qetje kamawi, Anutunöñ mönö kötuetköma! Israel neñgö Kin Kembunini owe owe!”

<sup>14</sup> Jisösnöñ donki moröñi kun miwikñaiba miangö qakje öngöba tarök. Mi kezapqetok keu kun kewö ohoget ahözawanjora dop asuhuyök,

<sup>15</sup> \* “O Jerusalem ambazip Zaion kundunji liliköba maljei, injini mötket, enjögö Kin Kembuninan mönö kama.

Donki moröñangö qakje tata kama. Miangöra kenjötjini mönö kude mötme.”

<sup>16</sup> Jisösgö gwarekurupjan yuai asuhuyöhi, miangö könanji mutuk qahö möt kutugetmö, könanjep ölop möt asariget. Jisösnöñ Suepnöñ öngöba asakmararanambuk malöhi, keu mi nalö miangöreñ mötmöröba kewö jiget, “Aha! Keu mi mönö Jisösgöra ohoget ahöza aka ambazipnöñ keu miangö dop ak wanjigetka öljambuk ahök.”

<sup>17</sup> Ambazip Jisösbuk Betani malgeri, yeñön dangunu ewö kinda buzupji jim sehiget. Jisösnöñ Lazarus qeriga kömupnöñök guliba wahöta qaksirigö köt köteñ mosöta kanjoriga ambazip kambunöñ ekeri, yeñön Jisösgö könanji nanjögöba jiba jim asariget.

<sup>18</sup> Jisösnöñ anjötöt mi meyöhi, keu mi mötkerangöra aka ambazip kambunöñ lulunda köl öröm wanjibingö anget.

<sup>19</sup> Mewö angetka Farisi (Köna keugö kapankölköl) yeñön nanjinök eraum möta kewö jiget, “Mötket. Gölmeñi gölmeñi ambazip yeñön mönö lulunda öröba yangö andöñe anakze aka nini keu nup miyök mem bibiinga ölni kun qahö asuza.” Mewö.

*Grik ambazip tosatjan Jisös jaruget.*

<sup>20</sup> Juda ambazip ak-kömukömu kendongöra Jerusalem sitinöñ öngöba Anutu waikñi memba möpöseigeri, yeñögö sutjine Grik ambazip tosatji mohotje malget.

\* 12:8: Dut 15.11 \* 12:13: Sum 118.25, 26 \* 12:15: Zek 9.9

21 Yeñön gwarek qetñi Filip yañgören kaget. Filipnön Galili prowinsgö taon qetñi Betsaida miangö azia malök. Grik yeñön yañgören kaba qesiba kewö jiget mörök, “Ketañamnini, nini sihimninan Jisös ekingö mötzin.”

22 Mewö jiget möta Andrugören anda keu mi jii mörök. Jii möta mohotñe anda Jisös jiyohot mörök.

23 Keu mi möta melenja kewö jiyök, “Suepkö asakmararañan Suep gölmegö Azi Ölni yañgören kunbuk asuhum kutuiga asarimawi, miangö nalöñan mönö töriza.

24 Nöñön kömupnañgö söpsöp keu öl töhöññi kun kewö jibi mötket: Sehoñ kötni gölmenöñ qahö geba julma ewö, mönö öne miyök ahöma. Mewö öne ahömapmö, geba julma ewö, korapñan mönö jula öndölböndöl wahöri ölni gwötpuk söhöma.

25\*“Miangö dop denike yeñön malmalñini nanñinañgöra añgön köla nanñini imbi-imbi siyoñsayoñi qahö malbingö ak engimakzawi, yeñgö malmalñinan mönö sohoma. Mewö sohomapmö, kunñan kun nanñi malmalñi göragöra ala nia jegep al niñgimawi, yañön mönö malmal ölni öndölböndölñambuk miwikñaiba köhöiba teteköñi qahö mal öngöma.

26 Kunñan ni welen qem niñgimangö jizawi, yañön mönö ni nuatängöba mali dop köлма. Weleni qemakzawi, mönö ni anda kaba malmamañgören mewöyök nömbuk malma. Kunñan nömbuk mala weleni qem niñgimakzawi, Iwinöñ mönö i göda qem wañgii malma.” Mewö.

*Jisösnöñ kömumba gulimawañgö keu saiñi jiyök.*

27 Jisösnöñ jiyök, “Wösöni döлки kot gwözöñniga amqam aka maljal. Denöwö jibilenak? Keu jaruzal. O Iwi, gi ölop aua nalö kewöñangö köñjiliñöhök meköm niñgiman. Töndup kewögöra mewö qahö köulukömam: Aua kiangö sihimbölöñi mi mökösoñda bisimamgöra aka nangak qakne aljan.

28 O Iwi, gi mönö nangi aködamungi al niñgiba qetbuñagi mem qariman.” Mewö köuluköiga Suepnöhök keu kewö asuhuba erök, “Nöñön aködamuni lök al gihiba mewö qetbuñani mem qarial aka toroqeba mem qaribiga sehiba anma.”

29 Keu mi asuhuiga ambazip kambu kinget yeñön mi möta jiget, “Wöl pöndañ qetza.” Tosatñan jiget, “Suep garata kunñan yañgöra keu jiiga kourukñi mötzin.”

30 Mewö mewö jigetka kewö jii mötket, “Kouruk mi nöngöra aka qahö asuhuzapmö, mi engöra aka asuhuza.

31 Nalö kewöñe gölmenji gölmenji ambazip ahakmeme bölöñi wuatängömakzei, yeñgö kewötkewöt nalöñinan mönö mesohol köл engiza. Anutunöñ yeñgö keuñini jim teköba likepñi melenj engiiga qakñine öngömapkö akza. Nalö kewöñe Anutunöñ Bölöñangö Kembuñi gölme dop galöm köл engimakzawi, mönö i közöliga yaigep etmapkö akza.

32 Yañön etmapmö, nöngöra kewö asuhuma: Ambazipnöñ gölmenöhök nömemba könakemba kösököm niñgigetka öngöba kinbiga köna ahuiga ambazip gölme dop öröm engibiga luluñda nöngören kaba kambu köla kinme.”

33 Mi kömup denöwöñi kömumawi, miangö keu saiña mewö jii mötket.

34\* Ambazip kambu yeñön mi möta kewö jiget mörök, “Nini Köna keu oyoñda kewö mötzin, ‘Kraistnöñ qahö kömumba teteköñi qahö mal öngöba malma.’ Göñön wuanöngöra kewö jizan, ‘Suep gölmegö Azi Ölni gölmenöhök memba kösökögetka könakemba öngöba kinma.’ Suep gölmegö Azi Ölni mi dañön?”

35 Mi möta melenj engiyök, “Asakñan nalö töröptökñi kunbuk sutñine asariba malma. Söñaupnöñ qakñine öngöba turum engii miangö buñañi akepuköra mönö asakñe anda kaba malme. Asakñan ahöm engimawañgö dop mönö asakñe malme. Dañön panamanöñ jipjap anda kamakzawi, mönö denike añgotmawi, mi qahö mötza.

\* 12:25: Mat 10.39; 16.25; Mak 8.35; Luk 9.24; 17.33 \* 12:34: Sum 110.4; Ais 9.7; Eze 37.25; Dan 7.14



<sup>36</sup> Mianğöra asakñan nalö dawik embuk malmawi, nalö mianğöreñ mi mönö urunöñ möt anğön köla malme. Asakñanğö könagesö aka malmegöra mönö asakñi mi möt nariba malme.” Jisösnöñ keu mewö jiba enğömosöta tölapköba anök. Mewö.

*Juda ketanji yenğö uruköhöikñinan qahö löwöriyök.*

<sup>37</sup> Jisösnöñ anğöletot gwötpuk memba maliga Juda yeñön mi jeñinan eketmö, töndup i qahö möt narim wanğiba silebile malget.

<sup>38</sup> \*Mewö malgetka kezapqetok azi Aisaiagöreñ keu kun mi ölnambuk asuhuyök. Yanñön keu mi kewö ohoyöha ahöza,

“O Kambu, neñön Buña keu jim asariba urunini kunğum enğimakzinmö, dañön mi möt naribawak?

Kembunöñ kukösumñi mi mönö dagöra indeli möt asarima?”

<sup>39</sup> Amötqeqe Tonji möt narim wanğibingö lömböriba osigeri, Aisaianöñ mianğö könani möta keu kun qeljine kewö jiba ohoyöha ahöza,

<sup>40</sup> \* “Nanñini jeñinan yuai eka könani ek kutubepuk me uruninan keu könani möt asaribepuk. Mi möt asariba urunini melenbepuk.

Urunini melengetka mem ölöwak enğibileñbuk. Yanñön mewö asuhubapuköra ambazip jeñini mem gömöliba urunini gwözöñniga malje.”

<sup>41</sup> Jisösnöñ Suepkö asakmararañnöñ asariba mali Aisaianöñ mewö eka könani jim asariba keu mi jiyök.

<sup>42</sup> Jitnememe aka galömkölköl azi yenğöreñök gwötpukñan mewöyök Jisös möt narigetmö, Farisi (Köna keugö kapañkölköl) yeñön köuluk miri kambunöhök közöl enğibepuköra mi aukne qahö jim miwikñaiget.

<sup>43</sup> Ambazipnöñ möpöseim enğimegöra kapañ kölgetmö, Anutunöñ möpöseim enğimapköra mi qemasolokep aket. Mewö.

*Jisösgö keuñan ambazip kewöta keunini jim teköma.*

<sup>44</sup> Tosatñan mewö aketmö, Jisösnöñ keu qeta kewö jiyök, “Kunñan möt narim niñgizawi, yanñön niyök qahö möt narim niñgizapmö, kunöñ melaim niñgiyöhi, i mewöyök möt narim wanğiza.

<sup>45</sup> Kunñan ni neka mönö melaim niñgiyöhi, i mewöyök ehakza.

<sup>46</sup> Ambazip kun ni möt narim niñgizawañön mönö söñaupnöñ qekötahöba malbapuk. Mianğöra nöñön eta asuhuba gölmeñi gölmeñi enğö asakñina aka maljal.

<sup>47</sup> “Nöñön eta asuhuba gölmeñi gölmeñi enğö keuñini jim tekömamgöra aka qahö kayalmö, ambazip gölme dop amöt qem enğibiga nalö kewöñe letota Suepkö buñaya akñegöra aka kayala maljal. Mianğöra ambazip nöngö Buña keuni möta qahö tem köla wuatangömakzei ewö, nöñön yenğö keuñini qahö jim tekömam.

<sup>48</sup> Denike yeñön jijiwilit ak niñgiba Buña keuni qahö möt anğön köljei, yenğö jim teteköñinan mönö kewö asuhuma: Nöñön Buña keu jibi mötkeri, keu mianñön mönö nalö ketane keuñini jim teköiga sihimbölöñini mianğö dop mötme.

<sup>49</sup> “Könani kewögöra mewö asuhuma: Nöñön Buña keu jiba malali, mi keu omani qahö. Mi nani imbineyök qahö asuhuiga jiba kota malal. Mewö qahöpmö, Iwi melaim niñgiyöhañön nanñak keu jit denöwö jimami, mianğö jim kutum niñgiiga jiba kota maljal.

<sup>50</sup> Iwigöreñ jimkutukutu mianñön mönö inini malmal köhöikne al enğimakza, mi mötzal. Mianğöra Iwinan mi jimamgö jim kutum niñgiyöhi, mönö mianğö dop Buña keu jimakzal.” Mewö.

## 13

*Jisösnöñ gwarek yenğö könani sañgoñnök.*

<sup>1</sup> Ak-kömukömu kendonöñ\* töriiga Jisösnöñ könañi kewö möt yaköyök, 'Gölme mosöta Iwinanğoreñ öngömamañgö nalöñan mönö töriza.' Mewö möt yaköba nanñi alaurupñi gölmenöñ malgeri, mi uruñan jöpaköm engiba mala teteköñe miangöreñ mewöyök uru jöjöpäñi mi kondel engiyök.

<sup>2</sup> Kömumawañgö nalöñan kam kuñgumamgö aiga nalö kunöñ sunğemgö nene nemingö tokoba mohotñe tatketka yuai kewö asuhuyök: Saimon Iskariotkö nahönñi qetñi Judas i Satanöñ lök sölölohöyök. Jisös mamalolo ak wañgimapkö keuñi mi sañep ali uruñe geiga möta tarök.

<sup>3</sup> Jisösnöñ nanñi könañi mi kewö möt kutuyök, 'Iwinöñ yuai pakpakö kukösumñi mi nöngö böröne aliga Anutugöreñök eta mala kunbuk yañgöreñ öngömamgö akzal.'

<sup>4</sup> Könañi mewö möt kutuba nene nembra tatkeranğöreñök wahöta malukuñi köteköba nupkö opo jöhanñi kun memba kembañe köpeiba jöhöyök.

<sup>5</sup> Mi jöhöba o joutnöñ mokoï geiga könahiba gwarekurupñi yeñgö könañini sañgoñnök. Sañgoñ teköba opo jöhannñi (tauöl) kembañe köpeiba jöhöyöhi, mianjön könañini kutuyök.

<sup>6</sup> Sañgoñda anda Saimon Pitögö könañe kañgoriga kewö jii mörök, "O Kembu gi welenqeçe etqeçenji qahö. Göñön nöngö könañi sañgoñnöñga qahö dop kölma."

<sup>7</sup> Mewö jii möta kewö melenñök, "Yuai dölki akzali, göñön miangö könañi nalö kewöñe qahö möt kutuzanmö, könañgepnöñ mi ölop möt asariba malman."

<sup>8</sup> Melenñiga kewö kapan köla jiyök, "Gi mönö nöngö könañi nalö kunöñ qahöpmañöp sañgoñman." Mewö jiiga kewö jiyök, "Nöñön gi qahö sañgoñ gihimam ewö, gi mönö nöngö gwarekni toroqeça malmamgö osiman."

<sup>9</sup> Mewö jiiga Saimon Pitönöñ pörösöl ala auruba melenñök, "Kembu, mewögöra gi könananök qahöpmö, böröni aka nöropni mi mohotñe sañgoñman."

<sup>10</sup> Mewö melenñiga kewö jii mörök, "Kunñan o ariba kaiga könañi tok sañgoñninga töwötñi qahö sarakñi ak teköma. Inini körek lök sarakñi ak teközemö, mohotnöñök sarakñi qahö akza."

<sup>11</sup> Dañön mamalolo ak wañgimamgö ahöhi, Jisösnöñ mi möta miangöra kewö jiyök, "Inini körek sarakñi qahö akze."

<sup>12</sup> \*Könañini sañgoñ teköba malukuñi kunbuk löngöta eta tari negetka kewö qesim engiba jiyök, "Nöñön yuai ak engizali, inini miangö könañi möt asarize me qahö?"

<sup>13</sup> Inini nöngöra 'Böhi!' aka 'Kembu!' mewö noholakze aka nöñön mi ölna akzal. Miangöra mi dopñe jimakze.

<sup>14</sup> Nöñön engö Kembu Böhiñini aka welenqeçe eretñanğö silik memba könañini sañgoñjal ewö, inini mönö mewöñanök memba et al anğuba weleqeçe aka könañini sañgoñ anğuba malgetka dop kölma. Mi mönö nupñina.

<sup>15</sup> "Nöñön aka kondel engizali, inini mönö miangö dop nañgöba welen qem anğuba malme. Mewö malmegöra miangö silikñi nöñön merak kondel engibiga ekze. Mi mötmöriba miangö tandökñi wuatangögetka dop kölma.

<sup>16</sup> \*Nöñön keu öl töhöññi kun kewö jibi mötket: Welenqeçenöñ eretñi aiga tonan öngöñgöñi akza. Gwareknöñ böhiñi onğita öngöñgöñi akñamgö osima. Mewöyök azi kembu kunöñ garatanñi melaiiga kolek anda nup memakzawi, yañön mönö kembuñanğö bapñe malakza.

<sup>17</sup> Inini keu kötni mi merak möt kutuze. Mewögöra silememe mosöta alaurupñini nembö bapñine anda malme ewö, nöñön mönö engöra 'I-ia simbawoñ!' jimam." Mewö.

*Kunöñ mamalolo ak wañgimapkö qeljine jiyök.  
Mat 26.20-25; Mak 14.17-21; Luk 22.21-23*

\* **13:1:** Anutunöñ mönöwök Israel ambazip nenğehoriba nenğonğiröhi, kendon miangö qetñi Nei keunöñ Pasowa jize. Eksodus 12.15 \* **13:12:** Luk 22.27 \* **13:16:** Mat 10.24; Luk 6.40; Jon 15.20

18 \**“Keu jizali, mi mönö inini lökñanök qahö engömeza. Nöñön niñia möwölöhöba engömeali, engö könañamñini mönö ölop möt kutuzal. Mewö maljalmö, Buña Kimbi kun mianñön ölnambuk aiga dop kölma. Keu mi kewö, ‘Kunöñ nöngöreñ nene mohotñe neziri, yañön mönö kelewele aka gwakötñan tötal niñgiba nuñgumamgö jöjöröza.’†*

19 *“Ni ölni könañgep asuhumawangö keuña mutuk jizal. Mianğöra ölni asuhumawi, inini nalö mianğöreñ nöngö könani möt asariba kewö jime, ‘Aha! Malmalgö könañi nalö dop mala kota malöhi, yañön mönö mia akza.’ Mewö jiba möt narim niñgimeğöra nöñön keu mi qeljine aukñe jibiga mötze.*

20 \**“Nöñön keu öl töhönñi kun kewö jibi mötket: Nöñön ambazip kun melaibi nup memamğöra kaiga kunñan i köl örözawi, yañön mönö ni tok köl öröm niñgima. Mewöñanök ni köl öröm niñgizawañön mönö melaim niñgiyöhi, mönö i mewöyök köl öröm wangima.”*

21 *Jisösnöñ keu mewö jiba wösöñi kot gwözöñda jul takömamgö ahiga keu indela kewö jiyök, “Nöñön keu öl töhönñi kun kewö jibi mötket: Engöreñök kunñan ni mamalolo mem niñgima.”*

22 *Mewö jiiga gwarekurupñan nanñini kuñkalilin uba añgehiba nanñök nanñök kewö mötmöriget, ‘Mönö dagöra jizapto?’ Mewö mötmöröba uruyahöt tönpin tatket.*

23 *Tönpin tata nene negetka Jisösgö wölböt gwarekñan yangö qöhöröñeyök tarök.*

24 *Yañön tariga Saimon Pitönöñ nöropñan gwarek mi söpsöp ak wangiba kewö jii mörök, “Keu mi dagöra jizawi, mi qesiba jinöñ mötpi.”*

25 *Mewö jii möta lapingöba Jisösgö töptöpñe nanğöba kewö qesiyök, “Kembu, azi mi dañön?”*

26 *Mewö qesiiga melen wangiyök, “Beret kitipñi kuluñnöñ kundumğöba kun wangimami, yañön mönö mi.” Melen wangiba beret kitipñi memba kuluñnöñ kundumğöba Judas wangiyök. Judasgö iwiñi qetñi Saimon Iskariot.*

27 *Beret kitipñi mi wangiiiga Satanöñ mianğöreñök Judasgö uruñe geyök. Mianğöra Jisösnöñ i jim kutum wangiba kewö jiyök, “Yuai akñani, mi mönö zilañ akñan.”*

28 *Keu mewö jiyökmö, mi wuanöngöra jii möröhi, mi gwarek tosatñan mohokñe tata nene negeri, yenğöreñök kunñan kun qahö möt asariyök.*

29 *Gwarek tosatñan mianğöra kewö mötmöriget, “Judasnöñ moneñ gösögö galömña malöhi, mianğöra kendon nalöñe yuai osibini, mi bohonñi memapköra melaiza me ambazip wanapñi moneñ yuai kun memba engimapköra jiza.”*

30 *Judasnöñ keu mi ölop möt asariba beret kitipñi mi memba mianğöreñök mosöta yaigep aniga suñgem ahök. Mewö.*

*Jisösnöñ jöjöpañ keu dölokñi jim kutuyök.*

31 *Judasnöñ mosöta yaigep aniga Jisösnöñ kewö jiyök, “Dölki Anutunöñ aködamunñi Suep gölmegö Azi Ölni al teköm wangiiiga yañön Anutugö qetbuñani mem qarui asuñuza.*

32 *Yañön Anutugö qetbuñani mem qariba Anutubuk qekötahözawangöra Anutunöñ mönö mewöñanök yangö qetbuñani mem qarima. Mi nalö qahö körii mem qariiga asakmararañan asuhum tiñgiri mal öngöma.*

33 \**“O gömukurupni, nöñön nalö töröptökñi kunbuk embuk malmam. Mi mala engömosötpiga könañgep jarum niñgiba malme. Juda yenğöra kewö jibi mötket, ‘Ni miri anmami, inini mianğöreñ kabingö osime.’ Keu miyöhök döлки engöra mewöyök jizal.*

34 \**“Nöñön jöjöpañ keu dölokñi jim kutum engizal: Inini mönö uruñinan jöpaköm añguba malme. Nöñön urukalem ak engiba malali, inini mönö mianğö dop jöpaköba urukalem ak añguba malme.*

\* 13:18: Sum 41.9 † 13:18: Gwakötñan tötal niñgiba nuñgumamgö jöjöröza, keu mi Israel yenğöreñ dopkeu kun. Könañi kewö: Yañön uruñan qetala utaköm niñgiza. \* 13:20: Mat 10.40; Mak 9.37; Luk 9.48; 10.16 \* 13:33: Jon 7.34 \* 13:34: Jon 15.12, 17; 1 Jon 3.23; 2 Jon 5

<sup>35</sup> Sutņine uruņinan jöpaköm aņguba malme ewö, ambazip körek yeņön eņgeka könaņamņini möt kutuba kewö jiba malme, ‘Aha! Mönö Jisösgö gwarekurupņi akze.’” Mewö.

*Pitönöņ Jisös qaņ kölmapkö keu qeljiņe jiyök.*

*Mat 26.31-35; Mak 14.27-31; Luk 22.31-34*

<sup>36</sup> Saimon Pitönöņ Jisös kewö qesim waņgiyök, “Kembu, gi denike anman?” Qesim waņgiiga meleņnök, “Ni denike anmami, gi miangöreņ nuataņgöba kamamgö osiman. Nalö kewöņe osimanmö, könaņgep mia ölöp nuataņgöba kaman.”

<sup>37</sup> Meleņniga kewö qesiyök, “Kembu, ni mönö wuanöņgöra nalö kewöņe gi guataņgöba kamamgö osimam? Nöņön mönö malmalni göhöra aka köleņda mosötman.”

<sup>38</sup> Qesiiga kewö meleņnök, “Gi ölna malmalgi nöņgöra aka köleņda mosötmanmö jizan me? Keu mi jitkanök jizan. Nöņön keu öl töhöņņi kun kewö jibi mötnöņ: Merak kuruknöņ qetmamgö dopdowiiga göņön nalö miangöreņ qaņ köl niņginöņga indimņi karöbut akņa.” Mewö.

## 14

*Jisösnöņ gwarekurupņi urukölalep mem eņgiyök.*

<sup>1</sup> “Uruņinan mönö waimanjat kude möta wösöbirik kude aka malme! Mönö Anutu möt narime aka ni mohok möt narim niņgiba malme!

<sup>2</sup> Nöņgö Iwinanğö miri bohonņe miri uruņi sehisehiņi ahöze. Mi qahö ahöbeak ewö, mönö eņgöra keu kewö jibileņak: Nöņön mönö miangöreņ öņgöba eņgö dum miri mem möhamgömam.

<sup>3</sup> “Nöņön mutuk anda öņgöba eņgö dum miriņini mem möhamgömam-mö, nöņön miri malmami, iņini mewöyök nömbuk miangöreņ mohotņe malbingö sihimņi mötzal. Miangöra nöņön mönö kunbuk liliņgöba kaba eņguaņgitpiga euyangöreņ öņgöme.

<sup>4</sup> Nöņön miri denike anmami, iņini miangö könaņi lök möt kutuze.” Mewö.

*Iwigöreņ anangö köna mi Jisös.*

<sup>5</sup> Jisösnöņ mewö jiiga gwarek qetņi Tomas yaņön kewö jiyök, “O Kembu, gi miri denike anmani, nini mi qahö mötzin. Miangöra miangö könaņi mi mönö denöwö möt kutubinak?”

<sup>6</sup> Mi möta kewö jii mörök, “Nöņön Köna akzal. Nöņön Keu ölni aka Malmal köhöikņi akzal. Kunņan Iwigöreņ aņgotmamgö möta nöņgöreņ kama ewö, yaņön mönö köna miwikņaima. Köna murutņi kun qahö ahöza.

<sup>7</sup> Iņini ni ölna möt kutum niņgibeak ewö, mönö nani Iwini mewöņanök möt kutum waņgibeak. Iņini nalö kianğöreņök könahiba nöņgö Iwini lök eka möt waņgize.”

<sup>8</sup> Mewö jiiga Filipnöņ kewö jii mörök, “O Kembu, gi Iwi kondel neņginöņga neņön i uba ehinga dop köl neņgima.”

<sup>9</sup> Mi möta Jisösnöņ jii mörök, “O Filip, ni nalö köröp tiņtiņi embuk pöndaņ malbigun neka töndup könani qahö möt kutuzan me? Kunņan ni nek kutuyöhi, yaņön mönö Iwini mewöyök eka malja. Miangöra gi mönö denöwögöra Iwi kondel neņginöņga ekingöra jizan?”

<sup>10</sup> “Nöņön Iwibuk qekötahöba kinbiga Iwinöņ nömbuk qekötahöba kinjawi, mi möt narizan me qahö? Keu Buņa jibiga mörakzei, nöņön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawaņön nam köl niņgi ölni ahumakza. Miangöra nup memakzali, mi mönö yaņgö nuwa memakzal.

<sup>11</sup> “Nöņön Iwibuk qekötahöba kinbiga Iwinöņ nömbuk qekötahöba kinja. Iņini mönö mewö möt narim niņgiget. Keu mi jitnöņ jibi möta qahö möt narim niņgibeak ewö, mi mönö aņgöletotni ekzeañgöra aka möt narim niņgime.

<sup>12</sup> Nöņön keu öl töhöņņi kun kewö jibi mötket: Denike yeņön ni möt narim niņgizei, yeņön mewöyök ni aņgöletot memba malali, miyöhök memakņe. Miyöhök memakņe aka



nalö tosatje nöjön meali, miangö dopji ongita mi memakje. Nöjön Iwigörej öngöba malmamangöra aka angöletot öngöngöñi ketanji megetka asuhume.

13 “Iwinan nöngöra aka qetbuñambuk akñapkö mötzal. Miangöra aka Inini nöngö qetne wani yuaigöra köulukömei, nöjön mönö mi akñam. Mewö akigun mianjön Iwinangö qetbuñani jigetka qarimakña.

14 Inini yuai kungöra nöngö qetne köuluköba qesim niñgime ewö, nöjön mönö mi akñam.

15 Inini uruñinan jöpaköm niñgimakze ewö, mönö nöngö jöjöpañ keuni tem köla wu-atangöba malme.” Mewö.

*Jisösnöñ Uña Töröñi melaimangö jim jöhöyök.*

16 “Nöjön Iwi köuluköm wanğibiga yañön nam köiput Toñi kun engiiga eta nöngö salupni aka teteköñi qahö embuk mal öngöma.

17 Nam köiput Toñi mi Uña Töröñi. Yañön keu ölnangö Toñi akza. Uruñini qahö melenget yeñön i qahö ek kutuba qahö möt wanğize. Miangöra yeñön i köl öröba möt angön kölbingö osimakzemö, Uña yañön lök embuk malja aka könañgep uruñine geba embuk kinma. Miangöra i kiana qahöpmö, i ölop möt kutum wanğize.

18 “Nöjön engömosötpiga gwani morö ewö qahö aka malme. Ni mönö engörej lilingöba kamam.

19 Nalö töröptökñi teköigun gölme ambazip omanji yeñön ni kunbuk qahö neka malme. Yeñön qahöpmö, uruñini melengeri, enjön ni ölop nehakje. Nöjön köhöiba maljalangöra inini mewöñanök guliba köhöiba malme.

20 Iwi, nani aka inini, nini mohok aka maljin. Nöjön Iwinambuk qekötahöba kinbiga inini nömbuk qekötahöba kingetka nöjön embuk qekötahöba kinjal. Miangö könañi mi Uña Töröñan uruñine gemawangö nalöñe ölop möt asarime.

21 “Kunñan nani jöjöpañ keuni pakpak möt angön köla tem kölakzawi, yañön mönö uruñan ni jöpaköm niñgimakza. Kunñan ni jöpaköm niñgiiga nöngö Iwinan mönö i jöpaköm wanğimakza aka nöjön i jöpaköm wanğimakzal. Nöjön i jöpaköba könañamni indel wanğibiga möt kutuma.”

22 Jisösnöñ mewö jiiga Judas Iskariotkö wakanji Judas yañön kewö jiyök, “Kembu, gi denöwögöra könañamgi nenğörejök indelman aka ambazip uruñini qahö melengeri, yeñgöra mi köyatim engimangö jizan?”

23 Mewö jiiga kewö melen wanğiyök, “Kunñan uruñan jöpaköm niñgimakza ewö, yañön mönö nöngö Buña keuni tem köla wuatangöba malma. Mewö maliga Iwinan i jöpaköm wanğiiga Iwi netkön mönö yangö uruñe geba pöndañ yambuk mohotje malbin.

24 Kunñan ni uruñan qahö jöpaköm niñgimakza ewö, i mönö nöngö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yañön mi niñgiiga jimakzal.

25 “Nöjön keu pakpak mi embuk pöndañ malali, nalö miangörej kusum engiba malal.

26 Mewö malalmö, Iwinöñ Uña Töröñi nöngö qetne melaiiga eta nam köiput (aka tinjonjon) Toñini akña. Yañön keu pakpak kusum engiba nöjön qambañ keu pakpak engiali, mi ölum engubapuköra köl gulim engimakña.

27 “Nöjön luai engizal. Nane luai sorokni qainñi kun mi albi uruñine ahöma. Gölmenöñ ambazip yeñön luai qem angumakzei, nöjön miangö tandök ewö kude qem engimakzalmö, mi ongita luai qainñi kun engimakñam. Miangöra uruñinan mönö wösöbirik kude aka kenğötñini kude möta malme.

28 “Nöjön keu kewö jibiga mötket, ‘Nöjön engömosöta öngöba mala kunbuk engörej lilingömam.’ Inini uruñinan ni ölna jöpaköm niñgibeak ewö, keu jizali, miangöra ölop söñgai-beak. Iwinöñ nöngö ketanñamni akza. Miangöra ni ‘Iwinangörej öngömam,’ jizali, inini mi möta ölop urusösöngai miwikñai getka dop kölbowak.

<sup>29</sup> Keu dölki jibi mötzei, mianğö ölni bian asuhuma. Ölni asuhumawi, inini nalö mianğöreñ mi ölop mötmöriba möt narime. Mianğöra mi nalö kianğöreñ qeljiñe jibi mötze.

<sup>30</sup> “Nalöni törizawağöra embuk keu gwötpuk kunbuk jimamğö dop qahö mötzal. Bölöñağö Kembuñan gölme dop galöm köl engimakzawi, yañön mönö kamamğö jöjöröza. Yağö ösumñan mönö luhut qahö al niñgiba kondondongöma. Nöñgöreñ köna mi yañön jim kutumawağö dop qahö ahöza.

<sup>31</sup> Qahö ahözapmö, nöñön Iwi jöpaköm wañgimakzalağöra yuai pakpak keu jim kutum niñgimakzawağö dop ahakzal. Gölme ambazipnöñ nöñgö könañamni mewö jim kusum engigetka möt asarimeğöra mötzal. Mianğöra mönö mosöta wahöta kagetka anbin.” Mewö.

## 15

### *Jisösnöñ wain ip bömönñi, neñön böröñi akzin.*

<sup>1</sup> Jisösnöñ gwarek yeñğöra kewö jiyök, “Nöñön wain ip öl sorokñi akiga nöñgö Iwinan wain nupkö tonj akza.

<sup>2</sup> Nöñön ip ewö qak börönambuk akzal. Ip böröni pakpak ölni qahö miwikñaiba gilipitñi akzei, Iwinan mi kutum gil engima. Ip böröni pakpak nöñgöreñ tatketka ölni ahum sirizei, Iwinan mi mönö köl köñjörat engima. Ahakmemegö ölni qarim kuwulem sehisehiñi miwikñaimeğöra mönö mem solanim engima.

<sup>3</sup> “Inini Buña keu jibi mötketka mianñön lök mem solaniba köl köñjörat engii sarakñi aka malje.

<sup>4</sup> Mianğöra eñön mönö nömbuk qekötahöba kinme. Mewö kingetka nöñön embuk kinmam. Wain böröni kunñan ip kemañe qahö tata tala etza ewö, mi mönö nanñi nam köl aᅇguba ölni ahum wañgimapkö osima. Mianğö dop inini mewöñañök nömbuk qahö qekötahöba kinje ewö, mönö nanñinök ahakmemegö ölni öne ahum wañgibingö osime.

<sup>5</sup> “Ni waingö ipñi akiga eñön mianğö böröñi akze. Inini nömosöta nanñinök kinda yuai kun akingö osime. Mianğöra kunñan nömbuk qekötahöba kiniga nöñön yambuk qekötahöba kinbiga yañön mönö ahakmemegö ölni önöñi qahö miwikñaiba siriba malma.

<sup>6</sup> Denike yeñön nömbuk qahö qekötahöba kinje ewö, wain ip tonjan mönö i ip böröñi ewö kutum engiba gili yaigep anme. Anda sohohigetka memba tokoba köñöpnöñ gili geba jeme.

<sup>7</sup> “Yeñön jememö, likepñi inini mönö nömbuk qekötahöba kinme. Mewö kingetka nöñgö Buña keunan engö uruñine qekötahöba kinja ewö, inini i me wai buña qem aᅇgubingö mötzei, mi mönö Iwi köuluköm wañgigetka engima.

<sup>8</sup> Inini nöñgö gwarekurupni aka kingetka ahakmemeninağö ölni önöñi qahö ahuba eta tatketka malme. Mewö memba malgerağöra Iwinanğö qetñan mönö aködamunñambuk aka ahöma.

<sup>9</sup> Iwinan ni jöpaköm niñgiba malöhi, nöñön mönö mianğö dop mohot jöpaköm engiba malal. Inini mönö nöñgö urukalem uruñe kinme.

<sup>10</sup> Nöñön Iwinanğöreñ jöjopañ keu tem köla mala kota yağö urukalem uruñe kinjal. Mianğö dop eñön nöñgö jöjopañ keuni memba tem köla malme ewö, mönö ölop nöñgö urukalem uruñe kingetka jöpaköm engiba malmam.

<sup>11</sup> “Nöñön uru sösoᅇgai al engibi engöreñ kutuiga uruñini kokolak qei ahöiga önöñi qahö söᅇgaim sehiba malmegöra keu mi jibi mötze.

<sup>12</sup> \*Nöñgöreñ Köna keu mi kewö: Nöñön uru jöpaköm engiba malali, inini mönö mianğö dop nanñini jöpaköm aᅇguba malme.

\* 15:12: Jon 13.34; 15.17; 1 Jon 3.23; 2 Jon 5

13 Kunḡan alaurupḡi yeḡöra aka nanḡi malmalḡi tököba mosötmawi, mianḡön mönö urukalem öḡgöḡöḡi ketanḡi akza. Kunḡan mi onḡita jöpaköm enḡimamḡö osima. Urukalem tosatḡi mi mianḡö eretḡi.

14 “Nöḡön yuai akḡegöra jim kutum enḡimakzali, inḡini mianḡö dop ahakze ewö, mönö nöḡö alaurupḡi akze.

15 Welenqeḡegö könanḡi kewö: Galömḡan nupḡi denöwö aka memakzawi, mi welenqeḡeḡan qahö mörakza. Mianḡöra enḡö qetḡini ‘Welenqeḡeurupḡi,’ mewö qahö toroḡeba enḡoholmam-mö, Iwinanḡörejök Buḡa keu mörali, mi pakpak mönö enḡöra indelbiga mötze. Mewögöra qetḡini ‘Alaurupḡi,’ mewö enḡoholbiga dop kölja.

16 “O alaurupḡi, enḡön ni qahö möwölöhöm niḡigetmö, nöḡön inḡini möwölöhöba kuḡgum enḡibiga kinje. Mianḡöra enḡön liliköba anda öḡḡi kewö miwikḡaiba pöndanḡ sirigetka ahöahöḡi ahi dop kölma: Nöḡö qetḡi qeta yuai mi me mi mianḡöra Iwi köulukömei, mi mönö enḡii buḡanḡini akḡa.

17 Inḡini mönö sutḡine jöpaköm anḡuba malme. Nöḡön jöjöpanḡ keuni mewö jim kutum enḡizal.” Mewö.

*Urumelenḡö kopanḡi yeḡön inḡini kazik ak enḡime.*

18 “Gölmenöḡ uruḡini qahö melenḡet yeḡön kazik ak enḡime ewö, mönö keu kewö mi möt kutume: Yeḡön mutuk ni mewöḡanök kazik ak niḡiba malget.

19 Inḡini urumelenḡö kopa kambunöḡ malbeak ewö, kambu-urup mienḡön mönö nanḡini alaurupḡini urukalem ak enḡibeak. Mi ak enḡibeakmö, nöḡön inḡini möwölöhöba yeḡö arenöhök enḡömembiga murutḡi aka malje. Yeḡörej ahakmeme bölöḡi mi andö qeba maljeanḡöra aka kazik ak enḡimakze.

20 \* “Nöḡön keu kun kewö jibi mötkeri, mi mönö urukönömḡine ala mötmörime, ‘Welenqeḡenöḡ eretḡi aiga toḡan ketanḡamḡi akza. Gwareknöḡ böhiḡi onḡita öḡgöḡöḡi akḡamḡö osima.’ Mianḡö dop tosatḡan ni sesewerowero ak niḡiba mala kotket ewö, tosatḡi yeḡön mönö nöḡö undumurupḡi inḡini mewöḡanök sesewerowero ak enḡiba malme. Yeḡön nöḡörej Buḡa keu möt anḡön köla malget ewö, inḡini nöḡö keuni jim sehiba malgetka mönö mewöḡanök ölop möt anḡön köla malme.

21 Mewö malmemö, ni melaim niḡiyöhi, yeḡön i qahö möt wanḡize. Mianḡöra silebile qakḡe yuai könanḡi könanḡi lanḡ ak enḡime, mi mönö nöḡö qetbuḡananḡöra aka asuhum enḡima.

22 “Nöḡön yeḡörej qahö eta Buḡa keu jibi mötpeak ewö, yeḡön mönö köpösihitḡinanḡö gamuḡi qahö möta malbeak. Mewö öne malbeakmö, nalö kewöḡe siḡisöndokḡini möt teköba köl turubingö osize. Möndömöndö keuḡini mönö denöwö miwikḡaibeak?

23 Kunḡan ni kazik ak niḡizawi, yanḡön mönö Iwini mewöḡanök kazik ak wanḡiza.

24 Anḡöletot öḡgöḡöḡi ketanḡi meali, mi kunḡan kun enḡö sutḡine qahö memba malök. Nöḡön mi qahö membilenak ewö, yeḡön mönö köpösihitḡinanḡö gamuḡi mi qahö möta malbeak. Tönḡin malbeakmö, nalö kewöḡe nöḡön mi membiga ek teköbagun töndup ni aka Iwini mewöḡanök öne töhön kazik ak netkiba malje.

25 \* “Mewö ak netkiba malgetka Buḡa keu kun öḡḡambuk ahök. Mosesnöḡ köna keu enḡiyöhi, mianḡörej keu mi kewö ohoget ahöza, ‘Yeḡön öne töhön lanḡ kazik ak niḡiba malget.’ Keu mianḡön lök öḡḡambuk ahök.

26 Nöḡön Iwigöreḡ öḡgöba köiput Toḡi melaibiga enḡöreḡ kaba uruḡine geba nanḡöm enḡima. Uḡa Töröḡi yanḡön keu öḡḡanḡö Toḡi akza. Yanḡön Iwigöreḡök eta nöḡö könanḡamni nanḡöba jim asarim enḡiba malma.

27 Yanḡön mewö malma aka enḡön mewöḡanök nöḡö könanḡamni nanḡöba jim asariba malme. Nöḡön könahiba urugö qenjarök nup memba malali, enḡön mönö könakönahinḡeyök nömbuk mala kotket. Mianḡöra inḡini mönö mi ölop jim asariba malme. Mewö.

\* 15:20: Mat 10.24; Luk 6.40; Jon 13.16 \* 15:25: Sum 35.19; 69.4

## 16

*Jisösgö gwarekurupni bim engöhöi utal engime.*

<sup>1</sup> Jisösnöñ toroqeba kewö jiyök, “Inini tala eta engui janjun akepuköra nöñön keu mi qeljine jibi mötze.

<sup>2</sup> Uruñini qahö melenget yeñön mönö köuluk miri kambuñineyök utal engigetka yaigep eta malme. Könañep nalö kun kam kuñgumawi, miangören inini nöngöra aka engugetka kömume. Mewö enguba kewö jime, ‘Mewö mianñön Anutugö welenni qeinga Anutugö uruñan ölöwakza.’ Körekñan mewö möt sohoba jime.

<sup>3</sup> Yeñön Iwi aka ni netkö könañamniri qahö möt asarimakzeangöra aka mewö ak engiba malme.

<sup>4</sup> “Mewö töñpin malmemö, nöñön keu mi qeljine engöra jibi mötze. Miangöra nalö mi kam kuñguiga keu miangö ölni asuhumawi, inini nalö miangören ölop kewö jime, ‘Kraistnöñ kiangö buzup keuñi lök qeljine jii mörin.’ Nanak embuk malalangöra aka keu mi nalö köröpñi ahöiga mutuk qahö jibi möta kotket.” Mewö.

*Uña Töröñan nupni kewö memakza:*

<sup>5</sup> “Nöñön nalö kiangören melaim niñgii erali, mönö yangören öngömangö akzal aigun engörenök kunñan kun kewö qahö qesim niñgiza, ‘Gi denike anman?’

<sup>6</sup> Keu mewö jizali, eñön mi möta miangöra wösöbiriknöñ uruñini kokolak qei malje.

<sup>7</sup> “Mewö maljemö, töndup nöñön miangö likepñi keu ölni kun kewö jibi mötket: Nöñön engömosöta lilingöba öngömami, miangö ölnan asuhuiga mönö kewö mem ölöwak engima: Nöñön öngöba köiput Tonji melaibiga engören eta uruñine gema. Nöñön qahö engömosöta öngöbilenjak ewö, Tonji yañön mönö engören etmamgö osima.

<sup>8</sup> “Köiput Tonji yañön eta malmalgö könañi kewö kondel engiba malma: Gölme dop siñgisöndokñini indela kondeli Anutunöñ keuñini jim teköiga solanime me uruñini qahö melengetka keuñini jim teköba likepñi melen engima. Ambazipnöñ könañamñini mewö eka möt kutume.

<sup>9</sup> Ni qahö möt narim niñgizeangöra siñgisöndökö könañi indel engiiga möt kutume.

<sup>10</sup> “Anutugö köna solanñi möt sohoba nöngöra keu lañ jimakze. Miangöra yañön nöngö könañamni indela kondel engiiga kewö möt kutum niñgime: Nöñön solanñi mala Iwinañgören lilingöba öngöbiga ni kunbuk qahö neka malme.

<sup>11</sup> Bölöñangö Kembuñi gölme dop galöm köñ engimakzappmö, Anutunöñ yangö keuñi lök jim teköyöha könöp siagö Tonji akña. Miangö dop körek neñgö keunini mewöyök jim teköma.

<sup>12</sup> “Nöñön ölop keu gwötpuk toroqeba jibilenjakmö, mi nalö kewöñe jibiga usuñumburan aka köñ gulibingö osibepuk.

<sup>13</sup> Mi osibepukmö, keu ölnangö Tonji, Uña Töröñi yañön eta uruñine geba keu sañep qei mötme. Mi nanñi imbiñangö dop lañ qahö jiba malmappmö, Anutugören keu kezap ala mötzawi, yañön mönö miyök jimakña aka könañep yuai asuhumawi, mi qeljine indela jima. Miangöra yañön engömemba keu ölni pakpak miangö o angöñe al engiiga keu ölnangö köna tiba anme.

<sup>14</sup> “Yañön mönö nane köwenöhök keu memba jim asariba uru kuñgum engiba malma. Miangöra mönö nöngö könani indeliga nöñön qetbuñanambuk ahakñam.

<sup>15</sup> Iwinañgören yuai pakpak ahözawi, mi mönö nöngö böröne ali ahöza. Miangöra jizal, ‘Yañön mönö nane köwenöhök keu memba jim asariba uru kuñgum ak engiba malma.’ Keu mi mewö.”

*Wösöbirik malgetka melenñiga urusösöngai mötme.*

<sup>16</sup> “Nalö töröpñi kun teköiga inini ni kunbuk qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe.”



<sup>17</sup> Mewö jiiga gwarekurupni yengörenök tosatjan nanjinök kewö eraum mötket, “Keu kewö jiza, ‘Nalö töröpni kun teköiga injini ni qahö nekne. Miangö andöne nalö töröpni kun teköigun mönö asuhum engibi ölop kunbuk nekne,’ aka keu kun kewö jiza, ‘Ni Iwinangören öngömam.’ Mewö jiiga mötzini, keu yahöt miangö könañi mi denöwö?”

<sup>18</sup> Mewö eraum möta uzohola jiget, “Yañön ‘Nalö töröpni teköigun,’ jizapmö, keu miangö könañi denöwö? Mi wuanöngöra jizawi, nini mi qahö möt asarizin.”

<sup>19</sup> Mewö jiba qesim wangibingö mötketka Jisösnöñ engkek kutuba kewö jii mötket, “Keu kewö jizal, ‘Nalö töröpni kun teköiga injini ni qahö nekne. Miangö andöne nalö töröpni kun teköigun mönö asuhum engibi ölop kunbuk nekne,’ Injini mönö keu miangö könañi jaruba eraum mötze me?”

<sup>20</sup> “Nöñön keu öl töhöñni kun kewö jibi mötket: Nöñön anbiga injini jinjen köla sahötmemö, uruñini qahö melenget yeyön lañ börum memba sösongai aka malme. Injini wösöbirik aka malmemö, wösöbirikñini mianñön mönö nöngöra aka melennda sösongai aka malme.

<sup>21</sup> Ambinöñ morö memangö nalöni kam kuñguiga masö qeiga qemjen qakne morö mezapmö, morö dölokni memba kinda i eka sösongainangöra mönö sihimbölöñi mi ölum qemakza.

<sup>22</sup> Miangö dop injini mewöyök nalö kewöne wösöbirikpuk maljemö, nöñön könañep kunbuk asuhuba engekiga injini ölop urusösongaibuk malme. Urusösongainjini mi kunjan kun qahö enguanjitma.

<sup>23</sup> “Nalö miangören yuai kungöra ni qahö qesim ningimemö, köulukñini Iwigören algetka diñdianök ani ampei malme. Nöñön keu öl töhöñni kun kewö jibi mötket: Injini nöngö qetnöñ yuai kungöra Iwi köuluköm wangime ewö, yañön mi mönö tököm engima.

<sup>24</sup> Nömbuk mala kageri, injini nalö miangören yuai kungöra nöngö qetne qahö köuluköba malget. Mönö Iwi köuluköba malme. Köulukögetka ölop melen engima. Mi enjiiga sösongainjan asuhum sehiba uruñini kokolak qem teköi malme.” Mewö.

*Jisösnöñ gölmeqö ahakmeme bölöñi mi luhut alakza.*

<sup>25</sup> “Keu jibi möta kamakzei, mi keu sainjambuk jibi möta malget. Könañep nalö kun kam kuñgumawi, miangören keu saini mi kunbuk qahö qeba jibi mötme. Qahöpmö, Iwinangö könañi mi aukne jim asariba malmam.

<sup>26</sup> Nalö miangören injini nöngö qetni qeta Iwi köuluköba malme. Miangö könañi kewö: Injini köulukñini Iwigören albingöra nöngören kunbuk qahö kamaknemö, nanjinak Iwigören diñdij köuluköba malme. Nöñön engö jit memba Iwigö qahö köulukömam.

<sup>27</sup> “Iwinöñ nanjak uruñan jöpaköm engiba köulukñini kewögöra möta malma: Nöñön Anutugörenök erali, injini nöngö könani mewö möt nariba pöndañ uruñinan jöpaköm ningiba mala kotketka köna mewö ahuiga köulukñini möta malma.

<sup>28</sup> Nöñön Iwi mosöta gölmenöñ eta mala gölme mosöta kunbuk lilingöba Iwinangören öngömam.”

<sup>29</sup> Mewö jiiga gwarekurupñan jiget, “Mötnöñ, keu döлки jizani, mi saini qahö qeba jizan. Mi mönö aukneyök jinöñga ölop möt asarizin.

<sup>30</sup> Nini merak könañangi kewö möt yaközin: Göñön mönö nanganök yuai pakpak möt tekönöñga kunjan kun qesiba kusum gihimapköra qahö osizan. Miangöra gi Anutugörenök etnöñi, nini mi ölop möt narizin.”

<sup>31</sup> Mewö jigetka Jisösnöñ melennda jiyök, “Merak ölop möt narim ningizemö,

<sup>32</sup> mötket, nalö tandökni kun kama aka mianñön lök mesohol köla nanjunöñ kinja. Nalö mianñön kam kuñguiga enñon kengetñini möta nömosöta denqenda simbisembel aketka nanök malmam. Töndup nanöhök töhöñ qahö malmam-mö, Iwinan nömbuk malma. Iwinöñ nömbuk malmawangöra aka nanöhök töhöñ qahö malmam.

<sup>33</sup> Enñon toroqeba gölmenöñ mala kahasililiñ qakne möta malmemö, nömbuk qekötahöba luainöñ malmegöra möta keu qöndökni ki jibi mötze. Keuyök qahö jizalmö,

nöñön gölmegö ahakmeme bölöñi mi lök luhut ala wahijambañi kusum teköbiga erök. Mianğöra mönö ewebibiñinambuk köhöiba saitıñgit malme.” Mewö.

## 17

### *Jisösnöñ nanñanğöra Iwi köuluköyök.*

<sup>1-2</sup> Jisösnöñ keu mewö jim teköba Suepnöñ göröken ui öñgöiga kewö köuluköyök, “Iwini, göñön gölme dop ambazip pakpak Nahöñgi nöñgö bapne al enğinöñga kukösum qakñe Kembu ak enğizal. Ambazipnöñ Nahöñgi nöñgö keuni ölop qahö andö qeba öñgita malme. Göñön ambazip sutñineyök tosatñi meköba nöñgö böröne al enğiba kewö jim kutum niñginöñ, ‘Gi mönö i körek kusum enğinöñga malmal köhöikñi miwikñaiaba malme.’ Nup mi mem teköbiga Nahöñgan qetbuñagi mem qarimapköra mönö aködamungi niñginöñ. Nöñgö nalöni mi dölki kam kuñguiga kinda mewö köuluközal.

<sup>3</sup> “Malmal köhöikñanğö könañi mi kewö: Göñön mohot Anutu ölni akzan aka azi Jisös Kraist ni melaim niñginöñga erali, ambazipnöñ netkö könañamniri mewö möt kutume. Malmal kömbönañi mewö miwikñaime.

<sup>4</sup> Nup al niñgiba ‘Meman,’ jiba jim kutum niñginöñi, nöñön mi tem köla memba mala meköyal. Aködamungabuk mala qetbuñagi gölmenöñ indel sehibiga aködamunñambuk ahök.

<sup>5</sup> “O Iwi, nöñön gölme qahö asuhuiga Suep mire mianğöreñ göhö qöhöröñge asakmararañbuk asariba malal. Asakmararañ miyöhök mönö dölki kunbuk al niñginöñga asuhum kutum niñgiiga kunbuk göhö qöhöröñge asakmararañbuk asariba malmam.” Mewö.

### *Jisösnöñ gwarekurupñi yeñgöra aka köuluköyök.*

<sup>6</sup> “O Iwini, göñön gölme ambazip tosatñi kewöta nöñgö böröne al enğinöñi, nöñön göhö qetbuñagi mi yeñgöra indela kondela malal. Yeñön göhö buñaya aketka göñön i nöñgö böröne al enğinöñga yeñön göhö Buña keugi mi möt anğön köla malje.

<sup>7</sup> Göñön yuai niñginöñga mi pakpak göhöreñök kamakzawi, yeñön mi nalö kewöñe lök möt kutuze.

<sup>8</sup> Göñön keu Buña niñginöñi, nöñön mi gwarekurupni kusum enğibiga möt anğön köla malje. Ni gömosöta gölmenöñ erali, yeñön mi ölna möt yaköze. Göñön melaim niñginöñga asuhuyali, yeñön mi mewöyök möt narize.

<sup>9</sup> “Ni yeñgöra aka köuluköm gihizal. Urumelenğö kopa ambazip yeñgöra qahö köuluközalmö, könağesö nöñgö böröne al enğinöñga uruñini melenđa göhö buñaya akzei, mönö yeñgöra aka köuluköm gihizal.

<sup>10</sup> Ambazip pakpak nöñgö buña akzei, yeñön mönö göhö buñaya akze aka ambazip göhö buñaya akzei, yeñön mönö nöñgö buña mewöyök akze. Nani aködamuni al enğibiga mianğö qakñe kinda ahakmemenini aketka nöñgö qetbuñanan qarim sehimakña.

<sup>11</sup> Ni gölmenöñ malmalni teköiga göhöreñ kotmamğö akzalmö, yeñön toroqeba gölmenöñ malme. O Iwi Töröñi, göñön qetki niñginöñga mianğö ösumñan mönö sel jöhöm enğinöñga qahö julme. Netköñ mohot aka maljiri, yeñön mianğö dop mohot aka malmegöra köuluközal.

<sup>12</sup> \* “Nöñön yembuk gölmenöñ mala koralı, nalö mianğöreñ qetbuñagi niñginöñga mianğön sel jöhöm enğiba malal. Buña Kimbigö keu kunöñ ölnambuk akñapköra azi mohok-kunñan sohoba köñöp siagö buñaya aka sihimbölö möta malma. Nöñön galöm köñ enğialanğöra yeñgöreñök tosatñan qahö janjuñ aka sohoget.

<sup>13</sup> Tosatñan qahö sohogetmö, nöñön dölki gölmenöñ mala göhöreñ kamamğöra kaba keu ki jizal: Nöñgö uru sösongainan mönö yeñgöreñ kutui megetka uruñini kokolak qeiga söñgaiba malme. Mewö asuhumapköra köuluközal.

\* 17:12: Sum 41.9; Jon 13.18

<sup>14</sup> Nöñön göhö Buña keugi kusum engibiga möta malje. Nöñön gölmegö ahakmeme bölöni mi qahö wuatängömakzali, yeñön mönö mewöyök mi qahö wuatängöba andö qemakze. Miangöra gölmenöñ uruñini qahö melenget yeñön mönö kazik ak engimakze.

<sup>15</sup> “Nöñön gölmenöhök enguangitmangöra qahö qesim gihizalmö, Bölöni Tonangöreñök angön köla sel jöhöm engiba malmangöra köuluközal.

<sup>16</sup> Nöñön gölmegö ahakmeme bölöni andö qeba mi qahö wuatängöbiga yeñön mewöyök mi andö qeba qahö wuatängömakze.

<sup>17</sup> Keu ölni mianön mönö mem sarahim engiba malman. Göhö Buña keugan mönö keu öl töhöñji akza.

<sup>18</sup> Göñön melaim niñginönga gölme ambazip sutñine anda nup memba malali, nöñön mewöñanök i melaim engibiga gölme ambazip yeñgö sutñine dennda anme.

<sup>19</sup> O Iwini, yeñön keu ölnangö dop malmalñini körek tököm gihimegöra aka bauköm engiba nani malmalni jömuk tököm gihizal.” Mewö.

*Jisösnöñ mötnariñ ambazip pakpak neñgöra köuluköyök.*

<sup>20</sup> “O Iwini, nöñön gwarekurupni yeñgörök aka qahö köuluközalmö, Buña keu jim sehigetka ambazip möt narim niñgimei, mönö yeñgöra aka mewöyök köuluközal.

<sup>21</sup> Iwi göñön nömbuk qekötahöba kinönga nöñön mewöyök göbuk qekötahöba kinjal. Miangö dop yeñön mewöyök netpuk qekötahöba kinmegöra mötzal. Nangak melaim niñginönga erali, gölme ambazipnöñ mi möt narimegöra aka yeñön körek pakpak mohot aka malmegöra köuluközal.

<sup>22</sup> Naniri mohot aka maljiri, yeñön mewöñanök mohot aka malmegöra aka aködamungi al niñginöñi, nöñön mi yeñgöra al engial.

<sup>23</sup> “Nöñön yembuk qekötahöba kinbiga göñön nömbuk qekötahöba kinjan. Miangö dop yeñön keuñini jöhöm teköba mohot aka malmegöra köuluközal. Mohot aka kingetka gölme ambazipnöñ könañamni kewö möt asarime: Göñön melaim niñginöñ etpiga jöpaköm niñgiba malnöñi, miangö dop i mewöyök jöpaköm engiba malnöñ.

<sup>24</sup> “O Iwini, göñön gölme qahö miwikñainöñi, qeljine nalö miangöreñ lök urugan jöpaköm niñgiba asakmararañ al niñginönga mala koral. Könañgep alaurup niñginöñi, nöñön yeñön mewöyök asakmararañ mi ekñegöra mötzal. Miangöra nöñön miri malmami, yeñön miangöreñ nömbuk mohotñe malbingö sihimñi mötzal.

<sup>25</sup> “O Iwi solañji, gölme ambazip uruñini qahö melengeri, yeñön gi qahö möt kutum gihiba mala kotketmö, nöñön gi ölöpñanök möt kutum gihizal. Nangak melaim niñginöñi, nöngö urumelen alaurupnan mi lök möt yaköze.

<sup>26</sup> Nöñön göhö qetki mi jim tuarim engibiga möta malget. Göñön urugan jöpaköm niñgiba malnöñi, urukalem mianön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.

## 18

*Jisös memba jöhöget.*

*Mat 26.47-56; Mak 14.43-50; Luk 22.47-53*

<sup>1</sup> Jisösnöñ keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangöreñ anget.

<sup>2</sup> Jisös aka yañgö gwarekurupñi yeñön qösösök miangöreñ tokoba malget. Miangöra Judas mamalolo mem wañgimangö ahöhi, yañön mewöyök arö mi ölöp mörök.

<sup>3</sup> Jike nup galöm aka Farisi (Köna keugö kapañkölköl) yeñön jöwöwöl jikegö kiripo galöm (sikiriti) tosati melaim engigetka Judasnöñ i aka gawmangö yarö azi kambu kun engömeiga mohotñe kaget. Yeñön kiwa lambe aka timbi liñipñini memba bisiba arönöñ kaget.

<sup>4</sup> Kagetka Jisösnöŋ yuai pakpak mewö asuhum waŋgimawi, mi lök möröhaŋgöra aka wahöta aukŋe kaba kewö qesim enġiyök, “Inini dagöra jaruze?”

<sup>5</sup> Qesim enġiiga kewö melenġet, “Nini Jisös Nazaret tonji mia jaruzin.” Melenġetka kewö jiyök, “Mia nöŋön.” Judas mamalolo meme azi yaŋön mewöyök yembuk kinök.

<sup>6</sup> “Mia nöŋön,” Jisösnöŋ keu mewö jiiga möta andöandö anda gölmenöŋ tala eta enġuyök.

<sup>7</sup> Mewö aketka kunbuk qesim enġiyök, “Inini mönö dagöra jaruze?” Qesim enġiiga jiget, “Jisös Nazaret tonji ia jaruzin.”

<sup>8</sup> Jigetka melenöŋ, “Mia nöŋön, mi lök jibi mötze. Inini nia jarum niŋgize ewö, mönö azi ki ölöp enġömosötketka öne anme.”

<sup>9</sup> Mutuk köuluköba gwarekurupŋi yeŋgöra keu kun kewö jii mötket, “Ambazip nöŋgö böröne al enġinöŋga maljei, nöŋön mi köyan köl enġiba malbiga yeŋgöreŋök kunöŋ kun qahö sohoba ayuhuyök.” Keu mianöŋ ölnambuk akŋapköra Jisösnöŋ jitnememe yeŋgöra keu mewö jiyök.

<sup>10</sup> Mewö jiiga Saimon Pitönöŋ bingö sou ketanji memba malöhi, yaŋön mi kupinneyök öröba jike nup galöm bohönŋaŋgö welen aziŋi qeba kezapŋi ölnje göröken köteköi erök. Welenqeŋe azi mi qetŋi Malkus.

<sup>11</sup> \*Mewö asuhuiga Jisösnöŋ Pitö kewö jim kutum waŋgiyök, “Gi bingö sou ketanji mi mönö kunbuk alnöŋga kupinŋe geyök. Iwinan sihimbölögö qambi o qölnambuk nöŋgö buŋaya qeyöhi, mi ölöp möta mökösoŋda mesohol kölmam.” Mewö.

*Jisös waŋgitketka Anasgö jeŋe kinök.*

<sup>12</sup> Suahö galömninan jiiga yarö azi kambu aka Juda yeŋgö naŋgu galöm (sikiriti) yeŋön Jisös memba jöhöget.

<sup>13</sup> Jöhöba waŋgita mutuk jike nup galöm qetŋi Anas yaŋgö mire anget. Anasgö qinġiŋi qetŋi Kaiafas yaŋön jike nup galöm bohönŋi aka yambu (yara) mianġöreŋ nup mi memba malök.

<sup>14</sup> \*Kaiafasnöŋ mutuk Juda ambazip yeŋgöra qambaŋ keu kewö jiyök, “Ambazip kambu jömuk ayuhum teköbinbuköra azi mohotŋan neŋgöra aka kömuiga dop kölma.” Mewö.

*Pitönöŋ Jisös könahiba qaŋ kölök.*

*Mat 26.69-70; Mak 14.66-68; Luk 22.55-57*

<sup>15</sup> Jisös memba angetka Saimon Pitö aka gwarek alaŋi kun yetköŋ andöŋjine anohot. Anohotka alaŋi mianöŋ jike nup galöm bohönŋi möt waŋgiyöhaŋgöra aka ölöp amqeba Jisös wuatangöba jakömbuak miri sel uruŋe geyök.

<sup>16</sup> Yaŋön geyökmö, Pitönöŋ sel yaigepŋe naŋgunöŋ kinök. Mewö kiniga gwarek alaŋan jike nup galöm bohönŋi möt waŋgiyöhi, yaŋön yaigepŋe geba naŋgu galöm ambi yambuk keu jii möta naŋgu öröiga Pitö waŋgita sel uruŋe geyohot.

<sup>17</sup> Gebitkö ahoŋi, mianġöreŋ welenqeŋe ambi sel naŋguŋi galöm kölöhi, yaŋön Pitö eka kewö qesim waŋgiyök, “Gi ölna mewöyök azi mianġö gwarek yeŋgöreŋök kun akzan me?” Mewö qesim waŋgii möta “Ni qahö!” jiyök.

<sup>18</sup> Welen azi aka naŋgu galöm (sikiriti) yeŋön amötŋaŋgöra aka könöŋ jeba ururuŋgöba ahöiga jömöta kinget. Mewö kingetka Pitönöŋ mewöyök yeŋgö sutŋine anda könöŋ jömöta kinök. Mewö.

*Jike nup galöm bohönŋan Jisös qeqesi al waŋgiyök.*

*Mat 26.59-66; Mak 14.55-64; Luk 22.66-71*

<sup>19</sup> Jike nup galöm bohönŋi Anas yaŋön Jisösgö qeqesi al waŋgiba kewö jiyök, “Gi ambazip denöwö kusum enġiba gwarekurupki niŋi niŋi enġömembra maljan?”

<sup>20</sup> Mewö jiiga kewö melen waŋgiyök, “Ni nalö dop aukŋe ambazipŋi ambazipŋi kusum enġiba malal. Juda könagesö pakpak neŋön jöwöwöl jikenöŋ öngöba köuluk mirininangö

\* **18:11:** Mat 26.39; Mak 14.36; Luk 22.42      \* **18:14:** Jon 11.49-50



dop tokomakzini, ni mönö mianğören kinda kusum engiba malal. Buña keu tölapni kun qahö jial.

<sup>21</sup> Nöñön keu denöwö ambazip kusum engiba malali, wuanöngöra ni mewö qesim niñgizan? Nöñön keu jibiga ambazip möta malgeri, yeñön mönö keunangö kötni möt teköze. Mianğöra i qesim enginönga dop kölma.”

<sup>22</sup> Mewö melen wañgiyökmö, jikegö kiripo galöm (sikiriti) kunöñ kösutne kinda Jisös nunğulumne qekötahöba jiyök, “Jike nup galöm bohonñan qesim gihiiga gi keu silik mewöni mönö wuanöngöra melen wañgizan? Gödaqqeqe qahö.”

<sup>23</sup> Mewö jiiga kewö melen wañgiyök, “Keu bölöña jibilenak, mi mönö indelnönga dop kölmapmö, keu ölni jizal ewö, mönö wuanöngöra ni öne nunğuzan?”

<sup>24</sup> Mewö melen wañgiiga Anasnöñ Jisös melaiba jiiga tapepni (munğamuñga) tok böröñe tariga wañgita jike nup galöm bohonñi Kaiafas yangören anget. Mewö.

*Pitönöñ Jisös qañ köliga yahöt karöbut ahök.*

*Mat 26.71-75; Mak 14.69-72; Luk 22.58-62*

<sup>25</sup> Saimon Pitönöñ könöp jömöta kiniga tosatñan qesiba kewö jiget, “Gi ölna mewöyök yangö gwarekurupni yeñğörenök kun akzan me qahö?” Mewö jigetka qañ köla “Ni qahö,” jiyök.

<sup>26</sup> Pitönöñ jike nup galöm bohonñangö welen aziñi qeba kezapni qeköi eröhi, yangö tinitosolomni welenqqe alañi kunöñ mi möta qesiba jiyök, “O gi mönö arönöñ yambuk mohokne malohotka gekzal me denöwö?”

<sup>27</sup> Mewö jiiga Pitönöñ kunbuk qañ köliga nalö mianğörenök kuruknöñ könahiba qeriga mörök. Mewö.

*Jisösnöñ premiö Pailötkö jeñe kinök.*

*Mat 27.1-2, 11-14; Mak 15.1-5; Luk 23.1-5*

<sup>28</sup> Miri gianjiiga söñanök Jisös Kaiafasgö mirinöhök wañgita eta Rom premiögö jakömbuak mire anget. Juda yeñön urunini tölöhoba kölköljinjin akinbuköra waimanjat möta kewö jiget,\* “Ak-kömukömu kendongö lama nemingö osibinbuk.” Mewö jiba möt lömböriba premiögö jakömbuak miri urune qahö öngöget.

<sup>29</sup> Mianğöra premiö Pailötnöñ yaigep eta engeka kewö qesim engiyök, “Azi kianön mönö wani pinjit aiga keu jim wañgiba wañgita kaze?”

<sup>30</sup> Qesim engiiga melenget, “Azi mianön kegwek me bölöñi meme azi kun qahö akawak ewö, neñön mönö öne töhön i wañgita göhö böröge qahö albinak.”

<sup>31</sup> Mewö melengetka Pailötnöñ jii mötket, “Injini mönö nanñinak keu jakeñine al wañgiba Köna keuninangö dop kewöta keuñi jim teköme.” Mewö jii möta jiget, “Neñön azi kun kömumapkö keuñi jim teköbingö soñgo ahöi osizin.”

<sup>32</sup> \*Juda yeñön mewö jigetka Jisös nanñak kömup denöwöñi kömumawi, keu mi indela jiiga mewö mianön ölnambuk ahök.

<sup>33</sup> Pailötnöñ Juda yangö keuñini möta kunbuk jakömbuak miri urune öngöba Jisös oholi kaiga kewö qesim wañgiyök, “Gi Juda engören kin kembuñina akzan me qahö?”

<sup>34</sup> Mewö qesim wañgiiga melenka kewö qesiyök, “Keu mi mönö nangi urugeyök jizan me tosatñan nöngöra keu mewö jiba jitke algetka jizan?”

<sup>35</sup> Mewö qesiiga Pailötnöñ melenök, “Yei! Ni mönö Juda azia aka Juda engö keuñini nanğomakzal me? Qahöpmaöp! Ni Rom premiö malbiga nangi ambazip kambu-urupki aka jike nup galöm yeñön mönö goañgita nöngö böröne al gihize. Göñön mönö wanat yuai aknöñ?”

\* **18:28:** Rom gawman yeñğöra Juda yeñön kewö möt nariget: Nini Rom yangö jakömbuak mire öngöinga urunini tölöhöi ösumnini eri kölköljinjinambuk aka ak-kömukömu kendongö lama töröñi nemingö osibin. Mianğöra sombemnöñ yaigep malget. \* **18:32:** Jon 3.14; 12.32

<sup>36</sup> Mewö melenjiga jiyök, “Nöngö kinjtohoñni mianjö könañi mi gölme kianjören qahö ahöza. Nöñön gölmegö kinjtohoñ kungö kin kembuya akilenjak ewö, nöngö sunğurumurupnan mönö ölop wahöta nöngöra aka suahö akeak. Suahö aka nöñön Juda jitenememe yeñgö böröñine gebilenbuköra kapañ köla bim qegetka nömembangö osibeak. Mi osibeakmö, nöngö kinj tohoñnañgö könañi mi miri kungen ahöza. Ni gölme azi kembuya qahö akzal.”

<sup>37</sup> Keu mi jiiga Jisös kewö qesim wañgiyök, “Gi töndup kin kembu qainñi kun akzani, mi ölna me qahö?” Mewö qesim wañgii melenjök, “Ni kinj kembu qainñi kun akzali, mi nangak jizan. Nöñön keu ölni nangöba jim tuarimangöra aka gölmenöñ eta asuhuyal. Körek yeñön keu ölnañgö likepñe maljei, yeñön mönö nöngö keuni kezap ala mörakze.”

*Jisös kömumapkö jim teköget.*

*Mat 27.15-31; Mak 15.6-20; Luk 23.13-25*

<sup>38</sup> Mewö melenjiga Pailötnöñ mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeñgören geba söndaknöñ kinda kewö jii mötket, “Nöñön azi mianjö pinjitñi jaruba kun qahö miwikñaizal.”

<sup>39</sup> “Kun qahö miwikñaizalmö, ahakmemeni kun kewö ahöi mötze: Yambu (yara) dop ak-kömukömu kendon nalöñe kösö mireyök azi mohot engöra pösatpi erakza, mi mötze. Mianjöra Juda engö kinj kembuñini ölop engöra pösatpi etpawak me qahö? Mianjöra inini sihimñinan denöwö mötze?”

<sup>40</sup> Mewö jii möta melenja kewö qetket, “Qahö, i qahöpmö, Barabas pösatnöñga neñgören etma!” Mewö qetketmö, Barabas yañön kegwek azia aka bim karim kun megeri, mianjö bohoññi ahök. Mewö.

## 19

*Pailötnöñ Jisös maripomnöñ kömumapkö jim teköyök.*

<sup>1</sup> Silata qetketka Pailötnöñ Jisös wañgita anda jiiga yarö azi yeñön ihilek wahiñambuknöñ tauköba qeget.

<sup>2</sup> Yarö azi yeñön tauköba mepaqepaik kewö ak wañgiget: Yeñön Jisös qeba kösö wahiñambuk memba köpeiba ila möhangöba nöropñe kölget geiga maluku pisikñi gugakgugakñambuk mi köl wañgigetka geyök.

<sup>3</sup> Mewö aka kösutñe arengöba kinda jiget, “Owe owe! Juda engö Kinj Kembuñini, owe!” Mewö jiba nuñgulumñe gwötpuk qekötahöget.

<sup>4</sup> Mewö mepaqepaik ak wañgigetka Pailötnöñ kunbuk yaigepñe geba kewö jii mötket, “Mötket! Nöñön azi mi kewöta pinjitñi kun qahö miwikñaizal. Mianjöra i kunbuk wañgitpiga engö jeñine eriga könañi mewö möt kutuba ekñe.”

<sup>5</sup> Mewö jii mötketka Jisösnöñ eta söndakñe kini kewö eket: Tosatñan kösö wahiñambuknöñ ila köpeiba nöropñe köla maluku pisikñi gugakgugakpuk köl wañgigetka kiniga Pailötnöñ jii kewö mötket, “Azi ölni ki eket!”

<sup>6</sup> Mewö jii mötketka jike nup galöm aka nangu galöm (sikiriti) yeñön i eka keu wölwölbuk qeta jiget, “Maripomnöñ qeget kömuma. Maripomnöñ qeget kömuma.” Mewö jigetka Pailötnöñ jitenememe memba kewö jii mötket, “Nöñön pinjitñi kun qahö miwikñaizal. Mianjöra inini mönö nanñinök i memba maripomnöñ qeget kömumbawak.”

<sup>7</sup> Juda jitenememe yeñön keu mi möta kapañ köla kewö jiget, “Neñgören Köna keu ahöza. Keu mianjö dop kewöringa kömumawañgö dop akza. Nanñi memba öngöba ‘Anutugö nahöññi akzal,’ jimakza. Mianjöra mönö kömupkö buñaya aiga dop kölma.”

<sup>8</sup> Mewö kapañ köla jigetka Pailötnöñ möta böññi wahörija jöñömñi undui keñgötñi mörök.

<sup>9</sup> Mewö möta Jisös wañgita kunbuk jakömbuak miri uruñe öngöba kewö qesim wañgiyök, “Gi denikegöra?” Qesim wañgiyökmö, yañön kitipñi kun qahö melenja keu böc kinök.

<sup>10</sup> Keu bök kiniga kewö jii mörök, “Gi nöngöra keu kitipni kun melenman me qahö? Nöñön jim teköbiga pösat gihime me maripomnöñ guhugetka kömuman. Mianğö kukösumni mi nöngöreñ ahöza. Mianğö könañi mötzan me qahö?”

<sup>11</sup> Mewö jii möta kewö melen wañgiyök, “Kunöñ euyangöreñök kukösum qahö al gihiyök ewö, gi mönö azi omañi mala yuai ak niñgimangö osibanak. Mianğöra azi kun danön ni göhö böröge al niñgizawi, yanğö singisöndokñan mönö göhöreñ pinjit onğita ketañi akza.”

<sup>12</sup> Mewö melen wañgiyöhañğöra aka Pailötnöñ Jisös pösari etmapkö kapañ kölök. Mewö kapañ kölökmo, Juda yeñön qet gigilahöba kewö jiget, “Pösatnöñga etma ewö, mönö sisa kiñğö alañi qahö toroqeba aka malman. Kunöñ nanñanğö möri öñğöiga ‘Kiñ kembuya akzal’ jizawi, yanön mönö sisa kiñ tuarenjoñ ak wañgiza.”

<sup>13</sup> Mewö jigetka keu mi möta jim kutuiga Jisös wañgita yaigep etket. Etketka premiö Pailötnöñ jake kun kötnöñ ala tömbulget ahöyöhi, mianğöreñ öñğöba keu jimtekötekögö dum tatatje eta tarök. Jake mianğö qetni Hibru keunöñ Gabata jimalget. Mi nanine keunöñ Jake Kötnöñ mem tömbultömbulni.

<sup>14</sup> Eta taröhi, Juda ambazipnöñ wehön mianğöreñ ak-kömukömu kendon tatpingöra jöjöröget. Wehön mi aiga silim bibiñi dopdowiiga Pailötnöñ dum tatatje tata Juda yeñğöra kewö jii mötket, “Eket, engö kiñ kembuñini ki!”

<sup>15</sup> Mewö jii möta qet gigilahöget, “Yapmakek! Yapmakek! Maripomnöñ qeget kömuma!” Qet gigilahögetka kewö jiyök, “Engö kiñ kembuñinanğö keuñi jim teköbiga maripomnöñ öñğömapköra jize me?” Mewö jiiga jike nup galöm yeñön melenđa jiget, “Sisa kiñnöñ mohok kiñ kembunina akza. Neñğöreñ kiñ kembu murutni kun qahö ahözal!”

<sup>16</sup> Mewö melenđa jigetka Pailötnöñ Jisösgö keuñi jim teköba maripomnöñ qeget kömumapköra böröñine alök. Böröñine aliga yarö azi yeñön Jisös memba galöm kölget.

### *Jisös maripomnöñ qeget.*

*Mat 27.32-44; Mak 15.21-32; Luk 23.26-43*

<sup>17</sup> Galöm kölgetka nanñi maripomni nanñak anğuba siti kutuba yaigep geba gölme kun qetni Nöröpsihit qerakzema, mianğöreñ anget. Nöröpsihit qet mi Hibru keunöñ Golgota qerakze.

<sup>18</sup> Mianğöreñ anda maripomnöñ qeget aka yambuk azi yahöt likeplikep mohotje etkuba Jisös sutñire algetka kinget.

<sup>19</sup> Mewö qegetka Pailötnöñ kulem ohoba jiiga maripomnöñ Jisösgö nöropñe göröken eu ala qeget. Kulem mi kewö ohoi kinök, “Jisös Nazaret toni, Juda yeñğö kiñ kembuñina ki.”

<sup>20</sup> Jisös maripomnöñ qegeri, gölme mi siti kösutñe ahöyök aka kulem mi keu karöbut, Hibru, Latin aka Grik keu mianön ohoget kinök. Mianğöra Juda ambazip gwötpukñan onğita anda kaba eu uba kulem mi oyonget.

<sup>21</sup> Mewö ohoiga Juda yeñğö jike nup galöm yeñön Pailöt kewö jiget mörök, “‘Juda yeñğö kiñ kembuñina ki,’ mewö kude ohomanmö, kewö ohoman, ‘Nanñanğöra Juda kiñ kembunina akzal, jiyök.’ ”

<sup>22</sup> Mi möta Pailötnöñ keu kewö melennök, “Keu lök ohozalangöra mi mönö mewö ahöma.”

<sup>23</sup> Yarö azi yeñön Jisös maripomnöñ qebagun opo silepöke öroyuaiñi memba azi 4 sutñine mendenđa 4 aiga totonine meget. Mewö megetka malukuñi ahöi megetmö, mi kewögöra ölop qahö mendenget: Mi körekanök opo jöhanñi mohotñan memena. Opo kitipni kitipni qahö mindiriba euyök liliklilik uhum megetka emu gegeni ahöyök. Mianğöra mi bölibapuköra mendenbingö osiget.

24 \*Osiba eraum möta kewö jiget, “Mi mitiinga qahö dop kölma. Miangöra ölop miangö unji qeinga tonji ahuma.” Mewö jiba unji qegetka Buña keu kun ölnambuk ahök. Keu mi kewö ohoget ahöza,

“Yeñön opo silepökeni memba sutņine mendenđa totonine memba malukunangö unji mönahot algetka kunöñ luhut alma.”

Yarö azi yeñön keu miangö dop aket.

25 Jisös maripomnöñ qeget kiniga ambi kewöñan könañe kinget: Jisösgö nam nasöñi aka Klopas anömñi qetñi Maria aka Magdalagö ambi qetñi Maria.

26 Jisösnöñ namñi aka wölböt gwarekñi kösutņe kinohotka etkeka namñangöra kewö jiyök, “Namni, mönö nahöngi ki eka tönjonğöba malman.”

27 Mewö jiba gwarek mi kewö jii mörök, “Mönö namgi ki eka tönjonğöba malman.” Mewö jii möta Jisösgö namñi nalö miangöreñök wañgiriga miriñe anda mohotņe malohot. Mewö.

*Jisösnöñ maripomnöñ kinda kömuyök.*

*Mat 27.45-56; Mak 15.33-41; Luk 23.44-49*

28 \*Jisösnöñ nupñi pakpak mem teköyöhi, mi möta miangöreñ Buña Kimbigö keu kunöñ ölnambuk akñapköra kewö jiyök, “Ni ogöra ak ningiza.”

29 Miangöreñ qem nene kun wain o asölnambuk mianjön kokolak qeba tarök. Mi tariga köwet mömöndö kun kahali tandök mi memba wain onöñ kundumğöba sonğorep suñe qesamböta meget öngöiga numbuñe alget.

30 Algetka wain o asölnambuk mi nemba jiyök, “Mönö teköza.” Mewö jiba malmalñi mosötmangöra nöropñi wambelahöi eri imutñi koriga nöñ qeyök. Mewö.

*Jisösgö marömñi liñgipnöñ utohoget.*

31 Jisösnöñ nöñ qeiga Juda ambazipnöñ silim miangöreñ ak-kömukömu kendon tatpingöra jöjöröget. Ak-kömukömu Sabat kendon mi kendon nalö ketani ahök. Miangöra Juda jitñememe yeñön waimanjat möta kewö jiget, “Qamöt mienjön Sabat kendon nalöñe maripomnöñ kingetka qahö dop kölja.” Mewö jiba premiö Pailötköreñ anda kewö qesim wañgiget, “Gi ölop jinöñga anda maripomnöñ engugeri, yeñgö töwat sihitñini kusugetka qamötñini meköin etme?”

32 Qesim wañgigetka jim teköiga yarö azinöñ kañgotket. Kañgota Jisösbuk maripomnöñ etkugeri, mi zilañ kömumahotköra mutuk yetköreñök kungö töwat sihitñi kusuba likep anda kungöreñ mewöñanök aket.

33 Mewö aketmö, Jisösgöreñ kañgota eketka lök kömuyök. Mewö eka sihitñi qahö kusuget.

34 Qahö kusugetmö, yarö azi yeñgöreñök kunñan liñgip memba marömñi umburatiiga miangöreñök sep aka o erök.

35 Mewö aketka kunöñ yuai mi jeñan ehöhi, yañön mi nañgöba jiba ki ohoi ahöi döлки oyonje. Keu nañgöba jiba ohoi ahözawi, mi mönö keu ölna akza. Inini mewöyök mi möt narimeğöra möta keu ölna jizawañgö dop mötza.

36 \*Yuai mi asuhuyöhi, mi Buña Kimbigö keu kunöñ ölnambuk akñapköra asuhuyök. Keu mi kewö, “Yañgö sihitñi mönö kude kusume.”

37 \*Aka Buña Kimbigö keu kun kewö ahöza, “Azi utohogeri, yeñön mönö yañgöreñ göröken jeñini uba ekņe.” Inini keu yahöt miangöra aka mi möt narime. Mewö.

*Jisösgö qamötñi köt köteñnöñ löm kölget.*

*Mat 27.57-61; Mak 15.42-47; Luk 23.50-56*

\* 19:24: Sum 22.18 \* 19:28: Sum 69.21; 22.15 \* 19:36: Eks 12.46; Jan 9.12; Sum 34.20 \* 19:37: Zek 12.10; Ind 1.7



<sup>38</sup> Mianğö andöñe Arimatia taon toni qetñi Josef kayök. Yanön Jisösgö gwarekñi aka malökmö, Juda jitñememe yeñğöra keñğötñi möta mötnaripñi köyatiba malök. Yanön kaba premiö Pailötkörej anda Jisösgö qamötñi mekömamğö qesim wañgiyök. Qesim wañgiiga möta jim teköiga kaba meköyök.

<sup>39</sup> \*Azi qetñi Nikodemus mutuk Jisösgörej sunğem kayöhi, yanön mewöyök kayök. Kaba qamöt mirimamğöra kelök köhöwaktambuk qetñi mör mi repa onğambuk melenğeri, mi esu mohot lömbötñi 30 kilogö dop bohonñi memba kaba Josef bauköm wañgiyök.

<sup>40</sup> Bauköm wañgiba mohotñe Jisösgö qamötñi meköyohot. Meköba jiniñ wöronñi ölöpnñi memba qamöt silenje ala opo tuatñi mianön köpeiyohot. Juda ambazip neñön qamötnini mewö aka mözözömgöba löm köl enğizinma.

<sup>41</sup> Jisös maripomnöñ qegeri, gölme mianğö likepñe arö kun ahöyök. Arö mianğörej qaksirigö köt köteñ löm dölöknñi kun urorohoget kinök. Mianğörej qamöt kun qahö algetka gwamönñi ahöyök.

<sup>42</sup> Gwamönñi aka kösutñe ahöiga Juda ambazipnöñ ak-kömukömu kendon tatpingöra jöjörögetka nalöñini töriyök. Mianğöra Jisösgö qamötñi memba mianğörej ala löm kölohot. Mewö.

## 20

*Jisösgö löm qaksirinñan gwamönñi ahök.*

*Mat 28.1-8; Mak 16.1-8; Luk 24.1-12*

<sup>1</sup> Sabat kendon tatket teköiga Magdalagö Maria yanön Sonda söñanök wañgaran suruiga qaksirinöñ anök. Anda je ui ani köt ketanñi ehiga mianön lök köteñ urorohonñi mianğö numbuñeyök qetalget kaba ahöyök.

<sup>2</sup> Mewö eka mianğörejök mosöta ösumok anda Saimon Pitö aka Jisösgö wölböt gwarekñi yetkörej kaba kewö jii mörohot, “Mönö Kembugö qamötñi qaksirinöhök memba anda denike alget ahözawi, mi qahö mötzin.”

<sup>3</sup> Mewö jii möta mosöta qaksirinöñ anohot.

<sup>4</sup> Mohotñe ösumok anohotmö, gwarek alañan ösumñan anda Pitö onğita mutuk qaksirinöñ anğorök.

<sup>5</sup> Anğota köt köteñ urorohonñi mianğö uruñe qahö öngöba numbuñe öne kököriba ui aniga oponñi köpeköpeinñanök ahöiga ehök.

<sup>6</sup> Mi ehiga Saimon Pitönöñ mewöyök andöñe kañgota köt köteñ uruñe öngöba oponñi köpeköpeinñanök ahöi ehök.

<sup>7</sup> Mi ehök aka nöropñi opo jahönñi kunöñ köpeiba esuhugeri, mi tosatñan kusuba silegö oponñi miambuk qahö mindiriba kungen algetka nanñök tariga ehök.

<sup>8</sup> Mewö ehiga gwarek alañan mutuk qaksirinöñ kañğoröhi, yanön mewöyök köt köteñ uruñe öngöba yuai mi eka möt nariyök.

<sup>9</sup> Jisös guliba kömupnöñöhök wahötmawi, yetköñ Buña Kimbigö keu mewöñi mi qeljine qahö möt asariba tönpin mala korohot. Mewö.

*Jisösnöñ Magdalagö ambi Mariagörej asuhuyök.*

*Mat 28.9-10; Mak 16.9-11*

<sup>10</sup> Mala kota mianğörejök möt nariba lilingöba mirinñire anohot.

<sup>11</sup> Yetköñ anohotmö, Marianöñ nanñök qaksirigö köt köteñ numbuñe kinda sahörök. Mewö sahöta köteñ urorohonñi mianğö uruñe kököriba ui anök.

<sup>12</sup> Ui aniga Suep garata yahöt malukunñiri tuat lalamñi etkehök. Jisösgö qamötñan ahöyöhi, yetköñ mönö mianğörej tarohot. Kunöñ nöropñi ahöyöhañğörej tariga kunöñ könañe tarök.

<sup>13</sup> Mewö tata kewö jiyohot mörök, “Ambi, gi mönö wuanöngöra sahötzan?” Mi möta jiyök, “Kembunañğö qamötñi memba anda denike alget ahözawi, mi qahö mötzal.”

\* 19:39: Jon 3.1-2

14 Mewö jiba lilingöba Jisösnöñ kösutje kiniga ehökmö, kaisongolomñi mi qahö ek kutuba tönpin kinök.

15 Tönpin kiniga Jisösnöñ kewö qesim wangiyök, “Ambi, gi mönö wuanöngöra sahötzan? Dagöra jaruzan?” Mewö qesim wangiga arö galömñan kinja me denöwö, mewö mötmöriba kewö jiyök, “O ketanjamni, gi qamötñi memba anguba kungen anda alnöñ ewö, mönö denike ahöza, mi jinöñga möta anda memam.”

16 Mewö jiiga Jisösnöñ qetñi qeta “Maria!” jiyök. Mi qeta jiiga yangöreñ lilingöba Hibru keunöñ qeta “Raboni!” jiyök. Mi nanine keunöñ “Ketanjamni.”

17 Mewö jiiga kewö jii mörök, “Ni Iwinangöreñ qahö öngöba ki kinjal. Miangöra ni kude nömisirimamö, nöngö munurupni yengöreñ anda buzup kewö jinöñ mötme: Nöñön mönö Iwi Anutuni aka engö Iwi Anutuñini yangöreñ lilingöba öngömam.”

18 Mewö jii möta Magdalagö ambi Maria yanön lilingöba anda gwarekurupñi kewö jii mötket, “Nöñön Kembu ekiga keu mewö mewö jii mötzal.” Mewö.

*Jisösnöñ gwarekurupñi asuhum engiyök.*

*Mat 28.16-20; Mak 16.14-18; Luk 24.36-49*

19 Sonda miangöreñök miri söñauiga gwarek yeñön ömbibiñe tokoba Juda yengöra kengetñini möta miri nangunñi köla ki namñi misiget geiga tatket. Mewö tatketka Jisösnöñ asuha sutñine kinda kewö jiyök, “Alaurupni, luainöñ embuk ahöma!”

20 Mewö jiba böröyahötñi aka marömñi kondeliga Kembu eketka sösongainöñ uruñini kokolak qeyök.

21 Kokolak qeiga toroqeba kewö jiyök, “Alaurupni, luainöñ embuk ahöma! Iwinöñ ni melaim niñgiiga nöñön inñini mewöñanök melaim engizal.”

22 Mewö jiba nöropñine memba ösum engiba uwulamgöba jiyök, “Mönö Uña Töröñi meget.

23\* Inñini ambazip siñgisöndokñini mosöta sanjonje ewö, mi mönö Anutugö jeñe solanim teköza. Ambazip siñgisöndokñini qahö mosöta sanjonje ewö, mi mönö Anutugö jeñe qahö solaniza.” Mewö.

*Jisösnöñ Tomas asuhum wangiyök.*

24 Jisösnöñ gwarekurupñi mewö asuhum engiyökmö, gwarek 12 yengöreñök kun qetñi Tomas, qetñi alañi Siwisiwi qetkeri, yanön nalö miangöreñ sutñine qahö malök.

25 Tomasnöñ kaiga gwarek tosatñan “Mönö Kembu ekzin,” jiget möta kewö jiyök, “Jenan biriñ löpötñi böröñe eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

26 Mewö jiiga sonda mohot teköiga gwarek yeñön Sonda miangöreñ kunbuk mire qezaköba nangü köla ki memba Tomasbuk mohotje tatket. Mohotje tatketka Jisösnöñ kunbuk asuha sutñine kinda kewö jiyök, “Alaurupni, luainöñ embuk ahöma!”

27 Mewö jiba Tomasgöra jiyök, “Gi mönö börögi böranda böröyahötñi eka kesötñan marömne misirimam. Mewö aka yangiseñ mosöta uruyahötñi yaköriba ni möt narim niñgiman.”

28 Mewö jiiga kewö melenök, “O, gi nöngö Kembu Anutuna!”

29 Mewö meleniga kewö jii mörök, “Gi nekzanangöra ni ölop möt narim niñgizammö, ambazip qahö neka töndup ni möt narim niñgimakzei, yeñön mönö simbawon akze.” Mewö.

*Jonöñ Ölöwak Buña ki kewögöra ohoyök:*

30 Jisösnöñ nup ösum-mumu qakñe memba maliga angöletot sehisehiñi tosatñi mi gwarek yengö jeñini qakñe asuhugötmö, mi buk kiangöreñ qahö ohoyal.

\* 20:23: Mat 16.19; 18.18

<sup>31</sup> Keu tosatni ohoyali, mi kewögöra ohoyal: Jisösnöñ Anutugö Nahönñi aka Amötqeçe Tonji Kraist akzawi, injini keu mi möt nariba mewö mianjön Jisösgö qetbuñañgöra aka malmal köhöikñi buña qem añgume. Mewö aka malmegöra nöñjön Ölöwak Buña papia ki ohobiga engöreñ kaza. Mewö.

## 21

*Jisösnöñ gwarek 7 yengöreñ asuhuiga söra jök öröget.*

<sup>1</sup> Köñgöñep Jisösnöñ kunbuk gwarek tosatni yengöreñ asuhuyök. Taiberias o añgö jitne mianjöreñ kewö asuhum engiyök:

<sup>2</sup> Gwarek azi kewöñan mohotne malget: Saimon Pitö, Tomas qetni kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatni yengöreñök yahöt.

<sup>3</sup> \*Mohotne malgetka Saimon Pitönöñ jii mötket, “Ni mönö söra örömamgöra anmam.” Mewö jiiga tosatñan jiget, “Nini ölop göbuk mohokne anbin.” Mewö jiba mosöta wanjenöñ öngöba anda sunjem mianjöreñ söra kun qahö öröget.

<sup>4</sup> Söra qahö öröba öne malgetka miri lök gianjiiga Jisösnöñ saknöñ kinök. Kinökmö, yanjö kaisongolomñi mi qahö ek kutuget.

<sup>5</sup> Jisösnöñ kinda engohola jiyök, “Alaurupni, söra kun öröze me qahö?” Jiiga melenja “Qahö!” jiget.

<sup>6</sup> \* “Qahö!” jigetka kewö jim kutum engiyök, “Injini mönö mösakñini wange ölnje göröken gilgetka eri ölop söra miwikñaime.” Mi möta mösakñini gilgetka söra sehisehñi geba ölökögerañgöra öröget kotmapkö osiiga öröm suksuköget.

<sup>7</sup> Mewö aiga Jisösgö wölböt gwarekñi mianjön Saimon Pitö kewö jii mörök, “Mi mönö Kembuya!” Mewö jiiga Kembangö qetni möta opo bindoñanök jöhöba malöhanjögöra silepökeñi köpeiba mianjöreñök o añgönöñ luhuba geyök.

<sup>8</sup> Yenjön sak qöhöröñe 100 mita mianjögö dop kösutne anda malget. Mianjögöra Pitönöñ geba ani gwarek tosatni yenjön wange lökuatnöñ qem nangöba anda mösak sörañambuk örögetka wange andöñe kayök.

<sup>9</sup> Mewö kaba sak körikne öngöba mianjöreñ yuai kewö eket: Köñöp jeiga gapnöñ söra jejenji aka beret soñsoñ ahöyök.

<sup>10</sup> Mi eketka Jisösnöñ kewö jii mötket, “Injini döлки söra örözei, mönö mianjöreñök tosatni memba ki kaget.”

<sup>11</sup> Mi jiiga Saimon Pitönöñ möta wanjenöñ öngöba mösak öröiga körikne öngöyök. Öngöiga ölnji 153 eket. Mösak mi söra ketani sehisehñi mienjön kokolak qegetmö, mösaknöñ töndup qahö tinjirök.

<sup>12</sup> Ölnji mi eketka Jisösnöñ kewö jii mötket, “Möno kaba söñangö nenenji neget!” Mewö jii möta kaba “Mi Kembunina,” mewö möt kutugetmö, gwarek yengöreñök kunñan “Gi danjön?” mewö qesimangö urulömböt aka qahö qesiyök.

<sup>13</sup> Qahö qesiyökmö, Jisösnöñ anda beret memba engiba söra mewöyök mendenja engiyök.

<sup>14</sup> Jisösnöñ kömupnöñök wahöta gwarekurupñi asuhum engiyöhanjögö indimñi karöbut mi ahök. Mewö.

*Jisösnöñ Pitö kunbuk kunjuba mem köhöiyök.*

<sup>15</sup> Söñangö nenenji neget teköiga Jisösnöñ Saimon Pitögöra kewö jii mörök, “Saimon Jongö nahönñi! Alaurupki kienjön ni uruñinan jöpaköm niñgimakzei, gi mönö i engongita gwötpuk jöpaköm niñgimakzan me qahö?” Mi möta kewö melejñök, “O Kambu, ni göhöra ak niñgimakza. Gi wölböt alani akzan. Mi nangak ölop mötzan.” Mewö melejñiga Jisösnöñ jii mörök, “Gi mönö nöñgö lamaaurupni moröñi gumohom engiba malman.”

<sup>16</sup> Mewö jii möri indimni yahöt qesim wanngiyök, “Saimon Jongö nahönni! Gi ölña jöpaköm ningimakzan me qahö?” Mi möta kewö melenök, “O Kembu, ni göhöra ak ningimakza. Gi wölböt alani akzan. Mi nangak ölop mötzan.” Mewö meleniga Jisösnön jii mörök, “Gi mönö nöngö lamaurupni galöm köl engiba malman.”

<sup>17</sup> Mewö jii möri indimni karöbutni qesim wanngiyök, “Saimon Jongö nahönni! Gi mönö ölña wölbötkan (jojopangan) nöngö ak gihimakza me qahö?” Mewö qesim wanngiiga urujöjöpakö qeqesini mohot miyök qesiiga indimni karöbut ahöhangöra Pitönön wösöbirik möta melennda kewö jiyök, “O Kembu, gi yuai pakpak ölop möt teközan. Gi wölböt alani akzan. Göñön mönö nangak mi ölopñanök mötzan.” Mewö jiiga Jisösnön jii mörök, “Gi mönö nöngö lamaurupni gumohom engiba malman.

<sup>18</sup> “Nöñön keu öl töhönni kun kewö jibi mötnön; Gi sepgulia mala nangak sileötangi jöhöba köna igen me waigen ‘anmam,’ jiba ak gihiyöhangö dop ölop anda kaba malnön. Mewö mala malnönmö, azi namni akñani, nalö miangören börogi börañnönnga kunñan kaba opo silepökegi jöhöm gihiba köna kungen qahö anmangö mötmani, mönö miangören goangiriga anman.”

<sup>19</sup> Jisösnön kezapqetok keu mewö jiba Pitö kömumawangö keu saini indelök. Yanön kömup tandökni qainni kun kömuiga Anutugö qetbuñani qarimapköra mötmöriba mi jiyök. Keu mi jiba yanngöra jii mörök, “Gi mönö kaba ni nuatangöba malman!” Mewö.

*Jisösnön Pitöbuk gwarek kungö keuñi eraum mörohot.*

<sup>20</sup> Pitönön Jisösbuk anda lilingöba Jisösgö wölböt gwarekñan andönire kaiga ehök. Gwarek mianön ak-kömökömu lama negeri, miangören nöropñan Jisösgö töptöpñe nariba jiyök, ‘Kembu, göhören mamalolo azi mi danön?’

<sup>21</sup> Gwarek mianön könañire kaiga Pitönön i eka Jisös kewö qesim wanngiyök, “Kembu, gwarek kianngöra mönö denöwö asuhuma?”

<sup>22</sup> Qesim wanngiiga kewö jii mörök, “Nöñön yanngö malmal areni mewö me mewö albilenak, mi mönö göhören waimanjara qahö. Nöñön jibiga yanön qahö kömumba nöñön gölmenön lilingöba kamamanngö nalöñe toroqeba jebuk mal öngöbawak, keu mi yanngö keuya akawak. Gi mönö yanngö keuñi mosöta nangi malmalgi möhamngöba galöm köl annguba nöngö andöne kaba ni nuatangöba malman.”

<sup>23</sup> Keu mewö jiiga tosatñan lan möta jim sehigetka urumelen alaurup yanngö sutñine keu mi kewö jim sohoget, “Gwarek mianön qahö kömuma.” Mewö jim sohogetmö, Jisösnön jebuk teteköni qahö mal öngömapköra qahö jiyökmö, keu kewö jiyök, “Nöñön yanngö malmal areni mewö me mewö albilenak, mi mönö göhören waimanjara qahö. Nöñön jibiga yanön qahö kömumba nöñön gölmenön lilingöba kamamanngö nalöñe toroqeba jebuk mal öngöbawak, keu mi yanngö keuya akawak. Gi mönö yanngö keuñi mosöta nangi malmalgi möhamngöba galöm köl annguba malman.” Mewö.

*Nanak mi pakpak jenan eka nanngöba ohom engizal.*

<sup>24</sup> Gwarek mianön yuai mi jenan eka mala mianngö dop mi nanngöba jim asariba Ölöwak Buña ki ohoyök. Körek pakpak enön gwarek mianngö könañi mötzeanngöra aka ölop tönguba kewö jiba malme, “Yanön keu nanngöba jiyöhi, mianön mönö keu öl töhönni akza.”

<sup>25</sup> Jisösnön nup aka anngöletot tosatni sehisehni mi mewöyök aka memba malök. Mienngö kösohotñini mohot mohot mi lökñanök törörök ohobinak ewö, mönö buk papia böranñi böranñi sehisehni asuhugetka kantri dop papia köwe miri (laibreri) pakpak mianngören alinga kokolak qeba ölököiga tiñi töndup qahö dop kölbawak. Mewö mötmörizal.



## Aposol Nup Meme

### Aposol yeñon Uña Töröñangö ösumnöñ nup meget.

### Jim-asa-asari

Dokta Luknöñ buk qetñi “Kraistkö Ölöwak Buña” ohoba kösohotñi toroqeba buk qetñi “Aposol nup meme” ohoyök. Jisösnöñ gwarekurupñi mutukñi kusum engii Uña Töröñan sölölohöm engiiga Kraistkö keu buzupñi jim sehigeri, Luknöñ miangö kösohotñi aukñe almangöra möta kewö (1.8) ohoyök, ‘Yeñon mi Jerusalem sitinöñ könahiba Judia prowins dop köla Samaria prowinsnöñ anda toroqeba gölme görañe eu emu likeplikep angetka dop köl teköba anök.’ Mutuk Juda könagesö uruñe nup megetka uruñini melenña guligetka Kraistkö qeburuñ könahiba yöhöba sehiba anda anda kantriñi kantriñi dop köliga urumelen könagesö yeñö bohonñini ahök. Kösohotñi oyonñei, Luknöñ yeñö uruñini böñjön almangö kapan köla keu kötñi yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjon qahö ak engiba malje. Yeñon mi memba et almegöra tuaköpek qahö akze. Tosatñan mewö mötpeak, mi böñji öne wahötmapuk.’

2) ‘Juda yeñon jike nup meget korembenji aiga ölni asuhumapköra mamböta malgeri, Jisösnöñ mönö ölni mi memba kaba engiyök.’ Keu kötñi mi.

Jisösgö Buña keuñi kuñguba jim sehiba zioz könahiba mem köhöigetka toroqeba aniga urumelen yeñö kambuñinan qariyök. Miangö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnöñ Suep mire öngöiga gwarek yeñon Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantriñi kantriñi Sutñire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” miangö keu bohonñi mi Uña Töröñangö könañi aka nup memeni. Aposol aka mötnarip ambazip yeñon yambu dölokñangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim engiiga denña kantri liliköba nup megetka ölni könañi könañi asuhuyök. Zioz ambazip aka yeñö jitñememe yeñon Kraistkö Buña keu mi könakönañe denöwö jiba malgeri, Luknöñ miangö keuñi ohoiga mi ölop buk kiangören oyonña mötpin. Ambazip uruñini melenña mindiriba nañgöm anguba malgeri, yeñon Buña keugö kukösumñi möt kutugetka miri dop aukñe asuhuyök. Denöwö asuhuyöhi, Luknöñ miangö kösohotñi ohoba Uña Töröñangö kukösumñi kondel neñgiza.

#### **Buk kiangö bahöñi bohonñi 4 mi kewö:**

1. Buña keu nañgöba jibingöra jöjöröget 1.1-26
  - a) Jisösnöñ jimkutukutu ala Uña engimangö jiyök 1.1-14
  - b) Judas Iskariotkö salupñe Matias meköget 1.15-26
2. Jerusalem sitinöñ Buña keu nañgöba jiget 2.1-8.3
3. Judia aka Samaria Buña keu nañgöba jiget 8.4-12.25
4. Polnöñ misin nup memba malök 13.1-28.31
  - a) Misin nup liliköba megetka 1 ahök 13.1-14.28
  - b) Jerusalem totoko ala keu jöhöget 15.1-35
  - c) Misin nup liliköba megetka 2 ahök 15.36-18.22
  - d) Misin nup liliköba megetka 3 ahök 18.23-21.16
  - e) Pol Jerusalem, Sisaria aka Rom kösö mire tarök 21.17-28.31

*Jisösnöñ zioz könahiyök.*

1 \*O Tiofilus!

Luk nõñõn kõsohotni mutukñi ohoyali, miangõreñ Jisõsnõñ nup kõnahiba memba lilikõba ambazip kusum engiba malõhi, miangõ kõsohotni pakpak arengõba albi eknõñ.

2 Jisõsnõñ nup memba melaimelai azi aposolurupñi möwölõhõba kusum engiba mala Uña Tõrõñangõ õsum qakñe nup memegõra jim kutum engiyõk. Mi engiiga Anutunõñ wangiri Suepnõñ õngõyõk. Nõñõn kõsohotni ohoyali, mi miangõreñ ohom tekõyal. Merak miangõreñõk kõsohot mi toroqeba ohomam.

3 Jisõsnõñ sihimbölõ möta kõmumba kõmupnõhõk wahõta wehõn 40 gõlmenõñ toroqeba malõk. Nalõ miangõ uruñe aposolurupñi sõmanji gwõtputuk asuhum engiba Anutu be-mtohoñangõ kõnanji toroqeba jim asarim engiba malõk. Mewõ mala aiwesõk tandõk kõnanji kõnanji memba kondel engiyõk. Yeñõn mi eka Jisõsnõñ guliba maljawi, mi õlõp mõt yakõget. Aiwesõk ekeri, yeñõn mi nanjõba jiba dangunu ewõ kinje aka kunñan mi qeapkömamgõ osima.

4 \*Nalõ kunõñ yembuk mohotñe mala kewõ jim kutum engiba jiyõk, “Injini Jerusalem siti ki mõnõ zilañ kude mosõtme. Iwinan ‘Kalem uruñine al engimam,’ jiba keunji jõhõi jibi mõtkeri, mi mõnõ õlñambuk akña aiga eñõn mõnõ miangõra mambõta malme.

5 \*Mutuk Jonõñ ambazip o tõhõnõñ melun mem engiba malõkmõ, Anutunõñ nalõ kude kõriiga Uña Tõrõñi uruñine ala mianjõn melun mem engima.” Mewõ.

### *Jisõsnõñ Suep mire õngõyõk.*

6 Aposol yeñõn nalõ kunõñ tokogetka Jisõsnõñ sutñine asuhuiga kewõ qesim wangiget, “Kembu, gõñõn mõnõ nalõ kewõñe me wani nalõnõñ Israel kantrigõ tohoñi mi kunbuk kunjuba mem kõhöiman?”

7 Qesim wangigetka kewõ jii mõtket, “Iwinõñ nanñi kukõsum qakñe yambu gwani aka aua nalõ arengõba ali ahõzawi, mi mõnõ eñõn mõtmeangõ dop qahõ.

8 \*Mi qahõpmõ, Uña Tõrõñan eta uruñine gemawanjõn mõnõ kukõsum engiiga letota nõngõ kõnani nanjõba jiba malme. Mi Jerusalem sitinõñ kõnahiba Judia prowins dop kõla Samaria prowinsnõñ anda lilikõba toroqeba gõlme gõrañe eu emu likeplikep angetka dop kõl tekõba anma.”

9 \*Jisõsnõñ keu mi jim tekõiga Anutunõñ jeñini qakñe wangita wahõriga kousunõñ eta esuhuiga euyangõreñ õngõiga ekingõ uget õngõba atatop (jiataton) kõliga jaruba kinget.

10 Mewõ õngõiga suepnõñ eu ehiba kingetka miangõreñõk azi yahõt malukunñiri tuat lalamñi yetkõn kõsutñine asuhuba kinohot.

11 Kinda kewõ jiyohot, “Galili azi injini mõnõ denõwõgõra suepnõñ eu ubayõk kinje? Anutunõñ Jisõs ki engõ sutñineyõk wangita Suep mire eu õngõi ekzei, yanjõn mõnõ tandõk mewõñanõk kunbuk lilingõba etma.” Mewõ.

### *Judas Iskariotkõ salupñe Matias meget.*

12 Mewõ jiyohotka aposol yeñõn Jerusalem siti kõsutñe kundunji qetñi Oil ip kundunji miangõreñõk lilingõba eta 1 kilomitagõ dop kaba sitinõñ kanjotket\*.

13 \*Jerusalem kanjota miri uruñi kun qakñe tat malgeri, miangõreñ anda õngõget. Õngõgeri, yeñgõ qetñini kewõ: Pitõ, Jon, Jeims aka Andru; Filip, Tomas, Bartolomyu aka Matyu; Jeims Alfusgõ nahõnñi, Saimon Zelot politik azia aka Judas Jeimgõ nahõnñi†.

14 Azi pakpak mienjõn urumohot aka ambi yembuk kapanjõ kõla kõulukõba malget. Yeñgõ sutñine Jisõs munurupñi aka namñi Maria yeñõn mewõyõk malget.

\* 1:1: Luk 1.1-4 \* 1:4: Luk 24.49 \* 1:5: Mat 3.11; Mak 1.8; Luk 3.16; Jon 1.33 \* 1:8: Mat 28.19; Mak 16.15; Luk 24.47-48 \* 1:9: Mak 16.19; Luk 24.50-51 \* 1:12: Juda yeñõn 1100 mita mi Sabat kendonõñ qahõ õngita anjema. Miangõra Kõna keu qahõ õngita kaget. \* 1:13: Mat 10.2-4; Mak 3.16-19; Luk 6.14-16 † 1:13: Zelot pati yeñõn nanjini kinkin mendingõra Rom mindimindiri gawmanbuk tuakõpek aka urukõnõp aka malget.

15 Köuluköba mala wehön kunöñ mötnarip ambazip jañgöñini 120 miangö dop tokogetka Pitönöñ sutñine wahöta keu kewö jiyök,

16 “Azi alaurupni! Jisös memba jöhögeri, Judasnöñ yengöra köna kondelök. Uña Töröñan Judasgö keu mi mutuhök kiñ Deiwidkö uruñe sañep ali numbu jitñan jiiga Sumbara buk (Buña Liñet buk Sam) miangöreñ ohoget ahözawi, mianjön mönö ölnambuk ahuyök.

17 Jisösnöñ Judas möwölöhöi nanine kambunöñ kun mali nupñi memapkö kuñgui melaimelai azi bohonñi aposol ahök.

18\* “Judasnöñ ahakmeme bölöñi aiga söñgöronñi wañgiget memba mianjön gölme köröñi kun bohonñi meyök. Mi memba miangöreñ imbi auba nöropñan melenja gölmenöñ kuñguiga gölömnñi juliga irip kömongokñi datñi munñi mi körek usuba erök.

19 Mewö ahiga Jerusalem ambazip pakpak miangö buzupñi möt teköba gölme miangö qetñi nanñine keunöñ Akeldama qetket. Mi nanine keunöñ Sep Gölme köröñi.”

20\* Pitönöñ toroqeba kewö jiyök, “Sumbara (Sam) buk miangöreñ keu kun kewö ohoget ahöza,

‘Miriñi mönö balonñi gwamön kinma. Mi kunñan tonñi qahö aka maliga miriyök kinma,’

aka keu kun kewö ahöza,

‘Kunöñ ölop yañgö salupñe galöm nup memba kinma.’

21-22\* “Mewögöra aka nini azi kun möwölöhöba kuñguinga nembuk jitñe meme aka dangunu ewö kinda Jisösnöñ kömupnöhök wahöröhi, miangö Buñanñi nañgöba jiba mali dop kölma. Jonöñ Jisös o melun mem wañgiiga Kembunöñ nalö miangöreñök qenjaröknöñ anda nupñi könahiba memba neñgö gölmenöñ liliköba anda kaba mali Anutunöñ sut-nineyök wañgita öñgöyök. Azi nalö pakpak miangöreñ kambunine mohotñe mala korini, mönö yengöreñök kun möwölöhöinga dop kölma.”

23 Pitönöñ mewö jiiga azigö jaruba azi yahöt qetñiri qetket. Kun qetñi Josef, qetñi alanñi Barsabas aka qetñi kun Jastus. Azi kungö qetñi Matias.

24 Qetñiri qeta kewö köuluköba jiget, “O Kembu, gi ambazip urunini körek pakpak möt kutuzan. Miangöra gi azi kietköreñök niñia möwölöhözani, mi mönö kondel neñgiman.

25 Judasnöñ goñgiba geñmonñ aka eta aposol nup mosöta bölöñamñangö dop ayuhuba geyöhi, yañgö salupñe azi kunöñ mönö aposol aka kinda melaimelai azigö nup memba malma.”

26 Mewö jiba yetkö kiawen (kas, lot) algetka Matias asuhuyök. Asuhuiga aposol 11 yengö sutñine dum kun wañgigetka kambunñine toroqeyök. Mewö.

## 2

### *Uña Töröñan eta gwarek uruñine geyök.*

1\* Jisösnöñ kömuyöhi, nalö miangöreñök sonda 7 teköiga wehön 50\* miangöreñ yambu jeñi qeçe nalöñi kam kuñguiga urumelen ambazip pakpak yengön tokoba kendon tatket.

2 Tatketka miangöreñöhök Suepnöhök yuai kun biliksik eri kouruk ketanñi asuhui mötket. Dimbomnöñ köhöikñanök qemakzawi, mönö miangö tandök ewö asuhuba eta miri tatkeri, mi körek kokolak qeyök.

3 Miri kokolak qeba yuai mianjön denqenja sehiba könöp bölam tandök ewö nöropñini qakñe öñgöi eket.

4 Mewö asuhuiga Uña Töröñan körek yengö uruñini kokolak qeiga gölme tosatñe keu ahözawi, mi könahiba jiget. Uña Töröñan sölölohöba keu sañep alöhangö dop aukñe jiget.

5 Juda ambazip tosatñan Anutu göda qeba kantri könanñi könanñi suep bapñe tat anjei, miangöreñ denja anda mala Jerusalem lilingöba kageri, tosatñi mewöñi mewöyök sitinöñ malget.

\* **1:18:** Mat 27.3-8    \* **1:20:** Sum 69.25; 109.8    \* **1:21-22:** Mat 3.16; Mak 1.9; 16.19; Luk 3.21; 24.51    \* **2:1:** Lew 23.15-21; Dut 16.9-11    \* **2:1:** 50 mi Grik keunöñ Pentekost.

<sup>6</sup> Mewö mala kouruk ketanji mi möta ambazip kambu gwötpukñan kanğota tokoget. Tokoba kingetka mötnarip ambazipnönñ keu murutñi murutñi jigeri, mi pakpak möta nanñak nanñak möt asariba miangöra aurumpurik aka köñkuñ aket.

<sup>7</sup> Köñkuñ aka welipköba jiget, “Mötket! Azi ki keunji keunji jize, yeñön mönö körek Galili ambaziwa akze me?”

<sup>8</sup> Nini kantri murutñi murutñi miangörenñ ahuba kota malinga yeñön mönö denöwö aka malğarip kantrininangö dop keunini nanñik nanñik jigetka mötzin?

<sup>9</sup> Nini Partia ambazip, Midia ambazip aka Elam ambazip ki kinjin. Nini tosatñan Mesopotemia malin. Tosatñan Judia malje aka tosatñan Kapadosia gölmenönñ malget. Ambazip tosatñan Pontusgöra, tosatñan Eisia prowinsgöra akzin aka yeñön nanini keunine keu jigetka mötzin.

<sup>10</sup> “Tosatñan Frigia gölme mosöta ki kaba malje. Tosatñan Pamfilia taon mosötket. Tosatñan Ijipt kantrinönñ malget. Tosatñan Sairini gölme likepñe Libia kantrinönñ malget. Tosatñi nini Rom sitiyoğ kusukñanök ki kaba maljin.

<sup>11</sup> Nini tosatñan Juda ambazip ahuba maljin aka tosatñan kantri tosatñe ahuba könanğep Juda ambazip ahin. Mewö kinjin aka yeñön keu jigetka nini keunini mohot mohot mi ölop möt kutuzin. Neğörenğök tosatñan gölme jölanñi qetñi Krit mosöta köwet kutuba kaget. Tosatñan Arebia keu jize. Nini mewöñan maljinmö, yeñön söñgaiba Anutunönñ angöletot öngöngöñi ahöhi, miengö könanji mi nanine keunönñ nanñik nanñik jigetka mötzin.”

<sup>12</sup> Mewö jiba körek yeñön auruba lalalulu siksauk aka nanñini kewö jim qesim anğugot, “Kiangö könanji mönö denöwö?” Mewö qesim anğuba keu jaruba tönpin kinget.

<sup>13</sup> Tönpin kingetmö, tosatñan mepaqepaik aka kewö jiget, “Yeñön wain o nahömñambuk gwötpuk nember enololonğ akze.” Mewö.

### *Pitönönñ Uña Törönğangö könanji jim asariyoğ.*

<sup>14</sup> Mewö jigetka Pitönönñ aposol 11 yembuk mohotñe wahöta kinda köhöikñanök qeta ambazip kambu yeğöra kewö jii mötket, “Alaurup, Juda ambazip aka ambazip körek Jerusalem maljei, nöñön yuai asuhuzawangö könanji jibi kezap ala mi mötket.

<sup>15</sup> Inini tosatñan neğöra kewö jize, ‘Yeñön o köhöikñi negetka uruninan enololonğ akza.’ Mewö mötmörizemö, neñön mewö qahö akzin. Ki söñangö 9 kilokñi akza. Söñan mi o nene nalöya qahö.

<sup>16</sup> Qahöpmö, kezapqetok azi Joelnönñ Buña keu kewö jiyöhi, mianñön mönö ölnambuk akza,

<sup>17</sup> \*‘Anutunönñ jiza: Kembugö kaka nalöñan törimawi, nöñön nalö miangörenñ Uñani Törönji mokobiga ambazip körek yeğö qakñine öngöma. Öngöba sölölohöba kutum enğuasöriga kewö asuhuma:

Engö nahönböraturupñinan kezapqetok keunji keunji jimakñe.

Engö gwabö seramurupñinan jeñini meleni imutñi imutñi ehakñe.

Engö ambazip namñi yeñön gaunñi gaunñi ekñe.

<sup>18</sup> Uñani Törönji mokomami, mi azi aka ambi weleni qeba malmei, yeğö qakñine mewöyoğ öngöiga kezapqetok keu jimakñe.

<sup>19</sup> Nöñön angöletot suepnönñ albiga uget eu öngöiga ekñe aka gölmenönñ aiwesök mi kewö ekñe:

Yuai sepnambuk, könöp öngöngöñi aka köwak köndumñambuk mi asuhume.

<sup>20</sup> Wehön jeñan pandaman meiga köiñnönñ pisihiba sep ewö akña.

Mewö asuhuiga miangö andöñe Kembugörenñ nalö ketanñan kam kuñguma.

Wehön mi aködamun aka qetbuñanambuk.

<sup>21</sup> Denike yeğörenğök kunñan kun Kembugö qetñi qeta köulukömawi, yañön mönö amöt qem wanğiiga letotma.’ Joelnönñ mewö ohoi ahöza.

\* 2:17: Joel 2.28-32



22 “O Israel ambazip, inini mönö kezap ala keu ki mötket: Anutunöŋ Jisösgö malmal nalöŋe sölölohöm waŋgii mali aŋgöletot, aiwesök aka aiaka ösum-mumuŋambuk mi eŋgö sutŋine gölmenöŋ aukŋe asuhuget. Inini mi ölop mötze. Anutunöŋ yuai mi asuhum waŋgiba mewö mianöŋ Nazaret azi mianöŋ könaŋi naŋgöba jiba kondel eŋgiba malök.

23 \* “Anutunöŋ mönöwök Jisösgö keuŋi qeljiŋe jöhöba möt kutuba kewö jiyöha ahöza, ‘Amötqeŋe Toŋan mönö pinjit azi yeŋgö böröŋine etma.’

Keu mianöŋ dop Anutunöŋ Jisös qahö aŋgön köli eŋgö böröŋine erök. Mewö eriga inini kömumapkö qetketka kian kantri gawman yeŋön Mosesgöreŋ Köna keu qahö möta töndup jim kutugetka böröŋinan Jisös memba maripomnöŋ qeget kömuyök. Kömuyökmö, sepŋan mönö eŋgö qakŋine öŋgöyöha ahöza.

24 \* Jisösnöŋ kömuyökmö, kömupkö kösö gwaröŋe eri kömup Toŋan i jöhöba nalö köröpŋi galöm köl waŋgimangö osiyök. Mi Anutugöreŋ qahö dop kölök. Mianöŋora yaŋön i mem guliba kömupkö sihimbölöŋeyök meköiga wahörök.

25 \* Kiŋ Deiwidnöŋ Jisösgöra kewö jiyök ahöza, ‘Nöŋön garaŋguruŋ aka talbilenbuköra Kembunöŋ böröni öŋe malja. Yaŋön nalö dop qöhöröŋne kini imut ewönöŋ eka maljal.

26-27 Mewö mala kömumam-mö, kömupkö uŋem mire gebiga andö qahö nuŋguman. Göŋön nangi wölböt azi sarakŋi tök-kutukutuŋi ni mönö meköm niŋginöŋga kömupkö lömnöŋ ahöba qahö gisahömam.

Mianöŋora urunan sösoŋgai aiga numbu nesilamnan renduŋ liŋet köla maljal.

Silenan mewöyök guliba wahötmawaŋgöra al mamböta jörömqöröm aka luhut memba ahöma.

28 Göŋön malmal köhöikŋangö könaŋi kondel niŋginöŋga möt kutumam. Nöŋön göhö jemesoholge pöndaŋ malbiga göŋön uruni sösoŋgainöŋ kokolak qeman.’ Deiwidnöŋ Jisösgöra mewö jii ahöza.

29 “O alaurupni! Pitö nöŋön bem ambönini kiŋ Deiwidkö könaŋi mi awösamkakak qakŋe aukŋe kewö jim asarimam: Deiwidnöŋ kömuiga löm kölgetka qaksiriŋan merak sutnine ki ahöza.

30 \* Deiwidnöŋ kezapqetok azia aka malöhaŋön kewö mörök: Anutunöŋ gwölönarökurupŋi yeŋgöreŋök kun möwölöhöba kuŋgui nanŋi ewö azi kembangö dum tatatŋe tatma. Anutunöŋ keu mi jöhöba jöjopaŋ keunöŋ jim köhöiba malök.

31 Kunŋan tatmawi, mi qeljiŋe eka mörök. Amötqeŋe Toŋi Kraist yaŋön kömupnöhök wahötmawi, Deiwidnöŋ mi möta kewö jiyök, ‘Kraistnöŋ mala kömumapmö, kömupkö uŋem mire geiga Anutunöŋ i andö kude qei ahöma.

Yaŋgö silenŋi mi kude mosöri qamötŋan kömupkö lömnöŋ qahö gisahöma.’

32 Anutunöŋ Jisös mem gulii wahöriga mewö mianöŋ keu mi öŋambuk ahök. Nini körek mi je kötninan eka naŋgöba jiba dangunu ewö kinjin.

33 Jisösnöŋ wahöta mala Anutunöŋ waŋgiri öŋgöba böröŋi öŋe tatza. Mianöŋöreŋ tata Iwinöŋ Uŋa Töröŋi melaimapkö jim jöhöyöhi, yaŋön (promis) mi möta i mokoŋ eriga öŋi merak ki asuhui eka mötze.

34 \* Deiwidnöŋ Suepnöŋ kude öŋgöyök. Yaŋön nanŋak keu kewö jii ahöza, ‘Anutunöŋ Suep miri uruŋe nani Kembunöŋgöra kewö jim kutui mörök: Göŋön mönö kaba böröni öŋe asakmararaŋ kianöŋöreŋ eta tata malman.

35 Mewö tata malnöŋga nöŋön nalö sutŋe kianöŋöreŋ tuarenjoŋurupki tim tötala luhut al eŋgimam.

Luhut al eŋgibiga yeŋön tala geba sihimbölö möta sahöta köna döŋ ewö akŋe.

Mewö aketka göŋön ölop wahöta yeŋgö qakŋine tiba söŋgaiba malman.’

\* 2:23: Mat 27.35; Mak 15.24; Luk 23.33; Jon 19.18 \* 2:24: Mat 28.5-6; Mak 16.6; Luk 24.5 \* 2:25: Sum 16.8-11

\* 2:30: Sum 132.11; 2 Sml 7.12-13 \* 2:34: Sum 110.1

<sup>36</sup> “O Israel ambazip, inini Jisös maripomnöñ qegetka kömuyökmö, Anutunöñ Jisös mi kuñguiga Kembu aka Amötqeçe Tonji Kraist ak neñgiba malja. Israel kambu pakpak inini mönö mianğö könañi möt yaköme.”

<sup>37</sup> Pitönöñ mewö jiiga ambazip kambunöñ möta uruñini qesiñni Pitö aka aposol tosatñi yengöra kewö jiget, “Azi alaurup, nini mönö dendenöwö ahin dop kölma?”

<sup>38</sup> Jigetka Pitönöñ kewö jii mötket, “Inini mönö uruñini melenget. Mohot mohot uruñini melengerağö dop neñön mönö Jisös Kraistkö qetñe o mem melun mem engibin. Mi enğıinga Anutunöñ siñgisöndokñini sanğonđa mosöta Uña Töröñ kalemñi mi buña qem enğima.

<sup>39</sup> Anutunöñ Uña mi enğimamğö jim jöhöyöhi, keu mi mönö nannini aka enğö gwölönarökurupñini enğöra aka jiyök. Engöra aka tosatñi köröwen mal angetka Anutu Kembuninan enğoholmawi, yañön jöhöjöhö keu (promis) mi mönö körek enğöra aka mewöyök jiba jöhöi ahöza.”

<sup>40</sup> Pitönöñ mewö jiba toroqeça qambañ keu tosatñi gwötpuk mianğön uruñini kuñguba kewö jiyök, “Ambazip misimkaulup ki gölmenöñ maljei, Anutunöñ mi amöt qem enğıiga letotmegö mötza. Yembuk sihimbölö miwikñaibepuköra mönö uruñini melenđa ambazip gonğonji mi jabö ala enğömosötme.”

<sup>41</sup> Pitönöñ mewö jiiga ambazip jesöñğöñan keuñi möt aņğön kölgetka o melun mem enğıget. Mi mem enğıgetka könagesöñine toroqegetka jañğöñinan wehön mianğöreñök 3000 mianğö dop qariyök. Mewö.

### *Mötnarip yeñön uru jöhöm aņğuba malget.*

<sup>42</sup> Uruñini melenğeri, yeñön urumohok aka urunöñ jöhöm aņğuba nalö dop aņğeka tokogetka aposol yeñön Buña keu kusum enğıgetka beret mindipköba namba köuluk nup memba malget. Pöndañ malmal mewöñi malget.

<sup>43</sup> Mewö kinda Anutugö qetñan bölibapuköra jönöm undu-undu aka malget. Mewö malgetka Anutunöñ sölölohöm enğıiga aposol yeñön jitñe memenini aka nup megetka aņğöletot aiwesök murutñi murutñi asuhuget.

<sup>44</sup> \*Anutu möt narigeri, yeñön körek malmalñini mohotñe mala sukinap (ainemaluku) yuainini pakpak mindiriba mohotñe memba malget.

<sup>45</sup> Mewö memba mala gölme sukinap yuainini bohonñi memegöra algetka söñğöröñi enğıget kayöhi, mi sutñine mözöqözöröñ aka osigeranğö dop menden aņğuba malget.

<sup>46</sup> Mewö mindiriba mala qösösök (qörörök) urumohot aka nalö dop jöwöwöl jikenöñ tokomalget. Beret mi miriñini dop mindipköba nemalget aka numbu nenenini mi geñmonñini qahö sösongai qakñe tata nemalget.

<sup>47</sup> Aiakanini mewö aka Anutu möpöseiba malgetka ambazip pakpak yeñön i enğek soriba malget. Enğek soriba malgetka kambuninan qariiga Kembunöñ nalö dop ambazip tosatñi uru melen enğıiga letota mindimindiri areñine toroqeget. Mewö.

## 3

### *Pitönöñ lokon azi kun mem ölöwahök.*

<sup>1</sup> Juda yeñön mare dop 3 kilok köuluközema. Mare kunöñ Pitö Jon yetkön köuluk nalö mianğöreñ jöwöwöl jikenöñ öñğöyohot.

<sup>2</sup> Öñğöyohotka mianğöreñ azi kun nam körö uruñeyök lokon asuha tat malöhi, mi aņğuba kaba jöwöwöl jikegö kiripo nañguñe alget. Alaurupñan silim dop kaba kululunöñ aņğuba kiripo nañgu qetñi Nañgu Eksihimñambuk qetkeri, mianğöreñ alget tarök. Tata ambazip jikenöñ öñğöğeri, yeñön moneñ kalem wañgimegöra ulet enğiba malök.

<sup>3</sup> Mewö algetka tari Pitö Jon yetkön jöwöwöl jikenöñ öñğöbitkö ahotka etkeka i mewöñanök kalemğö ulet etkiyök.

\* **2:44:** Apo 4.32-35

<sup>4</sup> Ulet etkiiga jemesoholñi uba eka Pitönön kewö jii mörök, “Mönö niri netkeknön!”

<sup>5</sup> Mewö jii möta je kusumusulñi qahö etkehiba yuai kun börönjireyök niñgimahotkö mambörök.

<sup>6</sup> Etkehiga Pitönön jiyök, “Nöngören silwö me goul moneñ qahö ahözapmö, nöngören yuai kun ahözawi, mi ölop gihimam: Gi mönö Nazaret azi Jisös, Amötqege Tonji Kraistkö qetñe wahöta anman!”

<sup>7</sup> Mewö jiba börönji ölñe memba kököbihiiga wahörök. Wahöriga könani aka gwaköt sihitñi mönö mianğörenök köhöiget.

<sup>8</sup> Köhöigetka wahöta luhuba yetpuk jöwöwöl jikenön öngöba mianğören anda kaba serenşereñ unduba Anutu möpöseiyök.

<sup>9</sup> Mewö anda kaba Anutu möpöseim wañgiiga ambazip kambu pakpak yeñön mi eket.

<sup>10</sup> Mi eka kewö jiget, “Azi ki kalem wañgimegöra jikegö kiripo Nanju Eksihimñambukö kösutñe tata uleta malöhi, mönö mia.” Mewö jiba möt wañgiba “Silenje wani yuaia asuhuzapto?” jiba auruba nembönjini teköi welipköget. Mewö.

*Pitönön jöwöwöl jikenön Buña keu jii mötket.*

<sup>11</sup> Welipkögetka ulet azi mianjön sundan Pitö Jon yetpuk mohotñe anda kaiga ambazip kambu körek pakpak yeñön ösumñinan kösutñine kaba jöwöwöl jikegö tohon uruñe öngöba kiñ Solomongö sombem söranñambuknön tokoba kinda ehiget.

<sup>12</sup> Mewö ehigetka Pitönön engeka könahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianjön ölöwaka köna anda kazawi, mi mönö netkö ösumnön me Anutugö Buñañe pitirik maljirañgöra aka qahö. Mewö kude mötmörime.

<sup>13</sup> \*Nanine ambösakonini Abraham, Aisak aka Jeikob yeñgö bem Anutunön mönö Nahönñi Jisös asakmararañ wañgiiga jitñememeñi öngöngönji ahiga ölñi asuhuiga ekze. Injini Jisös mi memba galöm yeñgö börönjine algetka premiö Pailötnön pösatmamgö keuñi jöhöba jiyökmö, enjön Jisös mi yañgö jene qañ köla andö qem wañgiget.

<sup>14</sup> \*“Injini azi diñdiñi aka sarakñi mi andö qem wañgiba azi qeçe azi kun pösatmapkö kapañ köla qeta qesiget.

<sup>15</sup> Mewö qeta qesiba mewö mianjön malmalgö Tonjan kömumapkö keuñi jigetka kömuyök. Kömuyökmö, Anutunön i mem guliiga kömupnöhök wahörök. Netkön mi jeninan eka nañgöba jiba yañgö dangunu ewö kinjin.

<sup>16</sup> Mewö kinda Jisösgö qetñi möt narim wañgiba maljit. Azi ki eka möt wañgizei, mi mönö qet mianğö ösumñan mem köhöiiga kinja. Jisösnön sölölohöm netkii mötnaripniran asuhui mianğö qakñe kinda jim kutuziga köna gwakötñan ölöwak teköiga injini körek mi ekze.

<sup>17</sup> “O alaurupni! Jisös kömumamgö kapañ kölgeri, enjön mi mönö gukmaulem qakñe aket, mi mötzal. Nannini aka galömurupñinan mewöyök yuai ak wañgigeri, mianğö könani kude möt kutuba lañ aket.

<sup>18</sup> Mewö aketmö, mianğö likepñi Anutunön kewö ahök: Anutunön keuñi mönöwök kezapqetok ambazipurupñi pakpak yeñgö jitñine aliga qeljine kewö jiba ohoget, ‘Anutugö Amötqege Tonji Kraistnön mönö sihimbölä mötma.’ Mianğöra injini mewö aketka Anutugö keu mianjön mönö mewö ölñambuk ahök.

<sup>19</sup> Mianğöra mönö uruñini melenđa Anutugören lilingöba kagetka siñgisöndokñini kutuba sañgoñma.

<sup>20</sup> “Anutunön oyaenköyaen Tonji akza. Injini öne lañ malbepüköra Anutunön Jisös qeljine möwölöhöyök. Mianğöra injini mönö uruñini melengetka Amötqege Tonji Kraist melaiiga enğoren kaiga yambuk qekötahögetka malmalñinan guliiga oyaenköyaen nalönjan kam kuñguma.

\* 3:13: Eks 3.15 \* 3:14: Mat 27.15-23; Mak 15.6-14; Luk 23.13-23; Jon 19.12-15

21 Anutunöŋ möpŋaŋgö möpŋe könahiba keuŋi kezapqetok ambazipurupŋi tök-kutukutuŋi pakpak yeŋgö jitŋine aliga qeljiŋe kewö jiba malget, 'Anutunöŋ Amötqeŋe Tonji aŋgön köŋ waŋgii Suep mire tata mali yuai pakpak kunbuk areŋgöba köŋöŋaimawi, mönö nalö miangöreŋök melaiiga Suep mosöta etma.'

Jisösnöŋ keu miangö dop eta neŋgöreŋ kayök.

22 \*Mosesnöŋ kewö jii mötket,

'Kembu Anutunöŋ Juda kambu eŋgö sutŋineyök kezapqetok azi kun mem guliiga wahöta Moses ni ewö akŋa.

Yaŋön ipŋina kinda eŋgöra keu jimawi, mönö mi pakpak kezap ala möta tem köla malme!

23 \*Kunŋan kun kezapqetok azi miangö keuŋi qahö tem kölmawi, Anutugö könagesö eŋön mönö yaŋgö keuŋi jim teköba ayuhum waŋgime.'

24 Kezapqetok ambazip Samuelgöreŋök könahiba kota keu jigeri, mienöŋ mönö körekmakörek mewöyök kezapqetok keu nalö kewöŋe öŋambuk akzawi, mia qeljiŋe jiba malget.

25 \*Anutunöŋ ambösakonurupnini yembuk jöhöjöhö areŋi aka Abrahamgöra kewö jii mörök,

'Göhö gwölönarökurupki yeŋgöreŋök kunŋan ahuba wahötmawi, Anutu nöŋön mönö yaŋgöra aka gölmegö ambazip kambuŋi kambuŋi pakpak kötuatköm eŋgibi oyaenköyaen akŋe.'

Anutunöŋ jöhöjöhö keuŋi indeli kezapqetok ambazipnöŋ mi toroqeba jim köhöiba malgeri, mi mönö eŋgöra aka ali ahöza.

26 Anutunöŋ Nahönŋi mem gulii wahöri kötuatköm eŋgimapköra melaiiga mutuhök eŋgöreŋ erök. Miangöra mönö döŋki uruŋini melenäda nanŋik nanŋik malmalŋinaŋgö köna bölöŋi andö qeme. Mewö aka oyaenköyaen akŋe." Mewö jiyök.

## 4

### *Pitö Jon yetköŋ jike kaunsöl kambunöŋ kinohot.*

1 Pitö Jon yetköŋ ambazip kambu yeŋgöra keu mewö jiyohotka jike nup galöm yeŋön, jikegö kiripo galöm bohönŋan aka Sadyusi (Jike nupkö kapankölköl) yeŋön wahöta jenire kaŋgotket.

2 Gwarekyahötŋan ambazip kambu kusum eŋgiba kewö jiyohot, "Jisösnöŋ kömupnöhök wahörök. Miangö dop kömugeri, yeŋön mewöŋanök guliba wahötme." Mewö jiyohotka uruŋini böliiga yetköreŋ kaŋgotket.

3 Kaŋgota etkömembra miri söŋauyöhaŋgöra aka kösö mire al etkiba jiget, "Miri gianjiŋun keu jakene al etkibin."

4 Mewö jigetmö, Buŋa keuŋiri mötkeri, yeŋgöreŋök jesöŋgöŋan uruŋini melenäda Jisös möt nariget. Möt narigeri, yeŋgö jaŋgöŋinan qariiga 5000:gö dop aka malget.

5 Miri gianjiiga galömkölköl aziurupŋini, Juda yeŋgö jitŋe memeurupŋini aka Köna keugö böhi yeŋön Jerusalem tokoget.

6 Tokoba jike nup galöm bohönŋi qetŋi Anas yaŋön sutŋine tarök. Mewöyök Kaiafas, Jon, Aleksander aka jike nup galöm bohönŋaŋgö saiwaurupŋi tosatŋi pakpak mi mohotŋe tatket.

7 Tatketka Pitö Jon etkuangita jenine al etkiget kinohotka kewö qesim etkiget, "Etkön mönö denöwö ahot? Dagö qetŋi qerohotka ösumŋi etkualöŋni letorök?"

8 Qesim etkigetka Uŋa Töröŋan Pitögö uruŋi kokolak qei kinda kewö jii mötket, "Kantrigö galömkölköl azi aka jitŋememeurupnini, mötket!

9 Niri lokon azi denöwö alabauk ak waŋgiziga könaŋi guliba ölöwahök, merak mewö qesim netkize.



<sup>10</sup> Mianğöra mianğö likepni mi ölop jibiga inini aka Israel ambazip könagesö pakpak mötme. Enjön Nazaret azi Jisös, Amötqeçe Tonini maripomnöñ qegetmö, Anutunöñ i mem gulii kömupnöhök wahörök. Jisös qetñanğö ösumñan mönö azi ki möhamğöiga enğö jenjine ölöwaka kinja.

<sup>11</sup> \*Keu kun kewö,  
'Miri meme azinöñ köt tandö kun andö qeba mosötketmö,  
Anutunöñ mi aliga ain tandö kömbönañi bohonñi akza.'  
Ain tandö bohonñi mi Jisös.

<sup>12</sup> "Jisös mohotnöñ mönö amöt qem neñgiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin."

<sup>13</sup> Mewö jim teköiga tandökñiri eka kewö jiget, "Azi yahöt kietkön mötmöt mire qahö öngöba töndup keu köhöikñi köhöikñi jiba awösamkakak kinda suahö ewö akzahot." Mewö jiba köñkun aka welipköba könañiri möt kutuba jiget, "Alakña! Azi yahöt mietkön mönö Jisösbuk mala letorohot."

<sup>14</sup> Könañiri möt kutuba jiba lokon azinöñ ölöwaka yetpuk kinöhi, mi eka keuñiri qeapköbingö osiget.

<sup>15</sup> Mi osiba jike kaunsöl kambu enğömosöta yaigep gemahotkö jim kutuget geyohotka nanñinök keu jaruba goro aket.

<sup>16</sup> Goro aka jiget, "Nini azi yahöt ki mönö denöwö ak etkibinto? Yetkön jim kutuyohotka anğöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qañ kölbingö osizin.

<sup>17</sup> Mi osizinmö, mianğö keuñi ambazip sutñine kunbuk sehiba anbapuköra mönö ölop kewö jim kutum etkiinga dop kölma, 'Injiri mönö Jisösgö qetnöñ keu kunbuk kude jimahot.' Mewö jiba köhöikñanök jim qetal etkiinga sörauyohotka kunñan kun mi qahö möri teköma."

<sup>18</sup> Mewö jim jöhöba etkoholget öngöyohotka kewö jim kutum etkiget, "Injiri mönö Jisösgö qetnöñ keu kun kude toroqeba jiba ambazip kusum enğimahot." Mewö jiba sonjo köhöikñi al etkiget.

<sup>19</sup> Mewö jim kutum etkigetmö, Pitö Jon yetkön melenđa kewö jiyohot, "Netkön enğö jimkutukutuñini tem kölbitköra Anutugöreñ keu memba et aljiga omani akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme!

<sup>20</sup> Mewö me mewö jiba jöhöbeakmö, netkön yuai eka möriri, mi köyatiba keu bök malbiranğö dop qahö."

<sup>21</sup> Mewö jiyohot mötketka ambazip körekñan anğöletot asuhuyöhi, mianğöra Anutu möpöseiget. Mewö möpöseigeranğöra aka "Likepni denöwö ak etkibinak?" jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot.

<sup>22</sup> Anğöletot asuhuiga lokon azi ölöwahöhi, mi (yara) yambuñi 40 lök onğita malök. Mianğöra mönö Anutu gwötpuk möpöseiba malget. Mewö.

### *Mötnarip yeñön köuluköba kin köhöiget.*

<sup>23</sup> Jike nup galöm bohonñi aka jitñememe yeñön Pitö Jon galöm meme keu jim etkiba etkömosötketka nanñiri alaurupñiri yeñgöreñ lilingöba anohot. Anda keu pakpak jigeri, mi jiyohotka mötket.

<sup>24</sup> \*Mi jiyohotka möta urumohot aka uruñini qezaköba jölñini memba wahöta Anutu kewö köuluköm wanğiget, "O Kembu öngöngöñi ketañi, göñön Suep, gölme, köwet aka yuai pakpak miengöreñ ahözawi, mi miwikñaim enğiba Tonjina akzan.

\* 4:11: Sum 118.22 \* 4:24: Eks 20.11; Neh 9.6; Sum 146.6

25 \*Göjñön mönöwök nangi Uña Töröñi melainöñ eta nup azigi Deiwid, neñgö ambönini yangö numbuñe keugi ali göhö jitki memba kewö jiyök,

'Urumelengö kopa yeñön mönö wuanöngöra göjuñi göjuñi memakze?

Kantriñi kantriñi yeñön mönö denöwögöra aka mötmöt omani omani mötmörimakze?

26 Gölmegö kiñ kembuñi kembuñi yeñön gölmeñinañgö dop wahörakze.

Pom jembonñi jembonñi yeñön mindiriba tokomakze. Mewö qeburuñ yöhöi Kembu aka yangö Amötqeçe Toñi qetal etkimakze.'

27 \*Ölña, keu miangö dop siti kiangöreñ asuhuyök. Gi Nahöngi Töröñi Jisös kuñgunöñga Amötqeçe Tonina akza. Yañön asuhuiga azi kembu yahöt Herod aka Pontius Pailöt yetkön Rom gawman galöm aka nanine Israel isikurupnini yembuk mindiriba totoko ala tuarenjoñ ak wañgiget.

28 Gi nangkak ösumgi aka jitkahö dop yangöra yuai asuhumapkö keuñi jiba qeljine jöhöba areñgönöñ. Yeñön yuai mi ak wañgigetka keu areñ pakpak mi mewö ölnambuk ahök.

29 "O Kembu, nini gi welen qem gihiinga merak galöm meme keu neñgizei, gi mönö mi eka nañgöm neñginöñga ölop göhö Buña keugi suahö ewö awösamkakak kinda jiba malbin.

30 Göjñön mönö börögi surunöñga kawöl ambazip mi Nahöngi Töröñi Jisösgö qet ösumñe ölöwakñe aka añgöletot aiwesök murutñi murutñi asuhumakñe. Keu mi ölña."

31 Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

*Mötnarip ambazipnöñ uru jöhöm añguget.*

32 \*Urumelen kambu ketañi yeñön urumohot aka mötmöt mohot aka malget. Yuai pakpak ahöm enjiyöhi, mi göhöreñök me nöñgöreñök, mewö qahö jigetmö, yuai pakpakñini mi mutulañgöba mohot aiga malget.

33 Mewö malgetka Anutugö ösumñan enñgualöñniga köhöigetka aposol yeñön jitiñini memba dangunu ewö kinda Kembu Jisösnöñ kömupnöhök guliba wahöröhi, keu mi nañgöba jiba malget. Mewö malgetka Anutunöñ kalem möriamñi ketañi mokom enjiiga ambazipnöñ göda qem enjiiget.

34 Mewö malgetka miangö dop sutñine kunñan yuai kungöra qahö mözöröñgöba osiba malök. Körek pakpak nene nupñi nupñi aka miriñi miriñi miengö toñi akeri, yeñön mi bohonñi memegöra alget. Mewö algetka söñgörüñi moneñ kaiga mi memba kaget.

35 Memba kaba aposol yeñgö böröñine algetka körek pakpak mözöröñgöba osigeranğö dop mi sutñine mendenđa enjiba malget.

36 Azi kun qetñi Josef, aposol yeñön qetñi Barnabas qetkeri, mi nanine keunöñ: Uru nañgönañgö azi, yañön gölme jölanñi qetñi Saiprus miangöreñ asuhuba qariba jike nup azia (Liwait) malök.

37 Yañön mewöyök nene nup gölmeñi bohonñi memegöra ali moneñ kaiga söñgörüñi mi memba aposol yeñgöreñ kaba böröñine alök. Mewö.

## 5

*Ananias Safaira yetköreñ tilipqilip*

1 Mewö aka malgetmö, azi kun qetñi Ananias anömñi qetñi Safaira yetkön nup gölmeñirañgö bahöñi bohonñi memegöra alohot.

2 Alohotka söñgörüñi kaiga azinöñ moneñ bahöñi nanñañgöra añgön köla asamböri anömñan mi möt teköi bahöñi kun memba kaba aposol yeñgö böröñine alök.

3 Böröñine alökmö, Pitönöñ kewö jiyök, "O Ananias, gi mönö wuanöngöra Satan qahö qetalnöñga urugi kokolak qeza? Yañön urugi kokolak qeiga göñön esapköba Uña Töröñi isimkakalek ak wañgiba nup gölmegö moneñ bahöñi añgön köla asambötzan?"

\* 4:25: Sum 2.1-2 \* 4:27: Mat 27.1-2; Mak 15.1; Luk 23.1, 7-11; Jon 18.28-29 \* 4:32: Apo 2.44-45

<sup>4</sup> Gi mianğö toni aknöni, nalö mianğöreñ mi nangi buñaya ahök me? Aiga nup gölmeği bohonni megetka söngöröñi kayöhi, moneñ mi mönö göhö buñaya ahök me? Gi mönö wuanöngöra urugan keu jöhöba yuai ki akzan? Gi muneñ jiba mewö mianğön ambazip qahö tilipköm neñgizanmö, Anutu nanñi mönö tilipköm wañgizan!”

<sup>5</sup> Mewö jiiga keu mi möt sasauba tala gölmenöñ geba kömuyök. Mewö kömuiga ambazip pakpak mianğö buzupni möta sömbu mötmöt ketanji aket.

<sup>6</sup> Kömuiga azi gwabö yeñön kota qamötñi memba esuhuba añguba anda löm kölget.

<sup>7</sup> Aua karöbut teköiga anömñan yuai asuhuyöhi, mi qahö möta kayök.

<sup>8</sup> Kaiga Pitönöñ anömñi Safaira kewö qesim wañgiyök, “Inñiri nup meme gölmenñiri bahöni bohonni memegöra alohotka moneñ kayöhi, mi mianğö dop me qahö? Mi jinöñga mötpi!”

Qesim wañgiiga kewö melenök, “Moneñ mi ölña mianğö dop kayök.”

<sup>9</sup> Mewö melenñiga jim wañgiyök, “Inñiri mönö wuanöngöra urumohok aka Kembugö Uña Töröñi tilipköm wañgizahot? Mötnöñ, apkan kömuiga azinöñ memba anda löm köljei, yeñön mönö nanju ki dopdowigetka kourukñi mötzan. Yeñön gi mewöyök esuhuba añgum gihiba anme.”

<sup>10</sup> Mewö jiiga mianğöreñök tala Pitögö könane geba kömuyök. Kömuiga azi gwabö yeñön kota qamötñi miwikñaiba memba añguba anda aññanğö qöhöröñe löm kölget.

<sup>11</sup> Löm kölgetka urumelen kambu jömukñi yeñön möta awöwöligetka buzupni sehiiga körek pakpak mötketka sömbu mötmöt ketanji aket. Mewö.

*Aposol yeñön ambazip gwötpuk mem ölöwak enğiget.*

<sup>12</sup> Mewö aketka Anutugö kukösumñan aposol inahöm enğiiga nup memba böröñini ambazip qakñine algetka Anutunöñ aiwesök añgöletot meiga sutñine gwötpuk asuhuget. Ambazip Jisös möt narigeri, körek yeñön jöwöwöl jikegö tohoñ uruñe öngöba kin Solomongö sombem söranñambukñi tokoba kambu mohot aka malget.

<sup>13</sup> Mewö tokoba malgetka ambazip tosatñan kenğötñini möta zirinñirin aketka kunñan totoköñine qahö öngöyök. Mewö qahöpmö, ambazip kambu yeñön göda gwötpuk qem enğiba malget.

<sup>14</sup> Mewö tokoba malgetmö, töndup ambazip sehisehiñi yeñön kambuñini toroqem enğiba malget. Azi aka ambi kambuñi kambuñi yeñön Jisös möt nariba uruñini melengetka kambuñinan qariba sehiyök.

<sup>15</sup> Aposol yeñön nup mewö megetka ambazip sehisehiñan ölöwaket. Mewö ölöwakeranğöra aka tosatñan kawöl ambazip enğuanğita kululu köla añguba köna gorañe mewöyök dum möhamgöba möki tumbula mianğöreñ al enğiba kewö jiget, “Pitönöñ kaba neñgoñgitmawi, imutimutñan mönö nalö mianğöreñ yengöreñök kungö qakñe öngöi ölöwakawak!”

<sup>16</sup> Mewöyök taon aka miri Jerusalem siti liliköba tat anjei, mienğöreñök ambazip kambu gwötpukñan öröba kaget. Mewö kaba ambazip kawöl enğöhöyöhi aka ömenöñ töñöt memba\* kölkölñinñin ak enğigeri, mi enğuanğita kaba kanğotket. Kanğotketka körek yeñön ölöwaket. Mewö.

*Garatanöñ aposol kösö mireyök enğuanğiri etket.*

<sup>17</sup> Mewö aka malgetka jike nup galöm bohonñan aka yangö sunğurumurupñi Sadyusi (jike nupkö kapanğölköl) pati nanğöm wañgigeri, körek yengö irimñini sehöliiga urupik aket.

<sup>18</sup> Urupik aka aposol enğömemba jöhöba gawmangö kösö mire al enğiget.

<sup>19</sup> Al enğigetmö, sunğem mianğöreñ ahögetka Kembugöreñ garata kunöñ kösö miri nanğunji öröba enğuanğita yaigep eta kewö jiyök,

\* **5:16:** Töñöt mi kewö: Ömenöñ numbuñi möwöngöiga keu bök malja.

20 “Mötket! Inini mönö anda jöwöwöl jikenöŋ öngöba ambazip jeŋine kinda malmal dölökŋaŋgö könaŋi pakpak aukŋe jigetka mötme.”

21 Mewö jii möta miri gianaiga jöwöwöl jikenöŋ öngöba kinda Buŋa keu kusum engiget. Mewö kinda kusum engigetka jike nup galöm bohonŋi aka alaurupŋan naŋgöm waŋgigeri, yeŋön aŋgota jike kaunsöl kambu aka Israel jitŋememurup köl öröm engigetka mohotŋe tokoget. Tokoba kinda opotöröp tosatŋi aposol enŋuaŋgitpingö melaim engigetka kösö mire anget.

22 Angetmö, i mianŋöreŋ qahö miwikŋaim engiba öne lilingöba kösohotŋini kewö alget,

23 “Nini ölŋa kösö mire aŋgota naŋguŋi köhöikŋi kötökŋi kölget kini wahip azinöŋ naŋgunöŋ kingetka ehin. Mi ehinmö, naŋguŋi öröba öngöba mianŋöreŋ azi kun qahö miwikŋaizin.”

24 Mewö jigetka jikegö kiripo galöm bohonŋi aka jike nup galöm bohonŋi yeŋön keu mi möta uruŋini lalalulu siksauk aiga jiget, “Opoŋoŋ! Merak mewö asuhaba könaŋgep kunbuk supapköiga denöwö akapuk!”

25 Mewö jigetka kunŋan kota kewö jii mötket, “Mötket, azi kösö mire al engigeri, yeŋön mönö jöwöwöl jikenöŋ kinda ambazip Buŋa keu kusum engize!”

26 Mewö jii mötketka jikegö kiripo galöm bohonŋan opotöröp engömeiga anget. Anda “Ambazipnöŋ köt gila neŋgubepuk!” jiba keŋgötŋini möta lolonŋanök jöwöwöl jikenöŋ öngöba aposol enŋuaŋgita kaget.

27 Mewö enŋuaŋgita kaba jike kaunsöl kambu yeŋgö jeŋine alget kingetka jike nup galöm bohonŋan kewö qesim enŋiyök,

28 \* “Inini Jisösgö qetŋe keu kun kude kusum engime! Neŋön mewö jiba soŋgo köhöikŋi al enŋiinmö, keu mianŋö ölŋan mönö denöwö asuhuyök? Enön mönö toroqeba kusum engiba mala Jerusalem siti ki Jisösgö keunöŋ kokolak qegetka maljin. Aiga azi mianŋön kömumba sepŋi mokoiga enön neŋgöra kewö jimakze, ‘Yaŋgö keuŋan mönö Juda neŋgö qakŋine öngöyöha ahöza.’ ”

29 Mewö jiyökmö, Pitö aka aposol tosatŋan kewö melenget, “Neŋön ambazip engö jimkutukutuŋini tem kölbingöra aka Anutugöreŋ keu andö qeinga qahö dop kölma. Qahö!

30 Anutunöŋ nanine ambösakonurupninaŋgö bemŋina akza. Inini Jisös ip kemaŋe möndöba qegetka kömuyökmö, Anutunöŋ i mem gulii wahörök.

31 Anutunöŋ i mem guliba waŋgita öngöi nanŋi böröŋi ölŋe ali tatza. Euyaŋgöreŋ tari Anutunöŋ siŋgisöndoknini mosöt neŋgimamgöra kuŋgui Pom Kembunini aka Amötqeŋe Tonini akza. Mewö aka Israel könagesö urumelenŋ ak neŋgimamgö mötza.

32 Nini yuai mi eka keu pakpak mi naŋgöba jiba dangunuŋi aka kinjin. Uŋa Töröŋan mewöyök keu mi naŋgöba jimakza. Anutunöŋ Uŋa Töröŋi ambazip jitŋi tem köl waŋgimakzei, mönö yeŋgö uruŋine ala buŋa qem engiza.”

33 Pitönöŋ keu mewö jiiga jike kaunsöl kambu yeŋön mötketka uruŋini sounöŋ qe-siŋqesiŋ ewö qesiŋnök. Qesiŋniga uruŋini könöp jeiga aposol enŋuget kömumegö mötket. Mewö.

### *Gamalielnöŋ alaurupŋi jim mölöwörim enŋiyök.*

34 Mewö mötketmö, Farisi (Köna keugö kapaŋkölköl) azi kun qetŋi Gamaliel yaŋön jike kaunsöl kambu yeŋgö sutŋine tarök. Yaŋön Köna keugö böhi azia mali ambazip pakpak göda qem waŋgigetka jitŋememeŋina ahök. Mewö aka wahöta aposol enŋuaŋgitketka yaigepŋe geba borom kun mambötmegöra jim kutuyök.

35 Mewö jim kutui gegetka jitŋememe alaurupŋi kewö jii mötket, “Israel aziurup, inini azi ki denöwö ak engibeak, mianŋöra mönö ölöpŋanök galöm mem aŋgume.

36 Mutuk emune azi kun qetŋi Teudas yaŋön wahöta ‘Nöŋön ketanŋamŋina akzal,’ jiiga merak (yara) yambu tosatŋi teköi maljin. Teudasnöŋ mewö jiiga azi 400:gö dop

\* 5:28: Mat 27.25



yambuk örörön jöhöba mindiriba malgetmö, kunjan qei kömui tosatjan aziurupni imbi köl wanjigeri, mi kunjum engigetka buratigetka qeburunjan pömsöm qeba qahöwahök.

<sup>37</sup> “Yanğö andöje Galili azi kun qetni Judas asuhuyök. Yanön takis memegöra ambazip qetnini ohoba arengögeri, nalö mianğoreñ asuhuyök. Asuhaba ambazip mölöwörim enğiiga karim akñegöra sunğurum alabaukurupni aket. Mewö aketmö, i mewöyök qegetka kömuyök aka tosatjan sunğurumurupni imbi köl wanjigeri, mi kunjum engigetka buratiget.

<sup>38</sup> Mewö aiga nöñön kewö jibi mötket: Inini mönö azi kiengö silenine yuai lañ kude akñe. Yenön nup ki megetka qeburun ahuzawi, mi gölme ambazipkö mötmöt areñineyök ahuza ewö, mi mönö sohoba pömsöm qeba qahöwakña. Mianğöra i mönö engömosötketka etme.

<sup>39</sup> Mi qahöwakñaqmö, Anutugö mötmöt areñnöñök ahubawak ewö, enön mönö qeburun mi jöhöbingö osime. Inini Anutu nanñi qetala tuarenjon ak wanjiba malbepuk. Nanñini könañini mewö miwikñaibepuköra mönö galömnini mem angume!”

<sup>40</sup> Gamalielnöñ mewö jiiga goro keunñ angön köla wuatangöget. Mi wuatangöba aposol engoholget kotketka opotöröpköra jigetka raukapan (raurapan) mem engiget. Raukapan mem engigetka jike kaunsöl kambu yenön aposol mi Jisösgö qetne keu kun toroqeba jibepukö sonjo köhöikñi al engiba “Eta anme,” jiget.

<sup>41</sup> Mewö jigetka jike kaunsöl kambu mosöta anget. Könanöñ anda kewö jiget, “Jisösgö qetköra aka qetbuñanini mewö mem sohozei, mi Anutunöñ mötza. Yanön nini sihimbölö mewöñi mötpinağö dop möta nenğehiga ölop dop kölja.” Mewö jiba urunjan mianğöra ölöwahiga söñgaiget.

<sup>42</sup> Söñgaiba nup toroqeba memba silim dop jöwöwöl jikenöñ öngöget aka mirinñi mirinñi mianğoreñ anda Buña keu kusum engiba malget. Jisösnöñ Amötqeçe Tonñ Kraist akzawi, yenön mianğö Ölöwak Buñanñi jiba mianğön ambazip urunñi kunjuba malget. Mewö.

## 6

### *Nupbauk azi (dikon) 7 meköm engiget.*

<sup>1</sup> Gwarek jañğöñinan qariba öngöiga Juda ambazip kambu yahöt aka malget. Tosatjan kantri tosatneyök kaba Grik keu jiget aka tosatjan nanñine gölmeñine mala kota Arameik aka Hibu keu jiget. Mewö malgetka nalö mianğoreñ goranora (noragora) asuhuyök. Grik keu jigeri, yenön kewö jigetka böliyök, “Aposol yenön nalö dop nene inap menden nenğimakzemö, Grik keu ambi malö nenğö nene inap bahöñi mi bahösapsap nenğimakze. Örörön qahö misigetka qahö dop kölja.”

<sup>2</sup> Mewö jigerangöra aka aposol 12 yenön gwarek kambu köl öröm engiget tokogetka kewö jiget, “Nenön silegö nup memba nene menden da engiba Anutugö Buña nupköra nalönini ölop qahö dop köli urugö nupninan etpapuk. Mi kude dop kölja.

<sup>3</sup> Mewögöra alaurupnini, mötket! Enön mönö nanñini sutñineyök nupbauk miwikñaim engime. Uña Töröñan azi urunñi kokolak qeiga Anutunöñ mötkutukutuñi qainñi kun al enğii qetbuña ölopñi memba kinjei, mönö azi mewöñi 7 meköm engime. Mi meköm engigetka nup mi enğiinga mi galöm köla memba malme.

<sup>4</sup> Yenön mewö malmemö, naninak nalö jömukñanök köuluköba Anutugöreñ Buña keu jegep kind a jim sehiba malbin. Nup mianğoreñ mönö pöndañ kinbin.”

<sup>5</sup> Mewö jigetka kambu pakpak yenön “Ölop dop kölja!” jiget. Mewö jiba azi qetni Stiwen meköget. Stiwen mi Anutu köhöikñanök möt narim wanğiiga Uña Töröñan urunñi kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetni Antiokia mianğoreñ ahaba könañep Juda azia aka urunñi Kraistköreñ meleñnök.

<sup>6</sup> Mi meköba möwölöhöm engigetka aposol yenğö jemesoholñine öngöm angetka böröñini nööröñine ala köuluköba kötuetköm engiget.

<sup>7</sup> Anutugörej keu jim sehigetka töhötmöriamñambuk aiga gwarek yengö jañgöñinan Jerusalem sitinöñ qariba sehiyök. Jike nup galöm yengö kambunöhök sehisehiñi yeñön mewöyök uruñini melenja Jisös möt nariget. Mewö.

*Stiwen meraköba memba jöhöget.*

<sup>8</sup> Anutugö kalem möriamñi aka kukösumñi mianñön nupbaur azi Stiwengö uruñi kokolak qei kinda aiwesök angöletot ketanji ketanji mi ambazip sutñine mei asuhuget.

<sup>9</sup> Mi asuhugetmö, Juda tosatñan wahöta Stiwen angötuarenjoñ ak wañgiget. “Lolohoba kageraño köuluk miri kambu”<sup>\*</sup> yengö sutñine Juda tosatñan Sairini aka Aleksandria Ijpt siti yahöt miangöreño k lilingöba kaba kinget. Azi mewöñan mindiriba wahöta Silisia aka Eisia prowinsnöhö kageri, yengö kambunöhök Juda azi tosatñi engömembra mohotñe Stiwenbuk möndöñda goranora aka jitnakölik erauget.

<sup>10</sup> Mewö jigetmö, Uña Töröñan Stiwen sölölohöi mötkutukutu ketanjanö qakñe keuñi melenja jiyöhi, mi Juda yeñön qeapköbingö osiba etket.

<sup>11</sup> Osiba eta mömölaköba anda azi tosatñi miwikñaiba kungum engiba kaba kewö jiget, “Yañön mepaqepaik keu jiba mianñön Moses aka Anutu qetal etkii mörin.”

<sup>12</sup> Mewö jiba anda ambazip kambu, yengö jitmeme aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yengö jeñine anget.

<sup>13</sup> Anda azi tosatñi enguangetketka kota Stiwengö sileñe keu munenji ala kewö nañgöba jiget, “Azi kianñön mönö jöwöwöl jikenini aka Mosesgöreñ Köna keu tuarenjoñ aka qahö mosörakzärmö, mi toroqeba jimahakza.

<sup>14</sup> Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki köndenñiga qeqelanñ ahöma aka Mosesnöñ Köna keu nenñi ahözawi, mi uteköma.’ ”

<sup>15</sup> Mewö jigetka jike kaunsöl kambugö totokonöñ tatkeri, yeñön körekñan Stiwen törörök ugetka kaisongolomñan Suep garata tandök ewö ahiga eka mötket. Mewö.

## 7

*Stiwenöñ keu likepñi melenja jii mötket.*

<sup>1</sup> Stiwen keu jakene al wañgigetka kini jike galöm bohonñan kewö qesim wañgiyök, “Keu mi ölña me munenja?”

*Stiwenöñ Abrahamgö kösohotñi jiyök.*

<sup>2</sup> \*Qesim wañgiiga likepñi kewö melenñök, “Aziurup, iwi darumuni, nöñön kewö jibi mötket: Nanine ambönini Abrahamnöñ Mesopotemia gölmenöñ maliga asakmararañ Toñi Anutu yañön asuhum wañgiiga Mesopotemia mosöta Haran mirinöñ anda malök.

<sup>3</sup> Anutunöñ kewö jii mörök, ‘Gi nangi miri gölmeği aka tinitosolomurupki engömosöta gölme kun kondel gihimami, mönö miangöreñ anda malman.’

<sup>4</sup> \*Mewö jii möta Kaldia gölme mosöta Haran gölmenöñ anda malök. Miangöreñ mali iwiñan kömui Anutunöñ melaim wañgiiga iñini nalö kewöñe ki maljei, mönö gölme kiangöreñ kaba könahiba tata malök.

<sup>5</sup> \*Gölme kiangöreñ tata maliga Anutunöñ gölme kitipñi borom kun köna tamböñangö dop mi qahö buña qem wañgiyök. Gölme kiangö toñi qahöpmahöp qahöpmö, Abrahamgö gwölönarökñi qahö ahuiga Anutunöñ nalö miangöreño k yangö keu qeljine kewö jiba jöhöyök,

\* **6:9:** Köuluk miri kambu kungö qetñi mi kewö asuhui qetket: Ambazip pomñi yeñön tosatñi bohonñini engömegetka buñanñi aka toñinanö welennñi öne qeba mala (sleiw) böröñineyök lolohoba kageri, yeñön mönö nanñini köuluk miri kambuñini ala qetñini mi mewö qetket. \* **7:2:** Jen 12.1 \* **7:4:** Jen 11.31; 12.4 \* **7:5:** Jen 12.7; 13.15; 15.18; 17.8

‘Nöñön gölme ki mi gi aka göhö andöge gwölönarökurupki ahumei, mönö engöra engibi miangö tonji akne.’

6 \*Mewö jiba toroqeba keu kewö jiyök,

‘Göhö gwölönarökurupkan gölme kungen anda kian aka malme. Kian aka malgetka gölme miangö tonji yeñön jöhöm engigetka tonjinañgö welenñini öne qeba malme. Mewö malgetka tulumgöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalin qakne malme.

7 \*Mewö malmemö, nöñön könangep gölme ambazip welenñini qeba malmei, mi keunöñ ala jim teköm engimam.’

Mewö jiba toroqeba jiyök,

‘Mewö asuhuiga gwölönarökurupkan gölme mi mosöta gölme kiangöreñ lilingöba kaba waikni memba möpöseim niñgiba malme.’ Mewö.

*Aisak, Jeikob aka Josefyengö kösohotñini jiyök.*

8 \*‘‘Anutunöñ Abrahamgöra mewö jiba aiwesök kewö aknegöra jii mörök, ‘Injini nömbuk jöhöjöhö aknegöra mönö nöngö aiwesök esöñini köla azi sileñine yandiba malme.’ Miangö dop Abrahamnöñ nahönñi Aisak ahuiga silim 8 aiga miangöreñ aiwesök mi sileñe yandiyök. Aisaknöñ nahönñi Jeikob qiwikñaiba aiwesök mi yandiyök aiga Jeikobnöñ nahönurupñi qiwikñaim engiba miangö dop yandim engiyök. Jeikobkö nahönurupñi 12 yeñön Israel nenögöreñ ambösakonurupnina aket.

9 \*‘‘Ambösakonurupninan munñini Josef mi andö qem wañgiba bohonñi memegöra algetka tosatñan söngöröñi memba wañgita Ijpt kantrinöñ anda algetka malök. Miangöreñ malökmö, Anutunöñ yambuk kinök.

10 \*Yambuk kiniga köñjilin könañi könañi qakne öngöi möröhi, körek miengöreñök mönö meköm wañgiyök. Meköm wañgiba kalem möriamñi wañgii mötkutukutuñi ölöpñan asuhuyök. Mi asuhuiga Ijpt kantrigö farao kiñ yangö jeñe angori ehi dop köliga azi kembu kuñgum wañgii Ijpt kantri aka farao kiñgö jakömbuak miri yuaini galöm köñ engiba malök.

11 \*Galöm köñ engiiga bödi nalöñi kam kuñguiga Ijpt pakpak aka Kenan gölme mi dop kölök. Miangöra ambazipnöñ kahasililin ketañi möta malget. Mewö mala nanine amböurupninan nene miwikñaibingö meme yangap meget.

12 ‘‘Mewö megetka ‘Ijpt gölme miangöreñ padi ahöza,’ mewö jigetka Jeikobnöñ mörök. Mewö möta nahönurupñi, nanini amböurupnini mi nalö mutukñi melaim engii miangöreñ anget.

13 \*Mewö anda mala lilingöba iwiñinañgöreñ kaget. Könangep indimñi kun kunbuk angetka Josefnöñ könañamñi indeli mötket. Mötketka farao kiñnöñ mewöñanök tinitosolomñi engeka könañini möt kutuyök.

14 \*Möt kutuiga Josefnöñ keu ala iwiñi Jeikob aka tinitosolomurupñi pakpak mi köñ öröm engii yangöreñ anget. Ambazip angeri, yeñgö jañgöñini mi 75 ahök.

15 \*‘‘Jeikob mewö wañgitketka Ijpt gölmenöñ anök. Anda mala miangöreñ kömuyök. Amböurupninan mewöyök kömum teköget.

16 \*Kömum tekögetka qamötñini memba anguba Kenan gölmenöñ lilingöba Sekem mire kaba löm köñ engiget. Mönöwök Abrahamnöñ Sekem (Sikem) mala gölme kun azi qetñi Hamor yangö gwölönarökurupñi yeñgöreñök moneñnöñ söngöröñi meyöhi, mönö miangö qaksiriñe köñ köteñ urorohoba miangöreñ al engiget.’’ Mewö.

*Mosesnöñ Ijpt kantrinöñ ahuba mala korök.*

\* 7:6: Jen 15.13-14 \* 7:7: Eks 3.12 \* 7:8: Jen 17.10-14; 21.2-4; 25.26; 29.31-35.18 \* 7:9: Jen 37.11, 28; 39.2, 21  
 \* 7:10: Jen 41.39-41 \* 7:11: Jen 42.1-2 \* 7:13: Jen 45.1, 16 \* 7:14: Jen 45.9-10, 17-18; 46.27 \* 7:15: Jen 46.1-7; 49.33 \* 7:16: Jen 23.3-16; 33.19; 50.7-13; Jos 24.32

17 \*Stiwenön toroqeba kewö jiyök, “Anutunön mönöwök jöhöjöhö keu Abraham wangiyöhi, mi ölnambuk akñapkö nalöni töriba dopdowiyök. Dopdowiyöhi, miangö dop Israel yeñon Ijpt gölmenön ahum sehiba malgetka kambuñinan qariba öngöyök.

18 Qariba öngöiga farao kiñ kunön wahöta könahiba Ijpt galöm köi engiyök. Kiñ dölökni miangön Josefgö könañi mi qahö möta malök.

19 \*Yangö könañi kude möta nanini könagesö mi isimkakalek qakne tilipköba amböurupnini mulungöm engii malget. Mewö malgetka kiñnön köhöiba Israel kewö jim kutum engiyök, ‘Inini mönö morö azi sepsepñini memba yaigepne anda onön gilgetka geba kömume.’

20 \*“wö jiiga nalö miangörenök morö kun qetñi Moses asuhuyök. Anutunön i eka möri dop kölök. Mosesnön ahuiga iwinamñan i köiñ karöbut miangö dop miriñire galöm köla malohot.

21 \*Köiñ karöbut mi teköiga namñan wangita yaigepne anda köndenön o qakne ala mosörök. Mosöta ani farao kiñgö böratñan miwikñaiba meiga nahönñi aiga galöm köi wangii malök.

22 Mewö maliga Ijpt yengören mötmöt aka aiaka pakpak mi kusum wangigetka miangö dop Ijpt yengören mötkutukutu azi ketañi ahök. Yangön keuñi aka ahakmemeni mi ösum-mumu qakne jiba aka malök.

23 \*“Mosesgö (yara) yambuñi 40 teköiga miangören Israel darumunurupñi yengö prowinsnön anda engekñamgö mötmöriba keuñi jöhöba anök.

24 Anda Ijpt azinön Israel azi kun yambuk öne töhön angururuk aka öröm ureim ak wangiba qeyöhi, mi ehök. Mi eka anda Israel azi mi bauköm wangiba andöne anda likepñi melenña Ijpt azi mi qeba qem kömuyök.

25 Qem kömuiga Anutunön Mosesgören nariba Israel ambazip farao kiñgö böröneyök meköm engimangöra kukösum wangii kayök. Yeñon Moses eka könañi mewö ölop möt asarize, mewö mötmöriyökmö, yeñon mi qahö möt asariba öne tönpin malget.

26 “Miri gianñiga kunbuk yengören ani Israel azi yahötñan auyohotka etkehök. Etkeka esapköba sutñire luai ahumapkö möta kewö jiyök, ‘Azi yahöt, iniri darumuna. Nanñiri mohot miangön mönö wuanöngöra mewö ayuhum anğuzahot?’

27 Mewö jiyökmö, azinön alañi mem bölim wangiyöhañon mönö Moses könöpuk utala kewö jim wangiyök, ‘Gi mönö nengören galöm aka jimtekötekö azia akzan me? Dañon mewö kuñgum gihiiga kinjan?’

28 Gi uran Ijpt azi qenön kömuyöhi, mönö mewö ni nuñgumangöra jizan me?’

29 \*Mewö qesim wangiiiga keu miangöra aka Ijpt kantri mosöta ölon köla Midian gölmenön anda kiana malök. Mewö mala ambi memba nahönyahötñi yahöt qiwikñaim etkii malget.” Mewö.

### *Mosesnön gölme qararañkölkölne yambu 40 malök.*

30 \*Stiwenön keu toroqeba kewö jiyök, “Mewö malgetka (yara) yambu 40 teköiga miangören Mosesnön gölme qararañkölkölne liliköba kundunñi qetñi Sainai miangö könañe mali Suep garata kunñan asuhuyök. Mi ip köhöso kemañe könöp bölam asuhuba qahö jem kutuyöhi, miangören asuhum wangiyök.

31 Mewö asuhum wangiiiga tandök miangöra welipköba könañi eka möt kutumangöra kösutne ani Anutugörenök keu kun kewö kai mörök,

32 ‘Nöñon göhö ambösakonurupki yengö Anutuñina akzal. Nöñon Abraham, Aisak, Jeikob yengö Kembuñina mala kota maljal.’ Mewö jii möta jöñomñi könahiba unduiga miangören göröken uba ekñamgö keñgötñi mörök.



33 “Keŋgötŋi mörökmö, Kembunöŋ kewö jii mörök, ‘Gölme tiba kinjani, mi gölme kömbukŋa. Mianğöra gi mönö köna esugi qeköman!

34 Nöŋgö ambazip kambu-urupni Ijpt maljei, mi mulungöm enğigetka sihimbölo qakŋe aum-möriba malje. Nöŋön mi eka maljal. Yeŋön osongom enğui sahöt uletzei, nöŋön mi möt teközal. Nöŋön yeŋgö böröŋineyök meköm enğimamğöra etzal. Mianğöra gi mönö döлки wahöta ki kanöŋga melaim gihibiga Ijpt anman!’ Mewö jiyök.”

*Mosesnöŋ Israel enğuanğiri yambu 40 könanöŋ malget.*

35 \*Stiwenöŋ keu toroqeba kewö jiyök, “Yeŋön Moses qaŋ köla köndat waŋgiba kewö jiget, ‘Gi mönö galöm aka jimtekötekö azia akzan me? Daŋön mewö kuŋgum gihiiga kinjan?’ Mewö qaŋ köla jigetmö, Anutunöŋ Moses mi melaim waŋgiiga yeŋgö pom kembuŋina ahök. Suep garatanöŋ ip köhösonöŋ bölam jeyöhaŋgöreŋ asuhum waŋgiyöhi, yaŋön mönö Anutugöreŋ buzup keu mi memba kaba uruŋi kuŋgui mekömekö aziŋina ahök.

36 \*Israel mekömekö aziŋina aka ambazipurupŋi mi aiwesök aŋgöletot könaŋi könaŋi memba Ijpt kantrinöhök meköba enğuanğiriga mosöta Köwet Pisikŋi mianğöreŋ kaget. Emu kagetka mianğöreŋ aka gölme qararaŋkölkölŋe mewöŋanök toroqeba aiwesök aŋgöletot murutŋi murutŋi mi (yara) yambu 40 mianğö uruŋe memba kondeli eka malget.

37 \*Mosesnöŋ pom kembuŋina mala Israel könagesö yeŋgöra kewö jiyök, ‘Anutunöŋ Juda kambu enğö sutŋineyök kezapqetok azi kun möwölöhöba kuŋguiga ni ewö akŋa.’

38 \*‘‘Israel yeŋön gölme qararaŋkölkölŋe kaba malgetka pom kembuŋini aka nanine ambösakonurupnini yembuk mala könagesöŋini galöm köl enğiyök. Galöm köl enğiba kundunŋi qetŋi Sainai mianğöreŋ öŋgöi Suep garata kunŋan keu jii möta yambuk malök. Mewö mala Anutunöŋ malmal köhöikŋaŋgö keuŋi sundan jii möta malöhi, yaŋön keu mi mianğö dop jüiga neŋgö Buŋaya ahök.

39 ‘‘Yaŋön pom kembuŋina malökmö, nanine ambösakonini yeŋön keuŋi tem köl waŋgibingö ölan enğöhöiga andö qeget. Andö qeba utal waŋgiba uruŋini möŋaiiga Ijpt kantrinöŋ kunbuk liliŋöbingö sihimŋi mötket.

40 \*Mewö möta Mosesgö datŋi Aron yaŋgöra kewö jiget, ‘Mosesnöŋ pom kembunini aka Ijpt kantrinöhök meköba neŋuanğiriga kaini, yaŋön kundunŋe öŋgöba tandök denöwö akzawi, nini mi qahö mötzin. Mi qahö mötzinaŋgöra göŋön ölop tandö lopion menöŋga mienöŋ jitŋememenini aketka könaŋine toroqeba anbin.’

41 \*‘‘Mewö jiba mianğöreŋök goul memba mianöŋ lopion kun bulmakau moröŋaŋgö tandök meget. Mi memba jöwöwöl memba kaba al waŋgiba lömbuan ohoba yuai böröŋinan megeri, mianğö sösoŋgai aka möpöseiget.

42 \*Mewö aketmö, Anutunöŋ mi eka ölan yöhöiga andö enğui Suepkö seŋgelau Tonŋi waikŋini memba möpöseim enğimegöra enğomosörök. Kezapqetok azi Amosnöŋ keu kun ohoi Buzup Kimbinöŋ ahözawi, mönö mianğö dop kewö aket,

‘O Israel ambazip, iŋini gölme qararaŋkölkölŋe kaba (yara) yambu 40:gö dop mala nalö mianğöreŋ sömbup jöwöwöl ohoba naluk tosatŋi memba kaba niŋgiba malget me qahö?

43 Mi qahöpmö, enöŋ mönö bem qetŋi Molok yaŋgö opo seri koumŋi mi anğuet aka bem qetŋi Refan yaŋgöreŋ seŋgelau imutŋi mi anğuba kaba malget.

Enöŋ imut lopion mi waikŋiri memba möpöseim etkibingö meget buŋaŋina ahök. Mianğöra aka nöŋön mönö iŋini közöl enğibi kerökurupŋinan kaba enğuanğitketka anda mala köröwen Babilon kantrigö andöŋe öŋgöba malme!’ ” Mewö.

\* 7:35: Eks 2.14 \* 7:36: Eks 7.5; 14.21; Jaŋ 14.33 \* 7:37: Dut 18.15, 18 \* 7:38: Eks 19.1-20.17; Dut 5.1-33

\* 7:40: Eks 32.1 \* 7:41: Eks 32.2-6 \* 7:42: Amos 5.25-27

*Stiwenöŋ opo seri jikegö keuŋi jiyök.*

44 \* “Ambösakonurupnini yeŋön gölme qararaŋkölkölŋe kaba mala Anutugö dangunüŋi kuŋguba opo seri jike memba aŋguba malget. Mi memba aŋguba Anutunöŋ jikeŋi memegöra Moses jim kutum waŋgiba söpsöp imutŋi kondel waŋgii ehöhi, mönö miangö dop meget kinök.

45 \* Mosesnöŋ ambösakonurupnini galöm köl eŋgiiga yeŋön opo seri jike mi aŋguba malget. Könaŋgep Josuanöŋ wahöta galöm köl eŋgii gwölönarökurupŋinan jike mi buŋa qem aŋguba toroqeba kaba mala kantri ki kaŋgotket. Kantri ki kaŋgotketka Anutunöŋ gölme toni kambuŋi kambuŋi eŋguataŋgöi angetka gölmeŋini aŋgön köla meget. Memba tata malgetka kiŋ Deiwidnöŋ asuhuyök.

46 \* “Yaŋön asuha Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’

47 \* Mewö qesim waŋgiyökmö, Solomonöŋ jiiga Anutugöra jöwöwöl jike meget.

48 Mi megetmö, Öngöŋgöŋi Ketanŋi yaŋön azinöŋ miri böröŋinan megeri, miangöreŋ qahö malja. Miangö keuŋi kezapqetok azi kuŋŋan kewö ohoi ahöza,

49 \* “Kembunöŋ jiza: Nöŋgöreŋ jakömbuak dum tatatni mi Suepnöŋ ahöiga gölme mi könanangö döŋŋi aiga miangöreŋ tiba tatzal. Inini mönö nöŋgöra miri tandökŋi denöwö megetka dop kölbawak? Me miri denikeangöreŋ miwikŋaim niŋgigetka miangöreŋ öngöba luhut memba mal-bileŋak?

50 Yuai pakpak mi mönö nanak nani börönan miwikŋaim eŋgial mi mötze.’ ” Mewö.

*Stiwenöŋ kaunsöl yeŋgö uruŋini kuŋguyök.*

51 \* “O qegetal ambazip, eŋgö uruŋinan mönö duhuiga kopa akze! Kezapŋinan köungöba qahö kötökŋi tohoza! Mi duhuzawaŋgöra Anutugöreŋ keu qetala kezapjupjup ahakze. Ambösakonŋinan Uŋa Töröŋi tuarenjone ak waŋgiba malgetka eŋön mönö yeŋgö dop toroqeba mewöŋanök Uŋa Töröŋi sundan dop andö qemakze!

52 Eŋgö ambösakonurupŋinan kezapqetok ambazip awamŋi qahö sesewerowero ak eŋgiba malget. Yeŋgöreŋök daŋön mönö kahasililin qahö miwikŋaiyök? Yeŋön Azi Solanŋan asuhumapkö kezapqetok keuŋi jigetka i eŋguget kömuget. Yeŋön kömugetka Azi Solanŋan nanŋak asuhuiga inini i mamalolo ak waŋgiba qeget kömuyök.

53 Anutunöŋ garataurupŋi melaim eŋgiiga Suepnöhök eta Köna keu eŋgigetka Buŋaŋini ahökmö, eŋön mi qahö tem köla malget.” Mewö.

*Stiwen kötnöŋ qeget kömuyök.*

54 Stiwenöŋ keu mewö jiiga jike kaunsöl yeŋön mötkeri, mi uruŋini sounöŋ qesiŋqesiŋi ewö qesiŋök. Qesiŋniga uruŋini könöp jeiga ambarik (amdabö) yöhöba wahöta kinget.

55 Mewö aketmö, Uŋa Töröŋan Stiwengö uruŋi kokolak qeiga jeŋi Suepnöŋ göröken ui öngöiga Jisös Anutugö asakmararaŋ uruŋe euyangöreŋ Anutugö böröŋi öŋŋe kini ehök.

56 Jisös eka jiyök, “Mötket! Suepnöŋ aŋaŋiiga Suep gölmeŋö Azi Öŋŋan mönö Anutugö böröŋi öŋŋe kiniga ekzal.”

57 Mewö jii möta qet gigilahögetka göju ketanŋi wahöriŋa kezapŋini böröŋinan gwözöŋda köreŋŋan luhuba anda qeraköba meget.

58 Mewö memba taon göraŋe örörahöba anda yaigepŋe ala kötnöŋ könahiba gila qeget. Mewö qegetka tosatŋan mi eka kinda malukunŋini qeköba mölohoba azi gwabö Solgö kösutŋe alget.

\* 7:44: Eks 25.9, 40 \* 7:45: Jos 3.14-17 \* 7:46: 2 Sml 7.1-16; 1 Hist 17.1-14 \* 7:47: 1 Kiŋ 6.1-38; 2 Hist 3.1-17

\* 7:49: Ais 66.1-2 \* 7:51: Ais 63.10

<sup>59</sup> Mewö aka kötnöŋ gila qebayök kingetka Stiwenöŋ Anutugö köuluköba kewö jiyök, “O Kambu Jisös, gi mönö uŋani memba aŋgön kölman!”

<sup>60</sup> Mewö jiba siminŋan geba köla qet gigilahöba jiyök, “Kambu, siŋgisöndok ki akzei, miangö lömbötŋi mönö yeŋgö qakŋine kude alman!” Mewö jiba nöŋ qeba kömuyök. Mewö.

## 8

### *Solnöŋ urumelen kambu sesewerowero ak enŋii denŋet.*

<sup>1</sup> Stiwen qeget kömuyöhi, mi Solnöŋ mewöyök möri dop kölök. Nalö miangöreŋök sesewerowero ketanŋi ahuiga Jerusalem sitigö urumelen kambu kazik ak enŋiget. Miangöra yeŋön körekŋanök siti mosöta denŋa Judia aka Samaria prowins yahöt mi dop köla angetka aposol yeŋönök kapan köla sitinöŋ malget.

<sup>2</sup> Ambazip Anutu göda qeba waikŋi memba malgeri, yeŋgöreŋök tosatŋan Stiwen kömuyöhaŋgöra jinŋen köla gwötpuk sahöta qamötŋi memba anda löm kölget.

<sup>3</sup> \*Löm kölgetmö, Solnöŋ urumelen könagesö jaŋgauranŋa mem enŋiba mirinŋi mirinŋi liliköba öŋgöba urumelen azi aka ambi örörahöba enŋömemba gili etketka jiiga kösö mire al enŋiget. Mewö.

### *Filipnöŋ Samaria sitinöŋ Buŋa nup meyök.*

<sup>4</sup> Urumelen ambazipnöŋ denŋa miri dop anda kaba liliköba malgeri, yeŋön Ölöwak Buŋa jiba mianön ambazip uruŋini kuŋguba malget.

<sup>5</sup> Filipnöŋ Samaria prowinsgö siti kunöŋ geba Amötqeŋe Toni Kraistkö könanŋi jim asarim enŋii mötket.

<sup>6</sup> Mia jim asarim enŋiba aŋgöletot meiga letotketka ambazip kambu yeŋön mi eka keu jiyöhi, mi urumohot aka kezap ala möta aŋgön kölget.

<sup>7</sup> Filipnöŋ nup meiga Anutugö ösumŋan öme gwötpuk mi ambazip uruŋineyök enŋuataŋgöyök. Enŋuataŋgöiga qet bölöbölö qeta kota anget. Nup meiga ambazip sehisehinŋi likepŋini kömukömuŋi aka lokon malgeri, mi ölöwaket.

<sup>8</sup> Mewö aiga Samaria sitinöŋ sösoŋgai öŋgöŋgöŋi asuhuba ahöyök. Mewö.

### *Sile galöm azi Saimonöŋ timbiqimibilim ahök.*

<sup>9</sup> Sösoŋgai ahöyökmö, Samaria siti miangöreŋ suŋa jinanŋi azi kun qetŋi Saimon malök. Yanön (yara) yambu tosatŋi qarösoŋgo amötqeŋe nup memba Samaria ambazip welipköm enŋiiga malget. Mewö malgetka “Azi öŋgöŋgöŋi akzal,” jiba nanŋanŋöra möri öŋgöyök.

<sup>10</sup> Ambazip öŋgöŋgöŋi eretŋi yeŋön körek pakpak Saimongö keugöra kezap ala möta kewö jimalget, “Anutugö ösumŋi qetŋi ‘Kukösum ketanŋi,’ qetzei, mianön mönö azi miangö uruŋe geiga ahöza.”

<sup>11</sup> Saimonöŋ qarösoŋgo amötqeŋe nup mi nalö köröpŋi memba ambazip welipköm enŋiiga malget. Mewö ak enŋiyöhaŋgöra aka yaŋgöreŋ qekötahöba malget.

<sup>12</sup> Mewö malgetmö, Filipnöŋ kaba Anutugö bemtohone aŋgotpingö Ölöwak Buŋanŋi aka Jisös Kraist qetŋanŋö könanŋi mi jim asarim enŋiyök. Mi jim asarim enŋiiga ambazip gwötpukŋan Buŋa keu möt nariba uruŋini melengetka o melun mem enŋiyök.

<sup>13</sup> Mewö aketka Saimonöŋ mewöyök keu mi möt nariiga o melun mem wanŋigetka Filipkö kösutŋe kaba mala wuatangöyök. Mewö aiga Filipnöŋ aŋgöletot aiwesök ketanŋi ketanŋi mei asuhuetka mi eka welipköba malök. Mewö.

### *Uŋa Töröŋan Samaria yeŋgö uruŋine geyök.*

\* 8:3: Apo 22.4-5; 26.9-11

<sup>14</sup> Samaria ambazipnön Anutugören Buña keu mewö möt anğön kölgeri, miangö buzupñan sehiba Jerusalem sitinön ani aposol yeñon mötket. Yeñon mi möta Pitö aka Jon meköba melaim etkigetka yeñgören anohot.

<sup>15</sup> Anda anğota yeñgöra aka köuluköba Uña Töröñan uruñine gemapköra Kembu qesiyohot.

<sup>16</sup> Könañi kewögöra qesiba köuluköyohot: Yeñon Kembu Jisösgö qetñe o melun mem engigetmö, Uña Töröñan yeñgörenök kungö uruñe qahö gei öne malget.

<sup>17</sup> Miangöra köuluköba böröñiri nöropñine alohotka Uña Töröñan uruñine geiga meget. Mewö.

*Saimonöñ Uña Töröñi söngöröñi memamgö jiyök.*

<sup>18</sup> Aposol yetkөн böröñiri ambazip nöropñine alohotka Anutunön miangö dop Uña Töröñi yeñgö uruñine aliga Saimonöñ mi eka monen memba kaba kewö jiyök,

<sup>19</sup> “Injiri mönö kukösum mewöñi mi nia kun niñgiyohotka memba böröni denike yeñgö nöropñine almami, Uña Töröñan mönö yeñgö uruñine gema.”

<sup>20</sup> Mewö jiyökmö, Pitönön kewö jim wañgiyök, “Aek! Yapmakek! Göñon Anutugö kalemñi mi moneñnön söngöröñi memamgöra jizan. Miangöra gi mönö moneñgabuk könöp sianön geman.

<sup>21</sup> Göhö urugan mönö Anutugö jeñe qahö diñgiza. Miangöra gi Buña keu kianğö ölni kun qahöpmahöp meman.

<sup>22</sup> Bölönamgeyök mönö urugi melenđa Kembu köulukönönğa yañon uru mötmötkahö siñgisöndokñi mi mosötpawak.

<sup>23</sup> Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan.”

<sup>24</sup> Pitönön mewö jiiga suña jinañ azi Saimonöñ kewö melen etküyök, “Möno nöngöra aka Kembugö köuluköyohotka keu jizahori, miangö ölni kun qahö asuhum niñgibawak.”

<sup>25</sup> Aposol yetkөн Kembugö Buña keu mi siti miangören nañgöba jiba jim asariba engömosöta anohot. Könanön anda Samaria prowinsgö miriñi miriñi liliköba ambazip uruñini Ölöwak Buña keunön kuñgum engiba mala Jerusalem sitinön lilingöba anohot. Mewö.

*Filipnön Afrika azi kungöra Buña keu jii mörök.*

<sup>26</sup> Kembugören garata kunñan Filipköra keu kewö jii mörök, “Gi mönö Jerusalem siti mosöta Saut göröken anman. Gölme qararanjökölñe köna isikñi (walñi) Gaza taonön gemakzei, mönö miangören anman.”

<sup>27</sup> Mewö jii möta Filipnön amqeba mosöta anök. Anda Afrika azi kunñan miriñe lilingöba ani könanön miwikñaiyök. Yañon Etiopia kantrigö kandas qingö jembonñi öngöngöñi aka ambi kembugö jakömbuak miriñe moneñ aka inap yuaini galöm köla malök. Sileñangö yuaigöra aka Juda azi akñamgö osiyökmö, töndup Anutugö waikñi memba möpöseimamgöra Jerusalem sitinön kayök.

<sup>28</sup> Kaba miriñe lilingömamgöra hos karenön öngöiga hosnön örögetka könanön anök. Miangören anda kezapqetok azi Aisaiagö buk kötula oyoñda tarök.

<sup>29</sup> Mewö aiga Uña Töröñan Filipköra sañep ala keu kewö jiyök, “Gi mönö hos kare miangö qöhöröñe anda mötöteiba anman.”

<sup>30</sup> Uña Töröñan mewö jiiga miangörenök ösumñan kösutñe anök. Anda azinön kezapqetok azi Aisaiagö buk miangö Buña keuñi oyoñni mörök. Möta kewö qesim wañgiyök, “Keu oyoñjani, mi ölop möt asarizan me qahö?”

<sup>31</sup> Qesim wañgiiga jiyök, “Kunñan qahö jim asariiga nanak mi denöwö möt asari-bileñak?” Mewö jiiga hos karenön öngöiga mohotñe tarohot.

<sup>32</sup> \*Buña Kimbi oyoñnöhi, mi kewö,

\* 8:32: Ais 53.7-8



“Azinöŋ lama qem yandibingöra memba waŋgitzei, yaŋön mönö miangö dop ösöŋ sororöŋgöba ahöyök.

Galömŋan lama moröŋaŋgö jupŋi fitanöŋ mitiiga qöhöröŋe göröŋ qeba tim gwiriŋi qahö kinjawi, yaŋgö numbuŋaŋgö dop mönö qahö waumgöba aŋaŋjiyök.

<sup>33</sup> Memba et al waŋgigetka kunŋan keu jakeŋe keuŋaŋgö likepŋi qahö naŋgöba jiiga öne jim teköget. Gölmönöŋ malmalŋi mewö waŋgitket.

Gwölönarökurupŋi qahö mewö kömuyök. Miangöra kunŋan qet areŋi könaŋgep qahö oyoŋda jima.”

<sup>34</sup> Jembonöŋ mi oyoŋda Filip kewö qesim waŋgiyök, “Kezapqetok azinöŋ keu mi dagöra jiza? Mi nanŋaŋgöra me azi kungöra jiza? Gi ölop miangö könaŋi jinöŋ mötŋi.”

<sup>35</sup> Qesim waŋgiiga kezapqetok yeŋgöreŋ Buzup Kimbinöhök könahiba Jisösgö Ölöwak Buŋa mi könaŋambuk jim asarii mörök.

<sup>36</sup> Mewö eraum möta könanöŋ anda o kösutŋe aŋgorohotka qin jembonŋan jiyök, “Eknöŋ, o töwatŋi ki ahöza. Miangöra gi ölop o melun mem niŋgiman. Keu kunöŋ aŋgön köl gihiza me qahö?”

<sup>37</sup> (Mewö jiiga Filipnöŋ jiyök, “Gi keu jibi mötzani, mi urugi jömuk Anutugöreŋ ala möt narizan ewö, mi ölop akŋam.” Jiiga keu kewö melenök, “Jisös Kraistnöŋ Anutugö Nahönŋi akza, nöŋön mi möt narizal.”

<sup>38</sup> Mewö melenŋa jim kutuiga hos kare jöhögetka mohotŋamŋire oe geba Filipnöŋ o melun mem waŋgiyök.

<sup>39</sup> Mi mem waŋgiiga onöhök korohotka Kembangö Uŋa Töröŋan Filip waŋgiri öŋgöba sök aliga qin jembonŋan i kunbuk qahö ehök. Qahö ehökmö, toroqeba sösoŋgai qakŋe miri gölmeŋe Etiopia anök.

<sup>40</sup> Filipnöŋ sök ala anda taon qetŋi Asdod miangöreŋ asuhui miwikŋaiget. Miangöreŋök toroqeba taonŋi taonŋi liliköba miangöreŋ Ölöwak Buŋa keunöŋ ambazip uruŋini kuŋguba anda mala Sisaria taonöŋ kaŋgorök. Mewö.

## 9

### *Kembunöŋ Sol asuhum waŋgiiga uruŋi melenök.*

#### *Apo 22.6-16; 26.12-18*

<sup>1</sup> Nalö sutŋe miangöreŋ Solnöŋ urukönöp qakŋe kinda uru silenŋi bölam tepköiga Kembangö gwarekurupŋi eŋgum ureim eŋgiba malök. Mewö mala jike nup galöm bohönŋi yaŋgöreŋ anök.

<sup>2</sup> Yaŋgöreŋ anda kewö kuŋguba qesiyök, “Köna dölökŋi wuatangöba maljei, yeŋgöreŋök tosatŋan Damaskus sitinöŋ köröwen malje. Miangöra nöŋön ölop endu anda jarum eŋgiba kun miwikŋaimami, i mönö jöhöba waŋgita Jerusalem sitinöŋ kamam. Damaskus sitinöŋ Juda neŋgö köuluk miri galöm kölakzei, yeŋön i aŋgön köl eŋgibepuköra mönö jimtekötekö kimbi ohoba niŋginöŋga memba anda kondel eŋgimam.” Mewö jii ohoi memba anök.

<sup>3</sup> Könanöŋ anda mala Damaskus siti dopdowimangö aiga yuai kun wölaŋ kewö asuhuyök: Asakmararaŋ kun Suepnöhök wölbilik ewö asuhuba eta liliköm waŋgiyök.

<sup>4</sup> Liliköm waŋgii tala gölmönöŋ geba ahöba kouruk kun möriga keu kewö jii mörök, “Sol Sol, gi mönö wuanöŋgöra sesewerowero qakŋe al niŋgizan?”

<sup>5</sup> Mewö jiiga Solnöŋ qesiba jiyök, “Kembu, gi daŋön?” Mewö jiiga melenök, “Ni Jisös sesewerowero qakŋe al niŋgimazani, ni mönö mi.

<sup>6</sup> Mi akzalmö, ölop wahöta sitinöŋ anman. Miangöreŋ anda wani yuai akŋani, kunŋan miangö buzupŋi jii mötman.”

<sup>7</sup> Azi yambuk köna anda malgeri, yeŋön keuŋini qahöwahiga tömtömimba kinget. Yeŋön keu kouruk ölna mötketmö, azi kun qahö eket.

<sup>8</sup> Keu melenŋiga Solnöŋ gölmönöhök wahörökmö, jeŋi uba yuai kun qahö eka jipjap kinök. Mewö kiniga böröŋe memba Damaskus sitinöŋ waŋgita anget.

<sup>9</sup> Angetka wehön karöbut miangö dop jipjap mala o me nene kun qahö nempa öne malök. Mewö.

*Ananiasnön Sol o melun mem wanngiyök.*

<sup>10</sup> Damaskus sitinön Jisösgö gwarekñi kun qetñi Ananias malök. Kembunön kutum wasöriga imut ehiga “Ananias!” qerök. Qetñi qeriga jiyök, “O Kambu, ni ki maljal.”

<sup>11</sup> Mewö jiiga jii mörök, “Gi mönö wahöta köna qetñi Köna Diñdini jimakzei, miangören anman. Miangören anda Judasgö mire öngöba Tarsus azi qetñi Solgöra qesiman. Mötnön, yanön ni köuluköm niñgiba tatza.

<sup>12</sup> Köuluköba tata uruñan imut kun kewö ehök: Azi qetñi Ananiasnön miriñi uruñe kangota jeñi kunbuk tohomapköra böröñi nöropñe alma.”

<sup>13</sup> Kembunön keu mewö jii möta melenök, “O Kambu, ambazip gwötpukñan azi miangö kösohotñi lök jiget möral. Yanön Jerusalem sitinön göhören könagesöurup sarakñi mi gwötpuk engum ureim ak engiba malök.

<sup>14</sup> Jike nup galöm bohonñi yeñon nam köla kukösum wanngigetka Damaskus siti kiangören mewöyök nup miyök memangöra kayök. Ambazip göhö qetki qeta köulukömakzini, yanön mönö nini körek pakpak nenngömempa jöhöm nenngimangö mötza.”

<sup>15</sup> Mewö melenökmö, Kembunön jii mörök, “Nönön azi mi meköm wanngibiga qetni bisiba nöngöra bim qeba malma. Mewö mala gölmenji gölmenji liliköba Buñani jim sehiiga Israel aka kian kantri ambazipnön mötme. Keu jakenji jakenji miangören örögetka azi kambu gwötpuk yengö jeñine angota Buñani jii mötme. Miangöra mönö töndup anön.

<sup>16</sup> Yanön qetni bisiba miangöra sihimbölo gwötpuk mötma. Nönön miangö arenji kondel wanngimangö mötza.”

<sup>17</sup> Mewö jii möta Ananiasnön anda miri miangö uruñe öngöba böröyahöñi Solgö nöropñe ala jiyök, “Sol alani, köna namñe kanönga Jisösnön asuhum gihiyöhi, Kambu mianön mönö melaim niñgiiga kazal. Göhö jegan kunbuk tohoiga Uña Töröñan urugi kokolak qemawangöra jiiga kazal.”

<sup>18</sup> Mewö jiiga miangörenök yuai sönetñambuk tandök mianön jeñeyök tala et teköi jeñi tohoyök. Jeñi tohoiga ui asariiga wahörök. Wahöta jiiga o melun mem wanngiyök.

<sup>19</sup> O melun mem wanngiiga nene nempa köhöiyök. Solnön köhöiba gwarek yengö sutñine Damaskus sitinön wehön tosatñi malök. Mewö.

*Solnön Damaskus sitinön Buña nup meyök.*

<sup>20</sup> Mala miangörenök wahöta Juda yengö köuluk miriñi miriñi miangören öngöba Jisösgö könañi jim asariba ambazip uruñini kunguba kewö jiyök, “Jisösnön mönö Anutugö nahönñi akza.”

<sup>21</sup> Mewö jii möta körek yeñon auruba welipköba jiget, “Jerusalem sitinön qet mia qet köulukögeri, azi kianön mi engum ureiba malök me qahö? Mewöñanök kiangören kayöhi, mi mönö nini jöhöba nenngangita jike nup galöm bohonñi yengö böröñine al nenngimangöra kayök. Miangöra mönö denöwö letota nanñak Anutugö keu miyök nanngöba jiza?”

<sup>22</sup> Mewö jigetmö, Anutunön Sol ösum-mumu wanngii kunbuk köhöiba malök. Köhöiba mala Juda ambazip Damaskus sitinön malgeri, yengö uruñini kunguba kewö jiba malök, “Jisösnön ölna Anutugören Amötqeqe Toñi Kraist akza.” Keu mi jim köhöiba könañi kondela maliga yeñon köñkuñ aka keu mi qeapköbingö osiba malget.

<sup>23</sup> \*Silim gwötpuk teköiga miangören Juda yeñon tokoba keu nup memba Sol qeget kömumapkö angönañi alget.

<sup>24</sup> Angönañi algetmö, miangö buzupñi mi Solgö kezapñe gei mörök. Solnön Damaskus siti mosötmangö aiga miangören qeget kömumapköra siti kiripo nanngune yanngöra sunngem asak je galöm memba malget.

\* 9:23: 2 Kor 11.32-33

<sup>25</sup> Mewö memba malgetmö, gwarekurupnan sungem kunöŋ sakap (misak) ketanji memba kösönöŋ jöhöba Sol sakapnöŋ ala siti selgö kinimneyök alget geba anök. Mewö.

*Solnöŋ Jerusalem kusukŋanök anda malök.*

<sup>26</sup> Solnöŋ anda Jerusalem sitinöŋ angota Jisösgö gwarekurup yembuk esapköba toroqeyökmö, körek yeŋön Sol gwarek aka malöhi, mi qahö möt narigeranöŋora aka yanöŋora kenöŋtjini mötket.

<sup>27</sup> Kenöŋtjini mötketmö, azi qetŋi Barnabas yanöŋ ala ak wanöŋiba köyan köla wanöŋita aposol yeŋöŋora anda kondela kösohotŋi kewö jim asarim enöŋiyök, “Sol azi kianöŋön könanöŋ kaiga Kembunöŋ asuhum wanöŋii ehiga keuŋi jii mörök aka könanöŋep Jisösgö qetŋi mi Damaskus sitinöŋ jim asariba köhöikŋanök uru kuŋgum enöŋiba malök.”

<sup>28</sup> Kösohotŋi mewö jim asarim enöŋiiga yembuk toroqeba Jerusalem siti uruŋe liliköba awösamakak kinda Kembangö qetŋi aukŋe qeta ambazip urukuŋgukuŋgu köhöikŋi al enöŋiba malök.

<sup>29</sup> Mi al enöŋiba mala Juda ambazip Grik keu möta malgeri, yembuk eraum möta möndömkösök keu melenqelen ahökmö, yeŋön Sol kapaŋ köla qeget kömumapkö mötket.

<sup>30</sup> Mi esapkögetka alaurupnan Sol miwikŋaiba wanöŋita Sisaria taonöŋ anda kinda melaigetka nanöŋök toroqeba ahuahua taonŋi qetŋi Tarsus mianöŋöŋora anök. Mewö.

*Urumelen kambu yeŋön luainöŋ malget.*

<sup>31</sup> Solnöŋ uruŋi melenqena mianöŋö andöŋe urumelen könagesö pakpak Judia, Galili aka Samaria prowins dop köla malgeri, yeŋön luai miwikŋaigetka Uŋa Töröŋan i mem köhöiba nanöŋöm enöŋiiga malget. Mewö mutulanöŋöba Kembangö keuŋi onöŋitpinbuköŋora kenöŋtjini möta nup megetka urumelen könagesöŋinan qarim sehiiga malget. Mewö.

*Pitönöŋ Lida azi kun mem ölöwahök.*

<sup>32</sup> Pitönöŋ mirinŋi mirinŋi liliköba Jisösgö könagesö sarakŋi enöŋeka anda mala nalö kunöŋ taon qetŋi Lida mianöŋöŋora anöŋörök.

<sup>33</sup> Angota mianöŋöŋora azi kun qetŋi Ainias miwikŋaiyök. Likepŋi kömukömuŋi aiga dumnöhök ahöba mali (yara) yambu 8 teköyök.

<sup>34</sup> Pitönöŋ i miwikŋaiba kewö jiyök, “Ainias, Jisös Kraistnöŋ gi mem ölöwak gihiza. Mianöŋöŋora mönö wahöta tumbulahöŋki qezaköman.” Mewö jiiga mianöŋöŋöŋora wahöŋörök.

<sup>35</sup> Mewö asuhuiga Lida aka Saron ambazip pakpak yeŋön i eka uruŋini melenqeda Kembangöŋora qekötahöget. Mewö.

*Pitönöŋ Jopa anda Tabita mem guliyök.*

<sup>36</sup> Jopa taonöŋ gwarek ambi kun qetŋi Tabita malök. (Qet mi Grik keunöŋ Dorkas, nanine keunöŋ teu, Inöŋlis keunöŋ deer.) Yanöŋön nalö dop nup ölöŋŋi ölöŋŋi memba kalem sehisehinŋi mendenqeda ambazip etqeqeŋi bauköm enöŋiba malök.

<sup>37</sup> Pitönöŋ gölme mianöŋöŋora mali Tabitanöŋ nalö mianöŋöŋora kawöl asuhum wanöŋii kömuyök. Kömui qamötŋi sanöŋonda memba miri uruŋi kunöŋ öŋöŋöba alget.

<sup>38</sup> Lida mi Jopa taon kösutŋe tarök. Mianöŋöŋora Pitönöŋ Lida malöhi, gwarek yeŋön mi möta azi yahöt melaim etkigetka anda Pitö kewö qesim wanöŋiyohot, “Gi mönö zilaŋ kanöŋga netpuk Jopa taonöŋ anbin.”

<sup>39</sup> Qesim wanöŋiyohotka mianöŋöŋöŋora anöŋeba yetpuk anget. Anda anöŋotketka qamöt miri uruŋe ahöyöhanöŋöŋora wanöŋita öŋöŋöget. Öŋöŋögetka ambi malö pakpak Pitö liliköba sahöta Dorkasnöŋ yembuk mala opo maluku uhum memba enöŋiyöhi, mi kondel wanöŋiget.

<sup>40</sup> Kondel wanöŋigetmö, Pitönöŋ jii körek yeŋön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöŋ.” Mewö jiiga jenŋi uba Pitö eka wahöta tarök.

<sup>41</sup> Tariga Pitönön böröne memba kököbihiiga wahöta kinök. Kiniga urumelen alaurupni aka ambi malö engoholi öngöget. Öngögetka kömupnöhök guliba wahöröhi, ambi mi jemesoholjine ali eket.

<sup>42</sup> Miangö keu buzupni mi Jopa uruñe miri dop ani möta ambazip gwötpukñan könahiba Kembu möt narim wanjiget.

<sup>43</sup> Pitönön Jopa miangören sömañi tosatñi toroqeba mala Saimongö mire tata ahöyök. Azi mi köna esu memegöra bulmakau silenji urasiba sanjonða möhamgöba malök. Mewö.

## 10

### *Korniliusnöñ Pitö ohola uruñi melejnök.*

<sup>1</sup> Taon qetñi Sisaria miangören suahö galöm kianñi kun qetñi Kornilius malök. Yanñon yarö kambu bahöñi kun qetñi “Italigö yarö kambu” qetkeri, miangören yarö azi 100 yenjö galömnina malök.

<sup>2</sup> Yanñon saiwaurupni pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapni yenjöra kalem sehisehñi engiba Anutu qösösök (qörörök) köuluköba malök.

<sup>3</sup> Mare kunön 3 kilok miangö dop aiga Kembunön Kornilius kutum wasöriga imut kun ehök. Imut törörök eka miangören Anutugören garata kunñan miriñe öngöi ehök. Garata mianñon öngöba “Kornilius!” jiba qetñi qerök.

<sup>4</sup> Mewö qeriga garata ehiba sömbuñi möta jiyök, “Ketanamni, wanigöra ki kazan?” Mewö jiiga melejnök, “Gi köuluköba malnönga keugi Anutugören öngöiga möri ölöwakza. Gi ambazip wanapni kalemni kalemni mendenj engimakzani, mi Anutunön möta anñon köla göhöra mötmöriba melaim niñgiiga kazal.

<sup>5</sup> Miangöra mönö dölk kolek alnönga Jopa taonön aniga azi qetñi Saimon, qetñi kun Pitö qetzei, ia wanjita kame.

<sup>6</sup> Yanñon sömbup silenjanjö nup meme azi qetñi Saimon yanjö mire köwet jitñe miangören malja.”

<sup>7</sup> Suep garatanön Korniliusgöra keu mewö jibagun mosöta anök. Mosöta aniga welenqeqenji yahöt etkoholi kayohot. Kayohotka yarö azi kun kösutñeyök kapan köla Anutu göda qeba malohori, i mewöyök oholi kayök.

<sup>8</sup> Kagetka garatagören keu mi körek jii mötketka melaim enñi Jopa taonön anget. Mewö.

### *Kembunön Pitö kutum wasöriga imut ehök.*

<sup>9</sup> Azi yenñon könanön angetka miri gianñi taon dopdowigetka silim bibiñe miangören Pitönön miri uruñi kun eu miangören öngöba kinda köuluköyök.

<sup>10</sup> Kinda köuluköba nenegö kömumba yuai nemangö möta jii ohoget. Ohogetka nalö miangören Kembugö alburupñan qeiga tata imut kun kewö ehök:

<sup>11</sup> Suepnön anañiiga könde ketañi kun erök. Könde mi opo tuatñi ketanjanjö tandök ewö ahök. Garata yenñon yuai miangö wanjömnji 4 miangören memba nanjöbeak, miangö tandök ewö gölmenön erök.

<sup>12</sup> Yuai miangö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönön ölölöngöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde miangö uruñe mohotñe etket.

<sup>13</sup> Etketka miangören qet kun asuhaba keu kewö jii mörök, “Pitö, gi mönö wahöta yuai ki qeba ohoba nenön.”

<sup>14</sup> Mewö jii mörökmö, Pitönön jiyök, “O Kembu, mewö qahö kötökñi! Mi döñqizinñambuk. Ni nalö kunön yuai anjöjörakñambuk mi kude neal. Ni miangöra imbilonñon mötzal.”

<sup>15</sup> Mewö jiiga qet mianñon kunbuk asuhaba yanjöra jiyök, “Anutunön yuai jim köñjörari ahözawi, göñon miangö qetñi anjöjörakñambuk mewö qetnönga qahö dop kölja.”



16 Yuai mewöñji mi kunbuk asuhui indimñji karöbut ahök. Indimñji karöbut aiga miangörenök könde mi kunbuk örögetka Suepnöñ öngöyök.

17 Pitönöñ imut mi eka miangö könañangöra köñkuñ aka mötmamgö möt bibihiba tarök. Mewö tariga nalö miangörenök Korniliusnöñ azi melaim engii kaba Saimongö miri jaruba miangöra qeqesi aka miwikñaiba kañgota miri nañguñe kinget.

18 Miri nañguñe kinda kewö qeta qesiget, “Saimon qetñji alañi Pitö qetzei, yañön miri kiangören malja me qahö?”

19 Pitönöñ toroqeba imut miangö könañangöra möt bibihiba tariga Uña Töröñan kewö jii mörök, “Mötnöñ, azi karöbutñan kaba gi jarum gihize.

20 Nöñön azi mi melaim engibiga ki kaze. Miangöra mönö dölki wahöta geba uruyahöt mosöta yembuk anman.”

21 Mewö jiiga Pitönöñ azi miengören geba jiyök, “Mötket, inini azi jaruzei, nöñön mia akzal. Mönö denöwögöra kaze?”

22 Jiiga melenget, “Suahö galöm Kornilius mi azi diñdiñi akza. Yañön Anutu waikñi memba möpöseiba mali Juda ambazip kambu körek yeñön göda öngöngöñi qem wañgimakze. Anutugö garata töröñi kunñan asuhum wañgiba kewö jim kutui mörök, ‘Gi mönö kolek ala Pitö köñ öröm wañginöñga mirige öngöba keu uruñeyök jimawi, mi kezap ala mötman.’”

23 Mewö melengetka öröm engii miri uruñe öngögetka köyan köñ engii köisirik tata ahöget. Ahögetka miri gianjiiga Pitönöñ wahöta yembuk anök. Jopa taon miangörenök ala tosatñi engömeiga yambuk mohotñe anget. Mewö.

### *Pitönöñ kian ambazip yembuk tokoget.*

24 Mohotñe anda sömañi mohot ahöba anda mala Sisaria taonöñ angotket. Angotketka Korniliusnöñ yeñgö mamböt aka malök. Mewö mala tinitosolom aka alaurupñi ölöpnji mi köñ öröm engii miriñe tokoba tatket.

25 Angota Pitönöñ mire öngömamgö aiga Korniliusnöñ wahöta eta jölöñi jiba könañe geba sipköm wañgiyök.

26 Sipköm wañgiyökmö, Pitönöñ böröñe memba kököbihiiga wahöri kewö jiyök, “Mönö wahötnöñ, nia kun gölme aziyök akzal.”

27 Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök.

28 Engeka kewö jii mötket, “Inini Juda ambazip neñgö könañamnini mötze. Juda nini ambazip kiannji engö mire öngöba embuk köisirik tatakö songo ahöi osizin. Mi osizinmö, Anutunöñ keunji kun kondel niñgiba kewö jiyök, ‘Göñön ambazip inji wainji yeñgö qetñini mi anğöjörak imbilonjonambuk mewö kude qetman.’”

29 Miangöra inini kolek ala köñ öröm niñgigetka nöñön qahö qetala kaba kañgotzal. Kañgota kewö qesizal: Inini mönö wuanöngöra kolek ala köñ öröm niñgiget? Mi ölöp jiget mötpi.”

30 Mewö jiiga Korniliusnöñ melennök, “Ni mare kunöñ nalö kewöñe 3 kilok miangören mirine tata köuluk nup memba mala kotpi merak sömañi 4 akza. Köuluk nup memba malbiga miangörenök azi kun sileötañi asakmararañambuk miangön asuhuba wösöne kinök.

31 “Wösöne kinda kewö jiyök, ‘Kornilius, gi köuluköba malnöñga keugi Anutugören öngöiga möri ölöwakza. Gi kalemñi kalemñi ambazip wanapñi menden engimakzani, mi Anutunöñ möta anğön köla göhöra mötmöriiba melaim niñgiiga kazal.

32 Miangöra mönö dölki kolek alnöñga Jopa taonöñ aniga azi qetñi Saimon, qetñi kun Pitö qetzei, ia wañgita kame. Yañön sömbup silenangö nup meme azi Saimon yañgö mire köwet jitñe malja.’

33 “Mewö jiyöhanğöra aka nöñön miangörenök kolek albiga göhören kaget. Göñön keuni möta kazañangöra uruni ölöwakza. Kembunöñ keu pakpak jimangö jim kutum gihiyöhi,

gönön mi ölop jinön mötpin. Nini pakpak dölki miangöra tokoba Anutugö jemesoholne ki tatzin.” Mewö.

*Pitönöy Korniliusgö mire Buja keu jiyök.*

<sup>34</sup> \*Korniliusnön mewö jiiga Pitönöy könahiba kewö jiyök, “Aha! Anutunöy ambazip tosatni qahö engek soriba tosatni qahö qepureim engimakzapmö, dop mohotnön kewöt nengimakza. Yangö jeje kunjan angjööraknambuk qahö akza. Nönön mi dölki ölna möt kutuzal.

<sup>35</sup> “Mewö qahöpmö, ambazip kambuñi kambuñi körek yengö sutñine denike yengöreñök kunjan Anutu waikñi memba möpöseiba aiakanjan kóna diñdiñi wuatangözawi, yanön mönö Anutugö jeje dop kölja.

<sup>36</sup> Jisös Kraistnön ambazip körek nengö Kembuya aka luai qem nengimakzawi, Anutunöy Buja keunji mi Israel könagesö nengöreñ ali kayök. Buja mianön kaiga nini miangö Ölöwak Bujañi jim asariba maljin.

<sup>37</sup> Jonöy ambazip uruñini kunguba kewö jiyök, ‘Inini mönö uruñini melengetka nönön o melun mem engimam.’ Mewö jiiga miangö andöñe keu mi Galili prowinsnön könahiba jiget sehiba anda Judia prowinsnön angota körek dop kölök. Inini mi lök mötze.

<sup>38</sup> “Anutunöy Uña Töröñi Nazaret azi Jisösgö uruñe mokoiga kukösum buja qem anguba gölme dop liliköba malöhi, mi yambuk kiniga anda ambazip ak kömum engiyök. Bölönangö Tonjan ambazip ösumñan jöhöba öröm engii gegeri, yanön mi pakpak mem ölöwak engim teköyök.

<sup>39</sup> Yuai mi Juda nengö gölmenöy aka Jerusalem sitinöy aka memba maliga ip kemañe ala qeget kömuyök. Nini mi pakpak eka nangöba jiba dangunuñi aka kinjin.

<sup>40</sup> Kömumba ahöi sömañi karöbut aiga Anutunöy mem gulii wahörök. Wahöta indimñi gwötpuk ambazip asuhum engiyök.

<sup>41</sup> “Yanön ambazip kambu pakpak yengöra qahö asuhuyökmö, Anutunöy mutuhök nini möwölöhöm nengiiiga Jisösnön kömupnöhök wahöta malöhi, nalö miangöreñ yambuk keu eraum möta nene angum nem malini, mönö nengöra asuhuiga nini miangö keunji nangöba jiba kinjin.

<sup>42</sup> Mewö kininga Jisösnön kewö jim kutum nengiyök, ‘Anutunöy kungum ningsiiga nönön ambazip maljei aka kömugeri, yengöreñ jimtekötekö Tonjina akzal. Miangöra enön mönö nongö kónañamni mi ambazip kambu dop yengöra nangöba jim asariba malme.’

<sup>43</sup> Ambazip denike yenön Jisös möt narim wangiba qetñi qerakzei, Anutunöy mönö qet mi möta yengö singisöndokñini mosöta sanonmakza. Yangö kónañamñi mewö ahözawi, mi kezapqetok ambazip körek yenön nangöba jim asariba ohoget ahöza.” Mewö

*Uña Töröñan kian ambazip yengöreñ erök.*

<sup>44</sup> Pitönöy keu mewö jibayök kiniga Uña Töröñan ambazip kezap ala mötkeri, yengö uruñine geyök.

<sup>45</sup> Anutunöy Uña Töröñ kalemñi mi kian ambazip yengö uruñine mewöyök mokoi geyöhi, mi Pitögö alaurupñan eka auruget. Juda ambazip silenine Anutugö aiwesökñi yandigetka uruñini melenja Jisös möt nariba Pitö wuatangöba kaba tatkeri, mienön mönö auruba kewögöra welipköget:

<sup>46</sup> Yenön kantri tosatni yengö keunji murutñi murutñi könahiba jiba Anutu möpöseiget. Miangöra welipkögetka Pitönöy kewö qesiba jiyök,

<sup>47</sup> “Yenön Uña Töröñi mi nenön ahin ewö angön köla buja qem anguzei, mi mötzin. Miangöra i ölop o melun mem engiinga dop kölma. Mi ahinga danön qetal nengibawak?”

<sup>48</sup> Mewö jiba jim kutum engiiiga Pitögö alaurupñan kinda Jisös Kraistkö qetñe Kornilius saiwaurupñi o melun mem engiget. O melun mem engigetka Pitö angön köl wangigetka toroqeba silim tosatni yembuk malök. Mewö.

\* **10:34:** Dut 10.17

# 11

*Pitönöŋ Jerusalem anda nupŋaŋgö kösohotŋi jiyök.*

<sup>1</sup> Kian kantri yeŋön mewöyök Anutugöreŋ keu memba aŋgön kölgeri, miangö buzupŋi mi aposol aka urumelen alaurup Judia prowins dop köla mala mötket.

<sup>2</sup> Miangöra Pitönöŋ Jerusalem sitinöŋ lilingöba öŋgöiga Juda silenine Anutugö aiwesök yandigetka uruŋini melenŋeri, yeŋön jijiwilit (jelikit) aka jim waŋgiget.

<sup>3</sup> Jim waŋgiba kewö jiget, “Kian kantri azi Anutugö aiwesökpuk qahö maljei, gi mönö wuanöŋgöra anda yembuk köisirik tata nene nenöŋ? Mi qahö dop kölja.”

<sup>4</sup> Mewö jigetka könakönahiŋeyök könahiba yuai asuhuyöhi, mi körek pakpak areŋambuk jim asarim enŋiba kewö jiyök,

<sup>5</sup> “Nöŋön Jopa sitinöŋ mala köuluköbiga Kembangö alburupŋan nuŋguiga tata imut kun kewö ehal: Suepnöŋ aŋaŋiiga könde ketanŋi kun erök. Könde mi opo tuatŋi ketanŋaŋgö tandök ewö ahök. Garata yeŋön yuai miangö waŋgömŋi 4 miangöreŋ memba naŋgöbeak, miangö tandök ewö nöŋgö kösutneyök eta ahöyök.

<sup>6</sup> Eta ahöiga yuai miangö uruŋe törörök ekiga sömbup könaŋi könaŋi miangöreŋ tatket. Sömbup tosatŋi mi gölmenöŋ köna 4:ŋan tiba anakze. Tosatŋi kalŋi könöpŋinambuk akze. Tosatŋan wösöŋinan ölölöŋgöba anakze. Mewöyök nei könaŋi könaŋi könakemba bölbölgöba anakzei, yuai mewö mi könde miangö uruŋe mohotŋe etketka enŋehal.

<sup>7</sup> Enŋekiga qet kun mewöyök asuha kewö jii möral, ‘Pitö, mönö wahöta yuai ki qeba ohoba nenöŋ.’

<sup>8</sup> “Mewö möralmö, nöŋön kewö jial, ‘O Kembu, ni miangöra imbilonŋon mötzal. Yuai dönqizin aŋgöjörakŋambuk mewöŋi mi nalö kungen nöŋgö numbunan qahö oseiyök. Miangöra mi mönö qahö kötökŋi nemam.’

<sup>9</sup> Mewö jibiga qet mianön kunbuk Suepnöhök asuha kewö jiyök, ‘Anutunöŋ yuai jim könjörari ahözawi, göŋön miangö qetŋi aŋgöjörakŋambuk mewö kude qetman.’

<sup>10</sup> Yuai mewöŋi mi indimŋi karöbut asuhuyök. Mewö asuha yuai pakpak mi kunbuk örögetka Suepnöŋ lilingöba öŋgöyök.

<sup>11</sup> Öŋgöba at atop (jiataton) köliga nalö miangöreŋök Korniliusnöŋ Sisaria taonöhök azi karöbut melaim enŋii nöŋgöreŋ kageri, yeŋön miri tarini, miangö naŋguŋe kinget.

<sup>12</sup> “Naŋguŋe kingetka Uŋanöŋ kewö jim kutum niŋgii möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupni 6 yeŋön mewöyök Jopa mosöta nömbuk Sisaria taonöŋ anin. Sisaria aŋgota suahö galöm miangö mire öŋgöin.

<sup>13</sup> Öŋgöingka keu kösohot kewö ak neŋgiyök, ‘Garata kunŋan nöŋgö mire asuha yuai ekiga kinda kewö jii möral: Gi mönö Jopa mire kolek ala azi qetŋi Saimon, qetŋi kun Pitö i waŋgita kaget.

<sup>14</sup> Yaŋön kaiga Buŋa keu jiiga gi aka saiwaurupkan mi möt nariba uruŋini melengetka körek amöt qem enŋiiga letotme.’

<sup>15</sup> “Kösohot mi ak neŋgiiga nöŋön könahiba Buŋa keu jial. Mi jibi mötketka Uŋa Töröŋan könakönahiŋe neŋgö urunine geyöhi, mönö miangö dop kezap ala mötketka yeŋgö uruŋine mohot geyök.

<sup>16</sup> \*Yaŋön geiga ekiga miangöreŋök Kembangö keu kun nöŋgö mötmötnöŋ kaŋgori mötmörial. Keu mi kewö, ‘Jonöŋ o töhönöŋ melun mem enŋiyökmö, nöŋön Uŋa Töröŋi uruŋine ala mianön melun mem enŋimam.’

<sup>17</sup> Neŋön Kembu Jisös Kraist möt narim waŋgiingka Anutunöŋ kalemŋi neŋgiyöhi aka yeŋön möt narigetka Anutunöŋ kalemŋi miyök enŋö uruŋine mewöyök alök. Miangöra aka ni ewöŋan mönö denöwö Anutu kukösum Tonŋi esapköba qetal waŋgibileŋjak? Yaŋön mewö ak enŋiiga nöŋön aŋgön köl waŋgimamgö osial.”

\* 11:16: Apo 1.5

18 Pitönöŋ kösohotŋi mewö jii möta uruŋini amörii bönjöŋ aiga Anutu möpöseiba kewö jiget, “Ölŋa, nini urunini melenŋa malmal köhöikŋaŋgö buŋaya akzin mötzinmö, Anutunöŋ köna mohot mi kian kantri ambazip yeŋgöra mewöyök al enŋii ahöza. Mi mönö dölki asariba möt kutuzin.” Mewö.

*Kian kantrinöŋ urumelenŋ kambu mutukŋi asuhuyök.*

19 \*Stiwen qeget kömuyöhaŋgöra aka kahasililiŋ asuhuiga urumelenŋ ambazipnöŋ denŋa liliköba anda kaget. Anda kagetka tosatŋan köwet jitŋe Fonisia gölmenöŋ anget. Tosatŋan köwet kutuba gölme jölanŋi qetŋi Saiprus miangörenŋ anget. Tosatŋan Siria prowinsgö sitiŋi qetŋi Antiokia anget. Mewö denŋa angetmö, ambazip sutŋine Jisösgö Buŋa keu mi Juda ambazip yeŋgörök jigetka mötket. Kian kantri yeŋgöra mi qahö jiget.

20 Qahö jigetmö, Saiprus aka Sairini azi tosatŋan yeŋgö sutŋine malget. Yeŋön kian gölmenöŋ qariba Antiokia sitiŋöŋ kaŋgota gölme toni yembuk Grik keunöŋ eraum möta Kembu Jisösgö Ölöwak Buŋa mi mewö Juda qahö yeŋgöra mewöyök jim asarim enŋiget.

21 Mi jim asarim enŋigetka Kembunöŋ yembuk mali ösumŋan ambazip uruŋini kuŋgum enŋii gwötpuk yeŋön Kembu Jisös möt nariba uruŋini melenŋa yaŋgörenŋ qekötahögetka kambuŋini qariiga ketanŋi ahök.

22 Mewö aiga miangö buzupŋan anda Jerusalem könagesö yeŋgö kezapŋine gei mötket. Mi möta Barnabas melaigetka Antiokia sitiŋöŋ anök.

23 Anda aŋgota Anutunöŋ kalem möriamŋi ambazip enŋii ölöwakeri, mi jeŋan eka möri öŋgöi söŋgaiba qambaŋi kewö jiyök, “Inŋini mönö körek pakpak uruŋini qezaköba köhöiba Kembubuk qekötahöba kinme.”

24 Barnabasnöŋ azi ölöpŋi aiga Uŋa Töröŋan uruŋi kokolak qeiga uruyahöt andö qeba uruŋi jömuk miangön Jisös möt narim waŋgiba malök. Miangöra ambazip gwötpukŋan uruŋini melenŋa Kembugö kambunöŋ toroqegetka qariyök.

25 Barnabasnöŋ Antiokia mosöta Sol jarumamgöra Tarsus taonöŋ anök.

26 Anda miwikŋaiba waŋgiri Antiokia sitiŋöŋ kayohot. Kaba miangörenŋ mohotŋamŋire (yara) yambu mohot jömukŋanök mala zioz nup memba uruŋini melenŋeri, mi kambuŋi kambuŋi köla kusum enŋiyohotka ambazip gwötpukŋan mötmöt memba urukönömŋine alget. Antiokia ambazipnöŋ mutukŋi könahiba gwarek qetŋini Kraistkö alaurup (kristen, Kraistkö buŋa) qeta malget. Mewö.

*Kian kantrigö urumelenŋ yeŋön Juda naŋgöm enŋiget.*

27 Nalö miangörenŋ kezapqetok ambazip tosatŋan Jerusalem mosöta Antiokia sitiŋöŋ eta kaŋgotket.

28 \*Yeŋgörenök kun qetŋi Agabus mi wahöta Uŋa Töröŋan sölölohöi buzup keu kewö jii mötket, “Bödi ketanŋan asuhuba gölmenŋi gölmenŋi dop köla ahöma.” Mewö jiiga miangö dop sisa kiŋ qetŋi Klodius yaŋgö galömkölköl nalöŋe asuhuyök.

29 Mi asuhuiga gwarek yeŋön mindiriba urumelenŋ alaurupŋini Judia prowinsnöŋ malgeri, mi naŋgöm enŋiba mindimindiri naluk ketanŋi alget anmapkö keu jöhöget.

30 Keu mi jöhöget aka miangö dop ölna aket. Yeŋön monenŋ aka yuai tokoba Barnabas Sol yetkö böröŋire ala melaim etiketka Jerusalem anda urumelenŋ könagesö yeŋgö jitŋememurupŋini enŋeka enŋiyohot. Mewö.

## 12

*Herodnöŋ Jeims qeba Pitö kösö mire alök.*

1 Nalö miangörenŋ kiŋ Herodnöŋ\* urumelenŋ könagesö sesewerowero mem enŋibingö möta jiiga urumelenŋ ambazip tosatŋi enŋimemba jöhöm enŋiget.

\* 11:19: Apo 8.1-4 \* 11:28: Apo 21.10 \* 12:1: Kiŋ Herod Agripa I (mutukŋi) yaŋön (yara) yambu 37-44 miangörenŋ Palestain pakpak galöm köl enŋiba malök.



<sup>2</sup> Kiñnönj jiiga Jongö datñi Jeims mi bimgö sou ketanjan qegetka kömuyök.

<sup>3</sup> Mewö jii kömuiga Juda ambazip tosatñan mi mötket ölöwahiga ehök. Mi eka mianğöra toroqeba jiiga Pitö mewöyök memba jöhöget. Yuai mi beret yistñi qahöpkö kendon nalöñe jiiga asuhuyök.

<sup>4</sup>\* Mianğöra kiñnönj kewö jiyök, “Nöñön ak-kömükömu kendon† teköiga Juda yeñgö keu jakeñe almam.” Mewö jiba jii kösö mire alget. Algetka yarö azi 16 yeñön sutñine kambu 4 köla nalö utekutek aketka azi 4:ñan sundan sunğem asak kinda galöm mem wañgiba malget.

<sup>5</sup> Pitö mewö galöm mem wañgiba malgetka kösö mire ahöyökmö, urumelenj könagesö yeñön sundan dop yañğöra aka Anutu kapanj köla köuluköba malget. Mewö.

*Suep garatanönj Pitö pösata wañgita erök.*

<sup>6</sup> Köuluköba malgetka ak-kömükömu (Pasowa) kendon teköiga sunğem mianğörenj yarö azi yahötnjan Pitö tapep (muñgamuñga) yahötnönj jöhöm köhöiyohotka sutñire gaun ahöyök aka wahibuk tosatñan nañgu andöñe kinda kösö miri galöm meget. Kiñ Herodnönj miri gianjiiga Pitö wañgita keu jakeñe almamgö mötmöröiba areñ ali gaun ahöget.

<sup>7</sup> Gaun ahögetmö, Kembugö garata kunjan wölanj asuhuba Pitö qöhöröñe kini kösö mirigö urunji asarim teköi Pitögö nambulñe qeba jiyök, “Mönö zilañ wahötnönj.” Mewö jii tapep (muñgamuñga) yahötnjan mianğörenjök Pitögö böröñeyök öne sulohot.

<sup>8</sup> Sulohotka garatanönj jii mörök, “Mönö opogi jöhöba köna esugi utnönj.” Mi möta mewö ahök. Mi aiga toroqeba jii mörök, “Mönö malukugi kölnönj geiga ni nuatanğöba kaman.”

<sup>9</sup> Mewö jii möta miri urunji mosöta wuatanğöyök. I wuatanğöba anökmö, garatanönj yuai ahöhi, mi ölna asuhuyök me qahö, yañön mianğöra möri janjuñ ahök. Yañön gaun ahöba imut ehöhi, mianğö tandöktandök möri ahök.

<sup>10</sup> Miri urunji mosöta nañgu mutukñe galöm memba kinohori, mi etkonğita nañgu kunönj anğota etkonğita öne kutuba anda kösö miri silenanjö ain kiripone anğorohot. Anğorohotka nañgu köhöikñi ketanji mianjön mönö nanjök öne taliga yaigepñe siti köna numbunje geyohot. Geba köna namñi strit kun toroqeba anohotka garatanönj wölanj Pitö mosöta sök alök.

<sup>11</sup> Sök aliga Pitögö urunji tohoiga kewö jiyök, “O Kembunönj mönö garatanji melaii kaba Herodgö böröñeyök meköm niñgiza, mi mötzal. Juda ambazipnönj nönğö silene yuai asuhumapköra mambötzei, yañön mönö yuai pakpak mianğörenjök bohoni jöhöza. Nöñön dölki mi ölna möt kutuzal.”

<sup>12</sup> Mewö möt kutui asariiga Jongö namñi Mariagö mirinönj göröken anök. Jon mianğö qetñi kun Mak qetket. Miri mianğörenj ambazip gwötpukñan tokoba Anutu köuluköba malget.

<sup>13</sup> Mewö malgetka Pitönönj kaba söndaknönj kinda nañgunönj qeyök. Nañgunönj qeiga welenqege ambi qetñi Roda yañön kaba “Gi dañön?” jiba qesiyök.

<sup>14</sup> Qesiba kinda Pitögö jölñi möt kutuba “I-ia kazan!” jiba söñgaiba luhuba nañgu qahö öröba ösumñan miri urunje öñgöba jiyök, “Pitönönj kaba nañgunönj kinja.”

<sup>15</sup> Jii möta yañğöra “Urugi sohoi jizan,” jiget. Jigetmö, yañön bohon köla “Keu ölna jizal!” jiyök. Mewö jiiga jiget, “Mi mönö Pitögö garatanjan kinja.”

<sup>16</sup> Mewö eraum mötketmö, Pitönönj nañgu qebayök kiniga öröba eka auruget.

<sup>17</sup> Aurugetka böröñan söpsöp ala ölöñ almegö jiyök. Jiba Kembunönj kösö mireyök wañgiri yaigepñe eröhi, kösohot mi jiyök, “Inini buzup ki mönö bisop Jeims aka urumelenj alaurup tosatñi yeñğöra jigetka mötme.” Mewö jiba enğömosöta miri kungen anök. Mewö.

*Pitönönj kösö miri mosöriğa Herodgö irimñi seholyök.*

\* **12:4:** Eks 12.1-27 † **12:4:** Pasowa nanine keunönj qetñi alanji mi walöñsörak aka goukölköl. Israel ambazip yeñön Ijpt mala nañgunini sepnönj mirigetka Anutugö garatanönj nenğehoriba nenğonğita morö mutukñini qahö enğui kömuget.

<sup>18</sup> Miri gianjiiga yarö azi yeñon Pitö jaruba “Denike sömuniba sök ala anja?” jiba miangöra kahasililin aka waimanjat ketanji mötket.‡

<sup>19</sup> Herodnön mewöyök Pitö miwikñaimegö jii jarum bibihiba qahö miwikñaigetka azi wahibuk Pitögö galöm megeri, mi keu jakeñe ala gwötpuk qesim engiba jim teköba enjuangita enguget kömumegö jim kutum engiyök. Miangö andöñe Judia prowins mosöta Sisaria taonön gebe miangören malök. Mewö.

*Anutunön kiñ Herod kitipñi wanji kömuyök.*

<sup>20</sup> Fonisia prowinsgö taon qetñiri Taiö aka Saidon yeñon nenegö nupñini membingö osiba kiñ Herodkö kantri yengörenök nene yuainini bohonni memba malget. Mewö malgetka Herodkö irimni seholiiga Taiö Saidon kerök ak engiba nene engimegö songo alök. Miangöra yeñon mindiriba jitmemeurupñini melaim engigetka kambu köla kiñ Herod ekingöra anget. Angetka jembonni qetñi Blastus jakömbuak miriñangö galömñan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wanji getka jiyök, “Ölöp keunini kötöngöba andöñine kinmam.”

<sup>21</sup> Mewö jiiga kiñnön keu melen engimangö nalö mem engiiga miangören tokogetka nanñi silenñi meñölöba kiñ azi kembangö malukuñi köla eta jakömbuak dum tatatñe tata yengöra sösongai keu jiyök.

<sup>22</sup> Jiiga ambazip kambu yeñon möta kewö jiba qetket, “Keu mi Anutugören keuya. Mi gölme azigö keuya qahö.”

<sup>23</sup> Mewö qetketmö, kiñnön mewö aka Anutugö qetbuñani qañ köla qahö möpöseiba nanñi möri öngöyök. Miangöra Kembangören Suep garata kunñan miangörenök qei döñönön yöhösii kömuyök.

<sup>24</sup> Mewö asuhuyökmö, Anutugören Buña keu mi jiba malgetka töhötmöriamñambuk aka sehiyök.

<sup>25</sup> Antiokia siti yeñon Barnabas aka Sol nanñangö misin nup kun§ etkigeri, yetkön mi Jerusalem mala meköyohot teköyök. Mi teköiga Jon qetñi kun Mak qetkeri, i wanjita mohotñe Jerusalem mosöta Antiokia sitinön lilingöba kaget. Mewö.

## 13

*Barnabas Sol yetkön misin nupkö könahiba anohot.*

<sup>1</sup> Antiokia sitinön tosatan urunini melen urumelen könagesö aketka jitmemeurupñini kewöñan kezapqetok keu jiba kusum engiba malget: Qetñini Barnabas aka Simeon qetñi kun Injanñi (Grik keunön Naijö) aka Lusius (Sairini gölmegöra), Manain (mi kembu gawönö Herod\* yambuk örörön mala qariyohot) aka Sol.

<sup>2</sup> Urumelen könagesö yeñon Kembangö waikñi memba möpöseiba nene sinji malgetka miangören Uña Töröñan kewö jiyök, “Nöñon Barnabas aka Sol nup qainñi kun mema-hotköra etkoholal. Miangöra enñon mönö i jim teköba melaim etkigetka anmahot.”

<sup>3</sup> Mewö jiiga köulukömegöra nene sinji mala böröñini nöropñire algetka Kembangö ösumñan etkualöñniga melaim etkigetka anohot. Mewö.

*Saiprus gölme jölanñe anda nup meget.*

<sup>4</sup> Uña Töröñan mewö melaim etkiiga miri qetñi Selusia miangören geyohot. Miangören gebe wanjenön öngöyohotka opo seri öröba möröñgögetka luhutnön nanñi anda gölme jölanñi Saiprus miangö wehön kotkotñe angotket.

‡ **12:18:** Köso azinön ölöñ kölbawak, azi wahibuk mi mönö engugetka kömuzema. Rom gawman nupkö arenji mewö. Miangöra kahasililin aka waimanjat ketanji mötket. § **12:25:** Antiokia yengören nanñangö moneñ mi memba anda Jerusalem urumelen könagesögö jitmemeurup yengö böröñine alohot. Miangöra qetñi nanñangö misin nup kun jizin. Apo 11.30 \* **13:1:** Herod Antipas yanñon (yara) yambu 4 B.K.-39 A.D. miangören Galili aka Perea prowins yahöt mi galöm köi engiba malök.

<sup>5</sup> Anġotketka siti qetnġi Salamis miangörenġ anda Juda ambazip yeŋġö köuluk mirinġi mirinġi miangörenġ öŋġöba Anutugö Buġa keu jiba uru kuŋgum eŋġiyohot. Azi qetnġi Jon i mewöyök waŋgirohotka yetpuk anda kaba alabaukŋira malök.

<sup>6</sup> Mewö mala gölme jölanġi jömukŋi liliköba kutuba likepŋe wehön gegeŋe Pafos sitinöŋ anġotket. Miangörenġ anġota Juda azi qetnġi Barjisös miwikŋaiget. Yaŋön suŋa jinaŋ azia aka kezapqetok azi takapulakaŋi malök.

<sup>7</sup> Suŋa azi mi gölme jölanġi miangö kiapŋi qetnġi Sergius Pol yaŋġö mire tata malök. Kiap mianöŋ mötkutukutu azia malök. Mewö mala Anutugörenġ Buġa keu mötmangö sihimŋi ahöiga Barnabas Sol köl öröm etkii yaŋġörenġ kayohot.

<sup>8</sup> Kayohotmö, Elimas, (suŋa memegöra qetnġi Grik keunöŋ mewö jimalgeri,) yaŋön kiapnöŋ Anutu möt narim waŋgibapuköra tuarenjöŋ ak etkiba kiap uruŋi keunöŋ eŋololon memangö esapköyök.

<sup>9</sup> Esapköiga Sol, qetnġi alaŋi Pol qetkeri, Uŋa Töröŋan yaŋġö uruŋi kokolak qei Elimas törörök ek kutuyök.

<sup>10</sup> Ek kutuba kewö jiyök, “Yei! Timbiqimibilim azi gi mönö Bölöŋi Tonanġö moröya akzan! Satanöŋ urugi isimkakaleknöŋ kokolak qeiga silenöŋ alal könaŋi könaŋi aka malakzan. Keu diŋdiŋi pakpakö kerökŋi aka Kembugörenġ köna diŋdiŋi möwöramġönöŋga goŋgimakzawi, mi mönö mosötman me?”

<sup>11</sup> Miangöra mötnöŋ! Kembunöŋ mönö böröŋi qake aliga ösumŋan turum gihiiga jegi gömölii wehön asakŋi ekŋangö osiman. Yaŋön nalö meyöhanġö dop mönö janjuŋ aka malman.” Jii miangörenġök söŋaupnöŋ qakŋe eta turui ömuŋ köla jipjap aka ilinġösöŋ anda kaba böröŋe memegö qesiba böröŋan mezanqezan ahök.

<sup>12</sup> Yuai mi asuhuiga kiapnöŋ mi eka Kembugö Buġa keu mötmötŋanġöra welipköba möt narim waŋgiyök. Mewö.

*Pisidiagö Antiokia taonöŋ misin nup meget.*

<sup>13</sup> Polnöŋ neŋakurupŋi yembuk Pafos miri mosöta waŋgenöŋ öŋġögetka opo seri öröba möröreŋġögetka luhutnöŋ nanġöiga anda mala Pamfilia prowinsgö siti qetnġi Perga miangörenġ anġotket. Miangörenġ anġota kinda Jonöŋ etkömosöta elenġa Jerusalem sitinöŋ lilingöyök.

<sup>14</sup> Lilingöyökmö, yetköŋ Perga siti mosöta toroqeba anda Pisidia prowinsgö taon qetnġi Antiokia miangörenġ anġorohot. Miangörenġ anġota Sabat kendonöŋ köuluk mirinġine öŋġöba tarohot.

<sup>15</sup> Tarohotka köuluk mirigö galöm yeŋön Mosesgö Köna keu aka kezapqetok yeŋġörenġ Buzup Kimbi oyoŋda welen algetka eta kewö qesim etkiget, “Azi alayahöt, etkörenġ keu kun könagesö urunini kuŋgubingöra ahöza ewö, mi mönö ölop jiyohot mötpin.”

<sup>16</sup> Mewö jigetka Polnöŋ wahöta börö misiba kewö jiyök, “Israel kianurup aka gölme tonġi nembuk Anutu waikŋi memba möpöseimakzei, inġini mönö kezap ala mötket.

<sup>17</sup> \*Israel ambazip kambu nanine bemnini mi Anutu. Yaŋön bömönurupnini möwölöhöm eŋgiiga ambösakonurupninan Ijpt gölmenöŋ anda kian aka malget. Anutunöŋ nalö miangörenġ Israel ambazip kambu mi töhötmöriam eŋgiiga sehiba qetbuŋanambuk aket. Mewö aketka Anutunöŋ anġöletot aka kukösumŋi kondela mianöŋ eŋguanġiri Ijpt kantri mosöta yaigep kaget.

<sup>18</sup> \*“Kaba mala gölme qararanġkölkölŋe kutuba kaba ahakmeme bölöŋi aka malgetka Anutugö irimŋan sehöliiga (yara) yambu 40:ġö dop urubölö möta malök.

<sup>19</sup> \*Möta malökmö, töndup kaba mala Kenan gölmenöŋ kaŋotket. Kaŋotketka miangörenġ ambazip kambu 7 közöla köndenġ eŋgiba gölmenġini memba mendenġa isikurupnini tonġe tonġe akŋegö buġa qem eŋgiyök.

\* 13:17: Eks 1.7; 12.51 \* 13:18: Jaŋ 14.34; Dut 1.31 \* 13:19: Dut 7.1; Jos 14.1

20 \**“Mewö asuhuiga (yara) yambu 450 mianğö dop anök. Mianğö andöne Anutunöñ jimtekötekögö azi kembuñi kembuñi kuñgum enğiyök. Mi kuñgum enğii mala kotketka Samuelnöñ asuhuyök. Yanön jimtekötekögö azi kembu qöndökñi aka kezapqetok azia malök.*

21 \**“Samuelnöñ asuhaba mali nalö mianğöreñ kiñ kembangöra uletketka Anutunöñ azi qetñi Sol enğiyök. Sol yanön Benjamin isikurup yengöreñök azi qetñi Kis yanğö nahönña ahök aka (yara) yambu 40:gö dop kiñ kembuñina malök.*

22 \**“Mi malökmö, Anutunöñ Sol utekoba salupne azi qetñi Deiwid kiñ azi kembuñini akñapköra möwölöhöba kuñguyök. Kuñguba könañamñi jim asariba kewö jiyök, ‘Nöñön Jesigö nahönñi Deiwid miwikñaizal. Yanğö uruñi kewöta mötpi ölop dop köl niñgiza. Yanön mönö ahakmemenji pakpak mianğöreñ nöñgö jitiñi tem köla malma.’*

23 *Anutunöñ mönöwök Amötqeqe Toñi melaim neñgimapkö jiyöhi, jöhöjöhö keu mianğö ölnan mönö kewö asuhuyök: Deiwidkö gwölönarökurupñi yengöreñök azi qetñi Jisös asuhuiga Anutunöñ i Israel kambu neñgö Amötqeqe Tonini aka malmapköra kuñguyök.*

24 \**“Jisösnöñ qahö asuhuiga qeljine mianğöreñ Jonöñ mutuk kaba kewö jiba malök, ‘Injini mönö uruñini melenget. Uruñini melengetka nöñön o melun mem enğimam.’ Mewö jiba Israel ambazip kambu pakpak uru kuñgum enğiba malök.*

25 \**“Mewö malökmö, yanön mirililik nupñi mem tekömamgö aka mianğöreñ kewö jii mötket, ‘Injini nöñgöra denöwö mötmörize? Yuai mötmörizei, nöñön mia qahöpmö, mötket, nöñgö andöne azi kun kama. Yanön kaiga nöñön yanğö qöhöröne eretñi maljalangöra wayangösöñi tenğöba köna esu kösöñi pösatmamgö qötötangömam.’*

26 *“O alaurupni, Abrahamgö gwölönarökurupñi aka gölme toñi enön nembuk Anutu waikñi memba möpöseimakzei, Anutunöñ amöt qem neñgimapkö Buñaji mi ali neñgöreñ kaza.*

27 *Mianğö könañi kewö: Jerusalem toñi aka galömurupnini yeñön Jisösgö könañi qahö möt kutuget. Kezapqetok yengöreñ Buzup Kimbi Sabat kendon dop oyoñmakzemö, mianğö könañi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keuñi jim tekögetka kezapqetok ambazip yengöreñ keu mi mewö mianön ölnambuk ahök.*

28 \**Yeñön Jisös kömupkö buña akñawangö dop keu könañi jaruba kun qahö miwikñaiba töndup “Yapmakek!” qetket. Qeta Pailötnöñ jim teköi kömumapkö qeta uletket.*

29 \**“Yanğöra keu pakpak ohoget ahözawi, yeñön mönö mianğö dop aketka ölni ahum teköiga Jisös ipnöhök meköba eta çaksirinöñ anda köt köteñ uruñe alget.*

30 *Algetmö, Anutunöñ i kömupnöhök mem gulii wahörök.*

31 \**Wahöri yambuk Galili prowinsnöhök Jerusalem sitinöñ kageri, yengöra mönö silim gwötpuk mianğöreñ asuhum enğiyök. Alaurupñi asuhum enğiyöhi, yeñön nalö kewöne ambazip sutñine dangunu ewö kinda könañi nanğöba jim asariba malje.*

32 *Anutunöñ Juda ambösakonurupnini yembuk yuai akñamgö keu jim jöhöiga nini yengö gwölönarökurupñini ahinga keu walñi mianğö ölnan mönö nalö kewöne neñgöra kewö asuhuyök: Yanön Jisös mem gulii wahöta malja. Mianğöra neñön mianğö Buña ölopñi mi jim asarim enğizin.*

33 \**“Anutunöñ Jisösgöra keu jii Deiwidnöñ möri Sumbara (Buña liñet Sam) janğö yahöt mianğöreñ kewö ohoi ahöza, ‘Göñön nani nahöna akzani, nöñön mi merak ambazip enğöra kondelbiga eka mötze.’ Yanön keu mianğö dop Jisös mem gulii wahörök.*

34 \**Jisös mem gulii kömupnöhök wahöta köhöiba mala könañep kunbuk qahö kömuma.*

\* 13:20: Kemb 2.16; 1 Sml 3.20 \* 13:21: 1 Sml 8.5; 10.21 \* 13:22: 1 Sml 13.14; 16.12; Sum 89.20 \* 13:24: Mak 1.4; Luk 3.3 \* 13:25: Mat 3.11; Mak 1.7; Luk 3.16; Jon 1.20, 27 \* 13:28: Mat 27.22-23; Mak 15.13-14; Luk 23.21-23; Jon 19.15 \* 13:29: Mat 27.57-61; Mak 15.42-47; Luk 23.50-56; Jon 19.38-42 \* 13:31: Apo 1.3 \* 13:33: Sum 2.7 \* 13:34: Ais 55.3



Miangö keuji Anutunöj kewö jii ahöza,

‘Ni kalem möriamni kinj Deiwid wanjiba malbiga saraknji aka pöwöwöm köhöiba kinöhi, miangö dop mi mönö engöra tököm engimam.’

<sup>35</sup> \*Deiwidnöj miangö keuji mi Sumbara (Buña linjet Sam) kun miangörej mewöyök kewö ali ahöza,

‘Nangahö wölböt azigi saraknji i mönö qahö mosötnönga kömupkö lömnöj qahö gisahöma.’

<sup>36</sup> Nini kinj Deiwidkö könanji mötzin: Yanön malmalnji mala Anutugö jiti wuatangöba nup wanjiyöhi, mi mem teköba nöj qeba kömuyök. Kömui ambösakonurupnji yengö kösutnjine löm kölgetka qamötñan ahöba gisahöba qahöwahök.

<sup>37</sup> Deiwidnöj gisahöba qahöwahökmö, Anutunöj azi mem gulii wahöröhi, yanön mönö qahö gisahöyök.

<sup>38</sup> “Azi alaurupni, miangöra keu ki mönö mötket: Anutunöj Jisösgöra aka sinjisöndokjni mosöta sanjoñma. Neñön miangö Buñanji jim asarim engizin.

<sup>39</sup> Mutuk ‘Mosesgöreñ Köna keu wuatangöba mewö miangön solanji akin,’ jiiñmö, mi inöj wainöj qaköba osiba malin. Mewö malinmö, nalö kewöñe denike yeñön Jisös möt nariba yambuk qekötahömei, Anutunöj mönö körek yeñgö keujini jim teköiga solanime.

<sup>40</sup> Kezapqetok ambazipnöj keu jiba ohoget ahözawi, Anutunöj miangö dop likepñi melenji qakñine öngöbapuköra mönö galömnjini mem angume. Keu mewöñi kun kewö,

<sup>41</sup> \*‘Nöñön engö malmal nalöñe angöletot qainñi kun memam.

Kunñan miangö keu buzupñi jii mötpeak, mi ölnji akñapkö qahö möt naribeak.

Miangöra keu mi memba et ala jijiwilit ahakzei, inñini mönö öne uba eka welipköba ayuhume.’ ”

<sup>42</sup> Polnöj mewö jiiga Barnabasbuk köuluk miri mosöta erohotka tosatñan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneañön ölop toroqeba jiyohot mötpinak.”

<sup>43</sup> Köuluk mireyök eta dengetka ambazip gwötpukñan Pol aka Barnabas könanjire etkuatanjöget. Tosatñan Juda ahuba malget aka tosatñan kian kantrinöj ahuba könanjep Juda ambazip aka malget. Yeñön etkuatanjögetka eraum möta qamban keu kewö engiyohot, “Anutunöj kalem möriam engiyöhi, miangöreñ mönö böñ qeba kinme.”

<sup>44</sup> Sabat kendon kun kam kuñguyöhi, miangöreñ taon gölme miangö ambazipñi mi kölolohoba “Anutugö Buña keu mötpin!” jiba kanjota tokoget.

<sup>45</sup> Kanjota tokogetka Juda yeñön ambazip kambuñi kambuñi engeka irimñini sehelim teköyök. Sehelim teköiga Polgö keuji qemegö jitnakölik aka goranora (noragora) jiba mepaqepaik ak etkiget.

<sup>46</sup> Mewö ak etkigetka Pol Barnabas yetkön awösamkakak kinda köhöiba keu kewö jiyohot, “Anutunöj nup netkiiga Buñanji mutuk Juda ambazip engöra jiinga dop kölbawakmö, inñini mi andö qeba lañ kewö jize, ‘Nini malmal köhöikñe angotpingö dop qahö.’ Miangöra mötket, netkön mönö engömosöta kian kantriñi kantriñi yengöreñ elenja anbit.

<sup>47</sup> \*Kembunöj miangö keuji kewö jiba jim kutum neñgiyök,

‘Nöñön kuñgum gihibiga kian kantri yeñgö asakñina aka amötqeqegö könanji jim asariba malnönga gölme göranji göranji dop köl teköi likeplikep eu emu yeñön letota Suepkö buñaya akñe.’ ”

<sup>48</sup> Mewö jiyohotka gölme toñi Juda qahö malgeri, yeñön möta uruñini ölöwahi Kembugöreñ Buñanji möpöseiget. Möpöseiba malmal köhöikñangö buña akñegöra Anutunöj möt kewöt engiyöhi, yeñön miangö dop uruñini melenja Jisösgö Buñanji möt nariget.

<sup>49</sup> Möt narigetka Kembugö Buña keu jim sehigetka prowins pakpak mi dop köla anök.

\* 13:35: Sum 16.10 \* 13:41: Hab 1.5 \* 13:47: Ais 42.6; 49.6

<sup>50</sup> Ölop anökmö, Juda yeñön taongö azi ipñi aka ambi öngöngöñi Anutu göda qeba malgeri, miengö uruñini esiba kuñguba Pol Barnabas mohotñe sesewerowero ak etkiba miri gölmeñineyök etkuatanğöget.

<sup>51</sup> \*Anbitkö aka nesampurekñini kondela kewö jiyohot, “Netkön engö gölmenöñ kaziga sölbuham köna tambönire ahözawi, mi mönö tim tönjöratziga nanñine lilingöba gema.” Mewö jiyohotka könañamniri solanñi möt kutugetka anda Galesia prowins uruñe siti qetñi Aikoniam mianğöreñ anğorohot.

<sup>52</sup> Anğorohotmö, gwarekurup Antiokia taonöñ malgeri, Uña Töröñan yeñgö uruñini kokolak qei önöñi qahö söñgaiba malget. Mewö.

## 14

### *Aikoniam sitinöñ uru kuñgum enğiyohot.*

<sup>1</sup> Pol Barnabas yetkön Aikoniam sitinöñ anğota mewöñanök Juda yeñgö köuluk mire öngöba Buña keu jiyohot. Jiyohotka Juda aka kian kantri ambazip yeñgöreñök kambu sehisehiñi yeñön uruñini melenđa Jisös möt nariget.

<sup>2</sup> Möt narigetmö, Juda ambazip qahö möt narigeri, yeñön gölme toni Juda qahö malgeri, miengö uruñini esiba aposol urunöñ gege ak etkimegöra uruñini kuñguget.

<sup>3</sup> Kuñgugetka töndup nalö köröpñi mianğöreñ mala Kembu möt nariba awösamkakak kindu Buñañi jiba malohot. Kembu kalem möriamñanğö keuñi jim asariyohotka keuñiri nanğöba ösumñi börönjire ali aiwesök anğöletot meyohotka asuhuget.

<sup>4</sup> Mewö asuhugetka taongö ambazipñan jula denget. Tosatñan Juda jitñememe yembuk öröröñ jöhögetka tosatan aposol yetpuk toroqeba kinget.

<sup>5</sup> Mewö arönđa kingetka gölme toni aka Juda ambazip kiannñi yeñön wahöta jitñememeurupñini yembuk urumohot aka melaimelai azi aposol mi “Kötnöñ gila etku-bin!” jiba mötmöriget.

<sup>6</sup> Mewö mötmörigetka möta ölöñ köla tököba Likaonia prowinsnöñ anohot. Mianğöreñ anda taon qetñiri Listra aka Derbe aka miri liliköm etkiba tat angeri, mianğöreñ anğorohot.

<sup>7</sup> Mianğöreñ anğota Ölöwak Buña jim asariba uru kuñgum enğiba malohot. Mewö.

### *Listra taonöñ Pol Barnabasgöra bem qetket.*

<sup>8</sup> Listra taonöñ azi kun köna yahötñi kömukömunñi malök. Mi nam körö uruñeyök lokon asuhuba nalö kungen köna qahö tiba öne tatmalök.

<sup>9</sup> Polnöñ Buña keu jii möta tari uba könañamnñi kewö eka mötmöriyök, “Yañgö uruñe mötnaripñi ahöm wañgiyöhanğöra aka ölop ölöwakña,” mewö jiyök.

<sup>10</sup> Mewö mötmöriba qet ketanñi qeta jii mörök, “Mönö wahöta kinöñ.” Mewö jii pörañ ala wahöta anda kaba kinök.

<sup>11</sup> Polnöñ mewö aiga ambazip kambu yeñön mi eka Likaonia keuñine kewö silata jiget, “Bem yetkön letota azi silebuk aka sutnine asuhuba nengöreñ eta maljahot.”

<sup>12</sup> Mewö jiba Barnabas qetñi bem bohonñini qetñi Zus qetket aka Polnöñ jitñe memba keu jiyöhanğöra aka bem qetñi Hermes qetket.

<sup>13</sup> Mewö qetketka bem Zus yañgö jöwöwöl jikenñi taon wösönje ahöyöhi, mianğö jike nup galömñan bulmakau azinñi enğuanğita kayök. Mewö kaba ila kösasorom memba kaba taon kiripo nanğunje kindu ambazip kambu yembuk jakenöñ ala jöwöwöl ohom etkibingö aket.

<sup>14</sup> Mewö aketka aposolyahöt yetkön mi möta “Qahö dop kölja,” jiba qetala silepökenjiri munjurata ösumñiran ambazip kambu uruñe anda qerohot.

<sup>15</sup> \*Qeta kewö jiyohot, “Aziurup, inñini mönö denöwögöra aka yuai mewöñi akze? Niri mewöyök inñini ewö gölme azi töhöna akzit. Niri Anutugö Ölöwak Buña jim asarim enğizit.

\* **13:51:** Mat 10.14; Mak 6.11; Luk 9.5; 10.11 \* **14:15:** Eks 20.11; Sum 146.6

Miangöra injini mönö bem omani andö engume aka uruñini melenḁa Anutu malmal Tonḁngöreñ qekötahöme. Anutu malmal Tonḁan Suep, gölme, köwet aka miengö uruñine yuai pakpak ahözawi, mi miwikḁaim engii malje.

<sup>16</sup> Gölmeñi gölmeñi pakpak yeñön mönöwök mala kotkeri, Anutunöñ i qahö anḁön köñ engii nanñini imbiñinanḁö dop malmalḁini ilinḁösöñ malget.

<sup>17</sup> “Qahö anḁön köñ engiyökmö, töndup tönpin jipjap qahö malget. Qahöpmö, Anutunöñ yuai ölöpñi ölöpñi ak engiba malök. Yanḁön jiiga kie yöhöi wehön qei töhötmöriamḁan nalöñi nalöñi asuhui nem söñgaip aka mewö mianḁön uruñini kuñgum engii malget. Mewö malgetka nanñi könani mötmegöra kalemñi mi kondel engiba mewö mianḁön dangunuñi ali malget.”

<sup>18</sup> Yetkön mewö jiba ambazip kambu jöwöwöl ohom etkibepuköra jarañbarañ tiba jim susuhum engiyohotka löwöriba mosötket. Mewö.

<sup>19</sup> Listra yeñön Pol Barnabas etkömosötketmö, Juda ambazip tosatḁan Antiokia taon aka Aikoniam siti mietköreñök kaḁgota ambazip kambu urunöñ gege ak engiget. Ak engiba yembuk öröröñ luhuba Pol kötnöñ qeba “Mönö kömuza!” jiget. Mewö jiba örörahöba taon andöñe eta mosötket ahöyök.

<sup>20</sup> Ahöyökmö, gwarek yeñön kaḁgota liliköm wañgigetka wahöta anda taonöñ öñgöyök. Miangöreñ öñgöiga ahöyohot miri gianjiiga Barnabasbuk Derbe sitinöñ anohot.

### *Siriagö Antiokia sitinöñ lilingöba kayohot.*

<sup>21</sup> Derbe sitinöñ Ölöwak Buḁa jim asariba uruñini kuñgum engiyohotka gwötpukḁan uruñini melenḁa Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon miengöreñ lilingöba anda enḁehot.

<sup>22</sup> Enḁeka tata miri dop liliköba Jisösgö gwarekurup yeñgö uruñini nanḁöba mem köhöiyohot. Kembu möt narigeri, yambuk qekötahöba kinmegö qambañ keuñi engiba kewö jiyohot, “Nini mönö iririkwarörök qakñe (lömböt könani könani miwikḁaiba) mala pañpañgöba Anutugö bemtohoññöñ eu anḁotpin.”

<sup>23</sup> Urumelen könagesö dop jitñememeurupñini möwölöhöba galöm malmegö könani kusum engiba kuñgum engiyohot. Kuñgum engiba Anutugöra nene sinḁi mala gwarek kambu yeñgöra köuluköba Kembu möt narigeri, yanḁö böröñe al engiyohot.

<sup>24</sup> Al engiba engömosöta Pisidia prowins kutuba anda Pamflia prowinsnöñ anḁorohot.

<sup>25</sup> Miangöreñ anḁota Perga sitinöñ tata Buḁa keu jiba uruñini kuñgum engiba Atalia taonöñ geyohot.

<sup>26</sup> Miangöreñ geba wañgenöñ öñgöyohotka opo seri öröba möröreñgögetka luhutnöñ nanḁöi anda mala Antiokia sitinöñ anḁorohot. Antiokia urumelen könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka engömosöta anohot. Anda liliköba nupñiri mi mem teköba kunbuk nanñire sitinöñ lilingöba kayohot.

<sup>27</sup> Miangöreñ kaba urumelen könagesö köñ öröm engiyohot. Köñ öröm engiyohot tokogetka keu kösohotñiri kewö jiyohot, “Anutunöñ netpuk mala anḁöletot ketañi ketañi aka memba malök. Yanḁön nam köñ netkii nup meziga kian kantriñi kantriñi yeñön Jisös möt narimegöra nanḁu öröm engii uruñini melenḁet.”

<sup>28</sup> Kösohotñiri mewö jiba gwarek kambu yembuk nalö köröpñi qem köriba tata malohot. Mewö.

<sup>1</sup> \*Antiokia malohotmö, Judia prowinsnöhök ambazip tosatñan eta kaba könahiba urumelen ambazip kewö kusum engiget, “Inini Mosesgören Köna keugö dop Anutugö aiwesökñi silenine qahö yandime ewö, mewö mönö Suepkö buñaya akingö osime.”

<sup>2</sup> Mewö kusum engigerañgöra aka angururuk ahuiga Pol Barnabas yetkön tuarenjon ak engiba könöpñambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jitñememe tosatñi melaim engiinga Jerusalem sitinön öngöba keu mi memba aposol aka Jerusalem urumelen könagesögö jitñememe yengören anda jime.”

<sup>3</sup> Keu mewö jöhöba jigetka urumelen könagesö yeñön i melaim engigetka könanön anget. Anda mala Fonisia aka Samaria prowins yahöt mi kutuba könanön könagesöñi könagesöñi engek. Engeka kian kantri tosatñi yeñön uruñini melengerañgö buzupñi jiba urumelen kambu yengöra sösöngai ketanji al engiget.

<sup>4</sup> Al engiba anda mala Jerusalem sitinön angotket. Angotketka aposol aka jitñememe yeñön urumelen könagesö yembuk köl öröm engiget. Köl öröm engigetka kösohotñini kewö jiget, “Anutunön nam köl nengii misin nup meinga nembuk mala anğöletot ketanji ketanji aka memba malök.”

<sup>5</sup> Kösohot mi jigetmö, Farisi (Köna keugö kapañkölköl) kambunöhök urumelen azi tosatñan wahöta kewö jiget, “Kian kantri yeñön uruñini melengeri, yengöra mönö kewö jim kutubin: Yeñön mönö Anutugö aiwesök silenine yandiba Mosesgören Köna keu pakpak wuatañgöba malme.” Mewö.

*Jerusalem totoko ala anğururuk keu mindingöget.*

<sup>6</sup> Mewö jigetka aposol aka jitñememe yeñön keu mi jim kewötpingö tokoget.

<sup>7</sup> \*Tokoba goranora (noragora) keu gwötpuk jiba jitnakölik aket. Mi aketka Pitönön wahöta kewö jii mötket, “Azi alaurupni, Anutunön mutuhök sutnine nup mendenja möwölöhöm niñgiba nöngöra kewö jiyök, ‘Gi mönö kian kantrinön anda Ölöwak Buña keu jim asarim enğinönga yeñön uruñini melenja Kembu möt narime.’ Inini keu mi mötze.

<sup>8</sup> \*Anutunön ambazip pakpak urunini möt kutuzawañön könañamñi kondela Uña Törönji Juda ambazip nengöra melaiiga eröhi, mianğö dop mönö kian kantri ambazip yengöra mewöñanök i melaii uruñine geyök.

<sup>9</sup> “Melaii geiga mewö mianön Juda ambazip qahö engek soriba kantri tosatñi qahö qepureim engiyök. Qahöpmö, yeñön Anutu möt narigetka siñgisöndokñini mosöta uruñini sanğonñiga sarakñi aket.

<sup>10</sup> Mianğöra inini mönö wuanöngöra Anutu esapesapnön al wañgibeak? Wuanöngöra gwarek dölokñi yengö qakñine tem könjön toroqeba alinga anğubeak? Tem könjön mewöñi mi nanine ambösakoninan me naninak mewöyök anğubingö dop qahö akmalin.

<sup>11</sup> Mewö qahöpmö, kewö möt narizin: Kembu Jisösgö kalem möriamñan mönö Anutu nam köl wañgiiga amöt qem nengii SUEPKÖ buñaya akin. Kian kantri yeñön mewöyök köna mohot miyök wuatañgöba letota SUEPKÖ buñaya akingö möt narimakze.”

<sup>12</sup> Mewö jiiga kambu yeñön lökñanök keu jaruba bök tatket. Tatketka Pol Barnabas yetkön keu kösohotñiri kewö jiyohot, “Anutunön nam köl netkii kian kantrinön anda sutñine misin nup meziga aiwesök anğöletot ketanji ketanji asuhuget.” Mewö jiyohotka kezap ala mötket. Mewö.

*Bisop\* Jeimsnön keu jii mötket.*

<sup>13</sup> Pol Barnabas yetkön kösohotñiri jim teköyohot mötketka Jeimsnön keu kewö jiyök, “Azi alaurupni, nöñön keu jibi kezap ala mötket.

\* 15:1: Lew 12.3    \* 15:7: Apo 10.1-43    \* 15:8: Apo 2.4; 10.44    \* 15:12: Bisop, Grik keunön episkopos, nanine keunön jegalöm me inspekta. Yañön zioz nup pakpakö mindimindiri galömñi akza. Jeims kianön Jisösgö gwarekñi qahöpmö, Jisösgö munji.



<sup>14</sup> Anutunöŋ nalö mutukŋi kian kantri ambazip mesohol köl enŋiba sutŋineyök ambazip nanŋaŋgöra möwölöhöm enŋiiga qetŋi bisiba könagesöŋi toroqeket. Anutunöŋ mewö aka könajamŋi kondel neŋgiyöhi, Saimon Pitönöŋ miangö keuŋi jii mötzin.

<sup>15</sup> Keu mewöŋi mi kezapqetok ambazip yeŋön mewöyök nanŋöba jize. Yeŋön keu kun kewö ohoget ahöza,

<sup>16</sup>\*'Miangö andöŋe nöŋön lilingöba kaba kiŋ Deiwidkö kantri tohoŋi kunbuk memba wahötmam.

Yaŋön mutuk jakömbuak koumŋi qeba ambösakonini galöm köl enŋiiga koumŋan buratiba tiŋgita erökmö, nöŋön mi kunbuk möhamgöba kuŋgubiga kantrinöŋ ölöwaka kinma.

<sup>17</sup> Mi kewö asuhumapköra akŋam: Ambazip kambu tosatŋi pakpak yeŋön Kambu jarume.

Kian kantri pakpak nani buŋani akŋegöra enŋoholali, yeŋön Kambu ni göraim niŋgime. Kambu nöŋön mewö jizal aka miangö dop kantriŋini mem ölöwakŋam.

<sup>18</sup> Mewö ahakzali, mi mönö möpŋaŋgö möpŋeyök möta kota malje.'

<sup>19</sup> "Miangöra Jeims nöŋön keu mi kewöta mötmötnan kewö möta jizal: Kian kantri ambazip uruŋini Anutugöreŋ melenŋei, neŋön mönö lömböt könjöŋ ketanŋi yeŋgö qakŋine alinga qahö dop kölma.

<sup>20</sup>\*'Mewö qahöpmö, yeŋgöra kimbi kewö ohoinga dop kölma: Yeŋön sömbup busuŋi bem lopiongö naluk buŋa qeba könajine algetka ösumŋinan walöŋnöhi, mi kude neme. Sero yoŋgorö kude akŋe. Sömbup jölŋi qeqeŋaŋgö busuŋi aka sep mi kude neme. Yuai 4 mi mosötmegöra jim köhöibinak.

<sup>21</sup> Mosesgö Köna keu mi mönö möpŋaŋgö möpŋeyök miri dop jim asariba kota maljin. Mi Sabat kendon dop köuluk mirinine oyoŋda mörakzin. Miangöra keu 4 mi ölop qahö mosötpin." Mewö.

### *Jerusalem totokonöŋ kian kantri yeŋgöra kimbi ohoget.*

<sup>22</sup> Jeimsnöŋ mewö jiiga aposol aka jitŋememe yeŋön könagesö pakpak yembuk keu mi mötket dop kölök. Mötket dop kölga sutŋineyök azi tosatŋi möwölöhöm enŋiba Pol Barnabas yetpuk mohotŋe Antiokia sitinöŋ melaim enŋibingöra jiget. Mewö jiba azi qetŋi Judas qetŋi alaŋi Barsabas aka Sailas möwölöhöm etkiŋet. Azi yahöt mi urumelen kambugö jitŋememe azia ahot.

<sup>23</sup> Azi mi melaim etkibin jiba kimbi kun kewö ohoba böröŋire alget, "Mötnaripkö kian alaurupnini, Antiokia siti aka Siria aka Silisia gölmenöŋ maljei, neŋön enŋö jölöŋini jizin. Aposol neŋön mötnarip könagesögö jitŋememe yembuk enŋö urumelen alaurupŋina akzin. Mewö embuk keu eraum mötpingöra kimbi al enŋizin.

<sup>24</sup> Nanine ambazip tosatŋi qahö jim kutum enŋiinga nanŋinök neŋgömosöta enŋöreŋ kaba uruŋini kuŋguba keu murutŋi kekelolo enŋigetka uru mötmötniŋi siksauk aiga mörin.

<sup>25</sup> Miangöra nini körekŋanök totoko ala urumohot ahin dop kölök. Dop kölga azi yahöt meköba melaim etkiinga wölböt alayahöt Barnabas Pol yetpuk enŋöreŋ kame.

<sup>26</sup> Barnabas Pol yetkön nanine Kambu Jisös Kraistkö qetŋaŋgöra aka malmalŋiri köleŋnohotka tosatŋan etkuget kömumbitkö ahot.

<sup>27</sup> Nini Judas Sailas melaim etkiinga kaba keu miyök toroqeba jitnöŋ jiyohotka mötme.

<sup>28</sup> Uŋa Töröŋi aka neŋön keu kewögöra urumohot ahinga dop kölja: Enŋö qakŋine lömböt könjöŋ qahö toroqeba albin. Keu bohonŋi 4 miyök wuatangöme. Mi ongitketka julbinbuk.

\* 15:16: Amos 9.11-12 \* 15:20: Eks 34.15-17; Lew 17.10-16; 18.6-23

<sup>29</sup> Keu 4 mi kewö: Sömbup busunji bem lopiongö naluk buña qeba könanjine algetka ösumñinan walöñnöhi, mi kude neme. Mewöyök sep me sömbup jölñi qeçeqañgö busunji mi kude neme. Sero yongorö kude akçe. Yuai 4 mi mosöta andö qegetka urumohot ahinga Anutunöñ kötuetköm enjiiga ölöwaka malme. Mönö uru böñjön malme.” Mewö.

*Keu memba angetka Antiokia siti yeñön söñgaiget.*

<sup>30</sup> Kimbi mewö ohoba melaim enjigetka anget. Köna anda geba Antiokia sitinöñ angotket. Angota urumelenj könagesö köl öröm enjigetka tokoget. Tokogetka kimbi mi enjigetka oyoñget.

<sup>31</sup> Mi oyoñgetka miangöra amqeba urukölalep möta söñgaiget.

<sup>32</sup> Judas Sailas yetköñ nanñirak kezapqetok azia mala goro keu gwötpuk enjiba urugö nanğönanğö keu jiba mem köhöim enjiyohot.

<sup>33</sup> Mem köhöim enjiba nalö tosatñi miangörenj toroqeba malohot. Malohot teköiga urumelenj alaurup yeñön “Luaibuk anmahot,” jiba melaim etkiget. Jerusalem malohotka melaim etkigeri, Judasnöñ mönö yeñgörenj lilingöyök.

<sup>34</sup> (-)†

<sup>35</sup> Pol aka Barnabas yetköñ toroqeba Antiokia sitinöñ mala ambazip tosatñi gwötpuk yembuk Kembugörenj Buña keu kusum enjiba urunini kuñgum enjiba malget. Mewö.

*Pol aka Barnabas yetköñ deñnohot.*

<sup>36</sup> Mewö malgetmö, nalö tosatñi teköiga Polnöñ Barnabasköra kewö jiyök, “Netköñ taon miri pakpak liliköba Kembugörenj Buña keu jim asariba maliri, mönö miangörenj lilingöba urumelenj alaurupniran denöwö maljei, mi ölop anda eka mötpit.”

<sup>37</sup> Mewö jiiga Barnabasnöñ Jon qetñi alañi Mak qetkeri, i mewöyök wañgita mohotñe anbingö mörök.

<sup>38</sup> \*Mewö mörökmö, Jonöñ mutuk Pamfilia taonöñ löwöriba etkömosöta yetpuk toroqeba nup qahö meyök. Miangöra Polnöñ i wañgita anbingö möri qahö dop kölök.

<sup>39</sup> Qahö dop köliga anğururuk aka urunñi köñöp jeiga deñnohot. Deñda Barnabasnöñ Mak wañgita geba wañgenöñ öñgöyohotka opo seri öröba mörörenjgögetka luhutnöñ nanğöi gölme jölanñi Saiprus miangörenj anohot.

<sup>40</sup> Anohotmö, Polnöñ azi qetñi Sailas meköiga urumelenj alaurup yeñön Kembugö böröñe al etkiba kalem möriamñan sel jöhöm etkimapköra jigetka mosöta anohot.

<sup>41</sup> Anda mala Siria aka Silisia prowins yahöt mi kutuba liliköyohot. Liliköba Polnöñ urumelenj könagesöñi könagesöñi engeka mem köhöim enjiba malök. Mewö.

## 16

*Timotinöñ Pol aka Sailas yetpuk toroqeyök.*

<sup>1</sup> Polnöñ liliköba anda mala taon qetñiri Derbe aka Listra miangörenj anğorök. Listra anğota miangörenj gwarek kun qetñi Timoti miwikñaiyök. Namñan Juda urumelenj ambia ahökmö, iwiñan Grik azia.

<sup>2</sup> Polgö azi alaurupñan Listra aka Aikoniam malgeri, yeñön Timotigö könanji jim ölöwaka jiget mörök.

<sup>3</sup> Mewö jiget möta wañgiri mohotñe anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangörenj Juda ambazip gwötpuk malget. Miangöra yeñön Pol jim wañgibepuköra Timoti wañgita Anutugö aiwesökñi silenje yandiyök.

† 15:34: Tosatñan toroqeba jabö v 34 kewö alje: Lilingöyökmö, Sailasnöñ keunji jöhöba toroqeba miangörenj malök.

\* 15:38: Apo 13.13

<sup>4</sup> Yandiiga anda taon aka miri dop angotkeri, mianğörej Jerusalem mindimindiri totokogö keuñi jiget. Aposol aka Jerusalem urumelen kónagesögö jitnememe yeñon keu jöhöm köhögeri, mi wuatangömegöra jim kutum enjiget.

<sup>5</sup> Mewö lilikögetka Jisösgö kónagesöñi kónagesöñi miri dop malgeri, yengö mötnaripñinan köhöiyök. Mewö köhöiba Buña keu jigetka tosatñan uruñini melennda wehön dop kam toroqetka kambuñinanğö jañğöñan qariba öñgöyök. Mewö.

*Anutunöñ Pol gaunöñ kutum wasöriğa Yurop anget.*

<sup>6</sup> Liliköba mala “Eisia prowinsnöñ anda Buña keu jim asaribin,” jigetmö, Uña Töröñan songo ala angön köl enjigiyök. Mianğöra yeñon toroqeba anda Frigia aka Galesia prowins yahöt mi öne kutuba etkonğita anget.

<sup>7</sup> Anda mala Misia gölme gorañe angota Bitinia prowinsnöñ angotpingö mötketmö, Jisösgö Uña Töröñan mianğörej anmegö urumohot qahö ahök.

<sup>8</sup> Urumohot qahö aiga mosöta anda Misia gölme öne kutuba köwet jitne geba Troas taonöñ angotket.

<sup>9</sup> Troas angota sunğem gaun ahögetka Anutunöñ Pol kutum wasöriğa imut kun kewö ehök: Yurop azi kunñan Masedonia likepñe kinda ohola kewö jiba köuluköm wañgiyök, “Gi mönö köwet kutuba Masedonia gölmenöñ kaba bauköm neñgiman.”

<sup>10</sup> Polnöñ jemelen imut mi ehiga nini mianğö kónañi kewö möt kutuba jiin, “Anutunöñ mönö neñgohola köwet kutuba Yurop uruñe anda Ölöwak Buña Masedonia prowinsnöñ jim asarim enjibingöra jiza.” Mewö jiba mianğöreñök mosöta anbingö mötmöriba amqein. Mewö.

*Filipai ambi Lidianöñ uruñi meleşök.*

<sup>11</sup> Neñon amqeba geba wañgenöñ öñgöinga opo seri öröba möröreñgögetka luhutnöñ nañgöi Troas siti mosöta anda diñdiñanök Samotres gölme jölanñe angorin. Angota ahöba miri gianjiga toroqeba anda Neapolis sitinöñ angorin.

<sup>12</sup> Mianğöreñ angota wañgenöhök eta köna anda Filipai sitinöñ angorin. Rom ambazip yeñon mönöwök kaba Filipai siti mi memba mianğöreñ malmañ tatatñini algetka Masedonia prowinsgö siti ketañi ahök.\* Nini Filipai angota wehön tosatñi mianğöreñ malin.

<sup>13</sup> Mianğöreñ mala Sabat kendonöñ siti kiripo yaigepñe anin. Mianğöreñ anda Juda yeñon o sakñe tokoba Anutu köulukömakzei, mewö mötmöriba geba rowoñqeqe kunöñ anin. Anda ambi tokoba tatkeri, i engeka tata eraum möta Anutugöreñ Buña keu yeñğöra jiinga mötket.

<sup>14</sup> Mötkeri, yengö sutñine ambi kun qetñi Lidia malök. Yañon Taiataira sitinöhök Filipai kaba opo pisikñi gugakgugak aködamunñambuk tokoba bohonñi memegöra ala malök aka Anutu waikñi memba möpöseiba malök. Kembunöñ uruñi mem amqeiğa Polnöñ keu jiyöhi, mianğöra sihimñan ahui kezap ala möta angön kölök.

<sup>15</sup> Angön köli nanñi aka saiwaurupñi o melun mem enjingga qesim neñgiba kewö jiyök, “Inini nöngöra ‘Kembu möt narizal,’ jize ewö, mönö ölop kaba nöngö mire öñgöba tata nene namba ahöme.” Mewö jiba kapan köla qesim neñgiyök. Mewö.

*Pol Sailas yetkön kösö mire tarohot.*

<sup>16</sup> Nini nalö kunöñ köuluk rowoñqeqeñe gebingö köna namñe aninga welenqeqe ambi kunöñ miwikñaim neñgiyök. Ambi mi andö lawönñambuk mala ambazip kónañini aukñe jim miwikñaimangö mörök. Mi möta kezapqetok keu asambötñi jim miwikñaiğa mewö mianñon monen yuai mi gwötpuk öröba mali tourupñi yeñgö böröñine geyök.

<sup>17</sup> Yañon Pol aka nini neñgeka neñgö andöñine kaba kewö jiba qerök, “Azi kienñon Anutu öñgöñgöñi ketañanğö welenni qeba Suepkö buñaya akingö kónañi jim asarim enjimakze.”

\* **16:12:** Masedonia prowinsgö siti bohonñi mi Tesalonaika. Distrik mutukñanğö siti bohonñi mi Amfipolis aka siti keta bölökñi kun Filipai. Rom yeñon Filipai mi Itali ewö galöm köl enjiget. Grik miri tonñi yeñon nanñine gölmenöñ kian ewö aka malget.

18 Mewö jiba sömañi gwötpuk qeta malök. Mi malökmö, Polnönj tököba mianğöra sihimbölö mörök. Mi möta nalö kunöñ lilingöba ömeñi kewö jim kutum wañgiyök, “Ni Jisös Kraistkö qetñe jizal: Gi mönö ambi kiangö uruñeyök kota anöñ.” Mewö jim kutum wañgi mianğöreñök kota mosöta anök.

19 Mi anökmö, ambi tourupñan mi möta moneñ yuai öröbingö könañi jöpköyöhi, mi miwikñaiba irimñini sehohiyök. Irimñini sehohiiga Pol Sailas etkömembra jöhöba maket sombemñe öröm etkiba galöm azi yeñgö jeñine etkuañgita anget.

20 Etkuañgita anda keu jake galöm yeñgö jeñine al etkiba silenñire keu kewö ala jiget, “Nini siti kiangöreñ luainöñ maljinmö, azi yahöt kietkön kaba enjololoñ ak neñgimakzahot. Yetkön Juda azia akzahot

21 aka Juda silikñini kusum neñgimakzahot. Nini Rom mindimindiri kantrigö tohoñ toñi akzin. Mianğöra nini silikñini mi ölop qahö möt añgön kölbin. Mi memba wuatangöbingö songo ahöi osizin.”

22 Silenñire keu mewö aka jim etkigetka ambazip kambu yeñön mewöyök wahöta mindiriba qetal etkim köhöiget. Qetal etkim köhöigetka galöm yeñön kuñgum enñigetka sileötañiri öröba munjukunjuritket aka jim kutum enñigetka arawambu kömbinöñ etkuget.

23 Gwötpuk etkum teköba kösö mire al etkibingö etkuañgita wahibuknöñ ölopñanök galöm mem etkimapkö jim kutum wañgiget.

24 Mewö jim kutum wañgigetka möta etkömembra kösö miri bibiñe miri uruñi kunöñ anda könahötnjiri ip özöpañ† sutñire ala kösönöñ jöhöba miri uruñi mianğö nañguñi yahöt mi ki misigetka tarohot. Mewö.

*Kösö miri galömnjan uruñi meleñnök.*

25 Pol Sailas yetkön mewö tarohot. Tata mala sunğem bibiñi aiga mianğöreñ Anutu köuluköba liñet köla möpöseiba malohotka kösö azi köreknjan kezap ala mötket.

26 Mewö aketka mianğöreñök wölañ kenöñ (nañ) ketañi giliga kösö mirigö tandöñi pakpak anjañanjañ kölget. Mewö kölgetka mianğöreñök nañgu pakpak talgetka kösö azi pakpak yeñgö ain tapepñinan (muñgamuñga) lolohoba erök.

27 Mewö asuhuiga kösö miri galöm yañön gaun uruñeyök wahörök. Wahöta kösö mirigö nañguñi pakpak tal tekögeri, mi eka jiyök, “Kösö azinöñ an teköze me denöwö?” Mewö jiba mötmöriba jönömñi unduiga bingö sou ketañi mi kupinñeyök öröba nanñi aumamgö ahök.‡

28 Nanñi aumamgö ahökmö, Polnönj pauppaunj teringöba kewö jiyök, “Nini köreknjanök ki tatzin. Mönö nangi silegi öne kude ayuhuman.”

29 Mewö jii möta kiwa wañgimegöra qesii wañgigetka ösumñan kösö miri uruñe anda jönömñi unduiga Pol Sailas yetkö kösutñire anda simin köl etkiyök.

30 Simin köl etkiba kösö mireyök etkuañgita eta kewö qesim etkiyök, “Azi ketañi yahöt, ni mönö denöwö akiga Anutunöñ amöt qem niñgiiga letotpilenjak?”

31 Qesim etkiiga jiyohot, “Mönö urugi melenđa Kembu Jisös möt narim wañginöñga gi aka saiwaurupkan mewöyök letota Suepkö buñaya akñe.”

32 Mewö jiyohotka miriñe angetka könagesöurupñi pakpak yembuk tokogetka Anu-tugöreñ Buña keu jiyohot mötket.

33 Jiyohot möta sunğemgö aua mianğöreñök etkuañgita anda uziñiri sañgoñnök. Sañgoñniga mianğöreñök i aka saiwaurupñi pakpak mi o melun mem enñiyohot.

34 O melun mem enñiyohotka etkuañgiri nene mire öngöba nene ohoba ala etkiyök. Etkiba nanñi aka saiwaurupñi yeñön körek Anutu möt narigerangöra sösoñgai aket. Mewö.

† 16:24: Ip özöpañnöñ könañiri yöhöraköiga osiba tarohot. Imutñi ekñan. ‡ 16:27: Köso azinöñ ölöñ köliga galömnji mi keu jakeñe ala qegetka salupñe sihimbölö möta kömuzapma. Nanñi gamuñi möta aubawak, mewö amqeba kömumbawak.



*Kösö mireyök közöl etkigetka erohot.*

<sup>35</sup> Miri gianjiiga keu jake galöm (majistreit) yeñon opotöröp melaim engigetka kösö mire kaba kewö jiget, “Azi yahöt mi mönö pösat etkinönga etmahot.”

<sup>36</sup> Mewö jigetka wahibuknöñ kaba buzup mi Polgöra kewö jii mörök, “Majistreit galöm yeñon keu kewö alget kaza: Iniri mönö kösöñiri pösatpiga etmahot. Miangöra etkön mönö dölki mosöta eta luainöñ anmahot.”

<sup>37</sup> Mewö jii mörökmö, Polnöñ opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñon keuniri qahö kewöta jim teköba töndup aukne ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga dölki denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñon mönö nanñinak kaba netkömegetka etpirak.”

<sup>38</sup> Polnöñ opotöröp yeñgöra mewö jiiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket.

<sup>39</sup> Sömbuñini möta kösö mire kaba ösöñ susuhuba kelök ala kuñgum etkigetka geyohot. Geyohotka Filipai siti mosötmahotkö ulet etkiget.

<sup>40</sup> Ulet etkigetka Pol Sailas yetkön kösö miri mosöta Lidiagö mire anohot. Miangöreñ anda urumelenñ alaurupñiri engeka urugö nanñönanñö keu jiba enñgömosöta anohot. Mewö.

## 17

*Tesalonaika nup megetka sesewerowero aket.*

<sup>1</sup> Anda mala Amfipolis aka Apolonia siti yahöt mi kutuba Tesalonaika sitinöñ anñgotket. Siti bohonñi miangöreñ Juda yeñon köuluk mirinñini meget kinök.

<sup>2</sup> Polnöñ ahakmemenñi aka malöhi, miangö dop köuluk mirinñine öñgöba Sabat kendon karöbut miangöreñ yembuk Urumelenñö Buña Kimbi oyoñda könanñi eraum möta malget.

<sup>3</sup> Mewö mala Buña Kimbigö könanñi jim asariba kewö jiyök, “Anutunöñ areñ ala Amötqege Tonjan sihimbölo möta kömumba kömupnöhök wahötmapkö jiyök.” Mewö jiba miangö könanñi Buña Kimbinöhök kondela uruñini kuñguba kewö jiyök, “Azi Jisös jim asarim enñgizali, yanñon mönö Amötqege Tonji Kraist akza.”

<sup>4</sup> Mewö jiiga Juda könagesö yeñgöreñök tosatñan möt nariba uruñini melenñda Pol Sailas yetpuk toroqebe kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketanñi yeñon yembuk toroqeget aka ambi öñgöñgöñi qetbuñanñinambuk yeñgöreñök gwötputkñan uruñini melenñget.

<sup>5</sup> Uruñini melenñgetmö, Juda ipñi yeñon uruñini seholiiga urunöñ mututqutut möta andöqege aket. Mi aketka injarere ambazip rowoñqegeñöñ lañ malgeri, yeñgöreñ anda azi gonñonñi tosatñi enñgömeget. Mi enñgömembra mindiriba ambazip kambu uruñini kuñguba öröm enñgigetka tokoget. Tokoba lañ qetketka qeburunñ göjupmajup ahuiga siti dop köl teköyök. Lañ qeta luhuba azi qetñi Jeison yanñö miri töungöba (töwöngöba) Pol Sailas ambazip kambu jeñine al etkibingöra jarum etkiget.

<sup>6</sup> Jarum etkigetmö, qahö miwikñaim etkiba Jeison aka urumelenñ alaurup tosatñi jöhöm öröm enñgiba sitigö galömkölköl azi yeñgö jeñine anñgota kewö qetket, “Ye! Azi gölmenñi gölmenñi liliköba miri dop uru kuñgum enñgigetka kahapmahap aka sohomakzei, yeñon mönö ki mewöyök kayohot.

<sup>7</sup> Kiangöreñ kayohotka Jeisonöñ i etkömembra anñgön köl etkiyök. Ambazip pakpak mienñon kewö jimakze, ‘Azi kun qetñi Jisös yanñon kinñ kembunini akza.’ Mewö jiba Rom sisa kinñgö jimkutukutuñi qetala memba eta alakze.”

<sup>8</sup> Mewö qetketka ambazip kambu aka galömkölköl azi yeñon mötketka uruñinan eta raidimbom ewö siksauk ahök.

<sup>9</sup> Siksauk aiga Jeison aka urumelen alaurup tosatni kuŋguba qesim enjigetka monen ala meköm etkiba pösatketka eta anget. Mewö.

*Berea angetka Baiböl stadi ala keunjiri kewötket.*

<sup>10</sup> Eta angetmö, urumelen alaurup yeñon Pol aka Sailas miangörenök melaim etkigetka mosöta sunjem miri qetni Berea miangören anohot. Anda angota Juda yeñgö köuluk mirinjine öngöyohot.

<sup>11</sup> Köuluk mirinjine öngöba Buña keu jiyohori, mi sihim ketani möta möt angön kölget. Juda könagesö Berea malgeri, yeñon Tesalonaika könagesö enjonjita ölop sorokni aket. Keu törörök jiyohot me qahö, mi wehön dop Buña Kimbigö keunöñ kewöta oyoñda eraum möta malget.\* Silik ölopni mewöñi wuatangöba Juda ambazip Tesalonaika malgeri, mi luhut al enjiget.

<sup>12</sup> Buña keu jiyohotka Juda yeñgörenök jesöngöñan möt nariba uruñini melenget. Grik ambazip yeñgörenök mewöyök gwötpukñan Jisös möt narigetka sutñine ambi öngöñgöñi qetbuñaninambuk mi gwötpuk malget.

<sup>13</sup> Jisös möt narigetmö, Polnön Berea miangören mewöyök Anutugören Buña keu jim asariba malöhi, miangö buzupñan sehiba Tesalonaika anda Juda jitnememe yeñgö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget.

<sup>14</sup> Kuñgugetka urumelen alaurup yeñon mi möta miangörenök Pol melaigetka köwet jitne geyök. Geyökmö, Sailas Timoti yetkön toroqeba Berea malohot.

<sup>15</sup> Azi Pol umbulgeri, yeñon toroqeba wangita anda Atens sitinön angotket. Angotketka kewö jim kutum enjiiga mötket, “Injini mönö lilingöba Sailas aka Timoti jigetka ösumok nöngören kamahot.” Keu mi möta mosöta anget. Mewö.

*Polnön Atens sitinön mala nup meyök.*

<sup>16</sup> Polnön Atens sitinön tata Sailas Timoti yetkö mamböta mala liliköyök. Liliköba siti mi tandö lopionji lopionji mienön kokolak qegetka köna töwokne töwokne kingetka engeka awöwöliba tembula uruñi könöp jeyök.

<sup>17</sup> Polnön Juda yeñgö köuluk mirinjine öngöba Juda kian ambazip aka gölme toni Anutu waikni memba möpöseigeri, yembuk kinda eraum mötket. Polnön wehön dop rowonqeqe sombemñini dop anda ambazip miwikñaim engiba yembuk aitongöba eraum mötket.

<sup>18</sup> Eraum mötketka Epikuros aka Stoik mötmöt jake yahöt mietkörenök böhi tosatñan kaba Polbuk keu siñginñi siñginñi jiba goranora aka jitnakölik erauget.† Tosatñan toroqeba Polgö keunji möta kewö jiget, “Mötmöt kitipni kitipni zezengek ewö usuñda um jaruba lañ qezaköba mohot yahöt miwikñaim bibihiba memba kaza. Mi memba kaba sesekñai ewö lañ jizapmö, keunangö ölni wania jimangö mötzawi, mi qahö mötzin.”

Polnön Jisösgö Buñani jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kianji memba kaba mietkö könanjiri jim asariza, miangö tandök ewö akza, ekzin.”

<sup>19</sup> Mewö lañlañ jigetka Pol wangita maket sombem ketani Areopagus§ miangören öngöba kaunsöl yeñgö jeñine alget kini kewö jiget, “Gi mötmöt areñ dölokni aukne kusum neñgimakzani, miangö könanji denöwö? Mi ölop jinöñga mötpin.

<sup>20</sup> Göñon kian kantri yeñgören keu murutni memba kaba jinöñga kezapnine gei mötzin. Miangöra göhö keu arengahö könanji mi törörök mötpingö mötzin.”

\* **17:11:** Berea yeñon Baiböl stadi ölopni alget. † **17:18:** Mötkutukutu böhi qetni Epikuros yanön uruölöwak mötpingö könanji kusum enjiyök. Stoik mötmöt jake (akademi) miangö böhiñi qetni Zeno yanön sihim ölopni aka bölöñi qömbököba böñ qeba köhöiba kinbingö könanji kusum enjiyök. ‡ **17:18:** Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yanön mönö bem azi ambi yahöt yetkö qetjiri mewö qetza.’ § **17:19:** Areopagus miangö könanji mi yarögö bemni qetni Ares yanö kunduna.

21 Atens tonji aka kian miangöreñ malgeri, yeñön pakpak öne lanlan mala mötmöt keu dölökñi dölökñi ongitgongit aka jiba möta uruñini miangöreñ ala nalöñini ayuhuba malget. Mewö.

*Polnöñ Areopagus sombemnöñ kinda keu jiyök.*

22 Polnöñ wahöta Areopagus sombem bibiñe anda kaunsöl yeñgö jeñine kinda kewö jiyök, “Atens aziurup, nöñön ki kaba yuai pakpak eka könañini kewö ahöi mötzal: Injini bemurupñini göda ölöpnji qeba möpöseim engiba malje.

23 Nöñön liliköba engöreñ miri kömbukñi kömbukñi eka miengö sutñine alta kulemñambuk kun miwikñai. Miangöreñ kewö ohoget ahöi ehal, ‘Bem könañi qahö mötzini, yangöra mein.’ Miangöra injini bem kun könañi qahö möta töndup waikñi memba möpöseimakzei, nöñön mönö yangö könañi indela jibi mötme.

24 \**“Bem Anutunöñ Suep gölme aka yuai pakpak mietkö uruñire ahözawi, mi miwikñaim engiyök. Yanön Suep gölmegö Kembuñja akza. Yanön jöwöwöl jike börönöñ memenji miangöreñ qahö tata malja.*

25 Yanön nanñak malmalgö könañi akza. Mi aka neñön gölmenöñ malbinangöra sile, uña (imut) aka yuai tosatñi pakpak neñgiiga söngörö ösum örömakzin. Mewö neñgimakzawangöra aka nanñak nene me yuai kungöra qahö osiza. Miangöra ambazip nini gumohom wangibingö osizin. Nini böröñinan yuai qahö memba naluk al wangiin ewö, yanön mönö qahö kömuma. Yanön azi tandök qahö malja. Qahö.

26 *“Yanön mutuk azi mohot miwikñaiiga yangöreñök sehiba denja gwala injañi aka sile tosatñi aka gölmenji gölmenji pakpak dop köla maljin. Yanön nalöñini pakpak törörök arengöm neñgiiga miangö dop maljin aka miri gölme denike denike ahöm tat ala maljini, miangö görañi aka aiwesökñi ala jim kutuiga miangö dop maljin.*

27 Nini mönö Anutu nanñi möt jarum wangibingöra yuai pakpak mi arengöba al neñgiyök. Yanön körek pakpak kösutnineyök maljapmö, töndup mezanqezan ala Anutu jaruba mala miwikñaiabin me qahö?

28 Nanñini Grik mötmöt ambazipnöñ keu kötnji arengöba ohogeri, yeñgöreñök yahötñan mewöyök keu kötnji kun kewö jiyohot,

‘Ninia kun yangö gwölönarökurupñi maljin.’

Azi mewöñi kunñan keu kötnji kun kewö ohoyök,

‘Yanön mönö mem letot neñgiiga yangö aumñe malmalnini malakzin, könanini anda kamakzin aka ahöm wahötnini ahakzin.’\*\*

29 Keu miengö dop nini mönö Anutugö gwölönarökurupñi mala kösutñeyök kinjin. Kösutñeyök kinjinmö, töndup yangö könañi möt sohoba janjuñ akinbuk. Imut ohoho azi yeñön mötmöt qakñe kinda bem kungö tandökñi mötmöriba goul, silwö me köt jamönñiñ memba urorohoba tandö lopionji söhöba menjölöba memakzei, yanön mönö mewö tandök qahö akza.

30 Ambazipnöñ gukmaulem aka jipjap mala kotketka Anutunöñ nalö miangöreñ ahak-memenjini möt bölüiga likepñi qahö melenja malökmö, nalö kewöñe keuñi indela kewö jiza, ‘Ambazip körek pakpak miriñini dop tat anjei, injini mönö uruñini melenja nongöreñ kaget.’

31 *“Anutunöñ nalö ketanji ali kam kunguma. Yanön nalö miangöreñ ambazip gölmenji gölmenji pakpak mal anjei, mi tokom neñgiba keunini kewöta törörök jim teköma. Yanön azi kun keunini jim tekömapköra möwölöhöba jimtekötekögö kukösumñi böröñe alök. Yanön azi mi mem guli kömupñöhök wahöriga mewö miangön kukösumñi ketanji mi ambazip pakpak kondel neñgiiga eka mötzin. Azi kömupñöhök wahöröhi, yanön mönö jimtekötekö Tonina akza.”*

\* 17:24: 1 Kinj 8.27; Ais 42.5; Apo 7.48

\*\* 17:28: Mötmöt azi ketanji Pol yanön mötmöt jakenji jakenji öngöba Grik yeñgöreñ buk murutñi murutñi oyoñda möt kutuba miangöreñök keu kötnji kötnji amqeba memba aukñe jiyök.

<sup>32</sup> ‘Anutunöŋ azi kun kömupnöhök mem gulii wahöröhi,’ tosatŋan keu mi möta mepaqe-paiköget. Mewö aketmö, tosatŋan kewö jiget, “Keu jizani, nini mi kunbuk mötpingö mötzin. Miangöra gi ölop nalö kunöŋ keu mi toroqeba jim tuariman.”

<sup>33</sup> Mewö aketka Polnöŋ yeŋgö sutŋineyök wahöta eŋgömosöta anök.

<sup>34</sup> Anökmö, tosatŋan kaba Jisös möt nariba yambuk toroqeget. Möt narigeri, yeŋgö sutŋine Areopagus kaunsöl kambu yeŋgö jitŋememe azi kun qetŋi Dionisius malök. Mewöyök ambi ketanŋi kun qetŋi Damaris aka tosatŋan yetpuk toroqeba möt nariget. Mewö.

## 18

### *Polnöŋ Korint sitinöŋ ani uruŋini melenget.*

<sup>1</sup> Yuai mi asuhuiga Polnöŋ Atens siti mosöta Grik siti kun qetŋi Korint miangöreŋ anök.

<sup>2</sup> Korint anda Juda azi kun qetŋi Aqila miwikŋaiyök. Aqila yaŋön Eisiagö prowinsŋi qetŋi Pontus miangöreŋ ahuba könaŋgep mindimindiri siti Rom anda malök. Miangöreŋ mali sisa kiŋ qetŋi Klodius yaŋön jimkutukutuŋi kewö alök, “Juda ambazip iŋini mönö körek pakpak Rom siti mosöta deŋme.” Mewö jiyöhaŋgöra aka Itali kantri mosöta Grik geba nalö miangöreŋ Korint kaŋgorök. Kaŋgoriga Polnöŋ miwikŋaiba i aka anömŋi qetŋi Prisila yetköreŋ anök.

<sup>3</sup> Malmalŋiri naŋgöbitköra opo koumŋi koumŋi meyohot. Polnöŋ mewöyök opo seri koum meme azia. Miangöra yetköreŋ ani nupŋini öröröŋ ahöiga yetpuk mala ahöba opo seri koum nup mohotŋe meget.

<sup>4</sup> Memba malgetka Sabat kendon dop köuluk mire öngöba Juda aka Grik ambazip yembuk Jisösgö könaŋi erauba mesinŋda uruŋini melenmegöra kuŋgum eŋgiba malök.

<sup>5</sup> Kuŋguba mali alayahötŋi Sailas Timoti yetkön Masedonia prowinsnöhök kaŋgorohotka Jisösgö Buŋaŋi nalö dop jim asariba malök. Mewö mala Jisösnöŋ Amötqeŋe Toŋi Kraist akzawi, miangö könaŋi aukŋe kondela keu mianön Juda ambazip uruŋini kuŋguyök.

<sup>6</sup> Uruŋini kuŋguyökmö, Pol tuarenjoŋ aka uruqeŋe keu töhöreŋ jim waŋgigetka böröŋan jeŋine kuŋguba sölburaŋi töŋjörari eriga kewö jiyök, “Nöŋön köpösihit qahö akiga iŋini ayuhaba miangö likepŋi mi mönö nöŋgö qakne albingö osime. Mi nanŋinak bisime. Iŋini Buŋa keu qetalgetka nöŋön ölop eŋgömosöta merak kinda öngömawi, miangöreŋ kian kantri ambazip yeŋgöreŋ elenŋda anmam.”

<sup>7</sup> Mewö jiba eŋgömosöta köuluk miri göraŋe azi kun qetŋi Titius Jastus yaŋgö mire öngöba malök. Yaŋön Juda azia qahöpmö, töndup Anutugö waikŋi memba möpöseiba malök.

<sup>8</sup> Göraŋe anökmö, köuluk mirigö galöm qetŋi Krispus aka yaŋgö anöm-moröŋi yeŋön körek uruŋini melenŋda Kembu möt nariget. Mewöŋanök Korint ambazip tosatŋi Polgöreŋ keu mötkeri, yeŋgöreŋök gwötpukŋan Jisös möt nariba uruŋini melengetka o melun mem eŋgiget.

<sup>9</sup> Polnöŋ suŋgem kunöŋ gaun ahöiga Kembunöŋ kutum wasöriŋa imut ehiga kewö jii mörök, “Gi keŋgötki kude mötmanmö, Buŋa keu mönö köhöiba jiba malman.

<sup>10</sup> Siti kiangöreŋ ambazip kambu gwötpuk yeŋön nöŋgö buŋaya akze. Miangöra nöŋön göbuk malbiga kuŋŋan yuai kun qahö könaŋiba mem bölim gihima.”

<sup>11</sup> Mewögöra Polnöŋ nalöŋi mem köriŋa yeŋgö sutŋine (yara) yambu mohot aka köiŋ 6 miangö dop mala Anutugöreŋ Buŋa keu kusum eŋgimalök.

<sup>12</sup> Kusum eŋgimalökmö, Rom yeŋön azi Galio kuŋgugetka Akaia prowinsgö kiap gawönö malöhi, nalö miangöreŋ Juda jitŋememe yeŋön mindiriba Pol tuarenjoŋ ak waŋgiba öröba keu jakeŋe al waŋgiget.



13 Keu kewögöra al wanjiget, “Azi kianön ambazip enjololoj ak enjimakza. Rom yenön jimkutukutuñini alget ahözawi, yanön ambazip köna mi qösököba Anutugö waikñi memba möpöseimegöra uru kuñgum nenjimakza.”

14 Keu mewö silenje ala jigetka Polnön keu jimamgö aiga kiap gawönö Galio yanön Juda ambazip yengöra jiyök, “Juda ambazip engö sutñine kunñan azi qei kömumbawak me pinjit bölöñi kötökñi kun akawak ewö, miangöra nöñön ölop keuñini kezap ala mötpileñak.

15 Mimö, engö sutñine mötnaripkö keu asuhuiga qet murutñi murutñi qeta anjururuk aka jimkutukutuñini denöwö akñei, mi mönö nanñini lömbötñina. Nöñön yuai mewöñi mi kewöta jim tekömamañgö dop qahö akzal.”

16 Mewö jiba keu jakeneyök enguatanögöiga etket.

17 Eta nanñinök mindiriba mohotñe luhuba köuluk mirigö galöm qetñi Sostenes mi geraköba memba kaba keu jakenañgö köna numbuñe ala qeget. Qegetka kiap gawönö Galionön mi eka miangöra möriga ölni kun qahö ahök. Mewö.

### *Polnön nanñi miriñe Antiokia sitinön lilingöyök.*

18 \*Polnön töndup toroqeba Korint sitinön silim gwötpuk malök. Mal teköba urumelen alaurupñi yaizözkök keuñini jiba engömosöta Prisila aka Aqila etkömemba köwetnön geba wanjegöra mamböta tatket. Mutuk Anutugö jene kewö jiyök, “Nöñön Anutugö nupñi pöndañ kapañ köla memam.” Keu mewö jiba mi jöjopañ keunön jöhöba malök. Nalö mi teköiga köwetnön miri qetñi Senkria miangören geba jöjopañ keuñangöra jiiga nörop jupñi mitiget. Wanje kun Siria prowinsnön anmamgö ahöhi, mi miwikñaiba miangören öngöba opo seri öröba mörörengögetka luhutnön nanñi anget.

19 Anda Efesus taonön angota Polnön Prisila aka Aqila etkömosörökmö, nanñak köuluk mire öngöba Juda yembuk Jisösgö könañi eraum mötket.

20 Eraum möta kewö qesim wanjiget, “Gi ölop nalö köröpnñi nembuk malman.” Mewö qesim wanjigetmö, Polnön miangö urumohot qahö ahök.

21 Miangöra yaizözkök kewö jiyök, “Anutunön miangö On! jima ewö, mönö ölop lilingöba engören kamam.” Mewö jiba wanje kunön öngögetka opo seri öröba mörörengögetka luhutnön nanñi Efesus mosöta anget.

22 Anda taon kun qetñi Sisaria miangören angota wanje mosöta gölme köna Jerusalem öngöyök. Öngöba lilingöba urumelen könagesö jölöñini jiyök. Mi jiba tata wahöta geba Antiokia sitinön anök.

23 Antiokia sitinön anda mali sonda tosatñi teköiga engömosöta könanön anök. Könanön anda Galesia aka Frigia prowins yahöt mi ongita miri dop liliköba gwarek pakpak engeka köl gulim enñi köhöiget. Mewö.

### *Apolosnön Efesus aka Korint nup meyök.*

24 Nalö miangören Juda azi kun qetñi Apolos mi Efesus kayök. Apolos yanön Ijiptkö taon qetñi Aleksandria miangören ahuba mala mötmöt mire öngöi teköiga Buña Kimbi Walñangö keuñi ölopñanök möt kutuyök. Mi möt kutuba könañi jii keuñi tandökñi miangöra ambazip miri dop sihim gwötpuk möta söngaiget.

25 Kembangö könañi wuatangöbingö könañi kusum wanjigetka Anutugören köñöp bölamñan uruñe jeyök. Jisösgö könañi törörök diñdiñi kusum enñiba Jonön o melun mem enñiyöhi, miangö könañi ölop möt sölöngöba jiyök. Mi jiyökmö, miangö likepnñi kun mosörök. Unja Töröñan melun mem nenñizawi, mi qahö mörök.

26 Yanön kaba köuluk miri uruñe könahiba keu ösum-mumuñambuk jiyök. Jiiga Prisila Aqila yetkön keuñi möta kinda wanjirohotka yetkö mire anget. Anda Anutugö könañi ölopñanök toroqeba jim asariba jiyohotka mörök.

27 Apolosnön Grik kantrigö bahöñi qetñi Akaia miangören anmamgö möriga Efesus urumelen alaurup yenön kötöngöm wanjiget. Kötöngöm wanjiba Akaia gwarekurup

\* 18:18: Jan 6.18

yenğora kimbi kewö ohoget, “Azi ki mönö köl öröm wanğime.” Apolosnön kimbi mi memba Akaia prowinsnön anda ambazip Anutugö kalem möriamni möt asariba urunini melenjeri, mi gwötpuk bauköm engiyök.

<sup>28</sup> Bauköm engiba “Jisösnön Amötqeqe Tonj akza,” jiba mianğö könani mi Buja Kimbigö keunji keunji oyonđa mianön kondel engii mötket. Juda yenön keu mi möta jitnakölik aketka goranora (noragora) ahuyökmö, Apolosnön Anutugö kukösum qakne kinda keunini aukne qeapköiga etket. Mewö.

## 19

### *Polnön Efesus mala nup meyök.*

<sup>1</sup> Apolosnön Korint sitinön maliga Polnön Antiokia siti mosöta prowins tosatni\* onğita mala mala köwet gorañe Efesus sitinön anğorök. Anğota mianğoreñ gwarek tosatni miwikñaiba enğehök.

<sup>2</sup> Enğeka kewö qesim engiyök, “Inini möt nariba urunini melenjeri, Uña Töröñan mönö nalö mianğoreñ urunine geyök me qahö?” Mewö qesim engiiga kewö melenđa jiget, “Uña Töröñan maljawi, nini mianğö keunji qahöpmahöp mörin.”

<sup>3</sup> Melenđa jigetka kewö jiyök, “Inini mönö wani o melun mem engigerawa malje?” Mewö jiiga melenget, “Nini Jonön o melungöra jiba malöhi, mönö mi mem nenğiget mein.”

<sup>4</sup> \*Mewö melengetka Polnön jiyök, “Jonön Jisösgöra keu jiba ambazip kambu urunini kuñguiga kewö mötket, ‘Nönğö andöne azi kun kamawi, inini mönö i möt nariba urunini melenget.’ Mewö jii möta urunini melenjeri, Jonön i o melun mem engiba malök.”

<sup>5</sup> Mewö jii mötketka Polnön Kembu Jisösgö qetne o melun mem engiyök.

<sup>6</sup> Mem engiba böröñi nöröpñine aliga Uña Töröñan urunine geiga kantri tosatñanğö keu murutni murutni könahiba jiba kezapqetok keu jiget.

<sup>7</sup> Azi mi mindiriba 12 mianğö dop malget.

<sup>8</sup> Polnön köuluk mire öngöba kinda Anutugö bemtohoñanğö könani eraum möta awösamakak kinda suahö ewö urunini kuñgui keunji qeapköbingö osiba malget. Mewö malgetka köiñ karöbut teköyök.

<sup>9</sup> Qeapköbingö osigetmö, tosatñan yanğiseñ aka qahö möt nariba Kembugöreñ könani aukne jim böliba ambazip jeñine luasö jiba kinget. Mewö jiba kingetka Polnön kewöta menden engiba engömosöta gwarekurupñi enğuanğiriga tikep anget. Tikep anda azi qetñi Tiranus yanğö qenjarök mötmöt jakenön silim dop (aua 5 tokoba) kusum engiiga eraum-mötmöt aka malget.

<sup>10</sup> Mewö aka malgetka Kembugö Buja keujan sehiiga (yara) yambu yahöt teköyök. Mi teköiga Buja keu mi Eisia prowins uruñe miri tonj aka Juda ambazip pakpak yanğö kezapñine gei möt teköget. Mewö.

### *Sewa nahönurupñan öme közölbingö osiget.*

<sup>11</sup> Anutugö kukösumñan Polgöreñ anğoriga nup memba böröñi ambazip nöröpñine ali Anutunön anğöletot murutni murutni meiga asuhuget.

<sup>12</sup> Mewö mali ambazip kawöl enğöhöi malgeri, tosatñan Polgö sileneyök nönğöp mitimiti aka opo jöhanñi tosatni mewöyök memba anda kaba qakñine algetka kawölñini engömosöri ömenjini kota angetka ölöwaket.

<sup>13</sup> Juda sile galöm tosatñan liliköba öme enğuatangöba anda kaba malgeri, yenön mewöñanök könahiba ömenön kölkölñinjin mem engigeri, yanğö qakñine Kembu Jisösgö qetñi qeta ösumñi köl öröbingö esapköget. Esapköba kewö jiget, “Polnön Jisösgö qetñi qeta uru kuñgum nenğimakzawi, nönjön mönö Kembu mianğö qetne öme kota kesalmegöra jim kutum enğizal.”

\* **19:1:** Gölme mi nalö kewöñe kantri qetñi Töki (Turkey) mianğö uruñe ahöza.

\* **19:4:** Mat 3.11; Mak 1.4, 7-8; Luk 3.4, 16; Jon 1.26-27

14 Jisösgö qetnji mewö qetkeri, yeŋgö sutnjine Juda jike nup galöm bohonji qetnji Sewa yangö nahönurupnji 7 yeŋjön mewöyök malget.

15 Yeŋjön ömewöröme kun mewö jim kutum wangigetmö, yaŋön melenja kewö jim enġiyök, “Ni Jisös möt wangizal aka Pol möt wangizalmö, inġini mönö ninġia?”

16 Mewö jim enġiba azi uruŋe kinöhanjön mönö luhuba qaknjine öngöba qeraköba enġömeyök. Mewö körek pakpak luhut ala yayapalelen mem enġiba silenġini kutumutuba opo malukuŋini munjukunjurariyök. Munjukunjurariga nannġik nannġik silenġine sepgwörörök eta kini tököba kesala miri uruŋi mi mosöta silenġini gwamönġi aukne eta angaiget.

17 Mewö asuhuiga Juda kian aka gölme tonġi Efesus malgeri, körek yeŋjön miangö buzupnji möta gwötpuk auruba awöwöliget. Awöwöligetka tosatnjan Kembu Jisösgö qetnji kapan köla möpöseigetka aködammunġambuk ahök.

18 Möt nariba uruŋini melenġeri, yeŋgöreŋök gwötpuknjan anda siŋgisöndoknġini indela jim kölenġet.

19 Tosatnjan qarösonġo amötqeqe memba malgeri, yeŋgöreŋök gwötpuknjan buk papianġini memba kaba tokoba ambazip pakpak yeŋgö jeŋjine kinda aukne könöpnöŋ gilget jeyök. Buk papia miengö söŋgöronġini oyoŋda mindirigetka mindimindiri jaŋgöŋini mi silwö moneŋ (Kina) 50.000 miangö dop ahök.

20 Tandök mewö aketka Kembu Buŋa keuŋan mönö ösum-mumuŋambuk sehiba köhöiba anök. Mewö.

### *Polnöŋ nupŋangö areŋi alök.*

21 Yuai pakpak mi asuhum teköiga Uŋa Töröŋan Pol sölölohöm wangii keuŋi jöhöba kewö jiyök, “Ni köwet kutuba Grik kantrigö likepġi yahöt Masedonia aka Akaia miangöreŋ liliköbi teköiga mosöta Jerusalem sitinöŋ anmam.” Mewö jiba toroqeyök, “Miangöreŋ anda tata Jerusalem mosöta Rom siti mewöŋanök anda ekġam.”

22 Mewö jiba neŋakġi yahöt Timoti aka Erastus melaim etkiiga Masedonia anohotka nannak toroqeba nalö tosatnji Eisia prowins uruŋe malök. Mewö.

### *Efesus yeŋjön bim karim aket.*

23 Efesus sitinöŋ Kembugöreŋ köna wuatangögetka miangöra nalö miangöreŋ enjololon göjupmajup keta bölöknġi asuhuyök.

24 Silwö nup meme azi kun qetnji Demetrius yaŋön silwö ohoiga kolkolġöiga qekötahöba bem ambi qetnji Artemis yangö jöwöwöl jikegö dop imut morömorö memba malök. Mi meiga bohonji memba malgetka moneŋ öŋgöŋgöŋi öroi kölköl-örörö alaurupnjan mendenja meget.

25 Megetka Demetrius aka kambu tosatnjan nup mewöŋi memba malgeri, mi mohotne enġoholi kaba tokogetka kewö jii mötket, “Azi alaurup, nini nup ki meinga bohonji ölöpnġi asuhuba kamakza, mi mötzin.

26 Mi mötzinmö, Pol azi mianjön Efesus kiangöreŋ kaŋgota ambazip uruŋini esiba ki aka Eisia prowins pakpak dop köla ambazip kambuŋi kambuŋi kuŋgum enġii janjuŋ akzei, mi nalö kewöŋe ölöp eka mötze. Yaŋön kewö jimakza, ‘Bem börönöŋ memenġi mi bem ölnġi qahö.’

27 “Mewö jiba maliga nini kölköl-örörö nupnini memakzini, miangö qetnji mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruŋe aka gölmenġi gölmenġi pakpak miangöreŋ bem ambi öŋgöŋgöŋi Artemis waikġi memba möpöseimakzei, yangö bem qetbuŋaŋi ketanjan ayuhuba ösumnjan etpapuk aka jöwöwöl jikeŋangö qetnjan böliba ambazip jeŋjine eta omanġi akapuk. Urulömböt mewö ahöza. Miangöra waimanġat möta keu ki jizal.”

28 Demetriusnöŋ mewö jiiga sunġurum alaurupnjan mi möta irimġini seholiiga kewö jiba qet gigilahöget, “Efesus neŋgöreŋ Artemis mi öŋgöŋgöŋi!”

<sup>29</sup> Qet gigilahögetka enjololon göjupmajup mianön sehiba sehiba siti körek dop kölök. Mewö aiga Masedonia azi yahöt qetnji Gaius aka Aristarkus Polgö sungurumyahötñi mi qeraköba etkömembra örörahöm etkiba qezakqezak mirinön anda totoko alget.

<sup>30</sup> Totoko algetka Polnön mewöyök ambazip kambuleleme yengö sutñine anmangö mörökmö, urumelen ambazipnön i angön köl wangiget.

<sup>31</sup> Eisia prowinsgö galömkölköl azi tosatñan Polgö alaurupñi akeri, yenön mewöyök kolek ala kewö ulet wangiget, “Qezakqezak mirinön totoko aljei, gi mönö nangi miangören kude kondel engiman.”

<sup>32</sup> Totoko algeri, miangören ambazip gwötpukñan kinda tokogerañgö könañi kun qahö mötkerañgöra nanñik nanñik lanlan qet gigilahöba siksauk enjololon ketañi megetka sehiba anök.

<sup>33</sup> Mewö ani Juda yenön azi qetñi Aleksander kuñguba nangögetka kambu yenön öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimangö möta börö pözön misiba aiwesök mem engiyök.

<sup>34</sup> Aiwesök mem engiyökmö, Juda azia akzawi, mewö möt kutuba miangörenök numbuñini mindiriba körekñan könahiba keu kewö qetket, “Efesus nengören Artemis öngöngöñi mi öngöngöñi!” Mewö qeta mala aua yahötkö dop silata qeta kinget.

<sup>35</sup> Qeta kingetka siti pomñan ambazip kambu uruñine memba eta ali görön algetka kinda kewö jiyök, “Efesus ambazip, nini nanine siti kiangören Artemis öngöngöñi mi möpöseiba maljin. Nini yangören jöwöwöl jike aka köt imutñi kömbukñi Suepnöhök eröhi, mi galöm köla maljin. Keu mi inñi körek ölop mötze.

<sup>36</sup> Mi kunñan qañ kölmawangö dop qahö. Miangöra inñi mönö uruñini ösön memba eta ala böñjön malme. Kezapjupjup yuai kun kude akñe.

<sup>37</sup> Azi ki jöwöwöl jikenön öngöba yuai kun qahö kiom qeba mem böliyohot. Bem ambinini qahö ilit wangiyohot. Inñi töndup i etkuangitketka ki kinjahot.

<sup>38</sup> “Demitrius aka yangö kölköl-örörö alaurupñan tosatñi yembuk angururuk aka keu jim angubeak ewö, kiap mönö ahöze aka keu jakegö totokoni totokoni mi keu mindingöbingöra alakze. Miangöra mönö ölop miangören anda keu jakeñe al anguba arönña kingetka dop kölma.

<sup>39</sup> Inñi yuai kun toroqeba jibingö mötpeak ewö, siti kiangö tonan mönö ölop könagesö öröm engiiga qenjarök sombemnön tokoba keu kewöta jim teköme.

<sup>40</sup> Merak enjololon göjupmajup ketañi ki könañi qahöpmö, töndup imbisölöm asuhuzawi, mi Rom gawman yenön möta kewö jibepuk, ‘Efesus yenön Rom mindimindiri gawman qetala bim karim akze.’ Mewö jiba keu jakeñe al nengibepuk. Miangö urulömbötñi akza, mi mötzal. Keu jakeñe al nengiba karim kiangö könañangöra qesim nengibeak ewö, nini mönö likepñi gagabe köla jibinangö dop qahö mötzin.”

<sup>41</sup> Efesus siti pomñan keu mewö jiba ambazip kambu könden engiiga söörauba denña anget. Mewö.

## 20

### *Polnön Masedonia aka Grik anda nup meyök.*

<sup>1</sup> Efesus miangören göjupmajup mianön sörauba teköiga Polnön gwarekurupñi engoholi kagetka urugö nangönañgö keu qambañ engiba yaizökzök jiba engömosöta Masedonia prowinsnön anök.

<sup>2</sup> Masedonia anda gölmeñi gölmeñi kutuba liliköba miangören qambañ keu gwötpuk jiba mala Grik kantrinön kayök.

<sup>3</sup> Grik kaba köinj karöbut malök. Mi mal teköiga wange memba köwet kutuba Siria anmangö mörök. Mewö mörökmö, Juda jitmeme yenön könanön qebingö angönañ algetka kezapñe gei mörök. Mi möta miangöra Masedonia prowins kutuba gölme köna miriñe lilingömangö keuñi uruñan jöhöyök.



<sup>4</sup>Keuñi jöhöi sunğurumurupñi kewöñan yambuk anget: Berea azi qetñi Sopater Pirusgö nahönñi, Tesalonaika azi qetñiri Aristarkus aka Sekundus, Derbe azi qetñi Gaius, Timoti aka Eisia prowinsgö azi qetñiri Tikikus aka Trofimus.

<sup>5</sup>Yeñön qeljiñe Troas anda miangörej neñgöra mamböta malget.

<sup>6</sup>Troas anda malgetmö, Luk ni aka tosatñi neñön beret yistñi qahöpkö kendon mi Filipai sitinöñ tarin. Mi tarin teköiga wañgenöñ öngöinga opo seri öröba mörörengögetka luhutnöñ nañgöi anda wehön 5 aiga Troas yeñgöreñ añgorin. Troas añgota miangörej wehön 7 toroqeba malin. Mewö.

### *Polnöñ nalö kondikñi Troas malök.*

<sup>7</sup>Wehön 7 malin teköiga Polnöñ wehön 8 miangörej engömosöta anmamgö mörök. Mi möta sunğem kondikñi Sondagie miangörej tokoba Jisös mötmöriba beret mindipköbingöra tarin. Mewö taringa Polnöñ yembuk eraum möta keuñi jim köriba mali mali sunğem bibiñi ahök.

<sup>8</sup>Nini miri uruñi kungö qakñe eu öngöba tokoba taringa lambe gwötpukñan jeba asariget.

<sup>9</sup>Tokoba taringa azi gwabö kun qetñi Yutikus yañön jeñgenaññöñ tarök. Tari Polnöñ keu jiba mali möri nalö köriiga gaunñangö möta ahöba gwörörök öröba könakembayök tala imbiñi qahö möta miri uruñi karöbut oñgita gölmenöñ geba qeyök. Geba qeiga luhuba geba memba wahöringa kömuyöhi, ehin.

<sup>10</sup>Mewö ehinmö, Polnöñ geba kepölaköba jiyök, “Kunbuk söngörö ösum ala guliza. Miangöra kude awöwöliget.”

<sup>11</sup>Mewö jiba kunbuk eröhañgöreñ öngöba beret mindipköba neyök. Nemba yembuk nalö köröpñi keu jiba mala mala miri gianjiigun engömosöta könanöñ anök.

<sup>12</sup>Aniga azi gwabö mi wañgitketka guliba malöhi, mi eka urukölalep ketañi möta anget. Mewö.

### *Polnöñ Troas mosöta Miletus anök.*

<sup>13</sup>Yeñön angetmö, Polnöñ nanñak gölme köna anmamgö möta kewö jim kutum neñgiyök, “Inini mönö qeljiñe köwet köna miri qetñi Asos miangörej angetka aitonğöba noañgitketka wañgenöñ öngöbin.” Miangöra neñön mosöta wañgenöñ öngöinga opo seri öröba mörörengögetka luhutnöñ nañgöi anda Asos miangörej añgorin.

<sup>14</sup>Asos añgota nembuk aitonğöba Pol wañgiringa wañgenöñ öngöba miri qetñi Mitilini miangörej anin.

<sup>15</sup>Mitilini anda miangörej opo seri kunbuk öröba mörörengögetka luhutnöñ nañgöi anda mala ahöba wahöta gölme jöhanñi qetñi Kios miangö kösutñe añgorin. Añgota toroqeba kutuba anda ahöba wahötagun miri qetñi Samos miangörej geba kunbuk anda ahöba wahöta miri qetñi Miletus miangörej kewögöra añgorin:

<sup>16</sup>Polnöñ “Yambu dölökñi (Pentekost) mi esapköba Jerusalem sitinöñ tatmam,” jiba nalö ayuhubinbuköra ösumok anbingö mörök. Miangöra Eisia prowinsnöñ nalö köröpñi ayuhubinbuköra möta wañgenöñ öngöba Efesus siti oñgitpingö keuñi jöhöi malin. Mewö.

### *Polnöñ Efesus yeñgöra keu kondikñi jiyök.*

<sup>17</sup>Miletus añgoringa Polnöñ Efesus yeñgöra kolek ala urumelen könağesögö jitiñememurup yeñön eta kamegöra köl öröm eñgiyök.

<sup>18</sup>Köl öröm eñgii miri qetñi Miletus miangörej kañgotketka eñgeka kewö jii mötket, “Nöñön nalö mutukñi Eisia prowinsnöñ kayali, miangörejök könağiba nalö pakpak embuk mala kota nup meali, inini miangö tandökñi ölop möt yaköze.

<sup>19</sup>Nöñön Kembugö jeñe uruni mem et al añğum teköba nupñi denöwö memba kota malali, inini mi ölop mötze. Nupñi memba ambazip eñgöra sahöta imbilni eriga malal. Juda yeñön uruñini qahö melenğeri, yeñön nalö tosatñi miangörej silenöñ alal aket

aka nunḡubingöra arenḡ asa-asambötḡi ala malget. Mi ala malgeranḡöra aka esapesap murutḡi murutḡi miwikḡaiba sihimbölö möta malal.

<sup>20</sup> “Nöḡön Buḡa keu mem ölöwak enḡimakzawi, mi jim asarim enḡiba malal. Mi qenjaröknöḡ tokoba aka mirinḡi mirinḡi mianḡöreḡ öḡḡöba kusum enḡiba malal. Nöḡön mianḡöra poraiba nup qahö mosöral.

<sup>21</sup> Nup qahö mosöralmö, Juda kian aka gölme tonḡi enḡöra mewöyök keu köḡḡi kewö nanḡöba jiba malal, ‘Inḡini mönö urunḡini melenḡa Anutugöreḡ qekötahöba Kembunini Jisös Kraist möt narim wanḡime.’ Inḡini mi pakpak ölöp möt teköze.

<sup>22</sup> “Mötket, merak Uḡa Töröḡan ni Jerusalem sitinöḡ anmamḡö kuḡḡum ninḡiza. Mianḡöreḡ anbi wani yuai asuhum ninḡimawi, mi qahö mötzal.

<sup>23</sup> Mohok-kun kewö mötzal: Nöḡön taon denike denike anda malali, Uḡa Töröḡan mianḡöreḡ saḡep ala kewö nanḡöba jii möta malal, ‘Gi mönö kahasililinḡ möta malnönḡa kösö mire al gihigetka tatman.’

<sup>24</sup> \*Mewö jii möta malalmö, muat. Nöḡön toroqeba malbilenḡak me kömumbilenḡak, mi keu kun qahö ak ninḡiza. Mi qahöpmaḡöpmö, Kembu Jisösnöḡ nup al ninḡiyöhi, nöḡön mönö mia mem yakömamḡö möt köhöizal. Yanḡön nöḡöra kewö jiyök, ‘Anutunöḡ kalem möriamḡi ambazip enḡimamḡö mötzawi, gi mönö mianḡö Ölöwak Buḡanḡi jim asariba malman.’ Mianḡöra gölmenöḡ malmami me kömumami, mi mönö yuai omanḡi kötökḡi ak ninḡiza. Ambazip mönahotkö aonḡit akzei, kunḡan mianḡöreḡ kembanḡe kutuba luhut qahö alma. Nöḡön mönö mianḡö dop nupḡi memba kembanḡe kutuba mosötpilenḡbuköra ösumni pakpakḡan kapanḡ köla anda malmam.

<sup>25</sup> “Mewö malmam-mö, mötket, nöḡön enḡö sutḡine anda kaba Anutu bemtohoḡanḡö könanḡi jim asaribi mötkeri, inḡini nöḡö jesöḡöröni mi kunbuk qahö ekḡe. Enḡöreḡök kunḡan kun qahö nekḡawi, merak mewö mötzal.

<sup>26-27</sup> Mianḡöra nöḡön inḡini Anutugö jitḡi pakpak wuatāḡömegöra jiba uru kuḡḡum enḡiba malal. Mi mönö qahö poraiba mosöral. Mianḡöra enḡöreḡök kunḡan kun sinḡisöndokḡanḡöra sohoba kömumba könöḡp sianöḡ gema ewö, inḡini mönö ni jim ninḡibingö osime. Nöḡön mi merak enḡöra aukḡe nanḡöba jim köhöizal.

<sup>28</sup> “Kembunöḡ nanḡi sepḡi mokoba mianḡön könagesöurupḡi bohonnḡini meiga buḡanḡi ak teközei, inḡini mönö i lama ewö galöm köla köyan köl enḡiba malme. Uḡa Töröḡi yanḡön nanḡak nup mi al enḡiyök. Mianḡöra inḡini mönö nanḡini aka Kembugöreḡ lama kambu yenḡöra galömḡini mem anḡuba malme.

<sup>29</sup> Nöḡön anbiga mianḡö andöḡe ambazip kanjamḡinambuk mi kiam kalḡi ewö enḡö sutḡine asuhume. Yenḡön asuhuba lama kambu enḡöra qahö möta piakḡi aka laḡ kaba enḡöhöme, mi mötzal.

<sup>30</sup> Nanḡini sutḡineyök azi tosatḡan wahöta kinda Jisös gwarekurupḡan göranḡe anmegöra öröm enḡiba munḡe keu jiba malme.

<sup>31</sup> Mianḡöra inḡini mönö uruguliguli mala keu ki uru könöḡḡine ala mötmörime: Nöḡön (yara) yambu karöbutkö dop sunḡem asak qambanḡ keunḡi keunḡi mi inḡini mohot mohot qösösök (qörörök) kusum enḡiba malbiga imbilni erök.

<sup>32</sup> “Nöḡön merak inḡini Anutugö böröḡe al enḡiba kewö jizal: Yanḡö Buḡa keunḡan mönö kalem möriamḡi indela köyan köl enḡimakḡa. Anutunöḡ köhöiba urunḡini nanḡöba möhamḡöiga ölöp köhököhöi miwikḡaiba mutulanḡömakḡe. Inḡini Anutubuk lapinḡögetka alaurupḡi pakpak tök kutum enḡiiga sarakḡi akzei, mönö yenḡö sutḡine anḡota dum tatatḡini memba oyaenḡoyaenḡ aka malme.

<sup>33</sup> Ni enḡöreḡök kungö guli jalö me monḡe opo mi qahö buḡa qem anḡumamḡö möta malal.

<sup>34</sup> Ni aka sunḡurumurupḡan yuaigöra osiba malini, mi mönö nani böröni kianḡön nup memba miwikḡaiba malal.

\* 20:24: 2 Tim 4.7

<sup>35</sup> “Mi pakpak aka memba silik ölopni kondel engial. Inini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köl engiba malme. Nup megetka ölni ahuiga Kembu Jisösgöreñ keu ki mötmörime: Yanön nanjak keu kun kewö jiyök, ‘Inap yuai buña qem angugetka teköba pömsöm qeiga öne malmemö, tosatni yengöra yuai kalemñina engigetka Anutunöñ likepni melenñiga oyaenköyaen akne.’ Mewö.”

<sup>36</sup> Polnön keu mewö jiba eta simin köla körek yembuk Anutu köuluköyök.

<sup>37</sup> Köuluköiga körek yeñön amburereñ aka urusahöt qeba anjum wanjiba numbuñi yöhötüm neget.

<sup>38</sup> Polnön mutuk keu kun kewö jii mötket, “Inini nöngö jesöngöröni kunbuk qahö ekne.” Keu mewö möta miangöra wösöbirik öngöngöñi möta kinda wanjita wanjenöñ öngöba yaizözkök jiba umbulget. Mewö.

## 21

### *Polnön Jerusalem anök.*

<sup>1</sup> Yaizözkök jiba nenjömosötketka opo seri öröba möröreñgögetka luhutnön nanjöi anda gölme jölanñi qetni Kos miangöreñ göröken diñdiñanök anda angorin. Angota ahöba wahöta toroqeba gölme jölanñi qetni Rodos miangöreñ anin. Miangöreñök toroqeba Lisia prowinsgö miriñi qetni Patara miangöreñ angorin.

<sup>2</sup> Angota kinda wanje kun Fonisia gölmenöñ anmamgö ahiga mi miwikñaiba miangöreñ öngöinga opo seri öröba möröreñgögetka luhutnön nanjöi anin.

<sup>3</sup> Anda mala gölme jölanñi qetni Saiprus miangö kösutne kaba eka mösököba Saut görökenök onjita toroqeba luhutnön nanjöiga Siria prowins göröken anin. Anda “Wangegö inapni mi Taiö taonöñ anda wanjenöhök memba albin,” jigerangöra miangöreñ anin. Miangöreñ anda wanje mosöta gein.

<sup>4</sup> Geba gwarekurup miwikñaim engiba yembuk toroqeba wehön 7 malin. Miangöreñ malinga Uña Töröñan sölölohöm enjii Pol Jerusalem sitinöñ anwapuköra galöm meme keu jiget.

<sup>5</sup> Mi jigetmö, nini wehön 7 mi yembuk malin teköiga engömosöta köna anin. Köna anbin jiinga yeñön körek pakpak anöm-moröurupñinambuk nenjubula taon mosöta silene kaget. Taon silene kaba köwet sakne eta simin köla Anutu köuluköin.

<sup>6</sup> Köuluköba yaizözköknini jim anginga Jerusalem anbingöra wanjenöñ öngöinga yeñön miriñine lilingöget.

<sup>7</sup> Pol aka nini yanjö sungurumurupñan mewö Taiö mosöta toroqeba anda miri qetni Tolemes miangöreñ anggota wanje mosörin. Wanje mosöta urumelen alaurup jölönjini jiiñ aka yembuk wehön mohot malin.

<sup>8</sup>\*Mala ahöba wahöta engömosöta gölme köna anda Sisaria taonöñ kanjorin. Jerusalem urumelen kambu urune urukunjukunju azi (ewanjelis) sewen meköm engigeri,\* yengöreñök kun qetni Filip yanön Sisaria malök. Neñön Sisaria kangota yanjö mire anda tata ahöin.

<sup>9</sup> Filipkö böraturupni 4 malget. Anutunöñ ambi seram miengö uruñine kezapqetok keu jijigö mötmöt kalem aliga malget.

<sup>10</sup>\*Neñön Sisaria taon miangöreñ wehön gwötpuk toroqeba malin. Miangöreñ malinga Juda prowinsnöhök kezapqetok azi kun qetni Agabus erök.

<sup>11</sup> Nengöreñ eta Polgöreñ örigit memba miangön nanñi köna böröñi jöhöba kewö jiyök, “Uña Töröñan kewö jiza, ‘Juda jitnememe yeñön örigit kianjö tonji mi Jerusalem sitinöñ kewö jöhöba kian kantrigö galöm† yengö böröñine alme.’ ”

\* **21:8:** Apo 6.5; 8.5 \* **21:8:** Aposol nup meme boñ 6 miangöreñ azi 7 mi meköm engigetka nanjönanjö nup aka ewanjelis nup mi mindiriba meget. \* **21:10:** Apo 11.28 † **21:11:** Kian kantri yengö böröñine alget, mi Rom gawman yengöra jiza.

12 Mewö jii möta nini aka urumelen alaurup miangören malgeri, yeñon mohot Polnön Jerusalem anhapuköra uleta qetal wanjiin.

13 Qetal wanjiinga kewö melenja jiyök, "Inini mönö denöwö akze? Sahöta keu jiba mewö mianön uruni munjuratze. Nöñon Jerusalem anbi gwaröhöm ningimegöra jöjörözal aka miyök qahöpmö, Kembu Jisös qetjanğora aka nuñgugetka kömumbilenjak, nöñon mönö miangöra mewöyök jöjöröba kinjal."

14 Mewö jiiga mölöwörim wanjibingö osiba urunini böñjöh köliga kewö jiin, "Mi mönö Kembugö jitsihitjanğö dop asuhuma."

15 Sisaria taonöh malin nalö mi teköiga amğöba mözözömgöba engömosöta anda Jerusalem sitinöh öñgöin.

16 Sisaria miangörenök gwarek tosatjan mewöyök neñgö köinini kaget. Kaget yeñon kewö jiget, "Inini Saiprus azi qetji Nason yanğö mire ahöba malme." Mewö jiba neñguanğita yanğö mire anin. Nasonöh mutuhök urunji melenja Jisösgö gwarekñi aka mala korök. Mewö.

*Polnön Jerusalem sitinöh kanğorök.*

17 Neñon Jerusalem anğoringa urumelen alaurup yeñon neñgömembra söñgaiba jölöhñini jiget.

18 Jölöhñini jigetka ahöba wahöta Polnön nembuk bisop Jeims ekingö möta anin. Aninga urumelen könagesögö jitnememe yeñon körek pakpak miangören kanğota tatket.

19 Tatketka Polnön jölöhñini jiba kösohotñi alök. Anutunöh köiput aka nam köl neñgiiga kian kantri yeñgö sutñine anda liliköba misin nup meinga ölnji ahuyöhi, miangö kösohotñi mesinda mohot mohot mi körekñanök jii mötket.

20 Mi jii möta Anutu möpöseigetka azi ipñi kunjan kewö jiyök, "Pol alanini, Juda ambazip tausenni tausenni yeñon Jisös möt nariba urunini melenja töndup körek pakpak toroqeba Mosesgö Köna keu mi törörök wuatangöbingö kapan kölje.

21 Mewö kapan köljemö, göhö buzupki mi kewö lan jiget mötket, 'Juda ambazip denja kian kantri yeñgö sutñine anda maljei, göñon liliköba i kewö kusum engiba maljan, jimakze, "Inini mönö Mosesgö köna keu andö qeba Anutugören aiwesök mi azi morosepsep silenine kude yandime aka Juda ahakmeme tosatñi mi kude wuatangöme."

22 "Mi jimakzeanğora aka göñon kazani, yeñon mi möta miangörenök öröba kambu ketanji köla tokobeak. Miangöra nini waimanjat möta mönö denöwö ahinga dop kölbowak?

23 \*Miangöra neñon döлки keu göhöra jibini, göñon mönö miangö dop akñan. Azi 4:ñan yuai akingö keunini Anutugören jiba jöjopañ keunöh jöhöget.

24 Mi keunöh jöhögetmö, monengöra osiba mamböta sutnine ki malje. Miangöra göñon mönö i engömembra yembuk köl könjorat ak anguba yeñgöra aka naluk alnöhga dop köli ölop nörop jupñini mitigetka keunini köhöima. Göñon mewö aka Mosesgö Köna keu tem köla wuatangöba maljani, körek pakpak göhö könañamgi mi törörök eka möt asarime. Mi möt asariba göhöra keu jiget mötkeri, mi ölnji kun qahö miwikñagetka omani aiga kömuma.

25 \*Göhören keu kömumapmö, kian kantri yeñon Jisös möt nariba urunini melenjeri, neñon yeñgöra keu kewö jöhöba kimbi ohoba alin anök, 'Sömbup busunji bem lopion yeñgö naluk bunja qeba könañine algetka ösumñinan walöhñöhi, mi mönö kude neme. Mewöyök sep me sömbup jölñini qeçenji miangö busunji mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.' "

26 Jitnememe yeñon mewö jigetka Polnön azi 4 mi engömembra ahöba wahöta yembuk köl könjorat ak anguget. Ak angugetka jöwöwöl jikenöh öngöba azi mohot mohot engöra naluk ala jöwöwöl ohogetka köl könjorat nalöhini tekömawi, miangö nalö buzupñi jii mötket. Mewö.

\* 21:23: Jan 6.13-21 \* 21:25: Apo 15.29



*Jöwöwöl jikegö tohon uruñe Pol memba jöhöget.*

<sup>27</sup> Polnön mi jii mötketmö, silim 7 mi tekömamgö aiga Juda tosatñi Eisia prowinsnöhök kageri, yeñön Pol jöwöwöl jikenön öngöi eket. Eka ambazip kambu körek uruñini kuñgum engiget wahöri Pol qeraköba meget.

<sup>28</sup> Qeraköba memba kewö qetket, “Israel ambazip, mönö bauköm nengiget! Azi kianjön mönö gölmeñi gölmeñi liliköba miri dop kusum engiba uruñini kewö kuñgum engimakza: Inini pakpak mönö Israel ambazip kambu qetala mem bölim nengime. Nanine Köna keu mosöta jöwöwöl jikenine lan öngöba iwilele aka malme. Mewö kusum engiba malök aka merak Grik azi mi tok wañgita jöwöwöl jikenön öngöiga miri kömbukñi kianjön mönö töwiba kölköljinjinambuk akapuk.”

<sup>29</sup> \*Mi kewögöra qetket: Efesus azi Trofimuz yañön mutuk siti könanön Polbuk ani etkeka kewö mötmöriget: Polnön i wañgiri mohotñe jöwöwöl jikenön öngöbahotbuk.

<sup>30</sup> Mewö qetketka ambazipnön enololon aka ösumñinan lulunda kaba tokoba göjupmajup aketka qeburuñ ketani yöhöi siti körek dop kölok. Mewö aiga Pol qeraköba jöhöba jöwöwöl jikenöhök öröba yaigep eta miangörenök jikegö kiripo nanuñi pakpak mi miangörenök köla jöhöget.

<sup>31</sup> Pol jöhöba qebingö kapan kölgetka buzupñi sehiba Rom yarö kambugö suahö galöm bohonñi yañgö kezapñe keu kewö geiga mörök, “Jerusalem pakpak yeñön karim aka bim geze.”

<sup>32</sup> Mewö möta miangörenök yarö azi kambu tosatñi suahö galömñinambuk enuwañgita luhuba yeñgören geget. Gegetka i engeka Pol qegeri, mi mosötket.

<sup>33</sup> Mosötketka suahö galöm bohonñan sutñine anda jim kutuiga Pol memba tapep (muñgamuñga) yahötnön jöhöget. Jöhögetka kewö jiba qesim engiyök, “Azi ki niñia?” aiga “Wania aiga geze?”

<sup>34</sup> Qesim engiyökmö, ambazip kambunöhök keu murutñi murutñi melenña lanlan qetket. Mewö lanlan qeta göju megerañgöra aka könanñi törörök mötmamgö osiyök. Mi osiba miangöra jim kutuiga Pol wañgita yarö azi yeñgö ain kiripo uruñe anget.

<sup>35-36</sup> Wañgita angetka ambazip kambu ketani yeñön könanñine enuwañgöba kaba kewö qetket, “Mönö qeget kömuma. Yapmakek!” Mewö qetketka yarö azi yeñgö ain kiripo nanuñe angoriga könopuk anda kaba göjupmajup ketani akerañgöra aka gwötpuk lömböriyök. Miangöra yarö azi yeñön Pol memba anğuba anget. Mewö.

*Polnön keuwañgö likepñi könahiba melenña jiyök.*

<sup>37</sup> Anğuba kaba yarö azi yeñgö sel uruñe öngöbingö aketka Polnön suahö galöm bohonñi kewö qesim wañgiyök, “Ni göhöra keu kun ölop jimam me qahö?” Qesim wañgiiga möta köñkuñ aka jiyök, “O, gi Grik keu mötzan me?”

<sup>38</sup> Miangöra gi Ijipt azia akzan me qahö? Ijipt azi kunñan uruwale tuarenjon azi timbiñinambuk 4000 mi enololon ak engiiga Rom gawman tuarenjon aka bim karim könahiba aka enuwañgiri gölme qararankölkölñe anget. Gi galöm azi mia akzan me qahö?”

<sup>39</sup> Mewö jiiga Polnön jiyök, “Ni Juda azia. Ni Silisia prowinsgö taon qetñi Tarsus mötzani, mönö miangören ahuba mala koral. Miangöra qesim gihibi: Gi ölop jinönga nöñön ambazip kambu kiengöra keu jibi mötme.”

<sup>40</sup> Mewö jiiga “Ölop jiman,” jiiga Polnön döpnön kinda ambazip enğöra böro misiyök. Böro misiiga göju mosöta keu bök kingetka Hibru keunön keu kewö jii mötket,

## 22

<sup>1</sup> Polnön kinda kewö jiyök, “Azi alaurupni, nöñön keugö likepñi jimami, mi mönö kezap ala mötket.”

<sup>2</sup> Hibru keunön keu jii möta keunini körek bököm teköi kingetka toroqeba jiyök,

\* 21:29: Apo 20.4

<sup>3</sup>\*“Ni Juda azia. Ni Silisia prowinsgö taon qetnji Tarsus mianğörej ahubiga Jerusalem siti kianğörej galöm köl niñgigetka mala qarial. Mala qariba kota böhi qetnji Gamaliel yangö keu bapņe tatpiga yanön Juda ambösakonurupnini yengörej Köna keu aka ahakmeme mi törörök kusum niñgiiga mianğö mötmötņi möta malal. Merak enön körek pakpak Anutugö keu bapņe aņgota kapan köla yangöra bim qeba maljei, nönön mönö mianğö dop aka malal.

<sup>4</sup>\*Mewö mala ambazip Kembangö könaņi wuatangöba maljei, mi kondenđa sesewerowero ak enğibiga sihimbölö möta tosatņan kömuget. Nönön ambazipņi ambazipņi enğuangita tapepnöņ (munğamunğa) jöhöba kösö mire al enğial.

<sup>5</sup>Jike nup galöm bohonņi aka jitņememe pakpak yeņön mi ölop mötze aka yengörej anda qesim enğiinga mi ölop naņğöba jibeak. Yeņön Juda azi ipņi Damaskus sitinöņ maljei, yengöra kimbi ohoba niñgiget memba malal. Mianğörej ambazip Kembangö könaņi wuatangöba maljei, nönön mönö mi mewöņanök ‘Likeņņi melen enğimeğöra gwaröhöm enğiba Jerusalem ki enğuangitmam,’ jiba könanöņ anal.”

*Polnöņ nanņi urumelenanğö könaņi jiyök.*

*Apo 9.1-19; 26.12-18*

<sup>6</sup>“Könanöņ analmö, Damaskus siti dopdowibiga mianğörej yuai kun kewö asuhuyök: Silim bibiņe mianğörej asakmararaņ ketani kun Suepnöhök wölbilik ewö asuhuba wölaņ eta turum niñgiyök.

<sup>7</sup>Turum niñgiiga tala gölmenöņ eta ahöbiga Suepnöhök keu kun kewö asuhui möral, ‘Sol Sol, gi mönö wuanöngöra sesewerowero qakņe al niñgimakzan?’

<sup>8</sup>Mi möta melenal, ‘Kembu, gi daņön?’ Mewö melenbiga jiyök, ‘Ni Nazaret azi Jisös, sesewerowero qakņe al niñgimakzani, nia mönö mi.’

<sup>9</sup>Azi nömbuk kaba kingeri, yeņön asakmararaņ mia eketmö, keu nongöra jiyöhi, mianğö kourukņi kun qahö mötket.

<sup>10</sup>Mewö jiiga nönön qesiba jial, ‘Kembu, mönö nönön denöwö akņam?’ Jibiga jiyök, ‘Gi mönö dölki wahöta Damaskus sitinöņ anöņga Anutunöņ wani yuaia akņangö jimawi, mi kunņan jiiga mötman.’

<sup>11</sup>Asakmararaņ mianöņ jeni qeiga jaņņun aka kinbiga azi nömbuk malgeri, yeņön böröne memba noanğitketka Damaskus sitinöņ anin.

<sup>12</sup>“Mianğörej azi kun qetnji Ananias malök. Yanön Anutu göda qeba Mosesğörej Köna keu törörök wuatangöba malök. Mianğöra Juda ambazip Damaskus malgeri, yeņön körek gödaņi ölopņi ak waņgiba malget.

<sup>13</sup>Yanön nongörej kaba kösutne kinda nongöra kewö jiyök, ‘Sol alani, jegi mönö kunbuk tohayök.’ Mewö jiiga aua nalö mianğörejök jeni tohoiga uba ehal.

<sup>14</sup>Ekiga Ananiasnöņ jiyök, ‘Göņön ahakmeme diņđiņi solanņangö Toņa eknöņga keu jitņan jii könömņi mötnöņ. Nanine ambösakonini yengörej Anutu yanön gi möwölöhöm gihiiga yangö jitsihitņi möt kutuman.

<sup>15</sup>Gi wani yuai eka mötzani, mönö mi naņğöba jiba yangö jitņe memenji aka gölmenji gölmenji ambazip jeņine dangunu ewö kinda malman.

<sup>16</sup>Mewögöra gi wuanöngöra mambötzan? Mönö wahöta yangö qetnji qeta köuluköba jinöņga o melun mem gihiinga siņgisöndoki saņgoņniga solanima.’ Ananiasnöņ mewö jiyök.”

*Misin nup kian kantri yembuk memangöra noholök.*

<sup>17</sup>“Damaskus siti mosöta Jerusalem sitinöņ lilingöba jöwöwöl jikenöņ köuluköbiga Kembangö alburupņan (aņsumbemņan) nunğui kinda imut kun ehal.

\* 22:3: Apo 5.34-39 \* 22:4: Apo 8.3; 26.9-11

18 Imut mianğoreñ Jisös ekiga nongoreñ kaba kewö jiba jii möral, ‘Gi kantri kianğoreñ nongö könani aka Buña keuni mi kude jiba malman. Mi nanğöba jinongga nesampurek aka andö qeme. Mianğöra Jerusalem siti ki mönö ösumok mosöta anman.’

19 “Mewö jiiga jial, ‘Kembu, yeñön könañamni mötze. Nöñön mutuk liliköba ambazip gi möt narim gihizei, mi köuluk miriñi miriñi mianğoreñ öngöba miwikñaim engiba jöhöba ihilek wahiñambuknöñ tauköm engiba tosatñi kösö mire al engiba malal.

20 \*Göhöreñ nupbauk azi Stiwenöñ könañi nanğöba jiiga qeget sepñi mokoi eri nöñön nalö mianğoreñ mewöyök kösutñine kindi imbi köla malukunñini galöm memba kinbiga qeget kömuyök.’

21 Mewö jibiga Kembunöñ nongöra jiyök, ‘Nöñön melaim gihizalawa gi mönö köröwen kian kantri ambazip yeñğoreñ anman.’ Mewö.”

*Romğö yarö azi yeñön Pol galöm kölget.*

22 Polnöñ keu likepñi jiyöhi, mi ambazip kambu yeñön kezap ala mötketmö, (Kembunöñ kian kantri ambazip yeñğoreñ anmamğö jiiga jiyöhi,) keu mi möta mianğoreñök köhöikñanök silata jiget, “Yapmakek! Azi mewöñi mi qeget kömuma. Mi gölmenöñ nembuk malmawanğö dop qahö.”

23 Mewö jiba qeta opo kereñ qeköba gila (könañinan börömböröm tiba) sömsöm urata könakemba lanlan gilget.

24 Mewö aketka Rom engö suahö galöm bohonñan jim kutuiga yarö azi yeñön Pol wanğita anda yarö azi yeñğö ain kiripo uruñe alget. Kiripo uruñe algetka Juda yeñön i wanğöra aka göju memba qetzei, mianğö könañi mötmamğöra kewö jim kutuyök, “Inini mönö Pol memba ihilek wahiñambuknöñ qeba qesim wanğigetka könañi aukñe jii mötpin.”

25 Mewö jim kutuyökmö, Pol memba jöhöba ihilek wahiñambuknöñ qebingö aketka Rom suahö galöm kunñan kösutñe kuni Polnöñ kewö jiyök, “Rom mindimindiri gawman yeñön sel jöhöm niñgigetka böröñine maljal. Nöñön mianğö (jimkutukutu) paspot memba maljal. Mianğöra inini nongö keuni qahö möta kewöta lan jim teköba öne ihilek wahiñambuknöñ nuñgumei, mi mönö Rom jimkutukutu toni yeñğö jeñine dop kölma me qahö?”

26 Polnöñ mewö jiiga suahö galömnöñ möta mianğoreñök suahö galöm bohonñi yanğoreñ anda buzup wanğiba kewö jiyök, “Azi mianğön mönö Rom gawmangö (jimkutukutu) paspot memba malja. Mianğöra gi mönö denöwö akñan?”

27 Mewö jiiga suahö galöm bohonñan Polğoreñ anda qesiba jiyök, “Gi ölna Rom gawmangö (jimkutukutu) paspot memba maljan me qahö? Mi jinöñ mötpi.” Jiiga Polnöñ meleñnök, “Ölna, nöñön mi memba maljal.”

28 Mewö meleñniga jiyök, “Ni monen ketanji gila Rom mindimindiri gawmangö (jimkutukutu) paspot bohonñi membi niñgigetka maljal.” Jiiga Polnöñ jiyök, “Mi ölöpmö, nongö iwinan Rom gawmangoreñ paspot memba maliga nöñön yanğö nahönñi ahuba mianğoreñök qet mi memba maljal.”

29 Mewö jiiga azi qesim wanğibingö akeri, yeñön mianğoreñök mosöta lilingöba anget. Polnöñ “Ni Rom gawmangö paspot memba maljal,” jiiga suahö galöm bohonñan mi möta Rom azia gwaröhöm wanğiyöhanğöra aka awöwöliba sömbuñi mörök.\* Mewö.

*Polnöñ jike kaunsöl kambu yeñğö jeñine kinök.*

30 Miri gianjiiga suahö galöm bohonñan wahöta Juda yeñön wuanongöra Pol keunöñ al wanğiba jigeri, mianğö könañi törörök mötmamğöra möta jike nup galöm bohonñi aka jike kaunsöl kambu pakpak yeñön tokomeğöra jim kutum engiyök. Mewö tokogetka

\* 22:20: Apo 7.58 \* 22:29: Kun Rom gawmangö paspot memba malöhi, mi kösönöñ gwaröhöm wanğibepukö songo ahöyök. Kunñan songo mi walöñnök ewö, i mönö keunöñ al wanğizema. Mianğöra sömbuñi mörök.

jiiga Polgö tapepni (mungamunğa) pösatketka waŋgita eta yeŋgö jemesoholŋine ali kinök. Mewö.

## 23

<sup>1</sup> Polnöh kinda jike kaunsöl kambu mi uba engeka kewö jiyök, “Azi alaurupni, nöŋön ahakmemeni pakpak mi Anutugö jemesoholŋe aka memba malbiga yaŋön eka ‘Dop kölja,’ jiiga urunaŋgö kezapnan möta ölöwaka kota mala merak ki kinjal.”

<sup>2</sup> Polnöh mewö jiyökmö, jike nup galöm bohonŋi qetŋi Ananias yaŋön kösutŋe kingeri, i jim kutum enjiiga nuŋgulumŋe qekötahöget.

<sup>3</sup> \*Qekötahögetka Polnöh jii mörök, “Anutunöh mönö gi qekötahöm gihima. Göŋön miri sel tuatŋaŋgö dop akzan. Silenŋi mundanöh ohogetka tuatŋi akzapmö, uruŋi sewön memba injaŋi akza. Göŋön Mosesgö Köna keu memba mianŋön kewöt niŋgiba keuni jim tekömamgöra tatzanmö, töndup nangak Mosesgö Köna keu miyök qeba jim kutum enŋinöhga nuŋguze. Mi qahö dop kölja.”

<sup>4</sup> Polnöh mewö jiiga kösutŋe kingeri, yeŋön jiget, “Gi Anutugöreŋ jike nup galöm bohonŋi mepaqepaik aka gamu qem waŋgizan me?”

<sup>5</sup> \*Mewö jigetka jiyök, “O alaurupni, yaŋön jike nup galöm bohonŋi akzawi, mi qahö möta jizal. Buŋa Kimbigö keu kun kewö ahöza, ‘Gi mönö könagesö kambugahö azi kembuŋi kude qesuahöman.’”

<sup>6</sup> \*Mewö jiyökmö, jike kaunsöl kambu yeŋgöreŋök tosatŋan Sadyusi (Jike nupkö kapaŋkölköl) pati qekötahögetka tosatŋan Farisi (Köna keugö kapaŋkölköl) pati azia malget. Polnöh mi möta mianŋöra jike kaunsöl kambu yeŋgö jeŋine keu kewö qerök, “Azi alaurupni, nöŋön Farisi azia akzal. Iwinan mewöyök Farisi pati azia. Kömukömuŋi yeŋön guliba wahötmei, nöŋön mewö asuhumapkö al mamböta jörömqöröm aka maljal. Mewö maljalaŋgöra aka keu jakeŋe al niŋgigetka kewöt niŋgiba jize.”

<sup>7</sup> Mewö jiiga mianŋöreŋök Farisi aka Sadyusi pati miŋgö sutŋine anŋururuk ahui jike kaunsöl kambu yeŋön jula kambu yahöt aket.

<sup>8</sup> \*Sadyusi (Jike nupkö kapaŋkölköl) yeŋön kewö jizema, “Ambazip kömukömuŋi yeŋön kude guliba wahötme. Suep garata qahö malje. Öme aka uŋa mi qahö malje.” Mewö jigetmö, Farisi (Köna keugö kapaŋkölköl) pati yeŋön keu karöbut mianŋöreŋ qekötahöba mianŋö dop möt nariba kinjema.

<sup>9</sup> Kambu yahöt mewö aka qetketka göju ketanŋi ahuiga Köna keugö böhi tosatŋan Farisi kambu yeŋgö sutŋineyök wahöta könöpŋambuk terenŋöba kewö jiget, “Nini azi kianŋö bölönamŋi kun qahö miwikŋaizin. Suep garata me uŋa kunŋan keu kutum wasöta yaŋgö uruŋe ali jibawak, mi mönö denöwö dop köl enŋibawak?”

<sup>10</sup> Mewö jigetka anŋururuk mianŋön kunbuk könöwiba qariyök. Qariiga awöraŋöba Pol likeplikkep örögetka anda kaiga mesin taköget. Mewö tandök ahök. Mewö aiga suahö galöm bohonŋan mianŋö keŋgötŋi möta yarö kambu kun jim kutum enjiiga geba Pol sutŋineyök öröba waŋgita yarö azi yeŋgö ain kiripo uruŋe alget.

<sup>11</sup> Algetmö, suŋgem mianŋöreŋ gaun ahöiga Kembunöh Polgö qöhöröŋe kinda kewö jiyök, “Mönö ewebibigabuk aka saitingit malman. Nöŋgö könaŋamni Jerusalem kianŋöreŋ naŋgöba jiba malnöŋi, mianŋö dop mönö Rom sitinöh mewöyök anda mi naŋgöba jim asariba malman.” Mewö.

### *Pol qebingö anŋönaŋ meget.*

<sup>12</sup> Kembunöh mewö jiyökmö, miri gianjiiga mianŋöreŋ Juda azi tosatŋan ölöŋ tokoba Pol kömumapkö anŋönaŋ meget. Yeŋön areŋ mi alget aka mi jöjopaŋ keunöh jöhöm köhöiba kewö jiget, “Nini Pol kömumapköra mamböta nalö sutŋe kianŋöreŋ nene sinŋi malbin. Sinŋi mala qein kömuiga mianŋö andöŋe ölöp nene me o kun kunbuk nembin.”

\* 23:3: Mat 23.27-28 \* 23:5: Eks 22.28 \* 23:6: Apo 26.5; Fil 3.5 \* 23:8: Mat 22.23; Mak 12.18; Luk 20.27



<sup>13</sup> Azi 40 aka jaŋgö mi oŋgitkeri, yeŋön mindiriba jöjöpaŋ keu mi jöhöm köhöiba jiget.

<sup>14</sup> Mi jibagun jitnememe aka jike nup galöm yeŋgöreŋ anda kewö jiget, “Nini Pol kömumapköra mamböta nalö sutŋe kiangöreŋ nene siŋgi malbin. Polnöŋ qahö kömuma ewö, ambazipnöŋ mönö ölŋa qesuahöm neŋgigetka dop kölma. Miangöra nini mönö mindiriba jöjöpaŋ keu kewö jöhöm köhöiba maljin: Pol qein kömuiga miangö andöŋe ölop nene me o kun kunbuk namba malbin.

<sup>15</sup> Miangöra aka injini mönö dölki jike kaunsöl kambu yembuk mohotŋe mindiriba suahö galöm bohonnaŋgöreŋ anda keu kewö ala qesime, ‘Nini Polgöreŋ keu könaŋi kunbuk qesiinga jii ölŋa mötpingö mötzin.’ Mewö tandök aiga qesigetka ölop Pol waŋgiriga eŋgöreŋ etma. Etpawakmö, könanöŋ kaba eŋgöreŋ kaŋgotmamangö akŋawi, miangöreŋ mönö i qein kömumapkö jöjöröba malbin.”

<sup>16</sup> Mewö jigetmö, qein kömumapkö aŋgönaŋ algeraŋgö buzupŋi mi Pol behötŋaŋgö kezapŋe gei mörök. Mi möta yarö azi yeŋgö ain kiripo uruŋe anda Pol taröhaŋgöreŋ öngöba jii mörök.

<sup>17</sup> Jii möta suahö galöm kun qeri kaiga kewö jiyök, “Azi gwabö kianaŋon keu kun memba kazawaŋgöra göŋön i ölop waŋgita suahö galöm bohonnaŋgöreŋ anöŋga keu mi jii mötma.”

<sup>18</sup> Mewö jiiga i memba waŋgita suahö galöm bohonnaŋgöreŋ anohotka jiyök, “Kösö azi Polnöŋ noholi yaŋgöreŋ anbiga azi gwabö ki waŋgita göhöreŋ kamapköra qesim niŋgiza. Yaŋön göhöra keu kun memba kaza.”

<sup>19</sup> Mewö jiba aniga galöm bohonnaŋan böröŋe memba waŋgita göraŋe anda qesim waŋgiyök, “Gi wani keuya memba kazan?”

<sup>20</sup> Qesim waŋgiiga jiyök, “Juda jitnememe yeŋön keu kun qesim gihibingöra jöhöba göhöreŋ kaba kewö jime: Nini Polgö keu könaŋi törörök qahö möt kömuzin. Miangöra gi ölop Pol uran waŋgitnöŋga jike kaunsöl kambu yeŋgöreŋ eriga kunbuk qesim waŋginöŋga jii könaŋamŋi ölŋi mötpin. Yeŋön mewö asuhumapköra mötze.

<sup>21</sup> Mewö kaba jimemö, göŋön keu miangö imbi ölop kude kölman. Juda könagesö yeŋgö sutŋineyök azi 40 aka jaŋgö mi oŋgitkeri, yeŋön mindiriba Polgöra kewö jiba mi jöjöpaŋ keunöŋ jöhöm köhöiget, ‘Nini Pol kömumapköra mamböta nalö sutŋe kiangöreŋ nene siŋgi malbin. Siŋgi mala qein kömuiga miangö andöŋe ölop nene me o kun kunbuk nembin.’ Mewö jiba göŋön imbi kölmangöra mamböta jöjöröba mönöze.”

<sup>22</sup> Mewö jiiga azi gwabö mi melaiba kewö jii mörök, “Buzup ki jinöŋ mötzali, mi kun kude jinöŋ mötma.” Mewö.

### *Pol waŋgitketka Sisaria taonöŋ anök.*

<sup>23</sup> Suahö galöm bohonnaŋan mi möta suahö galömyahötŋi etkoholi kayohotka kewö jii mörohot, “Injiri mönö timbi azi 200, hos yarö azi 70 aka liŋgip yarö azi 200 mi jim kutum eŋgiyohotka merak suŋgemgö 9 kilok miangöreŋ Sisaria anmegöra jöjöröme.

<sup>24</sup> Mewöyök hos tosatŋi meköba möhamgöm eŋgiba Pol kungö qakŋe ala köyan kölgetka suŋgem kiangöreŋök premiö Feliksgöreŋ anma.”

<sup>25</sup> Mewö jii mörohotka premiögöra kimbi kun kewö ohoyök,

<sup>26</sup> “O Öngöŋgöŋamni sorok premiö Feliks! Klodius Lisias, nöŋön jölöŋgi jizal.

<sup>27</sup> “Juda yeŋön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöŋön mi möta miangöreŋök yarö kambu yembuk kaŋgota sel jöhöm waŋgiba meköba bohonnaŋi jöhöyal.

<sup>28</sup> Wani keugöra keu jakeŋe aljei, nöŋön miangö könaŋi mötmangö möta waŋgita Juda yeŋgö jike kaunsöl kambu yeŋgö jeŋine al waŋgial.

<sup>29</sup> Al waŋgibiga keu jakeŋe ala nanŋini Köna keugö kösawöraŋ keuŋi keuŋi miangöra aŋgururuk aka tuarenjoŋ aka jim waŋgigetka miwikŋaial. Mi miwikŋaialmö, yuai bölöŋi kömumapkö dop me kösö mire alin tatmawaŋgö dop mi qahö ahök. Yeŋön keu mewöŋa kun qahö jiget möral.

<sup>30</sup> Mi qahö möralmö, kunöñ yanğö buzup keuñi kewö indeli möral: Tosatñan ‘Azi mi qein kömuma,’ jiba anğönañ alget ahöza. Buzup keu mi möta dölkiangöreñök melaiibiga göhöreñ kaza. Keu jakeñe al wañgibingö mötzei, nöñön i mewöyök jim kutum enğibiga göhö jemesoholge kañgota keuñini pakpak aukñe jim miwikñaigetka mötman.”

<sup>31</sup> Kimbi mewö ohoiga yarö azi jim kutum enğigeri, yeñön keu mi wuatangöba Pol memba wañgita söñaupnöñ miri qetñi Antipatris mianğöreñ anget.

<sup>32</sup> Anda miri gianjiiga yarö azi hosñinambuk yeñön Pol wañgita köna toroqeba angetmö, timbi azi yeñön nanñinak lilingöba yarö azi yeñö ain kiripo uruñe kaget.

<sup>33</sup> Yarö azi hosñinambuk yeñön Sisaria taonöñ anğota kimbi mi premiö wañgiba Pol mewöyök yanğö jeñe alget.

<sup>34</sup> Algetka kimbi oyoñda “Pol mi wani prowinsgöra?” jiba qesiyök. Qesiiga “Silisia prowins asia,” mewö jiget mörök.

<sup>35</sup> Mewö jiget möta jiyök, “Keu jakeñe al gihibingö mötzei, yeñön mewöyök kañgotketka mianğöreñ ölop qesim gihimam.” Mewö jiba jim kutuiga Pol wañgita kiñ Herodkö jakömbuak mirigö kiripo uruñe ala jegalöm mem wañgiget. Mewö.

## 24

### *Pol keunöñ algetka premiö Filiksgö jeñe kinök.*

<sup>1</sup> Wehön nup memenji 5 teköiga jike nup galöm bohonñi qetñi Ananaias yanñön jitñememe tosatñi aka loya (Köna keugö mötmöt azi) qetñi Tertulus yembuk aitonğöba Sisaria taonöñ geba premiö Filiksgö jeñe öñgöba Pol keu jakeñe albingö keuñi jiget mörök.

<sup>2</sup> Mi möta Pol köl öroi kañgori loya Tertulusnöñ könahiba Polgö silene keu ala premiögö jemesoholñe keu kewö jiyök, “O Filiks, göñön galöm köl neñgiba malnöñi, nini nalö mianğöreñ luai ketañi möta guñbönjñöñ malin. Göñön ölopñanök köyan köla jim kutum neñginöñga malmal tatatnini likeplikkep möhamgögetka kantri kianñön uteköba wahöri ölöwakzin.

<sup>3</sup> O ketañamnini Filiks, nini mi miri dop ölopñanök möt kutuba göhöra söñgaiba kilikalukñi kun qahö möta saiwap jim gihizin.

<sup>4</sup> Saiwap jim gihizinmö, nöñön keu köröpñi jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö neñgöra ak gihiiiga kezap ala mötman.

<sup>5</sup> “Nini azi kianğö könañi kewö eka miwikñainin: Yanñön kegwek-kahasililin azi keñgöt kotkotñambuk akza. Yanñön gölmenji gölmenji liliköba Juda ambazip uruñini esiba kuñgum enğiiga karimñi karimñi miri dop asuhugetka göjupmajup qeta alakze. Tosatñan tuaköpek aka Nazaret azi kungö qetñe pati aljei, yanñön mönö yeñö ketañamnina akza.

<sup>6</sup> Yanñön jöwöwöl jike mi mewöyök kapañ köla mem töwiba memba et almangö ahök. Mianğöra nini i memba jöhöin. Nini keuñi kewöta nanine Köna keu wuatangöba jim teköbingö mörin.

<sup>7</sup> (Mi mörinmö, suahö galöm bohonñi Lisias yanñön yarö azi yembuk kaba kukösum ketañi mianñön könöpuk böröñineyök meköba wañgitket.\*

<sup>8</sup> Wañgita keu silene ala jim wañgizei, i göhö jemesoholge kañgotmegöra jim kutum neñgiyök.) Göñön nangak qesim wañginöñga könañi indela jima. Mi jiiga keu memba kazini, mianğö ölni pakpak ölop aukñe asuhuiga mötman.”

<sup>9</sup> Mewö jiiga Juda ambazip yeñön mewöyök “Keu pakpak mi ölna,” jiba imbi köla mi nanğöba toroqeba silene ala jim wañgiget. Mewö.

### *Polnöñ keu likepñi melenji Filiksnöñ mörök.*

\* **24:7:** Keu sel uruñe ahözawi, mi mötmöt ambazip yeñön kewöta Luknöñ mi könakönahine ohoyök aka tosatñan mi qahö ohoyök, mewö jigetka uruyahötñambuk akza.

<sup>10</sup> Pol jim wangetka premiönön keu jimapköra böröjöpön kuñguiga kewö melenḁa jiyök, “Göñön (yara) yambu gwötpuk ambazip kambu kiangö jimtekötekö tonji aka malnön mötzal. Miangöra nöñön keunangö likepñji mi göhö jege awösamkakak jimam.

<sup>11</sup> Nöñön uruwale Anutu waikñji memba möpöseimangöra Jerusalem sitinön öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölop nangöba jime.

<sup>12</sup> Nöñön jöwöwöl jikenön me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim ningiget. Siti uruñe köna me sombem kunön ambazip uruñini kuñgubi ölököba liliköm ningigeri, mewö qahö neket.

<sup>13</sup> “Mewö qahö neka döлки keu silene ala jim ningizei, yeñön miangö ölnji kondel gihibingö osize. Keu omañji jize.

<sup>14</sup> Mi osizemö, keu kun mi ölnja jim miwikñaim gihimam: Yeñön Nazaret pati qetñji qetzei, nöñön mönö miangö köna wuatangöba mala nanine amböskonurup yengören bem Anutu mi waikñji memba möpöseimakzal aka Mosesgören Köna keu aka kezapqetok yengören Buzup Kimbi miangören keu ohoget ahözawi, mi pakpak möt narim köhöizal.

<sup>15</sup> Anutunön ambazip diñdini aka gonñji mi körek pakpak mem gulim engii kömupnöhök wahötmei, Juda azi kienön miangöra mambötze. Nöñön yembuk toroqeba örörön kinda mewö asuhumapköra jörömqöröm aka mamböta maljal.

<sup>16</sup> Mewö mala Anutu aka ambazip jeñine diñdini kinbiga Anutunön keuni nangöba jiiga urunangö kezapñan mörakzal. Jönömnan qahö unduza. Mönö sarakñji aka malmangöra nalö dop kapan köla köhöiba malakzal.

<sup>17</sup> \* “Nöñön kungen malbiga (yara) yambu tosatñji teköi lilingöba miri tosatñji yengörenök kalem memba uruwale kayal. Mewö kaba ‘Mi nani könagesöurup wanapñji yengöra menden engimam,’ jiba Anutugö jöwöwöl ohoba naluk al wanjimangöra Jerusalem öngöyal.

<sup>18</sup> Miangören öngöba köl köñjorat ak anguba solanñji mala jöwöwöl jikenön öngöyal. Yuai mi ohoba Anutu al wanjibiga miwikñaim ningiget. Miwikñaim ningigeri, miangören ambazip tosatñan qahö kaba liliköba ölököm ningiba göju meget.

<sup>19</sup> Juda ambazip tosatñan Eisia prowinsnöhök kaba jikenön öngöba nekeri, yeñön mönö döлки göhö jege kiangören kangota kinda keu kun ahöm engibawak, mi aukñe silene ala jim ningigetka dop kölbawak.

<sup>20</sup> “Me jike kaunsöl kambu yengö jeñine kinda keu jiali, mi wani Köna keu ongita pinjit akiga keu jakene alalgö keuni miwikñaiget? Azi ki tatzei, yeñön mönö mi jigetka dop kölma.

<sup>21</sup> \* “Nöñön yengö sutñine kinda keu mohok-kun jiba töhören qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, ‘Kömukömuñji yeñön guliba wahötmei, nöñön mewö möt narizalangöra aka keu jakene al ningigetka merak keuni kewöta jim teköm ningibingö akze.’ ” Mewö.

### *Polgö keuñji qahö jim teköba kösö mire alget.*

<sup>22</sup> Polnön mewö jiiga premiö Filiksnön Jisösgö könañji wuatangöba maljei, miangö könañji ölop möt soroköba Polgö keuñji kembañe kutuba kewö jiyök, “Suahö galöm bohonñji Lisiasnön kangoriga nalö miangören Polgö keuñji jim tekömam.”

<sup>23</sup> Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupñan Pol köyan köla yuai osiyöhi, mi memba wanjimegöra qahö qetal engiyök.

### *Polnön keuñji jiiga Filiks aka Drusila mörohot.*

\* 24:17: Apo 21.17-28 \* 24:21: Apo 23.6

<sup>24</sup> Wehön tosatñi teköiga Filiksnöñ anömñi qetñi Drusila, Juda ambi mi wañgita kayohotka Polgöra keu ali kaiga keuñangöra kezap ali Kraist Jisös möt narim wañgibingö könañi jim asariiga mörök.

<sup>25</sup> Mi mörökmö, Anutugö keu tosatñi toroqeba eraum mötketka lömböriyök. Polnöñ Anutugö jeñe solanibingö könañi jim asariba nanine ahakmemenini galöm köl añgubingöra jiyök aka Anutunöñ nalö kun ali miangöreñ kewöt neñgiba keunini jim tekömawi, keu karöbut mianön uruñi kuñguyök. Polnöñ keu mewöñi jiiga töwöratiba bök qesinñda jiyök, “Yapmakek! Muat mosötnöñ. Dölki ölop mosöta anöñga nalö kun mötpi dop kölmawi, miangöreñ ölop kunbuk köl öröm gihibi kaman.”

<sup>26</sup> Mewö jiba töndup toroqeba Pol nanñi töwaya moneñ wañgimapköra mötmöriyök. Mewö al mamböta jörömqöröm aka sömañi gwötpuk köl öröm wañgii kaiga keukeu jiba tarohot.

<sup>27</sup> Polnöñ kösö mire tari (yara) yambu yahöt teköyök. Mi teköiga azi qetñi Porsius Festus yañön Filiksgö undumña premiö akñamgö ahök. Mewö aiga Filiksnöñ Juda ambazipnöñ nek sorimegöra möta Pol qahö pösari kösö mire toroqeba tarök. Mewö.

## 25

### *Polnöñ premiö Festusgö jeñe keu likepñi jiyök.*

<sup>1</sup> Festusnöñ premiö aka prowins uruñe añgota tariga wehön karöbut teköiga Sisaria taon mosöta Jerusalem sitinöñ öñgöyök.

<sup>2</sup> Öñgöiga jike nup galöm bohonñi aka Juda jitñememe yeñön jemesoholñe kañgota Pol keu jakeñe albingö jiba aröñda kinget.

<sup>3</sup> Aröñda kinda kewö jiba uletket, “O premiö, göñön ölop neñön möringa dop kölmapköra jim tekönöñga keu algetka Pol wañgita Jerusalem sitinöñ ki kame.” Yeñön mutuk keu kewö jöhöba jiget, “Polnöñ könanöñ kaiga miangöreñ mönö qein kömuma.” Mewö jiba jöjöröba mönögerañgöra kaba uletket.

<sup>4</sup> Mewö uletketmö, Festusnöñ kewö melenj enñiyök, “Pol mi Sisaria taongö kösö mire tari galöm kölje. Ni nanak nalö kude köriiga miangöreñ lilingöba anmamgö mötzal.”

<sup>5</sup> Mewö jiba toroqeyök, “Miangöra azi mianön bölöñi kun akawak ewö, ölop enñö jitñememeurup tosatñan nömbuk Sisaria geba miangöreñ keuñini silenje ala jim wañgigetka mötmam.”

<sup>6</sup> Mewö jiba wehön 8 me 10 miangö dop Jerusalem sitinöñ yembuk mali teköiga lilingöba Sisaria taonöñ geyök. Geba ahöba wahöta miangöreñök keu jimtekötekögö dum tatatñe tata jim kutuiga Pol wañgita kagetka jeñe kañgota kinök.

<sup>7</sup> Polnöñ kañgota kiniga Juda jitñememe yeñön Jerusalem sitinöhök kageri, yeñön liliköm wañgiba kinda kazik qakñe keu bölöñi gwötpuk silenje ala jiget. Mi jigetmö, keuñinangö ölni mi kondelbingö osiget.

<sup>8</sup> Kazik keu öne jiba kingetmö, Polnöñ mi qeapköba kewö jiyök, “Nöñön yuai bölöñi kun qahö ahal. Juda neñgöreñ Köna keu qahö qetalal. Jöwöwöl jike qahö mem töwial aka Rom sisa kiñgöreñ keugöra tuarenjoñ qahö ahal.”

<sup>9</sup> Mewö jiiga Festusnöñ Juda yeñön nanñangö mötket öñgömapkö möta Pol kewö qesim wañgiyök, “Silenöñ alal keu ki jizei, gi ölop miangö likepñi mi Jerusalem öñgöba miangöreñ nöngö jemesoholne kinda jiman me qahö?”

<sup>10</sup> Qesim wañgiyökmö, Polnöñ jiyök, “Rom sisa kiñnöñ jim kutuiga keu jake ki kuñgugera ki kinbiga kewöt niñgiba keuni jim tekönöñga dop kölma. Ni Juda ambazip yeñgöra bölöñi kun qahö ahal. Mia nangak ölop möt yaközan. Mönö Wuanöñgöra kunbuk yeñgöreñ anbilenañak?”

<sup>11</sup> Bölöñi kun qahö ahalmö, Köna keu kun qösököba yuai kun ak bölöba miangöra kömupkö buñaya akilenañak ewö, ‘Nöñön kömumbilenañak,’ jiba qahö ölöñ köla anmam. Mi qahöpmö, yeñön kazik keu öne töhöntöhön jiba keuñinangö könañi kondelbingö osize



ewö, keu omañangöra aka kunñan nömimba yeñgö böröñine almapkö osima. Rom sisa kiñnönj mönö keuni mindiñgöba jim teköi diñgima. Mianğöra nöñön mönö yañgö jene anmamgö köhöiba qesizal.”

<sup>12</sup> Mewö jiiga Festusnönj jembonurupñi yembuk qambañ keu jaruba kewöta kewö melenj wañgiyök, “Gi sisa kiñgörenj anmamgö möta qesizani, mianğöra mönö ölop Rom anda yañgö jene kinman.” Mewö.

*Polnönj kiñ Agripagö jene kinök.*

<sup>13</sup> Wehön tosatñi teköiga kiñ Agripa aka nenni Bernaisi yetkөн Festus eka gödanjiri kondelbitköra Sisaria taonönj kayohot.

<sup>14</sup> Kaba mianğörenj wehön gwötpuk malohotka Festusnönj Polgörenj keu mi kiñbuk eraum möta kewö jiyök, “Filiksnönj azi kun qahö pösari kösö mire kianğörenj tata malja.

<sup>15</sup> Nöñön Jerusalem anbiga Juda yeñgö jike nup galöm bohonñini aka jitiñjememurupñinan nöñgörenj kañgota kewö qesim niñgiget, ‘Nini azi mianğö keu memba kainga göñön mönö ölop yañgö könañi kewöta keuñi jim teköman.’

<sup>16</sup> “Mewö qesim niñgigetmö, nöñön yeñgöra kewö jibiga mötket, ‘Rom gawman neñgörenj köna mi kewö: Kungö silene keu bölöñi ala jizei, nini ambazip kun yañgö keuñi mi lañ kude jim tekömaksin. Mutuk öröba keu jakeñe alin kazikurupñan kagetka likeplikep örörönj arönda kingetka keu silene ala jim wañgigetka likepñi ölop jima. Keu likepñi jiiga mi kewöta ölni ahuiga mianğö dop ölop keuñi jim tekömaksin.’

<sup>17</sup> Yeñön ki kaba tokogetka nöñön nalö qahö köriiga ahöba wahöta mianğörenjök jimtekötekögö dum tatatñe tata jim kutubiga azi mi wañgita kagetka nöñgö jene kañgorök.

<sup>18</sup> “Kañgorökmö, keu memba kageri, yeñön liliköm wañgiba arönda kinda keu silene ala jim wañgiget. Mewö aketka yuai bölöñi kötökñi kun akawak, mewö jimegöra mamböralmö, keu mewöñi kun qahö jiget möral.

<sup>19</sup> Mi qahö jiget möralmö, salupñe azi mi qetala nanñini mötnariñinañgö keu kemañi tosatñi aka azi kun qetñi Jisös yañgöra añgururuk aket. ‘Jisösnönj kömuyök, jigetmö, Polnönj ‘Guliba malja,’ jiba kapañ köla köhöiyök.

<sup>20</sup> Mewö jiba kazik algetka nöñön ‘Keu mewöñi mi denöwö kewötpileñak?’ jiba köna jaruba uruyahöt möral. Mi möta kinda kewö qesim wañgial, ‘Silenönj alal keu jizei, gi ölop mianğö likepñi mi Jerusalem öngöba mianğörenj jibanak me qahö?’

<sup>21</sup> Qesim wañgialmö, Polnönj Öngöñgöñamninangö jene anmamgö kapañ köla kewö qesiyök, ‘Mönö jinöñga galöm köl niñgigetka sisa kiñgörenj anbiga keuni mindiñgöiga diñgima.’ Mewö qesiiga wahip azi jim kutum engibiga galöm kölgetka tatza. Bian melaim wañgibiga sisa kiñgö jemesoholñe anma.”

<sup>22</sup> Festusnönj mewö jiiga Agripanönj jii mörök, “Nia kun azi mianñön keuñi jii mötmamgö sihimñi mötzal.” Jiiga melenñök, “Urangun ölop keuñi mötman.”

<sup>23</sup> Mewö jiiga ahöba wahötketka kantrigö jembon, suahö galöm ketañi aka jitiñjememe öngöñgöñi yeñön kaba Agripa aka Bernaisi yetköra jura sorom jölnire uta sösongai liñet köla köl öröm etkigetka keugö jake miri öngöñgöñi mianğö uruñe añgotket. Festusnönj jim kutuiga Pol wañgitketka mianğörenj kañgorök.

<sup>24</sup> Polnönj kañgoriga Festusnönj wahöta kinda kewö jiyök, “Kiñ Agripa aka azi ketañi pakpak nembuk ki tatzei, iñini mönö azi ki eket. Juda ambazip kambu pakpak yeñön yañgöra aka uruni kuñguget. Sisaria taon kianğörenj aka Jerusalem siti mianğörenj ölna keunönj kuñgum niñgiba qet gigilahöba kewö jiba malget, ‘Azi kianñön gölmenönj malmawañgö dop qahö. Mönö yapmakek!’

<sup>25</sup> “Mewö qeta malgetmö, nöñön kewötpiga yuai kun kömupkö buña akñawañgö dop mi qahö ahök. Nöñön könañi mewö miwikñaiba ehalmö, nanñak Rom Öngöñgöñamninangö

jene ani keunji mindingöiga dingimapköra kapan köla qesiyök. Miangöra keu jöhöba melaibiga Rom anma.

<sup>26</sup> Rom sitinöŋ anmapmö, yangören keu mi denöwö ohoba Rom azi kembunangöra albi anbawak? Yangöra keu lan jizemö, keu kōnaŋambuk kun mi törörök qahö möt asarizal. Miangöra jibi wangita kaba kin Agripa göhö jege aka inini tosatŋi kinö andöŋe ki tatzei, engö jemesoholŋine algetka kinja. Inini ölop böröjan memba keunji kewötketka ölni asuhui mönö mi möta ölop kimbinöŋ ohobileŋak.

<sup>27</sup> Azi kun kösönöŋ jöhöba keu jakeŋe alalgö keunji denöwö jizei, mi aukŋe jibingö osiba töndup öne melaibinbuk. Silik mi nöŋgö mötmötnöŋ kezapjupjup tandök ewö akza.” Mewö.

## 26

### *Polnöŋ keunangö likepŋi kin Agripagö jene jiyök.*

<sup>1</sup> Mewö tatketka kin Agripanöŋ Polgöra jiyök, “Gi ölop nangahö keu likepŋi jinöŋga mötpi.” Mewö jiiga Polnöŋ kinda börö kutum wangiba nanŋi keunji angön köla kewö kōnahiba jiyök,

<sup>2</sup> “O kin Agripa! Juda jitŋememe yeŋön keu silene ala jim niŋgizei, nöŋön keu pakpak miangö likepŋi mi merak ölop göhö jege aukŋe jimangö simbawöŋ mötzal.

<sup>3</sup> Göŋön Juda neŋgören ahakmeme aka aŋgururuk keunini pakpak mi törörök möt yaközan. Miangöra nöŋön ölna simbawöŋ mötzal. Mewö aiga qesim gihazal: Keu jimami, mi ölop möta mökösoŋda kezap alman.

<sup>4</sup> “Nöŋön Juda ambazip kambu uruŋe ahuba kōnakōnahiŋeyök kōnahiba nani kantri ki aka sitinini Jerusalem miangören mala koral. Miangöra Juda ambazip pakpak yeŋön malmalni gwaböneyök denöwö kota malali, mi ölop möt kutuze.

<sup>5</sup> \*Yeŋön kōnaŋamni nalö köröpŋi möt kutuze. Sihimŋini ahöi mi ölop kewö nangöba jibeak: Nanine jike nup uruŋe Farisi pati neŋön asa yeŋgören jike mötmöt mi törörök kötökŋi wuatangöba maljin. Nöŋön mutuk yeŋgö kambu patinöŋ angota Kōna keu kapan köla wuatangöba malal.

<sup>6</sup> Anutunöŋ amböskonurupnini yeŋgöra jöhöjöhö keu alöhi, nöŋön miangö ölni ahumapköra al mamböta jörömqöröm aka maljal. Miangöra aka merak keu jakeŋe al niŋgigetka kinjal.

<sup>7</sup> “Nanine Israel ambazip kambu 12 neŋön körek pakpak jöhöjöhö keu miangö ölni asuhumapköra mambörakzin. Mi mamböta jörömqöröm aka qösösök (qörörök) suŋgem asak Anutu waikŋi memba möpöseimakzin. O Öŋgöŋgöŋamni, nöŋön jörömqöröm mewö ahakzalanöra Juda jitŋememe yeŋön keu bölöŋi bölöŋi silene ala jim niŋgimakze.

<sup>8</sup> Anutunöŋ ambazip kömukömuŋi mem gulim engii wahötmei, inini mi mönö denöwögöra aka qahö möt narize?

<sup>9</sup> \* “Nanak mewöyök kewö mötmöriba malal, ‘Ni Jisös Nazaret azigö qetbuŋani saŋgolbi qahöwakŋapköra bim gwötpuk qemamangö dop akzal.’ Mewö mötmöriba kazik aka malal.

<sup>10</sup> Kazik aka Jerusalem miangören ölna bim qeba malal. Jike nup galöm bohönŋi yeŋön nam köl niŋgiget jim kutubiga Anutugö ambazip sarakŋi mi gwötpuk engömembra kösö mire al engiget aka tosatŋi kömumegö keu jigetka nöŋön mewöyök keu mi kötöngöba imbi köla (wout ala) malal.

<sup>11</sup> Nalöŋi nalöŋi liliköba köuluk miri dop böröjan mem engibiga uruŋini melenŋeri, mienöŋ asuhuget. Asuhugetka Jisös qaŋ köla ilit wangimegöra kuŋguba töhöreŋ öröm ureim engial. Mewö ak engibiga ihileknöŋ kōnöpuk tauköba engugetka sihimbölö ka-hasililiŋ möta malget. Urunan kōnöp jem sölöŋgöiga sesewerowero ak engimangöra köröwen kötökŋi kian kantrigö sitiŋi sitiŋi miangören anda malal.” Mewö.

\* 26:5: Apo 23.6; Fil 3.5 \* 26:9: Apo 8.3; 22.4-5

*Polnönj urunji melenöhöhanjö kösohotnji jiyök.  
Apo 9.1-19; 22.6-16*

12 “Kaisilik mewö aka malbiga nalö kunönj jike nup galöm bohonji yejön nömbuk urumohot aka nam köl niŋgetka Damaskus sitinönj anmamgöra könanönj anal.

13 O Öngöngöŋamni, nöjön könanönj anbiga silim bibine miangörenj Suepnöhök asakmararanj kun wölanj erök. Eta wölbilik ewö asuhaba wehön jeŋi ongita asariiga ehal. Asak miangön mönö ni aka azi nömbuk anini, nini turum neŋgiyök.

14 Turum neŋgiiga körek tala gölmenönj eta kölin. Eta köla ahöinga nöngöra keu kun kaiga Hibru keunönj kewö jii möral, ‘Sol, Sol, gi wuanöngöra sesewerowero ak niŋgizan? Gi mönö bulmakau aziŋi ewö akanbuk. Tonjan gölme mözö zamgömapköra bulmakau aziŋi kinonönj jöhöi ösönj öröiga dop köljamö, lanj öröba könöpuk yaköriba öröm ureiiga kerösuap jitŋan uiga sihimbölö mörakza. Gi mönö miangö dop lanj luhuba nangi könisemgi öne töhön kutubanbuk.’

15 “Mi möta qesial, ‘O Kambu, gi danön?’ Qesibiga jiyök, ‘Ni Jisös sesewerowero qakŋe al niŋgimakzani, mönö mia akzal.

16 Mi akzalmö, ölop wahöta kinönj. Ni aka yuai ekzani aka könanŋep toroqeba asuhaba kondel gihimami, mi mönö nanjöba jiba dangunu ewö kinda nöngö jitŋememeni aka weleni qeba malman. Gi nup mi memba malman. Nöjön miangöra aka asuhum gihizal.

17 Nöjön mönö nangi Israel ambazip kambu yeŋgö böröŋineyök meköm gihimam aka kian kantri ambazip yeŋgörenj melaim ghibiga anmani, yejön guhubepüköra mewöyök galöm mem gihimam.

18 Nöjön melaim ghibiga anda ambazip jeŋini metohonöŋga urunji melenja söŋaupnöhök asakŋe kanŋotme. Jeŋini tohoiga imbiŋini melenja Satangö kukösumnöhök lolohoba Anutugö sel uruje kame. Mewö kaba möt narim niŋgetka siŋgisöndokŋini sanŋonja mosötman. Mosötpiga Anutunönj alaurupŋi tök kutum eŋgiiga sarakŋi akzei, mönö yeŋgö sutŋine anŋota dum tatatŋini memba oyaenköyaen aka malme.’ Jisösnönj mewö kutum nuasöta jiyök.”

*Polnönj urugö nupŋanjö kösohotnji jiyök.*

19 “O kinj Agripa, Jisösnönj mewö jüiga nöjön Suepnöhök jemelenj imut eka könanji möta mi köyatiba malmamgö mötpiga osiyök. Miangöra nöjön imut miangö keunji mi tem köla nup memba malal.

20 \*Mi tem köla liliköba Buŋa keu kewö jim sehiba malal: Injini mönö urunji melenja Anutugörenj lilingöba kaba uru melenŋeranjö ölnji mi ahakmemenjanan kondela malme. Buŋa keu mi mutuk Damaskus aka Jerusalem siti yahöt miangörenj maljei, yeŋgöra jim asariba malal. Miangö andöŋe Juda kantri pakpak yeŋgöra jial aka kian kantri yeŋgöra jiba urunji kuŋguba malal.

21 Könanji miangöra aka Juda ambazip tosatŋan jöwöwöl jikenönj öngöba miangörenj qeraköba nömimba kapanj köla köhömuŋi nuŋgubingö aket.

22 “Mewö aketmö, uruni melenjalangörenök mala kotpiga Anutunönj bauköm niŋgiba maliga nalö kewöŋe toroqeba ölop maljal. Baukbauk miangöra aka ki kinda öngöngöŋi aka eretŋi eŋgö jeŋine keuni ki jizal. Moses aka kezapqetok ambazip yejön yuai asuhumapkö jigeri, nöjön mönö yeŋgö keunji miyök törörök wuatangöba keu kewö nanjöba jizal:

23 \*Anutunönj areŋ ali Amötqeqe Tonji Kraist yanön sihimbölö möta kömumba azi mutukŋi kömupnöhök wahötma. Wahöta Anutu asakŋanjö könanji mi Juda kambu neŋgöra aka kian kantri yeŋgöra indela jim tuarim eŋgiba malmamgö jiyök.”

\* 26:20: Apo 9.20, 28-29    \* 26:23: Ais 42.6; 49.6; 1 Kor 15.20

<sup>24</sup> Polnön keuñangö likepñi mewö jiiga premiö Festusnön terengöba keu kembangan kutuba jiyök, “Pol, gi kahapmahap akzan. Papia mirinji mirinji miangören öngönönga mötmötkan sehiba nöropsohop mem gihii maljan.”

<sup>25</sup> Mewö jiyökmö, Polnön melenök, “O kembu sorokni Festus, nöñön nöropsohop qahö akzal. Keu jizali, mi mötkutukutu keu öñña akza.

<sup>26</sup> Kiñ Agripanön keu kiangö könañi möt soroköza, mewö mötzal. Yuai pakpak mi tölapñe wangöm kunön qahö asuhuyök. Miangöra keu buzupñi pakpak mi mönö kiñgö kezapñe gei möt teközawi, mewö möt köhöizal. Miangöra nöñön keuni ki ölop awösamakak qakñe kinda jibiga mötzan.

<sup>27</sup> O kiñ Agripa, Juda azi gi kezapqetok yengören Buzup Kimbigö keuñi möt narizan me qahö? Mi möt narizan, mewö mötzal.”

<sup>28</sup> Polnön mewö jiiga Agripanön melenja jiyök, “O Pol, göñön nalö töröptökñi kiangören uruni kuñgunönga nöñön uruni melenja Kraistkö alañi akilenakgö mötzan me? Mewö mötmörizan me?”

<sup>29</sup> Mewö jiiga Polnön melenök, “O kiñ, keu köröpñi me kötoni jibilenak, mi muatmö, göñönök qahöpmö, dölki keuni kezap ala mötzei, körek enön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melen enjinönga nöñön ki maljali, mönö miangö dop akñe. Tapep (muñgamuñga) miyök al enjimapköra qahö köuluközal.”

<sup>30</sup> Mewö jiiga kiñnön wahöriga premiö aka Bernaisi yetkөн mewöyök wahörohot aka yembuk tatkeri, yeñön körek wahötket.

<sup>31</sup> Wahöta mosöta angetka azi ipñan nanñinök eraum möta kewö jiget, “Azi kianön bölöñi kun qahö aiga wuanöngöra mönö gwaröhöm wangiget? Yanön kömupkö buña akñawanö dop qahö akza, mi mötzin.”

<sup>32</sup> Mewö jiba eraum möta Agripanön Festusgöra jiyök, “Sisa kiñgören anbiga keuni mindinöi diñjimapköra qahö kapan köla qesiba jibawak ewö, mönö ölop pösaringa gebawak.” Mewö.

## 27

### *Pol wangenön algetka könahiba Rom anök.*

<sup>1</sup> Azi ipñi yeñön nenjöra keu kewö jöhöget: Nini wangenön öngöinga luhutnön nangöi Itali kantrinön anbin. Keu mewö jöhögetka Pol aka kösö miri azi tosatñi mi suahö galöm kun qetñi Julius yangö böröñe al enjiget. Julius yanön yarö kambu bahöñi kun qetñi “Rom sisa kiñgö yarö kambu” qetkeri, miangören yarö azi 100 yengö galömnina malök.

<sup>2</sup> Miri kun qetñi Adramitium miangörenök wange kun kaba Eisia prowinsgö köwet jitñi mötöteiba wange döpnñi mohot mohot miangören anmapkö aka jöjöröyöhi, miangören öngöin. Öngöinga opo seri öröba mörörengögetka luhutnön nangöi köwetnön anin. Masedonia prowinsgö siti qetñi Tesalonaika miangörenök azi kun qetñi Aristarkus yanön sunğurumnini aiga mohotñe anin.

<sup>3</sup> Anda ahöm wahöta miangören Saidon mire anğorin. Anğoringa Juliusnön Pol ala ak wangiba jim teköiga wange mosöta alaurupñi yengören anda engehiga wani yuaigöra osiyöhi, mi bauköm wangiget.

<sup>4</sup> Miangörenök kunbuk köwetnön aninga luhutnön köna anbin jiini, miangören görökenök qeba gilöhanğöra lömböriiga toroqeba gölme jolanñi qetñi Saiprus miangö tölapñe geba qöhöröngöba mötöteiba anin.

<sup>5</sup> Aninga luhutnön nangöi köwet kutuba Silisia aka Pamfilia prowins yahöt mi etkoñgita Lisia prowinsgö siti qetñi Maira miangören anğorin.

<sup>6</sup> Anğota miangören suahö galömninan wange kun miwikñaiyök. Wange mianön Ijptkö siti qetñi Aleksandria miangörenök kaba Itali kantrinön anmamgö aka jöjöröyök. Mi miwikñaiiba jim kutum nenjiiga miangören öngöin.



<sup>7</sup> Öngöba köwetnön aninga luhutnön ölop qahö nangöi wehön gwötpuk mi ösöngsön anda malin. Mewö malin teköiga miangören kupuk-kapak aka köwet miangören Nidas taon kösutne angorin. Kösutne angoringa luhut köhöiknanök gila miangören göröken toroqeba anbinangö könani jöhöyök. Jöhöiga lömböriiga Krit gölme jölanangö jitni köröpni qetni Salmone mi ongita anda gölme jöhanangö tölapne geba qöhöröngöba mötöteiba anin.

<sup>8</sup> Köwet jitni dowe mötöteiba osikosibuk anda mala Lasea taon kösutne miri qetni “Wange surusuruji eksihimnambuk, Fair Hafens” qerakzei, miangören angorin.

<sup>9</sup> Miangören angota nalö köröpni mösöhöba malin. Mewö malinga singisöndok sanjonsanjonjö kendonji qetni Yom Kippur\* miangö nalönan teköiga luhutqege nalönan lök kam kuñgui angorin. Luhutqege nalöne ambazip köwetnön anda “Ayuhubinbuk,” jiba wangenini jöhözema. Miangöra Polnön galöm meme keu kun kewö jii mötket,

<sup>10</sup> “Aziurup, nini köwet qakne toroqeba anbinbuk. Mönö kupuk-kapak qakne anda ayuayuhu miwiknaibinbuk. Wangenini raidimbomnön qei jömgöiga sukinapni geñmororoñ öngöngöni aiga naninak mewöyök kömumbinbuk. Miri tandöknan mewö ahiga ekzal.”

<sup>11</sup> Galöm meme keu mewö jiyökmö, suahö galömninan Polgören keu mi qetala wange tonji aka stia (möñaqöñai lökuat) galömni yetkön “Ölop anbin,” jiyohori, suahö galömninan keuniri mi möt nariyök.

<sup>12</sup> Miri qetni “Wange surusuruji eksihimnambuk” miangö wange döpnji mi luhutqege nalö tatatkö dop qahö ahök. Miangöra aka azi gwötpuknan anbingö keu kötöngöba kewö jiget, “Ki tatpingö ölan neñgöhöza. Ölop opo seri öröba mörörengögetka köwetnön anbin. Anda kapan köla mala köna ahuiga Finiks wange döpnön angotpinak. Miangören angota luhutqege nalö ki ölop tata malin teköma.” Wange döpn qetni Finiks mi Krit gölme jölanji miangö jitne wehön gegenji göröken ahöza. Mewö.

### *Raidimbomnön köwet meiga böliyök.*

<sup>13</sup> Anbingö keu mewö jigetka luhutnön ösöngsön könahiba Saut görökenök gilök. Giliga “Ölop anda areñnini wuatangöba Finiks ekin,” jiba mötmöriba kinda wangegö kösö mendanji musulgetka korök. Koriga wangenön lolohoiga luhutnön nangöi ösön neñguangiriga Krit gölme jölanangö jitni mötöteiba dowe anin.

<sup>14</sup> Mewö aninmö, nalö kude köriiga luhut ösumni köhöikni qetni mura (yoware, Not Istkö raidimbom (piwi)lililikni) miangön mönö gölme jölanji miangö qakneyök qeba gila neñguba kayök.

<sup>15</sup> Neñguba kaiga wangenini galöm köl wanjibingö mem bibihigetka luhut qeba kayöhanğören göröken anmamgö osiyök. Osiiga mosötketka luhutnöhök wange kuñguba memba wanjiriga nanjak öne ani utuköm neñgiiga lañ malin.

<sup>16</sup> Utuköm neñgiiga mala gölme jölanji moröni kun qetni Kauda miangö tölapne Saut göröken anin. Miangören anda gomba kösönön jöhögetka wange andöne o kutuba kayöhi, mi aum-möriba köwetnöhök öröinga gwötpuk lömböriiga töndup kapan köla öröinga korök.

<sup>17</sup> Gomba mi öröin koriga wange ketane alin. Wangenön utuköba jömgöbapuköra möringa kösö memba wange köpeiba jöhöm köhöiget. Mewö anda mala sak qetni Sirtis† miangören köwet röndumni köröpni qahö ahözawangören kuñguba qaköbinbuköra keñgötñini mörin. Mewö mörinangöra aka wangegö opo seri yuaini mi meköba eta ala wange galömkölköl mosötket. Mi mosötketka luhutnön wange kuñguba neñgömissiiga öne lañ anin.

\* **27:9:** Yom Kippur sösongai kendon mi Septembe teteköne me Oktobe könakönahiñe alakze. † **27:17:** Sirtis mi Afrika kantri qetni Libia miangören göröken ahöza. Sirtis miangören köwet dutne sak kukundu ahöza.

18 Öne laŋ aninmö, raidimbom mianjön mönö könöpŋambuk toroqeba gila utuköm neŋgiyök. Mewö utuköm neŋgiiga miri gianjiiga mianjörenj könahiba waŋgegö sukinap tosatŋi memba köwetnönj gilget geyök.

19 Wehön karöbut aiga mianjörenj waŋgegö öröyuai aködamunŋambuk mi nanŋinak memba gilgetka köwetnönj geyök.

20 Mewö memenjaliba anda mala suŋgem silim gwötpuk mianjörenj wehön me seŋgelau kun qahö ehin. Raidimbom mianjön mewöyök köhöikŋanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

21 Raidimbom uruŋe nalö köröpŋi kaba mala nene kun qahö nein. Mianjöra aka Polnönj sutŋine wahöta kinda kewö jiyök, “Aziurup, nöŋön Krit gölme jölanŋi qahö mosötŋingö goro jiali, iŋini nöŋgörenj keu mi wuatangögetka dop kölbawak. Mewö ahinga geŋmororoŋ aka ayuayuhu kianjön mönö qaknine qahö öŋgöbawak.

22 Goroni mosötketmö, dölkü qambaŋ keu kewö eŋgizal: Eŋgörenjök kunŋan kun malmalŋi qahö ayuhuma. Mi qahöpmö, waŋgeyök ayuhuma. Mianjöra iŋini mönö ewebibiŋini möta tatme.

23 “Nöŋön bem qetŋi Anutu yaŋgö buŋaya aka welenni qeba maljal. Suŋgem gaun ahöbiga yaŋjön Suep garataŋi kun melaiga nöŋgö kösutne kaba kinja.

24 Kinda kewö jiza, ‘Pol, gi keŋgötki kude mötman! Gi ölöp Rom sisa kiŋgö jemesoholŋe anöŋga kewöt gihima. Mötnönj! Anutunönj körö ölöwakŋi kondel gihiba ambazip pakpak göbuk waŋgenönj mohotŋe maljei, yeŋgö malmalŋini mönö göhö böröge ali göbuk kinda kunŋan qahö kömuma.’

25 Suep garatanönj nöŋgöra keu jizawi, mönö mianjö dop asuhuma. Nöŋön Anutu mewö möt narim waŋgizal. Mianjöra aziurup, iŋini mönö eweŋini möta tatme.

26 Mewö asuhumapmö, luhutnönj gila muwutapköm neŋgiiga gölme jöhanŋi kungö jitŋe aŋgotpinaŋgö dop akza.” Mewö.

### *Suŋgem 14 aiga gölme dopdowiget.*

27 Waŋgeninan Gölme Sutŋire Köwetkö (Mediterranean Sea) bahöŋi qetŋi Adria Köwet mianjörenj öne laŋ aniga suŋgem 14 ahök. Mi aiga suŋgem bibiŋe mianjörenj waŋge nup meme azi yeŋjön “Mönö gölme kun dopdowizin,” jiba uruŋinan mewö mötket.

28 Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriiga köwet röndungö qötöŋi ahuyöhi, mi 40 mita (120 fit) mianjö dop ahök. Borom kun toroqeba anda tandök mohot miyök aketka qötöŋi mianjön 30 mita (90 fit) mianjö dop aiga miwikŋaiget.

29 Mi miwikŋaiba waŋgeninan köt törom kambaŋe kuŋgubapüköra keŋgötŋini mötket. Mewö möta waŋgegö kösö mendanŋi 4 mi waŋge andöneyök pösata ösöŋ memba eta alget aka asarimapkö miri qeba mamböta köuluköba tatket.

30 Mewö tatketmö, waŋgegö nup meme azi yeŋjön kewö möndöba jiget, “Nini mönö waŋge numbuŋe göröken waŋgegö kösö mendanŋi tosatŋi gilinga gema.” Mewö möndöba jiba waŋge moröŋi gomba kun waŋgenöhök meköba mem et algetka köwetnönj eri waŋge mosöta esapköba tölapŋe ölöŋ köla anbingö aket.

31 Mewö aketmö, Polnönj suahe galöm aka yarö azi yeŋgöra kewö jiyök, “Yeŋjön waŋgenönj qahö mösölatiba kinme ewö, eŋgö malmal jöhöjöhögö könaŋi kun qahö ahuma.”

32 Mewö jiiga yarö azi yeŋjön anda gombagö kösöŋi yandigetka nanŋök aniga nup meme azi yeŋjön ölöŋ köla anbingö osiget.

33 Waŋgaraŋ suruiga mianjörenj Polnönj körek pakpak nene nemegö qambaŋ keu jim kutum eŋgiba kewö jiyök, “Iŋini lök nalö köröpŋi uruyahöt mamböta nene kun qahö yöhösöröba malgetka merak wehön 14:ŋi akza.

<sup>34</sup> Mianğöra kewö jim kutum engizal: Nini malmal jöhöbingö aum-möribini, mianğören ösumnini etpapuköra mönö köhöiba kinda ölöwahinga dop kölma. Mianğöra injini mönö nene neme. Engörenök kunñan kun silenji qahö qema. Nöröp jupñini moröña kun mi qahö kötökñi sohoma.”

<sup>35</sup> Mewö jiba Polnön beret memba körek pakpak yengö jemesoholñine Anutugö saiwap jiba mindipköba könahiba neyök.

<sup>36</sup> Mewö neiga eka körek yeñön awösamñini geiga mewöyök nene memba neget.

<sup>37</sup> Nini wanje uruñe mindiriba jañgö 276 mianğö dop malin.

<sup>38</sup> Yeñön körek pakpak nene memba nem timbireñ aket. Mewö aka wanjenön amqemapköra wit padi toru memba gilgetka köwetnön geyök. Mewö.

### *Wanjenön köwet töromnön kuñguba qaköba jömgöyök.*

<sup>39</sup> Miri gianjiiga gölme eka mi qahö möt kutuget. Qahö möt kutugetmö, köwet wanğömñi (bay) kun sakñambuk miwikñaiba eket. Mi eka “Mönö wanje melenđa esapköba mianğören anğotpinak,” jiba keu jöhöget.

<sup>40</sup> Keu mewö jöhöba kinda wanğegö kösö mendannanğö kösöñi yandigetka suliga mosötketka köwet dutñe ahöyök. Mi yandiba mianğörenök likeplikep stia (möñaqöñai) lökuat yahöt ahöyöhi, mietkö kösöñiri pösatketka lolohoyök. Mi pösata wanje wösöñanğö opo serinji öröba mörörenğögetka luhutnön nanğöi wanje möñaigetka saknön göröken anin.

<sup>41</sup> Mewö aninmö, wanjenön köwet töromnön anhapuköra jöhöbingö osiba mosöta gilgetka anda kuñguyök. Mianğören kuñguba wanje giliñan töromnön qeba qaköba anda kamangö osiba tarök. Mewö tariga köwet sirinjan wanğegö andö likepñi gila kinda ösum köhöikñi mianğön qeba qesiñmesinök.

<sup>42</sup> Mewö ahiga jiget, “Kösö miri azi yeñörenök kunñan o qeba kutuba ölöñ köla anhapuk.” Mewö jigetka yarö azi yeñön kösö azi nini körek neñgubingö mötket.

<sup>43</sup> Mewö jigetmö, suahö galömninan Polgö malmalñi jöhömangö möta yarö aziurupñan mewö akepuköra anğön köl enğiyök. Anğön köl enğiba kewö jim kutum neñgiyök, “Denike enön köwet qeba anangö könanji mötzei, injini mönö mutuk luhuba geba köwet qeba anda körökñe öngöme.

<sup>44</sup> Yeñön mutuk angetka tosatñan andöñine katapa sahötñi qelanjiba meme me wanğegö kitipñi könanji könanji miwikñaiba mianğö qakñe ahöba köwet qeba anme.” Mewö jim kutum neñgiiga tandök mewö aka körekñan malmalnini jöhöba köwet jitñe anğot teköin. Mewö.

## 28

### *Malta gölme jölanñe mamböta malin.*

<sup>1</sup> Malmalnini jöhöba köwet jitñe kanğota mianğören gölme jöhannji qetñi Malta qetketka mörin.

<sup>2</sup> Kanğoringa kienön könahiba eri miri amöriyökmö, Malta ambazipnön ala-ala tandök ölop kötökñi kondel neñgiba könöp ohoba neñgwanğitketka körekñanök könöp kösutñe anda jömöta tarin.

<sup>3</sup> Polnön könöp omajarek qezaköba börangöba könöpnön alök. Mi ali jeiga qatö kunön könöp umñan kösuiga kota böröñe jöhöba yöhöyök.

<sup>4</sup> Mokolenñön mewö jöhöba böröñe möndöba eta kiniga gölme jölanñanğö tonjan eka nanñini eraum möta kewö jiget, “Azi ki köwetnöhök malmalñi jöhöba korökmö, Songoriñnön töndup likepñi melenđa malmalñi kutum wanğii kömuma. Mianğöra mönö enğui kömukömu azia akza. Mewö möt köhöizin.”

<sup>5</sup> Mewö jigetmö, Polnön soramem utuköba kinda giliga könöp uruñe geiga silene geñmororöñ kun qahö ahuyök.

<sup>6</sup> Mewö jiba ehiba “Sileni qariba pishima me wölan kömumba gölmenöŋ tala eta kölma,” mewö jiba ek tiba mamböta kinget. Nalö köröpŋi mamböta kingetmö, Polgö silene yuai bölöŋi kun qahö ahuyök. Mewö aiga mötmötŋini meleniga jiget, “O, azi ki mönö bem azia akza.”

<sup>7</sup> Malta saknöŋ kaŋgota lan uba kösutŋe nene nup gölme körö jajapiŋi aka bau bulmakau kambuŋi kambuŋi ahögetka ehin. Mi gölme jöhanŋaŋgö azi kembuŋini qetŋi Publius yaŋgö buŋaya ahöyök. Gölme toŋi mianön köl öröm neŋgii miriŋe öŋgöinga urukalem qakŋe köyan köl neŋgiiga yambuk köisirik taringa wehön karöbutkö dop anök.

<sup>8</sup> Taringa Publius iwiŋan silekönöp aka irip suaip sepŋambuk kawöl (dysentery) mianön yöhöiga dumnöhök ahöyök. Ahöiga Polnöŋ yaŋgöreŋ anda köuluköba böröŋi nöropŋe ala mem ölöwahök.

<sup>9</sup> Mewö asuhuiga miangöreŋök kawöl ambazip tosatŋi pakpak gölme jöhanŋe ahögeri, yeŋön mewöyök kaŋgotketka Polnöŋ Anutu köuluköiga ölöwaket.

<sup>10</sup> Yeŋön kalem könaŋi könaŋi gwötpuk neŋgiba mewö mianön göda qem neŋgiba malget. Könaŋep waŋgenöŋ öŋgöbingö ahini, nalö miangöreŋ köwet qakŋe köna malmalgö yuainjaŋgö osiini, mi memba neŋgöra waŋgenöŋ alget. Mewö.

*Malta mosöta anda Rom sitinöŋ aŋgorin.*

<sup>11</sup> Köiŋ karöbut teköiga waŋge kun qetŋi “Bem Siwisiwi” miwikŋaiget. Waŋge miangö nundune siwisiwi bemyahöt qetŋiri Kastor aka Poluks mietkö imutŋira memba meŋölöba alget kinohot. Waŋge mianön Ijpt kantrigö siti qetŋi Aleksandria miangöreŋök kaiga gölme jöhanŋe jöhöba luhutqeŋe nalöŋi mi tatket. Mi tatket teköiga öŋgöinga opo seri öröba möröreŋgögetka luhutnöŋ nanŋöi mosöta anin.

<sup>12</sup> Anda mala siti qetŋi Sairakyus miangöreŋ aŋgota gölmenöŋ eta wehön karöbut tarin.

<sup>13</sup> Tata waŋgenöŋ öŋgöinga opo seri öröba möröreŋgögetka anda Regium sitinöŋ aŋgorin. Aŋgota ahöm wahöta luhut Saut görökenök könahiba gilök. Gili anda silimŋi yahöt aiga miangöreŋ Rom likepŋe Puteoli taongö waŋge döpnöŋ aŋgorin.

<sup>14</sup> Aŋgota miangöreŋ urumelen alaurup tosatŋi miwikŋaiba engehin. Engehinga kewö qesim neŋgiget, “Inini ölop nembuk sonda mohot malbeak me qahö?” Qesim neŋgigetka “Ölop!” jiba yembuk malin. Malin teköiga engeŋmosöta Rom sitinöŋ öŋgöin.

<sup>15</sup> Urumelen alaurupninan Rom siti malgeri, yeŋön kainjaŋgö keu buzupŋi mötket. Mi möta miwikŋaim neŋgibingöra tosatŋan wahöta (köna 43 mail kaba) miri qetŋi Apius Forum maket miangöreŋ kaget. Tosatŋan (33 mail kaba) miri qetŋi Kian miri karöbut, miangöreŋ kaba miwikŋaim neŋgiba engehin. Angeka Polnöŋ “Anutu saiwap!” jiba möpöseiba uruŋi amgeiga ölöwahök. Mewö.

*Polnöŋ Rom tata Juda ambazip uruŋini kuŋguyök.*

<sup>16</sup> Rom sitinöŋ kaŋgota miangöreŋ Polnöŋ miri kunöŋ nanŋök malmapkö jim teköm waŋgigetka yarö azi kunŋan galöm memba yambuk malök.

<sup>17</sup> Mewö jim teköm waŋgigetka miri miangöreŋ tari silim karöbut teköiga Juda ambazip ipŋi köl öröm enŋii kaba tokoget. Tokogetka Polnöŋ kewö jii mötket, “Iwi alaurupni, nöŋön nanine Juda ambazip kambunini qahö qetala kazik ak enŋial me amböskonurupnini yeŋgöreŋök ahakmeme möta maljini, mi qahö ak böliäl. Mewö qahöpmö, töndup Jerusalem sitinöŋ qeraköba nömmimba jöhöm niŋgiba kösö mire al niŋgiget tatpiga Rom gawman yeŋgö böröŋine al niŋgiget.

<sup>18</sup> Al niŋgigetka böröjaŋ memba könaŋamnaŋgö qesiba kewötketka ölöwahök. Nöŋön yuai bölöŋi kun qahö aka kömupkö buŋaya akilenakö dop qahö ahal. Yeŋön mewö eka pösat niŋgibingö mötket.

<sup>19</sup> \* “Mewö mötketmö, Juda jitŋememe yeŋön Judia miangöreŋ keu mi qetala tuarenjoŋ aket. Mewö aketka siksauk aka lömböriiga nöŋön köna jaruba kun qahö miwikŋaiba kewö

\* 28:19: Apo 25.11



kapan köla qesial, 'Ni ölop Rom sitinön anbiga sisa kinön keuni mindingöi dingima.' Mewö qesibiga melaim ningigetka ki kayal. Nani Juda kambu yeñon kazik al ningigetmö, töndup yengö silenine keu bölöni kun ala jim engimamgö qahö mötzal. Mewö qahö.

<sup>20</sup> Anutunön azi kun asuhumapkö jöhöjöhö keu al nengiiga Israel neñon keu miangö ölni ahumapköra mamböta jörömqöröm ahakzini, nöñon mönö azi sorokni yangöra aka gwaröhöm ningigetka tapep (mungamunga) ki bisizal. Könañamni mewö. Miangöra aka merak engeka keukeu eraum mötpingöra köl öröm engibiga ki kaba tokoze."

<sup>21</sup> Mewö jiiga jiget, "Judia gölmenön göhöra keu jiba malgetmö, nengöra kimbi kun qahö alget kaiga ehin. Mewöyök alaurupninan miangörenök ki kageri, yengörenök kunñan göhö keu buzup me kösohot bölöni kun qahö jii mörin.

<sup>22</sup> Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreñ Nazaret pati kambu miangö keunji mi gölme dop jigetka ambazipnön qetalgetka likeplikep miangören goranora keu gwötpuk jiba kazik ahakze. Pati kambu miangö buzupñan mewö kezapnine gei mötzin."

<sup>23</sup> Mewö jiba Polnön keu kunbuk jimapköra nalö kun arengöget. Mi arengögetka Juda ambazip jesöngöñan nalö miangören kaba Pol miri malöhanğören tokoget. Tokogetka söñanök könahiba Anutu bemtohoñangö könañi jim asariba mali miri söñauyök. Jisösgö könañi möt yaköba möt nariba uruyahöt mosötmegöra kapan köla uru kuñgum engiba malök. Mutuk Mosesğoren Köna keu aka kezapqetok ambazip yengören Buzup Kimbi oyoñda keu miangörenök könahiba Jisösgö könañi indela mianñon kondela nañgöba jiba malök.

<sup>24</sup> Buña keu mewö jiba maliga tosatñan uruyahöt mosöta möt narigetmö, tosatñan mi qahö möt nariba tönpin malget.

<sup>25</sup> Nanñini urumohot qahö ak anguba sutñine mötmöt kambu yahöt aka denbingö aket. Denbingö aketka Polnön keu kewöyök jii mötket, "Uña Töröñan keu kun kezapqetok azi Aisaiagö uruñe sañep ali amböskonñini jii mötkeri, mi mönö engöra dopñine törörök jiyök.

<sup>26</sup> \*Aisaiänön keu mi kewö jii ahöza,

'Gi mönö ambazip kambu kienğoren anda kewö jinön mötme:

Inini mönö kezapñini ala keu ölna mötagun könañi möt bibihiba töndup qahö möt asarime. Jeñinan uba yuai ölna ekagun könañi ek bibihiba töndup qahö ek kutume.

<sup>27</sup> Ambazip kambu kienğö uruñinan mönö köhöiba gwözöñda ahöza.

Kezapñinan keu möt bibihiba jeñini kömaziliköba malje.

Mewö qahö akeak ewö, mönö jeñinan yuai ölop ek kutuba kezapñinan keu möta uruñinan könañi möt asariba uruñini melengetka nöñon i ölop mem ölöwak engibileñak.' "

<sup>28</sup> Polnön keu mi jim teköba kewö jiyök, "Miangöra inini mönö keu kötni ki ölop möt yaköme: Anutunön amötqeqegö Buña keunji mi mönö kian kantri yengören ali anma. Yengören aniga yeñon mi ölop kezap ala mötme."

<sup>29</sup> (Polnön mewö jim teköiga Juda yeñon nanñinök könöpuke jitrakölik aka goranora erauget öngöba eriga mosöta anget.) \*

<sup>30</sup> Polnön nanñangöra miri kun kusuk söngöröñi memba miangö uruñe (yara) yambu yahöt jömukñanök ahöm malök. Miangören mala ambazip denike yeñon ekingö kageri, yañon mi pakpak ölop köl öröm engiba malök.

<sup>31</sup> Awösamkakak qakne kinda Anutu bemtohoñangö könañi jim asariba uru kuñgum engiba malök. Kembu Jisös Kraist möt wangimegöra Anutu amötqeqegö könañi kusum engiba malök. Mewö maliga kunñan kun qahö qetal wanggiiga mala kota malök. Mewö.

\* 28:26: Ais 6.9-10 \* 28:29: Mötmöt ambazip yeñon Jabö 29:gö keunji kewöta tosatñan Luknön mi könakönahije qahö ohoyök jizemö, tosatñan keu miambuk urumohot qahö akze. Miangöra jabö 29 mi sel uruñe ahöza.

## **Rom kimbi Polnön Rom yengöra kimbi alök. Jim-asa-asari**

Jim-asa-asari Rom sitinön kopa malgetka urumelen kambuñi kambuñi yeñön sutñine simbisembel denja malget. Juda tosatan uruñini melenja Juda ahakmemenön aka Köna keunön qekötahöba silenini yandiba sömbup qahö nempa malget. Kian kantrigö urumelen kambu yeñön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö ölni andö enguba salupñine kian ambazip engoholi buñañi akeri, miangöra söngaiba ilit engiget. (11.18-20) Mewö aka Juda urumelen yeñön silikñini walñi mewöyök wuatangögerangöra aka jijiwilit ak engiba malget. Juda kambu yeñön kian kantrigö urumelen alaurupñini qepureim engiba Juda silikñini qahö wuatangögerangöra aka keuñini töhöreñ jim teköba söngöröqök aket. (2.17-20; 14.3)

Mindirim engimangöra Polnön kambu yahöt yengöra goro keu nanjök nanjök engimakza. Juda yengö könañini indeliga (2.21-27) kian kantri yeñön söngaiget. Keu bohonñi kewö jiyök, 'Jisös möt nariinga Anutunön mötnariñini eka keunini jim teköiga solanibin. Köna murutñi kun qahö ahöza.' (1.17) Kian kantri ambazip söngöröqökñini qekömapköra könañini indela kewö jiyök: "Anutunön nanñini ölöpñinangöra aka qahöpmö, nanñi ak-kömükömuñangöra aka inini möwölöhöm engiyök. (11.30-32) Miangöra mönö kapan köla Köna keu tem köla malme. (7.12-24) Körekmakörek siñgisöndokö kösö gwarönön mala ayuhubingö akzinmö, (3.23; 5.12) Anutunön nanñi irimsesewölñan etmapköra aka Kraist melaiyök. (5.8-9) Uña Töröñan meköba siñgisöndok aka kömupkö kukösumnöhök pösat neñgima. Miangöra siñgisöndok ahakmeme mosöta (6.11-14) mindiriba jöpaköm anguba kopa yengö sutñine kopa tandök kude malme." Goro mewö engiiga ösöñösöñ tem köla mindiriba malget. Polnön nalö mutukñi Rom ani nanjom wangigetka toroqeba Spein kantrinön anmamgö möta mewö ohoyök.

### **Buk kianjö bahöñi bohonñi 7 mi kewö:**

- Jim asa-asari keu aka keu bohonñi *1.1-17*
- Köreknan siñgisöndokö amötqeqegöra osizin *1.18-3.20*
- Anutunön amöt qem neñgimazawañgö könañi *3.21-4.25*
- Kraistpuk malmal dölökñangö könañi *5.1-8.39*
- Israel yeñön Anutugö mötmöt areñnön malje *9.1-11.36*
- Urumelen neñgö silik ahakmemegö keu *12.1-15.13*
- Keu teteköñi aka nanñi yaizözkök keuñi *15.14-16.27*

<sup>1</sup> Pol ni Jisös Kraistkö nup meme azia aka Rom urumelen ambazip embuk keu eraum mötpingöra kaba kimbi ohozal. Anutunön noholiga melaimelai azi aposol akzal. Anutunön Ölöwak Buñañi jim sehimangöra möwölöhöm niñgiiga maljal.

<sup>2</sup> Anutunön oyaenköyaen akingö Ölöwak Buñañi indelmapkö keuñi mi qeljiñe jöhöba jiiga kezapqetok ambazipñön möta Buña Kimbi töröñi miangöreñ ohogetka ahöza.

<sup>3</sup> Ölöwak Buñañi könañi mi nanñi nahönñi Jisös Kraist. Yañön gölme azi ewö kin Deiwidkö gwölönarökurupñi yengöreñök asuhuyök.

<sup>4</sup> Suet azi ewö Uñañan solanñi töröñi ahök. Anutunön i mem guliiga kömupnöhök wahöriga kukösumñan aukñe asuhuyök. Anutunön mewö miangön nanñi Nahönñi akzawañgö keuñi mi jim köhöiba kuñgum wangiyök. Kembuninangö könañi mewö.

<sup>5</sup> Kraistnön nupkö ölni kewö asuhumapköra mörök: Neñön kian kantriñi kantriñi liliköba Jisösgö qetñi sutñine jim sehiinga möta uruñini melenja möt narim wangiba keuñi tem köla malme. Miangöra aposol nupñi aka kalem möriamñi mi neñgiiga memba maljin.

<sup>6</sup> Anutunöŋ ambazip Jisös Kraistkö buŋaya aka malmegöra enghoholöhi, Rom injini mewöyök yeŋgö sutŋine malje.

<sup>7</sup> Uruŋini melenŋa Rom sitinöŋ maljei, nöŋön körek enghöra kimbi ki ohozal. Anutunöŋ injini nanŋi ambazip sarakŋi malmegöra enghohola jöpaköm enghimakza. Anutu Iwinini aka Kembu Jisös Kraist yetkön mönö kalem möriam enghiyohotka luainöŋ malme. Mewö köulukömakzal.

*Polnöŋ Anutu möpöseiba kewö köuluköyök:*

<sup>8</sup> Gölmeŋi gölmeŋi pakpak yeŋön Rom enghö mötnaripŋinanghö kösohotŋi jigetka mörakzal. Mianghöra keuni könahiba Jisös Kraistnöŋ nam köl niŋgiiga körek enghöra aka Anutuni saiwap jimakzal.

<sup>9</sup> Nöŋön mötmöt sihimni pakpak Anutugö nupnöŋ ala welenŋi qeba Nahönŋanghö Ölöwak Buŋaŋi jim asarimakzal. Mianghöreŋ sundan injini mötmörim enghimakzali, mi Anutunöŋ nanghöba jimakza.

<sup>10</sup> Nalö dop kewö jiba köulukömakzal, “O Anutu, nöŋön Rom yeŋgöreŋ anmamgö möta nalö köröpŋi lök mambötzal. Mianghöra mönö sihingahö dop jinöŋga köna asuhuiga nalö kewöŋe ölop anmam.” Mewö.

<sup>11</sup> Engeka mötnaripŋinan köhöimapköra möta ölop nup memegö mötmöt kalem kun enghimam. Mianghöra nalö mutukŋa enghöreŋ kaba engekŋamgö awöweŋghöba maljal.

<sup>12</sup> Kewö akingö awöweŋghömakzal: Nöŋön engekiga mutulanghöba ni aka injini denöwö möt narimakzini, mi eraum möta urunöŋ nanghöba körö-ölöwak qem anghubin.

<sup>13</sup> \*O urumeleŋ alaurupni, injini mönö kewö mötmöriba malme: Nöŋön kian kantri tosatŋi yeŋgö sutŋine liliköba uruŋini kuŋgum enghibiga melenŋeri, mianghö dop enghö sutŋine mewöyök ölni asuhui ekŋamgö mötzal. Mianghöra nalö gwötpuk lök enghöreŋ kusuk kamamgö areŋi ala malalmö, yuai tosatŋan mönö nalöŋi nalöŋi jöhöm niŋgiiga osial.

<sup>14</sup> Anutugö jeŋe tosa kewö ahöm niŋgiza: Ambazip kambu könaŋi könaŋi bauköm enghimamanghö keuŋan mönö nöŋgö qakne ahöza. Mötmöt ambazip aka gukmaulem ambazip miengö welengeqenini öröröŋ akzal. Mindimindiri keu Grik mötzei aka qandam \* mala nanŋini keuŋine irohwaroho jimakzei, mi körek bauköm enghimamgö mötzal.

<sup>15</sup> Mewö möta Ölöwak Buŋa mi Rom siti enghöra mewöyök jim asarimamgö amqeba urukönöp ahakzal. Mewö.

*Ölöwak Buŋagö kukösumŋi kewö:*

<sup>16</sup> \*Anutugö kukösumŋan nini körek mem letot neŋgiiga nalö kewöŋe Suepkö buŋaya akzin. Juda neŋön mutuk urunini melenŋa mi möt nariin aka neŋgö andönine kantri tosatŋi yeŋön mewöyök mi möt nariget. Mianghöra Anutunöŋ kukösumŋi Ölöwak Buŋanöŋ ali ahözawanghöra mi algamusum qahö ahakzal.

<sup>17</sup> \*Ölöwak Buŋanöŋ mönö solanŋi akingö könaŋi indelakza. Buŋa keu kun kewö ohoget ahöza, “Solanŋi akzawi, yaŋön mönö Anutu möt nariba mewö mianghön köhöiba mal öŋgöma. Keu mianghö könaŋi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöŋ malbinanghö dop toroqeba möt narim wanghiba jeŋe solanimakin.” Mewö.

*Neŋgö siŋgisöndoköra Anutugö irimŋan seholimakza.*

<sup>18</sup> Ölop solanibinakmö, ambazip keu ölni ahakmemeninan közanghöba siksauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholimakza. Ambazip mewöŋi pakpak engeka anghöjörakŋini qetala silikŋini bölöŋanghöra aka kazikŋi indeli asuhumakza.

\* **1:13:** Apo 19.21    \* **1:14:** Qandam, Siawari imbinöŋ qandak, Nei keunöŋ bus kanaka, ambazip arökŋe nanŋinök töŋpin mala mötmöt mirinŋi qahö gukmaulemnöŋ malget.    \* **1:16:** Mak 8.38    \* **1:17:** Hab 2.4

19 Mi kewögöra: Anutugö könañi möt kutubinañgö dop akzawi, mi mönö nanñak indel enñgiiga sutnine aukñeyök ahöiga mörakze.

20 Anutugö malmalñi qahö ehakzinmö, kukösumñi mi Suep gölme miwikñaim etkiba mianğöreñök könahiba kondela mala koriga nalö teteköñi qahö asuhumakza. Mianğöra Anutugö börösöwöñi törörök ehinga bem aködamunñambuk akzawañgö könañan mönö ölop möt kutubinañgö dop akza. Mianğöra ambazipnöñ yuai kunöñ möndöba nanñine keuñinañgö likepñi nanğöba jibingö osimakze.

21 \*Anutugö könañi möt kutuba malgetmö, töndup “Yañön bemnina,” mewö qahö jiba i qahö möpöseigetka qetbuñani sutñine qahö ahöyök. Mewö qahö ahöyökmö, keu omañi lanlan mötmörigetka mötmötñinan löwöriiga mötök aket. Uru mötkutukutuñini qahö mianñön mönö ömuñ köla pandaman meiga jipjap malje. Mianğöra “Anutugö könañi qahö mötzin,” jiba möndömöndö lan aketka qahö dop kölja.

22 “Mötkutukutu ambazip maljin,” jiba silenini memba öngöba malgetmö, mewö mianñön uruqahö ambazip akze.

23 \*Anutu qetbuñani asakmararañambuk nalö teteköñi qahö mal öngömawi, i qahö möpöseiba waikñi qahö memba malgetmö, i mosöta salupñe tandö lopion aka imut tosatñi kuñguget. Tandö lopion söhögetka kaisongolomñinan azi kömukömuñangö dop akze. Imut tosatñi megetka nei sömbup aka gölmenöñ bapñinan köla ölölöngömakzei, mienğö dop akze. Yeñön mi sipköba bem ewö möpöseim enğiba malget.

24 Mewö aka malgerañgöra Anutunöñ i andö enñgiiga nanñini uruñinañgö sihim kömbönañini lan wuatangöba serowilin aka nanñini silenini gamu qeba mem et al anguba malje.

25 Anutugö keu ölni mosöta salupñe keu munenji qekötahöget. Miwimiwikñai Tonji ölna qahö göda qeba welenni qahö qeba malgetmö, yuai miwikñaiyöhi me nanñini böröñinan megeri, mianğö sihimñi asuhui möta börösöwö mienğö waikñini memba möpöseim enğiba malget. Mewö malgetmö, neñön miwimiwikñai Tonini mi nalö teteköñi qahö möpöseimakin. Keu mi ölna.

26 Mewö aka malgerañgöra Anutunöñ i andö enñgiiga nanñini sihim kömbönañini gamuñambuk mi lan wuatangöba kewö aket: Yeñgö ambiurupñinan awanöm köna diñdiñi mosöta nanñinak melenđa amimba malget.

27 Azi yeñön mewöyök ambibuk amimba malmal mosöta gonñgiget. Kaisero akitkö sihim kömbönañini mi azi sutñine öröm anguba mötketka könöpñambuk aiga nanñinak melenđa amimba angjörakñinambuk aka malget. Gonñgiba jaubatbat malgerañgö likepñi mi Anutunöñ dopñine melen enñgiiga qakñine öngöiga böliget.

28 Anutugö könañi möt kutubingöra mötketka eretñi aiga mosötketka Anutunöñ mönö mewöñanök i andö enñgiiga nanñini mötmötñini gonñgonan galöm köl enñgiiga ahakmeme gamuñambuk aka memba malget.

29 Ahakmeme gonñgoni aka silik bölöñi könañi könañi mianñön uruñini kokolak qeiga kewö ahakze: Yuaigö nepaqepalok membagan membingö köpösöngöba isimkakalek ahakze. Tosatñi yeñgöreñ yuaigöra körögisigisi ahakze. Ambazip enñguget kömumakze. Angururuk aka tosatñi tilipköm enñgimakze. Ambazip tosatñi jiliwitiñ qakñe bölöñi ak enñgibingö mörakze. Keu ambazip kezapñine sañep alget geiga diwonñdawon anakza.

30 Andöqege keu jimakze. Anutugö yom jimakze. Silik bölöñi könöpñambuk tem köla wuatangömakze. Jakbak-örañbörañ aka silenini memba wahörakze. Silenöñ alal aka silik bölöñi murutñi murutñi miwikñaimakze. Iwinam keuñini qahö tem kölakze.

31 Mötmötñini qahö tohoiga uruqahö mala keu lan jöhöba qahö wuatangömakze. Ala-ala qahö aka tosatñi yeñgöra wösömötmöt qahö ak enñgimakze.

32 Anutunöñ köna diñdiñi kewö jim kutui ahöza: Ambazip bölöñi mewöñi ahakzei, yeñön mönö kömup köhöikñangö buñaya akñeangö dop akze. Yeñön jimkutukutu mi

\* 1:21: Ef 4.17-18 \* 1:23: Dut 4.16-18



möt asarizemö, töndup nanñinak bölöñi mi ahakze aka miyök qahöpmö, tosatñan mewö aketka “Ölöp!” jiba imbi köla nangöm enjimakze. Mewö.

## 2

### *Anutunöñ keunini kewöta diñdiñanök jim tekömakza.*

<sup>1</sup> \*O alani, gi tosatñi yeñgö keunini jim tekömakzan me qahö? Gi tosatñi yeñgö keunini jim teköba nangak ahakmeme miyöhök ahakzan. Mianğöra alagahö keunij kun jim teközan ewö, mönö nangahö keu mewöyök jim tekönöñga mianğö lömbötñan nangi qake öñgöma. Mianğöra öñgöñgöñi me eretñi akzani, mi töndup mönö yuai kunöñ möndöba nangahö keugö likepñi nanğöba jimamgö osimakzan.

<sup>2</sup> Ambazip ahakmeme bölöñi mewöñi ahakzei, Anutunöñ yeñgö keunini keu öññangö dop kewöta jim tekömakza, mi mötzin.

<sup>3</sup> Mianğöra denöwö mötmörizan? Gi gölme azia aka töndup yuai mewöñi ahakzei, yeñgö keunini jim teköba nangak ahakmeme miyöhök aknöñga dop köñja me qahö? Anutunöñ keugi kewöta jim teköba likepñi melen gihiga öñja göhö qake öñgöma. Anutugöra jeñe qahö mömölaköba asambötman.

<sup>4</sup> Anutunöñ ala ak neñgiba bölöñamninañgö likepñi zilañ qahö melenmapmö, mamböta möta mökösoñmakzawi, keu mianğöra jijiwilit akzan me? Anutunöñ uruölöpñi kondela urugi melen-mangöra öröm gihimakzawi, mianğöra töñpin malbanbuk.

<sup>5</sup> Gi kezapjupjup aka urugi qahö melenmani, mewö mianön Anutugö jeñe qahö mömölakömanmö, irimsesewölñan göhö qake sehiba öñgöma. Kazik nalöñan kam kuñguiga keunini diñdiñanök jim teköma. Likepñi melen neñjimawi, nalö mianğörej irimsesewölñi mönö aukñe indeliga eka mötpin.

<sup>6</sup> \*Anutunöñ mönö “Ahakmemeninañgö dop mohot mohot neñgöra likepñi melen neñjimawi,” mi kewö:

<sup>7</sup> Anutunöñ qetbuñaji neñjimapköra mamböta aködamuninambuk akingöra kapañ köla pöndañ kinda nup ölöpñi ölöpñi memba maljini, neñgöra malmal köhöikñi neñgima. Mi neñgiiga nalö teteköñi qahö oyaenköyaen mal öñgöbin.

<sup>8</sup> Mewö mal öñgöbinmö, ambazip nanñinañgörök mötmöriba girinjabak memba Buña keu öñi andö qeba keu bölöñi wuatañgömakzei, Anutugö irimñan mönö mianğöra seholiiga kazikñi ali qakñine öñgöma.

<sup>9</sup> Kazikñi mi mutuk Juda neñgö qakñine öñgöiga neñgö andönine kantri tosatñi aiaka bölöñi ahakzei, körek yeñgö qakñine mewöyök öñgöiga sihimbölö kahasililiñ möta malme.

<sup>10</sup> Mewö malmemö, Juda aka neñgö andönine kantri tosatñan mewöyök urunini melenja aiaka ölöpñi ahakzini, Anutugö aködamunñan mönö körek neñgö qakñine öñgöiga qetbuña neñgiiga luainöñ malbin.

<sup>11</sup> \*Anutunöñ ambazip tosatñi qahö neñgek soriba tosatñi qahö qepureim enjimakzampö, dop mohotnöñ kewöt neñjimakza.

<sup>12</sup> Mianğö könañi kewö: Kantri tosatñi yeñön Anutugöreñ Köna keu qahö oyoñda möta siñgisöndok lañ ahakzei, yeñön mönö körekñanök töñpin mala ayuhume. Juda neñön Anutugöreñ Köna keu oyoñda möta töndup siñgisöndok ahakzini, Anutunöñ mönö keu mianğö dop körek kewöt neñgiba keunini jim teköma.

<sup>13</sup> Ambazip Anutugöreñ Köna keu öne mörakzei, yeñön Anutugö jeñe solanñi qahö akze. Qahöpmö, Köna keu tem köla wuatañ-gömakzei, Anutunöñ mönö yeñgö keunini jim teköiga solanize.

\* 2:1: Mat 7.1; Luk 6.37    \* 2:6: Sum 62.12; Qam 24.12    \* 2:11: Dut 10.17

<sup>14</sup> Kantri tosatñan Anutugörej Köna keu qahö memba maljemö, tosatñan töndup lan nanñini imbi mianğö dop mötmöröba ahakze. Anutugö köna keuñi qahö mötzmö, töndup mötmötñinan jim kutum enğıga Anutugö köna keugö dop aka mianğö bapñe malje.

<sup>15</sup> Mewö maljeanğö könañi mi aukñe asuhuba kewö ahöza: Anutunöñ ambazip miwikñaim neñgiba mianğörej Köna keuñanğö jimkutukutuñi mi körek neñgö urunine ali ahöza. Mianğöra Anutunöñ keuñi jiba sañep alakzawi, mi kian kantri yeñön mewöyök mörakze. Mi uruñinanğö kezapñan mötketka keuñini jiuga Anutubuk öröröñ mörakze. Anutunöñ urumötmöt enğıyöhi, mianğön nalö tosatñe keu jakene ala kuñgum enğıga möt bölimahakze aka nalö tosatñe keuñini nanğöba jiuga möt ölöwahakze.

<sup>16</sup> Ölöwak Buña jim asarimakzali, mianğö dop nalö ketane kewö asuhuma: Kraist Jisösnöñ Anutu bauköm wanğıga ambazip neñgörej keu tölapñi tölapñi kewöta jim teköm neñgima. Mewö.

### *Köna keu mianğön könañamnini denöwö indelja?*

<sup>17</sup> Gi nangi qetki Juda azia qeta Köna keunöñ amöt qem gihimapkö möt nariba “Anutugö buñaya akzal,” jiba silegi möpöseinönga dop kölja me qahö?

<sup>18</sup> Gi Anutugö jitñanğö dop malmalgö keuñi möt sölöngöba maljan. Anutugö Köna keu kusum gihigeranğöra aka köna qetpuk sorok wuatangömamğö jiba keu pakpak kewöta ölni aka muneñi mendenmakzan.

<sup>19</sup> Gi “Ölöp jegömöl ambazip alabaukñini aka enğuanğitmam,” jiba aiweliköm anğumakzan. Söñaupnöñ maljei, mi mem asarim enğimananğö dop awösamkakak akzan.

<sup>20</sup> Mewö aka kewö jimakzan, “Köna keu kusum niñgigetka mötkutukutu lök miwikñaiba keu ölnanğö könañi mötzal.” Mewö jiba anqeba kewö jimakzan, “Ni ölöp ambazip mötmötñini qahö yeñgö böhiñina akñam. Ölöp mönö namande yeñgö qağazuñina aka kusum enğimakñam.”

<sup>21</sup> Mewö jiba tosatñi kusum enğiba wuanöngöra nangi qahö kusum anğumakzan? “Yoñgorö kude meman,” jiba ambazip uruñini kuñgum enğimakzanmö, nangak yoñgorö meme aknönga qahö dop kölja.

<sup>22</sup> “Sero yoñgorö kude akñan,” mewö jinöñ mötketka nangak kaisero akzan me qahö? Tandö lopioñ sisit mem enğimakzanmö, töndup nangak jöwöwöl jikenöñ öngöba yuaini anğön köla kiom qeba memakzan. Mi qahö dop kölja.

<sup>23</sup> Anutugörej Köna keubuk maljananğöra silegi lan memba öngömakzanmö, nangak mi walönda mewö mianğön Anutugö qetbuñani memba et ala malnönga gamuñambuk ahakza.

<sup>24</sup> \*Mianğö keuñi mi Buña Kimbinöñ kewö ohoget ahöza, “Enğö silikñinanğöra aka kian kantri könagesö yeñön Anutugö qetñi ilita sutñine mepaqepaik ahakze.”

<sup>25</sup> Anutugörej Köna keu wuatangöba maljan ewö, Anutugö aiwesökñi silege yandigeri, mianğön mönö bauköm gihiiga dop kölja. Mi dop köljamö, köna keu walönda singisöndok ahakzan ewö, mönö aiwesöki qahö memeni mewö tandök aka öne lan maljan.

<sup>26</sup> Tosatñan Anutugö aiwesökñi silenine qahö yandigetka töndup köna keugö jimkutukutuñi wuatangömakze ewö, Anutunöñ aiwesök mi silenine ahözawanğö dop ewö enğehiga dop kölja.

<sup>27</sup> Mewö enğehiga yeñgöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt anğön köla maljanmö, mi walönda singisöndok ahakzananğöra aka etman.

<sup>28</sup> Azi kunñan silenöhök Juda azia akza ewö, yañön mönö Juda azi ölni qahö akza. Mewöyök Anutugö aiwesökñi sileneyök yandigetka yañgisen ahakze ewö, mi mönö aiwesök omani, ölni qahö.

---

\* 2:24: Ais 52.5

29 \*Ölji qahöpmö, azi kun uruñan Juda azia akzawi, yañön mönö Juda azi ölji akza. Mewöñanök Anutunöñ urunini qesöñda Uñañi Töröñi miangöreñ ali maljawi, miangön mönö aiwesök ölji akza. Köna keugö bohonñi wuatangöba azi silenji yandigetka gölme ambazipnöñ mötketka öngömazapmö, Anutunöñ aiwesökñi urunine kinjawangöra möri öngöi möpöseim neñgimakza. Mewö.

### 3

#### *Anutunöñ keunji pöndañ wuatangömakza.*

1 Mewö ahöiga Juda ambazip maljini, miangön mönö denöwö bauköm neñgibawak? Anutugö aiwesökñi silenine yandigeri, miangö ölñan mönö denöwö ahum neñgiza?

2 Ölñan mönö malmal pakpak miangöreñ gwötpuk ahuba ölña bauköm neñgimakza. Miangö keunji mutukñi kewö: Anutunöñ Buña keunji neñgiiga buñanina aiga maljin.

3 Mewö maljinmö, neñgöreñök tosatñan Anutu qahö möt narim wangiba malgetka denöwö ak engima? Yangiseñ malgerangö likepñi melenja mönö denöwö ak neñgima? Urukalemñi jöhöba angön köliga omanji akña me denöwö?

4 \*Mi qahöpmahöp! Nini körek pakpak munen ambazip akzinmö, Anutunöñ öl töhöññi akza. Anutugö könanji mi Buña Kimbinöñ kewö ohoget ahöza, “Keu jakene ala qesim gihigetka keugahö likepñi jim asariba miangöreñ diñdiñi aka luhut al engiba kinman. Göhö könañamgi mewö miwikñaiba nangöba jime.”

5 Neñön ahakmeme gonjonji wuatangöinga Anutunöñ qindiñaim neñgiiga ahakmemeñi diñdiñan mewö aukne asuhuza ewö, neñön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöñ likepñi melenjiga irim-sesewölñan qaknine öngözawi, yangö mötmötñan mewö gonjiza me qahö?

6 Qahö, mi yapmakek! Anutunöñ gonjonji akawak ewö, yañön gölmeñi gölmeñi neñgö keunini mönö denöwö kewöta törörök jim teköbawak?

7 Nöñön munen azia akiga Anutunöñ keunji ölñan qindiñaim niñgiiga yangö qetbuñanan mewö aukne asuhum tiñgitza. Mewö aiga nöñön siñgisöndok ahali, Anutunöñ miangö keunji mönö denöwögöra jim teköza? Nömosöri nani imbi-imbi malbi dop kölbawak me qahö? Keuñan mönö qahö löwöriba etma.

8 Mönö kewö jiinga dop kölbawak, “Nini ölop bölöñi toroqeba ahinga Anutunöñ mi qindiñaiiga ölopñangö ölñan asuhuiga keuñan qetbuñanambuk akña.” Tosatñan neñgöra keu sirongen mewö jiba toroqeba kewö jimakze, “Polnöñ keu mewö jiba miangö dop lañ ahakza.” Mewö aka jigerangö keunji mi Anutunöñ kewöta dopñine jim teköm engima, mötzal. Mewö.

#### *Ambazip kunñan solanji qahö akza.*

9 Keu mewö eraum möta mi denöwö jim teköbinak? Juda neñön kantri tosatñi engongita Anutugö jeñe diñdiñi akzin me qahö? Sauban! Miangö keunji lök qeljiñe kewö jim köhöinin: Juda me kantri tosatñi akinak, nini körekmakörek siñgisöndok ahinga köpeim neñgiiga maljin. Miangöra silenini memba öngöbingö osimakzin.

10 \*Miangö keunji mi Buña Kimbinöñ kewö ohoget ahöza, “Kunñan kun solanji diñdiñi qahö kötökñi akza.

11 Kungö uruñe mötmöt qahö ahum kutui lañ malje. Kunñan kun Anutu miwikñaimangö qahö kapan kölakza.

12 Qahöpmö, körekñan mönö köna ongita janjuñ aka malje.

Körekmakörekñan mönö böliba Anutugö jeñe angöjörakñinambuk akze. Ölopñi ahakzawi, mohot-töwa kun mi qahöpmahöp miwikñaizal.

13 \*Nesilamñinan isimkakalek ahakze.

Jöl ginaginañinan qaksirigö löm ewö añañiba kiniga kömupkö qösösökñi ewö mianjón ambazip lañ ayuhum engimakze. Keu bölöñi mi qatögö jitñi möröm warabe ewö numbuñine kokolak qeba ahöiga jitñinan ambazip lañ engöhömakze.

14 \*Sait keu kömbukñambukñöñ mönö numbuñini kokolak qeiga ambazip lañ qesuahöm engimakze.

15 \*Ambazip lañ enguba sepñini mokomegöra könañinan kik-kek ösumok anda kamakze.

16 Könañini gongii maljeangö aiwesökñini kewö akza: Denike lilikömakzei, mianjören mönö könden-mönden aketka ambazip uruñinan böliba kömbuhi-makza.

17 Luainöñ malmalgö könañi mi qahö möt kutum yaköze.

18 \*Anutu göda qebingö keuñi mi uruñine qahö ahöza. Jitñi ongitpinbuköra kenjötñini qahö möta önewat lañ malje.”

Anutugören keu mewö ahöza.

19 Anutunöñ Köna keu kewögöra neñgiyök, mi mötzin: Köna keu pakpak mianjón gölme dop jöhöm neñgimakza. Nini keu mianjögö bapñe anda tem köla malinga dop kölma. Qahö tem kölbin ewö, Anutunöñ mönö likepñi meleş neñgii ayuhubin. Mianjögöra sömbunini möta möndömöndönini mosöta keu bök mala tem köl wañgiinga dop kölma. Anutunöñ ambazip könanini mewö indelöha ahöza.

20 \*Köna keunöñ jöhöm neñgimakzäpmö, nini lökñanök mi wuatangöbingö osimakzin. Anutugören Köna keunöñ siñgisöndok qiwikñaiiga aukñe eka ölop möt kutubinmö, köna mianjón Anutugö jeñe solanñi akingö osibin. Mewö.

*Solanñi akinangö könañi mi mötnarip.*

21 Naninak osimakzinmö, Anutunöñ Köna keu wuatangöba solanñi akingöra mi qahö jiyökmö, köna murutñi kewö arengöba jii ahöza: Anutunöñ nanñak keunini jim teköiga yangö jeñe solanibin. Anutunöñ keu mi Moses aka kezapqetok ambazip yengöra indeliga nangöba jiba Buña Kimbinöñ ohogetka nalö kewöñe aukñe asuhuiga mötzin.

22 \*Mianjögöra denike denike neñön Jisös Kraist möt narizini, Anutunöñ mönö körek neñgö keunini jim teköiga solanibin. Ambazip kambu murutñi murutñi neñön Anutugö jeñe öröröñ akzin.

23 Ambazip körek neñön siñgisöndok aka Anutugö asakmararañangöra osizin.

24 Mi osizinmö, Anutugö kalem möriamñan asuhuiga Kraist Jisösnöñ sohoppnini meyök. Anutunöñ kalem mianjögöra aka keunini jim teköiga solanibin.

25 Mutuk siñgisöndok aka malgeri, Anutunöñ mi möta mökösoñda likepñi zilañ qahö meleş engiyök. Mi qahö meleş engiba nanñi ahakmeme solanñan aukñe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeñe köl köñjorat neñgimapkö könaña ahök. Sepñi mokoyöhi, mi möt nariinga mewö mianjón siñgisöndoknini mosöri solanibin.

26 Könañi mi nalö kewöñe aukñe asuhumapköra möta Jisös mewö ak wañgiyök. Anutugö ahakmeme solanñi mi kewö: Nanñak solanñi akza aka kunñan Jisös möt narizawi, mönö yangö keuñi jim teköiga solanimakza.

27 Mewö aiga mönö wanigöra silenini mem öngöbinak? Yuai kungöra aka qahöpmahöp. Köna keu wuatangöba solanñi akingöra mi osizin. Mewö solanñi qahö akinmö, Jisös möt nariinga Anutunöñ neñgeka keunini jim teköiga solanimakin.

28 Keu ki jim teköba kötñi kewö jim köhöizin: Köna keu wuatangömakzinañgöra qahöpmö, Jisös möt narim wañgizinañgöra aka Anutunöñ keunini jim teköiga solanimakin.

29 Anutunöñ Juda neñgö Anutuninanök qahö akza. Mönö kantri tosatñi yengö Anutuñina mewöyök akza me qahö? Mönö yengö Anutuñina mohot akza.



30 \*Anutunöŋ mohot akza. Mianğöra silenini yandiget maljini, neŋön möt narim waŋgiinga mem solanim neŋgimakza aka silenini qahö yandiget maljei, mi mewöyök möt narim waŋgigeranğöra aka mem solanim eŋgimakza.

31 Mötnarimegö keu jiba mianjön kunğum eŋgiba mewö mianjön Köna keu memba et alinga omani akŋa me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

## 4

### *Abrahamnöŋ Anutu möt nariba solanŋi ahök.*

1 Nini bömön jalönini Abrahamgö könaŋanğöra denöwö jibin? Yaŋön Anutugö könaŋi denöwö miwikŋaiba yaŋgö jeŋe solanŋi ahök?

2 Ölna, Anutunöŋ yaŋgö keuŋi ahakmemenŋi ölöpnanğöra aka jim teköiga solanibawak ewö, yaŋön mianğöra ölöp silenŋi memba öŋgöbawakmö, mi Anutugö jeŋe qahö.

3 \*Mianğö keuŋi Buŋa Kimbinöŋ kewö ohoget ahöza, “Abrahamnöŋ Anutu möt nariiga mötnariŋi ehi dop köliga keuŋi jim teköiga solaniyök.” Keu mewö ahöza.

4 Keuŋi mönö kalema jim teköiga solaniyökmö, kunŋan nup meiga galömnan töwaŋi kalema qahöpmö, nup memakzawaŋgö dop ek kewöta töwaŋi waŋgimakza.

5 Gölme galömnöŋ mewö waŋgimakzapmö, Anutunöŋ anğöjörak ambazip neŋgö keunini jim teköiga solanimakin. Mianğöra kunŋan oyaenköyaen akŋamğöra nup qahö memba Anutu öne möt narim waŋgizawi, Anutunöŋ mönö mötnariŋi mi ehi dop köliga keuŋi jim teköiga solanima.

6 Deiwidnöŋ mewöyök keu mianğö könaŋi nanğöba keu kewö indela jiyök, “Kunŋan oyaenköyaen akŋamğöra nup qahö meiga Anutunöŋ mötnariŋi ehi dop köliga keuŋi jim teköiga solanizawi, yaŋön mönö simbawon akza.”

7 \*Mewö jiiga keuŋi mi kewö ohoget ahöza, “Ambazip Köna keu walöŋgetka Anutunöŋ siŋgisöndokŋini mosöta köl könjörari maljei, yeŋön mönö simbawon akze.

8 Kembunöŋ kungö siŋgisöndokŋi saŋgonđa ehi dop köliga likeŋi qakŋe qahö ali öŋgömawi, yaŋön mönö oyaenköyaen akza.”

Keu mewö ahöza.

9 Anutunöŋ oyaenköyaen akingö könaŋi mewö indela Anutugö aiwesökkinambuk neŋgörök jii ahöza me qahö? Mi qahö. Mi mönö kantri tosatŋi aiwesökŋini qahö yeŋgöra mewöyök ahöza. Neŋön lök kewö jiba ohozin, “Abrahamnöŋ Anutu möt nariiga mötnariŋi ehi dop köliga keuŋi jim teköiga solaniyök.”

10 Mönö wani nalönöŋ ehi dop köliga keuŋi jim teköiga solaniyök? Anutugö aiwesökŋi silenŋe yandiget malöhi, nalö mianğöreŋ qahöpmö, mutuk öne malöhi, Anutunöŋ mönö nalö mianğöreŋ mötnariŋi ehi dop köliga keuŋi jim teköiga solaniyök.

11 \*Mutuk öne mala Anutu möt nariiga keuŋi jim teköiga solaniyök. Mianğö andöŋe dop köljawaŋgö aiwesökŋi mi silenŋe yandimegöra jiiga munğem supap ewö ahök. Mewö aiga yaŋgö andöŋe Anutugö aiwesökkinambuk qahö mala möt narim waŋgiinga mötnariŋini ehi dop köliga keunini jim teköiga solanibini, Abrahamnöŋ körek neŋgö bömön jalönina ahök.

12 Bömön jalönini yaŋön öne mala nalö mianğöreŋ uruŋi melenđa Anutu möt nariba malöhi, nini aiwesökkinambuk yaŋgö dop aka maljin. Anutugö aiwesökkinambuk mala urunini melenđa maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupŋi wuatangöba möt nari-makzin. Mewö.

### *Anutugö jöhöjöhö keu möt nariinga ölnambuk akŋa.*

\* 3:30: Dut 6.4; Gal 3.20 \* 4:3: Jen 15.6; Gal 3.6 \* 4:7: Sum 32.1-2 \* 4:11: Jen 17.10

13 \*Anutunöŋ Abraham gölme buŋa qem waŋgiiga tonji aiga gwölönarökurupŋan yaŋgö andöŋe mewö mal öngömegö keuŋi jiba jöhöyök. Keu mi Köna keu wuatangöyöhaŋgöra aka qahö jiyökmö, Anutunöŋ mötnariŋŋi ehi dop köliga keuŋi jim teköi solanŋi ahöhaŋgöra keu mi jiyök.

14 \*Tosatŋan oyaenköyaen akingöra Köna keunöŋ qekötahöba mewö mianöŋ Anutugören yuai mi buŋa qem angubeak ewö, yeŋön mönö möt naribingö keuŋi qeapkögetka omanji akawak. Mewö Anutugö jöhöjöhö keugöra qahö osiinga keu mianöŋ omanji akapuk.

15 Anutugören Köna keu walöŋninga irimŋi seholiiga kazikŋan qaknine öngömakzapmö, Köna keu qahö ahöbawak, mewö siŋgisöndokö keuŋi qahö jibinak.

16 \*Abrahamnöŋ mewö mindirim neŋgiba körek neŋgö bömöni akza. Miangöra jöhöjöhö keuŋi neŋgiyöhi, mi Köna keunöŋ qekötahömakzei, yeŋörök qahöpmö, Abraham ahök ewö möt narimakzini, neŋgören mewöyök öljambuk akŋapköra mörök. Miangöra Anutunöŋ jöhöjöhö keuŋi mi kewö arengöba alök: Mi möt nariinga ölni körek neŋgöra kalema neŋgiiga kalem möriamŋan aukŋe asuhumakza.

17 \*Abrahamgö keuŋi kun mi Buŋa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu miangö dop Abrahamnöŋ Anutugö jeŋe iwi ak neŋgimakza. Anutunöŋ kömukömuŋi mem gulim enŋimakza. Könagesö malmalŋini qahö, mi jebuk maljeangö tandök ewö enŋoholi asuhumakze. Abrahamnöŋ mönö Anutu mewöŋi möt narim waŋgiyök.

18 \*Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋamgö mamböta malök. Jöhöjöhö keu mutukŋangö dop asuhumapköra mönö Anutu möt narim waŋgiba malök.

19 \*Saragö köröŋan morö memegö dop qahö aiga nanŋak yambuŋi lök 100:kö dop ahök. Miangöra nanŋi mötmöriiga lök azi namŋi silenji waziba sohoholiŋi ahökmö, töndup Anutugören keunöŋ öljambuk akŋapköra möt narim waŋgiba maliga Abrahamgö mötnariŋŋan qahö sörauba löwöriyök.

20 Qahö löwöriyökmö, keuŋan öljambuk akŋapkö möt nariba miangören köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnariŋŋan köhöiiga Anutu möpöseiba maliga Anutugö qetbuŋaŋan sehiyök.

21 Anutunöŋ yuai asuhumapkö keuŋi jiba jöhöba mi ak tekömangö köhöimakzawi, mi möt köhöim teköba uruyahöt kun qahö aka malök.

22 Mewö aka malöhaŋgöra Anutunöŋ Abrahamgö mötnariŋŋi ehi dop köliga keuŋi jim teköiga solaniyök.

23 Mötnariŋŋi ehi dop köliga keuŋi jim teköiga solaniyöhi, keu mi Abrahamgörök qahö ohoget ahöza.

24 Abrahamgörök qahöpmö, neŋgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim waŋgiinga mötnariŋŋini ehi dop köliga jim teköm neŋgiiga solanibin.

25 \*Anutunöŋ neŋgö siŋgisöndok-ninaŋgöra aka Jisös qahö aŋgön köli kömuyök aka solanŋi akingöra aka mem guliiga kömupnöhök wahöta malja. Mewö.

## 5

### *Anutugö jeŋe solaniba söŋgaiba luainöŋ maljin.*

\* 4:13: Jen 17.4-6; 22.17-18; Gal 3.29    \* 4:14: Gal 3.18    \* 4:16: Gal 3.7    \* 4:17: Jen 17.5    \* 4:18: Jen 15.5  
\* 4:19: Jen 17.17    \* 4:25: Ais 53.4-5

<sup>1</sup> Neñön Anutu möt nariinga keunini jim teköiga solanizin. Mianğöra Kembunini Jisös Kraistnön mönö nam köl neñgiiga Anutubuk luai miwikñaiba maljin.

<sup>2</sup> Mewöyök Jisös Kraist möt nariinga nam köl neñgiiga kalem möriam buña qem aᅇgubingö könañi miwikñaiba nalö kewöñe kalem möriam uruñe maljin. Anutugö asakmararañ uruñe aᅇgotpingö jörömqöröm aka söᅇgaimakzin.

<sup>3</sup> Mianğörök qahö söᅇgaimakzinmö, wahöjalin möta mianğöra mewöyök söᅇgaimakzin. Köñjilin möta mököstönda mewö mianğön kapaᅇkölköl miwikñaibin. Mi möta mianğöra söᅇgaimakzin.

<sup>4</sup> Kapaᅇkölköl miwikñaiba esapesapnön köhöiba kinbin. Esapesap-nön köhöiba kininga jörömqörömninan köhöimakña.

<sup>5</sup> Anutunön Uña Töröñi al neñgiiga köna asuhuiga urukalemñi mokoiga urunine geiga maljin. Mianğöra jörömqöröm aka oyaenköyaen akingö al mamböta gamumamusum qahö miwikñaibin.

<sup>6</sup> Mianğö könañi kewö: Nini mutuk lölöwöröñi ösumnini qahö malini, Kraistnön mönö nalö diᅇdiñi mianğöreñök kömumba ambazip aᅇjöörakninambuk neᅇgö sohopnini meyök.

<sup>7</sup> Kunön Köna keu törörök wuatanaᅇöba diᅇdiñi akzawi, ala mewöñaᅇgöra kunñan ölop qahö kömumbawak? Mi möriᅇga osibawakmö, kunön urukalem gwötpuk ambazip ak eᅇgim�kzawi, alañi kunñan yaᅇgöra aka ölop silenñi köleᅇda kömumamᅇgö mötpawak.

<sup>8</sup> Ambazipnön mewö ahakzinmö, Anutunön uruñan jöpaköm neᅇgim�kzawi, yaᅇñ mi kewö kondelök: Yaᅇñ Kraist melaiᅇga eta mutuk aᅇjöörak ambazip malini, nalö mianğöreñök mönö neᅇgöra aka kömuyök.

<sup>9</sup> Kömuᅇga nalö kewöñe seᅇñan saᅇᅇᅇda jim teköm neñgiiga solaniba maljin. Töndup mi korembenñi ewö aᅇga öᅇñan mönö könaᅇᅇp kewö asuhuma: Anutunön siᅇᅇisön-dokö urukönöpñi aukñe kondeliga yuai kanjamñambuk gölmenön asuhuma. Mi asuhuiga Anutugö jeᅇe solanñi akzinanaᅇra Jisösnön mönö jeᅇberereñ mianğöreñök meköm neñgiiga oyaenköyaen akin.

<sup>10</sup> Nini mutuk Anutugö kerökurupñi malini, nalö mianğöreñ nanñi Nahönñi melaiᅇ kömumba mianğön töwanini ahiga Anutubuk ala-ala ahin. Ahini, mianğön korembenñi akzapmö, öᅇñi bohonñan könaᅇᅇp kewö asuhuma: Töwanini ali Anutugö alaurupñi malinga Jisösnön köhöiba maljanaᅇgöra mönö amᅇeba meköm neñgiiga oyaenköyaen akin.

<sup>11</sup> Kembunini Jisösnön Anutugö amötᅇᅇe nupñi meᅇga Anutunön töwanini ali yambuk ala-ala ahini, miyöhök qahöpmö, öᅇña Anutubuk jöpaköm aᅇguba kinda köirañ köla söᅇgaimakzin. Mewö.

*Adamgöra aka köhömuñi akzinmö, Kraistköra aka gulibin.*

<sup>12</sup> \*Azi mohotnön siᅇᅇisöndok gölmenön kondoriga asuhuyök. Anutunön siᅇᅇisöndok mianğö likepñi aliga kömup asuhuyök. Mianğö dop ambazip körek neñön siᅇᅇisöndok aka malinga kömupnön mianğöra ambazip körek pakpak dop köl neᅇgii maljin.

<sup>13</sup> Mutuk Köna keu qahö asuhuiga nalö mianğöreñ mewöyök siᅇᅇisöndok lök aukñe asuhuba ahöyökmö, Köna keu qahö ahöᅇga siᅇᅇisöndokö keuñi mi qahö jim kewöta laᅇ malget.

<sup>14</sup> Adamgö nalöñeyök könahiba laᅇ mala kotketka Mosesgö nalöñe Köna keu asuhuyök. Ambazip nalö sutñe mianğöreñ siᅇᅇisöndok aketmö, Adamnön köna walöñnöhi, mianğö dowök qahö walöᅇda malgetmö, kömupnön töndup i mewöyök galöm köl eᅇgii malget.

Adam, azi mutukñi yaᅇñ mönö azi kun kamawanaᅇ söpsöpña ahök.

<sup>15</sup> Söpsöpña ahökmö, könañiri mi örörön qahö akzahot. Adamnön Köna keu walöᅇda eri siᅇᅇisöndok asuhum sehiba ambazip gwötpuk dop köl eᅇgiᅇga kömumba malget. Mi kömupkö könañi akzapmö, oyaenköyaen akingö könañi mi kun. Mi kewö: Azi mohot

\* 5:12: Jen 3.6

Jisös Kraist yañön nam köl neñgiba kalem möriamñi indeliga Anutugö kalemñan aukñe asuhuba ambazip gwötpuk dop köla qesalöpköm neñgiyök.

<sup>16</sup> Toroqeba kewö jimam: Köna yahöt mi öröröñ qahö akzahot. Azi mohotnöñ siñgisöndok aiga Anutunöñ keuñi jim teköiga siñgisöndok ambazip körek neñön könöp siagö buñaya akzin. Mi gölme azigö könañi akzapmö, Suep azigö könañi mi kun. Mi kewö: Nalö gwötpuk Anutugö Köna keu walöñninga kalemñi kondela jim teköm neñgiiga solanimakzin.

<sup>17</sup> Mi dumge jimam: Azi mohotnöñ Köna keu walöñda kömup kondoriga ambazip körek makörek kömumba maljin. Adamgö siñgisöndoköra aka kömupnöñ körek dop köla galöm köl neñgii lañ malin. Mi köna etqegeñi akzapmö, Anutu ösum-mumuñangö könañi mi kewö: Ambazip nini solanñi akingö kalemñi mi kelenmaleleñ buña qem anguba kalem möriamñangö uruñe maljini, neñön mönö oyaenköyaen akin. Azi mohot Jisös Kraist yañön nañgöba inahöm neñgiiga suahö \*

<sup>18</sup> Dumge kunbuk jimam: Azi mohotnöñ Anutugö Köna keu walöñda eri Anutunöñ keuñi jim teköiga ambazip körek neñön könöp siagö buñaya ahin. Mewöñanök azi kunñan solanñi akingö kondoriga urunini meleñninga Anutunöñ ölop ambazip pakpak neñgö keunini jim teköiga solaniba köhöiba mal öngöbin.

<sup>19</sup> Dumge kunbuk kewö jimam: Azi mohotnöñ qegetal aka siñgisöndok bohon köli sehiiga ambazip sehisehiñi neñön meleñda siñgisöndok ambazip ahin. Mewöñanök azi kunñan Anutugö jitñi tem köla siñgisöndokninañgö töwañi aliga köna asuhuiga Anutunöñ ambazip sehisehiñi neñgö keunini jim teköiga solanibin.

<sup>20</sup> Mutuk öne lañ mala kotketmö, Mosesgö nalöñe Anutunöñ Köna keu ambazip siñgisöndokñini möt kutumegöra toroqem enñiyök. Mi toroqem enñiyökmö, mi mötketka siñgisöndokñinan sehiba aukñe asuhuyök. Mewö aiga Anutunöñ mönö kalem möriamñi mewöyök mem sehiiga siñgisöndok onñgita asuhuyök.

<sup>21</sup> Siñgisöndokö kukösumñi mi ketanñi. Mianñgöra siñgisöndok ahinga mianñön galöm köl neñgiiga köhömuñi mala kömumba mala korin. Anutugö kalem möriamñi mianñön mönö mewöñanök kukösumñambuk akza. Jisös Kraist Kembuninan solanibingö kondoriga Anutunöñ keunini jim teköiga diñgiba malmal köhöikñi miwikñaiba nalö teteköñi qahö mal öngöbin. Mewö.

## 6

### *Siñgisöndok andö qeba Kraistpuk guliba malme.*

<sup>1</sup> Anutunöñ kalem möriamñi neñgii sehimapköra siñgisöndok toroqeba aka malbin me qahö? Mianñgöra mönö denöwö jiinga dop kölma?

<sup>2</sup> Siñgisöndok yapmakek! Nini siñgisöndokö kösönöhök lolohoba urunini walñan qamöt ewö aiga siñgisöndok akingö tököba maljin ewö, mönö denöwögöra siñgisöndoknöñ toroqeba galöm köl neñgii malbinak?

<sup>3</sup> Keu ki mötze me qahö: Nini körek Kraistköreñ qeköta-höbingöra aka o melun mem neñgiget. Mianñgöreñ urunini walñan mönö Jisös qeget kömuyöhanñgö tandök kömui malbingöra o melun mi mem neñgiget.

<sup>4</sup>\* Iwinöñ asakmararanñi kondela Kraist mem gulii kömupnöhök wahöröhi, neñgö uruninan mewöyök kölöñaiiga dölökñi aka malinga dop kölma. Iwininan nini Kraistkö tandök ewö guliba wahöta ahakmeme dölökñi aka memba malbingöra mötza. Mianñgöra o melun mi kewögöra mem neñgiget: Urunini walñan Jisösbuk mohotñe kömumba ahömapköra urunini walñi mi mewö löm kölget.

\* **5:17:** Jembon onñi nene (Siawari keunöñ qariwe ilikñi nene) ewö köhöiba mal öngöbin.' ewö köhöiba mal öngöbin.

\* **6:4:** Kol 2.12



<sup>5</sup> Urunini waljan Kraistpuk örörön kömui miangören yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnön kömupnöhök wahöröhi, mönö yangö tandök örörön guliba malinga dop kölma.

<sup>6</sup> Urusilegö sihim kömbönañini bölöñan siñgisöndok akingö köpösöngömakzawi, Anutunön sihim mi köndenñi gemapköra mörakza. Anutunön siñgisöndoknön toroqeba galöm köl neñgi welenñi qeba malbinbuköra mötza. Miangöra urunini walñi mi Kraistpuk maripomnön lök qeiga kömuyök. Miangö dop maljin, mi mötzin.

<sup>7</sup> Kungö uruñi waljan kömuiga yañön mönö siñgisöndokö kösönöhök lolohoba malja.

<sup>8</sup> Urunini waljan Kraistpuk kömuyök ewö, mewöñanök yambuk guliba mal köhöibingö möt narizin.

<sup>9</sup> Mewö möt nariba Kraistkö könañi kewö ahöi möt yaközin: Anutunön i mem guli kömupnöhök wahöta mal köhöiba kunbuk qahö kömuma. Kömupnön i qahö toroqeba galöm köliga mal öngöma.

<sup>10</sup> Kömup kömuyöhi, mewö miangön mönö nalö mohot miangören siñgisöndokö kukösumñi köndenñiga nalö teteköñi qahö lölöwöröñi ahöm öngöma. Malmal köhöikñi maljawi, mi mönö Anutugöra mala mal öngöma.

<sup>11</sup> Qamötnön siñgisöndok akingö osime. Inini mönö mewöñanök nanñinañgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

<sup>12</sup> Sileñini kömumawi, miangö sihim kömbönañi bölöñan galöm köl engiiga i tem köl wangiba siñgisöndok akepuköra mi mönö jöhöba malme.

<sup>13</sup> Miangöra sile kitipñini pakpak mi mönö siñgisöndok Tonangö böröñe kude alme. Mala mewö algetka buñañi aiga bohon köliga angöjörak asuhubapuk. Mewö qahöpmö, köhömuñeyök gulibagun mönö nanñini Anutu tököm wangime. Sile kitipñini pakpak mi Anutugö böröñe algetka buñañi aiga bohon köliga ahakmeme solanñi asuhumakña.

<sup>14</sup> Inini Köna keu bapñe qahöpmö, kalem möriam uruñe malje. Miangöra siñgisöndoknön mönö öne jöhöba galöm köl enñgi malbepuk. Mewö.

### *Solanñi malmalgö Tonji welen qeba malme.*

<sup>15</sup> Miangöra denöwö jibinak? Nini Köna keu bapñe qahöpmö, kalem möriam uruñe mala siñgisöndok ahinga dop kölja me qahö? Mi yapmakek!

<sup>16</sup> To yahöt akzahot. Nanñini yetköreñök kungö böröñe al anguba jitñi tem köla welenñi gemakzei, miangöra mönö keu ki möt yaköme: Inini kun jitñi tem kölakzei, mönö yangö welenqequeurupñi akze. Siñgisöndok Tonangö welenqequeurupñi akze ewö, yañön mönö enñguangiriga kömum köhöime. Anutugö jitñi tem köla welenñi qemakze ewö, yañön mönö keuñini jim teköiga solanñi aka mal öngöme.

<sup>17</sup> Inini mutuk siñgisöndok Tonangö welenqequeurupñi aka malget. Mewö malgetka Buña keu mindiñgöm engimakñapköra kusum engigetka mötket. Mi möta miangö dop uruñini melennda nalö kewöñe Buña keu törörök tem köla Anutugö könañi wuatangömakze. Mewö möta engöra “Anutu saiwap!” jiba maljin.

<sup>18</sup> Mi wuatangöba siñgisöndokö kösönöhök lolohoba Anutugö welenñi qeba ahakmeme solanñi aka memba malje.

<sup>19</sup> Urusileñinan lölöwöröñi akzawangöra aka keu miangö könañi mi mönö gölme ambazip neñgö keu jijigö dop nöñön kewö jimam: Inini mutuk sile kitipñini pakpak tököba iwilele Tonangö (Satangö) böröñe ala welenñi qeba malget. Mewö malgetka ahakmeme angöjörakñambuk asuhuiga uruñinan tölöhoi malget. Mewö malgetmö, nalö kewöñe sile kitipñini pakpak mi mönö tököba Anutugö böröñe alme. Mewö ala welenñi qegetka ahakmeme solanñi asuhuiga sarakñi ahakñe.

<sup>20</sup> Inini siñgisöndok Tonangö welenqequeurupñi malgeri, nalö miangören ahakmeme solanñi mi qahö wuatangögetmö, nanñini imbi-imbi lañ malget.

<sup>21</sup> Nalö kewöñe ahakmeme mianğöra gamuñini mötzemö, nalö mianğöreñ mewö aka mala ölni mönö denöwö miwikñaiget? Ahakmeme gamuñambuk mianğö ölni mi kömup köhöikñi.

<sup>22</sup> Nalö kewöñe Anutunöñ siñgisöndokö kösönöhök pösat enğiiga lolohoba Anutugö welenqeçeurupñi aketka ölni asuhuiga sarakñi ahakze. Mewö aka malmal köhöikñi mala teteköñe oyaenköyaen aka mal öngöme.

<sup>23</sup> Siñgisöndok ahinga Tonan töwa enğiiga kömup köhöikñi miwikñaibinmö, Anutugö kalemñi mi oyaenköyaen malmal. Kraist Jisös Kembuninambuk qekötahöba kinbin ewö, mönö köhöiba teteköñi qahö mal öngöbin. Mewö.

## 7

### *Awanöm malmalgö söpsöp keu*

<sup>1</sup> O urumelen alaurupni, inini Köna keu mötzeangö dop engöra kewö jimam: Köna keunöñ ambazip jöhöm neñgiza. Gölmenöñ mal öngöbinañgö dop mönö mianğö bapñe malbin, inini mi mötze me qahö?

<sup>2</sup> Mianğö söpsöpñi kun kewö: Köna keunöñ ambi apñambuk jöhöiga azinöñ malmawangö dop awanöm malmahotmö, apñan kömuma ewö, anömñan mönö awanöm malmalgö Köna keunöhök lolohoma.

<sup>3</sup> Mianğöra apñan jebuk maliga azi kungöra On! jüiga mema ewö, yanğö qetñi mönö qesabulum ambia jimakzin. Mewö jimakzinmö, apñan kömuma ewö, Köna keu mianğön qahö toroqeba jöhöi malma. Mewö mala azi kun memawi, yanğön mönö qesabulum ambia qahö akña.

<sup>4</sup> Mianğöra urumelen alaurupni, engö könañamñinan mönö mewöñanök ahöza. Inini mewöyök azi kungö buñañi akñegöra Kraistpuk qekötahöget. Anutunöñ i mem guli kömupnöñök wahöriga malmalninan ölni Anutugöra miwikñaii asuhumapköra mörakza. Kraistnöñ kömuiga uruñini walñan yambuk kömuiga qamöt ewö aka Köna keugö buñañi qahö malje.

<sup>5</sup> Mutuk urusilegö sihim kömböñañi bölöñan galöm köl neñgiiga lañ malin. Nalö mianğöreñ Köna keunöñ sölölohöba kuñgum neñgiiga siñgisöndok akingö sihim kömböñañini bölöñan asuhum tiñgita galöm köl neñgiget. Mianğöra urusileninan wahöriga malmalninan kömup köhöikñañgö ölni miwikñaiba lañ malin.

<sup>6</sup> Mewö malinmö, mutuk keu mianğön jöhöm neñgiiga gwaröñe mala köna keugö bohonñi mohot mohot wuatangöbingö kapañ köla nupñi memba malin. Kraistpuk qekötahöba kininga urunini walñan yambuk kömuiga nalö kewöñe köna keugö buña ahinañgöreñök lolohoba kunbuk welenni qahö qemakzin. Nalö kewöñe könañamñinan kölöñaiiga Uña Töröñan inahöm neñgiiga amqeba Anutugö nupñi memakzin. Mewö.

### *Siñgisöndok akinbukö kapañ köla aum-mörimakzin.*

<sup>7</sup> \*Mianğöra denöwö jibinak? Köna keu nanñak siñgisöndok-ñambuk akza me qahö? Mi yapmakek! Köna keunöñ mönö siñgisöndokö könañi kondel niñgiiga möral. Köna keu kun kewö ahöza, “Kungöreñ yuaigöra kude köpösöngöman.” Mewö qahö jibawak ewö, nöñön yuaigö köpösöngömakzali, mianğö könañi qahö möt kutubilenjak. Mianğöra Köna keu qahö möt kutubilenjak, mewö siñgisöndok qahö möt yaköbilenjak.

<sup>8</sup> Köna keu qahö ahöbawak, siñgisöndoknöñ mönö keu omani aka köhömuñi akawak. Mewö akawakmö, jöjopañ keu mötpiga sel jöhöm niñgiiga mi walöñmamañgö könañi ahuiga siñgisöndok aki asuhuyök. Jöjopañ keunöñ mönö kuñgum niñgiiga urunan wahöriga sihim kömböñañi bölöñi könañi könañi asuhum tiñgitketka bölöñangöra lañ köpösöngömakzal.

\* 7:7: Eks 20.17; Dut 5.21

<sup>9</sup> Mutuk Köna keu qahö möta tönpin malalmö, jöjöpaŋ keu mötpiga mianjôn anjôn köl niŋgiyöhaŋgöra siŋgisöndokö sihimnan guliiga urunan wahöri mi ahal. Siŋgisöndok akiga mem kömum niŋgiiga köhömuŋi ahal.

<sup>10</sup> Anutunöŋ jöjöpaŋ keu mi wuatangöba mal köhöimamgöra aka al niŋgiyökmö, keu mi wuatangömamgö esapköbiga mem kömum niŋgiiga köhömuŋi ahal. Köhömuŋi ahali, mianjôn mönö aukŋe asuhui miwikŋajal.

<sup>11</sup> \*Jöjöpaŋ keu möt kutubiga sel jöhöm niŋgiiga mi walöŋmamaŋgö könaŋi ahui jöjöpaŋ keunöŋ kuŋgum niŋgiiga siŋgisöndoknöŋ tilipköm niŋgiiga mi ahal. Siŋgisöndok aka keunambuk ahal. Mewö mianjôn Anutugö jöjöpaŋ keu mianjôn siŋgisöndok bohon köliga aki mem kömum niŋgiiga köhömuŋi ahal.

<sup>12</sup> Mewö ahalmo, töndup Köna keu mianjôn mönö kömbukŋi aka sarakŋi akza. Mianjögö jöjöpaŋ keuŋan mönö diŋdiŋi aka ölöŋŋi akza.

<sup>13</sup> Mewö aiga jöjöpaŋ keu ölöŋŋi mianjôn mem kömum niŋgiiga köhömuŋi ahal me qahö? Mi yapmakek! Keu ölöŋŋan qahöpmö, Köna keunöŋ mönö nani siŋgisöndoknaŋgö könaŋi indeli möt kutuyal. Siŋgisöndokö gamuŋi aukŋe asuhui kanjamŋambuk mötmamgöra aka jöjöpaŋ keu mianjôn siŋgisöndokö selŋi jöhöiga urunan wahöri walöŋda siŋgisöndok ahal. Nani siŋgisöndokni mianjôn mönö mem kömum niŋgiiga köhömuŋi ahal. Mewö.

### *Urone siŋgisöndokö yarö ahöi maljal.*

<sup>14</sup> Uŋa Töröŋan Köna keu neŋgiiga diŋdiŋi akzawi, mi mötzinmö, nöŋön siŋgisöndok azia aka sihim kömbönaŋni bölöŋambuk akzal. Eta kölbiga siŋgisöndoknöŋ galöm köl niŋgiiga tem köla welenni qeba siŋgisöndok ahakzal.

<sup>15</sup> \*Mianjögöra yuai ölöŋŋi akŋamgö mörakzali, mi qahö ahakzal. Mimö, yuai bölöŋi akŋamgö tököba sisitŋi memakzali, mönö mia ahakzal. Mianjögöra yuai ahakzali, nöŋön mianjögö könaŋi ölöŋ qahö möt kutumakzal.

<sup>16</sup> Mianjögöra yuai bölöŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

<sup>17</sup> Mewö aiga nöŋön nanak mi qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mi ahakzal.

<sup>18</sup> Ahakmeme ölöŋŋi akŋamgö sihimŋi öŋa mörakzalmö, mi akŋamgö ösumnan qahö asuhum niŋgimakza. Mianjögöra nöŋgö urune yuai ölöŋŋi kun qahö ahözapmö, urusilenan mönö siŋgisöndok akŋamgö kuŋgum niŋgimakza, mewö mötzal.

<sup>19</sup> Mianjögöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋi qahö akŋamgö mörakzali, mönö mia ahakzal.

<sup>20</sup> Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mia ahakzal.

<sup>21</sup> Mianjögöra nani könanani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋaŋgö sihimŋan mönö uruni jöhöiga qakömakzal.

<sup>22</sup> Mianjögö könaŋi kewö: Uruneyök göröken Anutugöreŋ Köna keugöra urumohot aka tem kölmamgö mörakzal.

<sup>23</sup> Mewö mörakzalmö, sileneyök göröken nani könaŋamni kewö ahöi miwikŋaimakzal: Silenaŋgö kitipŋi mienjôn siŋgisöndokö bohonŋi aketka akŋamgö mörakzal. Siŋgisöndok akŋamgö sihimnan mönö urusihimni ölöŋŋi mi memba et almapköra möri auba yarö qemakzahot. Siŋgisöndok akŋamgö sihim kömbönaŋnan mönö silenenaŋgö kitipŋi kitipŋi sölölohöm enjiba jöhöm niŋgiiga kösö gwarönöŋ maljal.

<sup>24</sup> O nöŋön bölim teköba anjögöraŋambuk akzal. Urusilenaŋgö sihimŋi bölöŋan noaŋgiri kömup köhöikŋi kömumbilenbuköra mönö daŋön sohopni memba amöt qem niŋgibawak?

\* 7:11: Jen 3.13 \* 7:15: Gal 5.17

<sup>25</sup> O Jisös Kraist Kembuni, mönö yambuk nam köla “Anutu saiwap!” jizal. Könañamnan mewö aiga nanak urunanöhök Anutugörej Köna keugö bapñe anda welenni qe-makzalmö, sileni singisöndokñambuk miangörej göröken singisöndok akñamgö sihim kömbönañnan jöhöm niñgiiga miangö kösö gwarönñ maljal. Mewö.

## 8

*Uña Töröñan tim töndanini aiga mal köhöizin.*

<sup>1</sup> Miangöra ambazip Kraist Jisösbuk qekötahöba kinjini, Anutunöñ mönö neñgö keunini jim teköiga nalö kewöñe könöp siagö buña qahö aka maljin.

<sup>2</sup> Miangö könañi kewö: Gi singisöndokö sihimñi tem köla malnöñangöra aka kömup köhöik-ñangö buñaya aka malnöñ. Mewö malnöñmö, Kraist Jisösbuk qekötahöba kinöñga malmal köhöikñangö Uñañan mönö kömup köhöikñangö kösönöhök pösat gihiiga maljan.

<sup>3</sup> Ambazip urusilenine sihim kömbönañnini bölöñi mi ahöza. Mi wuatangöinga Köna keugö ösumñan löwöriba malmal köhöikñi neñgimapkö osiiga qaköin. Qaköba urusileninan singisöndok aka malini, Anutunöñ singisöndok miangö keuñi jim teköba likepñi kewö melenök: Yañön nanñi Nahönñi melaiiga gölmenöñ eta singisöndok azigö sile tandök ahök. Toroqeba singisöndokö jöwöwöl tandök ewö aiga ohogetka kömuyök. Anutunöñ malmal köhöikñangö könañi mewö mesarök.

<sup>4</sup> Anutunöñ könañi mi kewögöra mesarök: Köna keunöñ nini solanñi aka diñdini malbingöra jim kutum neñgimakzawi, Anutunöñ keu miangö ölnan neñgörej asuhum tekömapköra mörök. Miangöra nini urusileninangö sihim kömbönañnini bölöñi wuatangöbingö tököba Uña Töröñangörej nañgöba jitsihitñi wuatangöba ahakzin.

<sup>5</sup> Ambazip urusileninangö sihim kömbönañi bölöñi wuatangömakzei, yeñgö uruñinan mönö singisöndokörej göröken akingö ahöza. Ambazip Uña Töröñangörej nañgöba jitsihitñi wuatangöba ahakzini, neñgö uruninan mönö Uña Töröñangörej göröken akingö ahöza.

<sup>6</sup> Urusileninangö sihim kömbönañnini bölöñan mönö öröm neñgiiga kömup köhöik-ñangörej anbingöra ahözapmö, Uña Töröñan urunine luai qeiga mal köhöibingö sihimñi mörakza.

<sup>7</sup> Anutunöñ Köna keu neñgiiga singisöndok akingö sihim kömbönañninan mönö keu miangö bapñe qahö anakza. Mi anmamgö osiza. Mi osiiga lañ mala uruninan Anutu qetala kerök ak wañgimakzin.

<sup>8</sup> Ambazip urusilegö sihim kömbönañinan galöm köl enjigetka lañ maljei, yeñön mönö Anutugö jeñe dop kölbingö jiiga qaköme.

<sup>9</sup> Yeñön qakömemö, Anutugö Uña Töröñan enjö uruñine malja ewö, yañön mönö galöm köl enjii malje. Urusilegö sihim kömbönañini bölöñi mienön mönö inini qahö galöm köl enjimakze. Kraistkö Uña Töröñan kungö uruñe qahö geiga öne maljawi, yañön Kraistkö buñañi qahö akza.

<sup>10</sup> Qahö akzapmö, Kraistnöñ enjö uruñine malja ewö, sileninan singisöndoköra aka kömumemö, uñañinan solanñi akzeangöra aka mal köhöim öñgöme.

<sup>11</sup> \*Anutunöñ Kraist Jisös mem guli kömupnööhök wahöröhi, yañgö Uñañan uruñine malja ewö, yetkөн inini Anutubuk qekötahöba kingetka silenini köhömuñi mi mewöyök mem gulimahot.

<sup>12</sup> O urumelen alaurupni, guliba maljinangöra neñön mönö Anutugörej tosabuk maljin. Urusilegö sihim kömbönañnini bölöñi wuatangöbinangö tosañi qahöpmö, Uña Töröñangö jitñi tem köla malbingö tosañan mönö ahöm neñgiza. Miangöra nanini imbi- imbi lañ malbinbuk.

<sup>13</sup> Urusilegö sihim kömbönañini bölöñi wuatangöba malje ewö, inini mönö kömup köhöikñangö buñaya akñe. Mewö akñemö, Anutugö köulukögetka Uña Töröñan

\* 8:11: 1 Kor 3.16



urusilenjanğö ahakmeme bölöni mem kömumakña ewö, mewö mianjon mönö guliba mal köhöiba malme.

14 Anutugö Uñajan ambazip enğuanğiri maljei, yejon körek Anutugö nahönböraturupni akze.

15 \*\*Ömewöröme yejon ambazip sölölohöm enğigetka jönömni undui welenqeçe omani aka maljemö, injini öme mewöni mia kun qahöpmö, Uña Töröni i buña qem anğuba malje. Mianğöra injini mönö kunbuk toroqeba kenğöt qakne malbepuk. Uña Töröni yanjon mönö mem letot enğiiga Anutugö nahönböraturupni akze. Uña mianjon sölölohöm enğiiga Anutugöra “Aba” \*

16 Anutugö nahönböraturupni akzini, keu mi Uña Töröjan nanjak nanini ujaninambuk imbi köla mohotne nanğöba jimakzahot.

17 Anutugö nahönböraturupni akzin ewö, yanjon nanji ambazipurupni nenğöra oyaenğoyaen mözözömgöi ahözawi, mi mewöyök buña qem anğubin. Anutunöj Kraistköra yuai mözözöm-göi ahözawi, mi mönö mewöyök Kraistkö qöhöröne kindu buña qem anğubin. Kraistpuk mohotne sihimbölö mörakzin ewö, mönö mewöyök Kraistkö asakmararanöj öngöba yambuk mohotne asariba malbin. Mewö.

*Malmal asakmararanambuknöj öngöba malbin.*

18 Nalö kewöne sihimbölö möta maljini, mianjon malmal eretni akza. Könanğep Kraistkö asakmararanöj öngöba asariba oyaenğoyaen malbini, mianjon mönö malmal öngöngöni aködamunğambuk akña. Malmal yahöt mi likeplikep ala kewöt-pinanğö dop qahö. Mewö mötmörizal.

19 Anutunöj sömbup aka yuai pakpak miwikñaiyöha ahözei, mienjon mönö mamböta Kraistnöj kaba Anutugö nahönböraturupni meköba kondel enğiiga asakmararan asuhum enğimapköra awöwenğömakze.

20 \*Anutunöj sömbup aka yuai pakpak miwikñaiyökmö, mienjon mala kömumba ayapköme. Nanjini sihimñinanğö dop qahöpmö, Anutunöj mönö nanji sihimñanğö dop mewö arengöyök. Yuai pakpak ayapkömemö, töndup jörömqöröm enğiiga oyaenğoyaen kewö asuhumapköra al mambörakze:

21 Anutunöj sömbup aka yuai pakpak miwikñaiyöha ahözei, mienjon mönö mewöyök kewögöra mambörakze: Anutunöj i mewöyök anğöjörak malmalgö kösöneyök pösat enğiiga qahö kömumba gisahöba ayapkömemö, Anutugö nahönbörat ewö lolohoba asakmararaninambuk asariba ahöm öngöme.

22 Mianğö könanji kewö: Anutunöj sömbup aka yuai pakpak miwikñaiyöha ahözei, mienjon körek pakpak mönö mohotne osonğom köla morö memegö masö tandök möta ahöba kota nalö kewöne mewöyök ahakze. Mi mötzin.

23 \*Anutunöj sömbup aka yuai pakpak miwikñaiyöha ahözei, mienjönöhök qahöpmö, Anutugö yambu jeniqeçe ahinga Uñani kalema nenği maljini, nenjon mönö mewöyök uruninan osonğom köla maljin. Anutunöj nenğuanğiri nahönböraturupni gainji kun akingö mamböta mala osonğom ahakzin. Nenğuanğita sile sohopeni meiga kunbuk letotpingöra awöwenğöba maljin.

24 Mewö letotpingö jörömqöröm aka urunini melenđa Suepkö buñaya ahin. Yuaigöra jörömqöröm ahakzini, mianğö ölni asuhui ehinga jörömqörömnini mewö mianjon teköma. Kunöj kun yuaigö ölni asuhui eka mianğö jörömqörömni mi qahö toroqeba aka mambörakza. Mi qahö.

25 Yuaigö ölnan qahö asuhui ehakzini, mianğöra jörömqöröm akzin ewö, mi mönö kapan köla asuhumapköra al mamböringa uruninan qahö erakza.

\* 8:15: Mak 14.36; Gal 4.6 \* 8:15: Gal 4.5-7 \* 8:15: Aba mi Arameik keunöj iwi.' Iwini!' qerakzin. \* 8:20: Jen 3.17-19 \* 8:23: 2 Kor 5.2-4

<sup>26</sup> Mewönanök löwöriinga Uña Töröñan baukôm neŋgimakza. Denöwö köuluköinga dop kölbawak, mi qahö mötzinmö, Uña Töröñan mönö nanñak köuluk nupnine baukôm neŋgiba neŋgöra aka köuluköba keu jitñi aukñe qahöpmö, osongom aka sañepnön alakza.

<sup>27</sup> Sañepnön ala Anutugö jitsihitñaŋgö dop ambazip sarakñi neŋgöra aka köulukömakza. Anutunön ambazip urunini ek kewörakzawi, yañön mönö amqeba Uña Töröñanğö uru mötmötñi mörakza.

<sup>28</sup> Anutunön köulukñi möta öröyuai pakpak galöm köliga miangö mindimindiri öñan mönö nanñi alaurupñan ölöwakñegöra asuhumakza. Mi mötzin. Öñi miangön ambazip amötqege arenanğö dop enğoholi jöpaköm waŋgimakzei, mönö i mewö me mewö baukôm enğimakza.

<sup>29</sup> Anutugö arenanğö könañi kewö: Nanñi nahönñan urumelen alaurup sehisehñi neŋgö sutnine mutuknini ak neŋgimapköra mörakza. Miangöra qeljiñe aren ala nini tandökninan Nahönñanğö dop akingöra mörök. Miangöra ambazip qeljiñe möt neŋgiyöhi, nini mewöyök mewö akingöra jim möwölöhöm neŋgiyök.

<sup>30</sup> Qeljiñe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanñe asakmararañnön öngöba oyaenköyaen akin. Mewö.

### *Anutugö urukalemñaŋgö möpömpösei liñet.*

<sup>31</sup> Keu mi möta miangöra denöwö jibinak? Anutunön sel jöhöm neŋgiba likepnine malja ewö, dañön mönö qetal neŋgibawak?

<sup>32</sup> Anutunön nanñi Nahönñi tok qahö anğön kölökmö, i jim teköiga malmalñi körek neŋgöra aka köleñnök. Mi köleñniga Anutunön yambuk kalem korembenji tosatñi pakpak mi mewöyök amqeba neŋgima.

<sup>33</sup> Anutunön ambazip nanñanğöra möwölöhöm neŋgiba keunini jim teköiga solanimakzini, miangöra dañön mönö keu jakene al neŋgibawak?

<sup>34</sup> Kraist Jisösnön kömuiga Anutunön kunbuk mem guliiga Suepnön öngöba Anutugö börönji öñe tata toroqeba neŋgöra aka köulukömakza. Miangöra kunñan kun keunini kewöta könöp sianön gebingöra jim teköm neŋgimangö osima.

<sup>35</sup> Kraistkö urukalem uruñe malinga dañön mönö miangöreñök menden neŋgiiga etpinak? Kahasililiñ ak neŋgigetka wahöjaliñ mötpinakmö, Kraistkö urukalemñeyök ölop qahö etpin. Sese-werowero ak neŋgibeakmö, miangöreñök ölop qahö etpin. Bödi akinak me opo sörönninan qahöwahi malbinak, mönö ölop qahö etpin. Kömumbinbukö keŋgöt qakñe malbinak me yarö gilgetka kazik asuhubawakmö, mönö ölop qahö etpin.

<sup>36</sup> \*Miangö keuñi Buña Kimbinön kewö ohoget ahöza, “Nalö dop söñanök könahiba kömumbingöra neŋgugetka anda mala sunğem ahakza. Lamaya enğum nembinañgörök maljei, neŋgöra miangö tandök mötmörimakze.”

<sup>37</sup> Keu miangö dop ak neŋgibeakmö, Kraistnön urukalemñi indeli mörini, yañön töngum neŋgiiga lömböt pakpak miangöreñ mönö luhut ala köirañ köla malbin.

<sup>38</sup> Yuai kunön mönö Kraistkö urukalemñeyök menden neŋgimangö osima. Mi ölp töhöñña möt yaközal. Kömupnön me malmalgö yuaini kunön mönö menden neŋgimangö osima. Suep garata me ömewöröme yeñön mönö nalö kewöñe me könañep nini menden neŋgibingö osime. Bem suahö kukösumñinambuk yeñön mi osime.

<sup>39</sup> Euyangö euñe me emuyangö emuñe maljei, yeñön mönö menden neŋgibingö osime. Anutunön öröyuai tosatñi kun miwikñaiyöha ahözei, mienön mönö mewöyök Anutugö urukalem miangöreñök menden neŋgibingö osime. Anutugö urukalemñi miangön mönö Kraist Jisös Kembunini yangöreñ asuhui indeli, mi mötzin. Mewö.

\* 8:36: Sum 44.22

## 9

*Anutunöŋ sihimŋaŋgö dop Israel möwölöhöm enŋiyök.*

<sup>1</sup> Nöŋön Kraistpuk qekötahöba kinda muneŋ keu qahöpmö, keu öl töhöŋŋi kun jimam. Uŋa Töröŋaŋgö keugöra kezap albi keuni naŋgöba jim köhöiba saŋep urune ali kewö möta jizal:

<sup>2</sup> Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölö ketanŋi teteköŋi qahö kewögöra mörakzal:

<sup>3</sup> Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini keworiga nanak yeŋgö salupŋini akiga likepŋi melenŋa nöŋgö qakne kewö öŋgömapkö mötzal: Yaŋön ni Kraistköreŋök mendenŋ niŋgii könöp siaga buŋaya akŋaŋgö mötzal.

<sup>4</sup> \*Yeŋön Israel kambu uruŋe malgetka Anutunöŋ enŋuaŋgiri buŋaŋi akze. Anutugö qetbuŋaŋi bisiba aködamunŋinambuk akze. Anutunöŋ yembuk oyaenŋoyaenŋ akingö jöhöjöhö walŋi aka dölökŋi aka Köna keuŋi al enŋiyök. Mianŋöra jöwöwöl jikenöŋ öŋgöba Anutugö waikŋi memba möpöseimakze. Anutunöŋ kötumötuetŋi sehimapkö keu jöhöyöhi, mianŋö ölnan asuhumapköra mambörakze.

<sup>5</sup> Yeŋön bömön jalönini Abrahamgö gwölönarök-urupŋi yeŋgö isi moröurupŋina malje. Kraistnöŋ yeŋgöreŋök gölme sile memba azia asuhuyök. Kraistnöŋ Anutunöŋi aka yuai pakpak galöm köliga qetŋi nalö teteköŋi qahö möpöseimakin. Keu mi ölna.

<sup>6</sup> Mewö maljemö, Israel könagesönöhök asuhum sehiba maljini, neŋön pakpak mönö töndup Israel ambazip ölni qahö akzin. Mianŋöra Anutugö keuŋan siŋgiiga ösumŋan erök tandök ahakza me? Mewö jibinak, mi keu ölna qahö.

<sup>7</sup> \*Abrahamgö gwölönarök-urupŋi yeŋgöreŋök ahuzinaŋgöra aka körek neŋön mönö Anutugö nahönböraturupŋa qahö akzin. Mewö qahöpmö, Anutunöŋ Abrahamgöra kewö jiyök, “Aisakö isimoröurupŋan mönö göhöreŋ toroqeba qetki bisiba mal öŋgöme.”

<sup>8</sup> Keu mianŋö könaŋi kewö: Abrahamgö gwölönarökurup gölme ambazip siliknöŋ morö ahumakzini, körek neŋön mönö Anutugö nahönböraturupŋi qahö akzin. Mewö qahöpmö, Anutunöŋ keu jöhöi ahözawaŋgö dop ahuini, Anutunöŋ mönö ninia möt neŋgiiga Abrahamgö gwölönarökurupŋi ölni akzin.

<sup>9</sup> \*Jöhöjöhö keu mianŋön Abrahamgöreŋ kewö kaiga mörök, “Yambu mohot teköiga mianŋöreŋ kunbuk kaba gekiga Saranöŋ mönö morö nahönŋambuk akŋa.”

<sup>10</sup> Keu mewö möri yaŋgöreŋ mewö asuhuyökmö, mianŋöreŋök qahö teköyök. Yaŋgö andöŋe Rebekagöreŋ mewöŋanök Anutugö keugö dop asuhuyök. Bömönini Aisak yaŋön anömŋi mi gölöm waŋgiiga nahönyahötŋiri siwisiwi asuhuyohot.

<sup>11</sup> Siwisiwi yetkön gölömŋe tata qahö asuhuba yuai ölopŋi me bölöŋi kun qahö ahoŋi, Anutunöŋ mönö nalö mianŋöreŋ nahön yetköreŋök kun nanŋaŋgöra möwölöhöyök. Nanŋi mötmöt arenan köhöiba ölnambuk ak tekömapköra aka munŋi möwölöhöyök.

<sup>12</sup> \*Nanŋi jitsihitŋan ölnambuk akŋapaköra Rebekagöra kewö jiyök, “Datŋan mönö munŋaŋgö welenqeŋeŋi aka nembö bapŋe malma.” Anutunöŋ mewö jiba ahak-memenŋiri akahorahi, mianŋö dopŋe i qahö kewöt etkiyökmö, nanŋi mötmöt sihimŋi miyök wuatanaŋgöba munŋi oholiga datŋaŋgö ketanaŋŋi ahök.

<sup>13</sup> \*Mianŋö keuŋi Buŋa Kimbinöŋ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak waŋgiba malal.”

<sup>14</sup> Keu mianŋöra mönö denöwö jibinak? Anutunöŋ diŋdiŋi qahö akza me? Mewö qahöpmahöp!

15 \*Anutunöŋ Mosesgöra keu kewö jii ahöza, “Nöhön mönö nani jitsihitni wuatängöba kun niŋia ehoriba ak kömumangö mötzali, ia mönö ak kömum waŋgi-makzal. Kun dagöra wösö mötmöt ak waŋgimangö jizali, yaŋgöra mönö wösöni mörakzal.”

16 Keu miangöra aka gölme azinöŋ Anutu qahö galöm kölakzapmö, yuaigö sihimŋi möta akŋamgö esapköm bibihbawakmö, mi töndup Anutu qahö oŋgitma. Anutu nanŋak kalem möriamŋangö dop yuai pakpak galöm köliga yaŋgö böröŋe ahöza.

17 \*Anutunöŋ farao kiŋgöra keu jiiga Buŋa Kimbinöŋ kewö ahöza, “Nani qetbuŋani jim sehigetka gölme körek pakpak dop kölmapköra mötzal. Mewö möta kukösumni kondelbi aukŋe asuhumapköra kuŋgum gihibiga göŋön asuhum tiŋgitnöŋ. Asuhum tiŋgita mala tuarenjöŋ ak niŋgiba malnöŋga mönö luhut al gihial.”

18 Keu miangö dop Anutunöŋ nanŋi jitsihitŋi wuatängöba kun ehoriba ak kömumangö mötzawi, ia mönö ak kömum waŋgimakŋa aka kungö uruŋi mem gwözöŋmamgö jizawi, ia mönö mem gwözöŋniga yaŋgiseŋ ahakŋa. Mewö.

### *Anutugöreŋ irimesewöl aka ak-kömukömu*

19 Engöreŋök kunŋan nöŋgöra kewö jibawak, “Mewö aiga körek neŋön mönö Anutugö jitsihitŋi tuarenjöŋ ak waŋgibingö osimakzin. Mewö aigun Anutunöŋ mönö wuanöŋgöra toroqeba jim neŋgimakza?”

20 \*Kunŋan mewö jibawakmö, gölme azi gi mönö niŋia aka Anutu tuarenjöŋ aka aŋgururuk ak waŋgibanak? Börösöwönöŋ mönö nanŋi miwimiwikŋai Tonŋi kewö ölop qahö jim waŋgima, “Gi mönö wuanöŋgöra tandök kewöŋi miwikŋaim niŋginöŋ?”

21 Kimbut meme azinöŋ mönö nanŋi kukösum qakŋe sihimŋangö dop gwaköm melenŋa möwölöhöba gwaköm mohot miangöreŋök kouraŋen murutŋi murutŋi memakza. Tosatŋi nalö dop memba nupnöŋ alakzin aka tosatŋi aködahunŋinambuk mi mönö sösoŋgai nalöŋeyök nupnöŋ alakzin.

22 Anutu miwimiwikŋai Toninan mönö mewöŋanök ak neŋgimakza. Yaŋön irimesewölŋi ambazip kondel neŋgiiga kukösumŋi eka mötpingöra mörakza. Mewö möta irimŋan seholiiga kazikŋan ambazip tosatŋi yeŋgö qakŋine öŋgöiga jöjöröba köndenŋ eŋgimangö aka malök. Mi töndup likepŋi zilaŋök qahö melenŋ eŋgiyökmö, yeŋgöra aka sihimbölö gwötpuk möta mökösoŋda uruŋini melenŋmegöra mamböta malök.

23 Mewöŋanök kalem möriamŋi indeli kelenmaleleŋ asuhu-mapköra mörakza. Mewö möta ambazip aködahunŋi buŋa qem aŋgubingöra möwölöhöm neŋgiyöhi, nini mönö neŋgehoriiiga aködahunŋambuk asarimakzin.

24 Nini mewöyök mewö akingöra neŋgoholök. Juda ambaziwök qahöpmö, kian kantriŋi kantriŋi i mewöyök mewö akŋegöra eŋgoholök.

25 \*Anutunöŋ miangö keuŋi jiiga kezapqetok azi Hoseagö kimbinöŋ kewö ahöza, “Ambazip nani könagesöurupni qahö aka malgeri, nöŋön mönö i eŋgoholbiga nani könagesöni akŋe. Tosatŋan nani wölböt alani qahö malgeri, yeŋgöra mönö ‘Nani wölböt alaurupni,’ mewö jiba malmam.

26 \*Nöhön gölme kungö ambazip yeŋgöra kewö jiba malal, ‘Inŋini nani könagesöurupni qahö malje.’ Mewö jiba malalmö, i mönö gölmeŋine miangöreŋök eŋgohola qetŋini kewö qetmam: Inŋini mönö Anutu malmal Tonŋangö nahönböratuŋi akze. Utekutek mewö asuhuma.”

27 \*Aisaianöŋ mewöyök Israel ambazip neŋgöra aka kewö sahöta jiyök, “Israel ambazip jaŋgönini köwet sak ewö akawak ewö, mia kun töndup neŋgöreŋök awamŋi neŋönök mönö urunini melenŋinga amöt qem neŋgima.

28 Kembunöŋ gölmeŋi gölmeŋi pakpak neŋgö keunini zilaŋzilaŋ kewöta jim teköba likepŋi körek melenŋ neŋgim teköma.”

\* 9:15: Eks 33.19 \* 9:17: Eks 9.16 \* 9:20: Ais 29.16; 45.9 \* 9:25: Hos 2.23 \* 9:26: Hos 1.10 \* 9:27: Ais 10.22-23



<sup>29</sup> \*Aisaianön mewö jiba qeljine keu kun jiyöhi, miangö öljan mönö nenğören kewö asuhuza, “Kembu kukösum pakpak Toninan gwölönarökurupnini tosatni qahö enğehori urujini melenbeak ewö, gölmeninan lök Sodom ewö meleni geiga könöp jebawak. Nejön mönö Gomora ambazip ewö ayuhubinak. Anutunön lök mewö ak nenğibawak.” Mewö jiyök.

*Israel jesöngöñan Anutu yanğisen ak wanğimakze.*

<sup>30</sup> Mianğöra mönö denöwö jibinak? Kantri tosatñan Anutugö jeñe solanji akingö nupñi qahö kapan köla megeri, yeñön mönö Anutugö jeñe solaniget. Urujini melenđa Anutu möt narigetka mianğöra keunini jim teköiga solaniba malje.

<sup>31</sup> Mewö maljemö, Israel nejön solanji akingöra Köna keu wuatangöbingö kapan köla mala kota mi tönđup Anutugö jeñe qahö solaniin.

<sup>32</sup> Mianğö könanji kewö: Nanñinanök esapköba ahakmeme diñđiñi aka mewö mianjön solanji akingö kapan köla Jisös qahö möt narim wanğiget. Yanjön köt pöwöwöm ewö akzawi, mönö yanğören tötangöba enğui qaköba andö qeget. Mianğöra solanji qahö aket.

<sup>33</sup> \*Mianğö keunji Buña Kimbinön kewö ohoget ahöza, “Eket, Anutu nöjön mönö ain köt kun Zaion kunduje Israel kambu urujine kuñgubiga yeñön mianğören tötangöba et enğui andö qemakñe. Kunñan azi ip pöwöwöm köhöikñi mi möt narim wanğimawi, yanjön mönö nalö kunön yanğöra gamu qahö miwikñaima.” Mewö.

## 10

<sup>1</sup> O urumelen alaurupni, nöjön nani könagesöurupnan urujini melenmegöra awöwenğomakzal. Anutunön amöt qem enğimapköra uruni qezaköba yeñğöra aka Anutu köuluköm wanğimakzal.

<sup>2</sup> Yeñğö könanjanñinan kewö ahöza: Yeñön Anutugöra urukönöp ahakzemö, mi gukmaulem qakñe ahakze. Yeñğö keunini mewö nanğöba jizal.

<sup>3</sup> Anutunön keunini jim teköiga solanizini, mianğö könanji qahö möt yaköba nanñinanök esapköba solanji akingö kapan kölakze. Mewö aka Anutunön keunini jim teköiga solanibingö jimakzawi, keu mianğö bapñe qahö anda qaköba öne lañ malje.

<sup>4</sup> Kraistnön nanñök Köna keu wuatangöm teköyök. Nini tosatñan mi osiba Kraist möt nariba urunini melenjini, mewö mönö Kraistköra aka Anutugö jeñe solaniba dop köljn. Mewö.

*Anutunön nini körek amöt qem nenğimamğö mötza.*

<sup>5</sup> \*Mosesnön Köna keu wuatangöba mewö mianjön solanji akingö keunji mi kewö ohoi ahöza, “Köna keu wuatangöm tekömawanjön mönö mianğöra aka mal köhöima.”

<sup>6</sup> \*Keu mewö ahözapmö, urunini melenđa möt nariinga Anutunön keunini jim teköiga solanimakzini, Mosesnön mianğöra keu kewö jii ahöza, “Urugan kewö mötmöriba jibanbuk: Azi dañön mönö Suep mire öngöbawak?” Ambazipnön mi Kraist wanğita etmapköra lañ jiget.

<sup>7</sup> me “Azi dañön mönö kömup mirigö dutñe gebawak?” Ambazipnön mi Kraist wanğita kömupnöhök wahötmapköra lañ jiget.

<sup>8</sup> Mewö jiba toroqeba kewö jiyök, “Buña keu mi köröwen qahöpmö, mönö göhö numbuge aka uruge ahöza.” Buña keu mi möt naribingöra aka ahöza. Nejön keu mianjön ambazip uru kuñgum enğiba kewö jim asarim enğimakzin:

<sup>9</sup> Anutunön Jisös mem gulii kömupnöhök wahörök. Göñön keu mi urugan möt nariba numbu jitkan “Jisösnön Kembuni akza,” mewö jim miwikñaiñan ewö, mönö amöt qem gihiiga letotman.

10 Gi urugan Buḅa keu möt narinöḅga Anutunöḅ keugi jim teköiga solaniman aka numbu jitkan Jisös jim miwikḅainöḅga amöt qem gihiiga letotman.

11 \*Buḅa Kimbigö keu kun kewö jiget ahöza, “Daḅön i möt narim waḅgimawi, yaḅön mönö gamu qahö miwikḅaima.”

12 Anutunöḅ Juda ambazip qahö neḅgek soriba kantri tosatḅi qahö qepureim eḅgimakza. Kambu mohot yaḅön mönö körek neḅgö Kembunini aka dop mohotnöḅ kewöt neḅgimakza. Ambazip i qeta köulukömakzini, yaḅön mönö kötümötuetḅi nini körek kelenmaleleḅ neḅgimakza.

13 \*Miaḅgö keuḅi mi Buḅa Kimbinöḅ kewö ahöza, “Ambazip denike yeḅön Kembangö qetḅi qeta köulukömei, yaḅön mönö i körek amöt qem eḅgiiga letotme.”

14 Ambazipnöḅ Kambu qahö möt narim waḅgiba yaḅgö qetḅi mönö denöwö qeta köuluköbeak? Yaḅgö könaḅi qahö jiget mötkeri, i mönö denöwö möt narim waḅgibeak? Kunḅan Buḅa keu qahö jim asarima ewö, yeḅön mi mönö denöwö mötpeak?

15 \*Ambazip kun Buḅa keugöra qahö melaibin ewö, yaḅön mönö denöwö anda mi jim asaribawak? Miaḅgö keuḅi Buḅa Kimbinöḅ kewö ohoget ahöza, “Ambazip Buḅa keu ölöḅḅi memba kamakzei, yeḅgö köna öttöḅini möringa qetpuk sorokḅi akza.”

16 \*Mewö ohoget ahözapmö, nöḅgö Israel könagesö öḅḅi yeḅön Ölöwak Buḅa qahö tem köla malje. Miaḅgö keuḅi mi kezapqetok azi Aisaianöḅ kewö jii ahöza, “O Kambu, nini Buḅa keu jim sehiinga daḅön mönö uruḅi melenḅa mi möt naribawakto?”

17 Keu miaḅgö dop Kraistkö keuḅi jim sehiinga kezapḅine geiga mötketka mötnaripḅinan mönö mewö asuhuma.

18 \*Mötnarip mewö asuhumapmö, kewö qesim eḅgizal: Buḅa keu miaḅön mönö Juda yeḅgö kezapḅine qahö geiga mötket me? Qahö, mi mönö mötket. Miaḅgö keuḅi mi kewö jigetka Buḅa Kimbinöḅ ahöza, “Keu jigetka keu kourukḅinan mönö anda anda gölme pakpak dop kölöc. Mi gölmeḅi gölmeḅi eu emu likeplikep miaḅgöreḅ mötket.”

19 \*Keu miaḅgö dop Buḅa keu löc mötketmö, kunbuk toroqeba kewö qesim eḅgizal: Israel ambazipnöḅ mi qahö möt asariget me? Mosesnöḅ mutuk keu kewö jiyök, “Ambazip könagesö öḅḅi qahö nöḅön mi amöt qem eḅgibiga eḅgö uru mututqututḅinan mönö miaḅgöra aka asuhuma. Kian kambu gukmaulem maljei, yeḅön iḅini eḅḅöḅketka silik miaḅön mönö Juda eḅgö uruḅini kuḅgubiga irimḅini sehöliiga uruḅinan wahötma.”

20 \*Aisaianöḅ mönö köhöiba kinda kewö jii ahöza, “Ambazip ni qahö jarum niḅgiba laḅ malgeri, yeḅön mönö ni miwikḅaim niḅgiget. Ambazip nöḅgö könananḅgöra qahö qesiba malgeri, nöḅön könanamni mönö yeḅgöra indelbi mötket.”

21 \*Yeḅgöra mewö jiyökmö, Israel neḅgöra mönö keu kewö jii ahöza, “Silim dop söḅanök könahiba qeḅetal könagesö kezapḅupḅup ahakzei, iḅini nöḅgöreḅ kamegöra eḅgohola eḅgöra börö kaek köla malbiga suḅgem ahakza.” Mewö.

## 11

### *Israel uruḅe urumeleḅ kambu moröḅi ahöza.*

1 \*Miaḅgöra kewö qesizal: Anutunöḅ nanḅi könagesöḅi andö qem neḅgiyök me qahö? Mi qahöpmahöp! Nöḅön mewöyök Abrahamgö gwölönarökḅi kun akzal. Nanak Israel könagesögö kambu qetḅi Benjamin miaḅgö uruḅe maljal.

2 Anutunöḅ nanḅi könagesöḅi qelḅiḅe möwölöhöm neḅgiyöhi, nini mönö qahö andö qem neḅgiiga maljin. Kezapqetok azi Elaijagö (Eliagö) kösohotḅi mi Buḅa Kimbinöḅ ohogetka

\* 10:11: Ais 28.16 \* 10:13: Joel 2.32 \* 10:15: Ais 52.7 \* 10:16: Ais 53.1 \* 10:18: Sum 19.4 \* 10:19: Dut 32.21 \* 10:20: Ais 65.1 \* 10:21: Ais 65.2 \* 11:1: Fil 3.5

ahöza. Yanön Anutugö jeje Israel ambazip jim engiba köuluköyöhi, injini keu kembangan mi mötze me qahö? Keu mi kewö,

<sup>3</sup> \* “O Kambu, yeñon mönö göhö kezapqetok ambazipurupki enguget kömugetka göhöreñ jöwöwöl ohoho altañi altañi köndeñmöndeñget. Ni mohot nömosötket malbiga mömö-laköba mönömbe nuñgubingö jöjöröze.”

<sup>4</sup> \* Mewö jiyökmö, Anutunöñ mi möta mönö kewö melen wangiba jiyök, “Gi nangok qahö maljanmö, nöñon azi 7000 mewöñanök sel jöhöm engibiga nani buñani aka bem muneñi Bal i qahö simin köl wangiba göbuk toroqeba malje.”

<sup>5</sup> Keu miangö dop nalö kewöñe mewöñanök Anutugö kambu moröñi ahöza. Anutunöñ kalem möriamñangö dop ambazip awanñi möwölöhöm neñgiiga maljin.

<sup>6</sup> Kalem möriamñan mönö nam köl wanggiiga möwölöhöm neñgiyök. Nini ahakmeme ölöpñi aka memba malbinahi, miangöra aka qahö möwölöhöm neñgiyök. Gölme ambazip ahakmemeninan nam köl wanggiiga möwölöhöm neñgibawak ewö, yanö kalem möriamñan mönö yuai omanñi akawak.

<sup>7</sup> Miangöra mönö denöwö jibinak? Israel könagesönöñ solanñi akingö kapan köla malgetmö, solanibingö könanñi mi qahö miwikñaiget. Yeñon qahöpmö, Anutunöñ kambu moröñi möwölöhöm neñgiyöhi, neñon kalemñi mi miwikñaiba solanñi ahin. Tosatñan mötmöt bölöñan uruñini gwözöñni öne lañ malje.

<sup>8</sup> \* Miangö keuñi mi Buña Kimbinöñ kewö ohoget ahöza, “Gaun jeje malgetka Anutunöñ öme qahö jöhöiga uruñine geiga köhömuñi aket. Yuai eka könanñi ek kutubepuköra jeñini mem sohoiga ömuñ kölok. Keu kezapñinan möta möt asaribepuköra mi mem gwözöñnök. Mewö tönpin mala kota nalö kewöñe mewöyök öne lañ malje.”

<sup>9</sup> \* Kiñ Deiwidnöñ miangö keuñi kewö jii ahöza, “O Anutu, yeñon közölömbuan ala nemba lañ söngaimakze. Miangöreñ mönö engek miwikñaiba siñgisöndokñinañgöra simba alnönga engimema.

Mönö nanñini dumñine tötañgöba et enguiga likepñi melen enginönga sihimbölö mötme.

<sup>10</sup> O Anutu, gi mönö jeñini mömbauba mem gömölinönga uba ekingö osime.

Mönö likepñi melen enginönga qakñine öngöba lömböriiga sundan dop upköba malme.”  
Deiwidnöñ mewö köuluköyök.

*Kian kantri yeñon Anutugö ipñi ölni aket.*

<sup>11</sup> Toroqeba kewö qesizal: Juda könagesö ölni yeñon tötañgöba et enguiga uruñinan gwözöñniga ölöwakingö osime me qahö? Mi qahö osime! Et enguyöhi, mianön mönö Anutu möt kutubingö awöweñgömögöra aka asuhuyök. Juda könagesö ölni yeñon köna ongita et enguiga kian kantri yeñon salupñini aka uruñini melen da Anutugö buñanñi aket. Mewö akeri, mianön uruñini kuñguiga miangöra irimñini seholiiga uruñini melenmegö sihimñan asuhumapköra aka mewö asuhuyök.

<sup>12</sup> Juda könagesö ölni yeñon köna siñgiba et enguiga miangöra kian gölmeñi gölmeñi yeñon oyaenköyaen akingö könanñi miwikñaiget. Mi miwikñaiba uruñini melen da kötümötuet uruñe maljemö, Juda könagesö ölni yeñon tönpin mala Anutugö jeje qahö dop kölje. Könañgep Juda yeñon mewöyök körek uruñini melenme. Mewö asuhuiga Anutugö kötümötuetñan sehiba kelenmalelen aukñe asuhuma.

<sup>13</sup> Nöñon keuni ki Juda engöra qahöpmö, kian kantri könagesö engöra jizal. Nöñon kian kantri engöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal.

<sup>14</sup> Nupni mi membi ölni asuhuiga uruñini melenmakzei, nani Israel könagesöurupnan miangö buzupñi mötmögöra kapan köla awöweñgömakzal. Buzup keu mianön mohot mohot yeñgö uruñini kuñguiga miangöra irimñini seholiiga uruñini melenbingö sihimñan

\* 11:3: 1 Kiñ 19.10, 14 \* 11:4: 1 Kiñ 19.18 \* 11:8: Dut 29.4; Ais 29.10 \* 11:9: Sum 69.22-23

asuhui melengetka Anutunöŋ amöt qem engima. Nupni qetbuŋaŋambuk mi mönö miangöra aka kian kantri engö sutŋine memakzal.

<sup>15</sup> Anutunöŋ Juda kambu andö qem nenŋiiga miangö ölŋan mönö kewö asuhuyök: Kian kantriŋi kantriŋi enön salupŋine aketka Anutunöŋ töwaŋini qeba engömeiga alaurupŋi aket. Juda könagesö ölŋi yeŋön uruŋini melengetka Anutunöŋ amöt qem engiba möt anŋön köl engimawi, miangö ölŋan mönö kömupnöhök guliba mal köhöimeangö dop akŋa.

<sup>16</sup> Yambu jeŋiqeŋe dölökŋe nene Anutugöra kewöta ala sösoŋgai ahinga sarakŋi akza ewö, nupkö numbu nenenŋi pakpak mönö mewöyök sarakŋi akza. Ip jalöŋan töröŋi akza ewö, böröŋan mönö mewöyök töröŋi akze.

<sup>17</sup> Juda kambu mi Anutu nanŋangö oil ipŋi akza. Anutunöŋ nanŋi oil ipŋi mi öŋböŋi memba böröŋi tosatŋi mitii etiket aka arökŋangö oil ip böröŋi memba kaba sutŋine ali toroqeba qarimakze. Kantri tosatŋi iŋini arökŋangö oil ip miangö dop akzemö, Anutunöŋ töndup engömeiga nalö kewöŋe ip börö qainŋi kun miengö sutŋine mal köhöimakze. Iŋini mönö Juda kambugö oil ip jalöŋeyök nene oŋi öröba memba qarimakze.

<sup>18</sup> Iŋini Juda nembuk kinjemö, töndup Juda nenŋonŋita silenŋini memba öŋgöbepuk. Silenŋini mem öŋgöbeak ewö, mönö keu ki mötme: Kantri tosatŋi iŋini ip böröŋanök ewö akze. Iŋini jalönini qahö bisimakzemö, nanine ip jalöŋan mönö iŋini engömisiiga kinje.

<sup>19</sup> Keu kewö jibeak, “Anutunöŋ nini nanŋi ip kemaŋe al nenŋimapköra aka ip böröŋi mi kutui eriga tiŋi asuhuyök.”

<sup>20</sup> Keu mi ölŋa. Anutunöŋ Juda ambazip uruŋini qahö melenŋa möt narigerangöra aka kutum engii etiketmö, iŋini mönö mötnaripŋinan töndangöm engiiga zen kinje. Mewö kinda jakbak-oraŋboraŋ kude aka aiweliköba malmemö, mönö kewö et engubapuköra sömbuŋini möta malme:

<sup>21</sup> Anutunöŋ nanŋi ipŋangö böröŋi ölŋi qahö engehoriba Juda könagesö kutum engiyök ewö, iŋini mönö “Ölöp nenŋehorima,” mewö jibepuk. Öne mewö mötmöriba laŋ malbepuk.

<sup>22</sup> Miangöra kian kantri iŋini Anutugö könaŋi mötmöriba kewö jime, “Juda ambazip köna siŋgiba et enguyöhi, Anutunöŋ miangö likepŋi melenŋa mönö ölŋa kööpŋambuk ak engimakzapmö, nini ölöwak Toŋambuk qekötahöba kininga mem ölöwak nenŋimakza. Yambuk qahö toroqeba kinbin ewö, mönö kantri tosatŋi nini mewöyök kutum nenŋii etpin.”

<sup>23</sup> Mewö ölöp jimemö, Anutunöŋ ambazip köna siŋgigeri, mi mewöyök ölöp köhöiba ip kemaŋe kunbuk toroqem engima. Miangöra Juda könagesö yeŋön yaŋgisenŋini mosöta uruŋini melenŋe ewö, i mönö ölöp Jisösbuk toroqem engima.

<sup>24</sup> Anutunöŋ iŋini arökŋangö oil ip miangöreŋök kutum engiba kölkömötkö könaŋi onŋita oil ip qainŋi kungö kemaŋe al engii toroqeget. Kantri tosatŋi iŋini mewö ak engiyök ewö, miangöra nanŋi ip böröŋi ölŋi Juda könagesö ölŋi mi mönö amqeba engömemba sihimŋan nanŋi oil ipŋangö kemaŋe al engii kunbuk toroqeme. Mewö.

*Anutunöŋ Israel körek ak kömum nenŋimangö mötza.*

<sup>25</sup> O urumelenŋ alaurupni, nanŋini mötkutukutu qakŋe laŋ malbepuköra mönö keu tölapŋi kun indela möt asarimegöra mötzal. Keu mi kewö: Mötmöt bölöŋan Israel könagesögö bahöŋi kun yeŋgö uruŋini gwözöŋni maljemö, nalö teteköŋi qahö yaŋgisenŋ qahö toroqeba malme. Qahöpmö, mutuk kian kantri yeŋgöreŋök jesöŋgöŋan uruŋini melenŋa Anutugö bemtohoŋ uruŋe kaŋgotme. Mewö aketka Anutunöŋ jaŋgöŋini ehi dop kölmawi, nalö miangöreŋ Juda könagesö nenŋgö yaŋgisenŋ nalöninan teköiga körek uruŋini melenŋe.

<sup>26</sup> \*Uruŋini melengetka Anutunöŋ Israel könagesö pakpak amöt qem engiiga letotme. Miangö keuŋi mi Buŋa Kimbinöŋ kewö ohoget ahöza, “Amötqeŋe Toŋan mönö Zaion kunduneyök asuhuba Jeikob kambu nenŋgö ahakmemenini anŋöjörakŋambuk mi köl könjöratma.

\* 11:26: Ais 59.20



27 \*Anutu nõjõn singisõndokñini kõl kõnjõrata oyaenjkoyaen akingõ jõhõjõhõ areni mi yembuk akiga mohotne malbin.”

Keu mewõ ahõza.

28 Juda kõnagesõ õlñi yejõn Õlõwak Buña andõ qeba Anutugõ kerõkurupñi akerangõra kantri tosatñi eñõn salupñine Anutugõ alaurupñi akze. Mewõ akzemõ, Anutunõj Israel bõmõn jalõ-urupñini mõwõlõhõm engiyõhangõra Juda neñõn mõnõ toroqeba wõlbõt alaurupñi õlbõlñi akzin.

29 Anutunõj ambazip niñia mõwõlõhõba engohola kalem engimakzawi, keu mi mõnõ kunbuk uruñi mõñaiiga utekõmawañgõ dop qahõ.

30 Kian kantri iñini mewõyõk mutuk Anutugõ jitñi qahõ tem kõla lañ malgetmõ, Juda kõnagesõ õlñi yejõn yangiseñ akerangõra aka Anutunõj iñini ak kõmum engiiga letotket.

31 Juda kõnagesõ õlñi yejõn nalõ kewõne Anutugõ jitñi qetala lañ mala kotzemõ, eñõn letotkerangõra aka Anutunõj Juda kõnagesõ nini mewõñanõk nalõ kewõne ak kõmum neñgimangõ mõtza. Kian kantri eñõn uruñini melenða letotketka miangõ silikñan uruñini kuñgumakzawi, miangõra yejõn mõnõ mewõ-ñanõk anqeba uruñini melenða ak kõmukõmuñi buña qem angume.

32 Ambazip lõkñanõk pakpak nini Anutu qetala lañ malinga qegetalnini miwikñaiiba gwarõhõm neñgiyõk. Kõrek pakpak ak kõmum neñgimapkõra aka kõsõnõj gwarõhõm neñgiyõk. Mewõ.

*Anutu mõpõseiba omsa liñet kewõ kõlakzin:*

33 \*Anutu kalem mõriamñangõ kõwenñan mõnõ keta bõlõkñi akza. Iwinangõ jitñi, mõtmõtñi mõnõ gegeni tetekõñi qahõ. Mõtkutukutuñan neñgõngita õngõngõñi ketanñi akza. Yanõn keunini kewõta jim tekõmakzawi, neñõn mi lõkñanõk jim asarim tekõbingõ osibin. Malmalninañgõ kõna areñgõmakzawi, miangõ kõnanñi mõnõ mõt kewõta miwikñaim tekõbinangõ dop qahõ.

34 \*“Kembugõ urukõnõmñangõ areni mi ambazip kõrekñan mõt yakõbingõ osiba mala korin. Kunñan kun goro wañgimawañgõ dop qahõ.”

35 \*“Gõlme ambazip kalem angumakzinmõ, yambuk mewõ akingõ osiba mala korin. Yuai wañgiinga kitipñi qahõ melen neñgiiga õlõp dop kõl wañgiza. Yuai kun bian neñgimapkõ tosa wañgibingõ osimakzin.”

36 \*Mi kewõgõra osimakzin: Yanõn yuai pakpakõ Tonñi aka bõmõn jalõñi akza. Yanõn yuai pakpak nam kõliga asuhuyõk. Mi nanñi akõdamun miwikñaim wañgimapkõra aka asuhuyõk. Miangõra neñõn qetbuñanñi mõpõseininga tetekõñi qahõ akõdamunñambuk ahõba õngõba ahõma. Keu mi õlña.

## 12

*Malmalnini denõwõ malinga Anutugõreñ dop kõlma?*

1 O urumelen alaurupni, Anutunõj mewõ ak kõmum neñgiyõ-hangõra nõjõn mõnõ uruñini kewõ kuñgum engizal: Iñini mõnõ ak-kõmukõmuñi mi urukõnõmñinan mõtmõriba miangõ dop kitipñi melen wañgiba waikñi memba mõpõseiba malme. Mewõyõk nanñini silenini mi Anutugõ kötõn naluha alme. Mewõ alme ewõ, iñini mõnõ guliba sarakñi aketka Anutunõj nalukñini mi ehi dop kõli sihimñi mõrakña.

2 Mutuk gõlme gõ ahakmeme bõlõñangõ areni wuatangõba malgetmõ, nalõ kewõne mewõ kude toroqeba ahakne. Mewõ qahõpmõ, mõnõ urumõtmõtñinan kõlõñaiiga letota malme. Mewõ mala Anutunõj engõra sihimñi denõwõ mõtzawi, mi jaruba õlõp kõhõiba kewõta miwikñaim. Mi miwikñaiiba miangõ dop ahakne ewõ, mõnõ kõna õlõpñi wuatangõgetka dop kõl wañgii akõdamunñinambuk ahakne.

\* 11:27: Jer 31.33-34 \* 11:33: Ais 55.8 \* 11:34: Ais 40.13 \* 11:35: Job 41.11 \* 11:36: 1 Kor 8.6

<sup>3</sup> Siksauk laŋ malbepuköra keu kun jimam. Anutunöŋ kalem möriam niŋgiiga miangö qakŋe kinda körek engöra kewö jizal: Inini mönö nanŋini mötket öngöŋgöŋi qahö akŋapmö, mohot mohot inini mönö törörök möt kutum aŋguba malme. Anutunöŋ mötnariŋ neŋgiiga miangö öŋi asuhumakzawaŋgö dop mönö nanŋini kewöt aŋguba miangö dopkeu jiba malme.

<sup>4</sup>\*Miangö könaŋi kewö: Sileninan mohot akzapmö, sile kitipnini mi gwötpuk. Kitipŋi pakpak miŋöŋ nup mohot miyöhök qahö memakze.

<sup>5</sup> Miangö dop urumelen aŋbazip neŋöŋ mewöyök gwötpuk maljinmö, töndup Kraist-puk qekötahöba kinda sile ewö öŋi mohot akzin. Mohot akzinmö, nanŋök nanŋök neŋöŋ mönö toroqem aŋguba mohotŋe nup meinga dop köli kinjin.

<sup>6</sup>\*Anutunöŋ kalem möriamŋi neŋgiyöhaŋgö dop nup memegö mötmöt kalem murutŋi murutŋi buŋa qem aŋguba maljin. Kunöŋ kezapqetok nupkö mötmöt kalemŋi buŋa qem aŋguza ewö, yaŋöŋ mi mönö nupnöŋ alakŋa. Mötnariŋŋan töndangöm waŋgi-makzawaŋgö dop nupnöŋ ala Anutugö keuŋi jiba malma.

<sup>7</sup> Kungöra welenqeqe nupkö mötmöt kalemŋi waŋgiyök ewö, miangö dop mönö tosatŋi pöndaŋ bauköm engiba malma. Kungöra böhi qaŋazu nup memapkö mötmöt kalemŋi waŋgiyök ewö, yaŋöŋ mönö memburik-qemburikŋi qahö pöndaŋ tosatŋi kusum engiba malma.

<sup>8</sup> Kungöra uru naŋgönaŋgö nupkö mötmöt kalemŋi waŋgiyök ewö, yaŋöŋ mönö pöndaŋ kapaŋ köla aŋbazip uruŋini kuŋguba naŋgöm engiba malma. Tosatŋan yuaigöra mözöröŋgöba osigetka kungöra i naŋgöm engimapkö mötmöt kalemŋi waŋgiyök ewö, yaŋöŋ mönö koŋwarakŋi qahö pöndaŋ naŋgöm engiba malma. Kungöra galömkölköl nupkö mötmöt kalemŋi waŋgiyök ewö, yaŋöŋ mönö zeŋ kinda tosatŋi galöm köŋ engiba malma. Kungöra urukalem nupkö mötmöt kalemŋi waŋgiyök ewö, yaŋöŋ nup mi mönö sösoŋgai qakŋe memba malma. Mewö.

### *Urukalemgö könaŋi törörök wuatangöme.*

<sup>9</sup> Mönö geŋmoŋ mosöta törörök urukalem ak aŋguba malme. Bölöŋi sisit memba andö qeba malme. Ölöŋnaŋgöra ak engiiga miangöreŋ mönö qekötahöba malme.

<sup>10</sup> Urumelen alauruŋini mi mönö guŋböŋjönjön qakŋe ak engiba törörök jöpaköm aŋguba malme. Göda qem aŋgubingö kapaŋ kölakzei, miangöreŋ mönö awöweŋgöba möpöseim aŋguba malme.

<sup>11</sup> Uruŋinan mönö kude sörauba löwörimapmö, köulukögetka Uŋa Töröŋan inahöm engiiga urukönöpnöŋ kinda Kembangö nup memba malme.

<sup>12</sup> Jörömqöröm aka sösoŋgainöŋ malme. Kahasililiŋ möta mökösoŋda malme. Mönö böŋ kinda Anutu köuluköba malme.

<sup>13</sup> Anutugö aŋbazip sarakŋan yuaigöra osizei, i mönö bauköm engiba malme. Mönö aŋbazip köŋ öröm engiba mohotŋe tata nene nem sösoŋgai ahakŋe.

<sup>14</sup>\*Sesewerowero ak engimakzei, aŋbazip mi mönö kude qesuahöm engimemö, mönö Anutu köulukögetka kötuëtköm engimakŋa.

<sup>15</sup> Söŋgaizei, yembuk mönö bauköba söŋgaime. Sahötzei, yembuk mönö bauköba sahötme.

<sup>16</sup>\*Mönö urumohot ak aŋguba luainöŋ malme. Nanŋinaŋgöra mönö kude mötket öngöma. Jakbak-öraŋböraŋ kude akŋemö, aŋbazip eretŋi mönö ala ak engiba malme. Nanŋinaŋgöra mötketka mötkutukutu ambaziwa maljeaŋgö dop kude akŋa.

<sup>17</sup> Jinöŋ jibi, nuŋgunöŋ guhubi, aknöŋ aki mi kungöra kude akŋe. Aŋbazip körekŋan silik tosatŋi miengöra mötketka ahakmeme ölöŋŋi akzei, mi mönö kapaŋ köla memba malme.

\* 12:4: 1 Kor 12.12 \* 12:6: 1 Kor 12.4-11 \* 12:14: Mat 5.44; Luk 6.28 \* 12:16: Qam 3.7

<sup>18</sup> Yuai kungörej qahö qaköze ewö, mönö köhököhöi ahöm enjizawanjö dop kapan köla ambazip körek yembuk luainöj malme.

<sup>19</sup> \*Keu kun mi Buja Kimbinöj kewö ohoget ahöza, “Nöhön mönö bölönanjö likepni melenbiga qaknine öngöma. Mi nöngö nuwa. Kembu nöhön mewö jizal.” Mianjöra wölböt alaurupni, injini nanjinak bölönanjö likepni kude melenmemö, mi Anutugöra mosötketka irimjan seholiiga enjö kitipni melenja meköm enjima.

<sup>20</sup> \*Mianjöra mi nanjinak kude melenmemö, Buja keu ki mönö wuatängöba malme, “Kerökan nenegö kömuza ewö, i mönö nene gumohom wanjiman. Göhö kerökan ogö mötza ewö, i mönö o wanjinönga nema. Mewö aka göhörej silik ölöpnji mianjön mönö uru kunjum wanjinönga gamunji möta mosötpawak.” Keu mi mönö wuatängöba malme.

<sup>21</sup> Kunjan silik bölöni mianjön luhut al ghibapukmö, nangak mönö silik ölöpnji aka mianjön luhut al wanjiba silikni bölöni mi koyonaniman. Mewö.

## 13

### *Gawman yengö keu bapnje anda tem köla malme.*

<sup>1</sup> Gawman kun mi nanjök qahö asuhuyökmö, Anutu, kukösum Tonji yanön mönö gawman kungui mianjö dop ketananninan kukösum qakne kinda galöm köl enjimakze. Jimkutukutu nupkö kondotkondotni mi Anutu. Mianjöra injini körek mönö nanjini gawman yengö keu bapnje anda malme.

<sup>2</sup> Könañi mewö mötzeanjöra aka kunjan jimkutukutu galöm yengö kukösumnini qetaljawi, yanön Anutunöj malmalgö arenji alöhi, mönö mi qetalja. Jimkutukutu Tonji qetaljei, Anutunöj yengö keunini jim teköba likepni melen enjiiga lömböt miwiknaima.

<sup>3</sup> Galömkölköl yenön ambazip ahakmeme bölöni ahakzei, mi kenjöt mötmöt ak enjimakzemö, ölöpnji ahakzei, mi mewö qahö ak enjimakze. Mianjöra galöm kukösumninambuk yengö kenjötöki mötmangö mötzan me qahö? Mi qahö mötmangö mötzan ewö, mönö ahakmeme ölöpnji aka memba malnönga möpösem gihimakne.

<sup>4</sup> Gawman yenön mönö Anutu welenji qeba mem ölöwak ghibingö mötze. Mewö mötzeanjöra ambazip bölöni akzei, mönö mianjö likepni melenja qaknine öngöi lömböt mötmegöra kinje. Anutugö welenqequeurupni aketka buldömingö sou ketani enjiyöhi, mi öne töhön qahö memba malje. Mianjöra yuai bölöni akzan ewö, mönö kenjötöki möta malman.

<sup>5</sup> Lömböt qaknine öngöi mötpepuköra mönö gawman jitnini tem köla malme. Mianjörök qahöpmö, Anutugö jene mohot dop kölmaköra mönö mewö ahakne. Qahö tem kölgetka Anutugö irimjan sehooli jii urukönömjinan mewö mötketka urujinan bölöbapuköra mönö mewöyök gawman yengö keu bapnje anda malme.

<sup>6</sup> \*Gawman yenön mönö Anutugö nup bahöni kun memba mianjörej zen kinda galöm köl enjimakze. Nupnini mi memegöra enön mönö bauköm enjiba takis mewöyök alakze.

<sup>7</sup> Gawmangö takis aka kötön könañi könañi dawik enjimegö jimakzei, mi mönö körek mianjö dop enjimakne. Gawmangö takis könañi könañi pakpak mi mönö törörök enjimakne. Gawmangö nup meme ambazip yengöra mönö ewe ala göda qem enjimakne. Mewö.

### *Nalö ketanjan dopdowiiga mönö jöpaköm anjuba malme.*

<sup>8</sup> Mewö aka kungörej tosa kun embuk kude ahöi malme. Töndup enjö tosanini mohokkun mi nalö dop kewö ahöza: Injini mönö uru jöpaköm anjuba malme. Kunjan tosatni jöpaköba urukalem ak enjimakzawi, yanön mönö Köna keu wuatängöm tekömakza.

<sup>9</sup> \*Jöjopañ keu bohonji kewö, “Nangi jöpaköm anjumakzani, mianjö dop mönö tosatni pakpak jöpaköm enjimaknan.” Keu mianjö uruje jöjopañ keu kewöni ahöze, “Sero

\* **12:19:** Dut 32.35    \* **12:20:** Qam 25.21-22    \* **13:6:** Mat 22.21; Mak 12.17; Luk 20.25    \* **13:9:** Eks 20.13-15, 17; Dut 5.17-19, 21; Lew 19.18

yongorö kude akñan,” “Ambazip kun kude qenöñ kömuma,” “Yongorö kude meman,” “Yuaigöra mönö kude köpösöngöman.” Mi aka jöjöpañ keu tosatñi pakpak mi mönö keu bohonñi miangö nemböñe akze.

<sup>10</sup> Ambazip kun jöpaköm wangizan ewö, yangöra mönö yuai bölöñi kun kude ak wangiman. Miangöra urukalem aka mewö mianjön mönö jöjöpañ keu körek pakpak tem köla wuatangö-makzan.

<sup>11</sup> Nalö kianjö könañi mötzeangöra mönö ahakmeme mewöñi aka memba malme. Mutuk Kraist möt nariba urunini melenñini, nalö miangöreñök könahiba mala koringa Kembunöñ meköm neñgii Suepnöñ öngöbini, miangö nalöñan mönö dowe ahöza. Miangöra inini gaun ahözei, miangöreñök imbiñini möta wahötmeangö nalöñan mönö lök kam kuñguza.

<sup>12</sup> Sunjem köröpñi malinga wehön jeñi jililingöba koriga asarimangö akza. Miangöra söñaupkö ahakmeme mi mönö tömbuluñaniget geiga asakñangö bim qebingö aködamunñi mi mönö memba kölget geiga kinbin.

<sup>13</sup> Asakñangö uruñe maljinangö dop mönö ahakmeme sarakñi aka memba malbin. Tosatñan közölömbuan pati ala bau numbu memba o köhöikñangöra enjololon ahakze. Sero namböñnamböñ aka lañ ambi yongorö örömakze. Julia denja anjururuk aka anjöhöba urunöñ mututqutut möta andönöñ qem anjumakze. Ahakmeme mewöñan mönö qahö dop kölja.

<sup>14</sup> Urusilegö sihim kömbönañini bölöñan guliba wahötketka miengö sihimñini tem köl enjibepuköra mönö mi kude kezap ala mötmörim enjimakñe. Mewö qahöpmö, Kembu Jisös Kraistkö ahakmemenjan mönö timbi saiwanini aiga mi maluku ewö löngöt anjuba malme. Mewö.

## 14

### *Alaurup lölöwöröñi i kude jim enjiba malme.*

<sup>1</sup> \*Kungö mötnariñan lölöwöröñi aiga i mönö köyan köla köl öröm wangiba malme. Yambuk eraum möta kösawörañ keugöra jitnakölik kude ahakñe.

<sup>2</sup> Tosatñan mötnariñinangö dop nene pakpak ölop nemakzemö, tosatñi yeñgö mötnariñinan lölöwöröñi aiga nene piakñanök nemakze. Uruñinan tölöhobapuköra uruyahöt aka sömbup tandö lopiongö naluk alalñi mi sisitñi memba yöha töhönök inannik ohom nemakze.

<sup>3</sup> Nene pakpak nemakzeañön mönö alaurupñini yöhayök nemakzei, mi jijiwilit kude ak enjimakñe. Anutunöñ alaurupñini nene pakpak nemakzei, mi mewöyök “Dop kölje,” jiba köyan köl enjimakza. Miangöra yöhayök nemakzei, enñön mönö alaurupñini yeñgö keunini kude jim teköme.

<sup>4</sup> Göñön mönö niñia aka kungö welenqeqeñi jim teköm wangibanak? Yanñön mönö nanñi tonangö jeñe keunangö likepñi jiiga kewöta jim teköiga dop kölga kinma me lömböt qakñe öngöiga etma. Kembunöñ mönö köhöiba böñ qeba kinmapköra nanjöm wangimakña. Miangöra mönö ölop böñ qeba kinma.

<sup>5</sup> Tosatñan silim pakpaköra mötmörigetka tandökñini öröröñ ahözemö, tosatñan silimñi silimñi kewöta silim kungö mötket öngöiga qainñi kun aiga silim tosatñan miangö nemböñe akze. Inini mohot mohot mönö nanñini mötmötñini qekötahöba miangöreñ uruyahöt körek yaköriba awösamakak kinda malme.

<sup>6</sup> Tosatñan silimñi silimñi kewöta öngöba eta alakzei, yeñön mi mönö Kembu qetbuña wangimapaköra aka ahakze. Tosatñan sömbup nemakzei, yeñön mönö Anutu möpöseiba Kembunöñ mewö qetbuñañambuk akñapaköra nemakze. Tosatñan sömbupkö sinji malakzei, yeñön mönö Kembunöñ qetbuñañambuk akñapaköra aka mi ahakze aka mewö mala Anutu möpöseimakze.

\* **14:1:** Kol 2.16



7 Neŋgöreŋök kunŋan kun mönö nanŋaŋgörök qahö malja aka nanŋaŋgörök qahö kömuma.

8 Mianğö könaŋi kewö: Jebuk malbin ewö, mönö malmalnini Kembugöra köleŋda malbin. Kömumbin ewö, mönö Kembugöra kömumbin. Mianğöra malbin me kömumbin ewö, mönö Kembugö buŋaya akzin.

9 Kraistnöŋ mönö kömugeru aka jebuk maljini, körek neŋgö Kembunini aka malmapköra kömumba guliyök.

10 \*Anutunöŋ mönö körek neŋgungita nanŋi keu jakeŋe al neŋgiiga kinbin. Mianğöra tosatŋi eŋön mönö niŋia aka urumelen alaurupŋini jim teköm eŋgimakze? Mewöyök alaurupni tosatŋi eŋön mönö wuanöŋgöra urumelen alaurupŋini tosatŋi mi jijiwilit ak eŋgimakze? Jujul silikŋini mianğön mönö qahö dop kölja.

11 \*Mianğö keuŋi mi Buŋa Kimbinöŋ kewö ohoget ahöza, “Kembu nöŋön mal köhöizali, mianğö dopkeu öl töhöŋŋi kewö jizal: Ambazip körek pakpak iŋini mönö nöŋgö jemesoholne simin köla jitŋinan Anutu ni möpöseim niŋgime.”

12 Keu mianğö dop nini körekŋan mönö inanğök inanğök ahakmemeninangö kösohotnini mi Anutugöra jim asariinga kewöt neŋgima. Mewö.

*Kunöŋ tötaŋgöba et qebapüköra mötmörime.*

13 Mianğöra mönö kude toroqeba jim bölim aŋguba keuŋini jim teköme. Urumelen alaurup yeŋgö könanöŋ tötaŋgöba et eŋgubapükö yuai kun mönö kude alakŋe. Mianğö keuŋi mönö kapaŋ köla jiba jöhöme.

14 Nene yuai kunöŋ nanŋanök aŋgöjörakŋambuk qahö akzapmö, ambazipnöŋ yuaigö mötketka aŋgöjörakŋambuk akzawi, yeŋgöröhök mi aŋgöjörakŋambuk akza. Nöŋön Kembu Jişöbuk kinda keu mi möta mianğöra uruyahöt kun qahö akzal.

15 Anutunöŋ nene pakpak amöt qem teköi sarakŋi akzemö, töndup alaurup tosatŋan döŋqiziziniŋi aka sömbup qahö nemakze. Kraistnöŋ yeŋgöra aka kömuiga tosatŋi eŋön mönö wuanöŋgöra sömbup nempa mewö mianğön yeŋgö uruŋini mem bölimakze? Mewö nanŋini imbi-imbi aketka urumelen alaurupŋinan mianğöra wösöbirik ahakzei, mewö mönö urukalemgö könaŋi mi qahö toroqeba wuatangömakze.

16 Mötmöt ölöŋŋi ahöm eŋgizapmö, mianğö qakŋe ahak-memeninan laŋ aketka tosatŋan mianğöra sirongen keu jiba jim eŋgimakze. Mewö asuhubapüköra galöm mem aŋguba malme.

17 Wani neneya nembini aka wani oya nembini, mianğön Anutu bemtohoŋgö aiwesökŋi qahö akza. Yuai mianğön mönö eretŋi akza. Yangö bemtohoŋ uruŋe malmalgö öŋŋi mi kewö: Uŋa Töröŋan inahöm neŋgiiga ahakmeme diŋdiŋi wuatangöingga luai qem neŋgiiga söŋgaiba maljin. Mianğön mönö aiwesök muŋgemŋi akza.

18 Denike yeŋön mewö aka Kraistkö welenŋi qemakzei, yeŋön mönö Anutugö jeŋe dop kölgetka ambazipnöŋ keuŋini mötketka dop köl eŋgimakza.

19 Mianğöra nini luai qem aŋguinga urumohot sehimapköra kapaŋ kölbin. Mewö mianğön mönö urunini möhamgöba mem köhöim aŋgubin.

20 Anutunöŋ nene pakpak amöt qem teköi sarakŋi akze, mi mötzinmö, kunöŋ sömbup me nene kun neiga alaŋaŋgö uruŋan mianğöra böliiga urukönöpŋi ahuiga siŋgisöndokpuk akzawi, mianğön mönö qahö dop kölja. Kunŋan tosatŋi yeŋgöra qahö mötmöriba nanŋaŋgörök möta laŋ nezawi, yaŋön mönö mewöyök siŋgisöndokpuk akŋa. Mianğöra Anutunöŋ yeŋgö uruŋine nupŋi meyöhi, tosatŋi eŋön mönö nupŋi ölöŋŋi mi nenegöra aka kude mem bölime.

21 Mianğöra urumelen alaurupŋini yeŋgöra aka sömbupkö siŋgi mala wain o mi kude nempa malme. Mewö mianğön mönö mohotŋe ölöwakŋe. Mewöyök uruŋinan yuaigöra

\* 14:10: 2 Kor 5.10 \* 14:11: Ais 45.23

aka böliiga siŋgisöndokpuk aka löwöribawak, eñön mi kude akŋe. Mewö mönö mohotŋe ölöwakŋe.

<sup>22</sup> Kösaöraŋ keugö mötnariŋŋi mewö me mewö ahöm gihizawi, mi mönö Anutugö jemesoholŋe aŋgön köla malman. Kunŋan keu kungöra “Dop kölja,” jiba mianğöreŋ qekötahöba möt köhöiba mianğöra nanŋi qahö jim teköm aŋguzawi, yaŋön mönö simba-won akza.

<sup>23</sup> I me wai mötnariŋ qakŋe qahö kinda ahakzini, mi pakpak mönö siŋgisöndok akza. Mianğöra kunŋan nene kungöra uruyahöt aka töndup mi neza ewö, yaŋön mönö mewö siŋgisöndok akŋa. Mötnariŋ qakŋe qahö kinda nezawaŋğöra Anutunöŋ mönö yaŋgö keuŋi jim teköi qaköba lömböt miwikŋaima. Mewö.

## 15

### *Mönö Kraistkö mötmötŋi wuatangöba malme.*

<sup>1</sup> Mötnariŋninan köhöikŋi akzawi, neñön mönö naninaŋğörök laŋ söŋgaiba nanini imbi-imbi malbinbuk. Tosatŋi yeŋgö mötnariŋninan lölöwöröŋi aiga tötöpinpinöŋ köna oŋgita törörök qahö wuatangömakzei, neñön i urukalem ak eŋgiba lömbötŋini bisimegö bauköm eŋgibin.

<sup>2</sup> Nini mohot mohot mönö alaurup-ninan ölöwakŋe aŋgö dop mötmöriba ak eŋgimakin. Mewö ak eŋgiba uruŋini möhamğögetka köhököhöi miwikŋaime.

<sup>3</sup> \*Kraistnöŋ mewöyök nanŋaŋğörök nanŋi imbi-imbi qahö söŋgaiba ahökmö, Buŋa keu kiangö dop ak waŋgigetka malök, “Ambazip keu töhöreŋ jiba gi jim gihimakzei, yeŋgö keuŋinan mönö nuŋguiga sihimbölöŋi mörakzal.” Keu mewö ahöza.

<sup>4</sup> Anutunöŋ neŋğöra sihimŋi kewö mörakza: Neñön kapaŋ köla köhöiba kinda Buŋa Kimbi oyoŋninga urunini naŋgöiga mewö mianğön jörömqöröm aka malbin. Mianğöra Buŋa keu pakpak mönówök ohogeri, Anutunöŋ mönö mianğö dop kusum neŋgimangö mötza. Mianğöra mi ohoget ahöza.

<sup>5</sup> Anutunöŋ mönö nanŋak uruŋini naŋgöiga ölop kapaŋ köla kin köhöime. Yaŋön mönö Uŋaŋi eŋgiiga inahöm eŋgiiga sutŋine uru jöhöjöhö aka Kraist Jisösgö mötmötŋi wuatangöba malme.

<sup>6</sup> Mewö mala ölop urumohot qakŋe numbuŋini mindiriba Anutu, Kembunini Jisös Kraistkö Iwiŋi mi möpöseiba malme. Anutunöŋ eñön mewö aka malmegöra mörakza. Mewö.

### *Ölöwak Buŋanöŋ kantri tosatŋe anda kayök.*

<sup>7</sup> Kraistnöŋ iŋini möt aŋgön köla köyan köl eŋgimakzawi, mianğö dop iŋini mönö mewöyök köyan köl aŋguba malme. Anutugö qetbuŋaŋan sehimapköra mönö mewö aka malme.

<sup>8</sup> Nöñön keu ölni ki jimam: Anutunöŋ keuŋi keuŋi Juda könagesö neŋgö bömönurupnini yeŋğöra jiba jöhöyöhi, mianğön ölnambuk akŋapköra mörök. Mianğöra Kraist melaiiga Anutugö Buŋa keu ölnan köhöimapköra aka Juda neŋgö sutnine eta welen qem neŋgiba malök.

<sup>9</sup> \*Juda nini welen qem neŋgiba malökmö, kantri tosatŋi yeñön mewöyök yaŋgö ak-kömükömuŋi möta mianğöra Anutu möpöseiba malje. Mianğö keuŋi mi Buŋa Kimbinöŋ kewö ohoget ahöza, “Mianğöra nöñön kantri tosatŋi yeŋgö sutŋine mala möpöseim gihiba qetbuŋagan sehimapköra liŋet kölakŋam.”

<sup>10</sup> \*Mianğö keuŋi kun mi kewö jiba ohoget ahöza, “Anutunöŋ Juda nini möwölöhöm neŋgiiga könagesöŋi aka söŋgaimakzin. Kantri tosatŋi iŋini mönö nembuk toroqeba söŋgaiba köiraŋ ala malme.”

\* 15:3: Sum 69.9 \* 15:9: 2 Sml 22.50; Sum 18.49 \* 15:10: Dut 32.43

11 \*Mianğö keuñi kun mi kewö,  
 “Kian kantrigö kambu pakpak inini mönö Kembu möpöseiba malme. Gölme dop maljei,  
 inini mönö körek ‘Anutu saiwap!’ jiba liñet köla malme.”

12 \*Kezapqetok azi Aisaia yañön mewöyök mianğö keuñi kewö jii ahöza,  
 “Azi qetñi Jesi yañgö andöjalöñan mönö sötni jula wahöta ambazip gölme dop galöm köl  
 enğima.  
 Mewö ak enğiiga jörömqörömñini yañgöreñ ala bauköm enğimapköra mamböta malme.”

Keu walñi mianğön mönö nalö kewöñe ölnambuk ahakza.

13 Uña Töröñanğö ösumñan mönö nanğöm enğiiga jöröm-qörömñinan köhöiba pöwöwöm  
 akñapköra mötzal. Mianğöra jörömqöröm Tonñ Anutu yañön mönö luai qem enğiba  
 söşöngai pakpak mianğön uruñini kokolak qema. Mewö köuluköbiga ölop Anutu möt narim  
 wangiba oyaenjkoyaen akingö mamböta malme. Mewö.

### *Keu köhöikñi mi denöwögöra ohozal?*

14 O urumelen alaurupni, nanak enğöra kewö möt köhöizal: Inini mönö tönpin qahö  
 maljemö, Anutunöñ yuai pakpak ölopñi uruñine ali kokolak qeiga mötmöt könañi könañi  
 miwikñaiba mianğön ölop goro qeba kusum anğubinangö dop akze.

15 Mewö akzemö, töndup keu mi ölüm enğubapuköra möta mienğö könañini mi kunbuk  
 köl gulim enğizal. Anutunöñ kalem möriam niñgiiga mianğö qakñe kinjalangöra mönö  
 awösamkakak qakñe keu köhöikñi tosatñi ohom enğizal.

16 Mianğö könañi kewö: Anutunöñ kian kantri enön uruñini melengetka Uña Töröñan  
 mem sarahim enğimapköra mörakza. Mutuk jöwöwöl ohogetka köwakñan öngöi Anutunöñ  
 söñgaizapma, mianğö dop nalö kewöñe Anutunöñ ambazip gölme dop buñañi aketka  
 engeka söñgaimangöra awöwenğömakza. Mianğöra Ölöwak Buñañi kantri tosatñi yengö  
 sutñine jim sehimangö jiba nupñi qakne aliga mianğö dop urugö nup galöm aka Kraist  
 Jisösgö welenñi qemakzal.

17 Mianğöra Kraist Jisösbuk qekötahöba kinda Anutugö nupñi membiba qetbuña  
 niñgiiga sileni memba öngöba awösamkakak kinjal.

18 Kraistnöñ kantri tosatñi yeñön Anutugö jitñi tem kölmegöra möta sölölohöba kuñgum  
 niñgimakzawi, mianğön mönö nam köl niñgiiga keuni jiba ahakmemeni ahakzal. Keu  
 tosatñi lañ jim sehisehigö awösamkakakñi mi qahö ahöm niñgiza.

19 Uña Töröñanğö ösumñan mönö nam köl niñgiiga anğöletot aiwesök kukösumñinambuk  
 asuhuget. Nöñön Jerusalem siti mosöta kantriñi kantriñi liliköba anda mala mala  
 Yuropkö siti qetñi Ilirikum mianğöreñ anğoral. Mewö gölme dop liliköba Kraistkö Ölöwak  
 Buña mi jim asarim enğim teköyal.

20 Kunöñ tandö kuñguiga kunñan kaba nanñi miriñi mianğö qakñe memba mönö  
 keuñambuk akña. Mianğö dop kunöñ Kraistkö keuñan mötnaripkö tandö lök kuñgui  
 kinöhi, nöñön mönö kaba yañgö tandö qakñe töndangöba kinda uruñini toroqeba  
 möhamgöba mem köhöim enğimamgö tököba malal. Urugö nup mutukñi memba mi-  
 anğön aködamuni miwikñaimamgö kapan köla malal. Mianğöra ambazip denike yeñön  
 Kraistkö qetñi qahö möta tönpin malgeri, nöñön Ölöwak Buña yengöra jim asarimamgö  
 awöwenğöba malal.

21 \*Mianğö keuñi Buña Kimbinöñ kewö ohoget ahöza,  
 “Denike yeñön keuñi qahö jiget mötkeri, yeñön mönö mala i ekñe. Denike yeñön könañi  
 mutuk qahö möta tönpin malgeri, yeñön mönö mala mi möt asarime.”

22 \*Nup mewöñan jöhöm niñgiyöhanğöra mönö nalö dop enğöreñ kamamgö osiba malal.  
 Mewö.

### *Polnöñ Rom anmamgö areñi alök.*

<sup>23</sup> Mewö malalmö, liliköba urukunḡukunḡu nup mutukḡi memba gölme pakpak möt enḡizini, mianḡoreḡ mi mem teköba malal. Urugö nup mutukḡi memamanḡö gölmeḡi mi nalö kewöḡe kunbuk qahö ahöza. Mewöyök inḡini enḡekḡamḡö sihimḡi möta malbiga yambu (yara) gwötpuk lök teköyök.

<sup>24</sup> Mianḡöra kantri qetḡi Spein anmami, mianḡö könaḡe mönö enḡoreḡ kamamḡö areḡi ala enḡekḡamḡö jörömqöröm aka kewö mötzal: Enḡeka embuk sösoḡgai aka borom kun köisirik tatpiga bauköm niḡigetka ölop köna toroqeba Spein anmam.

<sup>25</sup> \*Mewö mötzalmö, nalö kewöḡe Jerusalem sitigö könagesö sarakḡi nanḡöm enḡibingöra mianḡoreḡ anmam. Mianḡoreḡ andagun enḡoreḡ kamam.

<sup>26</sup> Masedonia aka Akaia prowins yahöt mietkö urumelenḡ könagesö kambuḡi kambuḡi yeḡön mönö Jerusalem sitigö ambazip sarakḡi bauköm enḡibingö keu jöhöget. Anutugö ambazip sarakḡi wanapḡi maljei, mönö yeḡöra keu jöhöba naluk gwötpuk ketanḡi ala mindirigetka mi membagun anda enḡimam.

<sup>27</sup> \*Mewö akingö uru sösoḡgai möta keu jöhöba mindimindiri naluk ketanḡi mi alget. Mewö almegö tosa ahöm enḡiiga algetka ölnḡa dop kölja. Anutunöḡ Juda könagesö kötuetsköm nenḡimamḡö keuḡi jii ahöiga kötumötuet mianḡön kian kantriḡi kantriḡi dop köla qakḡine öḡgöi malje. Mianḡöra kian kantri yeḡoreḡ tosa ahöiga likepḡi melenḡa kalemḡinan Juda könagesöḡö wanapḡi bauköm enḡigetka dop kölja.

<sup>28</sup> Nöḡön kalem mi memba anda böröḡine albi nupni mianḡön teköiga mianḡö andöḡe enḡömosöta kusukḡanök enḡoreḡ kaba enḡekagun toroqeba Spein anmam.

<sup>29</sup> Enḡoreḡ kamami, nalö mianḡoreḡ mönö Kraistkö kötumötuetḡi mi körek memba kaba enḡimam. Mewö möt yaközal.

<sup>30</sup> O urumelenḡ alaurupni, nöḡön Kembu Jisös Kraistpuk qekötahöba kinda kewö uru kunḡum enḡizal: Uḡa Töröḡan jöpaköba nanḡöm enḡimakzawanḡö dop mönö nöḡöra Anutu köuluköba malme. Aum-mörimakzali, mianḡoreḡ mönö uruka-lemḡinan bauköm niḡiba malme.

<sup>31</sup> Judia prowinsnöḡ anda ambazip Kraistköra yanḡiseḡ ahakzei, yeḡö böröḡine gebilenḡbuköra mönö Anutugö köulukögetka sel jöhöm niḡibawak. Mewöyök naluk kalem ketanḡi memba Jerusalem anda ambazip sarakḡi yeḡö böröḡine albiga dop köli sihimḡi mötmegöra mönö köuluköba malme.

<sup>32</sup> Mewö köulukö-getka Anutunöḡ sihimḡi mötza ewö, nöḡön mönö sösoḡgai qakḡe enḡoreḡ kaba embuk köisirik tata körö-ölöwak qem niḡigetka malmam.

<sup>33</sup> Luai Toḡi Anutu yanḡön mönö körek embuk kinma. Keu mi ölnḡa.

## 16

### *Yaizözkök keu teteköḡi*

<sup>1</sup> Alanini Fibi (Foibe) yanḡön Senkria urumelenḡ könagesöḡö nup meme ambia akza. Yanḡön Rom enḡoreḡ kamawi, i köyan kölmegöra mönö qesim enḡiba böröḡine aljal.

<sup>2</sup> Yanḡön ambazip gwötpuk aka ni mewöyök bauköm nenḡiba malök. Mianḡöra Anutugö ambazip sarakḡan alaurupnini köl öröm enḡimakzini, mianḡö dop Fabinöḡ kaiga i mönö Kembangö qetḡe köuluköba köl öröm wanḡime. Enḡoreḡ kaba yuai kungöra osibawak, mianḡoreḡ mönö bauköm wanḡime.

<sup>3</sup> \*Awanömyahöt Prisila aka Aqila Kraist Jisösbuk kinjahori, nenḡyahötḡi yetköra mönö nöḡoreḡ yaizözkökni jigetka mötmahot.

<sup>4</sup> Yetköḡ mönö nöḡöra aka malmalḡiri kölenḡa kömumbitkö ahot. Nöḡönök qahö möpöseim etkizalmö, kantri tosatḡe urumelenḡ könagesö kambuḡi kambuḡi yeḡön mönö mewöyök yetköra saiwap jimakze.



<sup>5</sup> Urumelen könagesö miriñire tokomakzei, yeñgöra mewöyök mönö nöngö yaizözkökni jigetka mötme. Eisia prowinsnöñ nup membiga ölni mutukñan asuhuiga Epainetus yañön uruñi melenđa Kraistkö buña ahöhi, wölböt alani yañgöra mönö nöngören yaizözkökni jigetka mötma.

<sup>6</sup> Marianöñ engöra aka nup ketañi memba malöhi, yañgöra mönö nöngören yaizözkökni jigetka mötma.

<sup>7</sup> Andronikus aka Junias tinitosolomyahötni yetkөн mutuk Kraistkören qekötahöyohotka nöñön yetkö andöñire uruni melenbiga miangö andöñe nömbuk kösö mire malin. Aposol yeñön yetköra mötketka sutñine öngöñgöñi akzahot. Yetköra mönö nöngören yaizözkökni jigetka mötmahot.

<sup>8</sup> Wölböt alani Ampliatus Kembubuk kinjawi, yañgöra mönö nöngören yaizözkökni jigetka mötma.

<sup>9</sup> Neñaknini Urbanus Kraistpuk kinjawi aka wölböt alani Stakis yetköra mönö nöngören yaizözkökni jigetka mötmahot.

<sup>10</sup> Apeles Anutunöñ esapesap wañgiiga dop köli Kraistpuk qekötahöba kinjawi, yañgöra mönö nöngö yaizözkökni jigetka mötma. Aristobulusbuk miri mohot maljei, yeñgöra mönö nöngören yaizözkökni jigetka mötme.

<sup>11</sup> Tinitosolomni Herodion yañgöra mönö nöngören yaizözkökni jigetka mötma. Narsisusbuk Kembu qekötahöba miri mohot maljei, yeñgöra mönö nöngören yaizözkökni jigetka mötme.

<sup>12</sup> Trifina aka Trifosa ambi yahöt mietkөн nup ketañi memba Kembubuk kinjahori, yetköra mönö nöngören yaizözkökni jigetka mötmahot. Wölböt ambi alani Persis yañön Kembangöra nup keta bölökñi memba maljawi, yañgöra mönö nöngören yaizözkökni jigetka mötma.

<sup>13</sup> \*Rufus yañön Kembangö nupñi ölop kötökñi memakzawi aka yañgö namñi nalö dop ni tok nahöññi ewö köyan köl niñgiba malöhi, yetköra mönö nöngören yaizözkökni jigetka mötmahot.

<sup>14</sup> Asinkritus, Flegon, Hermes, Patrobas, Hermas aka urumelen alaurup tosatñi yembuk maljei, yeñgöra mönö nöngö yaizözkökni jigetka mötme.

<sup>15</sup> Filologus, Julia, Nereus nenñambuk aka Olimpas aka ambazip sarakñi tosatñi pakpak yembuk maljei, yeñgöra mönö nöngören yaizözkökni jigetka mötme.

<sup>16</sup> Urumelen alaurup sutñine mönö anğum anğuba nemböñini suhuba jölöñini jiba malme. Kraistkö urumelen könagesö pakpak yeñön mönö yaizözkökñini algetka engören kaza. Mewö.

### *Qambañ keu teteköñi*

<sup>17</sup> O urumelen alaurupni, nöñön uruñini kewö kuñguba jizal: Ambazip tosatñan uru mendenmenden asuhumapkö nam kölakzei, yeñgöra mönö je galöm mem anğuba malme. Urumohotkö silik ölopñi kusum engigetka mötzemö, keu mi qetala kösawörañ keu tosatñi miangön uruñini kuñgugetka bölüi qaköba erakze. Ambazip mewöñi mi mönö engömosöta tikep malme.

<sup>18</sup> Ambazip mewöñan mönö nanini Kembunini Kraistkö nupñi qahö memakzemö, nanñini sihimñinangö dop asuhumapköra tuaköpek jiba nanñini welen qem anğumakze. Kelök keu ölopñi ölopñi nahömñambuk jiba ambazip geñmoñini qahö yeñgö uruñini kuñguba tilipkөm engimakze.

<sup>19</sup> Injini Ölöwak Buña tem köla wuatangömakzei, keu mi körek neñgö kezapnine geiga mötzin. Miangöra nöñön engöra aka önöñi qahö söngaimakzal. Mewö akzalmö, injini kewö aka malmegöra mötzal: Mönö bölöñi akingö mötkutukutuñini mosötketka etma. Ölopñi akingö mötkutukutuñini mi mönö pöndañ köl guliba mem qarime.

\* 16:13: Mak 15.21

<sup>20</sup> Luai Tonji Anutu yañön mönö Satan ösumok töjöhöhöi engö bapñine eri köirañ köla söñgaiba malme.

Kembunini Jisösgö kalem möriamñan mönö embuk ahöma.

<sup>21</sup> \*Nöñgö neñakni Timoti yañön mönö yaizözkökñi ali engören kaza. Nöñgö tinitosolomurupni Lusius, Jeison aka Sosipater yañön mewöyök yaizözkökñini algetka engören kaza.

<sup>22</sup> Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albiga engören kaza.

<sup>23</sup> \*Gaiusnöñ miriñi jim teköi malbiga urumelen könagesö pakpak yañön mewöyök ki kaba tokogetka nene köisirik al neñgimazawi, yañön mönö yaizözkökñi aliga engören kaza. Erastus yañön siti pomñangö ofis uruñe takis monen galöm kölakzawi aka urumelen alanini Qartus yetkөн mönö yaizözkökñiri alohotka engören kaza.

<sup>24</sup> Kembunini Jisös Kraistkö kalem möriamñan mönö embuk ahöma. Keu mi ölña.

*Kembu möpöseiba kewö köulukömakzal:*

<sup>25</sup> Ölöwak Buña keu ölñi mi möpñangö möpñeyök mala kotketka miangören tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miangö dop Anutunöñ mönö köhöiba mötnariñini mem köhöiiga ölöp zen kin köhöime. Miangöra neñön mönö Anutugö qetbuñani möpöseininga sehimakña.

<sup>26</sup> Mutuk Buña keu ölñan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe asuhuyök. Anutunöñ nalö dop mala kota teteköñi qahö mal öñgömawi, yañön ambazip kambuñi kambuñi neñön urunini melenña Buña keu möt nariba tem köla malbingöra mötza. Miangöra nup kewö membingö jim kutum neñgiyök, “Inini mönö anda gölme dop liliköba Buña keu jim asariba malme.” Keu miangö dop neñön Buña keu mi ambazip kambu pakpak mötmegöra jim asariba malin.

<sup>27</sup> Anutu nanñök mötkutukutu Tonji akzawi, neñön mönö Jisös Kraistkö qetñe yañgö qetbuñani möpöseininga nalö teteköñi qahö aködamunñambuk ahöm öñgöba ahöma. Keu mi ölña.

---

\* 16:21: Apo 16.1      \* 16:23: Apo 19.29; 1 Kor 1.14; 2 Tim 4.20

## **Korint Kimbi 1** **Polnön Korint yeŋgöra Kimbi mutukŋi alök.** **Jim-asa-asari**

Polnön misin nup memba liliköiga indimŋi yahöt ahöi Grik siti Korint miangören anök. Korint mi Akaia prowinsgö siti bohonŋi. Miangö kösohotŋi mi (Apo 18.1-6) eka oyoŋme. Nalö miangören Korint mi siti keta bölökŋi. Bisnisŋini kōnaŋi kōnaŋi gwōtpuk ala meget. Korint yeŋön tandö lopionŋ aka bem kōnaŋi kōnaŋi waikŋini memba möpöseiba malget. Mōnahotŋini kōnaŋi kōnaŋi ala sōŋgaiget. Gwōtpukŋan serowilin aka malget.

Kimbi ki kewögöra ohoyök: Polnön misin nup memba liliköiga indimŋi karöbut ahöi Efesus sitinön maliga tosatŋan Korintnöhök kaba sutŋine lömböt asuhuyöhi, miangö buzupŋi jigetka mörök. Lömböt tosatŋi kewö: Urumelenŋ kambu yeŋön denŋa sim-bisembel malget (1.10–4.21), serowilin laŋ aket (5.1-13), awanöm malmalgö kōnaŋan sohayök (Boŋ 7), tandö lopiongö bau nenegö goranora aket (Boŋ 8), semön töröŋi nenegö eŋololonŋ aket (11.17-34), zioz malmalgö areŋ qahö wuatangöba ilingösöŋ malget, kantri tosatŋangö keuŋi keuŋi aongit aka jiget (12-14). Tosatŋan keu kewö jiget: “Kömugeri, yeŋön kunbuk qahö wahötme.” (15.12-33) Korint yeŋön kimbi kun mewöyök ohogetka Polgören kayöhi, miangören qeqesi tosatŋi al waŋgiget, (mi 7.1; 8.1; 12.1; 16.1 miangören oyoŋman).

Polnön qeqesiŋini mi melenŋa lömbötŋinangö qambaŋ keu eŋgiba kimbi ki ohoyök. Urukalemgö keu (Boŋ 13 mi qetpuk sorokŋi. Kōnaŋgep nanŋak Korint anda eŋgekmanŋö keuŋi jiba ohoyök (16.5-7).

### **Buk kiangö bahöŋi bohonŋi 8 mi kewö:**

Jim-asa-asari keu 1.1-9

Denŋa kambuŋi kambuŋi malget 1.10–4.21

Serowilin aka awanöm malmal 5.1–7.40

Urumelenŋö aka urumelenŋö kopa malmal 8.1–11.1

Urumelenŋ malmal aka möpömöpösei areŋ 11.2–14.40

Kraist aka körek neŋön kömupnöhök wahötpin 15.1–58

Judia urumelenŋ kambu yeŋgöra naluk alget 16.1–4

Polgö areŋi aka yaizözkök keuŋi teteköŋi 16.5–24

<sup>1</sup> Kraist Jisösnön Pol ni noholiga Anutugö jitŋangö dop melaimelai azi aposol akzal. Nöŋön urumelenŋ alani Sostenes yambuk tatŋit.

<sup>2</sup> \*Anutugören kōnagesö Korint sitinön maljei, nöŋön embuk Buŋa keu eraum mötpingöra kazal. Kraist Jisösnön inŋini eŋgoholiga yambuk qekötahögetka tök kutum eŋgiiga sarakŋi akze. Mewöyök ambazip denike yeŋön gölme dop Kembunini Jisös Kraistkö qetŋi qeta köulukögetka i aka nini mohok kembu ak neŋgimakzawi, mönö körek eŋgöra Buŋa Kimbi ki ohozit.

<sup>3</sup> Anutu Iwinini aka Kembu Jisös Kraist yetkōn mönö kalem möriam eŋgiyohotka luainönŋ malme. Mewö.

### *Polnön Korint yeŋgöra Anutu kewö möpöseiza:*

<sup>4</sup> Inŋini Kraist Jisösbuk qekötahöba kingetka Anutunönŋ kalem möriamŋi eŋgiyöhi, miangöra mönö nalö dop eŋgöra Anutuni saiwap jiba möpöseimakzal.

<sup>5</sup> Inŋini Kraistpuk qekötahöba kingetka nup memegö mötmöt kalemŋi kelenmalelenŋ eŋgiiga mötmöt kōnaŋi kōnaŋi buŋa qem anguba ölop Buŋa keugö kōnaŋi pakpak jimakze.

<sup>6</sup> Nini Kraistkö kōnaŋi nanŋöba jiingä keu miangö ölnan ahuba köhöii kinjeangö dop mötmöt kalem pakpak mi eŋgiyök. Miangöra Anutu möpöseimakzal.

\* 1:2: Apo 18.1

<sup>7</sup> Mianğöra nup memegö mötmöt kalem kungöra qahö osiba kinda Kembunini Jisös Kraistnöñ kunbuk asuhumapköra mambörakze.

<sup>8</sup> Kembunini Jisös Kraistnöñ mem köhöim enjiiga nalö teteköñe aukñe asuhumawi, nalö mianğöreñ inini solanñi aka keuñini qahö kinda i ekñe.

<sup>9</sup> Anutunöñ keuñi törörök wuatangöba bauköm engimakña. Yanñon inini nanñi Nahönñi Jisös Kraist Kembuninambuk toroqeba malmegöra engoholök. Mewö.

*Könagesöñinan denđa kambuñi kambuñi ala kinje.*

<sup>10</sup> O urumelenñ alaurupni, nöñon Kembunini Jisös Kraistkö qetñe kewö uru kuñgum engizal: Inini mönö körekñanök urumohot aka sutñine jujul kude aka malmemö, uruñini mindirigetka mohot aiga mötmöt mohot wuatangöba malme.

<sup>11</sup> O urumelenñ alaurupni, inini sutñine angururuk gwötpuk aka maljei, mianğö buzup keuñi ambi Kloegö saiwaurup tosatñan mönö jigetka möral.

<sup>12</sup> \*Kewögöra mi jizal: Engöreñök tosatñan kewö jimakze, “Neñon Polgö keuñi wuatangömakzin.” Tosatñan “Neñon Apologö keuñi wuatangömakzin,” jimakze. Toroqeba tosatñan kewö jimakze, “Neñon Pitögö keuñi wuatangömakzin.” Dumñe kunbuk tosatñan kewö jimakze, “Neñon mönö Kraistkö keuñi wuatangömakzin.”

<sup>13</sup> Kraistnöñ jula gwötpuk ahök me? Pol nöñon mönö engöra aka maripomnöñ kömuyal me? Pol nöñgö qetne o melun mem engiget me? Mewö möt sohobepuk?

<sup>14</sup> \*Nöñon engöreñök Gaius aka Krispus o melun mem etkialmö, tosatñi mi qahö mem engialangöra “Anutu saiwap!” jizal.

<sup>15</sup> Mianğöra “Polgö qetñe o melun mem neñgiget,” kunñan keu omanñi mewö jibapuk.

<sup>16</sup> \*O ölña, Stefanas aka yanğö saiwaurupñi mi mewöyök o melun mem engialmö, yanğö andöñine kun o melun mem wanñial me qahöpto, mi törörök qahö mötzal.

<sup>17</sup> Kraistnöñ ni ambazip o melun mem engimangöra aka qahö melaim niñgiyökmö, Ölöwak Buña jim sehimangöra jiiga anda kamakzal. Kraistnöñ neñgöra aka maripomnöñ kömuyöhi, nup mianğö ösumñan eta omanñi akapuk. Mianğöra Buña keu mi gölme azigö mötkutukutu qakñe lanñ qahö jimakzal. Mewö.

*Kraistnöñ Anutugö kukösumñi aka mötmöt areñi indelök.*

<sup>18</sup> Ambazip könöp siagö buñaya akñei, yanñon maripomñangö Buña keuñi möta mianğöra mötket uruqahö keuya akza. Mewö akzapmö, Suepkö buñaya akzini, neñgöra keu mianñon mönö Anutugö kukösumñi indeli mörakzin.

<sup>19</sup> \*Mianğö keuñi Buña Kimbinöñ kewö ohoget ahöza, “Nöñon mötmöt ambazip mötkutukutuñini köndenñbiga sohoma. ‘Möt asarim yakömakzin,’ jimakzei, yanğö mötmötñini mönö mem sohobiga söroräuba omanñi akña.”

<sup>20</sup> \*Mötkutukutu ambazip ölñi mi denike malje? Buk oyoñda mötmötkö könañi mi-wikñajeri, mi denike? Gölmönöñ jitnakölikö böhi aka keu melenqelenđa jimakzei, mi mönö ölña qetpuk akze me? Gölmönöñ mötkutukutu ketanñi ahözawi, Anutunöñ mönö mi mem kaheiiga (sahahaiiga) uruqahö mötmöra akza. Keu mi ölña.

<sup>21</sup> Anutunöñ nanñi mötkutukutuñangö dop gölmönöñ malmalgö areñi alökmö, ambazipnöñ nanñini mötkutukutuñine nanğöba mewö mianñon Anutugö könañi möt kutubingö osiba tönpin malget. Osiba mala Kraistnöñ maripomnöñ kömuyöhi, mianğöra “Uruqahö keuya!” jiba mötketmö, Anutunöñ Buña keu mi neñon jim sehibingöra jiyök. Mi jim asariinga denike yanñon uruñini melenđa möt narizei, mi dom-amöt qem engimangö möri dop kölök.

\* 1:12: Apo 18.24 \* 1:14: Apo 18.8; 19.29; Rom 16.23 \* 1:16: 1 Kor 16.15 \* 1:19: Ais 29.14 \* 1:20: Job 12.17; Ais 19.12; 33.18; 44.25



<sup>22</sup> Juda yeñön aiwesök aṅgöletot asuhumegöra kapan kölakzemö, Grik kantri yeñön mötkutukutuñinan sehimapköra jarumakze.

<sup>23</sup> Mi jarumakzemö, neñön Kraist maripomnöñ qeget kömuyöhañgö Buña keuñi jim sehimakzin. Juda yeñön keu mi mötketka uruñini böliiga mianğöreñ qaköba uruñini qahö melenmakze. Kian kantri yeñön mianğöra mötketka uruqahö keuya akza.

<sup>24</sup> Gwötpukñan mewö mötzemö, Anutunöñ neñgoholi urunini melenñini, neñgöra Kraistnöñ mönö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk qekötahöba kinda mohot akzin.

<sup>25</sup> Ambazip neñgö mötkutukutunini aka ösumnini mi eretñi. Anutunöñ uruqahö akawak, mianğön mönö töndup ambazip mötkutukutunini oñgita öñgöñgöñi ketañi akawak. Anutunöñ lölöwöröñi akawak, mianğön mönö töndup ambazip ösumnini oñgita köhöikñi kötökñi akawak.

<sup>26</sup> Urumelen alaurupni, nannini könañini denöwö ahöiga Anutunöñ eñgoholöhi, mi mötmöriget? Inini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñanñinambuk qahö malget.

<sup>27</sup> Mewö qahöpmö, gölme ambazipnöñ eñgöra mötketka uruqahö ambazip omanñi akzei, Anutunöñ mönö inini mewöñi möwölöhöm eñgiyök. Gölmegö mötmöt ambazip ipñi mi gamu qem eñgiyök. Gölme ambazipnöñ eñgöra mötketka lölöwöröñi akzei, Anutunöñ mönö inini mewöñi möwölöhöm eñgiyök. Gölmegö kukösum ambazip ipñi mi gamu qem eñgiyök.

<sup>28</sup> Gölme ambazipnöñ jijiwilit ak eñgiba könañinangöra mötketka etqeqeñi akzei, Anutunöñ mönö inini mewöñi möwölöhöm eñgiyök. Gölmenöñ yuai akzei, yeñgö qetbuñanñini mem solanii qahöwakñapköra yuai kun qahö akzei, mönö mi möwölöhöm eñgiyök.

<sup>29</sup> Kunöñ Anutugö jemesoholñe silenñi memba öñgöbapuköra mönö mewö meköba möwölöhöm eñgiyök.

<sup>30</sup> Anutunöñ nam köl eñgiba eñgungiriga Kraist Jisösbuk qekötahöba mal köhöimakze. Yanğön Anutugö mötkutukutuñi qainñi kun indeli mörakzin. Kraistnöñ sohpnini memba keunini jim teköi solaniba maljin aka tök kutum neñgiiga sarakñi akzin.

<sup>31</sup> \*Buña Kimbinöñ keu kewö ohoget ahöza, “Kunñan silenñi memba öñgömawi, yanğön mönö Kembu möt wañgizawañgöra aka silenñi mem öñgöma.” Keu mianğö dop ahinga dop kölma. Mewö.

## 2

### *Kraist maripomnöñ kömuyöhañgö keuñi jial.*

<sup>1</sup> Urumelen alaurupni, nöñön eñgöreñ kaba Anutugö könañi nañgöba jim asarim eñgiali, mi keuni nahöm sorokñambuk akñapköra qahö jiba malal me gölmegö mötkutukutu öñgöñgöñi kondela mianğön silenñi qahö memba öñgöba malal.

<sup>2</sup> Nöñön eñgö sutñine mötmöt murutñi pakpak görañe ala Jisös Kraistkö keuñi aka maripomnöñ kömuyöhañgö könañi miyök möt kutuba mi jim sehimangö keu jöhöyal.

<sup>3</sup> \*Keu mewö jöhöba eñgöreñ kayali, nalö mianğöreñ azi lölöwöröñi aka jönömni gwötpuk undui kenğöt qakñe malal.

<sup>4</sup> Nöñön Buña keu jim asarim eñgiali, mi mötkutukutu ketanğögö kelök keuñi qahö jiba malal. Mi qahöpmö, Uña Töröñan sölölohöm eñgii ösum-mumuñan uruñine inahömapköra kapan köla jiba malal.

<sup>5</sup> Gölme ambazipkö mötkutukutuñinan qahöpmö, Anutugö kukösumñan nam köl eñgiiga möt narimegöra kapan köla malal. Mewö.

### *Uña Töröñangö mötkutukutu mi qainñi kun.*

\* 1:31: Jer 9.24 \* 2:3: Apo 18.9

<sup>6</sup> Nöñön töndup urumelen alaurup aködamunjinambuk maljei, yengö sutñine tatpiga Anutugö mötkutukutuñi gegeni mi ölöp eraum mörakzin. Gölmegö mötkutukutuñi mi qahö eraum mörakzin. Gölmengi gölmengi galöm köl engiba malgetka kukösumñinan qahöwakñawi, yengö mötkutukutuñini mi mewöyök qahö eraum mörakzin.

<sup>7</sup> Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga miangörenñ mönöwök qeljine lök areñi kewö ala jöhöyök, “Ambazipnönñ bian ahuba aködamun miwikñaiaba oyaenköyaen akñegöra mönö mötkutukutuñi qainñi kun mi engimam.” Mewö jiba tölapñe ali ahöyök.

<sup>8</sup> Gölmegö azi kembuñi kembuñi mala kotkeri, yengörenñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnönñ qahö qegetka kömumbawak.

<sup>9</sup>\*Mötkutukutu qainñi kun miangöra keu kewö ohoget ahöza, “Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wañgimakzei, yengöra mi mönö mözömgöiga jöjöröba ahöza.”

<sup>10</sup> Gölme ambazip yuai mi qahö möta jipjap malgetmö, Anutunöñ mi mönö Uñañi melaiiga neñgöra indeli mörin. Yanön keu pakpakö könañi jaruba miwikñaimakza. Anutugö mötmöt gegeni mewöyök möt teközawañön mönö mi sölölohöm neñgiiga mörin.

<sup>11</sup> Kungö uruñi kunöñ qahö mötza. Uruñangö uñañi yanönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Törönñ yanönök mi möt yaköza.

<sup>12</sup> Neñön gölmegö ahakmeme bölönangö ömenñi kun qahö buña qem anñuinmö, Anutunöñ yuai kalem neñgiyöhi, miangö könañi mötpingöra mönö nanñi Uñañi melaii uru-nine geiga maljin.

<sup>13</sup> Miangö könañi gegeni tokoba eraum mörakzin. Gölme ambazipnönñ mötkutukutuñinanangö qakñe keu kusum neñgigetka miangö dop mi qahö eraum mörakzin. Mewö qahöpmö, Uña Törönñan keu kusum neñgiyöhi, miangö dop mönö urugö keu ölni kewöringa sölölohöm neñgi jim asarimakzin.

<sup>14</sup> Uña Törönñan sölölohöm neñgiiga keu mi mewö kewötzin ewö, könañi mönö miwikñaiaba möt asaribinanangö dop akza. Miangöra Uña Törönñan denike yengö uruñine qahö mali öne lañ maljei, yanön Anutu Uñañangö buñañi mi möt anñön kölbängö osimakze. Yanön Buña miangöra mötketka uruqahö keu tandök aiga könañi möt asaribängö osize.

<sup>15</sup> Yanön osizemö, Uña Törönñan sölölohöm neñgiza ewö, mönö keu pakpakö könañi kewöta jim teköbinangö dop akzin. Mewö akzinmö, urumelen ambazip kungö könañamñi mi gölme ambazip köreñan törörök jim teköbängö osimakze.

<sup>16</sup>\*Miangö könañi mi Buña Kimbinöñ kewö ohoget ahöza, “Kembugö urumötmötñi mi azi kunñan kun qahö mörök. Miangöra kunñan i goro qambañ wañgimawañgö dop qahö.” Kunñan mi qahö mörökmö, neñön Kraistkö urumötmötñi memba maljin. Mewö.

### 3

#### *Anutugö nup meme ambazip*

<sup>1</sup> O urumelen alaurupni, inñi namande ewö Kraistpuk qekötahöba kinget. Miangöra nöñön inñi gölmegö ahakmeme mötöteimakzeañgö tandök malgetka Buña keu mi jim asarim engiba sutñine malal. Uña Törönñan sölölohöm engii maljeañgö tandök ewö engöra jimamgö osiba malal.

\* 2:9: Ais 64.4 \* 2:16: Ais 40.13

<sup>2</sup>\*Nöñön keu möt asarimeangö dop juzu onj ewö gumohom engiba malal. Nene ölnj nembangö dop qahö akerangöra keu gegeni mi qahö engial. Nalö miangöreñ nene ölnj nembangö osiget aka nalö kewöñe mewöyök mi ölop qahö nemakze.

<sup>3</sup>Injini toroqeba gölmegö ahakmeme bölöñi mötöteiba malje. Injini urunöñ mututqutut möta angururuk aka keu jjinöñ nongitnöñ gongitpi ahakze. Mewö aketka uru silegö sihim kömbönañini bölöñan galöm köl engiiga urumelenjö kopa ambazip omanj yenjö tandök ahakze.

<sup>4</sup>\*Tosatñi injini kewö jimakze, “Nini Polgö keunji wuatangömakzin.” Tosatñan kewö jimakze, “Nini Apolosgö keunji wuatangömakzin.” Mewö mewö jiba mönö gölme ambazip omanan ahakzeangö tandök aka malje.

<sup>5</sup>Apolosnöñ niñia akza aka Pol nöñön niñia akzal? Niri mönö Anutugö nuwa memba maljit. Kembunöñ nanjik nanjik netköra nup netkiyöhi, mianjö dop bauköm engiziga uruñini melenja Kembu möt nariba malje.

<sup>6</sup>\*Nöñön kötnji kömötpiga Apolosnöñ o memba kaba miangöreñ mokoyökmö, Anutunöñ mönö meiga töhötmöriam asuhuyök.

<sup>7</sup>Miangöra kömörohi, yanön qetjambuk qahö akza. O mokoyöhi, yanön mewöyök qetjambuk qahö akzapmö, Anutunöñ kötuetköiga töhötmöriamñi kota qarimakzei, yanönök mönö qetbuñambuk akza.

<sup>8</sup>Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanjök nanjök membit.

<sup>9</sup>Netkön Anutugö nup neñakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miangöreñ memakza. Anutunöñ miri ewö uruñini inahöba mindirim engiiga köhöiba wahörakze.

<sup>10</sup>Anutunöñ kalem möriam niñgiyöhi, nöñön mianjö dop miri memegö mötmöt azi ewö aka Anutugö tandö kömbönañi uruñine kuñguba kömötpiga kunöñ mianjö qakñe miri memakza. Ölop memakzapmö, mohot mohot neñön mirigö nupñi ölopñanök membinangö dop akzin. Ek kutuba membangöra mönö je galöm mem angubin.

<sup>11</sup>Urugö tandöñi mi Jisös Kraist. Nöñön mi lök uruñine kömötpiga kunñan mötnaripkö tandö kun miwikñaimangö osima.

<sup>12</sup>Tandö mohot akzapmö, mianjö qakñe tosatñan miriñini goul silwönöñ me köt ölnjambuk tosatñi mianön memakze. Tosatñan miriñini ip kösönöñ, tömbö bohöm sinñan me señgwenöñ memakze. Siliknini mewö me mewö memakzin ewö,

<sup>13</sup>urugö nupninañgö ölnjan mönö inanjök inanjök aukñe asuhuma. Kembunöñ nalöñan kam kuñguiga miangöreñ mönö mirigö esunji luluñma. Miri esuninan mönö Anutugö könöp bölamñan asuhuiğa jeba eriga ölnjan aukñe ekingö dop akña. Könöp mianön mönö mohot mohot neñgö mirininangö tandökñi ölnji mi esapesapnöñ ala kewötma.

<sup>14</sup>Könöpnöñ jeba miri pakpak kewöt engiiga megetka ölnjan köhöiba kinme ewö, yenön mönö nupñinañgö töwanj buña qem angume.

<sup>15</sup>Tosatñan miriñini megetka ölnjan jeba etme ewö, yenön mönö töwa qahöpmö, geñmororoñ miwikñaima. Mi miwikñaimemö, nanñinak töndup Suepkö buñaya malme. Könöp bölamnöñ jem engohoiga mianjö tandök ongitpingö jaram tiba kök alal ewö aketka Anutunöñ meköm engiiga Suepnöñ öngöme.

<sup>16</sup>\*Nanñinak Anutugö Buña jike (tempöl) aketka Anutugö Uñañan uruñine maljawi, mi mötze me qahö?

<sup>17</sup>Anutugö Buña jikenj mi kömbukñi akzawi, mianjö dop enön sarakñi akze. Miangöra kunñan Anutugö jike mem böliža ewö, Anutunöñ mönö i nanñi mem bölim wanñima.

<sup>18</sup> Kunñan nanñi gölmegö mötmötñi wuatangöba tilipköm anğubapuk. Engö sutñine kunñan nanñangöra möri “Gölmegö mötkutukutu öngöngöñi memba maljal,” jiza ewö, yañön mönö mutuk uruqahö aka mewö mianñön mötkutukutu öñji miwikñabawak.

<sup>19</sup> \*Anutunöñ gölmegö mötkutukutu öngöngöñi mianğöra möri uruqahö keuya akza. Mianğö keuñi Buña Kimbinöñ kewö ohoget ahöza, “Anutunöñ mötkutukutu öngöngöñi memba maljei, mi gwaröhöm enğiiga nanñini mötmöt imbi-imbinöñ supapköba qaköme.”

<sup>20</sup> \*Mianğö keuñi kun kewö ahöza, “Kembunöñ mötkutukutu ambazip yengö mötmöt areñinangöra möri omañi akza.”

<sup>21</sup> Mianğöra engöreñök kunñan mönö ambazip neñğöra aka silenji memba wahötpapuk. Körek neñön mönö engö buñaya akzin.

<sup>22</sup> Pol, Apolos, Pitö\* neñön mönö engö buñaya akzin. Ambazip gölme dop maljini, neñön mönö körek engö buñaya akzin. Mianğöra ölop keu mi me mi kewöta memba mewö mianñön malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könañgep nup meme ambazip malmei, yeñön mönö mewöyök engö buñaya akñe.

<sup>23</sup> Mewö ak engizimö, enñön Kraistkö buñaya aketka Kraistnöñ Anutugö buñani akza. Mewö.

## 4

### *Nini Kraistkö aposolurupñi akzin.*

<sup>1</sup> Mianğöra ambazip körekñan mönö neñğöra kewö mötketka dop kölma: Kraistnöñ jim kutum neñğiiga nupñi memakzin. Anutunöñ keuñi tölapñi neñğiiga buñanini aiga galöm kölakzin. Neñön miri galömñangö tandök ewö akzin.

<sup>2</sup> Galöm yengö toñinan miri yuainji galöm kölmegöra böröñine aljawi, yañön mönö keu bohonñi kewö kapañ köla jim kutum enğimakza, “Nupñini mönö misila pöndañ memba malme. Memburik-qemburik kude akñe. Mewö miwikñaim enğibiga dop kölma.”

<sup>3</sup> Korint enñön me gölmegö keu jake kungö galömñan ni kewöta jim teköm niñgibeak ewö, nöñön mönö keu mianğöra mötpi eretñi kötökñi akza. Nanak mewöyök nani keuni qahö jim teközal.

<sup>4</sup> Uruni kewöta keu kun qahö mötpiga mem lömbörim niñgizapmö, mianğöra töndup solanñi qahö akzal. Ambazipnöñ qahöpmö, Kembunöñ mönö nöñgö keuni kewöta jim teköm niñgimakza.

<sup>5</sup> Mianğöra inñini mönö nalö kewöñe kungö keuñi kun mi kude jim teköme. Kembunöñ nalöñi ali kam kuñgumapköra mönö mambötme. Mamböta malgetka mianğöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañön kaba ambazip urunini mem asariiga könañamnini öññan aukñe ekñangö dop akña. Könañamnini öññi eka mohot mohot kewöt neñğiiga Anutunöñ mönö mianğö dop nalö mianğöreñ möpöseim neñgibawak.

<sup>6</sup> O urumelenj alaurupni, inñini jula jakbak-orañbörañ aka lañ likeplikep aröñda kinda qetal anğumakze. Mewö malbepuköra mönö Apolos niri mötmörim netkiba nanñini imbi-imbi mosöta keu kianğö könañi mötme, “Buña keu ohoget ahözawi, mi mönö kude onğitme.” Keu mi mötket uruñine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

<sup>7</sup> Gölmegö kunñan mönö qahö mem letot gihiiga tosatñi enğonğita qainñi kun akanak me qahö? Mi qahö. Yuai pakpak ahöm gihizawi, mi mönö Anutunöñ kalem gihiiga buña qem anğunöñ me qahö? Mi kalema buña qem anğunöñ ewö, mönö wuanöñğöra kalem qahöpkö tandök ewö silegi memba öñğömakzan? Mi qahö dop kölja.

\* 3:19: Job 5.13 \* 3:20: Sum 94.11 \* 3:22: Pitö qetñi alañi Sifas



<sup>8</sup> Yuai pakpak memba malbingö sihimñi mötzei, mi mönö lök ahöm engim teköza. Anutunöñ Suep köweñeyök kalemñi kalemñi mokom enjiiga lök simbawon akze. Neñön qahö bauköm enjiinga nanñinak töndup mötnaripkö azi kembu tandök akze. Nanñinañgöra mewö mötmörim anguze. O enñön ölna kin aketka dop kölbawak. Mewö aketka neñön mönö mewöyök azi kembu-urupñini aka engö qöhöröñine ölop silenini memba öngöba aiweliköm anğubinak. Nöñön mewö akingö sihimñi mötzal.

<sup>9</sup> Nöñön mewö mötzalmö, nanini könañamnini eki tandök kewö akza: Anutunöñ aposol nini al neñgiiga ambazip jeñine etqeçenji töhön aka maljin. Ambazip enğuguet kömumegö jim tekögerañgö tandök aukne anda kainga lañ qeta gamu qem neñgimakze. Yuai ehekñi qainñi kun ahinga gölme dop mienğö tonji aka Suep jakenji jakenji mienğö pom garatanji mienñön mönö jeñinan neñgek kutuba neñgehimakze.

<sup>10</sup> Kraistköra aka uruni sohoi maljali, nöñgöra mewö jimakzemö, enñön Kraistpuk kinda mötmöt ambazip aködamunñinambuk akzeañgö tandök akze. Nöñön lölöwöröñi akzalmö, enñön “Ambazip köhöikñi akzin,” jize. Ambazipnöñ inini göda qem enñgimakzemö, nöñgöra mötket eriga jijiwilit ak neñgimakze.

<sup>11</sup> Nalö dölkewöñe mewöyök nenegö kömumba ogöra ak neñgiiga opo walñi jujuratñi löngöta malinga binnöñ lañ neñgugetka dum mirinini qahö mala toroqeba anda kamakzin.

<sup>12</sup> \*Nanini böröñinan sileqeçe tandök nup memakzin. Ambazipnöñ lañ qesuahöm neñgimakzemö, neñön mönö kötuatköm engiba yeñgöra köulukömakzin. Sesewerowero ak neñgimakzemö, neñön mönö mi möta mökösoñda kapan köla maljin.

<sup>13</sup> Uruqeçe keu töhöreñ jim neñgimakzemö, neñön mönö gunbönjönjön qakne ösoñnön melenmakzin. Neñön gölmegö nesak lömñañgö tandök ewö ahinga gölmeñi gölmeñi yeñön sisitnini memba andö qem neñgimakze. Mewö mala kota nalö dölkewöñe mewö toroqeba maljin.

<sup>14</sup> Gamu qem enñgimangöra keu ki qahö ohozalmö, wölböt nahön böraturupni ewö mönö goro qambañ enñgimangö mötzal.

<sup>15</sup> Mötnaripkö böhi 10.000 yeñön Kraistpuk qekötahöba köyan köla kusum enñgibeak ewö, mi töndup nöñön mönö Kraist Jisösbuk qekötahöba Ölöwak Buña jim asariba iwiñini akiga uruñini melenget. Mianğöra iwiurupñini gwötpuk qahö malje.

<sup>16</sup> \*Mianğöra uruñini kewö kuñgum enñgizal: Nöñön silik ahakzali, mianğö dop enñön mönö nöñgö silikni mi wuatangöba malme.

<sup>17</sup> Nöñön silikni Kraist Jisösbuk qekötahöba aka memba gölmeñi gölmeñi liliköba urumelen köñagesö dop kusum enñgimakzali, mianğöra mönö ölüm enğubapuk. Nöñön mianğöra aka wölböt nahöni Timoti melaibiga enğöreñ kama. Yanñön nömbuk pöndañ mala Kembubuk qekötahöba kinda kaba könañamni jiba köl gulim enñgima.

<sup>18</sup> Enğöreñök tosatñan nöñön enğöreñ qahö kabilenak ewö möta silenini möpöseiba jakbak-orañbörañ aka lañ malje.

<sup>19</sup> Mewö maljemö, Kembunöñ sihimñan ni kamangö mötma ewö, mönö ösumök enğöreñ kamam. Kamami, nalö mianğöreñ jakbak-orañbörañ ambazip yeñgö kukösumñinañgöra qesim enñgibiga jim miwikñaigetka mötmam. Silenini memba wahöta keu ketañ ketañ lañ jimakzei, mianñön nöñgöreñ eretñi akza.

<sup>20</sup> Anutugö bemtohon mi keuyök jijigö yuaia qahöpmö, ölni mi Anutugö kukösum. Mianñön mönö nam köl neñgiza.

<sup>21</sup> Mianğöra uruñini qahö melenja lañ malme ewö, nöñön mönö kömbin memba kaba keunöñ enğohotirimam. Uruñini melenme ewö, mönö urubönjön qakne urukalem ak enñgimangöra kamam? Keu yahöt mi kewöta nöñgöra sihimñini denöwö mötzei, mi möt kewöta jime. Mewö.

\* 4:12: Apo 18.3 \* 4:16: 1 Kor 11.1; Fil 3.17

## 5

*Kunöŋ serowilin ahöhi, i mönö sutŋineyök közölme.*

<sup>1</sup> \*Keu kun kewö jigetka nöŋgö kezapne geyök: Tosatŋan urumelen könagesö sutŋine serowilin ahakze. Kunŋan iwiŋaŋgö anömŋi memba malja. Serowilin mewöŋi mi urumelenŋö kopa ambazip yengö sutŋine mewöyök kun qahö ahöza.

<sup>2</sup> Kunŋan mewö aiga iŋini töndup silenŋini memba öŋgöba laŋ jakbak-öraŋböraŋ ahakze. Mi qahö dop köljamö, silikŋaŋgö wösöbiriknöŋ mönö mem kömum enŋiiga dop kölbowak. Mewö aka ölop azi siŋgisöndok mewö ahöhi, i mönö sutŋineyök közölgetka yaigep etma. I denöwö aka qahö közöljeje?

<sup>3</sup> Nöŋön ölna enŋöreŋök köröwen malbi sileni qahö nehakzemö, töndup uŋanan mönö embuk maljal. Kunŋan ahakmeme kanjamŋambuk ahöhi, nöŋön lök yaŋgö keuŋi kewöta sutŋine maljalangö tandök möta jim teköba kewö jizal:

<sup>4</sup> Iŋini mönö Kembunini Jisösgö qetŋe totoko algetka nöŋgö uŋanan embuk toroqeiga Kembunini Jisösgö kukösumŋan nam köl enŋiiga öröröŋ kinda keuŋi jiba mönö kewö jöhöme:

<sup>5</sup> Satanöŋ silenŋaŋgö sihim kömbönaŋi bölöŋi qei etmapköra mönö andö qem waŋgiba yaŋgö böröŋe algetka mindiŋgöm waŋgima. Mindingöm waŋgiiga löwöriba uruŋi melenŋi Anutunöŋ amöt qem waŋgiba Kembangö nalöŋe uŋaŋi meköiga Suepkö buŋaya akawak.

<sup>6</sup> \*Silenŋini memba öŋgömakzei, mi ölopŋi qahö. Iŋini keu yahöt ki möt yaköze, “Yist kitipŋi moröŋi obuk mindiriba plauanöŋ alinga mem qariiga dis kokolak qemakza. Mewöyök bau wösö kömbukŋan tiŋgirakzawi, mianŋön mönö busu pakpak mem bölimakza.”

<sup>7</sup> \*Keu mianŋö dop iŋini lök plaua dis sarakŋi ewö aketmö, siŋgisöndökö yistŋi kun mi ket ewö sutŋine kaŋgota enŋöhömakza. Körek bölibepuköra mönö yistŋini walŋi mi kewöt uteköme. Azi mi wösö kömbuk ewö közöla mönö dumŋe kunbuk yambu jeŋiqeŋe dölökŋaŋgö plaua dis sarakŋi ewö aka malme. Ak-kömukömu kendon nalöŋe lama jöwöwöl ohoba beret yistŋi qahö nemakzei, mianŋö dop Kraistnöŋ nanine ak-kömukömu lamanini aiga lök qeget kömuyök. Mianŋöra iŋini ölop plaua dis sarakŋi yistŋi qahö ewö akŋe aka kunbuk oyaenŋkoyaen uruŋe kaŋgota malme.

<sup>8</sup> \*Kraist kömuyöhaŋgöra mönö sösoŋgai kendon aka malbin. Yist me wösö kömbukŋi mi ahakmeme bölöŋi iŋgoŋmaŋgoŋambuk. Mianŋö qakŋe mönö sösoŋgai kendon kude akin. Mianŋöra mönö geŋmoŋ mosöta keu ölni wuatangöba beret yistŋi qahö ewö aka mianŋö qakŋe sösoŋgai kendon aka malbin.

<sup>9</sup> Nöŋön Buŋa Kimbi ohom enŋiba kewö jial: Iŋini serowilin ahakzei, yembuk mönö kude köisirik tata eraum mötme.

<sup>10</sup> Gölmenöŋ uruŋini qahö melenŋa ahakmeme bölöŋi ahakzei, yengöra keu mi qahö ohoyal. Yeŋön serowilin aka yuaigö nepaqepalok membagan membingö köpösöŋgömakze. Yuai kalöpköba yoŋgorö memakze aka tandö lopioŋ waikŋini memba möpöseim enŋimakze. Yengöra aka mewö ohom enŋibileŋak ewö, iŋini mönö gölmenöŋ malbingö osibeak.

<sup>11</sup> Yengöra aka qahöpmö, könaŋi kewögöra keu mi ohom enŋial: Kunŋan nannŋi qetŋi urumelenŋ ala jiba töndup serowilin akza me yuaigö nepaqepalok membagan memangö kösösöŋgömakza me tandö lopioŋ waikŋi memba möpöseimakzawi, yambuk mönö kude köisirik tata eraum mötme. Mötnarip kambu enŋö sutŋine kunŋan mepaqepaik ahakza me o köhöikŋi nempa enololoŋ ahakza me yuai kalöpköba yoŋgorö memakza ewö, yambuk tata nene kun kude neme.

<sup>12</sup> Yaigep maljei, nöŋön yengö keuŋini qahö jim tekömakzal. Mi nöŋgöreŋ nuwa qahö. Iŋini mewöyök könagesö pakpakö keuŋini qahöpmö, uruŋini melenŋa sel uruŋe maljei, mönö yengö keuŋini miyök kewöta jim tekömakze.

<sup>13</sup> \*Yaigep laŋ maljei, Anutunöŋ mönö yeŋgö keuŋini kewöta jim teköma. Mianğöra mönö Buŋa keu kianğö dop akŋe, “Azi bölöŋi mi mönö sutŋineyök közölme.” Mewö.

## 6

*Urumelen alaŋini mi yaigep yeŋgö keu jakeŋe kude alme.*

<sup>1</sup> Urumelen ambazip sutŋine kunŋan alaŋi keu jakeŋe almamgö mötza ewö, yaŋön Anutugö ambazip sarakŋi engongita ambazip gonğonŋi yeŋgö jeŋine aniga qahö dop kölja. Qahö! Urumelenğö kopa ambazip bauköm waŋgimeğöra qesim enğıga gamuŋambuk akza.

<sup>2</sup> Anutugö ambazip sarakŋi neŋön kantriŋi kantriŋi yeŋgö keuŋini kewöta jim teköbini, mi lök mötze. Inini gölme pakpak yeŋgö keuŋini jim teköbingö dop akze ewö, mönö denöwö aka keu morömorö kewöta jim tekömeanğö dop qahö akze? Inini mönö ölŋa mianğö dop akze.

<sup>3</sup> Urumelen ambazip neŋön Suep garataurup yeŋgö keuŋini kewöta jim teköbini, mi lök mötze. Mianğö dop akzin ewö, gölmenöŋ malmalgö keuŋi mi mönö amqeba kewöta ölop jim tekömakin.

<sup>4</sup> Mianğöra gölmenöŋ malmalgö keuŋi sutŋine asuhumakzawi, keuŋini mi mönö wuanöŋğöra sileŋe yeŋgö keu jakeŋe öŋğöba jim tekömegö qesim engimakze? Urumelenğö kopa ambazip sutŋine jijiwilit ak engimakzei, yeŋgöra tøndup keu nalöŋe mötketka öŋğömakza. Mi qahö dop kölja.

<sup>5</sup> Keu mi gamu qem engimangöra jizal. Mötnariŋ ambazip engö sutŋine keu ahözawi, engöreŋök kungö mötkutukutuŋi dop kölīga keu mi ölop jim tekömawanğö dop akza me qahö? Mönö ölop sutŋineyök azi mewöŋi miwikŋaime.

<sup>6</sup> Qahö tandök aiga urumelen ala kunöŋ alaŋi sileŋe yeŋgö keu jakeŋe alakza. Mewö ala ambazip Anutu qahö möt narizei, mönö yeŋgö jeŋine anda keu nupköra qesim engimakza. Mi qahö dop kölja.

<sup>7</sup> Sutŋine keu jakeŋe al aŋgumakzei, mewö mianğön mönö nanŋini eta enğıga Kraistkö qetbuŋaŋan lök eretŋi aiga malje. Ambazipnöŋ ak bölim enğıgetka uruŋini mianğöra wahöri keunöŋ al enğıgetka Anutugö jeŋe qahö dop kölja. Tilipqilip aka yuaiŋini öröba megetka inini likepŋi qahö melen enğıgetka mewö mianğön Kraistkö könaŋan mönö aködamuraŋambuk akŋa.

<sup>8</sup> Inini Kraistkö qetŋi kewö mem bölimakze: Mönö nanŋinak tilipqilip aka ambazip ak bölim enğıba yuaiŋini öröba memakze. Urumelen alaurupŋini yeŋgöra mewöyök mewö ak engimakze.

<sup>9</sup> Irimqirim ambazip yeŋön mönö Anutu bemtohoŋaŋgö uruŋe öŋğöba dum qahö meme. Mi mötze. Ahakmemenjanan mönö tilipköm aŋguba janjuŋ akepuk. Tosatŋan serowilin aka tandö lopioŋ waikŋini memba möpöseimakze. Tosatŋan awanöm malmal onğita qesabulum ahakze. Tosatŋan monenğöra laŋ amimba malje aka azi nanŋirök ambi nanŋirök amimba malje. Mewöŋi mienğön mönö Anutu bemtohoŋaŋgö buŋaŋi qahö akŋe.

<sup>10</sup> Tosatŋan yoŋgorö memba yuaigö nepaqepalok membagan membingö köpösöŋğömakze. Tosatŋan o köhöikŋi memba enjololon aka laŋ mepaqepaik ahakze. Tosatŋan yuai kalöpköba yoŋgorö memakze. Ambazip mewöŋan mönö Anutugö bemtohoŋi buŋa qahö qem aŋgume.

<sup>11</sup> Engöreŋök tosataŋan mutuk mewö aka malgetmö, könaŋep Kembunini Jisös Kraist buŋa qem aŋgugetka sepŋan sanğonda tök kutum enğıba yaŋgö qetŋe sarakŋi aket. Mem solanim enğıga Anutuninaŋgö Uŋaŋan mönö inahöm enğıga diŋgiba malje. Mewö.

*Sileŋinan Anutugö jike kömbukŋi akza.*

\* 5:13: Dut 13.5; 17.7

12 \*Nöñön yuai pakpak ölop memamanğö dop akzalmö, yuai pakpaknöñ mönö qahö mem ölowak niñgiza. Yuai pakpak ölop memamanğö dop akzalmö, yuai kunöñ kembu ak niñgibapuköra mönö galöm mem angumakzal.

13 “Nene mi nene yök. Mi kömoñgokninañğöra aka ahöza. Kömoñgoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömoñgok mi mohotñe jim teköi qahöwakñahot. Silenini mi serowilin akingöra qahöpmö, Kembangö nupñi membingöra aka ahöza. Mewö ahöiga nanñak silenini ölowakñapköra nene yuai neñgimakza.

14 Anutunöñ nanñi kukösumñan Kembu mem gulii kömupnöhök wahöröhi, yañön mönö nini mewöyök mem gulim neñgii wahötpin.

15 Engö sileninan Kraistpuk toroqeba silenangö kitipñi akzei, mi mötze me qahö? Mianğöra nöñön Kraist silenangö kitipñi kun memba köna ketanji ambibuk qekötahömam me qahö? Mi qahöpmahöp! Mönö yapmakek!

16 \*Anutunöñ keuñi kewö jii ahöza, “Yetkön mönö sile mohot akñahot.” Mianğöra kunñan köna ketanji ambibuk qekötahözawi, yañön mönö yambuk sile mohot akñahot. Mi mötze me qahö?

17 Mohot akñahotmö, kunñan Kembubuk qekötahözawi, yañö uñañan mönö Kembangö Uñañambuk mindiriiga mohok aka malmahot.

18 Serowilin mi mönö misinğöba mosötme. Sinğisöndok tosatñi mi me mi ahakzini, mi pakpak mönö sileninañğö yaigepñe asuhumakza. Kunñan serowilin ahakzawi, yañön mönö nanñi silenji mem böliba sinğisöndok ahakza.

19 \*Sileninan mönö Uña Töröñangö Buña jikenji (tempöl) akza. Anutunöñ Uñañi enjiiga buña qem anğugetka uruñine malja. Mianğöra nanñini buñaya qahö akzei, mi mötze me qahö?

20 Nanñini buñaya qahöpmö, Kraistnöñ söñgöröñini ketanjan bohonñini meiga yañö buñaya akze. Mianğöra sileninan mönö ahakmeme sarakñi aketka Anutugö qetbuñañan sehimakña. Mewö.

## 7

### *Awanöm aka gwabö seram malmal tatat*

1 Injini keu tosatñi ohoba qesigeri, mi jim asarimam. Azinöñ ambi qahö memba gwaböya maljawi, mi ölop.

2 Mi ölopñi akzapmö, silegö sihimñan sero yonğorö akepuköra injini mohot mohot mönö nanñik nanñik awanöm amemba malme.

3 Azinöñ mönö anömñangö sihimñangö dop awanöm malmalgö arenji wuatangöma. Anömñan mewöyök mönö apñangö sihimñi wuatangöba malma.

4 Anömñangö silenjan mönö nanñi buñaji qahö aiga nanñök mi qahö galöm kölakzapmö, apñan mi galöm kölakza. Apñangö silenjan mewöyök nanñi buñaya qahö aiga nanñanök qahö galöm kölakzapmö, anömñan mi galöm kölakza.

5 Mianğöra nanñiri mönö kude anğön köl anğuba malmahot. Nanñirök urumohot aka pöndañ köuluk nup membitköra ölop nanñök nanñök malmahotmö, nalö tosatñi mewö malagun mönö kunbuk mindiriba mohotñe malmahot. Uruñiri ölop qahö galöm kölohotka Satanöñ esapköm etkiiga sinğisöndoknöñ etpahotpuköra mönö mewö aka malmahot.

6 Mewö akñahotköra ölop jizalmö, jöjopañ keu mewöñi mi qahö al enğizal.

7 Nöñön ambazip körek pakpak ni ewö gwabulum malmegöra mötzalmö, injini tosatñi Anutugö nup memegöra mötmöt kalem mewöñi mi qahö memba malje. Anutunöñ

\* 6:12: 1 Kor 10.23 \* 6:16: Jen 2.24 \* 6:19: 1 Kor 3.16; 2 Kor 6.16



mötmöt kalemñi mendenjiga mohot mohot neñon mi me mi nanñök nanñök buña qem anguba maljin.

<sup>8</sup> Awanöm qahö aka malö maljei, engöra kewö jizal: Enñon ni ewö toroqeba awanöm qahöpmö, solanñi malmei, mi mönö ölöpnji akza.

<sup>9</sup> Ölöpnji akzapmö, awanöm akingö uruñini könöp jeiga malbepuköra mönö ölöp awanöm aketka amqema. Mianğöra yeñon uruñini galöm kölbingö osize ewö, mönö ölöp awanöm akñe.

<sup>10</sup> \*Awanöm maljei, engöra kewö jim kutuzal, nöñonök qahöpmö, Kembunöñ nanñak mönö keu ki jiza: Anömñan apñi kude mosötma.

<sup>11</sup> Mewö jizapmö, töndup apñi mosötma ewö, mönö azi kun kude memba öne malma me apñambuk kunbuk eraum möta urumohot aka malmahot. Mewöyök apñan anömñi kude mosötma.

<sup>12</sup> Mi Kembugö keuyapmö, awanöm tosatñi engö goronjini mi Kembunöñ qahö jizapmö, nanak mi kewö jizal: Urumelenñ azi kungö anömñan uruñi qahö melenñda töndup yambuk malmamgö mötzawi, yañon mönö anömñi mi kude mosötma.

<sup>13</sup> Mewöñanök urumelenñ ambi kungö apñan uruñi qahö melenñda töndup yambuk malmamgö mötzawi, yañon mönö apñi mi kude mosötma.

<sup>14</sup> Mianğö könañi kewö: Kungö apñan urumelenğö kopa azia aiga Anutunöñ i töndup urumelenñ anömñi qekötahözawağöra aka tök kutum wañgiiga sarakñi akza. Mewöñanök kungö anömñan mötnaripñi qahöpmö, urumelenñ apñi qekötahözawağöra aka Anutunöñ i tök kutum wañgiiga sarakñi akza. Kunöñ sarakñi qahö akawak ewö, nahönböratñiran mönö Anutugö sel yaigepñe malbeak. Mewö malbeakmö, Anutunöñ mohotñe tök kutum engiyöhağöra mönö sarakñi akze.

<sup>15</sup> Sarakñi akzemö, kunñan qahö möt nariba apñi me anömñi mosötmamgö mötza ewö, mönö ölöp mosötma. Mewö asuhuiga nöngö keunan urumelenñ alanini mi qahö jöhöma. Anutunöñ injini luainöñ malmegöra engoholök.

<sup>16</sup> Ambi, gi apki uru kuñgum wañginöñga uruñi melenñma me qahöwi, mi mönö denöwö mötpanak? Me azi, gi anömgi uru kuñgum wañginöñga uruñi melenñma me qahöwi, mi mönö denöwö mötpanak? Mianğöra mönö luainöñ malme. Mewö.

*Anutunöñ engoholöhağö dop mönö toroqeba malme.*

<sup>17</sup> Kembunöñ mohot mohot engö malmalñini areñ aliga awanöm me solanñi malgetka Anutunöñ engoholöhi, mianğö dop mönö toroqeba mala malmalñinağö könañi kude uteköme. Urumelenñ könagesöñi könagesöñi liliköba miri dop mewö jim kutum engimakzal.

<sup>18</sup> Anutugö aiwesökñi azi kungö silenñe yañdiget maliga mewö oholök ewö, mi mönö kutumamgö kude kapan kölma. Anutugö aiwesökñi kungö silenñe qahö yañdiget maliga mewö oholök ewö, mönö mi yandimegö kude kapan kölma.

<sup>19</sup> Anutugö aiwesökñi silenine yandiget ahöza me qahöwi, mianñon Anutugö jeñe yuai omanñi akzapmö, jöjöpñ keuñi tem köla wuatangöinga ölnji akza.

<sup>20</sup> Anutunöñ engoholiga nalö mianğöreñ awanöm me solanñi malgeri, injini mohot mohot mönö mianğö dop toroqeba malme.

<sup>21</sup> Kungö welenqeçe omanñi aknöñga Anutunöñ goholök ewö, mianğöra mönö waiman-jat kude aka malman. Urugi melenñda ölöp solanñi aka nup kun miwikñajabanak ewö, mi mönö ölöp miwikñajaiman me urugi amqeiga ölöp toroqeba welenqeçe omanñi malman.\*

<sup>22</sup> Mi kewögöra: Kunöñ welenqeçe omanñi aiga Kembunöñ mewö oholi uruñi melenñniga siñgisöndokñanğö kösöñi pösariga solanñi aka malja. Mewöñanök kunñan solanñi aiga Kembunöñ mewö oholi uruñi melenñniga nanñi imbi-imbi qahöpmö, Kraistkö jitñi tem kölmapkö kösönöñ kinda welenñi qeba malja.

\* **7:10:** Mat 5.32; 19.9; Mak 10.11-12; Luk 16.18      \* **7:21:** Keu mianğö könañi kun kewö: Urugi melenñda ölöp solanñi aka nup kun miwikñajazan ewö, gi ölöp toroqeba welenqeçe omanñi malman.

<sup>23</sup> Kraistnön bohonji ketanjan söngörönjini meiga maljeangöra mönö gölme ambazip yengö keu kenget bapne anda welenqegeqenini omani aka malbepuk.

<sup>24</sup> Miangöra urumelen alaurupni, Anutunön engoholiga nalö miangören solanji kösönjini qahö me welenqege tonjanö kösö gwarönön malgeri, injini mohot mohot mönö miangö dop Anutugö jene toroqeba malme. Mewö.

*Gwabö seram aka malö yengö goro keunjini*

<sup>25</sup> Ambi seram jömuknji† engö goroya mi Kembunön qahö jim kutui mötzal. Miangöra Kembunön ak kömum ninjiiga keuni lan qahöpmö, möt nariget dop köljawangö dop jimakzali, mönö miangö dop kewöta nani mötmötnan kewö jimam:

<sup>26</sup> Kahasililij nalöni dopdowizawangöra gwabö seram maljei, körek enön mönö miangö dop toroqeba malgetka ölöwakza. Mewö mötmörizal.

<sup>27</sup> Ambi memba maljan ewö, anömgi mosötmangö kude akjan. Anömgi qahö solanji maljan ewö, mönö ambigöra kude jaruman.

<sup>28</sup> Töndup ambi memani, mianön mönö singisöndokni qahö akja. Mewönanök ambi seramnön azi memawi, yanön singisöndok qahö akja. Singisöndok qahöpmö, mewö aknei, yenön mönö silenjan kahasililij gwötpuk miwikjaiba mötme. Enön mi mötpepuköra mönö angön köl engimangö mötzal.

<sup>29</sup> Mewö möta goro engizalmö, urumelen alaurupni, keu kun kewö jimam: Kembu kamawangö nalönan törizawangöra aka ambi memba maljei, enön mönö mewöyök nalö kiangörenök könahiba anömjini qahö tandök ewö aka malme.

<sup>30</sup> Wösöbirik aka sahötzei, enön mönö qahö sahötmeangö tandök ewö aka malme. Urujini ölöwahiga söngaizei, enön mönö qahö söngaimeangö tandök ewö aka malme. Yuai bohonji mezei, enön mönö mi qahö buja qem angumeangö tandök ewö aka malme.

<sup>31</sup> Gölmenön nalö kewöne aren wuatangömakzei, mianön mönö ayapkömawangö dop akza. Miangöra gölmegö öröyuaini kölköl-örörö aka nupköra alakzei, enön mönö mianön urujini jöhömakzawangö tandök ewö kude aka malme.

<sup>32</sup> Injini gölmegö lömbötköra waimanjat qahö malmegö sihimni mötzal. Awanöm qahö solanji maljawanön mönö Kembugö öröyuaigöra waimanjat mörakza. Mi möta “Denöwö akiga Kembugö urunan ölöwahi dop kölbawak,” nanjanöra mewö jimakza.

<sup>33</sup> Mewö jimakzalmö, ambi memba maljawanön mönö gölmegö öröyuaigöra waimanjat mörakza. Mi möta “Denöwö akiga anömnanö goro urunan ölöwahi dop kölbawak,” nanjanöra mewö jimakza.

<sup>34</sup> Kembunön likep anömnan likep mötmötjni öröyohotka urudenjen aka malja. Mewönanök ambi apni qahö aka ambi seram solanji maljahanön mönö Kembugö öröyuaigöra waimanjat mörakzahot. Mi möta “Denöwö akiga unani aka sileni sarakni aiga Kembugöra dop kölbawak,” nanjanöra mewö jimakzahot. Mewö jimakzahotmö, azi memba maljawanön mönö gölmegö öröyuaigöra waimanjat mörakza. Mi möta “Denöwö akiga apnanö goro urunan ölöwahi dop kölbawak,” nanjanöra mewö jimakza.

<sup>35</sup> Nanjini bauköm engimangö möta goro mi engizal. Mi tosatni kösö ewö jöhöm engibi lömböt miwikjaimegöra qahöpmö, könani kewögöra mi engizal: Nönön injini ahak-meme dijdini wuatangöba urudenjen qahöpmö, pöndan Kembubuk qekötahöba kin köhöimegöra mötzal. Miangöra goronjini mi jizal. Mewö.

<sup>36</sup> Azi kunjan ambi serambuk buja qeba malagun angömosötpitkö mötmörizahori, yetkö goronjiri kewö jimam: Azi mianön kewö mötmöriba jiza, “Ambi mi memba mewö törörök qahö ak wangibilenak.” Mewö jiiga ambi memawangö sihimni möt köhöiiga ambigö yambuji azi memegö dop akza ewö, yanön mönö ölop sihimnanö dop aiga ameyohotka dop kölma. Mewö mianön singisöndokjiri qahö akja.

† 7:25: qesabulum qahö qequeji

<sup>37</sup> Qahö akñapmö, azinöñ ambi mi qahö memapkö keunji nanñi uruñan jöhöba möt köhöizawi, mianğöra kewö jimam: Kunñan azi mi kuñgui qahö çaközapmö, ölop nanñi sihimñangö dop wuatangöba keunöñ qahö jöhöi ahakza ewö, yañön mönö ölop sihimñangö dop aka ambi mi qahö mema.

<sup>38</sup> Mewö aiga ambi seram mezawañön mönö dopñe akzapmö, i qahö mezawañön mönö köna ölop sorokñi wuatangöba törörök akza. Mewö.‡ (v 37b) Qahö akñapmö, iwiñan bōratñi azi qahö wañgimapkö keunji nanñi uruñan jöhöba möt köhöizawi, mianğöra kewö jimam: Kunñan iwi mi qahö kuñgui çaközapmö, ölop nanñi sihimñangö dop wuatangöba keunöñ qahö jöhöi ahakza ewö, yañön mönö ölop sihimñangö dop aka bōratñi añğön kölma. (v 38b) Mewö aiga bōrat seramñi azi wañgizawañön mönö dopñe akzapmö, i qahö wañgizawañön mönö köna ölop sorokñi wuatangöiga törörök akza. Mewö.

<sup>39</sup> Ambinöñ apan jebuk malmawañgö dop amōamögö keuñan jöhöi maljapmö, apan kömuma ewö, keu mianğön mewōñanök kömuiga ölop azi sihimñan jimawañgö dop mema. Urumelenğö kopa azia qahōpmö, azi Kembubuk çekōtahōzawi, miyök mema.

<sup>40</sup> Ölop azi memba sōsōñgai çorembeñi miwikñaimapmö, toroçeba solanñi malma ewö, mönö urusōsōñgai ölni miwikñaiaba sōñgaimakña. Nōñön keu mi kewōta mewö jizal. Anutugö Uñañan nōñgö urune mewōyök maljawı, mianğöra mönö mewö mötmōriba jizal. Mewö.

## 8

### *Nene tandö lopionğö naluk alalñi mi nembin me qahö?*

<sup>1</sup> İñini nene tandö lopionğö naluk alalñi mianğöra ohogetka goro kewö jimam: Urukalemnöñ mönö baukōm eñgima. Goranora jigetka tosatñan kewö jimakze, “Kōrek neñön tandö lopionğö kōnañini möt yakōinga omanı akza.” Keu mi ölbölña akza, mi mötzin. İñini mötmöt mewōñi jiba malgetka uruñinan wahōriga koñaen ewö terereñgöba aiwelikōmakze. Mewö aka deñda siksauk malje. Köna bohonñi mi urukalem. Köna mewö mianğön mönö nanini urunini möhamğöba mem köhöim añgubin.

<sup>2</sup> Kunöñ “Keu kungö kōnañi möt yakōzal,” mi jitnöñ jizawi, yañgö mötkutukutuñi ölnan mönö qahö asuhuiga toroçeba tōnpin malja.

<sup>3</sup> Mi keunöhök jizapmö, kunñan Anutu uruñan jōpakōmakzawi, Anutunöñ mönö yañgōra möri ölni akza.

<sup>4</sup> Nene tandö lopionğö yañgōra naluk algeri, mi nembin me qahōpto? Keu kewö jimakze, “Tandö lopionğö mi bem ölni qahö maljeañgö kaisōpsōpñini akze,” aka keu kun kewö, “Anutu mohotnöñ malja. Alañi kun qahö.” Keu yahöt mi ölna akzahot, mi mötzin.

<sup>5</sup> Keu mianğö kōnañi kewö, “Öme bemñi bemñi,” çetñini mewö çerakzei, mi gwōtpuk malje. Suepnöñ me gölmenöñ maljei, mi ölop qahö mötzin. Ölna ömewöröme, bem aka azi kembu mi gwōtpuk malje.

<sup>6</sup> Mi maljemö, mi tōndup Anutu mohot yañönök nanini bemnini aka İwinini akza. Yañön yuai pakpak miwikñaii asuhuyök. Malmalnini yañgōra malbingōra aka al neñgii maljin. Mewōyök Kembu mohot Jisōs Kraist malja. Yañön Anutu baukōiga yuai pakpak miwikñaiyohot. Nini mewōyök baukōm neñgiiga mal köhöimakzin.

<sup>7</sup> Mewö möt narizinmö, ambazip körekñan mönö mötkutukutu mewōñi mi qahö memba malje. Mi qahōpmö, tosatñan mutuk tandö lopionğö waikñini memba möt köhöigerañgōra aka dōlkewōñe mewōyök toroçeba nene tandö lopionğö naluk alalñi mi memba mewö mianğön amçeba bemurup mi mötmōriba malje. Uruñinan lölöwöröñi aiga uruyahöt aka negetka uruñinan mianğöra tölöhomakza.

‡ **7:38:** 36b Azi kunöñ bōratñi azi wañgimangö uruyahöt mötzawi, yañgö goronı kewö jimam: İwiñan kewö mötmōriba jiza, “Bōratni wañgiba mewö törörök qahö ak wañgibileñak.” Mewö jüiga bōratñangö yambuñi azi memegö dop aiga azi wañgimangö sihimñi möt köhöiza ewö, yañön mönö ölop sihimñangö dop aka mosōriga azi meiga dop kölma. İwiñan mewö mianğön sinğisōndok qahö akña.

<sup>8</sup> Tölöhomakzapmō, nenenōŋ neŋguaŋgita Anutu kōsutŋe qahō al neŋgimakza. Nene siŋgi malbini, mewō geŋmororoŋ qahō miwikŋaibin. Nene nempa malbini, qetbuŋaninan mewō qahō qarima.

<sup>9</sup> Mi tōndup nene pakpak nemingō amqzei, eŋōn mōnō jaubatbat laŋ malbepukōra galōm mem aŋguba malme. Mewō malgetka tosatŋan eŋgeka uruŋinan lōlōwōrō aka bōlii et eŋgubapuk.

<sup>10</sup> Miangō kōnaŋi kewō: Gōŋōn mōtkutukutu ōlŋi memba mala amqeba tandō lopioŋ jikeŋe anda tata nene nenōŋga alagi kunŋan gehi kewō lōmbōrima: Uruŋan lōlōwōrōŋi aiga uruyahōt akzawi, yaŋōn mewō geŋka uruŋan wahōri amqeba nene tandō lopioŋgō naluk alalŋi mi nempa et qebawak.

<sup>11</sup> Gōhō mōtkutukutugi ōlŋi mianjōn mōnō nangi urumelen alagi kuŋguiga uruyahōt qakŋe lōlōwōrōŋi akzawaŋgōra mōnō amqeba nempa et qebawak. Kraistnōŋ yaŋgōra aka kōmuyōkmō, nene mi nempa mewō et qeba ayuhuiga qahō dop kōlma.

<sup>12</sup> Ayuhumapmō, urumelen alaurupŋini mewō mem bōlim eŋgiba uruŋini lōlōwōrōŋi mi qeba kōndenŋa siŋgisōndok ahakzei, mewō mianjōn mōnō Kraist nanŋi qetala siŋgisōndok ahakze.

<sup>13</sup> Miangōra nōŋōn nene kun nembiga mianjōn urumelen alani kōlgorom waŋgiiga et qeba siŋgisōndok akza ewō, nōŋōn mōnō nalō kunōŋ nene mi qahō toroqeba nemam. Nōŋōn alani jōlōŋgōba kōlgorom waŋgibileŋbukōra kapan kōla kinjal. Mewō.

## 9

### *Aposol denōwō akiga dop kōlbawak?*

<sup>1</sup> Wani kōsōnōŋ jōhōm niŋgiiga solanŋi qahō akileŋak? Eŋōn kewōt niŋgigetka aposol akzal me qahō? Kembunini Jisōsnōŋ asuhum niŋgiiga ehal me qahō? Nōŋōn Kembugōren naŋgōba nup membiga iŋini nup miangō ōlŋi akze.

<sup>2</sup> Kembunōŋ nanŋak aposol nup niŋgii yambuk kinda membiga iŋini uruŋini melenŋa nōŋgō muŋgem supapni akze. Miangōra tosatŋan kewōt niŋgigetka aposol qahō akileŋak ewō, eŋōn mōnō kōnaŋamni mewō mōt yakōze. Mi mōnō amqeba naŋgōba jigetka dop kōlma.

<sup>3</sup> Ambazip tosatŋan nōŋgōra “Aposola qahō akza,” jiba tokoba andōnōŋ qeŋe ak niŋgimakzemō, nōŋōn mōnō eŋgōren kōsohot jiba mianjōn nani kōnaŋamni naŋgōba jimakzal.

<sup>4</sup> Miangōra kōnōp numbu nene neŋgigetka neŋakurupni yembuk memba nempa malbinaŋ, mianjōn mōnō dopŋe akawak.

<sup>5</sup> Pitō, aposol tosatŋi aka Kembu Jisōsgō munurupŋi yeŋōn anōmurupŋini mōtnariŋinambuŋa eŋguaŋgita mohotŋe anda kamakze. Nōŋōn mewōyōk miangō dop akileŋak ewō, silik mianjōn mōnō kōna walōŋda qōtōŋgatpileŋak me qahō? Mi qahōpmahōp.

<sup>6</sup> Silegō malmalŋe iŋini ambazip ipŋi naŋgōm eŋgimakzemō, ni aka Barnabas qahō. Niri tōwa qahō netkigetka ōne malakzit. Mi mōtketka dop kōlja me qahō? Tosatŋan urugō nup megetka tōwa eŋgigetka silenjanŋgō nup qahō memakzemō, netkōrōhōk mōnō naŋgōnaŋgōniri nanirak miwikŋaibitkō dop jize me?

<sup>7</sup> Gawmāngō yarō nup memakzei, yeŋgōrenōk kunŋan nanŋi malmalŋi naŋgōm aŋguba memakza me qahō? Wain nup kōmōrakzei, yeŋōn kōrek miangō ōlŋi memba nemakze me qahō? Mewōŋanōk bulmakau galōm kōlakzei, yeŋōn kōrek miangō juzu oŋi nemakze me qahō?

<sup>8</sup> Keu mi gōlme ambazip nanine mōtmōtnōhōk mōtōteiba qahō jizal. Anutunōŋ mewōyōk mōnō keu miyōk Mosēgō Kōna keunōŋ jiza.



9 \*Mosesgö Köna keunöŋ Juda yeŋgö nup meme silikŋini mi jim asariba kewö ohoget ahöza, “Wit padigö kötni aka kamböŋi kewötŋingöra bulmakau aziŋi waŋgitketka padi kambu qakŋe tiba tözözamgömakzawi, yaŋgö numbuŋi mönö kude mözöpköme. Mewö gumohom waŋgigetka ölop nene kitipŋi neiga dop kölma.” Miyaŋgö dop kiamnöŋ böröjaŋ memba sömbup meköi qeba nene kitipŋi waŋgiget neiga dop kölma. Anutunöŋ kiam bulmakau miyaŋgöra waimanjat qahö möta mewö jiza. Mi qahö.

10 Sömbupköra qahöpmö, keu mi mönö neŋgöra jii ahöza. Keu mi neŋön kewö akingöra aka ohoget ahöza: Kinöŋnöŋ nup barözawaŋön mönö ölni asuhumapkö jörömqöröm qakŋe nupŋi memakŋa. Mewöyök padi dudutnöŋ qeba ölni aka kamböŋi kewötzaawaŋön mönö bahöŋi memba nemapkö al mamböta nupŋi memakŋa.

11 \*Neŋön urugö keu kötni sutŋine qesin gila malinga eŋön malmalgö naŋgönaŋgö yuai qahö neŋgigetka gamuŋambuk akza. Nöŋön mem ölowak eŋgibiga eŋön miyaŋgö likepŋi melenja niŋgigetka dopŋe akŋa.

12 Tosatŋan sutŋine urugö nup megetka naŋgöm eŋgigetka dopŋe akza ewö, ni mönö dop mi oŋgita naŋgöm niŋgigetka dop kölma. Likepŋi eŋgiinga miyaŋgö likepŋi neŋgigetka dop kölbowakmö, nöŋön miyaŋgö dop akŋegöra qahö qesim eŋgial. Kraistkö Ölowak Buŋa keu sehimapkö könaŋi jöhöbinbuköra mönö yuai neŋgimegöra qahö qesim eŋgiin. Qahöpmö, naninahök mönö kapaŋ köla köhöiba lömböt pakpak bisiba malin.

13 \*Keu ki mönö mötmörime: Jöwöwöl jikenöŋ nup memakzei, yeŋön mönö jike miyaŋgöreŋök numbu nenenini memba nemakze. Jöwöwöl ohoba altagö könöŋŋi galöm kölmegöra kuŋgum eŋgigetka kinjei, yeŋön ambazip nene nalukŋini altagöreŋ algetka nene miyaŋgö kitipŋi tosatŋi mi miyaŋgöreŋök buŋa qem aŋgumakze.

14 \*Keu miyaŋgö dop Kembunöŋ mewöyök jim kutuba keu kewö jiyök, “Ölowak Buŋa jim sehiŋetka ambazipnöŋ mötmei, yeŋön mönö Ölowak Buŋagö likepŋi kötön naluk algetka malmalŋinaŋgö naŋgönaŋgöŋini miwikŋaiba malme.”

15 Nöŋön ölop keu miyaŋgö dop mötmöriba urugö nup memba töwa niŋgimegöra qesim eŋgibileŋakmö, kötön naluk almeaŋgö keu pakpak mi mönö mosöral. Moneŋ almeaŋgö keu ohozali, mi eŋön mewö ak niŋgimegöra aka qahö ohozal. Töwa memaŋgö mötmöribi lömböriiga kömukömugö mötpiga amqeza. Nanaŋgöra mi keu omaŋi qahöpmö, töwa qahö niŋgimegö keuŋi mi mönö sileni möpöseiba jizal. Nöŋgöreŋ keu mi kunöŋ kun qeapkömamgö osiiga malmam.

16 Ölowak Buŋa jim sehimakzali, miyaŋgöra sileni möpöseimamgö dop qahö akzal. Nöŋön Anutugö jimkutukutu bapŋe mala mi jim sehimamgö dop akzal. Nup mi mönö mosötmamgö osizal. Ölowak Buŋa qahö jim sehibileŋak ewö, miyaŋgöra lömbötnöŋ qakne öŋgöiga neka pölzik jimeaŋgö dop akileŋak.

17 Nani sihimnaŋgö dop nup mi möwölöhöba membileŋak ewö, mönö ölop töwa niŋgimegöra mambötpileŋak. Mimö, Anutunöŋ kuŋgum niŋgiiga nani sihimni qahö mötöteiba Buŋaŋi galöm kölakzal ewö, mi mönö Anutunöŋ möt narim niŋgiba nupŋi niŋgii maljalaŋgö dop memakzal.

18 Mewö aiga wanatnöŋ mönö töwa ak niŋgimakza? Ölowak Buŋa jim sehiba mi söŋöröŋi qahö ahakzali, miyaŋgön mönö töwa ak niŋgimakza. Anutunöŋ nupnaŋgö likepŋi niŋgimegöra jim kutui Buŋa Kimbinöŋ ahözawi, keu miyaŋgö dop töwagöra qahö kapaŋ kölakzal.

19 Ambazip kuŋŋan kun qahö jöhöm niŋgiiga ölop nani imbi-imbi malbileŋakmö, mi töndup mönö nani memba et al aŋguba maljal. Ambazip körekŋan uruŋini melenmegöra kapaŋ kölakzal. Mewö akŋegöra ambazip körek welenŋini qeba maljalmö, sehisehiŋi yeŋön töndup Kraistkö buŋaya qahö akŋeaŋgö dop akze.

\* 9:9: Dut 25.4; 1 Tim 5.18 \* 9:11: Rom 15.27 \* 9:13: Dut 18.1 \* 9:14: Mat 10.10; Luk 10.7

<sup>20</sup> Juda yeñon uruñini melenmegö bauköm engiba sutñine Juda tandök aka malal. Mosesgö Köna keu bapñe maljeañon uruñini melenmegö bauköm engiba nanak Köna keu miangö bapñe qahö mala töndup keu miangö gwaröñe maljal tandök aka sutñine malal.

<sup>21</sup> Mosesgö Köna keu qahö möta maljeañon uruñini melenmegöra bauköm engiba sutñine Köna keu qahö möta maljalangö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapñe anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehiñan uruñini melenmegöra mewö aka malal.

<sup>22</sup> Mötnaripnönj lölöwöröñi maljeañon uruñini melenja köhöimegö bauköm engiba sutñine lölöwöröñi tandök aka malal. Ambazip tosatñi wani awamñan köna inönj me wainönj uruñini melenmegö meköm engiba ambazip könañi könañi yeñgö sutñine tandök könañi könañi aka malal.

<sup>23</sup> Tandök pakpak mi Ölöwak Buñanönj sehimapköra aka ahakzal. Sehiiga kötümötuetñan nani qakne öngöi nanak mewöyök oyaenkyoayen akñamgöra aka mewö ahakzal.

<sup>24</sup> Keu ki mönö mötmörime: Ösumtiti nalöñe körek yeñon luhut almegöra ösumñini qezaköba anakzemö, mohot kunñan mönö luhut ala töwa mema. Injini mönö mohot miangö dop ösumñinan anda töwa memingöra kapañ köla malme. Mönö miangö dop mötnarip köl guliba malme.

<sup>25</sup> Ambazip mönahotnönj luhut albingö anakzei, yeñon mönö körekñan nanñini törörök galöm köl anğubingö köl gulimakze. Yeñon kösatorom julkula gororongömawi, miyök memingö kapañ kölakzemö, neñon ila jalö qahö ayapkömawi, mönö töwa mi memingö kapañ kölakzin.

<sup>26</sup> Miangöra nöñon ösumnan lañlañ an köl kam köl qahö anakzal. Böröni misiba bim lañlañ qahö qemakzalmö, aongit alaurupni luhut al engimamgöra mönö diñdiñanök törörök qemakzal.

<sup>27</sup> Nöñon ambazip tosatñi Buña keunönj uruñini kuñguba malbi teköiga Anutunönj mönö andö nuñgui nanak ila jalöñi qahö membilenbuk. Miangöra mönö nani sileni mindiñgöba törörök köl guliba galöm kölakzal. Mewö.

## 10

### *Israel mutuk malgeri, yeñgöreñ galöm meme keu*

<sup>1</sup> \*O urumelen alaurupni, Israel neñgö ambösakoninan Mosesgö andöñe kaba wu-atangögetka yuai asuhuyöhi, miangöra mönö gukmaulem malbepuk. Miangöra Israel neñgö könanini kewö suariba ohozal: Yeñon mönö körek kousu bapñe kaba mala Köwet Pisikñi kutugetka yeñgöreñök kunñan kun qahö ayuhuyök.

<sup>2</sup> Anutunönj o melunñi kousunönj aka köwetnönj aliga mi kutuba kaba körekñan uruñini melenja Mosesgö könagesöñi aket.

<sup>3</sup> \*Mewö aka körek yeñon urugö nene miyöhök miwikñaiba nempa malget.

<sup>4</sup> \*Mewöyök körek yeñon urugö onji miyöhök miwikñaiba nempa malget. Urugö onji mi köt ketañi kunönj enğuatangöba könañine kayöhi, mönö miangöreñök miwikñaiget. Köt ketañi mi Kraistkö söpsöpñi.

<sup>5</sup> \*Mewö malgetmö, mi töndup Anutunönj könagesö ölni miengöra urusösöngai qahö möta maliga gölme qararañkölkölñe ayuhugetka qamötñinan qeqelañlañ ahöba gisahöget.

<sup>6</sup> \*Mewö asuhuyöhi, mi nanini kezapqetoknina akza. Anutunönj mönö söpsöp mi neñgöra aka aliga galöm meme keunina kewö akza: Yeñon uruñini qahö galöm köla bölöñañgöra köpösöngögeri, neñon mönö miangö dop aka ayuhubimbuk.

\* **10:1:** Eks 13.21-22; 14.22-29 \* **10:3:** Eks 16.35 \* **10:4:** Eks 17.6; Jan 20.11 \* **10:5:** Jan 14.29-30 \* **10:6:** Jan 11.4

7 \*Mewöyök Israel yenğöreñök tosatñan tandö lopion waikñini memba möpöseiba malgeri, eñön mönö mianğö dop aka malbepuk. Yenğöra Buña Kimbinöñ keu kewö ohoget ahöza, “Könagesö yenñon nem sösöngai ala tokoba tatketka uruñinan wahöriga mianñon melenđa kezapjupjup kewö ahök: Yenñon liñet gwawet unduba o köhöikñi namba serowilin lañ aket.” Keu mewö ahöza.

8 \*Yenğöreñök tosatñan serowilin aketka Anutugö irimsesewölñanğöra aka ambazip 23.000 mianğö dop silim mohotkö uruñe kömumba etket. Neñon mönö tosatñi miengö dop serowilin akinbuk.

9 \*Mewöyök Israel yenğöreñök tosatñan Kembu esapköm wanğigetka mokoleññon enğöhögetka kömuget. Neñon mönö tosatñi miengö dop Kembu esapköm wanğibinbuk.

10 \*Yenğöreñök tosatñan galömurupñini irikuruk jimongot aka andö enğuba malgetka mem ayuayuhu garatanöñ mönö enğui kömuget. Neñon mönö tosatñi miengö dop irikuruk jimongot lañ aka malbinbuk.

11 Mewö asuhum enğiyöhi, söpsöp keu mi mönö nanini kezapqetoknina akza. Gölmeneñ malmalgö nalö teteköñan kam kuñgum neñgii maljini, kösohot mi mönö neñğöra aka ohogetka galöm meme keunina akza.

12 Mianğöra kin köhöimangö jizani, mönö et guhubapuköra galöm mem anğuba malman.

13 Esapesap qakñine öngömakzei, mi gölme ambazip körek neñgö qaknine öngömakze. Esapesap qainñi kun miwikñaipeak, mianğöreñ ösumñinan qahö dop köljawanğöra etpeakmö, Anutunöñ keuñi jöhöyöhanğö dop mi pöndañ wuatangöba ahakza. Yanñon esapesap Tonñi anğon kölīga esapesap ösumñini qahö dop kölmananğö dop mi al enğimangö osimakza. Mewögöra esapesap mötketka Anutunöñ ösumñi enğiba mewö mianñon ölöñ kölbingö köna mewöyök mesat enğii asuhumakza. Mianğöra eñon gölmegö esapesapñi mi ölop kin köhöiba luhut almeanğö dop akze. Mewö.

### *Tandö lopionğö lömbuan aka Kembugö semön kömbukñi*

14 Mianğöra wölböt alaurupni, tosatñan tandö lopion waikñini memba möpöseim enğimakzemö, eñon mi kök ala mosötme.

15 Nöñon mötmöt ambazip aködamunñinambuk akzeanğö dopkeu jimami, mi mönö nanñinak kewöta mianğö ölni miwikñaipe.

16 \*“Kembugö semön nene nembin,” jiba kötümötuetkö qambigöra Anutu saiwap jiba köuluköba qambi mianğöreñök nemakzinanğöreñ mönö Kraistköreñ toroqeba sepñi nemakzin. Beret mindipköba mianğöreñök nemakzinanğöreñ mönö Kraistköreñ toroqeba busuñi nemakzin. Mianğöra ölum enğubapuk.

17 Körek neñon beret mohot mianğöreñök nemakzin. Beret mi mohot akzawanğöra aka gwötpuk neñon mönö Kraistkö ölni mohot akzin.

18 \*Inñini mönö Israel könagesögö malmalñi mötmörime. Ambazip jöwöwöl ohomegöra nene algetka tosatñan mianğö kitipñi nemakzei, yenñon mönö altagöreñ toroqeba nupñi Anutugöra memakze.

19 Keu mianğö könañi ölni mi mönö denöwö jibileñak? Tandö lopion enğöra bau qegetka sepñi eri jöwöwöl ohomakzei, mianñon ölnambuk akzawanğöra jiza me qahö? Tandö lopion mi ölni akzeanğöra jiza me qahö? Keu mianğö könañi denöwö?

20 \*Tandö lopion mi ölni qahöpmö, urumelenğö kopa yenñon töndup jöwöwölñini ömewöröme yenğöra ala ohomakze. Mi Anutugöra qahö. Nöñon inñini ömewöröme yembuk toroqeba malbepuköra waimanjat mötzal.

\* **10:7:** Eks 32.6    \* **10:8:** Jan 25.1-18    \* **10:9:** Jan 21.5-6    \* **10:10:** Jan 16.41-49    \* **10:16:** Mat 26.26-28; Mak 14.22-24; Luk 22.19-20    \* **10:18:** Lew 7.6    \* **10:20:** Dut 32.17

21 Injini Kembugö qambinöhök aka ömewöröme yengö qambinöhök öröröñ nemingö osime. Mewöyök Kembugö nene dum aka ömewöröme yengöreñ nene dum mi öröröñ toroqebingö osime.

22 \*Ahakmeme mewöñan mönö Kembugö uruñi qei böliiga irimñi seholimapköra mötzin me? Kukösumninan mönö Kembu oñgita öñgöba maljin me?

*Nanine imbi-imbi mosöta Kembu möpösebin.*

23 \*Tosatñan kewö jimakze, “Nini ölop nanine imbi-imbi yuai pakpak ahakzin.” Keu mi ölnapmö, ahakmeme pakpak mianñön mönö qahö bauköm neñgimakza. “Nini ölop nanine imbi-imbi yuai pakpak ahakzin,” mewö jimakzemö, ahakmeme pakpaknön mönö urunini qahö nañgöba mem köhöim neñgimakza.

24 Kunñan kun nanñangörök mötmöröba ölöwakñangöra kapan kölbapukmö, alaurupñan ölöwakñegöra kapan köli dop kölma.

25 Sömbup i me wai maketnön aka qeköm nene mire bohonñi memegöra alakzei, mi mönö uruyahöt mosöta nemakñe. Sömbupköra uruñinan tölöhobapukö qesiqesinji kun mönö kude akñe. Qahö!

26 \*Keu mianñgö könañi mi Buña Kimbinön kewö ohoget ahöza, “Gölme aka yuai pakpak mianñgöreñ ahözawi, mi Kembugö buñaya akza.”

27 Kun Kraist qahö möt narizawañön engoholiga yangöreñ anbingö möta anda tatketka nene i me wai jeñine al engimej, mi mönö uruyahöt mosöta neme. Nenegöra uruñinan tölöhobapukö qesiqesinji mi mönö kude akñe. Qahö!

28 Nanñinañgöra qahöpmö, “Nene ki mönö tandö lopion yengö naluk alalñi akza,” kunön mewö jii mötme ewö, mi jiyöhi, yangöra aka uruñan bölibapuköra mönö galöm mem anguba kude neme.

29 Nangi urugan tölöhobapuköra qahö jizalmö, alagahö uruñan bölibapuköra mi jizal. Nönön nani imbi-imbi yuai akiga alanangö uruñan böliiga kewöt niñgiba Anutunön keuni jim teköba likepñi melen niñgibapuk. Öne mewö menden anguinga jabö ahuiga qahö dop kölja.

30 Nönön ambazip yembuk toroqeba tata neneninañgöra “Anutu pipsaiwap!” jiba sömbup nemami, tosatñan mewö neka mianñgöra andö nuñgugetka qahö dop kölma. Sömbupköra Anutu möpöseizali, mianñgöra mönö keu töhöreñ jim niñgigetka qahö dop kölja.

31 Mianñgöra o me nene nemei aka i me wai akñei, mi pakpak mönö Anutugö qet-buñan sehimapköra aka ahakñe.

32 Yuai kun kude aketka kungö uruñan mianñgöra böliiga mötnaripñan sörrörauba et-papuk. Juda me kantri tosatñangö ambazip me Anutugö könagesö miengö sutñine kungö uruñan mönö engöra aka bölibapuk.

33 Nönön mewöyök yuai pakpak ahakzali, mianñgöreñ mönö ambazip körek pakpak uruñinan ölöwakñapköra kapan köla maljal. Nanök ölöwakñangöra qahö kinjalmö, ambazip sehisehiñan ölöwakñegöra jaram tibiga kunbuk letota Suepkö buñaya akñegöra kapan kölakzal. Mewö.

## 11

1 \*Nönön Kraistkö silik ewö ahakzali, mianñgö dop enñön mönö nönngö silikni wuatangöba malme. Mewö.

*Ambi enñön mönö nöropñini esuhuba Kembu möpöseime.*

2 Nönön yuai pakpak ahakzali, injini mianñgöreñ mötmörim niñgimakzeangöra saiwap jim engizal. Injini kusum engialangö dopkeuni tem köla wuatangömakzei, mianñgöra mönö möpöseim engizal.



<sup>3</sup> Nöjön injini keu ki möt kutumegöra mötzal: Kraistnöj azi körek neŋgö bohonini akza. Azinöj ambigö bohonji akza aiga Anutunöj Kraistkö bohonji akza.

<sup>4</sup> Miangöra azi injini mönö duhuŋini çeköba köuluköba Anutugö keu jigetka dop kölja. Azi köreknan nöropñini turuba köuluközei me Anutugö kezapqetok keu jim asarizej, Anutunöj mönö yeŋgö mötmötñinangöra möri gamuŋambuk aiga nanñini memba et al aŋgumakze.

<sup>5</sup> Mewömö, ambi kunñan nöropñi qahö eshuba qenjarök totokonöj köuluközawi me Anutugö kezapqetok keu jim asarizawi, yañön mönö aŋñi nöropñi akzawi, mi gamu qeba nanñi memba et alja. Mewö aka nörop jupñi körek mitigetka aukñe öne maljawangö dop akza.

<sup>6</sup> Ambinöj nöropñi qahö esuhuza ewö, yañön mönö nörop jupñi mewöyök jiiga mitigetka dop kölja. Mi dop köljamö, ambinöj nörop jupñi jiiga mitigetka gamuŋambuk akapuk. Miangöra mönö nöropñi eshuba mali dop kölja.

<sup>7</sup> \*Ambinöj aŋñangö aködamunñi akzappmö, azinöj Anutugö imutñi aka aködamunñi akza. Miangöra azinöj mönö nöropñi kude esuhui dop kölma.

<sup>8</sup> \*Mi kewögöra: Mutuhök azinöj ambinöhök qahö asuhuyökmö, ambinöj azigöreñök asuhuyök.

<sup>9</sup> Anutunöj azi mi ambigöra qahöpmö, ambi mi azigöra miwikñaiiga malje.

<sup>10</sup> Könañi miangöra aka ambinöj mönö kukösum bapñe malmalgö aiwesökñi mi nöropñi eshuba maliga dop kölja. Mewö aiga Suep garata yeñön gödaqeqegö silik ölopñi ehakze.

<sup>11</sup> Mewö dop köljamö, Kembubuk çekötahöba malinga ambinöj mönö azigö keuñi qahö oŋgita nanñi imbi-imbi laŋ kude malma. Azinöj mewöyök ambigö keuñi qahö oŋgita nanñi imbi-imbi laŋ kude malma.

<sup>12</sup> Ambinöj azigö sihitñeyök asuhuiga miangö dop azinöj mewöyök ambigö körö uruñeyök ashuba maljinmö, öroyuai pakpakö könañi mi Anutu.

<sup>13</sup> Miangöra ambinöj nöropñi qahö eshuba Anutu köuluköiga dop kölja me qahö? Keu mi mönö nanñinak kewöta jöhöme.

<sup>14</sup> Anutunöj ambazip miwikñaim nengiba gölmenöj mohotñe malmal areŋgöyöhi, areŋ mi eka kewöta silik kewöñi mönö möt asarizin me qahö? Azinöj nörop jupñi qahö mitiiga köriza ewö, mianñön mönö gamu qem wangiza.

<sup>15</sup> Anutunöj ambigö nörop jupñi köröpñi mi esuñi akñapköra wangii malja. Miangöra ambinöj nörop jupñi qahö mitiiga köriza ewö, mianñön mönö aködamunñi ak wangiza.

<sup>16</sup> Kunöj keu miangöra goranora akñangö mötza ewö, nöjön miangöra keu mohok-kun kewö jimam: Anutugö könagesöñi könagesöñi Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

### *Kembugö semön töröñi nemegö silikñi*

*Mat 26.26-29; Mak 14.22-25; Luk 22.14-20*

<sup>17</sup> Injini urumelen totokonöj tokoba miangöreñ qahö ölöwahakzemö, mönö toroqeba böliqölimakze. Miangöra qahö möpöseim engizalmö, areŋ ala jim kutum engizal.

<sup>18</sup> Keu mutukñi kun kezapne gei kewö möral, "Injini urumelen könagesögö totokonöj tokomakzei, miangöreñ mönö sutñine aŋgururuk ahakze." Keu mi jiget möta bahöjanök ölpñi akzawi, mewö möt narizal.

<sup>19</sup> Sutñine denja kambu morömorö aketka Anutunöj engehiga denike eñön mötnaripkö esapesapñöj kin köhöize aka denike eñön qahö dop köljei, keu mianñön mönö aukñe asuhumakza. Miangöra uruyahöt qahö mötzal.

<sup>20</sup> Urumelen totokonöj tokomakzei, miangöreñ mönö Kembugö semön töröñi nembingö silikñi qahö wuatangömakze.

\* 11:7: Jen 1.26-27 \* 11:8: Jen 2.18-23

<sup>21</sup> Mi kewögöra jizal: Semön töröñi nemakzei, miangörej öröröñ qahöpmö, nanñök nanñök neneñini memba könahiba lañ neget teköiga tosatñan toroqeba wösöñini aliga tosatñan o köhöikñi gwötpuk memba enjololoñ akze.

<sup>22</sup> Ahöahö miriñini ahöm engiza me qahö? Miangörej ölop nene aka o neme. Anutugö urumelen köñagesö jijiwilit ak engibingö mötze me ambazip wanapñi neneñini qahö mi memba et al engibingö mötze me? Miangöra nöñon iñini möpöseim engimangöra mötze me? Mewö qahöpmahöpmö, denöwö jim engibilenjak?

<sup>23</sup> Kembunöñ keu niñgiyöhi, nöñon mönö enñon mewöyök mi mötmegöra kewö jimam: Kembu Jisös mamalolo mem wangigetka sunjem miangörej beret meyök.

<sup>24</sup> Mi memba kötuetköba saiwap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim niñgiba malme.”

<sup>25</sup> \*Mewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölokñi akza. Nöñgö sepiñi kianñon mönö Anutugö jöhöjöhöñi mem köhöii ahöma. Mi nemakñeangö dop mönö ni mötmörim niñgiba malme.”

<sup>26</sup> Beret aka qambi miangörejök nemakñei, miangörej mönö nalö dop Kembunöñ kömuyöhi, miangö buñani mem asariba mal öñgögetka lilingöba kaiga teköma.

<sup>27</sup> Miangöra kunñan beret me Kembugö qambi miangörejök iwilele qakñe nezawi, yañon mönö Kembugö busuñi aka sepiñi memba et ala siñgisöndokñambuk akza.

<sup>28</sup> Miangöra ambazip neñon nanini uruninañgö köñani kewötagun mönö beret aka qambi miangörejök neinga dop kölma.

<sup>29</sup> Kunñan Kembugö busuñi aka sepiñi qahö göda qeba nene töhöñ ewö lañ nezawi, Kembunöñ mönö yañgö keuñi jim teköiga lömböt qakñe öñgöma.

<sup>30</sup> Lañ memba malgerañgöra aka ambazip sehisehiñan mönö sutñine löwöriba kawöl miwikñaigetka gwötpukñan lök nöñ qeba kömuget.

<sup>31</sup> Kömugetmö, nanini urunini kewötpinak ewö, Anutunöñ mönö keunini kewöta jim teköiga lömböt qahö miwikñaiabin.

<sup>32</sup> Mi qahö miwikñaiabinmö, Kembunöñ keunini kewöta jim teköba mewö mönö nalö kewöñe mindiñgöm neñgimakza. Köñangep jim teköm neñgiiga ambazip uruñini qahö melenjeri, yembuk öröröñ köñöp sianöñ gebinbuköra mönö mindiñgöm neñgimakza.

<sup>33</sup> Miangöra urumelen alaurupni, nene nemegöra tokomakñei, miangörej mönö nanñinañgöra mamböt añguba öröröñ nemakñe.

<sup>34</sup> Kunöñ wösöñi alja ewö, yañon mönö nanñe mire neneñi nema. Tokoba lañ negetka Anutunöñ engeka keuñini jim teköi lömböt miwikñaiabepuköra mi jizal. Keu tosatñi engörej kamami, nalö miangörej jim kutum engimam. Mewö.

## 12

### *Nup memegö mötmöt kalem miengö köñani*

<sup>1</sup> O urumelen alaurupni, nöñon Uña Töröñangö mötmöt kalemñi kalemñi miangö keugöra gukmaulem malbepuköra mötzal.

<sup>2</sup> Urumelenñgö kopa malgeri, nalö miangörej inöñ me wainöñ enñuanñgiriga tandö lopioñ omani waikñini memba möpöseiba malget. Mewö me mewö janjuñ anda lañ malgeri, mi ölop mötze.

<sup>3</sup> Miangöra iñini keu ki mötmegöra jizal: Anutugö Uñanñan kun sölölohöiga “Jisös qesuahözal,” keu mi qahö jiza. Mewöyök Uña Töröñan azi me ambi kun qahö sölölohöm wangiza ewö, yañon mönö “Jisösnöñ Kembu ak niñgiza,” keu mi jimangö osiza.

<sup>4</sup> \*Nup memegö mötmöt kalemñi mi köñani köñani akzemö, Uña Töröñan mönö mohot akza.

\* 11:25: Eks 24.6-8; Jer 31.31-34 \* 12:4: Rom 12.6-8

<sup>5</sup> Urumelen könagesö welen qem engibingöra nup könani könani memakzinmö, Kembunön mönö mohot akza.

<sup>6</sup> Welen qem engibingöra Anutunön kukösumnji körek neğgöra menden neğgiiga amqeba köhöiba nup meinga ölni könani könani asuhumakza. Ölni pakpak mi Anutugöreñök kamakzapmö, Anutunön mönö mohot akza.

<sup>7</sup> Uña Töröñan könagesö urunini nanğöi köhöibingöra möta nup memegö mötmöt kalemni indeliga ölnan mönö mohot mohot neğgöreñ kewö me kewö asuhumakza:

<sup>8</sup> Uña Töröñan kungö uruñe geba Anutu nam köliga mötkutukutu keu jijigö kalemni wañgiza. Uña mohot mianjönök mönö kun sölölohöiga mötmöt qainni kun möt yaközawañgö kalemni buña qem añguza.

<sup>9</sup> Kunön Uña mohot mi qekötahöba mötnaripkö kalemni buña qem añguza. Toroqeba kunön Uña Töröñi miyöhök qekötahöba mem ölö-ölöwakö kalemni kalemni buña qem añguza.

<sup>10</sup> Kungöra añgöletot memegö ösumni wañgiza. Kungöra Anutugö kezapqetok keu jijigö kalemni wañgiza. Kungöra uña aka öme mendenbingö kalemni wañgiiga uña ölpñan me ömewöröme kunön sölölohöiga maljawi, mi ölop kewörakza. Kungöra keuñi keuñi qainni kun jijigö kalemni wañgiza. Toroqeba kunön keu qainni kun jiiga kungöra mi melenmapkö kalemni wañgiza.

<sup>11</sup> Nup memegö mötmöt kalem pakpak mi Uña Töröñi mohot mianjönök mönö sölölohöba möri dop köljawañgö dop mendenñiga körek neñön nanñök nanñök buña qem añguba maljin. Mewö.

*Kraistkö ölni mohotmö, kitipurupni gwötpuk.*

<sup>12</sup>\* Silenini mohot akzapmö, töndup mianğö uruñe silegö kitipurupni mi gwötpuk akze. Kitipni pakpak mi gwötpuk akzemö, töndup mi mindiriba sile mohot akze. Kraistkö ölnan mewöyök mönö mianğö dop akza.

<sup>13</sup> Mianğö könani kewö: Uña mohotnön mönö körek nini sölölohöba melun mem neğgiiga Kraistkö ölni mohot akzin. Nini Juda me kantri tosatñangö toni maljini, nanini nupnini memakzini me tonini öne welen qem engimakzini, mi töndup körek nini mönö Uña miyök buña qem añguinga urunine geiga möt wañgizin.

<sup>14</sup> Sileninan mönö sile kitipni mohotkö dop qahö akzapmö, mianğö uruñe kitipurupni mi gwötpuk akze.

<sup>15</sup> Könaninan kewö jibawak, “Ni böröya qahö. Mianğöra sile qahö toroqeba maljal.” Mewö jibawak ewö, mianğöra mönö töndup sile mosöta nanñök qahö malbawak.

<sup>16</sup> Kezapninan kewö jibawak, “Ni jeya qahö. Mianğöra sile qahö toroqeba maljal.” Mewö jibawak ewö, mianğöra mönö töndup sile mosöta nanñök qahö malbawak.

<sup>17</sup> Sileninan jömuk je akawak ewö, keu mötmötkö kezapninan mönö denike tatpawak? Mewöyök jömukñanök kezap akawak, mewö wörön mötmötkö söñgöröñinan mönö denike tatpawak?

<sup>18</sup> Nanñök nanñök qahöpmö, Anutunön sile kitip mohot mohot mi arengöba möri dop köljawañgö dop mindirim enğiiga sile mohot akze.

<sup>19</sup> Sile kitip pakpak mi kitip mohot akeak ewö, mönö denöwö sile mohot akawak?

<sup>20</sup> Mewö qahöpmö, sile kitipnini mi gwötpukmö, silenön mönö mohok akza.

<sup>21</sup> Mianğöra jenön börögöra kewö jimangö osiza, “Ni göhöra qahö osizal.” Mewöyök nöropñön könagöra “Ni göhöra qahö osizal,” mewö jimangö osiza.

<sup>22</sup> Simbisembel qahöpmö, sile kitipnini möringa lölöwöröñi akzei, mienön qahöwaketka jebuk malbingö osibin.

\* 12:12: Rom 12.4-5

<sup>23</sup> Sile kitipnini möringa qetbuñañini eretnji akzei, mi mönö esuhuinga qetbuñañinambuk akze. Sile kitipnini möringa gamuñinambuk akzei, mi mönö törörök esuhuinga ambazip jeñine dop kölja.

<sup>24</sup> Sile kitipnini aukñe kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöñ sile kitipñi kitipñi mindiriba jöhöm enjiba kitipñi omanñi mi qetbuña ketanñi wañgiiga öröröñ akze.

<sup>25</sup> Sile kitip yeñön sutñine jula anjururuk akepukmö, tandök mohot köyan köl anjumegöra mönö arengöiga öröröñ akze.

<sup>26</sup> Sile kitip kunñan sihimbölö mötzawi, tosatñi pakpak mönö yambuk sihimbölö mörakze. Sile kitip kunöñ qetbuña miwikñaizawi, tosatñi pakpak mönö yambuk söngaimakze.

<sup>27</sup> Enñön Kraistkö ölnñi akze aka mohot mohot enñön mönö yañgö ölnañgö sile kitipñi akze.

<sup>28</sup> \*Miañgö dop Anutunöñ al enñgiiga urumelenñ könagesögö nup kewö memakze: Mutuk tosatñi kunñum enñgiiga melaimelai azi aposol akze. Miañgö andöñe kambu yahötñi kunñum enñgiiga kezapqetok ambazip akze. Kambu karöbutñi yeñön böhi qaquzu akze. Miañgö andöñe tosatñan anñöletot meme ambazip akze. Tosatñi yeñgöra mötmöt kalem enñgiiga kawölñi kawölñi mem ölöwahakze. Tosatñan amqeba köhöiba tosatñi alabauk ak enñimakze. Tosatñi yeñgöra kalem enñgiiga galömkölköl nup memakze. Tosatñan keu qainñi kun jimakze.

<sup>29</sup> Körek enñön mönö melaimelai azi aposol qahö akze. Saumbañ! Körek enñön mönö kezapqetok ambazip qahö akze. Körek enñön böhi qaquzu akze me qahö? Körek enñön anñöletot meme ambazip akze me qahö?

<sup>30</sup> Kawöl mem ölöwakingö mötmöt kalemñi kalemñi mi körek enñgöreñ ahöza me qahö? Körek enñön mönö keu qainñi kun qahö jimakze. Qahö. Keuñi keuñi qainñi kun jigetka enñön mönö körek mi melenbingö amqeze me qahö?

<sup>31</sup> Enñön mönö nup memegö mötmöt kalemñi kalemñi ölop sorokñi mi buña qem anñubingöra awöweñgömakñe. Mewö awöweñgögetka nöñön köna qetpuk sorokñi kondela miañgö mötmöt kalemñi mi kewö jim asarimam:

## 13

### *Jöpaköm anñuanñugö kalemñi*

<sup>1</sup> Nöñön ambazip aka Suep garata yeñgö keuñi keuñi qainñi kun mianñön keu jiba malbilenakmö, urukalemnan qahö asuhuza, mönö töndup kewö akilenak: Gonñ qegetka gonñgonñ qeri anñötömualñi mörakzini me göjön (biret) uturukögetka kinñqororonñ qerakzawi, mönö miañgö dop akilenak.

<sup>2</sup> \*Kezapqetok keu jijigö mötmöt kalemñi ahöm niñgiiga keu asa-asambötñi pakpak mötpilenak aka keu pakpakö könanñi möt yaköbilenak, mianñön mönö dopñe akza me qahö? Mi töndup urukalemnanñgö ölnañ qahö asuhuiga mewö mönö yuai omanñanök aka öne töhön malbilenak. Mötnarip köhöikñi kötokñi miwikñaiba miañgö qakñe kundunañgö Tonñ jim kutubiga ölop tem köla kundunñi qeköba kungen albawakmö, urukalemni qahö asuhuza, mewö töndup mönö yuai omanñanök aka öne töhön malbilenak.

<sup>3</sup> Sukinapni pakpak ambazip wanapñi yeñgöra mendenñ enñgibileñak aka sileni tosatñan ohoget jemapköra tököm enñgibileñakmö, urukalemnanñgö ölnañ qahö asuhuza ewö, mianñön mönö qahö kötokñi bauköm niñgima.

<sup>4</sup> Kunñan alanñi urunñan jöpaközawi, yañön mönö urukönöpñi qahöpmö, urubönjönñ qakñe ala ak wañgimakza. Körogisigisi qahö möta yuainañgöra qahö köpösönñgömakza. Silenñi qahö mem wahöta jakbak-öranñböranñ qahö malja.

\* 12:28: Ef 4.11 \* 13:2: Mat 17.20; 21.21; Mak 11.23



<sup>5</sup> Ahakmemenjan alañangö urunji qahö mem bölimakza. Nannji ölöwakñamgörök qahö kapañ kölakza. Uruqeçe ak wañgigetka urukönöp zilañ qahö ahakza. Mem bölim wañgigetka sihimbölö möröhi, mi qahö mötmöriba mosörakza.

<sup>6</sup> Tosatñan bölöñji akzei, miangöra qahö söñgaizapmö, keu öñji wuatangömakzei, mönö yembuk mohotñe söñgaimakza.

<sup>7</sup> Nalö dop alañ sel jöhöba qöhöröñe kin köhöiba möt narim wañgimakza. Mewö me mewö asuhuiga Anutugö jörömqöröm aka al mamböta awösamkakak kinda sihimbölö pakpak möta mökösoñgömakza.

<sup>8</sup> Urukalem ahakmeme mi nalö teteköñji qahö ahöm öñgöma. Kezapqetok keu jiba keuñi keuñi qainñi kun jimakzei, miangön qahöwakña aka mötmöt qainñi kun miangön mönö mewöyök omañi ak teköma.

<sup>9</sup> Mötmöt qainñi kun mi bahösapsap möt yakömakzin aka kezapqetok keu mi bahösapsap jimakzin.

<sup>10</sup> Bahösapsap ahakzinmö, Anutugö kalemñi kalemñi aködamunñinambuk asuhumei, nalö miangöreñ bahösapsap malmalninan mönö qahöwahiga oyaenköyaen siyoñsayoñi qahö malbin.

<sup>11</sup> Nöñön namande malali, nalö miangöreñ namande keu jiba malal. Urumötmötñan namande aiga miangö dopkeu kewöta mötmöriba malal. Azi ketañi aka miangöreñ namandegöreñ ahakmeme mi mosöta andö qeal.

<sup>12</sup> Miangö dop nalö kewöñe Anutugö aködamunñi mi ölop qahö ehakzin. Mi piliknöñ uba ehökö tandök ek bibihiba tandökñi törörök qahö möta öne mötmörimakzin. Mewö mötmörimakzinmö, könañgep Anutubuk mesohol köla anguba ek soroköbin. Nalö kewöñe mötmöt qainñi kun mi bahösapsap möt yaközalmö, nalö miangöreñ mi mönö körek möt yaköm tekömam. Anutunöñ ni möt kömum niñgizawi, nöñön miangö dop yangö könañamñi möt kömum tekömam.

<sup>13</sup> Keu ki jim köhöizin: Kalem karöbut mötnarip, jörömqöröm aka urukalem mi köhöiba ahöm öñgömemö, urukalem ahakmeme miangön mönö sutñine öñgöñgöñi akza. Mewö.

## 14

### *Kezapqetok keu aka keu qainñi kun jijigö kalemñi*

<sup>1</sup> Urukalemgö könañi mönö wuatangöba malme aka nup memegö mötmöt kalem könañi könañi mi mönö buña qem angubingö kapañ köla malme. Miangön ölopömö, kezapqetok keu jijigö kalemñi memingöra mönö köhöiba kapañ köla malme.

<sup>2</sup> Kunöñ keu qainñi kun jizawañön mönö ambazip neñgöra qahöpmö, mönö Anutugörök mi jimakza. Uña Töröñan sölölohöiga keu asa-asambötñi asuhui jimakzawañgöra tosatñi neñön keu mi qahö möt asarim wañgimakzin. Mönö nannanök bauköm angumakza.

<sup>3</sup> Tönpin maljinmö, kezapqetok keu jimakzawañön mönö ambazip urunini mem köhöiba nañgöba urukölalep ak neñgimangöra aka keu jimakza.

<sup>4</sup> Kunñan keu qainñi kun jiba miangön mönö nannji urunji möhamgöba köhököhöi miwikñaimakzapmö, kezapqetok keu jimakzawañön mönö urumelen könagesö pakpak urunini möhamgöba mem köhöim neñgimakza.

<sup>5</sup> Inñi körekñan keu qainñi kun jimegöra mötzalmö, kezapqetok keu jimegöra mönö kapañ köla gwötpuk mötzal. Kezapqetok keu jimakzawañön mönö keu qainñi kun jimakzawi, mi ongitza. Keu qainñi kun jiba mi miangöreñök nanine keunöñ melenjawi, mewö mönö öröröñ akzahot. Mewö aiga keuñan mönö urumelen könagesö urunini möhamgöba mem köhöim neñgiiga dop kölja.

<sup>6</sup> O urumelen alaurupni, nöñön engöreñ kaba keuñi keuñi qainñi kun jibilenak, mewö mönö denöwö mem ölöwak engibileñak? Mewö qahöpmö, Anutugöreñ keu indelmam me mötmöt qainñi kun engimam me kezapqetok keu jimam me goro kusum engimam ewö, miangön mönö mem ölöwak engimam.

<sup>7</sup> Awölop me gita kulele me yuai kunöŋ liŋetkö imbiŋi miwikŋaimakzini, mienöŋ mönö malmalŋini qahöpmö, könaŋini mönö mewöŋanök kewö ahöza: Kunŋan awölop laŋ uba me gita kulele laŋ qeiga mianöŋ qetŋini nanŋök nanŋök qahö miwikŋaimakza ewö, liŋetkö imbiŋi mönö denöwö möt asaribinak?

<sup>8</sup> Mewöyök tömun um böligetka qetŋi törörök qahö möt asarizin ewö, daŋöŋ mönö bim qegegöra jöjöröbawak?

<sup>9</sup> Enjö könaŋinan mewöŋanök ahöza: Nesilamŋinan ambazip qahö möt asarimeanjö dopkeu laŋ jize ewö, kunŋan keu mewöŋi mönö denöwö möt asaribawak? Keu mewö jizei, mianöŋ mönö öne laŋ luhutnöŋ anakza.

<sup>10</sup> Gölmeŋi gölmeŋi mianjöreŋ keu murutŋi murutŋi dawik jimakzini, mi daŋöŋ mötpawakmö, töndup körek mienöŋ mönö keugö könaŋi möt asaribingöra aka ahöze.

<sup>11</sup> Könaŋi mianjöra aka jimakzinmö, kunöŋ keu jiiga keuŋanjö könaŋi qahö mötzal ewö, nöŋöŋ yanjö keuŋanjö kiannŋi akiga yanöŋ mewöyök nöŋgö keuŋanjö kiani akza.

<sup>12</sup> Enjö könaŋinan mewöŋanök ahöza: Inŋini nup memegö mötmöt kalemŋi kalemŋi buŋa qem anjubingö awöweŋgögetka dop kölja. Mianjöreŋ mönö kalem kewöŋi memb- ingöra kapan kölmalme: Mötmöt kalem urumelen könaŋesö uruŋini möhamgöba mem köhöimakzei, mönö mi buŋa qem anjuba nupnöŋ algetka qetpuk akŋa.

<sup>13</sup> Mianjöra keu qainŋi kun jimakzawaŋöŋ mönö kewö köuluköiga dop kölma, “O Anutu, keu jizali, mi melenŋamgö mötmöt kalemŋi niŋgiman.”

<sup>14</sup> Mianjö könaŋi kewö: Nöŋöŋ keu qainŋi kun jiba köuluközal ewö, nöŋgö uŋanan keuyök jiba köuluközapmö, urumötmötnan mönö ölnŋi kun qahö miwikŋaiza.

<sup>15</sup> Mianjöra mönö denöwö akiga dop kölma? Nöŋöŋ mönö uŋananöhök qahöpmö, urumötmötni mewöyök mianjöreŋ ala köulukömakŋam. Liŋet kölmalme möpöseimakzali, mi uŋananöhök qahöpmö, urumötmötni mönö mewöyök mianjöreŋ ala kölakŋam.

<sup>16</sup> Gi Anutu uŋagan möpöseim wanŋizan ewö, ambazip omanŋi kunŋan totokoŋine kaba tata möpöseizanaŋgö könaŋi qahö möt kutumawi, yanöŋ mönö “Keu mi ölnŋa,” mi denöwö jibawak? Wania jizani, yanöŋ mi qahö möt asariba öne tönpin tatza.

<sup>17</sup> Gi ölop Anutu möpöseizanzmö, keugan tosatiŋi yeŋgö uruŋini qahö möhamgöba mem köhöim enŋiza.

<sup>18</sup> Nöŋöŋ körek inŋini enŋonŋita keuŋi keuŋi qainŋi kun mi gwötpuk jimakzali, mianjöra Anutu möpöseizal.

<sup>19</sup> Anutu möpöseizalmö, urumelen könaŋesö uruŋe ambazip kusum enŋimamgöra kapan kölmalme möt asarimegöra keu jitŋi 5 jimamgö mötŋi ölnŋi akza. Keuŋi keuŋi qainŋi kunöŋ keu jitŋi 10.000 nananŋörök jimamgö mötŋi eretŋi akza.

<sup>20</sup> Urumelen alaurupni, inŋini keu kewöta mötmörimakzei, mianjöreŋ mönö namande tandök mosöta ambazip ketanŋi yeŋgö dop mötmöriba malme. Bölöŋi akin jigetka mianjöreŋ mönö morösepep ewö aka osimemö, mötkutukutuŋinan mönö ambazip ketanŋi aka malme.

<sup>21</sup> \*Mosesgö Köna keunöŋ keu kun kewö ohoget ahöza, “Nöŋöŋ kian ambazip kuŋgum enŋibiga könaŋesö kiŋjöreŋ kaba jitŋinan keu tandökŋi kun jigetka laŋ welipkömakŋemö, mi töndup nöŋgö keuni qahö mötme. Kambu nöŋöŋ mewö jizal.”

<sup>22</sup> Keu mianjö dopkeu qainŋi kun jiinga uruŋini qahö melenŋet yeŋöŋ mötketka Anutugö aiwesökŋi ak enŋizapmö, mötnariŋ ambazip neŋgöra mianöŋ mönö aiwesökŋi kun qahö akza. Mi qahöpmö, kezapqetok keu jiinga mianöŋ mötnariŋ ambazip neŋgöra Anutugö aiwesökŋi akza. Urumelenjö kopa yeŋöŋ mi mötketka Anutugö aiwesökŋi kun qahö ak enŋiza.

<sup>23</sup> Urumelen könaŋesö enöŋ tokoba körek enöŋ keuŋi keuŋi qainŋi kun mianjöreŋ jigetka tosatiŋan Buŋa keu qahö kusum enŋigetka uruŋini qahö melenŋa öne mianjöreŋ

\* 14:21: Ais 28.11-12

öngömei, yeñon mönö auruba kewö jibeak me qahö, “Nöröpñinan mönö sohoi kahalalom akze.”

<sup>24</sup> Mewö jibeakmö, körek enjon kezapqetok keunji keunji jigetka kunjan Buja keu qahö kusum wangigetka mötnaripñi qahö öne totokonjine öngöma ewö, körek enjon mönö singisöndokñi indela urunji qahö melenñohangö keunji jim tekögetka könañamñi möt kutuiga aukñe asuhuma.

<sup>25</sup> Uruñangö keu tölapñi tölapñi aukñe asuhuiga yanjon mönö dapköba eta Anutu waikñi memba möpöseiba kewö jim miwikñaiba qetma, “Anutunöñ ölna engö sutñine malja.” Mewö.

*Urumelen totokogö areñi kewö:*

<sup>26</sup> O urumelen alaurupni, mewögöra nini mönö denöwö jiinga dop kölma? Inini Buja keugö tokomakñei, miangören mohot mohot enjon mönö körek areñini kun me kun mi kewö ahakñe: Kunöñ Buja liñetkö areñi aliga kunöñ Buja keu kusum enjiiga kunöñ Anutugö goro dölökñi indeliga kunöñ keu qainñi kun jiiga kunöñ mi melenma. Areñ pakpak mi mönö urumelen könagesö urunini kunguget köhöibingöra aka ahakñe.

<sup>27</sup> Tosatñan keu qainñi kun jime ewö, ambazip 4 qahöpmö, yahöt me karöbut yeñönök mönö totoko mohotkö urunje mewö jime. Yeñönök mönö areñinañgö dop awatan jigetka kunjan mi melenma.

<sup>28</sup> Kunjan keu melenmamgö dop qahö akza ewö, yeñon mönö urumelen könagesögö totokonöñ keu bök tata nanñinañgörök keunji qainñi kun jigetka Anutunöñ mötma.

<sup>29</sup> Kezapqetok ambazip yeñgörenök yahöt me karöbut yeñgörök mönö areñ enjigetka keu jigetka tosatñan mönö keunji kewötme.

<sup>30</sup> Mewö akñemö, kunjan totokonöñ tariga Anutunöñ goro keu urunje indeli mötza ewö, yanjon mönö mi jiiga kezapqetok keu mutuk jizawañon keunji mosöta bök tatma.

<sup>31</sup> Ambazip körekñan Anutugö goronji mötketka urunini nanñgöi ölöwakñegöra inini mönö körek pakpak ölop nalöñini memba areñinañgö dop kezapqetok keu jime.

<sup>32</sup> Kezapqetok ambazip yeñon mönö ölop uñanñi galöm kölgetka uñanñan keu bapñe anjeañgö dop akze.

<sup>33</sup> Anutunöñ kizik-kazuk Tonji qahöpmö, luai Tonji akza. Miangöra totokonjini mönö areñnöñ wuatangöba ahakñe. Ambazip sarakñi yeñgö sutñine könagesö dop ahakzei, inini mewöyök mönö miangö dop kewö ahakñe:

<sup>34</sup> Ambi enjon mönö urumelen könagesögö totokonjine keu bök tatme. Yeñon keu jimeañgö dop qahö akzemö, Köna keu ahözawañgö dop mönö keu bapñe anda malme.

<sup>35</sup> Ambinöñ urumelen könagesögö keu jim kutuba kusum enjiiga qahö dop kölja. Miangöra keu kungö könañi mötpingö mötze ewö, yeñon mönö mirinñine anda tata nanñini apurupñini qesim enjime.

<sup>36</sup> Anutugören Buja keu mianjon mönö engö sutñineyök ahuyök me qahö? Keu mianjon ahuba sehiba mala engören kaba engö buñayök akza me qahö?

<sup>37</sup> Kunöñ kewö jibawak, “Nöñon kezapqetok keu jibiga Uña Töröñan sölölohöm ninjiiga keu miambuk urumohot qahö akzal.” Mewö jizawañon mönö keu ki möt yaköma: Nöñon ambigöra keu ohom enjizali, mianjon mönö Kembangö jöjopañ keu akza.

<sup>38</sup> Kunjan keu miangö kezap qahö ala silebile malja ewö, inini mönö azi yanñgö keugö kude kezap al wangiba malme.

<sup>39</sup> Miangöra urumelen alaurupni, inini mönö kezapqetok keu jibingöra awöwengöba malme aka keu qainñi kun jimegö soñgonji mi kude alme.

<sup>40</sup> Mi kude almemo, yuai pakpak mönö törörök areñ ala wuatangöba ahakñe. Mewö.

<sup>1</sup> O urumelen alaurupni, nöñon Ölöwak Buña jim asarim enġiali, mi ölum enġubapuköra mönö köl gulim enġimam. Injini mi buña qem anġuba mötnaripñini mianġören ala töndangöba kinje.

<sup>2</sup> Nöñon Ölöwak Buña jim asarim enġiali, injini mi mianġö dop töp memba anġön kölme ewö, mianġon mönö mem letot enġiiga Suepkö buñaya akñe. Mewö qahö akñe ewö, uruñini mönö öne töhön melenġa malje.

<sup>3</sup> \*Nöñon keu tosatñi pakpak ġorañe ala nanak Buña keu möt anġön kölali, mi mötñi öñġöiga mianġö keu kötni mötmegöra mi kewö enġial: Kraistnöñ mönö Buña Kimbi ahözawañġö dop nenġö siñġisöndokninañġöra aka kömuyök.

<sup>4</sup> \*Kömuiga Buña Kimbi ahözawañġö dop löm kölġetka sömañi karöbut aiga kömupnöñök wahörök.

<sup>5</sup> \*Kömupnöñök wahöta Pitögören asuhuyök aka mianġö andöñe gwarekurupñi 12 yenġören asuhuyök.

<sup>6</sup> Mianġö andöñe nalö mohot mianġörenök urumelen alaurupnini qötöñini 500 onġiröhi, mönö yenġören asuhuyök. Yenġörenök ambazip ölni yenñon toroqeba nalö kewöñe mewöyök maljemö, tosatñan lök kömuġet.

<sup>7</sup> Mianġö andöñe munñi Jeimġören asuhuyök aka mianġö andöñe aposol pakpak yenġören asuhuyök.

<sup>8</sup> \*Miengören körek asuhubagun qöndökñi mönö nöñgören mewöyök asuhuyök. Nöñon aposol mi asai ewö öröpköba aluñi asuhuyal.

<sup>9</sup> \*Mianġö könañi kewö: Nöñon aposol yenġö sutñine mötñi eriga dagibezupñini akzal. Anutugö urumelen könaġesö sesewerowero ak enġiba malali, mianġöra nöñgö qetni aposol qetketka mötñi gamuñambuk akza.

<sup>10</sup> Gamuñambuk akzapmö, nalö kewöñe yuai akzali, mi mönö Anutugö kalem möriamñan mem letota nam köl niñġiiga maljal. Yanñon kalem möriamñi niñġiiga liklak qahö akiga eta qeba omañi qahö ahökmö, nöñon mönö aposol körek luhut al enġiba köhöiba nup memba malal. Mi nanak qahöpmö, Anutugö kalem möriamñan mönö inahöm niñġiiga nupnañġö ölni mewö asuhuba sehiyök.

<sup>11</sup> Nöñon meali me yenñon meġetka ölni asuhuyöhi, mi muat. Nenñon mönö Ölöwak Buña keu mewö jim asarimakzin aka injini mianġö dop uruñini melenġa Kraist möt nariba malje. Mewö.

*Nini kömupnöñök denöwö guliba wahötpin?*

<sup>12</sup> Mötket! Kraistnöñ guliba kömupnöñök wahöröhi, yanġö könañi mewö jim asarimakzin ewö, enġörenök tosatñan mönö denöwö aka kewö jimakze, “Kömukömuñi yenñon qahö guliba wahötme.”

<sup>13</sup> Mewö jimakzemö, kömukömuñi yenñon qahö guliba wahötpeak ewö, Kraistnöñ mönö mewöyök qahö guliba mal köhöibawak.

<sup>14</sup> Anutunöñ Kraist qahö mem gulli kömupnöñök wahötpawak ewö, nini Buña keuñi mi jim asarimakzini mi omañi akawak. Mi möt narigetka mianġon mewöyök pömsöm qeba omañi akawak.

<sup>15</sup> Anutunöñ ölna kömukömuñi qahö mem gulim enġii wahötpeak ewö, Kraistnöñ mönö mewöyök qahö mem gulli wahötpawak. Nini mi töndup Anutugö könañi kewö nañġöba jimakzin, “Anutunöñ mönö Kraist mem gulli kömupnöñök wahörök.” Keu mi ölni qahö akawak, ambazipnöñ mönö mianġöra aka könañamnini miwikñaiġetka munenji aiga ölp nöñgöra kewö jibeak, “Anutugö könañi mönö nañġöba jim sohomakza.” Keu mianġon mönö gamuñamñuk akawak.

\* 15:3: Ais 53.5-12 \* 15:4: Sum 16.8-10; Mat 12.40; Apo 2.24-32 \* 15:5: Mat 28.16-17; Mak 16.14; Luk 24.34, 36; Jon 20.19 \* 15:8: Apo 9.3-6 \* 15:9: Apo 8.3



16 Anutunöŋ kömukömuŋi qahö mem gulim enġii wahötme ewö, Kraistnöŋ mönö mewöŋanök qahö guliba wahötpawak.

17 Anutunöŋ Kraist qahö mem guli wahötpawak ewö, inġini mönö öne töhöntöhön möt narim waŋgiba toroqeba ŋiŋisöndokŋinaŋgö kösöġwarönöŋ malbeak.

18 Mewö aiga alaurupninan Kraistpuk qekötahöba kömugeri, yeŋön mönö mewöyök sohoba könöp siagö buŋaya akeak.

19 Nini Kraist jörömqöröm ak waŋgiba gölmenöŋ malbinaŋgö dop galöm köl neŋġii miangöreŋ tekömapköra mambötzin ewö, nini mönö ambazip tosatŋi pakpak enġonġita bapŋine geba öngöpŋi daböŋi malinga körekŋan wösö mötmöt ak neŋġimakzeanġö dop akinak.

20 Mewö akinakmö, Kraistnöŋ mönö ölna guliba kömukömuŋi yeŋgö jitŋe memenini aka kömupnöhök wahörök.

21 Miangö könaŋi kewö: Azinöŋ kömup kondoriga asuhui könahiba kömumba mala korin. Kömumba maljinaŋgöra aka azi kunŋan kömumba guliba malmal köhöikŋi kondoriga asuhuyök. Miangöra nini körekŋan mönö mewöyök guliba kömupnöhök wahötpin.

22 Körek neŋön Adam ewö aka kömumbini, mewöŋanök Kraistpuk qekötahözini, Anutunöŋ nini körek mal köhöibingöra mem gulim neŋġima.

23 Mem gulim neŋġimappmö, körek neŋön mönö Anutunöŋ nalö alöhanġö dop guliba wahötpin. Kraistnöŋ jitŋememenini aka guliiga miangö andöŋe yaŋgö buŋaŋi akzini, neŋön liliŋöba kaiga nalö miangöreŋ guliba wahötpin.

24 Kraistnöŋ mönö liliŋöba kaba ömewöröme pakpak gölme dop ösum-mumu qakŋe galöm kölakzei, miangö kukŋini memba et ala ösumŋini körek köndenma. Mi könden da bemtohoŋi Anutu Iwigö böröŋe aliga gölmenöŋ malmal miangöreŋ teköma.

25 \*Kraistnöŋ galöm köla mal öngöiga Anutunöŋ Buŋa keu ahözawaŋgö dop “mönö kerökurupŋi körek luhut ala nanŋi köna bapŋe al enġima.” Kraistkö galömkölköl nupŋan mönö miangöreŋ teköma.

26 Kerökurupŋi luhut al enġiiga miangöreŋ kömup Tonjan mönö qöndökŋi aiga memba et al waŋgima.

27 \*Miangö könaŋi mi Buŋa Kimbinöŋ kewö ahöza, “Anutunöŋ mönö yuai pakpak yaŋgö köna bapŋe ali ahöza.” Keu mewö ahözappmö, “Yuai pakpak ali ahöza,” keu mewö jiiga könaŋi mönö aukŋe kewö ahöza: Anutunöŋ yuai pakpak Kraistkö bapŋe ali ahöiga nanŋi mönö qahö memba eta Kraistkö bapŋe al aŋguyök.

28 Mewö qahöpmö, Anutunöŋ yuai pakpak Nahönŋanġö bapŋe aliga galöm köla kerökurupŋi pakpak nanŋi kukösumŋanġö bapŋe al enġima. Mi teköiga miangöreŋ Anutunöŋ mönö Nahönŋi mewöyök nanŋi kukösumŋanġö bapŋe ala galöm köl waŋgima. Mewö aka Anutunöŋ yuai pakpakö Kembuŋi ak teköba mal öngöma.

29 Keu kun kewö: Ambazip tosatŋan uruŋini qahö melen da öne kömugeranġöra tosatŋan kömukömuŋi mi bauköm enġimegöra jiba salupŋini aketka dumŋe kunbuk o melun mem enġimakze. Kömukömuŋi yeŋön qahö guliba wahötpeak ewö, yeŋgö nup ölnan mönö denöwö asuhubawak? Anutunöŋ kömugeri, mi qahöpmahöp mem gulim enġii wahötpeak ewö, ambazip mewöŋan mönö denöwögöra aka jigetka yeŋgö salupŋine o melun mem enġimakze? Nupŋini mi mönö öne membepuk.

30 Kömumba qahö wahötpinak ewö, neŋön mewöyök mönö urunini Anutugö nupnöŋ qahö ala jöhöbinak. Anutugö nupköra aka kömumbinbukö lömböt bapŋe sundan qahö anda malbinak. Qahö.

31 Kömupnöŋ mönö nalö dop gwahöt niŋġimangö dop akza. Keu mi ölna. O urumelen alaurupni, nöŋön Kraist Jisös Kembunini yambuk kinda enġöra aka sileni memba öngömakzali, miangö dopkeu ölni mi aukŋe jibi mötmegöra mötzal.

32 \*Nani imbi-imbi wuatanaŋgöba nup ki memamgö mötmörize ewö, yuai kianön mönö

\* 15:25: Sum 110.1 \* 15:27: Sum 8.6 \* 15:32: Ais 22.13

denöwö baukôm ningima? Mewö qesim engibiga mi mönö mötmöriba melenje: Nöjôn Efesus siti kiangöreñ ambazip ubibi kanjamñinambuk ewö miwikñaiba kömumbilenbuköra yembuk auba malal. Mönö tötböröm aka auba malal. Kömumbagun qahö guliba wahötpini, mewö mönö qahö aubilenjak. Qahö! Mewö aiga ölop tosatñi yembuk kewö jibilenjak, “Uran kömumbinangöra mönö ölop nene sösöngai ala o köhöikñi nemba malbin.”

<sup>33</sup> Janjun kude akñe. “Ambazip bölöñi yembuk köisirik tatketka ahakmeme ölopñan bölöma.” Keu kun mewö ahöza.

<sup>34</sup> Engö sutñine tosatñan Anutu qahö möt wanğize, mianğöra gamuñini mötmegöra mi jizal. Mianğöra mönö gukmaulemñini mosötme. Imbiñinan letoriga törörök möta sinğisöndok kude toroqeba ahakñe. Mewö.

*Sileninan guliba wahöta tandökñi kun akña.*

<sup>35</sup> Kunöñ kewö qesibawak, “Anutunöñ kömukömuñi mi denöwö mem gulim engii wahötme? Sileninan mönö tandök denöwö melenjiga asuhume?”

<sup>36</sup> Mewö qesibawak, mönö uruqahö keuya jibawak. Inini sehoñ kötni qahö kömuiga öne qesin gilme ewö, mianjön mönö qahö jula wahötma.

<sup>37</sup> Kötnangö ipñi wahötmawi, mi qahö kömötzanmö, kötnanök qesin giljan. Wit me sehoñ kötni me kötni tosatñi gilakzan.

<sup>38</sup> Miyök gilakzanmö, Anutunöñ mönö sihimñangö dop ipñi wanğima. Kötni tandökñi nanñök nanñök mi nanñini ipñi engimakza.

<sup>39</sup> Yuai busuñini mi tandökñini mohot qahö. Ambazip busuñini nanñök, sömbup busuñini nanñök, nei busuñini nanñök aka söra busuñini mi nanñök.

<sup>40</sup> Mianğö dop Suepnöñ malmalgö sile mi nanñök akza aka gölmenöñ malmalgö sile mi nanñök akza. Nanñök nanñök akzahotmö, Suep silegö aködamunñi mi gölme silegö aködamunñi onğita qainñi kun akza.

<sup>41</sup> Wehögö asakmararañi mi nanñök, köingö asakmararañi nanñök aka senğelau miengö asakmararañini mi nanñök. Senğelau asarigetka tosatñi miengö asakmararañini mi senğelau tosatñi miengö asakmararañini onğirakza.

<sup>42</sup> Guliba kömupnöhök wahötpini, mianğö könañan mönö mianğö dop ahöza. Sile löm kölbini, mianjön gisahöba qahöwakñapmö, Anutunöñ mi mem gulli wahötmawi, mianjön mönö qahö kömuma.

<sup>43</sup> Sile löm kölbini, mianjön lölöwöröñi aködamunñi qahö akzapmö, Anutunöñ mi mem gulli wahöta mianğöreñ mönö köhöikñi aka asakmararañambuk akña.

<sup>44</sup> Sile löm kölbini, mianjön gölmenöñ malmalgö sileya akzapmö, Anutunöñ mi mem gulli wahöta mianğöreñ mönö uña mire malmalgö sileya akña. Gölmegö sile ahöza ewö, mianğö dop uñagö silenji mi mewöyök ahöza.

<sup>45</sup> \*Mianğö keuñi mi Buña Kimbinöñ mewöyök kewö ohoget ahöza, “Azi mutukñi Adam yañön letota uñañi miwikñaiba söngörö ösumñi öröba malmalñambuk ahök.” Keu mi möringa likepñi kewö asuhuyök: Adam qöndökñan mönö memguliguligö uñañi ahök.

<sup>46</sup> Uñagö yuainji mi mutuk qahö asuhuyökmö, gölmegö yuainji mianjön mönö mutukñi akza. Uñagö yuainjan mönö mianğö andöñe asuhuyök.

<sup>47</sup> Anutunöñ azi mutukñi sömsömnöhök miwikñaiaiga gölme azia asuhuyök. Azi könañepñi yañön mönö Suepnöhök eta sutnine asuhuyök.

<sup>48</sup> Gölme ambazipnöñ azi gölmenöhök asuhuyöhi, mönö yanğö dop akze. Suepkö buña akzinañön azi Suepnöhök eta asuhuyöhi, mönö yanğö dop akzin.

<sup>49</sup> Nini gölme azi mutukñangö kaisongolomñi memba maljini, mianğö dop Suep azigö kaisongolomñi mi mewöyök memba malbin. Mewö.

<sup>50</sup> O urumelen alaurupni, nöjôn keu kewö jibi mötme: Sep busuninan mönö Anutugö bemtohoñ uruñe anğota dum memegö dop qahö. Mi osimahot. Sile kianjön gisahöba

\* 15:45: Jen 2.7

qahöwakñawi, mianjon mönö oyaenköyaen qahö akña. Suepkö dum qahö ayapkömawi, sile kianjon mönö mi memamgö osima.

<sup>51</sup> \*Mötket! Nöñon keu tölapñi kun kewö indelmam: Körek neñon mönö qahö nöñ qeba kömumbin. Qahöpmö, kömukömunji yeñon letotketka tosatñi neñon mönö sileninambuk letotpin.

<sup>52</sup> Anutunöñ kömukömunji mem gulim enjiiga tömun qainñi kun qöndökñan qeriga miangöreñ wahötketka neñon biliksik aliga wölañök letotpin. Mutuk kömugeri, yeñon mönö kunbuk qahö kömume.

<sup>53</sup> Sep busu ki gisahöba qahöwakñawi, mianjon mönö letota qahö ayapkömawanjö dop akña. Sile ki kömumawi, Anutunöñ mi mönö opo ewö qeköba miangö salupñe sile qahö kömumawi, mi neñgii memba maluku ewö löñgötpin.

<sup>54</sup> \*Mewö akzapmö, letotletot mi ak teköiga silenini qainñi kun meinga qahö kömumba gisahömawi, nalö miangöreñ mönö söñgaibin. Buña Kimbinöñ keu ohoget ahözawi, mianjon mönö öñambuk aiga miangö dop kewö jime, “Yañon mönö kömup Tonji köndenja luhut aliga köirañ aljin.”

<sup>55</sup> \*Keu miangö alañi kun kewö, “O kömup Tonji, göñon mönö luhut almananjö dop qahö. O kömup Tonji, göhöreñ lingip jitñi mianjon mönö neñgöhömamgö osima.”

<sup>56</sup> Keu mewö ahözapmö, kömupkö lingip jitñi mi siñgisöndok ahakmeme. Jöjöpañ keuñan mönö siñgisöndok akinbukö sonjo aliga töndup ahinga kukñambuk ahakza.

<sup>57</sup> Kukñambuk ahakzapmö, Kembunini Jisös Kraistnöñ mönö Anutugöreñ bohon köliga alabauknini aiga yangöra aka luhut ala malbin. Miangöra “Anutu saiwap!” jizal.

<sup>58</sup> O wölböt alaurupni, luhut albinanjöra eñon mönö kin köhöiba anjanbanjan mosöta uruñini kude öngöba eta ahakña. Kembugöreñ qekötahöba nupñi megetka öñan mönö eta omanji qahö akña. Mi möt yaköba Kembugö nupñi mi mönö urukönöp\* qakñe böñ qeba pöndañ memba malme. Mewö.

## 16

### *Jerusalem alabauk enjimegö jimkutukutuñi*

<sup>1</sup> \*Judia könagesö sarakñi yeñgöra alabauk monen tokomegöra qesim niñgigeri, miangöra kewö jim kutum enjizal: Nöñon Galesia prowinsgö urumelen könagesöñi könagesöñi jim kutum enjiali, eñon tok mönö miangö dop kewö ahakñe:

<sup>2</sup> Sonda dop wehön mutukñi miangöreñ inini körek nanñök nanñök mönö naluk alakñe. Töhötmöriam memakzeanjö dop monenini bahöñi mi köweñini görañe ala galöm köla malme. Mewö aketka nalö engöreñ kabiga miangöreñ naluk sangabañga almeanjö dop qahö akñemö, mi ölop köweñineyök memba altanöñ alme.

<sup>3</sup> Mewö aketka engöreñ kamami, nöñon nalö miangöreñ ölop jim-asa-asari kimbi ohoba azi nup miangö mötket dop köljawi, mönö yeñgö böröñine ala melaim enjigiba mindimindiri kalemñini mi memba Jerusalem anme.

<sup>4</sup> Nöñon yembuk mohotñe anmamgö anmam ewö, yeñon mönö ölop nömbuk toroqeba mohotñe köwet kutuba anbin. Mewö.

### *Polgö nupñanjö aka köna anangö areñi*

<sup>5</sup> \*Nöñon Masedonia prowins onjita anmam. Miangöra Masedonia mosötagun mönö engöreñ kamamgö mötzal.

<sup>6</sup> Engöreñ kaba nalö tosatñi embuk tatpileñak me kömunjan kie nalöñi (winter) mi mewöyök engö sutñine toroqeba mal teköbilenjak. Mewö malbi ölop bauköm niñgigetka denike denike anbiljenjak, miangöreñ mönö amqeba köna toroqeba anmam.

\* **15:51:** 1 Tes 4.15-17 \* **15:54:** Ais 25.8 \* **15:55:** Hos 13.14 \* **15:58:** Urukönöp mi Kembugöreñ ölopñanjöra jiza. Urukönöp bölöñi mi qahö. \* **16:1:** Rom 15.25-26 \* **16:5:** Apo 19.21

<sup>7</sup> Nalö kewöñe engören kaba kusukñanök engeka engongita anmamgö qahö mötzalmö, Kembunöñ on jima ewö, mönö nalö tosatñi embuk tatmamgö jöjörözal.

<sup>8</sup> \*\*Mewö jöjörözalmö, mutuk Efesus siti kiangören toroqeba malbi yambu jeniqe qe dölökñi (pentekost) mianön kam kuñguma.

<sup>9</sup> Anutunöñ nongöra nupkö nanuñi ketanji öröi ölop nup ketanji membi ölni asuhum sehimakzapmö, gwötpukñan tuarenjon ak niñgimakze. Miangöra kiangören toroqeba malmamgö mötzal.

<sup>10</sup> \*Timotinöñ ni ewö Kembangö azi ipñi aka nupñi memba malja. Miangöra yanön engören kama ewö, inini mönö köyan köl wanjigetka kenjöt mötmötñi qahö engö sutñine malma.

<sup>11</sup> Kunñan kun kude ek sirik kölmapmö, embuk mal teköba nongören kamamgö jimawi, miangören mönö bauköm wanjigetka luainöñ engömosöta lilinöba kama. Nöñon urumelen alaurup yembuk i ekingö mambötzin.

<sup>12</sup> Urumelen alanini Apolos yangö keuñi kewö jimam: Yanön urumelen alaurup yembuk engören kamegöra jiba köhöikñanök uru kuñgum wanjal. Mi wanjalalmö, nalö kewöñe engören kamamgö tököm köhöiza. Könanjep nalöñi ölop ahöm wanjimawi, mönö miangören kama. Mewö.

### *Yaizözkök keu teteköñi*

<sup>13</sup> Inini mönö uruguliguli mala mötnariñini köl guliba kin köhöiba malme. Azi köhöikñangö dop mönö urugö nanönanö ambazip aka Kembangö kukösumñambuk kinme.

<sup>14</sup> Yuai pakpak aka memei, mi mönö urukalemnöñ aketka asuhuma.

<sup>15</sup> \*Stefanas yangö mire maljei, inini mi möt engize. Akaiia prowinsnöñ nup meinga uruñini melengetka nupninangö ölni mutukñi mewö asuhuyöhi, mötze. Yeñon ambazip sarakñi mi pondañ welen qem engiba uruñini miangören jöhöba ala maljei, mi mötze. O urumelen alaurupni, nöñon uruñini kewö kuñgum engizal:

<sup>16</sup> Inini tok ambazip mewöñi aka yembuk toroqeba nup mohotñe memba Anutu welenñi qemakzei, mönö körek yengö keuñini bapñe anda malme.

<sup>17</sup> Nöñon Stefanus Fortunatus aka Akaius ki kangerangöra söngaimakzal. Inini nömbuk Efesus ki qahö malgetka yeñon mönö engö salupñini aka köisirik ak niñgigetka dop kölja.

<sup>18</sup> Yeñon engö unañini körö-ölöwak qeba maljei, miangö dop mönö nongö unani mewöyök körö-ölöwak qem niñgiba malget. Miangöra inini mönö azi mewöñi yengöra mötket öngöiga mi aukñeyök jiba keuñinangöra törörök kezap ala malme.

<sup>19</sup> \*Urumelen könagesöñi könagesöñi Eisia prowins kiangören maljei, yeñon mönö yaizözkökñini algetka engören kaza. Aqila Prisila aka urumelen könagesö yetkö mire tokomakzei, yeñon mönö Kembangö qetñe yaizözkökñini gwötpuk algetka engören kaza.

<sup>20</sup> Urumelen alaurup pakpak Efesus ki maljei, yeñon mönö yaizözkökñini algetka engören kaza. Inini mönö urumelen alaurupñini yembuk jölöñini jiba anjum anjuba numbuñini yöhötim namba malme.

<sup>21</sup> Nani yaizözkökni engören ala qetni nani börönan kewö ohozal: Pol.

<sup>22</sup> Kunñan Kambu qahö jöpaköba urukalem qahö aka malja ewö, Kembunöñ mönö qesuakñi yangö qakñe ali öngöma. Kembunini, gi mönö kanöñ!

<sup>23</sup> Kambu Jisösgö kalem möriamñan mönö embuk ahöma.

<sup>24</sup> Kraist Jisösbuk qekötahöba kinjei, nongö urujöpaknan mönö körek embuk ahöba kötuatköm enji malme. Keu mi ölna. Mewö.



## **Korint Kimbi 2** **Polnön Korint yeŋgöra kimbi aliga 2 ahök.** **Jim-asa-asari**

Pol aka Korint urumelen könagesö yeŋön urumohot ölopni qahö aketka nalö mianğoreŋ Polnön Masedonia mala kimbiŋi ki ohoyök. Tosatŋan Pol tuarenjoŋ köhöikni ak waŋgigetmö, Polnön töndup aŋgururuk memba et ala yembuk urumohot akingö kapan kölök. Aŋgururukni tekömapkö urusösöŋgaiŋi kondel eŋgiyök.

Kimbi bahöŋi mutukni (Boŋ 1-7) mianğoreŋ Polnön Korint urumelen könagesö yembuk jöhöjöhö ahöhaŋgö keuŋi jiza. Könaŋi denöwögöra urumelen könagesö mi köhöikŋanök jim eŋgiyök? Mewö aiga uruŋi melenđa urumohot akeri, mianğö sösöŋgaiŋi kondela jim asariza.

Kimbi bahöŋi 2 (Boŋ 8-9) mianğoreŋ Judia urumelen könagesö bauköm eŋgiba naluk eŋgimegöra kuŋgum eŋgiza.

Kimbi bahöŋi 3 (Boŋ 10-13) mianğö keuŋi kewö: Böhi takapulakaŋi tosatŋan nanŋini qetŋini 'Aposol ölni' jiba Polgöra aposol muneni jigetka Polnön keu mianğö likepni melen eŋgiyök.

### **Buk kianğö bahöŋi bohonŋi 5 mi kewö:**

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yeŋgöra naluk alme 8.1-9.15

Polnön aposol ölni akzawaŋgö kukösumni 10.1-13.10

Keu teteköŋi 13.11-13

<sup>1</sup> \*Anutunöŋ sihimŋaŋgö dop Pol ni kuŋgum niŋgiiga Kraist Jisösgö melaimelai azi aposol akzal. Nöŋön urumelen alanini Timotibuk tatzit. Korint sitinöŋ Anutugö urumelen könagesö maljei aka ambazip sarakni pakpak Akaia prowinsni dop köla maljei, netkön embuk Buŋa keu eraum mötpingöra kaba kimbi ki ohozit.

<sup>2</sup> Anutu Iwinini aka Kambu Jisös Kraist yetkön mönö kalem möriam eŋgiyohotka luainöŋ malme.

*Polnön Anutu urukölalepŋaŋgöra möpöseiza.*

<sup>3</sup> Nini Kembunini Jisös Kraistkö Anutu Iwiŋi möpöseimakzin. Yaŋön mönö ak-kömukömu Toŋi aka urukölalep pakpak neŋgimakzawaŋgö Anutuŋi akza.

<sup>4</sup> Nini kahasililiŋ könaŋi könaŋi miwikŋaimakzini, nalö mianğoreŋ Anutunöŋ uruqesawölim neŋgimakza. Uruqesawölim neŋgii möta mianğö qakŋe kininga tosatŋan kahasililiŋ könaŋi könaŋi miwikŋaimakzei, mi mönö ölop anqeba uruqesawölim eŋgimakin.

<sup>5</sup> Mianğö könaŋi kewö: Kraistpuk qekötahöŋga yaŋgö sihimbölöŋan qaknine öŋgöi kelenmaleleŋ mörakzinmö, mianğö dop uruqesawölim mewöŋanök neŋgii Kraist qekötahöŋga urukölalepŋan urunine geiga kelenmaleleŋ mörakzin.

<sup>6</sup> Neŋön köŋjiliŋ uruŋe maljin ewö, Anutunöŋ mönö iŋini uru qesawölim eŋgii uruŋini kunbuk melenđa oyaenköyaen aŋgögöra mötza. Anutunöŋ uru qesawölim neŋgiiga eŋön mi eka nanŋinak uru qesawölim miwikŋaime. Uru qesawölim eŋgimakzawaŋgö ölnan mönö uruŋine kewö asuhumakza: Nini sihimbölö möriŋga eŋön tok sihimbölö miyöhök miwikŋaime ewö, mi mönö ölop möta mökösoŋda kin köhöiba malme.

<sup>7</sup> Sihimbölönöŋ qakŋine öŋgöi mörakzei, uru kölalepöŋ mönö mewöŋanök qakŋine öŋgöi malje, mötzin. Mi möta mianğöra eŋön kin köhöimegöra mamböta jörömqöröm köhöikni ahakzin.

---

\* 1:1: Apo 18.1

<sup>8</sup> \*O urumelen alaurupni, nini Eisia prowins uruje nup memba mala nupkö si-himbölö möta kahasililin miwikñaiba mörini, injini mianğöra gukmaulem malbepüköra mötzin. Nupkö lömbötñan ösumnini onğita öngöngöñi aka mulumgöm neñgiiga kin köhöibingö osiinmö, töndup kapan kölinga mem et al neñgiiga malin. Mewö asuhuiga toroqeba malbin me qahöwi, mianğöra mewöyök tötböröm aka malin.

<sup>9</sup> Mewö mala uruninan kewö mötmöriin: Kunöñ kömumbingö keuñi lök jim teköi keu mianön qaknine öngöi ayuhubingö mambörin. Nanini ösumnöñ nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömukömuñi mem gulim enğii wahötmei, yañon mönö amqeba nini mewöyök bauköm neñgimakña.

<sup>10</sup> Kömumbinbukö keñgöt mötmöt öngöngöñi ahinmö, Anutunöñ mönö mianğöreñök meköm neñgiyök. Meköm neñgiyök aka toroqeba meköm neñgimakña. Nini jörömqörömnini Anutugöreñ ala mewö möt narim wañgiba kinjin.

<sup>11</sup> Injini mewöyök bauköm neñgiba neñgöra aka köulukögetka meköm neñgimakña. Gwötpukñan neñgöra aka köulukögetka Anutunöñ möta mianğö likepñi meleni kalem möriamñan dop köl neñgi neñgehorimakña. Mewö meköm neñgiiga alaurup gwötpukñan mi möta neñgöra aka mindiriba möpöseigetka köirañ köulukñinan öngöba Anutugö kezapñe gemakña. Mianğöra mönö toroqeba nöngöra aka Anutu köulukökakñe. Mewö qesizal.

### *Polnöñ köna anangö areñi uteköyök.*

<sup>12</sup> Tosatñi injini nöngö könañamnanğöra uruyahöt akzei, mianğöra keu kewö jimam: Anutunöñ solanñi malbingö mörakzawi, neñon mianğö dop gölmeñi gölmeñi liliköba mianğöreñ ahakmeme sarakñi mi pöndañ wuatangöba malin. Enğö sutñine mi mönö kapan köla törörök wuatangöba malin. Mi gölme ambazip mötkutukutuninanğö dop qahöpmö, Anutugö kalem möriamñan inahöm neñgiyöhangö dop mi aka memba malin. Anutunöñ ahakmemeni mi eka nanğöba “Dop kölja,” jiiga urukezapnan keu mi mörakzal aiga mianğöra silenini memba öngömazin.

<sup>13</sup> Kulem ohomakzali, mianğö keuñi pakpak mönö ölop oyonda möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Mianğöra nöngö könani mi körek möt asarim tekömegöra möta jörömqöröm akzal.

<sup>14</sup> Nöngö könani mi lök bahösapsap kewö möt asarize: Kembunini Jisösnöñ kunbuk kamawi, nöñon mönö nalö mianğöreñ engöra aka sileni memba öngömam. Mianğö dop injini mewöyök ölop nöngöra aka silenini möpöseigetka dop kölma. Injini nöngö könani mewö möt asarim tekömegöra mötzal.

<sup>15</sup> Nöñon keu mianğö qakñe awösamkakak kinalangöra aka mutuk engöreñ kaba engekñangö areñi alal. Indimñi yahöt engekiga kötümötuet mötmegöra aka köna anmamgö areñi kewö albi ahöyök:

<sup>16</sup> \*Masedonia prowinsnöñ anmamgö könanöñ mutuk injini engeka toroqeba Masedonia anda lilingöba kunbuk engöreñ kamangö jial. Kaba malbi yuai tosatñi bauköm niñgiba melaim niñgigetka engömosöta Judia prowinsnöñ anmamgö möral.

<sup>17</sup> Areñni mewö albi ahöyökmö, mi uteköyal. Mewö aka an köl kam köl qakñe möndöba lañ qahö ahal. Nani areñni mi gölme ambazipkö dop nanangöra lañ mötmöriba qahö ahal. Mewö kude mötmörime. Numbu ösum mohot mianönök “On, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakñi wuatangömakzal.

<sup>18</sup> Anutunöñ keu jiba mianğö dop pöndañ ahakzawi, neñon mönö yangö jeñe kewö jim köhöizin: Neñon nalö kunöñ “On, mi ölop akin,” jim jöhöba mianğö andöñe “Mi qahö akin,” pötagororoñ keu mewö melenqelen qahö jiba malin.

19 \*Anutu Nahönnaᅅᅅö könaᅅi kewö: Nöᅅön Sailas aka Timoti yetpuk engö sutᅅine Kraist Jisösgö könaᅅi jim asariba malinga yaᅅön “Anutugö jitᅅi tem kölmam!” aka “Qahö tem kölmam!” keu jöl yahötyahötkö qakᅅe melenqelenᅅa qahö kaba malökmö, Anutugöra keu jiba jöhöyöhi, miangöra mönö “Oᅅ!” jiba miangö dop aka memba malök.

20 Anutunöᅅ jöhöjöhö keu (promis) sehiseᅅiᅅi dawik neᅅᅅiyöhi, qötöᅅini qahö mötzinmö, Kraistnöᅅ keu körek miengöra “Oᅅ!” jiba mem köhöiiga pöwöwöm ahöza. Miangöra Kraistnöᅅ mewöyök nam köl neᅅᅅi keu miengö ölninan asuhui möta “Keu mi ölna,” jibin. Mewö ahinga Anutugö qetbuᅅaᅅan sehimakᅅa.

21 Anutu nanᅅak mönö nini aka iᅅini mohot mem köhöim neᅅᅅiiga Kraistpuk qekötahöba kin köhöibin. Yaᅅön mönö Buᅅa keu jim sehibingöra aka bedu mem neᅅᅅi maljin.

22 Anutunöᅅ urunine Uᅅa Töröᅅi mekötahöiga yaᅅön oyaenᅅoyaen malbingö keuᅅi naᅅgöba jim köhöimakza. Anutunöᅅ mewö aka buᅅaᅅi akzinangö muᅅgem supapᅅi mi mekötahöm neᅅᅅiyök.

23 Nöᅅön tembula lömböt engibileᅅbuköra möta zilaᅅ Korint engöreᅅ qahö liliᅅgöba kayal. Mewö jiba Anutugö qetᅅi qetᅅi ölop keuni mi naᅅgöba jima.

24 Silik denöwö aka Anutu möt narimakzei, miangöreᅅ kembu ak engimangö qahö mötzal. Mötnariᅅᅅinan lök töndangöm engiiga kin köhöimakze. Miangöra sösoᅅᅅai qakᅅe malmegöra bauköm engimangö möta embuk mohotᅅe urugö nup memakin. Mewö.

## 2

1 Mutuk engöreᅅ kaba siksauk akerangöra jim engibiga gamuᅅini möta wösöbirik aket. Miangöra engöreᅅ kabiga kunbuk mewö akepuköra möta urunan keu jöhöba köna anangö areᅅni uteköyal.

2 Miangö könaᅅi kewö: Gamu qem engibi wösöbirik akeak ewö, daᅅön ölop uruni qesawölim niᅅᅅiiga kunbuk sösoᅅᅅai miwikᅅaibileᅅak? Janjuᅅinangöra aka jim engibi wösöbirik akeak ewö, tosatᅅan sösoᅅᅅai ak niᅅᅅibingö osigetka nanak mewöyök wösöbirik aka malbileᅅbuk. Miangöra zilaᅅ kaba gamu qem engimangö töközal.

3 Kimbi köhöikᅅi mi könaᅅi kewögöra ohoba alal: Nöᅅön söᅅᅅaibiga körek eᅅön mönö nömbuk söᅅᅅaime. Nöᅅön iᅅini körek mewö uruyahötᅅi qahö möt narim engizal. Nöᅅön tosatᅅi engöra sösoᅅᅅai miwikᅅaimangö mötzalmö, kabiga könaᅅamᅅini sohoi laᅅ malgetka enᅅeka wösöbirik akileᅅbuk.

4 Wösöbirik akᅅegöra kimbi mi qahö ohoyalmö, önöᅅi qahö uru jöpaköm engimakzali, iᅅini miangö könaᅅi möt yakömegöra mönö keu köhöikᅅi mi kimbinöᅅ ohoyal. Urunan engöra aka waimanᅅat ketanᅅi möta köᅅᅅiliᅅ qakᅅe tata imbilnan eriga ohoyal. Mewö.

### *Kunᅅan köna oᅅᅅiröhi, yaᅅgö siᅅᅅisöndokᅅi mönö mosötme.*

5 Kunöᅅ siᅅᅅisöndok aiga gamu aka wösöbirik asuhuyöhi, miangön mönö nöᅅgö qakneyök qahöpmö, körek engö qakᅅine mewöyök öᅅᅅöyök. Keu mi jim qaribi sohoba-puköra mönö kewöyök jimam: Gamu miangön mönö körek dop köl engi miangöra gwötᅅuk me borom kun wösöbirik aket.

6 Könaᅅesö ölnan keuᅅangö likeᅅᅅi melenᅅ waᅅᅅigeri, miangön mönö dop köl waᅅᅅi uruᅅi kunbuk melenᅅök.

7 Nalö kewöᅅe gamu aka wösöbirik keta bölokᅅi möriᅅa miangön jem keleleᅅgöbapuköra mönö lömböt kude toroqem waᅅᅅime. Lömböt qahöpmö, mönö kapanᅅ köla siᅅᅅisöndokᅅi mosöta urukölalep ak waᅅᅅime.

8 Miangöra kewö uru kuᅅᅅum engizal: Iᅅini mönö keu jöhöba urukalemᅅini kunbuk toroqeba köhöiba kondel waᅅᅅiba malme.

\* 1:19: Apo 18.5

<sup>9</sup> Nöñön kimbini mi kewögöra ohoyal: Inini nöngö keuni pakpak tem köla esapesapnön kin köhöime me qahö tem köla töteköba etme, mianğö könañi kewöta mötmamğöra möta mi ohoyal.

<sup>10</sup> Inini kungö siñgisöndokñi mosötze ewö, nöñön mi mewöyök mosöt wañgizal. Bölöñi ak niñgiyöhi, mianğöra qahö mötpi öngözapmö, eñön kunbuk ölöwaka mindirim añgumegöra mötzal. Mianğöra bölöñamñi mi lök Kraistkö jeñe ölna mosöt wañgibiga teköyök.

<sup>11</sup> Satanöñ areñi ala silenöñ alal könañi könañi ahakzawi, mianğöra tönpin qahö maljal. Mianğöra Satanöñ luhut al neñgibapuköra aka azi mianğö siñgisöndokñi mönö mosöt teköme. Mewö.

*Polnöñ Troas mala Taitusgöra waimanjat mörök.*

<sup>12</sup> \*Nöñön Kraistkö Ölöwak Buñani jim sehimamğöra aka Troas taonöñ anbiga Kem-bunöñ nanğu öröm niñgiiga nupñi mianğöreñ memamğö amqeyök.

<sup>13</sup> Mewö amqeyökmö, urumelen alani Taitus qahö miwikñaibi keunini qahö jii möralağöra aka waimanjat möta luainöñ urune qahö ahöyök. Mianğöra yaizökzökñini jiba eñğomosöta Taitus jarumamğöra Masedonia prowinsnöñ anal. Mewö.

*Kraistnöñ ösum neñgiiga luhut alakzin.*

<sup>14</sup> Neñön Anutu kewögöra möpöseimakin: Kraistkö buña aka welenñi qeinga Anutunöñ nalö dop suahö galöm ewö aka neñguanğiriga anda köirañ kölakzin. Luhutnöñ plaua juranağö wörönñi ölopñi memba kaiga mörakzin. Mianğö dop Anutunöñ nam köl neñgiiga denike denike liliköba Kraistkö könañi jim asariinga aukñe asuhum sehiba aniga gölme dop mörakze. Mianğöra Anutu möpöseimakzin.

<sup>15</sup> Mianğö könañi kewö: Neñön ambazip Suep mire öngömei aka könöp sianöñ gemei, yeñgö sutñine anda kainga wörönini sarakñi mörakze. Kraistkö könañi jim sehiinga Anutunöñ nupninağö wörönñi möt ölöwahakza.

<sup>16</sup> Könöp sianöñ gemei, yeñön Buña keunini mötketka mianğön keunini jim teköiga kömum köhöimegö möta mönö qamötkö mumu wörönñi ewö akza. Suep mire öngömei, yeñön Buña keunini mötketka oyaenköyaen engimapkö möta mönö malmal kömbönañanğö wörönñi umköhökambuk ewö akza. Dañön nup mewöñi memawañgö dop akza?

<sup>17</sup> Ambazip tosatñi gwötpukñan mönö ni ewö qahö akze. Yeñön malmalñini nañgöbingöra möta Anutugöreñ keu mi kölköl-örörö ewö lañ memba ala jimakze. Nöñön yeñgö dop qahö ahakzalmö, Kraist qekötahöba köñbiñ mosöta uruni sarakñi aiga kinjal. Anutunöñ melaim niñgiyöhi, mi möta yañgö jemesoholñe kinda Buña keunji törörök jim sehimakzal. Mewö.

### 3

*Jöhöjöhö areñ dölökñanğö nup meme ambazip akzin.*

<sup>1</sup> Nanak könañamni kunbuk könahiba jim ölöwakñamañgöra mötmörize me? Mi qahö. Nup meme ambazip tosatñan Korint eñön yeñgö könañini mötmegöra möta jim ölöwak kimbi ohobingö kapañ kölakze. Tosatñan Korint eñön yeñgö könañini nañgöba jiba jim ölöwak kimbiñi kimbiñi ohomegöra inini kuñgum engimakze. Nöñön nupni diñdiñanök mealanğöra jim ölöwak kimbi mewöñañgöra qahö osizal.

<sup>2</sup> Anutunöñ Korint inini böröne al engii letota wölböt kötñi aka nanñinak nöngö jim ölöwak kimbini ewö akze. Anutunöñ nöngö jim ölöwak kimbini mewö ohoiga ambazip körekñan silik tandökñini dölökñi mi eka oyoñmakze.

<sup>3</sup> \*Inini Kraistkö papia kimbi ewö akzei, mianğön aukñe ahöza. Mosesnöñ Köna keunji nañim onji inñk mianğön köt tafenöñ ohoyöhi, inini mianğö dop qahö akzemö, Kraistnöñ kimbiñi engö uruñinağö tafene kewö ohoi kinje: Neñön nup meinga ölni asuhui

\* 2:12: Apo 20.1 \* 3:3: Eks 24.12; Jer 31.33; Eze 11.19; 36.26



Kraistnön Anutu malmal köhöikni Tonangö Uñani uruñine ali letotket. Ambazipnön nupninañgö ölni mi eketka mianñon bauköm enñiiga nupninañgö könañi möt asarimakze.

<sup>4</sup> Kraistpuk qekötahöinga Anutunön nupninañgö tandökni mötza. Mianğöra nup meinga inñi Kraistkö buñani akeri, mi ölop Anutugö jeñe awösamkakak kinda jizin.

<sup>5</sup> Nanini köhököhöi qakñe nup ölopñi ki Anutugö jeñe membinañgö dop akzini, mewö ölop qahö jibin. Nanini yuai kunön qahö lapingömakzinmö, Anutunön nanñök inahöba mötmöt neñiiga nup ki memakzin.

<sup>6</sup> \*Anutunön inahöba mötmöt neñiiga jöhöjöhö areñ dölökñangö nup meme ambazip akzin. Mosesgö Köna keuñangö kulemñi mohot mohotköra urukönöp akinak ewö, keu mianñon mönö keunini jim teköiga kömum köhöibinak. Uña Töröñangö nup areñi jim asariinga yañon mem gulim neñiiga mal köhöibin. Mianğöra Köna keugö areñi miyök wuatangömegöra qahö kapan kölakzinmö, Uña Töröñi möt angön kölmegöra uru kuñgum enñimakzin. Mewö.

*Jöhöjöhö areñ dölökñangö nupñi mi aködamunñambuk.*

<sup>7</sup> \*Anutunön Köna keuñi jiba kulemñi kötnön möndömgöba ohoyökmö, ambazipnön mi qahö tem kölgetka Anutunön keu mianğö dop kewöta likepñi melen enñiiga kömumba köhömuñi mala kotket. Anutunön mutuk Köna keuñi neñiiga nalö mianğöreñ asakmararañan Mosesgö jemesoholñi qei asariyök. Asakmararañ mianñon waziba ayapkömawañgö dop ahökmö, mi töndup Israel ambazipnön jemesoholñi törörök uba ekingö dop qahö aket. Gwötpuk asariyöhañgöra mi osiget. Köna keugö Buña areñ walñan lök mewö asakmararañambuk asuhuyök.

<sup>8</sup> Mewö asuhuyökmö, Uña Töröñan Buña areñ dölökñi neñii mianğö asakmararañan asuhumawi, mianñon mönö jöhöjöhö areñ walñangö asakmararañi onğita önöñi qahö asariba jenini gamugamu ahakña.

<sup>9</sup> Mutuk Mosesgö Köna keu asuhuba kewöt neñiiga mianğö dop könöp siagö buñaya akzin. Buña keu mi lök aködamunñambuk asuhuyök. Mianğöra Anutunön keunini kewöta jim teköi solanibini, Buña keu mianğö aködamunñan mönö keta bölökñi akza. Mianñon jöhöjöhö areñ walñangö aködamunñi mi gwötpuk onğita qetbuñañambuk akza.

<sup>10</sup> Buña nup walñan mutuk aködamunñambuk ahökmö, mi Buña nup areñ dölökñambuk mindiriba kewöringa walñi mianñon mönö qetbuñani qahö akza. Uña Töröñangö nup areñ mianğö aködamunñan onğöngöñi akzawañgöra nup areñ walñan mönö yuai omani ewö akza.

<sup>11</sup> Anutu amötqeqeñangö köna walñan lök waziba ayapkömawañgö dop ahök. Mianñon lök asakmararañambuk asuhuyök. Mianğöra köna dölökñi teteköñi qahö ahöm onğömawi, mianğö asakmararañan mönö köna mutukñangö asakmararañi mi önöñi qahö onğita jenini gamugamu ahakza.

<sup>12</sup> Jöhöjöhö dölökñan teteköñi qahö bauköm neñiiga asakmararañan asuhumawi, mewö Anutu jörömqöröm al wañgimakzin. Mianğöra keñgötnini qahöpmahöp möta awösamkakak kinda keu mi kusum enñimakzin.

<sup>13</sup> \*Mosesnön Israel ambazip asakmararañ waziba ayapköyöhi, mi ehibepuköra manjat möta jemesoholñi opo jahönñan esuhuyök. Neñon mianğö dop qahö ahakzinmö, Buñanini aukñeyök jimakzin.

<sup>14</sup> Buña walñangö asakmararañi eketmö, uruñinan töndup gwözöñni lañ mala kotket. Nalö kewöñe mewöyök yuai kunñan mönö opo jöhan mianğö dop Juda ambazip gwötpuk yeñgö uruñini gwözöñni malje. Mianğöra Jöhöjöhö Walñangö Buña keuñi keuñi oyonjei, miengö könañini mi törörök qahö möt asarimakze. Uruñini melenja Kraistpuk toroqetka mewö mianñonök mönö opo jöhanñini mi qeköi möt asarime.

\* 3:6: Jer 31.31    \* 3:7: Eks 34.29    \* 3:13: Eks 34.33

<sup>15</sup> Nalö kewöñe mewöyök Mosesgö Köna keuñi oyoñgetka yuai kunñan mönö opo jöhan ewö uruñi gwözöñni mötmötñinan lömbörii malje.

<sup>16</sup> \*Mewö maljemö, Buña Kimbigö keu kun kewö ahöza, “Mosesnöñ ‘Kembubuk eraum mötpit,’ jiba opo jöhanñi mesoholñeyök qeközapma.” Keu mewö ahöiga yengöreñök kunñan uruñi melenña Kembubuk toroqezawi, nalö mianğöreñök mönö yuai opo jöhanñangö dop mi qeköi Anutugö amötqeqeñangö könañi möt asarima.

<sup>17</sup> Keu mianğön “Kembugöra” jiba mi mönö Kembugö Uñañangöra jiza. Kembugö Uña Töröñan denike yengö uruñine maljawi, yañön mönö siñgisöndokñinañgö kösöñi pösariga solanñi (fri) malje. (Mewö mala solanñi diñdiñi akingöra Köna keu wuatangöbingö qahö kapan kölakze.)

<sup>18</sup> Mianğö dop urunini melenña Kembugö asakmararañan körek neñgö je mesoholnine kuñguiga bilikbilik aliga jenini qahö esuhuinga ambazipnön neñgeka Anutugö aködamunñi qetpuk mi piliknön uba ehökö tandök ehakze. Nini mi qarim sehiba ehakñeangö dop letorakin. Mewö letota aködamunñi qetpuk mi qariba asariba Kembugö tandöktandök ahakin. Kembunöñ Uñaya akzawi, yañgö asakmararañan mönö mewö mem letot neñgimakza. Mewö.

## 4

### *Nini kourañen ewö ahinga Uña Töröñan öñi akza.*

<sup>1</sup> Anutunöñ ak kömum neñgiyöhañgö dop nup ki qaknine ali memakzini, mianğöra mönö böñ kininga uruninan qahö etma. Qahö!

<sup>2</sup> Neñön nup memegö köna tölapñi gamuñinambuk mi körek andö qein. Tilipqilip qahö aka Anutugö keuñi qahö möwöramgömakzinmö, keu öñi mi aukñeyök alakzin. Mewö Anutugö jemesoholñe ambazip uruölöwak möt neñgimegöra kininga jim ölöwak keuninan asuhui körekñan keunöñ törörök jim neñgibingö osimakze.

<sup>3</sup> Mewö ahakzinmö, inini tosatan kewö jimakze, “Polnön Ölöwak Buñañi mi esuñambuk jimakza.” Mewö jibileñak ewö, esu mianğön könöp sianöñ gemei, mönö yengö uruñine ahöba mianğöra gwözöñniga qakömakze.

<sup>4</sup> Kraistnön Anutugö imutñi akza. Kraistkö aködamunñi mi nanñi Ölöwak Buñañan indela asakñi ewö asarimakzapmö, yengö jeñinan ömuñ köli jipjap ahakza. Nalö kewöñe bölöñangö Kembuñi gölme dop galöm köl ençgimakzawi, yañön urumelenğö kopa ambazip yengö mötmöt jeñini mem gömöliiga lañ malje. Mianğöra Ölöwak Buñagö asakñi ek asaribingö osimakze.

<sup>5</sup> Nani qetbuñanan qarimapkö Buña keuñi qahö jim asarimakzalmö, eñön Kembu Jisös Kraistkö könañi möta jitñi tem kölmegöra uru kuñgum ençgimakzal. Neñön Kembugö jitñi wuatangöba inini welen qem ençgimakzin.

<sup>6</sup> \*Könañi kewögöra welen qem ençgimakzin: Anutunöñ mutuk kewö jim kutuyök, “Asaknan mönö söñaup qeiga asarima.” Mewö jiyöhañön mönö Buñañangö asakñi ali urunini qeiga asariyök. Kraistnön ahakmemeñi aka meiga Anutugö asakmararañan jemesoholñe asarii ekeri, Anutunöñ nini mianğö könañi möt kutubingöra kapan kölakza. Asakñangö könañi jim sehibingöra aka asakñi mi neñgiyök.

<sup>7</sup> Asakñan urunini qei asariinga mötkutukutu mianğö bohonñi mi milyön kina onçgita öngöngöñi akzapmö, silenini mi kourañen ewö amqeba julakza. Anutu asakñan mönö sile mewöñangö uruñe ahöza. Ambazipnön mianğö könañi ekñegöra Anutunöñ areñi al neñgiyök. Dopkeu mianğö könañi kewö: Kukösum önöñi qahö al neñgimakzawi, mi neñgöreñök öne asuhumakzawangö dop qahöpmö, Anutunöñ mönö mianğö Tonji akza.

<sup>8</sup> Eu emu likep likep mianğöreñök lömböt könañi könañi qaknine öngöba qölölömbörim neñgigetka wahöjalñ mörakzin. Mi mörakzinmö, töndup mienñön qahö

\* 3:16: Eks 34.34 \* 4:6: Jen 1.3

qözöjahöm nenngigetka erakzin. Nalö tosatne jun ewö wanngömne qaköba köna qahö miwikñaimakzinmö, töndup tötböröm qahö ahakzin.

<sup>9</sup> Ambazipnöh sesewerowero ak nenngimakzemö, Anutunöh andö qahö nenngumakza. Ambazipnöh mulumgöm nenngimakzemö, töndup qahö ayuhumakzin.

<sup>10</sup> Jisös qem kömugeri, miangö dop nini mewöñanök buñaji jim sehimakzinangöra aka nennguguet kömumbinbukö möta anda kaba maljin. Jisösbuk mal köhöninga inahöm nenngimakzawi, ambazipnöh miangö könañi möt kutumegöra aka mewö malbingö urumohot akzin.

<sup>11</sup> Gölmenöh jebuk mala Jisösgö nupñi memakzinangöra aka nalö dop kömumbingö dop akzin. Sileninan kömumawangö dop akzapmö, Jisösnöh urunine mal köhöiba silenini mem gulimakzawi, ambazipnöh miangö ölni ek asarimegöra aka kinjin.

<sup>12</sup> Nini nalö dop sihimbölö möta kömumbingö dop ahakzinmö, nöñon engö sutñine nup memba malali, enñon miangöra aka guliba malmal köhöikne angota mal öngöme.

<sup>13</sup> \*Sumbara (Sam) kunöh keu kewö ohoget ahöza, “Anutu möt nariba kömupnöhök meköm niñgimapkö köuluköba malal.” Neñon keu miangö dop kömupnöhök meköm nenngimapkö möt narizin. Mötnaripkö Uña Töröñi miyök buña qem anğuzinangöra neñon mönö mewöyök keunini jiba köulukömakzin.

<sup>14</sup> Anutunöh Kembu Jisös mem gulli kömupnöhök wahöröhi, yañon mönö nini mewöyök mem gulim nenngii wahöta Jisösbuk öngöinga jemesoholne al nenngii embuk mohotne mal öngöbin. Mi mötzinangöra aka keunini jiba köulukömakzin.

<sup>15</sup> Keunini jiba köuluköinga Anutugö kalem möriamñan toroqeba ambazip sehisehiñi dop köl engima. Mewö aiga yeñon amqeba Anutu kelenmaleleñ möpöseigetka qetbuñanan sehimakza. Enñon mewöyök Anutu möpöseim sehimegöra mötzal. Miangöra lömböt könañi könañi bisiba aum-möriba maljin.

#### *Mötnarip malmalñangö tandök mi kewö:*

<sup>16</sup> Nini mem gulim nenngimapkö möta mönö böñ qeba kininga uruninan qahö etma. Ölna silenini ewö waziba soholimakzinmö, mi töndup urunini ewö nalö dop kölönaimakzin.

<sup>17</sup> Mi kewögöra: Gölmenöh kahasililiñ nalö töröptökñi möta malbinmö, miangö andöñe asakmararañ önöñi qahö miwikñaiba teteköñi qahö oyaenkyoaeñ malbin. Asakmararañ aka kahasililiñ yahöt mi kewöt etkiinga asakmararañ mianñon mönö öngöngöñi aiga gölmegö kahasililiñ könañi könañi mi möringa awamñi aka eretñi akza.

<sup>18</sup> Ambazip aka öröyuai jenöh ehekñi mi nalöñini teköi ayapkömemö, Suep mirigö öröyuaiñi nalö kewöñe qahö ehakzini, mienñon mönö nalö teteköñi qahö ahöm öngöme. Miangöra neñon jeninan ehekñi mia qahöpmö, qahö ehekñi mönö miengöreñ göröken uba engehakzin. Mewö.

## 5

#### *Polnöh Suepkö oyaenkyoaeñ koumnöh anmamgö mörök.*

<sup>1</sup> Neñon keu ki mötzin: Gölme silegö opo seri koumne malinga kömupnöh mi köndeniga etmawi, Anutunöh nalö miangöreñ silegö miri dölöknñi nanñak meiga Suepnöh ahömawi, mi buña qem nenngiiga miangöreñ malbin. Silegö miri qainñi kun mi teteköñi qahö köhöikñi ahöm öngöma.

<sup>2</sup> Keu mi möta nalö sutne kiangöreñ letotpingö osongom köla Suep malmal mirinine öngöbingö möta awöwenngömakzin.

<sup>3</sup> Suepnöh öngöinga sile qainñi kunöh löngöt nenngii tatpini, nalö miangöreñ mönö uña sile meinga kunñan aukne qahö miwikñaim nenngima.

\* 4:13: Sum 116.10

<sup>4</sup> Gölme sile ki qekömegöra qahö mötzinmö, Suep malmal mirinine öngöba silenini dölökñi membingö awöweñgömaksin. Sile ki kömumawi, mi malmal köhöikñan gwahöri qahöwahiga Anutunöñ salupñe oyaenköyaen sileya neñgimapkö mötzin. Mianğöra nalö kewöñe seri koum kianğö uruñe mala urulömbötnini bisiba letotpingö osongom ahaksin.

<sup>5</sup> Anutu nanñak Suep sile membingöra möta miwikñaim neñgiba Uña Töröñi urunine aliga oyaenköyaen akingö dangunuñi akza.

<sup>6</sup> Mianğöra neñön mönö nalö dop ewebibininambuk saitingit mal köhöiba kewö mörakzin: Sileninangö malmal koumnine ki malbini, nalö mianğö dop eu Suep malmal mirinine Kembu Jisösbuk qahö malbin.

<sup>7</sup> Nalö kewöñe Suep mirigö öroyuaini qahö uba engehakzinmö, töndup mi möt nariba mianğö dop aka memba malinga nam köl neñgimakze.

<sup>8</sup> Mianğöra ewebibininambuk köhöiba sileninanğö malmal koumñi ki mosötpingö kapañ köla mirinini ölni eu öngöba Kembubuk malbingö mötzin.

<sup>9</sup> Mianğöra mirinine ki me eu malbini, neñön mönö urunini Kembu Jisös uruölöwak ak wangibingöra jöhöba mianğöra köhöiba kapañ kölaksin.

<sup>10</sup> \*Mianğö könañi kewö: Körek neñön mönö Kraistkö keu jakeñe asuhubin. Gölmenöñ silebuk mala Kembugö jitsihitñi dopñe tem kölini me qötömötötañ ahini me önewat lañ malini, nanñak mönö keunini mi kewöta mianğö dop töwanini nanñök nanñök neñgii buña qem anğubin. Mewö.

*Ambazip Anutubuk urumohot akñegö nupñi memaksin.*

<sup>11</sup> Kraistkö keu jakeñe kinbini, neñön mi möta Kembugö mötmötni ongitpinbuköra kenğötnini mörakzin. Mi mötzinangöra ambazip könanini sarakñi mötmegöra kapañ köla uru kuñgum ençimaksin. Könaninan mönö Anutugö jeñe aukñe ahöza. Nöñön tilipqilip azia qahö, enñön mewöyök mi uruñinan möt yakömegöra möta jörömqöröm akzal.

<sup>12</sup> Mewö jiba nanini jim ölöwak keunini mötmegöra kunbuk qahö kapañ kölakzalmö, könanini miyök jim asarim ençimangö mötzal. Inini mi möta ölop neñgö silenini mi böhi takapulakañi yeñgö jeñine möpöseigetka dop kölma. Yeñön yuai enğö uruñine ahözawi, mianğöra qahöpmö, sileninanğö yuaini jenöñ ekingö dop akzawi, mönö mianğöra aiweliköba nanñini silenini memba öngöba keu lañ jimakze. Mianğöra keuni ki jizal. Enñön yeñgö keuñini gilipitñi (ambetakñi) mötzeanğöra mönö neñgö könanini jim asariba törörök melen ençime.

<sup>13</sup> Enñön nöngöra “Urusohop tandök ewö akza,” jiget ewö, nöñön mönö Anutu nupñanğöra aka urukönöp aka malal. Tosatñan nöngöra kewö jize, “Urukönöpñi qahöpmö, keuñi ösöñök jimakza,” Mewö jize ewö, mi mönö inini bauköm ençibingöra aka ahal. Mianğöra ölum ençubapuk.

<sup>14</sup> Mianğö könañi kewö: Kraistnöñ jöpaköm neñgimakzawi, mianñön mönö kondota kuñgum neñgiiga nupñi memaksin. Azi mohotnöñ körek neñgö salupnine neñgö kömupnina kömuyök. Mianğöra siñgisöndokninanğö likepñi qahö melen neñgiyökmö, körek neñgö siñgisöndoknini mosöri toroqeba köhömuñi qahö akzin. Keu mi möt asariba möt yaközini, Kraistkö urukalemñan mönö körek nini jölöngöba nupñi membingöra kuñgum neñgimakza.

<sup>15</sup> Yañön mönö kewögöra körek neñgö salupnine kömuyök: Gölmenöñ jebuk maljini, neñön mönö malmalnini toroqeba naninanğörök malbinbuk. Mewö qahöpmö, kun neñgöra aka kömumba wahöröhi, malmalnini mönö yañgöra tököba ala malbingöra kömuyök.

<sup>16</sup> Mianğöra urunini melenñini, nalö mianğöreñök könahiba ambazip silesile qahö kewöt ençizin. Ambazip kun gölmenöñ silikñanğö dowök qahö möt kutum wangizin. Mutuk Kraist kewöta möringa gölme azi töhön ahökmö, nalö kewöñe möt kutum wanginga Suepkö Amötqeqe Tonina akza.

\* 5:10: Rom 14.10



17 Mianğöra kunjan Kraistpuk qekötahöza ewö, yanjon mönö ahuahü dölökñi ahüba dömnji dölökñi akza. Malmal waljan ayapköiga malmal dölökñan mönö salupñe asuhum wanğiza.

18 Mewö maljapmö, yuai pakpak miangö kondotkondot Tonji mi Anutu. Yanjon Kraist melaiiga töwanini qeba neğömeiga Anutu nanñambuk urumohot akingö könañi möwölöhöyök. Köna mewö asuhuiga Anutunöñ nup neñgiiga neñön ambazip Anutugö alaurupñi akñegöra jölöngöba kuñgum eñgimaksin.

19 Anutubuk urumohot akingö könañi kewö: Kraistnöñ eta gölmeñi gölmeñi neğö töwanini qeiga dop köli Anutunöñ neğömeiga alaurupñi ahin. Köna onğita mala korini, siñgisöndok mienğö keuñini qahö oyoñda mötmöriba likepñi qahö melen neñgiyök. Anutugö alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börönine alök.

20 Mi aliga Kraistkö jitñememeurupñi akzin. Anutunöñ keu sañep al neñgi miangö dop ambazip uruñini kuñgum eñgimaksin. Kraistkö jitñi memba kapan köla kewö qesim eñgimaksin: Mönö Kraistkö töwañi buña qem anğuba Anutugö alaurupñi akñe.

21 Anutunöñ körek neğö siñgisöndokninañgö keuñi jim teköba likepñi melen da Kraist siñgisöndok kun qahö ahöhañgö qakñe ali öngöiga salupnine sihimbölo mörök. Kraistkö sihimböloñi miangöra aka yanğoreñ qekötahöinga Anutunöñ ölop keunini jim teköi solanibin. Mewö.

## 6

1 Nini Anutu nanñangö nup meme alaurupñi akzinañgöra aka uruñini kewö kuñguzin: Anutugö kalem möriamñan omani akapuköra mi mönö buña qem anğuba malme.

2 \*Anutunöñ keu kun kewö jii Buña Kimbinöñ ahöza,  
 “Gehorimangö nalönan kam kuñguiga nöñön köuluki möral.  
 Amötqeçe nalönan kam kuñguiga miangöreñ bauköm gihial.”  
 Keu mewö ahöiga mötket! Nalö dölkianjon mönö Anutugö amötqeçe nalöñi akza. Anutunöñ eñgehorimangö möri nalönan kam kuñguiga ak-kömukömuñi mi mönö dölk buña qem anğume. Mewö.

*Polnöñ kahasililiñ könañi könañi miwikñaiyök.*

3 Neñön mönö kungö uruñan neğöra aka bölii etpapuköra galömnini mem anğumaksin. Jim neñgigetka nupninan keuñambuk aka etpapuköra mewö ahaksin.

4 Anutugö nup meme ambazip ölop sorokñi akzini, ahakmeme pakpakninan mönö mi kondelakza. Kahasililiñ aka jangauranga könañi könañi ak neñgigetka wahöjalini uruñe maljinmö, miangöreñ mönö mökösoñda kapan köla kin köhöimakzin.

5 \*Ihilek wahinambuknöñ neğuba köso miriñi miriñi miangöreñ al neñgigetka malin. Karimñi karimñi asuhugetka miangö uruñe kömumbinbukö keñgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

6 Ahakmeme sarakñi wuatangöba Anutugö sihimñi möt asariba lömböt möta mökösoñda ambazip ala ak eñgimaksin. Uña Töröñan urunini kokolak qeiga sutñine geñmoñi qahö jöpaköm eñgiba maljin.

7 Keu ölnanök jiinga Anutugö kukösumñan bohon köl neñgiiga ahakmeme solanñangö timbi saiwañi meinga börö ölnine aka qaninine ahöiga kinjin. Mewö kinda likep Buña keu jim sehiba likep keu muneñi silenine algetka miangö likepñi jim mindingöba malin.

8 Qetbuña neñgigetka silenini qahö möpöseimakzin. Yom jiba gamu qem neñgigetka uruninan qahö erakza. Neğöra kösohot ölopñi kösohot böloñi mi lañ jimakze. Muneñ jiji ambazip ewö ak neñgimakzemö, töndup keu ölnanök pakpak jimaksin.

\* 6:2: Ais 49.8 \* 6:5: Apo 16.23

<sup>9</sup> Ambazipnön könanini ölop möt kutumakzemö, töndup tosatñan nönönğan aka nesampurek ak neñgimakze. Nalö tosatñe kömumbingö aka malinmö, töndup toroqeba jebuk maljin. Kegwek-kahasililiñ ewö neñguba malgetmö, töndup qahö kömuin.

<sup>10</sup> Wösöbiriknön neñguiga töndup nalö dop söñgaiba maljin. Wanapñi mala töndup ambazip gwötpuk bauköm enjiinga uruñinan pomñi ahakze. Gölmegö sukinapnini qahöpmö, töndup oyaenköyaen pakpak buña qem anğuba pipsimbawon maljin.

<sup>11</sup> O Korint ambazip, neñön mönö uruninañgö nañguni enğöra öröba keu kun qahö kölin geiga könanini aukñeyök jibiga mötze.

<sup>12</sup> Enñön neñgö urumötmötnini mötpepuköra mi qahö anğön kölakzinmö, neñön enğö uruñini mötpinbuköra mönö nanñinanök anğön köl anğumakze.

<sup>13</sup> Nönön urumötmötni enjibiga enñön mönö miangö likepñi mewöyök törörök niñgime. Nönön nahönböraturupni ewö tandök keu enğöra kewö jiba ohozal: Inñini mewöyök mönö nanñini uruñinañgö nañguni öröba urukalemñini mi sehiba kondel neñgime. Mewö.

*Mötnaripñini qahö yembuk kude qekötahöme.*

<sup>14</sup> Ambazip uruñini qahö melenğeri, yembuk mönö uruñini kude jöhöba\* örörön kude malme. Malmal solanñi aka malmal gonğonñi mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö akzahot. Qahö!

<sup>15</sup> Kraist aka Katakömulat (Satan) yetkön mönö urumohot aka mohotñe malbitkö osimahot. Miangöra urumelen ambazip kunñan ahakmemenji urumelenğö kopa ambazip kun yambuk mohotñe mindiriba akitkö osimakñahot.

<sup>16</sup>\*Anutu nanñak keuñi kun kewö jii ahöza, “Nönön könağesöni yeñgö uruñine mala sutñine anda kaba Kembuñini ak enjibiga yeñön nönğö weleni qeba möpöseim niñgiba malme.”

Keu miangö dop Anutugö Uñañan uruñine maliga sileninan Anutu malmal köhöikñi Tonañgö jikenji akza. Anutunön nanñi jöwöwöl jikenje tandö lopion möpöseibingö songo ali ahöi osimakzin. Anutugö jikenji aka asa jikenji mi inanñök inanñök. Miangö dop neñön urumelenğö kopa ambazip yembuk qekötahöbingö songo ali ahöi osimakzin.

<sup>17</sup> Miangöra inñini mönö Kembunön keu kewö jiyöhanğö dop akñe, “I mönö enğömosöta yaigep kaba kambu nanñi kun malme. Anğöjörakñinambuk ahakzei, mi mönö kude enğoseigetka nönön möt anğön köla köyan köl enğiba malmam.

<sup>18</sup> Nönön mönö Iwiñini akiga inñini nönğö nahönböraturupni aka malme. Kembu kukösum pakpakö Tonan mewö jiza.” Mewö.

## 7

<sup>1</sup> O wölböt alaurupni, Anutunön mönö köyan köl neñgimangö keuñi mewö jöhöm neñgii ahöza. Miangöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem neñgima. Anutugö jitñi onğitpinbuköra mönö keñgötnini möta kapan kölinga mem solanim neñgiiga sarakñi ak teköbin. Mewö.

*Uruñini melenğerañgöra Polnön uruölöwak mörök.*

<sup>2</sup> Neñön kun qahö mem bölim wañgiinga ayuhuyök. Kun qahö geñmororon ak wañgiin. Miangöra enñön mönö uruñinañgö nañguni öröba nini urunön jöhöm neñgiba malme.

<sup>3</sup> Tosatñan sutñine nup memba silenön alal keu mewö jiba jim nengigetmö, nönön keu mi enğö keuñini jim teköba likepñi melen enğimangöra aka qahö jizal. Nönön lök keu kewö jibi mötket: Neñön uruninañgö nañguni öröba inñini uruninan jöhöm enğimakzin. Mewö aka ölop embuk örörön jöhöba kömumbin aka örörön mal köhöibin.

\* **6:14:** Köñjög me mötöp (yoke) mi hos me bulkamau yahötkö imbiñire alget geiga kare me kinon yuai örömakzahot. Mewö nanñiri imbi-imbi akitkö osimakzahot. Mewö janjuñ anbanbuk. \* **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

<sup>4</sup> Engö uruyahöt qahö mötnaripni ketanji engiba maljal. Engö silenini mönö gwötpuk möpöseimakzal. Engöra aka urukölalepni ketanji miwikñaizalañgöra kahasililiñ kōnanji kōnanji möta mianğoreñ mönö tōndup önōñi qahö sōñgaizal.

*Masedonia prowinsnōñ anda Taitusbuk aitoñgōit.*

<sup>5</sup> \*Taitus jaruba malalañgöra\* jiali, keu mi toroqeba jimam. Masedonia prowinsnōñ kañgota mianğoreñ mönö mewöyök uruluai miwikñaimamgö osial. Denike denike anali, mianğoreñ mönö kōñjiliñ kōnanji kōnanji miwikñaial. Anutugö bim qeba tosatñi yembuk aņgururuk aka engöra waimañjat möta malal.

<sup>6</sup> Mewö malalmö, Anutunōñ urueret ambazip nañgöm neñgimakzawi, yañön mönö Taitus kayōhi, mianñon urukölalep ak niñgiyök.

<sup>7</sup> Taitusnōñ kayōhi, mianñonök qahöpmö, Korint eñon urukölalep ak wañgigetka yañön jii mötpiga Anutunōñ mianñon mewöyök urukölalep ak niñgiyök. Engö kösohotñini kewö jiyök, “Eñon ni nekingö köpösōngöba kinje. Wösōñini ölña möt niñgiba lömböt niñgigerañgö keuñi jiba nōñgö likepne nañgöba jibingö jöjörōmakze.” Kösohot mi jii möta urusösōñgai keta bölökñi möral.

<sup>8</sup> Nōñon uruñini Buña keunōñ kuñguba kimbi mi ohobi oyoñda nanñini möt bölim aņgugeri, mianğöra qahö möt bölim aņguzal. Mutuk möt bölim aņguyali, mi tōndup nalö kewōñe kewögöra kunbuk sōñgaizal: Kimbi keunan uruñini mem bölili wösöbirik aketmō, wösöbirik mianñon mönö melenđa nalö töröptökñanök ahöba teköyök. Kōnanjini mewö ehal.

<sup>9</sup> Nalö kewōñe iñini möt bölim aņgugerañgöra aka qahö sōñgaizalmö, kewögöra sōñgaizal: Iñini ahakmemerinañgöra aka möt bölim aņgugetka gamu wösöbirikñinan baukōm eñgiiga uruñini kunbuk melenđa diñgiget. Mi Anutugö jitñañgö dop asuhuiga uruñinan mönö neñgöra aka qahö bölüyökmö, ölña baukōm eñgial.

<sup>10</sup> Siñgisöndökñinañgöra aka möt bölim aņguzin ewö, gamu wösöbirik mianñon mönö baukōm eñgiiga urunini kunbuk melenđa diñgibin. Diñgibinañgoreñ Anutunōñ mönö neñguañgiri Suepnōñ öñgöbin. Mianğöra kunñan uruñi melenđa mianğöra qahö möt bölim aņguma. Gölme ambazip tosatñan siñgisöndökñinañgö wösöbirik mörakzemö, Anutunōñ mi mosötmapkö qahö qesime ewö, yañön mönö likepñi melen eñgiiga kömum köhöime.

<sup>11</sup> Eñon Anutugö sihimñañgö dop wösöbirik aketka gamu mianğö ölñan uruñine ahui letotkeri, mi kewöta ek welipköba kewö jime, “Nini gönmōnahotnini mosöta urunini tokoba urukönöp qakñe wahöta kōnanini sohosohoñi kewöta mindiñgöin. Ambazip siñgisöndök akeri, miñgöra uruninan wahöri sisit memba jim eñgiin. Anutugö jitñi oñgitpinbuköra auruba keñgötnini möta Polnōñ kaba uru melenñinañgö ölñi eñapkö köpösōngöba malin. Urunini ahakmeme diñdiñi akingöra alin aka kunōñ kōna qi-witipköyöhi, mi mindiñgöm wañgibingö jöjöröba malin.” Mewö jigetka dop kölma. Nalö kewōñe kōna diñdiñi wuatañgözei, mi kondel niñgigetka ehal.

<sup>12</sup> Mianğöra kunñan sutñine bölüyöhi, iyök mindiñgöm wañgimegöra aka kimbini qahö ohoyal me kun i mem bölim wañgiyöhi, iyök baukōm eñgimegöra kimbi mi qahö ohoba alal. Mi kewögöra ohoyal: Iñini Anutugö jemesoholñe nōmbuk urumohot akingö kapan kölakzei, silik mianñon mönö aukñe asuhumapköra kimbi mi ohoyal.

<sup>13</sup> Nani urukölalepni miyök qahö mötzalmö, Taitusgö uruñan sutñine ölöwahi ehinga mianñon mewöyök uruni nañgöi önōñi qahö sōñgaimakzal. Eñon köreñanök Taitus körö-ölöwak qem wañgigerañgöra sōñgaimakzawi, sösōñgai mianñon mönö mewöyök nañgöm köl niñgi mianğöra önōñi qahö sōñgaizal.

<sup>14</sup> Nōñon silikñinañgöra silenini Taitusgö jeñe möpöseiba malali, eñon mianğöra gamu qahö niñgiget. Nōñon engö sutñine mala keu pakpak jibi mötkeri, mi ölñanök jial. Mianğö dop engö keuñini Taitusgö jeñe jim möpöseiba malali, keu mianñon mönö mewöñanök kōnanjini mindiñgögetka ölñi ahök.

\* 7:5: 2 Kor 2.13 \* 7:5: 2 Kor 2.13 mianğoreñ Taitusgöra jiyök.

<sup>15</sup> İhini körek pakpak mönö nongö keuni tem köla Taitusnöy kaiga sömbuñinambuk möta jönömñini undui köl öröm wanjiget. Taitusnöy silikñini mi mötmöriba keu jiiga uru ölöwakñan engöra aka qariiga köhöiba möpöseim engimakza.

<sup>16</sup> Nöñön ahakmemenini pakpak mötmöriba miangörey mönö ölop engöra aka ewebib-inambuk möt köhöiba saitiñgit malmam. Miangöra söngaimakzal. Mewö.

## 8

### *Urumelen alaurup nangöm engibingö keuñi*

<sup>1</sup>\*O urumelen alaurupni, Anutunöy kalem möriamñi urumelen könagesöñi könagesöñi miangörey neñgi ölnan mönö Masedonia prowins uruñe ölopñanök asuhuyök. Nöñön İhini miangöra gukmaulem malbepuköra möta kösohotñi kewö jimam:

<sup>2</sup> Yeñön kahasililiñ miwikñaiba mötketka lömbötñambuk esapköm enjiiga wanapñi kötökñi maljemö, mi töndup önöñi qahö söngaigerangöra aka urumelen alaurup nangöm engibingöra moneñ naluk keta bölökñi alget.

<sup>3</sup> Yeñö könañini kewö nangöba jimam: Kunñan qahö kuñgum enjii nanñini sihimñinan töndup ahuiga anqeba ösumñinangö dop nalukñini alget aka mi tok ongita enjiget.

<sup>4</sup> Yeñön mönö kapan köla gwötpuk kuñgum neñgiba kewö uleta jiget, “Nini tok Judia prowinsgö ambazip sarakñi bauküm engibingö mötzin. Miangöra Pol, gi ölop On! jinönga mönö simbawoñ möta nup miangö bahöñi anqeba membin.”

<sup>5</sup> Mewö jiget jibiga naluk almegö mambörali, miangö dowök qahöpmö, mi ongita kewö aket: Yeñön mutuk nangönanğö Kembugö jeñe dop köljawi, mi akingöra uruñini jöhöget aka miangö andöñe Anutugö jitiñi tem kölbingö möta nanñini malmalñini mi mewöyök neñgö böröñine alget.

<sup>6</sup> Miangöra Taitus kewö jim kutum wanjal, “Gi mönö nangönanğö nup mi lök könahiba menöy. Miangöra mi mönö toroqeba Korint könagesö bauküm enjinönga urukalemñini kondela moneñ naluk ketañi mi kunbuk toroqeba algetka sutñine teköma.”

<sup>7</sup> Urugö yuai könañi könañi mi kelenmalelen buña qem anğuba kewö aka malje: Ölopñanök Kraist möt nariba Buña keu ölni jim soroköba Anutugö sihimñi möt kutuba tosatñi nangöm engibingö pöndañ köpösöngömakze. Enñön mönö tosatñi enğonğita ölopñanök jöpaköm neñgiba qetpuk akze. Miangö dop nangönanğö nup ki mewöyök mönö ölop mem soroköba tosatñi enğonğitketka qetpuk akña.

<sup>8</sup> Mewö jiba moneñ almegöra qahö jim kutum engizal. Mi qahöpmö, urukalemñini geñmoñambuk akza me qahöwi, mönö mi esapesapnöy ala könañini mötmangö mötzal. Könagesö tosatñan gönmönahot mosöta nangönanğö nupñini öl töhöñña memba zeñ kinjei, keu mi jiba mianñön İhini esapköm engizal.

<sup>9</sup> Naluk dawik almegöra kewötmei, miangörey mönö Kembunini Jisös Kraistkö könañangö tandökñi mötmörime. İhini yangö kalem möriamñi ketañi mi kewö mötze: Yanñön Suepkö öroyuai pakpakö Tonji öngöñgöñi ahökmö, töndup İhini oyaenğoyaenğö pomñi akñegöra aka gölmenöy eta etqeqeñi aka malmalñi tököba mosörök.

<sup>10</sup> Moneñ almegöra qahö jim kutum engizalmö, Jisösnöy söpsöp alöhi, miangö dop qambañni miyök engizal. Enñön yambu emune lök nangönanğögö mutukñi aka miangö nupñi kapan köla meget aka mi toroqeba membingö sihimñi köhöikñi mötket.

<sup>11</sup> Nalö kewöñe nupñini mi mönö mem teköme. Mutuk nangönanğö nup membingö kapan köla awöweñgögeri, miangö dop mi mönö toroqeba mem teköme. Yuai ahöm engizawangö dop mönö nalukñini gwötpuk alme.

<sup>12</sup> Miangö könañi kewö: Naluk albingö sihimñinan ahuba ahöza ewö, mönö yuai ahöm engizawangö dop algetka Anutunöy möt anğön köli dop kölja. Yuai qahö ahöm engizawangö dop mönö qahö kewöta jim engimakza.

\* 8:1: Rom 15.26; Eks 16.18



<sup>13</sup> Naluk ketanji algetka alaurup yengö malmalñinan amqeiga nanñini qakñine lömböt öngömapköra qahö mötzinmö, alaurup osiba mözöröngözei, yembuk mendenja örörön malbingöra mötzin.

<sup>14</sup> Miangöra nalö kewöñe yuai kelenmaleleñ ahöm enjiiga tosatñan malmalñinangö yuaigöra osizei, inini mönö mi bauköm enjigetka dopñe akña. Mewö aka nanñini könangep yuaigö osigetka yengö öröyuainñinan kelenmaleleñ ahömawi, nalö miangören mönö i kun bauköm engime. Mewö ak angugetka alabauk silikñinan örörön akña.

<sup>15</sup> Mi Buña keu ki ohoget ahözawañgö dop akña, “Gwötpuk mem tokoba malgerañön nanñini dop negetka numbu surukñini qahö ahöiga boromborom mem tokoba malgerañön nene yuaigöra qahö osiget.” Mewö.

*Neñakurup karöbut melaim enjiinga kaba bauköm engime.*

<sup>16</sup> Anutunön Taitusgö uruñi sölölohöiga engöra ni ewö waimanjat möta bauköm engimangö kapan köla malja. Miangöra “Anutu saiwap!” jizal.

<sup>17</sup> Nöñön Taitus engören kamapkö qesiba uruñi kuñgubiga imbiñi melenök. Miyök qahöpmö, nanñak inini bauköm engimangö möta köpösöngöba nanñi sihimñangö dop nenjömosöta Korint engören kamangö jiyök.

<sup>18</sup> Neñön urumelen alanini kun melaininga yambuk kamahot. Kiangören Ölöwak Buña jim sehimakzawañgöra i mönö urumelen könagesö dop möpöseim wañgimakze.

<sup>19</sup> Yangö keuñi toroqeba kewö jimam: Masedonia urumelen könagesö yeñön mönö i möwölöhögetka nanñangö nalukñi mi memba nembuk mohotñe kona anbin. Neñön Kembu nanñangö qetbuñan sehimapköra möta naluk ketanji mi ölop galöm köla Judia prowinsnön anda engibin. Alabauk engibingö urukalemnini mewö aukñe kondeljin.

<sup>20</sup> Mewö aka nanñangö naluk ketanji mi tilipqilip asuhui sohobapüköra ölop galöm köl soroköbin. Kunñan siliknini miangöra jim nenjibapükö möta kapan köla kinjin.

<sup>21</sup> \*Keu miangö könaji kewö: Neñön silik Kembangö jeñe diñdiñi akzawi, mi qötöngatpinbukö galöm mem angumakzin. Miyök qahöpmö, silik ambazip jeñine dop köljawi, mi mewöyök akingö möta kapan köljin.

<sup>22</sup> Yetpuk urumelen alanini kun mi mewöyök melaininga kama. I nalö gwötpuk esapköm wañgiba tandökñi kewö ehin: Yanñön mönö nalöñi nalöñi Kembangö nupñi memangö könöpkönöp ahakza. Nalö kewöñe inini tosatñi alabauk engibingö mötzei, mewö möt narim engizawañgöra mönö engören kaba bauköm engimangö möta urukönöp ketanji ahakza.

<sup>23</sup> Nöñön Taitus kewögöra möwölöhöyal: Yanñön nöngö alabaukni aka nup meme neñakni akza. Urumelen könagesöñi könagesöñi yeñön alayahötnini yahöt mi möwölöhöm etkigetka jitñememeni akzahot. Kraistkö qetbuñan mönö yetköra aka qarimakza.

<sup>24</sup> Miangöra azi karöbut mi kamei, i mönö urukalem ak engiba könajini mewö kondelgetka ekñe. Mewö akñe ewö, neñön silikñinangöra silenini möpöseinini, keu miangö ölnan mönö aukñe asuhuiga eketka urumelen könagesö gwötpuk yeñön mötme. Mewö.

## 9

*Mönö urumelen alaurupñini bauköm engime.*

<sup>1</sup> Anutugö ambazip sarakñi alabauk monen engimegöra ohomangö mötzalmö, inini keu mi lök möta miangöra qahö osize.

<sup>2</sup> Inini alabauk akingö sihimñinan ahui mötze. Nöñön mi möta engö silenini mi miangöra Masedonia urumelen ambazip yengö jeñine möpöseiba kewö jial, “Korint aka Akaia urumelen alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinangöra mötketka keu mianñön

\* 8:21: Qam 3.4

mönö kuṅgum enḡiyök. Mianḡöra könagesö ölni yeṅgö uruṅinan mönö amqeba alabauk akingö urukönöp aket.

<sup>3</sup> Enḡö sihimṅinan ahui mötzmö, töndup neṅakurupni karöbut ki melaim enḡizal. “Korint yeṅön mönö moneṅ tokobingöra jöjöröba malje,” mewö jial aka keu mianḡöra enḡö silenṅini möpöseial. Keu mianḡön omani aiga gwötpukṅan ekepukmö, keuṅinanḡö dop moneṅ ölna algetka kahaimök tari körekṅan mewö enḡekṅegöra mötzal.

<sup>4</sup> Keu mianḡön omani aiga moneṅinan qahö kahaimök tari öne malgetka Masedonia neṅakurup tosatṅan nömbuk kaba mewö miwikṅaim enḡibeak ewö, nöṅön mönö enḡöra aka gamu miwikṅaibilenbuk. Tem kölmegö möt narim enḡiba malbiga ölni qahö asuhubawak ewö, inṅini mönö mewöṅanök keuṅini omanḡanḡöra aka gamu miwikṅaibepuk.

<sup>5</sup> Mianḡöra urumelenṅ alaurupnini karöbut mi uru kuṅgum enḡimamḡö mötṅi dop köli kewö jial, “Inṅini mönö qeljine Korint yeṅöreṅ anda nanḡönanḡö naluk ketanṅi almegö keu jöhögeri, areṅ mi wuatḡöba al tekömegöra mönö kuṅgum enḡime. Mewö aketka alabauk nalukṅini mi kik-kukṅambuk ekbonep qakṅe qahöpmö, mönö sakalakṅi aka amqeba gwötpuk alme. Mi mindirigetka zioz köwenöṅ kahaimök tari kabiga ölop membin.” Mewö jial.

*Kötṅi mönö amqeba gwötpuk qesinḡa gilme.*

<sup>6</sup> Keu ki mönö mötmöriba malme: Nene kötni awamṅanök qesinḡa giljawanḡön mönö ölni mewöyök awamṅanök mema. Nene kötni gwötpuk qesinḡa giljawanḡön mönö ölni mewöyök gwötpuk mema. Mianḡöra gwötpuk algetka Anutunöṅ salupṅe gwötpuk enḡima.

<sup>7</sup> Inṅini nanḡök nanḡök nalukṅini mönö uruṅinan jöhögeranḡö dop alakṅe. Sösöṅgainöṅ amqeba mözöközöröṅ ambazip kalem enḡizei, Anutunöṅ mönö i jöpaköm enḡimakza. Mianḡöra nalukṅini kunṅan kuṅgum enḡizawanḡöra aka uruyahöt qakṅe kude alme. Mi kik-kukṅambuk kude alme.

<sup>8</sup> Uruawam qakṅe kötönṅini gwötpuk algetka Anutunöṅ mönö köhöiba kalem möriamṅi pakpak mem sehim enḡimakṅa. Mewö enḡiiga malmal pakpak mianḡöreṅ yuaigöra osimei, mi pakpak mönö nalö dop buṅa qem anḡugetka dop köl enḡimakṅa. Mewö aiga nup ölopṅi könanṅi könanṅi mi ölop megetka ölni kelenṅmalelenṅ asuhuma.

<sup>9</sup> \*Ekbonep mosöta naluk ketanṅi ketanṅi alakzei, mi Buṅa Kimbi keu ki ohoget ahözawanḡö dop akze, “Yaṅön amqeba kalemṅi kalemṅi mendenḡa ambazip wanapṅi enḡimakza. Ahakmemenṅi diṅdiṅi kik-kukṅi qahö mianḡön mönö nalö teteköṅi qahö Anutugö jeṅe ahöm öṅgöma.”

<sup>10</sup> \*Anutunöṅ qesinḡ gilgil azigöra nene kötni wanḡiiga nene asuhui nemakzini, yaṅön mönö nenegö mözöközöröṅ ahakṅei, mi mewöyök enḡimakṅa. Mi enḡii uruṅinan lolo-hoiga ölop amqeba keu kötni qesinḡ sehiba gilgetka ahakmeme solanḡanḡö ölni asuhui Anutunöṅ mi mem qarui sehimakṅa.

<sup>11</sup> Mewö aketka Anutunöṅ mönö malmal pakpak mianḡöreṅ sehiba kötuetköm enḡiiga ölöwahakṅe. Mewö ölop amqeba ambazip nalö dop geṅmonṅi qahö kalem gwötpuk enḡimakṅe. Mewö aketka mi memba (Jerusalem anda) enḡiinga ambazip gwötpukṅan kötönṅinanḡöra aka Anutu möpöseigetka ölni enḡöreṅ asuhumakṅa.

<sup>12</sup> Nanḡönanḡö nup ki memakṅei, mianḡön mönö Anutugö ambazip sarakṅan yuaigöra mözöközöröṅ aketka bauköm enḡimakṅa. Miyök qahöpmö, mianḡöra “Anutu saiwap!” keu mi gwötpuk jimegöra aka ölni enḡöreṅ asuhumakṅa.

<sup>13</sup> Mianḡö könanṅi kewö: Nanḡönanḡö nup ki memba mewö mianḡön mötnaripṅinanḡö könanṅi kondelgetka ambazip gwötpukṅan mi eka Anutu tem kölmeanḡöra möpöseim wanḡiba kewö jime, “Korint yeṅön mönö Kraistkö Ölöwak Buṅanṅi keunöhök qahö jim

miwikraizemö, Polgö keuji geñmonji qahö tem köla amqeba sakalaknji aka neñgöra aka tosatnji pakpak yeñgöra kalem jesöngö enjimakze.”

<sup>14</sup> Mewö jiba engöra köuluköba miangören waikjni gwötpuk mem engiba kewö jime, “Ia! Anutunöñ mönö kalem möriamni kelenmalelen Korint engiiga urukalemñinanöñ öñji gwötpuk neñgiget.” Mewö jigetka Anutugö kalemñan aukne asuhuma.

<sup>15</sup> O nini Anutu kalemñanöñ aka möpöseimakin. Yangö kalemñi Jisös Kraistnöñ mönö qetpuk sorok akza. Nanöñanöñ almeanöñ keuji mi mewö kaba teköza.

## 10

### *Polgö nupköra keu jigetka likepni melenök.*

<sup>1</sup> Tosatñan engö sutñine nöñgöra kewö jimakze: Mesohol köl anguba köhöiknji tandök qahö akzapmö, kungen anda miangören mönö keu köhöikñanök jim neñgimakza. Mewö jimakzemö, Kraistnöñ ak kömumba gunböñjönjön niñgimakzawi, nöñön mönö miangö qakne nanak uruñini kewögöra kuñgumam:

<sup>2</sup> Tosatnji mienön neñgöra kewö tandök mötmöriba jimakze, “Pol aka yangö neñakurupñi yeñön gölmegö ahakmeme tandök wuatangöba nanñinanöñ mötmöriba ahakze.” Nöñön engören kaba keu mewö jimakzei, i mönö tembul engiba awösamkakak kinda jim enjimangö mötzalmö, töndup uruñini köhöiknji kötökñi kuñguba jim enjimangö töközal. Miangöra inini ambazip nöñgöra keu mewö jimakzei, i mönö zilañ andö engume. Keujini mewö mindingögetka engeki urunan mönö luai qei sutñine kaba böñjön malmam.

<sup>3</sup> Öñja, ahakmemeni gölmenöñ ahakzalmö, mi töndup nanangöra aka gölmegö ahakmeme bölöñangö dop bim qahö qemakzal. Mewö qahöpmö, Anutugö suahö galöm aka kerökurupñi kiripo kuñgum engiba miangören areñ sarakñi wuatangöba bim qemakzal.

<sup>4</sup> Göłme ambazip uruñini walñangö dop bimgö yuaini pakpak miambuk bim qemakzin. Yarö azi yeñön jakömbuak ain selñi selñi eriba köndengetka erakzemö, Anutunöñ timbi saiwanji kukñinambuk neñgii inahöm neñgigetka miangön mönö kerök yeñgö keu areñini pöwöwöm köhöiknji kuñguba qeapköinga erakze.

<sup>5</sup> Urumelenöñ kopa yeñön Anutugö könañi möt kutubepuköra aka nanñini silenini memba öngöba mötmötñini közamböta liklak ahakzemö, neñön yeñgö kiripo areñini gononji pakpak mi qeapköba köndenninga erakze. Ambazipnöñ keu mötmötñini bölöñi meraköba jöhömegöra köna kondel enjiinga ölop keujini pakpak Kraist tem köl wangimakingö dop mötmörimakne.

<sup>6</sup> Mewö mötmöriba Korint inini mutuk Kraistkö keu pakpak tem köla aposol nupni nanömegöra mambötzin. Inini uruñini mewö kunbuk melengetkun nini mönö qegetal ambazip yeñgö keujini pakpak kewöta jim teköba likepni melen engibingö jöjöröba maljin. Mewö.

<sup>7</sup> Inini yuai pakpak mönö silegörök kude eka kewötme. Sutñine ahakmeme sohomakzawi, miangö könañi öñji mönö mötmörimeme. Tosatñan sutñine ni memba et ala nanñini Kraistkö jitnememurupñi akzeangöra uruyahöt qahö aka möt köhöize ewö, yeñön mönö toroqeba nöñgöra mewöyök kewö mötmörimeme: Yeñön Kraistkö buñañi akzei, nöñön mönö mewöyök Kraistkö buñaya akzal.

<sup>8</sup> Kembunöñ kewögöra kukösum niñgiyök: Inini mem et al enjimangöra qahöpmö, mönö uruñini möhamgöbi köhöimegöra aka maljal. Miangöra kukösum miangöra aiweliköba koñaen ewö sileni memba öngöba terereibilenak ewö, mi töndup mönö gamu kun qahö miwikraibilenak.

<sup>9</sup> Kimbiñi kimbiñi ohoba albi oyoñda kukösumni mötketka keñgöt mötmöt mem engibilenbuk. Miangöra keu mi nalö kewöñe qahö toroqeba jimam. Mewö.

<sup>10</sup> Tosatñan keu kewö jimakze: Polnöñ kimbiñi miangören mönö keu lömbötñambuk ohoba urunini öñja kuñgumakzapmö, sutñine kini ehinga azi löwötñi akza aka keuji jii möringa qetpuk qahö akza.

11 Nöñön keu miangö likepni kewö jimam: Keunini omani mönö mosöta nöngö könanangöra kewö mötmörime: Ni kungen anda kimbinöñ keuni köhöikni ohomakzali, miangö dop mönö sutñine mala mewöyök köhöikñanök mindingöm engimam.

12 Timbiqimibilim mienön nannini jim ölöwak ak anjumakzemö, ölna ni nongita aposol qetpuk akeak ewö, nöñön mönö gamuni mötpileñak. Mewö aiga nani aka engö silikñini likeplikep ala kewötmangö qötötangöba kölköldömdöm akileñakmö, yeñön mönö mötmötñini töröpni wuatangöba nannini imbiñinangö dop uruñini dop ala kewörakze. Ahakmemenini mewö lañ kewöta “Pol ongitzin,” jiba uruölöwak mörakze. Keu omani mewö jiba uruqahö akze. Anutugö dopnön kewöt niñgigetka ölop engongita maljal.

13 Anutunöñ nup memegö jaböni al niñgiyöhi, mi qahö ongita sileni gwötpuk möpöseimangöra qahö mötzal. Anutunöñ nup meme areñni al niñgii memakzali, miangö dop mönö engö sutñine mewöyök nup memakzal aka miangö ölnangörök mönö sileni möpöseimakzal.

14 Tosatñan keu kewö jim sohomakze, “Polnön Korint sutñine nup meyöhangöra sileni möpöseiga qahö dop kölja. Anutunöñ gölme mesinda nup memapkö jabö al wanñiyöhi, Polnön mi ongita lanlan walöñmakza.” Yeñön mutuhök nup sutñine qahö megetmö, töndup ni mem et al niñgiba nannini silenini keunöhök jiba möpöseimakze. Nöñön Kraistkö Ölöwak Buña jim sehiba anda mala mutuk Korint engöreñ kaba urugö nup meal. Mutuk qahö kabileñak ewö, timbiqimibilim böhi mienön nöngö keuni mewö jigetka dop köli nöñön nani könanangö könañi jiba jim sohobileñak.

15 Anutunöñ gölme mesinda nup memegö jabö al engiyöhi, yeñön selñini mi walönda engö sutñine kaba urugö nup memakze. Nanak selni qahö walönda tosatñi yeñgö sutñine nup mealangöra sileni qahö möpöseimakzal. Böhi tosatñan urugö nup memba malgeri, miangöra mewöyök sileni qahö möpöseimakzal. Engö sutñine mutuk nup mealangöra mewö akiga ölop dop kölja. Anutugö areñni wuatangöba sutñine nup memba malinga mötnaripñinan toroqeba qariiga nangöm nengimegöra mamböta jörömqröm akzal.

16 Nangöm nengigetka ölop gölmenji gölmenji Korint likepñine Not göröken ahözei, mönö enduyangöreñ mewöyök anda Ölöwak Buña jim asaribin. Nupninan mewö qariiga andöqege keuninan teköma. Anutunöñ tosatñi yeñgö nup meme jaböñini al engii megetka ölni lök asuhuyöhi, miangöra nani sileni möpöseimangöra qahö mötzal.

17 \*Mewö qahöpmö, Buña keu kiangö dop akñangö mötzal, “Kunñan sileni möpöseimangö mötzawi, yanön mönö Kembugö nupkö ölnangöra aka sileni möpöseii dop köлма.”

18 Keu miangö könañi kewö: Nannini jim ölöwak ak anjumakzeañön mönö Anutugö jeñe qahö dop köljemö, Kembunöñ niñia jim ölöwak ak wanñimawi, yanön mönö esapesapnön köhöiba kinma. Mewö.

## 11

### *Aposol takapulakani yeñön tilipköm engibepuk.*

1 Nöñön borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nunguze, mötzal.

2 Nöñön inini azi mohot Kraist yangö buñañi aketka ambi seram jömukñi sarakñi ewö engibiga yanönök engömemapkö keunni jiba jöhöyal. Miangöra Anutunöñ uruñan engöra aka mututqutut mörakzawi, nöñön mönö miangö dop tosatñan kelök keunöñ jiba engömeget bölibepuköra waimanjat mörakzal.

3 \*Kewögöra waimanjat mörakzal: Mokoleñnön isimkakalek aiga Iwnöñ (Ewanöñ) bölüyöhi, miangö dop timbiqimibilim yeñön mewö me mewö jiba tilipköba engömegetka uruñinan tölöhoiga janjun akepuk.

\* 10:17: Jer 9.24 \* 11:3: Jen 3.1-5, 13



<sup>4</sup> Miangö kónaŋi kewö: Tosatŋan kaba Jisös jim asariini, mi qahöpmö, Jisös murutŋi kungö kónaŋi jim sehiba malgetka yeŋgöra qahö mötket lömböriza. Uŋa Töröŋi buŋa qem aŋgugeri, mi qahöpmö, öme kunöŋ tosatŋi eŋgö uruŋine gei lolonqalon mala miangöra töndup köŋjiliŋ qahö mötze. Ölöwak Buŋa möt aŋgön kölgeri, mi qahöpmö, keu tandökŋi kun qetŋanök Ölöwak Buŋa qeta laŋ jigetka tosatŋan mi awamŋanök möt aŋgön kölakze. Mewö asuhumakzawangöra mönö töndup waimanjat kun qahö akze.

<sup>5</sup> Miangöra waimanjat mörakzalmö, ahakmemeni mewö me mewö kewötketka etgeqenŋi qahö akzal. Tosatŋan aposol qet memba timbiqimibilim laŋ ahakzei, nöŋön mönö yeŋgö nembö bapŋine qahöpmahöp maljal.

<sup>6</sup> Keu niŋgizei, miangö likepŋi kewö jizal: Keu ölop sorokŋi jijiŋgö tandökŋi mi ölop qahö mötzalmö, Buŋa keugö kónaŋi mönö möt soroközal. Mi mönö nalö dop pöndaŋ aukŋe indelbiga möt yaköze.

<sup>7</sup> Inŋini mem wahöt eŋgimangö möta nani mem et al aŋguba malmalni naŋgömamgöra nup memba malal. Miangöra Anutugö Ölöwak Buŋa mi eŋgöra söŋgöroŋi qahö jim asarim eŋgiba malal. Mewö aka malalangöra tosatŋan nöŋgöra uruqahö keu kewö jimakze, “Polnöŋ mönö köna oŋgita siŋgisöndok ahakza.”

<sup>8</sup> Urumelen könaŋesö tosatŋe nup qahö membiga töndup nalukŋini öne niŋgigetka membi naŋgöm niŋgiiga inŋini welen qem eŋgiba malal. Tosatŋan miangöra kewö jimakze, “Polnöŋ yoŋgorö nene silik tandök ak eŋgiba malja. Miangöra aposol qahö akzapmö, nanŋi nupŋa memakza.” Nöŋgöra mewö jiba jim sohomakze.

<sup>9</sup> \*Embuk mala yuaigöra osiba mözöröŋgöba miangöreŋ mönö eŋgöreŋök kun qahö kuŋguba mem lömböriba nene yuainŋi qahö memba malal. Mewö qahöpmö, urumelen alaurup Masedonia prowinsnöhök kaba yuaigöra osiali, mi ek asariba monenŋi niŋgigetka dop kölök. Ahakmemeni pakpak miangöreŋ mem lömbörim eŋgibileŋbuköra möta galöm mem aŋguba malal aka mewö toroqeba malmam.

<sup>10</sup> Mem lömbörim eŋgibileŋbukö keuni miangöra mönö nani sileni memba öŋgöba maljal. Kunŋan keuni mi Akaia prowinsŋinaŋgö gölmenŋi gölmenŋi pakpak miangöreŋ qeapkömamgö osima. Kraistkö keu ölnaŋ mönö nam köl niŋgiiga keu mewö jöhöba jiba kinjal.

<sup>11</sup> Mi wuanöŋgöra? Mi inŋini qahö jöpaköm eŋgibileŋjak, miangöra me? Mönö ölna jöpaköm eŋgimakzali, mi Anutunöŋ mötza.

<sup>12</sup> Aposol sesekŋai ewö ahakzei, yeŋön nembuk “Öröröŋ akingö nup tandök miyöhök memakzin,” mewö jibingö mötze. Miangöra kewö kuŋgum eŋgimakze, “Polgö tandök ewö nup memakzinaŋgöra mönö Pol ewö naŋgöm neŋgime.” Nupŋinaŋgöra silenŋini möpöseibingö möta miangö kónaŋi jarumakzemö, mi ölop qahö miwikŋaime. Nöŋön i ewö qahö akzal. Miangöra mem lömbörim eŋgibileŋbuköra mönö nani galöm mem aŋguba maljal aka toroqeba mewö malmam.

<sup>13</sup> Yeŋön aposol ölnŋi qahöpmö, mönö aposol takapulakaŋi aka nup meme ambazip isimkakalekŋinambuk akze. Kraistkö aposol neŋgö tandök kondel aŋguba nup laŋ memakze.

<sup>14</sup> Satanöŋ nanŋak asakŋaŋgö garata tandök ewö kondel aŋguba nup laŋ memakza. Miangöra timbiqimibilim mienöŋ mewö akeranŋgöra qahö welipkömakin.

<sup>15</sup> Miangöra Satangö welenqege ambazipurup mienöŋ ambazip welennŋini qebingö tandöktandök aka Köna keu wuatangöba mewö mianöŋ solanŋi akŋegöra jim sohoba kondel aŋgumakze. Mewö nup laŋ memakzeanŋgöra mönö qahö auruba welipkömakzin. Silememe mewö ahakzemö, nalö teteköŋe Anutunöŋ mönö likepŋi ahakmemeninaŋgö dop melenŋ eŋgima. Mewö.

*Polnöŋ aposol nup memba sihimbölä gwötpuk mörök.*

\* 11:9: Fil 4.15-18

16 Keuni kunbuk kewö jimam: Engörenök tosatñan nöñön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm ningime. Mewö aketka ölop i ewö nani sileni memba öngöba sutñine malmam.

17 Awösamkakak ketañi möta sileni memba öngöba keuni jizali, mi Kembugö mötmöt sihimñangö dop qahöpmö, mi uruqahö azigö tandök ewö jizal.

18 Ambazip gwötpukñan sutñine gölmegö ahakmeme bölöñi wuatangöba silenini memba öngömakzei, miangöra nöñön mönö mewöñanök aka keuni miangö dop jizal.

19 Nanninak “Mötmöt ambazip öngöñgöñi akzin,” jizeangöra mönö uruqahö ambazip yengöra mötketka qahö lömbörimakza.

20 Inini öl közömña kewö akze: Ambazip kewöñi yengöra mötketka uruñinan qahö lömbörimakza: Kunñan engömembra jöhöiga welenqegeurupñi etqegeñi akze. Kunñan tutuhum engiba nenenini nem tekömakza. Kunñan jim kelök ak engiiga bunañi akze. Kunñan nannñi silenini memba öngöba keu töhöreñ jiba nuñgulumñini qekötahömakza.

21 I ewö öröm ureim ak engimangöra mönö lölöwöröñi aka malal. Ösöñ ak engialangöra “Kengöt moröya akza,” jiba nöñgöra mewö mötmörize me qahö? Keu mewö jiba miangön ölop gamu qem ningimeangö dop akzal me? Keu jimami, mi mönö uruqahö azigö dop jimam. Timbiqim bilim yeñön nup memakzeangöra silenini memba öngömegöra gamuñini qahö mötze ewö, nöñön mönö mewöyök nupnangöra aka sileni memba öngömangö möt köhöimakzal.

22 Yeñön keu kewö jiba silenini memba öngömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupñi akzin,” jimakzemö, nia kun mewöyök akzal.

23 \*Keu kun mi uruqahö azigö keu tandök ewö jimam, “Yeñön Kraistkö nupñi memakzin,” jimakzemö, nöñön mi mönö i luhut ala engongita memakzal. Nöñön mönö ambazip mi engongita nup köhöiba memba malal. Kraistkö nupköra aka kösö mire al ningigetka miangöreñ i engongita nalö gwötpuk taral. Ihilek wahinambuknöñ mönö könöpuk könöpuk nuñguba malget. Nalöñi nalöñi lömböt miwikñaiba kömumangö dop aka malal.

24 \*Juda jike galöm tosatñan jigetka arawambu kömbinöñ nuñgugetka areñi 39 aiga sihimbölöñi möta malal. Mewö ak ningigetka indimñi 5 ahök.

25 \*Rom gawman yeñön jigetka ihilek wölkiznöñ nuñgugetka indimñi karöbut ahök. Sömanñi mohot kötnöñ nuñgugetka kömumangöra ahal. Wançe ketançe malbiga köwet töromnöñ kuñguba qaköba jömgöiga indimñi karöbut ahök. Nalö kunöñ wançe jömgöiga köwetnöñ geba silimñi mohot aka sungemñi kun köwet qakñe lan malal.

26 \*Nalöñi nalöñi köna anda kaba malal. O töwatñi töwatñi (göwöñi göwöñi) kutuba miangöreñ lömböt miwikñaiba ayuhumangö dop aka malal. Kegwek-kahasilini ambazip yengöra aka kömumangö kengetni möta malal. Juda könagesöurupni yengöra aka lömböt miwikñaiba ayuhumangö dop aka malal. Kian kantri yengöra aka lömböt miwikñaiba ayuhumangö dop aka malal. Taonñi taonñi miangöreñ lömböt miwikñaiba ayuhumangö dop aka malal. Arökñangö miriñi miriñi miangöreñ lömböt miwikñaiba ayuhumangö dop aka malal. Köwet kutuba anda miangöreñ lömböt miwikñaiba ayuhumangö dop aka malal. Alaurup takapulakanñi yeñön nuñguget kömumbilenbuköra wösöni kot gwözöñniga malal.

27 Malmalni nangömangöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sanjenni möta malal.

\* 11:23: Apo 16.23 \* 11:24: Dut 25.3 \* 11:25: Apo 16.22; 14.19 \* 11:26: Apo 9.23; 14.15

<sup>28</sup> Miyök pakpak qahöpmö, toroqeba kewö möta malal: Urumelen könagesöñi könagesöñi pakpak yeñön waimanjatñini jigetka urunan mönö nalö dop möt lömböriba malal.

<sup>29</sup> Mötnarip alaurup denike yeñön sörauba löwörize ewö, nöñön mönö mewöñanök i uru al engizal. Kunñan kölgorom aliga urumelen alanan siñgisöndok akzawi, siñgisöndok miangö könöpñan mönö nöñgö uruni mewöyök nohoiga tembulakzal.

<sup>30</sup> Silememe keuyök mönö mötpingö ak engiza. Miangöra sileni memba öñgömamañgö dop akilenjak ewö, ni memba et al niñgigetka ösumeret tandök akzali mönö miangöra aka sileni memba öñgömakzal.

<sup>31</sup> Kembu Jisösgö Iwi Anutuñi nalö dop möpöseininga teteköñi qahö aködamunñambuk mal öñgömawi, yañön mönö nöñgö könañamni möri munen keu qahöpmö, keu öñji mi jizal.

<sup>32</sup> \*Damaskus sitinöñ malbiga kiñ Aretasgö kiapñan mönö buldömin aziurupñan nömmimba jöhöm niñgimegö jim kutum enjiiga Damaskus ambazip yeñgö siti sel nanñunje mönimba ölöñ köla anbilanbuköra galöm memba kinget.

<sup>33</sup> Mewö kingetmö, alaurupñan nömemba sakapnöñ al niñgiba kösönöñ jöhöba siti sel jengenanñeyök ösönösöñ algetka gölmenöñ eta köla böröñeyök ölöñ köla kayal. Mewö.

## 12

### *Polnöñ jemeleñ imut eka indelindel keu mörök.*

<sup>1</sup> Engö silememe alaurupñinan jemelenö keuñi keuñi jimakzei, miangöra nöñön mewöyök sileni möpöseiba jemelenö keuni jimam. Keu mi ölöp qahö bauköm engimapmö, töndup keu toroqeba jemelen imutñi imutñi eki Kembunöñ keuñini indeli mörali, miangö kösohotñi jimam.

<sup>2</sup> Azi kun möt wañgibi Kraistpuk qekötahöba malja. Uña Töröñan i wañgiriga gölmegö kousu luhut jaböñi ongita öñgöba sengelau jaböñi ongita öñgöba Anutu nanñanö Suep miri urunje eu öñgöyök. Nalö miangörenök yambu 14 lök teköi maljin. Silebuk me silenji qahö uñañanök öñgöyöhi, mi qahö mötzal. Anutunöñ mi mötza.

<sup>3-4</sup> Uña Töröñan azi mi wañgiri Anutugö oyaenköyaen miriñe öñgöi keu qainñi kun jigetka mörök. Gölmee azi nöñön keu mi jimamgö sonjo ahöza aka keu mi gölmee ambazip neñgö keuninan jibinanö dop qahö. Silebuk me silenji qahö öñgöyöhi, mi Anutunöñ mötza. Nöñön mi qahö mötzalmö, yañgö kösohotñi mötzal.

<sup>5</sup> Nöñön azi yañgoren yaui asuhuyöhi, miangöra sileni memba öñgömamañgö dop akzal. Nanangöra mi asuhuyökmö, töndup miangöra aka nani sileni qahö möpöseimakzal. Miangöra qahöpmö, ösumeret akzalanöörök mönö mewö ahakzal.

<sup>6</sup> Nanangöra sileni mewöyök memba öñgömamañgö mötpilenjak ewö, keuni mönö keu öññanö dop jibilenjak. Mewö keu omanji jiji azia qahö akilenjakmö, mi kewögöra köyatim anñumakzal: Körek enön jemelen mi ehalangöra keu diñdiñi ongita nöñgöra mötket öñgöñgöñi akilenbuk. Ahakmemeni aki eketka keu jibi mötkeri, mönö miangö dowök kewöt niñgimegöra mötzal.

<sup>7</sup> Indelindel keu öñgöñgöñi mötpi keu tosatñi ongirakzawi, miangöra aiweliköm anñubilenbuköra Anutunöñ yaui jitñambuk nöñgö silene aliga kondi sötmangö dop nunñumakza. Satangö garatanöñ sihimbölö mi niñgiiga mörakzal.

<sup>8</sup> Miangöra Kembunöñ mi sileneyök mem gilmapköra köuluköbiga indimñi karöbut ahök.

<sup>9</sup> Mewö köuluköyalmö, keu kewö jii möral, “Qahö. Ösumeret aknöñga nöñgö kukösumnan mönö amqeba urugi kokolak qeiga aködamungabuk ahakñan. Miangöra nöñgö kalem möriamni mönö buña qem anñunöñga dop kölmä.” Keu mi jii möta Kraistkö kukösumnan qakne öñgömapköra mörakzal. Miangöra ösumeret ahakzalanöörä sileni möpöseimakzal. Lömböt mi qahöwakñapaköra qahö toroqeba köulukömakzal.

\* 11:32: Apo 9.23-25

<sup>10</sup> Kraistnön ni ösumeret ahakzali, nalö miangören ösum niñgiiga köhöiba kinakzal. Miangöra ösumeret akzalanğora tøndup mötpi dop köli siksuk qahö akzal. Tosatñan uruqege keu töhören jim niñgigetka mötpi dop köl niñgiza. Kraistkora aka kahasililiñ sesewerowero ak niñgigetka wahöjalij möta miangören tøndup urubönjöñ miwikñaimakzal. Mewö.

*Polnön Korint yengöra waimanjat mörök?*

<sup>11</sup> Sileni memba öngöba mönö uruqahö tandök akzal. Diñgimegöra aka köna murutñi kun qahö miwikñaiiba nöngöra mötket öngömapkora mi jizal. Öña, Anutunön qahö bauköm niñgibawak ewö, nanak mönö yuai kun qahö aki andöqege keuñinan öñi akawak. Öñi akawakmö, ahakmemeni mewö me mewö kewötzali, mönö etqegeñi qahö akzal. Tosatñan aposol qetpukö qet memba timbiqimibilim lañ maljei, nöñön mönö yengö nembö bapñine qahöpmahöp maljal.

<sup>12</sup> Engö sutñine nup memba lömböt gwötpuk möta mökösoñda malali, miangören Anutugö kukösumñan sölölohöm niñgiiga angöletot aiwesök könañi könañi asuhuget. Ahakmeme mianñön mönö aposol akzalanğö könañi kondel engiiga eket.

<sup>13</sup> Inini bauköm engial aka urumelen könagesö tosatñi mi embuk örörön ak engial. Tosatñi engömembu wahötketka inini mönö denöwö engömosötpi öne malbeak? Öña, nañgöm niñgimegö lömbötñi mi engö qakñine qahö alal. Aposol takapulakani yengön lömböt mi engö qakñine alakzemö, nöñön mi tosatñi yengö qakñine albi bisimakze. Nañgöm niñgimegöra qahö kuñgum engiba mewö köpösihit ak engial me? Miangöra “Polnön köpösihit azia akza,” jibeak, mönö pinjitni mi mosötmegöra qesim engizal.

<sup>14</sup> Mötket, nalö kewöñe kunbuk engören kamangö jöjöröbiga indimñi karöbut akña. Kaba nupni nañgömegö lömbötñi mi dumñe kunbuk engö qakñine qahö almam. Mi qahö. Nanñini sukinapñinangöra qahö köpösöngömakzalmö, nanñinak mönö nöngöra ak engimapkora mötzal. Nahönbörat yengön iwinamurupñini nañgöba inap tokoba engimeangö dop qahö akzemö, iwinam yengön mönö mi nahönbörat urupñini yengöra tokogetka dop kölja. Miangö dop urugö nupnön göröken nöñön iwinini akzal. Miangöra urunön göröken bauköm engimangö mötzal.

<sup>15</sup> Miangöra enñön ölöwakñegöra yuaini pakpak mi sösoñgai qakñe tököm engibi engö buña akñapkora mötzal. Nani malmalni mewöñanök ölöwakñegöra mosötmangö mötzal. Mewö önöñi qahö jöpaköm engibi urukalemnan qarimakzapmö, engö urukalemñinan mönö tøndup wuanöngöra wazimakza?

<sup>16</sup> Öña, nañgöm niñgimegö lömbötñi mi engö qakñine qahö alal. Nöngö tuarenjonurupnan keu miangöra urumohot akzemö, tosatñan kewö jibeak, “Pol mi mötmöt azia aka tilipqilipñambuk uruñini mezañda köpeim engiba moneñini mewö me mewö örömakza.” Keu mianñön öñi qahö.

<sup>17</sup> Mi denöwögöra jize? Neñakurupni melaim engibiga engören kageri, yengörenök kunñan Pol inap wañgimegöra kuñgum engiyök me qahö? Qahö.

<sup>18</sup> Taitus engören kamapkö kuñgum wañgiba urumelen ala kun yambuk melaibi kayohot. Taitusnön ni inap niñgimegö kuñgum engiyök me qahö? Qahö. Uña mohot mianñön mönö sölölohöm netkiiga nup nañgönañgögö köna mohot anda kaba malit. Mewö.

*Polnön mönö Anutugö kukösum qakñe kama.*

<sup>19</sup> Kimbi ki oyoñda miangören nöngöra kewö mötmöribepuk, “Keu jim engiinga miangö likepña kapan köla jiba mewö ohoza.” O wölböt alaurupni, miangöra kewö jimam: Mönö Kraistpuk qekötahöba keuni Anutugö jemesoholñe jiba ohoyal. Nupnini pakpak mi enñön uruñini möhamgöba köhököhöi miwikñaimegöra memakzin.

<sup>20</sup> Engören kaba eki ahakmemenini tökömakzali, mi wuatangöba malbepuk. Mewö miwikñaim engibilenbuköra waimanjat mötzal. Ahakmemeninañgö likepñi melen engibi



qakñine öngömawi, enñon mönö tandök akñami, mi tökömegöra mötzal. Sutñine ahakmeme kewö akepuköra goro mötzal: Urunöñ mututqutut aka anğururuk akepuk. Urusingok aka yom jibepuk. Silenöñ alal ak anğuba denđa nanñini kambugörök mötmöriba malbepuk. Andöqege keu töhöreñ jiba mianñon mem bölim anğubepuk. Tosatñi yeñgö keuñini tölapñe jigetka diwonđawon anɓapuk. Jakbak-orañbörañ aka areñi törörök qahö wuatangöba nanñini imbi-imbi lañ malbepuk.

<sup>21</sup> Mewö aka malme ewö, nöñon mönö kewö asuhumapköra waimanjat möta kamam: Ambazip gwötpukñan mutuk siñgisöndok aka malgeri, yeñgöra mönö urukömbuk aka sahötpilenbuk. Ahakmeme töwötñambuk lañ wuatangöba sihimñini kömbönañi miwikñamegöra serowilin akerangöra gamu qahö möta qahö möt bölim anğugot. Sutñine kabiga uruñini kunbuk qahö melenget engekiga Anutunöñ mönö uruni kuñgui kunbuk urueret akilenbuk. Mewö.

## 13

### *Galöm meme keu qöndökñi*

<sup>1</sup> \*Nalö kewöñe enğoreñ kabiga indimñi karöbut akña. “Keugö jakeñe alalgö keuñi pakpak mi mönö ambazip yahöt me karöbutñan nangöba jigetka köhöimakza.”

<sup>2</sup> Nöñon Buña keu mianğö dop akzal. Enğö sutñine malbi indimñi yahöt aiga mianğoreñ lök galöm meme keu enğial. Keu mi nalö kewöñe kunbuk köl guliba qeljiñeyök jizali, mianñon teköza. Mianğöra kunbuk kamami, nalö mianğoreñ ambazip siñgisöndok mutuk akeri me akzei, mi mönö qahö enğehorimam. Bölöñamñinambuk iñini mönö körek mindiñgöm enğimam.

<sup>3</sup> Kraistnöñ mönö ösumeret qakñe qahö ak enğimakzapmö, kukösumñi sutñine konderlakza. Kraist mianñonök mönö sölölohöm niñgiiga aposol aka keu jimakzali, iñini mianğö könañangöra uruyahöt aka kapan köl qesim anğumakze. Mianğöra silikñinanğö dop mönö keu enğiba mindiñgöm enğimam.

<sup>4</sup> Kraist maripomnöñ qegetka kömuyöhi, nalö mianğoreñ mönö ösumeret tandök malökmö, töndup Anutugö kukösumñan nam köl wañgiiga mal köhöiza. Nöñon mewöñanök yambuk qekötahöba nani ösumeret aka maljalmö, Anutugö kukösumñan mönö nam köl niñgiiga Kraistkö jitiñi memba mindiñgöm enğimamgö mal köhöizal.

### *Mönö nanñini kewöt anğuba uruñini melenñe.*

<sup>5</sup> Mönö nanñini törörök kewöt anğume. Uruñini melenđa ölna Kraist möt narize me qahö, mianğöra mönö esapesapnöñ ala kewöt anğume. Kraist Jisösgö Uñañan uruñine mal köhöizawi, mi möt kutuze me qahö? Uruñine qahö malja ewö, iñini mönö esapesap mianğoreñ et enğuga Kraistkö buñaya qahö akze.

<sup>6</sup> Nöñon enğoreñ aposol ölni akzal me qahö, iñini mewö kewöt niñgigetka esapesap mianğoreñ kude eta nuñguma, mewö mötzal. Iñini nöñgö könani mewö aukñe eka möt kutumegöra jörömqöröm aka maljal. Mianğöra mindiñgöm enğibi ölna dop kölma.

<sup>7</sup> Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiñgöm enğibiga tuarenjoñurupnan mönö aposol kukösumni ölna eka ek asarime. Mewö asuhumapköra qahö köuluközal. Iñini qahö mindiñgöm enğimamañgö dop nekepuköra qahö köuluközalmö, enñon urumelen diñdiñi akñegöra köuluközal. Uruñini ölna melenñe ewö, nöñon mönö qahö mindiñgöm enğibi tuarenjoñurupnan nöñgöra toroqeba azi lölöwöröñi tandök ewö mötpeakmö, mi muat.

<sup>8</sup> Nini keu ölni qetala kun uteköbingö osibinmö, keu ölnan sehimapköra ölop kinbin.

<sup>9</sup> Nöñon kukösumni qahö kondela ösumeret tandök malbiga enñon köhöiba kinmei, nalö mewöñe mönö sösongai ahakin. Urumelenğö aködamunñini körek miwikñai ba köhöiba kinmegöra neñon Anutu köulukömakzin.

\* 13:1: Dut 17.6; 19.15

<sup>10</sup> Kembunöŋ injini memba et al engimangöra qahöpmö, uruŋini möhamgöbi köhöimegöra möta kukösumŋi mi al niŋgiyök. Kukösum miangö qakŋe kinda engöreŋ kamami, nalö miangöreŋ könöpuk ak engibileŋbuköra mönö keu ki köröwen mala engöra kimbi ohozal. Nanninak mindiŋgöm aŋgume ewö, mönö ösöŋ ak engimam. Mewö.

*Yaizözkök keu teteköŋi*

<sup>11</sup> O urumelen alaurupni, keuni jim teköba qambaŋ kewö engizal: Mönö söŋgaiba malme. Könaŋamŋini sohoyöhi, mi mönö körek mindiŋgöm teköme. Urukunŋukunŋu keu engizali, mi mönö buŋa qem aŋguba tem kölme. Keu jiali, miangöreŋ mönö urumohot aka luainöŋ malme. Mewö aketka Anutu jöpaköm aŋgumegöra inahöm neŋgiba luai qem neŋgimawi, yaŋön mönö embuk malma.

<sup>12</sup> Injini urumelen alaurupŋini yembuk jölöŋini jiba mönö köna sarakŋi wuatangöba jölöŋini jiba aŋgum aŋguba numbuŋini yöhötim nemba malme. Anutugö ambazip sarakŋi pakpak ki maljei, yeŋön yaizözkökŋini algetka engöreŋ kaza.

<sup>13-14</sup> Kambu Jisös Kraistnöŋ mönö kalem möriamŋi engiiga Anutugö urujöpakŋan nam köl engiiga Uŋa Töröŋan körek inahöm engiiga urumohot aka köisirik malme. Mewö.

## **Galesia Kimbi** **Polnön Galesia yengöra Kimbi alök.** **Jim-asa-asari**

Polnön Buña Kimbi ki Galesia prowinsgö urumelen könagesö yengöra ohoyök. Galesia prowins mi Eisia Mainö (Töki) uruñe Rom yengö bapñine malget.

Aposol yenön Anutugö Buña keu jim sehigetka mutuk Juda tosatñi aka könangep kian kantri tosatñan mewöyök uruñini melenget. Nalö miangörej Juda yenön kapañ köla keu yahöt kewö jigetka lömböriyök:

- 1) “Kian kantri yenön Mosesgörej Köna keugö dop Anutugö aiwesökñi silenine qahö yandime ewö, yenön mönö urumelen könagesö ölni qahö akñe.” Anutunön ambazip nanñangöra möwölöhöm engiyöhi, yengö aiwesökñi mi sile yandiyandi. Jen 17.10–12. Polnön mi möta “Keu mi ölni qahö!” jiba kewö jim kutum engiyök, “Kian kantri yenön Jisös möt narigetka Anutunön mötnariñini miangöra aka keuñini jim teköi solaniba urumelen kambu ölni akñe.”
- 2) Böhi takapulakanj yenön Polnön Uña Töröñangö ösumnön nup meyöhi, mi memba et ala kewö jiget, “Pol mi aposol ölni qahö akzawangöra keuñi kude mötme.” Mewö jigetmö, Polnön köhöiba jiyök, “Nönön Jisösgö Ölöwak Buña jiji azia aka Anutunön meköba kuñgum niñgiiga aposol ölna maljal.” Mewö jiba Galesia yengö urumelen kambuñi kambuñi ahakmemegö qambañ keu ohoyök. Urunini melenbin ewö, mönö amqeba Kraist jöpaköba nupñi meinga ölni asuhuma.

### **Buk kiangö bahöñi bohonñi 5 mi kewö:**

Keu mutukñi 1.1-10

Pol ni aposol ölni akzal 1.11-2.21

Anutu kalem möriamñangö Buña keu 3.1-4.31

Nanini imbi-imbi akinbukö soñgo 5.1-6.10

Kimbigö keu kötni bohonñi 6.11-18

<sup>1</sup> Pol nönön keu eraum mötpingöra Galesia urumelen könagesö engöra kimbi ki ohozal. Melaimelai azi akzalañgö könañi kewö: Ambazipnön aposol nupköra qahö kuñgum niñgigetka memba maljal. Gölme azi kunñan qahö melaim niñgiyökmö, Jisös Kraist aka Iwi Anutu i kömupnöhök mem guliyöhi, yetkөн mönö arengöba aposol nup al niñgiyohotka kinjal.

<sup>2</sup> Neñakurup pakpak nömbuk kinjei, yenön ni kötöngöm niñgigetka kimbi ki albi Galesia prowinsnön anda urumelen könagesö kambuñi kambuñi engörej kaza.

<sup>3</sup> Anutu Iwinini aka Kembu Jisös Kraist yetkөн mönö kalem möriam engiyohotka luainön malme.

<sup>4</sup> Jisösnön nanine Anutu aka Iwi yangö numbu jitñi wuatangöba nengö siñgisöndokninañgöra aka malmalñi köleñniga qeget. Nalö kewöñe gölmeğö nalö bölöñe malakzini, yanön mönö kiangörejök amöt qeba meköm nengimapköra aka kömuyök.

<sup>5</sup> Miangöra Anutugö qetbuñañi nalöñi nalöñi möpöseininga teteköñi qahö aködamunñambuk ahöba ahöm öngöma! Keu mi ölna.

*Ölöwak Buña mi kude jim sohoba mondokqondoköme.*

<sup>6</sup> Nönön engö könañinañgöra aka aurubiga je kötni jölja. Anutunön Kraistkö kalem möriamñi buña qem anğumegöra engoholiga yambuk malgetmö, nönön engömosötpiga tosatñan kaba Ölöwak Buña murutñi jigetka nalö qahö köriiga elennda keu gonñonñi miangörej qekötahöba enjololon malje. Miangöra mönö ölna auruzal.

7 Keunini mi Ölöwak Buña ölni qahöpmahöp akzapmö, ambazip tosatnan Kraistkö Ölöwak Buñani mi enjololeñ memba melenqelen aketka möwököwöramgöiga gongiza. Mewö aiga lañ liliköba ambazip kuñgum engigetka uruñinan siksauk aiga malje.

8 Ambazip mewöñi mi yapmakek! Neñön Ölöwak Buña lök jim asarim engiba malini, kunñan mi qeapköba buña keu murutñi jim asaribawak ewö, yañön mönö Anutugö jeñe könöp siagö buñaya akza. Mi neñgöreñök kunñan me Suepkö garata kunñan eta jibawak, mi töndup keu mewöñi mönö qahöpmahöp tem kölme. Keu gongonji mi muat.

9 Keu mutuhök jiba malini, miyöhök mönö dölki kunbuk jizal: Enñön Ölöwak Buña lök möt anğön kölgeri, kunöñ mi qeapköba buña keu murutñi jim asaribawak ewö, Anutunöñ mönö i jörahöm wañgiiga könöp sianöñ gema.

10 Keu mewö jizali, mi ambazipnöñ nek soriget nanak jeñine dop kölmanğöra aka qahö jizalmö, Anutunöñ nehi yañgö jeñe dop kölmanğöra aka mi jizal. Nöñön gölme ambazip uru ölöwak möt niñgimeğöra qahöpmahöp kapan kölakzal. Toroqeba ambazip kelök ak engiba sipkobileñak ewö, nöñön mönö Kraistköreñ nup memangö osibileñak. Mewö.

*Kraistnöñ mem letot niñgiiga aposol ahal.*

11 O alaurupni, Ölöwak Buñagö könañi mi kewö möt yaköme: Buña keu jim asari-makzali, mi gölme azi kunñan qahö jimburenj jiyöha ahöza.

12 Kunñan kun mi qahö kusum niñgiyök. Mi gölme azi kungöreñök qahö möt anğön kölalmö, Jisös Kraistnöñ nanñak asuhum niñgiba Ölöwak Buñani indeliga möt asaribiga nöñgö buñaya ahök.

13 \*Enñön nöñgö könañamni ölop mötze. Juda ambazipnöñ Anutugö Köna keugöra urukönöp ahakzei, nöñön mutuhök yeñgö mötmötñini wuatangöba yeñgö dop aka memba malal. Mewö mala Anutugöreñ urumelenj könagesö mi engum ureiba jañgauranja mem engiba malal. Könöpñambuk sesewerowero ak engiba mem ayuhum engimangö esapköba malal.

14 \*Juda ambazip gwabö alaurupni qötönini mohot kota malini, nöñön yeñgöreñök sehisehiñi mi luhut al engiba Köna keugöra urukönöp aka malal. Mewö mala Juda ahakmemegö könañi törörök wuatangöba ambösakoninangö jimkutukutu keu etpapuköra mönö önöñi qahö kapan köla malal.

15 \*Mewö aka malalmö, Anutunöñ mutuhök nam körö uruñeyök neka nanñangöra möwölöhöba al niñgiyök aka könañgep kalem möriamñangöra aka noholök. Noholöhi, yañön mönö nöñgöra arenj kewö möri dop kölök:

16 Yañön Nahönñangö könañi nöñgöra indeli mötmangö möta Jisösgö Ölöwak Buñani memba kian kantri tosatne anda yeñgö sutñine jim asariba malmangö jiyök. Yañön mewö jiyöhanğöra aka nöñön wahöta könakönahineyök könahiba gölme ambazip yeñgö goro keuñinangöra mönö qahöpmahöp jaruba qesim engiba mala koral.

17 Mewöñanök Jerusalem sitinöñ qahö öngöba melaimelai azi aposol mutuk mala kotkeri, yeñgöreñ qahö anda asuhuyal. Mewö qahöpmö, miangöreñök Arebia gölmenöñ anda mala kunbuk Damaskus sitinöñ lilingöyal.

18 \*Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinöñ öngöba yambuk sömañi 15 miangö dop malal.

19 Miangöreñ malalmö, melaimelai azi aposol tosatñi i qahö engehal. Kembangö munñi Jeims iyök ehal.

20 Miangöra mötket, keu ohom engizali, mi keu ölni akza. Munenji kun qahö. Keu mi Anutugö jemesoholne jizal.

21 Jerusalem mosöta Siria aka Silisia gölmenöñ anda miri tosatñi liliköba malal.



<sup>22</sup> Mewö anda malalmö, Judia prowinsgö urumelenj könagesö kambuñi kambuñi Kraistpuk qekötahöba kinjei, yeñön qahö nekerangöra nalö miangörej ni qahö möt kutum niñgiba malget.

<sup>23</sup> Nöngörej buzup keu kewöyöktöp yeñgö kezapñine geiga mötket, “Mutuk sesewerowero ak neñgiba malöhi, yañön mönö letota malja. Mötnarip keu ayapkömapköra janğauranğa mem neñgiyöhi, yañön nalö dölkewöñe nanñak keu miyöhök jim asarimakza.”

<sup>24</sup> Mewö möta nöngöra aka Anutu möpöseim wañgiba malget. Mewö.

## 2

### *Aposol yeñön Pol örögetka sutñine kayök.*

<sup>1</sup>\*Miangö andöñe yambu (yara) 14 teköiga miangörej “Barnabasbuk Jerusalem sitinöñ kunbuk öngömam,” jiba Taitus mewöyök wañgitpiga mohotñe öngöin.

<sup>2</sup> Anutunöñ mutuk nöngöra asuhuba anmamgö keu indelöhanğöra aka yetpuk anda Jerusalem anğota nupnanğö könani jim asarim enğial. Nup pöndañ memba kota maljali, miangöñ aposol yeñğöra qahö dop köliga nupnanğö ölnan eta qeiga pöröpköbapuk. Mewö mötmöriba kösohotni ambazip omani yeñğöra lan qahö jialmö, jitmemeurupnini göda qem enğimakzini, iyök öröm enğibiga tokoget. Tokogetka miangörej Ölöwak Buña kian kantri sutñine liliköba jim sehimakzali, mi aukñe al enğibiga mötket.

<sup>3</sup> Yeñön mi möta “Ölöp!” jiget. Mewö jiba neñakni Taitus Grik azi yañön nömbuk malökmö, töndup ketanjaninan Anutugö aiwesökñi sileñe yandimegö qahö jim kutum wañgiget. Juda neñğöreñ Köna keu mi qahö al köhöim wañgiget.

<sup>4</sup> Juda ketani yeñön qahöpmö, tosatñan sileñi yandibingö möta sutñe sutñe kuñguba jigeri, böhi takapulakanj miengö könani kewö: Yeñön “Urunini melenjin,” jiba mewö möndöba neñgö könani ek kutumegöra ölöñ janjan kaba ala tandök sutñine kanğota malget. Nini Kraist Jisösbuk qekötahöinga malmal waljanğö kösönöhök pösat neñgiiga solanñi maljini, miangö silikñi ek kutumegöra kinget. Yeñön neñğöra kewö möta köpösöngöget: Ölöp malgetka enğömeinga nanine sel uruñe kagetka Mosesgö Köna keu bapñe al enğiinga nanine welenqeçeurupnini akñe.

<sup>5</sup> Mewö köpösöngöba metal neñgigetmö, neñön mönö Ölöwak Buñagö keu ölnan lolonqalon akapüköra kinjin. Mi enğö sutñine kahaimök ahöm köhöimapköra kinjin. Miangöra nalö kunöñ qahö löwöriba keuñinangö bapñe anbingö qahöpmahöp imbi köl wañgin.

<sup>6</sup>\*Totokonöñ nöngö Buña keuni jim asaribiga jitmeme yeñön “Ölöp!” jiba nöñön keu kun toroqeba jimamgö qahö jiget. Azi mi ipñina aketka göda qem enğimakze. Qetbuñanini mewö me mewö akzawi, nöñön miangö mötpi dop mohot akza. Anutunöñ ambazip tosatñi qahö neñgek soriba tosatñi qahö qepureim enğimakza. Dop mohotnöñ kewöt neñgimakza.

<sup>7</sup> Buña keuni qahöpmahöp utekögetmö, Anutugö nup areñi miangöra mönö “Aha!” jiba kewö ek asariget: Anutunöñ möt narim neñgiba Ölöwak Buña jim asaribingö nupñi mi kewö mendenök: Nöñön mi kian kantri sutñine jim sehibiga Pitönöñ Buña keu miyök Juda könagesö yeñğöra jim asariba uruñini kuñgum enğimakza.

<sup>8</sup> Nupñi mewö mendenä aposol Pitö inahöm wañgiiga Juda azi sileñini yandigeri, yeñgö sutñine urukuñgukuñgu nup memakza aka ni mewöñanök inahöm niñgiiga melaimelai azia aka kian kantri sutñine liliköba nup miyöhök memakzal.

<sup>9</sup> Miangöra Jeims, Pitö aka Jon, azi ipñi qetbuñaninambuk yeñön Kembunöñ kalem möriam mewöñi niñgii malali, keu mi möt kutugetka urumohot ahin. Nup mewö mendenä miangö kaisöpsöpña Barnabas niri böröniri qegetka kewö jim köhöinin, “Niri

\* 2:1: Apo 11.30; 15.2 \* 2:6: Dut 10.17

kian kantri yengören anda nup meziga nanjini Juda könagesö yengö sutjine toroqeba nup memakje.”

<sup>10</sup> Mohot-kungöra qesim netkiba kewö toroqeba jiget, “Ambazip wanapji bauköm engibitköra mönö toroqeba mötmöriba malmahot.” Mewö jigetka mönö mewöyök ak engimangö kapan köla maljal. Mewö.

*Polnöh Pitö qetala jim wangiyök.*

<sup>11</sup> Mewö jim köhöinimö, Pitönöh Antiokia sitinöh kaba möñaqönai aiga ambazip urunjan gwötpuk böliyök. Miangöra Pitönöh kaiga ehali, nalö miangören mönö jeje kunguba kewögöra tuarenjoh ak wangial:

<sup>12</sup> Pitönöh mutuk kian kantri yembuk mala nene mohokje nembra malgetmö, azi tosatjan Jeims mosöta Jerusalemök kagetka miangö andöje ambazip mi engek siriköba tikeptikep kinök. Anutugö aiwesökji silejine yandiget yengöra kenjötni möta zirinjirin aka Juda kambu yembuk qekötahöba malök.

<sup>13</sup> Mewö kian kantri ambazip mi ölan enguba kongwarak aiga Juda urumelen ambazip tosatjan mewöyök Pitöbuk qekötahöba silesile silik aket. Silesile silik aka Barnabas mewöyök örögetka yembuk janjun ahök.

<sup>14</sup> Mewö aka ahakmemejinan Buja keu ölni diñdiñanök qahö wuatangögeri, nöñön mi eka ambazip körek yengö jemesoholjine kinda kewö jial, “Pitö, gi Juda aziapmö, töndup kian kantri yengö ahakmemejini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kungum engiba urukönöp ahakzan? Mi qahö dop kölja.” Mewö.

*Juda aka kian kantri neñön Anutugö jeje öröröh akzin.*

<sup>15</sup> Juda asuhuba urunini melenjini, neñön mönö kian kantri ambazip singisöndokjinambuk qahö aka maljin.

<sup>16</sup> \*Mewö maljinmö, amötqeqegö könañi mi kewö ahöi möt yaközin: Jisös Kraist möt nariinga keunini jim teköi solanizin. Kunjan Köna keu wuatangöba mewö mianjön solanji qahö akja. Miangöra neñön tok solanji akingö möta Kraist Jisös möt narim wanginga keunini jim teköi solaniin. Mi Köna keu tem kölbinahangöra aka qahö.

<sup>17</sup> Mewö Kraist qekötahöba Anutugö jeje solanibingö kapan kölinga Anutunöh töndup miwikñaim neñgiiga naninak kantri tosatji tandök singisöndokninambuk maljin ewö, Kraistnöh mönö singisöndok akingö nam köl neñgiza me qahö? Qahöp mahöp! Keu mi yapmakek!

<sup>18</sup> Köna keu wuatangöba solanji akingö keunji lök köndenja qeapköyal. Qeapköyalmö, mi kunbuk esapköba jim kungubilenjak ewö, mönö Köna keu miyök qetala singisöndok azia aka könañamni kunbuk mewö miwikñaibilenbuk.

<sup>19</sup> Mutuk könañamni mewö miwikñaiba Köna keugöra aka kömukömuñi tandök ewö ahal. Mewö akiga Köna keunöh mönö qahö toroqeba galöm köl niñgiiga solanji maljal. Nöhön malmalni Anutugören albiga Kraistpuk maripomnöñ nuñguget ewö kömumba kinda yambuk köhöiba maljal.

<sup>20</sup> Miangöra nanak qahö toroqeba maljalmö, Kraistkö Uñajan mönö nöngö urune köhöiba malja. Kraistnöh uru jöpaköm niñgiba malmalni nöngöra kölenja sohopni meyök. Miangöra toroqeba silebuk malmal malmami, mi mönö Anutugö Nahönñi möt narim wangiba malmam.

<sup>21</sup> Köna keu wuatangöba mewö mianjön solanji akinak ewö, Kraistnöh mönö öne töhön kömumbawak. Kömuyöhi, mi möt nariba Anutugö kalem möriamñi mewö qahö qeapkömakzal. Mianjön mönö nam köl neñgiiga solanimakzin. Mewö.

\* 2:16: Sum 143.2; Rom 3.20, 22

### 3

#### *Köna keugörök kinme me Jisös möt narime?*

<sup>1</sup> O Galesia kahapmahap ambazip, uruñini qahö! Nöñön Jisös Kraist maripomnöñ gegeरण्गö könañi mi jeñine ala jim kondel enjialmö, kunñan nöñgö andöne kaba kahalalom mem enjiiga janjuñ akze. Mi qahö dop kölja.

<sup>2</sup> Yuai mohot-töp qesim enjibiga jiget mötmamgö mötzal: Enñon Uña Töröñi mi mönö denöwö aka buña qem anjuget? I Köna keu wuatangögerangöra aka qahöpmö, Ölöwak Buña möta Jisös möt narigetka Uña mi uruñine ali buña qem anjuget. Nöñön keu mia ölum enjubapuköra kinda uruñini kuñguzal.

<sup>3</sup> Mia ölum enjuyök tandöktandök melenđa mötmötñini mosöta kahalalom akze. Mutuk Uña Töröñan uruñine geba inahöm enjiiga könañi könahiba angetmö, kunbuk Mosesgö Köna keugö könañe geba anakze. Nalö kewöñe nanñini ösum qakñe solanñi akingö esapkömakze me? Ösumñini mianñon mönö qahö dop kölja.

<sup>4</sup> Kraistköra aka sihimbölö gwötpuk ak enjigetka qakñine öñgöyöhi, mi mönö öne töhön möta bisiba malget me? Öñi qahö aiga mi mönö öñña öne töhön bisiget. Mianğöra inñini mönö uruqahö ambaziwa malje.

<sup>5</sup> Mianğöra Anutunöñ Uña Töröñi enjiba sutñine anğöletot ösum-mumuñambuk memakzawi, mi enñon Buña keuñi möta Jisös möt narimakzeangöra aka memakza. Köna keu wuatangömakzeangöra aka mi qahö memakza. Qahö. Keu mi kude ölum enjuma. Mewö.

#### *Abrahamgö köna wuatangöingä dop kölma.*

<sup>6</sup> \*Keu mianğö dop Anutunöñ Abraham ak wañgiiga mi Buña keunöñ kewö ohoget ahöza, “Abrahamnöñ Anutu möt narim wañgiiga eka keuñi jim teköiga solaniyök.”

<sup>7</sup> Mianğöra Abrahamgö könañi mötmöriba kewö mötme: Denike yeñon Anutu möt narimakzei, yeñon mönö Abrahamgö undumurupñi aka malje.

<sup>8</sup> \*Anutunöñ qeljine areñi kewö alök, “Ambazip Juda qahö yeñon ni möt narim niñigetka keuñini jim teköbi solanime.” Areñi mewö ala mianğö dop Abrahamgöra Ölöwak Buña keu qeljine kewö jii mörök, “Göhöra aka nöñgö kötuetnan mönö gölmegö ambazip kambu pakpak yeñgö qakñine öñgöma.” Tosatñan keu mi qeljine ek asariba Buña keunöñ ohoget.

<sup>9</sup> Abrahamnöñ Anutu möt narim wañgiiga kötuetköm wañgiiga mötnaripkö bömönjalöñi ahök. Mianğö dop denike yeñon Abrahamgö dop möt narizei, Anutunöñ i mewöyök kötuetköm enjiiga Abrahamgö undumurupñi akñe.

#### *Jisösnöñ salupnine qesuahöp buña qem anjuyök.*

<sup>10</sup> \*Mewö akñemö, körek yeñon Köna keu wuatangöba mianğö qakñe nariba maljei, Anutunöñ mönö jörahöm enjiiga malme. Keu mi Buña keunöñ kewö ohoget ahöza, “Köna keu Kimbinöñ keu pakpak ohoget ahözawi, kunñan kun mi körek qahö tem köla wuatangömakzawi, Anutunöñ mönö i qesuahöm wañgiiga malma.”

<sup>11</sup> \*Buña keu kun kewö ohoget ahöza, “Ambazip solanñi kungö mötnaripñan mönö nam köl wañgiiga köhöiba malma.” Mianğöra kunñan Köna keu wuatangöba mianñon solanñi akñamgö mötzawi, yeñon mönö Anutugö jeñe qahö solanima. Qahö. Keu mi lök aukñe kondel enjibiga teköza.

<sup>12</sup> \*Mötnaripnöñ Mosesgö Köna keu qahö nam kölja. Keu mianñon jöjöpañ keu pakpak tem köl teköbingöra urunini kuñgumakza. Köna yahöt mi nanñök nanñök. Köna keugö könañi mi kewö jii ohoget ahöza, “Köna keu pakpak tem köla wuatangömakzawañon mönö köhöiba malma.”

\* **3:6:** Jen 15.6; Rom 4.3, 7; Rom 4.16    \* **3:8:** Jen 12.3    \* **3:10:** Dut 27.26    \* **3:11:** Hab 2.4    \* **3:12:** Lew 18.5

13 \*Köna keu qahö walöñbinak, mewö malmal köhöikñi miwikñaibinak. Mewömö, Anutunöñ nini nanñi Köna keuñangö dop qesuahömangö tököba Kraist melaiiga alabauknini aka sohohnini meyök. Buña Kimbinöñ keu kun kewö ohoget ahöza, “Ambazip ip kembangan möndöm engizei, Anutunöñ mi körek qesuahöm engiiga malje.” Miangö dop Kraist ipnöñ möndögetka nanini salupnini aiga Anutunöñ qesuahöm wanñiiga mewö mianñon sohohnini meyök. Jöramörahöp neñgö qaknine öñgöyöhi, mi qeköyök.

14 Bömönini Abrahamnöñ Anutu möt nariiga kötuatköm wanñiyöhi, miangö dop kötumötuet mianñon kian kantri pakpak dop köla yeñgö buñañina akñapakö mörök. Mewö möta körek neñgö sohohnini meyök. Sohohnini meiga Kraist möt nariinga köna kewö ahuma: Anutunöñ Uñañi neñgimangö keuñi jöhöyöhi, nini urunini melenña Uña mi ölop buña qem anğubin. Mewö.

### *Köna keu aka oyaenköyaen akingö jöhöjöhö keu*

15 O urumelen alaurupni, nöñon gölmenöñ malmalgö söpsöp keuñi kun kewö jimam: Kunöñ börösamotñi tosotñi yeñgö buñañina akñapakö keuñi kambunöñ jiiga jöhögetka ahözawi, mi kunñan kun qeapköba könañgep keu kun qakñe toroqemangö osima.

16 \*Mötket, Anutunöñ jöhöjöhögö keuñi mi Abraham aka yanğö gwölönarökñi yetköra jiba jöhöi ahöza. Buña keu mianñon “gwölönarökurupki” neñgöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wanñimam.” Azi mohot mi Kraist.

17 \*Keu miangö könañangöra kewö jizal: Jöhöjöhögö keu miangö öñan mönö etmapkö osima. Anutunöñ mi mutuhök jiba jöhöba yambu (yara) 430 teköiga miangöreñ Köna keuñi miwikñaiba Moses wanñiyök. Köna keu mianñon mönö jöhöjöhö keuñi mutuk jiyöhi, mi qeapkömangö osima.

18 \*Oyaenköyaen akingö kötumötuetñi mi Köna keu wuatangöba miwikñaibinak ewö, Anutugö jöhöjöhö keugöra qahö toroqeba osiinga öne töhön ahöbapak. Buña keuñi Abraham wanñiyöhi, mi öne töhön qahö ahöyökmö, Anutunöñ keuñi miangö dop Abraham kötuatköm wanñiiga oyaenköyaen ahök.

19 Abraham öne kötuatköm wanñiba Köna keu mi mönö denöwögöra ali ahöza? Miangö könañi kewö: Ambazipnöñ köna onğita janñun aka malgerangöra Anutunöñ Köna keu mi könañgep toroqeba jim miwikñaiyök. Jim miwikñaiiga Suet garata yeñon mi memba eta alabauk azi (namel man, mediator) Mosesgöra indela böröñe algetka Anutugö jite memba ambazip sutnine kinda jim kutuyök. Köna keu mianñon nalö dop ahöm öngöba galöm köl neñgimapköra aka qahöpmö, könañgep Köna keugö ösumñan etmapköra mi neñgüyök. Abrahamgö gwölönarök kungö jöhöjöhö keuñi neñgiiga azi mianñon asuhuyöhi, nalö miangöreñ Köna keugö ösumñan eri teköyök.

20 Alabauk azi yanñon Anutu aka ambazip sutnine kinda keu nup memakza. Anutunöñ jöhöjöhö keuñi mi alabaukñi qahöpmö, mönö nanñak Abraham wanñiyök. Miangöra oyaenköyaen akingö jöhöjöhö keuñi mi öñgöñgöñi aiga Köna keuñi mianñon nemböñi akza. Mewö.

### *Köna keugö nupñi öñi mi denöwö?*

21 Mewö aiga Köna keu aka oyaenköyaen akingö jöhöjöhö keu mi auzahot me qahö? Saubanñ! Anutunöñ mal köhöibingö Köna keuñi neñgibawak ewö, mönö öñna Köna keu wuatangöba Anutugö jeñe solanñi akinak. Miangöra keu yahöt mi qahö auzahot.

22 Qahöpmö, keu yahöt mi nanñök nanñök. Anutunöñ jöhöjöhö keuñi mi mötnarip ambazip oyaenköyaen ak neñgimangöra aka ali ahöza. Jöhöjöhö keu mianñon Jisös Kraist möt narizini, mönö neñgöreñ öñambuk akñapaköra möta kewö arengöba jiyök, “Sinğisöndok ambazipnöñ urunini qahö melenñme ewö, mönö öne töhön Anutugö jeñe



qahö solanime.” Miangö könañi mi Buña keunöñ kewö jii ahöza, “Singisöndoknön mönö gölme dop ambazip pakpak gwaröhöm nenjiiga maljin.”

<sup>23</sup> Mutuk urunini qahö meleşninga mötnaripninan qahö asuhuiga Köna keunöñ jöhöba galöm köl nenjiba gwarö uruñe misim nenjiyök. Könañep Anutunöñ mötnaripkö könañi indeli asuhuyöhi, nalö miangöreñ kösö gwarö malmalninan teköyök.

<sup>24</sup> Mewö taringa Köna keunöñ mönö böhinina aka Kraistkö könañi mötpingöra kusum nenjimakza. Böhi leuam kusum enjigeri, miangö dop keu mianön mönö nenjuangita solanñi akingö mindingöba galöm köl nenjimakza. Mewö aka Kraistkö könañi möt asariba möt narim wanjiinga keunini jim teköi solanibingöra kuñgum nenjimakza. Urunini meleşninga böhigö nupñan mönö nalö miangöreñ teköza.

<sup>25</sup> Urunini meleşninga mötnaripninan asuhuiga Köna keu bapñe qahö malinga mianön böhi ewö qahö toroqeba galöm köl nenjimakza. Mewö.

### *Anutugö nahönböratuñi aka maljin.*

<sup>26</sup> Körek enön mönö Jisös möt narim wanjiigetka ahuañu dölokñi enjiiga Anutugö nahönböratuñi aka Kraistpuk qekötahöba kinje.

<sup>27</sup> Kraistpuk kinmegöra o melun mem enjigeri, körek enön mönö Kraist möt anjön köla mianön maluku tuatñi ewö esuhum anguba yambuk qekötahöba kinje.

<sup>28</sup> Inini körek pakpak Kraist Jisösbuk qekötahöba kingetka mindirim enjiiga mohot aka malje. Miangöra Juda aka kantri tosatñi enön Anutugö jeñe kambu yahöt mi kunbuk qahö akze. Nanñini nupñini memakzei aka welenqeçe omanñi akzei, Anutunöñ engehiga kambu yahöt qahö toroqeba akze. Azi ambi enön Anutugö jeñe kambu yahöt qahö toroqeba akze.

<sup>29</sup>\* Inini Kraistkö buñaya akze ewö, mönö Abrahamgö gwölönarökñi yangöreñök ahuba tinibaniuruñi malje. Mewö ahuba jöhöjöhö keuñangö ölni oyaenköyaen mi buña qem angumeañgö dop akze. Mewö.

## 4

### *Nejön Kraistköra aka Anutugö nahönböratñi ahin.*

<sup>1</sup> Keu mi toroqeba könañi kewö jimam: Nahönöñ iwiñangö börösamotñi buña qem angumawanö dop akzapmö, morö gwabö mala nalö miangöreñ welenqeçe omanñi yembuk öröröñ tandök akza. Iwiñangö börösamot yuai pakpakö tonñi akñapmö, töndup welenqeçe yengö qöhöröñine alañina aka nup töwanñi qahö memakza.

<sup>2</sup> Mewö morö mala galömñi yengö nembö bapñine kiniga yenön malmalñi pakpak arengöba galöm köla jim kutum wanjimakze. Iwiñan nalö al wanji kam kuñgumawi, miangöreñök könahiba nanñak börösamot tonñi aka malma.

<sup>3</sup> Nanini mewöñanök mutuk urugö likepñe morö gwabö ewö malin. Nalö miangöreñ bem suahö galöm Suep gölme sutñire yuai pakpak galöm köl enjimakzei, mienön mönö nini mewöyök galöm köl nenjiigetka öne yengö welennini qeba nemböñini bapñe malin.

<sup>4</sup> Mewö malinmö, Anutugö nalöñan kam kuñguiga Nahönñi melaiiga ambigöreñök asuhuyök. Juda nenjö Köna keu bapñe malmangöra asuhuyök.

<sup>5</sup>\* Köna keu bapñeyök pösat nenjiba sohpnini memangöra asuhuyök. Mewö Anutugö nahönböratuñi aka buñanñi möt anjön köl teköba maljin.

<sup>6</sup> Mewö Anutugö nahönböratñi akzeangöra aka Anutunöñ Nahönñangö Uñanñi melaiiga urunine geba kewö qerakza, “O Aba Iwini!”\*

<sup>7</sup> Mewö qerakzawanöñ aka qahö toroqeba welenqeçe omanñi akzanmö, Anutugö nahönböratñi aka maljan. Mewö maljanangöra aka Anutunöñ oyaenköyaen Buñanñi gihiiga buña qem anguba galöm köla malman. Mewö.

\* 3:29: Rom 4.13 \* 4:5: Rom 8.15-17 \* 4:6: Aba mi Arameik keunöñ Iwi.

*Polnön Galesia yenğöra waimanjat mörök.*

<sup>8</sup> Injini mutuk Anutu qahö möt kutuba malget. Nalö mianğoreñ tandö lopioñ aka bem suahö galöm bem ölñanğö malmalñi qahö memba maljei, mi töwanjini qahö welen qem engiba etqegeñi malget.

<sup>9</sup> Mewö malgetmö, uruñini melenđa nalö kewöñe Anutugö könañi möt kutuba malgetka Anutunöñ möt kutum enğıga malje. Anutunöñ möt enğızawi, keu mianön bohonñi ak enğıza. Mewö maljemö, wuanöñğöra dumñe kunbuk bem suahö galöm yuai pakpak galöm kölakzei, mönö yenğoreñ melenđa mesohol köl engiba malje? Bem suahö galöm mi ösumñini eretñi akzemö, enñon mönö tönđup mi welen qem engiba etqegeñi akingö sihimñi mötze. Mi qahö dop kölja.

<sup>10</sup> Mi welen qem engiba kendon tatat nalö könañi könañi mi mötket öñğöiga törörök wuatangömakze. Sabat kendon tarakze. Köiñ dölökñi koriga bemñini mötmöriba köiñ dop söñgaimakze. Yambu jeñiqeçe sösoñgai aka sösoñgai tosatñi mi yambu (yara) dop törörök wuatangömakze.

<sup>11</sup> Nönön enğöra aka keñğötni kewögöra mötzal: Nönön enğö sutñine nup membiga öñi qahö ahuiga öne töhön sileqeçe akilenbuk.

*Galesia yeñon Pol andö qebingö aket.*

<sup>12</sup> O urumelen alaurupni, nönön kewö kuñguba qesim enğızal: Nönön injini ewö aka malalangöra enñon mönö nönğö dop akñe. Yuai bölöñi kun kude ak niñgiget.

<sup>13</sup> Nönön mutuk enğoreñ kaba kawöl nöhöi sileni eri malali, könañi mewögöra tata Ölöwak Buña jim asaribiga mötket. Enñon mi möt kömuze.

<sup>14</sup> Nönön sile-eret malbiga andö nuñgubingö esapesapñi miwikñaiget, mi mötzalmö, tönđup qahö jijiwilit aka qepureim niñgiget. Mewö qahöpmö, ni neketka Anutugö garata ewö akiga nömeget. Opopoñ, nönğöra Kraist Jisös nanñanğö tandök mötmöriba öröm niñgiba “Owe owe!” jiget.

<sup>15</sup> “Owe owe!” jiba silene pölpöl qeba je kötnini uzula niñgibingö mötketmö, mi qahö dop kölīga mosötket. Enğö könañamñini möta mi ölña mewö nanğöba jizal. Yei! Nalö mianğoreñ jim sösoñgai önöñi qahö akeri, mi mönö denöwögöra nalö kewöñe qahöwahi öne malje? Mi qahö dop kölja.

<sup>16</sup> Enğöra Buña keu öñi jimakzalanğöra mönö kerök ak niñgize me?

<sup>17</sup> Ambazip tosatñi mienön enğöra aka urukönöp ahakzemö, mi urukönöp ölöpñi qahö. Mi ölöpñi qahöpmö, yeñon injini nenğoreñök enğuanğita sutnine jabö ala tököm niñgimeğöra mötze. Mewö menden nenğıgetka urukönöp qakñe nanñini nanğöm enğimeğöra kapan kölakze.

<sup>18</sup> Injini ahakmeme ölöpñi akñegöra urukönöp ahakzei, mi mönö qetpuk. Nönön enğö sutñine malbiga nalö mianğoreñök qahöpmö, mönö nalö dop mewö aketka dop kölma.

<sup>19</sup> O gömokurupni, ni ahuahu dölökñi ahumegöra masö tandök nuñguiga sihimbölä mörali, miyöhök mönö dumñe kunbuk mötzal. Kraistkö ahakmemenjan enğoreñ ahum kutumapköra sihimbölä mi möta maljal.

<sup>20</sup> Nönğö urunan mönö enğöra aka lalalulu siksauk akza. Mianğöra nönön nalö kewöñe enğö sutñine malmangö mötkurumkurum akzal. Embuk mala keu imbini memba eta ala keu ösoñ jimangö ak niñgiza. Mewö.

*Hagar aka Sara yetkö söpsöp keuñiri*

<sup>21</sup> Tosatñi enñon Juda nenğö Köna keu Kimbi wuatangöbingö mötze, keu mianğö könañi mi ölña möt kutuze me qahö? Könañi mi möt asarimeğöra qesiba kuñgum enğızal.

<sup>22</sup> \*Buña keu kun kewö ohoget ahöza: Abrahamğö nahönyahötñi yahöt ahuyohot: Kun welenqeçe ambi etqegeñan (sleiw) meyök aka kun mi nanñi soñgojarin anömñi solanñi (fri) malmalñan meyök.

\* 4:22: Jen 16.15; 21.2

<sup>23</sup> Welenqeçe ambinön nahönji meyöhi, mianön morö ahuahugö könanön ahuyökmö, kun ambi solanji (fri) malmaljan meyöhi, yanön Anutunön morö nahön ahumapkö keu jöhöyöhi, mönö keu miangö ölnan asuhumapköra ahuyök.

<sup>24</sup> Keu miangö könanji mi tölapji. Ambi yahöt mi Anutunön ambazip nembuk jöhöjöhö aren yahöt alöhi, mönö mietkö söpsöpñira. Jöhöjöhö aren kun mi Sainai (Sinai) kundunje alöhi, miangö söpsöpñi mi ambi qetñi Hagar. Ambazip jöhöjöhö aren mi wuatangömakzei, yeñön mönö Köna keugö jimkutukutu bapñe malje aiga gwölönarökurupñinan keu miangö welenji qemakñegöra ahumakze.

<sup>25</sup> Hagar mi Sainai kundunji, Arebia gölmenön kinjawangö söpsöpñi akza. Sainai miangö alanji mi Juda gölmegö siti qetñi Jerusalem. Siti miangö könagesögö ketanji morönji yeñön nalö kewöñe Köna keu bapñe malgetka jöhöm enñii solanji (fri) qahö akze. Miangöra dopñiri mohok akzahot.

<sup>26</sup> Solanji (fri) qahö akzemö, Jerusalem siti kun euyangörej maljei, yeñön mönö kösö gwarönini qahö solanji malje. Neñgö namnini Sara yanön mönö siti miangö söpsöpñi akza.

<sup>27</sup> \*Miangö kezapqetok keunji mi kewö ohoget ahöza, “Ambi azinön ölan qeyöhi, yanön mönö nahönbörat enñömiiga sehigetka mewö ambi apñambuk mi luhut alma. Miangöra ambi köpin morö qahö menöñi, gi mönö töndup söñgaiba malman. Masö qahö guhui malnöñi, gi mönö töndup qet gigilahöba morö ahumapköra köiran ala malman.”

<sup>28</sup> O urumelen alaurupni, inñini mönö Aisakö dowä Anutugö jöhöjöhö keunan nam köl enñiiga ahuahü dölökñi ahuba malje.

<sup>29</sup> \*Nalö miangörej morö ahuahugö könanön ahuyöhi, yanön munñi Uña Töröñan nam köl wangñiiga ahuyöhi, mi sesewerowero ak wangñiba malök. Nalö kewöñe mewöñanök sesewerowero mewöñi mi ahöza.

<sup>30</sup> \*Mewö ahözapmö, Buña keu kun mi toroqeba kewö jigetka ahöza, “Welenqeçe ambigö nahönñan mönö Iwiñangörej börösamotñi qahö mema. Ambi solanji malmalñi yangö nahönñambuk mi mohotñe qahö mendenja anñön kölmahot. Miangöra welenqeçe ambi etqeqeñi mi mönö közölnöñga nahönñambuk anmahot.”

<sup>31</sup> O urumelen alaurupni, söpsöp keu mewöñangö dop neñön mönö welenqeçe ambigö undumurupñi gwaröninambuk qahö akzinmö, ambi solanji malmalñangö undumurupñi akzin. Miangöra lolonqalon ahakmeme mi közölme. Mewö.

## 5

### *Lolongöba Kraistpuk kinkin solanñe kinme.*

<sup>1</sup> Kraistnön Köna keu bapñeyök pösat neñiiga solanji maljin. Mewö mala tosatñan inñini kunbuk öröba Köna keugö mötöpnön\* jöhöm enñibepüköra mönö galöm mem anñguba malme. Welenqeçe omanji ewö akepüköra mönö köhöiba böñ qeba kinme.

<sup>2</sup> Mötket! Pol nöñön kewö jibi mötket: Tosatñan Anutugö aiwesökñi silenine yandimegö mötketka imbi kölme ewö, Kraistnön mönö bauköm enñimangö osima.

<sup>3</sup> Keu mi toroqeba kewö nangöba jimam: Azi pakpak silenine aiwesök yandimegö mötketka imbi kölmei, yeñön mönö Köna keu pakpak tem köla wuatangöme. Mi qahö wuatangögetka qahö dop kölma.

<sup>4</sup> Köna keu tem köla wuatangöba mewö mianön solanji akingö mötzei, enñön mönö Kraistkö selñi qösököba yambuk qahö toroqeba kinje. Enñön mönö Anutugö kalem möriamñi mosöta yaigep eta lan malje.

\* **4:27:** Ais 54.1    \* **4:29:** Jen 21.9    \* **4:30:** Jen 21.10    \* **5:1:** Ip kembangan (yoke) mi bulmakau yahötkö jölnjire ala jöhögetka mindirim etkiiga mianön mohotñe kare me gölmeqeqegö kinon örömakzahot. Miangö dop Köna keu gwarönön maljan ewö, nupñi mönö töp meman.

<sup>5</sup> Laŋ maljemö, neŋön mönö Anutugö jeŋe diŋdiŋi akingö jörömqörömŋi aka awöweŋgömakzin. Mewö ahiŋga Uŋa Töröŋan inahöm neŋgiiga Anutu möt narim waŋgiiga keunini jim teköi solanibingöra mambörakzin.

<sup>6</sup> Kraist Jisösbuk kininga urugö ölni mötnariŋ mi mohotŋan mönö bauköm neŋgimakza. Anutu möt nariinga inahöm neŋgiiga amqeba urukalem ak aŋguinga dop kölŋapmö, mötnariŋ ölni qahö mi qahö bauköm neŋgimakza. Mewöyök Anutugö aiwesökŋi silenine yandiget ahöza me qahö, mi mönö dop mohot akza. Silegö kun me kun mi Anutugö jeŋe qahö bauköm neŋgima.

<sup>7</sup> Mutuk uru melenmelenŋö aonŋitnön mönahot ewö ösumŋinan anget. Ölöŋanök angetmö, böhi takapulakaŋi kunön kaba siksauk mem eŋgiba kemaŋe kutuiga keu ölni qahö toroqeba tem kölakze.

<sup>8</sup> Kun daŋön eŋgoholakzawi, yaŋön mönö kemaŋe kutumegöra qahö tutuhuba kuŋgum eŋgimakza. Mi qahö.

<sup>9</sup> \*Yist boromdökŋi kimbutnön ala plauabuk melenninga körek pakpak meiga qariba wahörakza. Mianŋö dop siksauk moröŋan mönö dop köl eŋgiiga körekmakörek janjuŋ akepek.

<sup>10</sup> Böhi takapulakaŋi yaŋön siksauk mem eŋgiiga janjuŋ ahakzei, Anutunön mönö yaŋö ahakmemenŋö likeŋi melen waŋgiiga sihimbölöŋi möta malma. Nöŋön Kem-bubuk kinda möt narim eŋgiba eŋgöra kewö möta awösamkakak akzal: Inini Kraistkö Buŋa keu törörök wuatangöba mötmöt murutŋi pakpak yaköribingö möt köhöiba malme.

<sup>11</sup> O urumelen alaurupni, inini mewö malmemö, nöŋön Kraist maripomnön kömuyöhaŋö könaŋi jim sehibiga Juda yeŋö uruŋinan mianŋöra bölimakza. Maripomgö keuŋi mosötpileŋak ewö, mönö sesewerowero qahö ak niŋgibeak. Anutugö aiwesök azi silenine yandiyandimegö Buŋa keuŋi toroqeba jiba uru kuŋgum eŋgibileŋak ewö, mönö kahasililiŋ qahö ak niŋgibeak.

<sup>12</sup> Tosatŋan kuŋgum eŋgiba siksauk memakzei, yeŋön mönö yandiyandigö keuŋini wuatangöm teköba nanŋini sile kitipŋini körek yandim aŋgugetka mötŋi dop kölbowak.

<sup>13</sup> O urumelen alaurupni, Anutunön inini köna walŋangö keunöhök lolohoba gwaröŋini qahö malmegöra eŋgoholökmö, kewögöra mönö galöm mem aŋguba malme, “Mönö lolohoba solanŋi maljin,” mewö jiba möndöba uruŋinan wahöri silegö sihim kömbönaŋini bölöŋan mönö galöm köl eŋgibapuk. Nanŋini imbi-imbi qahöpmö, mönö urukalem qakŋe kinda welen qem aŋguba malme.

<sup>14</sup> \*Köna keu bohonŋi mohot wuatangögetka Anutugöreŋ keu pakpak mönö mewöyök ölninambuk akŋe. Keu bohonŋi mohok mi kewö, “Nangi jöpaköm aŋgumakzani, mianŋö dop mönö ambazip pakpak urugan jöpaköm eŋgimakŋan.”

<sup>15</sup> Mewö jizapmö, bau kiam ewö aŋgöhöm söksök aka aumakze ewö, mönö nanŋini ayuhum aŋgubepuköra töhöŋini pöndaŋ möta malme. Mewö.

### *Uŋa Töröŋan galöm köl eŋgiiga malme.*

<sup>16</sup> Nöŋön kewö jimam: Uŋa Töröŋan mönö ahakmemenŋini galöm kölīga malme. Mewö malgetka urusilegö sihim kömbönaŋini bölöŋi qei eri kude tem köla wuatangömakŋe.

<sup>17</sup> \*Mianŋö könaŋi kewö: Urusilegö sihim kömbönaŋi bölöŋan mönö Uŋa Töröŋi qetala laŋ köpösöŋgöiga Uŋa Töröŋan uru walŋangö kukŋi qemamgö möriŋa sutŋire jujul ahöi aumakzahot. Mewö aumakzahoraŋgöra eŋön yuai ölöŋi aka memingö möta mi osimakze.

<sup>18</sup> Mi osimakzemö, Uŋa Töröŋan eŋguaŋgiriga anda malje ewö, mönö Köna keu bapŋe qahö malje.

<sup>19</sup> Urusilegö ahakmeme walŋangö nup ölni mi aukŋe ahöi mötzin. Mi kewö: Kaisero namböŋnamböŋ laŋ aketka uruŋinan tölöhoiga serowilin ahakze.



<sup>20</sup> Tandö lopionj waikņini memba bemņini möpöseim engigetka uruņini sölölöhöm engii suņa jinaņ ahakze. Kerök asuhui anğururuk aka aumakze. Kungörej yuaigöra urunöņ mututqutut möta eröm ota yom jiba urusingok ahakze. Nanninaņğörök mötmöriba yuai öröba girinjabak memakze. Jula mendenj anğuba kambuņi kambuņi ala jijiwilit ak anğumakze.

<sup>21</sup> Tosatņi yeņgö yuaigöra eksihim möta körögisigisi aka közölömbuanj pati ala bau numbu namba o köhöikņanğöra enjololonj ahakze. Mi aka silik tosatņi mewöņi ahakzei, yeņgöra mutuk jial aka miangö dop galöm meme keu mi qeljiņe dumņe kunbuk kewö jizal: Ambazip silik mewöņi ahakzei, yeņön mönö Anutugö bemtohoņ uruņe qahö öņgöme.

<sup>22</sup> Yeņön qahöpmö, Uņa Töröņan nup memakzawangö ölni mi urukalem, sösöņgai, luai aka ahakmeme ölöpnj kewö: Lömböt pakpak möta mökösoņda tosatņi ala ak engiba ahakmeme sakalakņi ahakze. Keuņi misila pöndaņ wuatangömakze.

<sup>23</sup> Gunbönjönjönj qakņe tosatņi ak engiba nannini törörök galöm köl anğumakze. Ambazip silik mewö ahakzei, yeņön Köna keu qahö qetalakze.

<sup>24</sup> Ambazip Kraist Jisösgö buņaya aka maljei, yeņön uru sileninaņgö sihim kömbönaņini bölöņi aka bölönaņgö urukönöpņini mi körek Jisösbuk maripomnöņ algetka mem kömuyöhawa malje.

<sup>25</sup> Uņa Töröņan urunine geiga maljin ewö, ahakmemenini mönö mewöyök Uņa mianjön galöm köl neņgii aka memba malbin.

<sup>26</sup> Mewö mala qetbuņa omanj neņgimegö kude kapanj köla öne töhön kude aiweliköm anğumakņe. Urubölö ak anğubepuköra mönö uruköņganj kude aka uruöngöp qakņe kude ak anğumakņe. Mewöyök körögisigisi kude ahakņe. Mewö.

## 6

### *Lömbötņini mönö bisiba bauköm anğumakņe.*

<sup>1</sup> O urumelenj alaurupni, kunņan köna onğita singisöndok aiga miwikņaize ewö, urumelenj alaurup eņön mönö mökököli qakņe ala ewö mindiņgöm wanğigetka kunbuk köna miwikņaima. Mewö aka nangak mewöyök esapesapnöņ et guhubapuköra mönö galöm mem anğuba malman.

<sup>2</sup> Lömbötņini mönö bauköm anğuba bisimakņe. Mewö mianjön Kraistkö Köna keuņi wuatangögetka ölnambuk ahakņa.

<sup>3</sup> Kunņan eretņi mala töndup nanņanğö möri öņgöņgöņi akzawi, yaņön mönö nanņi tilipköm anğumakza.

<sup>4</sup> Mewö kude akņemö, mohot mohot eņön mönö nanņini ahakmemenini kewöta esapkögetka dop kölma. Mewö aka alaņini onğita qetbuņaņinambuk akzeanğöra kude aiwelikömemö, mönö nanņini könaņinaņğörök silenini möpöseigetka dop kölma.

<sup>5</sup> Anutunöņ lömbötņini murutņi murutņi mendenj neņgiiga nanņök nanņök bisimakzin. Mianğöra nanini tosatņi yembuk likeplikep ala kewöt anğubingö osimakzin.

<sup>6</sup> Böhi qağazunöņ kungöra Buņa keu kusum wanğimakzawi, yaņön mönö mianğö töwanj melenđa yuainj ölöpnj pakpak mendenđa bahöņi wanğimakņa.

<sup>7</sup> Nannini mönö kude tilipköm anğumakņe. Kunöņ nene warökņi kömöriga ölni mianğö dop ahui miwikņaima. Keu mianğö dop Anutunöņ bölöņamnini eka likepnj mianğö dop neņgima. Mianğöra Anutu mi azi omanj ewö mepaqepaik ak wanğibingö osimakzin.

<sup>8</sup> Urusilegö sihim kömbönaņi bölöņan kun nam köl wanğiiga mianğö warökņi laņ kömörakzawi, yaņön mönö mianğö kōndenmōndenj miwikņaiaba bölimakņa. Yaņön bölimakņapmö, Uņa Töröņan kun sölölöhöm wanğiiga mianğö warökņi kömörakzawi, yaņön mönö ölni mianğö dop miwikņaiaba malmal köhöikņanğö buņaya aka malma.

<sup>9</sup> Nini jegep kinda nup ölöpnji ölöpnji memba mala mianğoreñ mönö löwöriba zölokzölok kude akñe. Tanqañ aka nup qahö mosötpin ewö, ölnji meme nalöñan kam kuñguiga nupninañgö töwañji mönö miwikñaibin.

<sup>10</sup> Mianğöra gölmenöñ malbinañgö dop neñön mönö ambazip ölöpnji ak engibingö jegep kinda malbin. Urumelen könagesö uruñe maljei, i mutuk alabauk ak engimakin aka yeñgö andöñine ambazip tosatñji pakpak köna asuhuiga mem ölöwak engimakin.

*Galöm meme aka yaizözkök keu teteköñji*

<sup>11</sup> Pol nöñön kirifi memba nani böröñan kulem je ketañji ki engöra ohozali, mi ekñe.

<sup>12</sup> Ambazip Anutugö aiwesökñji silenine yandimegöra kuñgum engimakzei, yeñön mönö körek sile megetka gölme ambazipnöñ yeñgöra mötket öngömapköra kapañ kölakze. Kraistnöñ maripomnöñ kömuyöhi, keu mianğöra sesewerowero ak engibepuköra mönö mewö kuñgum engimakze. Mianğö könañji murutñji kun qahö.

<sup>13</sup> Anutugö aiwesökñjinambuk mienön mönö nanñinak mewöyök Köna keu qahö wu-atañgöm teköba malje. Mewö qahöpmö, engö silenini yandimegö mötzeañön mönö engö sile kitipñinañgöra aka nanñini silenini mem öngöba qetbuñjanambuk akingö mörakze.

<sup>14</sup> Mewö mörakzemö, nöñön Kembunini Jisös Kraist maripomnöñ kömuyöhi, mönö Buña mianğöra aka sileni möpöseimakzal. Qetbuña murutñji kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñji memakzal. Gölme ambazipnöñ silegö ahakmeme bölöñji memingö mötmöröiba keu jimakzei, nöñön mönö mianğoreñ göröken köhömuñji tandök akzal. Möpöseim niñgimei me silene keu almei, mianğö likepñji mi qahö melenmam. Gölmenöñ keu kewöta tosatñji mötket öngöi tosatñji mötket eretñji akzawí, mi mönö nöñgö mötmöt areñbuk dop mohot qahö akzahot.

<sup>15</sup> Silenine aiwesök yandiget me qahöwi, mianñön mönö dop mohot akza. Mianñön gorosonñji akzapmö, ahuahu dölökñangö dömnji akzini, mianñön mönö öl töhöññji akza.

<sup>16</sup> Ambazip ahuahu dölökñangö jimkutukutu keu wuatangöba maljei, Anutunöñ Juda körek mi aka Anutugö urumelen könagesö pakpak inñini mönö ak kömum engiiga luainöñ malme.

<sup>17</sup> Keu teteköñji kewö jizal: Nöñön Jisös qegerangö löpötñji mi nani silene ahöiga bisimakzalanğöra kunöñ mönö urulömböt kude toroqem niñgima.

<sup>18</sup> O urumelen alaurupni, Kembunini Jisös Kraistkö kalem möriamñan mönö embuk ahöba uñaññini kötuetkömakña. Keu mi ölnja.

## Efesus Kimbi Polnön Efesus yengöra Kimbi alök. Jim-asa-asari keu

Polnön Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowinsgö siti bohonji. Siti miangö uruñe kölköl-örörö gwötpuk ahömalget. Polnön misin nup memba liliköi indimñi karöbut ahiga Efesus kaba yambu karöbut miangören Buña keu jiba malök. Efesus sitinön Juda ambazip tosatñi miri tonji yengö sutñine malgerañgöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelen kambu mohok-kun akzahot.” (2.15-16), (3.6) Anutunön jitsihitñi aka kalem möriamñi urumelen kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelen könagesö enön sile sep busu mohot aketka Kraistnön nanjak nöropñini akza. (1.23; 4.15-16)
2. Urumelen könagesö enön miri mohot tandök aketka Kraistnön engö tandöñini kömbönañi akza. (2.21-22)
3. Urumelen könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerañgöra malmalñinangö goro keunji keunji ohoyök. Mewö.

### **Buk kiangö bahöñi bohonji 4 mi kewö:**

- Keu mutukñi keu 1.1-2
- Kraist aka urumelen könagesö 1.3-3.21
- Kraistpuk malmal dölökñi 4.1-6.20
- Kimbigö keu kötñi bohonji 6.21-24

<sup>1</sup> \*Anutunön Pol ni jitsihitñangö dop melaim niñgiiga Kraist Jisösgö aposol akzal. Mötnarip alaurup sarakñi Kraist Jisösbuk qekötahöba Efesus sitinön maljei, nöñon embuk keu eraum mötpingöra kimbi ki ohozal.

<sup>2</sup> Anutu Iwinini aka Kembu Jisös Kraist yetkön mönö kalem möriam engiyohotka luainön malme.

### *Kraistnön Anutugö kötümötuetñi nengimakza.*

<sup>3</sup> Neñon Kembunini Jisös Kraistkö Iwi Anutunji möpöseimakin. Yanön nini Kraistpuk qekötahöinga uruninan ölöwakñapköra Suep mirigö kötümötuetñi aka kalemñi könani könani mi urunine alöha kayambu asuhui mala kotket.

<sup>4</sup> Anutunön nini mutuk möpñangö möpñeyök kewö akingöra möwölöhöm nengiyök: Kraistnön nam köl nenggiiga neñon yangö buñani sarakñi aka Anutugö jemesoholñe keunini qahö kinbin. Mewö möwölöhöm nengiba miangö andöñe Suep gölme miwikñaiba al etkiyök. Nalö miangörenök könahiba ambazip jöpaköm nengiba mala korök.

<sup>5</sup> Jöpaköm nengiba urusihimñangö dop qeljine keu jit areñi ala keunini kewö jim teköyök: Jisös Kraistnön nam köl nenggiiga Anutunön nengömeiga nanñi nahönböraturupñi akin.

<sup>6</sup> Wölböt Nahönñi nengöra melaiiga eta Anutugö kalem möriamñangö kukösumñi buñabuñambuk kölenja söngöröñi qahö öne nengiyök. Nini mönö kalem möriamñi miangöra Anutu möpöseim wangimakin.

---

\* 1:1: Apo 18.19-21; 19.1

<sup>7</sup> \*Anutugö kalem möriamñangö köwenji mi keta bölökñi. Mianğö dop Jisösnöñ sepñi mokoba mianğön sohohnini meyök. Mi meyöhanğöra Anutunöñ ölop siñgisöndoknini mosöta sanğon neñgimakza.

<sup>8</sup> Yañön kalem möriamñi mi köwenjeyök kelenmalelenj mokoiga çaknine öngöyök. Mötkutukutuñi öngöngöñi pakpak mianğö dop kewö möt asarim neñgiyök:

<sup>9</sup> Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnöñ Anutugö keu jitñangö dop wuatangöba eta neñğoreñ indeliga eka mörin.

<sup>10</sup> Anutunöñ mutuhök kalem möriam areñangö könañi kewö mötmöriyök, “Anutu nöñön areñ mi wuatangöba mala malbiga nalöñi törörök kam kuñguiga mianğoreñ öñambuk aiga kewö asuhuma: Körek Suep mirigö jakenji jakenji mianğoreñ me gölmenöñ ahuba maljei, nöñön mönö mi pakpak mindiriba jöhöm eñgimam aka Kraist kuñgum wangbiga körek yeñgö bohonñini mohot aka malma.”

<sup>11</sup> Anutunöñ mutuhök nanñi uruñangö dop keu jöhöi ahözawi, mönö areñ mianğö dop kuñgukuñgu keuñi jiiga yuai pakpak asuhumakza. Nanñi areñi mianğö dop qeljiñe Juda könagesö nini nanñi buñañi aka malbingöra jim teköba al neñgiyök. Mianğö dop nini tosatñan Kraistpuk çekötahöinga meköm neñgiiga buñañi börösamot ewö anğön köla memba maljin.

<sup>12</sup> Juda könagesö neñön Kraistnöñ galöm köl neñgimapkö mamböta qeljiñe jörömqöröm ak wangiba mala korini, yañön nini Anutugö kukösumñi buñabuñañambuk möpöseiba malbingöra aka möwölöhöm neñgiyök.

<sup>13</sup> Kian kantri eñğoreñök tosatñan mewöyök Kraistpuk toroqeba çekötahöget. Amötqeqegö Ölöwak Buñañi jigetka keu öñi mi möta uruñini melenget. Uña Töröñi yañön Anutu buñañangö muñgem aiwesökñi akza. Uña mi melaii etmapkö keu jöhöyöhi, yañön mönö mi uruñine ali geyök. Kraist möt narim wangigetka Anutunöñ aiwesökñi kömbönañi mi mekötahöm eñgiiga malje.

<sup>14</sup> Anutunöñ könagesöurupñi Suep Buña neñgimangö keu jöhöyöhi, mi membingö aiwesökñi Uña Töröñi mi mutuk al neñgiyök. Uña Töröñi urunine ali maljawangöra mönö kewö möt köhöizin: Anutunöñ lök sohohnini memba buñaurupñi ahinga bian gölmenöhök neñguanğiriga Suepnöñ öngöba oyaenköyaenj akin. Mianğöra mönö Anutugö kukösumñi buñabuñañambuk möpöseimakin. Mewö.

### *Polnöñ Anutu möpöseiba kewö köuluköyök:*

<sup>15</sup> Mewö oyaenköyaenj akingöra aka nöñön Efesus eñğöra köulukömakzal. Eñön Kembu Jisös pöndañ möt nariba ambazip sarakñi pakpak uruñinan jöpaköm eñgimakzei, tosatñan mianğö buzup keuñi jigetka möral.

<sup>16</sup> Mianğöra buzup keu mi mörali, nöñön mewöyök eñğöra aka Anutu möpöseiba mala qahö mosöral. Qahö. Nöñön köuluköba mianğoreñ mötmörim eñgimakzal.

<sup>17</sup> Mötmörim eñgiba Kembunini Jisös Kraistkö Anutuñi mi kewö köuluköm wangimakzal, “O Iwi kukösum Tonji, gi mönö Uñagi Töröñi Efesus alaurup eñgiman. Uña mi uruñine alnönga mötkutukutuñini qainñi kun asuhuiga Anutugö könañi ölopñanök indeliga möt yaköme.

<sup>18</sup> Anutu, gi mönö uru jeñini mem asarinöñga nangi Buñagahö könañi möt yaköme.” Anutunöñ nanñi ambazip sarakñi neñğöra Suep Buña kukösumñi buñabuñañambuk mi neñgimangö keu jöhöiga iñini yuai mi asuhumapkö al mamböta jörömqöröm akñegöra eñgoholök. Jörömqöröm aketka Jisösnöñ kunbuk asuhuiga aködamunñinambuk akñei, iñini oyaenköyaenj mianğö könañi möt sölöngömegöra köulukömakzal.

\* 1:7: Kol 1.14



19 Möt narim wanğiinga Anutugö kukösum köhöikñan urunine sehiba nup memakzawi, mianñon mönö keta bölökñi teteköñi qahö akza. Inini mianğö könani möt kutumegöra köulukömakzal. Ösum-mumuñi wewelipñambuk mianñon silenini kutuba inahöm neñgimakzawi, Anutunöñ mianğö kukñi kewö kondel neñgiyök:

20 \*Anutunöñ kukösumñi nupnöñ ala Kraist mem gulim wanğii kömupnöhök wahörök aka wanğiriga Suep mire öngöba selñi selñi liliköba jakeni jakeni enğonğiriga Anutunöñ böröñi ölñe dum tatat mutukñe ali tatza.

21 Ali jakömbuak dumñe tata öroyuai pakpakö bohonina kinja. Bem suahö galöm aka yengö nemböñine jembon pom aka gawman kiap öngöñgöñi eretñi kukösumñinambuk kembu ak neñgimakzei, Kraistnöñ mönö mi körek pakpak galöm köl enğimakza. Suep mire, gölmenöñ aka mietkö sutñire galöm qet pakpak qet enğigetka bisizei, Kraistnöñ mi körek enğonğita öngöza. Gölmegö nalö kewöñeyök qahöpmö, könanğep nalö qainñi kun asuhuiga mal öngöbini, mianğoreñ mewöyök öroyuai pakpak galöm köla mal öngöma.

22 \*\*Anutunöñ uña, ömewöröme, ambazip aka öroyuai pakpak mi memba eta Kraistkö bapñe al neñgii malinga Kembunini öngöñgöñi akza. Anutunöñ Kraist mi urumelen könagesö neñgiba bohonini kinmapköra kuñgum wanğiiga malja.

23 Yanñon kötal neñgiba bohonini aiga neñon yanğö ölñanğö köna börö su-urupñi akzin. Kraistnöñ nörowök aiga qahö dop kölbawakmö, neñon yanğö törömunñi aka toroqeinga ölñan asuhum tinğiriga dop kölja. Kraistnöñ mewöñanök öroyuai pakpakö törömunñina kun aka toroqeiga körek pakpak mienñon mönö Anutugö aködamunñinambuk asuhaba dop köla anakze. Mewö.

## 2

### *Köhömuñeyök guliba Kraistpuk köhöiba maljin.*

1 \*Mutuhök köna onğita sinğisöndokñi sinğisöndokñi akeranğöra malmal köhömuñi mala kotket.

2 Inini nalö mianğoreñ gölmegö ahakmeme bölöñi wuatangöget. Ömewöröme yengö Kembuninan nalö kewöñe Suep gölme sutñire mala qegetal ambazip urunini sölölohöba galöm köl enğimakzawi, mönö yanğoreñ qekötahöba tem köl wanğiba malget.

3 Neñon körek mewöñanök mutuk yengö sutñine silebile aka lañ malin. Uru silegö sihim kömböñanñini bölöñi wuatangöba nanine imbi-imbini malin. Mewö lañ malinga Anutunöñ neñgehi qahö dop köliga irimsesewölñi qaknine ali malin. Qegetal ambazip tosatñi yengö dowök Anutugö irimsesewölñanğö buñaya aka malin.

4 Mewö malinmö, nalö kewöñe mewö qahö. Anutunöñ ak-kömukömuñi teteköñi qahö mianñon mönö jöpaköm neñgiyök.

5 Köna onğita Anutu qetala mianğöra köhömuñi aka malinmö, Anutunöñ Kraist mem guliyöhi, nini mewöyök mönö mewöñanök mem gulim neñgiiga köhöiba maljin. Yanğö kalem möriamñan mönö amöt qem enğiiga kunbuk letotket.

6 Kraistnöñ wahöröhi, nini mewöyök mönö mewöñanök neñgömindiga köhömuñeyök wahörin. Anutunöñ Kraist Jisös wanğiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö mianğoreñ al neñgiiga yambuk tosatñi galöm köl enğiba maljin.

7 Anutunöñ kewögöra mewö al neñgiyök: Anutunöñ kalem möriamñanğö köweni teteköñi qahö mianñon aukñe asuhui möt asaribingöra mörök. Möt asariba könanğep nalöñi nalöñi qainñi kun asuhugeta teteköñi qahö mal öngöbini, nalö mianğoreñ mi neñgim qarimapköra mörök. Anutunöñ Kraist Jisös melaiiga kaba urukalemñi mewö kondel neñgiyök.

<sup>8</sup> Anutu möt narim wangetka kalem möriamnan mönö amöt qem enjiiga kunbuk letotket. Nannini nam köl anguba mewö mianjon qahö letotketmö, Anutunöj mi kalemna ak enjiyök.

<sup>9</sup> Nanninak yuai kun ak sorokögerangöra aka qahö letotket. Kunöj kun nanji silenji memba öngöbapuköra mönö kalem möriamnanjörök aka mewö ak enjiyök.

<sup>10</sup> Nini Anutugö börösöwöya maljin. Kraist Jisösbuk qekötahöinga Anutunöj uru dölökni miwiknaiba al nenjiyök. Anutunöj qeljine nup ölopni ölopni möwölöhöba mözözömgöyöhi, nenön mi memba malbingöra mewö miwiknajim nenjiiga maljin. Mewö.

*Kraistpuk qekötahöba ölni mohot akzin.*

<sup>11</sup> Miangöra aka Efesus injini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatnan engöra kewö jiba jim engimalget, “Nini Anutugö aiwesökninambuk maljinmö, kantri tosatni injini ambazip omani aiwesökjini qahö!” Qet mi azi börönöj aiwesök silenine yandimakzei, mönö mi mötmöriba jimalget.

<sup>12</sup> Injini nalö miangöreñ urunji Kraistpuk qahö jöhöba öne yaigep malget. Kian kantri injini Juda könagesö nenjö kau likepurupnina malget. Anutunöj ambazip nanjangöra möwölöhöm nenji maljini, injini nenjö sutnine qetjini qahö malget. Anutunöj Buñaji alaurupni engimamgö jiba keu jöhöyöhi, injini mi qahöpmahöp möt kutuba tönpin malget. Oyaenköyaen akingö jörömqörömjini qahö. Anutunji qahö tandök gölmenöj önewat lan malget. Mönö mia mötmöriba malme.

<sup>13</sup> Injini mutuk tikep malgetmö, Kraist Jisösbuk qekötahögetka sepnan sanjon enjiiga nalö kewöje amqeba Anutugö kösutje kaba malje.

<sup>14</sup> Kraistnöj nanjak luai Tonini akza. Yanön Juda könagesö aka kian kantri ambazip kambu yahöt nini mindirim nenjiiga kutulanjömakzin. Sutnine kerök ahöba sel paset köhöikni ewö menden nenjiyöhi, yanön mönö sonjo mi tumbaköba luluñniga urumelen könagesö mohot akzin.

<sup>15</sup> \*Jisösnöj nanji gölme silenjan kömuiga mewö mianjon Juda nenjörej Köna keu aka mianjö jöjöpañ keunji aka jimkutukutu tosatni mi köndenök. Sile kambu yahöt mindirim nenjiba könagesö dölökni mohot akingöra mi köndenök. Miangöra uru dölökni miwiknaiba al nenjiiga Kraistpuk qekötahöinga sutnine luai qei asuhum nenjiyök.

<sup>16</sup> \*Kraistnöj kömumba keröknini maripomnöj qem kömui erök. Silenji mohot mianjö sepnan mönö ambazip kambu yahöt nenjuanjiriga ölop lilingöba Anutugö kösutje kabin. Mewö mindirim nenjiiga ölop böröqege akin. Mi ak teköba Kraistkö ölni mohot aka maljin.

<sup>17</sup> \*Kraistnöj kaba luai asuhumapkö Buñaji mi kian kantri ambazip Anutu andö qeba tikep malgeri, engöra jim asarim enjiyök aka Juda ambazip Anutugö kösutje malini, mönö nenjöra mohot jim asarim nenjiba malök.

<sup>18</sup> Kraistnöj Juda aka kian kantri ambazip nini körek nam köl nenjiiga Uña Töröñi mohotnan köna kondel nenjiiga ölop amqeba Iwigö jemesoholje angotpin.

<sup>19</sup> Miangöra injini Juda ambazip qahöpmö, töndup kian ambazip qandakni mi qahö toroqeba malje. Anutugö miri gölme toni sarakni aketka nembuk mohotje Anutugö urumelen könagesö akzin.

<sup>20</sup> Kezapqetok ambazip yenön mutuhök Anutugö keunöj tandö esim kungugetka Kraist Jisösnöj nanjak kaba tandö kömbönanjini aka aposol melaim nenjiba bohonini kiniga Anutugö urumelen jikeya akzin. Injini mewöyök tandö mianjörej angota nanjönanjö ak anguba köhököhöi miwiknajimakze.

<sup>21</sup> Yanön mönö miri mi jömuknanök mindirim jöhöiga kinakza. Nini Kembubuk qekötahöba kinda kutulanjöinga mötnaripninan köhöim qariiga Anutugö urumelen jike kömbukni akzin. aka

\* 2:15: Kol 2.14 \* 2:16: Kol 1.20 \* 2:17: Ais 57.19

<sup>22</sup> Injini mewöyök Kembangören qekötahöba urumelen alaurup tosatni yembuk kutulanğöba mohotne kinda urunini nanğöm anğuba köhököhöi miwikñaimakze. Mewö kinda Anutugö urumelen jike aketka Uña Töröñi urunine ala mianğön nanğak jikenji mianğö urune malja. Mewö.

### 3

#### *Polnöñ kian kantri yengören anda Buña nup meyök.*

<sup>1</sup> Könañi mianğöra aka Pol nöñön kian kantri ambazip injini bauköm engimangöra nup memba maljal. Mewö malbiga Kraist Jisösgö nupñi mealanğöra kösö mire al niñgigetka tata simin köla köulukömakzal.

<sup>2</sup> Anutunöñ kalem möriamñi kantri tosatni engöra menden enğiiga ölöwaknegö nup niñgiyöhi, injini mi ölña möt teköze.

<sup>3</sup> Anutunöñ keu arenji tölapñi indela jiiga möt yaközali, keu mianğö könañi lök töröpñanök ohom enğial.

<sup>4</sup> \*Ohom enğiali, injini kulem mi oyoñda ölop nöñgö könani kewö möt asarime: Nöñön Kraistkö könañi tölapñi mi ölopñanök möt kutuzal.

<sup>5</sup> Möpñanğö möpñeyök ambazipnöñ könahiba mala kota malgeri, yeñön nalö mianğören Buña tölapñi mianğöra tönpin malget. Mewö mala kotketmö, nalö kewöñe Uña Töröñan mi Anutugö aposol aka kezapqetok ambazip tök-kutukutuñi neñğöra jim indeli mötzin.

<sup>6</sup> Buña tölapñi mi kewö: Kraist Jisösnöñ Buña neñgimapkö jiba keu jöhöyöhi, injini mi Juda nembuk öröröñ anğön köla memba malje. Ölöwak Buñanöñ mianğö könañi mi kian kantri ambazip engöra mewöyök kondel engimakza. Injini urunini melenđa ölop nembuk mohotne kötümötuetñanğö Buñanji dop mohot memba malje. Urunini Anutubuk jöhöba mohotne Kraistkö ölñi aka nembuk kambu mohot kinjin.

<sup>7</sup> Yanğö kukösumñan mönö nöñgö uruni sölölohöiga uruni melenbiga Anutunöñ kalem möriamñi söñğöröñi qahö niñgiyök. Mi niñgiiga köna asuhuiga Ölöwak Buñagö nup membe azia ahal.

<sup>8</sup> Nöñön Anutugö könagesö sarakñi pakpak engö nembö bapñine eretñi kötökñi maljal. Mewö maljalmö, Anutunöñ töndup kalemñi öngöñgöñi kewöñi niñgiyök: Nöñön Kraistkö oyaenköyaen Buñanji mi kian kantri ambazip engöra jim asarimangö simbawon mötzal. Oyaenköyaen mianğö könañi mi körek esiba möt kutum teköbinanğö dop qahö.

<sup>9</sup> Anutunöñ möpñanğö möpñe yuai pakpak miwikñaiiba Buñanji tölapñi közamböriğa ambazipnöñ mala kota malgetka nalö mianğören tönpin malget. Mianğöra nöñön Anutugö Buña arenji tölapñi mi galöm köla malbiga ölñambuk ahakza. Nöñön mianğö könañi aukñe jibiga ambazip körekñan möt sölöñgömegöra simbawon mötzal.

<sup>10</sup> Anutunöñ mötkutukutuñi qainñi kun könañi könañi indel neñgiiga nalö kewöñe urumelen zioz kambu sutnine eraum möringa aukñe ahum sehimakza. Anutunöñ urusihimñan kewö mörakza: Bem suahö galöm aka pom garata öngöñgöñi eretñi Suep gölme sutñire öröyui pakpak galöm kölakzei, yeñön mewöyök Anutugö mötkutukutuñi mi kezap ala mötmegöra mörakza.

<sup>11</sup> Yeñön mi mötmegöra Anutunöñ Buña arenji mi möpñanğö möpñeyök nalö qahöpñe urunan jim köhöiba ali ahöyök. Mianğö dop Kembunini Kraist Jisös melaiğa ölñi miwikñaiğa könagesöurupñi aka mindiriba kinjin.

<sup>12</sup> Kraistpuk qekötahöba kinda möt narim wanğiinga Anutugö nanğunan mewö taliga ölop yanğö jemesoholñe anğotpingöra awösamkakak kinjin.

<sup>13</sup> Mianğöra kewö ulet enğizal: Nöñön kösö mire tata enğön ölöwaknegöra aka köñjilin möta malakzali, mianğöra uruninan mönö kude etma. Injini nöñgö sihimbölöni mianğöra aka ölop aködamunñinambuk akñe. Mewö.

\* 3:4: Kol 1.26-27

*Polnöh Efesus yengöra kewö köuluköyök:*

<sup>14</sup> Könañi mianğöra nöñön Iwinini simin köl wañgiba köulukömakzal.

<sup>15</sup> Yañönök mönö iwinini mutukñi akza. Yangö dop Suep aka gölmegö könagesö pakpak neñön iwi qet memba qerakzin.

<sup>16</sup> Kewö köulukömakzal, “Anutu, gi mönö Uñagi Töröñi al enğinöñga uruñinan köhöimakña. Göhö Buñagi kukösumñi buñabuñambuk mi teteköñi qahö köwege ahözawi, gi mönö kukösumgi mianğö dop mem köhöim enğimakñan.

<sup>17</sup> Mem köhöim enğinöñga ölop Kraist möt narim wañgigetka uruñine dumñi memba malma. Mewö maliga kesötñini Kraistkö urukalemñöh möndömgöba mendawölget geiga töndangöba kinme.

<sup>18</sup> Urukalemñan nam köl enğiiga könagesö sarakñi pakpak yembuk ölop Kraistkö urukalemñangö könañi möt kutume. Jöpaköm neñgimakzawi, urukalem mianğö dopñi kewö: Görañi likeplikep teteköñi qahö an bibihiza. Köröpñi enduyangö enduñe angaiza. Köröpñi euyangö euñe öñgöza. Mewöyök dutñe emuyangö emuñe geba ahöza.

<sup>19</sup> Kraistkö urukalemñan mönö gölmegö mötmötninañgö dopñi oñgita. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buñagan uruñini kokolak qeba musulungöm enğiman.”

<sup>20</sup> Anutu mewö köuluköba kewögöra möpöseimakzal: Nini mötmötnini oñgita yuaigöra köuluköba qesibinak me jemelen imut ala mötmöribinak ewö, yañön mönö yuai mi ölop köhöiba neñgima. Anutu kukösumñan urunine nup memakzawi, yañön mönö mianğö dop köuluk aka mötmöt dopnini oñgit teköba amqeba yuai pakpak ölop ak neñgimakña. Mianğöra möpöseim wañgimakin.

<sup>21</sup> Urumelen könagesö neñön tokoba Kraist Jisösgöra aka Anutugö qetbuñani möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öñgömei, nalö mianğöreñ mönö mewöñanök aködamunñambuk aka ahöma. Keu mi ölña.

## 4

*Kraistnöh mindirim neñgiiga ölñi mohot akzin.*

<sup>1</sup> Nöñön Kembubuk qekötahöba kinda nupñi mealangöra kösö miri azia akzal. Keu mi jim teköba uruñini keu kewö jiba kuñguzal: Anutunöh ahakmeme aködamunñambuk aka memba malmegöra enğoholöhi, mianğö dop inini mönö malmal qainñi kun malme.

<sup>2\*</sup> Mönö uruñini memba et ala keu bapñe anda guñböñjöhñöh qakñe ambazip ak enğiba malme. Lömböt mökösoñda malme. Mönö lolongöba bölöñangö kitipñi kude mememö, qaqaenğiba jöpaköm anguba malme.

<sup>3</sup> Uña Töröñan uruñini qezaköba luaigö kösönöh jöhöba mindirim enğimakzawi, inini mönö uru jöhöjöhö mi sutñine ahömapköra kapañ köla kinme.

<sup>4</sup> Anutunöh enğoholöhi, mianğöreñ mönö öröröh oyaenköyaen akingö jörömqörömñini mohot miyök al enğiiga al mamböta malje. Mianğö dop inini mewöñanök Kraistkö öl kemañi mohot aketka Uña Töröñi mohotnöh mönö inahöm enğiiga malme.

<sup>5</sup> Kembunini mohotnöh galöm köl enğiiga öröröh möt narim wañgigetka o melun mohot miyöhök mem enğigetka mohot aka malje.

<sup>6</sup> Anutunini mohotnöh körek iwi ak neñgimakza. Yañön yuai pakpak körek neñgoñgita Kambu öñgöñgöñi ak neñgimakza. Mewö aka jitñi tem kölbingöra körek kuñguba inahöm neñgiba urunini dop malmal tatat ak neñgimakza.

<sup>7</sup> Mianğö dop öröröh Kraistkö ölñi mohot maljinmö, Kraistnöh kalem möriamñi mokoba sihimñangö dop neñgiyök. Nup memegö mötmöt kalem könañi könañi mi mohot mohot neñgöra dopnine menden neñgiiga maljin.

<sup>8\*</sup> Mianğö keuñi mi kewö jigetka Buña Kimbinöh ahöza,

\* 4:2: Kol 3.12-13 \* 4:8: Sum 68.18



“Yañön euyangören öngöba kinda kösö ambazip gwötpuk engömeiga bunjaurupñi aketka kalemñi kalemñi mi ambazip neñgöra neñgiyök.”

<sup>9</sup>“Euyangören öngöyök,” Anutunöñ keu mi mönö denöwögöra jiyök? Miangö könañi kewö: Kraistnön mutuk Suepnöhök erök. Mönö gölme dutñe emuyangören geyök.

<sup>10</sup>Eröhi, yañön mönö mewöyök lilingöba eu öngöyök. Öngöba Suep mirigö jakeni pakpak engongita qakñe euyangören öngöba malja. Miangören mala Suep gölmegö öröyuainjiri pakpak mi ösumñan kokolak qeba jömuk dop köl teköba malja.

<sup>11</sup>Kraistnön ambazip neñgöra mötmöt kalemñi könañi könañi kewö menden neñgiyök: Nupñi menden neñgiiga tosatñan melaimelai ambazip bohonñi (apostol) aket. Tosatñan kezapqetok ambazip (profet) aket. Tosatñan urukungukungu ambazip (ewanjelis) aket. Tosatñan lama galöm (pastor) aka kusum neñgingeñi böhi qaqazu aket.

<sup>12</sup>Kraistkö ölni mi urumelen ambazip. Neñön yeñgö uruñini nañgöinga köhököhöi miwikñaibingöra nupñi mewö menden da kungum neñgiyök. Könagesö sarakñi neñön körek urugö nupñi mendingö jöjöröm teköba malbingöra aka mewö inahöm neñgiyök.

<sup>13</sup>Mewöña mewö nup murutñi murutñi memba mala Anutu möt nariba könañep Nahönñi möt yaköm soroköba miangören qezaköm anguba mohot aka kinbin. Anutugö mötmötñi aka aködamun yuaini pakpak mi mönö körekñanök Kraistkören ahöza. Neñön Kraistkö köweñeyök mötmöt ösumñi öroinga musulungöm neñgiiga qarim sehiba köhöiba malinga aködamunñi köl neñgi körek asuhui malbin.

<sup>14</sup>Toroqeba namande tandök malbinbuköra Kraistnön urunini kunguba nanñi ewö aködamuninambuk akingöra inahöm neñgimakza. Namande tandök malinga qewölon ambazipnön areñ i me wai ala möndöba tutuhum neñgigetka tala et neñguyöhi, inñi mönö miangö dop aka lañ malbepuk. Luhutnön lilikqilik qeiga köwetnön kunduriga sirinön gödöwöröt lañ wañgiriga an qem kam qem aka simbiñsambañ ahakza. Miangö dop gölme ambazipnön silenön alal aka unji memba tilipmöt möt miwikñaiba ambazip lañ kusum neñgigetka janjuñ ahakze.

<sup>15</sup>Miangö dop lañ kude malmemö, keu ölnanök töp jiba jöpaköm anguba malme. Mewö mala Kraistnön nöroñnini akzawi, kesötñini mönö yangören möndömgöget geiga töndangöba yuai pakpak miangören qarim köhöiba aködamunñinambuk aka malme.

<sup>16</sup>\*Kraistnön nöroñnini aka ölni jömuhök galöm köl neñgiiga ginimuramñi körekñan mönö ölnangö köna böröñi mindiriba jöhöm neñgigetka kutulangömakzin. Ösum mohot mohot ahöm neñgizawañgö dop mönö nupñini memba kötöngöba jöpaköm anguinga ölni mianön köhöiba qarimakza. Mewö.

*Asakñangö ahakmeme dölökñi aka memba malme.*

<sup>17</sup>Mewö akzinangöra nöñön Kembangö jitñe memba galöm meme keu kewö jibi möt yaköme: Urumelen gö kopa ambazip uru mötmötñini sohoiga nesak ewö aka öne omanñi lañ malakzei, inñi yeñgö tandök bölöñi kude toroqeba aka memba malme.

<sup>18</sup>Urumelen gö kopa ambazip yeñgö urumötmötñinan söñauiga Anutubuk malmalgöra siksauk aka sohoze. Mötmöt bölöñan uruñini gwözöñda duhuyöhanğöra aka gukmaulem aka tönpin malje. Miangöra Anutugören malmal köhöikñe qahö qekötahömakzemö, nanñinök lañ töhön malje.

<sup>19</sup>Galömnini qahö mem angugeta uruñini gwözöñ teköiga gamu tanğen malje. Uruñini kaiserönön jöhöba qewölon yuaigöra lañ söñgaiba tölöhomakze. Yuai membagan mendingö nepaqepalok köpösöngömakze.

<sup>20</sup>Yeñön mewö ahakzemö, inñi Kraistpuk malmalgö könañi mi mewö qahö kusum neñgiget mötket.

<sup>21</sup>Inñi keu ölnangö Tonji Jisösbuk qekötahögetka miangö dop könañi kusum neñgigetka ölni kewö möt yaköget:

\* 4:16: Kol 2.19

22 \*Mutuk ahakmemeņini walņi wuatangögetka sihim kömbönaņini bölönan isimkakalek ak enņiiga ayuhum angubingö aket. Köna kusum enņiget mötkeri, miangö dop mönö uruņini walņi meteköm gila andö qeme.

23 Urumötmötņini mem guliget kölönaiba malmegöra köna kusum enņiget.

24 \*Anutunöņ nini nanņi kaisongolomņangö dop sarakņi aka mal köhöibingöra miwikņaim neņgiyök. Uru dölökņangö malmal solanņi wuatangöbingöra mönö al neņgiyök. Mianğöra uru dölökņi miyöhök mönö bök kölget geiga malme. Köna mi mönö mewö kusum enņigetka möt yaköget.

25 \*Köna mewö ahöiga nini Kraistkö öļņi mohot mianğö uruņe darumun ewö mindiriba ala-ala aka maljin. Mianğöra muneņ mi mönö meteköm gilget geiga sutņine keu öļņanök pakpak eraum möta malme.

26 \*Tembula kukpiriņnöņ akņe ewö, mönö töndup siņgisöndok kude akņe. Irimņini seholimawi, keuņini mi mönö zilaņ wehön jeņan qahö teköba geiga jim tekögetka solanima.

27 Mewö Bölönağö Toņan sutņine kaņgotpapuköra qeapköba nalö kun kude waņgiba zilaņ yaköriime.

28 Kunņan yoņgorö meme malöhi, yaņön mewö kunbuk kude akņa. Mewö qahöpmö, mönö nanņi böröņan nup kapaņ köla memba malma. Nup memba nanņi nene inapņi miwikņaiiba ölöp amqeba ambazip wanapņi naņğöm enņimakņa.

29 Keu lösö kun jitiņneyök kude etmapmö, keu ambazip uruņini naņğöba mem köhöimawi, mönö miyöhök jiba malme. Ambazip keuņini möta uruņini ahözawaņğö dop qambaņğöra osizei, mönö mianğö dop goro enņigetka keu nahömņi möta ölöwakeak.

30 Anutunöņ buņaurupņi sohoppnini meiga Suepnöņ öņğöbini, nalö mianğöra aiwesökņi kömbönaņi mekötahöm enņiiga uruņine geba Anutugö muņgemņi akza. Mianğöra Anutugö muņgemņi Uņa Töröņi mi mönö wösöbirik kude qem waņgime.

31 İņini mönö urukömbuk, urukondum aka urusiņgok pakpak mi qeköba gilget köröwen tatma. Urukönöpnöņ kude jula enğohoiga uruņinan auba yom qeta jim angubepuk. Mewöyök andöqege keu töhöreņ mi kude jime. Anğöjörak könaņi könaņi uruņini tölöhobapuköra mi mönö körek andö qegetka tikep ahöma.

32 \*Tikep ahömapmö, ala-ala ak anguba mököliba guņböņjönjön qakņe ak anguba malme. Kraistpuk qekötahögetka Anutunöņ siņgisöndokņini mosöta saņgoņ enņiyöhi, iņini mönö mianğö dop toroqeba köpösihitņini mosöt anguba malme. Mewö.

## 5

### *Anutugö asakņe malmal mi kewö:*

1 Anutugö wölböt nahönböaturupņi akzeangöra silikņini mönö kapaņ köla Anutunöņ ahakzawaņğö dop aka wuatangöba malme.

2 \*Kraistnöņ jöpaköm neņgiba malmalņi neņğöra aka kölenda mosörök. Jöwöwöl ohogetka köwakņan öņğözapma, Anutunöņ mianğö dop Kraist malmalnağö kalemņi mi möt angön köli wöronņi umköhöwakņambuk ewö aka yaņğö jeņe pukpuköiga söņgaiyök. İņini mönö mewöyök urukalemnöņ kinda Kraistkö dop jöpaköm anguba aka memba malme.

3 Serowilin, qewöloņ anğöjörakņambuk könaņi könaņi me yuai membagun membingö nepaqepalok (gridi) silikņi mi Anutugö jeņe qahö dop kölja. Mianğöra Anutugö ambazip sarakņi akzeangö dop yuai mewönağö keuņi kun mi sutņine kude misiriba jigetka mötme. Saumbaņ!

4 Anğögönahitnöņ lösö keu imbilöņloņambuk aka uruqahö keu sinņi sinņi mi kude jime. Mianğön uruņini tölöhoiga qahö dop kölja. Mianğöra mi mönö mosöt teköba möpömpösei keu jim sehiba malme.

\* 4:22: Kol 3.9 \* 4:24: Jen 1.26; Kol 3.10 \* 4:25: Zek 8.16 \* 4:26: Sum 4.4 \* 4:32: Kol 3.13 \* 5:2: Eks 29.18; Sum 40.6

<sup>5</sup> Keu kötji ki mönö möt kömume: Kunñan serowilin me qewöloñ aᅅgöjörakñambuk me membagan membingö nepaqepalok köpösöñgömakzawi, yañön mönö Anutugö bemtohoñi buña qem aᅅgumangö osima. Ahakmeme mianñön bem munenji me tandö lopioñ möpöseim enjimakzeañgö tandökñi akza. Mewö akzawañön mönö Kraist aka Anutu yetkö bemtohoñ uruñe aᅅgotpingö osima.

<sup>6</sup> Anutunöñ siᅅgisöndok mewöñaᅅgöra aka tembula irimsesewölñi qegetal ambazip yengö qakñine ali öñgömakza. Mianñgöra kunñan keu omani mewöñi jiba kelök ala tutuhuba tilipköm enjibapak.

<sup>7</sup> Mianñgöra ambazip mewöñi mönö andö enᅅguba yembuk köisirik kude malme.

<sup>8</sup> Mutuk söñaupuk malgetmö, nalö kewöñe Kembubuk qekötahöba kinda yaᅅgö asakñambuk malje. Ahakmemeñini mönö asakñañgö buñaya akzeañgö dop aka memba malme.

<sup>9</sup> Asakñañgö buña akzeañgö töhötmöriam öñi mi kewö: Inini ahakmeme ölopñi wuataᅅgögetka Anutunöñ keuñini jim teköi solanime aka keu öñ töhöññanök jiba malme.

<sup>10</sup> Wani yuai Kembugö jeñe dop kölmawi, mianñgö könañi mönö jaruba kewöta möt asarime.

<sup>11</sup> Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yengö bölöñamñini mi mönö indela asakñe ala jim enᅅgime.

<sup>12</sup> Tosatñan siᅅgisöndok tölapñe ahakzei, mi mönö aukñe jibingö gamuñambuk akapuk.

<sup>13</sup> Anutugö asakñan siᅅgisöndokñini pakpak mem asariiga könañamñini öññan mönö aukñeyök asuhuma.

<sup>14</sup> Asakñañgö Tonñan mönö tölapñañgö yuaini pakpak indeliga asakñe aukñeyök ahöma. Mianñgöra keu kun kewö jigetka ahöza,

“Gaun ahözani, gi mönö imbigi mötnöñ.

Mönö köhömuñeyök guliba wahötnöñga Kraistnöñ mem asarim gihima.”

<sup>15</sup> Keu mianñgö dop ahakmemeñini mönö mötkutukutu qakñe aka memba malme. Morop aka töñpin malbepuköra mönö ölopñanök galöm mem aᅅguba malme.

<sup>16</sup> \*Kewöñe nalö bölizawañgöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köñ enᅅgime.

<sup>17</sup> Mianñgöra uruqahö ewö lañ kude malmemö, Kembugö jitsihitñi mi ölopñanök möt asariba kinme.

<sup>18</sup> Wain o köhöikñi nempa enololoñ akepuk. Nannini imbi-imbi malgetka mötmötñini bölöñan asuhugetka söñaup malmalnöñ titeköba geba ayuhubepuk. Mianñgöra enololoñ akepukmö, Uñan Töröñan mönö uruñini kokolak qemapköra kapañ köla kinme.

<sup>19</sup> \*Mönö Buña keu eraum möta Sumbara (sam), möpömöpösei liñet (omsa) aka urugö liñet tosatñi mi urukönömñinan köla Kembu möpöseimakñe.

<sup>20</sup> Mewö me mewö asuhuiga mianñgöra mönö Kembunini Jisös Kraistkö qetñi qeta Iwi Anutu sundan saiwap jim wañgiba malme. Mewö.

### *Awanöm yengö goro qambañ keu*

<sup>21</sup> Kraistkö jitñi oᅅgitpempuköra keᅅgötñini möta mönö sutñine keu bapñe anan ak aᅅguba malme.

<sup>22-23</sup> \*Kraistkö öñi mi urumelen köñagesö. Yañön mianñgö nöropñi aka Amötqeqe Tonji akza. Mianñgö dop azinöñ mewöyök anömñañgö nöropñi akza. Mianñgöra ambi inini mönö Kembugö keu bapñe anangö dop nannini apurupñini göda qem enᅅgiba keuñini bapñe anda malme.

<sup>24</sup> Urumelen köñagesö neñön Kraistkö keu bapñe kinjini, mianñgö dop ambi enñön mewöyök mönö apurupñinangö keu pakpak wuatañgöba malme.

\* 5:16: Kol 4.5 \* 5:19: Kol 3.16-17 \* 5:22-23: Kol 3.18; 1 Pitö 3.1

25 \*Kraistnön nanji könagesöni jöpaköm neŋgiba neŋgöra aka malmalŋi tököba köleŋnöhi, miangö tandök azi eŋön mönö mewöyök anömurupŋini jöpaköba urukalem ak eŋgiba malme.

26 Kraistnön könagesöni Buŋa keuŋan tök kutuba ambi buŋaŋi sarakŋi akingöra o ewö miangön saŋgoŋda mösoloŋanim neŋgiyök.

27 Yaŋön nini ölüluŋ sorok akingöra möta uru sönuetnini mösoloŋaniba töwöt boromŋi kun qahö akingöra kapaŋ kölakza. Könagesö sarakŋi köpösihitkö keunini qahö akingöra mörakza. Kraistnön kaba neŋguaŋgiriga asakmararaŋe eu aŋgoringa jihilalomŋan neŋguiga ambi buŋaŋi ewö nini nanji jemesoholŋe al neŋgiiga aködaminambuk kinbin.

28 Azi iŋini mewöyök mönö Kraistkö tandökŋi mewöŋi wuatangöba anömurupŋini jöpaköm eŋgiba malme. Anömŋi jöpakömakzawaŋön mönö nanji köyan köl aŋgumakza. Miangöra nanŋini silenini köyan köl aŋgumakzeangö tandök mönö anömurupŋini köyan köl eŋgetka dop kölma.

29 Kunŋan kun nanji silenini nalö kunöŋ kazik qahö ak waŋgiyökmö, körek neŋön silenini gumohoba köyan kölakzin. Kraistnön mewöyök könagesöurupŋi nini silenini ewö keuŋan gumohoba köyan köl neŋgimakza.

30 Urumeleŋ könagesö neŋön Kraistkö ölni akzin. Neŋön Kraist ölnangö törömunŋi aka maljin. Miangöra gumohom neŋgimakza.

31 \*Buŋa keu kun kewö ahöza, “Miangöra azinöŋ mönö iwinamŋi etkömosöta anömŋambuk qekötahöba yahöt yetkön silemohot aka malmahot.”

32 Keu mi söpsöp keu tölapŋi. Mi Kraist aka urumeleŋ könagesö neŋgö uru jöhöjöhöninaŋgöra jiba ohozal. Keu areŋ miangö könaŋi mi tölapŋi aka dutŋi gegeni.

33 Mewö akzapmö, eŋgöra keu mi kewö jizal: Iŋini mohot mohotŋan mönö mewöyök anömurupŋini nanŋini köyan köl aŋgumakzeangö dop jöpaköm eŋgiba malme. Anöm eŋön mönö mewöyök apurupŋini göda qem eŋgiba malme. Mewö.

## 6

### *Nahönbörat aka iwinam yeŋgö uru jöhöjöhö*

1 \*Nahönbörat eŋgöreŋ ahakmeme diŋdiŋi mi kewö: Iŋini mönö Kembubuk qekötahöba iwinamyahötŋini yetkö jitŋiri tem köla wuatangöba malme.

2 \*Anutunöŋ jöjöpäŋ keu 1-2-3 miangö teteköŋe töwa likepŋi neŋgimangö qahö jii ahözapmö, jöjöpäŋ keu jaŋgö 4 mi törömunŋambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöŋ töwa likepŋi neŋgimangö keuŋi kewö jöhöi ohoget ahöza,

3 “Göda qem etkinöŋga Anutunöŋ töhötmöriam ghiiga toroqeba gölmenöŋ nalö köröpŋi malman.”

4 Nahönbörat urupŋinan irimesewöl akepuköra iwi eŋön mönö urukanjam kude ak eŋgiba malme. Mewö qahöpmö, Kembangö Köna keu tem kölmegöra kusum eŋgiba miangö dop mindiŋgöm eŋgetka qarime. Mewö.

### *Welenqeŋe aka galöm yeŋgö qambaŋ keuŋini*

5 \*Welenqeŋe iŋini mönö gölme qakŋe galömurupŋini yeŋgö keuŋini Kraistkö keu ewö tem köla jöraŋtauat kude ahakŋe. Keuŋini oŋgitpepuköra sömbuŋini möta jönömŋinambuk undui malme. Urugeŋmoŋ kude aka böŋ kinda aka memba malme.

6 Köŋdowoŋ aketka ambazipnöŋ eŋgek sorimegöra qahöpmö, uruŋini nupnöŋ ala memba Anutugö jitsihitŋi wuatangöba Kraistkö welenqeŋe tandök ahakŋe.

\* 5:25: Kol 3.19; 1 Pitö 3.7 \* 5:31: Jen 2.24 \* 6:1: Kol 3.20 \* 6:2: Eks 20.12; Dut 5.16; Kol 3.21 \* 6:5: Kol 3.22-25



<sup>7</sup> Gölme ambazip welen qem engiba mewö mianjön Kembugö welenni qemakzin. Mewö möta nupñini mönö Kembugö jeje dop kölmawanjö dop uruölöwakpuk memba malme.

<sup>8</sup> Keu ki mönö mötme: Engö sutñine tosatñan nup tonji malje aka tosatñan tonjini töwa qahö öne welen qem engiba etqegeñi malje. Mi töndup denike yeñön nup ölöñji mi me mi memakzei, Anutunöñ mönö mianjö töwanji al enjiiga buña qem anjume. Keu mia mönö mötmöriba malme.

<sup>9</sup> \*Tourup aka welenqege engö Kembuñini mohot yanjön Suep mire malja. Yanjön ambazip tosatñi qahö engek soriba tosatñi qahö qepureim engimakzapmö, dop mohotnön kewöta keunini jim teköm neñgima. Galöm injini mi möt kutuzeanjöra mönö welenqege alaurupñini simin titit ölöñji dop mohot ak engiba öröm könöpkönöp memtöröp qemtöröp mosöta malme. Mewö.

*Anutugö jurujamba jömk memba malme.*

<sup>10</sup> Kimbini tekömangö aiga keu kewö ohozal: Injini Kembubuk qekötahöba kingetka kukösumñi ketanjan mönö inahöba töngum enjiiga köhöimakñe.

<sup>11</sup> Bölöñanjö Tonjan silenöñ alalgö mötmöt areñ könañi könañi alakzawi, injini mi mesohol köla kin köhöimegöra mönö Anutugö wahijamba pakpak memba kölget gem anjum teköiga malme.

<sup>12</sup> Nini gölme ambazip sep busuñinambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjön ak engibingöra kinjin. Bem suahö galöm bölöñi Suep gölme sutñire jakömbuak dumñine kinda kembu ahakzei, mönö mi qetal engimakzin. Mewöyök pom böhi öngöñgöñi eretñi sutnine panamangö öme tohongö azi ipñi mala öroyuai pakpak galöm kölakzei, neñön mönö yembuk yarö gilakzin.

<sup>13</sup> Mianjöra tuarenjön ak engibingöra mönö Anutugö jurujamba lökñanök memba kölget gem anjuiga kinme. Mewö kingetka kerökñinan nalö bölöñe engubingö gangömakñei, nalö mianjören mönö ölop anqeba yarö gila tötal engime aka yarö mi teköiga ölop miri gölmeñine kanjam köla kinme.

<sup>14</sup> \*Wahijambañini mönö kewö löngöt anjume: Keu öñanök jijigö irimunganji mönö anjönine jöhöba kinme. Ahakmeme solan sorokñi mi töptöñine göwanjöwan (kapa maluku) ewö köla sel jöhöm anjuba kinme.

<sup>15</sup> \*Köna esu böñtönök löngöta ölop töndangöba tiba anakzin. Mianjö dop injini mönö luaigö Buñaji jim sehibingö jöjörögetka mianjön bohon köl engima.

<sup>16</sup> Jurujamba miembuk toroqeba saiwa bohonñi qetñi mötnarip mi mönö buña qem anjuba sundan tengöba kinakñe. Bölöñanjö Tonjan neñgeriba qönsihim neñgimangöra möta timbi lingipñi mulahakzawi, mianjö esapesap könöñji pakpak mönö suman mianjön qeapköba anjön köl anjumakñe.

<sup>17</sup> \*Anutugö Amötqege Tonji i mönö buña qem anjume. Buña qem anjuba kunbuk letotmei, dom-amöt mianjön mönö nöroñjini ain irikmarik ewö turuba anjön köl engimakñe. Uña Töröñan bimgö sou ketanji neñgizawi, mi Anutugören Buña keu. Mi mewöyök mönö buña qem anjuba urukönömñine ala bimñini mianjön qemakñe.

<sup>18</sup> Wahöjambañini pakpak mi löngöt anjuba mönö nalö dop Anutu köuluköba qesiba malme. Uña Töröñan enguasöta inahöm engimakzawanjö dop mönö uletnön sahöt wanjimakñe. Mönö pöndañ uruguliguli mala sundan Anutugö ambazip sarakñi pakpak yeñjöra aka kapan köla köulukömakñe.

<sup>19</sup> Nöngöra mewöyök kewö köulukömakñe, “Anutu, gi mönö keu kötni diñdñi Pol wanjinönga göhö Ölöwak Buñagi tölapñi mi keu jitñan jimawanjö dop jim asariba awösamkakahök kinda uru kungum engimakñe.”

\* 6:9: Dut 10.17; Kol 3.25; 4.1 \* 6:14: Ais 11.5; 59.17 \* 6:15: Ais 52.7 \* 6:17: Ais 59.17

<sup>20</sup> Nöñön Ölöwak Buña miangöra aka Anutugö jitnememe azi bohonñi akzalmö, nupñi memakzalañgöra aka nalö kewöñe kösö mire tatzal. Miangöra Buña keu mi Anutugö jeñe dop kölmawañgö dop awösamkakahök jiba malmangöra mönö köuluköba malme. Mewö.

*Yaizökök keu teteköñi*

<sup>21</sup> Wölböt alani Tikikus yañön nöñgö kösohotni alma. Yañön Kembubuk gekötahöba nupñi memburik-qemburikñi qahö memakza. Kiangören denöwö aka memba tarakzali, mi pakpak jiiga inini mewöyök mi mötme.

<sup>22</sup> Neñön denöwö maljin tatzin, inini kösohot mi mötmegöra Tikikus melaim wañgibiga Efesus engören kama. Yañön kaba urukölalep engiiga ölop böñjön malme.

<sup>23</sup> Iwi Anutu aka Kembu Jisös Kraist yetköñ mönö urumelen alaurup engören luai qeba urukalem ak engiba mötnaripñini mem köhöimakña.

<sup>24</sup> Ambazip Kembunini Jisös Kraist nalö teteköñi qahö jöpaköba malmei, Anutugö kalem möriamñan mönö körek embuk ahöba ahöm öñgöma. Mewö.

## **Filipai Kimbi** **Polnön Filipai yeŋgöra Kimbi alök.** **Jim-asa-asari**

Polnön misin nup liliköba meiga indimñi yahöt aiga Eisia Mainö (Töki) mosöta Yuröp gölmenön anök. Anda Rom prowins qetñi Masedonia miangören uruñini kuñgui melengetka Kraistkö könagesö mutukñi mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qakñe tariga nup meme ambazip tosatñan tuarenjon ak wañgiget. Mi ak wañgigetka tosatñan Filipai uruñe mewöñanök keu goñgonji kusum engigerangöra waimanjat mörök. Nalö miangören Buña Kimbiñi ki Filipai mötnarip könagesö yeŋgöra ohoyök. Waimanjat mörökmö, töndup urukölalep keu aka urunangönanğö keu ki sösöngai qakñe ohoba alök.

Polnön kösö mire tariga Filipai mötnarip könagesö yeñön bauköm wañgibingöra kalem alget kayöhi, yañön miangö saiwap jim engimangöra Kimbi ki ohoyök. Mi ohoba toroqeba urunangönanğö keuñi gwötpuk mohotñe alök. Nanñak köñjiliñ könañi könañi möriga Filipai yeñön Polgö keuñi mi mötketka töndup köhöiba awösamkakak kinmegöra uru nanğöm engiyök. Goro keu tosatñi kewö: Nanñini sileñini memba öngöba aiweliköbepüköra mönö galöm memba malme. Dogo jimamon möta toroqeba nepaqepalok köpösöngöbepukmö, Jisös ewö uruñini mem et al anguba malme. Keu ki ölum engubapuk: Kraistpuk qekötahöba kinjei, mi Anutugö kalemñi akza. Juda yeñön Mosesgören Köna keu arenji tem köla wuatangöba Anutugöra silik yuai ahakzemö, urumelen alaurup enön mewö qahö. Enön mönö Anutu möt narim wañgigetka kalem möriamñi söngöröñi qahö engiiga buña qem anguba mewö miangön malmal dölökñi miwikñaiba malje. Denike yeñön Kraistpuk qekötahöba maljei, Anutunön mönö i luai qem engiiga söngaiba malme.

Kraist möt nariinga Anutunön urusösöngai nenggiiga ölop awösamkakak qakñe mal köhöibin aka urumelen alaurup yembuk mohotñe kapan köla köhöiba kinbin. Polnön miangö keuñi mi gwötpuk ohoyök. Polnön Filipai könagesö yeñgö waikñini köhöikñi membingö möta malöhi, miangö keuñi mi mewöyök aukñe ohoyök.

### **Buk kiangö bahöñi bohonñi 7 mi kewö:**

Keu mutukñi 1.1-11

Polnön denöwö aka malök 1.12-26

Kraistpuk malmalgö könañi 1.27-2.18

Timoti Epafroditus yetkö nup arenji 2.19-30

Tuarenjon yeñön tilipköm engigetka etpepuk 3.1-4.9

Polgö alaurup Filipai malgeri, yeñgö keuñini 4.10-20

Kimbigö keu kötni bohonñi 4.21-23

<sup>1</sup>\*Pol Timoti netkön Kraist Jisös welenñi qeba maljit.

Urumelen könagesö sarakñi pakpak Kraist Jisösbuk qekötahöba kinda Filipai sitinön maljei, niri embuk aka engö bohonñini (bisop, pasto) aka Buña nup meme ambazip tosatñi (dikon) embuk keu eraum mötpingöra möta kimbi ki ohozal.

<sup>2</sup> Anutu Iwinini aka Kembu Jisös Kraist yetkön kalem möriam engiyohotka luainön malmegöra mötzal.

*Polnön Anutu möpöseiba köuluköza.*

<sup>3</sup>Nöñön mötmörim engimakzalağö dop Anutu möpöseimakzal.

<sup>4</sup> Nalö dop körek pakpak engöra Anutu köulukömakzali, mi mönö sösöngai qakñe köulukömakzal.

---

\* 1:1: Apo 16.12

<sup>5</sup> Nöñön Anutu kewögöra möpöseimakzal: Inini Ölöwak Buñanöñ qekötahögeri, nalö mutukñi miangöreñök könahiba nömbuk bim qeba kötöngöm niñgiba mala kota malje.

<sup>6</sup> Anutunöñ uruñine nup ölöññi könahiba memba maljawı, mi mönö toroqeba meiga Kraist Jisösnöñ kunbuk asuhumapkö nalöñe teköma. Mewö möt narim köhöiba Anutu möpöseimakzal.

<sup>7</sup> O sepñini nembı, wölböt alaurupni akzeangöra körek inini mewö mötmörım engıbiga ölöññanök dop kölja. Anutunöñ nup niñgiiga kösö mire tarakzal me awörök nöñön Ölöwak Buñagöra bim qeba eñololon keu qeapköba keu öññan jalöñi memba köhöimapköra lilikömakzal. Mewö me mewö ahakzalı, körek eñön mönö nömbuk kingetka kalem möriam miyöknöñ dop köl engıiga nupni nanğögetka mohotñe simbawon akzin.

<sup>8</sup> Kraist Jisösnöñ inini jöpaköba inahöm engımakzawı, nöñön mi möta miangö qakñe kindı körek engöra ak niñgiiga engekñamgö kapan köla maljal. Mewö jıbiga keu öññi jızalı, mi Anutu nanñak ölöñ nanğöm niñgiba jıma.

<sup>9</sup> Nöñön engöra kewö köulukömakzal: Anutu, gi mönö Filipai alaurup inahöm engınöñga toroqeba köhöiba jöpaköm anğugetka urukalemñinan qarım sehıma. Mewö aıga ölöñ köna öññi ek kutuba eñololon keu mosöta malme.

<sup>10</sup> Mewö mala ölöñ keu kewöta köna ölöñ sorokñi möwölöhöba sarakñi aka köpösıhitkö keuñini qahö mal öñğöme. Kraistnöñ lilingöba kamawı, nalö miangöreñ lömbötninan teköma.

<sup>11</sup> Jisös Kraistnöñ ahakmeme solanñi nam köliga miangö öññi asuhumakñı. Öññi mi-anöñ uruñini kokolak qeiga ambazıpnöñ mewö engekı Anutu möpöseigetka qetbuñanñan sehımapköra köulukömakzal. Keu mi öññı.

*Pol kösö mire algetka Buñı keunöñ köhöiyök.*

<sup>12</sup> O urumelen alaurupni, eñön nöñgö könanı möt kutumegöra kewö möta ohozal: Yuai bölöñi nöñgöreñ asuhuyöhi, miangö buzupñan sehiiga Ölöwak Buñaninan ambazıp dop köl engıiga nupninan töhötmöriamñambuk akza.

<sup>13</sup> \*Ni Kraistköra aka kösönöñ gwaröhöm niñgıgetka Rom kiangöreñ tatzalı, keu mi yarö azi pakpak sisa-kingö jakömbuak miri galöm memakzeı, yeñön mötze aka mewöyök ambazıp tosatñi gwötpuk yeñgö kezapñine geiga möt teköze.

<sup>14</sup> Toroqeba öññi kewö asuhuyök: Urumelen alaurupninan kösö mire tatpi Kembunöñ bauköm niñgımakzawanğö keuñi mötket. Mi möta sehısehıñan Kembubuk qekötahöba kindı köhöiba kapan köla awösamkakak aket. Mewö aka Anutugöreñ keu keñğötñi qahö jim sehıgetka toroqeba anakza.

<sup>15</sup> Tosatñan nöñgöra mötket öñğöiga urusihim sarakñe kindı Kraistkö könanı jim asarımakzemö, tosatñan nöñgöra aka uruñinan mututqutut möta andö nunguba anğururuk akingö mötze.

<sup>16</sup> Alaurupni öññi yeñön nöñgö könanı kewö mötze: Anutunöñ kuñgum niñgiiga awörök nöñön Ölöwak Buñagöra bim qeba eñololon keu qeapkömakzal. Mewö möta jöpaköm niñgiba nanğöm niñgımakze.

<sup>17</sup> Andöqege ambazıp yeñön nanñınanğörök mötmörıba töwagöra möndögetka uruñinan tölöhoıga Kraistkö könanı mewö jim asarımakze. Mewö aka kösö mire tatzalı, nalö kewöñe anğösırip toroqeba ak niñgıbingö mötze.

<sup>18</sup> Mewö mötzemö, mi muat. Kraistkö könanı mi yuaigöra möndöba sılebıle aka me Anutu törörök tem köla jim asarıgetka mötpi dop kölja. Mewö me mewö ahakzeı, urunan mönö miangöra ölöwahıga öññı söñgaızala söñgaimakñam.

<sup>19</sup> Söñgaıbiga nöñgöra köulukögetka Jisös Kraistkö Uñı Töröñan nanğöm niñgiiga ölöñ pösat niñgıgetka etmamğö tandök mötızal. Mewö asuhumapköra möta miangöra mewöyök söñgaimakzal.

\* 1:13: Apo 28.30



<sup>20</sup> Yuai kun aka gamu miwikñaibileñbuköra mönö jörömqöröm aka maljal. Gamu qahöpmö, nalö dop Kraist möpöseiba malali, miangö dop nalö kewöñe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakñe Kraist möpöseibiga qetbuñanjan qarimakña.

<sup>21</sup> Malmam ewö, malmalni mönö Kraistkö qetbuñanjan qarimapköra aka malmam. Nunjuget kömumbileñak ewö, miangön mönö mem ölöwak niñgiiga oyaenköyaen akñam.

<sup>22</sup> Mewö akileñakmö, gölmenöñ silebuk malmam ewö, mönö urugö nup membiga toroqeba ölnambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal.

<sup>23</sup> Malmal aka kömup sutñire pañpañgöba maljal. Kraistpuk eu malbilenjak, miangön mönö yuai pakpak ongita möriam ketanji ak niñgibawak. Miangöra gölme mosötmangö sihimñi möta maljal.

<sup>24</sup> Mewö maljalmö, silebuk qeköriba malmam ewö, miangön mönö inini bauköm engibiga ölni engöreñ asuhuma. Kömumbilenjak, miangön mönö inini qahö bauköm engibawak.

<sup>25</sup> Mewö möt narim köhöiba miangöra nehorigetka toroqeba mala körek inini bauköm engiba malmangö mötzal. Bauköm engibiga mötnariñjanangö ölnan mönö qarim köhöiiga ölop önöñi qahö söñgaiba malme.

<sup>26</sup> Mewöyök Kraistnöñ nehoiiga kunbuk engöreñ kabiga inini ölop nöngöra aka Kraist Jisös önöñi qahö möpöseim wañgiba malme. Mewö.

### *Mötnariñjan köhöimapköra bim qeba malme.*

<sup>27</sup> Ahakmemeñini mi mönö Kraistkö Ölöwak Buñanjan aködamunñambuk akñawañgö dop aka memba malme. Mewö malgetka engöreñ kaba engekñami me qahö kaba sikep mala keu buzupñini mötpi könañini kewö ahöi dop kölma: Inini mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu ölnan sömböleibapuköra öröröñ jöhöba bim qeba malme.

<sup>28</sup> Mewöyök tosatñan tuarenjoñ ak engimakñei, enön mönö keu jitñini könañi könañi miangöra kude töwöratigetka uruñinan kude etma. Könañamñini mewö mötpi dop kölma. Anutunöñ kukösum enñgiiga tuarenjoñ ambazip yeñön könañamñini eka kewö möt asarime: Nanñini et enñgiiga ayuhugetka Anutunöñ meköm nenñgiiga oyaenköyaen aka malbin.

<sup>29</sup> Anutunöñ areñi al enñgiyöhi, mi kewö: Inini Kraist möt narim wañgiba likepñi söñgaiba likepñi yañgöra aka sihimbölö möta malme.

<sup>30</sup> \*Nöñön mötnaripkö bim mutuk embuk mala qeali, neket aka nalö kewöñe toroqeba gemakzalañgö keu buzupñi ki mötzei, inini mönö bim miyöhök nömbuk tönguba qeba malje, mi mötzal. Mewö.

## 2

### *Kraistkö dop nanñini mem et al anğuba malme.*

<sup>1</sup> Inini Kraistpuk qekötahöba kinjeañgöra mönö uruñini nanğöm anğubingö qamban miwikñaime. Urukalemñini miangön mönö urukölalep ak anğumakñe. Uña Töröñambuk ösupköba kinda waikñini memba ak kömum anğumakñe.

<sup>2</sup> Mewö akzeañgöra mönö mötmöt mohot wuatañgöba öröröñ jöpaköm anğuba luainöñ malme. Urusihimñini mönö mötmöt areñ mohot akingöra jöhöme. Keu mewö jöhöba urumohot aketka ölni asuhui möta nöñön engöra önöñi qahö söñgaiba malmam.

<sup>3</sup> Öroyuai nanñinañgörök öröbingö sihimñan mönö kude nam köl enñgima. Nanñini qetbuñanjan qarimapköra mönö silenini kude memba onğömemö, uruñini memba et ala tosatñi yeñgöra mötketka onğömakña.

\* 1:30: Apo 16.19-40

<sup>4</sup> Injini mohot mohot mönö nanjini uruñinanök ölöwakñapaköra kude mötmörimemö, tosatñi yeñgö uruñinan ölöwakñapaköra mewöyök kapan köla mötmörim yaköme.

<sup>5</sup> Kraist Jisösnöñ gölmenöñ maliga imbi mötmöt ahöm wañgiyöhi, miyöhök mönö eñgöreñ ahöi mi wuatangöba malme.

<sup>6</sup> Anutugö kaisongolom tandökñi ahöm wañgi malökmö, töndup Anutugö dop malöhañgöreñ qahö möndöba aiweliköba malök.

<sup>7</sup> Mewö qahöpmö, nanjak amqeba Anutugö asakmararañi mosöta eta melenja azi tandök asuhuba welenqeqegö kaisongolomñi memba malök.

Mönö gölme azi nanini tandök aka malök.

<sup>8</sup> Mewö mala uruñi memba et al añguba Iwiñangö keu jitñi nalö dop tem köla malök. Mewö maliga gamu qem wañgiba “Maripomnöñ qebin,” jigetmö, nalö miangöreñ mewöyök tem köl teköyök.

<sup>9</sup> Mewö tem köla malöhañgöra aka Anutunöñ wañgiriga euyangöreñ öñgöba tariga qetbuja wañgiyöhi, mianön qet tosatñi pakpak eñgongita aködamunñambuk akza.

<sup>10</sup> \*Anutunöñ qetbuja öñgöñgöñi mi kewögöra wañgiyök:  
Ambazip körek pakpak neñön mönö qet miangöra aka nalö kunöñ simin köla möpösem wañgibin. Tosatñan Suep mire euyangöreñ malje. Tosatñan gölmenöñ ki maljin. Tosatñan kömumba uñem mire me senjom mire malje. Neñön mönö körekmakörek mindiriba sipköba simin köl wañgibin.

<sup>11</sup> Körek nini simin köl wañgiba numbu nesilam dop Iwi Anutu aukñe göda qebingöra qetñi jim miwikñaiba kewö jibin,  
“Jisös Kraistnöñ mönö Kembu ak neñgiza.” Mewö.

*Jisösgö asakñi mi ambazip sutñine kondela malme.*

<sup>12</sup> Miangöra wölböt alaurupni, injini mönö Kraistkö söpsöpñi wuatangöba miangöreñ kude sörauba etme. Nalö dop Anutugö keu tem köla letota malgeri, miangö dop silik urumelen ambazip eñgöreñ dop köljawi, mi mönö kapan köla wuatangöba urugö nup memba malme. Nöñön embuk malali, nalö miangöreñ Buja keu ölöpñanök köl guliba zeñ kinda malget. Eñgömosöta sikep maljalangöreñ mönö mewöñanök Anutugö jeñe sömbuñinambuk möta jönömñini unduiga pöndañ nup mi mem soroköba malme.

<sup>13</sup> Anutunöñ nanjak mönö injini sundan sölölohöba nam köl eñgiba nanñi areñangö dop uruñini kuñgumakza. Mewö urusihimñini Anutu dop köl wañgimawañgö dop ahuiga inahöm eñgiiga nupñi megetka ölni asuhumakña.

<sup>14</sup> Galömurupñini yembuk keu mekömpötak kude aka malme. Jimoñgot aka urunöñ ihururuk lañ kude ahakñemö, areñini pakpak mönö uruyahöt ziaakpiak mosöta töp memba malme.

<sup>15</sup> \*Ahakmemenjanan mönö köpösihitkö keuñi qahö sarakñi aka memba malme. Ambazip gongonñi misimkaulup merak gölmenöñ maljei, injini mönö yeñgö sutñine Anutugö nahönbörat solan sorokñi malme. Senjelau suepnöñ eu asarizei, injini mönö mewöñanök gölmenöñ silik ölöpñi aka mianön ambazip asarim eñgiba malme.

<sup>16</sup> Mewö mala malmal köhöikñangö Buja keuñi töp memba ambazip eñgibingö jöjöröba malme. Mewö malgetka Kraistnöñ lilingöba kamawi, nalö miangöreñ nöñgö könañamnan aukñe kewö asuhuma, “Mönahot azinöñ aongitnöñ luhut almangöra ösumñi qezaköba anakzawi, nöñön miangö dop urugö nupköra sile qeba mem köhöiba malal. Mi öne töhöntöhön qahö memba malalmö, ölni asuhuyök.” Könañamni mewö asuhuiga ölöp nani sileni eñgöra aka möpösemam.

<sup>17</sup> Nöñön malmalni kölenja tököba eñgiba Anutugö nupñi tem köla memba malal. Mewö malbi injini uruñini melenja Anutu möt narigetka miangö ölni asuhumakza. Miangöra Rom gawman yeñön keuni jim teköba sömbup ewö nuñguba jöwöwöl ohoho ewö

ak niŋgibeak. Silenaŋgö sepni mewö mokobilenjak ewö, mi mönö o ewö öne töhöŋ qahö gebawak. Engö mötnarip nupŋinaŋgö ölnaŋgöra aka mi mönö aködamunŋambuk ahiga dop kölbawak. Miangöra nuŋguget kömumbilenjakmö, urunan mönö töndup söŋgaimakzal aka körek embuk mohotje söŋgaimakin.

<sup>18</sup> Mewöŋanök iŋini tok mönö söŋgaime aka nömbuk köiraŋ ala söŋgaiba malbin. Mewö.

*Timoti melaibiga Filipai engöreŋ kama.*

<sup>19</sup> Kambu Jisösnöŋ nöŋgöra möri dop kölma ewö, mönö zilaŋ Timoti melaimamgö möta jörömqöröm akzal. Engöreŋ kaba denöwö maljei, mi möta liliŋgöba kaba jii möta nöŋgö imbinan mewöyök ölöwak soroköbawak.

<sup>20</sup> Mötnaripŋine köhöize me löwörizei, yaŋön nanŋök engöra waimanjat mewö möta nöŋgö qöhöröŋne kinja. Tosatŋan ki maljei, yeŋön mönö “Nanŋini manjatŋina,” jiba qahöpmahöp kötöŋgöm enŋibingö mörakze.

<sup>21</sup> Yeŋön körek nanŋinaŋgö yuaigöra möta mi köl öröba mem qaribingöra jaram timakzemö, Kraist Jisösgö nupŋan ölnambuk ahakŋapköra qahö kapaŋ kölakze. Mönö gemasolokep laŋ malje.

<sup>22</sup> Laŋ maljemö, Timotinöŋ könaŋi ölöŋŋi kondelöhi, mi nanŋinak möt yaköze. Nahönöŋ nanŋi iwiŋi welen qem waŋgimakzawi, yaŋön mönö miangö dop ni Ölöwak Buŋa nupkö bauköm niŋgiba malök.

<sup>23</sup> Miangöra Rom gawman yeŋön nöŋgö keu denöwö ak niŋgibingö jöhömei, mi mötagun mönö ölöŋ Timoti melaibiga zilaŋ engöreŋ kamapkö jörömqöröm akzal.

<sup>24</sup> Nanak mewöŋanök Kembubuk kinda nalö kude köriiga engöreŋ kamamgö awösamkakak mewö möt narizal.

*Epafroditus melaibiga Filipai engöreŋ kama.*

<sup>25</sup> Nöŋön yuai jaruba osiba malbiga enön neŋakni Epafroditus melaigetka kaba naŋgöba bauköm niŋgiyök. Yaŋön nöŋgö qöhöröŋne nup memba bim qeba malökmö, toroqeba jöhöm waŋgibileŋak, mianön qahö dop kölbawak. Mewö mötmöriba urumelen alani i nalö kewöŋeyök melaibiga engöreŋ liliŋgöba kama.

<sup>26</sup> Yaŋön körek iŋini enŋekŋamgö kapaŋ köla malja. Kawöl yöhöi ahöyöhi, iŋini keu mi mötket engöreŋ lömböriiga möta miangöra urueret malja.

<sup>27</sup> Yaŋön ölna kawölbuk ahöba kömupkö jitŋe ahöyökmö, Anutunöŋ ak kömum waŋgiiga ölöwahök. Anutunöŋ Epafroditus iyök qahö ak kömum waŋgiyökmö, ni mewöyök nehoriba mem amqem niŋgiyök. Yaŋön kömumbawak ewö, nöŋgö wösöbiriknan mönö sehii qaknöŋ qaknöŋ öŋgöi malbilenjak.

<sup>28</sup> Iŋini Epafroditus eka kunbuk söŋgaigetka nöŋgö wösöbiriknan mewöyök amqemapköra mötzal. Miangöra nalö kewöŋeyök zilaŋ melaibiga engöreŋ kama.

<sup>29</sup> Iŋini Kembugö ambazipköra önöŋi qahö söŋgaimakzei, söŋŋgai miangö qakŋe mönö yaŋön kaiga köl öröm waŋgime aka nup meme ambazip mewöŋi mi mönö göda qem enŋiba malme.

<sup>30</sup> Yaŋön Kraistkö nupköra aka kömupkö jitŋeyök öŋgöba kömum taköyök. Iŋini ni naŋgöba bauköm niŋgibingö mötketmö, mi osigeranöra yaŋön engö salupŋine mewö ak niŋgimamgöra kaba malmalŋi mosöta ayuhum taköyök. Mewö.

### 3

*Solanŋi akingö köna ölni mi kewö:*

<sup>1</sup> O urumelen alaurupni, keu kötŋi kewö toroqeba jimam: Mönö Kembubuk gekötahöba söŋgaiba malme. Keu mi dumŋe kunbuk ohom enŋimamgöra qahö ölan nöhöza. Ambazip tosatŋan tilipköm enŋibepuköra mi ohom enŋibiga ölöŋ dop kölja.

<sup>2</sup> Zioz nup meme ambazip bölöŋi yeŋgöra mönö galöŋŋini memba malme. Yeŋön urumelenŋö kopa ambazip sutŋine liliköba uruŋini kuŋguba kewö jimakze, “Anutugö

bunaji akręęęora mōnō aiwesōkņi silenine yandime.” Mewō kapanj kōla keuyōk jiba kiam ewō kohop kōla “Kōnagesō walņi akzin,” jiba ōne tōhōn jimakze.

<sup>3</sup> Yeņōn Anutugō jeņe qahō diņgize. Silenine aiwesōk miyōk yandim engigetmō, ōlņan mōnō neņęōreņ kewō asuhuyōk: Anutugō Buņa keuņan urunini mesihņōhi, neņōn mōnō yaņęō urumelenj kōnagesō ōlbōlņi aka maljin. Anutugō qetņe silenine aiwesōk al neņęigeri, neņōn mianęō qakņe qahō kinda tōnguba mōt narimakzinmō, Kraist Jisōsnōņ amōt qem neņęiyōhi, mianęōra mōnō silenini mem ōņęōmakzin. Anutugō Uņa Tōrōņan inahōm neņęiiga amęeba Anutugō waikņi memba mōpōseimakzin.

<sup>4</sup> Tosatņan sileninaņęō yuainōņ tōnguba Anutugō bunaji akingō mōt narizei, nōņōn mōnō i eņęōņgitzal. Mianęōra ōlōņņanōk korua ewō terereņęōba gingini memba wahōta aiwelikōbilenęak.

<sup>5</sup>\*Nōņęō akōdamuni kewō: Nōņōn Israel ambazip kambu uruņe jitņememe kun akzal. Isik bōmōni qetņi Benjamin. Iwinamni Hibu ambaziwa. Nōņōn yetkōreņęōk ahuba Hibu azi ōlņi akzal. Asuhuba ahōbiga wehōn 8 aiga mianęōreņ sileni yandiget. Farisi aka malalaņęōra Mosesęōreņ Kōna keu mi tōrōrōk wuatāņęōmamęō kapanj kōla malal.

<sup>6</sup> Farisi mala urunan uturuņęōba kōnōwiiga urumelenj kōnagesō mi ōlņa sesewerowero ak eņęiba malal. Mosesęōreņ Kōna keu tem kōla wuatāņęōba diņdiņi akinak ewō, nōņōn mōnō mianęō dop kōpōsihitkō keuņi qahō solanņi malal.

<sup>7</sup> Yuai mi mōtpi ōņęōiga mianęōreņ tōnguba mōt nariba malalmō, uruni melenęa mi pakpak mosōta zuenj jizal. Nalō kewōņe Kraistnōņ amōt qem niņęii letorali, mianęōra mōnō mōtpi ōņęōmakza.

<sup>8</sup> Kembuni Kraist Jisōs mōt kutuba oyaeņkoyaeņ akņami, mi mōt kewōtpiga bohōņi ōņęōņęōņi ewō akza. Mianęōra malmalni walņaņęō akōdamun yuaini pakpak mi Kraist toroęeba mianęōreņ mosōta zuenj jizal. Kraist miwikņaiiba nōņęōreņ yuai pakpak mi mōtpiga nesak irip tōhōn ewō aiga qepureiba andōne gilal.

<sup>9</sup> Tosatņan “Mosesęōreņ Kōna keu tem kōl tekōba mewō mianęōn naninak diņdiņi akin,” jizemō, nōņōn dop mianęōreņ solanņi kunbuk qahō maljal. Nalō kewōņe Kraist mōt naribiga Anutunōņ mewō mianęōn keuni jim tekōi solaniba maljal. Mōtnariņ qakņe malbiga Anutunōņ ak kōmum niņęiba jim kutuiga siņęisōndoknaņęō keuņan kōmuiga maljal. Kraistpuk qekōtahōba kinda malbiga Anutunōņ nōņęō kōnaņamni mewō miwikņaimapkōra kapanj kōlakzal.

<sup>10</sup> Nōņōn Kraist kewō mōt kutumamęōra kapanj kōlakzal: Sihimbōlō mōrōhaņęōreņ yambuk toroęemamęō jōjōrōzal. Sihimbōlō mōta kōmuyōhi, nōņōn tandōk miyōhōk kōmumba mewō mianęōn yaņęō tandōk ewō akņamęō jōjōrōzal. Kōmumba wahōrōhi, yaņęō ōsumņi mianęōn mōnō tilingōm niņęiiga kōhōimamęō mōtzal.

<sup>11</sup> Kōmumbiga Anutunōņ mem gulim niņęii kōmupņōhōk wahōtmamęō jōrōmqōrōm akzal. Mewō.

*Mōnō aņęitnōņ kapanj kōla tohotnōņ anme.*

<sup>12</sup> Nanaņęōra kewō qahō jizal, “Anutunōņ tohot alōhi, mianęōreņ lōk kaņęota urumelenęō akōdamunņi pakpak miwikņaiiba maljal.” Mewō qahō aka maljalmō, Kraist Jisōsnōņ luhut ala nōmeyōhaņęōra mōnō oyaeņkoyaeņi buņa qem aņęumamęōra kapanj kōlakzal.

<sup>13</sup> O urumelenj alaurupņi, Anutugō tohot mianęōreņ qahō aņęot tekōzali, mi mōtzal. Mohot kewōya mōta ahakzal: Yuai kōtekōba andō qeali, mi ōlum nuņęuiga Anutunōņ yuai mesoholne ali ahōzawi, mōnō mianęōreņ gōrōken ōsumnan anmamęō awōweņęōmakzal.

<sup>14</sup> Anutunōņ euyāņęōreņ ōņęōmamęō nohola tohotņi mewō al niņęiyōk. Mianęōra Kraist Jisōsnōņ amōt qem niņęiyōhaņęōra nōņōn esapesapņōņ kōhōiba luhut ala Anutugō tohotnōņ aņęotpiga yaņęōn ila jalō nōrōpne kōl niņęiiga. Mi memamęōra awōweņęōba tohot mianęōreņ gōrōken diņdiņanōk urakōba ōsumni qezakōba kiņęiņęōmakzal.

\* 3:5: Apo 23.6; 26.5; Rom 11.1, 6; Apo 8.3; 22.4; 26.9-11



15 Mianğöra urugö aködamuninambuk akzini, Anutunöŋ nini körek mötmöt mohotkö qakŋe Kraist möt kutuba malbingö mötza. Keu kungöra mötmöt imbi murutŋi kun ahöm enğibawak ewö, Anutunöŋ mönö keu mianğöra denöwö mötketka dop köljawı, mi mewöyök jim indel enğima.

16 Mewö qahöpmö, enğoreŋ waimanjat bohonŋi mi kewö aiga dop kölma: Nini nalö köröpŋi me töröpŋi urunini melenđa Anutugö könanöŋ mala korini, mönö ahakmemegö köna mohot miyök toroqeba aninga dop kölma.

17 \*O urumelenj alaurupni, nöŋön ahakmemeni ahakzali, inini mönö ni neka nöŋgö silikni mi wuatangöba malme. Neŋön silik ölopŋi kondel enğiinga tosatŋan mianğö dop tiba öröm enğimakzei, inini mönö yeŋgöreŋ uba enğek kutuba malme.

18 Ambazip keleşmaleleş yeŋön ahakmemenjan Kraist kerök ak wangiba nanŋini imbi- imbi laŋ malje. Maripomnöŋ kömuyöhi, mianğö könaŋi tim koyonaniba malje. Keu mi nalö gwötpuk janjuŋ akepuköra jibi mötketmö, nalö kewöŋe mi sahöta imbilni eriga jizal.

19 Silenjanğö sihim kömbönaŋini bölöŋan bemŋini akza. Yuai gamuŋambuk ahakzei, mianğöra mötket öŋgöiga aködamunŋina aiga söŋgöröqök akze. Urumötmötŋini gölmegö yuainöŋ jöhögetka gwaröhöm enğii laŋ mala teteköŋe könöp sianöŋ geme.

20 Yeŋön emu gememö, tosatŋi neŋgö mindimindiri tohoŋnini mi Suepnöŋ eu ahöza. Gölmönöŋ kianŋi aka kusukŋanök mala Kembu Jisös Kraist Amötqeŋe Toninan kunbuk asuhuba neŋguangitmapköra mambörakzin.

21 Yanön neŋgöreŋ gölme silenini etqeŋeŋi ki melenŋiga nanŋi Suep sile asak- mararaŋambukö tandök akŋa. Kukösum mewöŋi mi Kraist ahöm wangiza. Yanön kukösum mewöŋi mianğön ambazip aka gölme Suepkö öroyuai pakpak mi ölop köhöiba memba et al neŋgiiga yangö nembö bapŋe aninga galöm köl neŋgiiga malbin. Mewö.

## 4

### *Qamban keu tosatŋi*

1 O wölböt alaurupni, mewö asuhumapköra Kembunöŋ mönö bauköm enğiiga böŋ qeba köhöiba kinme. Nöŋön enğöra ak niŋgiiga enğekŋamgöra kapan kölakzal. Inini söşöŋgai ak niŋgiget. Sutŋine nup mealangö ölni asuhui kondelgetka Anutunöŋ mianğö töwa neŋgimawi, mianğöra mönö söŋgöröqök aka söŋgaimakzal.

2 Jitŋememe ambi yahöt Yuodia Sintike, etkön jula angururuk aka maljahot, mewö möral. Mianğöra nöŋön uruŋiri kewö kunguzal: Iniri Kembubuk mohot kinjahot, mianğöra mönö urumohot aka malmahot.

3 O neŋakni ölni, nupkö könjöŋi mohotŋe bisiba maliri, gi mewöyök kewö qesim gihizal: Ambi yahöt mietkön urumohot akŋahotköra mönö bauköm etkiman. Yetkön nömbuk Ölöwak Buŋa köhöiba sehimapköra bim qeba malohot. Yetkön Klemen aka neŋakurupni tosatŋi yeŋgö qöhöröŋine mohotŋe bim qeba malohot. Tosatŋi yeŋgö qetŋini mi malmal köhöikŋaŋgö buk papianöŋ eu ahöza.

4 Nalö dop mönö Kembubuk kinda söŋgaiba malme. Söŋgaimel! keu mi dumŋe kunbuk jizal.

5 Inini mönö guŋböŋjönjön qakŋe ambazip ak enğigetka körekŋan tandökŋini mi mötme. Kembunöŋ lök kamamgö dopdowiza.

6 Yuai kungöra mönö köŋjiliŋ kude möta malmemö, yuai pakpak mianğöreŋ qeŋesinini mönö Anutugöra jigetka mötma. Mewö me mewö asuhumawi, mönö Anutu köülüköba uleta saiwap jiba malme.

7 Anutunöŋ uruluai enğizawi, nini mianğö könaŋi möt kutubingö osimakzin. Mi mötkutukutunini pakpak onğita qainŋi kun akza. Kraist Jisösbuk kingetka Anutunöŋ mönö uruŋini aka keu mötmötŋini sel jöhöba kölközizip mem enğiiga malme.

\* 3:17: 1 Kor 4.16; 11.1

<sup>8</sup> O urumelen alaurupni, keuni jim tekömamgö aka qamban keu kewö jizal: Anğöjörak keu kude mötmörimemö, yuai pakpak göda qeinga aködamunjabuk akzawi, urunini mönö miangören jöhöba malme. Keu ölni, keu diñdini aka sarakni mia mönö mötmöriba malme. Keu ehöhölöni sihimninan mörakzini, miangön mönö urunini kokolak qeiga kinme. Keu ewebibinjabuk möpömpösei ahumawangö dop akzawi, urunini mönö miangören qekötahöba malme.

<sup>9</sup> Nöngö ahakmemeni eka Buña keuni möta uru könömñine ala buña qem anğugeri, inini mönö mi köl guliba aka memba malme. Mewö malgetka luai Tonji Anutu yanön embuk kinma. Mewö.

*Polnön Filipai yengö kalemñinangöra saiwap jiza.*

<sup>10</sup> Nöñön Kembubuk qekötahöba kinda engöra uruölöwak ketanji mötzal. Inini mutuhök ni köyan köla moneñ niñgibingö sihim möta malgetmö, denöwö akingö köna jaruba osiget. Nalö köröpni osiba malgetka Kembunön nalö kewöñe urunini mem guliiga amqeba kunbuk bauköm niñgiget.

<sup>11</sup> Silenangö lömbötnön tata osibileñak, miangöra keu ki qahö jizal. Nöngören yuai ahözawi, nöñön mönö miambuk uruluainön böñjöh malmamgö mötzal.

<sup>12</sup> Ni jaram tiba luainön malal aka malmal pomni siyonşayonji qahö mala luainön malal. Miri dop nalö dop uruni böñjöh köli malmamgö mötzal. Nem timbireñ akileñak me bödi (buörö) tatpileñak, miangöra mönö uruni qahö memba et al anğumakzal. Yuaini kelenmaleleñ me boromni ahöm niñgibawak, mi muat. Mönö ölop böñjöh malmam.

<sup>13</sup> I me wai kun asuhubawak, Kraistnön mem köhöim niñgiiga yuai kunñan kun mönö qahö memba et al niñgiiga ölop malmam.

<sup>14</sup> Töndup köñjiliñni miangö uruñeyök alabauk aka mem amqem niñgigetka dop kölok.

<sup>15</sup> \*Filipai inini mewöyök nöngö könani möt kömuze. Nöñön könahiba liliköba Ölöwak Buña nup memba embuk Masedonia prowinsnön mala engömosörali, nalö miangörenök könahiba mötnarip könagesö tosatñan ni silegö yuaininan qahö nañgöm niñgiget. Nöñön urugö Buña engibiga buña qem anğugermö, silegö likepni kun qahö melen niñgiget. Filipai urumelen könagesö inini mohotñan mönö nömbuk jöhöjöhö aka malmalni nañgögetka naluk moneñini buña qem anğuba malal.

<sup>16</sup> Nöñön yuaigöra osiba malali, inini mi nöngöra algetka Tesalonaika sitinön kayök. Indim mohot qahöpmö, indim yahöt silenangö yuaigöra osiali, mi algetka nöngören kayök.

<sup>17</sup> Engö inap kalemñinangöra köpösöngöbilenak, miangöra keu ki qahö ohozal. Anutunön engö alabaukñinangö likepni melen engimakñawi, nöñön mönö ölni mi engören sehimapköra mötzal.

<sup>18</sup> \*Enön nalö kewöñe yuai algeri, mi buña qem anğuba nöngören yuai pakpak miangön mönö dopni onğita gwötpuk ahöm niñgiza. Epafroditus yanön engö alabauk kalemñini memba kaba niñgiiga möriamnambuk aka maljal. Inini naluk kötinñini algetka yanön memba kayöhi, Anutunön miangö sihimni möri ölop dop kölja. Anutunön engö nalukñini möt anğön köli wörönñi ölopni umköhöwakñambuk aka yanğö jene pukpuköiga söngaimakza.

<sup>19</sup> Nöngö Anutunan töhötmöriam pakpakö Tonji akza. Yanğö köweñe yuai pakpak mi teteköni qahö ahöza. Miangöra inini Kraist Jisösbuk qekötahöba kinda yuaigöra osizei, mi pakpak mönö ahöm wangizawangö dop engimakña.

<sup>20</sup> Miangöra Anutu Iwinini mönö nalö dop möpöseimakin. Mewö ahinga Anutugö qetbuñan nalö teteköni qahö sehimakña. Keu mi ölna.

*Yaizökzök teteköni*

<sup>21</sup> Nöñön yaizözköknü alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizözköknüni algetka engöreñ kaza.

<sup>22</sup> Anutugöreñ ambazip sarakñi tosatñi pakpak ki maljei, yeñön yaizözköknüni algetka engöreñ kaza. Yeñgöreñök tosatñan sisa kiñgö jakömbuak mire nup memakzei, yeñön mönö mewö möta kapañ köla jize.

<sup>23</sup> Kembu Jisös Kraistkö kalem möriamñan mönö embuk ahöm öñgöba uñañini kötuatkömakña.

## **Kolosi Kimbi Polnön Kolosi yeŋgöra Kimbi alök. Jim-asa-asari**

Kolosi mi Eisia prowinsgö taon kun. Mi Efesus siti miangörenök wehön kotkotne göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangören yambu karöbut Buŋa nup memba Kolosi yeŋgöra mewöŋanök waimanjatnji möta malök. Könaŋep Kolosi tosatŋan uruŋini melenget (1.7; Apo 19.10). Polnön Rom sitigö kösö mire tariga neŋakŋi Epafras yaŋön Kolosi urumelen kambugö buzup keuŋi memba yaŋgören kayök. (1.7-8) Kösohotŋini tosatŋi mi ölöŋŋi aketmö, Kolosi miangören böhi takapulakanji tok malget.

Böhi mienön ambazip kewö kusum sohom enŋimalget: “Urumelen könaŋesö enön Anutu waikŋi membingö köna keu könaŋi könaŋi mi ölöŋ wuatangöme. Enön ölöŋ uruŋini memba et ala silenini qeba sihimbölä mötme.” (2.16, 20-21, 23) Toroqeba kewö jim kutum enŋiget, “Mötnarip enön mönö simin köla garata waikŋini memba malme.” (2.18) Jisös mewöyök mem et al waŋgiba kewö jiget, “I Anutugö Nahönŋi qahöpmö, garata bohonŋi kun.” Mewö jiba kewö toroqebet, “Neŋgö keunini wuatangömei, yeŋön mönö mötmöt tölapŋi qainŋi kun miwikŋaime.”

Miangöra Polnön Kimbi ki ohoba Kolosi urumelen kambu kewö kusum enŋiyök, “Yuai pakpak mönö Jisösgö bapŋe ahöiga yaŋön Anutu öl töhöŋŋi aka (1.15-17) urumelen kambu neŋgö Bohonina malja.” (1.18) Toroqeba keu kewö kondel enŋiyök, “Kraist Jisös möt narigetka yaŋön Anutugö mötmöt aka mötkutukutu tölapŋi ölöŋ kondel enŋima. Anutugö mötmötŋi mi mötmöt tosatŋi pakpak onŋita qainŋi kun akza.” (2.2-3, 9-10) Polnön mewöyök urumelen ambazip malmalŋinaŋgö jimkutukutu keu tosatŋi ohoba al enŋiyök. (3.1-4.1)

### **Buk kiangö bahöŋi bohonŋi 4 mi kewö:**

Keu mutukŋi 1.1-8

Kraistkö malmalŋi aka nupŋi 1.9-2.19

Kraistpuk malmal döläkŋi 2.20-4.6

Kimbigö keu kötni bohonŋi 4.7-18

<sup>1</sup> Anutunön Pol ni melaim niŋgiiga jitŋangö dop Kraist Jisösgö aposol akzal. Urumelen alanini Timoti yaŋön nömbuk tatza.

<sup>2</sup> O urumelen alaurupnini sarakŋi Kolosi taonön mala Kraistpuk qekötahögetka mötnaripŋinan qahö sörauiga zeŋ kinjei, nöŋön embuk keu eraum mötpingöra kimbi ki ohozal. Anutu Iwininan mönö kalem möriam enŋiiga luainön malme.

### *Enögöra Anutu möpöseiba köulukömakzin.*

<sup>3-4</sup> Inini Kraist Jisös pöndaŋ möt nariba ambazip sarakŋi pakpak uru könöŋŋinan jöpaköm enŋimakzei, miangö keu buzupŋi jiget mörin. Miangöra enögöra köulukömakzini, miangören mönö nalö dop Anutu, Kembunini Jisös Kraistkö Iwiŋi möpöseimakzin.

<sup>5</sup> Ölöwak Buŋagö keu ölnan mutuk enögoren kaiga jigetka jörömqörömninaŋgö könaŋi lök möta möt asariget. Möt asariba Anutunön enögöra yuai ali Suep mire kahaimök ahözawi, inini mi buŋa qem anŋubingö al mamböta jörömqöröm akze. Jörömqöröm mianön nam köl enŋiiga amqeba Anutu möt nariba uru jöpaköm anŋuba maljei, mönö miangöra möpöseim waŋgimakzin.

<sup>6</sup> Ölöwak Buŋa keu mianön sehiba gölmeŋi gölmeŋi dop köla ölnambuk aka qari-makza. Miangö dop enögoren kaiga inini Anutugö kalem möriamŋangö könaŋi ölni möta



möt asariget. Mi mutuhök möt asarigeri, wehön miangörenök könahiba engö sutjine mewönanök ölnambuk aka kötuetköm engimakza.

<sup>7</sup>\*Wölböt nejaknini Epafras yanön Kolosi engöra Ölöwak Buña mi kusum engiiga mötket. Epafras yanön nengö salupnine kinda Kraistkö nupni pöndañ kapañ köla memakza.

<sup>8</sup> Uña Törönan sölölohöm engiiga jöpaköm angumakzei, Epafrasnöñ engö könañamñini mewö eka nini jii mörin.

<sup>9</sup> Miangöra buzup keu mi mörini, neñön mewöyök nalö miangörenök könahiba engöra Anutu köuluköba mala kotzin. Enön Anutugö jitsihitñi möt yakögetka mötmöt miangön uruñini kokolak qemapköra ulet wañgimakzin. Miangön kokolak qem engiiga Uña Törönan mönö sölölohöba mötmöt engimakña. Mewö miangön mönö ölop Anutugö sihimñi pakpak diñdiñanök möt kutuba malme.

<sup>10</sup> Engöra kewö köulukömakzin: Mötkutukutu miangön nam köl engiiga mewö ölop malmalñini Kewugö jeñe dop kölmawañgö dop malme. Jitsihitñi ahözawañgö dop ahakmemenñini pakpak aka memba malme. Mewö ölop nup ölopñi könañi könañi pöndañ megetka miangö ölni asuhumakña. Mötkutukutuñini mewö köl guligetka ölop köhöimakñe aka Anutugö könañi toroqeba möt yaköm soroköba malme.

<sup>11</sup> Anutugö kukösumñi mi aködamunñambuk. Miangö dop nanñi ösum-mumuñi pakpak al engiiga engualönda mem köhöim engimakñapaköra köulukömakzin. Anutunöñ mewö mem köhöim engiiga ölop köhöiba nalö dop kapañ köla urubönjöñnöñ kinda lömböt möta mökösoñda söñgaiba malme.

<sup>12</sup> Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi nengöra buña yuainñi arengöba ali asakmararañgö uruñe ahöza. Yanön inñini mewöyök letotqetot mem engiiga buñañi mi buña qem angumeañgö dop akze.

<sup>13</sup> Pandamanöñ galöm köl neñgiyöhi, Iwinöñ miangörenök meköba neñguañgita kaba wölböt Nahönñangö bemtohoñ uruñe al neñgiyök.

<sup>14</sup>\*Nahönñi yanön sohpnini memba siñgisöndoknini sañgoñda mosötmapkö mörakza. Miangöra mönö saiwap jim wañgimakzin. Keu mi ölna.

### *Kraistnöñ yuai pakpakö könañi aka bohonñi akza.*

<sup>15</sup> Kraistnöñ Anutu qahö ehekñi yanö imutñi akza. Möpñangö möpñe malmal pakpak qahö asuhuiga Kraistnöñ mönö mutuhök Iwiñambuk azi bohonña malök. Mewö Iwi Anutu bauköm wañgiiga öroyuai pakpak miwikñaim engiyotka ahuget.

<sup>16</sup> Nahönñan Anutu bauköm wañgiiga öroyuai pakpak miwikñaim engiyohot. Yuai tosatñi Suet mirigö jakenñi jakenñi miangören ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiiga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suet gölme sutjire jakömbuakñine kinda jimkutukutuñini alakze. Yenö nemböñine pom jembonñini öngöngöñi eretñi mi al engiiga jakenñine kukösumñinambuk kinda tosatñi kembu ak engimakze. Nahönñan yuai pakpak asuhumapkö bömön jalöñi aiga Anutunöñ miwikñaim engiyöhi, mi mönö Kraist aködamun miwikñaim wañgimegöra al engii ahöze.

<sup>17</sup> Kraistnöñ mutuhök maligun öroyuai pakpak miangö andöñe asuhuget. Yanön mönö yuai pakpak mindiriba nam köl engiiga kutulañgöba yanöñ töndangöba kinje.

<sup>18</sup>\*Kraistnöñ bömön jalönini akza. Öroyuai pakpak nengö öröm neñginenñi bohonina aka malmapköra kömupnöhök wahörök. Kömugeri, yenö sutjineyök jitñememenñina aka guliba wahörök. Mewö mutukñamnini aiga nini könagesö walñangö zioz dölok-kunñi asuha kinjin. Miangöra urugö, silegö, yuai pakpakö nörop bohonini aiga urumelen könagesö neñön yanöñ ölmakñi akzin.

\* **1:7:** Kol 4.12; Flm 23    \* **1:14:** Ef 1.7    \* **1:18:** Ef 1.22-23

<sup>19</sup> Anutunöŋ Nahönŋi nanŋaŋgö dop köröndöŋ aka malmapkö möt teköi dop köläk. Mianŋöra nanŋi mötmötŋi aka aködamun yuaiŋi pakpak mi körek pakpak Kraistpuk qekötahöba kinjawaŋgöra körö-ölöwak möta malja.

<sup>20</sup> \*Öröyui pakpak gölmenöŋ aka Suepnöŋ Anutubuk kazik ahakzei, Anutunöŋ mi pakpak töwaŋini ala enŋuaŋgiriga nanŋambuk qekötahöba urumohot akŋegöra möta kewö jim teköi dop köläk, “Mönö nani Nahöni melaibi geba maripomnöŋ kömumba sepŋi mokoba luaigö nam köli asuhuma.”

<sup>21</sup> Inini mewöyök mutuk ahakmemenini bölöŋi ahöyöhaŋgöra aka uruŋinan Anutubuk urumohot qahö aka kerök möt waŋgiba tikep malget.

<sup>22</sup> Mutuk mewö malgetmö, nalö kewöŋe Anutunöŋ nanŋambuk urumohot aka kinmegöra Nahönŋi melaiiga gölme silebuk kömumba kölä köŋjörat mem enŋiyök. Mewö kingetka qewölonini saŋgoŋda mala enŋuaŋgita nanŋi jeŋe sarakŋi köpösihitkö keuŋini qahö al enŋii aŋgotmegöra al mamböta jörömqöröm ahakze.

<sup>23</sup> Jörömqöröm ahakzemö, mala anjaŋbanjaŋ köla et enŋubapuköra mönö Kraist pöndaŋ möt nariba kinme. Anutunöŋ Ölöwak Buŋaŋan tandö kuŋguyöhi, inini mianŋö keuŋi mötket. Uruŋinan mianŋöreŋ naŋgöba töndaŋgöba kin köhöiba malme ewö, mönö oy-aenŋoyaen akŋe. Nini Ölöwak Buŋaŋi mi jim sehimakzin. Anutunöŋ ambazip miwikŋaim enŋiiga Suep bapŋe mal anjei, yeŋgö sutŋine mi liliköba jim asariba maljin. Pol nöŋön mewöyök Ölöwak Buŋagö nupŋi mi memba maljal. Mewö.

### *Polnöŋ zioz kambugö nup denöwö memba malök?*

<sup>24</sup> Kraistkö ölni mi urumelen könagesö neŋön akzin. Kraistnöŋ neŋgöra aka köŋjilin möriga kitipŋi ahöba urumelen könagesö qaknine öŋgömakzawi, mia Kraistkö ölni bauköm enŋimamgöra aka silenana meköba möta malakzal. Mewö aiga enŋöra aka sihimbölä möta malali, mianŋöra nalö kewöŋe söŋgaimakzal.

<sup>25</sup> Anutunöŋ kuŋgum niŋgiiga urumelen könagesöŋi könagesöŋi welenŋini qeba nup memba maljal. Anutunöŋ kalem möriamŋi ambazip menden neŋimamgö areŋ alöhi, mianŋö dop Buŋa keuŋi körek jim sehim tekömamgöra jiyök. Enön ölöwaka köhöimegöra nup al niŋgiyök.

<sup>26</sup> Anutunöŋ Buŋa keu mi möpŋaŋgö möpŋeyök asamböriiga ambazip julkösöŋ aka kömugetka gwölönarökŋi wahöta kömugetka mewö mewö aka mala kota tönpin malget. Malgetka nalöŋi nalöŋi tölapŋe ahöyökmö, nalö kewöŋe könagesöŋi könagesöŋi sarakŋi neŋgöra indel neŋgiiga mötzin.

<sup>27</sup> Anutunöŋ kalem möriamŋaŋgö areŋi kewö jiba ali ahöza, “Nöŋön keuni tölapŋi mi nani könagesöurupni enŋöra indelbi mötmegöra mötza. Yeŋön mi möt yaköba anda jim sehiŋetka Buŋaŋi tölapŋaŋgö aködamunŋan mönö kian kantriŋi kantriŋi yeŋgö sutŋine qariba qetbuŋaŋambuk akŋa.” Keu kötŋi tölapŋi mi kewö: Kraistnöŋ enŋö uruŋine malja ewö, mönö asakmararaŋe aŋgotpingö jörömqörömŋi al enŋimakŋa.

<sup>28</sup> Neŋön Anutugö areŋ mianŋö dop Kraistkö könaŋi ambazip pakpak enŋöra jim asariba maljin. Yeŋön körek Kraistpuk qekötahöba kin köhöiba aködamunŋinambuk akŋegöra kusum enŋimakzin. Mewö enŋuaŋgiringa Anutugö jemesoholŋe aŋgotmegöra mötzin. Mianŋöra mötkutukutunini pakpak qezaköba qambaŋ keuŋi keuŋi enŋimakzin.

<sup>29</sup> Nöŋön mianŋöra aum-mörimakzal. Kraistnöŋ kukösumŋaŋgö qakŋe sölälähöba in-ahöm niŋgimakzawi, nöŋön mönö mianŋö dop bim qeba malakzal. Mewö.

## 2

### *Polnöŋ Kolosi yeŋgöra waimanjat mörök.*

\* 1:20: Ef 2.16

<sup>1</sup> Nöñön Kolosi engöra aka bim qeba maljal. Mewöyök Laodisia sitinöñ maljei aka urumelen alaurup tosatñan silenangö jemesoholni qahö nekeri, mönö körek yengöra köuluköba gwötpuk aum-mörimakzal. Nöñön inini mianğö könañi mötmegöra mötzal.

<sup>2</sup> Kewö köulukömakzal: Anutu, gi mönö uruñini nangöm enğinöñga öröröñ jöhöba jöpaköm anguba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölapñi, Kraistkö könañi mi körek möt asarim teköme.

<sup>3</sup> Anutunöñ mötmötñi aka mötkutukutuñi mi körek Kraistköreñ ala asamböriga ahöza. Anutu mötkutukutuñangö köweni mi guli dötnam ewö köwe tölapñe ahöiga Kraistnöñ mianğö kiñi moröñi akza. Kraist tem köla mewö mianğön ölop mötkutukutuñi miwikñaibin.

<sup>4</sup> Kunñan mondoqondoron ala kelök keu jiba uruñini kunguba tilipköm enğibapuköra Kraistköra keu mi jizal.

<sup>5</sup> Silenan engö kösutñine qahö maljalmö, urumötmötñan mönö embuk kinja. Inini köhöiba Kraist möt nariba tem köla sutñine areñinangö dop böñjöñ maljei, engöra mewö möta mötmöriba söngaimakzal. Mewö.

*Gölmegö mötmötñan jöhöm enğibapukö galöm meme keu*

<sup>6</sup> Mianğöra inini Kraist Jisös möt anğön kölgetka Kembunini aka kinjawi, mönö yambuk qekötahömakzeangö dop ahakmemenini aka memba malme.

<sup>7</sup> Keu kusum enğigeri, mianğö dop mönö kesötñini Kraistköreñ möndömgöba mendawöla yambuk qekötahöba kinda uruñini nangöm anguba mötnaripkö köhököhöñi toroqeba miwikñaiba malme. Saiwapñini mönö o saksaköba erakzawangö dop jiba möpöseiba malme.

<sup>8</sup> Ambösakon yeñön gölmegö mötkutukutu kusum enğigetka köna walñi miwikñaiba tosatñan mi wuatangömakze. Mewöyök bem suahö galöm Suep gölme sutñire mala mietkö öröyuainiri pakpak galöm köl enğimakzei, tosatñan Kraist onğita yengöreñ qekötahöba keu kusum enğimakze. Mewö ahakzei, yengöreñök kunñan enğömembra tilipqilip omanñi mianğö kösöñan jöhöm enğiiga eta böhi miengö bunaya akepuk.

<sup>9</sup> Anutugö mötmötñi aka aködamun yuaini pakpak mi körekmakörek Kraistköreñ ahöiga gölme sile memba asuhuyök. Mianğöra böhi takapulakanñi mewöñi yengöra mönö galömnini mem anguba malme.

<sup>10</sup> Kraistnöñ uña suahö galöm aka pom jembon pakpak miengö nörop bohonñini akza. Kraistpuk qekötahögetka yañön Anutugö mötmötñi aka aködamun yuaini pakpak mi ölop dopñine enğiiga malje.

<sup>11</sup> Mewö mala Kraistpuk qekötahögetka yañön aiwesökñi ölni mi engöreñ mewöyök yandim enğiiga malje. Aiwesök mi börönöñ silenine yandimakzeangö dop qahöpmö, Kraistnöñ sile yandiyandi qainñi kun ak enğiyök. Mi kewö: Yañön silegö ahakmeme walñan galöm köl enğibapuköra mönö sihim kömbönañini bölöñi jöhöiga malje.

<sup>12</sup> \*Kraistkö qamötñi lömnöñ algeri, engö uru walñan mönö mewö tandöktandök kömumba o melun mianğöreñ kömup lömnöñ geyök. Mewö geyökmö, Anutunöñ Kraist mem guliiga kömupnöhök wahöröhi, yangö kukösumñan mönö inini mewöñanök inahöba o melun mianğöreñ nam köl enğiiga guliget. Inini Anutugö kukösumñi mi möt anğön köla möt narim wangigerangöra aka Kraistkö qöhöröñe guliba köhöiba malje.

<sup>13</sup> \*Mutuk kunöñ engö sihim kömbönañini bölöñi mi qahö jöhöiga uru walñinan galöm köl enğiiga malget. Siñgisöndok akerangöra aka uru köhömuñi malgetmö, Kraistpuk qekötahögetka Anutunöñ yangö qöhöröñe mem gulim enğiyök. Siñgisöndoknini mönö körek sanğon teköiga köhöiba maljin.

<sup>14</sup> \*Bölöñamnini aka miengö likepñangö jimkutukutuñi mi Suep mire löpöt kimbinöñ ohogetka ahöyök. Kraistnöñ löpöt mi körek pakpak kutuba qeapköyök. Löpöt mianğön

\* 2:12: Rom 6.4 \* 2:13: Ef 2.1-5 \* 2:14: Ef 2.15

Anutubuk kinda andönine qeba tuarenjon ak nengiba ahöyöhi, yanön mi köteköba maripomnöj kösökoi teköyök.

<sup>15</sup> Maripomnöj kömumba bem suahö galöm aka uña pom Suep gölme sutñire öröyuai pakpak galöm kölakzei, Kraistnöj miengö kukösumñini luak jaugem jitñi ewö qeapköba tölököba tözangöm teköyök. Mewö kazikurupñi kösö gwarö memba gamu qem engiyök. Mewö aka enguanñita köirañ ala renduñ köliga qenjarökñe kagetka luhut al engiyöhängö könañi mi aukñe asuhuiga eket.

<sup>16</sup>\*Kraistnöj luhut al engiyöhi, miangöra inñini mönö Kraistpuk kinda ewebibiñinambuk saitingit malme. Mewö malgetka engö sutñine kunñan wani onñi aka ölni ohoba nemakzei, miangöra öne dönqizizin ala jim kutum engibapuk. Yambu (yara) dop kendon kömbukñi kun aka köin dop köin dölökñi kotzawangö söngaipñi mi alakze me qahö, miangöra öne jim bölim engibepuk. Sabat kendon mi Sondagienöj me silim kunöj tarakzei, miangöra öne mesoholñine qeba jim engibepuköra mönö galömñini mem anguba malme.

<sup>17</sup> Songo mewöñi miengöra mönö kezap kude alme. Mi söpsöp yuayök akze. Ölnan dopdowiba imutñi gilakzawi, miangö dop ölni mi Kraist. Nenegö me kendon tatatkö keunñi mi Kraistkö söpsöpñi aka eretñi akza. Kraistnöj lök kaiga mala öne köna söpsöpñi walñe qekötahöbepuk.

<sup>18</sup> Tosatñi yengö sihimñini mi nanñini urunini memba et ala Suep garata waikñini memba bem ewö möpöseim engibingöra ahöza. Mewöyök jeñini melenñi imutimutñini eka miengöra söngöröqök ahakze. Mewö nanñine gölmegö mötmötñan kuñgum engiiga silenñini öne töhön memba öngöba tiwokmawok ahakze. Yengöreñök kunñan tilipköm engiba Kraistköreñök utum engibapuk. Mewö mötnaripkö aongitnöj luhut qahö ala töwanñini qahö membepuk. Miangöra mönö galömñini mem anguba malme.

<sup>19</sup>\*Yenön Kraist nöropñini akzawi, yambuk qekötahöba kinkinñini mosöta lañ malje. Kraistnöj nöropñini aka nanñi ölni körek nini galöm köl nengiiga ölop mösölatim anguba maljin. Sihit toroqeqeñi aka ginimuramñi miengön mönö ölnangö köna böröurupñi mindiriba jöhöm nengigetka kutulangöba mohot akzin. Mewö aka Anutunöj nam köl nengimakzawangö dop qarim köhöimakzin.

*Kraistpuk kingetka gölmegö mötmötñan galöm ak engibapuk.*

<sup>20</sup> Inñini Kraistköreñ qekötahögetka uru walñinan kömuiga bem suahö galöm yengö kösö gwarönöhök lök lolohoget. Miengön Suep gölme sutñire mala yuainñiri pakpak galöm köl engimakzemö, inñini qahö galöm köl engigetka malje. Miangöra böhi takapulakanñi mewöñan jimkutukutu lañ al engimakzei, mi mönö wuanöngöra öne wuatangömakze? Suepkö buñaya akzemö, töndup gölmegö keuya wuatangögetka siksauk ahakza.

<sup>21</sup> Songonñini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.”

<sup>22</sup> Gölme ambazipnöj nanñini nöropñinan mewö jim kutuba tosatñi kusum engimakzemö, Anutunöj mewö qahö. Yanön yuai pakpak mi lökñanök aka memingöra jiiga nupñini engigetka qahöwakñegöra ali ahöze.

<sup>23</sup> Mi töndup tosatñan bem suahö galöm aka garata waikñini memba bem ewö möpöseim engimegöra kapan kölakze. Mi kapan köla “Nanini urunini memba eta aljin,” jiba miangöreñ möndöba silegö sihim kömbönañini bölöñan galöm köl engibapuköra songonñi songonñi ala silenñini qeba qölsihim angumakze. Mewö aka jimkutukutunñini alakzei, mi mönö mötkutukutu qakñe alalñangö tandök aiga gwötpukñan mi möta mötket öngömakza. Öngömakzapmö, mi töndup mewö silegö sihim kömbönañini bölöñi angön kölbängö osiba mi lañ wuatangömakze. Miangöra jimkutukutunñini miengön mönö yuai omanñi kötökñi akze. Mewö.

\* 2:16: Rom 14.1-6 \* 2:19: Ef 4.16



### 3

#### *Kraistnõj malmal dölökje malbingö ösumji nenjimakza.*

<sup>1</sup> \*Kraistnõj euyangõrenj õngõba Anutugö börõji õlñangö jakõmbuak jakenji memba qetbuñañambuk tatza. Anutunõj Kraist mem gulim wangiyõhi, miangö tandök injini mewöyök mem gulim engiiga köhömuneyök wahõta malje. Miangõra injini Suep mire eu öröyuai ahözawi, urunini mönõ miangõrenj jöhõba malme.

<sup>2</sup> Gölmegö öröyuaigõrenj qahõpmö, euyangõrenj öröyuai ahözawi, urunini mönõ miangõrenj jöhõm köhöiba malme.

<sup>3</sup> Engö urunini walñan mönõ kömuiga Anutugõrenj tõnguba malje. Mewö Anutugö aumñe anda malmal köhöikñangö kõnanji miwikñaget. Kraistnõj Suep malmal tõlapñe maljawi, engö urumalmalñinan mönõ miangö dop asa-asambõtje ahõza. Miangõra urunini mönõ Kraistpuk jöhõba malme.

<sup>4</sup> Kraist malmal köhöikñangö Toninan kunbuk kaiga asakmararañan asuhumawi, nalö miangõrenj injini mönõ mewöyök asuhugetka enguanjiriga yambuk Anutugö asakmararañe añgotme.

#### *Uru walñi aka uru dölökñi awõrañgõzahot.*

<sup>5</sup> Gölmegö sihim kömbõnañini bölõñi kõnanji kõnanji mi urunine kinda yayasenñe mem engimakzei, miengö nõrõpñini mönõ körek tõzamgõm tekõme. Bau kiam tandök serowilin aka qewõloñ angõjõrakñambuk mi mönõ andõ geme. Urusilegö sihim kömbõnañi bölõñi mi mosõta urukõnõp bölõñi mi mönõ qõmbõkõgetka bõkõma. Yuai membagan memb-ingö nepaqepalok köpõsõngõmakzei, mianjõn tandõ lopionj waikñini memba möpõsem engizeañgö tandõkñi akza.

<sup>6</sup> Mi akerañgõra aka Anutugö irimñan sehõliiga urukazikñi qakñine ali õngõmakza.

<sup>7</sup> Sihim kömbõnañini bölõñi mewõñan mönõ mutuk nanñini malmalñini mewöyök galõm kõliga kõna bölõñi mi tiba wuatangõba maljema.

<sup>8</sup> Mewö malgetmõ, nalö kewõñe injini mewöyök yuai kewõñi pakpak mi mönõ gilget anma: Urusingok möta urukõnõpnõñ jula engõhoiga uruninan auba urubölö mötzemõ, mi uzeta gilget anma. Mewöyök uruqeçe keu tõhörenj aka keu angõjõrakñambuk jiba urunini tõlöhozei, mi mönõ körek andõ qeba mosõtme.

<sup>9</sup> \*Injini uru walñi aka miangö ahakmeme angõjõrakñambuk mi kötekõba mem kömumba malje ewõ, keu munenji mönõ kude eraum mötme.

<sup>10</sup> \*Injini uru walñi kötekõba kunbuk letota uru dölökñi lõngõta malje. Miwimiwikñai Toninan nanñi kõnanji möt tekõm wangibingõra sõpsõp alõhi, yanjõn mönõ miangö dop uru dölökñi mi letot wanggiiga toroqeba kõlõñaimakza.

<sup>11</sup> Miangõra nini Juda me kantri tosatñangö ambazip maljini, mi mönõ dop mohot akza. Anutugö aiwesõkñi silenine yandiget me qahõ, mi tõndup Anutugö jene dop mohot akzin. Taon ambazip mötmõtninambuk me qandam (bus kanaka) mala nanñini keunine irohowarõho jiba gukmaulem maljei, mi tõndup Kraistnõj urunine kiniga mohot akzin. Nanini nupnini memakzin me toninangö welennini tõwanji qahõ qemakzini, mianjõn yuai korembenji akzapmõ, õlbõñi mi Kraist. Yanjõn kutulanjõba körek nenjõngita õngõba Kij Kembunini bohõnñi mohot akza.

<sup>12</sup> \*Anutunõj möwõlõhõm engiiga uru dölökñi wuatangõba Anutugö wõlbõt alaurupñi sarakñi akze. Miangõra injini mönõ sutñine ak kömumba ala ak anguba malme. Urunini memba et ala tosatñi gunbõnjõnjõnjõ qakñe ak engiba lõmbõt möta mökõsõnda malme. Silik mianjõn mönõ malukunñini aiga kõlget geiga mi tõp memba malme.

<sup>13</sup> \*Mõnõ lolongõba bölõñangö kitipñi kude mememõ, mönõ qaqaengim anguba malme. Köyan kõl angugetka sutñine keu köpõsõhit ahuiiga kunñan alanji jim wangimangö mötzawi,

\* 3:1: Sum 110.1 \* 3:9: Ef 4.22 \* 3:10: Jen 1.26; Ef 4.24 \* 3:12: Ef 4.2 \* 3:13: Ef 4.32

mi mönö mosöt anğume. Kembunöŋ siŋgisöndokŋini saŋgoŋda mosöröhi, inini mönö sutŋine mewöŋanök ak anğumakŋe.

<sup>14</sup> Mewö aka urukalemğö malukuŋini mi kölget geiga mianğö qakŋe mönö urukalem aka jöpaköm anğusetka qetpuk akŋa. Urukalem mianön mönö aködamun tosatŋi pakpöra jizali, mi köyamğöba mindiriba bohonŋina kinja.

<sup>15</sup> Kraistnöŋ inini luainöŋ silemohot malmegöra enğoholök. Mianğöra yaŋğö luainan mönö uruŋine ahöba ölopŋaŋğö injup lökuatŋi ak enğiiga urubönjönöŋ jim möpöseip aka malme.

<sup>16</sup> \*Kraistköreŋ Buŋa keu mianön mönö uruŋine kinda sutŋine gwötpuk asuhum sehima. Mönö mötkutukutu keu pakpak jiba kusum anğuba qambaŋ qem anğumakŋe. Uŋa Töröŋan sölölohöm enğimakzawaŋğö dop mönö Buŋa Liŋet Sumbara (Sam), möpömöpösei liŋet (omsa) aka urugö liŋet tosatŋi mi urukönömŋinan Anutu möpöseiba kölakŋe.

<sup>17</sup> Ahakmeme mi me mi jitnöŋ me siliknöŋ aka memei, mi pakpak mönö Kembu Jisösgö qetŋe ahakŋe. Mewö aketka Kraistnöŋ nam köl enğiiga Iwi Anutu pipsimbawoŋ jim waŋgiba malme. Mewö.

*Awanöm, iwinam aka welenqeŋe enğöreŋ qambaŋ keu*

<sup>18</sup> \*Ambi inini mönö apurupŋini yeŋğö keu bapŋe anda malme. Kembugö buŋaya akzeanğöra mönö mewö aketka dop kölma.

<sup>19</sup> \*Azi inini mönö anömurupŋini urukalemnöŋ jöpaköm enğiba urupik wösökömbuk qakŋe kude ak enğiba malme.

<sup>20</sup> \*Nahönbörat inini Kembubuk qekötahöba kinda iwinamyahötŋini yetkö jitŋiri wu-atanağögetka Kembunöŋ enğehiga dop kölma. Mianğöra inini mönö keuŋini jimeanğö dop pakpak tem köl enğiba malme.

<sup>21</sup> \*Iwiurup enğö nahönböratuŋinan awösamkakakŋini mosötpepuköra mönö kude enğum ureim ak enğiba malme.

<sup>22</sup> \*Welenqeŋe inini mönö gölme qakŋe galömurupŋini yeŋğö keuŋini pakpak tem köla ahakŋe. Köŋdöwoŋ aketka ambazipnöŋ enğek sorimegöra qahöpmö, geŋmoŋ mosöta Kembugö jitŋi oŋgitpinbukö sömbuŋini möta uruŋini nupnöŋ ala memba malme.

<sup>23</sup> Yuai aka memakŋei, uruŋini mönö mianğöreŋ jöhöba kewö mötmörime: Gölme ambaziwök qahöpmö, Kembu nanŋi mönö welen qeba malje.

<sup>24</sup> Kembu Kraist welenni qeba malgetka yaŋön töwaŋini Suep mire ali ahözawi, mi mönö enğiiga buŋaŋini akŋa. Mönö mewö mötmöriba malme.

<sup>25</sup> \*Kunŋan nupŋi mem sohomawi, Anutunöŋ mewöŋanök mem sohosohonğö likepŋi melen waŋgima. Anutunöŋ tosatŋi qahö enğek soriba tosatŋi qahö qepureim enğimakzapmö, körek nini dop mohotnöŋ kewöt neŋgiba keunini jim teköma.

## 4

<sup>1</sup> \*Galömurup enğöreŋ Kembu ketanŋi mi Suep mire malja, mi möt kutuzeanğöra mönö welenqeŋeurupŋini titit diŋdiŋi aka dop mohot ak enğiba malme. Mewö.

*Goro qambaŋ keu tosatŋi*

<sup>2</sup> Köuluk nup mönö kapaŋ köla memba malme. Mianğöreŋ mönö uruguliguli mala jim möpöseip aka malme.

<sup>3</sup> Möpöseip akŋei, mianğöreŋ mönö neŋğö mohotŋe kewö köuluköba malme, “Anutu, gi mönö Pol neŋakuruŋi köna mem enğinöŋga ölop Kraistkö Buŋa keu tölapŋi mi jim asariŋetka sehima.” Nöŋön mönö Buŋa nup mianğöra aka kösö gwarönöŋ tatzal.

\* **3:16:** Ef 5.19-20 \* **3:18:** Ef 5.22; 1 Pitö 3.1 \* **3:19:** Ef 5.25; 1 Pitö 3.7 \* **3:20:** Ef 6.1 \* **3:21:** Ef 6.4 \* **3:22:** Ef 6.5-8 \* **3:25:** Dut 10.17; Ef 6.9 \* **4:1:** Ef 6.9

<sup>4</sup> Nöñön Buña keu Anutugö sihimñangö dop jibi asarimegöra mönö köulukñinan töngum niñgiba malme.

<sup>5</sup> \*Ambazip urumelen qahö aka yaigep maljei, i mönö mötkutukutu qakñe ak engiba malme. Urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köl engime.

<sup>6</sup> Keu eraum mötmei, mi mönö nalö dop howeñambuk mindiriba jigetka nahömñambuk ahakña. Jigetka mohot mohot nahömñini ahuiga körek yeñgöra keu denöwö meñengime, mi mönö ölop möt yaköba miangö dop jimakñe. Mewö.

*Polnöñ Tikikus Onesimus melaim etkiğa kamahot.*

<sup>7</sup> \*Wölböt alani Tikikus yañön Kembubuk qekötahöba kinda nömbuk nupñi törörök memba neñakni akza. Yañön engöreñ kaba denöwö aka malakzali, miangö kösohotñi körek jii mötme.

<sup>8</sup> Denöwö aka memba tata maljini, iñini mönö kösohot mi mötmegöra melaim wañgibiga engöreñ kama. Yañön kaba ölop urukölalep ak engima.

<sup>9</sup> \*Mewöyök wölböt alanini Onesimus Kolosi engöreñök kaba Kembangö keuñi pöndañ wuatangöba mem yakömakzawi, nöñön i melaibiga lilingöba kama. Azi yahöt mitköñ kaba kiangöreñ yuai pakpak denöwö asuhui maljini, miangö kösohotñi ölop jim teköyohotka mötme. Mewö.

*Yaizözkök keu teteköñi*

<sup>10</sup> \*Aristarkus nömbuk kösö mire tatzawi aka Barnabasgö numbutñi Mak yetköñ yaizözkökñiri jiba alohotka engöreñ kaza. Maköra lök keuni kewö jim kutubiga mötket: Engöreñ kaba kañgotma ewö, mönö ölop köl öröba ala ak wañgime.

<sup>11</sup> Josua qetñi kun Jastus qetzei, yañön mewöyök yaizözkökñi jiba ali engöreñ kaza. Neñakurupnan nömbuk Anutugö bemtohoñangö nup memba maljei, yeñgö sutñine azi karöbut mienönök Juda azia malje. Yeñön mönö urukölalep ak niñgimalget.

<sup>12</sup> \*Nannine azi Epafras Kraist Jisös welenni qemakzawi, yañön mönö yaizözkökñi jiba aliga engöreñ kaza. Yañön nalö dop engöra aka köulukömakza. Keu pakpak Anutugö jitñangö dop akzawi, iñini miangöreñ töndangöba kin köhöiba aködamunñinambuk aka malmegöra aum-mörimakza.

<sup>13</sup> Nöñön yañgö könañi möta kewö nañgöba jizal: Yañön iñini bauköm engimangöra nup gwötpuk memakza. Mewöyök Laodisia aka Hierapolis taon yahöt miangöreñ möt nariba maljei, yeñgöra aka wani awamñi nup memba aum-mörimakza.

<sup>14</sup> \*Wölböt doktanini Luk aka Demas yetköñ mewöyök yaizözkökñini jiba alohotka engöreñ kaza.

<sup>15</sup> Nöñön yaizözkökñini jiba ohozali, mi mönö urumelen alaurup Laodisia taonöñ maljei, yeñgöra jiget mötme. Mewöyök Nimfa aka yañgö mire könagesö tokomakzei, mönö yeñgöra jiget mötme.

<sup>16</sup> Kimbi ki oyoñ engigetka mötket teköiga miangö andöñe mi mönö algetka Laodisia urumelen könagesö yeñgöreñ aniga oyoñme. Laodisia yeñgöra kimbi kun ohobiga anöhi, mi alget engöreñ kaiga iñini mi mewöyök oyoñme.

<sup>17</sup> Arkipus azi mi mönö kewö jigetka mötma, “Kembunöñ Buña nup memangö jim kutuba köiputki tariga maljani, göñön mönö mi mötmöriba körek mem teköman.”

<sup>18</sup> Pol nöñön yaizözkökñi jiba nane börönan qetni kewö ohozal: Pol. Iñini mönö kösö gwarö azi ni mötmörim niñgiba malme. Kalem möriamnöñ mönö embuk ahöma. Mewö.

\* **4:5:** Ef 5.16    \* **4:7:** Apo 20.4; 2 Tim 4.12; Ef 6.21-22    \* **4:9:** Flm 10-12    \* **4:10:** Apo 19.29; 27.2; Flm 24; Apo 12.12, 25; 13.13; 15.37-39    \* **4:12:** Kol 1.7; Flm 23    \* **4:14:** 2 Tim 4.10, 11; Flm 24; Flm 2

## Tesalonaika Kimbi 1

### Polnön Tesalonaika yengöra Kimbi mutukñi alök.

### Jim-asa-asari

Rom mindimindiri kantrigö prowins qetñi Masedonia miangö siti bohonñi mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini melengetka kusum engii urumelen kambu alget. Mi algetmö, tuarenjon mi miangörenök asuhuyök. Polnön Kraistkören Buña keu jim asariba uruñini kuñguiga miangören Grik ambazip Juda akeri, yengörenök gwötpukñan uruñini melengetka kambu miangön sehiyök. Miangöra Juda ambazip uruñini qahö melenđa uruñinan böliiga Pol andö qem wanğiget. Andö qem wanğigeranğöra lömböriiga köna jaruba engömosöta Berea taonön anök. Könanğep Korint sitinön maliga neñakñi Timotinön alabaukñi aka Tesalonaika sitiyök kaba denöwö möt narigeri, miangö kösohotñi ali mörök.

Polnön Kimbiñi mutukñi Tesalonaika alöhi, mi Kraistkö alaurupñi yengö uruñini nanğöba mötnaripñini mem köhöimapköra ohoyök. Kembu möt nariba urukalem ak anğumakzei, miangö buzupñi mötagun yengöra Anutu möpöseiza. Nanğak malmal yembuk denöwö aka malöhi, mia ölum engubapuköra mi papianön ohoza. Tesalonaika urumelen kambu sutñine keu tosatñi asuhui jigeri, Polnön mi melenđa jim asariba ohoza. Keu tosatñi mi kewö: Kraistnön lilingöba kaiga Suep malmalnön anğotpini, miangören tosatñan uruñini melenđa kömupnön ahözei, yengöra mönö denöwö asuhuma? Kraistnön wani nalönön lilingöba kama? Keu mi melenđa kewö jim kutum engiyök, “Injini Kraist kunbuk kamapkö jörömqöröm aka al mamböta mala miangören mönö nup ölopñi ölopñi mi jegep kinda pöndan memba malme.”

**Buk kiangö bahöñi bohonñi 6 mi kewö:**

Keu mutukñi 1.1

Saiwap jiba söngaiba möpöseiza 1.2-3.13

Ahakmeme diñdiñi akñegö kuñgum engiza 4.1-12

Kraistnön kamapkö keuñi kusum engiza 4.13-5.11

Qamban keu teteköñi tosatñi 5.12-22

Kimbigö keu kötni bohonñi 5.22-28

<sup>1</sup> \*Pol, Sailas, Timoti neñön Tesalonaika urumelen könagesö embuk keu eraum mötpingöra kimbi ki ohozin.

Injini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam engiyohotka luainön malme.

*Mötnarip köl gulizeanğöra söngaizin.*

<sup>2</sup> Neñön qösösök mötmörim engiba körek engöra “Anutu pipsaiwap!” jiba möpöseimakzin aka köuluk nup memba miangören nalö dop qetñini qerakzin.

<sup>3</sup> Injini Jisös Kraist jöpaköba möt narigetka urukalemñan nam köl engiiga nupñi köhöiba memakze aka Kembuninan lilingöba kamapkö jörömqöröm aka kapan köla mambörakze. Neñön mi pakpak Anutu Iwininangö jemesoholñe ölop mötmörimakzin.

<sup>4</sup> Urumelen alaurupnini, Anutunön jöpaköm engiba injini nanñanğöra kewö möwölöhöm engiyöhi, mi mötzin.

<sup>5</sup> Neñön Jisösgö Ölöwak Buñani memba engören kaba sutñine denöwö aka malini, injini mi mötze. Neñön Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumunambuk uruñini kuñguba malin.

\* 1:1: Apo 17.1



<sup>6</sup> \*Mewö malinga injini könjilinj ketanangö urunje mala Buña keu möt angön kölget. Mi angö kölgetka Uña Töröñan sösöngai engiiga Kembu aka neñgö siliknini wuatangöba malje. Mi denöwö asuhuyöhi, neñön mi ölop mötzin.

<sup>7</sup> Mewö andönine kaba mala Masedonia Akaia prowins yahöt miangörej Jisös möt narizei, körek pakpak yengöra silik ölopñi kondel engimakze.

<sup>8</sup> Mi kewö: Injini Kembugörej keu möta angön köla jiba malgetka tosatñan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Injini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan urunini melenget. Mi kilik-kalukñi qahö. Miangöra nini miangö keunji kun qahö toroqeba jibin.

<sup>9</sup> Nini engörej kainga denöwö asuhuyöhi, miangö kösohotñi mi miri tosatñi yeñön jigetka angötömual ewö mörakzin. Injini tandö lopion aka bem munenji andö enguba Anutu ölbölnji aka malmal Tonji yangörej melenja nupñi memba malje.

<sup>10</sup> Anutunöñ Nahönñi mem gulli kömupnöhök wahöröhi, injini yañön Suep mireyök eta asuhumapköra mambörakze. Anutugö irimsesewölñan könañgep aukñe asuhuiga Jisösnöñ mönö eta jeñberereñ kanjamñambuk miangörejök meköm neñgima. Mewö.

## 2

### *Polnöñ Tesalonaika urunje nup denöwö meyök?*

<sup>1</sup> O urumelenj alaurupnini, nini engörej kaba nup meini, mianjön mönö qahö pömsöm qeyökmö, ölni ölop asuhuyök. Nanñinak mi mewöyök ölop mötze.

<sup>2</sup> \*Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölö mörini, mi mötze. Sihimbölö mi mötagun engörej kainga tosatñan tuarenjonj köhöikñi ak neñgigetmö, mi töndup Anutunöñ awösamkakak neñgii kinda Ölöwak Buñanj jim asarim engiba malin.

<sup>3</sup> Neñgö könanini kewö: Urukunjugukunju keunini mi isimkakalek qakñe qahö jimakzin. Naninak janjuñ ahinga uruninan tölohobawak, mewö mi qahö jimakzin.

<sup>4</sup> Mewö qahöpmö, Anutunöñ Ölöwak Buña jim sehibingöra neñgeka urunini kewöri dop köliga möt narim neñgiba Buñanj neñgiyöhi, miangö dop mönö keunji memba jim asarimakzin. Anutunöñ urunini esapköba kewörakza. Miangöra neñön yuai pakpak Anutugö jeñe dop kölbingöra ahakzin. Mi ambazip sihimñini wuatangöbingöra aka qahö.

<sup>5</sup> Neñön nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba monen yuai neñgimegö möndömöndö keu sinjinñi qahö jiin. Anutunöñ könañamnini mi ölop jim nangöma.

<sup>6</sup> Enjön me ambazip tosatñan qetbuña neñgimegöra qahö kapan köla malin.

<sup>7</sup> Kraistkö aposolurupñi akzinangöra ölop urunini kewö kunjubinak, “Injini mönö nangöm neñgigetka sutñine urugö nup membini.” Mewö jiinga dop kölbawakmö, neñön engö sutñine mököqököli aka malin. Nahönbörat namñinan juzu engiba köyan köl engimakzawi, miangö dop mönö nanini memba et al anguba ösöñ ak engiba malin.

<sup>8</sup> Neñön iwinam ewö mökökölim ak engiba malinangöra Anutugörej Ölöwak Buña enñiin aka toroqeba nanine malmalnini mewöyök kölenj engibingö jöjöröba malin. Injini ölna wölböt nahönböraturupnini aket.

<sup>9</sup> O urumelenj alaurupnini, neñön engöra aka nup memba silenini qeba malini, mönö mi mötmörime. Nangöm neñgimegö lömbötñan engörejök kungö qakñe öngöbapüköra sungem asak nanine böröñinan nup memba Anutugö Ölöwak Buñanj jim asarim engiba malin. Mi mönö ölum engubapuk.

\* 1:6: Apo 17.5-9 \* 2:2: Apo 16.19-24; 17.1-9, 14; Apo 17.5

<sup>10</sup> Jisös möt narizei, neñön engö keunini pakpak diñdijanök kewöta sarakñi köpösihitkö keunini qahö malin. Inini mi eka möta nañgöba jim nañgömeañgö dop akze. Anutunöñ mewöyök mi jim nañgöba dangunu ewö kinja.

<sup>11</sup> Iwinöñ nanñi nahönböraturopñi ösöñ ak engimakzawi, miangö dop neñön inini mohot mohot ak engiba malin. Mi mewöñanök ölop mötze.

<sup>12</sup> Neñön urugö nañgönañgö keu jiba urukölalep ak engiba malin. Anutunöñ inini nanñe bemtohoñöñ angota asakmararane asarimegöra engoholök. Miangöra neñön uruñini kuñguba keu kewö jim tuariba malin, “Ahakmemenini mönö Anutugö jeñe dop kölmawañgö dop sarak sorokñi aka memba malme.”

<sup>13</sup> Miangöra neñön mewöyök sundan Anutu kewögöra möpöseimakzin: Anutugö Buña keu engiini, mi gölme ambazipkö keu ewö qahö buña qem angugetmö, ölna Anutugö keu jitkö dowä möta mi angön kölget. Mi möt narigetka mianñön mönö kölönaim engiiga letorakze.

<sup>14</sup> Juda ambazip Judia prowinsnöñ uruñini melengetka Juda tosatñan angösirip ak engigetka sihimbölo mötket. Yeñön mi möta töndup Kraist Jisösbuk qekötahöba kindä Anutugö urumelen köñagesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnöñ Juda yeñgö tandök ewö ak engigetka inini sihimbölo öröröñ möta Anutugö köñagesöñi aket.

<sup>15</sup> \*Juda yeñön kezapqetok ambazip enguget kömugetka Kembu Jisös mewöyök qegetka kömui nini sesewerowero ak neñgiba malget. Yeñön Anutugö jeñe qahö dop köla ambazip pakpak kerök ak neñgimakze.

<sup>16</sup> Neñön kian kantri eñön uruñini melenña letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öñgömakza. Siñgisöndokñini qerakögetka dopñi Anutugö jeñe kokolak qeiga irimsesewölñi toroqeba angön kölmangö osiba nalö kewöñe kondeli qakñine lök öñgöza. Mewö.

### *Polnöñ Tesalonaika kunbuk anmangö mörök.*

<sup>17</sup> O urumelen alaurupnini, neñön nalö kewöñe nalö töröpñi denña maljin. Sileninan denña maljinmö, uruninan jöhöba mohotñe maljin. Miangöra engö jesöñgöröñini ekingöra mönö kapan köla awöweñgöba maljin.

<sup>18</sup> Miangöra engöreñ kabingö möta malin. Pol nöñön sömañ mohot-töp qahöpmö, indimñi yahöt kamangö esapköyalmö, Satanöñ jöhöm neñgiiga osiin.

<sup>19</sup> Inini nanine ila jalö soroknini ewö kinje. Kembunini Jisösnöñ lilingöba kaiga yañgö jemesoholñe angota kinbini, miangöreñ engeka “Urugö nup önewat qahö memba malin,” mewö jibingö mötzin. Neñön keu mi inini aka tosatñi yeñgöra aka awamñanök jibingö jörömqöröm akzin. Miangöra engöra önöñi qahö söñgaiba silenini memba öñgömakzin.

<sup>20</sup> Neñön engöra aka qetbuña miwikñaininga sösoñgai ak neñgimakze. Mewö.

## 3

### *Timoti melaiyohotka Tesalonaika anök.*

<sup>1</sup> \*Inini denöwö aka maljei, mi mötpingö mötkurumkurum ketañi ak bibihiba toroqeba öne malbingö osiin. Miangöra nanirök Atens sitinöñ malbitkö keu jöhöba

<sup>2</sup> alaniri Timoti melaiziga engöreñ kayök. Yañön Anutugö nup memba netpuk Kraistkö Ölöwak Buña jim sehimakza. Yañön uru nañgönañgö keu engiba mötnaripñini mem köhöimapköra kayök.

<sup>3</sup> Anutunöñ areñnini jim teköiga tosatñan angösirip ak engimakze, mi nanñinak ölop mötze. Engöreñök kunñan köñjiliñ uruñe konñwarak aka löwöribapuköra jiinga kayök.

\* 2:15: Apo 9.23, 29; 13.45, 50; 14.2, 5, 19; 17.5, 13; 18.12 \* 3:1: Apo 17.15

4 Neñön Tesalonaika embuk mala nalö miangörej engöra qeljine keu kewö jiin, “Kembugö jitsihitni tem kölinga ambazipnöñ sesewerowo ak neñgigetka wahöjalin miwikñaibin.” Mewö jiinga miangö dop ölna asuhuyöhi, mi ölop mötze.

5 Mewö asuhuiga esapesap Tojan esapköm engii löwöriba etketka nupninangö ölnan eta pömsöm qebapuk. Miangöra denöwö möt nariba maljei, mi mötpingö mötkurumkurum ketani ahin lömbörri kunbuk öne malmangö osiba Timoti melaibiga qesiba mötmangöra kayök. Mewö.

*Timotinöñ kösohotñini ali möt ölöwahin.*

6 \*Mötkurumkurum aka malinmö, Timotinöñ anda engömosöta lilingöba kaba buñanini ölopni memba kaba kewö jiyök: Inini Kembu ölop möt nariba urukalem ak anğumakze aka nalö dop neñgöra mötmöriba ölöwahakze. Neñön enğekingö sihimni möringa enñon mewöyök nini neñgikingö kapan kölakze.

7 O urumelen alaurupnini, neñön sesewerowo köñjilin könañi könañi möringa nalö miangörej kaba möt narizeangö kösohotni ölopni jii mötziga keu miangön mönö ölna urukölalep ak neñgiyök. Miangöra nalö kewöñe engöra aka amqeba luainöñ ölöwaka maljin.

8 Inini Kembubuk qekötahöba böñ qeba kinmeangöra neñön mönö ölna köhöiba maljin.

9 Engöra aka Anutugö jemesoholne önöñi qahö söngaimakzini, sösongai pakpak miangöra mönö denöwö Anutu möpöseiba saiwap jiinga dopñe akawak?

10 Neñön sunğem asak urunini qezaköba kapan köla kewö köulukömakzin, ‘Anutu, mönö bauköm neñginöñga Tesalonaika anda jesöngöröñini eka mutulangöba mötnaripñinangö yuaigöra osizei, mönö mi enğibin. Keu mi ölna.’

11 Mewö köuluköingä Anutu Iwinini nanñi aka Kembunini Jisös yetkön mönö köna mesat neñgiyohotka ölop enğörej kabin.

12 Toroqeba kewö köulukömakzin, ‘Nini urukalem önöñi qahö ak enğimakzini, Kembu göñön mönö urukalemgi toroqeba kondel enğinöñga sutñine sehiiga kondel anğumakñe aka ambazip pakpak kondel enğimakñe.

13 Kembu, göñön mönö uruñini mem köhöimakñan. Kembunini Jisös göñön könañgep könagesögi sarakñi pakpak yembuk kunbuk kamani, nalö miangörej Tesalonaika yeñön sarakñi köpösihitkö keuñi qahö Iwinini Anutugö jeñe kinme.’ Mewö köulukömakzin.

## 4

*Ahakmeme solanñi urukalemñambuk mi dop köлма.*

1 Urumelen alaurupnini, keu kun kewö: Ahakmemenñini Anutugö jeñe aket dop kölmawanğö könañi kusum enğiinga mi lök köl guliba wuatangömakzemö, mi toroqeba gwötpuk ahakñegöra uruñini kuñguzin. Neñön qambañ keu mi Kembu Jisösgö qetñe enğizin.

2 Neñön Kembu Jisösgö kukösum qakñe kindä jöjöpañ keuñi jim kutum enğiini, inini keu mohot mohot mi lök möt teköze.

3 Anutunöñ engöra jitsihitni kewö mötza: Inini mönö sero yongorö andö qeba sarakñi aka tök-kutukutuñi aka malme.

4 Anutugörej köna diñdiñi mi mönö kewö möt kutume: Uru silenñangö sihim kömbönañini galöm köla sarakñi (mala nanñini anömnini nanñik nanñik memba) malgetka aködamunñambuk akña.

5 Urumelenğö kopa yeñön Anutugö könañi qahö möt kutuba uruñini könöp jeiga ambi lañ memakze. Miangö dop kude aka malme.

6 Mewö qahöpmö, ambi apñan kungen aniga kunöñ ölöñ kaba ambi kude saitköma. Kunöñ bölöñi mewöñi ahiga uruñiran kömbuhibapuk. Mutuk qambañ keu mi jiba galöm

\* 3:6: Apo 18.5

mem enjiini, mianğö dop kunöŋ ambi mem böliiga Kembunöŋ sinğisöndokŋi pakpakö likepŋi melenŋ waŋgima.

<sup>7</sup> Anutunöŋ nini qewöloŋ malbingöra qahöpmö, malmal sarakŋi malbingöra neŋgoholök.

<sup>8</sup> Mianğöra jöjopaŋ keu mi mosötmawaŋön mönö gölme ambaziwa qahöpmö, Anutu nanŋa andö qema. Anutu Uŋaŋi Töröŋi enğimakzawi, ia mönö andö qebepuk.

<sup>9</sup> Sutŋine jöpaköm aŋgumakzei, mianğö könäŋi Anutunöŋ kusum enğii nanŋinak lök möta malje. Mianğöra neŋön urukalem ak aŋgubingö keuŋi kunbuk ohom enğibingö qahö osizin.

<sup>10</sup> Masedonia prowins uruŋe urumelenŋ alaurup pakpak uruŋinan jöpaköm enğiba maljemö, urumelenŋ alaurupni, mi mönö toroqeba gwötpuk ahakŋegöra uruŋini kuŋguzin.

<sup>11</sup> Mönö ösöŋ mala nanŋini malmal nanğönanğöŋini galöm köla böröŋinan nup memba malme. Mewö aka aködamunŋinambuk akingö kapaŋ köla kinme. Mutuk mewö jim kutum enğiinga mianğö dop mönö aka memba malme.

<sup>12</sup> Mewö aketka uruŋini qahö melenđa yaigep kinjei, yeŋön ahakmemenini solanŋi ek yaköba göda qem enğiba malme. Injarere laŋ mala nene yuaigö uleta kungö qakŋe kude malme. Mewö.

*Kembugö kaka nalöŋe kewö asuhuma:*

<sup>13</sup> Urumelenŋ alaurupnini! “Tosatŋan uruŋini melenđa kömumba ahözei, yeŋgöra denöwö asuhubawak?” Injini keu mewö jiba mianğöra gukmaulem malbepuk. Ambazip uruŋini qahö melenđa jörömqöröm qahö maljei, yeŋön kömukömuŋi yeŋgöra aka wösöbirik maljemö, enön i ewö wösöbirik malbepüköra keu kewö jibin:

<sup>14</sup> Jisösnöŋ kömumba wahöröhi, nini keu mi möt nariba kewö jizin: Anutunöŋ Jisös mem guliyök. Mianğöra ambazip yambuk kömumba nöŋ qegeri, Anutunöŋ mönö i mewöyök mem guliba Jisösbuk möhotŋe enğuaŋgiri aukŋe asuhume. Keu likepŋi möt narizin ewö, likepŋi kun mi mewöyök möt nariinga dop kölma.

<sup>15</sup> \*Kembunöŋ keu kusum neŋgiiga neŋön yangö jitŋi mi enğöra kewö jibin: Tosatŋi neŋön qahö kömumba toroqeba silebuk malinga Kembunöŋ lilingöba kamawi, nini nalö mianğoreŋ mutuk qahö öŋgöbin. Nini ambazip kömukömuŋi qahö enğonğitpin. Qahö.

<sup>16</sup> Mianğö areŋi kewö: Anutunöŋ tömunŋi qainŋi kun uiga ötöŋi asuhuiga Suep garata bohonŋan jimkutukutuŋi qeriga ambazipnöŋ kourukŋiri mötketka Kembunöŋ nanŋak Suepnöhök etma. Kraistnöŋ eriga i möt narim waŋgiba kömugeri, yeŋön mönö mutuk kömupnöhök wahötme.

<sup>17</sup> Yeŋön mutuk wahötkekun nini qahö kömumba jebuk malbini, Anutunöŋ mönö neŋguaŋgiri könakemba öŋgöbin. Wahötkeri yembuk öröröŋ kousunöŋ öŋgöba Kembubuk aitonğöba yambuk Suep mire sundan dop malbin.

<sup>18</sup> Mianğöra keu mewöŋi jiba mianğön mönö uruŋini nanğöm aŋguba malme. Mewö.

## 5

*Kembunöŋ kamapköra mönö jöjöröba malme.*

<sup>1</sup> O urumelenŋ alaurupnini, Kraistnöŋ lilingöba kamapmö, wani yambunöŋ aka wani nalönöŋ asuhumawi, nini mianğö keuŋi ohom enğibingöra qahö osizin.

<sup>2</sup> \*Injini nanŋinak keu mi ölöpŋanök kewö möt kömuze: Yoŋgorö memenöŋ sunğem ölöŋ kaŋgorakzawi, Kembugö kaka nalöŋan mönö mianğö dop wölaŋ kam kuŋguma.

<sup>3</sup> Ambazipnöŋ kewö jime, “Merak luai qem neŋgi siyonŋsayoŋi qahö maljin.” Mewö jigetka mianğoreŋök köndenmöndenŋ asuhuba qakŋine öŋgöma. Ambinöŋ morö memamğö masöŋi qei mörakzawi, mönö mianğö dop asuhuiga misinğöba anbingö osime.

\* 4:15: 1 Kor 15.51-52 \* 5:2: Mat 24.43; Luk 12.39; 2 Pitö 3.10



<sup>4</sup> Yeñön osimemö, urumelen alaurupnini, enñön pandaman uruñe jipjap qahö mal-jeañgöra nalö mianñön mönö sanğabanğa yonğorö meme ewö enğö qakñine öngömapkö osima.

<sup>5</sup> Körek enñön mönö asakñanğö ambaziwa akze aka yuai pakpak aukñe akingö ak enğimakza. Nini söñaupkö ambaziwa qahö akzin aka ömukñanğö yuaini tököba sisit memakzin.

<sup>6</sup> Mianğöra tosatñi i ewö uruninan gaun ahöbapuk. Mewö qahöpmö, nanini galöm köl anğuba uruguliguli malbin.

<sup>7</sup> Gaun ahözei, yeñön sunğem gaun ahömakze. Ambazip o köhöikñi nemba enjololon ahakzei, yeñön mönö söñaupnön mewö aka malje.

<sup>8</sup> \*Söñaup uruñe mewö ahakzemö, asakñanğö ambazip neñön mönö nanini galöm köl anğumakin. Wahöjambanini mönö opo maluku ewö kewö löngöta kinbin: Neñön mötnarip aka urukalem köl guliba mewö mianñön töptöpnine göwanğöwanğö kepolaköba (suman ewö köla) sel jöhöm anğuba kinbin aka Suep mire öngöbingö mamböta jörömqöröm aka mewö mianñön nöropnini ain irikmarik ewö esuhuba turubin.\*

<sup>9</sup> Anutunön nini et neñgui irimsesewölñi mötpingöra qahö jim teköyökmö, Kembunini Jisös Kraistnön mem letot neñgii oyaenğoyaenğö buña qem anğubingöra jim teköiga maljin.

<sup>10</sup> Jisösnön neñgöra aka kömuyöhanğöra malmalnini gölmenön malbini me kömumba nön qeba ahöbini, mi mönö Jisösbuk köhöiba malbin.

<sup>11</sup> Mianğöra uru nanğönanğö aka möhamğöm anğuba köhököhöi miwikñaiba mutu-lanğömakzei, mi mönö toroqeba memba malme. Mewö.

### *Qamban aka goro keu qöndökñi*

<sup>12</sup> Urumelen alaurupnini, neñön kewö jim kutum enğizin: Galömñinan Kembubuk qekötahöba kinda sutñine nup memba qamban enğimakzei, i mönö göda qem enğiba malme.

<sup>13</sup> Göda qem enğiba nupñini memakzeanğöra mönö ölña jöpaköm enğiba yeñgöra mötket öngöma. Könagesö sutñine mönö luai qem anğuba malme.

<sup>14</sup> Urumelen alaurup, neñön urukunğukunğu keu tosatñi kewö enğizin: Tosatñan nanñini imbi-imbi wuatangöba injarere lanğ maljei, mi mönö jim enğiba galöm meme keu enğime. Zirinğirinğ ambazip yeñgöra mönö uru nanğönanğö keu jigetka köhöiba awösamkakak akñe. Ambazip uruñini löwöriiga maljei, i mönö köyan köl enğime. Urukönöp kude akñemö, ambazip pakpak mönö urubönjön qakñe ak enğime.

<sup>15</sup> Jinön jibi, nuñgunön guhubi me aknön aki mi kunñan kude akña. Songö mi walönğbepüköra mönö galöm mem anğuba malme. Nalö dop yuai ölöpnö ölöpnö mi kapan köla ak anğumakñe aka ambazip tosatñi pakpak ak enğiba malme.

<sup>16</sup> Mönö nalö dop sösongai aka malme.

<sup>17</sup> Sundan dop Anutu köuluköba malme.

<sup>18</sup> Mewö me mewö asuhumawi, mianğöreñ mönö Anutu möpöseiba malme. Kraist Jisösbuk qekötahöba kinjei, Anutunön enğöra jitsihitñi mewö mörakza.

<sup>19</sup> Uña Törönanğö bölamñi mönö kude qömbököme.

<sup>20</sup> Anutugöreñ kezapqetok keu jimakzei, mianğö jijiwilitñi mönö kude akñe.

<sup>21</sup> Keu pakpak mönö kewöta esapköme. Esapkögetka keu ölöpnö asuhumawi, mi mönö anğön köla malme.

<sup>22</sup> Keu aka ahakmeme bölöñi könanñi könanñi mi mönö andö qeba malme.

\* **5:8:** Ais 59.17; Ef 6.13-17      \* **5:8:** Ömewöröme yeñön sölölohöm neñgimeğöra yuai bölöñi bölöñi mi liñgip kesarek ewö gila neñgöra mulahakzemö, mianğö jitiñi mi ölöp Jisös möt nariba urukalem kondela kinda likeplikep suman ewö közamböt anğuba közanğömakin. Mötmötninan siksauk aiga janjuñ anbinpüköra ölöp Anutubuk ösupköinga kalem möriamñan nöropnini irikmarik ewö sel jöhöm neñgiiga amöriiga Suepkö könanñi wuatangömakin.

<sup>23</sup> Nöñön enğöra kewö köulukömakzal, 'Luaigö bemñi Anutu, gi nangk mönö lökñanök tök kutum enğinönga sarakñi aka malme. Göñön mönö uruñini, uñañini aka silenini mi lökñanök sel jöhöm enğinönga köpösihitkö keuñi qahö aka malme. Mewö nalö dop malgetka Kembunini Jisös Kraistnöñ lilingöba kaba mewö miwikñaim enğima. Keu mi ölña.'

<sup>24</sup> Enğoholjawi, yañön keuñi pöndañ wuatangömakza. Miangöra mönö köuluk miangö dop ak enğim teköma.

<sup>25</sup> Urumelen alaurupnini, enñön mönö neñgöra aka Anutu köuluköba malme.

<sup>26</sup> Urumelen alaurup pakpak sutñine mönö aņgum aņguba numbuñini yöhötüm namba malme.

<sup>27</sup> Nöñön Kembangö qetñe jim kutum enğiba jöjopañ keunöñ jöhöba kewö ohozal: Kimbi ki mönö urumelen alaurup pakpak yenğöra algetka oyoñ enğigetka mötme.

<sup>28</sup> Kembunini Jisös Kraistkö kalem möriamñan mönö embuk ahöma. Mewö.

## Tesalonaika Kimbi 2

### Polnön Tesalonaika yengöra Kimbi aliga 2 ahök.

### Jim-asa-asari

Tesalonaika urumelen kambu uruñe Kraist kamapköra mambötketka tosatñan “Lök kayök,” jigetka tosatñan “Keu mi muneña,” mewö lanlan jiba siksauk aka malget. Tosatñan “Kembugö kaka nalöñan lök kam kuñguyök,” jiba möt nariget. Miangöra “Polnön Kimbi Tesalonaika aliga 2 ahök,” buk mi ohoba keu mi jim tuariyök. Polnön keu muneñi mi mindingöba könañi kewö indelök: Kraistkö kaka nalöñan dopdowimawí, nalö miangören ambazip ahakmemeñinan gonñiba bölüma. Mewö bölüga azi tandökñi kun qetñi Iwilele Tonji yanön asuhaba mutuk tölapñe mala könañep Kraist aukñe tuarenjon ak wanñiba ambazip kantri dop galöm köl enñima.

Tosatñan Tesalonaika urumelen kambu kahasililin mem enñigetka sihimbölö möta malget. Miangöra aposol Polnön keu bohonñi tosatñi kewö jim tuarim enñiyök, “Inini mönö kapañ köla köhöiba Kembubuk qekötahöba kinda möt nariba malme.” Keu köñi kun kewö jim tuariyök, “Nöñön neñakurupni yembuk malmalnini nanñöm anñubingöra nup memba malini, inini mönö miangö dop injarere malmal mosöta nanñini nene yaka miwikñaiba mi memba malme aka nup ölopñi ölopñi kapañ köla jegep kinda memba malme.”

#### **Buk kiangö bahöñi bohonñi 5 mi kewö:**

Keu mutukñi 1.1-2

Uruölöwak ak enñiba söñgaiba möpöseiza 1.3-12

Kraistnön kamapkö keuñi kusum enñiza 2.1-17

Ahakmeme diñdiñi akñegöra kuñgum enñiza 3.1-15

Kimbigö keu köñi bohonñi 3.16-18

<sup>1</sup> \*Pol, Sailas aka Timoti neñön Tesalonaika urumelen könañesö embuk keu eraum mötpingöra kimbi ohozin. Enñön Iwinini Anutu aka Kembu Jisös Kraist yetpuk qekötahöba kinje.

<sup>2</sup> Iwi Anutu aka Kembu Jisös Kraist yetkөн mönö kalem möriam enñiyohotka luainön malme. Mewö.

*Sihimbölö mötagun mönö oyaenñkoyaenñ aka malbin.*

<sup>3</sup> Urumelen alaurupnini, enñö mötnaripñinan gwötpuk köhöiiga körek pakpak urukalem ak anñumakzei, silik mianñon mohot mohot enñö uruñine sehimakza. Miangöra neñon enñöra nalö dop “Anutu saiwap!” jiba möpöseim wanñimakzini, mi ölopñanök dop kölja. Buña keu köl guligeranñgöra saiwap jimakzini, mi mönö nupnina.

<sup>4</sup> Sesewerowero anñösirip könañi könañi ak enñigetka mörakzei, mi pakpak kapañ köla mökösonñda böñ qeba kingetka mötnaripñinan qahö sörauba löwöriza. Naninak mewöyök miangö kösohotñi mi Anutugö könañesöñi könañesöñi yengö jenine jiba enñöra aka silenini möpöseimakzin.

<sup>5</sup> Anutunön keu diñdiñanök kewöta jim tekömakzawi, anñösirip mötmötñinan mönö miangö aiwesökñi akza. Anutugö bemtohon uruñe kanñgota maljeanñgöra sihimbölö mötketka enñehiga Sup mire öngömeanñgö dop sarak sorokñi akñegöra kapañ kölakza. Miangöra köñjilin qahö anñon köliga nalö kewöñe qakñine öngömakza.

<sup>6</sup> Anutunön diñdiñi akzawanñgöra kinda kahasililin ak enñimakzei, i mönö kahasililin miyöhök melenñiga qakñine öngöma.

---

\* 1:1: Apo 17.1

<sup>7</sup> Qakñine öngömapmö, kahasililin möta maljei, enön mönö oyaenköyaen akñe. Kembu Jisösnöñ garataurupñi kukösumñinambuk enğuangita yembuk Suepnöhök eta asuhumei, nalö miangörej mönö nembuk mohotñe luhut meme.

<sup>8</sup> Jisösnöñ könöp bölam uruñe etma. Mewö eta ambazip Anutu qahö möt wañgiba Kembunini Jisösgö Ölöwak Buñaji qahö tem kölakzei, i mönö likepñi melenj enjiiga sihimbölö kewö möta malme:

<sup>9</sup> \*Kembunöñ mönö “Yapmakek!” jiba jemesoholñeyök közöl enjiiga Anutugö kukösumñi asakmararañambuknöñ qahö öngömemö, yaigepñe mala könöp siagö sihimbölöñi teteköñi qahö möta malme.

<sup>10</sup> Kembunöñ lilingöba kamawi, nalö miangörej kambu-urupñi sarakñi neñön mönö yangö asakmararañi eka miangö dop letota “Owe, Jisös Kembunini owe!” jibin. Möt narim wañgiini, körek neñön mewö welipköinga ambazip omanan neñgeka Yei! jiba auruba kinme. Neñön Jisösgö könañi nañgöba jiinga enön mewöyök mi möt nariba uruñini melengerañgöra mönö letota jihilalomñinambuk asariba nembuk mohotñe kinme.

<sup>11</sup> Mewö asuhumapköra neñön nalö dop engöra kewö köulukömaksin, “Anutunini, nangk enghola miangö dop mönö nam köl enjinöñga sarak sorokñi aka malme. Mönö kukösumgi ala inahöm enjinöñga yuai ölopñi pakpak aka membingö sihimñini körek asuhum teköma. Mewö mötnaripkö nupñini megetka ölni körek asuhuma.”

<sup>12</sup> Mewö köuluköinga Kembunini Jisös möpöseigetka qetñan engöra aka sutñine aködamunñambuk akña. Nanine Anutu aka Kembu Jisös Kraist yetkön kalem möriam engyihot maljeangö dop mönö nanñinak mewöyök aködamunñinambuk akñe. Mewö.

## 2

### *Kembunöñ kamangö aiga Iwilele Toñan asuhuma.*

<sup>1</sup> \*Urumelenj alaurupnini, Kembunini Jisös Kraistnöñ lilingöba kaba neñguangiriga yangörej eu tokobini, inñi keu mi mötzmö, neñön kewö qesiba qambañ enğizin:

<sup>2</sup> Kembangö kaka nalöñan lök kam kuñguzawangö tandök tötbörömñinan mönö miangörejök kaiga siksauk möta tatpepuk. Keu mi denöwö asuhuyök? Uña kunöñ azi kun alburup qeiga imutimut eka kezapqetok keu jim siñgiyök me kunöñ “Uruñini kuñgumam,” jiba keu jim siñgiiga asuhuyök? Tosatñan kewö jibepuk, “Pol alaurup yeñön keu mi kimbinöñ ohoba alget kayök.” Keu omanñi miangöra mönö öne töhön töwöratiba jönömñini undui malbepuk.

<sup>3</sup> Kunñan kun mewö me mewö tilipköm enğibapüköra mönö galömñini mem añguba malme. Mi kewögöra: Mutuk aiwesök yahöt kewö asuhuyohotka Kembunöñ miangö andöñe kama: Ambazip kelenmalelen yeñön Kembu iwilele aka andö qeme aka Iwilele Toñan nanñak mewöyök aukñe asuhuma. Anutunöñ i jim teköiga könöp sianöñ gema. Aiwesök yahöt mi mutuk asuhuyohotka miangö andöñe nalö ketañan kama.

<sup>4</sup> \*Tuarenjoñ Toñi yañön jakbak-örañbörañ aka nanñi silenji mem öngöm teköma. Ambazipnöñ yuaigö waikñi memba möpöseimakzei me qetñi bem qetzei, yañön mönö mi pakpak enğongita silenji memba öngöba malma. Mewö mala Anutugö jöwöwöl jikenöñ öngöba jakömbuak dumñi ala “Anutu akzal,” jiba kantri pakpak galöm köl neñgiba malma.

<sup>5</sup> Nöñön Tesalonaika embuk malali, nalö miangörej keu mi lök jibi mötket. Inñi mi ölum enğubapuk.

<sup>6</sup> Iwilele Toñan zilañzilañ asuhumapkö osima. Wani yuainöñ könañi añgön kölakzawi, enön mi nalö kewöñe mötze. Nalöñi törörök kam kuñgumawi, miangörejök mönö asuhuma.

\* 1:9: Ais 2.10 \* 2:1: 1 Tes 4.15-17 \* 2:4: Dan 11.36; Eze 28.2, 8; Ais 11.4, 9; Mat 24.24



7 Nalö kewöñe Iwilele Tonangö ösumñi tölapñan lök asuhuba ambazip sölölohöm engimakza. Aukñe asuhubapukö könañi angön köljawanñon mi mosöri köna ahumapköra mamböta malja.

8-9 Mamböri könañi asuhuiga miangöreñök mönö amqeba asuhuma. Satanöñ Iwilele Tonji sölölohöba nam köl wanñi angöletot munenji aka aiwesök kimbi könañi könañi meiga eka malme. Mi eka malmemö, Kembu Jisösnöñ asakmararañambuk asuhuba auyohotka i numbu ösumñan qeba yayiapaleleñ mem wanñima.

10 Ambazip Anutunöñ amöt qem engimapköra tököba keu ölnji buña qem angubingö qahö ak enñiiga lañ mala könöp sianöñ gemei, yeñon Iwilele Tonangö angöletotñi eketka kölgom könañi könañi enñiiga janjuñ ahakñe.

11 Miangöra Anutunöñ mötmöt janjuñ kawikñambuk ali asuhuiga ambazipnöñ mi kukösumñinambuk jim sehigetka sesegilgil yeñon keu kelökñi gwahöta munenji möt narime.

12 Könañamñinan aukñe asuhumapköra Anutunöñ janjuñ al enñi qaköme. Ambazip keu ölnji qahö möt nariba urusihimñini ahakmeme gonñe ala qakögeri, Anutunöñ mönö körek yeñgö keuñini jim teköiga könöp sianöñ geme. Mewö.

*Keu ölnji tem köla kapan köla köhöiba kinme.*

13 Yeñgöreñ mewö asuhumapmö, Kembugö wölböt alaurup, enñgöra mönö nalö dop “Anutu saiwap!” jiba möpöseininga dop kölja. Mi nupnina. Anutunöñ inñini könakönahineyök Suepkö buñaya aka letotmegöra möwölöhöm enñiyök. Miangö dop keu ölnji möt narigetka Uña Töröñan mem sarahim enñiiga malje.

14 Mewö malmegöra Ölöwak Buña al nengii jim asariinga miangön inñini enñoholök. Mewö toroqeba mala Kembunini Jisös Kraistkö asakmararañnöñ öngöba aködamunñinambuk akñe.

15 Miangöra urumelen alaurup, koñgwarak mönö kude aka malme. Neñon keu kusum enñgiba jitinan jiiñ me kimbinöñ ohoinga mötkeri, keu kötnji mi mönö qekötahöba wuatangöba malme. Mewö.

16 Kembunini Jisös Kraist nanñak aka Anutu Iwinini yetkön jöpaköm nengiba kalem möriam qakñe oyaenñkoyaeñ akingö jörömqrömñi nengiyohotka miangöra mamböta urukölalep teteköñi qahö möta maljin.

17 Yetkön mönö uruñini nanñgöba nup ölöpnji pakpak memba keu ölöpnji pakpak jiba malmei, miangöreñ mönö mem köhöim enñiiga malme. Mewö.

### 3

*Ölöp nengöra köuluköba malme.*

1 Keu teteköñi kun ki: Kembugö keuñan sehiba enñgö sutñine aködamunñambuk ahöhi, miangö dop mönö zilañ miri tosatñe mewöñanök anda jim sehiinga ölnambuk ahuba anma. Miangöra urumelen alaurup, enñon mönö nengöra aka Anutu köuluköba malme.

2 Ambazip sesegilgilñan Anutu qahö möt narimakze. Miangöra misimkaulup ambazip gonñi aka bölöñi meme yeñon kahasililin ak nengibepuköra mönö Anutugö köuluköba malgetka sel jöhöm nengima.

3 Sesegilgil yeñon bölizemö, Kembu keuñi pöndañ wuatangömakzawanñon mönö mem köhöim enñgiba bölöñeyök sel jöhöm enñgima.

4 Keu jim kutum enñiini, enñon mi nalö kewöñe aka könañep tem köla malmei, mi möta uruyahötnji qahö akzin. Neñon Kembubuk qekötahöba kinda mewö mötzin.

5 Kembunöñ mönö uruñini möñaiba Anutubuk jöhöiga urukalemñi möt yaköba Kraist ewö kapan köla mökösonñda malme. Mewö.

*Injarere malbinbukö galöm meme keu*

<sup>6</sup> Urumelen alaurup, injini nanñini imbi-imbi wuatangöba lañlan malbepuköra kusum engiinmö, tosatñan keu bapñe qahö anda önewat lañ malje. Miangöra nini Kembu Jisös Kraistkö qetñe kewö jim kutum engizin: Injini mönö urumelen alaurup mewöñi pakpak mi engömosöta misingöba tikep malme.

<sup>7</sup> Neñön engö sutñine nanini imbi-imbi lañ qahöpmö, keu bapñe malin. Miangöra neñgö köna lasupnini wuatangömegö könañi mi nanñinak ölop mötze.

<sup>8</sup> Nini injarere qahö malin aka engöreñök kungö nene yuai mi öne qahö nempa malin. Qahö! Nañgöm neñgimegö lömbötñan engöreñök kungö qakñe öngöbapuköra mönö sun gem asak nup sundansundan memba silenini geba malin.

<sup>9</sup> Anutunöñ nupñi membingö kukösumñi neñgii maljinangöra ölop nañgöm neñgimegö keunöñ uruñini kuñgum engibinakmö, neñgö köna lasupnini wuatangömegö silik ölopñi kondel engibingö mötzin.

<sup>10</sup> Embuk malini, nalö miangöreñ lök kewö jim kutum engiin: Nup memangö töközawañön mönö nene mewöyök kude nema.

<sup>11</sup> Engö sutñine tosatñan keu bapñe qahö anda nanñini imbi-imbi wuatangöba lañ malje. Yenñön nup ölni qahö memakzemö, nup meme tandöktandök öne lañ memba inöñ wainöñ möndöba tosatñi yenñgöreñ yuai mem sohoba qewöloñ silekmalek lañ malakze. Engöreñ keu kun mi mewö kaiga mörin.

<sup>12</sup> Neñön ambazip mewöñi mi Kembu Jisös Kraistkö qetñe jim kutuba uruñini kewö kuñgum engizin: Injini mönö an qekötahöm kam qekötahöm mosöta zen mala nup megetka ölni asuhuiga nanñini nene yakanini nempa malme.

<sup>13</sup> O urumelen alaurupnini, enñön nup ölopñi ölopñi memba miangöreñ mönö tanqan kude akñe.

<sup>14</sup> Neñön kimbi ki ohoba jim kutum engizini, kunñan mi qahö tem kölma ewö, injini mönö uruñi melenmapköra gamu qem wañgiba ehöröñ köla yambuk keukeu jiba köisirik kude tata malme.

<sup>15</sup> Mewö mala kerök qahöpmö, ala ewö ak wañgiba qambañ köl wañgiba malme. Mewö.

*Köuluk aka yaizözkök keu teteköñi*

<sup>16</sup> Kembu luai Tonñan nanñak mönö nalö dop ahakmeme pakpak miangöreñ luai qem engiiga böñjöñ malme. Kembunöñ mönö körek embuk malma.

<sup>17</sup> Pol nanak yaizözkökni nani börönan ohozal. Kimbi pakpak ohomakzali, miangöreñ nani yaizözkök qet kimbi ki nanak alakzal. Qetni kewö ohozal: Pol\*

<sup>18</sup> Kembunini Jisös Kraistkö kalem möriamñan mönö körek embuk ahöma. Mewö.

---

\* **3:17:** Mutuk kunöñ tilipköba Polgö qetñe kimbi kun aliga uru siksauk asuhuyök. Miangöra nanñe böröñan qetñi ohoyök.

## Timotigö Kimbi 1

### Polnön Timotigöra Kimbi mutukni alök.

### Jim-asa-asari

Timoti sepguli azi yangö namni Juda ambi aka iwiñi Grik azi. Yanön Eisia prowinsnön mala uruñi melenða Kraistkö alañi aka malök. Mewö mala Polgö neñakni aka bauköm wanggiiga mohotne liliköba misin nup memba malohot. Polnön lömbötnön memba et al wangibapuköra waimanjat keu bohonni karöbut mötmöriba Buña Kimbi ki ohoyök.

Waimanjat bohonni ketani mi böhi takapulakani. Tosatjan zioz uruñe kinda keu goñgoni kusum sohom engiba malgeri, Polnön yengöra aka galöm meme keu köhöikni ohoyök. Böhi mienön Juda yengören mötmöt aka gölmegö mötmöt tosatni mindirigetka könañamni lolonqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Miangöra tosatjan Suepkö buña akingö kapan köla mötmöt asa-asambötni qainni kun qahö buña qem anguba nenegö dönqizizin aka songo tosatni walönða awanöm akze ewö, Anutunön mönö keu miangören qaköba amöt qem engimangö osima.”

Waimanjat keu bohonni kun mi: Denöwö urumelen könagesö galöm köl engiinga törörök Anutugö waikni memba möpöseibeak. Polnön miangö qambañ keuñi papianön ohoyök. Mewöñanök zioz galöm, babafi aka nup meme ambazip tosatjan denöwö aka malgetka dop köljawi, miangö keu areni mi jim asariba ohoyök.

Teteköñe keu bohonni karöbutni miangören Timotigöra goro keu tosatni ohoyök. Undumni yanön mönö denöwö Jisös Kraistkö welenqege ölöñi aka mötnarip ambazip kambunji kambunji engöbisiba bauköm engiiga dop kölmawi, miangö goroñi ohom wangiyök.

#### **Buk kiangö bahöñi bohonni 3 mi kewö:**

Keu mutukni 1.1-2

Ziozgö nup meme yengören jimkutukutu 1.3-3.16

Timotinön nupni memapkö jimkutukutuñi 4.1-6.21

<sup>1</sup> Anutu, Amötqege Tonini aka Kraist Jisösnön galöm köl nengimapkö jörömqöröm al mamböt ak wangizini, yetkөн Pol nöngöra jim kutuba kuñguba melaim niñgiyohotka aposol maljal. Kraist Jisösgö jitnememe mewöñi aka göbuk keu eraum mötpitköra kimbi ki ohozal.

<sup>2</sup> \*O Timoti! Gi urugi melenða Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainön malman.

#### *Enjololon kusum engibepukö galöm meme keu*

<sup>3</sup> Masedonia prowinsnön anmamgö ahali, nalö miangören kewö jim kutum gihial, ‘Gi mönö Efesus sitinön toroqeba mala urumelen kambu bauköm engimakjan. Tosatjan mötnaripkö keu kambañi tosatni kusum sohomakzei, mi toroqeba akepuköra galöm mem anguba malme.’ Mewö jim kutum engiba malmangöra jial.

<sup>4</sup> Tosatjan bem sambanni sambanni aka ambösakon yengö qet areni areni mi teteköñi qahö eraum mötketka supapköiga angururuk aka keu qequesi omani asuhui mötmörimakze. Yenön uruñini miangören ala sohobepuk. Keu sinni sinni jiji mewöñi mi qahöpmahöp bauköm engimappmö, Anutugö malmal areni mi kewö ahöza, ‘Kunjan Jisös möt nariba uruñi melenñiga yanön mönö i amöt qem wanggiiga letotma.’ Merak mewö ak engimangöra kunbuk uruwahöt keu jim gihizal.

\* 1:2: Apo 16.1

<sup>5</sup> Jim kutum gihizali, mianjö tohotñi mi urujöpak. Nöhön urukalem ahumapköra bim qeba kewö jim tuarim engiba malmangö kunjum gihizal: Yenön uruninan sarakñi ahömapköra galöm köl angugetka mötmöt bölönan mi qahö gwözöñma. Qahö gwözöñniga Anutunöñ sanep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönö urukalemñi urujine ali ölop ahumakña. Urujöpak mianjön sutñine ahumapkö kapan kölakzal.

<sup>6</sup> Tosatñan Anutugö malmal arenji mi siñgiba janjun aka oyondewedewet keu omanji omanji lan jimakze.

<sup>7</sup> Yenön Anutugö Köna keugö böhi malbingö mötzmö, nanñinak keugö könañi qahö möt asariba mesohol kölayök jimakze. Öne ambazip jenine awösamakak kinda keu lanlan köhöiba jiba bim qemakze.

<sup>8</sup> Anutugö Köna keu mianjön mönö ölop sorokñi akza. Mi könañangö dop törörök kusum anguba wuatangöinga ölop möhamgöm nenjimakza, mi mötzin.

<sup>9</sup> Anutu Köna keunangö könañi mönö kewö möt yaköme: Mi ambazip solanñi diñdñi yengöra aka qahöpmö, Anutunöñ mi ambazip gononji mindingöm engimapköra aka ali ahöza. Tosatñan gononji kewö ahakze: Iwilele jaubatbat aka keu qeba yangisen qakne aum jesöksök ahakze. Angöjörak aka siñgisöndokñinambuk mala töndup Anutu nesampurek ak wangetka urujini tölohoba nöñongan malje. Iwinamñini aka tosatñi enguget kömumakze.

<sup>10</sup> Serowilin ahakze. Sodom taonöñ akeri, mianjö dop köna ongita azi nanñirök aka ambi nanñirök amimakze. Ambazip mem bölim engimegöra qeraköba jöhömakze. Keu munen jimakze. Keu jiba jöjöpan keunöñ jöhöba töndup tilipkömakze. Anutunöñ ahakmeme diñdñi akingöra Ölöwak Buña nenjiyöhi, mi inji wainji aka memba mianjön qetalakze. Anutugö Köna keu mianjön ambazip mötnaripkö köna diñdñi siñgimakzei, mönö i mindingöm engimapköra aka ahöza.

<sup>11</sup> Anutu, oyaenjoyaen Tonji yanön mötnaripkö köna diñdñi mi Buña keunöñ ali ahöza. Nöhön Ölöwak Buñañi aködamunñambuk jim sehimangö möt narim niñgiba Buña keunji mi al niñgiyök. Mewö.

*Polnöñ Kembu kalem möriamñangöra möpöseiza.*

<sup>12</sup> Kraist Jisösnöñ uruni keworiga nupñi pöndan memamanjö dop nehi dop köliga nupñi niñgiiga memakzal. Nup memangöra kukösum niñgiba mala kotzawi, mianjöra Kembunini möpöseiba maljal.

<sup>13</sup> \*Nöhön mutuk Jisös mepaiköba alaurupñi ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lan aka memba malal. Siñgisöndok mewö aka malalangöra mönö ak kömum niñgiiga kölöñaiba letoral.

<sup>14</sup> Kembuninan kalem möriamñi niñgiba keñmaleleñ mokoiga nöngö qakne öngöyök. Mewö öngöiga mötnaripnan asuhuiga urujöpakö kondotkondot Tonji Kraist Jisös mi-wikñaial. Yambuk qekötahöba kinda urukalemñi buña qem anguba ambazip tosatñi urunan jöpaköm engimakzal.

<sup>15</sup> Nöhön ambazip tosatñi pakpak engongita siñgisöndokö ambazip yengö sutñine ketanamñini aka malal. Mewö malalmö, Kraist Jisösnöñ siñgisöndok ambazip amöt qem nenjimangöra aka gölmenöñ erök. Keu kötni mi nöngören öñambuk ahök. Mianjöra keu kötni mianjön mönö pöwöwöm köhöikñi akza. Mi ambazip körekmakörek möt nariba angön kölbinañgö dop akza.

<sup>16</sup> Siñgisöndokö ambazip yengö ketanamñini aka malalmö, Kraist Jisösnöñ ni kewögöra ak kömum niñgiyök: Yanön nömbuk uruluai qakne amöt qem niñgiba Anutugö uru tandökñi aukne asuhumapkö möt köhöiyök. Nöngö könane ambazip tosatñan Jisös möt

\* 1:13: Apo 8.3; 9.4-5



narimei, tandökñi mi yengöra kondel engimamgö mörök. Mi kondel engiiga ölop amqeba uruñini melennda malmal köhöikñangö buñaya akñe.

<sup>17</sup> Ak kömum niñgiyöhañgöra aka Anutu möpöseimakzal. Yanön Kiñ Kembu teteköñi qahö aka malma. Anutu mohotñan qahö göröñ qeiga kaisongolomñi qahö ehakzin. Nöñon yangö qetbuñani nalö dop möpöseibiga teteköñi qahö aködamunñambuk aka ahöma. Keu mi ölña.

<sup>18</sup> O mötnaripkö nahöni Timoti! Mutuk kezapqetok keu tosatñi göhöra jigeri, keu mianön kötöngöm gihiiga ölop aködamungabuk aka malman. Keu miangö dop kewö jim kutum gihizal: Göñon mönö malmal sarakñi malmangöra bim köhöikñi qeba malman.

<sup>19</sup> Bim qeba miangöreñ mötnaripki sörrörauba sohobapuköra mönö töp meman. Urugi köyan köl angunöñga mötmöt bölöñan qahö gwözöñniga Anutunöñ urukezapnöñ sanep alakzawi, mi ölop möta malman. Ambazip tosatñan uru köyankölkölñini mosöta lañ malgetka mötnaripñinan löwöriba köhömuñi aka pömsöm qeyök. Wanğenöñ köwet töromnöñ kuñguba jömgözawi, mönö miangö dop kumkanjan aka böliget.

<sup>20</sup> Mötnaripñinan pömsöm qeyöhi, yengö sutñine azi yahöt qetñiri Himeneus aka Aleksander maljahot. Nanak mindiñgöm etkimamgö osiba uruñiri melenmahotköra i Satangö böröñe al etkial. Al etkibiga Satangö kukösümñi ahakmemenirangö dop möta uruñiran sihimbölögöra löwöriiga melennda mepaqepaik kunbuk qahö akahorak. Mewö.

## 2

### *Buñ nupkö köuluk areñ*

<sup>1</sup> Yuai bohonñi mi köuluk nup. Nöñon miangö uruwahöt keuñi jiba uruñini kewö kuñguzal: Inini mönö ambazip körek pakpak engöra köuluköba kapan köla uleta Anutu qesim wanğiba saiwap jiba malme.

<sup>2</sup> Kiñ azi kembu aka gawmangö galöm ambazip könañi könañi yengöra aka köuluköba malme. Mewö kötöngöm engigetka diñdiñanök galöm köl nengigetka luai qakñe guñböñjönjön malbin. Mewö mala Anutugö jitñi wuatangöba ahakmeme diñdiñi aka memba malinga aködamunñambuk ahakña.

<sup>3</sup> Köuluk nup mewöñi mianön ölop sorokñi akza. Mi Anutu, Amötqeqe Toninangö jemesoholñe ölop dop kölja.

<sup>4</sup> Yanön ambazip körekñan Buñ keu ölñi möt kutuba uruñini melengetka amöt qem engii letotmegöra jitsihitñi mörakza.

<sup>5</sup> Anutu mohok-kun ahöza aka ambazip Anutubuk mindirim nengimapköra azi mohok-kun mewöyök ahöza. Azi mohot Jisös Kraist yanön mönö mi köhöiiga tosatñan mi osimakze.

<sup>6</sup> Yanön singisöndok ambazip pakpak nengö sohopenini memapköra malmalñi kölennda mosörök. Buñ keu mi Anutunöñ nalö ali tosatñan nalö törörök miangöreñ könahiba nanğöba jim asarigetka nengöreñ kayök.

<sup>7</sup> \*Miangöra aka Anutunöñ aposol akñamgö kuñguba melaim niñgiiga kantri dop lilikömakzal. Ambazip Jisös möt narimegöra Buñ keu ölbölñi jim asariba kusum engiba uruñini kuñgum engimakzal. Könani mewö jiba muneñ kun qahöpmö, keu ölña mewö jizal. Mewö.

### *Azi aka ambi yengö malmal areñini*

<sup>8</sup> Miangöra jitsihitnan kewö jizal: Azi enön mönö pöndañ miri dop tokoba köuluk nup töp memba malme. Yom kazik aka anğururuk mosötketka uruñinan sarahiiga ölop böröñini mem wahöta Anutu köulukömakñe.

<sup>9</sup> \*Ambi engö qambañ keuñini kewö jizal: Enön mönö kinisöröñini löngöta silenini törörök turuba malme. Opo söro sorokñi aködamunñambuk mi mosötme. Nöröp juññini

\* 2:7: 2 Tim 1.11 \* 2:9: 1 Pitö 3.3

qeba gawasu kōnaŋi kōnaŋi kude ala minjin̄da öŋbōŋ meme. Kōsatorom me goul mianjōn kude meŋjōlōm aŋgume aka löŋgölōŋgöt söŋgörōŋi ketan̄i mianjōn memba aiwelikqaiwelik kude akŋe.

<sup>10</sup> Akōdamun̄jini öln̄i mi ahakmeme ölöpn̄i. Ambi Anutugö jit̄ŋi oŋgitpinbukö keŋgöt̄jini möta qet̄ŋi jim aumakzei, eŋjōn mönō nup ölöpn̄i ölöpn̄i jegep kinda memakŋe.

<sup>11</sup> Azinōŋ kusum eŋgigetka ambi eŋjōn mönō urun̄jini memba et al aŋguba Buŋa keu ösōŋ möta nesilam qakŋe takpararak aka jitnōŋ söhöp kude melen̄memö, mi urukōnōm̄ŋine ala malme.

<sup>12</sup> Ambi eŋjōn azi galōm köla kusum eŋgimegōra nōŋjōn ‘Oŋ!’ qahö jizalmö, tokogetka ösōŋ keu bök tatme.

<sup>13</sup> \*Anutunōŋ mutuk Adam miwikŋaiba yaŋgö andōŋe Iw (Ewa) miwikŋaiyök.

<sup>14</sup> \*Mokoleŋnōŋ Adam qahö tilipköyökmö, ambi mi tilipkōm waŋgiiga keu oŋgita siŋgisōndok ahök.

<sup>15</sup> Tōndup ambi yeŋjōn nup aren̄jini wuatāŋgōba morö memba Kraist möt nariba ahakmeme sarakŋi wuatāŋgōba urumelen̄ alaurup̄jini urunōŋ jōpakōm eŋgiba ösōŋ malme ewö, Anutunōŋ mönō ölöp amöt qem eŋgiiga letota Suepnōŋ öŋgōme. Mewö.

### 3

#### *Ziozgö nup galöm yeŋgö keu areŋ*

<sup>1</sup> Kunŋan urumelen̄ kōnagesögö uru galōm pasto akŋamgö ak waŋgizawi, yaŋjōn mönō nup sorokŋi akōdamun̄ambuk miwikŋaiba. Keu mi öl töhöŋŋa.

<sup>2</sup> \*Miangōra urumelen̄ kōnagesögö uru galōm nupkōra mönō azi kewōŋi möwölöhōba kuŋguetka dop kölma: Kungö silen̄jō köpösihitkō keuŋi qahö, ambi mohot-kungö ap̄ŋi, kekpurikŋi qahö, ahakmemeŋi törörök galōm köl aŋguiga göda qem waŋgimakze. Yaŋgōreŋ kamei, i ölöp köl örōba köyan köl eŋgiba mötmöt törörök kusum eŋgimakza.

<sup>3</sup> Kunōŋ o köhöikŋi nemba bim laŋ qeba aŋgururuk aka moneŋ membagun memamgö köpösōŋgōmakzawi, i qahöpmö, kunŋan ölöp ambazip mutulaŋgōba mökölim eŋgiba guŋbōŋjōŋjōŋ ak eŋgimakzawi, mönō azi mi kuŋgume.

<sup>4</sup> Kunōŋ nan̄ŋi anōm-morōurup̄jini ölöp galōm köla goro eŋgiiga nahōnbōraturup̄ŋan göda qem waŋgiba keuŋi pakpak tem köla maljei, mönō ia kuŋguetka kinma.

<sup>5</sup> Galōm azi kunŋan nan̄ŋi saiwaurup̄jini galōm köl eŋgimamgö qötötāŋgōza ewö, yaŋjōn Anutugö urumelen̄ kōnagesōurup̄jini mönō denōwö köyan köl eŋgibawak? Mi mönō osibawak.

<sup>6</sup> Azi kunŋan nalö köröp̄ŋi uruŋi melen̄da zeŋ kinjawi, yaŋjōn ölöp kutukutulaŋ galōm nup memen̄jina aka malma. Kunŋan nalö töröp̄ŋi uruŋi melen̄da an köl kam köl aka tiwokmawok aka töptöp̄ŋe qeba silen̄jō memba öŋgōbapuk. Bölōŋaŋgö Toŋan kezapjupjup aiga Anutunōŋ keuŋi jim tekōba közöl waŋgii erök. Miangö dop eŋgö galōm̄ŋinan silen̄jō memba öŋgōiga Anutunōŋ i Satan ewö jim tekōiga etpapuk.

<sup>7</sup> Galōm kunŋan urumelen̄gö kopa yeŋgö sut̄ŋine qetbuŋa ölöpn̄i qahö hisibawak ewö, ambazipnōŋ i laŋ jim böligetka Bölōŋaŋgö Toŋan mötöp simbaŋi ali mianjōn tötekōi qeiga etpapuk. Mewö.

#### *Ewanjelis aka Buŋa nup ambazip yeŋgö keu*

<sup>8</sup> Buŋa nup ambazip\* yeŋjōn mewöyök ambazipnōŋ göda qem eŋgimean̄gö dop taŋörakŋini qahö aka malme. Tosat̄ŋan keu jöl yahōtyahöt jiba wain o gwöt̄puk nemba

\* **2:13:** Jen 2.7, 21-22    \* **2:14:** Jen 3.1-6    \* **3:2:** Tai 1.6-9    \* **3:8:** Dikon mi azi aka dikones mi ambi, yeŋjōn pasto qöhörōŋine baukōba nup memba urumelen̄ kambu köyan köl eŋgiba Buŋa keunōŋ gumohoba silegö nup tosāt̄ŋi memba mianjōn naŋgōm eŋgimakze. Ewanjelis me urukūŋgukūŋgu ambazip yeŋjōn sel yaigep̄ŋe kinjei, yeŋjōn urun̄jini melen̄megōra Buŋa keu kusuba mianjōn urun̄jini kuŋguba goro eŋgimakze.

möndömöndö qakne injarere mala monej yuaigöra kapan kölakzei, i mönö kude kuᅅgum eᅅgigetka kinme.

<sup>9</sup> I qahöpmö, ambazipnön mötnaripkö keu ölni asa-asambötᅅi Anutunön indelöhi, mi nöm tik memba mianᅅöreᅅ qekötahöba uruᅅinan tölöhöbapuköra galöm mem aᅅguba sarakᅅi maljei, mönö ia kuᅅgum eᅅgime.

<sup>10</sup> I mewöyök mönö mutuk kewöt eᅅgigetka keu jizalaᅅö dop köhöiba kingetka dop kölma ewö, mönö ölop kuᅅgum eᅅgigetka kinda Buᅅa nupkö ambazipᅅini aka malme.

<sup>11</sup> Yeᅅö ambiurupᅅinan† mewöyök ambazipnön göda qem eᅅgimeaᅅö dop taᅅörakᅅini qahö aka andöqeᅅe keu jitnön yöhösaᅅ qahö jiba malmemö, kekpurikᅅini qahö mala yuai pakpak memburik-qemburikᅅini qahö memba malme.

<sup>12</sup> Buᅅa nup azinön mönö ambi mohot-kungö aᅅᅅi aka nanᅅi anöm-morö aka welen-qeᅅeurupᅅi ölop galöm köl eᅅgimakᅅa.

<sup>13</sup> Buᅅa nup ambazip nupᅅini ölopᅅanök memakzei, ambazipnön i göda qem eᅅgigetka qetbuᅅa ölopᅅi miwikᅅaime. Mi miwikᅅaiba ölop awösamkakak kinda ambazip uruᅅini kuᅅguba Jiös Kraist möt naribingö keu mi köhöiba jimakᅅe. Mewö.

### *Anutunön Buᅅaᅅi asa-asambötᅅi indelök.*

<sup>14</sup> O Timoti, nöᅅön zilaᅅ göhöreᅅ kaba gekᅅamᅅö jörömᅅöröm al mamböt akzalmö, töndup kimbi ki göhöra ohozal.

<sup>15</sup> Nalöni qeköriiga kabilenᅅuköra mutuk kimbi ki kewögöra ohobi kaza: Gi Anutugö urumeleᅅ köᅅagesöurupᅅi denöwö galöm köl eᅅᅅinöᅅga ahakmemenᅅinan diᅅgiba ölöwakᅅawi, mönö qambaᅅ keu mi oyoᅅda mötman. Anutugö köᅅagesöurupᅅi neᅅön Anutugö mindimindiri zioz selᅅi akzin. Malmal Toᅅi yaᅅöreᅅ qekötahöinga mindirim neᅅᅅiiga miri dop tokoba keu ölni jim sehimakzin. Keu ölnan böliba ösumᅅi etpapuköra mianᅅö wötᅅi aka tandöᅅi akzin.

<sup>16</sup> Anutunön amötqeᅅegö köᅅaᅅi asa-asambötᅅi indelöhi, neᅅön Buᅅa keu mi möt asariba kewö jim miwikᅅaimakzin:

Buᅅa Toᅅi yaᅅön nanᅅak gölme azia aka sutnine asuhuyök.

Asuhuiga keu jakeᅅe albingö keuᅅi laᅅ jarum bibihigetka Uᅅa Töröᅅan köᅅaᅅi solanᅅi aukᅅe kondelök. Mi kondela meiga Kembu aka wahöta Suep garata galöm köl eᅅᅅiiga aködamunᅅi uba eket.

Mi eketka Anutunön waᅅgiri Suepnön öᅅgöba Anutubuk tata galöm köl neᅅgimakza.

Galöm köl neᅅᅅiiga Buᅅa keuᅅi mi kantriᅅi kantriᅅi liliköba jim asarigetka gwötᅅuk yeᅅön gölme dop möt narim waᅅgimakze.

Mewö jim miwikᅅaininga ölna aködamunᅅambuk akza. Mewö.

## 4

### *Keu muneᅅi kusum eᅅgigetka eᅅololonᅅ akza.*

<sup>1</sup> Anutugö Uᅅaᅅan keu kewö jim asariiga törörök möt yaközin: Gölmegö nalöᅅan tekömamᅅö akᅅawi, nalö mianᅅöreᅅ ambazip kelenmaleleᅅ yeᅅön mötnarip mosöta Kembu andö qeba ömewöröme yeᅅö börorᅅine geme. Mewö gegetka ömenön sölölohöba kusum eᅅgimakzei, mönö yeᅅöreᅅ mötmöt wuatangöba eᅅololonᅅ aka siksauk malme.

<sup>2</sup> Siksauk mi kewö asuhuma: Tosatᅅan urumeleᅅ silesile aketka Satanön aiwesökᅅi uruᅅine ain köᅅöᅅambuknön qekötahöba urukezapᅅini gwözöᅅniga köhömuᅅi aiga keu muneᅅi laᅅ jim sohomakze.

<sup>3</sup> Yeᅅön ambazip kewö kusum sohom eᅅgimakze, 'Urumeleᅅ ambazip eᅅön mönö awanöm aᅅgömeme kude akᅅe aka nene tosatᅅi kude namba malme.' Mewö kusum sohom eᅅgimakzemö, Anutunön nene pakpak mi nemingöra miwikᅅaiyök. Mi ambazip

† 3:11: Buᅅa nup ambi aka Buᅅa nup azigö anömᅅi yeᅅö jimkutukutuᅅini jiza.

Anutu môt nariba keu ölni môt yaközini, yañön mi kötuetköiga ölop saiwap jiba nemb-ingöra al neñgiyök.

<sup>4</sup> Anutunöñ yuai pakpak miwikñaiyöhi, mienön mönö ölopñi akze. Mi andö qebinañgö dop qahöpmö, yuai al neñgimawi, mi ölop saiwap jiba buña qem aņgubin.

<sup>5</sup> Yuai ambazip jeñine dönqizinñambuk akawak ewö, mi mönö ölop Anutugö keu jiba köuluköinga ösumñan walöñda dom-amöt qeiga sawölñi akñja. Mewö.

*Kraist Jisösgö welenqege ölopñi mi kewö:*

<sup>6</sup> Göñön urumelen ambazip mewö kusum eņgiba mala Kraist Jisösgöreñ Buña nup meme azi ölopñi aka malman. Göñön Buña keu wuatangöba mala kotzani, mi tosatñi kusum eņgiba nangak mewöñanök keu ölopñi mi aka mötnaripkö qambañ keu pakpak oyoñda mötmöriba mianön urugi gumohom aņguba malman.

<sup>7</sup> Gölmö ambazipnöñ bem samban keuñi oyoñdewedewet jigetka Anutugö Buña keunöñ böbölöhöt akñamgö akzawi, mi mönö yaköriba andö qeman. Mi andö qeba Kraist ewö aka malmangöra urugö kölguliguli aka malman.

<sup>8</sup> Anutunöñ malmal nalö kewöñe gölmenöñ maljini, mi kötuetköm neñgiiga könaņep oyaenköyaen malbingö jöhöjöhö alök. Mönahot aņgolat mi boromdökñanök sile guliguligöra bauköm neñgiba eretñi akzapmö, urugö kölguliguliñi mi tandönini bohonñi akza. Mianğöra urugö likepñi pöndañ kölguliba malnöñga mianön mönö yuai pakpak mianğöreñ bohon köla naņgöm gihimakñja.

<sup>9</sup> Keu jizali, mi ambazip körekñanök môt aņgön kölbinañgö dop pöwöwöm köhöikñi akza. Keu pöwöwöm köhöikñi kun mi kewö,

<sup>10</sup> “Anutu malmal Toñi yañön ambazip körek pakpak amöt qem neñgimamgö mötza. Urunini melenđa môt narim waņgimakin ewö, mönö ölnja amöt qem neñgimakñja. Mewö môt narizin. Nini tosatñan mewö asuhumapköra jörömqöröm mewöñi Anutu al waņgiba kinda nupñi memba silenini qeba aum-mörimakzin.”

<sup>11</sup> Ambazip keu mianğö dop aka memegöra jim kutuba kusum eņgiba malman.

<sup>12</sup> O Timoti, kunöñ sepgwölö maljanañgöra memba et al ghibapuköra mönö mötnarip ambazip sutñine silik ölopñi kewö kondel eņgiba malman: Keu ölopñanök jiba ahakmeme diñdiñi wuatangöba ambazip törörök jöpaköm eņgiba malman. Mötnaripkö kölguliguli pöndañ memba Anutugö nupñi mem sorokönöñga mianğöra môt narim ghibiba malme. Mewö sarakñanök aka menöñga ambazipnöñ ölop göda qem gihigetka malman.

<sup>13</sup> Mönö pöndañ Urumelenğö Buña Kimbi mi jegep oyoñda kapañ köla jim asariba könağesö uruñini mianön kuņguba kusum eņgiba malman. Nalö sutñi kianğöreñ mewö aka malnöñga nöñön kabiga dop kölma.

<sup>14</sup> Jitñememe yeñön böröñini göhö qake ala köulukögetka Anutugö kezapqetok keu göhöra asuhuiga Anutunöñ nup memegö mötmöt kalem ghiiga uruge ahözawi, mi kude köyatimanmö, mianğö qakñe nup memba malman.

<sup>15</sup> Kude köyatimanmö, Buña Kimbi oyoñda jim asariba kusum eņgiba malman. Yuai karöbut mi mönö kapañ köla jegep kölguliba malman. Tañqañ qahö akñan ewö, urugahö töhötmöriamñan mönö qariiga köhöiba awösamkakak akñani, mi körekñan ek kutume.

<sup>16</sup> O Timoti, mönö nangi uru silegi galöm kölguliba aņguba urumelen nup törörök kusum eņgimangöra galöm mem aņguba malman. Mewö aka malman ewö, mönö nangi oyaenköyaen ak aņguman aka keugi mörakzei, mi mohotñe oyaenköyaen ak eņginöñga Suepñöñ öñgöme. Mewö.

## 5

*Malö aka ambazip namñi mi kewö galöm kölguliba eņgime:*

<sup>1</sup> Azi namñi mi köhöikñanök kude mindiñgöba jim waņgimanmö, iwiki ewö qambañ keu ösöñ jinöñga mötma. Azi sepgwölö mi darumungi ewö ak eņgiba malman.



<sup>2</sup> Ambi namñi mi namurupki ewö qambañ engiman. Ambi seram mi nenurupki ewö ahakmeme sarakñi wuatangöba göda qem engiba malman.

<sup>3</sup> Malö tinitosolomñini qahö mi mönö gödaqege qakñe ak engiba malman.

<sup>4</sup> Malö kungö isimoröurupñi malje ewö, yeñön mönö mutukñi aka bohon köla i galöm köl wangime. Anutunöñ jim kutum nengiyöhi, yeñön mönö miangö dop nanñini saiwaurupñini köyan köl engibingö könañi mötme. Iwinamurupñinan mutuk nalö köröpñi köyan köl engiba malgetka yeñön miangö kitipñi melenja tosañini meköm engigetka Anutugö jeñe dop kölma.

<sup>5</sup> Malö ambi ölni, tinitosolomñi qahö nanñök maljawi, yeñön mönö jörömçörömñi Anutu al wangiba i sundan dop suñgem asak qesiba köuluköm wangimakza.

<sup>6</sup> Yeñön mewö maljapmö, ambi malö tosatñan uruñinan könöwiiga sihim kömbönañinangö dop yuai lanlangöra böröjañ suhumakzei, yeñön gölmenöñ silebuk maljemö, töndup köhömuñi akze.

<sup>7</sup> Miangöra malö yeñön silenine köpösihitkö keuñi qahö ahöi malmegöra mönö mewöyök jim tuarim engiba malman.

<sup>8</sup> Kunñan nanñi tinitosolomurupñi qahö köyan köla engömosöri garömisin maljei, yangö ahakmemeñan mönö bölim teköza. Yeñön Kembu möt narizawangö keuñi mi silikñan qañ köla urumelenjö kopa tandök ongita böliqöliba malja.

<sup>9</sup> Urumelenj könagesö enñön malö tosatñi kutukutulan aka köyan köl engimakzei, malö kunñan yeñgö areñnöñ kangotmapköra qeqesi alma ewö, ambi mi mönö kewötme. Kewötketka kewö asuhuiga iyök mönö qet areñ miangöreñ toroqeba ohoba alme: Kunöñ yambuñi (yarañi) 60 ongita azi mohotkö anömña malök.

<sup>10</sup> Mewö maliga tosatñan könañangöra kewö nangöba jimakze: Yeñön nup ölöpnj ölöpnj memba mala morö galöm köla goro enjiiga qariget. Ambazip kianñi miriñe köl öröba köyan köl enjiiga Kraistkö alaurupñi sarakñan kagetka uziñini sanğonja esuhuba yaka tawen engiba malök. Wahöjalin uruñe malgeri, mi mem ölöwaka nup ölöpnj pakpak memangöra uruñi pöndañ jöhöba jegep kinda malök. Malö mewöñi mönö areñ papianöñ ohoba köyan köla malme.

<sup>11</sup> Malö ambi namñi qahö, yeñgö qetñini mönö qet areñ papia miangöreñ kude alman. Mi albanak ewö, yeñgö sihim kömbönañinan könöp jeiga azi kunbuk memingö mötmöñini ahum köhöiiga Kraist silekmalek ak wangiba zioz nup mosötpepuk.

<sup>12</sup> Mi mosöta mutuk Kraist tem kölbingöra jöjöpäñ keuñini aukñe jim jöhögeri, mi qegetka pömsöm qeiga Kraistnöñ keuñini jim teköba gamu qem enjiiga önewat lan malbepuk.

<sup>13</sup> Önewat lan mala toroqeba kewö bölibepuk: Miriñi miriñi lan liliköba nalö ayuhumegö könañi möt angön kölbepuk. Toroqeba böliba luasö keu lan jiba keu bapñe qahö anda nanñini imbi-imbi wuatangöba nup meme tandöktandök lilikqilik akepuk. Inöñ wainöñ lan möndöba nup ölni qahö memba tosatñi yeñgöreñ yuai mem sohobepuk. Keu tosatñi yeñgöreñ yuaia qahöpmö, töndup mi öne lan jim sehibepuk.

<sup>14</sup> Mewö akepüköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim nengimangö könañi jaruba mi qahö miwikñaima.

<sup>15</sup> Malö tosatñan galöm qahö mem anguba lök Kraist andö qeba eta Satangö könañe wuatangöba malje.

<sup>16</sup> Urumelenj könagesö neñön mönö malö ambi ölni, tinitosolomñini qahö maljei, mi köyan köl engibingöra ahakzin. Miangöra mötnarip ambi kungö tinitosolomurupñan malöya akzei, yeñön mönö mi köyan köl engiba malma. Miangö lömbötñan mönö zioz kambu engö qakñine kude öngöma. Mewö.

*Ziozgö jittjememe mi kewö köyan köl engibin:*

<sup>17</sup> Jitjememeurup urumelen könagesö ölop galöm köl engimakzei, enön mönö miangö likepni melenä gödaqege öngöngöni kondel engiba malme. Yengörenök tosatjan Buña keu jim asariba kusum engimakzei, miangöra mönö kötönjini toroqeget öngöi engiba malme.

<sup>18</sup> \*Buña Kimbigö keu kunjan miangö könaji kewö jiza, “Wit padigö kötni aka kamböni mendenbingöra bulmakau azini wangitketka padi kambu qakne tiba tözö zamgömakzawi, yangö numbuji mönö kude muzupköme. Mewö gumohom wangigetka ölop nene kitipni neiga dop kölma.”

(Miangö dop kiamnö börojan memba sömbup meköi qegetka kitipni wangiget neiga dop kölma.) Keu kun kewö ahöza,

“Kunön nup meiga tosatjan töwanji wangigetka dop kölma.”

<sup>19</sup> \*Jitjememe kungö sileje keu lan ala jim wangigetka yahöt me karöbutjan mi qahö nangöbeak ewö, i mönö keu jakeje kude alman.

<sup>20</sup> Denike yenön singisöndok ahakzei, göñön mönö i aukne tembula jim enginönga körek pakpak keugi mi möta singisöndok akinbukö kenjötnini möta galömjini mem angumakne.

<sup>21</sup> O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatni kude qepureim engiman. Miangöra kungö keuni mi qeljine lan kude jöhöman. Ambazip körek pakpak mönö örörön kewöta ak engiman. Mewö akhangö keuni mi mönö Anutu, Kraist Jisös aka Suep garaturup sarakni yengö jemesoholjine jiba mi jöjöpan keunön jöhönönga mötpi dop kölma.

<sup>22</sup> Tosatni yengö singisöndokjanan göhö qake öngögetka gamu miwiknjaibanbuk. Miangöra kunjan “Kembugö nup memam,” me “Urumelen kambu toroqemam,” jizawi, yangö könajanmi mutuk qahö kewöta börogi zilanzilan yangö qakne kude ala kötuatköm wangiman. Nangak sarakni malmangöra mönö galöm köl anguba malman.

<sup>23</sup> O Timoti, gi nalö tosatni kawöl ahum gihiiga “Yainmain!” qeta ahakzan. Miangöra mönö oyök kude nemanmö, wain o tosatni mewöyök nenönga kömönngoki bauköiga anqema.

<sup>24</sup> Keu kun kewö: Ambazip tosatjan singisöndok aketka zilan aukne asuhugetka ambazipnöj eka qeljine jim tekögetka nalö kewöje gamuninambuk kinje. Mewö kinjemö, tosatjan singisöndok aka tölapköba mala könangep Anutugö jene angotketka aukne asuhui jim teköm engima.

<sup>25</sup> Ambazip nup ölopni aködamunjabuk memakzei, nup mianön mewöyök nalö kewöje aukneyök ahöza. Nup ölopni tosatni aukne qahö ahöbeak ewö, mi mönö mewöyök tölapne ahöbingö osiba könangep asuhugetka ekin. Mewö.

## 6

### *Welenqege yengören qamban aren*

<sup>1</sup> Welenqegeurupjini pakpak tonjanö mötöp bisiba nup töwanjini qahö memakzei, enön mönö tourupjini iwilele lan kude ak engimemö, gödaqege pakpak kondel engibingö dop engeka malme. Enön mönö tosatjan Anutugö qetni mepaiköba jibepuköra kapan köla kinme. Anutugö Buña keuni ambazip kusum engiinga mi engö ahakmemenjanangöra aka andö qegetka bölipapak.

<sup>2</sup> Tourupjini tosatjan urumelen alaurupjini akzei, miangöra mönö gödaqegejini mötket eretni akapak. Mewö qahöpmö, tourupjini welen qem engigetka nupjini ölöwahakzawi, yenön Kraist möt narigetka wölböt ala ak engigetka miangöra mönö kapan köla tourupjanangö keu bapne anda urujini nupnöj ala ölopnanök memba malme. Mönö mewö jim kutuba kusum engiba malman. Mewö.

### *Buña keu jim sohogetka urukönöp akepuk.*

\* 5:18: Dut 25.4; Mat 10.10; Luk 10.7 \* 5:19: Dut 17.6; 19.15

<sup>3</sup> Kembunini Jisös Kraistnön urugö kölguliguli akingöra Buja keuji nenjiyöhi, nenön mönö miangö dop ambazip ölöwakjegöra kusum engimakzin. Kunjan Buja keu ölni qiwitipköba keu kembang murutni ambazip kusum engimakzawi, yanön mönö kopa akza.

<sup>4</sup> Yanön silenji mem öngömakzawm, keugö könanji qahö möt kutuza. Qahö möt kutuba mötnaripkö keu kembang kembang jim melenqelenja jitnakölik ahumapkö köpösöngömakza. Mewö möta tosatni yembuk möndömkösök aketka ölni kewö asuhuma: Likeplikkep urunön mututqutut anggururuk ak anguba uruqeqe keu töhören jiba mem bölim angubepukö sömbu mötmöt akze.

<sup>5</sup> Mewö aka mötmötjini sohoi kahapmahap aka malmal ölnangö könanji singiba kewö mötmörimakze, 'Urunön kölguliguli ahinga mianön döpnini aiga miangören tiba monej inap miwiknaibin.' Mewö mötmöriba tokoba sundan dop jitnakölik eraumakze.

<sup>6</sup> Mewö ahakzemö, nenön Anutu Bujanangö kölguliguli aka monej inap ahöm nenjizawi, mianön uru luai qem angumakzin. Uja Törönan döpnini aka mem bönjön ak nenjimakzawangöra mönö ölna oyaenkoyaen ketani miwiknaiba simbawon maljin.

<sup>7</sup> Miangö könanji kewö: Nini mutuk börönanan yuai kun qahö memba öne töhön gölmenön asuhuin. Könanjep mewöyök börötak kömumba gölme ki mosöta anbin.

<sup>8</sup> Mewö anbinmö, nalö kewöne nene aka opo maluku ahöm nenjiiga miambuk mönö mem bönjön aka luai qem angumakin.

<sup>9</sup> Mewö akinmö, ambazip monej inap ketani miwiknaibingö mötzei, yenön mönö esapesapnön simba ewö tötekögetka eta engumakza. Eta enjiiga sihim kömbönanjini bölöni bölöni mi gwötpuk ahuba uru enjololön mem engigetka kezapjupjup ahakne. Sihim kömbönanjini gonjonji mienön mönö öröm jöhöm engigetka ulupköba köndenmönden miwiknaiba ayuhume.

<sup>10</sup> Monej inapkö sihim kömbönanji mianön mönö yuai bölöni pakpakö jalöni akza. Gwötpuk yenön monej inapkö urukönöp möta lilikqilik aka janjun aketka mötnaripjanan pömsöm qeiga lan malje. Urukönöp möt bibihigetka mianön mönö wösönjini qösönjiga sihimbölo gwötpuk möta malje. Mewö.

*Polnön Timoti nupköra jim kutum wanjiyök.*

<sup>11</sup> Gwötpukjan mewö maljemö, Anutugören azi gi mönö yuai mewöni mi qizingöba andö qeba malmal kewöni malmangöra kapan köla malman: Ahakmeme diñdini wu-atanöba Anutugö malmal köhöikni kölguliguli pöndan memba ambazip ölna jöpaköm enjiiba malman. Mönö kapan köla köhöiba kinda ambazip gunbönjönjön qakne ek enjiiba malman.

<sup>12</sup> Mönahot angolat azinön aongit miangören luhut almapköra ösumni pakpak qezaköba anjawi, gi mönö miangö dop mötnarip kölguliguli aongit aködamunambuk miangören köhöiba pöndan bim qeba malman. Anutunön malmal köhöikne angotmangöra goholöhi, gi mönö malmal mi buja qem anguba qekötahöba malman. Malmal köhöiknanjö bujaya akzani, gönön keu mi ölöpnanök jim miwiknainönga gwötpukjan mi möta ölop nanjöba jimakze.

<sup>13</sup> \*Anutu yuai pakpak mem gulimakzawi, gi mönö yanjö jene könanamgi jim miwiknainön aka Kraist Jisösgö jene mi mewöyök jim miwiknainönga mörök. Jisösnön premiö Pontius Pailötkö jemesoholne könanamni jiba keu ölöpnji jim miwiknaiyöhi, mönö Kraist yanjö jene kewö jim kutum gihizal:

<sup>14</sup> Gi mönö Buja keu kölguliguli pöndan tem köla wuatanöba malman. Mewö malnönja kunjan singiba bölimanangöra aka keu jim gihimangö osima. Kembunini Jisös Kraistnön kunbuk asuhumawi, nalö sutni kiangören mönö urugö nup mewö memba malman.

<sup>15</sup> Anutunön oyaenkoyaen Tonji aka nalöni ali kam kunjiiga miangören Jisös Kraist melaiiga aukne asuhuiga ekin. Anutunön nanjökö Öngöngönamnini aiga körekjan yanjö

\* 6:13: Jon 18.37

nembö bapne kinjin. Yanön kin kembu yengö Kembuñini aka pom jembon yengö bohonñini akza.

<sup>16</sup> Anutu, oyaen̄koyaen̄ Tonji yanön mohot nalö kunöñ qahö kömuma. Yanön asak-mararañ mire euyangöreñ maliga körek neñön naninak miangöreñ öngöbingö qaközin. Gölmegö kunñan i jeñan qahö uba ehök aka ekñamgö osiza. Yangö qetbuñani möpöseininga kukösum Tonji aködamunñambuk aka nalö teteköñi qahö yuai pakpak galöm köla malma. Keu mi ölña.

<sup>17</sup> Ambazip pomñi nalö kewöñe gölmenöñ öngöngöñi maljei, göñön mönö i kewö jim kutum engiba malman: Sukinapnöñ nalö kungen qahöwak teköma. Miangöra yeñön mönö uruñini miangöreñ kude ala malme. Sukinap qakñe kinda aiweliköba söngöröqök akze ewö, jörömqörömñinan mönö pömsöm qema. Uruñini gölmegö ainemalukunöñ kude almemo, Anutunöñ yuai pakpak miangöreñ köyan köl engimapköra al mambötketka dop kölma. Anutubuk qekötahöba kingetka ölöp yuai könañi könañi malmal söngaibingöra kelenmaleleñ neñgimakza.

<sup>18</sup> Kewö jim kutum engiba malman: Yeñön mönö nup ölöpñi ölöpñi jegep kinda memba mewö mianön aködamunñinambuk akñe. Anutugö jeñe aködamunñinambuk aka amqeba jöjöröba tosatñi bauköm engiba kalem sehiba menden̄da malme.

<sup>19</sup> Mewö Anutugö jeñe qetbuñaninambuk aka malmalgö guli dötnam ölñi miwikñaiba mem sehimakñe. Guli dötnam mewöñi mi malmalgö tandö wötñi köhöikñi akza. Mi mem sehiba galöm köla ölöp könañep tandö wötñi miangöreñ nangöba kinda malmal ölbölñi buña qem anguba malme.

<sup>20</sup> O Timoti, Anutunöñ möt narim gihiba nup memegö mötmöt kalem uruge alöhi, mi mönö nupnöñ ala sohobapuköra galöm memba malman. Gölmegö keu oyoñdewedewet omani aka angururuk supapköba jigetka sohomakzawi, mi mönö mosöta andö qeba malman. Tosatñan “Mötkutukutu eraum mötpin,” jiba keu sinñi sinñi jim sehigetka anakza. Mötkutukutu ölñi mi mewö jim sohomakze.

<sup>21</sup> Tosatñan mötmöt sohosohonñi buña qem anguba jim miwikñaiba janjuñ aketka mötnariñinan söroräuba löwöriba sohoyök.

Anutugö kalem möriamñan mönö embuk ahöma.



## Timotigö Kimbi 2

### Polnön Timotigöra Kimbi aliga 2 ahök.

### Jim-asa-asari

Polnön undumñi aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu areñi bohonñi mi kapañkölköl. Polnön mi jim asariba uruñi nañgöba qambañi kewö wañgiba ohoyök: Timoti göñön mönöpöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum eñgiba urukunğukunğu nup memakñan. Tuarenjoñ ak gihigetka sihimbölö könañi könañi miwikñaiba mötpanak ewö, mönö töndup Anutunöñ nup gihiyöhañgö dop mi kapañ köla memakñan.

Polnön galöm meme keu köhöikñi Timoti kewö wañgiyök: Tosatñan “gukmaulem qakñe aņgururuk omañi aka kezapjupjup ahakzei,” göñön mönö miangö keunöñ aņgota nalögi mösöhöba ayuhubanbuk. Aņgururuk keu mewöñi mienön ambazip qahöpmañhöp bauköm eñgimazkemö, ambazip kezap ala mörakzei, mönö i mem bölim eñgiiga ayuhume.

Polnön qambañ keuñi pakpak nañgömamgöra nanñi malmalñangö kösohotñi ohoyök. Wuanöñgöra aka denöwö nup areñi ala bim qeba malöhi, Timotinöñ miangö keuñi ölum qebapüköra mi kewö jim asariyök, “Nöñön Jisös möt nariba lömböt möta mökösoñda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

#### **Buk kiangö bahöñi bohonñi 5 mi kewö:**

Keu mutukñi 1.1-2

Anutu möpöseiba Timoti qambañ wañgiyök 1.3-2.13

Goro aka galöm meme keu tosatñi 2.14-4.5

Pol öröm ureim ak wañgigetka malök 4.6-18

Kimbigö keu kötñi bohonñi 4.19-22

<sup>1</sup> Anutunöñ jitsihitñi jim kutuba Pol ni kunğum niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimamgöra melaim niñgiiga maljal.

<sup>2</sup> \*Timoti göñön mötnaripkö wölböt nahöni akzan. Nöñön göbuk keu eraum mötptiköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainöñ malman.

#### *Polnön Timoti uruñi nañgöba keu jiyök.*

<sup>3</sup> Nöñgö ambösakonnan Anutu welenni qeba malgetka nöñön toroqeba nupñi membiga Anutunöñ “Dop kölja,” jiiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba sunğem asak köuluköba gi qösösök mötmörim gihimakzal.

<sup>4</sup> Gömosötpiga sahötnöñga imbilgi eröhi, nöñön mi mötmöriba gekñamgö awöweñgöba kapañ kölakzal. Geka köisirik tatziga sösoñgainöñ uruni kokolak qemapköra mötzal.

<sup>5</sup> \*Göñön geñmoñ qahö ölna Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkön uruñiri melenohotka mötnaripñiran ahuyök. Yetkö andöñire göñön mewöyök aka maljani, mewö möt narim köhöizal.

\* 1:2: Apo 16.1    \* 1:5: Apo 16.1, 11; 1 Tim 2.7

<sup>6</sup> Mianğöra ikmaok malbanbuköra keu kewö köl gulim gihizal: Nöñön mutuk böröni nöröpke ala köuluköbiga Anutunöñ nup memegö mötmöt kalem gihiiga uruge ahözawi, mi mönö mem gulinöñga könöp bölam ewö köhöiba jeba qahö ilin alma.

<sup>7</sup> Keu ki mötmörinöñ anök: Anutunöñ Uña Töröñi mi zirinzirin aka qarösömbu mötpingöra qahöpmö, nanñi kukösumgö Uñañi neñgiiga ölop uruninan jöpaköm aņguba ahakmemenini törörök galöm köl aņguba kinbin.

<sup>8</sup> Mianğöra Kembuninaņgö keuñi naņgöba jim sehimamgö taņqañ kude akñan. Mewö qahöpmö, mönö ni ewö aka malman. Nöñön Kembugö nupñi memba malbiga mianğöra kösö mire al niņgigetka tatzalmö, töndup nöñgöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñağöra aka aņgösirip ak gihibeak ewö, mönö mianğö sihimbölöñi möta mökösoñda bisiba malman. Anutunöñ kukösum gihimakzawaņgö dop mi ölop nömbuk mohotñe kapañ köla bisiba malbit.

<sup>9</sup> Anutunöñ möpñangö möpñe Suep gölme qahö miwikñaim etkiba nalö mianğöreñ neñgöra mötmöriba areñ kewö alök: Anutunöñ Kraist Jisösgöra aka kalem möriam neñgima. Areñ mi ali ahöiga mala kota malgetka nini ahuin. Ahuinga Anutunöñ nini yaņgö buñañi aka sarakñi malbingöra neñgohola amöt qem neñgiyök. Naninak yuai ölopñi ahinaņgöra aka qahö möwölöhöm neñgiba neñgoholökmö, nanñi areñ walñi mi wuatanağöba kinda neñgoholök.

<sup>10</sup> Areñ walñi mianğö ölni mi nalö kewöñe aukñe asuhuyök. Amötqeqe Toninan asuha Anutugö kalem möriamñi mokom neñgiyök. Kraist Jisösnöñ asuha kömupkö ösumñi qeba tulumgöi eriga Ölöwak Buñañi indeliga asariyök. Buña keu mi möt nariba ölop malmal kömbönañi miwikñaiba teteköñi qahö köhöiba mala nalö kunöñ qahö kömum köhöibin.

<sup>11</sup> Anutunöñ ni Ölöwak Buña jim asariba ambazip kusum eņgimamgöra kuņgum niņgiiga melaimelai azi aposol akzal.

<sup>12</sup> Aposol akzalaņgöra aka nupñi köhöiba membiga aņgösiripñi bisiba sihimbölö mörakzal. Suep Azi möt narim waņgimakzali, nöñön yaņgö könañi ölop möt yaközal. Mianğöra awösamkakak kinda gamuni qahö mörakzal. Qahö! Anutunöñ möt narim niņgiba Buña nupñi al niņgiyöhaņgö dop ni galöm köl niņgimapkö köhöiba malma. Mewö maliga nupñan qahö sohoba eriga mal öñgöba nalö ketañe aņgotpin. Mewö möt narim köhöizal.

<sup>13</sup> Mötnaripkö keu urunini möhamgömapkö köhöizawi, nöñön keu ölni mi kusum gihiba silik ölopñi kondel gihiba malal. Mi mönö uru könömge ala wuatanağöba malman. Nini Kraist Jisösbuk mohot kininga jöpaköm neñgimakzawi, göñön mönö urukalem mianğö uruñe malman.

<sup>14</sup> Anutunöñ geke möt narim gihiba yuai ölopñi pakpak gihiiga buñaği akzawi, mianjön lolonqaloñ aka sohobapuköra mönö mi galöm memba malman. Uña Töröñan urunine kinda maljawi, mönö yaņgö kukösum qakñe yuai ölni mi galöm kölnöñga kahaimök ahöma.

<sup>15</sup> Eisia prowinsgö neñakurupni yeñön körek nömosöta andö nuņguget, mi mötzan. Azi qetñiri Figelus aka Hermogenes yetkөн yeņgö sutñine maljahot.

<sup>16</sup> Tosatñan nömosötketmö, Onesiforus yañön qahö. Mianğöra Kembu, gi mönö Onesiforusgö saiwaurupñi ak kömum eņginöñga malme. Azi mianjön mönö nöñgö tapepnaņgöra (muņgamuņga) sisit gamu qahö ak niņgimakzapmö, nalö gwötpuk mianğöreñ körö-ölöwak qem niņgiiga imbini böñjön kölök.

<sup>17</sup> Onesiforusnöñ Rom sitinöñ ki kaņgota nalö mianğöreñök nöñgöra kapañ köla jaruba mala miwikñaim niņgiyök.

18 Yanjön mutuk Efesus sitinöŋ denöwö baukbauk ketanji ketanji aka mem amqem ningiba malöhi, mi nangak ölop möt kömuzan. Mianğöra nalö ketanje Kembangö qöhöröŋe anğoringa Onesiforusnöŋ ak-kömukömugö töwanji miwikñaimapköra köuluközal. Mewö.

## 2

### *Kraist Jisösgöra mönö bim qeba malman.*

1 O mötnarip nahöni Timoti, gi mönö Kraist Jisösbuk qekötahöba kalem möriam uruŋe böŋ qeba köhöiba kinman.

2 Nöŋön Buŋa keu kusum gihibiga gwötpukñan neka nanğöba jiget mötnöŋi, mi ambazip möt narim enğienğigö dop akzei, mönö yeŋgö buŋaya ahömapköra al enğiman. Mewö al enğinöŋga ahöi ölop ambazip tosatñi toroqeba kusum enğimeanğö dop akñe.

3 O Timoti, gi mönö Kraist Jisösbuk kinda yarö azinji aködamunñambuk aka kapan köla köhöikñanök bim qeba malman. Anğösirip ak gihimei, mianğö sihimbölöŋi mönö möta mökösoŋda bisiba malman.

4 Yarö azigö tandökñi kewö: Suahö galöm bohonñinan azi enğömeiga yarö kambugö arenöŋ anğota anda kaba nup töp memba maljei, yeŋön mönö körek galömñinan jim kutumakzawaŋgö dop tem köla akingö jöjöröba kinje. Mewö kinda nanñini malmalgö nanğönanğögöra yuai kun qahö memba malje. Uru denqen qahö malje.

5 Mianğö dopkeuñi kun kewö: Mönahot anğolat azinöŋ aonğitnöŋ anğota jimkutukutu galömgö keuñi onğita ösumñan laŋ anjawi, yanjön mönö aködamunñambuk qahö akña. Yanğö nöropñe luhut alalgö ila kun qahö kölgetka gema. Mianğöra gi mönö diŋdiñanök anman.

6 Mewöñanök kölkömöt azinöŋ nup lömbötñi meiga ölni asuhuiga mutuk anda jeñi qeba neiga dop kölma. Tosatñan löwörigeri, yeŋön yanğö andöŋe kame. Gi mönö mianğö dop köhöiba nup memba malman.

7 Keu ohozali, mi oyoŋnöŋ lömböriiga Kembunöŋ mönö mötkutukutu gihiiga mi pakpak ölop möt asariman. Mianğöra mi mönö uru könömge ala mötmöriiba malman.

8 Mönö Jisös Kraist mötmöriiba malman. Nöŋön Ölöwak Buŋa jim asarimakzali, Jisösnöŋ keu mianğö dop kiñ Deiwidkö gwölönarökña ahuba Amötqeqe Toni aiga Anutunöŋ mem gulii kömupnöhök wahörök.

9 Nöŋön Ölöwak Buŋa keu kapan köla jim asariba anğösiripkö sihimbölöŋi mötpiga kegwek-kahasiliñ azi ewö kösö gwarö mem ningigetka tatzal. Mewö tatzalmö, Anutugö Buŋa keuñi mi mönö qahö jöhöba gwaröhöget.

10 Könañi mianğöra aka nöŋön sihimbölö pakpak möta mökösoŋda köhöiba kinjal. Anutunöŋ ambazip nanñanğöra möwölöhöm enğiyöhi, nöŋön mönö yeŋgöra aka kapan köla bim qeba maljal. Kraist Jisösnöŋ amöt qem enğii yeŋön mewöyök letota oyaenğoyaen akñegöra mötzal. Uruñini melenđa malme ewö, mönö Suepkö asakmararañnöŋ öngöba teteköŋi qahö köhöiba mala mal öngöme.

11 Keu ki mönö pöwöwöm köhöikñi akza,  
“Nini urunini walñan yambuk mohotñe kömui maljin ewö, mönö mewöñanök yambuk köhöiba malbin.

12 \*Yambuk mohotñe sihimbölö möta mökösoŋda maljin ewö, mönö mewöñanök yanğö bemtohoŋ uruŋe yambuk galömkölköl akin.

Nini i qan köljin ewö, yanjön mönö mewöñanök qan köl neŋgiba neŋgehöröŋ kölma.

13 Nini andö qem waŋgiinga likepñi melen neŋgimapkö keu jöhöi ahözawi, yanjön mi qeapkömamgö osima.

Mindiŋqindiŋ aka nanñi könañi utekömamgö qötötanğömakza.

Mianğöra peksek aka keunini pöndaŋ qahö wuatangöbin ewö, yanjön mönö töndup (misila) keuñi pöndaŋ wuatangöba mianğö dop ak neŋgima.” Mewö.

\* 2:12: Mat 10.33; Luk 12.9

*Anutugö Buṇa nup azi kewö aka malman:*

<sup>14</sup> O Timoti, keu ki ölüm enḡubapuköra mi mönö jim gulim enḡiba Anutugö jemesoholṇe kewö jim kutum enḡiba malman: Mötnaripkö keu imbiṇi imbiṇi mi mönö melenḡelenḡa möndömkösök kude akṇe. Jitnakölik mönö qahöpmahöp bauköm neḡgimakzapmö, tosatṇan goranora keu mewöṇi möta enḡololonḡ aketka mötnaripṇinan sohoi ayuhubepuk.

<sup>15</sup> Göṇön mönö Buṇa nupkö esapesap könaṇi könaṇi mi luhut alnöḡga Anutunöṇ geke “Dop kölṇan,” jimapköra kapanḡ köla kinman. Gi Kraistkö nupköra gamu kude möta malmanmö, Buṇa keu ölnḡi mönö törörök mendenḡa uruṇini kuḡgum enḡiba malman.

<sup>16</sup> Gölmegö keu oyoṇdewedewet omani omani mi mönö yaköriba andö qeman. Tosatṇan mi sehiba jiba mala mewö mianḡön gölmegö anḡöjörakṇe qekötahöba Anutu toroqeba nönöḡgan aka kahapmahap ahakze.

<sup>17</sup> Uzi köhöikṇi (qetṇi kensö) mianḡön busu siribuk qem qariba yöhöba anakzawi, yeṇön mianḡö dop keu omani jiba mianḡön ambazip mem bölim enḡimakze. Yeṇö kambunöṇ azi yahöt qetṇiri Himeneus aka Filetus maljahot.

<sup>18</sup> Yetkö keu ölnḡanḡö könaṇi mosöta janṇuḡ aka keu sinṇi kewö jimakzahot, “Urumelenḡ ambazip neṇön lök guliba wahöta maljin. Mianḡöra könaḡep kömupnöhök kunbuk qahö guliba wahötpin.” Mewö jiba tosatṇi enḡololonḡ mem enḡiyohotka mötnaripṇinan bölimakza.

<sup>19</sup> \*Mewö bölimakzapmö, Anutunöṇ tandö pöwöwöm köhöikṇi kuḡguyöhi, mianḡön mönö töndup qahö uruba kinja. Mianḡö muḡgemṇi mi kewö ohoget ahöza, “Kembunöṇ nanṇi buṇaṇi akzei, mi ölop möt kutum enḡiza.” Muḡgemṇi kun kewö, “Ambazip Kembangö qetṇi memba qetzei, yeṇön körek mönö ahakmeme bölöṇi qem yaköriba malme.”

<sup>20</sup> Miri ketanṇi mianḡöreṇ jout, kimbut, alnene, umnene könaṇi könaṇi ahöza. Tosatṇan ipnöṇ aka gwaköm gölmenöṇ memenṇi, mi nalö dop memba nupnöṇ alakzin. Tosatṇan goul aka silwönöṇ memenṇa. Aködamunṇinambuk mewöṇi mi sösoḡgai nalöṇeyök nupnöṇ alakzin.

<sup>21</sup> Mianḡö dop kunṇan keu omani mosöta nanṇi kök könjörat mem anḡuzawi, yanḡön mönö kimbut goulnöṇ memenṇi kun ewö akṇa. Toṇan i memba nup aködamunṇambuknöṇ ali memakṇa. Mi meiga töhötmöriamṇambuk aiga Ketanṇamṇan yanḡöra söḡgaimakṇa. Anutunöṇ mem sarahim waḡgiiga titiḡitṇi kinda nup ölopṇi pakpak memamḡö jöjöröba kinma.

<sup>22</sup> Sepguli malmalgö sihim kömbönaṇi bölöṇan galöm ak ghibapuköra mönö galöm mem anḡuba malman. (Nupkahö ölnḡan etpapuköra mi jizal.) Esapesapnöṇ öröm gihi-makzei, mi mönö qizingöba andö qeba malmal kewöṇi malmangöra kapanḡ köla malman: Ambazip uru sarakṇanḡö qakṇe Kembu bauköm enḡimapköra qerakzei, yembuk mönö ahakmeme diṇdiṇi wuatḡöba Anutu törörök möt nariba ölnḡa jöpaköm anḡuba luainöṇ malme.

<sup>23</sup> Tosatṇan kezapjupjup keu jiba oyoṇdewedewet ala jitnakölik aketka goranora anḡururuk asuhumakza, mi ölnḡa mötzan. Mianḡöra mi mönö yaköriba andö qeba malman.

<sup>24</sup> Kembangö nup meme azi akzawaṇön mönö anḡururuk akṇawaḡö dop qahöpmö, ambazip körek guḡböṇjönjönḡ qakṇe ak enḡiba amqeba kusum enḡiba malma. Anḡösirip ak waḡgigetka mi köhöiba mökösoḡḡda malma.

<sup>25</sup> Tosatṇan tuarenṇonḡ ak waḡgigetka i ölop uruluai qakṇe mutulanḡöba mindiḡöm enḡimakṇa. Mewö ak enḡiiga Anutunöṇ uru mölöwörim enḡiiga ölop Buṇa keu möt kutuba uruṇini melenḡbeak.

<sup>26</sup> Tuarenṇonḡ ambazip yeṇön Bölöṇi Toṇanḡö mötöp simbanöṇ tötekögetka gwaröhöm enḡii jitṇi tem köla ahakze. Mewö aka imbiṇini möta urumötmöṇini ahuiga yanḡö kösönöhök lolohoba etpeak. Mewö.

\* 2:19: Jan 16.5



### 3

#### *Nalö teteköje malmal böliba anğöjörakñambuk akña.*

<sup>1</sup> Keu kötni ki mönö möt kutuba malman: Jisös kaka nalöñan töriiga ambazip könañamñinan bölüiga teteköje malmal kanjamñambuk kewö asuhuma:

<sup>2</sup> Ambazipnön nanñinanğörök mötmörüba moneñ yuai girinjabak membagan memb-ingö nepaqepalok (gridi) köpösöngömakñe. Silenini möpöseiba korua ewö ginginñini töröreiba söngöröqök mala uruqeçe keu töhöreñ lañ jimakñe. Iwinamñini yengö jitiñini qahö tem köla yuai ölpnangöra saiwap qahö jiba nemsep-pamsep (nem-hölölök) ahakñe. Anutugö nesampurek nönönğan ahakñe.

<sup>3</sup> “Nanñi lömböra,” jiba wösö mötmöt qahö ahakñe. Tosatñi yengö siñgisöndokñini qahö mosöta mianğö urubölöñi bisimakñe. Andöqeçe keu yöhösañ jiba nanñini qahö galöm köl anğuba ambazip lapköba öröm ureim ak engimakñe. Ahakmeme ölpnñi tököba mianğö ölan engöhömakña.

<sup>4</sup> Mamalolo aka nanñini imbi-imbi wuatangöba jaubatbat ahakñe. Söngöröqök mala jakbak-örañbörañnön uruñini uwutapköiga urukönöp ahakñe. Silegö sihim sösongainñinanğöra gwötpuk ak enğıiga Anutugöra mötket eretñi aiga göragöra ahakñe.

<sup>5</sup> Anutugö Buña nup bahösapsap bisiba silebile memba Sonda areñ lañ wuatangöba möndömakzemö, ahakmemenñinan Anutugö kukösumñi mi je köndat qeba qañ kölakze. Ambazip mewöñi mi mönö jabö ala qizingöba andö enguba malman.

<sup>6</sup> Yengöreñök tosatñan lañ liliköba ambazip mirinñine öngöba kelök keunön uruqeçe mem engiba kezapñini kumbaumakze. Kumbaumetka ambi tosatñan löwörüba yengöreñ qekötahömakze. Ambi siñgisöndokñinanğö gamugöra et enğıiga sihim kömbönañini könañi könañi mienön yeyasenñen mem enğıgetka siksauk akzei, yenön i bawian mönera aka köpeim enğıgetka keu mötöpñine et engumakza.

<sup>7</sup> Ambi mewöñi mienön möt lömbörüba sundan keu kusum engimegö möndöba mörakzemö, Buña keu ölnangö könañi mi nalö dop möt kutubingö osimakze.

<sup>8</sup> \*Ijpt kantrigö tirip qözölqözöl azi qetñiri Janes aka Jambres yetkөн Moses tuarenjon ak wañgiyohot. Takapulaka ambazip yenön mietkö dop Buña ölnangö tuarenjon ahakze. Ambazip mewöñi yengö mötmötñinan sohoiga kahapmahap akzei, mienön Anutunön mötnaripñini esapköi et enğıiga Kembubuk kinkinñinan sööreima.

<sup>9</sup> Nalö töröpñi silenini memba öngömemö, nupñinanğö ölni mi nalö qahö köriiga pömsöm gema. Ijpt azi yetkö könañamñiran aukñe asuhuyöhi, yengö uruqahöpñinanğö könañan mönö mianğö dop aukñe asuhui ambazip körekñan ek asarime. Mewö.

#### *Polgöreñ jimkutukutu keu teteköñi*

<sup>10</sup> Yengöreñ mewö asuhumapmö, nöñön malmalnangö tohotñi murutñi kunguba areñ alal. Ambazip Buña keu kusum engiba ahakmemeni aka memba malali, göñön mi lök eka möt kömuzan. Malmalnangö tohotñi wuatangöba mötnaripkö kölguliguli pöndañ memba sihimbölö mökösoñda malali, mianğö kösohotñi jiba jigetka möt sölöngözan. Urumelen alaurup urunan jöpaköm engiba malal. Tuarenjon anğösirip ak niñgigetka mianğöreñ kapañ köla köhöiba kinda malal.

<sup>11</sup> \*Sesewerowero kahasilin könañi könañi ak niñgiba malgeri, mi mötzan. Antiokia, Aikoniam aka Listra taon karöbut mianğöreñ sihimbölö nöngö qakne öngöiga wahöjalın mörali, mi yuai kanjamñambuk ahök. Iwinangö jitiñi! Anğösirip mökösoñda bisiba malalmö, Kembunön mi pakpak mianğöreñök meköm niñgiyök.

<sup>12</sup> Keu ki mötnön: Ambazip Kraist Jisösbuk mohot kinda malmal köhöikñi mala mianğö kölguliguliñi akingö mötzei, yenön körek sesewerowero miwikñaime. Ni anğösirip ak niñgiget ewö, tosatñi inñini mewöyök ak engime.

\* 3:8: Eks 7.11 \* 3:11: Apo 13.14-52; 14.1-20

<sup>13</sup> Tirip qözölqözöl ambazip bölöni Buña nup silesile memba önjömböböp akzei, yeñön toroqeba bölümqölimakne. Yeñön ambazip tosatni tilipköm enjgiba nanjini mewöyök tilipköm anğuba malme.

<sup>14</sup> Yeñön mewö malmemö, Timoti gi Buña keu ölni möta uru könömge ala möt narim köhöizani, mönö mianğoreñ toroqeba böñ qeba kin köhöiba malman. Denike yeñön kusum gihigeri, göñön yeñgö könañamñini möt kutuzan. I möt narim enjgizanañgöra mönö Buña keu töp memba kude söörauba mosötman.

<sup>15</sup> Urumelenğö Buña Kimbi Töröñi mi morökötkeyök möt sölöngöba mala kotzan. Göñön mönö mi oyoñda mötmörinöñga mötkutukutugi asariiga mianğö qakne kinda Amötqege Toñanğö könañi möt asariman. Mi möt asariba Kraist Jisös möt narim wañginöñga amöt qem ghiiga toroqeba letota malman.

<sup>16</sup> Anutunöñ Buña Kimbigö keunji pakpak mi ambazip tosatni sölölohöm enjii ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna ölni kusum neñgiba bölöñamñinañgöra tembula jim neñgiba mindinğöm neñgimakza aka malmal solanji malbingöra goro neñgiba köl gulim neñgimakza.

<sup>17</sup> Anutugö ambazip neñön mi oyoñda köl guliba Anutu jitñanğö dop köhöiba aködamuninambuk aka nup ölöpnji pakpak membingö jöjöröba malbin. Mewö.

## 4

### *Polnöñ nupñi undumñi Timotigö qakne alök.*

<sup>1</sup> Kiñ Kembunini Kraist Jisösñöñ asuha jebuk malbini me kömumba ahöbini, neñgö keunini kewöta jim teköba tosatni nini bemtohoñe ala galöm köl neñgima. Nöñön Jisös mi aka Anutu yetkö jemesoholñire kinda gi urugö nup memangöra jim kutum gihizal. Mi wuatangömangö jiba keu mi jöjöpñ keunöñ jöhönöñga mötpi dop kölma.

<sup>2</sup> Kewö jim kutum gihizal: Göñön Buña keu jiba ambazip uru kuñgum enjgiba malman. Mötmegö nalöñini dop köl enjgiza me qahö dop köl enjgiza, mönö töndup kapan köla wahöta keu jim asariba malman. Ambazip bölöñamñinañgöra jim enjgiba mindinğindin aka galöm meme keu jiba uruwahöt keu enjgiba malman. Keu mötme me qahö mötmea kun, mi töndup mönö mökösoñda kinda köna ölni nalö dop kusum enjgiba malman.

<sup>3</sup> Neñön mötnaripkö keu nalö kewöñe ambazip ölöwakñegöra kusum enjgimakzinmö, nalö murutñi kun kam kuñguiga mianğoreñ mötnaripkö keu kemañi kun mötpepuköra tököba kezapñini gwözöñ akne. Keu murutñi murutñi mötpingö kezapñini köröpñi köröpñi aka aziña azi sesegilgil öröm enjgetka kaba ambazip keu i me wai mötpingö sihimñi mötzei, mianğö dop kusum enjgetka malme.

<sup>4</sup> Mewö mala Buña keu ölni mötpinbuköra nöñöñgan aka kezapñini gwözöñda bem sambañi sambañi lañ jiji jimakzeañgoreñ göröken melenđa mi kezap ala möta malme.

<sup>5</sup> Malmal mewö me mewö uteköba asuhumawi, Timoti gi mönö töndup böñ qeba zeñ kinda ahakmemegi törörök galöm köl anğuba malman. Anğösirip ak gihimeñ, mianğö sihimbölöñi mönö mökösoñda bisiba malman. Urukunğukunğü (ewanjelis) azigö nup areñ mi körek dop köla mem teköman.

<sup>6</sup> Nalö köröpñi bauköm gihimangö osimamañgöra mewö jizal. Tandö lopion möpöseibingöra sömbup qeba jakenöñ ala ohogetka köwaknöñ öngözapma. Mianğö dop nöñön malmalni Anutugöra ala kölenđa nupñi memba malalañgöra gawman yeñön keuni jöhöba nuñgugetka nani sepnji mokomangö dopdowizal. Gölme ki mosötmami, mianğö nalöñan lök kam kuñgumangö dopdowiiga mötzal.

<sup>7</sup> Mönahot anğolat azinöñ ösumtiti aonjit nalöñe luhut almamğöra ösumñi pakpak qezaköba tiba anjawwi, nöñön mianğö dop mötnarip köl guliba aonjit aködamunñambuk ak teközal. Kraist möt narimangö keu jim jöhöyali, mi qahö köyatiba qañ kölalmö, mianğö bimñi mönö pöndañ köhöiba qeba malal.

<sup>8</sup> Kembunöŋ jimtekötekö Tonji diŋdiŋi aka malmalni kewöta solanŋi aka malali, miangö ila soromŋi mi jim teköm niŋgiiga nöŋgö mamböt ahöza. Kembunöŋ lilingöba kamawi, nalö miangöreŋ mi niŋgiba imbine köli geiga qetbuŋanambuk akŋam. Mi nöŋgörök qahö niŋgimapmö, ambazip jöpaköm waŋgiba kunbuk asuhumapkö al mambörakzei, mi yeŋgö imbiŋine mewöyök köli gem eŋgima. Mewö.

*Neŋakurupnan nömosöta qeŋgalanŋa kölget.*

<sup>9-10</sup> \*Nalö kewöŋe gölmegö ahakmeme aka memakzei, neŋakni Demas yaŋön uruŋi miangöreŋ jöhöba nömosöta Tesalonaika sitinöŋ anök. Neŋakni Kresens yaŋön Galesia prowinsnöŋ anök. Taitusnöŋ Dalmesia gölmenöŋ anök. Miangöra gi mönö zilaŋ nöŋgöreŋ kamangö kapaŋ kölman.

<sup>11</sup> \*Luk yaŋön nanjök nömbuk maljit. Maknöŋ welen qem niŋgimapköra gwötpuk möta yaŋöra osizal. Miangöra Mak waŋgita mohotŋe kamahot.

<sup>12</sup> \*Neŋakni Tikikus melaim waŋgibiga Efesus sitinöŋ anök.

<sup>13</sup> Troas taonöŋ mala malukuni azi qetŋi Karpus yaŋgö mire mosörali, mönö mi memba kaman. Mewöyök kulem lama sileŋe ohoba lipiŋgeri, nöŋgöreŋ lama sile mi mönö kapaŋ köla meman aka miangö andöŋe buk tosatŋi mi mohotŋe memba kaman.

<sup>14</sup> \*Aleksander, silwö kopö ohom qeköqekötahö azi mötzani, yaŋön bölöŋi könaŋi könaŋi gwötpuk ak niŋgiba malök. Kembunöŋ ahakmemeŋi kewöta miangö dop likepŋi melen waŋgiiga qakŋe öŋgöi sihimbölä mötmawi, mi mötzal.

<sup>15</sup> Yaŋön keuninaŋöra gwötpuk tuarenjoŋ ak neŋgiba malök. Miangöra gi mewöyök mönö yaŋöra galöm mem aŋguba malman.

<sup>16</sup> Indim mutukŋi kutukutulaŋ keu jake bohonne al niŋgigetka keuni likepŋi jibiga kunjan kun qahö kaba ni naŋgöm niŋgiba jiyökmö, alaurup pakpak yeŋön buratiba nömosötket. Anutunöŋ siŋgisöndokŋini miangö likepŋi qakŋine albaupuköra köuluközal.

<sup>17</sup> Yeŋön nömosötketmö, Kembunöŋ bauköm niŋgiyök. Nöŋön Buŋa keu jiba ambazip uru kuŋgum eŋgiba nup mi körek mem tekömamgöra aka mem köhöim niŋgiyök. Kantri pakpak yeŋön Buŋa mi mötmegöra möta bauköm niŋgiba laion sömbup kalŋi yeŋgö numbuŋine gil niŋgibepukö aŋgön köla jitŋineyök meköm niŋgiiga eral.

<sup>18</sup> Kembunöŋ bölöŋi könaŋi könaŋi mem niŋgibepuköra meköm niŋgiiga ölop Suep bemtohoŋaŋgö uruŋe eu öŋgömam. Kembugö qetŋi mönö sundan möpöseininga nalö teteköŋi qahö aködamunŋambuk aka ahöba öŋgöma. Keu mi ölna.

*Yaizözkök keu teteköŋi*

<sup>19</sup> \*Gi mönö nöŋgö yaizözkökni Prisila aka apŋi Aqila yetköra aka Onesiforusgö saiwauruŋi yeŋgöra jinöŋ mötme.

<sup>20</sup> \*Neŋakni Erastus mosötpiga Korint sitinöŋ malja. Trofimus i Miletus sitinöŋ mosötpiga kawöl yöhöi ahöza.

<sup>21</sup> Miangöra kömunjaŋ kie uru nalö qahö kaiga mönö bapŋe kiangöreŋ nöŋgöreŋ kamangö kapaŋ kölman. Azi qetŋini Yubulus, Pudens, Linus, Klodia aka urumelen alaurup pakpak yeŋön yaizözkökŋini jiba algetka göhöreŋ kaza.

<sup>22</sup> O Timoti, Kembunöŋ uŋagi kötuetaköba göbuk kinma.

Anutugö kalem möriamŋan mönö embuk ahöma. Mewö.

\* **4:9-10:** Kol 4.14; Flm 24; 2 Kor 8.23; Gal 2.3; Tai 1.4  
 \* **4:11:** Kol 4.14; Flm 24; Apo 12.12, 25; 13.13; 15.37-39; Kol 4.10  
 \* **4:12:** Apo 20.4; Ef 6.21-22; Kol 4.7-8; Apo 20.6  
 \* **4:14:** 1 Tim 1.20; Sum 62.12; Rom 2.6  
 \* **4:19:** Apo 18.2; 2 Tim 1.16-17  
 \* **4:20:** Apo 19.22; Rom 16.23; Apo 20.4; 21.29

## Taitusgö Kimbi Polnön Taitusgöra Kimbi alök. Jim-asa-asari

Azi gwabö qetņi Taitus yaņön uruņi melenđa Polbuk öröröņ jöhöba bauköba misin nup meyoht. Memba köwet sutņe gölme jölanņi qetņi Krit (Arete) mianğoreņ malohotka Polnön kember kutuba alabaukņi mosöriđa zioz nup arengöba ek kewöta galöm kölöc. Polnön mosöta anda yaņğöra köuluköba mala Buņa Kimbi ki ohoyök.

Krit mi keu Grik miambuk mindiribanbuk. Krit mi köwet sutņe gölme jölanņi kun aka Grik (Greece) mi kantri kun.

Polnön Taitusgöra waimanjat karöbut möta qambaņ keu kewö ohom waņgiyök: Krit yeņğö könaņini mi goņgim teköi baunam jegömöl aka malget. Tosatņan uruņini melengetka malmalņinan diņgiyöhi, yeņön kunbuk bölibepuk. Mianğöra yeņğö jitņememenjanan silik ölop kötökņi kondela köuluk aka Baiböl stadi nup qahö mosöta kambuņini mindiņğöba malmegöra jiza. Uru melenget yeņğö sutņine kambu morömorö mi denöwö mindingöba kusum eņgiba malme? Azi namņi, ambi namņi, ambi seram, azi gwabö aka welenqeçe yeņğö goro keuņini mi nanņök nanņök kewö jim asariza, “Uruņini melenđa Buņa keu wuatangöba luainöņ mala ketani yeņğö keu bapņe anda jegep uruk nup ölopņanök memba kinda julbepüköra kazik aņgururuk mosöta malme.”

**Buk kianğö bahöņi bohonņi 5 mi kewö:**

Polnön aposol nupņanğö könaņi jiza 1.1-4

Anutugö jitņememe yeņğö goro keuņini 1.5-16

Ambazip kambu morömorö yeņğö goro keuņini 2.1-15

Urukunğukunğuga aka galöm meme keu 3.1-11

Yaizöczök aka keu teteköņi tosatņi 3.12-15

*Polnön aposol nupņanğö könaņi jiza.*

<sup>1</sup> Anutunöņ ambazip möwölöhöm eņgiyöhi, eņğö mötnariņinan asuħaba qarimapköra aka Jisös Kraistnöņ Pol ni melaim niņgiiga yaņğö aposolņi akzal.

Nöņön Anutu welenni qeba keu ölni kusum eņgimakzal. Keu ölni mi möt kutuba kölgulime ewö, eņğö malmalņinan mönö uteköba letorakņja. Mianğöra kimbi ki oħozal.

<sup>2</sup> Anutunöņ keu muneni jimawaņğö dop qahö yaņön möpņanğö möpņe malmal köhöikņi neņgimamğö jim jöhöba mianğö andöņe yuai pakpak miwikņaiyök. Eņön keu ölni möt kutuba möt narigetka mianğön mönö nam kölgulime eņgiiga malmal köhöikņe aņgotpiņğöra al mamböta jörömqöröm ahakze.

<sup>3</sup> Anutu, Amötqeçe Toninan oyaeņkoyaeņğö keuņi jim jöhöba mianğö nalöņi diņdiņi ali kam kuņguiga mianğoreņ Buņa keuņi indela mi jim sehibingö jimkutukutuņi alök. Mianğö dop mi jim asarigetka Anutunöņ nöņön mi jim sehimamğö möt narim niņgiba kuņgum niņgiyök.

<sup>4</sup> \*O mötnariņ nahön sorokni Taitus! Nöņön bauköm gihibi urugi melenđa alabaukni aka mohotņe Kambu möt nariba maljit.

Iwi Anutu aka nanini Amötqeçe Tonini Jisös Kraist yetkön mönö kalem möriam gihiyohotka luainöņ malman.

*Galöm jitņememe yeņğoreņ keu areņ*

<sup>5</sup> Köwet jölanņi Krit (Crete) mianğoreņ mohotņe misin nup memba kember gomosötmamğö aka kewö jim kutum gihial, “Uruņini melenget yeņön ilinğösöņ laņ maljei,

\* 1:4: 2 Kor 8.23; Gal 2.3; 2 Tim 4.10



i mönö arengöm engiba (pasta aka) jitje memenini miri taon dop kuŋguba kusum enginöŋga areŋinambuk zioz nup memba malme.” Mewö jiba deŋnit.

<sup>6</sup>\*Uruŋini melenjeri, yeŋgö sutŋineyök azi kewöŋi möwölöhöman: Kungö silene pinjtkö keuŋi qahö, anömŋi mohok-kun memba mali nahönböratuŋurupŋan uruŋini melenja Anutu möt nariba yangiseŋ kezapjupjup silikö keu silene qahö ala jim engimakze.

<sup>7</sup>Urumelen könagesögö ketaŋamŋini pasta (bisop)\* yaŋön Anutugö könagesö galöm köl engimakŋawi, miangöra mönö azi kewöŋi kuŋguman: Kungö silene pinjtkö keuŋi qahö, jakbak-öraŋböraŋ qahö aka urupik qahö. O köhöikŋi qahö nempa bim laŋ qahö qeba möndömöndö qakŋe injarere mala moneŋ yuaigöra qahö kapaŋ kölakza.

<sup>8</sup>Yaŋgöreŋ kamei, i ölop köl öröba köyan köl engiba keu ahakmeme ölopŋaŋgö sihimŋi möta uruŋi miangöreŋ ala malma. Kilik-kaluk kekpurikŋi qahö, keu pakpak diŋdiŋanök kewöta sarakŋi töröŋi qainŋi kun aka nanŋi ahakmemeŋi törörök galöm köl aŋgumakŋa.

<sup>9</sup>Buŋa keu kusum neŋgigetka tandö söran ewö malmal töngumangöra ahözawi, pas-tonöŋ mi mönö töp memba miangöreŋ qekötahöba kinma. Mewö kinda ölop Buŋa Kimbigö dop mötnaripkö keu kempaŋi kempaŋi ambazip kusum engiba mianön uruŋini kuŋgumakŋa aka tosaŋŋan Buŋa keu möwörangöba qetalakŋei, yeŋgö keuŋini goŋgoŋi ölop qeapköba mindiŋgömakŋa. Mewö.

### *Böhi takapulakani mönö qetal engime.*

<sup>10</sup>Ambazip gwötpukŋan keu qetala kezapjupjup aka sesekŋai ewö keu sinŋi sinŋi jiba ambazip tilipköm engimakze. Anutugö aiwesökŋi silene yandigeri, yeŋgö kambunöhök ambazip jesöŋgöŋan mewö ahakze.

<sup>11</sup>Ambazip mewö miengö keuŋini mönö qömbököme. Yeŋön Buŋa keu kusum engibingö möndöba moneŋ yuaŋini öröbingö möta kösawöraŋ keu laŋ jigetka gamuŋambuk ahakza. Mewö aka saiwa tosaŋŋi lök körekŋanök mem sohom engigetka enololon aket.

<sup>12</sup>Krit nanŋine kezapqetok azi kunŋan aiakaŋinaŋgöra kewö jiba ohoyök, “Krit ambazipnöŋ mönö nalö dop keu muneŋ jiba injarere qölzöm mala ubibi kömböt ewö lilikqilik aka bau numbu nemakze.”

<sup>13</sup>Yeŋgöra keu mewö naŋgöba jiyöhi, mianön mönö ölna. Miangöra kawölŋinan qahöwahi mötnaripŋinan asuhuba ölnambuk akŋapköra i mönö köhöikŋanök terengöba jim engimakŋan.

<sup>14</sup>Mötnaripŋinan ölnambuk aiga Juda neŋgö bem sambanini aka ambazip keu ölni siŋgiba jimkutukutu alakzei, keu mewö miangö kezap kude alme.

<sup>15</sup>Urunini melenŋinga Uŋa Töröŋan köl könjörat ak neŋgiiga sarakŋi akzini, neŋgöra nene kungö dönqizizini qahö ahöza. Neŋön nene pakpak ölop nembinaŋgö dop akzapmö, qewolon ambazip keu ölnaŋgö yangiseŋ ahakzei, yeŋön i me wai aketka uruŋinan töndup tölohomakza. Uruŋinan kölkölŋinŋinambuk aiga uruŋinaŋgö kezapŋan duhui mönö bau jegömöl tandök malje.

<sup>16</sup>Yeŋön “Anutugö könaŋi möt yaközin,” jitŋinan mewö jigetka aiakaŋinan mi qaŋ köla qeapkömakze. Mewö aka Anutugö keuŋi qetalgetka imbilonlon möt engiiga ahakmeme ölopŋi kun memeaŋgö dop qahö akze. Mewö.

## 2

### *Ambazip ketani yeŋgö qambaŋ keu*

<sup>1</sup>Göŋön mewö qahö maljanaŋgöra mönö mötnaripkö keu kempaŋi kempaŋi mi Buŋa Kimbigö dop kewö kusum engimakŋan:

\* **1:6:** 1 Tim 3.2-7 \* **1:7:** ouwösiö, zioz paris lida, bisop, nup meme bohonŋi yaŋön qet ketani öne qahö bisimapmö, paris kambu-urupŋi yeŋgöra köuluköba kusum engiba uruŋini kuŋguba nupŋinaŋgö areŋini engiba goro qambaŋ qakŋe galöm köla mindiŋgöm engimakŋa.

<sup>2</sup> Azi namñi yeñön mönö kilik-kalukñini qahö malgetka göda qem engibinanğö dop akñe. Nanñini ahakmemeñini törörök galöm köl anğuetka mötnaripñinanğö kawölñinan qahöwahi ölni urukalem asuhumakña. Ölni asuhui ambazip törörök jöpaköm engiba malme aka kapan köla böñ qeba kinme. Mewö malmegöra kusum engimakñan.

<sup>3</sup> Ambi namñi yeñön mewöyök Anutugöreñ ambi sarakñi yeñgö dop ahakmemeñini aka memba malme. Andöqeçe keu yöhösañ kude ahakñe. Wain o gwötpuk nemegö mötöp simbañe kude anğota qaköme. Urumeleñ ahakmemegö silikñi ölöpnji kondela tosatñi kusum engimakñe.

<sup>4</sup> Mewö aka mala ambi nembö bapñine maljei, yeñgöra ölop goro engiba malgetka yeñön mewöyök apmoröurupñini urukönömñinan jöpaköm engiba malme.

<sup>5</sup> Jöpaköm engiba nanñini ahakmemeñini törörök galöm köl anğuba sarakñi aka mirigö nupñini nem qerak aka nöngöp törön qakñe memba apmoröurupñini köyan köl engiba apurupñinanğö keu bapñe anda kötöngöm engimakñe. Mewö kusum engigetka aka memba malgetka tosatñan Anutugö Buña keu mi mepaiköba ilitnöñ albingö osime. Mewö.

#### *Azi gwabö aka welenqeçe yeñgö qambañ keuñini*

<sup>6</sup> Azi gwabö yeñgö uruñini mewöyök kewö kuñgum engimakñan: Yeñön mönö ölöpnjanğö oyankasak mala nanñini ahakmemeñini törörök galöm köl anğumakñe.

<sup>7</sup> Uruñini mewö kuñgum engiba nangak ahakmeme pakpak mianğöreñ silik ölöpnji kondel engiba malman. Mönö geñmoñ qahö böñ qeba kinda tañörakñi qahö kusum engimakñan.

<sup>8</sup> Keu mötsihimñambuk jiba malnöñga ambazipnöñ mepaiköba memba et al gihibingö osime. Mewö jiba malnöñga tuarenjoñurupñinan keu bölöñi jim neñgibingö keu jaruba ölni qahö miwikñaiba gamuñini mötme. Mewö kusum engimakñan.

<sup>9</sup> Welenqeçe urup mi kewö kusum engimakñan: Yeñön ketañamñini yeñgö keuñini pakpak tem köla keu bapñe anda malme. Sösöñgai ak engibingö kapan köla kinme. Keu jimei, mi nesilam qakñan kude melen engimakñe.

<sup>10</sup> Ketañamñinanğö mireyök yuai mohot-hök yahöt-hök mi ölöñ kude memakñemö, ketañamñinan engeka möt narim engimakñapköra mönö kapan köla kinme. Nupñini pakpak mönö geñmoñi qahö pöndañ memba malme. Mewö mala Anutu Amötqeçe Toninanğö Buña keu kusum engimakzei, mi kötön kölgetka ölni ahui nahömñambuk ahakña. Mewö.

#### *Malmal sarakñanğö nam köipitñi mi kalem möriam.*

<sup>11</sup> Malmal sarakñanğö nam köipitñi kewö: Anutunöñ ambazip körek amöt qem neñgimapköra aka kalem möriamñi indeli gölme dop asuhuyök.

<sup>12</sup> Kalem möriam mianñön mönö kopa anğöjörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindiñgöm neñgimakza. Ahakmemeñini törörök galöm köl anğuba keu pakpak diñdiñanök kewöta malbingöra köl gulim neñgimakza. Mewö mianñön Anutugö malmal köhöikñi mi nalö kewöñe köl guliba gölmenöñ malbin.

<sup>13</sup> Mewö malinga Jisös Kraistnöñ kunbuk kamawi, nini nalö mianğöreñ Anutu qetbuñañambuk aka Amötqeçe Tonini yetkö asakmararañiri asuhuiga ekin. Nini oy-aenköyaen nalöñi mi kam kuñgumapköra jörömqöröm al mamböt aka maljin.

<sup>14</sup> \*Jisös Kraistnöñ mönö neñgöra aka nanñi malmalñi köleñda mosörök. Nini ahakmeme bölöñi könañi könañi mianğöreñök meköm neñgiba sohopnini memangö möta köl könjörat ak neñgiba nanñi buñañi sarakñi akingöra aka malmalñi köleñda mosörök. Mi mosöta qewöloñnini sañgoñniga nanñi könagesöñi aka ölop nup ölöpnji ölöpnji membingö urukönöp aka jöjörömakin.

\* 2:14: Sum 130.8; Eks 19.5; Dut 4.20; 7.6; 14.2; 1 Pitö 2.9

<sup>15</sup> Mianğö keuñi mönö kusum enğiba ambazip uruñini nanğöba köna siñgimei, mi kukösum pakpakö qakñe tembula jim enğimakñan. Mewö aknönğa kunñan jijiwilit ak ghibapuköra galöm mem anğuba malman. Mewö.

### 3

#### *Urumelen enğön mönö silik kewö aka memba malme:*

<sup>1</sup> Kusum enğiba keu ki mönö köl gulim enğinönğa ölop urukönömñine ala mötmörime: Urumelen könagesö yeñön mönö kiap gawman aka ketanəmñini tosatñi yeñgö keu bapñine anda keuñini tem köla malme. Mindimindiri nup ölopñi memegöra jigetka mi pakpak mönö jöjöröba memakñe.

<sup>2</sup> Uruqeçe keu töhöreñ mi kungöra kude jim wañgime. Anğururuk kude akñemö, ala ak anğuba urumohot malmegöra kinme. Ambazip pakpak mi gunjönjönjön pakpak ak enğiba uruluai qakñe mutulanğöm anğuba malme. Mewö.

<sup>3</sup> Nini mewöyök mutuk uruqahö mala qeçetal aka janjuñ malin. Sihim kömbönañnini bölöñi könañi könañi miengö mötöp simbañe qaköinga galöm köl neñgigetka silegö sihim sösönğaiñi lañ jarubingöra malin. Körögisigisi qakñe kegwek-kahasililiñ aka mianğöreñ malmalnini ayuhuba malin. Tosatñan imbilonlon möta kazik ak neñgigetka sutnine urukerök ak anğuba malin.

<sup>4</sup> Mewö malinmö, Anutu Amötqeçe Toninan ahakmemenji ölopñi kölenda indeliga urukalemñan asuhum tinğiriga kötala uruñan jöpaköm neñgiyök.

<sup>5</sup> Jöpaköm neñgiba bohonini jöhöba amöt qem neñgiyök. Naninak diñdiñi mala nup ölopñi ölopñi memba malbinahi, mianğöra aka qahö neñgehoriyök. Mianğöra qahöpmö, nanñi ak-kömükömuñan mönö nam köl wañgiiga siñgisöndoknini sanğonñiga ahuahü dölökñi ahuinga Uñañi Töröñi urunine aliga kölönaim neñgiyök.

<sup>6</sup> Anutunöñ amöt qem neñgiba Amötqeçe Tonini Jisös Kraistköra jiiga Uña Töröñi melaiba kelenmaleñ mokoiga urunine geiga maljin.

<sup>7</sup> Anutugö kalem möriamñan nam köl wañgiiga keunini jim teköi solanibingöra aka Uña Töröñan urunine geiga kölönainin. Kölönaiaba kindä oyaenköyaen malmal teteköñi qahö malbingö jörömqöröm al mamböt akzini, mi ölop buña qem anğubin. Mewö.

<sup>8</sup> Keu ohozali, mianğön öl töhöñña. Göñön mönö keu kewö kapan köla jim tuarim enğiba malman: Ambazip Anutu möt narizei, yeñön mönö jegep aka kindä uruñini pöndañ nup ölopñi ölopñi memegöra ala malme. Mewö akñei, mianğön mönö ambazip bauköm enğiiga nupñinañgö ölni eka “Qetpuk!” jiba malme.

<sup>9</sup> Tosatñan uruqahö keu aka ambösakon yeñgö qet areñi areñi eraum mötketka gora-nora anğururuk asuhumakzawi, göñön mönö mi yaköriba andö qeman. Mewöyök Mosesnöñ Köna keu neñgiyöhi, tosatñan keu mohot mohot mianğöra möndömkösök aketka supapköiga sohomakza. Jitnakölik mewöñi mi yuai omani töhöñ aka qahöpmahöp bauköm enğimakza. Mianğöra mi mönö andö qeba mosötman.

<sup>10</sup> Kunñan keu mewö jim öröba mianğön urujjul mem enğimakzawi, i mönö galöm meme keu jim wañginönğa qahö tem köliga kunbuk jim wañginönğa yahöt aiga töndup yañgisen akña ewö, i mönö közölnönğa urumelen kambu mosöta yaigepñe malma.

<sup>11</sup> Yañgö könañi kewö ahöi möt yaközan: Yañön köna siñgiba öñömböböp köla lolonqalon aka siñgisöndok ahakmeme ahakza. Siñgisöndokñi mianğön mönö könañi kondeli sohom teköi Anutunöñ keuñi jim teköi könöp siagö buñaya akña. Mewö.

#### *Yaizözkök keu teteköñi*

<sup>12</sup> \*Ni kömunjañ kie uru nalö ki siti qetñi Nikopolis Grik mianğöreñ mösöhöba malmamğö mötzal. Mianğöra Artemas me Tikikus salupke malmapköra melaibi göhöreñ

\* 3:12: Apo 20.4; Ef 6.21-22; Kol 4.7-8; 2 Tim 4.12

kaŋgotmawi, nalö miaŋgöreŋ mönö nalö kude qem körimanmö, zilaŋ mosöta Nikopolis kaba miwikŋaim niŋgiman.

<sup>13</sup> \*Köna keugö mötmöt azi (loya) qetŋi Zenas aka Apolos yetkön yuai kungöra osiba mözöqözöröŋ aka Krit miaŋgöreŋ qaköba tatpahotpuk. Miaŋgöra mönö kapaŋ köla öröyuai tosatŋan dopŋire naŋgöm etkinöŋga ölop toroqeba anmahot.

<sup>14</sup> Alaurupninan mönö nup ölopŋi ölopŋi memegö könaŋi möt soroköba pöndaŋ jegep aka zeŋ kindu uruŋini miaŋgöreŋ ala malme. Mewö aketka tosatŋan lömböt keta bölökŋi saŋgabaŋga miwikŋaimei, i ölop naŋgöm eŋgimakŋe. Mötnaripkö ölpŋi mewö ahuiga malmal gilipitŋi (ambetakŋi) önewat qahö malme.

<sup>15</sup> Nömbuk ki maljei, yeŋön körek yaizökzökŋini jigetka göhöreŋ kaza. Göŋön alaurupnini Krit miaŋgöreŋ Kembu möt nariba uruŋinan jöpaköm neŋgimakzei, yeŋgöra mönö nöŋgö yaizökzökŋi jinöŋga mötme.

Kalem möriamnöŋ mönö körek embuk ahöma.

---

\* **3:13:** Apo 18.24; 1 Kor 16.12



## Filemongö Kimbi Polnön Filemongöra Kimbi alök. Jim-asa-asari

Azi öngöngöni Filemon mi Kolosi sitinön mala uruñi melenđa zioz nup memba welenqeñi qetñi Onesimus galöm köliga tøndup unjurata Rom sitinön anök. Mianğoreñ anda Polbuk mutulağöba keuñi möta uruñi melenđa Polbuk Buña nup meyohot. Polnön kösö mire tata Onesimus toñangöra Kimbi ki ohoba böröñe ala melaiiga Kolosi lilingöyök. Kimbi kianğoreñ uruñi melenñöhi, mianğö buzupñi indela Filemon uruñi kewö kuñguyök: “Gi mönö welenqeğegahö pinjitñi mosöta yambuk urumohok aka köl öröm wañginöñga urumelen alagi ewö qöhöröñge kiniga yañğöra sönğaiğa malman.”

**Buk kianğö bahöni bohonñi 4 mi kewö:**

Keu mutukñi 1-3

Polnön Filemon möpöseiza 4-7

Onesimusğöra Filemongö uruñi kuñguyök 8-22

Kimbigö keu kötni bohonñi 23-25

<sup>1</sup> O wölböt alani aka neñakni Filemon!

Pol nönön Jisös Kraistkö nupñi memakzalağöra aka gwaröhöm niñgigetka kösö mire tatzał. Urumelen alani Timoti yañön nömbuk tariga nönön göbuk keu eraum mötpitköra kimbi ki ohozal.

<sup>2</sup> \*Mewöyök ambi ketañi urumelen nenini Apia aka Arkipus urumelenğö bimqeçe azinini aka urumelen könagesö göhö mire tokomakzei, nönön kimbi ki engöra ohozal.

<sup>3</sup> Anutu Iwinini aka Kembu Jisös Kraist yetkön kalem möriam enğiyohotka luainön malme.

*Filemongö urukalemñangöra möpöseiza.*

<sup>4</sup> Nönön nalö dop köuluköba gi mötmörim gihimakzalağö dop kewögöra Anutuni saiwap jim wañgimakzał:

<sup>5</sup> Gi Kembu Jisös möt nariba jöpaköm wañgiba Anutugö ambazip sarakñi pakpak jöpaköba urukalem ak engiba maljan.

<sup>6</sup> Saiwap jiba kewö köulukömakzał: Mötnaripkan mönö köhöiba pöwöwöm aiga ölop qöhöröñnine kinda nembuk mötnaripkö keuñi jim sehiba malman. Mewö Kraistpuk qekötahöba kininga kalem ölopñi ölopñi neñgimakzawi, gi mianğö könañi körekñanök möt sölöngöman.

<sup>7</sup> O urumelen alani, gi ambazip sarakñi körö-ölöwak qem enğinöñga amğöba malje. Urukalemgi mianğöra nönön gwötpuk sönğaiğiga mianğön uruni nañğömakza.

*Filemonöñ Onesimus köl örömapköra qesiza.*

<sup>8</sup> Mewö malnöñga Kraistpuk qekötahöziga ölop awösamkakak aka kukösum qakñe kinda yuai akñangö jim kutum gihibileñak.

<sup>9</sup> Mi tøndup Anutunön uruñan jöpaköm netkizawağöra aka ölop jimkutukutuni mosöta ulet miyök ulet gihimam. Gi Pol nönğö silikni mötzan. Nönön azi namñi akzał aka Kraist Jisösgö nupköra aka nalö kewöñe kösö miri azia mewöyök akzał.

<sup>10</sup> \*Ni kösö miri kianğoreñ alagi qetñi Onesimus aitongöba bauköm wañgibiga uruñi melenđa mötnaripkö nahöni ahök. Mianğöra merak yañğö numbu jit memba yañğöra aka ulet gihizal.

---

\* 1:2: Kol 4.17    \* 1:10: Kol 4.9

11 Yanjön mutuk welen qeba laj möndöba injarere mala qemasolokep ak gihiba malökmö, nalö kewöne letota gi aka ni ölopñanök bauköm netkiiga ölni asuhumakñawanğö dop akza.

12 Yanjön nani wölböt nahöni akza aiga nani wölbötñi ewö melaim wanğibi lilingöba göhöreñ kaza.

13 Nöñön Ölöwak Buñagöra aka kösö mire tatzal. Mianğöra Onesimus jöhöbi nömbuk mala göhö salupke bauköm niñgimapkö mötzal.

14 Mewö mötzalmö, bauköm niñgimapkö qahö kuñgum gihizal. Sihimgan jiiga bauköm niñginönga dop köljapmö, göñön welenqegegi niñgiman me anğön kölman, mianğöra On! qahö jinönga nanök jöhöm wanğimangö osizal.

15 Onesimusnöñ kewögöra aka gömosörök me? Yanjön nalö töröptökñi yaigep mala kunbuk lilingöba kaba göbuk nalö teteköñi qahö malma.

16 Mutuk welenqege omani aka malökmö, nalö kewöne mi onğita azi qainñi kun akza. Uruñi melenđa mönö wölböt alanina akza. Nöñön yanğöra gwötpuk ak niñgiiga göñön azi mi eknönga Kembugö buñani aiga yanğöra mewö ni nonğita önöñi qahö ak gihimakña.

17 Göñön nömbuk ala-ala aka maljit mötnönga nöñön kabi köl öröm niñgibanak ewö, mönö Onesimusnöñ kaiga mewö köl öröm wanğiman.

18 Yuai kun ak bölim gihiyök me yanğöreñ tosa kun göhöreñ ahöza ewö, mia mönö nöngö tosa ya jinöñ ahöma.

19 Ni Pol mönö nani börönan kewö ohozal, “Nöñön mi mekömam.” Nöñön bauköm gihibi urugi melenñönga tosa gi ketani mi mekömangöra nangi mewöñanök nöngö buñaya jim teköm anğunönga dop kölbawak. Mianğöra ölop kewö jibilenjak: Onesimusgö tosañi mi mönö jinönga nange tosa ya ahöma.

20 O urumelen alani, Kembugö Buña gihiali, mi mönö melenđa bauköm niñgimangö ak niñgiza. Kraist qekötahözani, mianğö dop mönö Onesimus köl örönönga nöngö urunan amğöba ölöwakña.

21 Keuni tem kölmani, mi möt nariba keuni ohoba könañangi kewö ahöi mötzal: Keu jizali, mi mönö onğita qetpuk ak soroköman. Mewö.

22 Keu kun ki: Eñön köulukögetka Kembunöñ ni melen niñgi enğöreñ kamamgö al mamböta jörömqöröm akzal. Mianğöra mönö miri uruñi kun nöngöra mem kelötman.

*Yaizözkök aka kötuetmötuet keu teteköñi*

23 \*Alani Epafra yanjön Jisös Kraistkö nupköra aka nömbuk kösö mire tata yaizözkökñi ali göhöreñ kaza.

24 \*Neñakurupni nup mohotñe memakzini Mak, Aristarkus, Demas aka Luk yeñön mewöyök yaizözkökñini algetka göhöreñ kaza.

25 Kembu Jisös Kraistkö kalem möriamnöñ mönö uñañini kötuetköba embuk ahöma. Mewö.

## Hibru Kimbi Kunöŋ Hibru yeŋgöra Kimbi alök. Jim-asa-asari

Jisösnöŋ Suepnöŋ öngöi miangö andöŋe yambu 35 miangö dop teköiga azi kun qetŋi qahö mötzini, yaŋön Kimbi ki ohoba Juda urumelen ambazip yeŋgöreŋ alök. Juda yeŋön Hibru (kian) keu jigerangöra qetŋini Hibru qetket. Tosatŋan Juda urumelen ambazip mi sesewerowero gwötpuk ak enŋigetka Jisösgö köna diŋdiŋi mosötpingö mötmöriba Juda yeŋgö köna walŋe dumŋe kunbuk anŋotpingö mötket. Köna walŋi mi Köna keugö kapaŋkölköl.

Kimbi kiangö keu kötŋi 3 mi kewö:

1. Jisös, Anutugö Nahönŋi yaŋön sihimbölö ketanŋi möta mewö mianön Iwiŋi tem kölmangö könaŋi mörök. Miangöra Suep garata, Moses aka kezapqetok ambazip pakpak enŋonŋita öngöŋgöŋi akza.

2. Anutunöŋ Jisös kuŋguiga nalö teteköŋi qahö jike nup galömnini bohönŋi aka malma. Nanŋi sepŋi mokoyöhaŋgöra jöwöwöl ohohonöŋ teköiga jike nup galöm tosatŋi yeŋgöra qahö osibin.

3. Urumelen neŋön Jisös möt nariinga siŋgisöndoknini mosöta amöt qem neŋgiba kömupnöhök meköm neŋgiiga keŋgötnini qahö mötzin. Jike nup walŋi mi imutimut ewö aiga megetka Jisösnöŋ amötqeqegö könaŋi ölni indela nanŋi jöwöwöl ohoho ewö akŋegöra al anŋuyök.

Mötnarip ambazip ketanŋi yeŋgö silikŋinanŋö kösohotŋi mi teteköŋe (Boŋ 11) ohoba mötnaripŋinan söroraubapuköra kewö kuŋgum enŋgiza, “Sesewerowero ak enŋigetka miangö sihimbölöŋi mi mönö kapaŋ köla mökösoŋda möta Jisösbuk luhut alme.” Buk kiangö qambaŋi aka galöm meme keuŋi mi nahömŋambuk.

### **Buk kiangö bahöŋi bohönŋi 10 mi kewö:**

Keu mutukŋi: Kraistnöŋ Anutugö könaŋi indel teköyök 1.1-3

Kraistnöŋ garata pakpak enŋonŋitza 1.4-2.18

Kraistnöŋ Moses aka Josua etkonŋitza 3.1-4.13

Kraistnöŋ jike nup galöm pakpak enŋonŋitza 4.14-7.28

Kraistkö jöhöjöhö areŋi mi jöhöjöhö areŋ walŋi onŋitza 8.1-9.28

Kraistkö sep busuŋan jöwöwöl pakpak enŋonŋitza 10.1-39

Mötnarip mi yuai mutukŋi aka bohönŋi 11.1-12.29

Ahakmemeninan Anutu uru ölöwak mem waŋgime 13.1-19

Köuluk teteköŋi 13.20-21

Uruwahöt keu aka yaizözkök keu teteköŋi 13.22-25

### *Anutunöŋ Nahönŋi melaiiga keuŋi indelök.*

<sup>1</sup> Anutunöŋ mönö möpŋangö möpŋeyök könahiba köna murutŋi murutŋi wuatangöba keuŋi indelmangö mörök. Mewö möta keuŋi nalö gwötpuk kezapqetok ambazip yeŋgö uruŋine aliga aukŋe jigetka ambösakonurupninan möta mala kotket.

<sup>2</sup> Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jüiga mörin. Nahönŋi yaŋön Iwiŋi bauköiga Suep gölme aka mietkö öröyuaiŋiri pakpak miwikŋaiyo-hotka Nahönŋan nalö teteköŋe yuai pakpakö Tonŋi akŋapakö jim teköi malja.

<sup>3</sup> Anutugö kaisoŋgolomŋan Nahönŋi ahöm waŋgiiga eta kondelök. Anutugö asakmararaŋan mönö i kuŋguiga biliksik aliga imutimut ewö ehin. Siŋgisöndoknini köl könjörat teköbagun mönö Suep mire öngöba dumŋi memba Öngöŋgöŋanninanŋö böröŋi

ölne tatza. Mianğoreñ tata Suep gölmegö öröyui pakpak mi keuñi kukösumñambuknöñ bisiba galöm köla malja.

*Anutugö Nahönñan Suep garata enğonğitza.*

<sup>4</sup> Anutunöñ Nahönñi qet wangiiga mianñön mönö Suep garata yeñgö qetñini onğita aködamunñambuk akzawi, mianğö dop Nahönñan Suep garata enğonğita ketañamñini aiga nembö bapñe malje.

<sup>5\*</sup> Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Gönön nöngö Nahöni aknönnga nöñön merak göhö Iwigi akzal.”

Mewöyök keu kun kewö jii ahöza, “Nönön yanğö Iwiñi akiga yanñön nöngö Nahöni akña.”

<sup>6\*</sup> Keu mi dumñe kunbuk Nahönñi mutukñi jim teköiga gölmenöñ etmamgö ahöhi, nalö mianğoreñ mönö qeljiñe kewö jiyök, “O Suep garataurupni, inñini mönö körek pakpak yanğö waikñi memba möpöseiba malme.”

<sup>7\*</sup> Suep garata yeñgöra keu kewö jii ahöza, “Anutunöñ mönö garataurupñi mem letot enğiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

<sup>8\*</sup> Yeñgöra mewö jiyökmö, Nahönñanğöra keu kun kewö jii ahöza, “O Kembu, gönön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianñön qindinñaim neñginönnga ahakmeme diñdinñan mönö bemtohonğahö muñgemñi aka ahöm öngöma.

<sup>9</sup> Gönön ahakmeme solanñanğöra ak gihiiga ahakmeme gonğonğanğöra irimgi seholiiga kazik aka mala kotnöñ. Mianğöra göhö bemgi Anutu yanñön mönö al gihiiga alaurupki enğonğita sösönğai kelöknöñ gömirii maljan.”

<sup>10\*</sup> Nahönñanğö keuñi kun mi kewö, “O Kembu, gönön könakönahine gölmegö tandöñi kuñgunönnga Suepkö jakeni jakeni mienñön mönö göhö börösöwögi akze.

<sup>11</sup> Suep gölme pakpak mienñön opo maluku ewö walñi aka ayapkömemö, gönön mönö köhöiba kin öngöman.

<sup>12</sup> Möki köpeimazini, gönön mönö mianğö dop suep ehekñi mi opo söro jöhözin ewö köpeim enğinönnga letotme. Yuai pakpak utekömapmö, gönön mönö tandök mohot miyök aka yambugi (yaragi) teteköñi qahö mal öngöman.”

<sup>13\*</sup> Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Gönön mönö kaba böröni ölne tatnönnga nöñön mönö tuarenjonurupki nalö sutñi kianğoreñ tim tötal enğibiga et enğuiga göhö könagahö döpnñi aketka köirañ albin.”

<sup>14</sup> Nahönñanğöra keuñi keuñi mewö jiyökmö, Suep garata i mönö niñia akze? Körek yeñön Anutugö welenqeçe uñaurupñi akze. Mewö aka ambazip oyaenğoyaen buña qem anğumei, i bauköm enğimegöra melaim enği malje. Mewö.

## 2

*Urunini qahö melenbinbukö galöm meme keu*

<sup>1</sup> Mianğöra Buña keu mörini, mi mönö törörök möt asaribingö kapan köla kezap alme. Gölmenöñ malmalgö inñi me waiñi kunñan neñguanğiri lan anda kaba liklak malbin ewö, mönö Jisösgö amötqeçe nupñi onğita öne mala ayuhubinbuk.

<sup>2</sup> Keu mi kewö jim tuarimam: Mutuk Suep garata yeñön Buña keu jigetka ambazip jöhöm enği malget. Mewö mala denike yeñön Köna keu qahö tem köla selñi walönğeri, Anutunöñ mönö körek yeñgö keuñini diñdinñanök jim teköba likepñi melen enği lömböt qakñine öngöi mala kotket.

<sup>3</sup> Yeñön lömböt miwikñaigetka neñön mewöñanök akzin ewö, lömbötköra mönö denöwö ölöñ kölbinak? Amötqeçe nup ketañi mi nesampurek qakñe nöñöñgan akin ewö, mönö

\* **1:5:** Sum 2.7; 2 Sml 7.14; 1 Hist 17.13    \* **1:6:** Dut 32.43    \* **1:7:** Sum 104.4    \* **1:8:** Sum 45.6-7    \* **1:10:** Sum 102.25-27    \* **1:13:** Sum 110.1



lömbötnöhök ölöñ kölbängö osibin. Kembunöñ könahiba amötqeqegö könañi indeliga tosatñan keu mi jítñeyök möta nañgöba jim köhöigetka sehiba dop köñ neñgiyök.

<sup>4</sup> Mi nañgöba jim köhöigetka Anutunöñ yembuk mohotñe kinda keuñini nañgöba jiiga añgöletot aiwesök könañi könañi mi kukösumñinambuk asuhugetka Uña Töröñi mokoba jitsihitñangö dop mendenñiga dop köñ neñgiyök. Mewö.

*Jisösnöñ datnini aka Suepnöñ neñguanñitmamgö mötza.*

<sup>5</sup> Suep gölme dölökñi asuhumegö keuñi jimakzini, Anutunöñ nini miangöreñ Suep garata nembö bapñine malbingö areñi qahö ala jim kutuyök.

<sup>6</sup>\*Mewö qahöpmö, keu mi kunñan nañgöba jiiga Buña Kimbigö kemañi kunöñ kewö ahöza, “Gölme azinöñ mönö niñia aiga i mötmörim wañgimakzan? Suep gölmegö azi öññan mönö niñia aiga i köyan kölakzan?”

<sup>7</sup> Göñön i memba et al wañginöñga nalö töröpñi Suep garata yeñgö nembö bapñine eta eretñi aka malök. Mali wañgitnöñga asakmararaññöñ öñgöiga kösasorom ila jalö wañginöñga aködamunñambuk aka qetbuñañambuk malja. Mewö mala öröyuai pakpak galöm köla malja.

<sup>8</sup> Börösöwögi pakpak mönö yañgö jimkutukutuñangö bapñe malmegöra memba et al eñginöñga malme.”

Keu miangö dop yuai pakpak mi yañgö kukösum bapñe malmegöra memba et al eñgiba miangöreñ yuai kun qahö mosöriga yañgö keuñangö bapñe qahö ahöbawak. Areñ mewö alökmö, nalö kewöñe börösöwöñi pakpak mi yañgö kukösum bapñe memba et al eñgii tem kölakzeañgö dop qahö eñgehakzin.

<sup>9</sup> Mewö qahö eñgehakzinmö, Jisösnöñ mönö kewö letota mali ehakzin: Kömupkö sihimbölöñi möröhañgöra Anutunöñ wañgiri asakmararaññöñ öñgöiga kösasorom ila jalö wañgiiga ehinga aködamunñambuk aka qetbuñañambuk malja. Anutunöñ kalem möriamñi kondel neñgimamgö möta körek neñgöra aka kömupkö sihimbölöñi mötmapkö jim teköyök. Miangöra memba et al wañgiiga nalö töröpñi Suep garata yeñgö nembö bapñine eta eretñi aka malök. Mewö malökmö, nalö kewöñe qetbuña öñgöñgöñi memba malja.

<sup>10</sup> Anutunöñ mönö öröyuai pakpakö könañi akza. Yañön körek nini nanñi möpöseim wañgibingöra aka miwikñaim neñgiiga maljin. Yañön ambazip sehisehiñi neñguanñiri asak-mararaññöñ öñgöbingöra mötza. Mewö möta amötqeqeninangö Tonji mi qahö añgön köliga sihimbölö möta mewö miangön nupñi mi mem teköi asakmararañi pakpak mi-wikñaimapkö möri dop kölök.

<sup>11</sup> Kunöñ mem sarahim neñgimamazwi aka ambazip sarakñi ahakzini, körek neñgö kondotkondot Toninan mönö mohot akza. Miangöra Jisösnöñ qetnini “Alaurupni,” mewö qetmamgö gamuñi qahö mötza.

<sup>12</sup>\*Könaninañgöra Buña keu kun kewö jii ahöza, “Nöñön mönö göhö qetki mi nani alaurupni yeñgöra qet asarim eñgiba urumelen könagesö sutñine kinda möpöseim gihi-makñam.”

<sup>13</sup>\*Mewöyök miangö Buña keuñi kun kewö jii ahöza, “Nöñön mönö mötnariñi Anu-tugöreñ ala malmam.” Dumñe kunbuk miangö Buña keuñi kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

<sup>14</sup> Kunöñ mem kömum neñgimamgö kukñi memba maljawwi, Jisösnöñ mönö i tulumgöi gemapköra aka kömumba miangön luhut alök. “Bölöñangö Tonji tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök.

<sup>15</sup> Ambazip malmalñini gölmenöñ maljeañgö dop kömumbingö keñgöñinan jöhöm eñgii mala kotkeri, mi mönö körek pösat eñgii solanimegöra aka gölme azia ahök.

16 Suep garata köyan köl enjgimapköra gölme azia qahö ahökmö, Abrahamgö gwölönarökurupni nini möt anğön köla bauköm neنجimakņapköra mönö mewö ahök.

17 Könaņi miangöra aka yaņön öröyuai pakpak miangören alaurupni nembuk tandök mohot miyöhök ahök. Jike nup galömnini bohonņi aka nupni nömtik memba ak kömum neنجiba malmapköra mönö nembuk tandök mohot ahök. Tandök mohot akagun mönö ölop jitņememenini aka jike galöm bohonņanğö nupni memakza. Mi memangöra sinğisöndokninağö töwaņi ala Anutugö jeņe mi köl könjörarök.

18 Gölme azia aiga esapköm waņgigetka nanņak sihimbölö möta malöhi, miangöra ambazip esapköm neنجimakzei, nini mönö ölop bauköm neنجimakņa. Mewö.

### 3

#### *Jisösnöņ Moses onğita öņğöņğöņi akza.*

1 Miangöra urumelen alaurupnini sarakņi, Suep Toņan enğoholi nembuk kambu mohot maljei, eņön mönö urumötmötņini pöndaņ Jisösgören ala malme. Anutunöņ i melaiğa aposol aka jike nup galömnini bohonņi akzawi, yaņğöra mewö jim miwikņaimakzin.

2 \*Mosesnöņ Anutugö könagesöņi pakpak mi memburikņi qahöpmö, pöndaņ galöm köl enğiba malök. Miangö dop Jisösnöņ mewöyök kun kuņğum waņgiyöhi, yaņğö keuņi (misila) törörök wuatangöba memburikņi qahöpmö, pöndaņ nömtik memba malök.

3 Miri aka azi miri meyöhi, mi kewöt etkiinga mitimqeçe azigö qetbuņaņan mönö mirigö qetbuņaņi gwötpuk onğitza. Miangö dop Moses aka Jisös kewöt etkiinga Jisösgö asakmararaņi öņğöņğöņan mönö Moses gwötpuk onğitza. Könaņi mewö eka miwikņaimakzin.

4 Miri pakpak mi kungö börösöwöya akzemö, yuai pakpak mi mönö Anutugö börösöwöņi akza.

5 Mosesnöņ Anutugö könagesöņi pakpak mi memburikņi qahöpmö, pöndaņ welen qem enğiba malök. Mewö mala Anutunöņ könanğep azi kungöra jiyöhi, mönö keu miangö söpsöpņi mi qeljine indela dangunūa kinök.

6 Mewö kinökmö, Kraistnöņ mönö Anutugö Nahöņni aka Iwiņağö keuņi (misila) nömtik memba könagesöņi pöndaņ galöm köl neنجiba malja. Anutugö könagesöņi mi neņön akzin. Oyaenğoyaeņ akingö jörömqöröm aka miangören qekötahöba silenini memba öņğöba awösamkakak kin köhöim teköbin ewö, mönö Anutugö urumelen könagesöņi aka malbin. Mewö.

#### *Yaņğiseņ aka malbinbukö galöm meme keu*

7 \*Miangöra inini mönö Uņa Töröņan keu kewö jimakzawaņğö dop akņe, “Dölkewöņe Anutunöņ enğohola keuņi saņep ali mötze ewö,

8 uruņini mönö mötmöt bölöņan kude gwözöņme. Enğö ambösakonurupņinan gölme qararaņkölköļne kaba nalö kuņöņ Anutu qetala esapköm waņgiba karim akeri, inini mönö miangö dop Anutu qetala akepuk.

9 Yeņön gölme qararaņkölköļne kaba Anutu ni esapköm niņgiba malget. Anğöletot aka memba malali, inini mi yambu (yara) 40 miangö dop eka mala mi töndup ni qahö möt narim niņgigetka urunan bölüiga malal.

10 Miangöra ambazip kambu nalö miangören gölmenöņ malgeri, yeņğöra aka irimni seholiiga kewö jial, ‘Yeņön mönö sundan uruņinan kahapmahap aka jaņjuņ anakze. Malmalgö köna kusum enğiba malalmö, mi qahö möt kutuget. Qahö!’

11 Mewö jiba irimsesewöl qakņe keuni jim kutuba jöjopaņ keunan mi jöhöba kewö jial, ‘Luhut memba malmegö areņ al enğialmö, yeņön mönö oyaenğoyaeņ miangören qahö anğotme.’ ”

12 O urumelen alaurupni, inini mönö kewögöra galöm mem anguba malme: Engörenök kungö urunan gonjiiga mötnaripnan sörauba eri Anutu malmal Tonji andö qeba malbapuk.

13 Mewö qahöpmö, singisöndokö isimkakaleknan tilipköm engii mianön engörenök kungö uruji gwözönbapuköra mönö silim dop sutnine uru kungum anguba malme. “Merak” keu mi jimakzini, miangö dop mönö jölöngöm anguba malme.

14 Nini Kraist möt angon köla yambuk kambu mohot aka maljin. Mutuk urunini melennda uruyahöt yaköriba awösamakak miwiknaiba malini, mewö gölmenöy malbinangö dop kapan köla köhöiba kinbin ewö, mönö oyaenkoyaen akin.

15 \*Buña keu mi kunbuk jiba kewö ohozal, “Merak Anutunöy engohola keuji sanep ali mötze ewö, urujini mönö kude gwözöngme. Engö amböskonurupninan Anutu qetala karim akeri, inini mönö Anutu miangö dop qetala akepuk.”

16 \*Ambazip denike yenön Buña keu möta Anutu qetala karim aket? Mosesnöy könagesö enguanjiri Ijpt mosöta kageri, yenön mönö körek mewö aket.

17 Ambazip denike yengöra aka yambu (yara) 40 miangö dop irimji seholiiga kazik ak engii malget? Ambazip singisöndok aketka mem kömum engii sileninan gölme qararanjölkölnje eta kölgeri, yengören mönö mewö asuhuyök.

18 Luainöy luhut memba malmegö aren ala nanjini gölmenjine kude angotmegö keuji jim kutuba jöjöpaj keunan jöhöyöhi, keu mi mönö dagöra jiyök? Ambazip keuji qetala yangisen malgeri, mi mönö yengöra aka jiyök.

19 Keu miangö könanji mi kewö ek asarizin: Yenön Anutu qahö möt nariba yangisen akerangöra aka nanjini gölmenjine angotpingö osiget. Mewö.

## 4

### *Anutunöy könagesöni sonda kendon nenjima.*

1 Anutugören angota luainöy luhut memba malbingö keu jöhöyöhi, keu mianön mönö pöwöwöm köhöikni ahöm nenjiza. Miangöra engörenök kunjan löwöriba nanji Suep köna ananji mi kembangan kutui mewö miwiknajim wangibinbuk. Miangöra mönö sutnine galöm mem angubin.

2 Gölme qararanjölkölnje kagetka Ölöwak Buña jim asarim nenjiget ewö jiget mötketmö, keu mi mönö silesile mötketka urujine qahö geyök. Miangöra mötnaripjini qahö qiwiknaiga tönpin öne malgetka qahö bauköm engiba pömsöm qeyök.

3 \*Urunini melennda möt nariba maljini, nenön mönö Anutugören angota luhut memba oyaenkoyaen malbin, mi mötzin. Anutunöy miangö Buña keuji mi kewö jii ahöza, “Mewö jiba irimesewöl qakne keuni jim kutuba jöjöpaj keunan mi jöhöba kewö jial, ‘Luhut memba malmegö aren al engialmö, yenön mönö oyaenko-yaen miangören qahö angotme.’”

Anutunöy Suep gölme miwiknajim etkii nalö miangörenök könahiba oyaenkoyaen mirinan lök memteköteköni ahözapmö, töndup keu mewö jiyök.

4 \*Anutunöy silim 7:nangö keuji jiiga Buña Kimbigö kembangan kunöy kewö ahöza, “Sömanji 7 aiga Anutunöy nupji pakpak mem teköyöhangö luhut memba kendon tarök.”

5 \*Anutunöy Buña keu mi toroqeba kewö jii ahöza, “Luhut memba malmegö aren al engialmö, yenön mönö oyaenkoyaen miangören qahö angotme.”

6 Ambazip tosatjan Anutugö oyaenkoyaen miwiknaiba luhut memba malmei, keu mianön mönö pöwöwöm köhöikni ahöm nenjiza. Ölöwak Buña mutuk könagesö jim asarim engigeri, yenön mönö qeqetaljinangöra aka oyaenkoyaenöy qahö angota luhut qahö meget.

<sup>7</sup> \*Luhut qahö megerangöra aka Anutunöŋ mönö kunbuk nalö kun ala qetŋi Nalö dölkwöŋi qerök. Nalö köröpŋi teköiga nalö mianğö Buŋa keuŋi dölki jiba ohozali, mi mönö Deiwidköreŋ indeli kewö jiyök, “Dölkwöŋe Anutunöŋ enğohola keuŋi saŋep ali mötze ewö, uruŋini mönö kude gwözöŋme.”

<sup>8</sup> \*Mewö jiiga Josuanöŋ enğuanğiri oyaenğoyaenöŋ anğota luhut membeak ewö, Anutunöŋ mönö nalö kungö keuŋi mi könaŋgep qahö jibawak.

<sup>9</sup> Mi qahö jibawakmö, Anutunöŋ mönö öŋa könagesö luhut meme neŋgii oyaenğoyaen miwikŋaibin. Keu mianğön mönö pöwöwöm köhöikŋi ahöm neŋgiza.

<sup>10</sup> \*Mianğö könaŋi kewö: Anutunöŋ nanŋi nupŋi meyöhanğö luhut memba kendon taröhi, mianğö dop kunöŋ Anutugö oyaenğoyaenöŋ anğota luhut memawi, yaŋön mönö nanŋi nupŋi meyöhanğö luhutŋi mi mewöŋanök memba oyaenğoyaen malma.

<sup>11</sup> Mianğöra nini mönö Anutugö oyaenğoyaenöŋ anğota luhut memenŋi miwikŋaibingö kapaŋ kölbin. Enğöreŋök kunöŋ et qeba könagesö walŋi yeŋgö qeçetal tandökŋini miyöhök wuatangöbapuköra mönö kapaŋ kölbin.

<sup>12</sup> Anutugö keuŋi mi memguliguligö könaŋi aka kukösum-ŋambuk akza. Bimğö sou ketanŋi mi likep likep jitŋirambuk akzapmö, Anutu keuŋanğö jitŋan mönö sou ketanŋi pakpak enğongita jit kötök aiga jitŋi bahöbahö mi maunambuk akzahot. Keu mianğön mönö uru uŋanini kutuba ömenöŋ me Anutugö Uŋaŋan inahöm neŋgimakzawi, mi undenğa kuŋgum neŋgimakza. Sile kitip toroqeqenini aka sihitninanğö digonŋi mi mewöyök kewöta (keunini asa-asambötŋi miwikŋaiba) ölopŋi aka bölöŋi menden etkimakza. Urukönömnini aka mötkutukutu areŋnini mi kewöta keunini jim tekömakza.

<sup>13</sup> Anutunöŋ yuai pakpak miwikŋaii ahözawi, mianğöreŋök yuai kun mi asa-asambötŋe qahö ahöiga ölopŋanök ehakza. Yuai kun esuhuinga Anutunöŋ esunini mi ölop luluŋda ehi yaŋgö jemesoholŋe aukŋeyök ahöza. Ahakmemeninanğö kösohot pakpak mi mönö yaŋgöra jim asaribinanğö dop akzin. Mewö.

#### *Jisösnöŋ jike nup galömnini öŋgöŋgöŋi akza.*

<sup>14</sup> Jisösnöŋ jike nup galöm bohonŋi öŋgöŋgöŋi ak neŋgiza-waŋgöra aka neŋön “Möt narim waŋgizin,” jiba jim miwik-ŋaimakzini, mianğöreŋ mönö köhöiba kinbin. Jisös Anutugö Nahönŋan mönö Suep jakenŋi jakenŋi enğongita öŋgöba tatza.

<sup>15</sup> Urumötmötnini tosatŋan lölöwöröŋi aketka jike nup galöm tosatŋan mianğöra wösömötmöt qahö ak neŋgimakzemö, nanine jike nup galömninan mönö qainŋi kun kewö akza: Yaŋön mönö nini ewö ahakmeme pakpak mianğöreŋ nembuk tandök mohot esapköm waŋgiba malgetmö, mi töndup siŋgisöndok kun qahö ahök.

<sup>16</sup> Jike galömninan mönö eu kalem möriamğö dum tatatŋe tata ak kömum neŋgimamğö mörakza. Mianğöra mönö awösamakak qakŋe kinda yaŋgö kösutŋe anbin. Yaŋgö kösutŋe aninga kalem möriamğöra osizini, mianğö nalö diŋdiŋe mönö bauköm neŋgiiga mi ölop miwikŋaibin. Mewö.

## 5

### *Galöm bohonini Jisösnöŋ mönö bauköm neŋgimakza.*

<sup>1</sup> Gölmegö jike nup galöm bohonŋi pakpak mi ambazip sutŋineyök möwölöhöm enğiba nup kewö memegöra kuŋgum enğimakzin: Yaŋön ambazip jitŋememenini aka Anutubuk urumohot aka malbingö nupŋi memba siŋgisöndok ahinanğö sömbup kalemŋi kalemŋi mi Anutugöra ala mianğön jöwöwöl ohomakza.

<sup>2</sup> Nanŋi urumöt-mötŋi tosatŋan mewöyök lölö-wöröŋi akza. Mianğöra ambazip guk-maulem qakŋe janjuŋ ahakzei, mi ölop wösömötmöt qakŋe ak neŋgimakza.

<sup>3</sup> \*Lölöwöröŋi akza-waŋgöra mönö nanŋi siŋgisön-dokŋi aka könagesöurupŋi yeŋgö siŋgisöndokŋini mewöyök köl könjöratmapköra sömbupnöŋ jöwöwöl ohomakza.

\* 4:7: Sum 95.7-8 \* 4:8: Dut 31.7; Jos 22.4 \* 4:10: Jen 2.2 \* 5:3: Lew 9.7



4 \*Kunjan qetbuja mi nanjanjora qahö buja qem anjumapmö, Anutu-nöj Aron oholöhi, miangö dop mönö i mewöyök oholja.

5 \*Miangö dop Kraistnöj mewöyök nanjak jike nup galöm bohonji aknjapkö qetbuja mi nanjanjora qahö buja qem anjuyökmö, Anutunöj kewö jim kutum wanjiyök, “Göjön nöngö Nahöni aknönga nöjön mönö merak göhö Iwigi akzal.”  
Keu miangö dop jike nup galöm bohonini ahök.

6 \*Keu miyöhök jii Buja Kimbigö kemañi kunöj kewö ahöza, “Göjön mönö Melkizedek ewö jike nup galöm aka nalö teteköji qahö mal öngöman.”

7 \*Jisösnöj silebuk gölmenöj mala miangörej mönö nalöni nalöni köuluköba köhöikñanök qeriga imbiljan eri Anutu kömupnöhök mekömapkö köhöiyöhi, i qesim wanjiba malök. Qesim wanjiba mala Anutu göda qeba keunangö bapje al anjuba malöhanjora Anutunöj köulukñi mörök.

8 Nahönji ahökmö, Anutunöj mi töndup sihimbölö qahö jöhöi qakje öngöi möta miangörej temkölkölgö könaji miwikñaiba möt soroköyök.

9 Mi möta aködamunji pakpak miwikñaibagun mönö oyaenjkoyaen teteköji qahö malbingö kondotkondot Tonji ahök. Miangöra ambazip yangö jitji tem köla maljei, mi pakpak mönö ölop kondot enjiiga oyaenjkoyaen akje.

10 Tonji mi aiga Anutunöj i Melkizedek ewö jike nup galöm bohonji aknjapkö jim teköba al wanjiyök. Mewö.

### *Mötnaripkö ölni sohobapukö galöm meme keu*

11 Keu mi ölop toroqeba gwötpuk jim qaribinakmö, enön keu möta wuatangöbingö tanqan aka gaunjeje akze. Miangöra mi jim asarim enjibingö osikosi akzin.

12 \*Inini nalö köröpji könagesö walji mala ölop nalö kewöne lök böhi qaqaazu akjeangö dop akeakmö, nanjinak Anutugö keu kötni mutukñi mi kunjan dumje kunbuk kusum enjimapköra osimakze. Inini mönö qaköba Buja keu mi juzu ewö nembangö mötze. Nene köhöikñi ewö mi nembangö osimakze.

13 Kunjan mi juzu ewö nempa maljawi, yanön mönö toroqeba morösesep ewö akza. Anutugö jeje solanji akingö keu kusum enjinmö, yanön miangö könaji qahö möt kutuba tönpin malja.

14 Morösesep ewö maljapmö, nene köhöikñi mi ambazip mötmötñinan qariyöhi, mönö yenön nemegöra aka ahöza. Ambazip Buja keu sundan köl guliba malgetka urumötmötñinan lök möñaiiga ölop anqeba silik pakpak kewöta ölopñi aka bölöñi mendenj etkiba ölopñi wuatangömakze. Nene köhöikñi mi yengöra aka ahöza.

## 6

1 Miangöra Kraist könangö keu kötni mutukñi lök möta miangörej mönö kude qaköbin. Mewö qahöpmö, mönö toroqeba qariba aködamuninambuk akingö kapan köla malbin. Mötnaripkö tandöji lök kuñguba mi mönö dumje kunbuk könahiba kuñgubimbuk. Tandö mi urunine kewö kuñguin: Ahakmemenini köhömunji mosöta urunini melenja Anutu möt narim wanjiin.

2 Urunini melenjninga mötnaripkö keu kemañi kemañi kewö kusum nenjigetka mörin: Singisöndoknini köl könjöratmegöra o melun aka amötqeqe könaji könaji miengö könajini kusum nenjiget. Böröñini qaknine alalgö könaji kusum nenjiget. Guliba kömupnöhök wahötpingö könaji kusum nenjiget. Anutunöj keunini jim teköi teteköji qahö köhöikñi ahömapkö könaji kusum nenjiget.

3 Mötnaripkö tandöji mewö kuñgubagun mönö toroqeba möt qaribingö mötzin. Anutunöj ösum-mumu nenjimakzawangö dop mönö aködamunini pakpak miwikñaibingö kapan köla kinbin.

\* 5:4: Eks 28.1 \* 5:5: Sum 2.7 \* 5:6: Sum 110.4 \* 5:7: Mat 26.36-46; Mak 14.32-42; Luk 22.39-46 \* 5:12: 1 Kor 3.2

<sup>4</sup> Mewö kinbingö möta mianğöreñ qaköba etpinbuköra aka kinjin. Ambazip kewöñi mi uruñini melenmegöra enğuanğitpingö osimakzin: Tosatñan uruñini nalö kunöñ asariiga Anutunöñ Suep kalemñi enğii möta söñgaigetka Uña Töröñan ösupköm enğii malget.

<sup>5</sup> Anutu Buña keuñanğö nahömñi mötketka oyaenköyaen nalö könanğepñanğö kukösumñan mönö uruñine gei mötket.

<sup>6</sup> Mi pakpak mötagun mönö mötnariñini mosöta Anutu andö qeget. Ambazip mi uruñini kunbuk melenmegöra enğuanğitpingö osimakzin. Yeñön Anutugö Nahönñi ilita dumñe kunbuk maripomnöñ qeçe ewö memba et ala aukñe gamu qem wañgimakze. Mewö mianğön mönö nanñini geñmororoñ ak anğumakze.

<sup>7</sup> Mi söpsöp keu kianğö dop: Kienöñ nalö gwötpuk yöhöba gölme qakñe eta uruñe geba gölme mem keloriga nup toñanğö welenqeçe uruñan nene kömötetka Anutunöñ gölme kötuetsköiga ölni asuhui kölkömöt toñi yeñön mi memba köweñine alakze.

<sup>8</sup> \*Mewö alakzemö, koururuk aka siriuret wahinambuk mianğön gölmenöñ asuhuba wahörakzawi, gölme mianğön mönö nesakñi akza. Toñi yeñön mi saitköbingö mötze aka kapan köla mambötketka ölni qahö asuhui eka teteköñe mönö kuñgugetka jema.

<sup>9</sup> O wölböt alaurupni, neñön söpsöp keu mewö jizinmö, mi töndup inñini uruñini melenğa malmeanğöra mönö uruyahöt qahö akzin. Enğö uruñine Buña keugö ölnan mönö asuhum qarimapköra möta awösamkakak kinjin. Anutunöñ ölni mi eka mönö meköm enğii letota Suepnöñ öngöme.

<sup>10</sup> Anutunöñ mönö ekbonep qakñe goñgoñi qahö akza. Inñini Anutugö ambazip sarakñi bauköm enğiba mala kota toroqeba bauköm enğiba nup memba malakze. Mewö urukalemñini Anutu kondel wañgigetka qetbuñan qarimakzawi, yañön nupñini aka urukalemñini mianğöra mönö qahö ölum qeiga kitipñi melen enğima.

<sup>11</sup> Nini oyaenköyaen akingö jörömqöröm aka mianğöreñ awösamkakak uruyahöt qahö kinmegö sihimnini möta kewö awöweñgömakzin: Inñini nanñök nanñök Anutugö urukönöp ahakzei, miyöhök mönö toroqeba kondela malme. Aködamun-ñinambuk akingö kapan köla gölmenöñ mal tekömeanğö dop mianğöreñ mönö kude löwörime.

<sup>12</sup> Qölzöm akepuköra mönö awöweñgömakzin. Anutunöñ oyaenköyaen yuai neñgimamğö keu jöhöyöhi, tosatñan Anutu möt nariba sihimbölöñini möta mökösoñda mewö mianğön mi buña qem anğumakze. Inñini yeñgö silikñini wuatangömegöra mötzin. Mewö.

*Anutugö jöhöjöhö keu mi uruyahötñi qahö.*

<sup>13</sup> Anutunöñ Abraham jöhöjöhö keu wañgiba mi nanñi qetñi qeta jöjöpañ keuñan jim köhöiyök. Kunöñ Anutu onğita öngöngöñi malbawak, ölop yañgö qetñi qetpawakmö, mewöñi kun qahö maliga mianğöra mönö nanñi qetñi qeta jöjöpañ keuñi jiiga köhöiyök.

<sup>14</sup> \*Jöhöjöhö keuñi mi Abrahamğöra kewö jiba jiyök, “Nöñön mönö ölna kötuetsköm gihimam. Mönö ölna gwölönarök gihibiga sehime.”

<sup>15</sup> Mewö jiiga Abraham yuai wañgimapkö keu jöhöi ahöyöhi, yañön mi ölnambuk akñapkö kapan köla mamböta mala ölni buña qem anğuyök.

<sup>16</sup> Ambazipnöñ ketanamñinanğö qetñi qeta jöjöpañ keu jiget mörakze. Jöjöpañ keuñinan keu jizei, mi mem köhöiiga qeapköbingö osigetka keu jijiñinan teköza.

<sup>17</sup> Mianğö dop Anutunöñ keuñi Abrahamğö gwölönarökurupñi neñön mötpingöra jöhöba jiyök. Keu areñi mi kunöñ qeapköba utekömamğö osizawi, gwölönarökurupñi neñön jöhöjöhö keu mianğö könañi mi törörök möt yaköbingö mörök. Mianğöra jöhöjöhö keuñi jiiga mutukñi aiga keu mi kunbuk jöjöpañ keuñan jim köhöiiga indimñi yahöt ahök.

<sup>18</sup> Anutunöñ keu mi jiba mianğö munen jimamğö osiyök. Yañön keu utekutekñi qahö mi jibagun jim köhöiyöhi, mianğön mönö urunini nanğömapköra mörök. Mianğöra mi jibagun jim köhöiyök. Neñön gölmegö ahakmeme bölöneyök ölon köla Anutugöreñ anğota oyaenköyaen neñgimapkö jörömqöröm neñgiyöhi, mi mönö töp memba mamböta maljin.

\* 6:8: Jen 3.17-18 \* 6:14: Jen 22.16-17

19 \*Oyaenjkoyaen akingö al mamböta mianjö uruyahötñi kun qahö ahakzin. Jörömqörömnini mianjön uruninañgö kösö mendanñi tandök ewö aka nini Jisösbuk jöhöm nenjimakza. Jörömqörömninañgö kösö mendanñi köröpñi mianjön mönö nenjörenjök könahiba Suep jikegö uruñe öngöba jike oleni yahötkö sutñire opo sel ahözawi, mi mewöyök kutuba toroqeba Jisös jakömbuak dum kömbukñe tatzawañgören anja.

20 \*Jisösnöñ mönö jitñememenini aka mutuk euyañgören öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

## 7

### *Jike nup galöm Melkizedekö kösohot*

1 \*Melkizedek azi mi miri qetñi Salem mianjö kiñ kembuñi aka Anutu öngöñgöñangö jike nup galömña malök. Mewö maliga Abrahamnöñ kiñ kembuñi kembuñi bim qeba luhut al engiba lilingöba miriñe kayöhi, nalö mianjörenjök kaba Abraham miwikñaiba kötuatköm wañgiyök.

2 Kötuatköm wañgiiga sukinapñi pakpak mendenña ten miengörenjök mohot mohot (1/10) memba nalukña al wañgiyök. Melkizedek qet mianjö könañi mi “ahakmeme solanñañgö kiñ kembuñi.” Qetñañgö dop mutuk “ahakmeme solanñañgö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet mianjö könañi mi “luaigö kiñ kembu”.

3 Melkizedeknöñ iwinamñi aka saiwaurupñi qahö, ahuahu nalöñi qahö aka kömukömuñi qahö.\* Mewö jike nup galöm bohonñi aka nalö teteköñi qahö mal öngöma. Yañön Anutugö Nahöññañgö tandök ewö akza.

4 Bömönjalönini Abrahamgö gödaqege silikñan Melkizedekö könañi kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengörenjök börö yahöt (10) pakpak kewöta bahöñi mohot memba Anutugö nalukña al wañgi mianjöra Melkizedeknöñ mönö ölna öngöñgöñi ketanñi qainñi kun akza.

5 \*Anutunöñ Köna keuñan keu kewö jim kutum nenñii ahöza, “Liwaigö gwölönarökurup al engigetka jike nup meme azi (Liwait) aketka könagesö enön mönö sukinapñini börö yahöt (10) pakpak kewöta miengörenjök bahöñi mohot memba Anutugö naluha al engimakñe.” Yeñön inñi ewö Abrahamgö gwölönarökurupñi akzemö, mi tondup nanñini könagesöurupñini engö böröñineyök naluknini mi buña qem angumakñe.

6 Jimkutukutu keu mewö ahözapmö, Melkizedeknöñ Liwaigö gwölönarökñi kun qahö akza. Mi tondup Abrahamnöñ Anutugö jöhöjöhö keu möt angön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuatköm wañgiyök.

7 Ketanñamñinañgö nembö bapñine maljini, yeñön mönö kötuatköm nenñigetka maljin. Keu mi qañ kölbingö osimakzin.

8 Könagesö nenñön tenöhök mohot memba Anutugö naluha alakzini, mi gölmegö jike nup meme (Liwait) ambazipnöñ buña qem angumakze. Yeñön gölmenöñ mala kömumakzemö, Suep mire euyañgören kungöra nangöba jigetka köhöiba mal öngömawi, yañön mönö mi buña qem angumakza.

9 Abrahamnöñ sukinapñi kewöta börö yahöt (10) pakpak miengörenjök bahöñi mohot memba Anutugö nalukña alöhi, yañön mi gwölönarökñi Liwaigöra mewöyök qeljñe alök. Mewö jiinga ölop dop kölbawak. Nalö kewöñe tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze.

\* 6:19: Lew 16.2 \* 6:20: Sum 110.4 \* 7:1: Jen 14.17-20

\* 7:3: Buña Keunöñ Melkizedekö iwinamñi aka \* 7:5: Jan 18.21

<sup>10</sup> Liwaigö salupne mewöyök naluk alöhi, miangö könanji kewö: Liwainöñ amböñangö körö urune tariga Melkizedeknöñ mönö nalö miangören kaba Abraham miwikñaiyök. Mewö.

*Melkizedek mi Jisösgö söpsöpñi akza.*

<sup>11</sup> Anutunöñ Köna keunan Israel ambazip jim kutum nenngiiga miangö dop Liwai kambunöhök azi kungum enjiinga jike nup galömnina aket. Nup mi megetka mewö miangön aködamunini pakpak miwikñaibinak ewö, nini mönö jike nup galöm qainñi kungöra qahö osibinak. Nup miangö ölnan qahö dop kölöhanğöra aka Jisösnöñ mönö Melkizedek ewö asuhuyök. Ambazipnöñ i Arongö arenangö dop qahö kungugetka asuhuyök.

<sup>12</sup> Jike nup galöm nupñangö könanan uteközawi, nalö miangören köna keuninan mönö mewöñanök uteköza.

<sup>13</sup> Jike nup galöm qainñi kun keu mi Kembuninangöra jizinmö, yanön Liwai kambunöhök qahöpmö, mönö kambu kunöhök asuhuyök. Kambu miangö azi kunñan mönö jöwöwöl jikegö altanöñ kinda nup qahö memba malök.

<sup>14</sup> Kembuninan Juda kambunöhök asuhuyöhi, keu mi aukne ahöza. Mosesnöñ Juda kambu yeñon jike nup galöm kölmegö keu kun qahö jiyök.

*Jike nup galöm Melkizedek ewö kun*

<sup>15</sup> Miangöra jike nup galöm kun Melkizedekö tandök ewö asuhuzawi, miangön mönö keu jizinangö ölni mi aukneyök kondeliga dopne akza.

<sup>16</sup> Yanön gölme ambazipnöñ Köna keu wuatangöba kambuñangö dop jim kutugurangöra aka jike nup galöm qahö ahökmö, malmal köhöikñi qahö ayapkömawi, miangö kukösumñan mönö nam köl wangiiga jike nup galöm ahök.

<sup>17</sup> \*Kunöñ yangö könanji nangöba jiiga Buña Kimbinöñ kewö ahöza, “Göñon Melkizedek ewö jike nup galöm aka nalö teteköñi qahö mal öngöman.”

<sup>18</sup> Anutunöñ mewö jiba jimkutukutu mutukñi mi qeapköyök. Keu miangö kukösumñan qahöwahiga bauköm nenngimapkö osimakzawi, miangöra mi qeapköyök.

<sup>19</sup> Köna keunöñ ambazip aködamunini miwikñaibingö qahö bauköm nenngiyök. Qahö. Miangöra keu aren mutukñi qeköba salupne jörömqöröm qetpuk sorok nenngiza. Nini jörömqöröm miangö qakne kinda ölop Anutugö kösutne anda köulukömakin.

<sup>20</sup> Anutunöñ jike nup galöm dölokñangö keunji jiba mi jöjöpañ keunan jim köhöiyök. Mewö ahökmö, jike nup galöm tosatñi yeñgö keunini mi jöjöpañ keunöñ qahö jim köhöigetka töndup mewö aket.

<sup>21</sup> \*Tosatñan jike nup galöm öne aketmö, Anutunöñ Jisös kunguba keunji mi jöjöpañ keunan jim köhöiba yangöra kewö jiyök, “‘Gi mönö jike nup galöm aka nalö teteköñi qahö mal öngöman.’ Kembunöñ keunji mi jöjöpañ keunan jim köhöiba urunan mi qahö uteköma.”

<sup>22</sup> Jöjöpañ keu miangöra aka Jisösnöñ mönö jöhöjöhö aren dölokñangö ölni asuhumapkö galömnji akza. Mewö Anutu aka ambazip sutnine nup memba malja. Jöhöjöhö aren miangön walñi ongita qetpuk sorok akza.

<sup>23</sup> Jike nup galöm tosatñi mi mönöwök gwötpuk malget. Kömumba nupñini toroqeba membingö osigeri, miangöra mi mönö gwötpuk malget.

<sup>24</sup> Yeñon gwötpuk malgetmö, Jisösnöñ nalö teteköñi qahö mal öngömawi, miangöra jikegö galöm nup mi mönö teteköñi qahö memba mal öngöma.

<sup>25</sup> Nup mi memba maljawangöra Jisösnöñ ambazip yangören kagetka enguangiri Anutugö kösutne anakzei, mi ölop köhöiba amöt qem enjii keuninan kömumakza. Nalö dop yeñgöra aka Anutu köulukömak-ñapköra maljawi, miangöra mönö ölop amöt qem nenngim tekömakza.

<sup>26</sup> Jike nup galöm bohonñi mewöñan mönö ölop dop köl nenngiza. Yanön töröñi köpösihitkö keunji qahö aka sarakñi akza. Anutunöñ Jisös siñgisöndok ambazip

\* 7:17: Sum 110.4 \* 7:21: Sum 110.4



nenğörenek tirin kutuba wanğiri Suep jakeni pakpak kutuba euyangören öngöba qainni kun akza.

<sup>27</sup> \*Jike nup galöm tosatnan sömañi sömañi mutuk nanñini singisöndokñinağöra aka miangö andöñe könagesö yenğö singisöndokñinağöra aka sömbupnön jöwöwöl ohoba maljema. Jisösnön nanñi silenji köleñniga jöwöwöl ohoho ewö ak wanğigetka mewö mianñon könagesö nenğö singisöndoknini mi indim mohot miangörenök lök köl könjörari dop köl teköza. Mianğöra Jisösnön mi jike nup galöm tosatni ewö nalö dop ahakñapkö qahö osiza.

<sup>28</sup> Anutunön Köna keuñi Moses wanğiiga miangö dop ambazipnön azi mi kuñgum enğigetka jike nup galöm bohonñi ahakze. Gölmee azi yenñon kukösumñini qahö maljemö, Anutunön oyaenköyaen akingö keuñi mi könañgep nenğiba mi jöjopañ keuñan jim köhöiyöhi, miangö dop Nahönñi kuñguiga bohonini akza. Bohonini yanñon mönö aködamunñi körek pakpak lök miwikñaiba nalö teteköñi qahö köhöikñi mal öngöba malma. Mewö.

## 8

### *Jöhöjöhö areñ dölökñağö jike nup galöm bohonñi*

<sup>1</sup> \*Keu jizini, miangö keu kötni bohonñi mi kewö: Nini mönö jike nup galöm bohoninambuk akzin. Bohonini yanñon mönö Suep mire öngöba Öngöñgöñamnini yanğö jakömbuak dum tatat qöhöröñe böröñi ölñe tatza.

<sup>2</sup> Opo seri jike ölñi mi Suepnön ahöza. Mi gölmee azinön memenji qahöpmö, Kembunön nanñak mi meyök. Jike nup galöm bohonini yanñon mönö opo seri jikegö olenji törönji kötökñi miangören mala Anutu welenni qemangö nupñi memakza.

<sup>3</sup> Gölmegö jike nup galöm bohonñi pakpak mi naluk kalem Anutugöra ala sömbupnön jöwöwöl ohoba malmegöra kuñgum enğimakzin. Mianğö dop jike nup galöm bohonini Jisösnön mewöñanök nanñi Anutugö nalukña al wanğiyök.

<sup>4</sup> Mosesgö Köna keugö dop naluk kalem Anutugöra alakingöra azi lök kuñgum enğigetka malje. Mianğöra jike nup galöm bohonini mianñon gölmenön malbawak ewö, yanñon mönö gölmegö jike nup galömñi akñaamgö osibawak.

<sup>5</sup> \*Gölmegö jike nup galöm yenñon gölmegö jöwöwöl jikenön Anutu welenni qebingö nupñi memakze. Jike mianñon mönö Suep jike kömbukñağö söpsöpñi aka imutñi akza. Mosesnön jike kömbukñi opo serinön memangö ahöhi, nalö miangören Anutunön Suep jikenñağö areñi mi indelök. Indel teköba galöm meme keuñi kewö jii mörök, “Mötnön, kundunje malnönğa areñ kondel gihiali, yuai pakpak mönö miangö dop törörök wuatağöba memam.” Mianğö dop opo serinön jöwöwöl jike meiga mianñon mönö Suep jikegö korembinji ahök.

<sup>6</sup> Anutunön oyaenköyaen akingö jöhöjöhö keu dölökñi nenğiiga mianñon jöhöjöhö keu walñi onğita ölöp sorokñi akza. Jöhöjöhö keu mianñon areñ dölökñağö tandöñi akza. Jöhöjöhö areñ dölökñi mianñon mönö areñ walñi onğita qetbuñañambuk akza. Qetbuña miangö dop Jisösnön jöhöjöhö areñ dölökñağö nupñi ölöp sorokñi mi buña qem anguba Anutu aka ambazip sutnine kinda bauköm nenğimakza. Nupñi mianñon mönö gölmegö jike nup memenji mi gwötñuk onğita aködamunñambuk akza.

<sup>7</sup> Jöhöjöhö areñ mutukñan keuñi qahö aka dop kölbawak ewö, jöhöjöhö areñ könañgepñan asuhumapköra öne qahö mamböt-pinak.

<sup>8</sup> \*Mewömö, ambazipnön töndup böligetka Anutunön könañini miwikñaiba jim enğiba kewö jiyök, “Kembu nönñon kewö jizal: Mötket! Nalö kun kam kuñgumawi, miangören Israel kambu aka Juda kambu embuk jöhöjöhö areñ dölökñi akñaam.

- <sup>9</sup> Nöñön ambösakonurupñini böröñine memba Ijpt kantrinöhök enġuanġitpiga yaigep kagetka yembuk jöhöjöhö areñ ahalmo, yeñön nöñgö jöhöjöhö areñ mi qahö qekötahöba tem kölget. Mianġöra nöñön mewöñanök i andö enġuyal. Kembu nöñön mewö jizal. Jöhöjöhö areñ dölökñi akñami, mi Buña keu walñanġö dop qahö.
- <sup>10</sup> Mewö qahöpmö, nalö mianñön kam kuñguiga Kembu nöñön mönö Israel könagesö yembuk jöhöjöhö areñ dölökñi kewö aka jimam: Nöñön mönö nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutuñini akiga yeñön mönö nöñgö könagesöni aka malme.
- <sup>11</sup> Nalö mianġöreñ ketanji moröñi mi körekmakörek nöñgö könani möt yaköba malme. Mianġöra böhi kunöñ Kembuġö könanji mötmegöra sutñine qahö kusum enġiba malma. Datñan munñanġöra kewö qahö jima, ‘Gi mönö Kembu möt yaköman.’
- <sup>12</sup> Kewögöra ni möt yaköm niñgiba malme: Nöñön ahakmemenini bölöñi mi sanġonġa mosötman. Siñgisöndokñinanġöra mönö ölum nuñgui mi qahö toroqeba mötmörimam.”
- <sup>13</sup> Anutunöñ jöhöjöhögöra “Dölökñi” jiba mewö mianñön jöhöjöhö areñ mutukñanġöra “Mönö walñi ahök,” jiuga könanji mewö asuhuyök. Keu areñ kunöñ nalö köröpñi ahöba walñi akzawi, mianñön mönö ayapkömamġö dop akza. Mewö.

## 9

### *Gölmegö opo seri jikenöñ Anutu kewö möpöseiget:*

<sup>1</sup> Anutunöñ jöhöjöhö areñ mutukñi aka mianġöreñ mewöyök waikñi memba möpöseibingö areñi mi jim kutui wuatañġöget. Mi wuatañġöba gölmenöñ opo seri jike megetka ahöyök.

<sup>2</sup> \*Anutugö opo seri jike kömbukñi mi kewö meget: Jike olenji mutukñi mianġöreñ lambegö dum tatatñi aka beret kömbukñi mi Anutugö jemesoholñe tebolnöñ buñaña alget tarök. Jike uruñi mianġö qetñi mi jike olenji kömbukñi.

<sup>3</sup> \*Mianġö andöñe jike uru qetñi jike olenji töröñi kötökñi mi ahöyök. Jike olenji yahöt mietkö sutñire opo sel kinök.

<sup>4</sup> \*Jike olenji töröñi kötökñi mianġöreñ jiniñ ohohogö altanji aka jöhöjöhö areñgö bokisñi mi ahöyohot. Altanji mi goulñöñ memenji aiga bokis silenji mi körek goulñöñ turuturuñi ahök. Paura qetñi mana mi goul kumbutnöñ ala bokis mianġö uruñe galöm kölget. Mewöyök Arongö öröpñi sötnji jujulñi aka Anutunöñ jöhöjöhö areñi kötnöñ ohoi ilanji mi bokis mianġö uruñe galöm kölget. Bokis uruñe yuai karöbut mi mewö ahöget.

<sup>5</sup> \*Bokis qakñe imut yahöt goulñöñ memenji mi Anutunöñ dowe mali asakmararañanġö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl köñjörat dumñi ahök. Keu mohot mohot mi nalö kewöñe nanñök nanñök törörök eraum mötpinañġö dop qahö.

<sup>6</sup> \*Anutugö opo seri jike kömbukñanġö yuai pakpak mi mönö mewö areñġögetka ahöiga jike nup galöm yeñön nalö dop jike olenji mutukñi mianġöreñ öñgöba Anutu welenni qeba nupñini memba malget.

<sup>7</sup> \*Mewö malgetmö, jike nup galöm bohonñi yañönök (yara) yambu dop indimñi mohot mianġöreñ jike olenji töröñi kötökñi mianġöreñ öñgöba malök. Sep memba mianġöreñ öñgöba nanñanġöra aka könagesö yeñön gukmaulem qakñe siñgisöndok akeri, mönö mianġöra aka jöwöwöl ohoba sepñi mokoï erök.

<sup>8</sup> Mewö areñġöba aketka Uña Töröñan söpsöp mi kondela mianñön ambazip kewö kusum nenġiba malök: Jike olenji mutukñan toroqeba kinjawi, nalö mianġöreñ Anutunöñ jike olenji töröñi kötökñanġö könanji mi aukñe qahö indeliga malget.

\* **9:2:** Eks 26.1-30; 25.23-40    \* **9:3:** Eks 26.31-33    \* **9:4:** Eks 30.1-6; 25.10-16; 16.33; Jan 17.8-10; Eks 25.16; Dut 10.3-5    \* **9:5:** Eks 25.18-22    \* **9:6:** Jan 18.2-6    \* **9:7:** Lew 16.2-34

<sup>9</sup> Keu mi nalö kewöñangö söpsöpñi akza. Könañi kewö: Ambazipnönñ kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, mianñon mönö siñgisöndok-ñini köl köñjöratpingö osimakze.

<sup>10</sup> Nene kalem aka o kalem memba kaba an köl kam köl aketka o melun könañi könañi mem engimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölöknangö nalöñan kam kuñguiga mianğöreñök könahiba qahö toroqeba dop kölma. Mewö.

### *Kraistkö sepñangö könañi*

<sup>11</sup> Kraistnönñ kaba oyaenköyaen nengimakzawangö jike nup galöm bohonñi ahöhi, yañön gölmegö opo seri jike kömbukñi azinönñ memenñi mianğöreñ qahö öngöyökmö, mönö Suepkö jike kömbukñe öngöyök. Jike kömbukñi mianñon öngöñgöñi akza. Aködamunñan mönö asakmarararñambuk.

<sup>12</sup> Mianğöreñ öngöba uruñi mutukñi kutuba meme (noniñ) aka bulmakau moröñi mienğö sepñini qahö memba anökmö, nanñi sepñi mokoiga mianñon nam köl wañgiiga Suepkö jike olenñi töröñi kötökñi mianğöreñ öngöyök. Mianğöreñ nalö mohotkö dop öngöiga dop köl teköza. Sohopeni mewö memba oyaenköyaen akingö kondoriga nalö teteköñi qahö dop köla ahöm öngöma.

<sup>13</sup> \*Mutuk meme (noniñ) aka bulmakau azinñi enguba sepñini memba kaba bulmakau ambi seramñi mianñon jöwöwöl ohoba mianğö bupgahajöñi mewöyök memba kaba ambazip kölköl-jinjinambuk mianñon qewösahöba engömirigetka dop köl engiyök. Mewö amöt qem engigetka mianñon silenñi sanğonda mem sarahim engii malget.

<sup>14</sup> Mewö aket ewö, Kraistkö sepñan mönö amötqe qe tandök mi gwötpuk onğita kewö ak nengimakza: Sepñan mönö urunini tölöhoi sanğonda kömup köhöikñangö buña akingö ahakmemenini mi köl köñjörarakza. Mewö ak nengiiiga malmal Tonñi Anutu welenni qebingö nupñi mi anqeba memba malbin. Uña Töröñan mala kota teteköñi qahö mal öngömawi, yañön mönö Kraist bauköm wañgiiga köpösihitñi qahö malökmö, nengöra aka nanñi köleñ anguba Anutugö jöwöwöl lamanñi ahök.

<sup>15</sup> Könañi kewögöra Kraistnönñ jöhöjöhö areñ dölöknangö galöm bohonñi akza: Anutunönñ ambazip oyaenköyaen aka nalö teteköñi qahö mewö malbingö keu jöhöba engoholöhi, mienñon Anutugö Buñañi mi buña qem angumegöra mötza. Mianğöra Kraist aliga Anutu aka ambazip sutnine urumohot akingö nupñi memba malja. Jöhöjöhö areñ mutukñangö nalöñe ambazipnönñ köna onğita siñgisöndok aketka mianñon jöhöm engii malgeri, Kraistnönñ i mienğöreñök pösat engimangöra aka kömumba sohopeni meyök.

<sup>16</sup> Kunñan öröyuainñi pakpak malmalñi tekömawi, mianğöreñ alañangö buñañi akñapkö jim kutui keu ahözawi, alañan buña mi zilañ qahö mema. Zilañ qahöpmö, keu tonñan kömui könañan aukñe asuhui eketka mianğöreñ mi ölop buña qema.

<sup>17</sup> Jebuk maliga nalö mianğöreñ keunñi mianñon ölnambuk qahö akñapmö, keu tonñan kömuigun keunñan mönö kukñambuk akña.

<sup>18</sup> Keu mianğö dop jöhöjöhö areñ mutukñi mi mewöyök sep qahö öne ölnambuk qahö ahök.

<sup>19</sup> \*Ölnambuk kewö ahök: Mosesnönñ Köna keugö jöjöpanñ keu pakpak mi könagesö körek yengöra oyonğagun mönö bulmakau moröñi aka meme (noniñ) enguiga sepñinan erök. Eri mi memba obuk mindiriba lama jupñi pisikñi gugakgugak memba songorep sunje jöhöba sepñonñ kundumgöba qewösahöi Köna keu Kimbi lama silenñe ohoba lipiñgögeri, mi miriyök. Mi miribagun könagesö pakpak sutnine liliköba sep onönñ kundumgöba giliga mianñon qewösahöi engömiriyök.

\* 9:13: Lew 16.15-16; Jan 19.9, 17-19 \* 9:19: Eks 24.6-8

<sup>20</sup> Mewö enğömiriba kewö jiyök, “Anutunöŋ keuŋi tem kölmegöra jim kutum enğiba embuk jöhöjöhö akzawi, mönö mianğö sepŋa ki.”

<sup>21</sup> \*Mewöŋanök opo seri jike kömbukŋi mi tok sepŋöŋ kundumğöba giliga mianğön kundumğöba miriyök. Amötqeŋe nup memegö aködamun yuaini pakpak mi mewöyök kundumğöba gili miriyök.

<sup>22</sup> \*Köna keunöŋ jim kutuzawaŋgö dop i me wai pakpak mi mönö sepŋöŋ saŋgoŋninga sarakŋi ahakza. Kunöŋ sep qahö mokoza ewö, Anutunöŋ mönö siŋgisöndoknini qahö mosötma. Mewö.

*Kraistkö sepŋan siŋgisöndoknini köl könjöarakza.*

<sup>23</sup> Suep jike kömbukŋaŋgö söpsöp imutŋi imutŋi mi gölmenöŋ jöwöwöl ohoho aka mewö mianğön amöt enğuetka sarakŋi aketka dop köljamö, Suepkö öröyuaigöra mi qahö dop kölja. Mianğöra Kraistnöŋ jöwöwöl ohoho qainŋi kun aka mianğön Suep jikegö öröyuaini pakpak mi mönö amöt enğuga sarakŋi aketka dop kölök. Jöwöwöl ohoho qainŋi kun mianğön mönö gölmegö jöwöwöl ohohöŋi oŋgita aködamunŋambuk akza.

<sup>24</sup> Mianğö könaŋi kewö: Kraistnöŋ jöwöwöl jike oleni töröŋi kötökŋi azinöŋ memeni mianğöreŋ qahö öngöyök. Mi Anutugö jike ölnaŋgö söpsöpŋi miyök ahök. Kraistnöŋ mönö Suep miri ölni mianğöreŋ öngöba nalö kewöŋe bauköm neŋgimakŋapköra jitejemeneni aka Anutugö jemesoholŋe asuhumakza.

<sup>25</sup> Jike nup galöm bohonŋan yambu (yara) dop sömbup sepŋini memba jöwöwöl jike oleni töröŋi kötökŋi mianğöreŋ öngöba malök. Kraistnöŋ mianğö dop qahö ahakza. Yaŋön Suep mire indimŋi gwötpuk qahö öngöyök. Anutugö jöwöwöl lamaanŋi aiga yambu (yara) dop qemakŋegöra aka eu qahö öngöyök.

<sup>26</sup> Indimŋi mohotŋan qahö dop kölbowak ewö, yaŋön mönö Anutunöŋ Suep gölme mi-wikŋaim etkiyöhi, nalö mianğöreŋök könahiba sihimbölöŋi bölöŋi möri indimŋi sehisehiŋi akawak. Mewö qahöpmö, gölmegö nalöŋan tekömamgö aiga nalö kewöŋe indim mohot miyök siŋgisöndok köl könjöratmapköra aka asuhuyök. Asuhuba nanŋi jöwöwöl ohoho ewö ak waŋgimegöra al aŋguyök.

<sup>27</sup> Gölme ambazip neŋgö areŋnini kewö ahöza: Nini nalö kunöŋ kömumbin aka mianğö andöŋe Anutunöŋ keunini kewöta jim teköm neŋgima.

<sup>28</sup> \*Areŋ mianğö dop Kraistnöŋ mewöŋanök ambazip sehisehiŋi neŋgö siŋgisöndoknini köl könjöratmapköra indim mohotkö dop kaba nanŋi jöwöwöl ohoho ewö ak waŋgimegöra al aŋguyök. Yaŋön nalö kunöŋ liliŋgöba kama. Siŋgisöndököra aka kunbuk qahö kamapmö, ambazip asuhumapkö mambörakzini, mönö nini oyaenjkoyaen neŋgiba neŋguaŋgitmapköra aka asuhuma. Mewö.

## 10

*Indim mohot kömupnöŋ al aŋgui dop köl teköza.*

<sup>1</sup> Köna keu walŋi mianğön oyaenjkoyaen akingö könaŋi ölni qahö akzapmö, oyaenjkoyaen asuhumawaŋgö imutimutŋi miyök ahöza. Köna keugö könaŋi mewö ahözawaŋgöra aka ambazip Anutu möpöseibingöra jike kömbukŋe nalö dop öngömakzei, yeŋön mönö letota aködamunŋinambuk akingö osimakze. Yeŋön nalö teteköŋi qahö naluk kalem waŋgita ala jöwöwöl ohoho miyök yambu (yara) dop toroqeba aka malgetmö, mianğön qahö dop kölök.

<sup>2</sup> Mianğön dop kölbowak ewö, jöwöwöl ohoho mi ölop mosötpeak. Jike kömbukŋe Anutu waikŋi memba möpöseigeri, yeŋön indim mohot amöt enğuetka sarakŋi ak teköbeak, mewö mönö siŋgisön-dokŋinaŋgö gamuŋi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukŋina almalget.

\* 9:21: Lew 8.15 \* 9:22: Lew 17.11 \* 9:28: Ais 53.12



<sup>3</sup> Yambu (yara) dop jöwöwöl ohoba malgeri, mianjón mönö toroqeba sinjisöndokñinanjö gamunji mi jim gulim engii malget.

<sup>4</sup> Bulmakau aziñi aka meme (noniñ) yengö sepñinan mönö sinjisöndok köl könjöratmapkö osiza. Mi esapkögetmö, qaköba mala kotket.

<sup>5</sup> \*Miangöra Kraistnöñ gölmenöñ eta asuhuyöhi, nalö miangörej kewö jiyök, “Anutu, göñön naluk kalemgöra aka jöwöwöl ohome-göra qahö köpösöngöba malnöñmö, gölmenöñ malmalgö silenji mi mözözömgöba niñginöñ.

<sup>6</sup> Jöwöwöl ohoba sinjisöndokñinanjöra aka naluk kalemñi kalemñi ala malgeri, mi eka miangöra qahö söñgaiba malnöñ.

<sup>7</sup> Nalö miangörej kewö jial, ‘Anutu, mötnöñ, nöñön ki kazal. Nöñgö könani mi papia lipiñlipiñi miangörej ohogetka ahöza. Miangö dop mönö göhö sihingahö dop aka memba malmam.’”

<sup>8</sup> Mutuk kewö jiyök, “Naluk kalem ala jöwöwöl ohoba sinjisöndokñinan solanimapköra yuai könañi könañi aka malgeri, miangöra mönö sihingan qahö asuhui möta malnöñ. Mi eka miangöra qahö söñgaiba malnöñ.” Yuai mi Köna keu walñanjö dop toroqeba ahakzemö, mi töndup mewö jiyök.

<sup>9</sup> Miangö andöñe keu kewö jiyök, “Anutu mötnöñ, nöñön mönö ki kaba göhö jitsihitkahö dop aka memba malmam.” Mewö jiba Anutu waikñi memba möpöseibingö könañi mutukñi mi qeapköba köna dölokñi kunguyök.

<sup>10</sup> Anutugö jitsihitñan nam köl wañgiiga silenjan jöwöwöl ohoho ewö aket teköi miangöra mönö tök kutum nenñii sarakñi ak teközin. Indim mohotkö dop silenji köleñniga mianjón nalö dop mönö söp köla ahöm öñgöma.

<sup>11</sup> \*Nalöñi nalöñi jike nup galöm pakpak mienjón kinda jike nupñini memakze. Sundan dop jöwöwöl ohoho miyöhök dumñe kunbuk ahakzemö, mienjón sinjisöndokñini köl könjöratpingö osimakze.

<sup>12</sup> \*Mienjón osimakzemö, Suepkö jike nup galöm bohonñan mönö indim mohotkö dop sinjisöndoköra aka silenji köleñniga nalö teteköñi qahö dop köla ahöm öñgöma. Jöwöwöl ohoho ewö ak wañgigetka Suep jikenöñ öñgöba Anutugö böröñi öñe tatza.

<sup>13</sup> Miangörej tata nalö sutñi kiangörej Anutunöñ tuarenjoñurupñi tötali et enñuiga Kraist könañanjö döññi\* aketka köirañ kölbingö mamböta malja.

<sup>14</sup> Indim mohotkö dop kömupnöñ al anñui jöwöwöl ohoho ewö ak wañgigetka mianjón dop köl teköi ölop ambazip tök kutum nenñii sarakñi akingö dop akzin. Mewö ölop mem letot nenñiiga aködamunini pakpak miwikñaiba nalö teteköñi qahö mewö mal öñgöbin.

<sup>15</sup> Uña Töröñan mewöyök keu mi nañgöba jiiga mötzin. Mutuk keu kewö jii ahöza:

<sup>16</sup> \* “Kembu nöñön kewö jizal: Nalö tosatan tekögetka miangörej mönö jöhöjöhö aren yembuk akñami, mi kewö: Nöñön Köna keuni pakpak mi mönö uru könöññine ala mötmötñine kimbi ewö ohomam.”

<sup>17</sup> \*Mewö jiba kewö toroqeyök, “Nöñön mönö yengö sinjisöndok-ñini aka ahakmemenini iwilelebuk akeri, miangöra ölum nuñgui mi qahö toroqeba mötmöriba malmam.”

<sup>18</sup> Keu miangö dop Anutunöñ mi mosöri keuninan kömuyöhi, sinjisöndok mienjöra jöwöwöl ohobinanjö dop qahö akzin. Mewö.

### *Anutubuk kapañ köla malbingöra nenñgohölök.*

<sup>19</sup> Miangöra urumelen alaurupñini, Jisösgö sepñan sañon nenñiiga mönö ölop Anutugö jike olenji töröñi kötökñi miangörej öñgöbin. Mewö möt narim köhöiba uruyahöt qahö ahakzin.

\* **10:5:** Sum 40.6-8 \* **10:11:** Eks 29.38 \* **10:12:** Sum 110.1 \* **10:13:** Kerökurupñi memba et al enñgiba luhut ala gamu qem enñgibingöra könañinan tuapköba qakñine döp ewö tölanjiba malget. Juda yengörej köna mewö. \* **10:16:** Jer 31.33 \* **10:17:** Jer 31.34

<sup>20</sup> Jisösnöñ köna anangö köna dölökñi mesariga nanñak malmal köhöikñangö könañi ak neñgiza. Köna mi nanñi sileñi köleñda mewö mianñon mesari ahöza. Köna mi tiba Anutugö jikeñangö opo selñi kutuba jike oleni töröñi kötökñi mianñoreñ öñgöbin. Jisösgö sileñan nam köl neñgiiga opo selñi mi ölop kutubin.

<sup>21</sup> Jisösnöñ jike nup galöm öñgöñgöñi ak neñgimakza. Yanñon Anutugö könagesöñi pakpak galöm köl neñgiba malja.

<sup>22</sup> \*Mewö maljawangöra neñon mönö geñmon mosöta uruyahöt körek yaköriba pöndañök mötnarip çakñe kinda Anutugö kösutñe anda köuluköba malbin. Sepñan qewösahöi neñgömiriba uru tölöhopnini sanñonñiga sarakñi aka malbin. Uruninan çahö toroqeba jim neñgiiga mönö awösamkakak malbin. O sarakñi ariinga mem tuarim neñgiiga mewö mönö Anutubuk çekötahöba malbin.

<sup>23</sup> Anutunöñ oyaenköyaen akingö keu jöhöba neñgiyöhi, yanñon mönö keuñi pöndañ wu-atañgöba nembuk kinja. Mewö kinjawangöra aka mewö akingö mamböta jörömqörömñi jim miwikñaimakzin. Mianñoreñ mönö konñwarak mosöta zeñ kin köhöiba malbin.

<sup>24</sup> Urukalem aka ahakmeme ölopñi akingöra mönö uru kuñgum aka nanñöm anñuba malbin. Mewö malbingöra mönö pöndañ galöm mem anñuba malbin.

<sup>25</sup> Tosatñan nanñini urumelen könagesögö totokonñi mosörakzei, neñon mönö silik mianñö dop kude aka malbin. Mewö çahöpmö, Kembu kamawangö aiwesökñi eka nalöñan dopdowimapkö mötzini, mianñö dop mönö kapan köla köhöiba uru kuñgum anñuba malbin.

<sup>26</sup> Buña keu ölni mötagun nanini imbi-imbi çakñe siñgisöndok lañ akin ewö, siñgisöndoknini mianñöra mönö naluk jöwöwöl kun albingö osibin. Jöwöwöl ohoho kun mi çahö bauköm neñgima.

<sup>27</sup> \*Mi çahö bauköm neñgimappmö, Anutunöñ keunini mi jim teköba likepñi melenñi çaknine öñgömapkö mamböringa jönömninan undui keñgötnini möta malbin. Anutugö könöpnan tuarenñon-urupñi enñgohomawi, mianñö kukñi miyök asuhumapköra mönö mamböta malbin.

<sup>28</sup> \*Kunñan Mosesgö Köna keu andö qezawi, i mönö keu jakeñe algetka yahöt karöbutñan keuñi nanñöba jigetka keuñambuk akña ewö, i mönö kude ak kömum wanñigetka kömupkö buñaya akña.

<sup>29</sup> \*Mewö akñapmö, ambazip kun kewöñangö keuñangöra mönö denöwö mötmörize? Kunöñ Anutu Nahöññangö keuñi könañan tökötahöba gilakza. Jöhöjöhö areñ dölökñangö sepñan lök tök kutum wanñii sarakñi ahökmö, sep mi yuai omanñi ewö memba et alakza aka kalem möriam Toñi Uña Töröñi mi ilita mepaqepaik ak wanñimakza. Kunñan mewö aiga Anutunöñ keuñi kewöta likepñi dawikö dop wanñii dop kölbawak? Köna keu qetala kömupkö buñaya akingö dop akzinmö, Anutunöñ ambazip mewöñangö likepñi mi mönö könöpuk ak wanñii çakñe öñgöi sihimbölö önöñi çahö möta malma. Wani sihimbölönöñ mönö dop köl wanñibawak? Yanñö könañangöra mönö denöwö mötmörize?

<sup>30</sup> \*Keu kun kewö ahöza, “Jinöñ jibi, nuñgunöñ guhubi, aknöñ aki mi nöñgö nuwa. Nöñon mönö ambazip keuñinangö likepñi melenñmam.” Toroqeba keu kun kewö jii ahöza, “Kembunöñ könagesöurupñi enñgö keuñini kewöta jim teköma.” Kun danñon mewö jiyöhi, neñon i möt wanñizinin.

<sup>31</sup> Anutu malmal Toñangö jeñe kinda et neñgui böröñan neñgumawi, mianñon mönö kanñamñambuk kötökñi akña. Mewö.

<sup>32</sup> Löwöribepuköra kewö jizal: Anutugö asakñan kaiga buña qem anñuba asarigeri, mönö nalö mutukñi mi mötmöriba malme. Nalö mianñoreñ mötnaripkö bim qeba sihimbölö gwötpuk miwikñaiba mi töndup aum-möriba aonñgit aka kin köhöiget. Mi mönö kude ölum enñguma.

\* **10:22:** Lew 8.30; Eze 36.25    \* **10:27:** Ais 26.11    \* **10:28:** Dut 17.6; 19.15    \* **10:29:** Eks 24.8    \* **10:30:** Dut 32.35, 36

<sup>33</sup> Nalö tosatje gamu qem engiget könjilin mötketka qenjaröknöñ engehiba malget. Nalö tosatje alaurupñini tandök mewöyök ak engigetka yengö qöhöröñine kinget.

<sup>34</sup> Tosatñi kösö mire alget tatkeri, mönö i engeka sihimbölöñini mohotje möta malget. Sukinapñini kiom qeba megeri, mi mönö sösöñgai qakñe möt anğön köla malget. Suepkö ainemaluku qainñi kun qahö ayapkömawi, mi ahöm engizawañgö möta mianğöra urukölalep möta malget.

<sup>35</sup> Mianğöra awösamkakakñini mönö nalö kewöñe kude gila mosötme. Mi kude mosötketka Anutunöñ mönö mianğö töwañi ketañi engima.

<sup>36</sup> Anutunöñ yuai engimapkö keu jöhöi ahözawi, enñon mi buña qem anğumegöra kinje. Mianğöra Anutugö jitsihitñi wuatangöba lömböt möta mököñda kapan köla malme ewö, Suepkö buñañi mianğön mönö engö buña akña.

<sup>37</sup> \*Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawañon mönö kam kuñguma. Nalöñi qahö qem körii öngömapmö, nalöñangö dop törörök kama.

<sup>38</sup> Törörök kamapmö, nöñgö alanan ahakmeme diñdñi wuatangömakzawi, yangö mötnaripñan mönö nam köl wañgii mal köhöim öngöma. Kunbuk eleñda mötnaripñi mosötma ewö, mi qahö dop köli urunan mönö yangöra qahö söñgaima.”

<sup>39</sup> Keu mewö ahözapmö, neñon ambazip uruñini kunbuk eleñda mötnaripñini mosöta könöp siagö buñaya akñei, mönö yengö kambunöñ qahö kinjin. Mewö qahöpmö, mötnaripñini mi mönö galöm kölinga Anutunöñ amöt qem neñgii mala Suep mire öngöbinangö dop akzin. Mewö.

## 11

### *Ambazip mötnaripköra aka yuai kewö asuhuyök:*

<sup>1</sup> Mötnaripkö könañi kewö: Yuaigö jörömçöröm akzini, mi asuhumapköra mönö köhöiba uruyahötñi qahö möt narizin. Yuai qahö ehekñi mianğö dop aka memba ölni ekingö mamböta awösamkakak kinjin.

<sup>2</sup> Möpñangö möpñeyök könahiba ambazip mötnaripñinan nam köl enğiiga uruñini melengetka Anutunöñ engehi dop köliga jim ölöwak enğiiga malget.

<sup>3</sup> \*Mötnaripñinan nam köl neñgii yuai pakpakö könañi kewö möt asarimakzin: Anutunöñ keuñi jim kutuba mianğön Suep gölmegö öröyuañi pakpak miwikñaiyök. Mianğöra nalö kewöñe yuai ehakzini, mi yuai ehekñi mianğöreñök qahö letota asuhuyök.

### *Abel, Enok, Noa yengö mötnaripñini*

<sup>4</sup> \*Kein (Kain) Abel yetkөн Anutugöra jöwöwöl ohoyohotka Abelnöñ uruñi melenñiga mötnaripñan nam köl wañgii törörök tem köliga köwakñan diñdñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solañi ahöhi, Anutunöñ keuñi mi nañgöba jiiga mötnaripñan nam köl wañgii mörök. Mewö möta mala kömuyökmö, mi töndup nalö kewöñe ahakmemenji möringa keu mianğön mönö toroqeba urunini kuñguba nañgöm neñgimakza.

<sup>5</sup> \*Azi qetñi Enok yañon mönöwök uruñi melenñiga Anutunöñ keuñi nañgöba jim ölöwahiga möta yangö jeñe dop köla malök. Mewö mala mali mötnaripñan Anutu nam köl wañgiiga wañgiri jebuk öngöyök. “Anutunöñ wañgiri öngöiga toroqeba miwik-ñaiwingö osiget.” Buña Kimbi mianğö dop Enok mötnaripñan anğön köl wañgiiga qahö kömuyök.

<sup>6</sup> Uruñi Anutugöreñ melenjawañon mönö keu kewö möt narima: Anutunöñ malja aka Anutunöñ ambazip yangö jeñe dop kölbingö jaruzei, mi töwa qem engima. Keu yahöt mi möt nariba ölop Anutugö kösutñe kamapmö, qahö möt narim wañgiba öne yangö jeñe dop kölbingöra mönö osibin.

\* **10:37:** Hab 2.3-4 \* **11:3:** Jen 1.1; Sum 33.6, 9; Jon 1.3 \* **11:4:** Jen 4.3-10 \* **11:5:** Jen 5.21-24

<sup>7</sup>\* Anutunöŋ Noagöra yuai asuhumapkö galöm meme keuŋi indelök. Indeli Noanöŋ möt asariba sömbuŋi qainŋi kun möta ölni qahö ehiga mötnariŋŋan nam köl waŋgiiga tem köla waŋge meyök. Anutunöŋ nanŋi aka saiwauruŋŋi aŋgön köl eŋgimapköra möta waŋge mi meyök. Noa mötnariŋŋan nam köl waŋgiiga waŋge meyöhi, ahakmeme mianŋön mönö gölme ambazip könaŋamŋini gonŋonŋi indeli Anutunöŋ keuŋini jim teköiga ayuhuget. Uruŋini qahö melenŋa ayuhugetmö, Noagö mötnariŋŋan nam köl waŋgiiga Anutugö jeŋe solanŋi akingö kalemŋi mi buŋa qem aŋguyök. Ambazip Anutu möt narim waŋgiinga keunini jim teköi solanimakzini, Noanöŋ mönö mianŋö dop solanŋi ahök. Mewö.

*Abraham Sara yetkö mötnariŋŋiri*

<sup>8</sup>\* Anutunöŋ Abraham gölme yaŋgö buŋa akŋapkö jiyöhi, mönö mianŋöŋeŋ anmapkö oholök. Oholi mötnariŋŋan nam köl waŋgiiga keu mi tem kölök. Denikeaŋgöŋeŋ anda aŋgotpawak mi qahö mörökmö, mi töndup nanŋi gölmeŋi mosöta anök.

<sup>9</sup>\* Anda Anutunöŋ gölme yaŋgö buŋa akŋapkö jim jöhöi ahöyöhi, mönö mianŋöŋeŋ aŋgorök. Aŋgota kian aka ambazip ahakmemeŋini qahö mörökmö, mötnariŋŋan nam köl waŋgiyö-haŋgöra mönö töndup opo koumŋi kuŋguba ali mianŋöŋeŋ ahöba malget. Isimoröŋi Aisak Jeikob yetköŋ mewöyök Anutunöŋ gölme eŋgimapkö jöhöjöhö keuŋi miyök buŋa qem aŋguba gölme mianŋöŋeŋ toroqeba opo koumŋini kuŋguba ala ahöba malget.

<sup>10</sup> Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti mianŋö arenŋi ala imutŋi memba miri tandöŋini esiba meiga pöwöwöm köhöikŋi ahöm öŋgömawi, mönö mianŋöŋeŋ aŋgotmamgö al mamböta opo koumnöŋ malök.

<sup>11</sup>\* Mewö mala lök azi namŋi aiga mötnariŋŋan nam köl waŋgiiga köhöiba iwi ahök. Abrahamgö anömŋi Sara yaŋön köpin malökmö, mi töndup gölöm ala morö meyök. Anutunöŋ Abrahamgö könagesöŋi ketanŋi akŋapkö keu jöhöm waŋgiyöhi, yaŋgöra aka keuŋan ölnambuk akŋapkö möt nariba malök. Mötnariŋŋi mianŋön mönö nam köl waŋgiiga nahönŋa asuhui ehök.

<sup>12</sup>\* Azi mohot mianŋö mötnariŋŋan nam köl waŋgiiga lök kömukömugö dop ahökmö, mi töndup yaŋgöŋeŋök könagesö keta bölökŋi asuhuget. Senŋelau suepnöŋ asarigetka jaŋgöŋini oyoŋbingö osizini, me sak köwet jitre ahözei, gwölönarökuruŋŋan mönö mianŋö dop sehiba asuhuget.

*Ambazip kewöŋan Suep mirigöra awöweŋgöba malget:*

<sup>13</sup>\* Ambazip kösohotŋini lök jizini, mi körek uruŋini melenŋa Anutu möt narim waŋgiba mala kömuget. Anutunöŋ gölme eŋgimapkö keu jöhöm eŋgii malgetmö, gölme mianŋöŋeŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmeŋöŋ mönö kiana aka qandak maljin.”

<sup>14</sup> Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze.

<sup>15</sup> Gölme mosötkeri, mianŋö mötmöriba keuŋi jibeak ewö, yeŋön mönö ölop lilingöba mianŋöŋeŋ angetka uruŋinan teköbawak.

<sup>16</sup> Mönö ölop lilingöbeakmö, yeŋön mianŋöra qahö mötmöriba malget. Mianŋöra qahöpmö, kantri qainŋi kun Suepnöŋ ahözawi, mönö mianŋöŋeŋ aŋgotpingö awöweŋgöba malget. Anutunöŋ yeŋgöra siti kun meiga ahözawi, mianŋöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

*Abraham, Aisak, Jeikob, Josefyenŋö mötnariŋŋini*

\* **11:7:** Jen 6.13-22 \* **11:8:** Jen 12.1-5 \* **11:9:** Jen 35.27 \* **11:11:** Jen 18.11-14; 21.2 \* **11:12:** Jen 15.5; 22.17; 32.12 \* **11:13:** Jen 23.4; 1 Hist 29.15; Sum 39.12



17 \*Anutunöŋ Abraham esapesapnöŋ al waŋgiiga mötnaripŋan nam köŋ waŋgiiga Aisak Anutu kalema waŋgiyök. Anutunöŋ Aisaköra gölme waŋgimamgö jüiga Abrahamnöŋ jöhöjöhö keu mi buŋa qem aŋguyökmö, töndup nahönŋi mohok-kun mi mosöta mianjön jöwöwöl ohomamgö ahök.

18 \*Anutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köŋ enjiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök.

19 Mosöta kewö kewöta mötmöriyök, “Kömumapmö, Anutunöŋ ölöŋ köhöiba mem gulii kömupnöhök wahötma.” Söpsöp keu mewö jiyöhi, miangö dop nahönŋan dumŋe kunbuk kömupnöhök ewö wahöri waŋgirök.

20 \*Mötnaripŋan Aisak nam köŋ waŋgiiga nahönyahötŋi Jeikob aka Iso (Esau) mi kötuatköm etkiyök. Anutugö kötumötuetŋi mianjön mönö nalö könangepŋe mewöyök dop köŋ etkii qakŋire öngömakŋapköra köuluköyök.

21 \*Jeikobnöŋ kömumamgö ahöhi, nalö miangöreŋ mötnaripŋan nam köŋ waŋgiiga nahönŋi Josefgö nahönyahötŋi yahöt mi kötuatköm etkiba öröpŋangö kitipŋe nariba Anutu waikŋi memba möpöseiyök.

22 \*Josefgö kömupŋan dopdowiyöhi, nalö miangöreŋ möt-naripŋan nam köŋ waŋgiiga Israel könagesö Ijpt mosöta kageri, miangö kösohotŋi mi jim guliba jiyök. Mewö jiba könangep qamötŋi denike löm kölmegö keuŋi mi jim kutum enjiyök. Mewö.

### *Mosesgö mötnaripŋi*

23 \*Mötnaripŋiran Mosesgö iwinamŋi nam köŋ etkiiga Mosesnöŋ asuhuyöhi, i nalö miangöreŋök könahiba köiŋ karöbutkö dop asambörohot. Morö mi eksihimŋambuk tandökŋi kun ahöhi, mi eka kiŋ kembangö jimkutukutuŋi ongitpitpuköra kengetŋiri qahö möta moröŋiri asamböta galöm kölohot.

24 \*Mosesnöŋ qariiga qetŋi farao kiŋ böratŋangö nahönŋi qetketka mötnaripŋan nam köŋ waŋgiiga qet mi bisimamgö tököba farao kiŋgö miriŋi mosöta angaiyök.

25 Ölöŋ toroqeba Ijpt yembuk siŋgisöndökö sösongaiŋi miwikŋaiba mi nalö töröpŋi laŋ söngaibawakmö, malmalŋi mi andö qeyök. Mi andö qeba Anutugö urumelen könagesö yembuk toroqei kahasililiŋ ak enjigetka mi mohotŋe möta aum-möröbingö möri öngöngöŋi ahök.

26 Anutunöŋ töwa waŋgimapköreŋ göröken uba kin köhöiyök. Miangöra Ijpt yeŋön guli dötnamŋinambuk aka siyonsayonŋi qahö malgeri, miangö möri yuai eretŋi ahök. Mianjön yuai eretŋi aiga andö qeba Amötqeŋe Tonambuk toroqeiga yangöra aka mepaqepaik ak waŋgiba malgetmö, mi möri töndup ölnŋi aka öngöngöŋi ahök.

27 Mötnaripŋan Moses nam köŋ waŋgiiga Ijpt kiŋ kembuŋinangö irimŋi seholibapuköra kengetŋi qahö möta kantriŋi mosöta kayök. Anutu ehəkŋi qahö mi ehəkö tandök mötmörim waŋgiba malöhi, miangöra mönö kapaŋ köla kin köhöiyök.

28 \*Mötnaripŋan nam köŋ waŋgiiga ak-kömükömu kendon\* ala miangö areŋi jim kutum enjiiga söngaiba tatket. Kömupkö garatanöŋ Ijpt uruŋe nahönŋini mutukŋi enjugetka Israel yeŋgö nahönurupŋinan kömumbepuköra mönö jim kutum enjiiga nanŋuŋine sep miriget.

29 \*Mötnaripŋinan Israel ambazip nam köŋ enjiiga Köwet Pisikŋi mi gölme örönŋe anangö dop kutuba kaget. Ijpt yarö azi yeŋön mi kutubingö esapkögetmö, mönö onöŋ nemulahöba ayuhuget.

\* **11:17:** Jen 22.1-14    \* **11:18:** Jen 21.12    \* **11:20:** Jen 27.27-29, 39-40    \* **11:21:** Jen 47.31-48.20    \* **11:22:** Jen 50.24-25; Eks 13.19    \* **11:23:** Eks 2.2; 1.22    \* **11:24:** Eks 2.10-12    \* **11:28:** Eks 12.21-30    \* **11:28:** Anutugö garatanöŋ Israel ambazip engehöröba enŋonŋiröhi, miangö kendonŋi mi nanine keunöŋ ak-kömükömu kendon jiinga Nei keunöŋ Pasowa jize.    \* **11:29:** Eks 14.21-31

*Rahab aka mötnaripkö ambazip ipni tosatni*

<sup>30</sup> \*Mötnaripninan Israel könagesö nam köl engiiga Jeriko taonöy kaba kiripo selni silim 7:gö dop liliköba mohotne anda kagetka kiripo selni selni köhöiknan mönö gororongöba etket.

<sup>31</sup> \*Mötnaripnan köna ketani ambi Rahab nam köl wanjiiga kewö aiga Anutunöy ehoriyök: Israel jitnememe yetkôn gölme ek miwiknaibitköra ölöy kayohotka ala aka köl öröm etkiyök. Anutunöy mi eka könanjep yanjisen ambazip engui ayuhugetka Rahab eharii yembuk mohotne qahö kömuyök. Mewö.

<sup>32</sup> \*Wani keuya kunbuk toroqeba jibilejak? Gideon, Barak, Samson, Jefta, Deiwid, Samuel aka kezapqetok ambazip tosatni yengö kösohotnini toroqeba jibilejak ewö, nöngö nalönan mönö qahö dop kölbawak.

<sup>33</sup> \*Mötnaripninan tosatni nam köl engiiga jakömbuak tohoni tohoni tulumgöba memba ambazip mindingöm engigetka ahakmeme dindini wuatangöba malget. Anutunöy yuai nenjimapkö keu jöhöi ahözawi, gwötpuknan keu miangö dop köuluköba möt narigetka ölni asuhui meget. Tosatnan laion sömbup sutjine köuluköba möt narigetka Anutunöy laion numbuini jöhöyök.

<sup>34</sup> \*Tosatnan könöp bölam uruje köuluköba möt narigetka Anutunöy könöp ösumni qömbököiga qahö engohoyök. Tosatni bimgö sou ketani mianön engubingö aketka Anutunöy yengö soujini jitni jöhöiga kök alget. Gwötpuknan lölöwöröni aka köuluköba möt narigetka Anutunöy ösum engiiga köhöiget. Tosatnan bim qeba köuluköba möt narigetka Anutunöy kuk engiiga suahö köhöikni aket. Kian yengö yarö kambuninan kagetka tosatnan köuluköba möt nariba mewö mönö enjuatangögetka unjurata anget.

<sup>35</sup> \*Ambi tosatnan kitipninan kömui köuluköba möt narigetka Anutunöy mem gulim wanji kömupnöhök wahöriga kunbuk toroqeba aitonngöget. Ambazip tosatnan kömup andöne oyaenkoyaej öngöngöni miwiknaibingöra möta kapan köla kinget. Mewö kingetka ihileknöy enguba kahasililin könanj könanj ak engiba kewö jii mötket, "Anutu qanj kölnönga zilañ pösat gihibin." Mewö jii mötketmö, yenjön mi tökögetka toroqeba janjauranga mem engiba malget.

<sup>36</sup> \*Tosatnan Anutu möt narigetka mepaqepaik aka ihilek wahinambuknöy engugetka sihimbölo könanj könanj miwiknaiba malget. Toroqeba tosatni gwaröhöba kösö mirinji mirinji miangöreñ al engiget malget.

<sup>37</sup> \*Tosatni kötnöy engugetka kömuget. Tosatni segenöy mitim engigetka yahöt aket. Tosatni bimgö sou ketani mianön engugetka kömuget. Tosatnan lama silenji aka meme (nonin) silenji mianön opo ewö löngöta lañ anda liliköget. Mewö wanapni töhön aketka sesewerowero aka kahasililin lañ mem engigetka malget.

<sup>38</sup> Suepkö aködamunjinambuk aka gölmegö ahakmeme bölönan-göra mötketka qahö dop köl engiiga miangöreñ qahö toroqetget. Qahö toroqeba lañ liliköba gölme qararanj kölkölne anda kaba kundunji kundunji öngöba eta banjet me gölme titingit uruje ahöba malget. Mewö.

<sup>39</sup> Ambazip kösohotnini jizali, körek mi mötnaripninan nam köl engiiga urunini melengetka Anutunöy engehi dop köliga jim ölöwak engiiga malget. Mewö malgetmö, mi töndup Anutunöy oyaenkoyaeñ qainni kun nenjimapkö keu jöhöi ahözawi, miangöreñ yengöreñök kunöy kun mönö qahö angorök. Qahö!

<sup>40</sup> Anutunöy i nanninök qahöpmö, mönö nembuk mohotne aködamuninambuk ak teköbingöra mötza. Mewö möta miangöra oyaenkoyaeñ qainni kun nenji miwiknaibingö keu arenji ali ahöza. Mewö.

\* **11:30:** Jos 6.12-21    \* **11:31:** Jos 2.1-21; 6.22-25    \* **11:32:** Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kin 2.11; 1 Sml 1.1-25.1    \* **11:33:** Dan 6.1-27    \* **11:34:** Dan 3.1-30    \* **11:35:** 1 Kin 17.17-24; 2 Kin 4.25-37  
\* **11:36:** 1 Kin 22.26-27; 2 Hist 18.25-26; Jer 20.2; 37.15; 38.6    \* **11:37:** 2 Hist 24.21

## 12

### *Anutunöŋ iwi aka mindiŋgöm neŋgimakza.*

<sup>1</sup> Ambazip kambu keta bölökŋi mewöŋan mötnaripkö könaŋi naŋgöba jiba kousu ewö liliköm neŋgiba kinjei, mi mötzin. Miangöra neŋön mewöŋanök mönö lömbötnini pakpak aka siŋgisöndok awamŋanök köpeim neŋgimakzawi, mi gilin anma. Anutunöŋ nini mötnaripkö bimŋi qeba Satan luhut al waŋgibingö areŋi ali ahöza. Miangöra malmal sutŋi ki malagun kömumbini, sutŋi mi mönö aonŋit tandök kapaŋ köla bim qeba ösumninan anbin.

<sup>2</sup> Jisösnöŋ mötnaripnini mem letori ahui mem qarri köhöiba aködammunŋambuk ahakzawi, Tonŋi mi mönö jeninan uba törörök ehakin. Yaŋön ölop toroqeba Suet mire mala söŋgaibawakmö, mi mosöta eta miangö salupŋe sihimbölö mörök. Maripomnöŋ kegwek-kahasililiŋ ewö kömumamgö gamu möta qahö tököyökmö, mi qenjaröknöŋ möta mökösoŋda kömuyök. Kömumba Anutugö jakömbuak dum tatatnöŋ öŋgöba böröŋi ölnje tatza.

<sup>3</sup> Siŋgisöndok ambazip yeŋön mewö tuarenjoŋ ak waŋgigetka sihimbölö möröhi, eŋön mönö i mötmöröba malme. Sörauba löwöröba urueret aka kinda mötnaripŋini aka jörömqörömŋini mosötpepuköra mönö mewö ahakŋe.

<sup>4</sup> Siŋgisöndok akinbuköra aum-möröba bim qeba malgetka miangöreŋ siŋgisöndokö Tonŋan mönö sepgwörörök (gulibambam) qahö eŋguyök.

<sup>5</sup> \*Iwinöŋ nahönböraturupŋi yeŋgöra qambaŋ keu eŋgizawi, Anutunöŋ miangö dop keu kun eŋgöra kewö jiiga mönö mi ölum eŋgui malje, “O nahöni, Kembunöŋ mindiŋgöm gihimakzawi, miangöra mönö mötnöŋga silebile kude akŋa. Keu jim gihiiga miangöreŋ mönö urueret kude aka malman.

<sup>6</sup> Kembunöŋ ambazip jöpaköm eŋgimakzawi, ia mindiŋgöm eŋgimakza. Ambazip morö ewö eŋgömembra köyan köl eŋgimakzawi, mi körek kömbinöŋ eŋgumakza.”

<sup>7</sup> Morö kun iwiŋan qahö mindiŋgöi laŋ malbawak, mewö mönö yaŋgö moröŋi qahö akawak. Miangöra Anutunöŋ iŋini nahön-böratŋi ewö tandök ak eŋgimakza. Miangöra lömböt eŋgii mi mönö mindiŋgöm eŋgimapkö tandök mötmöröba möta mökösoŋda diŋgiba malme.

<sup>8</sup> Anutunöŋ nahönböraturupŋi pakpak mindiŋgöm eŋgimakzawaŋgö dop iŋini qahö mindiŋgöm eŋgibawak ewö, mönö yaŋgö nahönböraturupŋi ölnŋi qahö akeak. Mewö mönö iwi qahö wilin morö (bastet) akeak.

<sup>9</sup> Keu mi kunbuk kewö jimam: Gölmegö iwininan mindiŋgöm neŋgigetka yeŋgöra göda qem eŋgiba malin. Silegö iwininan korembiŋi akzemö, uruninaŋgö Iwininan mönö ölnŋi aka öŋgöŋgöŋi akza. Miangöra mönö yaŋgö keu bapŋe anda diŋgiba mal köhöininga dop kölma.

<sup>10</sup> Silegö iwininan mönö nanŋini mötmötŋinaŋgö dop kapaŋ köla gölmenöŋ nalö töröpŋi malbingöra aka mindiŋgöm neŋgiba malakze. Yeŋön mewö malakzemö, Anutunöŋ mönö tök kutum neŋgii yaŋgö dop sarakŋi akingöra aka mindiŋgöm neŋgimakza. Mewö aka ölnŋa ölöwaka oyaenŋkoyaen akingöra mötza.

<sup>11</sup> Kunöŋ mindiŋgöm neŋgiiga nalö miangöreŋök mönö sösoŋgai tandök qahö ahakzinmö, wösöbirik sihimbölöŋambuk mörakzin. Keu mi ölnapmö, miangö ölnan mönö könaŋgep kewö asuhuma: Anutunöŋ ambazip mewö mianön köl gulim eŋgimakzawi, yeŋgö ahakmemenjanan diŋgiiga luai qem eŋgii möta malme. Mewö.

### *Qambaŋ aka galöm meme keu tosatŋi*

<sup>12</sup> \*Miangöra “awötŋini teköi böröŋini lömböröba söroräuba kinjawi, mi mönö memba wahöta mindiŋgöme. Tambuŋini jula siminŋini suljawi, mi mönö mem köhöime.” Buŋa keu kun mewö ahöza.

\* 12:5: Job 5.17; Qam 3.11-12 \* 12:12: Ais 35.3

13 \*Kekporörökñambuknön (kerekporikñambuknön) töwolatiba eta qeiga könañan sula bölim teköbapuk. Keu mianğö dop alañini aņğösirip kude ak waņgimemö, mönö ölöwakñapköra kapañ köla malme. Buña keu kun kewö ahöza, “Köna tiba anangö könañini mönö mem qölöleigetka diñdiñi akñe.”

Keu mianğö dop mönö uru ölöwak qem aņguba malme.

14 Ambazip körek yembuk luainöñ urumohot malmegöra mönö köhöiba kapañ köla malme. Kunñan malmal sarakñi qahö miwikñaimawi, mönö öne Kembu qahö ekña. Mianğöra Anutunöñ mem sarahim eņgimapköra mönö kapañ köla kinme.

15 \*Kunöñ Anutugö kalem möriamñi oņgita qahö buña qem aņgubapüköra mönö galöm mem aņguba malme. Nene nupnöñ siriuret kömbukñambuk mi jalöñinambuk qözölmakzin. Mianğö dop uru mötökömbukö könañi pakpak mi qeapköme. Qahö qeapkögetka mianğön qariba kota eņololon mem eņgii gwötpuk eņgö uruñinan tölöhobapuk.

16 \*Mewöyök kunöñ kaisero akapuk me Iso (Esau) ewö aņğöjörakñambuk malbapüköra mönö galöm mem aņguba malme. Isonöñ morönahön mutukñi ahöhaņgö börösamot toñi ahökmö, keu mi nene indim mohot nemapköra aka qeapköyök. Qeapköiga munñi Jeikobnöñ börösamotkö keuñi mi nene mianğön bohonñi memba buña qem aņguyök.

17 \*Könaņep jöhöjöhö keuñiraņgö dop asuhui Iwiñañgö kötümötuetñan mönö Jeikob qakñe öņgöyök, mi mötze. Mewö öņgöi Isonöñ kötümötuet mi buña qem aņgumamğö möta uleta sahöri imbilñan erök. Mewö kapañ köla ulerökmö, töndup keu munñambuk jöhöyohori, mi utekömamğö köna kun qahö miwikñaiyök. Mianğöra morö mutukñañgö kötümötuetñi mi buña qem aņgumamğö mörökmö, mianğöreñ qaköba osiyök.

18 \*Mönöwök Israel könağesö yeñön Sainai (Sinai) kösutñe kaba kingetka kundunñi mianğön köñöp bölamnöñ jeyök. Jeba köwak-köwak eta panaman meiga raidimbom qeiga Anutunöñ mianğöreñ yembuk jöhöjöhö areñ ahök. Sainai (Sinai) kundunñi mianğön börönöñ oseibinaņgö dop akzapmö, eñön kundunñi mewö mianğö kösutñe qahö kaba malje.

19 Anutunöñ jöhöjöhö areñi mi Sainai kundunñe kewö ahök: Garataurupñan tömun qainñi kun ugetka aņğötömualñi azöñda kaiga keu köhöikñi jiyöhaņgö kourukñi mötket. Mi möta keu mewöñi kunbuk kude jii mötmegöra uletket. Eñön kundunñi mewö mianğö kösutñe qahö kaba malje.

20 \*Anutunöñ keu köhöikñi jiba kewö jim kutum eņgiyök, “Kunñan kun ambazip me bau sömbup kunöñ kundunñi mi oseima ewö, i mönö kötnöñ qegetka kömuma.” Mewö jim kutum eņgiiga keu mi wuataņgöbingö möt lömböriba osiget. Mianğöra keu kunbuk kude jimapköra uletket.

21 \*Yuai kanjamñambuk kötökñi mi uba eketka Mosesnöñ kewö jiyök, “Ni mönö keņgötñi möta jönömni undui kinjal.”

22 Eñön mewö qahöpmö, mönö uruñini melenđa Zaion kundunñi dopdowiba kaņgota malje. Anutu malmal Toñañgö sitiñi qetñi Jerusalem Suepnöñ ahözawi, mianğöreñ garataurupñi ten tausenni ten tausenni yeñön kambunñi kambunñi köla unduba sösoņgai ahakzei, eñön mönö siti mi dopdowiba malje.

23 Mutuk ahuahu dölöknöñ ahuba urumelen könağesö aketka qetñini malmalgö bukñöñ ohogetka Suepnöñ ahözawi, eñön mönö yeņgö kambunñini toroqeba malje. Anutunöñ ambazip körek neņgö keunini kewöta jim tekömakzawi, eñön mönö bemnini yambuk toroqeba malje. Anutunöñ ambazip solanñi mem letot eņgiiga aködamunñinambuk aka kömugeri, eñön mönö yeņgö uñañinambuk toroqeba malje.

24 \*Eñön jöhöjöhö areñ dölöknañgö galömñi Jisös yaņgöreñ kaba yambuk qekötahöba kinje. Yañön sepñan qewösahöi eņgömirimakzawi, mönö malmal mewöñe kaņgota malje.

\* 12:13: Qam 4.26 \* 12:15: Dut 29.18 \* 12:16: Jen 25.29-34 \* 12:17: Jen 27.30-40 \* 12:18: Eks 19.16-22; 20.18-21; Dut 4.11-12; 5.22-27 \* 12:20: Eks 19.12-13 \* 12:21: Dut 9.19 \* 12:24: Jen 4.10



Abelnöŋ sepŋi mokoyökmö, Jisösgö sepŋan Abelgö sepŋi oŋgita keu aködamunŋambukö munŋemŋi akza.

<sup>25</sup> \*Mutuk azi kunöŋ gölmenöŋ mala Anutugö keu jitsihitŋi ambazip indel enŋiiga gwötpukŋan mi mötpingö tökögetka Anutunöŋ likepŋi melenŋi qakŋine öŋgöyök. Yeŋön mianŋöreŋök kök albingö osiget ewö, neŋön mönö denöwö kök albinak? Nalö kewöŋe alanini kunöŋ Anutugö keu jitsihitŋi Suepnöhök indela jimakzawi, nini i nönöŋgan aka mosötzin ewö, mönö lömbötnöhök kök qahöpmaöp albin. Qeŋetalninaŋgö likepŋi mönö ölna qaknine öŋgömapkö mötzin. Mianŋöra kunŋan saŋep qei mötzei, eŋön keu mi mötpingö kezapölök kude akŋe. Kezapölök malbepuköra mönö galöm mem aŋguba malme.

<sup>26</sup> \*Mönöwök keuŋi jiiga mötketka gölme utuköba memenjalijökmö, kezapqetok keuŋi kun jiba jöhöiga nalö kewöŋe kewö ahöza, “Nalö kungen dumŋe kunbuk gölme utuköba memenjalimam. Gölmeyök qahöpmö, yuai akiga suepnöŋ mewöyök utuköma.”

<sup>27</sup> Keu mewö ahözapmö, “Nalö kungen mönö dumŋe kunbuk” jizawi, keu mianŋö könaŋi kewö: Anutunöŋ öroyuai miwikŋaiiga ahözawi, mianŋönök mönö utuköba utekömapmö, Suep mirigö öroyuai qahö utukömawi, mianŋön mönö kin köhöiba ahöm öŋgöma.

<sup>28</sup> Neŋön bemtohoŋ qahö utukömawi, mia buŋa qem aŋguba kinjin. Mianŋöra mönö “Anutu saiwap!” jiba mewö mianŋön waikŋi memba möpöseiba uru ölöwak mem waŋgimakin. Mi jitŋi oŋgitpinbuköra keŋgötnini möta aka gödaŋi qeba malbin.

<sup>29</sup> \*Neŋgö Anutuninan mönö könöp bölam ewö akza. Mianŋöra neŋgohoi sihimbölo mötpinbuköra mönö keŋgöt mötmöt qakŋe göda qem waŋgimakin. Mewö.

## 13

### *Qambaŋ keu teteköŋi*

<sup>1</sup> Urumelenŋ alaurup nanŋini mönö jöpaköm aŋguba malme.

<sup>2</sup> \*Kian ambazip sutŋine kamei, mi mönö köyan köl enŋigetka köisirik miwikŋaimakŋe. Mewö akingö mönö kude ölum enŋumakŋa. Tosatŋan mewö akeri, mianŋön Suep garata tosatŋi qahö möt asariba mohot köl öröm enŋigetka miriŋine malget.

<sup>3</sup> Tosatŋan kösö mire maljei, mi mötmörim enŋimakŋe. Nanŋinak yembuk gwaröhöm enŋigetka malbeak tandök möta mönö i mötmörim enŋimakŋe. Tosatŋi ak bölim enŋigetka mianŋö sihimbölöŋi mötzei, mi mönö nanŋinak mewö malbeak ewö möta mötmörim enŋimakŋe.

<sup>4</sup> Ambazip qesabulum aka serowilin akzei, Anutunöŋ i jim teköm enŋima. Mianŋöra körek eŋön mönö awanöm malmal göda qegetka sarakŋi aiga awanöm sutŋire tötekqötek töwötŋi kun qahö ahöma.

<sup>5</sup> \*Anutunöŋ nanŋak keu kun kewö jii ahöza, “Nöŋön mönö nalö kunöŋ qahö gömosöta andö guhumam.” Keu mianŋöra aka ahakmemenjanan membagan membingö nepaqepalok kude köpösöŋgömakŋemö, yuai ahöm enŋizawi, mianŋöra mönö mötket dop köl enŋiiga sösoŋgaibuk malme.

<sup>6</sup> \*Mewö möta ölop ewebibininambuk saitingit kinda kewö jiba malbin, “Kembunöŋ baukbaukni aiga gölme ambazipnöŋ ayuhum niŋgimeaŋgö dop qahö akze. Mianŋöra keŋgötni kun qahö möta maljal.”

<sup>7</sup> Galömurupŋinan Anutugö keu jiget mötkeri, i mönö mötmörim enŋiba malme. Ahakmemenjini denöwö aka megetka malmalŋinan teköyöhi, mönö mi mötmöriba mötnariŋinaŋgö silikŋini wuatanaŋgöba malme.

\* 12:25: Eks 20.22 \* 12:26: Hag 2.6 \* 12:29: Dut 4.24 \* 13:2: Jen 18.1-8; 19.1-3 \* 13:5: Dut 31.6, 8; Jos 1.5

\* 13:6: Sum 118.6

<sup>8</sup> Jisös Kraist utekutekñi qahö. Mutuk malöhi, miyök merak malja aka nalö teteköñi qahö mal öngöma.

<sup>9</sup> Kalem möriam toroqeba buña qem anginga urunini mem köhöiiga ölöwahakñapmö, nene nemingö silikñi mi me mi mianön mönö urunini mem köhöimapkö osimakza. Tosatñan nenegö dönqizizin könañi könañi wuatangögetka ahakmeme mianön mönö qahöpmahöp bauköm engiiga pöröpköyök. Miangöra tosatñan dönqizizin murutñi murutñi ambazip kusum engimakzei, enjön mönö keu mi mosötme. (Silikö keunöñ mönö janjun kude ak engima.)

<sup>10</sup> Jöwöwöl ohoho alta qainñi kun mi neñgöreñ ahöza. Gölmenöñ opo seri jikegö nup memakzei, yeñön jöwöwöl qainñi kun miangö bahöñi memba nemingö osimakze. Anutunöñ yeñgöra keu mewö qahö jim teköi ahöza.

<sup>11</sup> \*Gölmegö jike nup galöm bohonñan kinda ambazip singisöndokñini köl köñjöratmapköra aka sömbup qeba sepñi memba jike oleni töröñi kötökñi miangöreñ öngömakzappmö, sömbup öñini mi memba miri qandak maljei, miangö sel yaigepñe anda miangöreñ ohogetka jeba ayapkömakze.

<sup>12</sup> Miangö dop Jisös mewöyök könagesöurupñi nanñi sepñan mem sarahim engimapköra aka siti selgö nanju yaigepñe qegetka sihimbölö möta kömuyök.

<sup>13</sup> Miangöra miri qandak\* maljini, neñön mönö miangö sel yaigepñe anda Jisösgöreñ toroqebin. Yangöra aka mepaqepaik ak neñgimakzei, mönö mi bisiba malbin.

<sup>14</sup> Mi kewögöra: Siti teteköñi qahö ahöm öngömawi, mi gölmenöñ qahö ahöm neñgizappmö, siti könañep asuhum neñgimawi, mi ekingö mönö jaram tiba maljin.

<sup>15</sup> Miangöra mönö qösösök Jisösnöñ nam köl neñgiiga Anutugöra möpömpösei naluk ala malbin. Jisös qetñi möpöseimakzei, yeñgö numbu jitñinangö öñan mönö Anutugö nalukñi akza.

<sup>16</sup> Yuai ahöm engizawi, mi menden anguba mem ölöwak angumakzei, mianön mönö Anutugö nalukñi kun akza. Anutunöñ naluk mi ehi urunñan ölöwahiga dop kölakza. Miangöra mewö akñegöra mönö kude ölum engumakña.

<sup>17</sup> Galömurupñini mönö tem köl engiba kukösumñini bapñe anda malme. Nup megerangö kösohotñini Anutugö jeñe almei, yeñön mönö miangö tandök engeka urunñini galöm kölakze. Yeñön nupñini mi urulömböt qakñe membepuk. Mianön inini qahö bauköm engibawak. Miangöra mönö keuninangö bapñe anda malgetka sösongai qakñe nupñini megetka dop kölma.

<sup>18</sup> Mönö neñgöra aka Anutu köulukömakñe. Yuai pakpak miangöreñ ahakmeme qetbuñañambuk akingö sihimñi ahöm neñgiiga Anutunöñ neñgeka “Dop kölja,” jiiga urukezapninan möringa ölöwahakza. Keu mi möt yaközin.

<sup>19</sup> Nöngöra köulukömakñegöra mönö kapan köla kewögöra kungum engizal: Inini köulukögetka Anutunöñ nalö qahö mem köriiga ölöwaka ölop kunbuk engöreñ kamam.

### *Kewö köulukömakzin:*

<sup>20</sup> Jisösnöñ kömuyöhanögöra aka lama galöm qetbuñañambuk aka malja. Sepñi mokoba miangö mungem silimbanñan Anutugö jöhöjöhö areni qekötahöba mem köhöiiga nalö teteköñi qahö ahöm öngöma. Anutunöñ Kembunini mi mem guliiga kömupnöhök wahöta köhöiba malja.

<sup>21</sup> Anutu luai Tonan mönö inahöm engiba jitsihitñangö dop aka memba malmegö aködamunñi pakpak engimakña. Mewö ölop köhöiba nup ölopñi könañi könañi memba malme. Yangön mönö möwölöhöba kungum engiiga Jisös Kraistköreñ nangöba malmal Anutugöreñ dop köljawi, mewö malme. Kraistkö qetbuñañi mönö nalö dop möpöseininga nalö teteköñi qahö aködamunñambuk ahöm öngöma. Keu mi öñja.

### *Keu teteköñi*

\* 13:11: Lew 16.27 \* 13:13: Gölmenöñ kusus maljini, miangö qetñi qandak.

<sup>22</sup> O urumelen alaurupni, nöñön kewö qesim engizal: Buña Kimbi töröpñi kiyök ohom engizal. Miangöra andö qambañ keuni ki mönö kapañ köla buña qem anğume.

<sup>23</sup> Buzup ki mötme: Urumelen alanini Timoti i kösö mireyök pösatketka erök. Ösumok ki kañgotma ewö, mönö yambuk kaba engekkit.

<sup>24</sup> Yaizözkök keuni albiga galömurupñini pakpak aka Anutugö ambazip sarakñi körek yengöra jigetka mötme. Itali alaurupninan yaizözkökñini algetka engören kaza.

<sup>25</sup> Anutugö kalem möriamñan mönö körek embuk ahöm öngöba ahöma.

## Jeimsgöreŋ Kimbi Jeimsnöŋ Kimbiŋi alök. Jim-asa-asari

Gölmeŋi gölmeŋi mianğöreŋ ambazip könaŋi könaŋi uruŋini melenđa letorakzei, yeŋgö ahakmemeŋinan siksauk lolonqalon aiga tönğangöba et enğuiga Anutugö qetbuŋaŋan etpapuk. Mianğöra Jerusalem bisop Jeims yaŋön goro keu murutŋi murutŋi qezaköba ki ohoza. Goro keuŋi tosatŋi kewö: Mötkutukutu ölni mi denöwö? Zioz nup ölni aka muneŋi. Esapesap uruŋe malmal. Tosatŋi kude engek qepureime. Numbu jit galömkölköl. Silenini möpöseime me uruŋini memba et al anğume? Anğururuk me alabauk akŋe? Kapaŋkapaŋ aka köuluk nup meme.

Waimanjatŋi bohonŋi kewö: Kraistkö Buŋaŋan qariba aködamun-ŋambuk akŋapaköra qetŋi bisiba keuŋi köl guliba meinga ölni asuhuma me qahö? Numbu jitninanök möt nariinga qahö dop kölja. Zioz ölni qahö mi köhömuŋi qamöt tandök ewö akza.

**Kimbi kianğö bahöŋi bohonŋi 10 mi kewö:**

Keu mutukŋi 1.1

Mötnariŋ aka mötkutukutu 1.2-8

Ambazip wanapŋi aka pomŋi 1.9-11

Esapesap (manambatok) ölöŋi aka bölöŋi 1.12-18

Buŋa kezapnöhök mötmöt aka temkölköl 1.19-27

Etqeŋeŋi mi kude engek qepureime 2.1-13

Mötnariŋ nupŋi qahö mi omanŋi akza 2.14-26

Numbu nesilamninan ayuhum neŋgibapuk 3.1-18

Luainöŋ malmal me gölmegö ahakmeme 4.1-5.6

Lömböt bisiba köuluköinga ölni asuhuma 5.7-20

<sup>1</sup>\*Jeims nöŋön Anutu aka Kembu Jisös Kraistkö nupŋi memba maljal.

Israel kambu 12 neŋgöreŋök tosatŋi inŋini Israel mosöta gölmeŋi gölmeŋi denđa anda maljei, nöŋön embuk keu eraum mötpingöra kimbi ki ohoba jölöŋini jizal.

*Möt nariba köuluköba mötmöt ölni miwikŋaibin.*

<sup>2</sup> O urumelen alaurupni! Esapesap könaŋi könaŋi qakŋine öŋgömakzawi, mianğöra uruŋinan mönö kude eri simbawon miyök möta söŋgaiba malme.

<sup>3</sup> Esapesapnöŋ qakŋine öŋgöiga mötnariŋ-ŋinan mianğöreŋ köhöimakŋa ewö, mönö kapaŋ köla kin köhöimakŋe. Mi mötzeanğöra mönö söŋgaiba malme.

<sup>4</sup> Kapaŋ köla kin köhöimakŋe ewö, mianğön mönö toroqeba mem letot enğuiga ahakmemeŋinanğö ölni pakpak mi aködamun-ŋambuk ahumakŋa. Mianğön ahuiga Anutunöŋ oyaenkyaeŋan uruŋini kokolak qeiga urugö yuai kungöra (meme angöba) mözöqözörön qahö aka malme.

<sup>5</sup> Enğöreŋök kunŋan “Denöwö akŋam,” jiba mötkutukutugöra osizawi, yaŋön mönö Anutu köuluköiga mi wanğima. Anutunöŋ kalemŋi sakalakŋi amqeba körek neŋgöra neŋgiba sirongen qahö jim neŋgimangö mörakza. Mianğöra mi ölop wanğiiga buŋa qem anğuma.

<sup>6</sup> Köulukömawi, mianğöreŋ mönö niŋgimapkö möt nariba uruyahöt qahöpmahöp akŋa. Uruyahöt akzawaŋön mönö köwet sirigö dop öŋgöba eta ahakza. Luhutnöŋ köwet kunduriga lanlan anda kamakza. Mianğö dop akapuköra köulukŋangö uruyahöt kude akŋa.

\* 1:1: Mat 13.55; Mak 6.3; Apo 15.13; Gal 1.19



7 Uruyahöt ambazip mewöji kunöj mönö Kembunöj yuai wanjimapkö kude mötmörima.

8 Yanjö uruñan mönö julkuliga aiakanj pakpak miangörej kökölöñ aka koñgwarak qeba anqem-kamqem keu jimakza. Mewö.

*Wanapñi malmal aka pomñi malmal*

9 Urumeleñ alaurupni, engö sutñine tosatñan etqeçeni malgetka Anutunöj engöra möri öngöngöñi akze. Miangöra mönö ölop nanñini möpöseim anjgumakñe.

10 \*Tosatñan öngöngöñi maljemö, moneñ inapñinañgöra qahö mötket öngömakzawañgöra aka etqeçeni tandök mala mönö nanñini möpöseim anjgumakñe. Yenjö malmalñinan mönö buörö (roro) jurañ ewö aka soholima. Etqeçeni aka öngöngöñi neñon kömumba miangörej öröröñ akin.

11 Wehönöj kota roro ohotiriiga qararanj köla soholiba jurañan bolonanimakza. Jurañan eriga kemañangö kaisonjolomñi eksihimñambuk mianön piahimakza. Pomñi yenön sukinapñini mem sehibingö lilikqilik ahakzemö, mala buörögö (rorogö) dop gororongöme. Mewö.

*Esapesap (manambatok) ölopñi aka bölöñi.*

12 Anutunöj keuñi kewö jöhöi ahöza, “Ambazip uruñinan jöpaköm niñgimakzei, nöñon i malmal köhöikñi engiba nööröñine goul ila köl engimam.” Keu miangö dop bölöñangö esapesapnöñ kungö qakñe öngöiga miangörej kapanj köla köhöii teköiga mönö malmal köhöikñangö ila sorom buña qem anjguba oyaenjkoyañ akña. Yanjöra “I-ia simbawonj!” jizin.

13 Bölöñangö Tonan Anutu esapköm wanjimañangö dop qahö aiga Anutunöj kun siñgisöndok akñapkö qahö esapköm wanjiza. Miangöra kunñan esapesap uruñe mala kewö kude jima, “Anutunöj esapköm niñgiiga siñgisöndok akñamgö akzal.”

14 Anutunöj qahöpmö, nanini sihim kömbönañini bölöñan mönö töpötin (nemban, pöran) ewö öröm neñgiiga mötöp bitimnöj qaköinga siñgisöndokö esapesapñi mewö mohot mohot neñgörej asuhumakze.

15 Kunñan sihim kömbönañi bölöñi qahö jöhöba siñgisöndok kondotza. Kondoriga sihim kömbönañan gölömnj ala siñgisöndok mi morö ewö meiga ahumakze. Siñgisöndoknöñ ahuha qarim teköba kömup köhöikñi ahum wanjimakza.

16 O wölböt alaurupni, sihim kömbönañini bölöñan mönö kude tilipköm engima.

17 Kalem ölopñi aködamunñinambuk pakpak mi Anutunöj ali Suep euyangörejök asuhumakza. Köiñ wehön jeñiri kota kutuba geyohotka imutimutñiran körim törim ahakzapmö, asakñi pakpakö Tonan mönö nanñak qahö uteköma. Imutimut me söñaup kun mi yanjörej qahö ahöza.

18 Anutunöj yuai pakpak miwikñaiyöhi, nini miengö sutñine yambu dölöknj jeñiqeçe aka malbingöra mörök. Miangöra nanñi sihimñangö dop keu ölnangö kötnj urunine aliga mianön ahuahu dölöknj neñgii ahuin. Mewö.

*Buña keu öne mötpin me tem köla membün?*

19 O wölböt alaurupni, mönö keu ki mötmöriba kude ölum enguma: Inini mönö körek keu mötpingö kezap köropñi zilañ alme. Keu lañ mi ösumök kude jime. Irimñinan mönö zilañ kude seholima.

20 Anutunöj ahakmeme diñdiñi akingö sihimñi mörakzapmö, irimsesewölnöj mia qahö kondorakza. Miangöra mönö irimsesewöl mosöta keu ösöñ jiba malme.

21 Qewölonj könañi könañi aka ahakmeme töwötñambuknöñ qekötahözei, mia mosötme. Mönö yanjiseñini mosöta Anutugö keu bapñe anda keu kötnj uruñine kömörakzawi, mi möt anjön köla malme. Mewö aketka keu mianön ölop amöt qem neñgiiga letota Suepnöj öngöme.

\* 1:10: Ais 40.6-7

<sup>22</sup> Buña keu mi öne töhöön mötketka ölni qahö ahubapuk. Mewö silebile aka tilipköm anjubepukmö, keu mi mönö köl guliba malme.

<sup>23</sup> Kunñan keu öne töhöntöhön möta miangö dop qahö ahakzawi, yañön mönö azi kiangö dop akza: Kunñan jemesoholñi piliknön uba angehakza.

<sup>24</sup> Uba angeka mosöta kungen anda kaisongolomñi denöwö, mi ösumok ölum qemakza.

<sup>25</sup> Mi ölöpnj qahöpmö, kunñan köna keu aködamunñambuköra kezap ala ehiba miangörej qekötahöba singisöndokö kösönöhök lolohomakzawi, yañgö ahakmemegöra mönö “Esop simbawon!” jibin. Yañön keu möta mi qahö ölum qemakzadmö, mi ölna tem köla miangö dop ahakza.

<sup>26</sup> Kunñan urumelenö köl guliguli akrangö jiba numbu jitñi qahö galöm köla nanñi mewö tilipköm anjumakzawi, yañgö linet köulukñan mönö yuai omani, ölni qahö akza.

<sup>27</sup> Anutu Iwigahö jemesoholñe Buña nup sarakñi silebileni qahö memangö jiba mönö kewö akrñan: Gwani morö aka malö köñjilij qakñe maljei, mönö i anda engeka köyan köl engiba malman aka gölmegö ahakmemenangö qewölonan urugi tölohobapuköra galöm mem anjuba malman. Mewö.

## 2

### *Etqeñi mi kude engek qepureime.*

<sup>1</sup> O urumelen alaurupni! Jisös Kraist Kembunini qetbuñanam-buk möt naribingö jize ewö, mönö ambazip tosatñi kude engek soriba tosatñi kude qepureim engimemö, dop mohotnön ak engiba malme.

<sup>2</sup> Miangö dopkeuñi kewö: Azi pomñi kun, kesötñi goul binenñambuk aka opo malukunji ekjeritñambuk, yañön kambu mirinje öngöiga azi wanapñi kun sileötani jujuratñi töwötñambuk yañön mewöyök öngöbawak.

<sup>3</sup> Öngöyohotka inini azi ipñi ekjeritñambuk mi köl öröm wanjiba kewö jibeak, “Ketanjamnini, gi ölop qaikñe eu anda dum tatat löwötñi miangörej tatman.” Mewö jiba azi etqeñi mi ehörön köla jime, “Gi ölop görane anda kinman me köna kutukutunine eta tatman.”

<sup>4</sup> Silik mewöñan asuhuiga inini könagesö sutñine köñjabö ala menden anjuba qemasolokep aka keuñinambuk akze. Mötmötñini böloni wuatañ-göba jimtekötekö ambazip gonjonji akze.

<sup>5</sup> O wölböt alaurupni, mötket! Anutunön bemtohoñi ambazip jöpaköm wanjimakzei, yengö buña ahömapkö keuñi jim köhöiba jöhöyök. Keu miangö dop tosatñan gölme ambazip jeñine etqeñi akzemö, Anutunön mi nanñangöra jim möwölöhöm engiiga mötnaripñinangöra aka öngöngöñi akze. Yeñön bemtohoñangö uruñe angotketka galöm köl engiiga sukinapñinambuk akñe.

<sup>6</sup> Ölna öngöngöñi akzemö, inini ambazip wanapñi engehörön köla engek siriba malje. Ambazip pomñi yeñön mönö monen inapñini qahöpköra kewöta mem et al engigetka etqeñi akze. Yeñön mönö inini örörahöm engigetka keu jakeni jakeni miangörej angorakze.

<sup>7</sup> Inini Kraistkö buñani aketka qet ölop sorokñi mi engiba miangö dop engoholakzemö, pomñi yeñön mönö qet mi luasönön ala lan jimakze? Gölmegö öngöngöñi yeñön mönö mi pakpak ahakze.

<sup>8</sup> \*Mewö ahakzemö, enñön Anutu bemtohoñangö jöjöpan keu bohonñi tem köla wuatañgögetka dop kölma. Anutugörej keuñi mi Buña Kimbinön kewö ahöza: “Nangi jöpaköm anjumakzani, miangö dop mönö ambazip tosatñi mewöñanök urugan jöpaköm engimakñan.”

---

\* 2:8: Lew 19.18

<sup>9</sup> Mianjōn dop kölmapmō, injini ambazip tosatji engek soriba tosatji qepureim enjgiba dop mohotnōj qahō ak enjgimakze ewō, mōnō singisōndok ahakze. Anutugōreñ jōjōpañ keu walōngetka yañōn mōnō keuñini mi miwikñaiba jim tekōm enjgima.

<sup>10</sup> Kunñan jōjōpañ keu pakpak tem kōla wuatangōba miengōreñōk mohotnōj eta qezawi, yañōn mōnō jōjōpañ keu kōrek pakpak walōnda keuñambuk akza.

<sup>11</sup> \*Miangō kōnañi kewō: Anutu “Sero yongorō kude akñan,” jiyōhañōn mōnō mewōñanōk jōjōpañ keu kewō jiyōk, “Ambazip kun kude qenōj kōmuma.” Gi sero yongorō qahō akzanmō, tōndup kun kōhōmuñi qezani, mianjōn mōnō jōjōpañ keu kōrek walōn tekōba maljan.

<sup>12</sup> Anutugōreñ kōna keu mi singisōndokō kōsōnōhōk lolohoba malbingōra ahōza. Anutunōj kōna keu mianjōn kewōt neñgiba keunini jim tekōi solanimegōra mōtmōriba keuñini miangō dop jimakñe aka ahakmemenēni urukalem qakñe ahakñe.

<sup>13</sup> Kunñan urukalem qakñe ambazip qahō ak kōmum enjgiba maliga Anutunōj keuñi kewōta jim tetekōñi ak kōmukōmu qakñe qahō ak wañgima. Kunñan urukalem kondela malōhi, Anutunōj i kewōt wañgiba ölōp ak kōmum wañgiiga simbawōñ aka silenji memba öngōma. Mewō.

*Mōtnarip ölñi qahō mi kōhōmuñi akza.*

<sup>14</sup> O urumelen alaurupni, kunñan “Jisōs mōt narizal,” jiba miangō nupñi qahō meiga mōtnaripñi mianjōn mōnō denōwō baukōm wañgibawak? Keuñanōk mōt nariiga Anutunōj eka amōt qei letotma me qahō? Mi qahō!

<sup>15</sup> Miangō keuñi kun kewō: Uruñini melenjeri, enjō sutñine ambazip kunñan opo kereñgōra osiba mōzōrōngōba nenenji wehōn kungōra qahō malbawak.

<sup>16</sup> Mewō maliga enjōreñōk kunñan yambuk aitōngōba silegō nañgōnañgō qahō wañgiba kewō jii mōtpawak, “Gi ölōp anda nene memba kōnōp jōmōta bōnjōñ tatman.” Keu tōhōn mi mōriga mianjōn mōnō denōwō baukōm wañgibawak? Mi qahō!

<sup>17</sup> Mewōñanōk mōtnarip tōhōnōk mi kōhōmuñi akza. Mōtnaripkō nupñi ölñi qahō mezawañgō mōtnaripñan mōnō qamōt ewō akza.

<sup>18</sup> Kunñan kewō jibawak, “Gōñōn mōtnaripuk aknōngga nōñōn ahakmeme diñdiñi wu-atañgōmakzal.” Nōñōn miangōra kewō jimam, “Gōñōn ‘Anutu mōt narizal,’ jiba miangō nupñi qahō memba öne mōtnaripkahō ölñi mōnō denōwō kondel niñgibanak? Nōñōn ahakmeme aka membi eknōngga mianjōn mōnō ölōp nani mōtnaripnañgō ölñi kondel gihima.”

<sup>19</sup> Gi “Anutu mohok akzawi, mi mōt narizal,” jizani, mi ölōp! Ömewōrōme yeñōn mewōyōk mi mōt narize. Mi mōt narizemō, mianjōn kundut enjgiiga Anutugōra jōnōmñini undumakza.

<sup>20</sup> O uruqahō azi, gi ömewōrōme yeñgō tandōk mōt narizan me? Mōtnaripkō nupñi qahō menōngga ölñi qahō ahui keu mi öne tōhōntōhōn jinōngga mōtnaripkan mōnō yuai omani, ölñi qahō akza. Miangō kōnañi söpsöp keuni mianjōn kondel gihiza me qahō?

<sup>21</sup> \* “Qahō!” jibanbukōra söpsöp keu kun jimam. Mōtnaripkō bōmōn jalōnini Abraham yañōn mōnō denōwō diñdiñi ahōk? Yañōn Anutugō jitñi tem kōla nahōnñi Aisak wañgita altanōj ala mianjōn jōwōwōl ohomangō ahōk. Mewō aka mōtnarip qakñe nup meiga Anutunōj mi eka keuñi jim tekōi solaniyōk.

<sup>22</sup> Söpsöp keu miangō kōnañi ek asarizan me qahō? Abrahamnōj mōt nariba keuyōk qahō jiyōkmō, mōtnarip qakñe kinda miangō silikñi mewōyōk ahiga nam kōliga dop kōlōk. Ahakmeme diñdiñi aka memba maliga mōtnaripñan mewō qariba akōdamunñambuk ahōk.

\* 2:11: Eks 20.13, 14; Dut 5.17, 18 \* 2:21: Jen 22.1-14

23 \*Buŋa Kimbinöŋ keu kun kewö ahöza, “Abrahamnöŋ Anutu möt narim waŋgiiga qetŋi Azi Diŋdiŋi jiyök.” Keu mi mönöwök ölnambuk ahuyöhaŋgö dop mi ohoget aka tosatŋan Abrahamgö qetŋi “Anutugö alaŋa!” mewö qeta jimalget.

24 Solanŋi akingöra mötnaripkö keu jtninanöhök jiinga qahö dop kölja. Silikninan mötnaripkö ahakmeme ölni akin ewö, Anutunöŋ mönö keunini jim teköiga solanibin. Kösohotnan mönö miangö könaŋi kondelja.

25 \*Söpsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiget anohotka köna ketanŋi ambi qetŋi Reihab yaŋön etkuangita köyan köl etkiba köna kunöŋ etkumbuliga mosöta anohot. Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

26 Nöŋön keuni ki kewö jim tekömam: Azi uŋaŋi qahö mi qamötŋi. Miangö dop mötnarip ahakmemeŋi qahö mianön mönö köhömuŋi akza. Mewö.

### 3

#### *Numbu nesilamninan ayuhum neŋgibapuk.*

1 O urumelen alaurupni, engöreŋök gwötpukŋan uruŋini wahöriŋa (“Tosatŋi yeŋgöreŋ pinjit mindiŋgöbin,” jiba) kusum engiengŋi böhi akingö akepuk. Nini tosatŋi kusum engiba nanini mötmötnini qahö mindiŋgöbin ewö, Anutunöŋ mi ehi qahö dop kölŋiga keunini kewöta köhöikŋanök jim teköba miangö dop likepŋi oŋgita ak neŋgima.

2 Mi kewögöra jizal: Nini körekŋan köna keu gwötpuk qiwitipkömakzin. Kunŋan nesilamŋi galöm köla keu qahö qiwitipkömakzawi, yaŋön mönö azi aködamunŋambuk sorokŋi akza. Yaŋön ölop köhöiba malmalŋi pakpak mewöyök galöm köla malma.

3 Hosnöŋ (beosi) sihimnini tem kölmegöra ain injup numbuŋine ala kösönöŋ öröba mianön ölop ölni ketanŋi jömuŋ mi mindiŋqindiŋ ak engiingŋa anakze.

4 Mewöyök waŋge ketanŋi miengö silikŋini mötmörime. Mienön ketanŋi aketka luhut köhöik-ŋan naŋgöm engigetka köwet kutuba anakze. Keta bölökŋi akzemö, mi töndup anangö galömŋi pailöt yaŋön waŋge gilŋe tata sihimŋi wuatangöba stia lökuatŋi moröŋi miyök melenqelen aiga waŋge ketanŋan miangö dop melenŋa anakza.

5 Nesilamgö könaŋi mi mewöŋanök. Mi sileninaŋgö kitipŋi morörökŋa kun akzapmö, töndup ölop keu ketanŋi könaŋi könaŋi mianön silenini memba öngöba jimakzin. Mönö ki mötmörinöŋ anök:

Könöp jit-tökŋi moröŋan terenŋa geba ölop jölöm jitŋe möndöba arökŋi keta bölökŋi jem kutuiga etpawak.

6 Nesilamninan mewöyök könöp bölam ewö akza. Mi sileni-naŋgö kitipŋi kitipŋi miengö sutŋine tata qewölongö kondotkondot namŋi akza. Mewö aiga könöp siagö Toŋan jönbolanŋan ohotiriba miangöreŋ uwulamgöiga awamŋanök urukönöpnöŋ möndöba jeiga uru pakpak kutumutuba tölöhoiga malmalŋe ahakmemeŋi pakpak mi sanjöp ewö töwima.

7 Anutunöŋ yuai pakpak miwikŋaiyöhi, mi sömbup könaŋi könaŋi, nei me yuai bapŋinan köla ölölongömakzei me köwetnöŋ maljei, mi ambazipnöŋ mölöwörim engimeangö dop akze. Mi lök köl tutuhuba mölöwörim engigetka mire (köhömgep) akze.

8 Mewö akzemö, nesilamninan mönö sömbup kalŋi tandök akza. Mi möröm warabe (röbek) mianön kokolak qeŋeŋi aka aŋamumu ewö öŋöngöba neŋgöhöba mem kömum neŋgimangö jöjörömakza. Ambazip körekŋan mi mölöwöriba jöhöm waŋgi-bingö osimakze.

9 \*Nesilamninan Kembu Iwinini möpöseim etkimakzin aka likepŋe ambazip nanŋi kaisongolom ewö miwik-ŋaim engiyöhi, mi sait keunöŋ laŋ qesuahöm engimakzin.



<sup>10</sup> Numbu nesilam mohok mianjon Anutugö qetnji möpösei-makzin aka sait keunonj tosatnji qesuahöm engiba jimakzin. O urumelenj alaurupni, könajamjnan mewö ahöi qahö dop kölja.

<sup>11</sup> O sawölñi aka kömbukñambuk mi o jeni mohok miangörenök uzumgöba korakzahot me qahö? Mewö qahö.

<sup>12</sup> O urumelenj alaurupni, jogañ ipneyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Miangö dop o sawölñan köwuk kömbukñambuknöhök uzumgö-mangö osimakza. Mönö mi.

### *Mötkutukutu ölni aka muneni*

<sup>13</sup> Engö sutñine danjon mötkutukutubuk aka keu mindingö-mawanjö dop akza? Kunonj “Mewö akza,” jime ewö, yanjon mönö urunji mötkutukutuñangö dop memba et ala silikñan gunbönjönjöh ahakmemeni kondeli aukñe asuhui ehinga dop kölma.

<sup>14</sup> Mianjon dop kölmapmö, urunine mututqutut ahöiga irimesewöl mötököm-bukñambuk möta körögisigisi aka nanjini yuainonj qarimapköra köpösöngöba andöqege ahakze ewö, mötkutukutuñini miangöra mönö silenini öne kude memba öngöme. “Keu ölni wuatangözin,” jiba mönö ölni köyatibepuk.

<sup>15</sup> Yengören mötkutukutu mewöñi mi gölmegö mötkutukutuya akza. Mi Suepnöhök qahö erakzapmö, ömewöröme yenon ambazip sölölohöm engiget jigetka Unja Töröñan miangöra wösöbirik ahakza.

<sup>16</sup> Denike yengö urunine mututqutut ahöiga irimesewöl möta körögisigisi aka nanjini yuainonj qarimapköra köpösöngömakzei, yengö malmalñine siksauk ilingösöh ahöiga silik angöjörakñambuk könani könani wuatangömakze.

<sup>17</sup> Mi wuatangömakzemö, möt-kutukutu Suepnöhök erakzawi, miangö könani mutukñi mi ahakmeme sarakñi. Mötkutukutu sarakñangö silikñi tosatnji mi kewö: Luainonj malbingö ak engiiga gunbönjönjöh qakñe tosatnji ak engiba keu bapñe angetka Unja Töröñan urunini kokolak qeiga tosatnji bauköm engibingö sihimñi gwötpuk mötketka urumöt-mötñinangö ölni ölopñi ölopñi mi gwötpuk asuhumakze. Genmonj mosöta ambazip keunini bahösapsap qahö kewöta silesile silik qahö malje.

<sup>18</sup> Luaiqege ambazipnöh luainonj malbingö möta miangö kötni kömötketka ölni ahakmeme diñdiñi ahuiga oyaenköyaen malakze. Mewö.

## 4

### *Gölmegö mötkutukutu mosöta Anutugö ala aka malme.*

<sup>1</sup> Wani yuainonj bim aka angururuk sutñine kondori ahumakze? Nanjini sihim kömbönanjan mönö wahöta silenini dop kölga ölopñi bölöñan awörangöyohotka bim aka angururuk ahumakze.

<sup>2</sup> Injini yuai könani könani membingöra sihimñi köhöikñi bökbök mörakzemö, mi engö bujaya qahö ahakza. Yuaigö eksihim möta eröm ota urunjan könöp jeiga ambazip engugetka kömumak-zemö, töndup mi qahö memakze. Miangöra yom jiba angururuk aka bim qemakze. Injini Anutugören qahö köuluköba nanjinak öne membingö mötzeangöra mi qahö buja qem angumakze.

<sup>3</sup> Anutugören köulukömakzemö, töndup mi kewögöra qahö memakze: Urunjan qahö diñgiiga yuai engiiga mi mösöhöba nanjini sihim kömbönanjini bölöñi meköba sileninangö sösongai akingöra möta ulerakze. Mi qahö dop kölga Anutunonj mi angön kölakza.

<sup>4</sup> O injini qesabulum ambazip ewö akze. Awanöm köna diñdiñi mosöta serowilin ahakzei, injini mönö miangö dop Anutu mosöta urumelenjö kopa ambazip yembuk ala-ala aka moneñ inapnöh göröken urunini jöhöba malje. Tandök mewöñi aka mianjon mönö Anutubuk kerök-kerök ahakze. Mi möt kutuze me qahö? Miangöra kunñan gölmegö sihim kömbönanj bölöñi mekömamgöra urunji alakzawi, yanjon mönö Anutugö kerökña ahakza.

<sup>5</sup> Buña Kimbigö keu kun kewö ohoget ahöza, “Uñañi Töröñi urunine al nenngii maljawi, Anutunöñ i sihim kömbönañi mienön kokolak qem wanngiiga malja.”\* Keu mi omaña könañi qahö mötmöribepuk.

<sup>6</sup>\*Keu mi omaña qahöpmö, inini miangö dop sihimñini törörök Anutugöreñ alme ewö, yañön mönö kalem möriamñi önöñi qahö engimakña. Miangöra Buña Kimbi ki jiba ohoget ahöza: “Anutunöñ söngöröqök ambazip tuarenjoñ ak engimakzapmö, uruñini memba et alakzei, ia kalem möriam engimakza.”

<sup>7</sup> Miangö dop inini mönö uruñini kewöta Anutugö keu bapñe anda malmemö, Bölöñangö Tonji tuarenjoñ ak wanngigetka engömosöta söroroiba misingöba anma.

<sup>8</sup> Mönö Anutubuk jöhöjöhö aka kösutñe kagetka yañön embuk jöhöjöhö aka kösutñine kinma. Singisöndok megetka böröñinan töwiiga Jisösgö sepñan mi sanjoñmapkö köuluköme. Uruñinan julkuliga an qem kam qem lañ aketka uruñinan tölöhoiga köñönjörat engii sarakñi akñegöra köulukömakñe.

<sup>9</sup> Mönö dabökokorokñini möt kutuba jinñeñ köla wösöbirik möta silata sahötme. Göñ köisirikñini mosöta melenña amburereñ akñe. Sösöngainñini mosöta wösöbirik möt angume.

<sup>10</sup> Mönö Kembangö jeñe memba et al angugetka yañön mem wahöt engima. Mewö.

#### *Urumelenj alaurup kewöta keuñini kude jim teköme.*

<sup>11</sup> Urumelenj alaurup, andönöñ qeñe keu mönö kude jim anguba malme. Kunñan keu mewö yöhösañ jiba urumelenj alañangö keuñi jim teközawi, yañön mönö Anutugöreñ köna keu jim teköba memba et alja. Gi Anutugöreñ köna keu jim teköba görögöra ala mewö mianön mi qahö tem kölakzanmö, mi silebile memba timbiqimbilim azia aka maljan.

<sup>12</sup> Anutunöñ köna keu jim kutum nenngiba miangö dop mönö keunini kewöta jim teköiga ayuhubin me ak kömum nenngiiga oyaenköyaenñ akin. Yañönök jimtekötekö Tonini akzapmö, gi mönö nangahöra “Niñia akzal?” jiba alagi kewöta keuñi jim tekömakzan? Mewö.

#### *Sile memegö galöm keu*

<sup>13</sup>\*Mönö kezap alget! Tosatñi inini sile memba kewö jimakze, “Nini merak me uran ki mosöta taon mi me mi miangöreñ anda kölköl-örörö aka moneñ ketañi öröba yambu (yara) mohok malin teköiga miangöreñ lilingöba kabin.” Nöñön miangöra kewö jibi mötme:

<sup>14</sup> Malmalñini uran denöwö malmei, inini mi qahö möt kutuze. Engö malmalñinanğö könañi mi denöwö? Mi köwak kousugö dowa ahözawa, nalö töröptökñi asuhuba ayapköma.

<sup>15</sup> Miangöra eñön mönö kewö jigetka dop kölma, “Kembangö jit sihitñan nenngöra mewö ahöiga jebuk malbin ewö, mönö mewö mewö aka membin.”

<sup>16</sup> Mewö qahö jimakzemö, öne töhön jakbak-öranjörañ aka nanñini sileñini memba öngöba möpösei-makze. Ahakmeme pakpak mewöñi mianön mönö bölöñi akza.

<sup>17</sup> Keuni jim tekömangöra kewö jizal: Kunñan silik ölöñi aka memawanğö dop aka miangö könañi möt kutubagun mi qahö aka memawi, yañön mönö singisöndok akza. Mewö.

## 5

#### *Ambazip sukinapñinambuk yengö galöm meme keu*

<sup>1</sup> O ambazip sukinapñinambuk, inini kezap ala keuni ki mötket: Kahasililij sihimbölä qakñine öngömawi, miangöra mönö amburereñ aka silata sahötme.

<sup>2</sup>\*Moneñ sukinapñinan mönö gisahöba gororongöza. Kezaplonjoñ jijilukut yengön opo malukuñini yöhöqöhötiba nemakze.

\* **4:5:** Buña Kimbigö keu miangö könañi kun kewö, “Uña Töröñi uruñine ali maljawi, yañön jöpaköm nenngimangö sihim kömbönañi möta nenngöra mututqutut mörakza.” \* **4:6:** Qam 3.34 \* **4:13:** Qam 27.1 \* **5:2:** Mat 6.19

<sup>3</sup> Injini nalö teteköni kewöne goul, silwö aka yuai tosatni qaknöñ qaknöñ qezaköget ahözawi, mi kahawet muetmuetnöñ turum teköba törom (rust) memba ahöza. Törom kahawet mianjön dangunu ewö ahöba könanjini nalö teteköne kewö kondelma: Injini mal-malnjini moneñ inapnöñ jöhöba mösöhögetka pömsöm qeiga ayuhume. Törom kahawet mianjön mönö könöp bölam ewö sile busunjini mewöyök mem bölima.

<sup>4</sup> \*Ki mötmöriget: Nup meme ambazip nupnjine barö memba siri uret qözöla malgeri, injini yengö töwanjini ekbonep möta angön kölget. Injini yengöreñ sahöt irikuruknjini mötze me qahö? Silatnjini mianjön mönö Kembu Anutu, kukösum pakpakö Tonangö kezapne gem teköiga mötza.

<sup>5</sup> Injini gölmenöñ ki yuai könanji könanji sesegilgil buña qem anguba siyonşayon qahö mala silegö söşöngai algetka nahömñini dop köl enjiiga malget. Gölmegö kelök möriamñan jöhöm enjiiga lañ mala nem qarip ketanji aka malje. Anutunöñ keunjini jim teköiga enjuget kömumeangö nalöñinan kam kunjumawi, mönö nalö miangöra jöjöröba kelökñinambuk aka malje.

<sup>6</sup> Ambazip qewölonjini qahö injini qahö tuarenjon ak enjigetka töndup keunjini jim teköba lañ enjuget kömumba malget.\* Mewö.

*Lömböt mököşöñda bisiba köuluköba malme.*

<sup>7</sup> O urumelenj alaurupni, injini Kembunöñ kanjotmapköra mamböta nalö sutne kiangöreñ mönö mököşöñda lömböt bisiba kinme. Mewö kinda kölkömöt azigö tandökñi mötmörime: Yanjön nene gölmenöñ kömöta kinda ölni söngöröñi öngöngöñi asuhumapköra kapan köla mambörakza. Kapan köla mamböta mali maliga kie bedu nalöñan kaiga kunbuk mamböriga kömunjan kie uru nalöñan kam kunjumakza.

<sup>8</sup> Enjön mewöñanök mönö mököşöñda lömböt bisiba kinme. Kembunöñ kunbuk kamawanjögö nalöñan törizawanjögöra aka mönö urunjini qezaköba böñ qeba kinme.

<sup>9</sup> O urumelenj alaurupni, Anutunöñ keunjini jim teköi lömböt miwikñaiabepüköra mönö nanjini sutnjine jimongot kude aka urunjan irikuruk kude jim angumakne. Mötket, jimtekötekö Tonjan mönö dopdowiba nanjunöñ kinja. Mewö.

<sup>10</sup> Urumelenj alaurupni, kezapqetok ambazip yenjön mönöwök Kembangö qetne Buña keu jigetka kahasililij mem enjigetka möta töndup mököşöñda lömböt bisiba kapan köla malget. Enjön mönö yengö tandökñini mötmöriba köna lasupnjini wuatangöba malme.

<sup>11</sup> \*Tosatnan kapan köla lömböt bisiba mala luhut algeri, nini yengöra “I-ia simba-won!” jizin. Azi qetni Job (Hiobe) yanjön kahasililij möta töndup kapan köla luhut alöhi, mi mötze. Luhut aliga teteköne miangöreñ Kembunöñ ak kömukömu Tonji aka nenjehorimakzawi, yanjön mönö oyaenköyaenji wanjiiga malök. Mönö mi mötmörime. Mewö.

<sup>12</sup> \*O urumelenj alaurupni! Keu kötni mutukñi kun ki jimam. Injini keu mi me mi jimei, mi jöjöpñ keunöñ kewö kude jim köhöime, “Keuni ölni qahö akza ewö, Suep Tonjan ölop lömböt ali qakne öngöma me gölme tonjan merenj mumbaköiga gölmenöñ turum niñgima.” Keu mi me jöjöpñ keu tosatni mewöñi mianjön mönö keunjini kude jim köhöime. Mewö qahöpmö, on-keugöra möta “On!” miyök jime aka qahöp-keugöra “Qahö!” jime. Pötagororöñ keu jigetka Anutunöñ keunjini jim teköba likepñi melenjini qakñine öngöma. Mewö.

*Mötnarip qakne köulukögetka ölni asuhuma.*

<sup>13</sup> Mötnarip ambazip enjögöreñök kunjnan qemjem-mamje-ñambuk malja ewö, yanjön mönö Anutu köuluköma. Kunjan söşöngainöñ malja ewö, yanjön mönö linjet köla Anutu möpöseima.

\* **5:4:** Dut 24.14-15    \* **5:6:** Keu miangö könanji kun kewö: Injini azi qewölonji qahö töndup keunji jim teköba qegetka kömuyöhi, yanjön injini kunbuk qahö qetal enjimakza.    \* **5:11:** Job 1.21-22; 2.10; Sum 103.8    \* **5:12:** Mat 5.34-37

14 \*Engöreṅök kunṅan kawöl yöhöi malja ewö, yaṅön mönö mötnarip könagesögö jitṅememe öröm enṅiiga kaba Kembugö qetṅe kelöknöṅ silenṅe miriba yaṅgöra köuluköme.

15 Mötnarip qakṅe köulukögetka Kembunöṅ kawöl ambazip mi amöt qem waṅgii ölöwaka kunbuk wahötma. Siṅgisöndok aka kawöl miwikṅaiyök ewö, Anutunöṅ mönö siṅgisöndokṅi mi saṅṅonda mosötma.

16 Mewö aiga Anutunöṅ amöt qem enṅii ölöwakṅegöra mönö siṅgisöndokṅini jim miwikṅaim aṅguba bauköm aṅguba Anutugö köulukömakṅe. Ambazip solanṅi kunṅan uruṅi qezaköba Anutu köulukömawi, mianṅö ölnṅan mönö wewelipṅambuk asuhuma.

17 \*Mianṅö söpsöpṅi kun mi kezapqetok azi qetṅi Elaija (Elia). Yaṅön gölme azi naninṅö dowa malök. Yaṅön kie qahö kamapköra uruṅi qezaköba kapan köla köuluköiga kienöṅ yambu (yara) karöbut aka köiṅ 6 mianṅö uruṅe gölmenöṅ qahö erök.

18 \*Nalö mi teköiga kunbuk köuluköiga suep inṅaṅ köla kie yöhöba bedu meiga nene kunbuk töṅgöniba asuhuyök. Mewö.

*Kunöṅ janṅuṅ aniga alaṅan bauköiga dop kölma.*

19 Urumelenṅ alaurupni, engöreṅök kunöṅ keu ölnṅaṅgö könaṅi qiwitipköba janṅuṅ aniga kunṅan i miwikṅaiba köna ölnṅe kunbuk waṅgita alma ewö,

20 \*mianṅöra mönö kewö mötmörime: Siṅgisöndok ambazip kunṅan janṅuṅ könaṅe aniga alaṅan i mianṅöreṅök waṅgiriga uruṅi löwörii kunbuk meṅṅmawi, yaṅön mönö qahö kömum köhöima. Alaṅan i könöp sianöṅ gebapuköra aṅgön köl waṅgiiga Anutunöṅ siṅgisöndokṅi sehisehiṅi mi saṅṅonda köl turuma. Mewö.



## Pitögöreᅇ Kimbi 1

### Pitönöᅇ Kimbiᅇ mutukᅇi alök.

### Jim-asa-asari

Pitönöᅇ Buᅇa Kimbiᅇ ki ohoba Kraistkö alaurupᅇi Eisia prowinsgö Not likepᅇe denᅇa malgeri, yeᅇgöra ali anda liliköyök. Könahiba qetᅇini kewö qeta ohoyök, “Anutunöᅇ ambazip nanᅇaᅇgöra möwölöhöm enᅇiyöhi, mienöᅇn.” Mötnarip ambazip sesewerowero miwikᅇaiba sihimbölö möta malgeri, yeᅇgö uruᅇini nanᅇgömapköra aka Kimbi ki ohoyök. Kraistkö Ölöwak Buᅇagö könaᅇi ölüm enᅇubapüköra aka Jisösgö keuᅇi kunbuk kewö jim asariyök, “Jisösnöᅇ kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenᅇkoyaenᅇ akingö jörömqörömᅇi neᅇgiiga al mambörakzin. Mianᅇgöra sihimbölö mörakzei, mi mönö möt anᅇön köla kapaᅇ köla köhöiba kinda malme. Sihimbölö mianᅇön mötnaripᅇini kewöriᅇa ölnambuk akᅇa ewö, Anutunöᅇ mönö likepᅇi melenᅇ enᅇgima. Jisös Kraistnöᅇ asuhumawi, nalö mianᅇgöreᅇök mönö aködamuraᅇinambuk akᅇe. Keu mi möta awösamkakak kinme.” Mewö qambaᅇ enᅇgiba ohoyök.

Wahöjalinᅇ nalöᅇe uruᅇini nanᅇgöm enᅇgiba toroqeba köhöiba kewö uru kuᅇgum enᅇiyök, “Iᅇini Kraistkö buᅇaya akzeanᅇgö dop mönö malmal sarakᅇi malme.”

**Buk kianᅇgö bahöᅇi bohönᅇi 6 mi kewö:**

Keu mutukᅇi 1.1-2

Anutugö amötqeqe nupkö könaᅇi 1.3-12

Malmal sarakᅇi malbingö jimkutukutu 1.13-2.10

Sihimbölö qakᅇe nup denöwö bisibin 2.11-4.19

Uruᅇini melenᅇa memba et ala nup meme 5.1-11

Buᅇa kimbi kianᅇgö keu köᅇi bohönᅇi 5.12-14

<sup>1</sup> Anutunöᅇ ambazip nanᅇaᅇgöra möwölöhöm neᅇgiiga neᅇgöreᅇök iᅇini tosatriᅇan Israel mosöta prowins qetᅇini Pontus, Galesia, Kapadosia, Eisia aka Bitinia mianᅇgöreᅇ denᅇa anda malje. Pitö nöᅇön Jisös Kraistkö melaimelai azi aposol aka embuk keu eraum möᅇpingöra kimbi ki ohozal.

<sup>2</sup> Iwi Anutunöᅇ qeljiᅇe möpᅇaᅇgö möpᅇe mötmöt areᅇ ali ahöiga mianᅇgö dop Uᅇa Töröᅇan iᅇini mem sarahim enᅇgiiga Anutugö buᅇaᅇi aket. Anutunöᅇ iᅇini Jisös Kraistkö jitiᅇi tem kölmegöra möwölöhöm enᅇgiiga Kraistkö seᅇᅇan qewösahöi enᅇgömiriba saᅇᅇon enᅇimakza.

Anutugö kalem möriamᅇan mönö uruᅇini dop sehiiga luainöᅇ malme. Mewö.

*Oyaenᅇkoyaenᅇgö jörömqörömninaᅇgöra Anutu möpöseibin.*

<sup>3</sup> Neᅇön Kembunini Jisös Kraistkö Iwiᅇi Anutu i kewögöra möpöseimakin: Anutunöᅇ ak kömukömu ketaniᅇ neᅇgiba neᅇgömeiga ahuahu dölokᅇi ahuin. Ahuahu dölokᅇi ahuba Jisös Kraistnöᅇ guliba kömupnöhök wahöröhi, neᅇön mianᅇgö dop guliba wahöta oyaenᅇkoyaenᅇ akingö jörömqöröm aka maljin.

<sup>4</sup> Oyaenᅇ-koyaenᅇ buᅇa qem aᅇᅇubingöra jörömqöröm aka al mambörakzin. Anutunöᅇ oyaenᅇkoyaenᅇ mi urumelenᅇ alaurupᅇi neᅇgimapköra Suep mire ali ahöza. Mianᅇgöreᅇ ahöba qahö sahaha kahawet memba töwiba gisahöba ayapköma.

<sup>5</sup> Mötnarip köᅇ gulime ewö, Anutugö ösumᅇan sel jöhöba kölközizip enᅇgiiga Suepkö buᅇaya malgetka Jisösnöᅇ ölop enᅇguaᅇgiriᅇa Suepnöᅇ öᅇgöba oyaenᅇko-yaenᅇ akᅇe. Anutunöᅇ Amötqeqe Tonᅇaᅇgö könaᅇi nalö teteköᅇe mewö indel teköiga ambazip jim asarim enᅇgibingöra aka ahöza.

<sup>6</sup> Oyaenƙoyaen akingöra söngaiba maljemö, gölmenöŋ malinga Anutunöŋ esapesap Tonj qahö jöhöiga lömböt anğösirip könaŋi könaŋi asuhugetka sihimbölo miwikñaiba möta malje. Nalö töröpŋi mewö malmemö, mi töndup sösongai aka malje.

<sup>7</sup> Anutunöŋ esapesap qahö jöhöiga qakŋine öngöba mötnaripŋinanğö tandökŋi kewörakza. Köt ölni köhöikŋi goul miangö söngöröŋan mönö guli dötnam onğitzapmö, töndup nalö kunöŋ ayapköm teköma. Nalö töröpŋanğöra aka ambazipnöŋ goul mia kun könöpnoŋ delasi ohoba ölnan gizikörörök ahöbapuköra kewöta esapkömakze. Miangö dop inini ölna törörök möt nariba kin köhöimakze me qahö, esapesapnöŋ mönö miangö könaŋi kondelakze. Anutunöŋ uruŋini ölni kewöriga goul kewögöra onğitmapköra mötza: Mötnaripŋinan pöwöwöm köhöikŋi aiga söngöröŋi öngöngöŋan goul silwö gwötpuk onğita nalö teteköŋi qahö bauköm enğii dop kölma. Mewö engehi dop kölma ewö, Jisös Kraistnöŋ kunbuk asuhumawangö nalöŋe mönö möpöseim enğiiga Anutugö jene qetbuŋa miwikñaiba aködamunŋinambuk akŋe.

<sup>8</sup> Inini Kraist qahö eka töndup jöpaköm wangiba malje. Nalö kewöŋe Kraist qahö eka töndup möt narim wangimakze. Mewö aka sösongai sorokŋi aködamunŋinambuk söngaimakze. Sösongaiŋini miangön mönö jitnöŋ jijiğö dop qahö akza.

<sup>9</sup> Inini Jisös möt narigetka amöt qem enğiiga letotket. Mötnaripŋinanğö tohotŋi mi Suep mire eu ahöza. Anutunöŋ uŋaŋini enğomeiga enön euyangören öngöba tohot mi zilaŋ misirimegö möta sösongai ahakze. Mewö.

#### *Kezapqetok ambazipnöŋ jörömqöröm aka malget.*

<sup>10</sup> Kezapqetok ambazip yeŋön amötqeqegö könaŋi jaruba Anutu köuluköba qeqesi ala möt kewöta mala kotket. Mewö mala Anutunöŋ kalem möriam enğimapkö möt asariba miangö kezapqetok keuŋi mi qeljiŋe jiba mala kotket.

<sup>11</sup> Kraistkö Uŋa Töröŋan kezapqetok ambazip sölölohöm enğiba asuhumapkö keuŋi indela saŋep ala kewö jii mötket, “Kraistnöŋ sihimbölo möta miangö andöŋe asakmararaŋ aködamunŋinambuk miwikñaiba asariba malma.” Mewö jüiga möta Amötqeqe Tonjan wani nalönöŋ aka dendenöwö asuhumawi, miangö könaŋi jaruba qeqesi ala möt kewöta malget. Mewö mala söpsöp keuŋi keuŋi qeljiŋe nanğöba jiba mala kotket.

<sup>12</sup> Amötqeqe Tonjanğö könaŋi jaruba qeqesi ala möt kewöta malgetka Uŋa Töröŋan mötmöt kewö indel enğiba jiyök, “Inini mönö nanŋini welenŋina kude qem anğumemö, ambazip könaŋep ahuba keuŋini oyoŋmei, mönö i bauköm enğiba malme.” Mewö jiba kezapqetok keu enğiyöhi, nini tosatŋan mi nalö kewöŋe liliköba jim asarim enğiinga mötket. Kraistnöŋ Uŋa Töröŋi Suepnöhök melaiiga eta ambazip sölölohöba inahöm enğiiga Ölöwak Buŋa jiba uru kuŋgum enğiba malgeri, yeŋön Buŋa keu miyöhök jiba malget. Kezapqetok keu miangö ölni asuhuiga Suep garataurupninan mewöyök mi uba eka könaŋi möt asaribingö awöwenğöba malje. Mewö.

#### *Anutunöŋ sarakŋi malbingöra neŋgoholakza.*

<sup>13</sup> Buŋa keuŋi mewö ahözawangöra enön mönö uruŋini Anutugö nupköra ala oponjini öröget yöhöiga mem kurukŋini memba kinme. Mönö böŋ qeba nanŋini ahakmemenjini galöm köl anğuba malme. Jisös Kraistnöŋ kunbuk asuhuba miangö nalöŋe kalem möriam enğimawi, mönö miangöra al mamböta jöröm-qörömnjini pakpak miangören ala malme.

<sup>14</sup> Anutugö nahönbörat-urupŋan keuŋi tem kölakzei, enön mönö miangö dop köna sarakŋi wuatangöba malme. Mutuk gukmaulem tönpin malgetka nanŋini sihim kömbönaŋini bölöŋan yeyasenŋeŋ mem enğigetka laŋlaŋ malget. Mewö malgetmö, nalö kewöŋe ahakmemenjini mönö sihim miengö dop kude toroqeba aka memba malme. Laŋ siksauk malbepuköra mönö galömnjini mem anğuba malme.

<sup>15</sup> Laŋ siksauk qahöpmö, Anutu sarakŋan enğoholiga enön mönö mewöyök yanğö dop ahakmemenjini pakpak miangören sarakŋi aka malme.

16 \*Buña Kimbigö keu kun kewö ohoget ahöza, “Nöñön töröñi sarakñi maljalangöra nöngö buñani enñon mönö sarakñi aka malme.”

17 Anutugöra “Iwinini!” jiba ösumñi köl örömakzini, yañon iwi ölöpnangö dop ambazip tosatñi qahö neñgek soriba tosatñi qahö qepureim engimakza. Körek neñgö ahakmemenini mönö dop mohotnöñ kewöta mohot mohot neñgö keunini jim teköma. Miangöra Anutu töröñangö buñaya akze ewö, mönö gölmenöñ kusukñi malmeanğö dop sarakñi aka malme. Jitñinanök qahöpmö, ahakmemeninan mönö Anutugö jitñi ongitpinpuköra sömbuñini möta malme.

18 Mewöyök Anutunöñ sohopñini meyöhanğö könañi mötagun mönö sarakñi aka malme. Ambösakonurupninan tandö lopion mötmöt lañ wuatangöba ahakmeme omanñi kondel neñgigeri, Anutunöñ inini yeñgö dop toroqeba lañ malbepuköra bohonñini öngöngöñi gila sohopñini meyök. Bohonñi mi silwö goul onğita gilöhi, mi mötze. Gölmegö moneñ inap ayapkömawanğö dop akzawi, yuai mewöñi mianğon bohonñini qahö meyök.

19 Mianğon qahöpmö, Kraistkö sepñi söngöröñi öngöngöñi mianğon mönö bohonñini meyök. Kraistnöñ lama moröñi solanñi uzi poretñi qahö tandök aiga jöwöwöl ohohogö tandök qegetka sepñi mokoyök. Miangöra mönö sarakñi aka malme.

20 Anutunöñ mutuhök Suet gölme qahö miwikñaim etkiba nalö mianğoreñök Kraist möwölöhöba sohopnini memapkö nup areñ mi lök qeljiñe ala areñgöyök. Mi areñgöiga ahöi mala kota malgetmö, nalö teteköñe kianğoreñ inini ölöwakñegöra aka indeli aukñe asuhuyök.

21 Kraistnöñ nam köl enğiiga ölop Anutu möt narim wanğimakze. Anutunöñ Kraist mem gulim wanğii kömupnöhök wahöriga asakmararañ al wanğii malja. Mewö maljawanğöra aka inini Anutu möt nariba kinda yuai pakpak jiyöhi, mianğö dop ahakñapkö jörömqöröm ak wanğimakze.

22 Jörömqöröm ak wanğiba keu ölni tem kölgetka Kraistkö sepñan köl könjörat mem enğiiga malme. Mewö mala ölop urumelen alaurupñini geñmonñi qahö jöpaköm engiba malme. Urukönömñini pakpak mianğon mönö kapan köla törörök urukalem ak anğuba malme.

23 Malmal köhöikñangö keuñi mianğon mönö nam köl enğiiga ahuahu dölökñi ahuget. Gölmegö keu kusukñi kunñan qahö nam köl enğiiga Iwi ketañangö nahönböraturopñi aket. Anutugö keuñan mönö qahö ayapkömapmö, teteköñi qahö zen ahöm öngöma.

24 \*Keu mianğö könañi mi Buña Kimbinöñ kewö ohoget ahöza: “Ambazip pakpak inini mönö gwözözak luplup tandök akze. Aködamunñini pakpak mi juranñi asakasak-ñinambuk tandök akza. Gwözözak luplupnöñ mönö soholiba gororöngögetka juranñinan buratiba tekökeköba etme.

25 Mewö etmemö, Kembangö Buña keu malmal köhöikñi neñgimakzawi, mianğon mönö teteköñi qahö ahöm köhöiba ahöm öngöma.”

Buña keu mianğon Ölöwak Buñaya aiga tosatñan mi jim asarim engigetka mötze. Mewö.

## 2

### *Köt malmalñambuk yambuk kinda sarakñi akñe.*

1 Buña keu mötzeanğöra mönö bölöñamñini pakpak köteköba gilme. Geñmonñi köñbiñ pakpak mosötme. Ahakmeme silesile mi sisitñi memba tököme. Körogisigisi aka andöqeque keu yöhösañ ahakzei, mi pakpak mönö gekögetka et teköma.

2 Morösesep geñmonñini qahö yeñon juzu nemingörök möta awöweñgömakze. Enñon mönö mianğö dop Buña keu qahö möwöramgögeri, mi urukönömñine albingö awöweñgöba malme. Mewö mala möt-naripñini köl guligetka qarim köhöiiga letota mala oyaenñkoyaenñ akñe.

\* 1:16: Lew 11.44-45; 19.2 \* 1:24: Ais 40.6-8

<sup>3</sup>\* Buña Kimbigö keu kun kewö ahöza, “Nene kun nepöleköba nahömñi mötkeri, miangö dop Kembu ölopñi yambuk qekötahöba nahömñi mötket.” Keu miangö dop Kembangö nahömñi mötze ewö, mönö Buña keunöñ qarim köhöiba malme.

<sup>4</sup> Kraistkö söpsöp keuya jimam: Kraistnöñ wahöta Anutugö tandö kömbönañi aka mal-mal köhöikñañgö wötñi akza. Inini mönö yangöreñ kaba kunbuk letotme. Ambazipnöñ tandö kungöra “Köt omañi,” jiba andö qeba mosötketmö, Anutunöñ i Amötqeqe Tonji akñapköra möwölöhöba yangöra möri bohonñi öngöngöñi ketañi akza.

<sup>5</sup> Kraistköreñ kaba guliba nanñinak mewöyök köt jamönñiñ malmalñinambuk ewö akñe. Mewö aka mal köhöigetka Suepkö mitimqeqe yanön engömembra uruñini möhangöiga köhököhöi miwikñaiba urugö malmalgö jöwöwöl jike öñi akñe. Uña Töröñan uruñine mala sölölohöba mem letot engiiga jöwöwöl jike miangö jike nup galöm sarakñi aka kinme. Uña Töröñan nam köla inahöm engiiga tem köla Anutugö waikñi memba möpöseim wañgiba malme. Mewö malgetka Anutunöñ engeka Jisös Kraistköra aka ahakmemeñini mewöñañgö sihimñi möta malma.

<sup>6</sup> \*Buña Kimbinöñ keu kun kewö ahöza: “Eket, Anutunöñ mönö köt tandö kun möwölöhöba Zaiön kundune Israel kambu uruñine kömötpiga tandö kömbönañi guli damandan (milyön Kina) ewö akña. Denike yeñön tandö pöwöwöm köhöikñi mi möt narim wañgimakñei, yeñön mönö yangöra aka gamu qahö möta malme.”

<sup>7</sup> \*Möt narim wañgiba maljei, engö jemesoholñine mi tandö kömbönañi aködamunñambuk akzapmö, tosatñan uruñini qahö melenja maljei, yeñgö jeñine mi Buña keu kiangö dop ahöza: “Miri meme yeñön ‘Köt omañi,’ jiba tandö kun andö qeba mosötkeri, tandö miangön mönö tandö kömbönañi ahök. Könañep tandökñi ain ewö miwikñaiget. Tandö pöwöwöm köhöikñi mewöñan tiñgitpawak ewö, mirinöñ mönö gororöngöba eta kölbawak.”

<sup>8</sup> \*aka Buña keu kun kewö ahöza, “Ambazipnöñ köt jamönñiñ miangöreñ tötañgöba enguiga miangön mönö engum mizit ak engima.” Yeñön Buña keu qahö tem köla nanñini imbi wuatangö-makzeañgöra aka tötañgöba erakze. Anutunöñ mewö arengöm engiyöhañgö dop erakze.

<sup>9</sup> \*Yeñön mewö erakzemö, enön ambazip kambu qainñi kun kewö akze: Anutunöñ inini nanñañgöra möwölöhöm engiiga qainñi kun akze. Anutunöñ söñaupnöhök engoholiga asakñi wewelip-ñambuk miangöreñ angota jike nup galöm kambu sarakñi akze. Angöletot aködamunñambuk memba malöhi, miangö Buña keuñi mi jim asaribingöra engoholök. Engoholiga Anutugö buña könagesöñi mala Kiñ Kembangö jembonurupñi aka nupñi liliköba memakze.

<sup>10</sup> \*Mutuk Buña Kimbigö keu kungö dop “simbisembel lañ malgetmö,” nalö kewöñe uru jöhöm anguba kutulañgöba “Anutugö urumelen könagesö kambu” aka malje. Mutuk Anutugö ak kömükömugöra “gukmaulem malgetmö,” nalö kewöñe “engehoriiga kalem möriamñi ölop möt kutuba malje.” Mewö.

### *Anutugö welenqeqe ambazip kewö aka malbin:*

<sup>11</sup> O wölböt alaurupni, Suepkö buñaya aka gölmenöñ ki kusuk kiana maljei, nöñön engö uruñini kewö kuñgumam: Silegö sihim kömbönañini bölöñan galöm köñ engibapuköra mönö nanñini angön köñ angume. Sihim murutñi murutñi mienön mönö uruñini mem bölimegöra bim qemakze.

<sup>12</sup> Uruñini qahö melenjeri, yeñgö sutñine ahakmemeñini ölopñanök aka memba malme. Tosatñan inini bölöñi meme ambazip ewö keunöñ jim bölim engimakzei, yeñön ahakmemeñini ölopñi eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosohöñini ek kutuba uruñini melenja Kraist asuhumawañgö nalöñe engöra aka Anutu möpöseim wañgime.

\* 2:3: Sum 34.8 \* 2:6: Ais 28.16 \* 2:7: Sum 118.22 \* 2:8: Ais 8.14-15 \* 2:9: Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2 \* 2:10: Hos 2.23



<sup>13</sup> Anutunöj malmal arenğöiga ambazip tosatjan galöm köl nenğimakze. Kembugö qetji bisize ewö, enön mönö körek yengö keu bapje anda malme. Kiñ aka ministö yenön bohonjini akzei, injini mönö yengö jitjini tem köla malme.

<sup>14</sup> Kiap aka gawönö yengö jitjini mewöyök tem köla malme. Yenön ambazip bölöj akzei, yengö keujini kewöta likepni melenğ engimakzemö, ölöpnj ahakzei, yengö qetjini möpöseimakze. Anutunöj mianğöra aka gawman ambazip al enğiiga malje.

<sup>15</sup> Anutugö jit sihitjan mönö kewö ahöza: Kezapjupjup ambazip gukmaulem kinda enğöra uruqahö keu omañi omañi jimakzei, injini mönö ahakmeme ölöpnj aka memba mianjön yengö numbuñini muhungögetka ölöj malme.

<sup>16</sup> Anutunöj bölöjanğö kösö gwaröneyök pösat enğiiga lolohogeri, injini mönö mianğö dop ahakmeme solanji aka memba malme. Mewö malmemö, bölöjanmñini turumegöra “Kösö gwarönini qahö solanji (fri) maljin,” jiba mianğörenj möndöba nanjini imbiñini kude wuatangöme. Mewö qahöpmö, Anutugö jitji tem köla welenji qemakzei, mönö mianğö dop gwarö qahö malme.

<sup>17</sup> Ambazip körek mönö göda qem enğiba malme. Urumelenj alaurupjini mi urukönömñinan jöpaköm enğiba malme. Anutugö keuji oñgitpinbuköra mönö sömbuñini möta malme. Kiñ aka ministöurupjini yengöra mönö mötket öngöiga göda qem enğiba malme. Mewö.

*Kraistnöj sihimbölögö silik ölöpnj kondel nenğiyök.*

<sup>18</sup> Welenqeçeurup injini mönö ketañamñinanğö keu bapje anda göda pakpak kondel enğiba malme. Urubönjönñöj galöm ölöpnj ak engimakzei, yengörök qahöpmö, öröm ureim ak engimakzei, mi mewöyök törörök göda qem enğiba malme.

<sup>19</sup> Denike yenön Anutugö jitjanğö dop ambazip göda qem enğiba malgetka töndup könanj qahöpmö, öne kahasililij ak enğigetka sihimbölö möta kapanj köla mökösönmakzei, Anutunöj mi eka likepni melenğda kötuetköm enğiiga simbawonj akze.

<sup>20</sup> Bölöj aketka kömbinöj enğuetka mi möta mökösönğda kinme ewö, nanjinañğöra mönö denöwö aka mötket öngöbawak? Dopjine enğuetka qetbuñanji-nambuk qahö akñe. Mewö qahöpmö, ahakmeme ölöpnj akeranğöra aka sihimbölö miwikñaiba mökösönğda malme ewö, Anutunöj mönö mianğö likepni melenğda kötuetköm enğiiga simbawonj akze.

<sup>21</sup> Kraistnöj mewöjanök enğöra aka sihimbölö möta silik ölöpnj kondel enğiyök. Mianğöra injini mönö yangö köna tamböñi mötöteiba sihimbölö möta mökösönğda malmegöra enğoholök. Mewö mala simbawonj akñe.

<sup>22</sup> \*Buña Kimbigö keu kun kewö ahöza, “Yañön siñgisöndok kun qahö ahök aka yangö numbu jitneyök munenj keu kun qahö erök.” Injini keu mianğö dop aketka dop kölma.

<sup>23</sup> \*Ambazipnöj uruqeçe keu töhörenj Kraist gwötpuk jim wanğigetka kitipni kun qahö melenjök. Sihimbölö ak wanğigetka möta kitipni mekömamgö qahö töröpköm enğiyök. Mewö qahöpmö, Anutunöj keu diñdiñanök jim tekömakzawi, mönö i möt nariba keuji yangö böröñe ala jim tekömapkö mambörök.

<sup>24</sup> \*Kraistnöj nenğöra kapanj köla siñgisöndok andö qeba ahakmeme solanji wuatangöba malbingöra aka sihimbölö mörök. Mi möri Buña Kimbigö dop “silenj qegetka uzi asuhuyöhanğöra aka Anutunöj injini mem ölöwak enğiyök.” Ölöwakñegöra mönö “nanjak siñgisöndoknini memba silenje anğuba” maripomnöj öngöba kömuyök. Mianğöra injini mönö Kraistkö dop sihimbölö möta mökösönğögetka ölöwakña. Siñgisöndokö esape-sapnöj öröm nenğiiga mianğörenj mönö qamöt tandök aka köhömuñi malbin.

<sup>25</sup> \*Mutuk injini “lama ewö janjuñ anda kaba lanlanj malget.” Mewö malgetmö, nalö kewöñe uruñinañğö galömñanğörenj lilingöba kaba malje. Yañön injini lama ewö sel jöhöba köyan köl enğimakza. Mewö.

## 3

*Awanöm yengörej qambañ keu*

<sup>1</sup> \*Anutu welen qebingö keuñi lök jizalmö, ambi inini mönö mewöñanök apurupñini yengö keu bapñe anda malme. Mewö malgetka apurup tosatñan Buña keu qahö tem köla maljei, yeñön mönö mewöñanök anömurupñini yengö ahakmemeñini eka uruñini melenbeak. Uruñini melenbea malmalñini Kraistkö böröñe almegöra Buña keu jitñinanök qahö jimemö, Kraistkö könañi mönö silikñinan kondel engigetka ek asaribeak.

<sup>2</sup> Ahakmeme sarakñi diñdñi aka memba Anutugö jitñi onggitpepuköra kengetñini mötketka azinöñ mewö engkek yakögetka Kraistpuk qekötahöba malbingö sihimñini ahubawak.

<sup>3</sup> \*Silegö aködamunñinanök mönö kude mem öngömakñe. Nöröp sawañini qeba gawasu könañi könañi kude ala minjinäda öñböñ kude memba malme. Kösasorom goul yuainöñ silenñini kude menjölöm angume. Sileötañ qetpuk sorok aködamunñambuk mi kude mem angume.

<sup>4</sup> Mewö qahöpmö, aködamunñini ölni mi mönö töp megetka uruñine ahöma. Uñañinan luainöñ böñjöñ malgetka aködamunñini ölni mianjön tölapñe ahöba mönö nalö kunöñ qahö ayapköma. Ürubönjöñ malgetka Anutunöñ engeka möri öngömakñe.

<sup>5</sup> Mönöwök ambi sarakñi yeñön Anutubuk kindä jörömqöröm ak wañgiba yuai pak-paköra mamböta malgeri, yeñön mewöyök uruñinanöñ aködamunñinan menjölöm anguba apurupñini yengö keu bapñe anda malget. Mönö ambi miengö dop aka malme.

<sup>6</sup> \*Saranöñ apñi Abraham tem köla wañgiba “Azi kembuni!” jiba ohola malök. Inini mewöyök zeñ kindä nup ölopñi ölopñi memba awösamkakak kindä yuai kungöra jönömñini qahö undui apurupñinambuk malme ewö, mönö Saragö dop ambi aködamunñinambuk aka malme.

<sup>7</sup> \*Ambi yeñön ösumñini eretñi akzemö, töndup malmalgö kalem möriamñi mi azibuk öröröñ buña qem anguba malje. Ösumñini eretñi akzeangöra azi mohot mohot inini mönö anömurupñini törörök köyan köla lolongöm engiba malme. Anutunöñ azi engö köulukñini qepureibapuköra mönö göda qem engiba malme. Mewö.

*Nup ölopñi memakzemö, sihimbölö töndup mötze.*

<sup>8</sup> Keuni tekömawañgö qambañi kewö jizal: Inini mönö körek urumohot aka urumelen alaurupñini urubönjönöñ jöpaköm anguba malme. Gunbönjönjön mala nanñini memba et al anguba uruñinan jöhöm anguba mohotñe kinme.

<sup>9</sup> Jinöñ jibi nuñgunöñ guhubi aknöñ aki mi kude ahakñe. Uruqeçe keu töhörej jim engigetka kitipñi kude meköme. Mewö qahöpmö, keu bölöñangö likepñi melenbea mönö kötuatköba uruölöwak engiba malme. Mewö aka malgetka Anutunöñ likepñi melenbea kötumötuetñi buña qem angumegöra engoholök. Mewö aka mala Kembu asuhumawi, nalö mianjörej mönö oyaenköyaen akñe.

<sup>10</sup> \*Mewö akñegö keuñi mi Buña Kimbinöñ kewö ohoget ahöza: “Kunöñ malmal nahömñambuk malmangö ak wañgiiga wehön ölopñi ölopñi eka malmangö mötzawi, yañön mönö nesilamñi keu bölöñi jibapuköra jöhöba malma. Numbu suneyök genmoñ keu asuhubapuköra mönö galöm mem anguba malma.

<sup>11</sup> Ahakmeme bölöñi mönö andö qeba nup ölopñi ölopñi memba malma. Luainöñ malmalgö jaruba mi buña qem angumangö kapan köla kinma.

<sup>12</sup> Mi kewögöra: Kembugö jeñan ambazip solanñi engkek galöm aka köulukñinanöñ kezap alakzapmö, gonjonñi mi qahö mesohol köla engehakza.”

Keu mewö ahöza.

13 Injini nup ölopñi membingö urukönöp aka malme ewö, ambazip sehisehinjan mönö nupñini genmororöñ memba mem bölim enjibingö qahö mötme.

14 \*Mi qahö mötmemö, töndup ahakmeme solanji akerangöra aka sihimbölö mötpeak ewö, injini mönö töndup Anutunöñ kötuetköm enjiiga oyaenkoyaeñ akñe. Kahasililin mem enjibepuköra mönö öne töwöratiba kenjötnjini möta uruñini eri möt bölobölöñinan enjubapuk.

15 Uruñinan kude etmapmö, uruñini mönö Kembu Kraistköreñ jöhöba könani sarakñi pöndañ mötmorigetka öngöi malme. Nalö dop jöjöröba Kraistkö könani ambazip jim asarim enjiba malme. Oyaenkoyaeñ akingö jörömçöröm akzei, ambazipnöñ mianjö könañangöra qesim enjigetka mönö körek yengöra keu melen enjiba malme. Mönö gunböñjönjöñ qakñe ambazip göda qem enjiba uru kuñgum enjiba malme.

16 Keuñini mewö galöm kölgetka Anutunöñ engeka “Dop kölja,” jiiga urukezapñinan mewö mötmegöra kinme. Kraistpuk qekötahöba kinda ahakmeme ölopñi aketka uruqeçe keu töhöreñ lañ jim enjimakzei, yeñön mönö nanñini keu bölöñangöra aka gamu miwikñajime.

17 Nup ölopñi ölopñi memba malgetka ambazip tosatñan töndup kahasililin ak enjigetka Anutugöra sihimbölö mötketka dop kölja. Yuai bölöñi aka memba mianjön sihimbölö miwikñajigetka gamuñambuk akza.

18 Kraistnöñ mewöyök nalö kunöñ sinjisöndoköra aka kömuyök. Nini gonjoñi ahinga Diñdñi yanön neñgwanjiriga Anutugöreñ angotpingöra aka sihimbölö mörök. Gölme azia aiga silenji mem kömugetmö, Uña Töröñan mem gulim wanjiiga wahöta malja.

19 Uña Töröñan wanjiriga neñgömosöta kömupkö senjom mire geba uña kösö gwarönöñ malgeri, mönö yengöra Buña keuñi jim asarim enjyök.

20 \*Mönöwök Noagö nalönöñ wanje ketanji megetka Anutunöñ uruñini melenmegöra kapañ köla mökösoñda mambörökmö, ambazipnöñ keu qahö tem köla ayuhuba kömupkö kösö gwarönöñ geget. Ambazip saiwa morörökñi 8 mewöñan Anutugö jitñi tem kölgetka o aliga gölme turuba wanje siriiga gölunöhök gouñini köla bohonñini jöhöyök.

21 Yuai mewö asuhuyöhi, mi o melungö söpsöpñi akza. Jisös Kraistnöñ kömupnöhök wahöta maljawangöra aka nalö kewöñe o neñgömirigetka Kraistkö ösumñan neñgualöñda bohonini jöhömakza. O mi silegö töwötñi sanjoñmapköra aka qahö al neñgizemö, o melungö ölnji mi kewö: Nini Anutubuk malbingö jöhöjöhö aka jöjöpañ keunöñ jöhöba kewö köulukö-makzin, “Anutu, gi mönö qewölonji sanjoñnöñga uruñan sarakñi aiga göhö jege dop kölma.”

22 Jisös Kraistnöñ Suep mire eu öngöba Anutugö böröñi ölnje bunabunajambuk tatza. Anutunöñ kukösum wanjiiga tata Suep garata aka Suepkö bem suahö könani könani ösum-mumuñinan neñgek galöm aka kuñgum neñjimakzei, mi tok galöm köl enjiiga keuñi bapñe malje. Mewö.

## 4

### *Mönö letota malmal qainñi kun malme.*

1 Kraistnöñ silenje sihimbölö mörök. Mianjöra injini mewöyök silenine sihimbölö mötpingö jöjöröba malme. Yambuk mötmöt mohot kewö memba mötmörime: Kunöñ sinjisöndok ahakzawi, yanön mönö nanñi silenjangö sihimñangöra ak wanjimakza. Kunöñ Kraistköra aka sihimbölö mörakzawi, yanö sihim kömbönañi bölöñan mönö söroraua eri sinjisöndok tököba qahö akñangö kapañ köla malma. Urumötmöt mianjön mönö wötñini mem enjiiga mianjöreñ töndangöba aködamunñinambuk aka malme.

\* 3:14: Mat 5.10; Ais 8.12-13 \* 3:20: Jen 6.1-7.24

<sup>2</sup> Urumötmöt mianğoreñ töndangöba kinda uru silegö sihim kömbönañi bölöñi jöhöba galöm köla malme. Nalö kewöneyök könahiba gölmenöñ toroqeba mal öngömei, mianğoreñ mönö Anutugö jit sihitñi tem köla wuatangöba malme.

<sup>3</sup> Inini nalö mala kotkeri, mianğoreñ anğöjörak ambazip uruñini qahö melenđa ahakmeme bölöñi lañ akingö mötzei, mönö yengö dop kewö lañ malget: Serowilin aka sihim kömbönañini bölöñi lañ wuatangöba malget. O jawat, gojak dauñ yuai mi otoñomborañ memba kanjam köla negetka nöropñini sohoi enololonğ malget. Közölömbuañ ala liñet unduba ambi kenam mem bölim engiba kezapjupjup aket. Tandö lopioñ liliköba simin köl engiba yuai kanjamñambuk aket. Mewö aketmö, nalö kewöñe ahakmeme mewöñi mi qahö toroqeba ahakze.

<sup>4</sup> Anğöjörak ambazipnöñ söñaup malmalgö sömuk piliñ-piliñgöba ahözawi, mianğoreñ öröba luhuba gemakze. Inini yembuk kude öröba gegetka eka auruba uruqeçe keu töhöreñ jim engimakze.

<sup>5</sup> Mewö ahakzemö, Anutugö jeñe angotketka qesim engiiga könañamñini aukñe indela jim asarigetka möndö möndöñini kesalma. Anutunöñ ambazip maljini aka kömükömuñi mönö körek neñgö keunini kewöta jim tekömamgö jöjöröza.

<sup>6</sup> Sileninan kömumba keuninan mianğoreñ qahö teköma. Mianğöra Ölöwak Buña mi kömupkö senjom mire maljei, mienjön mewöyök mötmegöra Kembunöñ mutuk jim asariyök. Mi kewögöra: Anutunöñ ahakmemeñini kewöta ambazip tosatñi neñgö dowa jim teköm engiiga silebuk malgerañgö likepñi miwikñaimemö, tosatñan uruñini melenđa uñañinan guliba malmal köhöikñañgö buñaya aket. Anutunöñ nanñak mal köhöimakzawi, mianğö dop körekñan malmal köhöikñi mal öngömegöra möt köhöimakza. Tosatñan Buña keu mi uruñini kuñgum engimegöra jiget. Mewö.

*Nup memegö mötmöt kalemñi mönö galöm köla malme.*

<sup>7</sup> Yuai pakpakö nalöñan mönö tekömamgö dopdowiza. Mianğöra inini köuluköbingöra mönö ikmaok kude malmemö, nanñini ahakmemeñini galöm köl anğuba zeñ kinda köuluk nup memba malme.

<sup>8</sup> \*Buña Kimbigö keu kun kewö ahöza, “Ambazip uruninan jöpaköm engiba siñgisöndokñini sehisehiñi kölaleiba gamuñini turumakzin.” Mianğöra alaurup sutñine mönö törörök jöpaköm anğuba malme.

<sup>9</sup> Inini mönö alaurupñini köl öröba miriñine köisirik tata uruñinan jimongot ihururukñi qahö köyan köl anğuba malme.

<sup>10</sup> Anutunöñ kalem möriam könañi könañi mianğö Toñi akza. Yañön nup memegö mötmöt kalem murutñi murutñi mendeñ engii malje. Inini mohot mohot mönö mötmöt kalemñini ölopñanök galöm köla mianjön könağesöurupñini welen qem engiba malme. Mi buña qem anğugerañgö dop nupnöñ ala kambu sutñine bauköm anğuba malme.

<sup>11</sup> Nup memegö mötmöt kalem yahöt mi kewö: Denike yeñön Buña keu jim asari-makzei, yeñön mi mönö Anutunöñ sölölohöm engimakzawañgö dop jiba malme. Denike yeñön alaurup welenñini qeba nañgöm engimakzei, yeñön mönö Anutunöñ inahöba ösum engimakzawañgö dop alabauk ak engiba malme. Jisös Kraistkö buña akzeañgöra yuai pakpak mianğoreñ mönö Anutu möpöseigetka qetbuñañan aködamurañambuk aka ahöma. Yañön asakmararañ Toñi aka kukösum Toñi mi nalöñi nalöñi mala kota malja aka teteköñi qahö mal öngöma. Keu mi ölña.

*Kraistpuk kinda sihibölö möta malme.*

<sup>12</sup> O wölböt alaurupni, sihibölö qakñine öngöi mötketka könöpñan engohotiriba esapköm engimakzawi, mianğöra mönö kude auruba malme. Yuai asuhum engimakzawi, mi upnina, mewö mötmöríbepuk. Mi gölmenöñ maljinañgö dop asuhumakza.

\* 4:8: Qam 10.12



<sup>13</sup> Kude aurumemö, Kraistnöj ölopñi aiga kahasililiñ ak wanğigetka möröhi, inini mönö sihibölö میانگۆ kitipñi mötzeanğö dop sösöngai aka malme. Yambuk mewö malgetka lilingöba kaiga asakmararañan asuhuiga nalö میانگۆreñ mewöyök söngai oyaenköyaen akñe.

<sup>14</sup> Ambazipnöj engeka uruñini Kraistköreñ melenğerañğöra aka uruqeçe keu töhöreñ jim engi-makze ewö, enön mönö simbawoñ akze. Mewö jim enğimakze-anğöra aka Anutugö Uña Töröñi asakmararañambuk yañön mönö qakñine köla ösumñan turum enğiba kötuetköm enğimakza.

<sup>15</sup> Enğöreñök kunñan yuai bölöñi ahöhañğöra sihibölö miwikñaiba mötpapuk. Kunöñ kegwek-kahasililiñ aka ambazip enğuba yuai yonğorö meyöhi me tosatñi yengöreñ keu jim supapköba nup meme tandöktandök möndöba lañ lilikqilik aka lömböt miwikñaimakzawi, yañön mönö sihibölöñi dopñe mötza.

<sup>16</sup> Kunñan Kraistkö alañi akzawañğöra anğösirip miwikñaiba sihibölö mötza ewö, yañön mönö میانگۆ gamumamusumñi kun öne kude mötma. Gamu qahöpmö, Kraistkö qetñi bisizawañğöra mönö Anutu möpöseiba malma.

<sup>17</sup> Anutunöj ambazip keunini kewötmapkö nalöñan kam kuñguiga nanñi urumelen könagesöurupñi neñgö keunini mi mutuk jim teköma. Mutuk neñgö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköne mönö denöwö asuhum enğibawakto?

<sup>18</sup> \*Buña Kimbinöj keu kun kewö ahöza: “Solanñi yeñön Suep mire öngöbingö kupuk-kapak akñe ewö, siñgisöndok ambazip anğöjörakñinambuk yengö keuñini mönö denöwö asuhubawakto?”

<sup>19</sup> Miangöra alaurup Anutugö jitñi tem köla anğösirip miwikñaiba sihibölö mörakzei, enön mönö uñañini miwimiwikñai Tonanğö böröñe alme. Tonñi yañön keu jiyöhañğö dop alaurupñi sel jöhöba kölközizip aka köyan köl enğimakza. Uñañini yanğö böröñe ala mönö jegep kinda nup ölopñi ölopñi pöndañ memba malme. Mewö.

## 5

### *Jitñememe enğöreñ qambañ keu*

<sup>1</sup> Nöñön urumelen könagesögö jitñememe kun aka Kraistnöj sihibölö möröhi, میانگۆ keuñi nanğöba jimakzal. Könañgep lilingöba kaiga asakmararañan asuhuiga qetbuña niñgi miwik-ñaimangö mötzal. Enğö sutñine nöngö jitñememe alaurupni akzei, nöñön enğö uruñini kewö kuñgum enğizal:

<sup>2</sup> \*Anutunöj möt narim enğiba lama kambuñi böröñine alöhi, enön mönö i köyan köl enğiba malme. Nup mi ölan qakñe qahöpmö, Anutugö jitñañğö dop urusihimñini nupnöj ala mi amqeba urukönöp qakñe zeñ memba kinme. Möndömöndö qakñe injarere mala moneñ yuaigöra kude kapan kölma malme.

<sup>3</sup> Lama kambu bapñine kaba kinjei, i mönö azi kembu tandök kude galöm köl enğime. “Zioz galöm akzin,” jiba töptöpñine kude qeba miwidimgöm anğumemö, ahakmemegö silik ölopñi mi lama kambu kondel enğiba malme.

<sup>4</sup> Ahakmeme ölopñi aka malgetka lama galöm bohonñan kunbuk asuhumawi, nalö میانگۆreñ mönö sorom jölñine uta ila jalö aködamunñambuk nöropñine köl enğigetka buña qem anğume. Aködamun mianñön mönö nalö kunöñ qahö tahöliba piahima. Mewö.

### *Sepguli enğöreñ qambañ keu*

<sup>5</sup> \*Sepguli inini mewöyök galömurup yengö keuñini bapñe anda malme. “Anutunöj söngöröqök ambazip tuarenjoñ ak enğimak-zapmö, nanñini memba et al anğumakzei, yengöra mönö kalem möriamñi enğimakza.” Miangöra inini mönö körekmakörek sutñine

\* 4:18: Qam 11.31 \* 5:2: Jon 21.15-17 \* 5:5: Qam 3.34

nannini memba et al anguba malme. Tandök mianjon mönö maluku ewö kölget gem enjiiga malme.

<sup>6</sup>\*Miangöra mönö nannini memba et al anguba Anutu böröni kukösumjambuk miangö bapne angetka nalöjan kam kunguiga ölop memba öngöba al enjima.

<sup>7</sup>Buņa keu kun kewö ahöza, “Yañön injini köyan köl enjimakzawañgöra waimanjatnini pakpak mönö yangö böröje ala mosötme.”

<sup>8</sup>Ahakmemeņini galöm köl anguba zen kinda pöndaņ uru guliguli malme. Bölöñaņgö Toņan laņ liliköba ambazip tuarenjon aka jarum neņgimakza. Kunņan sipkömturuk aiga yaņön mönö laion sömbup ewö gwahöt neņgimangö jöjöröza. (Laionöņ görörök qeriga silatņi mötketka böņnini wahörakza.)

<sup>9</sup>Injini sihimbölö mörakzei, enģö urumelen alaurupņinan mönö mewöñaņök gölme dop kahasililij miyöhök möta mökösoņda malje. Mi mötmöriba keņģötņini yaköriba mötnaripnöņ töndangöba kinda laion mi köhöikņanök tuarenjon ak waņgiba malme.

<sup>10</sup>Injini nalö töröņni sihimbölö möta malgetka mösöhöba naņģöm enģiba töņgum enģiiga ölop kin köhöiba malme. Mewö Kraistpuk kingetkun aködamunņi tököm enģiiga asakmararaņe öngöba teteköņi qahö asariba malme. Anutu, kalem möriam pakpakö Toņi akzawaņön mönö injini mewö aka malmegöra enģoholök.

<sup>11</sup>Yañön kukösum Toņi mala kota malja aka nalö teteköņi qahö mal öngöba malma. Keu mi ölņa.

*Pitönöņ yaizözkök keu teteköņi jiyök.*

<sup>12</sup>\*Anutugö kalem möriamņan mönö ak kömukömu öl töhöņni akza. Nöņön keu mi köhöiba naņģöba jiba enjon kalem möriam miangören töņguba kin köhöiba malmegöra jim kutum enģizal. Miangöra kimbi töröņni ki jibiga neņakni Sailasnöņ ohom enģiyök. Yaņön nömbuk pöndaņ kinda urumelen neņakni akza. Yaņgöra mewö mötmörizal.

<sup>13</sup>\*Anutunöņ urumelen könagesö injini ewö naņñaņgöra möwölöhöm enģiiga Babilon siti bölöņi miangören\* maljei, mienön mönö yaizözkökņini algetka enģören kaza. Mötnaripkö nahöni Mak yaņön mewöyök yaizözkökņi alja.

<sup>14</sup>Injini sutņine urukalem-ņinaņģö waikņini memba aņgum aņguba nemböņini susuhuba malme.†

Alaurup Kraistpuk qekötahöba kinjei, luainöņ mönö körek embuk ahöma. Mewö.

\* **5:6:** Mat 23.12; Luk 14.11; 18.14    \* **5:12:** Apo 15.22, 40    \* **5:13:** Apo 12.12, 25; 13.13; 15.37-39; Kol 4.10; Flm 24

\* **5:13:** Babilon mi Rom sitigö qet tölapņa. Indelindel buknöņ mewöñaņök qet mi miangö dop ohoget ahöza. † **5:14:** Nalö miangören jölöņini jiba waikņini memba numbuņini yöhötım namba malģeri, mönö miangöra jiza.

## Pitögörenj Kimbi 2

### Pitönöñ Kimbiñi aliga 2 ahök.

### Jim-asa-asari

Pitönöñ Kimbi ki Kraistkö alaurup gölme dop tat angeri, yengöra ali anda liliköyök. Tosatñan keu sohoboho miwikñaiba ambazip kusum sohom engigeranğöra malmal sarakñi mosöta sero namböñnamböñ yuai lañ aka malget. Böhi takapulakanj mi Anutugö keu bapñe qahö anda (2.10) iwilele (3.17) aka silenini möpöseiba (2.18) jakbak-öranğöran (2.10) aka nanñini imbi-imbi malget. Aiakaninan Jisös qañ köl wañgiget. Yeñön ilit ambazip gödaqeqeñini qahö mala anjanbanjan ambazip (2.3) lölöwöröñi (2.18)janjun mem engiget. (3.3-4)

Pitönöñ keu aka ahakmeme miangöra waimanjat ketanji möta diñgimapköra bim qeba amötqeqegö könanji jim tuariza. Uruñini kuñguba jimkutukutuñi kewö ohoyök, “Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñi mi jimburenj qahöpö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Miangöra mönö malmal sarakñi mala kopa malmal aka uruyahöt mi andö qeme.”

Tosatñan kapañ köla kewö lañ jiba ambazip kusum sohom engiba malget, “Kraistnöñ kunbuk qahö lilingöma.” Keu mi jimburenj keuya. Pitönöñ keu miangöra waimanjat ketanji möta likepñi kewö melenja jiba ohoyök, “Kraistnöñ nalöñi könjörari öngöiga lilingömawanğö tandök akzawi, mi kewögöra: Anutunöñ ambazip nenğörenğök kunñan ayuhumapkö qahö mötzapmö, körek neñön urunini melenja singisöndok malmalnini mosötpingö möta kapañ kölakza.”

#### **Buk kianğö bahöñi bohonñi 4 mi kewö:**

Keu mutukñi 1.1-2

Anutunöñ sarakñi malbingöra nenğoholök 1.3-21

Böhi takapulakanj yengö könanjini 2.1-22

Teteköñe Kraistnöñ lilingöba kama 3.1-18

<sup>1</sup> Saimon Pitö nöñön embuk keu eraum mötpingöra kimbi ki ohozal.

Jisös Kraistnöñ melaim niñgiiga aposol aka welenñi qeba malakzal. Bem Anutuninanan Amötqeqe Toñi Jisös Kraist melaiiga eri yanğöra aka keunini jim teköi solaniinga mötnaripninan ahuyök. Injini mötnarip miyök buña qem anğugетка bohonñi öngöñgöñi aiga nini ewö simbawoñ malje.

<sup>2</sup> Injini Anutu aka Kembunini Jisös möt kutum etkizei, yetköñ mönö kalem möriamñi kelenmaleleñ engiyohotka luainöñ malme. Mewö.

*Anutunöñ engoholöhi, miangörenj köhöiba kinme.*

<sup>3</sup> Anutunöñ asakmararañ Toñi aködamunñambuk akza. Miangö dop nini sarakñi aka malbingöra nenğoholök. Mewö könanji möt yaköinga kalem nenğimakzawanğö könanji asuhuyök. Nini malmal köhöikñi mala urugö köl guliguli pitirik akingöra yuai osimakini, yanğö bem ösumñan mönö mi pakpak nenğiiga buñanina ahakña.

<sup>4</sup> Asakmararañ Toñi yanğön urunine nupñi nupñi wewelip-ñambuk memba kalemñi pakpak nenğimamgö mörakza. Anutunöñ jöhöjöhö keuñi nenğiyöhi, miangö söñgöronñan mönö öngöñgöñi akza. Injini mutuk gölmegö sihim kömbönanjini bölöñi lañ wuatangöba anğöjörak uruñe malgetmö, Anutunöñ injini miangö-renğök meköba bohonñini jöhöyök. Mewö aiga kopa malmal sööreiba andö qemegöra amötqeqe areñi ali ahöza. Mötmöt ahakmeme aködamunñambuk Anutugörenj ahözawi, yanğön injini miangö dop letota kölönaimegöra kapañ kölakza. Injini jöhöjöhö keuñi keta bölökñi miangörenj qekötahöze

ewö, yanön mönö inahöm enjiiga kunbuk letota Suepkö aködamunji miwikñaiba buña qem anğuba malme. Aködamunji mianön ölop tönjonjonğöba dop köl enjima.

<sup>5</sup> Anutugöreñ jöhöjöhö keu mewö ahözawağöra aka injini mönö mötnaripkö ölni ahum enjiiga kondela malme. Mewö malmegöra mönö kapañ köla zeñ kinda bim qeba malme. Ölni ahum enjimawi, mewö ölop Anutugö könañi toroqeba möt kutume.

<sup>6</sup> Mötkutukutuninan qariiga ölop ahakmemenini toroqeba galöm köl anğumakñe. Galöm köl anğuanğuninan qariiga ölop kin köhöiba lömböt mökösöñda bisiba malme. Kin köhököhöininan qariiga ölop kunbuk Anutugö jitağö dop urugö köl guliguli aka malme.

<sup>7</sup> Urugö köl guligulininan ahum qariiga ölop urukalemñinan sehiiga urumelen alaurup ala-ala aka köyan köl anğuba malme. Urukalemñinan sehiiga ölop ambazip pampak jöpaköm enjiba malme.

<sup>8</sup> Injini Anutugö aködamun mewöñi buña qem anğuba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunji mianön mönö nam köl enjiiga amqeba Kembunini Jisös Kraistkö könañi möt kutuba ölop nupñi jegep kinda megetka ölni ahumakña.

<sup>9</sup> Ölop ahumakñapmö, denike yeğöreñ Anutugö aködamun mewöñi qahö ahöm enjiza ewö, yeğö mötkutukutuninan mönö töröpñi aiga bau jegömöl ewö kinğun kanğun akze. Anutunöñ singisöndokñini walñi sanğonñi sarakñi akeri, mi ölum enjui ikmaok malje.

<sup>10</sup> O urumelen alaurupni, Anutunöñ möwölöhöm enjiba enğoholöhi, injini miangöreñ tim töndangöba kinme ewö, mönö nalö kunöñ qahö tala kaman kölme. Miangöra enön mönö miangöreñ köhöikñanök töndangöba kinbingö kapañ köla malme.

<sup>11</sup> Mewö aka malgetka Anutunöñ engehi dop köli köl öröm enjiiga Suep miri nanğunan lökñanök taliga ölopñanök uruñe öngöme. Kembunini Jisös Kraistnöñ Amötqege aka bemtohoñ Tonji akza. Yangö bemtohoñ uruñe öngögetka nalö teteköñi qahö galöm köl enjiiga oyaenköyaen aka malme.

<sup>12</sup> Buña keu ölnan köna mewö kondel enjizawi, injini mi lök buña qem anğuba miangöreñ böñ qeba kin köhöize. Miangöra keu areñ jizali, mi ölop möt asarizemö, nöñön töndup miangöra nalö dop jim gulim enjimamgö mötzal.

<sup>13</sup> Mewö möta sile kiangö sepö kounnöñ malmamangö dop keu areñ mi ölum enğubapüköra mötmötnini jim guliba kuğum enjimamgö mötpi dop kölja.

<sup>14</sup> Nöñön sileni kusukñi ki sepö kounni ewö lulunđa zilañ kömumba unem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral.

<sup>15</sup> Keu areñ kusum enjiali, mianön urukönömñine ahöiga nöñön nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñön miangöra köhöiba kapañ kölakzal. Mewö.

*Kraistkö asakmararañi mi jeninan eka nanğöba jizin.*

<sup>16</sup> Kembunini Jisös Kraistnöñ qetbuñañi öngöngöñi memba nup kukösümñambuk memba malöhi, neñön mi nanine jeninan uba eka malin. Mewö mala miangö dop kukösümñangö könañi aka lilingöba kamawağö keuñi mi jim asarim enjiba malin. Mi bem samban kösohot\* ewö qahö jimburen ahin. Girabu mötmöt ewö mi lañ qahö wuatangöba malin.

<sup>17</sup> \*Nöñön Jisösgö qetbuñañi öngöngöñi mi naninak kewö asuhuiga ehin: Asakmararañ Tonji öngöngöñi yanön keu jiiga qet kewö asuhuiga mörök: “Azi ki nani wölböt nahöni aiga yangöra urunan ölöwahiga eknahöm ak wağizal.” Yanön mi möriga Iwi Anutunöñ asakmararañ wağiiga aködamunji buña qem anğuba malök.

\* **1:16:** Bem samban miengö könañini kun mi kewö: Mötmöt ambazip yeğö uruñine jimburen mötmöt letoriga keu könañi könañi lañ mötmöriba numbu o algetka asuhumakze. \* **1:17:** Mat 17.1-5; Mak 9.2-7; Luk 9.28-35



<sup>18</sup> Neñon yambuk kundunji töröñji mianğoreñ öngöba malinga qet mianñon Suepnöhök asuhuiga mörin.

<sup>19</sup> Kezapqetok ambazip mutuhök Buña keu jiba ohogeri, mi nalö kewöñe möt sölöngöba añğon kölinga pöwöwöm köhöikñi ak neñgiza. Mianğöra Buña Kimbi walñangö keunji mi mönö törörök kezap ala buña qem añguba malme. Kiwanöñ miri söñsöñañe asarimakzawi, kezapqetok keu mienñon mönö mianğö dop jim asarim eñgimakze. Inini mianğö asakñe qekötahöba kinme ewö, mönö ölop Anutugö köna ölni eka söñaupkö ahakmemeñi yaköriba mosöta malme. Mewö mal öngöba mambötketka miri wañgaran suruiga söñangö undinji asuhuiga urunjan asarima. Kembuninan lilingöba kamawañgö undinan mönö mem asarim eñgii eka Anutugö yuai pakpak ek asarim teköme.

<sup>20</sup> Keu nöropñi mutukñi ki mönö möt asarigetka kude ölüm eñguma: Gölme ambazip kunñan Buña Kimbigö kezapqetok keunji mi nanñi mötmöt qakñe jim asarimangö osimakña.

<sup>21</sup> Mi kewögöra osimakña: Gölme ambazip kungö jit sihitñan nalö kunöñ qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip urunine sölölöhöm eñgiiga Anutugö jitñeyök keu memba mönö mia jiget. Mewö.

## 2

### *Böhi takapulakanan mönö mala ayuhume.*

<sup>1</sup> Kezapqetok ambazip takapulakanji mi mewöyök Israel könagesö sutñine asuhuget. Mianğö dop eñgö sutñine böhi sohoboho mewöyök asuhume. Asuhuba kinda mötnaripñini ayuhumapkö eñololon keu kemañi kemañi mi tölapköba memba sutñine kame. Ketañamninan sohopñini meyöhi, Kembu mi mewöyök qañ köl wañgiba mewö mianñon nanñini köñdeñ añguba wölañ ayuhume.

<sup>2</sup> Mewömö, mi töndup ambazip sehisehiñan mönö yeñgöreñ serowilin silikñini wuatangöba nanñini imbi-imbi malme. Mewö malmeañgöra ambazip mötmötñini qötömötötañ aketka urumelenğö köna ölnan mötmötñine gamuñambuk ahakña.

<sup>3</sup> Böhi takapulakanji mienñon mönö yuai membagan membingö köpösöngöba nepaqepalok aka kösohot könañi könañi jimbureñ (zöm mindiriwa) aka lañ jim sehiba malme. Mewö malgetka eñon mi möta amqeba moneñ yuai tokogetka lañ örömgöjup memgöjup aka malme. Anutunöñ ambazip mewöñi yeñgö keunini lök möpñangö möpñe jim teköiga likepñi melenñiga qakñine öngömapkö ahöza. Anutunöñ köñdeñmöñdeñ eñgimangö tañqañ ikmaok qahö akñapmö, öl töhöñña sihimbölä möta malme.

<sup>4</sup> Köñdeñmöñdeñ asuhumapkö galöm meme keu tosatñi kewö: Suep garata tosatñan Anutugö jitñi qetala siñgisöndok akeri, Anutunöñ i qahö eñgehoriyökmö, aköm eñgiiga köñöp mire emuyañgöreñ geget. Yaköriba panaman miri dutñe ala ain tapepñöñ (muñgamuñga) gwaröhöm eñgiyök. Gwaröhöba galöm köl eñgiiga keunjanğö kitipñi jim tekömapkö mamböt tatkerata kotze.

<sup>5</sup> \*Möpñangö möpñe ambazip añgöjörakñinambuk gölmenöñ malgeri, Anutunöñ i mewöyök qahö eñgehoriyökmö, göulu ketañi jiiga wahöta eñguba turum eñgiyök. Turum eñgiyökmö, töndup azi Noa mianñon urumelenğö keu jiba ahakmeme diñdiñi akñegö uru kuñgum eñgiba malöhi, i aka ambazip 7 mia malmalñini añğon köla sel jöhöm eñgiyök.

<sup>6</sup> \*Mewöyök Sodom Gomora taon yahöt mi ayuhumahotkö keunini jim teköba köñöpñöñ eñgohoiga gapñiranök ahöyohot. Ambazip añgöjörakñinambuk yeñgöra yuai denöwö asuhumawi, mianğö söpsöpñi ekingöra mi al eñgii akzahot.

<sup>7</sup> \*Köñöpñöñ körek eñgohomangö ahökmö, töndup azi solanñi Lot mi mutuk sutñineyök meköba añğon köl wañgiyök. Iwilele ambazip sero namböñnamböñ aka nanñini imbi-imbi ahakmeme tosatñi lañ aket eka yeñgöra möt böliba uruñan eri malök.

<sup>8</sup> Azi solanji mianjon yengö sutjine mala ahakmeme iwilele kanjamnambuk eka möta malöhi, miangöra mönö wehön dop möt jinjingöba malök. Urunji sarakjan mönö sundan böliiga malök.

<sup>9</sup> Galöm meme keu jizali, mienjon Anutugö könañi kewö kondelakze: Kembunön ambazip Anutugö malmal köhöikñi köl gulimakzini, nini ölop esapesapnöhök meköba bohonini jöhömangö mörakza. Mi mörakzapmö, ambazip gonjonji mi keunjanangö likepñi melenji qakñine öngöiga garataurupñan galöm köl engigetka malme. Mewö mala öngögetka nalö ketanjan kaiga keunini jim teköiga toroqeba sihimbölö möta malme.

<sup>10</sup> Ambazip silenjanangö sihim kömbönañi bölöñi wuatangöba angöjörakñinambuk aka iwilelenön Anutugö kukösumñi memba et alakzei, Anutunön mi mönö mutuhök jim teköm engiyöhawa sihimbölö ketanji möta malme. Böhi takapulakanji mienjon mönö jakbak-öranböran qakñe nanñini imbi-imbi mala Suepkö bem suahö asakmararanambuk euyangörej maljei, yengöra sömbu-ñini qahö mörakze. Mi qahöpmahöpmö, i mewöyök uruqege keu töhörej jim engimakze.

<sup>11</sup> Mewö ahakzemö, Suep garata kukö-sumñinambuk böhi sohobo ho mi engongita öngöngöñi akzei, mi töndup Suepkö bem suahö ambazip mi Kembugö je mesoholñe qetala uruqege keunön töhörej qahö jim teköm engimakze.

<sup>12</sup> Garata yenön mewö qahö ahakzemö, ambazip mienjon silenini memba öngöba Buña keu qahö möt kutuba mi töndup yengöra uruqege keu töhörej lan jimakze. Sömbup soñ ewö mötkutukutunini ölni qahö asuhuiga sömbup malmalgö sihim yuai korembinji miyök mörakze. Sömbup soñ mi asuhugera ambazipnön lan enguget kömumakzei, yenön mönö miangö dop lanlan tönpin mala ayuhume. Nanñini sihim mötmötñini gonjonmanjonan mönö könden engigetka ayuhum teköme.

<sup>13</sup> Tosatñi öröm ureim ak engigetka kahasilin mötketmö, Anutunön nanñini keunjanangö likepñi melenj engiiga sihimbölö miyök qakñine öngöma. Urumelenj enön urukalem kondel angubingöra tokoba lömbuan algetka takapulaka böhi mienjon mönö miangörej mewöyök kamakze. Kaba dogonñini aukñe kondela bau numbu nemakze. Mewö aka engö sile töwötñini boromñi boromñi gamunambuk ewö akze. Nanñinak silenjanangö sihimñi meköbingöra totoko yuai asakñe ala sero aukñe aka lanlan söngaimakze. “Ziozgö lama galöm akzin,” jiba ala engöra qahö mötmöriba tilipköm engibingö sösongai mörakze.\*

<sup>14</sup> Jenini kaisero jeje aka ambi engehakzei, mi serowilinök akingöra mörakze. Sero singisöndok yuai akingö sihimñi mi qahöpmahöp mosötpingö mörakze. Ambazip konjwarak kölakzei, mi öröm engigetka köna jitje gegetka örömböknön jölnini mesinmakza. Membagun mendingö nepaqepalok köpösöngögetka urumötmötñini köhöikñi miangörej ahöza. Mewö ahakzeangöra Anutunön saiköm engiiga ayuhume.

<sup>15</sup>\*Yenön köna diñdini andö qeba kahalalom janjun anda kezapqetok azi Balam Beorgö nahönñi yangö urukönöp köna wuatangömakze. Kerök azi kembu kunön Balam Israel ambazip tilipqilip ak engimapköra töwa wanjiyöhi, urusihimñan mönö moneñ miangöra ak wanjiyök.

<sup>16</sup> Ak wanjiyökmö, donki kunön bölöñamñangöra jim bölim wanjiyök. Donki sömbup keu qahö jijiñi mianjon mönö azi jölnön keu jiba kezapqetok azi miangö urusohop ahakmeme mi jöhöm wanjiiga osiyök.

<sup>17</sup> Ambazip mienjon mönö o jeni jöpjöpköñi ewö tandök malje. Raidimbom luhutnön kousu omanji töhöntöhön muwutapköm engimakzawi, mönö miangö dop öne lanlan anda kamakze. Anutunön pandaman göjiwanangö uruñe yengöra miri arengöm engiyöhi, mönö emuyangörej dutñe geba malme.

\* **2:13:** Böhi mienjon törom ewö asamböta tatzemö, wanjeninan yengörej qaköba jömgöbapuk. \* **2:15:** Jan 22.4-35

18 Yenön kezapjupjup keu omani jiba silenini memba öngöba laj tiwok-mawok aka terenömakze. Silegö sihim kömbönanjini bölöni wuatangöba sero nambönnambönnöy ambazip laj öröm engimakze. Janjun maljei, tosatjan yengö sutjineyök ölöy kölakzei, mönö mi kelök keunöy kuŋgum engigetka köna jitje gegetka örömböknöy jöljini mesinjmakza.

19 Yuai kunöy ambazip kun jöhöba galöm köl wanjimakzawi, miangö kösönan mönö i jöhöiga mi töwa qahö öne welen qeba malja. Miangö dop böhi takapulakanj mienön kelök keu kewö laj jimakze, “Injini mönö nini toroqem nenjigetka ölöp kösöjini qahö solanji aka nanjini imbi-imbinöy malme.” Keu mewö jimakzemö, mi töndup nanjinak angjööraknjinaŋgö welenqeqenji aka miangö kösönöy malje.

20 Yengö könanjaninan kewö gonjiiga malje: Kembunini Jisös Kraist Amötqeqe Tonini i möt kutuba mewö mianön gölmegö ahakmeme angjööraknjambuk misingöba andö qeba-gun mönö kunbuk miangö kösönöy köpeim anguba qaköba tatze. Miangöra könakönahije ölöpölöp malgetmö, teteköne böliqölim teköba malje.

21 Anutunöy keunini jim teköi solanibingö könanj mutuk qahö möt kutuba tönpin malbeak, mianön mönö eretji ak engibawak. Mewö akawakmö, Buja mi ölja jigetka möta könanj möt kutugetka bujanina ahök. Urujini melenja miangö andöne jöjopaŋ keu töröy andö qegeri, mianön mönö yuai kanjanjambuk aka gamu qem engimakza.

22 \*Andö qeba köpeim anguba etkeri, mi uruqesij keu ölbölji yahöt mietkö dop akza. Keu jitji kun kewö, “Kiamnöy lojöhöngörej lilingöba kamakza.” Keu jitji kun kewö, “Bau sanjonninga dunge elenda sömuk pilinjilinjöy luhuba geba lömu aumakza.” Mewö.

### 3

#### *Kembu kamawangö jöhöjöhö keuji*

1 O wölböt alaurupni, nöjön kimbi yahötji ki albi engörej kaza. Keu jizali, injini mi lök mötzemö, nöjön keugö ölji ahumapköra urujini sarakji kuŋguba jim gulim engiba kimbi yahöt ki kewögöra ohozal:

2 Kezapqetok ambazip sarakji yenön mönöwök Buja keu jiba malgeri, miangöra mönö ölum engubapuk. Mewöyök Kembu Amötqeqe Tonjan jimkutukutu nenjiiga nanjini melaimelai azi aposolurupjinan kusum engigeri, mönö mi mötmöriba köl guliba malme. Miangöra nöjön keu miyöhök ohobiga yahöt akja.

3 \*Keu mutukji kun kewö möt asarime: Kraistnöy lilingömamgö aiga nalö teteköne miangörej mepaqepaik ambazip asuha ahakmemeninan nanjini sihim kömbönanjini bölöni wuatangöba ilit keu jiba malme.

4 Tosatjan lilingöba kamawangö keuji kewö jiba qeapköba malme: “Kamawangö jöhöjöhö keuji mi mönö denikeangörej ahöza? Ambösakoninan mala kota kömuger, nalö miangörejök yuai kunjan kun qahö melenji geyök. Anutunöy Suet gölme miwikjaim etkiiga öryuai pakpak könahiba ahöyöhi, mi mönö mewöjanök ahöba kori maljin.”

5 \*Mewö jiba keu kötji ki olan qemakze: Anutunöy möpjanö möpneyök jim kutuba keujanö ösumjan suet jakenji jakenji miwikjaim engiyök. Mewöyök o jim kutum enjiiga denja angetka mianön gölme miwikjaiiga onöhök asuhum tingirök. Yenön keu kötji mi mötzemö, mi qahö mötzin tandök möndöba laj jiba nönnöngan ahakze.

6 \*Könangep jim kutuiga o gölunöy wahöta gölme turuiga ambazip nalö miangörej gölmenöy malgeri, mi o nempa kömumjaiget.

7 Yenön onöy kömumjaigetmö, suet gölme nalö kewöne etkehakzini, mi könöpnöy ayuhumawangö dop akza. Anutunöy miangö keuji lök böjtöy jim kutuiga ahöza. Miangö ölji asuhumawangö nalöjan kam kuŋguiga Anutunöy ambazip angjööraknjambuk maljei, yengö keujini jim teköba könden enjiiga ayuhume.

\* 2:22: Qam 26.11 \* 3:3: Jud 18 \* 3:5: Jen 1.6-9 \* 3:6: Jen 7.11

<sup>8</sup> \*Mewö asuhumapmö, wölböt alaurupni, naninak ehinga yambu 1000 mi nalö köröpñi akzapmö, Buña keu mohot ki mönö kude ölum enguma, “Wehön mohot mi Kembugö je mesoholñe yambu 1000:gö dop akza aiga yambu 1000 ehiga wehön mohotkö dop akza.”

<sup>9</sup> Kembugö jöhöjöhö keu mianjön ölnambuk akñapmö, mianjö nalöni mi törörök qahö mötzin. Tosatñan nalö mi könjörari öngömapköra mötmöriba lañ jimakze. Nanjak nalöni qahö könjörari öngömapmö, mökösoñda ambazip körekñan urunini melenbingöra mambörakza. Kunñan könöp sianöñ gebapüköra kapañ kölakza.

<sup>10</sup> \*Keuñangö ölni asuhumapmö, Kembugö kaka nalöñan mönö yongorö meme azigö tandök kam kuñguma. Mi ouk-tuknine tiiga osibin. Nalö mianjöreñ suep gölmegö yuai ehekñi pakpak mi mönö könöwiba jeba gapñanök ahöma. Wehön köiñ sengelau aka suepkö yuaiñi pakpak mi julkula ötöñ bölöbölöñambuk ayapköba qahöwakñe. Gölmee aka ambazipñöñ yuai pakpak mianjöreñ memba alget ahözawi, Anutunöñ mi körek köndenmöndenñda melenñi gema. Geba jem teköiga yuai kun qahöpmañ ahöma. Saumbañ!

<sup>11</sup> Öroyuai pakpak mi tandök mewö julkula qahöwakñeangöra enjön mönö ambazip denöwöñi aka malgetka dop kölbowak? Mianjöra mönö ahakmeme sarakñi wuatangöba Kraist ewö aka malbingö köl guliba malme.

<sup>12</sup> Injini Anutugö nalö ketani mi kam kuñgumapköra mamböta zilañ kamapkö nupñi kapañ köla memba malje. Nalö mianjöreñ gölmegö öroyuaiñi aka wehön köiñ sengelau aka mewöñi mi könöwiba jeba bolbolgöma. Anutunöñ suepkö öroyuaiñi mi körek köndenmöndenñ aliga julkula jem teköma.

<sup>13</sup> \*Mewö jem tekömapmö, Anutunöñ yuai asuhumapkö keu jöhöi ahözawi, nejön mianjö dop Suep gölmee dölköñi miwikñaim etkimapkö mambörakzin. Mi miwikñaim etkiiga mianjöreñ angota ahakmeme diñdiñi wuatangöba malbin.

<sup>14</sup> O wölböt alaurupni, enjön nalö ketani mi kam kuñgumapkö mamböta malje. Mianjöra mönö kewö akingö kapañ köla kinme: Uruñini sarakñi aiga Anutunöñ töwöt boromñinañgö keuñi kun qahö miwikñaiiga yambuk ösupközeangöra luainöñ malme.

<sup>15</sup> Mamböta Kembuninañgö uru tandökñangöra kewö mötmöriba malme: Yanjön injini uruñini melenñda kunbuk letotmegö nalöni mem körim al engiba ösoñ mamböt engiba malja. Wölböt alanini Pol yanjön mewöyök keu miyök ohom engiyökmö, Anutunöñ mötkutukutu öngöñgöñi wañgiiga mianjö dop keuñi ohom engiyök.

<sup>16</sup> Mianjö keuñi mi kimbiñi pakpak mianjöreñ jiba ohomakzapmö, Buña Kimbiñangö uruñe keuñi tosatñi mi lömbötñambuk. Mianjöra tosatñan mi möt asaribingö jaram tiba lömbörimakze. Gukmaulem ambazip kuñgwarak qeba tötöpinpin lañ malakzei, yejön kimbiñi kimbiñi mi lañ möwöramgömakze. Mianjö dop Polgö keuñi mewöyök melenqeleñ aketka supapköba sohomakza. Mewö möwöramgöba kinda nanñini mem bölim anguba könöp sianöñ geme.

<sup>17</sup> Yejön gememö, wölböt alaurupni, enjön mewö asuhumapkö keuñi lök qeljine möta malje. Mianjöra mönö nanñini galöm mem anguba malme. Iwilele ambazip köna siñgiba qiwitipkömakzei, enjön mönö yeñgö kelök keuñinan öröm engii enguatangöba jinjaun anbepek. Malmalgö tandö pöwöwöm köhöikñi mianjöreñök mewö tala kaman kölbepek.

<sup>18</sup> Kembunini Jisösgö kalem möriamñe kinjei, mianjöreñ mönö kunbuk suariba köhöiba malme. Amötqeqe Tonini Kraistkö könañi möt kutuzei, mi mönö toroqeba möt yaköm soroköba malme. I möpöseininga qetñi nalö kewöñe aködamun-ñambuk aka könañgep teteköñi qahö mewö ahöm öngöma. Keu mi ölna.



## Jongöreŋ Kimbi 1

### Jonöŋ Kimbiŋi mutukŋi alök.

### Jim-asa-asari

Jonöŋ jöpaköm anġuaŋgugö keuŋi köhöiba jiba malök. Urumelenġ ambazip neŋön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatŋan keu munenġi ambazip kewö kusum sohom enġgiba malget: “Jisösnöŋ Suep aziyök akza. Gölmenöŋ yuai pakpak mi bölöŋi akza. Mianġöra Jisösnöŋ gölme azi ölnġi qahö aka malök.” Keu mianġöra aka tosatŋan “Anutu möt narizin,” jiba ahakmeme ölpöŋi mosöta siksauk silekmalak mala ambazip tosatŋi yom kazik ak enġiget aka qölmöm injarere malget. Keu sinŋi sinŋi mewöŋan zioz mem bölibapuköra Jonöŋ goro keuŋi kimbinöŋ kewö ohoba ali kayök, “Jisösnöŋ Suep aka gölme azia mohok akza. Gölmenöŋ nup meme aka mötmöt meme mi yuai bölöŋi qahö. Mianġöra ‘Anutu möt narizin,’ jiba Nahönŋi Jisös kude mosötpin aka alaurupnini uruninan jöpaköm anġubin. Urukalem mi mönö kapan köla ak anġumakin.”

**Kimbi kianġö bahöŋi bohonŋi 6 mi kewö:**

Malmalgö könaŋi mi Jisös 1.1-4

Asak aka söŋaup uruŋe malmal 1.5-2.29

Anutugöreŋ aka Satangöreŋ nahönbörat 3.1-24

Uŋa ölpöŋi aka öme mi mönö kewötme 4.1-6

Urukalemgö könaŋi aka jimkutukutuŋi 4.7-21

Mötnarip neŋön bölöŋi luhut alakin 5.1-21

*Malmal köhöikŋaŋgö keuŋi mi Jisös Kraist*

<sup>1</sup>\*Nöŋön malmal köhöikŋaŋgö keuŋi jimamgöra kimbi ki ohozal. Mutuhök malmalgö keu Toŋan maliga mianġö könaŋe öröyuai pakpak asuhuyök. Yaŋön mala kota gölmenöŋ eriga i jeninan eka böröninan silenġi misiriinga keuŋi jii möta malin.

<sup>2</sup>\*Oyaenġkoyaenġ malmalgö Toŋan asuhuiga neŋön i eka könaŋi naŋgöba jiba dangunu ewö kinjin. Malmal teteköŋi qahö mianġö Toŋan Iwibuk mala kota eta asuhum neŋgiyöhi, neŋön mianġö Buŋaŋi jim asariba uruŋini kuŋguzin.

<sup>3</sup>Neŋön Iwi aka yaŋgö Nahönŋi Jisös Kraist yetpuk urunini jöhöba mohot maljin. Inġini mewöyök uruŋini nembuk jöhöba mohot malbingöra yuai eka mörini, mi jim tuarim enġizin.

<sup>4</sup>Sösöŋgainöŋ urunini kokolak qei malbingöra keu ki jim tuariba ohozin. Mewö.

*Kembugö asakŋe malmal*

<sup>5</sup>Buŋa keu yaŋgö Nahönŋaŋgöreŋök möta jim tuarim enġizini, mi kewö: Anutunöŋ asakŋaŋgö Toŋi akza aka yaŋgöreŋ söŋaup kun qahö ahöza.

<sup>6</sup>“Neŋön yambuk urunini jöhöba mohot maljin,” mewö jitnöŋ jiba töndup aiakaninan jipjap aka söŋaupnöŋ maljin ewö, mönö keu munenġi jiba ahakmemeninan keu ölnġi qahö wuatangömaksin.

<sup>7</sup>Anutunöŋ asakŋaŋgö uruŋe maliga neŋön mianġö dop aiakanini asakŋaŋgö uruŋe ahakzin ewö, mönö sutnine urunini jöhöm anġuba mohok malinga Nahönŋi Jisös Kraistkö sepŋan mönö siŋgisöndoknini pakpak saŋgoŋmakza.

<sup>8</sup>Urunine siŋgisöndok qahö ahöza, mewö jibinak ewö, mönö nanini tilipköm anġuinga keu ölnġan urunine qahö kinma. Qahö!

---

\* 1:1: Jon 1.1    \* 1:2: Jon 1.14

<sup>9</sup> Singisöndoknini jim miwikñaizin ewö, yañon mönö uruñi diñdiñangö dop jöhöjöhö keuñi pöndañ wuatangöba singisön-doknini mosöta ahakmemenini gonñonji pakpak sanñonmakza.

<sup>10</sup> “Singisöndok qahö ahin,” mewö jibin ewö, mönö keu Tonji onñgiringa Anutunöñ munenñ jiji azi tandök aiga keuñan urunine qahö kinma. Mewö.

## 2

### *Jisösnöñ awörök köiput Tonini akza.*

<sup>1</sup> O (koko) gömukurupni, inñi singisöndok akepuköra keu ki ohozal. Mi ohozalmö, kunöñ töndup singisöndok akawak ewö, awörök köiput Toninan mönö ahöm neñgiza. Jisös Kraist yañon Iwigö kösutñe mala keu pakpak diñdiñanök kewöta ak neñgimakza.

<sup>2</sup> Awörök köiput Tonini yañon singisöndokninañgö töwañi ala köl könjörat neñgiyök. Mi neñgö singisöndokörök qahöpmö, mönö gölmeñi gölmeñi neñgöreñ singisöndok mi mohotñe köl könjöratmamgöra kömuyök. Mewö.

### *Temkölköl mi aiaka diñdiñi.*

<sup>3</sup> Anutugö jöjöpañ keuñi tem kölakin ewö, mewö miañon i möt wañgizini, mi ölop uruyahötñi qahö möt yaközin.

<sup>4</sup> Kunñan “Anutu möt wañgizal,” jiba jöjöpañ keuñi qahö tem köla wuatangömakzawi, yañon mönö munenñ jiji ambaziwa aiga keu ölnan yangö uruñe qahö kinja.

<sup>5</sup> Qahöpmö, kunöñ Anutugö keuñi tem köla wuatangömakzawi, Anutugö urukalemñan mönö ölna yangö uruñi kokolak qei aködamunñambuk malja. Mewö miañon Anutubuk qekötahöba mohok maljini, mi möt yaközin.

<sup>6</sup> Kunñan “Anutubuk qekötahöba maljal,” jizawi, yañon mönö Jisösnöñ ahakmemenñi ahök, mönö miangö dop aka memba malma. Mewö qahö aka maliga qahö dop kölja. Mewö.

### *Urukalem akingö jöjöpañ keu dölökñi*

<sup>7</sup> \*O wölböt alaurupni, nöñon jöjöpañ keu dölök-kunñi qahöpmö, jöjöpañ keu walñi könakönahineyök ahöm eñgizawi, mönö mia ohom eñgizal. Jöjöpañ keu walñi miangö Buña keuñi mi lök möta mala kotket.

<sup>8</sup> Töndup miangö jimkutukutuñi dölökñi mi eñgöra ohozal. Söñaupnöñ ayapkömamgö aiga asakñi ölnan lök asarim qarimakzawi, miangöra jöjöpañ keu miangö ölnan mönö Anutugöreñ aka eñgöreñ ahuba ahöza.

<sup>9</sup> Kunñan jitñan “Asakñe maljal,” jizapmö, alañi kazik ak wañgizawi, yañon mönö toroqeba söñaup uruñe malja.

<sup>10</sup> Kunñan alañi jöpaköm wañgimazawi, yañon mönö asakñangö uruñe pöndañ maliga silikñan tosatñi singisöndok akñegöra qahö kondorakza.

<sup>11</sup> Mewömö, kunñan alañi kazik ak wañgizawi, yañon mönö ömuñe jipjap mala ahakmemenñi söñaup uruñe ahakza. Söñaupnöñ jeñi mem sohoiga janjuñ aka maljawangöra aka denike anmawi, mi nanñak qahö möt kutumakza. Qahö.

### *Anutunöñ singisöndoknini kösöloñanimakza.*

<sup>12</sup> O nahönböraturupni, Jisösnöñ kömumba qet ketañi memba maljawangöra aka Anutunöñ eñgö singisöndokñini mosöta kösöloñanim teköyök. Miangöra keu ki eñgöra ohozal.

<sup>13</sup> O iwiurupni, kunöñ könakönahineyök mala kotzawi, inñi i möt wañgiba mala kotze. Miangöra keu ki eñgöra ohozal. O gwaböurupni, inñi bölöñangö Tonji luhut al wañgiba maljei, miangöra keu ki eñgöra ohozal. Nahönböraturupni, inñi Iwigö könañi möt kutuba maljei, miangöra keu ki eñgöra ohozal.

<sup>14</sup> Iwiurup, kunöñ könakönahineyök mala kotzawi, inñi i möt wañgiba mala kotze. Miangöra keu ki ohobiga eñgöreñ kaza. Azi gwaböurup, inñi Anutugöreñ Buña keu

\* 2:7: Jon 13.34

uruḡine algetka köhöiba kiniga ösum-mumuḡinambuk aka bölöḡaḡö Toḡi luhut al waḡgiba malje. Mianḡöra keu ki ohobiga enḡörenḡ kaza. Mewö.

*Gölmegö ahakmeme bölöḡi mi yakörime.*

<sup>15</sup> Inḡini gölmegö ahakmeme bölöḡi aka yuai pakpak mianḡörenḡ ahözawi, mianḡöra kude ak enḡima. Kunḡan uruḡan gölmegö ahakmemegöra ak waḡgiza ewö, Iwigö urukalemḡan mönö yaḡö uruḡe qahö kinja.

<sup>16</sup> Gölmegö ahakmeme mi kewö: Ambazipnöh silenḡinaḡö sihim kömbönaḡini bölöḡi mörakze. Yuai jeḡinan eka eksihim aka köpösöḡömakze aka gölmegö malmalḡinaḡöra piriḡöba töröraiba silenḡini memba öḡömakze. Mi aka urukönöp tosatḡi mi Iwigörenḡök qahö kaza. Qahö! Mi mönö gölmegö ahakmeme bölöḡi akza.

<sup>17</sup> Gölmegö ahakmemenöh göröh qema aka mianḡö sihimḡi bölöḡi bölöḡi mi mewöyök göröh qememö, kunḡan Anutugö jit sihitḡi tem köla wuatḡöḡomakzawi, yaḡön mönö böḡ qeba nalö teteköhḡi qahö mal köhöima. Mewö.

*Kraistkö tuarenḡonurupḡi lök asuhuze.*

<sup>18</sup> O (koko) gömukurupni, Kraistkö salupḡe\* kinda tuarenḡon ak waḡgimawaḡön nalö teteköhḡe asuhumawi, mi lök jigetka mötze. Keu mianḡö dop nalö kewöhḡe Kraistkö tuarenḡonurupḡi gwötḡuk lök asuḡuba kinje. Keugö öḡḡi mewö asuhuyöhḡöra aka nalö teteköhḡaḡö uruḡe lök kaḡgota maljin, mi mötzin. Mianḡö aiwesökḡi mewö.

<sup>19</sup> Tuarenḡon ambazip mienḡön nanine kambunöhök mala nenḡömosöta anget. Uruḡini nembuk muneh-muneh jöhöba mötnarip könagesö sutnine laḡ mala buratiget. Nenḡörenḡ könagesö öḡḡi akeak ewö, mönö nembuk pöndaḡ qekötahöba mohokḡe malbinak. Nenḡömosöta tikep kinjei, silik mianḡön mönö könaḡini kewö kondeliga eka mötzin: Yenḡörenḡök kunöh nembuk öḡḡa mohot qahö aka malök.

<sup>20</sup> Yenḡön tikep kinjemö, Kraistnöh Uḡaḡi Töröhḡi enḡö uruḡine mokoiga bedu memba inahöm enḡiiga körek enḡön keu öḡḡi möt kutuba malje.

<sup>21</sup> Inḡini keu öḡḡi qahö möt kutubepuköra aka keu ki qahö ohom enḡizal. Mewögöra qahöpmö, inḡini keu öḡḡi möt kutuze aka keu öḡḡan keu munehḡi kun kondotmamḡö osimakza. Mianḡöra keu ki ohom enḡizal.

<sup>22</sup> Jisösöhḡ Amötqeqe Toḡi Kraist akzapmö, kun daḡön keu mi qaḡ köḡjawi, yaḡön mönö isimkakalek ambaziwa akza. Yaḡön Kraistkö salupḡe kinda tuarenḡon ak waḡgiba Iwi aka yaḡö Nahönḡi mi mohokḡe qaḡ köḡ etkimakza.

<sup>23</sup> Kunḡan Iwigö Nahönḡi qaḡ kölakzawi, yaḡön Iwiḡi qahö öne malja. Kunḡan Nahönḡi jim miwikḡaimakzawi, yaḡön mönö Iwi mewöyök miwikḡaiba yambuk malja.

<sup>24</sup> Inḡini Buḡa keu könakönahinḡeyök möta kotkeri, mi uruḡine köhöiba kinmapköra galöḡḡini meme. Buḡa keu möta kotkeri, mianḡön uruḡine kinma ewö, inḡini mewöyök mönö böḡ qeba Iwi aka yaḡö Nahönḡi yetḡuk qekötahöba kinme.

<sup>25</sup> Kraistnöh jöhöhöhö keu kewö nenḡii ahöza, “Nömbuk kinme ewö, mönö oyaenḡoyaenḡ malmal enḡigiba teteköhḡi qahö mal köhöime.”

<sup>26</sup> Tosatḡan esapköba janḡuḡ mem enḡimakzei, nöḡön yenḡöra aka keu mi ohom enḡizal.

<sup>27</sup> Tosatḡan janḡuḡ ahakzemö, Kraistnöh Uḡa Töröhḡi enḡö uruḡine mokoiga bedu memba inahöm enḡimakza. Uḡa yaḡön uruḡine böḡ kini qahö löwörime ewö, enḡön mönö böhi kungöra qahö osime. Mi kewögöra: Yaḡö Uḡaḡan mönö ahakmemegö keu pakpak kusum enḡimakḡa. Bedu memba inahöm enḡimakzawi, mianḡön yuai munehḡi kun qahöpmö, mötmöt ösumḡi öḡ töhöḡḡanök akza. Mianḡöra keu öḡḡi kusum enḡiyöhḡö dop mönö keuḡi pakpak tem köla Kraistḡuk töp qekötahöba kinme.

\* **2:18:** Kraistkö tuarenḡonḡi mi Antikraist. Grik keu anti, mianḡö könaḡi yahöt. Yaḡön Kraistkö salupḡe kinja aka Kraist öḡḡi tuarenḡon ak waḡgimakza.

28 O (koko) gömökurupni! Inini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianğoreñ qahö közöl neñgiiga gamu qakne qahö mömölaköba anbinmö, ölop yangö jeñe awösamkakak qakne tamehök kinbin.

29 Kraistnöñ solanñi akzawi, inini keu mi möt kutuze ewö, mönö keu ki mewöyök ölop möt asarime: Ambazip körekñan ahakmeme solanñi ahakzei, yeñön mönö mewöyök Anutugöreñök ahuba nahönböraturupñi akze. Mewö.

### 3

#### *Neñön Anutugöreñök ahuba nahönböratñi akzin.*

1 \*Mötket! Suep Iwininan neñgöra “Nani nahönböraturupni,” mewö neñgohola mianjön urukalemñi ketanñi kondel neñgimakza. Nini ölna Anutugö nahönböraturupñi akzin. Mi akzinañgöra gölme ambazipnöñ könañamnini qahö möt kutuba malje. Anutugö könañi qahö möt kutuzeañgöra nanine könañamninañgöra mewöyök tötopinpin malje.

2 O wölböt alaurupni, nalö kewöñe nini Anutugö nahönböraturupñi aka maljin. Mewö mala könañgep denöwö aka malbini, mi aukne qahö asuhuyök. Mohok kun mötzini, mi kewö: Yañön kunbuk aukne asuhuiga kaisongolomñi ölni jeninan ekini, nalö mianğoreñ mönö letota i ewö akin.

3 Denike yeñön Kraistköra jörömqöröm mewöñi ak wañgizei, yañön mönö i köl köñjörat mem engiiga yangö tandök ewö sarakñi aka malme.

4 Denike yeñön siñgisöndok akzei, yeñön mönö köna keu qeba walöñmakze. Siñgisöndok mi iwilele ahakmemeya.

5 \*Kraist nanñak siñgisöndokñi kun qahö yañön nanine siñgisöndoknini köl köñjöratmamgöra eta asuhuyöhi, mi ölop mötze.

6 Denike yeñön Kraistpuk böñ qeba kinjei, yeñön siñgisöndok qahö aka malje. Kunñan siñgisöndok toroqeba ahakzawi, yañön Jisös qahö eka könañi qahö möt kutuba malja. Mewö.

7 O (kokourupni) gömökurupni! Kunñan janjuñ mem enğibapüköra mönö galömnini mem añguba malme. Kraistnöñ solanñi akzawi, yangö dop ahakmeme solanñi törörök wuatañ-gömakzawañön mönö solanñi akza.

8 Bölöñañgö Toñan köna-könañiñeyök siñgisöndok aka kota malja. Mianğö dop denike yeñön siñgisöndok ahakzei, yeñön mönö Bölöñi Toñañgö buñaya akze. Anutugö Nahöññan mönö yangö nupñi yañ memamgöra eta asuhuyök.

9 Denike yeñön Anutugöreñök asuhugeri, yeñgöreñök kunñan malmal qainñi kun uruñe ahözawañgöra mönö siñgisöndok qahö toroqeba ahakza. Ahuahu dölökñi ahuba maljawañgöra aka siñgisöndok toroqeba akñamgö osimakza.

10 Denike yeñön Anutugö nahönböratñi aka denike yeñön Bölöñi Toñañgö nahönböratñi akzei, mi kewö kewöta möt asaribin: Kunñan ahakmeme solanñi qahö wuatañgömakzawi, yañön mönö Anutugö buñaji qahö akza. Mewöñanök kunñan alaurupñi qahö jöpaköm enğimakzawi, yañön Anutugö buñaya qahö akza. Mianğö aiwesökñi mewö.

#### *Inini mönö jöpaköm añguba malme.*

11 \*Buña keugö kötni könakönañiñeyök möta kota maljini, mianğö jöjöpañ keuñi kewö: Nini mönö urunöñ jöpaköm añguba malbin.

12 \*Kein (Kain) yañön Bölöñi Toñañgö buñaya mala munñi qei kömuyök. Nini mönö i ewö aka malbinbuk. Yañön kewögöra munñi qeyök: Nanñi ahakmemenñan bölöñi ahökmö, munñañ-göreñan solanñi ahök. Mönö mianğöra qeyök.

13 O urumelen alaurupni, gölme ambazipnöñ kazik ak enğime ewö, mianğöra mönö kude welipköme.



14\* Nini urumelen alaurupnini jöpaköm enjgimakzinaŋgöra aka keu ki möt asarizin: Nini kömup köhöikŋaŋgö jaböŋi walöŋda malmal köhöikŋe aŋgota maljin. Kunŋan urukalem qahö ahakzawi, yaŋön mönö toroqeba kömup köhöikŋaŋgö uruŋe kinma.

15 Ambazip alaurupŋini kazik ak enjgimakzei, körek yeŋön mönö köhömuŋi enjguenju ambaziwa akze. Malmal köhöikŋi mi enjguenju ambazip mewöŋi kungö uruŋe qahö ahöza, mi ölop möt yaköze.

16 Jisös Kraistnöŋ malmalŋi neŋgöra aka kölenŋa mosöta jöpaköm aŋguaŋgugö könaŋi mewö kondel neŋgiiga eka möt kutuzin. Neŋön mönö mewöŋanök malmalnini urumelen alaurup yeŋgöra aka kölenŋa mosöringa dop kölma.

17 Kunŋan gölmegö öröyuaiŋi dopŋe memba maliga alaŋan yuaigöra osiba mözöqözöröŋ aiga ekzapmö, töndup ekbonep aka uruŋi jöhöza ewö, Anutugö urukalemŋan mönö yaŋgö uruŋe denöwö kinbawak?

18 O (koko) gömokurupni, jöpaköm aŋguaŋgu mi numbu jitninan keu töhönök timbiliba jimakinbukmö, mi mönö ahakmemeninan keu ölni wuatangöba aka malbin.

### *Mönö Anutugö jemesoholŋe tamehök kinbin.*

19 Nini keu ölnaŋgö buŋaya akzin me qahö? Akzin ewö, mönö ölop urunini böŋjöŋ köliga Anutugö jemesoholŋe awösamkakak kinbin. Keu mi nanini kewöt aŋguba kewö möt kutubin:

20 Uruninan yuai bölöŋaŋgöra aka jim neŋgiza ewö, nini keu ki ölop möt yaközin: Anutunöŋ kewötkewöt Tonini aka keunini diŋdiŋanök kewötma. Anutugö mötmötŋan mönö nanine mötmötnini ongita öŋgöŋgöŋi aiga keu pakpak ölop möt teköza. Miangöra ölop urunini böŋjöŋ köliga malbin.

21 O wölböt alaurupni, uruninan qahö jim neŋgiza ewö, nini mönö Anutugö jemesoholŋe awösamkakak aka tamehök kinbin.

22 Nini Anutugö jöjöpaŋ keuŋi tem köla ahakmemenini dop köl waŋgimakzawaŋgö dop aka memba malakzin. Miangöra yuai kungöra köuluköba qesim waŋgibini, mönö mia neŋgi buŋa qem aŋgubin.

23\* Anutugöreŋ jöjöpaŋ keu yahöt mi kewö: Nini mönö Nahönŋi Jisös Kraistkö qetŋi memba möt nariba urunini melenbin aka jöjöpaŋ keu jim kutum neŋgiyöhaŋgö dop jöpaköm aŋguba malbin. Mewö qahö aka malbinak, mi Anutugö jeŋe qahö dop kölbawak.

24 Denike yeŋön Anutugö jöjöpaŋ keuŋi tem kölakzei, yeŋön mönö Anutubuk qekötahöba malgetka Anutunöŋ yembuk lapingöba kinja. Yaŋön nembuk lapingöba kinjawi, mi Uŋaŋi Töröŋi neŋgiiga urunine saŋep ala maljawaŋgöra möt kutuzin. Mewö.

## 4

### *Uŋaya me ömeya mi mönö könaŋini kewöta mötme.*

1 O wölböt alaurupni, kezapqetok ambazip takapulakaŋi gwötpuk mi gölme dop liliköba maljei, miangöra keu pakpak mi zilaŋ kude memba möt narime. Anutugö Uŋaŋan me öme kunŋan sölölohöiga asuhuzawi, mi mönö mutuk esapesapnöŋ ala kewötme.

2 Anutugö Uŋaŋaŋgö könaŋi mi mönö kewö kewöta möt miwikŋaime, “Jisös Kraistnöŋ eta silebuk aka malök,” denike yeŋön keu mi jim miwikŋaimakzei, yeŋön mönö körek Anutugö buŋaya akze.

3 Kunŋan Jisösgö könaŋi mewö qahö jim miwikŋaimakzawi, yaŋön Anutugö buŋaya qahö akza. Kraist tuarenjoŋaŋgö ömeŋan mönö yaŋgö uruŋi sölölohöiga keu jimakza. Kunöŋ asuhuba Kraistkö salupŋe kindu tuarenjoŋ ak waŋgimawi,\* keu mewö jiget mötketka yaŋön lök nalö kewöŋe gölmenöŋ asuza.

\* 3:14: Jon 5.24 \* 3:23: Jon 13.34; 15.12, 17 \* 4:3: Kraistkö tuarenjoŋi mi Antikraist. Grik keu anti, miangö könaŋi yahöt. Yaŋön Kraistkö salupŋe kinja aka Kraist ölni tuarenjoŋ ak waŋgimakza.

<sup>4</sup> O (koko) gömokurupni, injini Anutugö buñaya aketka Uña Töröñan uruñine kinda gölmegö ömewörömeñi mi enğonğita luhut al enğimakza. Mianğöra kezapqetok ambazip takapulakañi mi ölöp luhut al enğiba malje.

<sup>5</sup> Yeñön gölmegö buñaya aketka gölmegö ömeñan sölölohöm enğimakze. Mianğöra gölmegö ahakmemeñi wuatangöba keu jigetka urumelenğö kopa ambazip yeñön keuninağöra kezap ala mörakze.

<sup>6</sup> Nini Anutugö buñaya ahinga Uña Töröñan sölölohöm neñgimakza. Anutu möt wangizeañön mönö neñgö keuninağöra kezap ala mörakze. Anutugö buñaya qahö akzei, yeñön neñgö keuninağöra kezap qahö ala mörakze. Keu ölnağö Uñañi aka isimkakalekö ömeñi yetkö könañiri mi mönö mewö kewöta möt kutumakzin. Mewö.

*Anutunöñ urujöpakö könañi akza.*

<sup>7</sup> O wölböt alaurupni! Anutunöñ jöpaköm anğuanğugö jalöñi akza. (Mianğöra urukalem mi o jeñağö tandök ewö ahöba korakza.) Mianğöra nini mönö jöpaköm anğuba malbin. Mewö aka maljini, körek neñön mönö Anutu möt wangiba yangöreñök ahuahu dölokñi ahuba maljin.

<sup>8</sup> Anutunöñ urujöpakö Toñi akza. Mewö akzawangöra kunñan ambazip qahö jöpaköm enğimakzawi, yañön mönö Anutu qahö möt wangiba tönpin malja.

<sup>9</sup> Anutunöñ urukalemñi kewö kondeli sutnine asuhuyök: Yañön Nahönñi mohok-kunñan nam köl neñgii mal köhöibingöra aka melaiiga gölmenöñ erök.

<sup>10</sup> Nini Anutu jöpaköm wangiinmö, mianñön urukalemğö könañi qahö. Urujöpakö könañi mi kewö: Anutunöñ jöpaköm neñgiba singisöndoknini köl könjöratmamğöra Nahönñi melaiiga neñgöreñ erök.

<sup>11</sup> O (koko) gömokurupni, Anutunöñ mewö önöñi qahö jöpaköm neñgiyöhağöra neñön mönö mewöñanök uruninan jöpaköm anğumakin. Urukalem qahö ak anğuinga qahö dop kölja.

<sup>12</sup> \*Kunñan kun Anutu nalö kunöñ qahö ehökmö, jöpaköm anğuba maljin ewö, Anutunöñ mönö urunine lapingöba kiniga urukalemñan urunini kokolak qeiga aködamuninambuk maljin.

<sup>13</sup> Nini Anutubuk qekötahöba malinga yañön urunine lapingöba kinjawi, mi Uñañi Töröñi neñgiyöhağöra aka möt kutuba uruyahöt qahö ahakzin.

<sup>14</sup> Iwinöñ Nahönñi gölmeñi gölmeñi neñgö Amötqeçe Tonini akñapköra melaiiga erök. Neñön mi eka möta nağöba jimakzin.

<sup>15</sup> Kunñan “Jisös Anutugö Nahönñi akza,” jiba jim miwikñaimakzawi, Anutunöñ mönö yangö uruñe lapingöba kiniga yañön Anutubuk qekötahöba malja.

<sup>16</sup> Anutunöñ uruñan jöpaköm neñgimakzawi, nini mianğö könañi möta mianğöreñ möt narimakzin. Anutunöñ urujöpakö Toñi akza. Mewö akzawangöra kunñan ambazip jöpaköm enğiba maljawi, yañön mönö Anutubuk qekötahöba kiniga Anutunöñ yangö uruñe lapingöba malja.

<sup>17</sup> Mewö malinga köngörököm neñgiiga Anutugö urukalemñan urunini kokolak qeiga aködamu-ninambuk maljin. Nini Kraistkö tandök ewö gölme kusukñi kiangöreñ maljin. Mewö maljinağöra aka Anutugö jimtekötekö nalö ketaje Kraistkö jeñe anğota mianğöreñ awösamakak aka tamehök kinbin.

<sup>18</sup> Anutunöñ jöpaköm neñgiiga kinda öne töhön keñgötnini mötpinbuk. Singisöndok ambazip yeñön Anutunöñ singisöndok-ñinağö likepñi melen enğibapüköra keñgötnini mörakzemö, Anutugö urujöpakñan urunini kokolak qeiza ewö, mianñön mönö keñgöt mötmöt pakpak yakörim tekömakza. Mianğöra kunñan keñgötni mörakzawi, yañön jöpaköm neñgimakzawangö könañi mi törörök qahö möt teköza.

<sup>19</sup> Yañön mutuk jöpaköm neñgiyöhağöra aka nini urukalem ahakzin.

\* 4:12: Jon 1.18

<sup>20</sup> Kunŋan “Anutu jöpaközal,” jizapmö, alaŋi kazik ak waŋgimakzawi, yaŋön mönö muneŋ jiji ambaziwa akza. Mianğö könaŋi kewö: Alaŋi eka töndup qahö jöpaköm waŋgiza ewö, yaŋön Anutu qahö eka i mönö denöwö jöpaköm waŋgibawakto?

<sup>21</sup> Kunŋan Anutu jöpaköm waŋgimakzawi, yaŋön mönö alaurupŋi mewöyök jöpaköm eŋgiba malma. Anutunöŋ jöjopaŋ keuŋi mewö al neŋgiyök. Mewö.

## 5

### *Mötnariŋ ambazip neŋön luhut alakin.*

<sup>1</sup> Denike yeŋön Jisös möt nariba “Amötqeŋe Tonina akza,” jimakzei, körek yeŋön mönö Anutugöreŋök ahuaŋu döläkŋi ahuŋa malje. Denike yeŋön Iwi jöpakömakzei, körek yeŋön mönö yaŋgö Nahönŋi mewöyök jöpaköm waŋgimakze.

<sup>2</sup> “Anutugö nahönbörat-urupŋi jöpaköm eŋgizin,” jiinga keu mianğö ölni mi nanini kewögöra kewöt aŋguba mötzin: Anutu jöpaköm waŋgiba jöjopaŋ keuŋi tem köla wu-ataŋgömakzin ewö, mönö Anutugö nahönbörat-urupŋi mewöyök jöpaköm eŋgimakin. Mianğö aiwesökŋi mewö.

<sup>3\*</sup> Anutu jöpaköm waŋgibingö ölni mi temkölköl. Anutugö jöjopaŋ keuŋi wuatangöinga dop kölja. Jöjopaŋ keuŋi tem kölinga lömbötŋambuk qahö akŋa.

<sup>4</sup> Anutugöreŋök ahuaŋu döläkŋi ahuini, körek neŋön öläp yaŋgö jitŋi tem köla gölmegö ahakmeme böläŋi luhut alakin. Anutunöŋ mötnariŋ neŋgiiga mianğö qakŋe köuluköinga lök gölmegö ahakmeme böläŋi memba et alök. Luhut albingö köna murutŋi kun qahö ahöza.

<sup>5</sup> Neŋön luhut qahö albinak ewö, denike yeŋön mönö mi akeak? Jisösnöŋ Anutugö Nahönŋa akzawi, mi möt narizawaŋön mönö gölmegö ahakmeme böläŋi luhut alakza. Mewö.

### *Anutunöŋ Nahönŋaŋgö keu kewö naŋgöba jiyök:*

<sup>6</sup> Jisös Kraistnöŋ Anutugö Nahönŋa akzawi, mi denöwö mötzin? Jisösnöŋ oe geiga Jonöŋ o melun mem waŋgiiga Anutunöŋ nalö mianğöreŋ keu mi jiiga mötket aka könaŋgeŋep sepŋi mokomangö aiga mianğöreŋ qet kun Suepnöhök asuhuiga mötket. Keu onöŋ indim mohok asuhuyöhi, miyök qahö. Suep Toŋan keu naŋgöba jiyöhi, mianğö aiwesökŋi mi o aka sep, yahöt mi. Toroqeba Uŋa Töröŋan keu mi jimakza. Yaŋön keu ölnaŋgö Toŋi akzawaŋgöra aka muneŋ jimangö osimakza.

<sup>7</sup> Naŋgönaŋgö keu karöbut mi mewö mörin ahöza.

<sup>8</sup> Keu karöbut mienğö aiwesökŋini mi Uŋa, o aka sep. Keuŋini mi öröröŋ aukŋe möringa dop kölä teköza.

<sup>9</sup> Keu jakene kaŋgota naŋgönaŋgö ahakzei, mi öläp möt aŋgön kölakzinmö, Anutugö naŋgönaŋgö keuŋan mönö ambazip keunini oŋgita pöwöwöm köhöikŋi akza. Anutunöŋ Nahönŋaŋgöra “Nani Nahöna!” qeta könaŋi mewö aukŋe naŋgöba jiyök. Mianğöra keu mi andö qebinbuk.

<sup>10</sup> Kunŋan Anutugö Nahönŋi möt narimakzawi, naŋgönaŋgö keu Toŋan mönö nanŋak yaŋgö uruŋe maliga yaŋgö könaŋi öläp möt yaköza. Kunŋan Anutu qahö möt nari- makzawi, yaŋön mönö naŋgönaŋgö keu Toŋi nanŋi memba et aliga muneŋ jiji azia ahakza. Anutunöŋ keu kötŋi Nahönŋaŋgöra naŋgöba jiyöhi, yaŋön keu mi qahö möt narizawaŋgöra mönö Anutu nanŋi andö qeba qetalakza.

<sup>11\*</sup> Anutunöŋ keuŋi kewö naŋgöba jiyök, “Nöŋön malmal köhöikŋi eŋgimangö jiali, nani Nahönan mönö malmal kömbönaŋi mianğö kondotkondot Toŋi akza.”

<sup>12</sup> Yaŋgö Nahönŋambuk maljawaŋön mönö malmal köhöikŋi buŋa qem aŋguba malja. Anutugö Nahönŋambuk qahö maljawaŋön mönö malmal köhöikŋi mi qahö buŋa qem aŋguba malja. Mewö.

\* 5:3: Jon 14.15 \* 5:11: Jon 3.36

*Malmal köhöikṅaṅgö kõnaṅi*

<sup>13</sup> Uruṅini melenḁa Anutu Nahönṅaṅgö qetṅi memba möt narimakzei, nõṅön kimbi ki enḁöra ohozal. Malmal köhöikṅaṅgö buṅaya akzei, inṅini mianḁgö kõnaṅi törörök möt kutumegöra ki ohozal.

<sup>14</sup> Nini ölop awösamkakak aka Anutugö kösutṅe anda köuluköba kinda kewö möt yaközin: Wani yuaigöra yaṅgö jit sihitṅaṅgö dop köuluköm waṅgibini, yaṅön mönö köuluknini mi mötma.

<sup>15</sup> Mi me mi mianḁgöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm waṅgizini, mi pakpak mönö neṅgö buṅanina akṅa.

<sup>16</sup> Kunṅan alaṅi ehi siṅgisöndok ahiga mianḁön kömup köhöikṅaṅgö buṅaya qahö akṅawi, yaṅön mönö alaṅi mianḁgöra Anutu köuluköiga amöt qem waṅgiiga malmal köhöikṅe aṅgotma. Siṅgisöndok Anutunöṅ mosötmawaṅgö dop akeri, keu ki mönö yeṅgöra jizal. Tosatṅan siṅgisöndok aketka mianḁön kömup köhöikṅaṅgö buṅaya akṅei, yeṅgöra köulukömegöra mi qahö jizal. Qahö.

<sup>17</sup> Ahakmeme bölöṅi pakpak mi siṅgisöndok akza. Köpösihit tosatṅi ahinga mianḁön kömup köhöikṅaṅgö buṅaya qahö akin. Mewö.

*Mötnariṅ ambazip neṅön Anutubuk qekötahöba kinṅin.*

<sup>18</sup> Denike yeṅön Anutugöreṅök ahuahü dölökṅi ahugeri, yeṅöreṅök kunṅan siṅgisöndok qahö toroqeba ahakzawi, mi mötzin. Anutugöreṅök ahuahü dölökṅi ahüba maljawañön mönö nanṅi galöm mem aṅguiga Bölöṅaṅgö Toṅan i qahö qeraköba mema.

<sup>19</sup> Nini keu ki mötzin: Nini Anutugö buṅaya akzinmö, gölme dop yeṅön uruṅini qahö melenḁa Bölöṅi Toṅaṅgö kukösum bapṅe malgetka galöm köl enḁimakza.

<sup>20</sup> Keu ki mewöyök mötzin: Kunöṅ öl töhöṅṅi akzawi, nini i möt waṅgibingöra Anutunöṅ Nahönṅi melaiiga eta möt-asa-asari neṅgiyök. Kunöṅ öl töhöṅṅi akzawi, nini yambuk qekötahöba mohok aka malṅin. Öl töhöṅṅi yaṅön mönö Anutugö Nahönṅi Jisös Kraist. Yaṅön Anutu ölbölṅi aka malmal köhöikṅaṅgö kondotkondot Toṅi akza.

<sup>21</sup> O (koko) gömukurupni, tandö lopioṅ aka bem munenṅi tosatṅan köpeiba qeraköm enḁibepuköra mönö nanṅini galöm mem aṅguba malme. Mewö.



## Jongörey Kimbi 2

### Jonöŋ Kimbiŋi aliga 2 ahök.

### Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yengöra alök. Keu tölapŋi mi urumelen könagesö kungö söpsöp keuya. Nahönbörat mi könagesö aiga wölböt ambi mi yengö galömŋina. Buŋa Kimbigö keu töröpŋi kianön jöpaköm aŋgubingöra uru kuŋgum neŋgimakza aka böhi takapulakanŋi yenön ambazip kusum eŋgigetka keuŋinan sehiba-pukö galöm meme keuya akza.

**Buk kiangö bahöŋi bohonŋi 4 mi kewö:**

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötni bohonŋi 12-13

<sup>1</sup> O ambi sorok!

Anutunöŋ möwölöhöm gihiiga urumelen könagesöurupki galöm köl eŋgiba kinjan. Nöŋön inini keu ölnaŋgö dop uru könömnan jöpaköm eŋgimakzal. Nanök qahöpmö, ambazip keu ölni möt kutuzei, körek yenön mönö mewöyök inini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal.

<sup>2</sup> Keu ölnan urunine kinja aka nembuk teteköŋi qahö ahöm öngöma. Nöŋön Buŋa keu miangöra aka jöpaköm eŋgizal.

<sup>3</sup> Nini keu ölni wuatangöba urunöŋ jöpaköm aŋguba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam neŋgiyohotka luainöŋ malbin.

*Urukalem aka keu ölni mi mohotŋe wuatangöme.*

<sup>4</sup> Iwinöŋ urukalemgö jöjöpaŋ keuŋi neŋgiyöhi, miangö dowök göhö könagesöurup tosatŋan keu ölnaŋgö dop ahakmemenini aka memba malje. Nöŋön silikŋini mewöŋi ekiga sösongai ketanŋi ak niŋgimakza. Mewö.

<sup>5</sup> \*O wölböt alani ambi ketanŋi, nalö kewöŋe jöjöpaŋ keu ohom gihizali, mi keu dölökŋi qahö. Keu könakönahineyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm aŋguba malbin.

<sup>6</sup> Jöpaköm aŋguba malbingö keuŋi jizali, miangö ölni kewö: Nini mönö Anutugö jöjöpaŋ keuŋi pakpak tem köla ahakmemenini ak memba malbin. Körek eŋön jöjöpaŋ keu könakönahineyök möta malgeri, mi kewö: Inini mönö uruŋinan jöpaköm aŋguba malme.

<sup>7</sup> Isimkakalek ambazipnöŋ Jisös Kraistköra kewö jim miwik-ŋaimakze: “Amötqege Tonan gölme azi silebuk asuhumangö osiyök.” Mewö jim miwikŋaiba tilipqilip aketka eŋololon asuhumakza. Ambazip isimkakalek mewöŋi mi Kraistkö salupŋe kindä tuaren-jon ak waŋgimakze. Ambazip mewöŋi gwötpukŋan lök gölmenŋi gölmenŋi liliköba lan anda kaba malje.

<sup>8</sup> Neŋön urugö nup meinga ölni uruŋine asuhuyöhi, miangön sohoba pömsöm qe-bapuköra mötzal. Miangöra isimkakalek ambazipnöŋ eŋololon ak eŋgibepuköra mönö galömŋini mem aŋguba malme. Mewö malgetka uruŋinangö ölnan qahö sohoiga Kem-bunöŋ töwaŋini körek eŋgim teköma.

\* 1:5: Jon 13.34; 15.12, 17

<sup>9</sup> Kraistnön keu kusum nenjiyöhi, kunjan mi qahö qekötahözapmö, mi ongita keu toroqeiga lolonqalon jimakzawi, yanön Anutuñi qahö. Denike yenön Kraistkö Buña keuje qekötahözei, yenön mönö Iwi aka Nahön yetpuk köhöiba malje.

<sup>10</sup> Kunön Buña keu jömukñi mi qahö memba engören kazawi, injini mönö yangö jölöñi kude jiba miriñine kude örögetka öngöma.

<sup>11</sup> Kunjan yangö jölöñi jimawi, yanön mönö bölönamñangö lömbötñi öröi qakne öngöiga örörön bisimahot. Mewö.

*Keu teteköji*

<sup>12</sup> Nönön engöra keu sehisehiñi ohomangö sihimñi mötzalmö, mi papia sinje injknön ohomangö qahö möta mosötzal. Engören kusuk kaba mesohol köla keu eraum mötpingö mamböta jörömqöröm akzal. Aitonöbini, nalö miangören köisirik tata eraum möta sösöngainini körek ahum teköba urunini kokolak qeiga malbingö mötzal.

<sup>13</sup> Anutunön ambi alagi galöm nupköra möwölöhöyöhi, ambi sorok yangö könagesöurupñan yaizökzökñini algetka göhören kaza.

## Jongören Kimbi 3

### Jonöŋ Kimbiŋi aliga 3 ahök.

### Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön Kimbi mi urumelenŋ könagesö kungö jitŋememe kun qetŋi Gaius yaŋgöra alök. Gaiusnönŋ urumelenŋ ambazip tosatŋi miri aka nene yuai bauköm engiba malök. Miangöra i möpöseim wangiyök aka tuaköpek azi kun qetŋi Diotrefes yaŋgöra galöm meme keu jiyök.

**Buk kiangö bahöŋi bohonŋi 5 mi kewö:**

Keu mutukŋi 1-4

Jonöŋ Gaius möpöseiza 5-8

Diotrefesgö galöm meme keu 9-10

Demitriusgö sösöŋgai keu 11-12

Buk kiangö keu kötŋi bohonŋi 13-15

<sup>1</sup>\*O wölböt alani Gaius!

Nöŋön jitŋememe kun aka göbuk keu eraum mötpitköra kaba kimbi ohozal. Nöŋön keu ölnaŋgö dop urunan jöpaköm gihiba maljal.

<sup>2</sup> O wölböt alani, göhö uŋagan Anutubuk qekötahöba ölöwahi maljani, mi mötzal. Mewöŋanök sile unditundit mala yuai pakpak miangörenŋ töhötmöriam miwikŋaiba mal-mangöra Anutu köuluközal.

<sup>3</sup> Urumelenŋ alaurup tosatŋan göhörenök kaba göhö kösohotki kewö naŋgöba jigetka möral, “Göŋön Anutugö keu ölni pöndaŋ wuatangöba aka memba maljan.” Mewö jiget mötpiga sösöŋgai ketanŋi ak niŋgiyök.

<sup>4</sup> Nöŋgö (koko) gömukurupnan Anutugörenŋ keu ölni wuatangöba aka memba maljei, nöŋön keu buzup mewöŋi möta önöŋi qahö söŋgaimakzal. Buzup murutŋi kunöŋ sösöŋgai öŋgöŋgöŋi mi qahö onŋiri mötzal. Mewö.

*Jonöŋ galöm azi qetŋi Gaius möpöseiza.*

<sup>5</sup> O wölböt alani, gi urumelenŋ alaurup welen qem engiba miangörenŋ pöndaŋ kinda malakzan. Yeŋgörenök tosatŋan miri liliköba engörenŋ kamakzei, mi köyan köl engimakzan. Möt engizani me qahö, mi töndup ölöŋanök bauköm engimakzan.

<sup>6</sup> Gi urugan jöpaköm engiba malnöŋi, yeŋgörenök tosatŋan ki kaba mötnariŋ kambugö jeŋine könaŋangi mewö naŋgöba jiget mörin. Miangöra alaurup mewöŋan engörenŋ kamei, mi mönö bauköm engiba malnöŋga ölop amqeba nup memba könaŋini toroqeba anme. Nup mewöŋi mi Anutugö jeŋe dop köl wangimawangö dop toroqeba memba malman.

<sup>7</sup> Yeŋön Kraistkö buŋaya akzeangöra aka nanŋini miriŋini mosöta liliköba qetbuŋaŋi jim sehimakze. Nup mewö memba urumelenŋgö kopa ambazip yeŋgörenök nene yuai kun qahö memakze.

<sup>8</sup> Miangöra Jisösgö alaurup neŋön naninök alaurup mewöŋi köl öröba naŋgöm enŋiinga dop kölma. Nini nup bahöŋi mi memba mianön keu ölnaŋgö Tonji mohotŋe welen qem wangina keuŋi ölnan sehimakŋa. Mewö.

*Diotrefes ewö akanbukö galöm meme keu*

<sup>9</sup> Nöŋön mötnariŋ kambu engöra kimbi kun ohoyal. Mi ohoyalmö, Diotrefes jitŋememe azi yaŋön sutŋine galöm bohonŋi malmangö sihimŋi mötzawi, yaŋön mönö mem-sepquemsep aka keunangö kezap qahö ala nesampurek ak neŋgimakza.

\* 1:1: Apo 19.29; Rom 16.23; 1 Kor 1.14

<sup>10</sup> Mian-göra nöñön enğören kabilenjak ewö, mönö yanğö ahakmemeni bölöñi mi aukne jibiga kewö mötme: Yanñon nenğöra luasö keu muneni andönön çeçe jimakza aiga keu jijiyök qahö ahakza. Qahö! Urumelen alaurupnini miri lilik nup memakzei, yanñon mi qahö köl öröm enğimakza aka alaurup tosatñan köl öröm enğibingö mötzei, yanñon i anğön köl enğiba mötnarip kambuñineyök utal enğiiga yaigep erakze.

<sup>11</sup> O wölböt alani! Gi ahakmeme bölöñi qahöpmö, ahakmeme ölöñi mia mönö wuatangöba malman. Denike yeñon ahakmeme ölöñi aka memba maljei, yeñon Anutugö nahön böraturupñi akze. Denike yeñon ahakmeme bölöñi aka memba maljei, yeñon Anutugö könañi qahö möt kutuba sel yaigepñe malje.

<sup>12</sup> Demitrius azi mianğö könañi mi ölöñi. Alaurup körekñan mewö jimakze. Keu ölnanğö Tonan nanñak mi mewöñanök nanğöba jimakza aka nenñon toroqeba yanğöra keu örörön jimakzin. Nenñon keu jimakzini, mi keu öl töhöñi akza, mi mötzan. Mewö.

*Yaizözkök keu teteköñi*

<sup>13</sup> Nöñon göhöra keu sehisehiñi ohomamgö sihimñi mötzalmö, mi kirifi aka inknön ohom gihimamgö dopñi qahö möta mosötzal.

<sup>14</sup> Nöñon ösumok göhören kaba gekñamgö mamböta jörömqöröm akzal. Aitonğöbini, nalö mianğoren ölop mesohol köl anğuba keukeu eraum mötpin.

<sup>15</sup> Anutunön luai çem gihiiga malman!

Mötnarip alaurup ki maljei, yeñon yaizözkökñini algetka göhören kaza. Göñon mewöñanök urumelen alaurup göbuk kinjei, mi nanñik nanñik yaizözkökñini jinönğa mötme!



## Judagören Kimbi Judanöŋ Kimbiŋi alök. Jim-asa-asari

Juda mi Jisös aka Jeimsgö munŋi. Tosatŋan “Kraist möt narizin,” jiba keu gonŋonji ambazip kustum sohom engiba malgeri, Judanöŋ yengöra aka galöm meme keu ohoyök. Buŋa Kimbi ki töröptökŋi. Keuŋi mi 2 Pitö 2 keu miangö dop. Judanöŋ Kraistkö alaurupŋi neŋgö urunini kewö kuŋguyök, “Anutunöŋ nini nalö dop möt naribingöra mötnariŋ neŋgiiga könagesöurupŋi akzini, eŋön mönö mötnariŋŋinan sehiba köhöimapköra toroqeba bim qeba malme.”

### **Buk kiangö bahöŋi bohonŋi 4 mi kewö:**

Keu mutukŋi 1-2

Böhi sohoboho yengö könaŋini aka jimteköteköŋini 3-16

Toroqeba pöndaŋ möt naribingö jimkutukutuŋi 17-23

Kötumötuet keu 24-25

<sup>1</sup> \*Juda bisop Jeimsgö munŋi nöŋön Jisös Kraistkö welenni qeba urumelenj alaurup embuk keu eraum mötpingöra kaba kimbi ohozal.

Anutu Iwinöŋ engohola uru könömnŋan jöpaköm engii Jisös Kraistnöŋ sel jöhöm engiiga malje.

<sup>2</sup> Anutunöŋ mönö ak kömumba urukalemŋi kelenmalelenj engiiga luainöŋ malme. Mewö.

*Buŋa keu möwököwöramgö galöm meme keu.*

<sup>3</sup> O wölböt alaurupni! Anutunöŋ amöt qem neŋgiiga letota mohotŋe Suepkö buŋaya akzini, nöŋön miangö keuŋi jim tuariba ohom engimamgö sihimni ketanji möta malal. Mala malbi lömböriiga toroqeba mambötmamgö osizal. Miangöra ohoba uruŋini kewö kuŋgum engizal: Anutunöŋ mötnariŋkö keu kembanganj pakpak mi ambazip sarakŋi neŋön memba galöm kölinga qahö utekömapköra ali buŋanina akza. Miangöra böhi takapulakanj tosatŋan Buŋa keu lolonqaloŋ akepuköra mönö böŋ kinda bim qeba malme.

<sup>4</sup> Ambazip tosatŋan möndöba urumelenj kambu sutŋine ölöŋ ölölöŋgöba kaŋgotketka könaŋamŋini gonŋonji mi aukŋe qahö asuhui malje. Anutunöŋ ambazip mewöŋi yengö keuŋini lök mönöwök jim teköiga ohogetka sihibölöŋŋinan qakŋine öŋgö-mamgö akza. Anutuninan keuŋi ala kalem möriamŋaŋgö könaŋi ölnja indelakzapmö, ambazip aŋgöjörakŋinambuk mienön mönö nanŋini sero namböŋnamböŋini turumegöra aka kalem möriamgö keuŋi mi möwököwöramgöba möŋaqöŋaigetka bölimakza. Mewö aka nanine Ketanŋamnini mohot Jisös Kraist Kembu ak neŋgi-makzawi, i qaŋ köla andö qemakze.

<sup>5</sup> \*Injini keu pakpak mi lök nalö köröpŋi möt teköba maljemö, töndup galöm meme keu ki ölum engubapuköra kunbuk kewö jim gulim engimamgö mötzal: Kembunöŋ könagesöurupŋi Ijpt kantrinöhök meköm engiiga kagetmö, könaŋep tosatŋan nalö kunöŋ qahö möt narim waŋgigetka mi köndenmöndenj ak engii ayuhuget. Galöm meme keu mi engöra aka kunbuk jizal.

<sup>6</sup> Mewöyök Anutunöŋ Suep garataurupŋi jakömbuak tohoŋini al engiiga malgetmö, yengörenök tosatŋan urukönöp aka keu bapŋe qahö anda nanŋini jakömbuak tohoŋini galöm köl engibingö urumohot qahö aka selŋini kösököget. Qeŋetal akerangöra aka Anutunöŋ i aköm engiiga jakömbuak mirinŋini mosöta etket. Etketka “Nalö ketanje keuŋini jim tekömam,” jiba tapepnöŋ (muŋgamuŋga) gwaröhöba pandaman uruŋe al engiiga tata kotkera nalö teteköŋi qahö tat öŋgöme. Galöm meme keu mi engöra aka kunbuk jizal.

\* 1:1: Mat 13.55; Mak 6.3      \* 1:5: Eks 12.51; Janj 14.29-30

<sup>7</sup> \*Tandök mohot mianjön Sodom, Gomora aka miri tosatnji liliköba tatkeri, yengören asuhuyök. Ambazip mienjön mewöjanök serowilin aka silegö sihim kömbönanjini möwöramgöba tandökñi kun kewö aket: Azi nanjirök ambi nanjirök amimba malget. Mewö malgetka Anutunöñ likepnjini melenj engiiga könöp jitñi teteköñi qahö engohoi sihimbölö möta mala kota malme. Mewö mala böhi takapulakanj yengö galöm mem angubingö kaisöpsöpnina ahakze.

<sup>8</sup> Ambazip takapulakanj mienjön mönö nalö kewöñe tandök mohot mewöjanöhök ahakze. Jenjini melenjini imutimutñjini lanj eka mianjörenj möndöba wuatangöba nanjini silenjanjngö malmalnjini mem böliba kölköljinjin miwikñaimakze. Mewö mianjön Anutu jijiwilit aka jimongot jim wanjiba kukösumñi memba et alakze. Mewö aka Suepkö bem suahö ambazip asakmararanjambuk euyangörenj maljei, yengöra uruqeçe keu töhörenj jim engimakze.

<sup>9</sup> \*Mewö ahakzemö, Suep garata bohonñi qetñi Maikel yanjön mewöyök mewö akñangö lömböriba osiyök. Maikelnöñ Mosesgö qamötñangöra Bölöñangö Tonjambuk angururuk aka möndöm-kösök ahök. Mi aka öngöba erökmö, töndup uruqeçe keu töhörenj mi jim teköm wanjimangöra awösamakak qahö miwikñaiiba osiyök. Osiba kewöyök jim wanjiyök, “Kembunöñ mönö mindin-göm gihima.”

<sup>10</sup> Maikelnöñ mewöyök mi osiyökmö, ambazip sohoboho mienjön mönö silenjini memba öngöba Buja keu qahö möt kutumakzemö, töndup mianjöra uruqeçe keu töhörenj lanj jimakze. Tönpin mala sömbup soñ ewö lanjanj malje. Mötkutukutunjini ölni qahö asuhuiga sömbup malmalgö sihimñjini korembinji miyök mörakze. Nanjini sihim mötmötñjini gonjonmanjonj mienjön mönö könderj engigetka ayuhume.

<sup>11</sup> \*Anutunöñ böhi takapulakanj miengö likepnjini melenj engiiga sihimbölö ketanj mötmeangöra wöziköba Yei! jizal. Ambazip sohoboho mienjön azi Kein (Kain) yangö könanj mötöteiba anakze. Könanjep kerök azi kembu kunöñ azi qetñi Balam töwa wanjiiga Israel ambazip tilipköm engiiga janjun anget. Böhi takapulakanj mienjön Balamgö silikñi wuatangöba monen miwikñaiibingöra urukönöp möta yuai ilinölanj ak bibihiba lanj sohomakze. Azi qetñi Kora yanjön Moses aka Aron tuarenjonj ak etkiba könderj mönderj miwikñaiiga ayuhuyöhi, böhi mienjön mönö Kora ewö kezapjupjup aka mala ayuhume.

<sup>12</sup> Urumelenj enjön urukalem kondel angubingöra tokoba lömbuanj algetka takapulaka böhi mienjön mönö mianjörenj mewöyök kamakze. Kaba dogonjini aukñe kondela nanjinanöhök gumohom anguba bau numbu nemakze. Mewö aka engö sile töwötñjini boromñi boromñi gamunjanambuk ewö akze. “Ziozgö lama galöm akzin,” jiba ala engöra qahö mötmöriba kelök keu lanj jimakze.\* Kousu omanj töhöntöhön kienjini qahö mewö malgetka luhutnöñ muwutapköm engiiga lanjanj anda kamakze. Ölni ahumapkö nalöñe ipñi ipñi araronj ölnjini qahö ewö kinje. Gulun sinjananök ewö aka mutuk köhömunj aka jalöñjini malmal köhöikñangö könaneyök qözöla tala kunbuk kömum köhöigetka yahöt aiga köhömunj kötökñi aka malje.

<sup>13</sup> Yenjön köwet siri kukñinambuk ewö lanj kundutketka ahakmemenjan gamunambuk mi qölqölsöut gödöwörötñambuk ewö aukñe asuhumakza. Senjelau tosatñan könanjini sinjiba lanj erakzei, yenjön mönö mianjögö dop janjun qemakze. Senjelau miengö dop eta Anutunöñ yengöra pandaman göjiwinangö uruñe miri arengöm engiyöhi, mönö emuyangörenj dutñe geba nalö teteköñi qahö tat öngöme.

<sup>14</sup> \*Adamgö sakonñangö isinj qetñi Enok yanjön mewöyök ambazip takapulakanj miengö kezapqetok keunjini qeljine kewö jii ahöza: “Mötket, Kembunöñ Suep suahö ambazip törönj tausenñi tausenñi janjög öngöngöñi ketanj mi engömembra eta asuhume.

\* **1:7:** Jen 19.1-24    \* **1:9:** Dan 10.13, 21; 12.1; Ind 12.7; Dut 34.6; Zek 3.2    \* **1:11:** Jen 4.3-8; Jan 22.1-35; 16.1-35

\* **1:12:** Böhi mienjön törom ewö asamböta tatzemö, wanjenjan yengörenj qaköba jömgöbapuk.    \* **1:14:** Jen 5.18, 21-24

<sup>15</sup> Asuhugetka körek pakpak neŋgö keunini jim teköma. Ambazip aŋgöjörakŋinambuk yeŋön ahakmeme aŋgöjörakŋambuk wuataŋ-göba siŋgisöndokŋini aŋgöjörakŋinambuk aka kotkeri, mi pakpak kewöta miangö likepŋi melenj enŋiiga körek yeŋgö qakŋine öŋgöma. Pinjit ambazip aŋgöjörakŋinambuk mienön keu jenöŋ gege gamuŋambuk mianön Anutu jim qetal waŋgiba kotkeri, miangö likepŋi pakpak melenj enŋiiga sihimbölöŋini möta malme.” Enoknöŋ galöm meme keu mewö jiyök.

<sup>16</sup> Böhi sohobo ho mienön jimönŋot aka sesekŋai ewö ihururuk laŋ jim aŋgumakze. Nanŋini sihim kömbönaŋini bölöŋi wuataŋ-göba terenqerenŋa silenini memba öŋgöba jakbak-oraŋböraŋ ahakze. Ambazip tosatŋi göda qeba kelök enŋuze ewö, mi yuai melenj da nanŋine enŋimegö sihimŋi möta kelewele ahakze. Mewö malje.

### *Galöm meme aka qambaŋ keu tosatŋi*

<sup>17</sup> Mewö maljemö, wölböt alaurupni, Kembunini Jisös Kraistkö aposolurupŋan böhi takapulakaŋi yeŋgö keuŋini lök qeljiŋe jiget ahöza. Inini yeŋgö keuŋini mi ölum enŋubapuköra galömŋini mem aŋguba malme.

<sup>18</sup> \*Aposol yeŋön enŋöra keu kewö jiget, “Jisösgö kaka nalöŋan töriiga nalö teteköŋe miangöreŋ mepaqepaik ambazip asuhume. Yeŋön nanŋini sihim kömbönaŋini bölöŋi wuataŋgöba malmal aŋgöjörakŋambuk malme.” Mewö jiget.

<sup>19</sup> Ambazip takapulakaŋi mienön mönö sutŋine urujujul ak enŋigetka simbisembel akepuk. Uŋa Töröŋan qahö sölölohöm enŋiiga gölmegö sihim kömbönaŋi bölöŋan galöm köl enŋiiga mi wuataŋgömakze.

<sup>20</sup> O wölböt alaurupni, Anutunöŋ mötnariŋ qainŋi kun enŋiyöhi, mianön mönö tandöŋini bohonŋi öŋgöŋgöŋi ewö akza. Enön mönö mötnariŋ miangö qakŋe kinda nanŋöm aŋguba köhököhöi miwikŋaimakŋe. Uŋa Töröŋan inahöm enŋimakzawaŋgö dop mönö yaŋgö ösumnöŋ kinda köuluköba malme.

<sup>21</sup> Anutunöŋ jöpaköm enŋimakzawi, inini mönö yaŋgö urukalemŋe böŋ qeba kinme. Kembunini Jisös Kraistnöŋ ak-kömukömu enŋiba kunbuk asuha malmal köhöikŋe aŋgota oyaenŋoyaen malme. Inini mönö nalö mi kam kuŋgumapköra kapaŋ köla mamböta malme.

<sup>22</sup> Ambazip uruŋini melenjbingö uruyahöt akzei, mi mönö ak kömumba urukalem ak enŋiba malme.

<sup>23</sup> Tosatŋan könöp bölamnöŋ an taköbingö tandök akzei, i gebepuköra mönö wölaŋ öröba bohonŋini jöhöm enŋigetka letotpeak. Tosatŋan sihim kömbönaŋini bölöŋan galöm köl enŋiiga qemasolokep maljei, i mönö ak kömumba jöpaköm enŋiba malme. Mewö malmemö, nanŋini malmalŋinan bölibapuköra mönö keŋgötŋini möta malme. Qemasolokep yeŋön siŋgisöndokŋi siŋgisöndokŋi aketka mianön uruŋini silenini kokolak qeiga aukŋe töwiba maljei, yeŋgöra mönö galömŋini mem aŋguba malme. Kölköljinŋin akepuköra mönö opo sörorŋini töwötŋinambuk mi tok sisitŋini memba kude misirime. Mewö.

### *Möpömöpösei keu*

<sup>24</sup> Mönö Anutu möpöseimakin. Yaŋön inini tala et enŋuba-puköra sel jöhöm enŋimamgö köhöiza. Yaŋön ölop enŋuaŋgita nanŋi je mesoholŋe al enŋii aŋgota solanŋi keuŋini qahö kinda asakmararaŋi eka söŋgaiba köiraŋ köla malme.

<sup>25</sup> Anutu mohotŋan Amötqeŋe Tonini akza. Kembunini Jisös Kraistnöŋ nam köl neŋgiiga Anutu möpöseim waŋgiinga qetŋi aködamuŋambuk aka ahöma. Yaŋön möpŋaŋgö möpŋeyök könahiba kota Öŋgöŋgö-ŋamnini kukösumŋambuk akza aiga nalö kewöŋe toro-qeba yuai pakpak ösum-mumuŋan galöm köla nalö teteköŋi qahö Kembu ak neŋgiba malma. Keu mi ölja.

\* 1:18: 2 Pitö 3.3

## Indelindel keu Kraistnöŋ keu tölapŋi Jongöreŋ indelök. Jim-asa-asari

Jisösnöŋ gölme mosöta Suep mire öngöiga yambu 65 miangö dop teköiga aposol Jonöŋ Kimbi ki ohoyök. Nalö miangöreŋ urumelen könagesö Jisös möt narigeri, i sesewerowero ketanji ak engiget. Jon mi gölme jölanŋi qetŋi Patmos miangöreŋ al wangigetka kösö mire ewö tarök. Patmos maliga Anutunöŋ jenji melenŋiga yuai könaŋgep asuhumapkö imutŋi ehök.

Keu bohonŋi kewö: Jisösnöŋ Satan aka kerökurupŋi pakpak luhut ala memba et al engim teköma. Mewö aka mötnarip ambazip kötuetköm nenŋiiga Suep dölökŋi aka gölme dölökŋi miangöreŋ aŋgota teteköŋi qahö oyaenŋoyaenŋ malbin. Sesewerowero uruŋe malgeri, yeŋön lömböt möta mökösoŋda Jisös möt nariba pöndaŋ böŋ qeba kinmegöra kuŋgum engimakza. Jisösnöŋ keuŋi keuŋi mewöŋi jim kutuba indeliga Jonöŋ möta Kimbi ki ohoyök. Mi urumelen ambazip urunini naŋgömamgöra aka ohoyök. Söpsöp keu aka keu tölapŋi mi gwötpuk. Keu tosatŋi möt kutubingö möt bibihizin.

### **Buk kiangö bahöŋi bohonŋi 11 mi kewö:**

Keu mutukŋi 1.1-8

Zioz kambu 7 yeŋgö kimbiŋini 1.9-3.22

Kimbi köpep supap 7:ŋan jöjöhöŋi 4.1-8.1

Tömun qainŋi kun 7 uget 8.2-11.19

Sekak namŋi aka jemnemba yahöt 12.1-13.18

Jemelen imutimut könaŋi könaŋi 14.1-15.8

Anutugöreŋ irimsesewöl qambi 7 mokoget 16.1-21

Babilon siti, jemnemba, kezapqetok takapulakanŋi aka Satan yeŋgö ayuayuhu 17.1-20.10

Jimtekötekögö nalö ketanŋi 20.11-15

Suep gölme dölökŋi aka Jerusalem dölökŋi 21.1-22.5

Keu kötŋi teteköŋi 22.6-21

<sup>1</sup> Anutunöŋ yuai könaŋgep zilaŋ asuhumawi, miangö könaŋi nup memeurupŋi nenŋöra kondel nenŋimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeqeŋi Jon nöŋgöreŋ kaba jiiga möral.

<sup>2</sup> Jisös Kraistnöŋ Anutugöreŋ Buŋa keu naŋgöba jim asariba kondel nenŋiiga Jon nöŋön yuai mi jeni melenŋiga uba ehali, mi pakpak miangö dop toroqeba naŋgöba jim asariba ohozal.

<sup>3</sup> Kunŋan kezapqetok keu ki oyoŋmawi, yaŋön mönö simbawoŋ akza. Jisösgö kaka nalöŋan töriza. Miangöra kimbi kiangöreŋ keu ohoi ahözawi, ambazip mi kezap ala mötmei aka mi möt sölöŋgöba aŋgön kölmei, yeŋön mewöyök simbawoŋ akze. Mewö.

*Jonöŋ Eisia prowinsgö zioz kambu 7 yeŋgö jölöŋini alök.*

<sup>4</sup> \*Jon nöŋön Eisia prowinsgö zioz kambu 7 engöra kewö ohozal:

Kunöŋ mal köhöizawi, möpŋaŋgö möpŋeyök mala koröhi, aka kunbuk lilingömawi, yaŋön mönö kalem möriam enŋiiga luainöŋ malme. Mewöŋanök Anutugö uŋa bohonŋi 7 yaŋgö jakömbuak dum wösöŋe kinjei, yeŋön mönö kalem möriam engigetka luainöŋ malme.

<sup>5</sup> \*Jisös Kraistnöŋ Anutugö könaŋi pöndaŋ naŋgöba jim asariba mala mutukŋa kömupnöhök wahörök. Yaŋön gölmegö kiŋ kembu yeŋgö Kembuŋini akza. Yaŋön mönö sepŋan saŋgoŋda siŋgisöndoknineyök pösat nenŋiba jöpaköm nenŋimakza.

\* 1:4: Eks 3.14; Ind 4.5      \* 1:5: Ais 55.4; Sum 89.27



6 \*Yañön nini nanñi bemtohoñe ala mem letot nenñiiga kiñ ewö akzin. Buña nup galömurupñi (prist) aka nanñi Iwi Anutuñangö welenni qemakzin. Nenñon yangö qet-buñañi aka kukösumñi möpöseininga nalö teteköñi qahö aködamunñambuk ahöm öngöma. Keu mi ölna.

7 \*Eket, Kraistnöñ mönö kousu uruñe eta kama! Kamawi, nalö mianğöreñ nini körekmakörek i jeninan uba ekin. Börö marömñi qetohogeri, yeñon mönö mewöyök i ekñe. Ambazip kambuñi kambuñi gölme dop tat anjini, nenñon mönö i eka körekmakörek yangöra aka jinğeñ köla amburereñ akin. Keu mi ölbölna, uruyahötñi kun qahö.

8 \*Kembu Anutu mal köhöizawañon kewö jiza, “Nöñon mutuhök mala (yuai pakpak miwikñaiba könañgep jiba qahöwahiga) qöndökña mal öngömam. Mianğö dop nöñon kulem namñi mutukñi A aka kulem namñi qöndökñi Z akzal.” Nöñon kukösum pakpakö Tonñi möpñangö möpñeyök mala kota maljal aka kunbuk lilingömam. Mewö.

*Suep gölmegö azi ölnangö tandökñi kewö ehal:*

9 Jon nöñon engö urumelenñe nenñakñini akzal. Kraistpuk qekötahöbiga nanñi bemtohoñe al niñgiiga ambazipnöñ sihimbölo ak niñgigetka wahöjalini mörakzal. Mi embuk möta mökösoñda kapan köla köhöiba kinjal. Anutugöreñ Buña keu jim sehiba Jisösgö könañi nangöba jim asariba malalangöra nömemba köwet jölanñi qetñi Patmos\* mianğöreñ al niñgiget malal.

10 Kembugö sonda kendon tatat nalö kunöñ Uña Töröñan nömeiga alburup umumñan qakne öngöiga andöneyök qet ketani kun möral. Qet kourukñi mi tömun qainñi kun (biugel) qetzawi, mianğö tandöktandök ahöyök.

11 Qet mianğon kewö jiyök, “Öroyuai uba ekñani, mianğö keuñi mönö kimbi köpepnöñ ohoman. Ohoba alnönga zioz kambu 7 yeñgöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

12 Keu mewö jiiga ötoñi mörali, “Mi danön?” jiba eka mötmamgöra lilingöyal. Lilingöba kinda lambegö dum tatat goulnöñ memeni 7 kingetka ehal.

13 \*Lambegö dum tatat miengö sutñine azi kun ekiga kaisongolomñan gölme azigö tandök ahök. Malukuñi köröpñi köla öröiga köna susuñe eta turuyök. Opo jöhan manğihilakñi goulñambuk mi örigit ewö töptöpñe embahöm anğuba kinök.

14 Nöröp jupñan tuat lalamñi kousu köpköp (snow) ewö ahök. Lama jupñi sanğongetka tuarizawi, mönö mianğö dop ehal. Jekötñan könöp bölam ewö jem asariiga kinök.

15 Köna susuñan sösoñihiba gohotñi ahök. Ain bras könöpnöñ ala delasi ohogetka jeiga gögöriñ tohomakzawi, mönö mianğö dop kölköl-bilikkilikñambuk ahöyök. Keu jii mörali, mi o ketanñan sianöñ giliga ötoñi ketani mörakzini, mönö mianğö dop ahöyök.

16 Böröñi ölnan senğelau 7 memba kinök. Numbuneyök bingö sou ketani (bainat) jityahötñi likelike zuluk alalñan erök. Jemesoholñan wehön jeni körek asarim tekömakzawañgö dop asariiga ehal.

17 Nöñon i eka uruni duhui yangö könañe tala eta kömup tandök ahöyal. Mewö ahöbiga böröñi ölnan nöngö nöröpne ala kewö jiyök, “Mönö keñgötki kude mötnöñ! Nöñon mutuhök mala (yuai pakpak miwikñaiba könañgep jiba qahöwahiga) qöndökña mala öngömam.

\* **1:6:** Eks 19.6; Ind 5.10 \* **1:7:** Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 \* **1:8:** Ind 22.13; Eks 3.14 \* **1:9:** Patmos mi köwet jölanñi moröñi (Yurop aka Afrika) Sutñire Köwet mianğöreñ ahöza. Efesus mosöta Saut göröken 80 kilomita anman. Rom gawman yeñon kegwek-kahasilini ambazip keuñi jim teköba közöla enğuanğitketka mianğö köso mirinöñ malget. Ölöñ kölböngö osiget. Gölme mi qararankölkölna, kötni sehisehñi. Jonöñ yeñgö sutñine maliga sisa-kiñ Nerwagö nalöñe (yara 96-98) pösatketka erök. \* **1:13:** Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

18 “Nöñön malmal Toñi akzal. Kömumba malalmö, mötnöñ, nöñön mönö guliba wahöta malmal köhöikñi teteköñi qahö mal öñgömam. Nöñön kömupkö kondotkondot Toñi galöm köla kömupkö uñem miri Toñi oñgita kiñi moröñi memba maljal.

19 Mianğöra yuai nalö kewöñe asuhuzawi aka könañgepñe asuhumawi, nöñön mianğö könañi kondelbi ekñan. Yuai ekñani, mi mönö papianöñ ohonöñga ahöma.

20 Senğelau 7 böröni ölñe ahözei aka lambegö dum tatat goulñöñ memenji 7 ekzani, mienğö könañini tölapñi kewö: Senğelau 7 mi zioz kambu 7 mienğö garata galömninañgö söpsöp akze. Lambegö dum tatat goulñöñ memenji 7 mienñön mönö zioz kambu 7 mienğö söpsöp akze.” Mewö.

## 2

### *Efesus urumelen könağesö yenğö qambañ keu*

1 Jisösnöñ toroqeba jiyök, “Jon göñön mönö Efesus sitigö zioz kambu yenğö pom garatañinañgöra kimbi kewö ohoman,

“Kunöñ böröñi ölñan senğelau 7 memba lambegö dum tatat goulñöñ memenji 7 mienğö sutñine anda kaba kinakzawi, yañön keu kewö jiza:

2 Nöñön göhö ahakmemegahö könañi möt kutubi kewö ahöza: Göñön nöñgöp ariba nupni köhöikñanök memba malakzan. Anğösirip kapañ köla möta mökösoñda malakzan. Ambazip gonğonji yembuk ala qahöpmañöñ aka ölña qepureiba közöl enğimakzan, mi mötzal. Tosatñan melaimelai azi aposol qahö aka töndup qetñini mewö qerakzei, göñön i esapesapñöñ ala kewöt enğinöñga munen jijiñinañgö könañinan aukñe asuhuyök.

3 “Tosatñan nöñgö qetnañgöra aka kahasililin ak gihigetka sihimbölö kapañ köla möta mökösoñda malnöñ. Ösumeret olan qahö aka malnöñmö, yuai pakpak möt kösoñda kinda malnöñ, mi mötzal.

4 Mewö malnöñmö, urugahö keu kun kewö mötppi qahö dop kölja: Mutuhök urugi melennda önöñi qahö jöpaköm niñgiba malnöñmö, urugan mönö sörauiğa nalö kewöñe amöriba maljan.

5 “Mutuhök urusösoñgai ketañi möta malnöñmö, mianğöreñök löwöriba eta eta amöriba et qeba maljan. Gi mönö nangi könaği mi mötmöriba möt kutuman. Mianğöra mönö urugi melenman. Mutuhök urumelenğö yuaiñi akñöñi, mönö mianğö dop kunbuk suariba akñan. Urugi siñgisöndok mianğöreñök qahö melenman ewö, nöñön mönö göhöreñ kaba lambegö dum tatatki qeköbiga urumelen könağesö Efesus mianğöreñ kunbuk qahö ahöma.

6 Et guhuyökmö, göhöra kewö mötppi ölöwakza: Göñön Nikolait yenğöreñ ahakmemenini tököba uru önön ahakzan. Nöñön mewöñanök mi tököba mianğöra uru önön ahakzal.

7 \* “Enğöreñök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak oñgita luhut almawi, nöñön mönö i wañgitpiga Anutugö oyaenköyaen nupñöñ (paradais) euyañgöreñ öñgöba malmal köhöikñanğö ip aumñe tata kötñi nempa malma.” Mewö.

### *Smörna urumelen könağesö yenğöreñ qambañ keu*

8 \* “Smörna sitigö zioz kambu yenğö pom garatañinañgöra mönö kimbi kewö ohoman, “Kömumba guliba mal köhöizawañön mutuhök mala (yuai pakpak miwikñaiba könañgep jii qahöwahiga) qöndökña mal öñgömawi, yañön keu kewö jiza:

9 Göñön wahöjaliñ möta etqeqeñi akzani, mi mötzalmö, Anutugö jene qetbuñagan öñgöñgöñi aiga simbawoñ akzan. Tosatñan Juda ambazip qahö aka töndup qetñini mewö qerakzei, yenñön mepaqepaik aka andö qem gihigetka anğösirip mörakzani, mi mötzal. Yenñön ‘Köuluk miri ölñi akzin,’ jiba aiakanñinan Satan möpöseimakze.

\* 2:7: Jen 2.9; Ind 22.2; Eze 28.13; 31.8 \* 2:8: Ais 44.6; 48.12; Ind 1.17; 22.13

10 “Sihimbölö möta malmanmö, mianğöra kenğötki kude mötman. Mötnöñ, Bölönğö Toñan esapesapnöñ al enğimamğöra ambazip kuñgum enğiiga enğöreñök tosatñi enğömemba kösö mire al enğime. Anğösirip ak enğimei, inñini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöikñanğö ila jalöñi enğimam.

11 \* “Enğöreñök kunñan kezapñambuknöñ malja ewö, Uña Töröñan zioz kambuñi kambuñi neñğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak onğita luhut almawi, yañö sileñan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

### *Pergamum urumelen könagesö yeñğö qambañ keu*

12 “Pergamum sitigö zioz kambu yeñğö pom garatañinañğöra mönö kimbi kewö ohoman,

“Kunöñ bingö sou ketañi (bainat) jityahötñi likelike zuluk alalñi memba maljawi, yañön keu kewö jiza:

13 Göñön malmal tatatki denike ala maljani, mi mötzal. Satanöñ nanñak jakömbuak dum tatatñi ali ahözawi, gi mönö mianğö kösutñe malakzan. Töndup nöngö qetni memba nömbuk toroqeba qekötahöba kinakzan. Satangö malmal tatatñi Pergamum siti mianğöreñ ahöiga Antipas yañön nöngö könañamni nanğöba jiba jembon onñi nene (qariwe ilikñi nene) ewö kinökmö, i enğö sutñine mianğöreñ qeget kömuyök. Göñön ni möt narim niñgimazani, keu mi nalö mianğöreñ mewöyök qahö köyatiba qañ kölnöñ.

14 \* “Mewömö, urugahö keu moröñi kun kewö mötpi qahö dop kölja: Göhö könagesö sutñine tosatñan kezapqetok azi takapulakanñi qetñi Balam yañğö janñunbuk mala wuatañğömakze. Kantri tosatñi yeñön nene memba tandö lopion yeñğö naluk kötin buña qeba könañine algetka ösumñinan walöñnöhi, Israel ambazipnöñ mi qahö nezema. Mutuk qahö negetmö, Balamnöñ azi qetñi Balak kewö kusum wañgiyök, ‘Gi mönö Israel ambazip mi nemegöra tutuhum enğiman.’ Mewö kusuba kuñgum enğiba simba ewö utuba alöhi, yeñön mönö mianğöreñ qaköba amqeba neget aka serowilin lan aket. Enğöreñök tosatñan Balamğö mötmöt mi wuatañğömakze.

15 “Mewöñanök göhö könagesö sutñine tosatñan Nikolait yeñğöreñ mötmöt munenñi memba wuatañğömakze.

16 Mianğöra gi mönö urugi melenman. Mewö qahö akñan ewö, nöñön mönö zilañ göhöreñ kaba könagesöurupki mewöñi mi qetal enğimam. Numbune bingö sou ketañi (bainat) ahözawi, mianñön mönö yarö gil enğimam.

17 \* “Enğöreñök kunñan kezapñambuknöñ malja ewö, Uña Töröñan zioz kambuñi kambuñi neñğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak onğita luhut almawi, nöñön mönö nene tölapñi qetñi mana aka köt tuatñi wañgimam. Yahöt mi wañgibiga köt tuatñi mianğöreñ qetñi dölöknñi ohogetka ahömawi, mi nanñök oyoñda mötma. Tosatñan mi qahö mötme.” Mewö.

### *Taiataira urumelen könagesö yeñğö qambañ keu*

18 “Taiataira sitigö zioz kambu yeñğö pom garatañinañğöra mönö kimbi kewö ohoman: “Anutugö Nahönñanğö jekötñan könöp bölam ewö jem asariiga köna susuñan sösönihiba ain bras ewö kölköl-bilikbilikñambuk akzawi, yañön keu kewö jiza:

19 Nöñön göhö ahakmemegahö könañi möt kutubi kewö ahöza: Göñön Anutu jöpaköba möt narim wañgiba nupñi memakzan aka anğösirip kapan köla möta mökösonda malakzan. Könakönahine yuai aka menöñi, mi mönö nalö kewöñe mem sehiba aka memakzan.

\* 2:11: Ind 20.14; 21.8 \* 2:14: Jan 22.5, 7; 31.16; Dut 23.4; Jan 25.1-3 \* 2:17: Eks 16.14-15; 16.33-34; Jon 6.48-50; Ais 62.2; 65.15

20 \**“Mewö memakzanmö, urugahö keu kun kewö mötpi qahö dop kölja: Göñön ambi qetji Jezebel yambuk urumohot aka i qahöpmahöp qepureim wangimakan. Yanön kezapqetok ambia qahö akzapmö, töndup nanji qetji mewö qerakza. Yanön ambazip tutuhuba kewö kusum engimakza: Tandö lopiongö naluk kötin neneya buña qeba könanjine algetka ösumñinan walöñnöhi, mi mönö ölop nemba malme. Mewö kusum engiba nup meme alaurupni kuñgum engiiga löwöriba janjuñ anda mi nemakze aka serowilin lañ ahakze.*

21 Nöñön Jezebel uruñi melenmapköra nalö wangialmö, serowilinñi mosöta uruñi melenmapkö qahö möta töndup malja.

22 *“Miangöra nöñön ambi mi qeiga kawöl yöhöiga salöknöñ ahöba sihimbölo mötma. Mewöyök yambuk sero yongorö ahakzei, yeñön ahakmemenji bölöñi mi qahö mosöta uruñini melenme ewö, nöñön mönö i mohot engubiga sihimbölo kanjamñambuk mötme.*

23 \**Yanögö nahönbörorupñi i mönö engum köñjöratpi kömume. Mewö akiga zioz könagesö körek enön engeka nöngö könan i kewö möt yaköme: Nöñön ambazip urumötmötñini kewöta jit aka urusihimñini körek möt kömumba ahakmemenjanögö dop likepñi melenja körek mohot mohot engö qakñine öngöma. Nöñönök mönö miangö Tonji akzal.*

24 *“Yenögöra mewö asuhumapmö, Taiataira engöreñök tosatñan Jezebelgö mötmöt areñi mi qahö wuatangömakze. Mewö qahö aketka engöra mepaqepaik kewö aka jim engimakze, ‘Inji mötmöt öngöngöñangö könan i qahö möt kutuba yaigep malje.’ Mepaqepaik mewö jiba ak engimakzemö, Satangö buña mötmötköra qet mewö qerakze. Nöñön zioz kambu körek engöra kewö jibi mötme: Nöñön lömböt kun qahö suariba albi engö qakñine öngöma.*

25 Inji Buña keu memba maljei, mönö miangöreñ qekötahöba malme. Nöñön kunbuk lilingömamanögö dop mönö mia wuatangöba malme.

26 \**“Kunñan esapesap bölöñi pakpak ongita luhut ala kömumawangö dop mönö töndup jitni tem köla ahakñawi, nöñön i kukösum wangibiga kian kantriñi kantriñi galöm köl engiba malma.*

27 Iwinan kukösum niñgiiga mi buña qem anguba Kembu maljal. Mewöñanök engöreñök kunñan luhut almawi, nöñön i jakömbuak nupkö ilañi aka ain öröpñi wangimam. Mi wangibiga miangön gölmenji gölmenji ambazip galöm köl engiba köhöikñanök mindingöm engiba malma. Gwaköm kimbut öröpnöñ qeba qesinjei, yanön mönö miangö dop qegetal ambazip öröp pöwöwöm köhöikñi miangön enguba köndenja menden engiiga qeqelanlan malme.

28 Mewöyök söñangö undi senjelau wangimam.

29 *“Engöreñök kunñan kezapñambuknöñ malja ewö, Uña Töröñan zioz kambuñi kambuñi nenögöra keu jimakzawi, yanön mönö mi kezap ala möt kutuma.” Mewö.*

### 3

#### *Sardis urumelen könagesö yenögö qambañ keu*

1 Jisösnöñ toroqeba kewö jiyök, *“Sardis sitigö zioz kambu yenögö pom garatanjanögöra mönö kimbi kewö ohoman,*

*“Kunöñ Anutugö uña bohonñi 7 aka senjelau 7 mi böröñe ahöi memba maljawi, yanön keu kewö jiza: Nöñön göhö ahakmemegahö könan i möt kutubi kewö ahöza: Göñön ambazip jenine guliba maljanangö qetji bisimakzanmö, Anutugö jeñe köhömuñi akzan.*

2 *Miangöra mönö imbigi möta wahötman. Göhö ahakmemegan nöngö Anutunangö jeñe aködamunñambuk qahö akza. Göhö könanamgi kewöta mewö miwikñaijal. Göhö könagesö*

\* 2:20: 1 Kiñ 16.31; 2 Kiñ 9.22, 30 \* 2:23: Sum 7.9; Jer 17.10; Sum 62.12 \* 2:26: Sum 2.8-9



uruje urumelen ambazip tosatji kunbuk maljemö, yejon mewöyök kömum taköbingö akze. Miangöra göjon mönö mem köhöim engiba malman.

<sup>3</sup> \* “Anutugö yuai gihigetka buja qem anguba mötnöji, mi mönö urukönömge jöhöba mötmöriman. Buja mi mönö tem köla urugi melemman. Guliguli qahö malman ewö, nöjon mönö yongorö meme ewö ölöng kaba asuhumam. Kamamanjö aua nalöni qahö mötnönga keunan mönö zilañ qake öngöiga lömböt miwikñaiman.

<sup>4</sup> Mewömö, Sardis zioz kambu engö sutjine ambazip awamdökñi enjon opo söröjini ölöpnanök galöm kölgetka töwötñambuk qahö akze. Miangöra yejon ölop maluku tuatñan silenine löngöta nömbuk anda kaba malme. Yejon mönö mewö aka malmeanjö dop akze.

<sup>5</sup> “Kunñan esapesap bölöni pakpak ongita luhut almawi, yangöra mönö maluku tuat lalamñi wangetka köla malma. Yangö qetji malmal köhöikñanjö buk papianöñ ohoget ahözawi, nöjon mi qahö kutumam. Iwinanjö jemesoholñe angoriga Suep garataurupñan eketka qetji ölop aukñe jim miwikñaim engimam.

<sup>6</sup> “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yanjon mönö mi kezap ala möt kutuma.” Mewö.

### *Filadelfia urumelen könağesö yeñgö qambañ keu*

<sup>7</sup> \* “Filadelfia sitigö zioz kambu yeñgö pom garatañinanjöra mönö kimbi kewö ohoman,

“Kunöñ Azi Töröñi aka Ölbölñi aka kiñ Deiwidkö ki moröñi memba galöm köla maljawi, yanjon keu kewö jiza: Yanjon nanju metaliga kunñan mi köla kiñi memangö osima. Yanjon mi köla jöhöiga kunñan mi musulmamangö osima.

<sup>8</sup> Nöjon göhö ahakmemegahö könañi ölop möt kutuzal. Alani mötnöñ, göhö ösumgan eretji akzawi, mi mötzal. Eretji akzapmö, göjon mönö nöngö Buja keuni tem köla könañi wuatangöba qetni qahö qañ köla malnöñ. Miangöra nöjon nanju kun wösöge metalbiga kunñan mi kölmangö osima.

<sup>9</sup> \* “Mötnöñ, kambu kun yejon ‘Köuluk mirininambuk akzin,’ jiba aiakanjanan Satan möpöseimakze. Juda ambazip qahö aka töndup qetjini mewö qeta munen jimakze. Nöjon ambazip mi kunjum engibiga göhö könañamgi möt asarime. Mi möt asariba kaba göhö könağe sipköba eta jöpaköm gihimakzali, mi aukñe jim miwikñaim.

<sup>10</sup> Nöjon kapañ köla lömböt möta mökösoñda kin köhöimangö jiali, göjon nöngö jimkututuni mi anjon köla wuatangöba malnöñ. Miangöra nöjon mewöyök gi kewö anjon köl gihimam: Wahöjalij nalö tandökñi kun kaba kantriñi kantriñi dop köla gölmenöñ mal anjei, mi esapesapnöñ al engima. Nalö mianjon kam kunjuiga nöjon gi wahöjalij miangöreñök meköba bohongi jöhömam.

<sup>11</sup> “Nöjon mönö zilañ lilingöba kamam. Kunñan utum gihiba ila jalö memene luhut al ghibapuköra mönö urugö inap ahöm gihizawi, mi mönö töp memba malnönga qahö sohoba kahaimök ahöma.

<sup>12</sup> \* Kunñan esapesap bölöni pakpak ongita luhut almawi, nöjon mönö i wangetka nöngö Anutunanjö möpömöpösei jike (tempöl) uruje kunjubiga tandöni akña aka nalö kunöñ mi kunbuk qahö mosötma. Miangöreñ maliga silene nani Anutunanjö qetji, Anutugö sitiñanjö qetji aka nani qetni dölokñi qet karöbut mi ohomam. Anutunan Jerusalem sitiñi dölokñi mi nanñi mire euyangöreñ ali ahözawi, mianjon Suepnöhök eta gölmenöñ asuhuma.

<sup>13</sup> “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yanjon mönö mi kezap ala möt kutuma.” Mewö.

### *Laodisia urumelen könağesö yeñgö qambañ keu*

\* **3:3:** Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8 \* **3:7:** Ais 22.22; Job 12.14 \* **3:9:** Ais 49.23; 60.14; 43.4 \* **3:12:** Ind 21.2; Ais 62.2; 65.15

14 \**“Laodisia sitigö zioz kambu yeŋgö pom garatanjanŋöra mönö kimbi kewö ohoman,*

*“Kun qetŋi Amen. Yanŋön Anutugö keuŋi pöndaŋ nanŋöba Dangunu ölbölŋi akza. Anutu bauköiga yuai pakpak miwikŋaiyohotka galöm kölakzawi, yanŋön keu kewö jiza:*

15 *Nöŋön göhö ahakmemegahö könaŋi möt kutubi kewö akza: Urugi qahö amöriza aka nöŋgö könöp bölamnan uruge qahö jemakza. O urugan amöribawak me könöwibawak, miaŋön mötŋi dop kölbawakmö, jöŋaŋe malnöŋga qahö dop kölja.*

16 *“Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutŋire uruyahötnöŋ laŋ maljananŋöra mönö numbuneyök söwötköm gihibi geman.*

17 *Nangi silegi mem öŋgöba kewö jimakzan: Nöŋön azi kindiŋbirik qetbuŋanambuk akzal. Sukinap mem sehiba dopne miwikŋaizal. Siyoŋsayoŋi qahö mala yuai kungöra qahö osizal. Mewö jimakzanmö, könaŋamgi ölni qahö möt kutuzani, mi kewö: Göŋön mönö kumkanjam aka tapötkokorok (dabökokorok) malnöŋga tosatŋan wösömötmöt ak gihimakze. Wanapŋi mala jegi gömöliiga tiktauk sile aukŋe malakzan.*

18 *“Miaŋgöra qambaŋ keu kewö gihizal: Göŋön nöŋgöreŋök yuai karöbut ki söŋgöroŋi meman: Azi kindiŋbirik qetbuŋagabuk akŋanŋöra mönö goul könöpnöŋ delasi ohoba gödöwörötni mendeŋget sösonihiba eta qahöwahöhi, mi mönö bohonŋi meman. Sile aukŋe malakzani, miaŋgö gamuŋi közambötmangöra mönö maluku tuatŋi bohonŋi memba löŋgötman. Jegi gömölizawi, miaŋgöra mönö jepisik kelök mi bohonŋi memba jegi törörök umangöra miriman.*

19 \**Nöŋön wölböt alaurupni jöpaköm eŋgimakzali, mi körek bölöŋamŋinanŋöra tembula jim eŋgiba mindiŋqindiŋ ak eŋgimakzal. Ölöwakŋegöra mewö ahakzal. Miaŋgöra gi mönö jaulalaŋ mosöta urugi melenŋa siŋgisöndoki andö qeba malman.*

20 *“Mötnöŋ, nöŋön nanŋunöŋ qeba kinjal. Kunŋan nöŋgö keu imbini möta uru nanŋuŋi musulmawi, nöŋön mönö yanŋö miri uruŋe öŋgöba yambuk tatŋi yanŋön nömbuk köisirik tata mohotŋe nene nemit.*

21 *“Nöŋön esapesap bölöŋi pakpak oŋgita luhut ala Iwinan noaŋgiri yanŋö jakömbuak dumŋe eta qöhöröŋe tatzal. Miaŋgö dop kunŋan esapesap bölöŋi pakpak oŋgita luhut almawi, nöŋön mönö i waŋgitpiga nöŋgö jakömbuak dumne eta qöhöröŋe tatma.*

22 *“Eŋgöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yanŋön mönö mi kezap ala möt kutuma.” Mewö.*

## 4

### *Jeni melenŋiga kunöŋ Suep jakenöŋ tariga ehal.*

1 *Miaŋgö andöŋe jemelen kunbuk asuhuiga Suep miri nanŋuŋi kun aŋaŋiiga ehal. Ekiga imbi mutuk tömun qainŋi kun (biugel) ewö keu jiiga mörali, yanŋön mönö suariba kewö jiyök, “Gi mönö kewö kotnöŋga andöŋe yuai asuhumawi, mi kondel gihimam.”*

2 \**Mewö jiiga miaŋgöreŋök Uŋa Töröŋan nömeiga alburupŋan qakne öŋgöiga yuai kewö ehal: Suep miri uruŋe jakömbuak dum ahöiga kunŋan miaŋgöreŋ tarök.*

3 *Taröhi, yanŋö jemesoholŋanŋö asakŋan mönö eröknam me jamönŋiŋ qetŋi jaspö aka wale bönbönŋi me köt qetŋi karnilian miaŋgö dop gilikbilikŋambuk asariba ahöyök. Kiam nesilam kun kulem mundaŋi mumunene kamböŋi me jamönŋiŋ qetŋi emerald ewö miaŋön jakömbuak dum mi lökŋanök liliköba töŋgönŋi göröhiba ahöyök.*

### *Dum bohonŋi liliköba dum 24:ŋan tatze.*

4 *Jakömbuak dum tosatŋi 24 mienŋön dum bohonŋi mi liliköba tatketka miengö qakŋine Anutugö jitŋememeurup 24 tatket. Yeŋön malukuŋini tuat lalamŋanök öluŋ geiga nöroŋŋine goul ila jalö kunduta tatket.*

\* 3:14: Qam 8.22 \* 3:19: Qam 3.12; Hib 12.6 \* 4:2: Eze 1.26-28; 10.1

<sup>5</sup>\*Dum bohonņi mianğorenğök wöl bilikbilik jesönğö asariiga giņgururuņ asuhuiga imbi wölpöndaņğö ötöņ kourukņi ewö möral. Dum bohonņanğö wösöņe tos kiwa asakņi 7 jeba asariba kinget. Kiwa 7 mi Anutugören uņa bohonņi 7 akze.

<sup>6</sup>\*Mewöņanök jakömbuak jake wösöņe yuai gilikbilikņambuk köwet ewö ehal. Mi kirin jöhanņi jöhanņi kölköl-bilikbilikņinambuk melenđa asarimakzei, mönö mianğö dop asariyök. Jake bibiņe dum liliköba bem jembon 4 kinget. Andöņini aka wösöņini mi jeņinanök dop kölīga kinget.

<sup>7</sup>Bem jembon mutukņan laion sömbup ewö ahök. Alaņan bulmakau aziņi ewö ahök. Alaņiri kungö kaisoņgolomņi mi azi jesönğöröņanğö tandök ahök. Alaņini 4:ņan tukapkap bölbölgömakzawaņğö tandökņa ahök.

<sup>8</sup>Bem jembon 4 mohot mohot yeņğö giņginņini 6 pakpak ahöm enğiyök. Silenņini lökņanök aka giņginņini baņņe mewöyök jekötņinanök dop köl enğiiga kinget. Kinda suņgem silim liņet kewö qörörök kölakze, “Kembu Anutu kukösum pakpakö Toņi göņön mönö töröņi aka töröņi aka töröņanök akzan.

Malmal Toņi göņön mönö möpņanğö möpņeyök mala kota maljan aka kunbuk liliņğöba asuhuba mal öņğöman.”

<sup>9</sup>Bem jembon 4 mienöņ mönö mewö möpömöpösei liņet kölakze. Kunöņ jakömbuak dumnöņ kinda nalö teteköņi qahö mal öņğöba malmawi, i aködamun qetbuņa al waņgiba saiwap jimakze.

<sup>10</sup>Mewö ahakzeanğö dop Anutugö jitņememe 24 mienöņ eta kun jakömbuak dumnöņ tatzawi, yaņğö jeņe simin köla sipkömakze. Kunöņ nalö teteköņi qahö mal öņğöba malmawi, yaņğö waikņi memba möpöseim waņgimakze. Möpöseim waņgiba ila jalöņini qeköba jakömbuak dum wösöņe ala kewö jimakze,

<sup>11</sup>“O Kembu Anutunini, göņön öroyuai pakpak miwikņaim enğinöņ. Göhö jitsihitkan nam köl enğiiga letota malmal miwikņaiiba malje. Mianğöra aködamun qetbuņa mi al gihiba saiwap jim gihimakzin. Göņön mohotņan mönö möpöqöpösei pakpak aņğön kölmananğö dop akzan.” Mewö.

## 5

### *Lamanöņ Anutugö böröņeyök kimbi köpöp meyök.*

<sup>1</sup>\*Mianğö andöņe kimbi köpöp kun ekiga jakömbuak dumnöņ tatzawaņğö böröņi ölņe ahöyök. Kimbi mianğö sinņi mi likeplikep lökņanök kulemöhök ohoba köpeiba sapönöņ ala muņgem supap (sil)\* 7:nöņ köla mekötahögetka ahöyök.

<sup>2</sup>Mewöyök Suep garata ösum-mumuņambuk kun ekiga köhöikņanök qeta buzup keu kewö qesiba jiyök, “Daņön sarak sorokņi aka ölöp kimbi köpöp kianğö muņgem supapņi (sil) munjurata kötulmawaņğö dop akza?”

<sup>3</sup>Mewö jiyökmö, Suepnöņ, gölmenöņ aka kömupkö uņem miri mianğören körekmakörek engegetka kunņan kun mi mutula kulemņi ekņawaņğö dop qahö ahök.

<sup>4</sup>Kunņan kun sarak sorokņi aka kimbi mi mutula kulemņi ekņawaņğö dop qahö miwikņaiğeri, mianğöra nöņön gwötņuk sahöt böliäl.

<sup>5</sup>\*Sahöt bölibiga Anutugö jitņememe yeņğörenğök kunņan nöņğöra keu kewö jiyök, “Mönö kude sahötnöņ. Mötnöņ, Juda kambunöhök Deiwidkö gwölönarökņi kun ahuba laion sömbup ewö aka Bölöņanğö Toņi luhut ala malja. Yaņön mönö ölöp köhöiba kimbi köpöp kianğö muņgem supapņi (sil) 7 mi munjurata kötulma.”

\* **4:5:** Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 \* **4:6:** Eze 1.5-10, 22; 10.14; Eze 1.18; 10.12; Ais 6.2-3

\* **5:1:** Eze 2.9-10; Ais 29.11 \* **5:1:** Kantri tosatņe kimbi ohoba esunöņ ala sapö memba kunņan mi kötulbapüköra aka muņgem supapnöņ kölakze. Kunņan muņgem supap (sil) mi laņ munjurata kulemņi yoņğorö oyoņbawak, mi mönö miwikņaiğetka keubuk akņa. Kimbi toņanök mi galöm kölakza. Miri mi ki namņi ala misiin gemakzapmö, kimbi mi muņgem supapnöņ jöhömakze. \* **5:5:** Jen 49.9; Ais 11.1, 10

<sup>6</sup>\*Mewö jiiga Lama moröñi ekiga jakömbuak dum bibiñe bem jembon 4 mienjö sutñine kiniga Anutugö jitñememe yeñön liliköm wañgiget. Lama moröñi mianjön mönö qeget kömuyöhañgö tandökña kinök. Ilikñi 7 aka jekötñi 7. Anutunöñ uñaurupñi bohonñi 7 melaim enjiiga gölmegö ambazip pakpak yeñgöreñ anda maljei, jekötñi 7 mi mönö yeñgö söpsöpñina akze.

<sup>7</sup>Lama moröñi mi ekiga kaba kimbi köpöp supapñambuk mi jakömbuak dumnöñ tatzawañgö böröñi öñeyök meyök.

<sup>8</sup>\*Mi meiga bem jembon 4 aka Anutugö jitñememe 24 mienjön mönö mianjöreñök Lama moröñañgö wösöñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñañ köulukögetka Anutugöreñ öñgömakzawi, mianjön mönö jiniñ ohohogö dop aiga wörönñi umköhöwakñambukñöñ öñgöba pukpukömakza. Wörön mewöñañ mönö goul qambiñini kokolak qeiga kinget.

<sup>9</sup>\*Simin köla liñet dölökñi kewö köla jiget, “Göñön qainñi kun akzan. Gi guhugetka kömumba sepki mokoba mianjön ambazip bohonñi memba enjömenöñ.

Ambazip mi bem isikñinañgö dop, keu jöl jijiñinañgö dop, kambuñinañgö dop aka kantriñinañgö dop. Göñön mönö mienjöreñök tosatñi enjömenöñga Anutugö buñaya akze.

Mianjöra göñön mönö sarak sorokñi aka kimbi köpöp supapñambuk memba muñgem supapñi (sil) mutulmanañgö dop akzan.

<sup>10</sup>\*Yeñön Anutugö buñaya aketka kusum enjiba kuñgum enjinöñga bemtohonñahö kiñ kembu kambu aka jike nup galömurupñi akze. Yeñön Anutuninañgö nupñi memba mala gölme dop ambazip galöm köl enjiba mal öñgöme.”

<sup>11</sup>\*Liñet mewö köla jigetka möta toroqeba uba Suep garata jañgöñini tausenni tausenni aka milyönñi milyönñi mi enjeka liñet kourukñini möral. Yeñön jakömbuak dum kösutñe kinda bem jembon 4 aka Anutugö jitñememe 24 mi liliköm enjiba liñet kölget.

<sup>12</sup>Liñet köhöikñañök qeta kewö kölget, “O Lama moröñi qeget kömuyöhi, yañön mönö sarak sorokñi aiga Anutunöñ ösum-mumu aka töhötmöriam wañgiiga dopñe akza.

Mötkutukutu öñgöñgöñi aka kukösum pakpak buña qeiga dopñe akza. Sarak sorokñi aiga ölop qetbuña pakpak wañgiinga asakmararañ buña qeiga möpöseim wañgizin.”

<sup>13</sup>Mewö köla möpöseigetka liñet kambu kun kewö möral: Anutunöñ malmalbuk mi-wikñaim enjiyöhi, mienjön mönö körekmakörek liñet kölgetka möral. Suepnöñ maljei, gölmenöñ maljei, kömupkö uñem mire aka köwet qakñe maljei, mienjön mönö körek numbuñini mindiriba liñet kewö kölget,

“Jakömbuak dumñe tatzawi aka Lama moröñi neñön inñi möpöseim etkizin.

Kötuet Toñi etkö qetbuñañiri jim qarimakzin. Nalö dop asakmararañ etkiinga kukösum Toñi mi teteköñi qahö mal öñgömahot.”

<sup>14</sup>Mewö kölgetka bem jembon 4 mienjön “Keu mi öñña,” jiget. Jigetka Anutugö jitñememe yeñön eta dapköba simin köla Anutu waikñi memba möpöseim wañgiget. Mewö.

## 6

### *Lama moröñañ muñgem supap mohot mohot munjuratza.*

<sup>1</sup>Mewö möta yuai kewö asuhui ehal: Lama moröñañ kimbi köpöp supapñambukö muñgem supapñi (sil) 7 mienjöreñök mutukñi munjurata kötulök. Kötuliga bem jembon 4 yeñgöreñök kunñañ keu kewö jiyök, “Mönö asuhuba kanöñ!” Keuñi mi wölpöndañ tandök ewö köhöikñañök qeri möral.

\* 5:6: Ais 53.7; Zek 4.10 \* 5:8: Sum 141.2 \* 5:9: Sum 33.3; 98.1; Ais 42.10 \* 5:10: Eks 19.6; Ind 1.6 \* 5:11: Dan 7.10



<sup>2</sup>\*Mewö jiiga möta mianğöreñök hos tuatñi kun asuhuiga ehal. Hos mianğö qakñe azi kun timbiñambuk tari tosatñan ıla jalö wañgigetka nöröpñe kölök. Mi köla yarönöñ luhut ala malöhañön mönö kunbuk hos qakñe yarönöñ luhut almamğöra anök. Mewö.

<sup>3</sup> Lama moröñan muñgem supap (sil) yahötñi munjurata kötuliga bem jembon yengöreñök yahötñi yañön keu kewö jii möral, “Mönö asuha kanöñ!”

<sup>4</sup>\*Mewö jiiga mianğöreñök hos kun silenji pisikñi somabölambuk asuhuiga ehal. Azi kun hos mianğö qakñe taröhi, Anutunöñ mönö i yom karim gili luai qahöwakñapkö kukösumñi wañgiyök. Mi wañgiiga gölmenöñ aum añğöhöba kömumegöra kuñguiga ambazip uru mem wahöt engimawañğö kukösumñi miwikñaiyök. Mi miwikñaiiga bimgö sou keta bölökñi wañgigetka memba anök. Mewö.

<sup>5</sup>\*Lama moröñan muñgem supap (sil) karöbutñi munjurata kötuliga bem jembon yengöreñök karöbutñi yañön keu kewö jii möral, “Mönö asuha kanöñ!” Mewö jiiga mianğöreñök hos injañi kun asuhuiga ehal. Azi kun hos mianğö qakñe taröhi, yañön inapkö lömbötñi kewötplingö dop ipñi (skeil) mi böröñan memba tarök.

<sup>6</sup> Mewö tariga bem jembon 4 yengö sutñineyök kunöñ keu jiiga kourukñi tandök ewö kewö möral, “Silim mohotkö töwañi (Kina 5) mianğön ölop 1 kilogram wit flaua me 3 kilogram bali flaua mi bohonñi meman. Töndup nenegö oil ip aka wain kösö nup mi mönö kude mem bölime.” Mewö.

<sup>7</sup> Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, “Mönö asuha kanöñ.”

<sup>8</sup>\*Mewö jiiga mianğöreñök hos kun silenji gohotgohot aka kaukañambuha asuhuiga ehal. Hos mianğö qakñe taröhañğö qetñi mi kömupkö kondotkondot Toñi. Yangö kösutñe kömupkö uñem miri Toñan mewöñanök i wuatangöba kayök. Gölme mendengetka bahöñi 4 ahöiga mienğöreñök kungö ambazipñi mi galöm köl engibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum engiyohot: Tosatñan sou ketañan (bainat) auba kömuget. Tosatñan bödinöñ kömuget. Kawöl kanjamñambukñöñ tosatñi engömeiga kömuget aka tosatñi mi gölmegö sömbup kalñi mienğön engöhögetka kömuget. Mewö.

<sup>9</sup> Lama moröñan muñgem supap (sil) 5:ñi munjurata kötuliga mianğöreñök Anutugö ambazip tosatñi engugetka kömugeri, yengö uñañini engehal. Yenön Anutugö Buña keuñi añğö köla nañğöba jim sehiba malgerağöra engugetka kömumba alta bapñe ahöget.

<sup>10</sup> Euyangöreñ ahöba köhöikñanök kewö qetket, “O Kembu kukösum Toñi, göñön diñdiñi aka ölbölñi akzan. Mianğöra mönö nalö dawik mambörin teköiga mianğöreñ gölmegö ambazipñi kewöt engiba keuñini jim teköman? Neñön gi welen qem gihiinga nengugetka sepninañğö kitipñi mi mönö wani nalönöñ melenñönga qakñine öñğöma?”

<sup>11</sup> Mewö jigetmö, maluku tuatñi köröpñi mi mohot mohot yengöra köl engiget geiga Anutugö jimkutukutu kewö engigetka mötket, “Inini mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka inini ewö mewöñanök engugetka kömume. Yenön kömugetka jañğö alali, mianğön dopñe aiga nalö mianğöreñök mönö engugeri, yengö keuñini jim teköman.” Mewö.

<sup>12</sup>\*Lama moröñan muñgem supap (sil) 6:ñi munjurata kötölöhi, mi uba ehal. Mi munjurata kötölöhi, nalö mianğöreñ kenöñ tandökñi sohosoñi gilök. Wehön jeñan böuktutuk ala injañ köla wösöbirikö malukuñi sanjöp ewö (meme jupñan memenañğö tandök) aiga söñauyök. Köñ jeñan melenđa lökñanök pisihiba sep ewö ahök.

<sup>13</sup>\*Mewö aiga señgelau suepnöñ ahözei, mienğön mönö gölmenöñ etket. Newañ kötni gohoriba tatketka luhut köhöikñan qeba utuköba mumburatiiga erakzei, mönö mianğö dop buratiba gölmenöñ tata pilpil etket.

\* **6:2:** Zek 1.8; 6.3, 6    \* **6:4:** Zek 1.8; 6.2    \* **6:5:** Zek 6.2, 6    \* **6:8:** Eze 14.21    \* **6:12:** Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25    \* **6:13:** Ais 34.4

14 \*Mewö etketka suep ehakzini, mianjōn mōnō ayapkōyōk. Kimbi köpēp köpeigetka örōba anakzawaṅgō dop mōnō wōlakzak örōba anda ayapkōyōk. Mi ayapkōiga kundunji pakpak aka köwetkō gölme jōlanji jōlanji mi mōnō körek ahōahōjineyōk zilaṅ kök ala sōmuniget.

15 \*Mewö asuhuiga gölmegō kiṅ kembunji kembunji, azi jembonji jembonji aka suahō galōmji galōmji mienjōn mōnō ölōṅ köla asambōtket. Ambazip kindinbirik qetbunjanambuk, ambazip kukōsumjinambuk mi mōnō körek kök ala asambōtket. Nanjini nupjini memakzei aka tonjanṅō welenjini ōne qemakzei, mi mōnō körek pakpak banjet, kōt kinimji aka kundunṅō sem sianji jaruba miṅgōreṅ asambōtketka engehal.

16 \*Miṅgōreṅ asambōta kundunji Tonji aka sem sia Tonji engehola kewō uletket, “Injini mōnō kundunji jim tekōgetka buakōba kaba turum nenjiget. Jakōmbuak dumje tatzawaṅōn jemesohol köl nenjibapukōra aka Lama morōṅṅō irimsesewōljan nenjubapukōra mōnō jim tekōgetka kōzambōt nenjiget.” Mewö uletket.

17 \*Yetkōn irimsesewōljiri aukje kondeljahori, miṅgō nalōṅi ketanjan mōnō kam kunḡuba ahōza. Mi kunḡan kun mesohol köla kinmawaṅō dop qahō. Mewö.

## 7

### *Israel ambazip 144.000 mi Anutunōj asō köl enjima.*

1 \*Miṅgō andōṅe Suep garata 4 engekiga gölmegō waṅgōmji 4 miṅgōreṅ kinget. Yenjōn gölmegō luhut Tonji bohōnji 4 mi jōhōm enjiba ṅṅōn kölget. Luhutnōṅ gölme qakje me köwet qakje laṅ gilbapukōra me ip kunḡan qebapukōra mōnō Tonji 4 mi bōrōṅinan memba jōhōba kinget.

2 Anutunōṅ Suep garata 4 mi gölme aka köwet kōnden enjibingō kukōsumji enjiiga gölme waṅgōmji kinget. Mewö kingetka engehiga Suep garata kunōṅ wehōn kotkotjeyōk asuhuba wahōri ehal. Yaṅōn malmalgō Tonji Anutugō muṅgem asō örōpji galōm köla kaba Suep garata 4 yengōra kōhōikṅanōk qerōk.

3 Qeta keu kewō jiyōk, “Injini mōnō gölme me köwet mi zilaṅzilaṅ kude kōnden etkime aka ip mi kude ayuhum enjime. Mi qahōpmō, mōnō mambōtketka mutuk zilaṅōk Anutuninṅō muṅgem asōṅi mi nupji memakzei, yengō mesoholjine mekōtahōm enjibin. Mi mutuk kōsōba mekōtahōm enjiingun andōṅe mi ölōp kōndenḡa ayuhume.”

4 Mewö jiiga Anutugō muṅgem asōṅi mi Israel ambazip tosatji yengō mesoholjine kōsōm enjiget. Kunōṅ yengō jaṅgōṅini jiiga kewō mōral: Israel ambazip kambu 12 pakpak miṅgōreṅōk mindiriba ambazip 144.000 mi kōsōm enjiget.

5 Israel kambu mohot mohot miṅgōreṅōk 12.000 mewö mewö kōsōm enjiget. Juda kambugō 12.000, Ruben kambugō 12.000, Gad kambugō 12.000,

6 Aser kambugō 12.000, Naftali kambugō 12.000, Manase kambugō 12.000,

7 Simeon kambugō 12.000, Liwai kambugō 12.000, Isakar kambugō 12.000,

8 Zebulun kambugō 12.000, Josef kambugō 12.000 aka Benjamin kambugō 12.000. Mewö mewö asō köla mekōtahōm enjigetka mindiriba 144.000 ahōk. Mewö.

### *Oyaenḡoyaen malmeṅgō kambu ketanji ehal.*

9 Miṅgō andōṅe kambu jitji buburatinji jaṅgōṅini kude oyoṅoyōṅgō dop mi ehal. Ambazip mi kambuninṅō dop, bem isikṅinṅō dop, kantrinṅinṅō dop aka keu jōl jijiṅinṅō dop tokoba jakōmbuak dum aka Lama morōṅi yetkō wōsōṅire kinget. Miṅgōreṅ kinda maluku kōrōpji tuatji kōtekōm ṅṅuget geiga bōrōṅinan nip sinṅṅōṅ bōrōṅi memba kinget.

10 Mi memba kinda kōhōikṅanōk qeta kewō jiget, “Anutuninan jakōmbuak dumje tatzawi aka Lama morōṅi yetkōn mōnō mem letot nenjiyohotka oyaenḡoyaen akzin.”

\* 6:14: Ind 16.20 \* 6:15: Ais 2.19, 21 \* 6:16: Hos 10.8; Luk 23.30 \* 6:17: Joel 2.11; Mal 3.2 \* 7:1: Jer 49.36; Dan 7.2; Zek 6.5; Eze 9.4, 6

<sup>11</sup> Mewö qeta jigetka Suep garata pakpak yeñön jakömbuak dum kösutne areñnön kinda Anutugö jitnememe aka bem jembon 4 mi liliköm enjiget. Mewö kinda jakömbuak dum wösöne bangöba eta simin köla Anutu waikni memba möpöseim wanjiget.

<sup>12</sup> Anutu möpöseim wanjiba kewö jiget, “Keu mi ölña! Anutu gi mönö kötuet, asak-mararañ aka mötkutukutu öngöngöñangö Toñi akzan. Neñön gi möpöseim gihiba qet-bunagi jim qarimakzin. Anutunini, göñön ösum-mumu aka kukösum Toñi akzan. Neñön nalö dop mewö jim köhöininga Toñi mi teteköñi qahö mal öngöba malman. Keu mi ölña!”

<sup>13</sup> Mewö möpöseiba jigetka Anutugö jitnememe yeñgöreñök kunñan kewö jiba qesim niñgiyök, “Ambazip maluku köröñni tuatni löngöta kinjei, mi dañön? Mi mönö denikeyök kaba mewö tokoba kinje?”

<sup>14</sup> \*Qesim niñgiiga kewö melen wanjial, “O ketañamni, mi nöñön qahö mötpiga nangok mötzan.” Mewö melen wanjibiga jitnememe yañön kewö jii möral, “Kahasililiñ keta bölökñangö sutneyök kotkeri, yeñön mönö mia akze. Lama moröñangö sepñan mönö opo malukuñini sañgoñni tuariiga malget.

<sup>15</sup> Mewö malgerañoora aka Anutugö jakömbuak dumñi mesohol köla sunjem silim möpömöpöse jikenje (tempöl) mala Anutugö nupñi memba malme. Mewö malgetka jakömbuak dumñe tatzawañön mönö opo koumñi möröreñgöba köl turum enjiiga malme.

<sup>16</sup> \* “Mewö malgetka nalö kunöñ nenegö me ogö qahö kömume. Wehönöñ me yuai könöpñambuk kunöñ mönö qahö engohotirima.

<sup>17</sup> \*Kewögöora oyaenköyaen malme: Lama moröñan jakömbuak jake bibiñe tata galöm köl enjiba enguañgiriga malmal köhöikñangö o töwatñangö jeñe anakñe. Anutu nanñak jeñineyök imbilñini pakpak kutuiga teköma.” Mewö.

## 8

### *Lama moröñan munjem supap 7:ñi munjurata.*

<sup>1</sup> Lama moröñan munjem supap (sil) 7:ñi munjurata mutuliga Suep miri miangöreñ kouruk pakpak göröñ ala 30 minitkö dop nöñ qeba ahöyök.

<sup>2</sup> Mewö asuhuiga Suep garata 7 Anutugö wösöne kinjei, mi engekiga kunöñ tömun qainñi kun (biugel) 7 mi böröñine ala enjiyök.

<sup>3</sup> \*Mi engekiga Suep garata kun asuha jiniñ ohohogö goul qambiñi memba kaba alta kösutne kinök. Ambazip sarakñi pakpak Anutugö köulukögetka yañön jiniñ altanöñ ohoiga wöröñni umköhöwakñambuk mi köulukñinambuk toroqeba pukpuköba mohotne öngöba Anutugöreñ anakza. Goul alta mi jakömbuak dum wösöne kinjawi, yañön mönö miangö kösutne kiniga tosatñan jiniñ mi gwötpuk ohomapköra wanjiget.

<sup>4</sup> Yañön jiniñ mi ohoiga miangö köwakñan mönö Anutugö ambazip sarakñi yeñgö köulukñinambuk toroqeba Suep garata yañgö böröñeyök wahöta Anutugö jemesoholne öngöget.

<sup>5</sup> \*Suep garata mianön jiniñ qambi mi memba altanöhök könöp jitñi mei jeiga qambi miangöreñ uiga kokolak qeiga gölmenöñ gili geyök. Gili geiga miangöreñök wölpöndangö göjuñi göjuñi asuha giñgururuñ qerök. Wölbilik ösumñinambuk asuhugetka kenöñi kenöñi nalöñi nalöñi meyök. Mewö.

### *Garata yeñön tömun qainñi kun uget.*

<sup>6</sup> Suep garata 7 tömunñini qainñi kun (biugel) megeri, yeñön mi ubingö jöjöröget.

<sup>7</sup> \*Garata mutukñan wahöta tömunñi qainñi kun uyök. Mi uiga ais köñi aka könöp bölamñi mi kie ewö asuha sepuk toroqegetka kunöñ mi mokoiga mohotne gölmenöñ erök. Mianön könöpñambuk eta gölme qeiga gölmegö bahöñi karöbutñan jem teköyök.

\* **7:14:** Dan 12.1; Mat 24.21; Mak 13.19 \* **7:16:** Ais 49.10 \* **7:17:** Sum 23.1; Eze 34.23; Sum 23.2; Ais 49.10; 25.8

\* **8:3:** Amos 9.1; Eks 30.1, 3 \* **8:5:** Lew 16.12; Eze 10.2; Eks 19.16; Ind 11.19; 16.18 \* **8:7:** Eks 9.23-25; Eze 38.22

Arökñangö ipñi miengö bahöñi karöbutñan jem teköget aka gwözözak sinñi görökñi mi körek jeba jem teköyök.

<sup>8</sup> Garata yahötñi yañön wahöta tömunñi qainñi kun uyök. Mi uiga kunöñ kundunñi ketanñi könöp jejenñi tandök ewö (wolkeno) yuai mi giliga köwetnön geyök. Geba köwet meiga köwetkö bahöñi karöbut miengörenök kunñan melenña sep ahök.

<sup>9</sup> Mewöñanök Anutunön köwetkö yuainñi pakpak miwikñaiiga maljei, miangö bahöñi karöbut miengörenök kun mi kömuget aka wanje pakpak miengö bahöñi karöbut miengö likepñini kun mi jömgöba ayuhuget.

<sup>10</sup> \*Garata karöbutñan wahöta tömunñi qainñi kun (biugel) uyök. Mi uiga senjelau ketanñi kiwa bölamñi ewö tandök jeba suepnöhök teköba erök. Eta köla gölmegö o töwatñi enğuba miengö bahöñi karöbut miengörenök kun aka o jeñi pakpak mi dop köl enğiyök.

<sup>11</sup> \*Senjelau miangö qetñi mi röbek kömbukñambuk. Röbek miangön eriga onñi onñi miengö bahöñi karöbutñi mi melenña kömbukñinambuk aket. Kömbukñinambuk akerangöra aka ambazip gwötpukñan mi nemba kömuget.

<sup>12</sup> \*Garata 4:ñi yañön wahöta tömunñi qainñi kun uyök. Mi uiga kunöñ wehön jeñi aka köñ jeñi mietkö asakñirangö bahönñi karöbutñi mi etkuiga bahösapsap ömun köla söñauyohot. Mewöñanök senjelau bahönñi karöbutñi enğuiğa melenña söñauget. Miangöra silim nalöñangö bahöñi karöbutñan söñauğa pandaman ahök. Mewöñanök sunğemgö asakñan töriğa bahöñi karöbutñan söñauyök.

<sup>13</sup> Mewö aiga eu uba tukapkap kun eka mötpiga könakembañe eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenön maljei, Suep garata karöbut yeñön mönö toroqeba tömunñini qainñi kun ubingö dop akze. Tömun karöbut miengö kourukñini mötketka lömböt kanjamñambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

## 9

### *Suep garata 5:ñan tömunñi qainñi kun uyök.*

<sup>1</sup> Suep garata 5:ñi yañön tömunñi qainñi kun (biugel) uiga ekiga suepnöhök senjelau kun teköba gölmenön erök. Eriga kunöñ ömewöröme yeğö löm dutñi qahö miangö ki morönñi mi senjelau Toñi mi wanğiyök.

<sup>2</sup> \*Mi wanğiğa öme löm dutñi qahö miangö önunñi musuliga miangörenök köwak ketanñi söngök imarurubuk jeba köwak wahörakzawi, mönö miangö dop kundumgöba wahöta wehön jeñi esuhuba luhut köwakhöhök dop köl teköyök.

<sup>3</sup> \*Köwak miangö uruñeyök gawötñi gawötñi mosöta gölmenön kanğotketka Anutunön kukösum enğiyök. Kukösum mi skorpion (omeqaqa) yeğören kukösum tandök ewö ahök.

<sup>4</sup> \*Mi enğiğa Anutunön kewö jim kutum enğiyök, “Inñi mönö gölmegö yuai görökñi gwözözak me ip mewönñi mi kude ayuhum enğimemö, ambazip mesoholñine Anutugö munğem asönñi qahö miyök mönö mem bölim enğime.” Mewö jim kutum enğiyök.

<sup>5</sup> Anutunön gawöt mi kukösum enğiğa ambazip enğöhögetka köñ 5:gö dop sihimbölo önönñi qahö mötket. Sihimbölo mi skorpion (omeqaqa) azi yöhöiğa sihimñi mötzawi, mönö miangö dop. Sihimbölo mewö mötketmö, Anutunön anğön köl enğiğa mem kömum enğimeangö kukösumñi mi gawöt yeñön qahö memba öne enğöhöget.

<sup>6</sup> \*Ambazip enğöhögeri, yeñön nalö miangören kömumbingö jarumemö, kömup mi qahö miwikñaiğa kömumbingö osime. Kömumbingö möta qemjeñ qememö, kömupkö kondotkondot Toñan mönö kungen anma.

\* **8:10:** Ais 14.12    \* **8:11:** Jer 9.15    \* **8:12:** Ais 13.10; Eze 32.7; Joel 2.10, 31; 3.15    \* **9:2:** Jen 19.28    \* **9:3:** Eks 10.12-15    \* **9:4:** Eze 9.4    \* **9:6:** Job 3.21; Jer 8.3



7\*Gawöt engekiga mienjön hos yarögöra aködamunjinambuk jöjörömakzei, mönö mienjö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket.

8\*Gawöt mienjö nöröp jupñini mi gwala ambi yeñgö nöröp jup ewö aket. Gawöt jitñinan laion sömbupkö jitñi ewö aket.

9\*Göwañgöwañini (töptöp maluku) mi ain suman ewö tandök aket. Ginginñini qegetka ötöñ asuhui mörali, mi kewö: Hos sehisehñi yeñön yarögö karenji karenji öröba luhuba binnöñ angetka giñgururuñ asuhumakzawi, mönö miangö dop.

10 Dagiñini mi skorpion (omeqaqa, anamumu) ewö jitñinambuk aket. Mienjön ambazip köiñ 5:gö dop sihimbölä mötmegöra enghöhögeri, miangö kukösumñan mönö gawöt dagiñine ahöm engiyök.

11 Gawöt mienjö kiñ kembuñini mi ömewöröme yeñgö löm dutñi qahö miangö garatañi qetñi Ayuayuhu Tonji. Mi Hibru keunöñ Abadon aka Grik keunöñ Apolion.

12 Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könangep asuhumahot. Mewö.

### *Suep garata 6:ñan tömunñi qainñi kun uyök.*

13\* Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 mienjörenök kouruk kun kaiga möral.

14 Kouruk miangö Suep garata 6:ñi tömunñambuk yañgöra kewö jiyök, “Anutunöñ garata 4 jöhöba gwaröhöm engiba o töwatñi ketañi qetñi Yufreitis miangö qöhöröñe al engiyöhi, mi mönö pösat enjgiman.”

15 Anutunöñ garata 4 mi jöhöm engiba gwarönöñ tatmegö (yara) yambuñini, köiñini, silimñini aka auañini mi törörök arengöm engiiga tatket. Yeñön nalöñini mi kam kuñguiga miangörenök ambazip kantriñi kantriñi mienjö bahöñi karöbutñi mi enqubingö jöjöröba tata nalöñinañgöra mambötket. Miangöra Suep garata 6:ñan altanöhök kouruk möta miangörenök anda garata 4 mi pösat engiyök.

16 Pösat engiiga yarö kambu keta böläkñi mi hosñinambuk asuhuba kaget. Nöñön jañgöñini mötpiga 200 milyön ahök.

17 Jemeleñ miangören azi hos qakñe tata kageri, mienjö kaisongolomñini ekiga kewö tandök aket: Göwañgöwañini (töptöpkö ain sumanñini) mi könöp jit pisikñi, asonji injañkölkölñambuk aka gohotñi salfa könöp köt ewö. Hos mienjö kaisongolomñini engekiga nöröpñini laion sömbupkö nöröp ewö aketka numbuñineyök könöp, köwak aka köt könöpñambuk qetñi salfa mi eta kayök.

18-19 Hos yeñgö numbuñineyök könöp, köwak aka könöp köt qetñi salfa eröhi, miangö mönö ambazipñi ambazipñi engiyök. Hos mienjö kukösumñini mi numbuñine aka dagiñine ahöyök. Dagiñini mi mokoleñ ewö aketka dagiñinañgö kitipñi mi jitñinambuk. Kitipñi jitñinambuk mienjön mönö ambazip ihilek ewö enghohotirimakze. Lömböt kanjamñinambuk karöbut mi mönö gölmegö ambazip pakpak yeñgö bahöñini karöbutñi mi engiiga kömuget.

20\* Lömböt kanjamñinambuk mienjön ambazip tosatñi qahö enguget kömumba toroqeba malgeri, yeñön mönö töndup uruñini qahö melenget. Nannini böröñinan yuai memba waikñini memba möpöseigeri, miangöra qahö möt bölim anguget. Ömewöröme aka tandö lopion waikñini memba möpöseim engiengi mi qahö mosötket. Tandö lopion tosatñi mi goul, silwö me brons ainöñ memenja. Tosatñi mi köt urasiba me ip söhöba memenja. Miangöra tandö lopion mienjön yuai eka mötpingö me anda kabingö osimakze. Töndup ambazipnöñ mi qahö mosötket.

\* 9:7: Joel 2.4 \* 9:8: Joel 1.6 \* 9:9: Joel 2.5 \* 9:13: Eks 30.1-3 \* 9:20: Sum 115.4-7; 135.15-17; Dan 5.23

<sup>21</sup> Mewöyök ambazip enğuget kömukömu me sait qarösongo amötqeçe mi qahö mosötket. Mi toroqeba aka memba serowilin aket aka yuai lañ yonğorö memba malget. Mianğöra uruñini qahö melenget. Mewö.

## 10

### *Suep garata aka kimbi köpöp moröñi*

<sup>1</sup> Mianğö andöñe Suep garata kukösumñi onğotonğotñi kun ekiga Suepnöhök kousunöñ esuhum wañgiiga erök. Nöröpñi kiam nesilamñan kutuba liliköba ahöyök. Jemesoholñi wehön jeñi ewö aiga könañi yahöt mi tandö könöp bölamñirambuk yahöt ewö jeba kinök.

<sup>2</sup> Böröñan kimbi köpöp moröñi meiga kötükötulñi ahök. Könañi ölni köwetnöñ ala qanıñi mi gölmenöñ ala kinök.

<sup>3</sup> Mewö kinda laion sömbupnöñ görörökömakzawi, qetñi mönö mianğö dop köhöikñanök qerök. Qeriga wölpöndañgö giñgururuñ 7 mienñön mönö melenđa görörököba keuñini qetketka möral.

<sup>4</sup> Wölpöndañgö giñgururuñ 7 mienñön qeta keuñini jigetka mörali, nöñön mi mönö mianğöreñök papianöñ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndañgö giñgururuñ 7 keu jizei, mi mönö nangohok ölnöñ mötnöñ ahöma. Mi kude ohoman.”

<sup>5</sup>\* Suep garata könañi köwet aka gölme qakñire tiba kini ehali, yañön böröñi ölni memba wahöta Suepnöñ göröken alök.

<sup>6</sup> Jöjöpañ keu jimamğöra böröñi mewö ala mi jim köhöiba alök. Kunöñ Suep, gölme, köwet aka yuai pakpak miengöreñ ahözawi, mi miwikñaiba kinda nalö dop teteköñi qahö köhöiba mal öngömawi, mönö yañgö qetñe jöjöpañ keu kewö jiyök, “Anutunöñ mönö nalö kunbuk qahö qekörii öngöma.

<sup>7</sup> Mewö qahöpmö, Suep garata 7:ñan tömunñi qainñi kun (biugel) uiga kourukñi mötmei, nalö mianğöreñök Anutugö keu areñ asa-asambötñan mönö ölnambuk akña. Kezapqetok ambazip Anutugö nupñi memba mala kotketka yeñğöra Buña keuñi ölöpnñi jim indel enğuiga möta kota malgeri, Buña keu mianğö dop mi mönö zilañ ölnambuk akña.”

<sup>8</sup> Mianğö andöñe kouruk kun mutuk Suepnöhök mötpiga keu jiyöhi, mianñön mönö dumñe kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötükötulñi ahözawi, mi mönö anda meman.”

<sup>9</sup> Mewö möta Suep garatagöreñ anda kimbi köpöp moröñi mi niñgimapkö qesial. Qesibiga nöñğöra kewö jiyök, “Mi mönö memba nenöñ! Nenöñga gölömge geba melenñiga kömbuk usukömapmö, numbuge mi mönö moroñ oñañgö nahömñi ewö asuhuma.”

<sup>10</sup> Mewö jiiga kimbi köpöp moröñi mi yañgö böröñeyök memba neal. Nembiga numbune moroñ oñañgö nahömñi ewö ahökmö, gwahötpi gölömne geiga melenñiga kömbuk usuköyök.

<sup>11</sup> Mewö aiga nöñön keu kewö möral, “Gi mönö dumñe kunbuk Anutugö kezapqetok keuñi keuñi jim sehiba malman. Kantriñi kantriñi aka bem isikñi isikñi keu tandök jijiñinañgö dop maljei, mönö yeñgö aka yeñgö kiñ kembuñini miengö kezapqetok keuñini mi qeljiñe jiba malman.” Mewö.

## 11

### *Anutugö jitñememe yahötñan keuñi nanğöba jiyohot.*

<sup>1</sup>\* Mewö jii möta kinbiga Suep garata mianñön dop alalgö öröpñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka mianğö

\* **10:5:** Eks 20.11; Dut 32.40; Dan 12.7; Amos 3.7-10; Eze 2.8-3.3      \* **11:1:** Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

jöwöwöl altaŋi mi dop öröp (rula mesa) mianjön dopŋi ala oyoŋman. Mewöyök mianjören öngöba Anutu möpöseiba köulukŋini alakzei, mönö mi kewöta jaŋgöŋini oyoŋman.

<sup>2</sup> Jöwöwöl jike dopŋi ala mianjören sombem yaigepŋi mi mönö oŋgita mosötman. Mi kian kantri yeŋgöra al engigetka ahöiga yeŋön siti töröŋi mi köiŋ 42 mianjögö dop tiba anda kamakŋe. Mianjögöra sombem yaigepŋaŋgö dopŋi mi kude oyoŋman.

<sup>3</sup> Nöŋön jittjememe yahötŋi melaim etkiba keuni naŋgöba jimahotkö kukösumŋi al etkibiga asuhumahot. Asuhuba wösöbirikö maluku sanjöp ewö mem aŋguba liliköba (gölme gwakötak ariba) silim 1260 nalö mianjögö dop kezapqetok keu nup memba malmahot.”

<sup>4</sup> Oil ip yahöt aka lambe dum tatatŋi yahöt gölmegö Kembugö wösöŋe kinjahori, mi mönö melenja eta asuhuba dangunu ewö kinda nöŋgö könani naŋgöba jiba malmahot.

<sup>5</sup> Kunöŋ me kunŋan etkum mizit ak etkimangö mötza ewö, könöp bölamnöŋ mönö numbuŋireyök eta kerökurupŋiri engohoiga ayuhumakŋe. Kunöŋ me kunŋan etkumangö mötza ewö, i mönö köna mewöŋanök mianjön qeyohot kömuma.

<sup>6</sup> Suepkö kousuŋi jöhöbitkö kukösumŋi mi yetköreŋ ahöiga kezapqetok keu jim sehimahori, nalö mianjögö dop kie qahö yöhöma. Kukösumŋiran o jeŋi pakpak mewöŋanök dop köliga mianjön ölop o pakpak melenj engigetka sep akŋe. Mewöŋanök kukösumŋiran öngöŋgöŋi ahözawaŋgöra aka sihimŋiran jimawaŋgö dop ölop jigetka lömböt kanjamŋinambuk könaŋi könaŋi asuhuba gölme mem böliba ambazip engumakŋe.

<sup>7</sup> Anutugö keuŋi naŋgöba jim teköyohotka ömewöröme yeŋgö löm dutŋi qahö mianjörenjök jemnemba kunöŋ wahöta bim qem etkiba luhut ala etkuiga kömumahot.

<sup>8</sup> Kömuyohotka qamötŋiri siti qetbuŋaŋambukö köna namŋe etkömosötketka laŋ ahömahot. Siti mianjögö qetŋi tölapŋi mi Sodom aka Ijpt qerakze. Kembuŋiri Jisös i mönö mewöyök mianjören maripomnöŋ qegetka kömuyök.

<sup>9</sup> Qamötŋiran laŋ ahöyohotka ambazip pakpak mi etkehakŋe. Gölmenöŋ löm köl etkibingö jiba jöhöme. Mewö öne laŋ ahöyohotka ambazip kantriŋi kantriŋi, kambuŋi kambuŋi, bem isikŋi isikŋi keu tandökŋini nanŋik nanŋik jimakzei, yeŋön mönö qamötŋiri mi silim karöbut aka bahöŋi kun mianjögö dop uba etkehiget.

<sup>10</sup> Kezapqetok azi yahöt yetköŋ ambazip gölme qakŋe maljei, mi uru kuŋgum engiyohotka mianjögöra sihimbölö önöŋi qahö miwikŋaiba malget. Mianjögöra kömuyohotka qamötŋiri etkekŋei, mianjören mönö köiraŋ ala saurenj unduba nem söŋgaip pati ala nanŋini kalem könaŋi könaŋi aŋgubingö alget anda kama.

<sup>11</sup> Silimŋi karöbut aka bahöŋi kun mi teköiga Anutunöŋ söŋgöro ösum söŋgöroŋire ui geiga guliba wahöta köŋgep kinohot. Wahöta kinohotka ambazipnöŋ etkeka töwöratiba jönömŋini unduiga sömbuŋini mötket.

<sup>12</sup> Köŋgep kinohotka Suepnöhök qet köhöikŋi kun kewö qeta jii mörohot, “Injiri mönö kewö korohot.” Mewö jii möta kousu uruŋe wahöta Suepnöŋ öngöyohotka kerökurupŋiran öne etkeka nemböŋini teköiga kinget.

<sup>13</sup> Könaŋiran gölme mosöta öngöyohotka nalö mianjörenjök kenöŋ tandökŋi sohosohöŋi gila siti bahöŋi 10% (bahöŋi tenöhök mohot) mianjögö dop kusuba köndenjmöndenjök. Köndenjmöndenja ambazip 7.000 mianjögö dop engui kömuget. Ambazip qahö kömugeru, mienjön mi eka töwöratiba sömbuŋini möta Suepkö bemŋi Anutu i ösumŋaŋgö möpöseim waŋgigetka qetbuŋaŋambuk ahök.

<sup>14</sup> Wölzik yei qet kanjamŋambuk yahötŋan mewö teköyökmö, mötket, wölzik yei qet karöbutŋaŋgö ölnaŋ mönö zilaŋ asuhuba qakŋine öngöma. Mewö.

### *Suep garata 7:ŋan tömunŋi qainŋi kun uyök.*

<sup>15</sup> \*Suep garata 7:ŋi yaŋön tömunŋi qainŋi kun (biugel) uyök. Mi uiga Suepnöŋ keu köhöikŋanök eraum mötketka kourukŋini mötpi kewö jiget, “Ayop, nanine Kem-bunini aka yaŋgö Amötqeqe Toni Kraist yetköŋ mönö gölme pakpak galöm köl engibitkö

\* 11:15: Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

kukösumñi mi lökñanök buña qem anğum teközahot. Yanön mönö nalöñi nalöñi galöm köl enğiba malma, ee-aa-ee. Galömkölkölñan mönö nalö kunöñ qahö teköma, ee-aa-ee.”

<sup>16</sup> Mewö jiget mötpiga Anutugö jitñememe 24 Anutugö jemesoholñe jakömbuak dumñine tatzei, yeñön mönö eta bamgöba sipköba Anutugö waikñi memba möpöseim wañgiget.

<sup>17</sup> Möpöseim wañgiba kewö jiget,  
“O Kembu Anutu kukösum pakpakö Tonji, göñön mönö mala kotnöñ aka mal köhöizan. Göñön kukösumgi öngöñgöñi memba könahiba gölme pakpak galöm köl enğiba kinj kembunina aka malman.

Miañgöra neñön mönö möpöseiba saiwap jim gihizin.

<sup>18</sup> Kian kantriñi kantriñi yeñön irimñini seholiiga kazik ak gihiba malgetmö, göhö kazik nalögan mönö dölkewöñe kam kuñguba ahöza.

Göñön nalö kewöñe kömukömuñi yeñgö keuñini kewöta jim teköm enğiman aka nangi ambazipurupki töwañini enğiman.

Kezapqetok ambazip aka ambazip sarakñi tosatñi göhö nupki memba malgeri aka öngöñgöñi eretñi göhö qetki ayuhubapukö keñgötñini möta malgeri, i mönö töwañini enğiman.

Mewöyök tosatñan ambazip enğuba kantri köndennda malgeri, mi mönö könden enğiman.”

Mewö möpöseiba jiget.

<sup>19</sup> Miañgö andöñe Suepnöñ añañiiga Anutugö möpömöpöse jikegö (tempöl) nañguñan tali ekiga jike uruñe Anutugöreñ jöhöjöhö areñ bokis aködamunñambuk mianön ehekñi ahöyök.\* Suepnöñ añañiiga nalö miañgöreñök wölbilik aliga wölpöndañ aka giñgururuñ qeriga möral. Kourukñi kourukñi mi mötpiga kenöñ memba kie römbum giliga ais kötni ketañi ketañi etket. Mewö.

## 12

### *Ambi aka sekak namñi ilikñambuk*

<sup>1</sup> Suepnöñ aiwesök ketañi wewelipñambuk kun kewö asuhuiga ehal: Ambi kun wehön jeñan malukuñi aiga köiñnöñ köna tamböñi bapñe asariiga senğelau 12 mi ila jalö ewö nöropñe kölgetka gömgöm-bilikbilikñinambuk tatket.

<sup>2</sup> Köröñambuk (gölöñambuk) mala morö memenangö nalöñan dopdowiiga lömböriiga masö qeiga sihimbölö möta qet gigilahöyök.

<sup>3</sup>\* Miañgö andöñe aiwesök kun Suepnöñ kewö asuhuiga ehal: Sekak namñi ilikñambuk (dragon), mundañi pisikñi pötpöt, nöropñi 7 aka ilikñi 10. Nöropñi 7 miañgöreñ ila jalö 7 kölgetka tarök.

<sup>4</sup>\* Sekak namñi mianön dagañan suep qeapköba senğelau miengöreñök bahöñi karöbutñi öröba gili gölmenöñ etket. Etketka ambi nanñi morö memamgö ahöhi, yanğö wösöñe kinök. Mewö kinda moröñi memawi, mi mönö miañgöreñök gwahötmamgöra mörök.

<sup>5</sup>\* Ambi mianön morö nahön azia meyök. Yanön kantriñi kantriñi pakpak ain öröpnöñ galöm köl enğiba malma. Ambinöñ morö meyöhi, garatanöñ mi mönö miañgöreñök zilañ memba anda Anutugö jakömbuak dum qöhöröñe alök.

<sup>6</sup> Miañgöreñ aliga ambinöñ nanñök mosöta kök ala anök. Anutunöñ ambi mi silim 1260 miañgö dop gölme qararañkölkölñe köyan köl wañgiget malmapköra miri gölme kun möhamgöiga miañgöreñ kök ala anök.

<sup>7</sup>\* Suep uruñe yarö juliga kewö auget: Suep garata bohonñi Maikel aka yanğö garataurupñi yeñön sekak namñi tuarenjoñ aka i aka yanğö garataurupñi yembuk auget.

\* **11:19:** Anutugöreñ jöjöpñ keu 10 aka jimkutukutu tosatñi mi köt ilañan ohoba bokis miañgö uruñe alget tari galöm kölakze. \* **12:3:** Dan 7.7 \* **12:4:** Dan 8.10 \* **12:5:** Ais 66.7; Sum 2.9 \* **12:7:** Dan 10.13, 21; 12.1; Jud 9



<sup>8</sup> Auba sekak namñi aka yaŋgö garataurupñi yeŋgö ösumñini qahö dop köliga luhut qahö al eŋgiba miriñini mosöta Suep uruñe toroqeba malbingö osiget.

<sup>9</sup> \*Osigetka sekak namñi ilikñambuk mi mönö közöla Suepnöhök wuatangöget. Sekak namñi mianñon möpñangö möpñeyök mokoleñ aka Iw (Ewa) isim waŋgiyök. Qetñi alañi Bölöñangö Toñi aka Satan. Yañon kantriñi kantriñi pakpak kuŋgum eŋgiiga janjuñ anda malgeri, mi aka yaŋgö garataurupñi mi mönö yambuk Suepnöhök közöla aköm eŋgigetka gölmenöñ etket.

<sup>10</sup> \*Etketka Suepnöñ qet ketañi kunöñ kewö jii möral, “Keu silenöñ alal Toñan suŋgem asak Anutuninaŋgö wösöñe kinda urumelen alaurupnini jim eŋgiba malöhi, mi mönö yaköriba aköm waŋgigetka yaigep eriga köirañ köljin. Nanine Anutuninan mönö nalö kewöñe ambazip amöt qem eŋgiba kukösumñi qakñe galöm köñ eŋgiiga bemtohoñangö öñan lök asuhuza. Amötqege Toñangö ösum-mumuñan lök asuhum teköza.

<sup>11</sup> Yañon mötnarip alaurupnini keunöñ al eŋgiba malökmö, Toñi mi mönö kewö luhut al waŋgiget: Lama moröñangö sepñan i amöt qem eŋgiiga köhöiba Buña keu ölböñi naŋgöba jim sehiba malget. Mewö mala jöjöröba silenöñi tököba böñ kinda bim qeba luhut alget.

<sup>12</sup> “Miangöra Suep mire maljei, eñon mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, iñini mönö lömböt kanjamñambuk bisime, miangöra mönö Yei! jiba sahötzal. Bölöñangö Toñan luhuba eta tiba eŋgöreñ kaba nup meme nalöñi töröptökñi ahöi mötzawaŋgöra mönö kazik ketañi ahakza.”

<sup>13</sup> Sekak namñi ilikñambuk yaköriba aköm waŋgigetka gölmenöñ eröhi, mi ek asariba ambi morö nahön meyöhi, mi kazik ak waŋgiba wuatangöyök.

<sup>14</sup> \*Wuatangöyökmö, ambinöñ kök aliga Anutunöñ tukapkap ketañangö ginginñi yahöt waŋgiiga mianñon bölbölgöba ösumñan anök. Anutunöñ gölme qararañkökölñe yaŋgöra miri gölme kun möhamgöyöhi, mönö miangöreñ anök. Miangöreñ anda asamböta maliga (yara) yambu 3 aka bahöñi kun mi köyan köñ waŋgigetka mokoleñnöñ i qahö miwikñaiba gelanjima.

<sup>15</sup> Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suiiga o töwatñi ahök. O mianñon ambi mi yöhösañda memba jöhöm waŋgimapköra möta mewö söwötköba loñnok.

<sup>16</sup> Mewö loñnokmö, gölmenöñ ambi mi bauköm waŋgiba tiŋgiriga löm ahök. Sekak namñan numbuñeyök o suiiga o töwatñi ahöhi, mianñon mönö löm miangöreñ geba jöpköba qahöwahök.

<sup>17</sup> Mewö asuhuiga sekak namñangö irimñi mönö ambi miangöra aka seholiiga mosöta ambi miangö gwölöñarökurupñi tosatñi qetala yarö gil eŋgimangöra anök. Gwölöñarökurupñi mienñon Anutugö jöjöpñ keu tem köla Jisösgö Buña keu töp naŋgöba jim sehimakzei, mönö yembuk karim aubingö anök.

<sup>18</sup> Aubingö anda köwet sakñe angota kinök. Mewö.

## 13

### *Jemnemba köwetnöhök korök.*

<sup>1</sup> \*Miangö andöñe jemnemba kun ilikñi 10 aka nöropñi 7 mi köwetnöhök koriga ehal. Ilikñi 10 miangöreñ ila jalö 10 köñgetka tatket aiga nöropñi mohot mohot miangöreñ qet mepaqepaikñinambuk ohogetka ahöyök.

<sup>2</sup> Jemnemba mi ekiga kewö ahök: Kaisoñgolomñi mi lepad taigögö tandök ewö ahök. Köna böroñangö sölöpñi mi beö sömbupkö sölöp ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köñ eŋgimapkö kukösumñi öñgöñgöñi mi jemnemba waŋgiyök.

\* 12:9: Jen 3.1; Luk 10.18 \* 12:10: Job 1.9-11; Zek 3.1 \* 12:14: Dan 7.25; 12.7 \* 13:1: Dan 7.3; Ind 17.3, 7-12; Dan 7.4-6

<sup>3</sup> Waŋgiiga nöröpñi kun mi uzi köhöikñi kunön mei kömumawaŋgö dop ahökmö, uziŋan misiriiga löpötñanök tarök. Gölmegö ambazip körek pakpak yeñön auruba jemnemba mi andöŋe wuatangöba anget.

<sup>4</sup> Wuatangöba anda sekak namñangö waikñi memba möpöseiba malget. Kukösum mewöñi mi jemnemba waŋgiyöhaŋgöra i aka jemnembagö waikñi mewöñanök memba möpöseiba kewö jiget, “Dañön jemnembagö dop akawak? Dañön i tuarenjon ak waŋgiba yambuk aumangö köhöibawak?”

<sup>5</sup>\* Mewö jigetka Satanön jemnembagö numbuñi sölölohöiga köhöiba jakbak-orañbörañ qakñe mepaqepaik keuñi lañlañ jiba malök. Anutunön Satan qahö aŋgön köliga ilit-mamgö kukösumñi mi köiñ 42 miangö dop ahöm waŋgimapköra jim teköyök.

<sup>6</sup> Mi jim teköiga numbuñan añañiiga Anutu ilita malök. Anutugö qetñi, Suep miriñi aka Suep uruñe maljei, mi pakpak mönö mepaqepaik ak engiba malök.

<sup>7</sup>\* Mewö maliga Satanön ambazip sarakñi tuarenjon ak engimamgö kukösumñi waŋgiiga yembuk bim auba luhut al engiyök. Luhut al engiiga Satanön ambazip isikñini pakpak kambuñinaŋgö dop, keu tandökñinaŋgö dop aka kantriñinaŋgö dop mi mönö jemnembagö böröŋe al engiyök.

<sup>8</sup>\* Ambazip körekmakörek gölmenön maljei, yeñön mönö jemnembagö waikñi memba möpöseiba malme. Anutugö ambazip solanñi qetñini Suep mire papianön ohoget ahözawi, yeñönök mönö jemnemba mi qahö möpöseime. Möpñangö möpñe Anutunön Suep gölme miwikñaim etkiyöhi, nalö miangöreñök könahiba qetñini mi malmal köhöikñangö papia miangöreñ ohoba mala kotket. Malmal papia mi Lama moröñi qeget kömuyöhi, mönö yaŋgö buñañi ahöiga galöm kölakza.

<sup>9</sup> “Kunñan kezapñambukñön malja ewö, yañön mönö keu ki kezap ala möt kutuma!

<sup>10</sup>\* Kun kösö mire anmawaŋgö dop akzawi, yañön mönö miangöreñ anma. Kun bimgö sou ketanjan ugetka kömumawaŋgö dop akzawi, yañön mönö mewö kömuma.\* Miangöra ambazip sarakñi, eñön mönö kapan köla lömböt memba mökösoñda pöndañ möt nariba malme.” Mewö.

### *Jemnemba kun gölme uruñeyök korök.*

<sup>11</sup> Kunbuk ekiga jemnemba kun gölme uruñeyök korök. Mi ilikñi yahöt Lama moröñaŋgö ilikñi ewöya aka keuñi mi sekak namñi ilikñambukñön jiyöhi, mönö mewöñanök jiba malök.

<sup>12</sup> Yañön kota alañi mutukñangö jitñememeni aka kukösumñi pakpak memba mianön yuai pakpak alaŋangö jeñe ahök. Mewö aka gölme ambazip kuŋguba sölölohöm engiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

<sup>13</sup> Jemnemba yahötñi yañön aŋgöletot ketanji tandökñi könañi könañi meyök. Kun meyöhi, mi könöp bölamnön suepnöhök eta gölmenön kaba jeiga ambazipñön mi jeñinan eket.

<sup>14</sup> Anutunön Satan qahö aŋgön köliga kukösum waŋgiiga jemnemba mutukñangö jitñememeni aka yaŋgö jeñe aŋgöletot könañi könañi memba malök. Mianön mönö gölmegö ambazip tilipköm engiiga janjuñ aka sohoget. Sohogetka kewö kuŋguba jim kutum engiyök, “Inini mönö jemnemba mutukñangö imutñi söhöba kuŋguget kiniga göda qem waŋgiba malme. Jemnemba mutukñi mi bimgö sou ketanjan (bainat) qegetka uzi mei kömumamgö dop ahökmö, töndup guliba maljawi, mönö yaŋgö imutñi kuŋgume.”

<sup>15</sup> Mewö aketka Satanön kukösum jemnemba könañepñi waŋgiiga tandö lopion mi mem gulim waŋgiiga könahiba söngörö-ösum alök. Mewöyök jemnemba mutukñangö

\* 13:5: Dan 7.8, 25; 11.36    \* 13:7: Dan 7.21    \* 13:8: Sum 69.28    \* 13:10: Jer 15.2; 43.11    \* 13:10: Tosatjan keu mi kewö melenje: Kunön bimgö sou ketanji (bainat) mianön tosatiñi engiiga kömumei, tosatiñan mönö nanñi mi sou mewöñan ugetka kömuma.

imutji mem letoriga azi keu jiba ambazip kuṅgum enḡiiga kewö asuhuyök: Denike yeṅön tandö lopionṅ miangö waikni qahö memba möpöseigeri, i mönö körek enḡugetka kömuget.

<sup>16</sup> Jemnemba könagepṅan ambazip körek pakpak kewö kuṅgum enḡiba jiyök, “Injini mönö jemnemba mutukṅangö muṅgem supapṅi mi jemesoholṅine me böröṅini ölṅe mekötahöme.” Mewö jiiga nanṅini nupṅini memakzei aka tonṅinangö welenṅini öne qemakzei, ambazip pomṅi aka wanapṅi, ketanṅi aka moröṅi yeṅön mönö körekmakökrek muṅgem supapṅi mi memba silenṅine mekötahöba kösoget.

<sup>17</sup> Denike yeṅön jemnembagö qetṅi me qetṅangö jaṅgöṅi silenṅine qahö memba malgeri, yeṅön mönö nene yuai stuanöṅ me maketnöṅ söṅgöroṅi membingö aka albingö osiget.

<sup>18</sup> Keu ki möt asaribingö mötkutukutuṅi kewö: Kunṅan mötkutukutuṅambuk maljawi, yaṅön mönö jemnembagö jaṅgöṅi oyoṅma. Jaṅgöṅi mi gölme azigö jaṅgöṅi akza. Supap jaṅgöṅi mi 666. Mewö.

## 14

### *Lama moröṅi aka könagesöurupṅi 144.000.*

<sup>1</sup> \*Miangö andöṅe uba Lama moröṅan Zaion kundunṅe kini ehal. Yambuk könagesöurupṅi jaṅgöṅini 144.000 mi mohotṅe kingetka Lama moröṅangö qetṅi aka yangö iwinangö qetṅi mi körek yeṅö mesoholṅine ohohöṅa ahöi enḡehal.

<sup>2</sup> Miangöreṅök mötpiga Suepnöhök kouruk kun o ketanangö sia qetṅi ewö asuhuyök. Mi wölpöndaṅ ḡṅgururuṅ ketanangök qetzawangö kourukṅi miangö tandök ewö ahök. Kourukṅi mi gita kulele gwötpuk qegetka kourukṅi asuhumakzawangö dop möral.

<sup>3</sup> Anutunöṅ ambazip 144.000 mi gölmenöhök söṅgöroṅini memba enḡömeyöhi, yeṅön mönö Anutugö jakömbuak dum wösöṅe kaṅgota bem jembon 4 aka jitṅe meme bohonṅi 24 miengö jemesoholṅine kinda liṅet döläkṅi kölget. Körek yeṅön nanṅini liṅetṅini mi kölgetka yaigep yeṅön mi kusum aṅguba mötpingö osiget.

<sup>4</sup> Yeṅön ambazip qainṅi kun aka mala kotket. Qahö tölohoba sarakṅi malbingöra nanṅini galöm köl aṅguba ambi yembuk töwöt qahö miwikṅaiba malget. Lama moröṅan denike denike anakzawi, yeṅön mönö i wuatangöba miangöreṅ anakze. Anutunöṅ i ambazip sutṅineyök bohonṅini memba meköba enḡömeiga Anutu aka Lama moröṅi yetkö yambuṅiri döläkṅi akze.

<sup>5</sup> \*Yeṅö jitṅineyök munenṅ keu kun qahö miwikṅaigetka keuṅini qahö sarakṅi mala kotket. Mewö.

### *Suep garata karöbut yeṅön keuṅini jiba bölbölgöget.*

<sup>6</sup> Miangö andöṅe Suep garata kun ekiga suep kutuba könakemba bölbölgöyök. Yaṅön Ölöwak Buṅa koṅkoṅ\* memba kaba gölme ambazip yeṅöra jim asarimangöra kayök. Ambazip mi kambuṅinangö dop, bem isikṅinangö dop, keu tandökṅi jijiṅinangö dop aka kantriṅinangö dop gölme dop köla tat anjei, mönö körek yeṅöra jim sehimangöra kayök.

<sup>7</sup> Kaba köhöikṅanök silata kewö qerök, “Anutunöṅ ambazip kewöta jim teköm enḡimawangö nalöṅan mönö töriba dopdowiza. Miangöra injini mönö Anutugö jitṅi onḡitpinbuköra keṅgötṅini möta möpöseiba qetbuṅaṅi mem sehime! Kunöṅ suep, gölme, köwet aka o jeṅi miwikṅaim enḡiyöhi, mönö yangö waikṅi memba möpöseiba malme.”

<sup>8</sup> \*Mewö qeriga yangö könage Suep garata alaṅi kun mutukṅi wuatangöba kaba kewö qerök, “Babilon siti ketanṅi mi melenṅi geiga ahöza. Babilon ambi qetbuṅaṅambuk miangön mönö serowilin aka miangön kantri pakpak mem tölohöm enḡiiga dop köl enḡiyök. Yaṅön wain o ewö nemegöra enḡiiga uruṅini sohoiga kahalalom aka malget. Mewö

\* **14:1:** Eze 9.4; Ind 7.3    \* **14:5:** Sef 3.13    \* **14:6:** Kambu bem koṅkoṅ Tonṅangöreṅ Buṅa keu tömbuṅi mi koṅkoṅ. Mi möpṅangö möpṅeyök könahiba teteköṅi qahö ahöm öṅgöma.    \* **14:8:** Ais 21.9; Jer 51.8; Ind 18.2

aka malöhanğöra Anutugö irimñi seholiiga kazik aka jiiga siti qetbuñambuk mi mönö köndengetka melenji gei ahöza.” Mewö.

<sup>9</sup> Mewö qeriga yangö könañe Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yangö imutñangö waikñi memba möpöseiba muñgem supapñi angön köla mesoholñe me böröñe mekötahöba kösöza ewö,

<sup>10</sup> \*yanñon mönö mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhöñambuk qahö mindiriba wain köhöikñi töhöñök irimsesewölñangö qambinöñ mokoï tatzawi, yanñon mönö mi nema. Mi nemba Suep garata töröñi aka Lama moröñi yeñgö wösöñine kiniga salfa kötkö könöp bölamñan koasikpuk ohoiga sihimbölö önöñi qahö möta malma.

<sup>11</sup> \*“Mianñon engohoiga sihimbölö önöñi qahö möta malmei, mianğö köwakñan mönö nalö dop teteköñi qahö wahöta öngömakña. Ambazip jemnemba aka yangö imutñangö waikñi memba möpöseimakzei, yeñon mönö suñgem asak senjom möta malme. Kunñan muñgem supapñi angön köla silenñe kösözawi, yanñon mönö silenñan unduiga qemjen qeba luhut memangö osiba malma.”

<sup>12</sup> Mianğöra ambazip sarakñi Anutugö jöjöpapñ keuñi tem köla wuatangömakzei, enñon mönö kapapñ köla lömböt memba mökösoñda Jisös pöndañ möt nariba malme.

<sup>13</sup> Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöñeyök könahiba kömumei, yeñon mönö oyaenñkoyaenñ akñe. Uña Töröñan keu kitipñi mi meköba ‘Keu mi ölna,’ jiza. Yeñon nup köhöikñi memba qemjem-mamjen möta kaba malget teköiga nupñinangö ölni asuhuiga Suep Tonñan kösohotñini möri dop köli mianğöra sösoñgai engii tata luhut memba öñsöñ malme.” Mewö.

### *Gölmegö nene möriam ölni memegö nalöñi*

<sup>14</sup> \*Mewö jiiga uba kousu tuatñi ekiga mianğö qakñe kun kaisoñgolomñi gölme azigö tandök ewö mianñon tarök. Ila jalö goulñonñ memeni mi nööröñe tariga böröñan sou kapenñkapenğöñi jitñambuk mi memba tarök.

<sup>15</sup> \*Mi ekiga Suep garata kunñan möpömöpösei jikenöhök (tempöl) aukñe kanğota kousu qakñe tatzawi, yangöra keu kewö jiba köhöikñanök qerök, “Gölmenöñ möriam ölni lök öliiga ölni memegö nalöñan mönö akza. Mianğöra göñon mönö sougi kapenñkapenğöñi memba nupñonñ anda mianñon gölmegö möriam ölni mi kutum tokoman.”

<sup>16</sup> Kousu qakñe tatzawi, yangöra mewö qeriga souñi kapenñkapenğöñan gölmenöñ gila nupkö möriam ölni kutum tokoyök.

<sup>17</sup> Mi tokoiga Suep garata kunñan Suepkö möpömöpösei jikenöhök (tempöl) aukñe kanğorök. Yanñon mewöyök sou kapenñkapenğöñi jitñambuk kun memba kanğorök.

<sup>18</sup> Kanğoriga Suep garata karöbutñi kun Suepkö altagö könöp galömñi aka alta mi mosöta kanğorök. Kanğota köhöikñanök qeta Suep garata sou kapenñkapenğöñi jitñambuk memba kinöhi, yangöra kewö jiyök, “Göñon sougi kapenñkapenğöñi jitñambuk mi mönö memba nupñonñ anda mianñon gölmegö wain kanjenñi kanjenñi mi yandiman. Kanjen mienğö köñi lök ölim yaköba tatze!”

<sup>19</sup> Mewö jiiga souñi kapenñkapenğöñi gölmenöñ gila gölmegö wain kösö ölni mi köteköm tokoba Anutugö wain jout ketanñi mianğoreñ tözöhölmegöra gilök. Wain jout mi Anutugö irimsesewölñangö kaisöpsöñi akza.†

<sup>20</sup> \*Wain bagem ölni mi siti yaigepñe könanöñ tiba tözöhölgetka sepñan wain jout ketanñangö numbunñe kota qöl tandök ewö lanñanñ wahöta kota o töwatñi ahök. Sep mianğö

\* 14:10: Ais 51.17; Jen 19.24; Eze 38.22      \* 14:11: Ais 34.10      \* 14:14: Dan 7.13      \* 14:15: Joel 3.13

† 14:19: Anutugö irimsesewölñi mi wain jout ketanñe tözöhölgetka uruñan amöriiba teköma. Indelindel 19.15 mi ekñan.

\* 14:20: Ais 63.3; Seru 1.15; Ind 19.15



diginni mi wan mita aka bahöni kun ahök. Hosnöñ mianğöreñ tiba aniga numbuñe koriga hos injutñağö kösöñan samuruyök. Diginni mewö aiga köröpñi 300 kilomita mianğö dop ahök. Mewö.

## 15

### *Suep garata 7 aka lömböt kanjamñinambuk 7.*

<sup>1</sup> Mianğö andöñe suep uruñe uba añağöletot ketani kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip siñgisöndokñinağöra Anutugö irimñi seholiiga jim teköba likepñi meleni lömböt kanjamñinambuk qakñine öngöi mötketka uruñan amöriiga keuñinan kömuma. Mianğöra qetñini lömböt kanjamñinambuk qöndökñi 7 qetket.

<sup>2</sup> Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Mianğö qöhöröñe Anutugö ambazip kingetka engehal. Yeñön luhut ala jemnembagö keuñi qahö tem köla imutñağö waikñi qahö memba qetñağö jañğöñi silenine qahö añağön köla malget. Anutunöñ i mohot mohot kulele enğiiga memba kinget.

<sup>3</sup> \*Mianğöreñ kinda Anutugö nup meme azi Mosesgö liñetñi aka Lama moröñağö sauren liñetñi mi kewö kölget,  
“O Kambu Anutu kukösum pakpakö Toñi, göñön añağöletot ketani ketani welipñinambuk ahakzan.

Göñön kantriñi kantriñi mi kiñ kambu ak enğinöñga ahakmemegahö könañi mi diñdiñi aka öl töhöññi akza. Mianğöra Anutu qainñi kun aka maljan.

<sup>4</sup> O Kambu, göhöreñ ahakmemegi diñdiñi mi mönö aukñe asuhuiga mötzin. Mianğöra kantri pakpak yeñön kaba göhö waiki memba möpöseim gihimakze. Göñön nangok töröñi akzan. Mianğöra aka dañön mönö göhöra keñğötñi qahö mötpawak? Körek neñön göhö qetbuñagi mem sehiba möpöseimakzin.”

<sup>5</sup> \*Mianğö andöñe uba yuai kewö ehal: Suepkö möpömöpöse jikegö (tempöl) nañğunan taliga mianğö uruñe Anutu dangununağö opo seri jikeñan kini ehal.

<sup>6</sup> Möpömöpöse jike mianğöreñök Suep garata 7 lömböt kanjamñinambuk 7 memba kingeri, yeñön mönö eta aukñe kaget. Malukuñini tuat lalamñi bilikbilikñinambuk löngötketka opo jöhan mañgihilakñi goulñambuk mi örigit ewö töptöpñe embahöm añağuba kinget.

<sup>7</sup> Yeñön kagetka bem jembon 4 mienğöreñök kunñan goul qambi 7 enğiiga Anutugö irimsesewölñan qambi mi numbuñe kotket. Anutu irimñi seholizawi, yañön mala kota malja aka teteköñi qahö mal öñğöma.

<sup>8</sup> \*Qambi mi enğiiga Anutunöñ asakmararañi aka kukösumñi kondeliga mianğöra köwak pukpuköba möpömöpöse jike (tempöl) kokolak qeiga kunñan kun Suep jike mi öñğö-öñğögö dop qahö ahök. Suep garata 7 yeñön mutuk qambiñini mokogetka lömböt kanjamñinambuk 7 asuhaba öñinambuk akñei, mianğö andöñe ölop kunbuk öñğöme. Mewö.

## 16

### *Qambi 7 mokogetka Anutugö irimsesewölñan asuhuyök.*

<sup>1</sup> Möpömöpöse jike (tempöl) uruñeyök qet ketani kun asuhuiga Suep garata 7 mienğöra keu kewö jim kutuiga möral, “Inini anda Anutugö irimsesewölñan qambi 7 numbuñe kota ahözawi, mienğö ölni mönö gölmenöñ mokome.”

<sup>2</sup> \*Suep garata mutukñan mosöta anda qambiñağö ölni mi gölmenöñ mokoyök. Mokoiga uzi imbilonñambuk sihimbölöñini tandökñi sohosoñi mi qeçetal ambazip

\* 15:3: Eks 15.1; Jer 10.7; Sum 86.9 \* 15:5: Eks 38.21 \* 15:8: Eks 40.34; 1 Kiñ 8.10-11; 2 Hist 5.13-14; Ais 6.4

\* 16:2: Eks 9.10

yenğö silenine asuhuget. Ambazip jemnembagö munğem supapni silenine memba imutjanğö waikni memba möpöseigeri, mönö yenğö silenine asuhuget.

<sup>3</sup> Yahötñi yanön mosöta anda qambınanğö ölni mi köwetnön mokoyök. Mokoiga köwetnön melenđa sep ahök. Mönö azi qeqenğö sepni ewö ahök. Mewö aiga köwet uruñe yuai pakpak malmalnambuk maljei, mi mönö lökñanök kömum teköget.

<sup>4</sup>\*Suep garata karöbutñan qambınanğö ölni mi o töwatñi aka o jeni miangören mokoiga melenđa sep aka dop kölok.

<sup>5</sup> Mewö aiga Suep garata o galöm kölakzawañön keu kewö jiiga möral, “O Anutu töröñi, göñön keu kewöta kewö jim tekönönğa lömböt ki asuhuzawañöra diñdiñi akzan. Mönö solanñi mala kota maljan.

<sup>6</sup> Yenön göhöreñ ambazip sarakni aka kezapqetok ambazip enğuba malgetka sepñinan mokoyök. Göñön i enğugeranğö likepni melenđa sep enğinönğa negeri, mi mönö dopñe alnönğa qakñine öngöyök. Miangöra Anutu göñön mönö diñdiñanök akzan.”

<sup>7</sup> O galöm kölakzawañön mewö jiiga keu kun altanöhök kewö kaiga möral, “Keu mi ölna! O Kembu Anutu kukösum pakpakö Tonji, göñön mönö ambazip keuñini kewöta diñdiñanök jim teköm enğimakzan.”

<sup>8</sup> Suep garata 4:ñan qambınanğö ölni mi wehön jene mokoiga miangören wehön ösum wanğiiga könöpni kötökni aka ambazip könöp ewö enğohoyök.

<sup>9</sup> Wehön jeni könöpñambuk miangören enğohoiga silenini dölatiyök. Anutunön lömböt kanjamñinambuk miengö Tonji aka ali qakñine öngöyöhi, ambazipnön mi möta miangöra Anutugö qetni jim qesuahöm wanğiba malget. Mewö malgetmö, Anutu möpöseiba qetbuñani mem sehimeğöra mönö uruñini qahö melengetmö, toroqeba yanğiseñ aka malget.

<sup>10</sup> Suep garata 5:ñan qambınanğö ölni mi jemnembagö jakömbuak dumnön mokoyök. Miangören mokoiga söñaup ketañan jemnembagö ömetohonji (kingdom) mi dop köla pandaman meyök. Pandaman meiga ambazip irimñini sehiliğa nesilamñini jitñinan yöhötigetka tinğirök.

<sup>11</sup> Ambazipnön sihimbölo aka uzi nömböñinanğö sihimböloñi ketañi möta miangöra Suepkö Anutuñi mi jim qesuahöm wanğiba malget. Mewö malgetmö, ahakmemenini böloñi aka memba malgeri, mi qahö kewöta mosöta uruñini qahö melenget.

<sup>12</sup>\*Suep garata 6:ñan qambınanğö ölni mi o töwatñi ketañi qetni Yufreitis miangören mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yenön o jöpköiga kunbuk qahö pañpañğögetmö, kutuba kameğö könañi mönö asuhuyök.

<sup>13</sup> Miangörenök uba öme böloñi karöbut tandökñini kañ ewö mi engekiga sekak namñi ilikñambuk, jemnemba aka kezapqetok azi takapulakani yenğö numbuñineyök kota etket.

<sup>14</sup> Ömewöröme mienön eta anda anğöletotñi könañi könañi ahakze. Mewö aka gölmeñi gölmeñi pakpak liliköba kiñ kembuñini engeka Anutu tuarenjon aqñegöra uruñini kuñguba kewö jiget, “Mönö mindirim anğuba Anutu kukösum pakpakö Tonjanğö nalö ketañe mohotñe bim aubin.”

<sup>15</sup>\*Jisösnön jiza, “Kezap alget! Nönön mönö yonğorö meme ewö ölöñ kamam! Kunñan uruguliguli malmawi, yanön mönö simbawon akza. Sile aukñe lañ anda kaiga gamuñi ekepüköra sile esuñi galöm kölakzawañön mönö oyaenğoyaen aqña.”

<sup>16</sup>\*Öme welenqeçe yenön kiñ kembuñi kembuñi mi kuñguba enğuanğita gölme köröñi qetni Hibru keunön Armagedon jizei, miangören qezaköba al enğigetka enğehal. Mewö.

\* **16:4:** Eks 7.17-21; Sum 78.44; Eks 10.21 \* **16:12:** Ais 11.15 \* **16:15:** Mat 24.43-44; Luk 12.39-40; Ind 3.3

\* **16:16:** 2 Kiñ 23.29; Zek 12.11

17 Suep garata 7:ɲan qambiɲaŋgö ölni mi könakemba mokoyök. Mokoiga möpömöpösei jike (tempöl) uruɲaŋgö jakömbuak dumɲeyök qet ketani kun asuha keu kewö kaiga jiyök, “Mi lök mokogetka asuhum teköza.”

18 \*Mewö jiiga mianğoreɲök wölbilik aiga wölpöndaɲ giliga giɲgururuɲ qeta ahöiga kenöɲ jitiɲi buburatiɲi kun meyök. Iw (Ewa) Adam yetkö nalönöhök könahiba gölmenöɲ mala korini, nalö mianğoreɲ kenöɲ mewöɲi kun qahö gilgilɲa. Mianğö dop tandökɲi sohosohöɲi giliga bölöɲi kötökɲi ahök.

19 \*Mewö asuhuiga siti ketani Babilon mianğön jula bahöɲi karöbut aket aiga kantriɲi kantriɲi pakpak miengö sitiɲini mi mewöɲanök ayuha meleni geget. Anutunöɲ siti qetbuɲaɲambuk Babilon miengö bölöɲamɲini qahö ölüm qeiga likepɲamɲini meleni enɲiyök. Anutunöɲ urukönöp aka irimsesewölɲan qambi kokolak qeba taröhi, mi mönö mokom enɲiiga qakɲine öngöiga wain o ewö neget.

20 Köwetnöɲ gölme jölani pakpak ahögeri, mi mönö kök ala sömuniget aiga kundunɲi kundunɲi kingeri, mi mönö mewöɲanök ayapköba qahöwaket.

21 \*Mewö asuhuiga ais köti ketani lömbötɲini 45 kilogram mienğön suepnöhök ambazip qakɲine erök. Lömböt kanjamɲambuk mi tandökɲi sohosohöɲi ahök. Kie köti tandökɲi mewö mianğön eta enɲuiga ambazipnöɲ mianğöra Anutu jim qesuahöm wanɲiget. Mewö.

## 17

### *Ambi kunöɲ jemnembagö qakɲe tari ehal.*

1 \*Suep garata 7 qambi 7 mi memba kingeri, yeɲğoreɲök kunɲan kaba nöngöra keu kewö jiyök, “Gi mönö kanöɲga köna ketanaŋgö ambi qetbuɲaɲambuk o gwötpuk miengö qakɲine tatzawi, mi kondel gihimam. Anutunöɲ keuɲi kewöta likepɲi meleni qakɲe öngöi malja.

2 \*Gölmegö kiɲ kembuɲi kembuɲi yeɲön yambuk serowilin aka malget. Könagesöɲinan gölmenöɲ maljei, yeɲön mönö mewöyök ambi mianğö serowilinɲaŋgöra aka uruɲini wahöta sohoiga kahalalom aket. Wain o nempa enololon ahakzei, mönö mianğö dop könahiba sero yonğorö aka mala kahapmahap aket.”

3 Mewö jiiga Uɲa Töröɲan nömeiga alburupɲan qakne öngöiga Suep garata mianğön noaɲgiriga gölme qararaɲkölkölɲe aɲgoral. Mianğoreɲ aɲgota ambi kun jemnemba pisikɲi pötpöt yaŋgö qakɲe tariga ehal. Jemnembagö silene mepaqepaik qetɲi qetɲi ohogetka kokolak qeiga nöropɲi 7 aka ilikɲi 10 mewö kinök.

4 \*Ambi mianğön opo söro pisikɲi gugakgugak aka pisikɲi pötpöt mi löngöta tarök. Aködamunɲi goul, jamönɲiɲ ölninambuk aka kösatorom tosatɲi mianğön meɲölöm aɲguiga tandökɲan kölköl-bilikbilikɲambuk ahök. Böröɲe goul qambi memba taröhi, mi serowilin aka malöhaŋgö aɲğöjörakɲi imbilonɲonambuknöɲ kokolak qeɲeɲa.

5 Ambi mianğö mesoholɲe qetɲi tölapɲi mi kewö ohogetka ahöyök, “Babilon qetbuɲaɲambuk, gölmegö köna ketani ambazip aka aɲğöjörak imbilonɲonambukö namɲini.”

6 Qetɲi mewö ahöiga Anutugö ambazip sarakɲan Jisösgö könaɲi naɲğöba böɲ qeba kind a jiba malgeri, mi enɲuba sepɲini nempa mianğöra kahalalom ahöi ehal. Mi eka aurum tililingöyal.

7 Aurum tililingöbiga Suep garatanöɲ nöngöra keu kewö jii möral, “Gi mönö denöwögöra aurum tililingözan? Nöñön ölop ambi kianğö könaɲi tölapɲi indel gihimam aka jemnemba nöropɲi 7 aka ilikɲi 10 ambi mi bisimakzawi, yaŋgö könaɲi tölapɲi mi mewöyök indela jim miwikɲaim gihimam.

8 \*Jegi meleniɲiga jemnemba ekzani, yaɲön mutuk malökmö, nalö kewöɲe je-

\* 16:18: Ind 8.5; 11.13, 19 \* 16:19: Ais 51.17; Ind 6.14 \* 16:21: Eks 9.23; Ind 11.19 \* 17:1: Jer 51.13 \* 17:2: Ais 23.17; Jer 51.7; Ind 13.1 \* 17:4: Jer 51.7 \* 17:8: Dan 7.7; Ind 11.7; Sum 69.28

buk qahö malja. Yanön ömewöröme yengö löm dutni qahö miangörenök guliba wahötmapmö, Kraistnöŋ kaköm waŋgiiga könöp sianöŋ gema. Anutunöŋ Suep gölme miwikŋaim etkiyöhi, nalö miangörenök könahiba gölmenöŋ mala kotketka qetŋini malmal köhöikŋangö papianöŋ qahö ohoget ahözawi, ambazip mienön mönö jemnemba eka aurume. Jebuk malökmö, nalö kewöŋe jebuk qahö malja aka kōnaŋgep kunbuk guliba asuhumawi, miangöra mönö aurume.

<sup>9</sup> “Nini keu ki möt asaribingöra möringa mötkutukutuŋan kewö ahöza: Nöröpŋi 7 mi ambinöŋ kundunŋi 7:gö qakŋine tatzawi, mönö kundunŋi miengö söpsöpŋi akze.

<sup>10</sup> Nöröpŋi 7 mi mewöyök kiŋ kembu 7 miengö kaisöpsöpŋi akze. Yengörenök 5 lök kömumba etketka 6:ŋi yanön mala ambazip galöm köl engimakza. Qöndökŋan bian asuhumawaŋgö dop akza. Yanön asuhumawi, miangören mönö nalö töröpŋi kukösum qakŋe kinmawaŋgö dop akŋa.

<sup>11</sup> Jemnemba malökmö, nalö kewöŋe qahö toroqeba maljawi, yanön 7 yengörenök kun akza. Yanön kunbuk guliba nanŋak kiŋ kembu jaŋgöŋi 8 akŋa. Mewö akŋapmö, Kraistnöŋ köndenŋ waŋgiiga ayuhuba könöp sianöŋ gema.

<sup>12</sup> \*<sup>“</sup>Ilkŋi 10 engekzani, mi mönö kiŋ kembu 10 miengö kaisöpsöpŋini akze. Yeŋön qahö könahiba ambazip galöm köl engimakzemö, Anutunöŋ kōnaŋgep kukösum enŋiiga kiŋ kembu ewö akŋe. Mewö aka jemnembabuk aua mohotkö dop ambazip galöm köl engiba malme.

<sup>13</sup> Kiŋ kembu 10 mienön mötmöt areŋ mohot miyök wuatangöba jemnemba naŋgöba kukösumŋini i waŋgigetka malma.

<sup>14</sup> Ösumŋini mewö mindiriba Lama moröŋi tuarenjoŋ aka bim aumemö, Lama moröŋan mönö luhut al enŋiiga etme. Yanön kiŋ yengö Kiŋini aka azi kembu yengö Kembuŋini akza. Yanön neŋgohola möwölöhöm neŋgiiga yambuk pōndaŋ kinda malbini, neŋön mönö mohotŋe luhut al engiba köiraŋ kölbin.”

<sup>15</sup> Suep garatanöŋ keuŋi mewö jiba toroqeba kewö jii möral, “Kōna ketaŋangö ambi ketaŋan o gwötpuk miengö qakŋine tariga engek teközani, o mi ambazip kantriŋi kantriŋi miengö kaisöpsöpŋini akze. Yeŋön kambuŋini aka bem isikŋinaŋgö dop likeplikep tat angetka silenŋini kōnaŋi kōnaŋi aiga keuŋini tandökŋi murutŋi murutŋi jimakze.

<sup>16</sup> Jegi melenŋiga ilkŋi 10 engekzani, yeŋön mönö ösumŋini jemnembabuk mindiriba kōna ketaŋangö ambi mi kazik ak waŋgigetka kewö asuhuma: Yeŋön öröyuaiŋi pakpak kiom qegetka piromŋi aiga opo söröŋi köteköm tekögetka sile aukŋeyök aiga busuŋi nemba sihitŋi könöpnöŋ ohogetka jem teköma.

<sup>17</sup> “Mewö asuhumawi, mi Anutunöŋ kiŋ kembu miengö uruŋini kuŋguba sölölohöm enŋiiga urumohot aka mindiriba akŋe. Anutugö mötmöt areŋi mönö mewö wuatangöme. Miangö dop kukösumŋini jemnemba waŋgigetka ambazip galöm köl engiba malma. Mewö maliga Anutugö keuŋan öljambuk akŋawi, nalö miangören teköma.

<sup>18</sup> Ambi tari ekzani, mi siti qetbuŋaŋambuk toŋan gölmegö kiŋ kembuŋi kembuŋi galöm köl engimakzawi, mönö kiŋ miangö söpsöpŋi akza.” Mewö.

## 18

### *Babilon siti köndengetka gororöŋgöma.*

<sup>1</sup> Miangö andöŋe Suep garata kun kukösumŋi öŋgöŋgöŋi ekiga Suepnöhök asuhuba eriga asakmararaŋan gölme mem asariyök.

<sup>2</sup> \*<sup>“</sup>Eta köhöikŋanök silata kewö qerök, “Babilon siti ketaŋi mi köndenget. Mi öljā köndengetka gororöŋgoyök. Ambazip qahöwaketka öme wöröme kōnaŋi kōnaŋi yeŋönök mönö tokoba miriŋini miangören megetka yengö gölmenŋini bohonŋi ahök. Neiŋi neiŋi

\* 17:12: Dan 7.24 \* 18:2: Ais 13.21; 21.9; Jer 50.39; 51.8; Ind 14.8



dönqizinjinambuk aka imbilonjoninambuk mienjönök mönö mianğoreñ tokoba aipñini lan ala öñsöñ malje.

3 \**“Anutunöñ mi kewögöra jiiga köndenget: Kantri pakpak yeñön ambi mianğö serowilinñangöra aka uruñini wahoriga enjololon aketka Anutugö irimñi sehooliyök. Irim-sesewölñi mi qakñine öngögiga wain o nemakzeangö tandök mötket. Gölmegö kiñ kembuñi kembuñi yeñön ambi miambuk sero namböñnamböñ aka malget. Kölköl-örörö ambazipnöñ gölme dop mianğoreñök kaba sukinap aködamunñinambuk bohonñi memapköra algetka önöñi qahö öröba siyonşayonñi qahö malök. Yangö örömgöjup memgöjupñangöra aka yeñön pomñi kindinbirik aka öngöngöñi aket.”*

4 \**Mianğö andöñe Suepnöhök kunöñ keu jiiga kewö möral, “Nöñgö könagesöurupni, inini mönö siti mi mosöta yaigep etket. Ambi mianjön siñgisöndok ahakzawi, mianjön mönö enğualöñni yambuk kindu uruñini tölohobepuk.*

Anutunöñ likepñi melen enğıga lömböt kanjamñinambuk qakñine öngömei, lömböt mewöñi kunöñ mönö nanñini qakñine öngögiga mewöyök sihimbölo mötpepuk. Mianğöra yembuk mönö kude mindiriba malme.

5 \**Ambi mianjön siñgisöndokñi aka qaknöñ qaknöñ aliga öngöba lök suep misirim teköza. Kegwek-kahasililin aka malgeri, Anutunöñ mi mönö nanñi mötmötnöñ ala mianğöra qahö ölum qema.*

6 \**Ahakmeme gonğonñi tosatñi ak enğiba malgeri, inini mönö mianğö dop melen da ak enğime. Bölonñi aka memba malgeri, inini mönö mianğö likepñi sömañi yahötkö dop melen enğıgetka qakñine öngöma.*

Siñgisöndokö qambiñi nemegöra mokoba malgeri, nanñini qambi mianğoreñök mönö sömañ yahötkö dop uba melen da wain o kömbukñi kötokñi mi enğöra mokoget neme.

7 \**Ambi mianjön sukinap aködamunñinambuk önöñi qahö öröba qetbuña öngöngöñi mi-wikñaiba siyonşayonñi qahö malök. Mianğö likepñi mönö nanñi ihileknöñ ohotiriba ip özöpañnöñ sihimbölo önöñi qahö ak wañğıgetka jinğen köla wösöbirik malma. Nanñi uruñe kewö mötmöriba lan jimakza,*

‘Nöñön qin ambi kembugö jakömbuak dum tatatñe tatzal. Malö qahö akzal aka nalö kunöñ jinğen qahö kölmam.’

8 \**Mewö lan jimakzawangöra aka Anutunöñ likepñi melen wañğıga nalö mohotkö uruñe yangö qakñe öngöma.*

Kembu Anutunöñ keuñi kewöta jim teköm wañğıyöhi, yangö kukñan mönö öngöngöñi akza.

Mianğöra lömböt kanjamñinambuk könañi könañi mienjön mönö zilañ kewö asuhum wañğime:

Tinitosolomñan kömugetka jinğen köla bödi tariga nanñi könöpnöñ ohogetka jema.”

9 \**Könöpnöñ ohogetka jeiga köwak wahötmawi, kantrinñi kantrinñi pakpak miengö kiñ kembuñinan mi eka mönö amburereñ aka sahötme. Kiñ kembu mienjön yambuk serowilin aka malget. Sukinapñi aködamunñinambuk önöñi qahö mianğö nem söñğaipñi yambuk ala söñğaiiba malgeri, yeñön mönö yangöra aka jinğen kölme.*

10 \**Jinğen köla ihileknöñ ohotirigetka ip özöpañnöñ sihimbölo önöñi qahö mötzawi, mianğöra mönö töwöratiba tikep kindu kewö sahöta jime, “O Babilon siti qetbuñañambuk, lömböt qakñine öngöyöhanğöra mönö Yei! Yei! jiba sahötzin. O siti kukösumñini ketanñi, Suep Toñan likepñi melen enğıga ösumok aua mohotkö uruñe qakñine öngögiga sihimbölo ketanñi mötze. Yei Yei! jiba sahötzin!”*

\* 18:3: Ais 23.17; Jer 51.7 \* 18:4: Ais 48.20; Jer 50.8; 51.6, 45 \* 18:5: Jen 18.20-21; Jer 51.9 \* 18:6: Sum 137.8; Jer 50.29 \* 18:7: Ais 47.7-9 \* 18:9: Eze 26.16-17

11 \*Kantriñi kantriñi mienğö kölköl-örörö ambazip yeñon mewöyök ambureren akçe. Kunjan toroqeba yeñgö inañini bohonñi qahö memakñawanğöra mönö jinğen köla sahötme.

12 \*Aködamunñini goul, silwö, jamönjin ölñinambuk aka sorom kötni mi Babilon yeñon me tosatñan qahö bohonñi meme. Oponini tuat lalamñi, pisikñi gugakgugak, pisikñi pötpöt aka opo qetñi silk mi qahö bohonñi meme. Ip qetpuk könañi könañi mienğö kemañini aka börösöwöñini könañi könañi mi qahö toroqeba bohonñi meme. Aködamunñini elefant sihitñan memeni, mi öne ahöme. Dum tebol yuainini ip söngöröñini ketani in, qönqön, mihinik, nanim aka yuari mianñon memeni, mi öne ahöme. Börösöwö ain gohotñi brons aka ain injañan memeni aka köt qetñi mabol mianñon memeni mi mönö öne ahöme.

13 Babilon yeñon kömusönönik (sinamon) aka gipñi tosatñi mi qahö bohonñi meme. Silegö sanda qetñi mör, jiniñ samburup aka sile ömön tosatñi mi qahö bohonñi meme. Wanafu, berat, wölömjikjik aka wörönñi asuhumapkö yuai tosatñi mi qahö bohonñi meme. Mewöyök wain o, oil ipkö oilñi, wit kötni aka flaua nenenñi mi qahö bohonñi meme. Bulmakau, lama, hos aka hos kare mi qahö bohonñi meme. Mutuk welenqeçe ambazip bohonñini memba nupnön al engigetka sile me urumötmötñinan böliba ayuhuyök. Mewö qahö toroqeba ahakçe.

14 Kölköl-örörö ambazip yeñon Babilon ambi mianğöra kewö jime, “Ip ölñi nemamğö sihimñi möta eröm ota malnöñi, mi mönö qahöwaketka öne maljan. Töhötmöriamgi aka sukinapki aködamunñinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikñaimanağö dop qahö.”

15 \*Kölköl-örörö ambazip sukinapñini mewö mewö bohonñi memegöra ala siti mianğorenök moneñ goul (guli dötnam) öröba qetbuñanambuk aket. Yeñon tikep kingetka tosatñan ihileknön ohotirigetka ip özöpañnön sihimbölä önöñi qahö möröhi, mianğöra mönö auruba sahöta jinğen kölme.

16 Jinğen köla kewö jime, “O siti ketani, lömböt qakñine öngöyöhanğöra mönö yei! yei! qeta jinğen köljin. Yeñon oponini tuat lalamñi, pisikñi gugakgugak aka pisikñi pötpöt mi löngötket. Aködamunñini goul, jamönjin ölñinambuk aka kösatorom tosatñan meñölöm anğugetka tandökñinan kölkölbilikñinambuk aket.

17 \*Mewö aketmö, sukinapñini mewöñi önöñi qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wançe pilot pakpak aka ambazip wanğenön anda kamakzei, yeñon mewöñanök körek Babilon siti ohoget jeiga köwakñi mi tikep kinda ekçe. Mewöyök wançe ambazip opo seri mörörengögetka luhutnön nanğöi anakzei aka köwetnön nup tosatñi memba malmalñini nanğömakzei, mienñon mönö körek pakpak mi tikep kinda ekçe.

18 \*Ambi ketani qetbuñanambuk ohoget jeiga könöp bölamñanğö köwakñi wahötmawi, mi tikep kinda eka ambureren aka kewö jime, “Siti qetbuñanambuk kianğö alanñi mönö nalö kunön qahö ahöyök.”

19 \*Mewö jiba sömsöm urata kau ariba qeta jinğen köla unduba sahöta kewö jiget, “O siti ketani, aua mohotkö uruñe yuaini pakpak mönö ayuhuba ayapköba qahöwahök. Ambazip wanğenambuk pakpak köwetnön anda kaba sukinapñini bohonñi memegöra ala mianğorenök moneñ goul (guli dötnam) sehisehini örögetka siti mianñon qetbuñanambuk ahök. Lömböt qakñine öngözawanğöra mönö yei! yei! jiba sahötzin.” Mewö jiget.

20 \*Yeñon ahakmeme gonğoni tosatñi ak engiba malgeri, Anutunön mönö mianğö keuñi jim teköba likepñi melenñiga qakñine öngöiga sihimbölä ketani mörakze. Mianğöra Suep mire maljei, inini mönö yanğöra aka köirañ kölme. Anutugö ambazip sarakñi, aposolurupñi aka kezapqetok ambazip inini mönö söngaiba saurenğeba malme.

\* 18:11: Eze 27.31, 36 \* 18:12: Eze 27.12, 13, 22 \* 18:15: Eze 27.31, 36 \* 18:17: Ais 23.14; Eze 27.26-30  
\* 18:18: Eze 27.32 \* 18:19: Eze 27.30-34 \* 18:20: Dut 32.43; Jer 51.48

21 \*Miangö andöñe Suep garata ösumñi öngöñgöñi kunöñ kaba köt keta bölökñi memba wahöta köwetnöñ gili geiga kewö jiyök, “Anutunöñ siti ketanji qetbuñañambuk mi mönö kiangö dop könöpuk köndenña meleşni geba qahöwak teköma. Qahöwak teköiga könañgep nalö kunöñ qahö miwikñaimañgö dop akña.

22 \*\*Inini siti miangöreñ kömam köla gita kulele qeba awölop tömun uba liñet köla undu-malgeri, miangö kourukñi mönö nalö kunöñ kunbuk qahö mötme. Babilon engöreñ ambazip mötmöt nupñini könañi könañi memba malgeri, mi mönö teköyök. Dokta didiman, qaçazu klak aka mewöñi mi miangöreñ kunbuk qahöpmañ miwikñaim engime. Wit padi kötni jamönñiñ yahötkö sutñire möjöjahögetka (mill) kourukñi asuhuyöhi, miangö isikusukñan mönö qahöwahiga sitinöñ mönö göröñ qeba ahöma.

23 “Mutuk sitiñinañgö mirinji pakpak mi kiwañinambuk asarigetmö, asakñi miangön mönö bököiga pandaman ahöma. Azigö andöurupñinan ambigö mam bohonñi bau añguba börum megetka ambigö sepkitipurupñan köirañ ala nem jöwösök aka sösongai almalgeri, oköirañ mewöñañgö kourukñi mi mönö kunbuk mötmeañgö dop qahö. Babilon engö kölköl-örörö ambazip mi kantrinji kantrinji miangöreñ möt engigetka qetbuñañinambuk aka malget. Yeñgöreñ qarösongo amötqeçe ambazip mi gölme dop ambazip uruñini mem sohogetka janjuñ aka malget.” Suep garatanöñ mewö jiyök.

24 \*Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yeñgö sutñine töndup taköwölañ aka enjuget kömugetka sepñinan erök. Yeñgöreñ sep aka gölmenöñ ambazip tosatñi enjugetka kömumalgeri, körek yeñgö sepñinañgö kitipñan mönö yeñgö qakñine öngöi malget. Könañamñini mewö miwikñaigetka ahöyök. Mewö

## 19

### *Suep yeñön Babilon geyöhañgöra Anutu möpöseiget.*

1 Miangö andöñe Suepnöhök keu kun mötpiga kambu ketanji yeñön köhöikñanök saureñ liñet köla qetzei, mönö miangö tandöktandök asuhui kewö jiget, “Anutu möpöseizin aleluya! Anutunöñ amöt neñguba neñgömeiga yañgö buñaji akzin. Anutuninan kukösum Tonji aiga möpöseim wañgiinga qetbuñañambuk akza.

2 \*Anutunöñ mönö keu ölnañgö dop ambazip keuñini kewöta diñdiñanök jim teköm neñgimakza. Köna ketanji ambi serowilin aka mewö miangön ambazip gölme dop mem bölim engiba malöhi, Anutunöñ mönö yañgö keuñi kewöta jim teköyök. Ambi miangön Anutugö nup meme ambazip enjuiga sepñinan eröhi, miangö likepñi mönö meleş wañgiiga qakñe öngöiga sihimbölö möta malja. Miangöra Anutu möpöseim wañgizin.”

3 \*Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop teteköñi qahö wahöta öngömakña. Miangöra Anutu möpöseim wañgimakzin, aleluya!”

4 Mewö qeta jigetka Anutugö jitñememe bohonñi 24 aka bem jembon 4 mienön mönö bangöba simin köla Anutu, jakömbuak dumñe tatzawañgö waikñi memba möpöseiba kewö qetket, “Keu mi ölna, aleluya!”

### *Lama moröñañgö maren lömbuañ*

5 \*Mewö qetketka jakömbuak dumñöhök keu kun kewö asuhuyök, “Anutugö nup meme ambazip ketanji moröñi jitñi ongitpinbuköra keñgötñini mörakzei, inini mönö körek pakpak Anutunini möpöseiba malme.”

6 \*Keu mi asuhuiga keu kun mörali, mi kiangö tandöktandök: Kambu ketanji yeñön liñet köla qet qerakzei aka o sianöñ tonjala kiniga ötoñi asuhumakzawi aka wölpöndandañ ketanjan qeiga giñgururuñ asuhumakzawi, keu mi mönö miangö tandöktandök ewö

\* 18:21: Jer 51.63-64; Eze 26.21 \* 18:22: Eze 26.13; Ais 24.8 \* 18:22: Jer 7.34; 25.10 \* 18:24: Jer 51.49 \* 19:2: Dut 32.43; 2 Kir 9.7 \* 19:3: Ais 34.10 \* 19:5: Sum 115.13 \* 19:6: Eze 1.24; Sum 93.1; 97.1; 99.1

asuhuiga kewö jiget, “Kembu Anutunini, kukösum pakpakö Tonjan mönö könahiba gölme dop galöm köl engiba kinj Kembuñina aka malma. Mianğöra Anutu möpöseizin, aলেখুয়া!

<sup>7</sup> Lama moröñangö ambi buñanjan mönö marengö möta nannji mözözömgöba jöjöröm anğuiga anğuiga ambi memegö nalöñan mönö kam kuñguiga maljin. Mianğöra neñon mönö köiranj köla söñgaiba Anutu möpöseim wanğiinga qetbuñanjan sehimakña.

<sup>8</sup> Anutunöñ maluku tuat lalamñi asakmararañambuk mi enğiiga löñgötket.” (Maluku tuat lalamñi mi ambazip sarakñi yeñgö ahakmeme solanñangö kaisöpsöpñi, mönö mianğöreñ löñgöt anğuget.)

<sup>9</sup> \*Kambu ketanangö tandöktandök mewö qeta jigetka Suep garata qambiñambuk mianñon mönö toroqeba kewö jii möral, “Keu ki mönö ohoman: Anutunöñ ambazip enğoholiga Lama moröñangö maren (ambi memegö) lömbuañnöñ kanğotmei, yeñon mönö simbawoñ akze.” Mewö jiba dumñe kunbuk nöñgöra kewö jiyök, “Keu mi mönö Anutugö keu öl töhöññi akza.”

<sup>10</sup> Suep garatanöñ mewö jiiga nöñon mianğöreñök yanğö waikñi memba möpöseim wanğimamgö möta yanğö könaje simin köla sipköyalmö, nöñgöra kewö jiyök, “Aek! Mewö kude akñan. Gi aka göhö urumelenj alaurupkan Jisösgö könani nanğöba jiba malgetka welen qem enğimakzini, nöñon mönö yeñgöreñök kun akzal. Jisösnöñ Buña keu ölni indelöhi, mianğö ösumñan mönö kezapqetok ambazip inahöm enğiiga Uña Töröñangö keuñi möta jim sehiget. Mianğöra mönö Anutugöra sipköba waikñi memba möpöseiba malman.” Mewö.

*Kraistnöñ yarö kambuñi yembuk bim aubingö anget.*

<sup>11</sup> \*Nöñon Suep anañjiiga hos tuatñi kun ekiga kayök. Qakñe tariga kayöhanğö qetñi mi Pöñdanj Kinkin (Jembon onji nene) aka Azi Ölbölni. Qetñi mewö qerakzei, yanñon keu diñdiñi wuatangöba keu kewöta jim teköba mianğö dop bim qemakza.

<sup>12</sup> \*Jeñan könöp bölam tandök jeiga nöropñe ila jalö gwötpuk kölgetka qetñi aukñe ohohoña kayök. Qetñi nannök mötzapmö, kunöñ kun mi qahö mötza.

<sup>13</sup> Malukuñi sepnöñ kusakusaholñi mi löñgöta kayök. Qetñi qerakzei, mi Anutugöreñ keu.

<sup>14</sup> I wuatangöba kageri, mi Suep mirigö yarö azi kambuñi kambuñi. Yeñon hosñini tuatñi enğomemba qakñine tata malukuñini tuat lalamñi sarakñi löñgöta kaget.

<sup>15</sup> \*Suahöñinangö numbuñeyök bingö sou ketani (bainat) jitñi zuluk alalñambuk kunöñ kayök. Mi kantriñi kantriñi enğuba luhut al enğimapköra aka kayök. Yanñon galömkölkölgö ain öröpñan kantri dop qindiñaiba galöm köl engiba malma. Yanñon Anutu kukösum pakpakö Tonangö wain joutñi ketani tözöhölma. Wain jout mi Anutugö irimsesewölñi urupikñambukö kaisöpsöpñi akza.\*

<sup>16</sup> Malukuñe qetñi kun ohogetka marömñe kewö kinök, “Kinj yeñgö Kinini aka azi kembu yeñgö Kembuñini.” Mewö.

<sup>17</sup> \*Mianğö andöñe Suep garata kun ekiga wehön jeñe kinök. Euyangöreñ kinda köhöikñanök qeta neñi neñi suep bibiñi kutuba könakemba bölbölgöba anakzei, mönö körek mi enğohola kewö jiyök, “Inini mönö kame-e! Anutunöñ közölömbuañ ketani mözözömgöyöhi, mönö mianğöreñ tokome.

\* **19:9:** Mat 22.2-3    \* **19:11:** Eze 1.1; Sum 96.13; Ais 11.4    \* **19:12:** Dan 10.6    \* **19:15:** Sum 2.9; Ais 63.3; Joel 3.13; Ind 14.20    \* **19:15:** Jisösnöñ Anutugö irimsesewölñi aka urupikñi tözöhölmawi, keu mianğö könani kewö: Nini siñgisöndok ahinga Anutugö irimñi sehiliiga irimsesewölñan qakñine öñgöba ahöma. Toroqeba siñgisöndok aka urunini qahö meleşninga Anutugö irimñan toroqeba sehiliiga urupikñambuk akña. Wain kösögö ölni pisikñi (greip) mianğö kanğeni mi jout ketane ala tözöhölgetka qösököiga onan dutñangö kinimñe lalanöñ geiga baket algetka mianğö uruñe gemakza. Anutugö irimsesewölñi aka urupikñi mianğö söpsöpñi mi wain kösögö ölni. Jisösnöñ mianğö sihimbölöñi möta tözöhöli geiga Anutugö uruñan amöriba teköiga luai asuhuma.    \* **19:17:** Eze 39.17-20



18 Kaba tokoba kiŋ kembu, suahö galöm aka yarö azi yeŋgö busuŋini neme. Hos aka hos qakŋine tarakzei, mönö yeŋgö busuŋini neme. Ambazip körek yeŋgö busuŋini mönö kaba neme. Ambazip öŋgöŋgöŋi eretŋi, nanŋini nupŋini memakzei aka toŋinaŋgö welenŋini öne qemakzei, mönö körek miŋgö busuŋini neme.”

19 Miangö andöŋe jemnemba aka gölmeŋi gölmeŋi yeŋgö kiŋ kembuŋini mienöŋ mönö yarö kambuŋini eŋguaŋgita kaba tokogetka eŋgehal. Kunöŋ hos qakŋe tata yarö kambuŋi yembuk kinöhi, mönö i tuarenjoŋ ak eŋgiba bim aubingöra tokogetka eŋgehal.

20 \*Augetka jemnemba memba jöhöget. Kezapqetok azi takapulakaŋi jemnembagö jitnememba aŋgöletot aka malöhi, i mewöyök jemnembabuk memba jöhöget. Kezapqetok azi takapulakaŋan aŋgöletot aka mianöŋ ambazip tosatŋi kewöŋi mi tilipköm eŋgiiga janjuŋ aka malget: Ambazip jemnembagö supapŋi memba aŋgön kölgeri aka tosatŋan imutŋaŋgö waikŋi memba möpöseiba malgeri, mi mönö tilipköm eŋgiba malök. Etkömemba jöhöba gwölögwölö aköm etkigetka löm salfa kötkö könöp bölamŋan koasikpuk jemakzawi, mönö miangö sianöŋ geyohot.

21 Geyohotka hos qakŋe taröhaŋgö numbuŋeyök bimgö sou ketanŋi (bainat) kayöhi, mianöŋ mönö kiŋ kembu aka yarö azi pakpak mi eŋgiiga kömuget. Kömugetka nei pakpak yeŋön kaŋgota busuŋini uba memba nem timbireŋ aket. Mewö.

## 20

### *Satan jöhögetka yara 1.000:gö dop kösö mire tarök.*

1 Miangö andöŋe Suep garata kun ekiga Suepnöhök erök. Yaŋön ömewöröme yeŋgö löm dutŋi qahö miangö ki moröŋi aka tapep (muŋgamuŋga) ketanŋi kun mi böröŋan memba erök.

2 \*Garata mianöŋ eta sekak namŋi ilikŋambuk (dragon) mi memba (yara) yambu 1.000 tatmawaŋgöra jöhöyök. Sekak namŋi mi möpŋaŋgö möpŋeyök mokolenŋ aka mala korök. Qetŋi alaŋi mi Bölöŋaŋgö Toŋi aka Satan.

3 Yambu 1.000:gö uruŋe toroqeba ambazip kantri dop kuŋguba gölme dop janjuŋ akŋegöra tilipköm eŋgibapuköra jöhöyök. Jöhöba gili ömewöröme yeŋgö löm dutŋi qahö miangöreŋ geiga önunŋi köla sapö ala muŋgem supapnöŋ (sil) qekötahöba ki namŋi misii geiga uruŋe tarök. Mewö tari Suep garatanöŋ kewö jiyök, “Yambu 1.000 teköiga miangö andöŋe Anutunöŋ jii kunbuk pösatketka nalö töröpŋi nupŋi memba malma.” Mewö jiyök.

4 \*Miangö andöŋe jakömbuak dumŋi dumŋi ehal. Anutunöŋ tosatŋi kukösum eŋgiiga ambazip keuŋini jim tekömei, yeŋön mönö dumŋi dumŋi miangöreŋ eta tatket. Mewöyök ambazip Jisösgö könaŋi naŋgöba jigeranöŋa aka Anutugö Buŋa keugöra aka jölŋini yandigetka kömugeri, mönö yeŋgö uŋaŋini eŋgehal. Mewöyök ambazip jemnemba aka yaŋgö imutŋaŋgö waikŋi qahö memba möpöseigeri aka yaŋgö supapŋi mi mesoholŋine me böröŋine qahö memba aŋgön kölgeri, mönö yeŋgö uŋaŋini eŋgehal. Uŋaŋini mi eŋgekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

5 Kömugeri, yeŋgöreŋök tosatŋan kömupnöhök wahötwahöt mutukŋi miangö nalöŋe qahö guliget. Qahöpö, (yara) yambu 1.000 mi mambötket teköiga miangö andöŋe mönö guliba wahöme.

6 Denike yeŋön kömupnöhök wahötwahöt mutukŋaŋgö nalöŋe gulimei, yeŋön mönö oy-aenköyaenŋ aka töröŋi sarakŋi akze. Nalö miangöreŋ gulibagun mönö indimŋi yahöt qahö kömume. Kömup yahötŋaŋgö kukösumŋan mönö yeŋgö qakŋine qahö öŋgöi kömumbingö osime. Yeŋön mönö Anutu aka Kraist yetkö jike nup galömurupŋiri akŋe. Mi aka Kraistpuk (yara) yambu 1.000 mi yuai pakpak galöm köla mal öŋgöme. Mewö.

### *Anutunöŋ Satangö keuŋi jim teköiga etma.*

\* 19:20: Ind 13.1-18 \* 20:2: Jen 3.1 \* 20:4: Dan 7.9, 22

<sup>7</sup> (Yara) yambu 1.000 mi teköiga Satan kösö mireyök (kopurumneyök) pösatketka etma.

<sup>8</sup> \*Eta anda ambazip kantri dop tilipkôm engimangöra gölme dop liliköma. Gölme görañi likeplikkep eu emu anda kaba (uruñini mongosohowa) siksauk ak engiba kantri qetñiri Gog aka Magog mi tok dop köla anma. Anutu tuarenjoñ aka bim qemegöra kuñgum engiiga tokogetka jañgöñinan köwetkö sak kösakö dop akña.

<sup>9</sup> Tokoba kaba kutuba Israel gölme dop köl teköba anda Anutugö könagesö yengö selñini aka Anutugö wölböt sitiñi (Jerusalem) mi liliköba tatme. Mewö tatmemö, Anutunöñ könöp bölam aliga suepnöhök eta jem kutum engim teköma.

<sup>10</sup> Jem kutum engim teköiga Bölöñañgö Toñi tilipkôm engiiga jañjuñ akeri, garata yengön i aköm wañgigetka löm salfa kötkö könöp bölamñan koasikpuk jemakzawi, mönö miangö sianöñ geyök. Mutuk jemnemba aka kezapqetok azi takapulakanñi mewöyök aköm etkigetka miangöreñ geba maljahot. Miangöreñ sungem asak ihileknöñ ohotirim engigetka teteköñi qahö sihimbölo önöñi qahö möta mal öngöme. Mewö.

*Anutunöñ ambazip kömugeri, yengö keuñini jim teköma.*

<sup>11</sup> \*Miangö andöñe jakömbuak dum ketanñi tuatñi aka miangöreñ tatzawi, i ehal. Ekiga suep gölme mi yañgö jemesoholneyök qahöwaka angaiyohot. Angaiba kunbuk etkekinangö dop qahö ahot.

<sup>12</sup> Angaiyohotka ambazip kömukömuñi öngöngöñi eretñi engekiga jakömbuak dum wösöñe kingetka Anutunöñ buk papianñi papianñi kötulök. Papia alanñi kun qetñi malmal köhöikñañgö qet areñ papia mi mewöyök kötulök. Kötula ambazip kömukömuñi yengö keuñini kewöriga ahakmemenñinañgö kösohotñi buk papianöñ ohogetka ahöyöhi, yañön mönö miangö dop oyonda ambazip jim teköm engiyök.

<sup>13</sup> Köwetnöñ kömumba geba malgeri, mi köwet Toñan melenñ engiiga Anutugö jeñe kañgotket. Kömupkö kondotkondot Toñañgö böröñe malgeri, mi Toñi miangön kölenñda al engiyök. Kömumba kömupkö uñem mire geba malgeri, mi miangö Toñan melenñ engiiga Anutugö jeñe kañgotket. Mewö kañgota asuhugetka Anutunöñ keuñini mohot mohot kewöta ahakmemenñinañgö dop jim teköm engiyök.

<sup>14</sup> Jim teköm engiiga kömupkö kondotkondot Toñi aka kömupkö uñem miri Toñi mi aköm etkigetka löm könöp koasikpuk jemakzawi, mönö miangö sianöñ geyohot. Könöp sia miangöreñ gegeri, miangön mönö kömup indimñi yahöt akza.

<sup>15</sup> Anutunöñ kungö qetñi malmal köhöikñañgö qet papianöñ qahö ohogetka ahöi miwikñaiyöhi, i mönö aköm wañgii löm könöp koasikpuk jemakzawi, miangö sianöñ geyök. Mewö.

## 21

*Suep dölökñi aka gölme dölökñi etkehal.*

<sup>1</sup> \*Suep gölme mutukñi yetkôn mewö qahöwaka ayapköyohotka köwetnöñ mewöyök qahö toroqeba ahöyök. Miangö andöñe Suep gölme dölökñi etkehal.

<sup>2</sup> \*Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wañgigetka maluku eksihimñambuk löngöta azi buñañambuk aitoñgömapköra meñölöm anguba jöjöröba aködamunñambuk kinjawi, siti miangön mönö miangö dop aiga ehal.

<sup>3</sup> \*Mi eka kinda jakömbuak dumnöhök keu kun asuhui mötpiga köhöikñanök qeta kewö jiyök, “Eknöñ, Anutugö mirinöñ mönö ambazip sutñine eta ahöza. Anutunöñ sutñine maliga yambuk malgetka nanñak bem Anutuñini aka yembuk mal öngöma.

\* 20:8: Eze 7.2; 38.2, 9, 15    \* 20:11: Dan 7.9-10    \* 21:1: Ais 65.17; 66.22; 2 Pitö 3.13    \* 21:2: Ais 52.1; 61.10; Ind 3.12    \* 21:3: Eze 37.27; Lew 26.11, 12

4 \*Yembuk mala je imbilñini mi lökñanök kutum teköma. Yuai pakpak mutuk ahöyöhi, mianñon mönö qahöwak teköyök. Mianğöra kunbuk qahö kömugetka jinğenkölköl qahö akñe aka toroqeba sihimbölo kun qahö mötme. Yuai kungöra qahö osiba sahötme.”

5 Jakömbuak dumñe tatzawañon kewö jiyök, “Mötnöñ, nöñon jibiga öroyuai pakpak mönö kölönjaiba dölokñi akña.” Mewö jiba jiyök, “Keu mi öl töhönñi uruyahötñi qahö, mianğöra mi mönö papianöñ ohoman.”

6 \*Toroqeba kewö jii möral, “Mi mönö jibiga asuhum teköza. Nöñon mutuhök mala (yuai pakpak miwikñaiba könangep jibi qahöwahiga) qöndökña mal öngöba malmam. Mianğö dop nöñon kulem namñi mutukñi A aka kulem namñi teteköñi Z akzal. Kunñan ogöra mötzawi, nöñon mönö malmal köhöikñangö o jeñeyök o mi kalema wangibiga mianğoreñök söñgöroñi qahö um nemba malma.

7 \*Kunñan lömböt pakpak onğita luhut almawi, nöñon mönö yangö Anutuñi aka yuai pakpak mi wangibiga buñani aiga nöñgö nahönböratni aka qetni bisiba malma.

8 “Mewö malmapmö, tosatñan ambazip jeñine ziriñziriñ aka böñ qahö kinda mötnariñini mosötketka uruñinan tölohozawi, yeñgö miriñinan mönö löm salfa kötkö könöp\* bölamñan koasikpuk jemakzawi, mianğoreñ ahöma. Yeñgoreñ toroqeba ambazip kewöñi yeñon mewöyök mianğoreñ geba malme: Ambazip enğuget kömugetka kaisero qarösongo amötqeçe aka tandö lopion waikñini memba möpöseiba munen keu jimakzei, nöñon mönö i aköm enğibiga sia mianğoreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

### *Jerusalem siti dölokñi mi qainñi kun.*

9 Lömböt kanjamñinambuk qöndökñi 7 mianñon qambi 7 kokolak qegetka Suep garata 7 mienñon mi memba kingeri, yeñgoreñök kunñan kaba nöñgöra kewö jiyök, “Mönö kanöñga Lama moröñangö ambi buñani anömñi akñangö akzawi, mi kondel gihimam.”

10 \*Mewö jiiga Uña Töröñan nömeiga alburupñan qakne öngöiga Suep garata mianñon noañgiriga kundunñi köröpñi qetbuñanambuk kunöñ öngöit. Mianğoreñ öngöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

11 Anutugö asakmararañan mianğoreñ asariiga kölköl-bilikbilikñan goul aka jamönñin ölninambuk söñgöroñini öngöngöñi miengö tandök ahök. Jamönñin ölnambuk qetñi jaspö mi kirin jöhanñi jöhanñi kölköl-bilikbilikñinambuk melenđa asarimakzei, mönö mianğö dop tuatñi ahöyök.

12 \*Kiriponñi öngöngöñi mi aködamunñambuk. Kiriponñangö nanğunñi 12 kingetka kösutñine Suep garata 12 dop köla kinget. Israel könagesögö kambunñi 12 miengö qetñini mi nanğu miengö silenñine ohogetka kinök.

13 Nanğu 12 mi likeplikep eu emu kewö kinget: Wehön kotkotñe karöbut, gegene karöbut, Not likepñe karöbut aka Saut likepñe karöbut.

14 Siti kiripo mi jamönñin tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 mianğoreñ ohogetka kinök.

15 \*Suep garata nömbuk keu jiyöhi, yanñon siti, mianğö kiriponñi aka nanğunñi 12 miengö dopñini dop ala mötmamğöra jöjöröba dop alalgö goul öröpñi (rula mesa) memba kinök.

16 Siti mi arengöba megetka wangömmñi 4 ahök. Likeplikep eu emu köröpñi mi örörön. Köröpñi mohot mohot mi goul öröpñi mianñon dop ala 2400 kilomita mianğö dop ahöi miwikñaiyök.† Andipñi mi mewöyök örörön ahöyök.

17 Suep garatanöñ mewöyök siti kiriponñi mi gölme azigö dopnöñ dop ala 60 mita ahöi miwikñaiyök.

\* 21:4: Ais 25.8; 35.10; 65.19 \* 21:6: Ais 55.1 \* 21:7: 2 Sml 7.14; Sum 89.26-27 \* 21:8: Salfa kötkö könöpñi mi közupkö kötnan jeba göğöriñ qeba jemakzawangö dop akza. \* 21:10: Eze 40.2 \* 21:12: Eze 48.30-35 \* 21:15: Eze 40.3 † 21:16: Kambu 12 mohot mohot miengöra 200 kilomita.

18 \*Siti kiriponji mi jamönjinj ölnambuk qetnji jaspö mianön memenja. Siti nanjak mi goul töhönöhök megetka asakmararanan mönö kirin tuatnangö dop asakasaknambuk asariyök.

19 Siti kiriponangö tandöni mi jamönjinj söngörönini öngöngöni könanji könanji mianön menölöm engigetka aködamunjinambuk kewö aketka engehal: Tandö mutuknji mi jamönjinj ölnambuk qetnji jaspö mundanji injanji tandöktandök. Tandö yahöttnji mi jamönjinj asonji qetnji safaiö, karöbuttnji mi jamönjinj töngöntöngön qetnji ageit. Tandö 4:nji mi jamönjinj göröktnji qetnji emerald.

20 Tandö 5:nji mi jamönjinj pisikpisik qetnji sardoniks. Tandö 6:nji mi jamönjinj pisiknji qetnji karnilian, 7:nji mi jamönjinj qetnji krisolait (qortz), mundanji goul kirin ewö. Tandöni 8:nji mi jamönjinj asonason qetnji beril, 9:nji mi jamönjinj gohottnji qetnji topaz. Tandö 10:nji mi jamönjinj qetnji kalsedoni (krisopreis) mundanji kaukau, 11:nji mi jamönjinj gohotgohot qetnji jeisint (turqois). Tandö 12:nji mi jamönjinj pisiknji gugakgugak qetnji ametist.

21 Siti kiripo nanju 12 mi sorom kötnji welipninambuk 12 mianön memenja. Nanju mohot mohot mi sorom kötnji mohot mohot mianön urasiba memenja. Sitinöj köna ahözawi, mi goul töhönöhök megetka kirin tuattnji ewö asariyök.

22 Siti pakpak yenön Kembu Anutu kukösum pakpakö Tonji aka Lama morönji törörök etkeka urunini lök melenja waikniri memba möpöseimakze. Miangöra jöwöwöl jike (tempöl) kungöra qahö osimakze. Mi qahö ehal.

23 \*Anutugö asakmararanan siti mem asarim enjiiga Lama morönan kiwanjini akza. Miangöra wehön köinj asarimahotköra qahö osimakze.

24 \*Yanön kiwanjini aiga kantrinji kantrinji yenön mönö yangö asakne anda kaba malme. Gölmegö kin kembunji kembunji yenön bunjanini aködamunjinambuk mi enguanngita siti miangörenj alme.

25 \*Siti sönjaupnji qahö, miangöra kiripo nanjunji mi nalö kunöj qahö kölmemö, sundan dop tala kinme.

26 Kantrinji kantrinji yenön urunini melenja aködamunjinangö bunjaninangöra aiwe-liköba qetbunjaninambuk aka malgeri, mi mönö enguanngita siti miangörenj alme.

27 \*Ambazip qettnini malmal köhöiknangö qet arenj papianöj ohogetka ahözawi, yenönök mönö siti miangörenj öngöme. Lama morönan qet arenj papia mi galöm kölakza. Kunjan urunji tölohozawi me angöjörak imbilonlonambuk aka munen keu jimakzawi, yanön mönö miangörenj öngömamgö osima. Mewö.

## 22

### *Malmal köhöiknangö o töwattni ehal.*

1 \*Miangö andöne Suep garata mianön malmal köhöiknangö o jenni kondel ninjiiga Anutu aka Lama morönji yetkö jakömbuak dumnöhök uzumgöba kaba o töwattni ahök. Miangö onji mi kirin jöhanjni jöhanjni kölköl-bilikbilikninambuk melenja asarimakzei, mönö miangö dop tuat lalamnji ahök.

2 \*O töwattni mianön sitigö köna namnji bohonne eta bibinji mötöteiba kutuba kayök. O töwatnangö görane likelike miangörenj malmal köhöiknangö ipnji mi kinök. Ip miangö ölnan mönö (yara) yambu dop sömanji 12, mi köinj mohot mohotkö dop söhöba asuhumakze. Ip miangö sinjan mönö ambazip kantri dop ölöwaknangöra aka kinje.

3 \*Kunjan kun qahö toroqeba alanji saiköba qesuahöma. Anutu aka Lama morönji yetkö jakömbuak dumnjiran mönö siti miangörenj ahöiga Lama morönangö nup meme ambazipurupnan welen gem wanngimakze.

\* 21:18: Ais 54.11-12 \* 21:23: Ais 60.19-20 \* 21:24: Ais 60.3 \* 21:25: Ais 60.11 \* 21:27: Ais 52.1; Eze 44.9  
\* 22:1: Eze 47.1; Zek 14.8 \* 22:2: Jen 2.9; Eze 47.12 \* 22:3: Zek 14.11



4 Welen qem wanğiba jemesoholji eka Anutugö qetnji mesoholjine kösöba mekötahögetka ahöma.

5 \*Miri qahö toroqeba söñauma. Kembu Anutunöñ mem asarim enğimakzawanğöra kiwa asakñanğöra me wehön asakñanğöra qahö osime. Mewö oyaenğkoyaen mala nalö dop teteköñi qahö kiñ kembu ewö galömkölköl nup memba mal öngöme.

6 Mi ekiga Suep garatanöñ nöñgöra kewö jiyök, “Buña keu mötzani, mianñön mönö öl töhönñi uruyahötñi qahö akza. Kembu Anutunöñ kezapqetok ambazip sölölohöm enğimakzawi, yanñön mönö Suep garatanji ni melaim niñgiiga asuhum gihiba malal. Yuai pakpak zilañ asuhumeanğö dop akzawi, mötnarip ambazipurupñan mi mötmegöra mi asuhuba kondel gihial.” Mewö.

*Jisösnöñ kunbuk lilingöba kama.*

7 Jisösnöñ jiza, “Mötket, nöñön mönö zilañ lilingöba kamam. Tosatñan buk kianğö kezapqetok keuñi buña qeba qekötahömakzei, yeñön mönö simbawon akze.”

8 Jon nöñön Buña keu ki möta jeni melenñiga imutñi ehal. Mi möta ek teköba Suep garatanöñ imut ki kondel niñgiyöhi, nöñön yanğö waikñi memba möpöseimamğö möta gölmenöñ eta könañe simin kölal.

9 Simin kölalmö, nöñgöra kewö jiyök, “Aek! Mewö kude aknöñ. Nöñön gi aka kezapqetok alaurupki aka ambazip buk kianğö Buña keuñi buña qeba qekötahömakzei, mönö körek enğö qöhöröñine kinda mohotñe Anutu welen qem wanğimakzin. Nia qahöpmö, mönö Anutu waikñi memba möpöseimakñan.”

10 Mewö jiba nöñgöra kewö jiyök, “Nalö töriza. Mianğöra buk kianğö kezapqetok keuñan tölapñe ahöbapüköra mi papianöñ ohomanmö, mi mönö muñgem supapnöñ (sil) kude qekötahöman.

11 \*Bölöñi memakzawanñön mönö toroqeba mewö memba böliqölima. Tölohoba mal-jawanñön mönö toroqeba tölohoba anğöjörakñambuk aka malma. Ahakmeme diñdiñi ahakzawanñön mönö toroqeba diñdiñanök aka memba malma. Sarakñi ahakzawanñön mönö toroqeba sarakñi kötökñi aka malma.” Suep garatanöñ mewö jiyök.

12 \*Jisösnöñ jiza, “Mötket, nöñön mönö zilañ lilingöba kamam. Kamami, mianğöreñ mönö töwanjini memba kamam. Ahakmemeñini aka memba malgeri, mönö mi kewöta mianğö dop töwanjini mohot mohot al enğimam.

13 \*“Nöñön könakönahije mutukñi mala (yuai pakpak miwikñaiba könañgep jibi qahöwahiga) teteköñe qöndökña mal öngöba malmam. Mianğö dop nöñön A aka Z, kulem namñi mutukñi aka teteköñi akzal.

14 \*“Nöñön ambazip malukuñini galöm kölakzei, yeñgöra kiripo nanğunji öröbiga ölop siti uruñe öngögetka qahö anğön köl enğibiga malmal köhöikñanğö ip ölni neme. Mianğöra opo malukuñini galöm köla sanğonmakzei, ambazip mienñön mönö simbawon aka oyaenğkoyaen akze.

15 “Yeñön oyaenğkoyaen akñemö, tosatñi yeñgöra nanğü köl jöhöbiga yaigep malmei, mi ambazip kewöñi: Kiam ewö kaisero aka qarösoñgo amötqeqe ahakze. Serowilin aka ambazip enğuguet kömumakze. Tandö lopion waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepñe (luhutñe) malme.

16 \*“Jisös nöñön garatani melaibiga liliköba urumelen könagesö enğöra kezapqetok keu ki nanğöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararañnambuk aka asarimakzal.” Jisösnöñ mewö jiyök.

\* 22:5: Ais 60.19; Dan 7.18 \* 22:11: Dan 12.10 \* 22:12: Ais 40.10; 62.11; Sum 28.4; Jer 17.10 \* 22:13: Ind 1.8, 17; 2.8; Ais 44.6; 48.12 \* 22:14: Jen 2.9; 3.22 \* 22:16: Ais 11.1, 10

<sup>17</sup> \*Uŋa Töröŋi aka ambi buŋa yetkön kewö jimakzahot, “Jisös, gi mönö kanöŋ.” Mewö jiyohotka mötmei, inini mönö mewöŋanök kewö jime, “Jisös, gi mönö kanöŋ.”

Kunŋan ogöra mötzawi, yaŋön mönö kama. Kunŋan malmal köhöikŋaŋgö ogöra sihimŋi mötzawi, yaŋön mönö kaba mi kalema möt aŋgön kölma. Mewö.

*Galöm meme aka jöjöpəŋ keu teteköŋi*

<sup>18</sup> \*Nöŋön buk kiangö kezapqetok keuŋi mötmei, körek eŋgöra galöm meme keu kewö jizal: Kunŋan kezapqetok keu kiambuk keu kun toroqeba jimawi, lömböt kanjamŋinambuk asuhumapkö keuŋi buk kiangöreŋ ohoyali, Anutunöŋ mi mönö yaŋgö qakŋe ali öŋgöme.

<sup>19</sup> Kunŋan buk kiangö kezapqetok keuŋi miangöreŋök keu kun qekömawi, Anutunöŋ mönö i aŋgön köliga malmal köhöikŋaŋgö ip ölni qahö nemba siti töröŋe qahö öŋgöma. Miangö keuŋi Anutunöŋ jöhöiga buk kiangöreŋ ohoyalmö, keu miaŋön mönö yaŋgöreŋ ölnambuk qahö akŋa.

<sup>20</sup> Buŋa keu ki naŋgöba jizawaŋön kewö jiza, “Keu mi ölna. Nöŋön mönö zilaŋ lilingöba kamam.”

Mewö jiiga nöŋön kewö jizal, “Keu mi ölna. O Kembu Jisös, gi mönö kanöŋ.”

<sup>21</sup> Kembu Jisösgö kalem möriamŋan mönö körek embuk ahöma. Keu mi ölna.